




2


1/2

E. K. WATERHOUSE

[VALLA

D. 3. 27





CA
Laurentii Vallæ de La

tinæ linguæ elegantia

Lib. VI.

De reciprocatione Sui & Suus

Lib. I.

Eiusdem in Antonium Raudensem annotationum libellus.

In Pogium Florentinū apologeticus & scenicus actus admodum festivus ac facetus.

Iodoci Badii Ascensii in sex de Latinæ linguæ elegantia libros, & libellum de reciprocatione, postrema epitome, ab ipso recognita & excusa abhinc annos quindecim.



PARISIIS.

Ex officina Rob. Stephani typographi Regii.

M. D. XLI.

Raurentii Vallae de La

Lib. VI.

Lib. I.

In Paganis Florentinam apologeticis & poeticis agens

bellus.


admodum scilicet ac fucatus.

Locos Badii Ascensum in loco de Lancia hinc agens

in libris & libellum de translatione postquam est

compositus, postquam est expositus de Lancia hinc agens

cecum.



LIB. VI.

In Paganis Florentinam apologeticis & poeticis agens

bellus.

LAVRENTIVS VALLA IOHANNI TORTELLIO ARE-
tino, cubiculario Apostolico, theologorum facundis-
simo, s.

Libros de linguæ Latinæ elegantia (mi Iohānes
unicum amicitiae specimen, & omnis scientiæ
decus) olim iam tibi debitos, totiesque abs te ef-
flagitatos, & tanquā creditore repetitos, tādē
exhibeo, nominiq; tuo dedico, ac velut æs alie-
num perfoluo: & (vt longioris moræ dem pœnas) etiam cū fœ-
nore, eoque tanto, vt sorti par sit. Nam quū sex essent libri, quos
tibi (cui omnia debeo) repromiserā, nunc totidē ad illos acce-
dūt, eiusdē germanæque materiæ, & quasi semissi semis additus,
explet assem lucri. Fecisti itaque tu longā quidē expectationem.
Verū ipsius expectationis non negligēt mea, sed consiliū exti-
tit causa. Nolo enim fraudare beneficiū meū gratia sua. Siquidē
nullam aliā inire rationem poteram, qua libros iniussu meo (vt
scis) editos, & in plurima exēplaria transcriptos tibi dicarē, nisi
& repurgarē diligentius, & (quod maius est) aliorū veluti reliqui
corporis accessione perfectos me emittere testarer: vt nemo nisi
ab hoc fonte & eius ripis nostrarū elegantiarū aquas sibi hauriē-
das existimaret, nō solū huberiore gurgite, sed etiam nitidiore.
Quo magis & spero & opto libros hos abs te in summi pōtificis
bibliotheca repositū iri, tēq; curaturū vt ille, cuius contuberna-
lis es & studiōrū intimus comes, nōnunquā eos euoluat: & quē-
admodū de parte iam fecit, totū opus laudet: eximiū profecto,
ac maximū laboris mei fructū ac præmiū. Nam quis huberior
fructus, aut quod magis opimū præmiū generoso animo cōtin-
gere potest, q̄ laudari à laudato viro? vt ille apud Acciū inquit,
Gaudeo abs te laudari pater, laudato viro. Etenim quis nā multis
iam sæculis laudatior extitit, quīve sit magis iure laudādus, q̄ no-
strū omniū pater summus pontifex Nicolaus Quintus? qui nō
magis prudentissimorū hominū iudicio electus esse, q̄ natus ad
illā dignitatē videtur: quē Deus nobis præbēs singulari quadam
hoc sæculū est beneficentia profecutus, & quo sospite (vt est ho-
minū opinio) res humanæ futuræ fœlices sunt. Adeò nescias, an
virtus eius, an dignatio inter homines magis emineat, & inter
ipsius virtutes, quæ cui præstet, siqua modo præstat: & non vna-
quæq; omnes in se numeros habet, nisi q̄ vt quisq; maxime vir-
tutē aliquā colit, ita maxime adesse huic illā existimat. Veluti tu
nōnunquā atque ego prudentiā, cū cæterarū rerū, tum verò li-
terarum. Quid enim tam arduū, tam difficile, tā profundū, quod
a.ii.

non consilii altitudine expediat, cōficiat, transigat? Tot summi pontificatus, quem propè lacerū ac naufragū acceperat, negotia, quibus distringitur, quorū pars quēlibet aliū deprimeret, vnus omnia curat, omnia suis humeris sustinet, vnus omnia obit: & (quod magis nostrā admirationē auget) non fortiter modo sed etiā libenter. Diuina nimirū est in eo ingenii celeritas ac vis. Iā verò de literis quoties nobiscū aliōve quo erudito, post fluctus occupationū loquitur? Taceo qua pronūtiandi maiestate & gratia, quanta memoria, quāta rerū copia, quāta doctrinarū omniū peritia eluceat: vel humanarū, vt hiltoricæ, vt oratoriæ, vt grammaticæ, vt philosophicæ, vt poeticæ, etiā metricæ: vel diuinarū, vt theologiæ, vt omnis iuris, vt eius quam Græci *μεταφυσικὴν* vocant. Nihil ita arduum, itaque abditum, quod eū fallat. nihil ita tenue in literis, exiguumque (vnde haud secus miror) quod eū fugiat, eoque nunquā minus loqui, magis attendere mihi libet, quā cū ipsum audio. pace tamē eius dictū sit, nō minus ornat illam dignitatē, quā ab illa ornetur. Nec ego minus veneror eius virtutes apud me, q̄ datas à Deo Apostolicas clauēs, quum præsertim scientia sacrarum literarū vocetur ab eodē Deo tributa: quæ aperit & nemo claudit, claudit & nemo aperit. Itaque vtraque manu clauēs gestat, sapientiæ altera, altera potestatis. Quare (vt libere quod sentio dicā) vel magis mihi lætandū atq; gloriandū erit, si à tam integro, tā sancto, tā sapienti viro, q̄ si à summo pontifice laudabor. Sūmi enim pōtiffices multi fuerūt, sed qualis hic, vix vnus aut alter: quē absit vt emerendi fauoris gratia impēsius laudauerim, quippe qui sciā & me improbaturos homines si mentiar: & illū talē esse, qui nec seipsum ignoret, & testimonia suarū laudū malit in pectoribus esse, quā in linguis. Neque velim te hanc ei epistolam ostēdere. In qua etsi laudatur, id tamen nō ideo fit, vt has laudes ipse, sed vt cæteri legāt. & (quod ad nos attinet) magna sanē honori tuo ac meo fiet accessio ex hac Nicolai pontificis cōmemoratione. Etenim si in arcubus triūphalibus, & columnis, cæterisq; id genus operibus in honorē aliquorum extructis, quò sint augustiora, cernimus interdū alicuius dei aut deo similis imaginem superpositā: cur ipse nō putē mihi faciundū, vt huic meæ columnæ (non ausim dicere arcui) duodecim passus altæ, quā ego opifex tibi ob singulārē eruditionē, summā beneuolentiā, maxima in me merita dicaui, imaginē Nicolai summi pontificis mea manu scalpam in culmine collocē, vt operis decori quædā etiā ex ipso præside maiestas accedat? Ita & nostra in illū reuerētia ac religio, & illius in nos fauor splendorque constabit.

Q Vum sæpe mecum nostrorū maiorum res ge-
stas, aliorūque vel regum, vel populorū con-
sydero: videntur mihi non modo ditionis no-
stri homines, verumetiā linguæ propagatione
cæteris omnibus antecelluisse. Nā Persas qui-
dem, Medos, Assyrios, Græcos, aliōsque permultos lōge, latēque
rerum potitos esse, quosdam etiam, vt aliquanto inferius quā in
Romanorum fuit, ita multo diuturnius imperium tenuisse cō-
stat. nullos tamen ita linguam suā ampliāsse, vt nostri fecerūt:
qui (vt oram illam Italiæ, quæ magna olim Græcia dicebatur,
vt Siciliam, quæ Græca etiam fuit, vt omnem Italiam taceam)
per totum penè occidentem, per Septentrionis, per Africæ non
exiguam partem, breui spatio linguam Romanam (quæ eadem
Latina à Latio, vbi Roma est, dicitur) celebrem & quasi reginā
effecerunt, & (quod ad ipsas prouincias attinet) velut optimam
quandam frugem mortalibus ad faciendam sementem præbu-
erunt. opus nimirum multo præclarius, multoque speciosius,
quā ipsum imperium propagasse. Qui enim imperiū augent,
magno illi quidem honore affici solent, atque imperatores no-
minantur: qui autem beneficia aliqua in homines contulerunt,
ii non humana, sed diuina potius laude celebrātur. Quippe qui
non suæ tantum vrbs amplitudini ac gloriæ consulant, sed pu-
blica quoque hominum vtilitati ac saluti. Itaque nostri maio-
res rebus bellicis, pluribūque laudibus cæteros homines supe-
rarunt, linguæ verò suæ ampliātionē seipsis superiores fuerunt,
tanquam relicto in terris imperio, consortium deorum in cæ-
lo consecuti. An verò Ceres quod frumēti, Liber quod vini, Mi-
nerua quod olei inuentrix putatur, multique alii ob aliquam
huiusmodi beneficentiam in deos repositi sunt: linguam Lati-
nam nationibus distribuisse minus erit, optimam frugem, & ve-
rè diuinā, nec corporis, sed animi cibum? Hæc enim gentes illas
populosque omnes, omnibus artibus, quæ liberales vocantur,
instituit. hæc optimas leges edocuit. hæc viam ad omnem sa-
pientiā muniuit. hæc denique præstitit, ne barbari amplius dici
possent. Quare quis æquus rerum æstimator non eos præferat,
qui sacra literarum colentes, iis, qui bella horrida gerentes, cla-
ri fuerunt? Illos enim regios homines, hos verò diuinos iustis-
sime dixeris: quibus non (quemadmodum ab hominibus fit)

aucta respublica est, maiestāsque populi Rom. solum, sed (quē-
 admodum à diis) salus quoque orbis terrarum: eò quidem ma-
 gis, quòd qui imperium nostrum accipiebant, suum amittere,
 & (quod acerbius est) libertate spoliari se existimabant, nec for-
 tasse iniuria. Ex sermone autem Latino non suum imminui,
 sed condiri quodammodo intelligebant. vt vinum posterius
 inuentum, aquæ vsum non excussit: nec sericum, lanam, linum-
 que: nec aurum cætera metalla de possessione eiecit, sed reliquis
 bonis accessionem adiunxit. Et sicut gemma aureo inclusa an-
 nulo, non deornamento est, sed ornamento: ita noster sermo
 accedens, aliorum sermoni vernaculo contulit splendorem, nō
 sustulit. Neque enim armis, aut cruore, aut bellis dominatum
 adeptus est: sed beneficiis, amore, concordia. Cuius rei (quātum
 coniectura suspicari licet) hoc (vt ita loquar) seminarium fuit.
 primū, quòd ipsi maiores incredibiliter se in omni studiorum
 genere excolebant, ita, vt ne in re quidem militari aliquis, nisi
 idem in literis, præstans esse videretur: quod erat cæteris ad æ-
 mulationem non exiguum incitamentum. deinde, quòd ipsis
 literarum professoribus præmia egregia sanè proponebant. po-
 stremo, quòd hortabantur prouinciales omnes, vt quum Ro-
 mæ, tum in prouincia Romanè loqui consuescerēt. At (ne plu-
 ribus agam) de comparatione imperii, sermonisque Romani,
 hoc satis est dixisse. Illud pridem, tāquam ingratum onus, gen-
 tes, nationesque abiecerunt: hunc omni nectare suauiorē, omni
 serico splendidiorē, omni auro gemmæque pretiosiorē pu-
 tauerunt, & quasi deum quendam è cælo demissum, apud se re-
 tinuerunt. Magnum ergo Latini sermonis sacramētum est, ma-
 gnum profecto numen, quod apud peregrinos, apud barbaros,
 apud hostes, sancte ac religiose per tot sæcula custoditur, vt non
 tam dolendum nobis Romanis, quàm gaudendū sit, atque ipso
 etiam orbe terrarum exaudiente gloriandum. Amisimus Ro-
 mam, amisimus regnum, amisimus dominatum, tametsi non
 nostra sed temporum culpa: veruntamen per hunc splendidio-
 rem dominatum in magna adhuc orbis parte regnamus. No-
 stra est Italia, nostra Gallia, nostra Hispania, Germania, Panno-
 nia, Dalmatia, Illyricum, multæque aliæ nationes. Ibi nanque
 Romanum imperium est, vbi cūque Romana lingua domina-
 tur. Eant igitur nunc Græci, & linguarum copia se iactent. Plus
 nostra vna efficit, & quidem inops (vt ipsi volunt) quàm illo-
 rum quinque (si eis credimus) locupletissimæ. Et multarū gen-
 tiū velut vna lex, vna est lingua Romana: vnus Græciæ (quod
 pudendum est) non vna, sed multæ sunt tanquam in republica

factiones. atque exteri nobiscū in loquendo consentiunt: Græci
 inter se consentire non possunt, nedum alios ad sermonem suū
 se perducturos sperent. Variè apud eos loquuntur authores, At-
 tice, AEolice, Ionice, Dorice, *novæ*: apud nos, id est apud multas
 nationes, nemo nisi Romanè. in qua lingua disciplinæ cūctæ li-
 bero homine dignæ cōtinētur, sicut in sua multiplici apud Græ-
 cos: qua vigente, quis ignorat studia omnia, disciplināsque vi-
 gere, occidente occidere? Qui enim summi philosophi fuerunt,
 summi oratores, summi iurēcōsulti, summi denique scriptores?
 nempe ii, qui bene loquendi studiosissimi. Sed me plura dicere
 volentem impedit dolor & exulcerat, lachrymarūque cogit in-
 tuentem quo ex statu, & in quē facultas ista reciderit. Nam quis
 literarum, quis publici boni amator à lachrymis temperet, quū
 videat hanc in eo statu esse, quo olim Roma capta à Gallis: om-
 nia eversa, incēsa, diruta, vt vix Capitolina supersit arx. Siquidē
 multis iam sæculis non modo Latine nemo locutus est, sed ne
 Latina quidem legens intellexit. non philosophiæ studiosi phi-
 losophos, non causidici oratores, non legulei iureconsultos, nō
 cæteri lectores veterum libros perceptos habuerunt, aut habēt:
 quasi amisso Romano imperio, non deceat Romanè aut loqui,
 aut sapere, fulgorem illum latinitatis situ, ac rubigine passi ob-
 solescere. Et multæ quidem sunt prudentium hominum, variæ-
 que sententiæ, vnde hoc rei acciderit. quarum ipse nullam nec
 improbo, nec probo: nihil sanè pronuntiare ausus, non magis
 quàm cur illæ artes, quæ proximè ad liberales accedunt, pin-
 gendi, scalpendi, fingendi, architectandi: aut tandiu, tantoque
 opere degenerauerint, ac penè cum literis ipsis demortuæ fue-
 rint, aut hoc tempore excitentur ac reuiuiscant: tantusque tum
 bonorum opificum, tum bene literatorum prouentus efflore-
 scat. Verum enimuero quò magis superiora tempora infœlicia
 fuere, quibus homo nemo inuentus est eruditus, eò plus his no-
 stris gratulandū est: in quibus (si paulo amplius adnitamur) cō-
 fido propediem linguam Romanam verè plus, quàm urbem,
 cum ea disciplinas omnes iri restitutum. Quare pro mea in pa-
 triam pietate, imo adeò in omneis homines, & pro rei magni-
 tudine, cunctos facundiæ studiosos, velut ex superiore loco li-
 bet adhortari, euocarēque, & illis (vt aiunt) bellicum canere.
 Quousque tandem Quirites (literatos appello, & Romanæ lin-
 guæ cultores, qui & verè, & soli Quirites sunt, cæteri enim po-
 tius inquilini) quousque inquam Quirites, urbem vestram,
 non dico domicilium imperii, sed parentem literarum, à Gallis
 esse captam patiemini, id est latinitatem à barbaris oppressam?

Quousque profanata omnia duris, & penè impiis oculis aspi-
cietis? An dum fundamentorum reliquiæ vix appareant? Alius
vestrum scribit historias: istud est Veios habitare. Alius Græca
transfert: istud est Ardeæ considerare. Alius orationes, alius poe-
mata cōponit: istud est Capitolium arcemque defendere. Præ-
clara quidem res, & non mediocri laude digna, sed non hoc ho-
stes expellit, non patriam liberat. Camillus nobis, Camillus
imitandus est, qui signa (vt inquit Virgilius) in patriam refe-
rat, eamque restituat. cuius virtus adeò cæteris præstantior fuit,
vt illi qui vel in Capitolio, vel Ardeæ, vel Veiis erant, sine hoc
salui esse non possent. Quod hoc quoque tempore continget, &
cæteri scriptores ab eo, qui de lingua Latina aliquid composue-
rit, non parum adiuuabuntur. Equidem (quod ad me attinet)
hunc imitabor, hoc mihi proponam exemplum, comparabo
(quantulumcunque vires meæ ferent) exercitum, quem in ho-
stes quamprimum educam: ibo in aciem, ibo primus, vt vo-
bis animum faciam. Certemus, quæso, honestissimum hoc, pul-
cherrimumque certamen: non modo vt patriam ab hostibus
recipiamus, verumetiam vt in ea recipienda qui maxime Ca-
millum imitabitur, quis appareat. Difficillimum quidem præ-
stare, quod ille præstitit, omnium imperatorum mea sententia
maximus, ritèque secundus à Romulo conditor vrbis appella-
tus. Ideoque plures, pro se quisque in hanc rem elaboremus,
vt saltem multi faciamus, quod vnus effecit. Is tamen iure, ve-
rèque Camillus dici existimarique debebit, qui optimam in hac
re operam nauauerit. De me tantum affirmare possum, non
quòd sperarem tantæ me rei satisfacturum, difficillimam sum-
pisse laboris partem, durissimamque prouinciam, sed vt red-
derem alios ad cætera prosequenda alacriores. Hi enim libri ni-
hil ferè quod ab aliis authoribus (iis duntaxat qui extant) tra-
ditum est, continebunt. Atque hinc principium nostrum auspi-
cemur.

Sex nomina declinationis primæ in frequentissimo classicorum usu, dativum & ablativum plurales in abus mittunt, quæ continentur hoc versu: Filia, gnata, dea, liberta, equa, mula, duæ, ambæ. Reliqua nunc melius in 1 s declinentur, quia ita Latine linguæ antesignanis scriptoribus placitum est: ante quem consensum, veteres dextrabus & eabus protulerunt, & contra quem recentiores vulgo animabus, famulabus, & dominabus pronuntiât: quos, præterquâ in sacris receptis, quæ mutari non debent, non imitabimur. Quidam etiam classici, asinabus & servabus vsi sunt: nam Digest. de fun. instru. l. prædia. §. affini suo, Relictis conseruabus dicitur: sicut & asinabus apud eosdē iureconsult. legitur. Hieronymus tamē, 1. Reg. cap. 10, Inuētæ sunt, inquit, asinæ. Et mox de iisdem, Intermissis pater tuus asinis. Et ediuerso Plautus in Stichō de filiabus loquens, Gratulabor aduentum tuum filiis. Et Ovidius de filiabus Annii Metamor. 13,

Effugiunt quo quæque potest: Eubœa duabus,

Et totidem natis Andros fraterna petita est. Quam rem quidam sic discernunt, ut gnata substantivum, gnatabus faciat: nata licet pro filia capiatur, quia adiectivum est, natis, sicut amica & locia: & de lupa, camela, vrsa, & similibus, dicam olim fuisse communia sub us, ideo non facere discrimen in dictis casibus. Sed quid dicet de cerua, catula, priuigna, & cæteris: Etsi idem censeant, cur non etiam de equa, & mulari. Verior est ergo ratio classicorum consensus nobis summo opere observandus.

DE NOMINIBVS QVORVM ABLATIVI PLVRA-
les exeunt in abus.

CAP. I.

D E V S dea deabus dicimus, diuus diua diuabus non dicimus. Item in quibusdam aliis, ut filius filia filiabus, non priuignus priuigna priuignabus: natus nata natabus, non genitus genita genitabus: equus equa equabus, mulus mula mulabus, non asinus

asina asinabus, nec iuuenus iuuenca iuuencabus, nec cætera similia: non ceruus cerua ceruabus, non lupus lupa lupabus. Item ut dicimus libertus liberta libertabus, ita non dicimus libertinus libertina libertinabus, non patronus patrona patronabus, non concubinus concubina concubinabus, non pedissequus pedissequa pedissequabus, non servus serva servabus, non famulus famula famulabus, non dominus domina dominabus, non animus anima animabus. Tametsi quidam his posterioribus utuntur. Cicero tamen ad uxorem & filiam scribens, duabus animis: suis dixit, non animabus. Et Curtius de matre & uxore Darii, dominis non dominabus dixit. Quod si qui per licentiam aliter loquuntur, non est mirandum, quum quidam veteres dixerint dextrabus pro dextris, & eabus pro eis. Sed ego de usu loquendi disputo, non de abusu.

EPITOME.

Verbalia in io deducta à supinis primæ, quæ nunc exeunt in itum aut atum, formantur ferè in atio, quasi à supinis in atum. ut à sono, sonatio: quasi à sonatu. unde Horatius dixit, Magna sonaturus. Sic à veto, vetatio: quia legitur vetavi & veta-

tum:& à præsto, præstatio: nam & præstaturus & constaturus leguntur. A seco tamen frequentius dicitur sectio quàm secatio:& Celso à frico fricatio frequentius dicitur. Alia sequuntur supinū, vt lotio, potio: à iuvo tamen licet dicatur iutor & adiutor, nō tamē dicitur iutio, sed iuatio. Verbalia tamē in itus, & participia in atur⁹.

De verbalibus exeuntibus in atio.

C A P. II.

Nomina quæ veniunt à verbis primæ coniugationis, positionem supini habētibus in itum, vel in atum, præter cæterorum verborum legem exeunt in atio, & non in itio, vel in ctio: vt Veto vetui vetitum, inde vetatio, non vetitio: Præsto præstiti præstitum præstatio, non præstitio: Cubo cubui cubitum cubatio, non cubitio: Domo domitum domatio, nō domitio: Sono sonitum sonatio, non sonitio: Crepo crepitum crepatio, non crepitio: Tono tonitum tonatio, non tonitio: licet dicamus sonitus, crepitus, tonitus: non sonatus, crepatus, tonatus: Frico frictum fricatio, nō frictio, & ita in cæteris. Sectio tamen crebrius reperitur quàm secatio. Horū participia dissimilia sunt. Nam ea quæ sunt præteriti temporis, exeunt in itus: quæ verò futuri, in aturus. vetitus vetaturus, præstitus præstaturus. vnde Lucanus, Constatura fides superūm. Domitus domaturus, & ita in cæteris. Lauo & potio non habent supina, neque in atum, neque in itum, neque in ctum, sed in otū: ideoque formant nomina sua lotio & potio. inde sunt loto & potio verbalia nomina, & lotium pro vrina, prima tamen breui, non longa. Aliquando reperitur lauatum & potatū: inde sunt lauatio & potatio, lauatoꝝ & potatoꝝ. Iuvo, iuui, iutum, nec in hunc, nec in illum modum format suum deriuatiuū. Cæterum ex alio supino iuuatum facit iuatio: ab illo fit iutor, seu potius adiutor. Ex cæteris autem pauca sunt nomina verbalia in or, vt Domitor, non domator:& Sector, qui significat eum accusatoꝝ, qui ex damnatione accusati dimidiū bonoꝝ expectat illius, aut certe aliquā partē.

E P I T O M E.

Ludicus, a, um: aut ludicer, a, um, per secundam: non ludicer, seu ludicis, aut ludicre per tertiam dicitur. vnde artem ludicram, & ludicrum substantiuum legimus: & in plurali ludicra, per regulam secundæ, non contra regulam tertię.

De hoc nomine Ludicrum.

C A P. III.

Ludicra (inquit Priscianus) & non ludicria, ab hoc ludicri dicitur. Virg. in 12, -neque enim leuia, aut ludicra petuntur Præmia. Per quod vult ludicra tertię declinatiōis, quū cōtrā notū sit secundæ esse. vt in lege illa frequēter repetita, Qui artem ludicram exercuerit, in quatuordecim ordinibus primis ne sedeat. Ars ludicra, est ars histrionica & scenica, & (vt sentio) quicquid nomine ludicri intelligitur. Nam ludicrū, quod est substantiuū, nō modo ludus histrionicus est & scenicus, sed quod-

cunque lusorium opus ac ioculare, etiam ludi publici.

E P I T O M E.

Ficus tria significat, arborem, fructum eius, & morbum fructui similem: vnde & marisca, id est ficus sylvestris dicitur. Iuue. Scinduntur tumidæ, medico ridente, mariscæ. Dicuntur hæmorrhoides Græcis. Sane pro arbore semper est feminini generis: pro morbo masculini, saltē frequentius: pro fructu, & masculini generis ut morbus, & feminini ut arbor. Item pro arbore est quartæ declinationis: sed & secundæ ut fructus: & pro fructu est quartæ declinationis ut arbor, vel secundæ ut morbus. Pro morbo sunt qui etiam quartæ declinationis esse putant legentes sic apud Martialem & Cæcilianum, ut Priscianus recitat: quod si est, necesse ut dicatur tunc feminini generis, quia pro nullo significato, quartæ est & masculini generis, ut Valla asserit. Pro fructu masculinum & secundæ legitur apud Plinium lib. 16. Fici mirabiles sunt & abortiui, qui nunquam maturescunt. Et apud Macrobiū, Grossi, appellantur fici qui non maturescunt. Femininum & secundæ Varro, In ea fico quam edimus. Pro feminino & fructu, quartæ. Iuue. Si vis aliam decerpere ficū. Cætera exempla in litera sunt. A ficu fit ficulus, & inde ficulneus, a, um: sicut ab eburne, eburnus, & inde eburneus. Ab ilice, ilignus, & inde iligneus. Vnde folia ficulnea legas, & arborem ficulneam: melius tamen arborem ficum dicas quàm ficulneam, sicut quercum, quàm quernam. Vbi in fine capitis legitur, Quū hoc ab illo dicatur: sic lego, Quū ille, scilicet morbus: dicatur ab hoc, scilicet fructu.

De hoc nomine Ficus.

C A P. IIII.

Ficus (idem inquit) etiam vitium corporis, quartæ est. Martialis quinto epigrammaton,

Quum dixi ficus, rides quasi barbara verba,

Et dici ficos Cæciliane iubes.

Dicemus ficus, quas scimus in arbore nasci:

Dicemus ficus Cæciliane tuos.

Ex quo ostēdit & vitium, & fructum quartæ esse declinationis, genere autem differre. Ego verò reperio ancipitem apud Martialem scripturam, & frequentius sic, ut & ipse puto scribendū,

Quum dixi ficos, rides quasi barbara verba,

Et dici ficus Cæciliane iubes.

Dicemus ficus, quas scimus in arbore nasci:

Dicemus ficos Cæciliane tuos.

Ante omnia cur ille risisset Martialē, quod diceret ficus? An nō reperitur ficus, saltē pro arbore, atq; etiā pro fructu in numero singulari? Nō hoc ergo ille ridebat. Quid ergo? quod genere ab uteretur? ne hoc quidē. Quippe cū dico ficus, quo genere utar, nemo intelligit. Certē ridebat, quod alia declinatione uteretur, quàm ea, qua debebat, ut ex secūdo versu, in quo mutata est declinatio, apparet. Quod si igitur Cæcilianus de declinatione agebat, non de genere, debuerat Martialis ad declinationem, non ad genus respondere, ut est putandū, atque adeò necesse est eum respondisse. Siquidem (ut ostendi) ille reprehenderat, quod hic ficos diceret, non ficus. Quæ reprehensio si vera est, ut Prisciano

videtur, qui vult ficus magis esse quartæ, quæ tandem modestia poetæ fuisset, cum qui recte admoneat, tam execrabili, etiâ vero crimine inceslere? Ergo coniunxit accusationem imperitiæ cū accusatione flagitii per iocum & dicacitatē, ut moris sui est: quod ille adeo stolidus non solum nequam esset, ut negaret ficos reperiri, quos secum semper, & quidē cum dolore gestaret. quod minime mirum est reperiri, cum pro fructu, ad cuius similitudinem morbus appellatus est, in secunda declinatione, & (ut opinor) in genere masculino non modo apud poetas, sed apud ora-

2. Serm. Saty.
8.

tiores quoque; probatissimos reperiatur. ut Horatius, Pinguibus & ficis pastum iecur anseris albi.

Et Plinius ad Octaviū Ruffum, Quæ nunc cum ficis & bole-tis certamen nondum habent. Et Cicero de Senectute, Ex tātulo grano fici. Quidam grammaticorum recentium, id est imperitorum, aiunt, pro fructu quartæ, pro arbore secundæ esse declinationis: quum pro arbore sit sæpius quartæ, ut idem de Oratore, Vxorem suam suspendisse se de ficu. Secundæ autem, ut apud Iuvenalem, -ad quæ

Satyræ 10.

Discutienda valent sterilis mala robora fici.

Macrobius & ipse in secunda declinatione semper ferè vititur, & plurimos veterum ostendit vsos. Priscianus verò vult pro fructu & morbo quartæ esse, & hoc autoritate Martialis. Neque ego inficior, ultimum illum versum posse sic legi, ut recitat Priscianus. Sed id ioco magis, quàm serio à poeta accipimus esse dictū. Neque enim seipsum, quod ficos dixisset, sed illius & nequitiam, & imperitiam reprehendere voluit, non ignorans ficos & Latine & vsitatè dici. Nec verò Prisciano faciendum fuit, ut vnum Martialem sequeretur, imò Cæcilianum nescio quem, ut flagitiosum hominem, sic ineruditum, in eo præsertim loco, ubi iocabatur poeta: nec suā sententiam aperiebat, & tacitè negabat, quod affirmare videbatur. Nam nequaquam dixisset ficus quartæ esse declinationis, & generis masculini, quod inauditum est: nec differentiam posuisset generis inter morbum & fructum, quum hoc ab illo dicatur. Quidam ecclesiastici aiunt pro arbore, ficulnea, ut ibi, Respicite ficulneam, & cæteras arbores. quod nusquā alibi (si memoria non excidit) mihi repertū est. Sed adiectivum ficulnus, a, um, pro materiato ex illa arbore, ut à populus populnus, & à corylus columnus, & ab abies abiegnus, ab ilice ilignus dicitur.

E. P. I. T. O. M. E.

Diminutiva ut vera sint, necesse est significationem seruent, & ferè genus ac formationem. Significatio quæ necessario seruat, est ut cum significato primigenii notet eiusdem diminutionem: ut corculum, paruum cor. Inuenta autem sunt

rei significandæ gratia: vt reguli, minores reges sub magno regno, vt Pares in Francia: non enim tales reguli dicuntur reges: sic virguncula, adhuc pusilla. Vsurpamus ea modestiæ gratia, vt ingeniolum mecum, aut blandiendi, vt corculum, suauiolum, animula mea, aut vituperandi, vt homuncio, fraterculus gigantum, rhetorculus &c. Ideo autem blandimur, quia res parvæ plausibiliores sunt quàm ultra magnū. Vnde Maro immania dixit cete, quod vehementer magna, & ideo terrorem incutientia quasi mala. Quæ per similitudinem & translationem dicuntur, vtranque, licet non plenè, seruant significationem: vt regulus avis, & basiliscus serpens, nõ cognomentum M. Attilii. Quæ igitur diminutionem primigenii non connotant, diminutiva nõ sunt, licet formationem aut similem, aut ferè similem habeant: vt annulus, dum non est parvus annus, sed circulus in digito: musculus, dū non est parvus mus. Capitur enim varie: primo, pro paruo mure, & sic est diminutivum apud Plinium, Deturgente Nilo musculi reperiuntur. Secundo, pro articulo in quo neruorum capita sunt. Tertio, pro machina bellica. Quarto, pro pisciculo quo duce balæna utitur: & sic diminutivum non est. Similiter cuniculus, parvus cuneus, diminutivum est: animal de genere leporum, non est. Anniculus, quod est vnus anni, siue magnū, siue paruum, diminutivum non est, quia citra diminutionem dicitur vinum anniculum. Bimulus autè, & trimulus diminutiva sunt, quia habent nomina quibus dicantur citra diminutionem, biūmus, trimus, quadrimus, id est duorum, triū, aut quatuor annorum: quæ res cum in ea ætate adhuc sunt parvæ, dicuntur bimulæ &c. Sunt & alia adiectiva non diminutiva ob defectum significationis, vt vernilis, vernaculus, ridiculus. Et plurima substantiva, vt auunculus, quod etiam non ritè formatur, & est frater matris, nam auulus ab auo diminutivum est. Pediculus vermis, cuculus avis, cicercula, nouacula, acicula, lenticula: auricula, dum non est parua auris, sed cartilago extra aurem. Mentula, membrum virile: fidicula, anguilla, & similia. Item neutra, cubiculum, tabernaculum, vmbraculum, curriculum, vehiculum, &c. Quibus addantur in aster, astra, astrum, quæ non diminutionem, sed imitationem connotant. Quæ genus non seruant, & significationem seruant, pauca sunt apud Latinos, quæ tamen diminutiva sunt, vt ranūculus à rana: bacillum à voce baculus, sed & baculum legitur in nominatiuo. Pulvisculus aut pulvisculum, à pulvis, à quo fieret pulaiculus aut puluerculus à pulluer. Conuenticulum à conuentu. Amiculum ab amictu, quod fortè diminutivum non est, sed speciale genus vestis. Curriculum à currus & cursus. Dixi pauca apud Latinos esse, ideo quod formaturi diminutiva respiciemus ad primigeniorū genus: vt quia dicitur hic piscis, fit pisciculus: hæc avis, auicula: hoc vas, vasculum: nisi fiat adiectiva omnis generis ab vna voce magis apta aut aptissima, vt à plus, plusculus, la, lū. à maius, maiusculus, la, lum. Terentius, Thais maiuscula me est. Græca autem sæpe à foemininis neutra sunt, quia in on exeūt. Vt epistolion ab epistola, elegidion ab elegia: sicut etiam formantur mulierū propria diminutiva, sed genus seruant, vt Glycerion, licet etiam nobis in um exeunt. Gallis, vt hoc addam, sunt diminutiva mulierum etiam in on, vt Marion, Iehanne-ton. Formatio autem non est catholica, quia ab vno varia varie fiunt: & ab vno diminutiuo fit sæpe alterum, vt à parum fit paulum, & inde paululum, & inde paulillum. Ab homo fit homuncio, homulus, & homululus, &c. De horum formatione diligenter tractat Priscianus: ex quo olim collegi hanc regulam de exeuntibus in ulus aut olus, Omnia nomina primæ aut secundæ declinationis mutant vltimam genitiui in ulus: nisi exeant in ius, ia, ium: aut eus, ea, eum: quia tunc mutant eam in olus. & nisi exeant in er, ra, rum, quia tunc faciunt ellus, ella, ellum. Exempla sunt, Anima animula, forma formula, vir virulus, parvus paruulus, ramus ramulus & ramusculus, Sergius sergiolus, vrceus vrceolus, puer puellus, & ab átiquo puerus puerulus, libra libella, cerebrum cerebellum. In nus, na, num, etiam varie formant, vt à columna fit columella, non columella: sicut à fenestra fenestella: ab vnus fit vllus,

Formatio dimin. in ulus & olus.

à bonus bellus, à vinum villū. A palus fit paxillus, & à mala maxilla, & ab ala axilla, vt mox dicam. In culus, la, lum, fiunt à nominatiuo tertiæ in er, or, us: & monosyllabis præsertim in as, os, us, addendo culus, la, lum, vt fraterculus, paterculus, pauperculus, la, lum, soror sororcula, vxor vxorcula. lepus lepusculus, rus rusculū, maius (vt dixi) maiusculus, la, lum, cor corculum, vas vasculum, flos flosculus. A nominatiuo in o mutant ferè o in unculus, la, vt sermo sermūculus, leo leunculus, virgo virguncula. Homo tamen homuncio, homulus & homunculus facit. In is fiunt iculus, & icula aut iculum, vt pisciculus, auicula, molliculus, la, lum. In e, rete facit reticulum. Sed à sus fit sucula: à lapis lapillus, & vetus vetulus. In ns polysyllaba sic formant, serpens serpentulus, adolescens adolescentulus. Monosyllaba in iculus, mons monticulus, fons fonticulus. In x, sic, fornax fornacula, fax facula, calix caliculus, ferox feroculus, nux nucula, &c. Item caput capitulum. In quarta varie fiunt, domus domuncula, cornu corniculum, currus curriculum. In quinta sic, res recula, plæbes plæbecula. Meminerimus autem in omnium deductiōrū formatione abstinendū ab licentia fingendi quæ apud idoneos nō legerimus: sed qui Latine locuti sunt, has ferè formas seruauerunt quas tradidimus. Sanè quod adiectum est, Et penultima longa cuculus, Non est authoris, quia hīc nō docet syllabas, nec quicquam ad rem facit, imo contra rem: quia diminutiua penultimam corripunt: sicut & cuculus auis. Martialis, Quauis per multos cuculus cantauerit annos. cum ~~nonnulli~~ Græcis primam producat, sed adiectum est: quia cuculus, est vestis nautica, vinitorum & monachorum indumentum.

In ellus, la, lum diminutiua, veniunt à nominibus secundæ in er, ra, rum, desinentibus, & nonnunquam nominibus in lus, la, lum & nus: vnde etiam nascuntur diminutiua in xillus, la, lum: vt liber libellus, libra libella, labrum labellum, bonus bellus, ala axilla, mala maxilla, talus taxillus. De quo vsu dicit Cicero in Oratore ad Brutū, Quinetiam verba sæpe contrahuntur, non vsus causa, sed auriū. Quomodo enim vester Axilla ala factus est, nisi fuga literæ vastioris: Quibus innuit olim diminutiua fuisse in vsu, sed defuisse esse propter vastitatem literæ x: quod non intelligentes putauerunt Ciceronem ab axilla censere deduci alam, quod ridiculū est. A mala etiam fit malula. Catullus, Mœsta neque assiduo tabescere malula fletu Cessaret, &c.

In aster finita, imitationem potius quàm diminutionem connotant, præter duo quæ sunt, recaluafter & furdaster. Verum imitatio à perfectione cadit, vnde per cōtemptum dici solent, parastaster, poetaster, philosophaster: sicut à Gallis plurima, vt gentilaster, &c. Quidā legunt appellare Antoniafter, Luciafter, &c. vt in Euangelio, Vocatis me magister & domine: malin tamē legere Antoniastrū, Luciastrū, &c.

De nominibus diminutiuis.

C A P. V.

NOMINA diminutiua exeuntia in talem vocem, qualis est pisciculus, si rite formentur, vera sunt diminutiua: vt Pisciculus, Vermiculus, Passerculus, Fraterculus, Securicula, Lucubrationcula, Virguncula, Sororcula, Munusculum, Corpusculum, Tempusculum, Plusculum. Sin minus rite formentur, diminutiua nō sunt. Auūculus, Cuniculus: Musculus, quando non est paruus mus: Pediculus, vel (vt alii volunt) pedunculus: & penultima longa Cuculus. Cicercula, nomen leguminis. Nouacula, culter rasorius. Lenticula, vasculi genus: alia masculina, aut foeminina non occurrunt. Seruius tamen super Donatum ait, Acus acicula. Acus enim dicitur, qua vestes sarcuntur. Acicula, qua mulieres vtuntur ad ornamētum capitis. Adiectiua

Nouacula.

Lenticula.

Acus.

Acicula.

tria, Anniculus, Ridiculus, Vernaculus: anniculus puer, annicula puella, anniculū iumentū, hoc est vnius anni: sicut Bimus, a, um, id est duorum annorum. Trimus trima trimum, id est trium annorum. Quadrimus quadrima quadrimum, id est quatuor annorum, & non amplius. nec de animalibus modo, sed de inanimatis, vt anniculum vinum, bimum oleum. De pueris tamen magis loquimur per diminutionem, bimulus, trimulus, quadrimulus, quia intra hos annos adhuc parui sunt. Similiter de his, in quibus hæc ratio habet locum, vt anniculus equus, bimus aries, trimus porcus, quadrimum vinum, bimulus puer, trimula puella. Dissimiliter in quibus hæc ratio locum non habet. Ridiculus homo, ridicula res, ridiculū caput, id est deridendum. Est etiam sæpe neutrum, significatque plerunque sermonem risus potius, quàm derisus excitantem. Vernaculus, vernacula, vernaculum, quod est domi nostræ, vel in nostra patria natum: vt Lingua vernacula, quod vulgò dicunt, lingua materna. dictum est à Verna, qui est seruus domi nostræ natus, id est ex nostra ancilla. Præterea neutra multa sunt, vt Vmbraculū, Tabernaculum, Spectaculum, Habitaculum, Cœnaculum, Crepusculum, Germiculum pro germine, Crepitaculū, Vinculū. Amiculum, pro amictus genere quodā ferè pallio. Curriculū pro cursu, & pro loco, in quo certamē currendi exercetur: nonnūquam etiam pro curru. vt Curtius lib. 8, Aliorū turbati equi non in voragine modo, lacunāsque, sed etiam in amnē præcipitauere curricula. Cubiculū quod certe à cubili nō venit, quū intra cubiculum cubile sit, & eius diminutiū foret cubiliculū. Puluis & significatione & formatione legitima diminutiū facit, sed genus mutat apud Hieronymū, vt vile puluisculū. masculine tamē posuit Apuleius in quodam suo carmine, de quo meminit in apologia de magia, Misi (vt petisti) mūditiās dentium, Nitellas oris, ex arabicis frugibus Tenuem, candificum, nobilem puluisculū, Complanatorem tumidulæ gingiuulæ, Conuerritorem pridianæ reliquiæ, Ne qua visatur tetra labes sordium, Restrictis fortè si labellis riseris. Conuentus quoque facit cōuenticulum. Cicero pro Sextio, Tum conuenticula hominū, quæ ciuitates nominarunt. Baculus non terminat diminutiuum in hac voce, quia sua talis est, tamen neutrum habet Bacillū. Cicero secūdo de Finibus, Bacillum aliud inflexum, aliud ita natum. Reperitur tamē primitiuum & in neutro. vt apud Ouidium lib. 15, Esse solet, baculūque tenēs agreste sinistra. Ne Terebra quidem huius vocis est, tamen gignit diminutiū terebellū, non terebella.

Bimus.

Trimus.

Quadrimus

Ridiculus.

Vernaculus.

Verna.

Amiculum.

Curriculum.

Cubiculum.

Puluisculum.

Cōuenticulū.

Bacillum.

Terebellum.

Auricula. Auricula verò rite formatur, sed significatione dissentit: nāque cartilago illa est circum aurium concauitatem, non autē parua auris. Mentula quoque, quæ nō paruam mentem significat, sed virilia. Fidicula pro instrumento torquēdi, quod an rite formetur, nunc videamus. Nam fidis, inquit Priscianus, facit fidicula. Nam si esset fides in hac significatione, quo modo Seruio placet, non fidicula fecisset, sed fidecula. Auidius Seruiū Priscianus carpsit, utpote vnam rem non vno in loco reprehendens. Cæterum ipse fallitur, non Seruius. Nam nec fidis (quemadmodum veterum autoritas tradit) sed fides dicitur. & si fides dicatur, fidiculā potius quā fideculam analogia exigit. De autoritate satisfecerit Festus Pompeius, ita scribens, Fides, genus citharæ, dicta quòd tantum inter se chordæ eius, quantum inter homines fides concordent. Analogiæ quoque ratio fidicula exigit à fides, sicut ædicula ab ædes, sedicula à sedes, cædicula à cædes: non ædecula, sedecula, cædecula: sicut apes (de quo solo nomine facit ille mentionem) apicula facit, non apecula. Et si quando apis in nominatiuo reperiatur, ut ille ait (veluti apud Ouidium in 13, Non apis inde tulit collectos sedula flores:) hoc perquam rarū est, & analogia apes potius quā apis defendit, quia à pede cōpositum ac deriuatum putatur. Denique fidis in nominatiuo inauditū est. ergo fides dicendum est, cuius diminutiuum fidicula, id est parua cithara vel chordula: in plurali tortorium (ut dixi) instrumentum, ex duobus (ut reor) & obliquatis lignis compactum: vel ab extorquenda fide ac veritate, vel à nerueis funibus vinculisque, quibus ad illum modū homines torquēdi alligabantur.

AD hunc locum pertinet quod nunc subiiciemus: Nomina tertiæ declinationis exeuntia in er, siue masculina, siue fœminina, siue communia, huiusmodi vocem diminutiuorum sortiri. ut pater paterculus, frater fraterculus, mater matercula. cuius quasi similis soror facit sororcula. cicercula à cicer tanquam à fœminino, pauper pauperculus, paupercula. Quæ sunt secundæ declinationis tam adiectiua quā substantiua, faciunt diminutiua in ellus masculina, in ella fœminina, in ellum neutra. Culter cultellus. Liber libellus. Puer puellus. Tener tenera tenerum, tenellus tenella tenellum. Miser misera miserum, misellus misella misellum. Sacer sacra sacrum, sacellus sacella sacellum. vnde hoc sacellum pro tēplo modico. Hinc factum est ut fœminina quoque substantiuorum eodem modo quo adiectiuorum facerent diminutiua. Caper, capra, capella. Puer, puera, pu-

ella. Liber, libra, libella: licet multo aliud libra, quàm liber significet. Hæc diminutiua in ellus & ella exeunt. Sunt quædam in illus, illa. Inter ea autem priora Priscianus ponit Ala, vultque facere diminutiuum ascella: Cicero tamē inter posteriora. duo enim masculina, totidēque fœminina donat hoc genere terminationis: Palus, paxillus: Talus, taxillus: Mala, maxilla: Ala, axilla. Sunt tamen alia in hanc vocem exeuntia.

In Oratore
ad Brutum.

ILLA quoque diminutiua, quæ finiunt in aster, imitationem potius quàm diminutionem significant. neque enim ea ratione dicitur Oleaster, Pinafter, Apiastrū, Mentastrū, Siliquastrū: quod sit parua olea, parua pinus, paruū apiū, parua menta, parua siliqua: sed quod syluestria, oleā, pinū, apiū, mentam, siliquā imitantia: & quo quidā vtuntur, Filafter pro priuigno, non paruus filius est, sed imitans filiū. & Parasitafter, non paruus parasitus. Aliter enim nō diceretur à eomico, parasitafter paruulus, sed imitator parasitorū. vt apud M. Tulliū pro Vareno, Erucius hic noſter Antoniaſter est. Et ad Atticū lib. 12, Omnino solet esse Fuluaſter. id est Antonii Fuluiq; imitator. Et hinc Augustinus appellat philosophastrū, nō (vt puto) paruū philosophū, sed imitorem philosophorū: nisi dicas imitationē esse diminutionem quandam perfectionis. Tamen aliud est esse diminutiua, aliud imitatiua. Nec quispiam dixerit, oleastrū esse minutā oleam, & pinastrū esse minutā pinū, quā Plinius ait esse miræ altitudinis: & vt quidā nūc solent pusillos homines appellare Antoniaſter, Luciaſter, Paulaſter, secuti Priscianū, qui præter superiora, hæc addit esse huiusmodi diminutiua adulationis, & maxime puerorū, vt Catullaſter, Antoniaſter, Patritiolus, Sergiolus. Sed hæc posteriora sunt verè diminutiua, illa (vt ostendi) nō vera, ideōq; nec adulationis: quanquā omnia diminutiua (nō minus quàm hæc in olus) sunt apta adulationi, & sæpe etiā contemptui, vt homunculus, homulus, argutulus. sed ad rē reuertamur. Pullastra apud Varronem, quæ est parua adoleſcēſque gallina, quod nec ipsum diminutionem significat. Nam maiuscula potius pulla, quàm minuscula est, etiam si minor gallina est. nec gallinaſtra dicitur, sed pullastra. Duo tamen nomina sunt, quæ diminutionis regulā seruant, Surdaſter & Recaluaſter. quorū alterū significat diminutionem surditatis. Non est plane surdus surdaſter, sed (vt sic dicam) surdulus: & Recaluaſter, qui fronte caluus est, non toto capite, quasi recaluatulus, quod est diminutiū. in quē modum nequeunt resolui nomina illa, de quibus suprā disputauimus. Ex his autem quæ retuli exemplis, liquet nō modo in
b.i.

Filaſter.

Parasitaſter.

Pullaſtra.

Surdaſter.

Recaluaſter.

Siliqua.

Siliquastrum.

aster finiri hæc nomina, sed etiam in astra foeminini generis, vt pullastra, filiastra apud quosdam pro priuigna. siliquastra pro piperite, quod non video quid ex siliqua imitetur. & astrum neutri, vt apiastrum, siliquastrum à siliqua arbore ferente fructum sui nominis, quod Græci *κεράτιον* vocant. Significat etiam siliqua folliculum, vbi grana leguminum includuntur, & siquid leguminibus est simile. ferèque hæc nomina arborum, herbarumq; diuersum genus habent in primitiuis, à diminutiuis vel deriuatiuis.

E P I T O M E.

In arium exeuntia substantiua, ferè rerum significatarum per nomina vnde formantur repositoria, aut earundem copiam significant: nonnunquam tamen & res ipsas. In arius autem & aria, officia hominum qualitatèmq; significant: & si à verbis deducuntur, actionem & possessionem: pauca tamen obligationem & quandam quasi passionem connotant. In orius, verè opificem: & in orium, officinam seu locum in quo quid fit. In etum verò, in quo res densæ nascuntur, aut copiam earum. Quia verò locus & locatù inuicem alterum pro altero vsurpari solet, videtur à Plinio lib. 17. cap. 14. plantarium pro loco acceptum, cum dicit, Quædam in plantario insita, eodem die transferuntur. Et ideo Seruius illud Georg. 3. Imparibus ductos alta ad donaria currus, dicit, Donaria propriè loca sunt in quibus dona reponuntur deorum: abusiue autem templa. Verum quia dum currus ducuntur ad donaria quæ sunt in templis, etiam ad templa ducuntur, non potest ex illo loco conuinci donaria pro templis accipi. Nolim tamen pertinaciter pro Valla contendere, quin si æraria sunt vbi æra reponuntur, donaria non possint dici vbi reponuntur dona. Macrobius tamen pro donis accipit lib. 3. Satur. dicens, Ornamenta verò sunt, clypei, coronæ, & huiusmodi donaria. Et Gel. lib. 1. cap. 10. Vbi reponi solent signa vetera, quæ ex eo templo collapsa essent, & alia quædam religiose donariis consecrata. Pomærium dicitur quasi postmœnium. Pomarium autem, non pomærium, est locus pomis cõsitus. Sicut autem depositarius & fideicommissarius quasi obligationem & passionem connotant: ita videtur quibusdam is qui vulgò confessor dicitur, posse dici confessarius, cum nequaquam dicendus sit confessor, sed is quem audit potius. ab aliis autem Ab auriculis potius dicitur, vel Ab auribus: sicut qui vulgò secretarius dicitur, lepidius A secretis dicatur. Ea enim quibus à cum ablatiuo sic apponitur, significatur gerere officiũ cuius vsus est in rebus à præpositione sequentibus: vt Puer à caliculis seu poculis est, cuius officium est ministrare caliculos seu pocula: & ideo ab illis denominationem sumit, sicut A pedibus, A manibus, Ab auribus, &c. Sicut autem dicimus senticetum non sentetum, ita econtrariò dicimus caricum, non caricetum: falicum, non falicetum.

De nominibus exeuntibus in arius, vel arium. C A P. VI.

Tabularium.

Sacrarium.

Ærarium.

Armarium.

Armamentariũ.

Atramentariũ.

TAbularium, locus vbi tabulæ, id est instrumeta, & literæ reponuntur. Sacrarium, repositorium sacrorum. Ærarium, repositorium æris, id est nummorum similiumque rerum pretiosarum, atq; opũ. Armarium, vbi reponuntur libri, ceteraq; huiusmodi. Armamentariũ, vbi reponuntur armamenta & arma. Atramentariũ, vasculum quod continet atramentũ. Cala-

mariū quidam vsurpant pro theca calamaria, vbi calami recon- Calamaria.
 duntur. sed quia hoc tēpoire plerique penna scribunt, potest etiā
 dici pennariū, nisi malumus appellare thecam pennariam, thecā
 calamariam, & thecam graphiariam. Penariū, vbi reponitur pe- Penarium.
 nus, hoc est edulia & ad victū pertinentia. Viuarium, vbi conti- Viuarium.
 nentur vel aues, vel pisces, vel feræ, quæ duntaxat ad victum spe-
 ctant. Pomariū, locus pomorū reponendorū, vel locus confitus Pomarium.
 pomis. vt Ouidius, Id metuens, solidis pomaria clauferat Atlas
 Mœnibus. Quidam hoc pomerium vocant. Titus autem Li Pomerium.
 uius pomeriū ait esse lociū ad muros intra & extra, vbi ædificare
 non licet, quasi post mœmia, vt dicimus Pomeridianum, pro eo
 quod est postmeridianū. vnde Lucanus, Longa per extremos po-
 meria iungere fines. Pomarium igitur, aut locus frequens arbo-
 ribus pomi, siue fructuū pomi repositoriū, aut copia ipsa arborū
 pomiferarū. Nam horū mominū natura est, significare vel locū
 vbi illa sunt, vel ipsarum rerum quæ in loco sunt copiā, vt Al- Aluearium.
 uearium, tamen si potest dici locus vbi sunt aluei apum : tamen
 potius accipitur pro copia alueorum eodem in loco collocato-
 rum, vel apum mellificantium. Et Rosarium magis copiam fru Rosarium.
 ticum vno loco rosas gignentium, quàm ipsum locum vbi fru-
 tices sunt, significat, quem locum ne Rosetum quidem appella- Rosetum.
 re possis, quum idem significet quod rosarium, nisi per conten-
 tum significetur continens. Plantarium, non locus plantarum, Plantarium.
 sed ipsæ plantæ, etiā si euulsæ, aut non cōsitæ fuerint. Nec me-
 fallit Seruius separare plantaria à plantis, dicentem, Plātæ sunt
 raptæ de arboribus, Plantaria verò quæ ex seminibus nata cum
 radicibus de terra propria transferuntur. ad quod sentiendum
 videtur allexisse eum Virgilii versus, Et viua sua plantaria terra.
 Seminarium, non locus, sed semen ipsum, id est plantulæ. Pam- Seminarium.
 pinarium, non terra, vbi nascuntur pampini, sed congeries pam Pampinariū.
 pinorum, id est virentium ramusculorum vitis : vel (vt ait Pli-
 nius) palmes qui è duro exit, materiāque in proximum an-
 num promittit, pampinariū vocatur. certe in hoc palmite mul-
 ti sunt pampini. Calcearium, Vestiariūq; pro calceis & vesti-
 bus, vt Cibaria pro cibis, Fustuariū pro fustigatione. Carnarium, Carnarium.
 non locus vbi caro salsa suspenditur, sed caro ipsa, nisi conten-
 tum pro continente accipiat. Donaria, non locus repositorius Donaria.
 donorum, sed ipsa dona. Licet Seruius dicat, Vbi dona oblata
 sunt : sicut lectisternia dicuntur, vbi homines sedere in templo
 consueuerunt. Ita in cæteris adhibenda est in similiū nominū
 significatione accuratio. & hæc de neutris. Nā masculina, fœ-
 b.ii.

- IN ARIVS.** minina, & communia, officia hominum, qualitatemque significant. Caprarius, saltuarius, camparius, horrearius, classiarius: custos, exercitorve caprarum, saltus, campi, horrei, classis. Sagararius, lintearius, vestiarius: venditor sagorum, linteorum, vestium. Proprietarius, fructuarius, vsuarius: cuius est proprietas prædii, cuius fructus, cuius vsus: quæ omnia significant actionem, possessionemq; numero quidem incomprehensibilia. Pauca autem quæ passivè accipiuntur, Legatarius, commodatarius, depositarius, beneficiarius, fideicommissarius: qui legatū, comodatum, depositum, beneficium, fideicommissum accepit, & si qua sunt alia. Ex huiusmodi nominibus fiunt etiam nomina quædam rerū, Calcaria, sulfuraria, vbi calx coquitur, & sulfur fit. Atq; hæc à nominibus ferè proficiscuntur, illa verò magis à verbis, vel à verbalibus
- IN ORIVS.** in or. Et sunt adiectiva in orius, oria, orium, actionem significantia, Accusatorius, petitorius, defensorius, fideiussorius, institutorius, exercitorius, tributorius. Nā Tributarius venit à tributum, Tributorius à tributor: sicut Depositarius à depositū, Depositorius à depositor. Significat itaq; Tributarius, qui soluendo tributo obnoxius est: vt Stipendiarius, qui soluendo stipendio: & Depositarius, qui reddendo deposito: vt Munerarius, qui dat munera populo gladiatoribus in arena exhibendis. Ideoq; vas escarium dicimus & vas potorium: quia hoc à nomine verbali venit, illud non venit. Prætor, senator, holor, licitor, non opinor descendere à verbis, sed quia vocem verbalem obtinent, sicut censor & quæstor, sic formauerunt sua denominatiua, Prætorius, senatorius, holorius, licorius, censorius, & quæstorius. Holor autem, est qui hortum holerum exercet, quem nonnulli hortulanum vocant. Est & holus, vnaquæque herba, qua vescimur. Nam sunt & horti non holerum, sed arboribus confiti, & voluptatis gratia comparati, vt horti Sallustiani, Pompeiani, Luculliani, Claudiani. Licitor, minister consulis, proconsulis, præsidis, prætoris, qui fascem virgarū alligatū cū securi portat. suntque lictores consulis duodeni, aliorū seni. His addere possumus aleator, quod videtur descendere à verbo, quod nusquā reperitur.
- IN ORIUM** Non enim aleare dicimus, sed alea ludere. Neutra autē in Ordeambulatoriū rium, locū plerunq; significant, vbi aliquid fit: vt Deambulatoriū, Dormitoriū. locus vbi deambulamus. Dormitorium, locus vbi dormimus. Repositoriū. Repositoriū, vbi reponitur aliquid. Tentoriū, locus vbi tēdimus. Tentorium. vela, aut siquid instar velorū habet, vel potius ipsa vela siue velamenta cōtra iniuriā cæli. Auditoriū, locus vbi audimus præceptorē, aut orantē non in vera causā, aut opus nouū recitantem,

aut siquid simile est, vel ipsa turba, atque ipse cœtus auditorum. Tectorium, illinimentū est & quasi pauimentū parietis, atq; in- Tectorium.
crustatio. Amatoriū, genus veneni amorē vel insanīā ingerētis. Amatorium.
Portoriū, vectigal portus, vel fluminū, vel lacuū, vel stagnorū. Portorium.
Nā & Portitor ille dicitur qui traducit homines, ac vehit nauī- Portitor.
gio, vel ad nauē de litore, vel de nauī ad litus, vel ad vltiorem
fluminis, lacus, stagnīve, seu ripam, seu litus, licet frequentius di-
catur litus. Potest etiam accipi pro eo, qui portoriū conduxit, id
est, qui fructus pecuniarios ex portu cōduxit, & à veniētibus il-
los exigit. quæ ratio in cæteris huiusmodi discernēda est. Hoc IN ETYM.
etiam loco addam, quòd quū dicamus dumetum, spinetum, ve-
pretum, similiāque, tamen dicimus senticetum, non sentetum.

E P I T O M E.

Euentus, iussus, & permissus, substantiua in singulari numero quartæ declinatio-
nis, & masculina in plurali secundæ, & neutra reperiuntur vſitatus. quod addo, vt
multa alia duplicem habent nominatiuū & duplex genus: nam sicut dicitur, hic mo-
nitus, tus, tui, & hoc monitū moniti, & multa alia quæ in heteroditis poni solent,
ita hic euentus: vnde pluraliter hi euentus: & hic iussus, & permissus &c. Et hoc euen-
tum, iussum, & permissum: pluraliter hæc euenta, iussa, & permissa: vnde hoc solum
ad elegantiam facit, quòd in singulari vſitatus vtaris masculino, & in plurali neu-
tro. Marcus tamen Cicero lib. 1. de Oratore, Vt enim (ait) quisque optime dicit, ita
maxime dicendi difficultatem, variōsq; euentus orationis, expectationēmq; homi-
num pertimescit. Et Virg. AEn. 6. de Aenea, -cæcosque volutat

Euentus animo secum. Et in singulari euentum. Cicero in Partitionibus, Si cu-
iusque facti & euenti causa ponetur. Et Lucret. lib. 1, Euentū dici poterit quodcunq;
erit actum. Iussus autem & permissus etiam rarius leguntur in singulari, nisi in ab-
latiuo iussu & permissu: iussum verò, permissum etiam in aliis. A. Gellius lib. 10. cap.
10, Lex est generale iussum, &c. & Sil. lib. 6, Consequitur iusso manus & muralia por-
tat. Et lib. 9, Nec iusso mora &c. Sic & permissum dicit. Item iugerum ediuerso in
singulari frequentius est secundæ, & in plurali semper tertiæ. Reperiuntur tamen in
singulari duo obliqui iugeri & iugere, quasi à nominatiuo iugus qui nō est in vſu,
inde tamen est totus pluralis. Mel. lib. 3, Plus iugeri spatio sublimis, &c. Et Tibul.
lib. 2, Vt multo innumeram iugere pascāt ouem. Posset iugerū etiam dici habere
in plurali nominatiuū, accusatiuū, & vocatiuū, sed iidem sunt in tertiā. Addi po-
test vas, quod e contrario in singulari est tertiæ, & olim etiam secundæ hoc vasum
vasi, quo Cato apud Gellium vtitur. In plurali tantum secundæ à nominatiuo va-
sum vasi, &c. Ex his autem pro elegātia hoc habet, vbi varia est declinatio, vt edū
esse cōsuetiore apud doctos, vt in vocabulis ex omnis, infōnis & semifōn^o dicitur.

De Euentu, Iussu, Permissu, Iugero.

C A P. VII.

Euentus in singulari generis masculini, & declinationis quar-
tæ est, cuius plurali M. Tullius sæpissime in neutro genere,
& declinatione secunda vtitur. vt de Oratore, Ex aliorum fa-
ctis, aut dictis, aut euentis. Idem de Diuinatione, Si euenta quæ-
rimus, quæ exquiruntur auius. Et ad Luceium, Fabulam rerum
euentorumque meorum. Et ad Atticum, Semper enim causæ
euentorum magis mouent, quàm ipsa euenta. Quidam planè
b.iii.

imperiti euentū aiunt significare principium: vt apud Ouidium, Exitus acta probat: careat successibus opto,

Quisquis ab euentu facta notanda putat. Illud enim Exitus acta probat, vox est accusantium Phyllidem argumento, quod dicitur à casu, eosque Phyllis ipsa execratur, dicens, Careat successibus opto, quisquis à casu, & non à causis alium laudat aut vituperat. Similia sunt huic, iussu & permissu tuo, quorum pluralia sunt potius secundæ declinationis, in singulari ferè nunquam. Neque enim dicere solemus iussu tuo, sed iussu: non permissu tuo, sed permissu. Horatius tamen, Vtar permissu, id est re permissa: non autem permissione: nec dixisset permissu tuo, nec iussibus permissibusque tuis, sed iussis permissisque tuis: nec iussus permissusque tuos, sed iussa permissaque tua. Virgilius Ecloga octaua,
-accipe iussis

Iugerum.

Carmina coepta tuis. Et iterum, Ille patris iussa exequitur. Et alibi, Hic haud mollia iussa. Ediuerſo, iugerum in singulari secundæ, & in plurali tertiæ declinationis. Non autem (vt ait Priscianus) iuger iugeris, quum omnes dicant in singulari iugerum, & in plurali iugeribus. Significat autem mensuram ducentorū quadraginta pedum in longitudinem, dimidii in latitudinem: vel (vt aliqui volunt) quantum par boum vno die arat: quæ duæ significationes in idem recidunt. tantum enim ferè solet vno die par boum arare, quantum dixi.

EPITOME.

Adiectiua in tilis, filis, aut xilis, si à passiuis veniunt, præteriti passiuæ significatione habent: sin ab absolutis, præsentis: quæ verò à locis, significant incolas aut indigenas: vt saxatilis, aquatilis. Sunt tamen quæ re ita exigente præsentis passiuæ significationem obtinent, vt plicatilis crista, quæ plicatur. Sed, vt Mancinellus adnotauit, interdum etiam quæ plicari potest, quæ vulgo plicabilis dicitur. In tilis enim aptitudinem notant, vt amabilis. Sic apertile, quod aut apertum est, aut aperiri facile potest, quasi aperibile. Donatus futilis & futile deductum vult à futili vase, quo in sacrificio utebantur: sed & illud à futiendo, seu ab effundendo dictum est, eo quod quum stare nequeat, depositum fundit.

De nominibus adiectiuis in tilis, filis, & xilis.

CAP. VIII.

Nomina quæ exeunt in tilis, vel in filis, vel in xilis, simillimam suis participiis vnde nascuntur, significationem habent. Vas fictile, quod fictum est à figulo, non quod fingi potest. Coctiles lateres, qui cocti sunt, & non crudi. Rasiles calathi, quasi rasi, nihil extantis aut redundantis plenitudinis habentes. Virgilius tamen, Et torno rasile buxum, quasi rasibi-

le. Pensilis vna, pensiliis lectus, pensiles lychni, pensiles balneæ, pensiles horti, quòd suspensi sunt, & in aere pendentes. Flexilis ramus. flexiles vites, quòd flexæ sunt, & lapsu erratico torquentur. Tortilis ansa, quòd retorta & replicata est. Tornatile poculum, quod tornatum est, & torno factum. Textilis vestis, quæ detexta est. Sutilis balteus, sutilis cymba, quòd confuta est. Scalptile simulacrum, quod scalptum est. Altilis avis, altilis quadupes, altilis piscis, qui sagina altus siue alitus est, atque saginatus. Structilis basis, structiles columnæ, quæ non sunt ex vno lapide, sed multis. Apertile latus, quod apertum est. vt Ouidius de Tristibus,

Lib. 3. eleg. 11.

Aspicias à dextra latus hoc adapertile tauri.

Tinctile virus, quod tinctum est, aut intinctum spiculo sagittæ, vt apud eundem & in eodem opere, Et tinctile virus. Tonfile buxetum, & tonsiles oleas legimus, quòd tonsæ sunt, & in orbem ac comam putatæ. Et hæc nomina in participium passiuum resoluntur, quæ passiuum habent: quæ verò passiuo carent, in præsentis participiū. qualia sunt neutra, vt anima volatilis, quasi volans. & quidam volatilia volucres vocant, quia volant, vt altilia animalia, quæ aluntur. Sessiles lactucæ, quasi sedentes. quod licet à participio non veniat, tamen eiusdem naturæ est, quum in significatione consentiat, & à supino nascatur. Vmbratilis videtur conuenire cum cæteris, quasi umbratus: vt vita umbratilis, & res umbratiles, id est vita umbra & opaco marcescens: & res per inuolucra & inanitatem, qualis umbra est, ductæ, umbratiles appellantur. Versatilis quoque scena videtur significare, quòd versatur huc & illuc, non quòd versata est. & axis versatilis, & gladius angeli versatilis, quòd versatur. Quidam autem versilis scena & ductilis. Versilis quidem, quòd quum tota machinis quibusdam conuertebatur, aliam picturæ faciem ostenderet. Ductilis verò, quum tractis tabulis hac atque illac, species picturæ nudabatur interior. Plicatilis crista vpupæ, quòd plicatur, non quòd plicata est. Et naus plicatilis, quæ plicatur, quum facta est ex coriis. Fissilis arbor, fissile lignum, fissile robur, tum quasi fissum cuneis, tum quia finditur, quasi fissibile. vt Plinius libro decimo sexto, Hæc maxime fissilia, alia frangi celeriora, quàm findi. Idem paulo post, Nullisque fissile rimis hoc lignum, id est fissum. Solutilis etiam naus dicitur (qualis naus in qua Agrippina à Nerone filio per insidias posita, naufragium fecit) quasi solubilis, quæ facile solui posset. Ego verò malim solutilem dicere solutam, & non fideliter confutam.

b.iiii.

Et sectile porrum legimus, non tam sectibile (quid enim nō est sectibile?) quā sectum, & sua sponte concisum. Futilis, vanus vel inutilis, vel à futio futis, vnde effutio effutis: vel à suo futū, vel per apocopen ab alio supino: quod ab aliis diuinari malo, quā à me proferri. Aquatilis à nomine vel à verbo, animal in aqua degens. Saxatilis, incola saxorum. Piscis fluuiatilis, incola fluuii, non maris aliarumve aquarum piscis. Pluuiatilis aqua, à pluo, vel magis à pluua.

E P I T O M E.

In bundus verbalia, participii præsentis verborum frequentatiuorum significationem habent: eaque vñatissima sunt, quorum participia sunt inuentu rarissima. Seruius vult similitudinem connotare, adducens illud Sallustii in Iugurtha, Ipse quasi vitabundus per saltuosa loca & tramites exercitum ducere. Vbi quia dicitur quasi, similitudinem notare putat, sed errat: quia si dixisset similis vitabundo, non probaret quod Seruius vult. Præterea nisi sciret naturam participii, non regeret accusatiuum: sed diceret Seruius etiam sapere naturam participii, si dicatur vitabundus, vitanti similis: verum in authoribus nō ponitur pro simili, sed pro assiduo vitanti.

De adiectiuis in bundus.

C A P . I X.

Priscianus libro quarto inquit, In bundus desinentia similitudinem habere significant, vt Vitabundus, similis vitanti: Prædabundus, similis prædanti: Moribūdus, similis morienti: Errabundus, similis erranti: Furibūdus, similis furētī. Et paulo post, Excipitur alternitatis causa Rubicundus, quod in penultima syllaba pro b, c habuit, ne sit absonum si rubibūdus dicamus. Sed videamus an Priscianus recte sentiat. neq; à me primū hæc quæstio mouetur, sed olim ab Aulo Gellio, atque ante hūc à Terentio Scauro Adriani temporibus (vt idem Aulus Gellius ait) grammatico vel nobilissimo contra Cesellium in commentario lectionum antiquarum ita scribentem, Ludibundus, errabundus, ridibundus: idem est quod ludens, errans, ridens. Quod Scaurus reprehendit, dicens Ludibundum esse, qui ludentem: errabundum ridibundūque, qui errantem ridentēque agit ac simulat. Hoc Aulus Gellius confutat, atque ita cum Cesellio sentit, vt nō simulationem per hæc nomina, sed econtrario vehementiam intelligi velit, his quidem verbis, Sed qua ratione Scaurus adductus sit, vt Ceselliū in eo reprehenderet, non hercle reperiēbamus. Nō est enim dubiū, quin hæc genere ipso duntaxat idem significant, quod ea demonstrant à quibus producuntur. Quid esset autem ludētem agere, vel imitari? Et paulo post, Quum reprehensionem autem illā Scauri notaremus, in memoriam nobis rediit, quod Sisenna in quarto historiarum

eiusdem figuræ verbo ita usus est, Populabundus, inquit, agros ad oppidum peruenit. Quod scilicet significat, quum agros popularetur; non ut Scaurus in consimilibus verbis ait, quum populantem ageret, vel quum imitaretur. Poterat tamen Aul. Gellius magis proprium producere exemplum, quale apud Sallustium in Iugurthino, Ipse quasi vitabundus per saltuosa loca & tramites exercitum ducere. Si huiusmodi nomina in bundus significarent similitudinem, quid ita adderet quasi, quod similitudinem imaginemque significat? Pergit idem Aul. Gellius, dicens, Sed inquirentibus nobis quænam ratio, & origo esset huiusmodi figuræ populabundus & errabundus, multorumque aliorum id genus verhorū, *αἰθρόλας* hercle, Apollinaris noster sibi videri ait, particulam istam postremam, in quam verba talia exeunt, vim & copiam, & quasi abundantiam rei, cuius id verbū esset demonstrare. ut lætabundus is dicatur, qui abunde lætus sit: & errabundus, qui longo atque abundanti errore sit. Cæteraque omnia ex ea figura ita dici ostendit, ut productio hæc & extremitas, largam & fluentem vim & copiam. declararet. hæc Aulus Gellius. A quo miror cur desciverit Priscianus, & vni. Scauro potius, quàm his duobus tribusve astipuletur. An quia grammaticus Scaurus, & Prisciano similitudine professionis coniunctus, Cællius verò iurisconsultus, & Aul. Gellius orator, Apollinarisque philosophus? puto potius Seruium secutum, quanquam ab eo libenter dissentire solet. Ait enim ille tum alibi, tum decimo AENEIDOS, Moribunda, morienti similis. Quod ita esse Sallustius ostendit, qui ait, Quasi vitabundus per tramites & saltuosa loca exercitū ducere. Nullum exemplum Seruius magis contra se proferre potuit, ut modo ostendi. Audi quam subiungit rationem, Nam Iugurtha non vitabat legatum, sed cum vitare simulabat. Ita exposuit: quasi voluerit vitabundum dici à simulatione, & non à similitudine. nō simulabat vitationem legati, sed timorē. Præterea siqua foret similitudo, ea similitudo atque simulatio intelligitur per illud QVASI, nō per illud VITABUNDUS. Addit adhuc rationē, Nam quia nomen est, ideo significat similitudinem, non passionem: & alia deinceps, ubi nullum robur rationis est. Sed præter rationes illorū, ipse quoque Priscianus imprudens confessus est, quod negabat. Quæro enim nunquid homo rubicundus (quod ille simile facit cæteris in bundus) similis rubenti est, an verè rubens? profecto verè rubens. ergo idem erit rubicundus & rubens. quæ sententia Cællii est, quæ & breuior est, nec minus fortasse vera, quàm illa siue Auli Gel-

αἰθρόλας,
apposite, in-
geniose.

lii, siue Apollinaris, quum frequentissime sic accipiantur, populabundus populans, errabundus errans. Sed nonnunquam (vt Gellius ait) vehementiam significant: quæ, vt breuiter & ipse complectar, idem significant quod participia frequentatiuorû, lusitans, risitans, erratitans, lectitans, populitans, si reperiremus. Quod quum non sit, ad hæc (vt reor) in bundus terminata decurrimus.

E P I T O M E.

Verbalia in icus à facio, vt magnificus: à dico, vt maledicus: & in quos, à loquor, vt magniloquus: & siqua sunt à sequor comparatiua & superlatiua, nunc rarius à sua positione, quàm à voce in ens minus aut nequaquam vsitata formât: quod etiã in aliis (vt id addam) vsuuenit, nam diues in frequentiori est vsu quàm dis: & tamen frequentius dicitur ditior & ditissimus, quàm diuitior & diuitissimus. Ouidius tamen diuitiora dixit. Item iuuenis in frequentiori est vsu, quàm iunis: & tamè rarius dicitur multo iuuenior, quàm iunior. Apuleius tamen illo vsus, dixit, Vnus præ cæteris, & animo fortior, & ætate iuuenior. A Iunis autem dicuntur iunices: vt à iuuenis iuuenicæ. Addamus præter Vallam, vt rem literariam iuuenus, Ciceronem non recipere à nomine pius, superlatiuum piissimus, quo tamen multi sunt vsi: Ciceronem tamen secuti pientissimû dicunt. Item à verbalibus in dus neque comparatiua, neque superlatiua apud priscos idoneos legi, quæ nûc in nimio sunt vsu dicam an abusu, vt reuerendissimus, colendissimus: quibus certe abstinuero, nisi stomacho quorundam placere velim. Illud autem notum, nisi inturbent indocti, à nobis in icus recte formari gradus sine geminatione e i syllabæ, vt amicus amicior, non amicitior: pudicus pudicior, & c. licet dicantur amicitia, pudicitia: quia genitiuo additur tia: vt avarus auari auaritia. Dixi, Nûc rarius: quia prisce ab vsitata deduxerunt voce, vnde Plautus, Nihil est profecto stultius, neque stolidius, nec mædaciloquius, neque confidentiloquius, neque periurius, quàm vrbani ciues.

De nominibus in icus.

CAP. X.

MAgnificus, honorificus, munificus non ex se gignunt comparatiuos, superlatiuosque, sed ex aliis quæ in vsu non sunt, ac ne possunt quidem esse, magnificens, honorificens, munificens. Non enim dicimus magnificior, honorificior, munificior: sed magnificetior, honorificentior, munificentior: & in superlatiuo magnificentissimus, honorificentissimus, munificentissimus. Mirificus tamen etiam mirificissimus facit: vt Terentius, Mirificissimus est patruus tuus. Et M. Cato, teste Prisciano contra Thermum, De Ptolemæo, rege optimo atque beneficissimo. Et Accius in secundo didascalicon, Atque magnificentissimo, excellentissimoque honore. Omnia ergo à facio sic composita & terminata, hanc regulam sequuntur, mirificus, maleficus, beneficus, veneficus, vulnificus, tabificus, luctificus, pacificus, morbificus, sacrificus, & siqua sunt alia, quæ omnia ascititium comparatiuum, superlatiuumque habent, aliquando etiã suum. Sûntne & alia nomina eiusdè naturæ: certe sunt, ea quæ

In Phormio.
act. 5. scæ. 6.

formantur à dico & à loquor, vt maledicus, maledicentior, maledicentissimus. Benedicus autem non inueni, quia nec benedico inuenitur, licet eo Priscianus vtatur, & hoc tempore vtamur more Græcorum: quorum autoritate dedimus huic verbo accusatiuum præter naturam suam, quum postulet datiuum, sicut maledico, quod & ipsum nunc ad imitationem Græcorum habet etiam aliquando accusatiuum. De benedico vnus vocis loquor, non duarum. Nam tunc & aliud significat, & aliter regit. Præterea fatidicus, veridicus: iuridicus verò rarum est verbum. causidicus, magis substantiuum. A loquor fortasse sunt plura: à sequor fortasse nulla, nisi pedissequus, quod substantiuum est. Magniloquus, altiloquus, grandiloquus, vaniloquus, doctiloquus, versutiloquus, fatiloquus, faciunt comparatiuum magniloquentior, grandiloquentior, & item cætera. Superlatiuum, magniloquentissimus, grandiloquentissimus, & reliqua. sed horum positiua possunt esse tum participia, magniloquens, grandiloquens: tum nomina magniloquus, grandiloquus: præter vnum suauiloquens, quod nescio an dici possit suauiloquus. Maledicens planè participiū est, sed & maledicus dicimus, quod in fatidicus & veridicus non fit: neque in illis superioribus, magnificens, honorificens, munificens. quæ participia esse non possunt, quū hæc fuerit futura vera vox, magnificiens, honorificiens, munificiens.

Benedicus.
Benedico.

E P I T O M E.

In *eus* formata à *materiarum* nominibus, mutata vltima vocali in *eus*, significant quid factū ex mera & solida materia vnde deducuntur: in *accus* sic formata, significant factum ex materia mixta, aut quid in ea natum. In *atus* sic formata, significant incrustatum aut tectum ea materia. In *itius* verò, aut ex tali materia cōstant, si à nomine sunt: aut passionem cum quadam aptitudine si à verbo deducuntur, significant. vt porta ferrea, ex solido & mero ferro: ferracea, ex materia ferro mixta: ferrata, ferro tecta & iucrystata. Tectum lateritium, ex latere factum: domus conductitia, conductā aut conducibilis, & conduci solita.

De nominibus in *ceus*, in *eus*, & in *itius*. CAP. XI.

FInita in *ceus* pauca sunt, materiāque significant, vt *Herbaceus*, *Betaceus*, *Maluaceus*: ex materia herbæ, maluæ, betæ. *Arundinaceus*, *Ferulaceus*, *Rosaceus*, *Triticeus*, *Hordeaceus*, *Testaceus*, *Tophaceus*, *Arenaceus*, *Cretaceus*, *Argillaceus*: ex materia arundinis, ferulæ, rosæ, tritici, hordei, testæ, tophi, arenæ, cretæ, argillæ. Hoc tamen differunt (siquid differunt) à materialibus: quod illa magis totum significant, hæc partem. Ager enim *cretaceus* non idem est quod *creteus*, nec *arundinaceus* surculus quod *arundinea* fistula: vnum est natum & positum in creta aut arundine: alterum ex corpore ac ma-

IN CEVS.

teria cretæ & arundinis factum. & panis triticeus, hordeaceusve, non ex solo tritico hordeove cōpositus est, sed ex aqua quoque: licet triticeus vtriusq; harum, de quibus loquor, formarum videri possit, & magis illius, cuius sunt creteus, arundineus, & similia. Nam triticaceus facere deberet, nisi dicimus euphoniæ causa ea syllabam esse sublatam. quod mihi ita videtur esse, quia disuncta est species eorum, quæ exeunt in ceus: & eorum, quæ exeunt in eus. Huius generis est Vinaceus, quum est adiectiuū, vt vinaceo grano legimus quendā suffocatum, pro acino vux: & vinacea substantiuum plurale, pro granis vux iam pressæ. Dicimus tamē mons terrenus potius, quàm terreus aut terraceus.

Sunt item nomina finita in itius, descendētia ab habentibus t in vltima syllaba: & si à nominibus quidem, significant materiam: si à supinis verò, passionem quandam. vt Cratitius, Stramentitius, Lateritius Cæmentitius, Conuentitius, Pauimentitius: Item Fictitius, Commentitius, Pigneratitius, Fœneratitius, Conductitius, Ascriptitius, Dedititius. Ratio fictitia ac cōmentitia, quæ ficta & ad tempus commenta est & excogitata. Res pigneratitia aut fœneratitia, quæ data est pignori, aut ad fœnus pertinet. Domus conductitia, quæ conductæ est. Homo ascriptitius, dedititiūque, qui ad aliquam rem ascriptus est, & qui ex numero eorum est, qui se in alterius imperium dediderunt.

E P I T O M E.

Comparatiuum nomen semper augeat significationem absoluti, licet rem subiectam imminuat: nisi (quod ipse addo) propter additum expressè aut tacitè. Sæpe tamen pro absoluto repertum est. Nec comparatiuè positum tātum per magis est exponendum, sed etiam per alia aduerbia comparatiua, vt valdius, fortius, & similia: sicut & superlatiuum per aduerbia & superlatiua. Addamus & hoc, dū duo cōparatiua componuntur mediante particula quàm, non videtur posterius determinare prius, sed idem quod prius. Verbi gratia, quod augeat significationem absoluti, licet rem imminuat: patet, quia licet res minor minus habet vt ita dicam de entitate, quàm res parua: plus tamen habet de paucitate aut paruitate, quàm de qua parua aut pauca dicitur. Addidi, Nisi propter additum, &c. quia sæpe mitius & vrbanius loquimur per comparatiua quàm per superlatiua: vt Dicendo hic vir est liberior, iracundior, loquacior, &c. vt Cicero, Senectus est natura loquacior, &c. natura, nō quàm natura, sed per naturam. Plausibilis loquar, quàm si dicam, Est liber, iracundus, loquax &c. quia in comparatiuis subauditur paulo quàm cæteri, aut quàm decet: sic cum dicuntur seniores & iuniores, nō intelliguntur plene senes aut iuuenes, vt qui remp. amplius administrare non possint, aut nondum possint, sed cæteris administratibus paulo seniores aut iuniores. De comparatiuis geminatis exempla sunt. Sallust. Qui se in victorialicentius liberiūque quàm arctius futuros credebant. referuntur ad credebant. M. Varro, Metium Suffætium propter perfidiam interemit pene imperiosius quàm humanius. scilicet interemit. Quintilianus, Sitq; salubrior studiis quàm dulcior. Hermolaus Barbarus, Periculosus est mihi ista quæ postulas decernere quàm laboriosus. Angelus Politianus, Quod mihi in tua epistola tantū tribuis, quantum ego nec agnosco, nec fateor: vel ob id certe mihi gratum est, quod

amicus quàm verius sentiens, magis fortasse nos diliges. Idem, Quàm multis me prius laudibus etiam si eloquētius longe quàm verius obruisti. Et Iulius Capitolinus, Ille se insolentius quàm verecūdus senator efferret. Plinius Iunior, Non quia eloquētius quàm verius: sed quia liberius, ideoque licentius scribitur. In quibus omnibus meo iudicio, posterius comparatiuum nō determinat prius comparatiuum, sed vnum tertium: non enim diceret, Scribitur eloquentius quàm verius. sed quàm vere: nisi sit, Scribitur eloquentius quàm. s. scribitur verius. Id est, magis constat, quod magis eloquenter, quàm necesse est quàm, quod magis verè. Neque comparatiua pro absolutis sine subauditione posita apud idoneos, vt seniores & iuniores, quo modo dixi. Reposui ex vetere exemplari non tam à paruum venire quàm à parum. id enim consequenter, estque de aduerbio satis perspicuū: sed minor & minus nomina, etiam à paruo ducuntur: vt Pars minor est toto, os minus capite.

De natura comparatiui.

CAP. XII.

Comparatiuū pro minore vi accipi, quàm ipsum positiuū habeat, ait Priscianus. vt Virgilius,

Tristior & lachrymis oculos suffusa nitentes.

Tristior enim hīc ex parte tristis accipitur. Sæpe per se positum pro ipso positiuo, vt Comites senioris Acestæ, pro senis, in quorū utroque est causa cur aliquid nos addamus. nā illud tristior, planè pro tristis, non pro ex parte tristis accipitur, vt ait Quintilianus, Vtimur vulgo & comparatiuis pro absolutis, vt quū se quis infirmiore esse dixerit. non dixit pro minus quàm infirmus. & hic senior potius pro valde senex, quàm tantum senex: vt idē Quintilianus de Isocrate, Eoque iam seniore (octauum enim & nonagesimum impleuit annum) pomeridianis scholis Aristoteles præcipere artē Oratoriā cœpit. Et Ouidius de Tristibus 2, Sospite sic te sit natus quoque sospes, & olim

Lib. 9. de figuris verborū.

Lib. 3. cap. 1.

Imperium regat hoc cum seniore senex.

Ideo, cum Seruio non sentio dicente, Secundum Varronem, Senior & Iunior comparatiua sunt per imminutionem. Est enim senior non satis senex, iunior non satis iuuenis, intra iuuenem, sicut pauperior intra pauperem. hoc autem dicit Varro in libris suis ad Ciceronem. quam rem à Varrone tractatam confirmat etiam Plinius. hæc Seruius. Si verò hoc Varro & Plinius ait, quis non cernit sibi ipsi repugnare rationem hanc? Est enim natura comparatiui, superare in ea qualitate, quam obtinet positiuus. quæ superatio quoties incolumis est, non possis tunc dicere factam esse imminutionem. Ponamus exemplum huic rei simile, Antiquior te ego sum, id est maior te natus sum. Item Adolescētiōr te sum, id est minor natu te sum. ita Iunior te sū, id est minoris ætatis, quàm tu: videlicet, supero te paruitate ætatis. quem in modum accipitur illo in loco Seruii: ergo non per imminutionem, sed propriè. Quare vt in iunior fallitur, ita & in

Minus.

Magis.

senior falli dicendus est. Quæ tamen omnia (vt sentio) pro positiuo accipi solent. Quemadmodum etiam ocyus pro ocyter. Minus pro non, semper ferè accipitur: frequentissime tamen iunctum cū sin, aut cum quo pro vt. Sin minus, id est si non. Quo minus, id est vt non. sicut, Quo secius, etiam pro vt non. Quia de hoc comparatiuo Minus feci mētionem, aliquid etiam de ipso dicam. Placet autem mihi non modo à paruum venire, sed etiā à parū. Vt Parum pecuniæ habeo, non autem paruum pecuniæ. ergo Minus pecuniæ ad parum pecuniæ potius, quàm ad paruū pecuniæ videtur referri. Addam aliquid econtrario de Magis. Ait idem Priscianus, omnia comparatiua mittere aduerbia similia neutro generi. Atqui Magis non in us exit more aliorum, sed in is. quod comparatiuū esse, & vis ipsa huius vocis indicat, & multo post (nescio quo modo) fatetur hic author. prætereo, quod à maius nullum aliud aduerbium est, & aliquod esse debet. Dicimus enim, iustius queror, melius scribo, peius canto, plus gaudeo, minus doleo: maius gaudeo non dicimus, sed magis: quod à magnum positiuo comparatiuū esse vel hinc palàm est, quod omnes sic loquimur, Magis poterat Pompeius quàm Cæsar, sed postea maxime omnium potuit Cæsar. Ex quo apparet eiusdem positiui, quod est magnum, comparatiuum esse magis, cuius superlatiuum est maxime, mutata u in g, & anteposita i. quod quū ita sit, cur per magis & positiuum resolui comparatiuum in Priscianus voluit, tacens de cæteris quæ eundem vsum præstāt? Fortior, plus fortis, vehementius fortis, validius fortis, & quæ sunt eiusmodi. Opinor quod non putabat hoc esse comparatiuū, vt quod à voce comparatiui recesserat: aut si putabat, absurdum videbatur comparatiuum per comparatiuum resolui cum positiuo, quum præsertim ipsum Magis, more aliorum comparatiuorum resoluendum sit, quod fieri nequit. Quod si resolui nequit, ne aliud quidem poterit. Quale est si dicam, Quod est istorum maius ædificium, aut quod validius? absurdum (vt dixi) quibusdam videri possit, si resoluatur magis magnum, & validius validum. Adde quod sicut resoluit comparatiuum per magis, ita debuit resolvere superlatiuum per maxime, Fortissimus Græcorum Achilles, maxime fortis Græcorum: non autem super omnes Græcos fortis. Nam hoc modo supra se fortis erit, quod fieri nequit. Item sine appposito, fortissimus Hercules, non dicitur cōmode, valde fortis, sed validissime, id est maxime fortis. Nam quid absurdius, quàm quum exponamus comparatiuum per comparatiuum, exponere superlatiuum per positiuum?

EPI TOME.

Comparatiuum tam nomen quàm aduerbium partitiue tentum, vtpote dum genitiuū regit, aut casum præpositionis in genitiuū resoluibilem, locū habet dūtaxat inter duo, aut singula, aut bifariam diuisa, id est quæ duas notat partes. Superlatiuū autē dūtaxat inter plura duobus, vtpote nō citra tertiū participantiū in quāritate aut qualitate absoluti, numerum: & vtrunque inter ea quæ eiusdē sunt numeri aut naturæ, ita vt salua sententia genitiuus possit adiectiuo conformari in casu & numero. Verum comparatiuum comparatiue tentum, vtpote dum ablatiuum rei excessæ aut regit aut regere congruē potest, tam inter duo quàm inter plura, & tā inter ea quæ sunt eiusdem naturæ, quàm quæ diuersæ, locari potest, si tamen sententia constare poterit. Neque enim constat, si quis dicat, Hector est Troianis, aut Troianis omnibus, aut hominibus, aut hominibus omnibus fortior: nō enim est seipso fortior: si quando autem ita locutos legerimus, vt Papinium ad Plutonium, Et melior sis quæso deis: subauditur, cæteris, aut aliis omnibus. Item licet summus excessus est in superlatiuo, tamē quia quod hodie omnia præter se in humanis excedit, potest mox ab alio excedi, additur superlatiuo comparatiuum plus excellens. Interrogando autem & indefinite loquēdo, datur comparatiuo vter & vtrum: superlatiuo, quis & quid, licet authores nonnūquam in ea re dormitent. Conueniūt ergo comparatiuum partitiue tentum & superlatiuum in duobus: quia vtrūque regere potest genitiuum, & vtrunque vult poni dūtaxat inter ea quæ sunt eiusdem naturæ. Differunt autem in vno: quod comparatiuum sic inter duo aut in duas partes diuisa, locum habet. Superlatiuum tantum inter plura duobus, dummodo respectu rei excessæ ponitur: quia si summum notet gradum sine respectu rei excessæ, bene vni attribuitur, vnde dicitur Deus optimus maximus. Exemplum de comparatiuo partitiue tēto, Vt Manuū fortior est dextera, Aiacū fortior Thelamonius. De duabus partibus, Vt Romanorum pars maior Cæsarem, melior Pompeium secuta est. De superlatiuo, Digitorū medius est longissimus: quia est longior quàm proximi, & proximi quàm extremi. Si autem sint res decem, quarum nouem sint vnius lōgitudinis, tum decima quantūvis excedat, non dicetur earum rerum longissima, sed longior cæteris: & sic vtitur quàm in genitiuo, vt sint tales trabes decem, libētius dicam, Hæc trabs est longior cæteris: quàm longior trabium istarū, licet sic quoque dici posset. In his autem tribus vtrunque differt à comparatiuo comparatiue tento. Primo, quia illud ablatiuum regit, hæc genitiuum. Secundo, quia illud tam inter plura quàm inter duo cum ablatiuo ponitur: vt Dextera est fortior sinistra, & Medius digitus cæteris longior. Horum alterum tantum inter duo, alterum tantum inter plura, vti dictum est, locum habet. Tertio, quia illud tam inter ea quæ diuersæ quàm quæ eiusdem sunt naturæ, locari potest, dummodo tamen non includatur in ablatiuo rei excessæ, à quo excluditur per particulas, Reliquis, aut Cæteris, vt dixi. Hæc tantum inter ea quæ eiusdem sunt naturæ: sed eam quoque rem regūt in qua continentur: Vt si dicā Duarum manuum, aut vtriusque manus dextera est fortior: &, Omnium digitorum medius lōgissimus. Cum verò dixit Valerius Maximus, Omnium temporibus suis maior, subaudit reliquo, aut alio à se. Aut sicut Gellius dixit, Hortensius omnibus ferme oratoribus ætatis suæ nisi M. Tullio clarior: dicēdo Fermē excludit ne se clarior putetur. In illo AEnēid. primo, Scelere ante alios immanior omnes: eadē ratio quæ cū ablatiuo esset, si diceretur, Immanior aliis omnib⁹. Apud Plautū de tribus filiabus dicēs, Ad meā maiore filiā inuiso domū: subaudit, cæteris. Cū verò Quintilianus dixit, Plures eruditorū aliā esse dicēdi rationē, aliā scribendi putauerūt. Aut plures absolutū est, id est multi: aut plures, id est maior pars, vt crūditi bifariā diuidātur: quorū plures, &c. In illo Pliniano, Animalū fortiora quibus sanguis crassior. Ordo est, Ea sunt fortiora. s. cæteris: aut quia bifariā diuidit, fortiora animalū, id est, Fortiora sūt animalia, quorū sanguis est crassior q̄ ea quorū min⁹ crassus. Nihil enim obest genitiuū plura significare, dū diuisio est bimēbris. Nec

est cōtra Vallam quod ipse dixit lib. 7. Herodoti, Tu verò nō modo superioribus Persis, sed etiā v̄tūris es pr̄stantior. quia per ablatiū loquitur: nec per genitiū recte dicat, Tu verò non modo superiorum Persarum, sed etiam venturorū es pr̄stantissimus: quia neque superiorum neque venturorum vnus erat. Et quod hic recte per ablatiū dixit: recte dixit Sallustius in Iugurtha per subauditioem, Ceterum ante hoste Iugurtha, quia ætate & sapientia prior es, ne aliter quid eueniat, prouidere decet &c. quia prior es supple, eis, prouidere decet ante hos. Inepte autē dixit Apuleius lib. 2. Floridorum, Vt Hippias ē numero sophistarum est artiū multitudinem prior omnibus, eloquentia nulli secundus. quia dicere debebat, omniū primus: non enim est prior omnibus, nisi sit seipso prior. Addam hoc pueris, quia etiā fenes subinde non animaduertunt, laudi esse si quis in re laudabili nulli sit secūsus: at vituperio, si nemo sit illi secundus: nesciunt ergo quid dicant, qui sic dicūt, Huic viro in medicinis nullus est secundus. Quærunt multi quomodo Græci cōsulāt honori suæ gentis, non faciendo comparationem ad multos sui generis, sed superlationem. Ad quod dicere licet, quia plus esse in superlatiū Priscianus putat quā in comparatiū: & ita honestius dici, Achillem fortissimum Græcorū, quā fortio rem Græcis aliis. Nam in superlatiū necesse est treis esse gradus, vt diximus. Præterea dum dicitur, Achilles fortissimus Græcorū: videtur plus significari Græci omnes fortes, quā si dicatur, Fortior Græcis aliis: quia permittitur abusus per cōparatiū, vt Marc Ponticum est dulcius cæteris, & tamen non est dulce: vnde nō diceretur dulcissimum omnium. Dixi nonnunquam comparatiū plus significari quā superlatiū, vt exemplis declaratur. Ouidius, Accedat lachrymis odium: dignusque puteris

Qui mala cum tuleris plurima, plura feras. Gell. C. Fabritius & Corūcanius antiquissimi viri, vel his antiquiores Horatii illi trigemini, &c. Antiquissimi, id est valde antiqui: non tamen antiquissimi, cum sint illis antiquiores Horatii. Cicero, Quum ipsum Furnium per se libentissime vidi, tum hoc libentius, quod illum audiēs te videbar audire. Idem, Ego autem hoc miserior sum quā tu, quæ es miserrima, quod ipsa calamitas communis est vtriusque nostram, &c. Idem, Vale igitur mi Cicero, tibi que persuade, te quidem mihi esse charissimum: sed multo fore chariorem, si talibus monimentis præceptisque lætaberis. Quod autem dicit Plautus, Si sis stultior stultissimo: aut hyperbolicos dictum est, Aut sis stultior eo qui sit stultissimus, nisi tu stultior eo esses.

De differentia comparatiui à superlatiū. CAP. XIII.

INter comparatiū & superlatiū, ea in primis quæ apud Græcos, differētia est: quod comparatiū refertur ad vnū, superlatiū ad plura. quod reprehendit Priscianus, inquiēs, Fit autem comparatio vel ad vnū, vel ad plures tam sui generis quā alieni. quauis Græci honoris causa suæ gentis magis, quā ratione veritatis, dicant non posse ad multos sui generis fieri comparationem. Alii autem dicunt hanc esse rationem, propter quam non vtuntur tali comparatione: quod quum ad plures sui generis fit cōparatio, superlatiū vt possumus: vt Fortissimus Græcorum Achilles. Sed superlatiū multos alios excellere significat: Comparatiū verò etiam potest paruo superantem demonstrare. vnde etiam diminutionem iure accepit apud nos maiusculus, minusculus, tardiusculus. hæc Priscianus.

A quo tā pro Græcis, quā pro Latinis dissentio. Nam quæro à Prisciano, quonā modo Græci distinguerent sensum comparatiui à sensu superlatiui, quum ipsi quoque comparatiuum genitiuum tribuāt, nisi hac ratione, vt hoc ad vnum, illud referatur ad plura? Loquor quoties comparatio fit ad eos, qui sunt eiusdē generis. Nam ad eos qui sunt alieni, necessario quoque vtuntur genitiuo per comparatiuum, quum ablatiuo careant. Quū dico comparisonem, more Prisciani, tam cōparatiui quā superlatiui intelligi volo. Atqui apud Latinos ista ambiguitas nō est, quia cōparatiuo ablatiuū tribuimus. de hoc paulo pōst respondebo. tamen tanti momenti est illa Græcorū ratio, vt eā Latini ad formā Græcæ constructionis imitati sint, hoc est, vt cū genitiuo iūgerent comparatiuū, vtique inter duo. (nam superlatiuū dubiū non est habere locū inter plura.) vt Aiacum fortior fuit Telamonius, & Manuū melior est dextera. Si verò tres Aiaces fuissent, diceremus nō fortior, sed fortissimus: sicut Digitorum longissimus est, non longior, medius. Horat. O maior iuuenum, inquit: ad duos enim Pisones, patrem filiūque scribebat. Ouidius in persona Medæ, quæ duos filios habuit:

Quum minor ex pueris iussus, studiōque videndi

Constitit ad geminæ limina prima foris.

Et Cæsar, siue alius pro Cæsare, in commentario x. in testamento Ptolemæi patris, Hæredes erant scripti ex duobus filiis maior: & ex duabus, ea quæ ætate antecedebat. Ideo maior Ajax & minor, ille Telamonius, hic Oilei filius. Maior & minor Atrides, ille Agamemnon, hic Menelaus. Maior Cato & minor. Maior & minor Scipio de duobus Aphricanis. Maior Cyrus & minor, siue superior & posterior: nam tempus significamus, nō dignitatem maiorem minorēve. De malis tamen non maior & minor dicimus, vt Dionysius superior, & Dionysius inferior. Superior & Inferior. Qui numerus quum superat, non per comparatiuum, sed per positium, aut per superlatiuum loquimur. vt Magnus Alexander, magnus Pompeius, Fabius Maximus, Valerius Maximus. Et hæc est Græcorum ratio, in qua nobis cum illis conuenit: quòd ad vnum sui generis vtendum est comparatiuo, ad plures superlatiuo. Ideoque curiosissimus in loquendo, & reconditissimæ scientiæ Macrobius in Saturnalibus mihi nō probatur, vbi Lib. 7. ca. 11. dixit, Age Serui non solum adolescentiū, qui tibi æquæui sunt, sed senum quoque omnium doctissimus. non enim est eiusdem generis adolescens cum senibus, non aliter quā si dicam, Ego sum doctissimus Romanorum & Carthaginensium: si Romanus

sum, tollendum est Carthaginensium: si Carthaginēsis, tollendum est Romanorum: si neutrum, vtrunque male iungitur. Et Priscianus in primo, Omnium est breuissimum eorum quæ diuidi possunt, id quod diuidi non potest. Non aliter quàm si dicas, Hæc est pulcherrima suarum sororum, quum sit dicendum, Hæc est pulcherrima sororum. nam sororum ipsa vnâ est, suarum non est. Quid autem ad plures generis diuersi? Nempe nos qui sextum casum habemus simillimum genitiuo, hunc adhibemus: vt Achilles Troianis fortior fuit: & Ego sum doctior Carthaginensibus, qui non sum doctissimus Romanorum: & Tu es doctior senibus, iuuenum longe doctissimus: Græci eodem genitiuo, vtuntur, vt sit hæc differentia, Superlatiuum ad plura sui generis, comparatiuum ad plura diuersi generis cōparari. quod Priscianus reprehendit, nolens illam differentiam inter gradus hos esse: sed hanc, quod comparatiuus parum, superlatiuus multum excellere significet. Quæ ratio, præterquam quod non satis defendit opinionem Græcorum, atque adeò vsum Latinorū, etiam falsa est. Neque enim (vt ipse vult) quia comparatiuum diminutionem accipit, ideo parum significat, & nō potius multum, quia diminui potest: præsertim quū dicat comparatiuum aliquando transcendere superlatiuum. Vt Achilles fortissimo Troianorū Hectore fortior fuit. Sed ego hoc non laboro, quod comparatiuum modo transcendat, modo minuatur: quæ res non mutat naturam comparatiui. Aliud animaduertendum est, quo solo ipsi gradus comparisonis ponderantur, quod comparatio vnū gradum obtinet siue primum, superlatio verò plures siue vltimum. Atque (vt ego sentio) non ad singulas res, sed ad gradus quosdam illa referenda sunt. Nam vbi fuerint multa eiusdem generis, non tamen cadit superlatio vno eminente cæteris paribus. Vt si inter plura vascula, aut plura nauigia ad vnā magnitudinem facta aliquod sit longe capacius & grandius, nō recte dicas, Hoc esse omnium maximum. Necessè enim est, vbi superlatio est, ibi sit & comparatio, & aliquod sit maius aliquo, & iterum alterum maius hoc, quod erit iam omnium maximū: vt in Troianis sunt aliqui fortes, & his alii fortiores, atque alii adhuc his fortiores, qui vocantur fortissimi. Itaque nunquam citra tertium numerū sit superlatio. At Prisciano videtur, si cætera paria nauigia aliquod paululum antecederet, dicendum, maius cæteris: si multo, maximum omnium. Quid ergo si inter ipsa paria vnum vtcunque emineat, eiusdem tamen generis, non diuersi, quomodo dicendum erit? Comparatiuum non re-

fertur ad ea quæ plura sunt eiusdem generis, & superlatiuū non habet locum inter paria. Malim ergo dicere per comparatiuum, sed in ablatiuo, vt Maius cæteris. Nam inter duo (vt dixi) damus genitiuum. Quidam dant genitiuum etiam vbi plura duobus sunt, sed tantummodo ecclesiastici, præsertim imitati Græcos authores, vnde interpretatur. Nulla enim litera est Latina noui testamenti. Dicunt ergo, Maior discipulorum, minor fratrum: siue quia cæteri pares sint, vnus autem aut excellat, aut excellatur: siue quia non magnificerint hanc differentiam comparatiui & superlatiui, altero pro altero, hoc est comparatiuo pro superlatiuo vtentes, vt ex loco illo datur intelligi, Qui vult inter vos maior esse, sit vestrum minimus. Cur non dixit maximus minimusque, aut maior minorque? nisi quod pro maximus posuit maior, in quo Græcos secutum scimus. In illo autem (licet huc parum pertineat) Græcum non sequimur, Nūc manent fides, spes, charitas, tria hæc: maior horum est charitas. Cur non aut maior harum, aut maius horum? Græci genitiuum hunc in omnibus generibus vnum habent, qui est *τῶν*. Veruntamen potuisset Latinius dici, maximum, nisi Græcos imitari maluissimus: Græcos inquam, vnde traduxerunt, non autem veteres illos, ex quibus grammatica confirmatur. Nam, vt charitas est maior cæteris, ita cæterarum duarum (vt opinor) altera alteram superat, raroque reperitur numerus triū, vbi non potius superlatio cadat, quæ tres diuersas exigit quantitates, quàm comparatio. Ideoque Græci contenti fuerunt dicere comparisonem ad vnum, superlationem ad plura, quasi omnia inter se aliud ab alio distantia. Quin ipse Priscianus quanquam dissentit, tamen paulopost quasi imprudens, quod negauerat, confessus est, prior referri ad vnum, primus ad plura. Quod antea Diomedes, Donatus, & Seruius dixerant. Ideoque illud iungi ablatiuo more comparatiuorum, hoc autem genitiuo more superlatiuorum. Quæ non significant melior & optimus (quemadmodum ipse vult) sicut nec potissimum, optimum, in Phormione apud Terentium, Vbi dubites quid sumas potissimum. sed in his omnibus principalior, principalissimus, & principalissimum. Quod quū ita sit (vt in sūma colligā, & breuiter dicam, vt à principio institui) comparatiuum inter duo esse, superlatiuū inter plura, si modo tria sunt imparia: veluti si in duas partes ciuitas diuisa est, vt bello ciuili Pōpei & Cæsaris, recte dicas, Maior pars Quiritum sequebatur Pompeiū, minor Cæsarem: nō autem maxima, aut minima: nisi accipias pro valde magna maximā, & pro

Prior.
Primus.

Potissimum.

Lactantius.

In pariete
palmato.

Inter. Ex.

Virū. Quid.

valde parua minimam. Sin in tres partes, vt tēpore Triumuirali, dicendum erit, Maxima pars Quiritum sequebatur Octauium, pars maxima legionum erat cum Lepido, maxima pars nauium erat cum Antonio, non maior. In quorum vtroque (ne quis putet neminem hoc ignorare) peccauit Lactātiū, vir Latinus planē & facundus, qui in secundo libro Institutionum inquit, Vt possis dubitare, quos dicas potissimum stultiores, illōsne qui falsam religionem suscipiunt, an qui nullam. Et in septimo, Vt ea ipsa quæ dicerem, non nostris, sed aliorum potissimū literis cōfirmarem, potissimum dixit pro potius. duæ enim partes erant, non multæ: vt apud Quintilianum, Hoc loco quæram necesse est, quæ ratio fuerit, vt iuuenis ad parricidium suo potius gladio vteretur. tametsi non absurde hīc potissimum dici posset, quasi suo ex omnibus potissimum. Et in illo Lactantii quoque, si tale foret, Non aliorum, sed nostris potissimum: quasi ex omnibus potissimum. Erūntque multæ partes, & totidem quot sunt genera literarum. Vel, Non aliorum, sed nostris potius. Erūntque duæ partes, hinc nostræ literæ, illinc alienæ. Idem Lactantius in primo, Omnes Sibyllæ vnum Deum prædicant, maxime tamē Erythræa, quæ celebrior & nobilior inter cæteras habetur. Celeberrima & nobilissima dicendum erat. Cicero autem quodā loco id quod dico apertissime ostendit, quum ait in Pisonem, Me quum Quæstorem in primis, AEdilem priorem, Prætorem primum cūctis suffragiis p. r. faciebat. AEdilem priorem, dixit, quia tātum erant duo AEdiles, sicut duo Censores, & duo Consules. Cæteri autem ferē omnes magistratus multi, vt Prætor, Quæstorque, inter quos se creatum dixit aut primum, aut inter primos. Cuius rei si quis fidem desyderat, bini semper AEdiles nominātur à Terentio. Ipse Cicero pro Milone inquit, Septem Prætores, octo Tribuni plebis, illius aduersarii, defensores mei. Nam Quæstores penē singuli singulis prouinciis præficiebātur. Et exemplo Lactantii admoneor, vt dicam illas præpositiones Inter & Ex, tam cōparatiuo quàm superlatiuo posse dari, vt cōstat superioribus, quæ retuli, exemplis: & Quintiliani in Gladiatore, Qui inter nos (vt apparet) fortior fuit. Et in Geminis languentibus, Dii prohibeāt, vt ex duobus filiis vtilior incipiat esse periurus. De superlatiuo ipse paulò antè protuli exemplū, Celeberrima inter omnes & nobilissima habetur. quæ si pares præter vnā fuissent, vtendum putarem comparatiuo, vt fecit Lactantius. Solemus quoque interrogando, & dubitādo dare Vtrū comparatiuo, Quid autem superlatiuo: vt idem Quintilianus,

Ita non tātum vtrum sit melius, sed quid sit optimum quæritur. Iterū, Ex duobus vter dignior, ex pluribus quis dignissimus. Lib. 3. ca. 10.
 Et Cicero, Quū quærere videretur orator vtrū potius, aut quid Vter.
 potissimum dicamus. Tamen aliquando damus Quid etiam cō- Quis.
 paratiuo. Sed ego ad altiora ducente stylo transco, & ad ea quæ
 oratorum magis sunt, quā grammaticorum, & magis Latine
 elegantérque loqui volentium, quā eorum qui ad normam
 grammaticæ periti esse contenti sunt. Quare separemus ea, quæ
 de hac re dicenda supersunt, & eis suum locum assignemus: quæ
 etsi possent posterius tractari, tamen quia ad materiam graduū
 pertinent, in hoc potissimum loco exequemur, rem dignam au-
 ribus studiosorum, de exactissima antiquorum latinitate & ele-
 gantia à Marco Cicerone, Marcóque Fabio Quintiliano præci- Cicero.
 pue obseruata, duobus luminibus, atque oculis quum omnis sa- Quintilianus.
 pientia, tum verò eloquentiæ latinæ.

E P I T O M E.

Quisque frequenter cum superlatiuo tam diuersi quā eiusdem casus ponitur: minus eleganter & rarius cum comparatiuo, nisi cum altero nomine construat, aut substantiue ponatur, accedentibus particulis, Hoc, eò, quò, tanto, quanto, & similibus. Neque venuste iungitur positiuo, nisi cuius superlatiuus in vsu non sit. Ponitur tamen decenter cum numeralibus ordinis. Item cum VNVS per compositionem, sed tūc raro superlatiuum admittit. Item cum nomine SINGULARIS, quia singularissimus non dicitur (vbi male additur QVISQVE) & cum nomine QVOTVS pro quot. Caret autem QVISQVE adiectiuo iunctum, genitiuo plurali, pro quo singularem vsurpamus. OMNIS verò eleganter cum positiuo, & interdum cū cōparatiuo: rarò admodum cū superlatiuo propriè accepto construitur. Quod autem Apuleius dicit, Nāque peccatum semel vt bonus quisque sollicitus cauet, &c. non est imitandum: neque Apuleius semper syncrè loquitur. Illud Taciti lib. 12, Trepidatio ne vulgi inualidus quisque obritus: magis tolerandū quā imitandū. Cui simile est illud Tranquilli de Othone, Ferebatur. & vagari noctibus solitus, atque inualidum quēque obuiorū vel potulentum corripere, ac distento sago impositū in sublime iactare. noluerunt fortè nomini INVALIDVS superlatiuum dare. Illud verò Valerii Maximi lib. 4. cap. 3. de Fabritio, Censu par vniciue pauperrimo: videtur tolerandū, quia facile subauditur, & fortè adscripta erat particula ETIAM, vt sit, Vnicuique etiā pauperrimo, aut Vnicuique vel pauperrimo. Sic & Prisciani dicto facile addatur ETIAM, vt sit etiā eruditissimorū. aliter nollem imitari. Dixi, Nisi cū altero nomine construat, &c. Nā bene dicit Cornelius Celsus, Ex feris quo maius quodque animal, eo robustior ex eo cibus est. Ordo enim est, Quo quodq; animal est maius: nō quodq; maius. Et dū substantiue & sine adiectiuo sibi adhærente ponitur, recte dicit Horatius, Quanto quisq; sibi plura negauerit, à diis plura feret. Nō enim dixit plura quæq; Sic bene Quintilianus, Quo quisq; ingenio minus valet, hoc se magis attollere & dilatare conatur. Dixi etiam quod OMNIS cum superlatiuo propriè accepto raro ponitur, si tamen fingamus plura in summo gradu esse. quo modo Maro forsan dixit, Extrema per omnia duco. Vt Liuius lib. 3. ab Vrbe con d. de Herdonio, Omnia extrema. At Cicero, Omnibus antiquissimis ciuibus. Itē, Maximas verò virtutes iacere omnes necesse est, voluptate domināte. Item, Omnia infima summis paria fecit. Item, Quasi parentē ab omnibus

doctissimis vocari. Itē, Omnes tenuissimas particulas, atque omnia minima: & multa similia, dicens, Nō accipit superlatiua proprie: antiquissimis enim dixit, pro valde antiquis: & maximas, pro valde magnas, & ita alia. Neque verò cum per Quisque dicitur, Optimus quisque ciuis: accipitur o p t i m u s proprie vt sit bonus in summo gradu, sed quasi sit inter eos qui boni sunt dicendi: nam parū refert si dicatur Optimus quisque, & omnes boni. Item cum dicitur Decimus quisque, nō semper intelligitur vltimus ē decem, sed vnus ē decem quotusquotus sit. Interdum tamen intelligitur is qui sorte decimus inuentus est: vt si dicatur dux in decimum quenque animaduertisse, intelligetur in eum qui recensendo decimus occurrerit. Bene dicit Valla Nanquam fere, quia nōnūquam. Horatius in epistolis, Scire velim chartis pretium quotusarroget annus. Sic dicas, Parui refert quotus quisq; fuerit, dum rātundem acceperit. Martialem alii sic legunt, Dic quotus & quanti &c. nec habet interrogationem, sed ponitur sine quisque.

De natura superlatiui.

CAP. XIII.

Igitur superlatiuus adsciscit sibi Quisque, relinquit autem Omnis vel Cunctus positiuo. vt, Optimus quisque, sapientissimus quisque: pro eo quod est, vnusquisque, qui est bonus ac sapiens, vel omnes boni & omnes sapientes. Non enim liceret dicere, Boni quique, & sapiētes quique: nec Omnes optimi, & cuncti sapientissimi. Idem intelligo si superlatiuus in alio casu ponatur quā illud Quisque: sic, Maximo quisque animo diuitias despicit. Valentissimi quisque corporis longē abest à sapientia. At verò comparatiuo nō Quisque cōuenit, sed Omnis. Vegetius tamen non perpolitus sanē scriptor, inquit, Honestiores quique milites. pro honestissimi quique. Et Lactantius de opificio, Nam etsi ita esset, placidiora quæque animalia vel nihil felis omnino, vel minus haberent, quā fera. Maluissē ego dicere, placidiora omnia animalia. vt Quintil. in AEGro redempto, Rus, seruulos, Penates, & omnia vtiliora properanti festinatione * parentis addixi. Ex positiuis autem illa excipimus, quæ carent superlatiuo, qualia sunt, quæ habent i vel u ante us, vt Pius & strenuus, quæ nonnunquam patiuntur superlatiuū, ideoque vtranque rationem sequūtur, omnis pius, & pius quisque. Sallustius in Catilinario, Nam strenuus quisque aut occiderat in prælio, aut grauiter vulneratus discesserat. Ipse malle dice-re strenuissimus quisque, piissimus quisque. Quidam tamen Sallustiani codices scriptum habēt strenuissimus. Carent etiam superlatiuo illa numeralia, Secundus, tertius, quartus, quintus, & deinceps. Nam Primus etiam quum numerum significat, superlatiuum est, & Vltimus. Dicimus itaque primo quōque tempore, primo quōque die: quod imperitiores putant esse coniunctionem quōque, quæ habet primam breuem, quū hīc sit lōga.

*pergentis.

Numeralia.

Quōque ablatiuus.

Cicero in Philippicis, Primo quôque die consules ad senatū referant. Quamquam hîc non tam omnis, quàm vnus omniū primus dies significatur. Idem pro Rabirio, Tertio quôque verbo excitabatur. Et pro eodem Rabirio, Quinto quôque anno de moribus nostris iudicaretur. Cæsar commentario quinto, Legione producta cognoscit non decimum quenque militem reliquum esse sine vulnere. Suetonius in vita Cæsa. Et intercalario mense sublato, vnus dies quarto quôque anno intercalaretur. Quod ineruditi sic pronuntiare solent, Omni quarto anno est bissextum, Omni quinto anno fit lustrum apud Romanos Græcôsq;e, Omni quinquagesimo anno Iudæi agūt iubileum: quū sit dicendum, Quinquagesimo quoque anno. Vlpianus apud Iustinianum libro 27. ait, Militem quasi millesimum quenque di- Miles. ctum, id est omnem qui ex millenario numero vltimus: tamen accipiendus est non vltimus, sed quisque ex eo numero. Nam quum dico, Dabo tibi ex ouibus decimam quanque: non eam intelligo quæ decima in numerādo eueniet, sed vnā de decem, quæcunque sit: vel (vt absolutius loquar) singulas ex denis, siue ex decem, quas tu elegeris. Itaque vnaquæque potest esse decima. Et exemplo Cæsar's constat decimum quenque, esse vnum ex numero denario. Ita dicamus millesimum quenque esse vnū ex numero millenario. Iurisperiti nostri, elegantiæ Latinæ ignari, intelligunt militem ex mille maxime strenuum. Vnde puto errorem ortum de vocitandis militibus hoc tempore insignè quoddam dignationis ferentibus. Sed ad rem. Hinc etiam factū est, vt dicamus, vnusquisque, & singularis quisque, non singularissimus quisque: quod non reperitur: sicut nec vnicus habet Singularis. vnicior & vnicissimus. Quotus etiam iūgitur cum quisque, sed Quotus. tamen diuersa ratione à superioribus. Nunquam enim ferè vtimur hac dictiōe, nisi interrogatiue, & in significatione, quæ est quot. Quotus enim frequenter significat quot: vt Martialis, Dic quotus es, quanti cupias cœnare: nec vnum

Addideris verbum, mensa parata tibi.

Id est, quot estis: & quot tecū habes? Cicero pro Ligario, Quotus enim istud quisque fecisset? id est, nullus vel rarus. Ouidius de arte, Forma Dei munus, forma quota quæque superbit? Id est, nulla vel rara. Non venit in mentem, an cum aliis nominibus iungatur quisque. Hoc tamen scio, non habere Quisque genitiuū pluralem, duntaxat cum adiectiuo iunctum. Ideoque genitiuo vtimur singulari pro genitiuo plurali. Idē enim est, Optimi cuiusq; animus, quod omniū bonorū animus. Vnusquisque

autem ideo non facile patitur superlatiuū, quia illud Vnus vim quandam, ac naturam (vt paulo antè ostendi) superlatiui obtinet: potiusque dicimus, Vnusquisque bonus, quàm vnusquisque optimus: atque hæc hætenus de quisque.

E P I T O M E.

V T & I T A confimiles efflagitant gradus, ideoque si Q V I S Q V E interuenit, superlatiuos fere exigunt, & eos aut nominales ambos, aut aduerbiales ambos: aut alterū nominalem, alterū aduerbiale. Q V I D autē, & omnia cū eo cōposita, quæ i ante d vel c habēt, substantiua sunt, genitiuū alterius substantiui, aut adiectiuū eiusdem casus exigentia. Q V O D verò cū suis adiectiuū est, substantiuū cōsimilis casus desiderās: vt Quid monstri, aut Quod mōstrū alis. Quæcūque autē vim superlatiuā habēt, positiuo magis quàm superlatiuo cohærent, nisi diuissim legantur, aut superlatiuū minus propriè positum. Superlatiui vim habēt, In primis, inter primos, cū primis, apprime, vel ad prima seu primos, præter ceteros, cum paucis, inter paucos, super omnes, præter ceteros, ante alios, &c. per, valde, oppidò, sane, singulariter, vniçe, egregie, & similia. Nec contra hoc præceptum est illud Quidii, Vt ferus est, multoque suis truculentior Euris

Spectasset siccis vulnera nostra genis. Non enim V T & I T A habēt diuersos gradus, sed similes, Vt ferus ita siccis: nec refert si additur in alio gradu Truculētior: nā recte dicas, Vt ferus est & stolidissimus, ita nemini amicus, & omniū abiectissimus. Admittunt enim dictæ particule quoscūque gradus, etiam coniūctos, dummodo habeant similes: nam bene dicas, Vt doctus es, ita honorabilis: Vt multis doctior, ita & honorabilior: Vt omniū doctissimus, ita maxime honorabilis. Quidā defendunt Donatū, quia in emēdatis libris legitur, Ita senex videtur: & si senior, inquit, scripserit, pro senex acceperit. Dixi, Vim superlatiui habētia, magis positiuo cōgruere: quia interdū aliter locuti sunt etiā classici, sed raro, & quasi diuissim. Vnde Aul. Gellius, Bonas artes qui synceriter cupiunt appetuntque, ii sunt vel maxime humanissimi. Ordo enim est, Ii sunt humanissimi, vel, id est etiā maxime. Sic & illud, Q. Claudius Quadrigarius apprime sūmo genere natus erat. Vt sit natus erat apprime. Id est inter primos genere summo. Aut summo pro alto posuit. sunt enim tā rara huiusmodi locutiones, vt imitari non audeā. Nam illud Sallustii, Quod difficillimum in primis erat, sic diuidam: Ac sane quod difficillimum etiam in primis, id est primariis viris est, &c. Et sic non fit constructio In primis difficillimum.

De Vt & Ita cum superlatiuo, de Quo & Eò cum comparatiuo.

CAP. XV.

Vt. Ita.

Addamus de Vt & Ita, similibusque. Duplicatur superlatiuum, vel altera ex parte nomen, vel altera ex parte aduerbium, vel vtrinque nomen, vel vtrinque aduerbium, cū his indeclinabilibus quæ nominaui. Cicero de Oratore, Vt quisque optime Græce sciret, ita esse nequissimum. Idem in eodem, Vt enim quisque optime dicit, ita maxime dicendi difficultatem, variōsque euentus orationis, expectationēque hominum pertimescit. Idem de Officiis, Vt quisque animi magnitudine maxime excellit, ita & maxime vult princeps omniū, vel potius solus esse. Quintil. Quod vt longe optimum, ita difficillimum. Et iterum, Nō vt quidque primū dicendum, ita primum

Quidque.

occurrit. In quo caueamus, ne pro quidque dicamus quodque. Quodque. Multum enim refert inter hæc duo. In Catone maiore vtrunque superlatiuum sustulit Cicero, Vt quisque ætate antecedit, ita sententiæ principatum obtinet. quod facere alibi solemus: vt in illo, Homo in primis doctus: non, in primis doctissimus: In primis. ne duas res superlationem habentes coniungamus. Iusta igitur causa, quare Cicero superlatiuos prætermisit. Quæ causa Donato in Eunuchum Terentii non fuit, qui ait, Vt quisque miser est, ita senior videtur. Nam præter id, quod non adhibuit superlatiuum, etiam confusionem quandam fecit ex positiuo & comparatiuo. quod ita emendemus, tum per aduerbium, sic, Vt quisque maxime miser est, ita maxime senex videtur: tum per nomen, sic, Vt quisque miserrimus est, ita annosissimus videtur: tum per alterum aduerbium, alterum nomen, ita, Vt quisque maxime miser est, ita annosissimus videtur: vel, Vt quisque miserrimus est, ita & maxime senex videtur: tum per comparatiuum, nam & hoc idem efficit quod superlatiuum, hoc modo, Quod quisque miserior, vel, Quod quisque magis miser est, eò senior: vel eò magis senex videtur. Quod ita licere fieri, exemplo probandum est. Quintilianus secundo institutionum, Quod quisque ingenio minus valet, hoc se magis attollere ac dilatare conatur. Et paulo post, Erit eò etiam obscurior, quod quisque deterior. Iustinus autem siue Trogus superlatiuum cum comparatiuo miscuit, inquiens lib. 16, Locupletissimus vt quisque est, ita plures equites in bello suo regi præbet. Ego diceré, ita plurimos. quin & ita ab illo scriptum fuisse suspicari libet. Dicebā paulo antè, non licere dicere, in primis doctissimus: idem sentio de inter primos, & cū primis. licet Sallustius (si modo codex non sit mendosus) aliter dixerit, Ac sanè, quod difficillimum in primis est, & prælio strenuissimus erat, & bonus consilio. Similia his sunt, In paucis, cū paucis, inter paucos: item, Super omnes, ante alios, præter cæteros. Sed hæc etsi positiuo frequentius gaudeant, tamen nonnunquam patiuntur superlatiuum. Vt Plinius lib. 27, De usu absynthii conuenit dicere, Herbæ facillimæ, atque inter paucas vtilissimæ. Virgilius septimo AEneid.

Superlatiuus
dictionē refu-
git quæ vim
habeat super-
latiui.

Petit ante alios pulcherrimus omnes

Turnus auis, atavisque potens. Et in eiusdem operis primo,
Pygmalion scelere ante alios immanior omnes.

E P I T O M E.

Tantum & Quantum, & similia in um, absoluto quadrant, aut comparatiuo pro absoluto posito. Et si sint mera aduerbia, admittuntur cōparatiuo. Sed Tāto, Quanto, & similia in o, comparatiuo expresso vel subintellecto & interdum superlatiuo

cæteriſque vim excedendi connotantibus, cuiusmodi ſunt, Ante, poſt, cū cōpoſitis; alius, aliter, ſecus, diuerſus, & ſimilia. T A M autē & Q V A M etiam ſeparatim poſita, ſuperlatiua non reſpiciunt ſignificantia excellentiſſime cum poſitiuo: vt Cauſa tam optima, id eſt tam excellentiſſime aut excellenter bona. Verum, vt ex litera colligitur, in diuerſo ſenſu tribus cohærent gradibus, ſed ſerè ſimilibus, imo rectius ſimilibus. Quia illud Ouidii, Tam fœlix eſſes, quàm formoſiſſima vellem: poeticum eſt: niſi ſit ordo, O quamformoſiſſima, vellem eſſes tã fœlix, quàm, ſcilicet formoſa: quæ conſtructio eſſet Latina, ſed dura. Dixi in um quadrare comparatiuo pro abſoluto poſito. vt apud Terentium, Eius frater aliquantulum ad rem eſt auſior. id eſt auiduſ. Et illud, Praxiteles propter artiſcium egregium nemini eſt (paulum modo humaniori) ignotus. Humaniori, id eſt humano: videtur tamen in vtroque comparatiuum potius vim ſuam retinere, vt ſit auſior cæteris, aut quàm par eſt: & humaniori cæteris. Nam leguntur authores claſſici cum indubitatè ea conſtruxiſſe comparatiuis, ſed dici tunc poſſunt merè aduerbia quæ declinationem non agnoſcunt: idque ſerè vbi non eſt contrapoſitio duorum. Quintilianus, At qui paululum ſuperiores. Aulus Gellius, Sed tamen eſſe aliquantulum breuiora. Val. Maximus cum contrapoſitione etiam dixit, Quantum domo inferior, tantum gloria ſuperior euasit. Iuuenalis, Quantum ſublimior Atlas &c. Dixi, Vel ſubaudito: vt in illo Plautino, Bis tanto amici ſunt inter ſe quàm prius: intelligitur magis, ad quod refertur quàm. Sane refellatur eorum error qui putant Q V A N T V M & Q V A N T O miſceri non poſſe. nam Virgilius crude miſcuit, Quantum exuperas, tanto impenſius, &c.

De Hoc magis, & Eò magis, Tantum & Tanto, ſimilibuſque, quomodo iungantur gradibus. C A P. X V I.

HOc magis, & Eò magis, idē eſt, quod tãtò magis. Item quò magis, idem eſt, quod quanto magis. Quare admoner, vt aliquid de horum omnium natura præcipiam: poſitiuos magis decere Tantum & Quantum, comparatiuos Tantò & Quantò. Cicero, Quantò es maior, tantò te geras ſummiſſius. Non autem, quantum es maior, tantum te geras ſummiſſius. Contrà, Quantum potes, tantum elabora. non autem, quantò potes, tantò elabora. Lactantius tamen præter morem oratorum inquit, Quantò frequenter impellitur, tantò firmiter roboratur. Et Boetius in dialecticis dixit, Paulo æquales. hic pro paulum, dicens paulo: ille pro frequentius firmiuſque, frequēter firmiterque. Tolerabilius, quod facit poeta Catullus, Tantò peſſimus omnium poeta, Quantò tu optimus omnium patronus. In ſuperiore Lactantii exemplo, bis peccatū eſt in vtroque membro. Quidam peccant in altero, vt ſi dicatur, Quãtò frequenter impellitur, tantò firmiter roboratur. Vel, Quantò frequēter impellitur, tantò firmiter roboratur. Niſi ita venuſte dicas, vt Virgilius in duodecimo,

O præſtans animi iuuenis, quantum ipſe feroci
Virtute exuperas, tantò me impenſius æquum eſt Conſulere.

Et Quintilianus in primo, Quid autem aliud in nostris legionibus cornua, ac tubæ faciunt? quorum concentus quāto est vehementior, tantò Romana in bellis gloria cæteris præstat. quod non licuisset aliter dicere. Proxime autem ad vim comparationum accedunt illa aduerbia Antè & Pòst, siue præpositiones. vt, Tantò antè ego veni, quāto tu pòst venisti. Et illud nomen Alius, & eius aduerbium Aliter, & huic simile Secus. vt Quintilianus, At quāto alius fuit ille infœlicissimi iuuenis affectus. Et Terentius, Verum aliter euenire multò intelligit. Et Cicero, Multo secus euenit. Nam quod dico de tanto & quanto, idem intelligo de aliquanto, de multo, de paulo, cæterisque similibus. Rursum quod de tantum & quantum, idem de aliquantum, de multum, de paulum, & reliquis. Sed quia hæc transeunt in aduerbia, ideo nonnunquā his quæ exeunt in um, abutimur pro his quæ exeunt in o: præsertim quando non est illa contrapositio duorum, vt superioribus exemplis ostendimus. Iuuenalis,

Despiciam quid sit quantum sublimior Atlas. Terentius, Eius frater aliquātum est ad rem audior. Quintilianus, At quidam si fortè susceperint negotia paulum ad dicendum tenuiora, ea conuitiis implent. Ita in aduerbiis præpositionibusq; multum antè, vel multo antè, paulū pòst, vel paulo pòst. Verbis autem semper ferè conuenit per um potius, quàm per o, exceptis ab ante, à præ, à post compositis, more eorum vnde componuntur, vt multo præstat, & multum præstat. Sallustius, Multo præstat maleficii quàm beneficii immemorè esse. Ita Multum, vel multo antecellit, Paulum vel paulo posthabui tua negotia meis. Tam & Quàm similia atque eadem videntur, tantum & quantum: ideoque rarò cum comparatio iunguntur. vt Virgilius, Tam magis illa fremens, & tristibus effera flammis, Quàm magis effuso crudeſcunt sanguine pugnæ.

Cum superlatiuo frequētius: vt, Tam hic est omnium optimus, quàm nobilissimus. Sallustius, Quàm quisq; pessime fecit, tam maxime tutus est. Quod idem valet, ac si diceret, Vt quisque pessime fecit, ita maxime tutus est. Terentius,

Nanque adolescens quàm maxima in spe situs erit, Tam maxime patris pacem in leges conficiet suas. Solent poni tam & quàm separatim, & alterum sine altero, vtrunque in significatione vehemētiae. vt Cicero, In tam optima causa non debeo timere. id est in tam valde, ac perquam valde bona causa. Et iterum, Nondum erat vestris tam grauissimis, tamq; multis iudiciis, ignominisq; concisus. id est tantopere grauibus.

De Quàm, hoc sit exemplum, Tu es homo quàm iucundissimus. id est valde, vehementerque iucundus. Sed de hoc differendum est latius, ideoque non in eundem locum includam.

E P I T O M E.

PER particula significans valde aut vehementer, positiuo nomini aut verbis, non comparatiuo aut superlatiui subditur: nec per compositionem, nec vt præpositio, sed auctiua particula. Q V A M autem, pro eo quod est quantum, positiuo quidē adhæret, sed per figuratam locutionem, vt dū admiratiuē, infinitē, vel interrogatiuē loquimur. Rarius, tamen non nunquam sic superlatiui iunctam legas, sed positam pro perquam. Q V A M pro quanto legitimē, licet non frequenter comparatiuo datur. Q V A M pro valde, superlatiui, idque cum verbo principali & citra figuram: & vt iam patuit, pro excellenter in summo gradu. Quo modo accipi potest illud Terentii, Quàm intimum, id est excellenter charū: aut pro positiuo accipitur. Nam & intimior inde fit: sicut à proximus, proximior. Vlpianus lib. 30. ad edictum, Siquis proximior nasceretur cognatus. Neque tamen Q V A M superlatiui iuncta, recte significat quando, aut quo tempore: in ea enim significatione dicendū est, cum, vt, vel vbi. Nec venuste dicas quamplures, sed complures, licet nonnulli ita locuti legantur. At quia dicere possum pro diuerso quamprimum & cūprimum, attendenda est significatio: vt si dicere voluero, Veniam valde cito, dicam Veniam quamprimum: si Tam cito quàm potero, vel Cum primum potero: dicā, Veniam cum primum, vt primum, vel vbi primum potero. Nec dicam, Quamprimum adueneris, cœnabimus: sed Cum primum, &c. Adhærere tamē videtur Q V A M sic superlatiuis, interueniente verbo Possum, queo, valeo, licet, datur, permittor, aut simili: sed verius adhæret sic verbo: vt Dicam quam optime potero, aut valebo. ordo est, Dicam optime quàm, id est quantum potero, aut valebo. Venuste autem particula Q V A M cum vt, aut pro, aut relatiui, sequitur cōparatiuum, hoc modo, Iu nior est, quàm qui, aut quàm vt tale bellum gerat. Maius est onus, quàm pro humeris tuis. Veruntamen Q V A M pro valde iuncta particula positiuum efflagitant, illi legitime cohæret: vt Perquam, oppido quàm, sanē quàm pauci dicendi sunt eloquentes. At superlatiui iuncta, quia significat idem quod PER cum positiuo (idē enim est perdoctus & quādoctissimus) genitiuum refugit, sicut & positiuum nomen. vt non dicetur, Vir omnium quam optimus, sicut nec omnium perbonus: loquor de genitiui superlatiuis proprio: nam dicere, vt opinor, liceat, Vir multarum rerū quādoctissimus: sicut Multarum rerum perdoctus. Dixi in principio huius epitomes cum authore, PER significans valde, &c. quia si significet quasi per medium, aut perfectionem quandam, aut perniciem seu prauitatem, vt in mere compositis non refugiat comparatiua aut superlatiua. Vnde Horatius, Arcanique fides prodiga pellucidior vitro. Sic magis peruium, & maxime peruium bene dicas. At si perlucidum, pro valde lucido acceperis, perlucidius ne dixeris. Item Perfectus, perspicax, pernix, & cætera verē composita, vt quæ prauitatem connotent, Perditus, peruersus, pertinax, pertusus, perplexus, peruicax, & similia, comparatiua & superlatiua rite formant. Non sic perdoctus, sed pro eius comparatiuo dicetur, multo doctior: & pro superlatiui, quàm doctissimus. Q V A M per figuram cum positiui adhæret, vt si dicam, Quàm doctus fuit Cicero! Nescio quàm doctus fuit. Dii boni quàm doctus fuit! Interdum etiam citra figuram, sed aut licēter, vt censeat Valla: aut Q V A M pro perquam ponitur, quod placet: sed tot sunt classicorum exempla, vt refellere non ausim: malim tamen loquendo præceptum hoc sequi. innumera sunt apud Quintilianum, præsertim in declamationibus, exempla: multa apud Ciceronē & alios, quorum quædam, vt excuses bene, figuratē legas, quædam tamen vix bene. Hæc autem cōtra Vallam adducta legi, Cæsar Comm. lib. 4. de bel-

Io Gallico, Vt quàm celerè atque instabilem motum haberet. Gellius lib. 15. cap. 9, Imo inquam potius nos, & quàm audaces, & quàm licentes sumus, qui frontem improbe indoctèque virili genere dicimus. Sil. lib. 3, Magnis quàm læta fronte sacerdos. Tul. in Lælio, Quàm multa enim quæ nostra causa nunquam faceremus, facimus causa amicorum, &c. Id figuratè legi potest. Plin. lib. 33. cap. 13, Quare quæso: nisi vt quammulti eos conserui inferrent: Vbi interrogatio quidem est, sed non in dictione quammulti. Quod autem citant ex Tuscul. quæst. 5, Abacòsque quamplures ornavit argento auroque calato, &c. legam cum Valla complures. At illud Varonis lib. 2. de canibus, Quàm paucissimos relinques, tam optimi in alendo fiēt: cōtra regulam non est: sicut nec illud Catonis in Re rustica cap. 65, Quàm acerbissima olea oleum facies, tam oleum optimum erit. Verum in vtroque quàm & tam cum superlatiuo, videntur accipi prout & ita: non enim rectè exponatur quàm acerbissima, id est valde acerbæ, sed vt acerbissima. Et est noua elegantia non conuiuentur animaduertenda. Q V A M pro quanto, cum comparatiuo est in illo Virgiliano, Quàm magis illa fremens, &c. Sic dicatur, Quàm eloquentior fuit Cicero Romanis cæteris, tam & doctior.

De Per & Quàm cum gradibus.

CAP. XVII.

Idem nanque pōderis in compositione habēt Per & Quàm, sed alterum positiui proprium est, alterū superlatiuo: vt Perpulchre, perbelle, perdiligenter, quam pulcherrime, quam optime, quam diligentissime, quorum exemplorum referta sunt omnia. Hoc intelligitur, quoties accipitur quàm, pro valde, siue vehementer. At contrā quàm pro quantum, nunquam cum superlatiuo, sed semper cū positiuo: vt Cicero, Quàm morosi sint qui amant, ex hoc potes intelligere. Vides vt quàm pro quantum non potest adiungi verbo principali, duntaxat in recto modo loquendi, hoc est, quando non figurate loquimur, vt exprobandi, deridendive causa, hoc modo: Quàm cito venisti, quàm suavis homo es. Loquor autem quoties duo verba in eadē oratione inseruntur, semper cum verbo non principali iūgi, quàm pro quantum: pro valde frequenter vno verbo contentum esse, & in duobus principali potius gaudere, nonnunquam altero: vt, Vbi est lucrum, eò quamprimum aduolas. &, Ibi est lucrū, quò tu quamprimum aduolas. At in hac differētia positiui & superlatiuo aliqui se obiciunt, afferentes Terentium in Andria, Reiecit se in eū flens quam familiariter. Et in Eunuchō, Post illa tempora tute scis, quàm intimum te habuerim. In quorum exemplorum priore est quàm pro valde cum positiuo, in posteriore quàm pro, quantū cū superlatiuo. Ego verò accipio illud quam familiariter, pro quantū familiariter figuratè: quasi, ô quantum familiariter. & hoc intimum accipivolo pro positiuo, sicut proximū. Dicimus nanque, Hic est mihi magis proximus: ita, Hic est mihi magis intimus. Neq; in hoc toto meo opere tam licentiam poetarum confector, quàm vsum oratorum. Neque siquid

Nota diligenter.

aliter penes authores reperiatur, mihi obesse debet, qui non legem scribo, quasi nunquam aliter factum sit, sed quod frequentissime factitatum est, præsertim à Marco Tul. Marcóq; Fabio: apud quos si quando reperiatur quàm cum positiuo pro valde: aut cum superlatiuo pro quantũ: ausim affirmare mendose scriptũ. vt in procæmio de Oratore, Quàm boni per diu nulli. quasi de valde bonis, & non potius de bonis loquatur. Vera scriptura erat, Boni perquam diu nulli: aut potius Quũ boni per diu nulli. aliter enim videtur non congrue dici. Quod vitium scribendi vtinam in paucioribus esset. Quod Cicero ipse illo suo eruditissimo seculo (quod vix credibile videtur) queritur: ita, vt apud Latinos mendosiores sint codices Latini, quàm Græci. Quanquam apud Græcos longe difficilior sit scribendi, quàm apud Latinos ratio. Nam cur non sapius, quàm pro valde cum positiuo in illis reperiremus, si probassent potius quàm respuissent? Qua in re non verebor reprehendere Boetium, Priscianum, & elegantiorẽ utroque Lactatium. Primus super Ciceronis Topica ita ait, Nosti oblatrantis morsus inuidiæ, nosti quàm facillime in difficillimis causis liuor iudicium ferat. Mallem dixisse, quàm facile. Secũdus lib. 18. ita, Ideo ex vno libro Ciceronis tot vsus proponere statui, vt docerem quàm frequentissime hac constructione vsi sint authores eloquentiæ Latinæ. Latinius erat, quàm frequenter vsi sint, vel quam frequentissime vsos. Tertius ita lib. primo institutionum, Et quam multa alia de Deo nostris hominibus locutus est similia. Per multa ego dixissem. Idem lib. sexto, Hoc autem duplex sacrificii genus quàm sit verissimum, Trimegistus Hermes idoneus testis est. Et in principio statim libri de opificio inquit, Quàm minime sim quietus summis etiam necessitatibus, ex hoc Libello poteris æstimare. Puto Ciceronem quàm sit verum, & quàm parum sim quietus, potius fuisse dicturũ, qui scribēs ad Trebatium in procæmio, ita ait, Sed dũ fuimus vnũ, tu optimus es testis, q̃ fuerim occupatus. non dixit, quàm summe occupatus, aut quàm maxime occupatus, aut q̃ occupatissimus fuerim. Quod autẽ dixi de quàm, nõ debere illud iungi cũ superlatiuo, quoties significat quantũ, vnũ verbum excipitur possum, & quæ idem significant, queo, valeo, licet, & si qua sunt alia. vt, Scribas quam optime potes. Nec recte dicas, Scio quam optime scribas. quod præter authoritatem summorum authorum etiam ratione nititur. Quia vbi est verbum potes, ibi quàm non iungitur cum superlatiuo, sed cum verbo: sic, Scribas optime quàm potes. In aliis autem nequit iungi cum verbo: sic,

Possũ.
Queo.
Valeo.
Licet.

Scio optime quàm scribas, nisi alter sit sensus. Ergo illud non planè Latinum est, Quàm primum mare intraui, exorta tempe-
 stas est: sed quum primum: & Quàm primum potero, mare intra-
 trabo: vel Quum primum potero, vel vt primum potero, vel
 vbi primum mare intraui: aut vt primum, vel vbi primum po-
 tero, mare intraibo, Latinum erit. Ex his quæ dixi, colligitur, vbi
 est quàm pro quantum, ibi quoque poni posse ipsum quantum.
 vt Cicero de Amicitia, Nisi quòd tanta est inter eos, quanta ma-
 xima potest, morum, studiorumque distantia. Quintilianus in
 secundo, Quum aliquid adhibita quanta maxima potest cura,
 diligenter elimauerit. Vt quoque in locum quàm, vel quantum. Vt.
 succedit, nunc sine ita, nunc cum ita. Primo modo sic, vt apud
 eundem in duodecimo, Non omittèda pars hæc orationis, sed
 exigenda, vt optime possumus. Et Cicero in Philippicis, Quas
 vt honorificentissimis verbis ipse consequi potero, complectar
 mea sententia. Altero modo sic, vt apud eundem de Oratore,
 Hæc vt breuissime dici potuere, ita à me dicta sunt. De positi-
 uo autem nemini dubium erit, quàm & vt, conuenire cum pos-
 sum: vt idem in Philippicis, Sed reliquum cursum vitæ quàm
 quidem possum breuiter perstringam: & vt potui, breuiter per-
 strinxi. Recte ergo pones, quàm pro quantum cum positiuo &
 superlatiuo, intercedente verbo possum: Male autem cum com-
 paratiuo, siue sine possum: vt, Quamplura volumina ille com-
 posuit. dicendum est complura, non quamplura: vt quidam Complura.
 male scribunt. In aduerbio quoque superlatiuo nonnunquam
 legimus complurimum pro plerunque. siue per possum: vt, Nar-
 raui rem gestam quam breuius potui, aut quàm potui breui-
 us. Cuius hic quidem sensus, sed tamen barbære prolatus est,
 Narraui quam breuissime potui. quanquam hoc secundum po-
 test accipi in eū sensum, qui est, Quā breuius potui, siue (vt aper-
 tius loquar) breuius quàm potuissē. Primus modus sic accipi nō
 potest. Nec hoc quidē barbarie caret, licet huius loci non sit, Ille
 est nimis iuuenis ad dādū sibi tale negotiū: quod sic Latine di-
 ceretur, Ille est nimis iuuenis, aut iunior, quàm vt ipsi detur tale
 negotiū: vel, Est iunior quàm cui tale negotiū detur. Cuius rei Quàm vt.
 plurima vbiq; exēpla sunt. vt Quintil. Sed hoc apertius est, quàm
 vt probādū sit. Et ita opus inchoatur Valerii Max. Urbis Romæ,
 exterarūque gentium facta, simul ac dicta memoratu digna,
 quæ apud alios latius diffusa sūt, quàm vt breuiter cognosci pos-
 sint. Id est, latius sūt dispersa, ita vt nō breuiter cognosci possint.
 Quàm qui.

Quàm pro.

Perquam.

Curtius.

Item Quintil.in 10, Ideoque ne suscipiendæ quidem sunt causæ plures, quàm quibus se suffecturum sciat. In eandem rationem cadit ille modus, qualis est, Maiorem geris vestem, quàm pro habitu corporis: vt Curtius, Maiorem quàm pro magnitudine, syluæ reddebant sonum. Illud hoc loco iocosum inferere non pudebit. Siquis interrogatus huiusmodi positiui perpulcher, qui comparatiuus sit, & qui superlatiuus? non aliter bene respondebit nisi ita, multo pulchrior, & quam pulcherrimus. Ex his autem duobus, de quibus diu disseruimus, per & quàm, cõflatur vnum perquam, quod vtri dandũ erit, positiuo, an superlatiuo: (vtrunque enim in eo partem sibi vendicat) certe positiuo, vel quia per antè est: vel quia indecens videretur duo aduerbia vehementiam significãtia superlatiuo anteponi. Dicimus itaq; Perquam doctus, perquam eruditus, perquam pulcher. Et sicut verbo solet apponi per, ita perquam, vt peruelim, perplacet: perquam velim, perquam placet. Plinius iunior in epistolis, Perquam velim scire. nisi interpositum sit quàm, inter præpositionem & verbum, cum quo illa copulatur. quale apud Terentium, Per pol quàm paucos reperias meretricibus fideles euenire amatores. Quod sic resoluitur, Pol perquam paucos. Boetius tamen in commentariis logicæ breuioribus superlatiuo dedit, dicēs, Apud scriptores quidem Græcos perquam rarissimos. Et Pomponius de origine iuris, digestorum Iustiniani lib.1, Nam ante eum Seruius duos libros ad Brutum, perquam breuissimos ad edictum scriptos reliquit. Et facundus scriptor Curtius lib.4, Bessum quoque Bactrianorum ducẽ perquam maximo posset exercitu coacto descendere ad se iubet. Sed huiusmodi exempla tam rara sunt, vt dubitem, an librariorum sit culpa. Certe ipse sic loqui non ausim. Aulus quidẽ Gellius hoc quod præcipimus semper custodiuit. Cæterum (vt est in loquẽdo curiosior) pro perquam ita loquitur, Sanequam vtile, voce admodumquam suaui, oppidoquã libens, nimisquam ineptum: quæ aduerbia idem pollent quod per, pro valde. Vsitatius tamen est perquam: vt Perquam vtile, voce perquam suaui, perquam libens, perquam ineptum. Tametsi Cæsar commentario 13, Quibus rebus oppidoquam pauci sub pellibus acquiescebant. Et Seruius Sulpitius ad Ciceronem scribens ita incipit, Posteaquam mihi nuntiatum est de obitu Tulliæ filiæ tuæ, sanequam pro eo ac debui, grauiter molesteq; tuli. Et ad eundem Cælius etiam ita incipit, Sanequam literis Cæsaris sumus commoti. Nam Cassius cis Euphratem Parthorum copias esse scripsit. Et Brutus quoque Decius ad eundem, Nam

suos valde quàm paucos habet. Et iterum in eadē epist. Sanequam gauisus sū. Quid plura? Ipse quoq; Cicero ad fratrem, Nā quod de Pōpeio Caninius agit, sanequam refrixit. Non succurrit mihi, si quod aliud exēplū apud Ciceronē repererim. Et Titus Liu. nescio an alibi, quàm lib. 48, Quū haud facile esset, aut ea quæ obiceretur, aut quæ aduersus ea dicēda erāt, memoria cōplecti. Nec enim multa solū, sed etiam pleraq; oppidoquam parua erāt. Hæc igitur dantur positiuo, illa verò magis superlatiuo, Multo & Lōge in eo ferè significato, quo solet quàm cum superlatiuo. Sed cum hac tamen differentia, quòd huic Quàm nō tribuimus genitiuum illum superlatiui proprium, aut ablatiuum, accusatiuumve cum præpositione, vt fit sine ipso quàm. Marcus Tul. Acerrimū autē ex omnibus nostris sensibus, esse sensum vidēdi. Et iterū, Quē Crassus dilexit ex omnibus plurimum. Non dixit quam acerrimū, aut quā plurimū ex omnibus, siue inter omnes.

EPI TOME.

Lōge & Multo, & similia in o, decēter adhærēt cōparatiuo & superlatiuo, ac dictionibus excessum aut diuersitatē cōnotātibz. Facile autē superlatiuo & verbis diuersitatis aut excessus: hisq; no minibus Princeps, præcipuus, primus, secundus. Valde autē positiuū efflagitat, quē Lōge & Multo, nisi excessum aut diuersitatē cōnotēt, refugiūt. Minimū aut Minime, licet Valla nō dicat, habēt vim superlatiua, quia genitiuū superlatiuo propriū regūt: sed Minimū maxime diminiuit in mole & numero, Minime maxime negat vt deduci videatur à minus pro nō: cōfunditur tamē Vallæ differentiā. Et vt ad elucidationē literarū non nihil addam, Paucissima sunt vera aduerbia superlatiua in e, & in um exeūtia, licet Donatus ita doceat. Aduerbia autē ordinē aut tēpus cōcernetia, & in um & in o, in superlatiuis exeunt, vt Primū, extremū, summū, supremū, secundū, tertiuū, &c. aut in o: sed sunt qui velint in um tēpus, in o locū & ordinē significare: in qua sētētia fuit M. Varro, vt recitat Gel. lib. 10. cap. 1. dicēs, Verba M. Varronis ex lib. disciplinarū hæc sunt, Aliud est quarto prætorē fieri, & aliud quartū: quòd quarto, locū adsignificat, ac tres ante factos: Quartū, tempus adsignificat, & ter ante factū. Sūt etiā positiua aduerbia vix in e pronūtianda, vt raro vel rarēter, nō rare. Continuo, assiduo, sedulo. Multa in o & in um diuersis gradibus aptāda, vt Multo, paucio, rāto, quāto, nihilo, &c. quæ in o vidētur quasi nomina, sicut in um cū verbis ad sensum pertinētia quasi aduerbia, cū sint nomina, vt Toruū clamat, Vitiū aut hominē sonat, &c. Dixi differentiā nō vsquequaq; seruari. Nā minime pro minimū secundū Vallæ distinctionē dixit Cicero, Vt ea si nō decore, at quàm minime indecore facere possimus. Qui enim decore nō facit, licet minimū, indecore tamen facere videtur, nō minime, id est nullo modo indecore. Idē, Propterea quòd minime sibi quisq; notus est, & difficillime de se quisq; sentit. Nā vt detur quisq; sibi minimū notus, nō tamē minime, si omnino neget: ergo illic pro minimū accipitur. Illud autē eiusdē Ciceronis, Quod quidem tu minime omnium ignoras, videtur mihi dictū secundū acceptionē Vallæ: nā potest quis omnino nō ignorare. At insit dicēs Minime illic habere genitiuū superlatiuorū, ergo superlatiuū esse. Valla autē negat Minime esse superlatiuū. Ad ea dico primo nō cōvincere superlatiuū esse, si simili modo regat genitiuū: quia sicut dicitur Primus omniū, ita Vnus & solus omnium: quæ tamē superlatiua nō sunt. Secūdo dico Minime esse aduerbiū superlatiui gradus, quia summe negat, cuius cōparatiuū est minus. Nec Valla negat superlatiuū esse, sed superlatiuū eius quod est parū: quia quòd minime fit,

d. i.

omnino nō fit: quod verò minimū, fit quidē, sed in minimo numero, aut in minima quātitate: nō tamē Vallā negat sūme negare, & ita esse superlatiuū negandi, habēs in cōparatiuō minus pro nō: sicut minimū habet cōparatiuum minus, id est magis parum. Itē Quintilianus, Mihi semper moris fuit quā minime alligare me ad praecepta, quā catholicā vocāt: vbi tamē nō male loquatur secundum Vallā, si accipiat quā minime, pro omnino nō, aut nullo modo. Sūt etiā qui notēt in Vallā negatē potissime dici illud Ciceronis, Haecenus mihi videor quid scire potissime, dixisse: Superlatiua autē in o, exire probāt hoc eiusdē testimonio dicētis. Cuius & illud exemplum, Scæuolæ te dedisti: quem omnes amare meritissimo, pro eius eximia suauitate debemus.

De Longe, Multo, Facile, Valde.

CAP. XVIII.

ID quoq; fit in Multo, atq; in Lōge provalde, & in Facile, pro nō dubie, vt Quintilianus lib. 2, Declamādi ratio, vt est ex omnibus nouissime inuēta, ita & multo est vtilissima. Idē, Lōge omniū quos quidē mihi audire cōtigat, prae stātissimus Domitius Apher. Et Marcus Tul. Sed ego neq; illis assentiebar, neq; harū disputationū inuētori, & principi longe omniū in dicendo grauissimo & eloquētissimo Platoni. Idē pro Rabirio, Virū vnū totius Græciæ facile doctissimū Platonē. Amat etiā Lōge (vt multo) secū iūgi cōparatiuū: vt Virg. in 9, At pedibus lōge melior Lycus. & ea de quibus antea disputaui, Alius, aliter, secus, ante, post. vt Longe alius, longē aliter, longe secus, longe ante, longe post. Et cōposita à prae: vt Lōge prae stās, lōge prae stat. Quintilianus, Sed cū lōge prae cedūt ingenia viuētū. & cætera quæ superlationem quādā habēt, & proxime ad cōparatiua accedūt: vt Lōge superat, lōge vincit. & ea quæ diuersitatē, more illorū, alius, aliter, secus: qualia sūt diuersus, dissimilis, alienus. vt Lōge diuersus, lōge dissimilis, lōge alienus. Princeps ne adiectiuū quidē est more positiuorū: tamē quia superlationē significat, adsciscit sibi lōge. vt idē, Nouē verò lyricorum lōge Pindarus princeps. & facile, pro eo quod est haud dubie. Marcus Tul. pro Cluētio, Nō solū municipii Larinatis, ex quo erat, sed etiā regionis illius & vicinitatis virtute, existimatione, nobilitate facile princeps. Præterea cū præcipuus, cū primus, cū secūdus, & si qua alia sūt. Quintilianus de Euripide loquēs, In affectibus verò quū omnibus mirus, tum in iis, quæ miseratione cōstāt, facile præcipuus, & admirāndus maxime est. Sic facile primus, vel facile sūmus. Facile verò secundus dicimus, nō ad ordinē respiciētēs, sed ad dignitatē. Quale est, Tu es facile secundus à rege. hoc est, facile post regē primus. Lōge igitur provalde, propriū est (exceptis paucis) comparatiui & superlatiui. Ipsum autē valde positui & verbi. vt Valde diues, valde pauper, valde laudat, valde vituperat. Nec ausim dicere, Lōge diues, lōge laudat: nec Valde ditior, valde ditissimus. Hæc autē, quæ à me de aduerbiis tradūtur, nō fuerūt intētata veteribus grāmaticis. Nā

Lib. 10. cap. 1.

nuper, quū iā ista cōposuissē, inueni in bibliotheca Beneuētana Sergiū super Donatū ita dicētē, Donatus dicit quinque tātū aduerbia positiuo esse iūgenda, Tā, magis, maxime, minus, & minime: ea scilicet ratione, quoniā vim in se habēt cōparandi, atque ideo nō debēt cōparatiuis casibus iūgi, ne videatur cōparatio geminata. Qui enim dicit, tam doctior, penē hoc dicit, doctius doctior, quod latinitas nō patitur. Prōbus autē dicit, omnia aduerbia, quæ vim augētis, aut minuētis in se habēt, nō debere cōiungi nec cōparatiuo, nec superlatiuo, vt sūt ista, Valde, multū, plurimū, per, & similia. Nā ista omnia tantū positiuis casibus debemus adiūgere. Idē Sergius lōge post ita ait, Cōparatiuo & superlatiuo quinq; hęc cōparationis aduerbia nō apponemus, vt Tā, minus, minime, magis, maxime, quæ tamē soli positiuo adiiciētur. Hęc quæ tres authores tradūt, & imperfecta sunt, nec omnino vera, vt ex eis datur intelligi, quæ ipse præcepi. Dicim⁹ enim, Multo fortissimus, & Ego sū tā te fortior, q̄ nobilior: & Tā omniū sū fortissimus, q̄ nobilissimus. Cōparatiua verò addi nō oportere cōparatiuis, ne præcipiēdū quidē est. Quod autē posuit minime & maxime, & similia Sergius, non rectē posuit. Nā minimū, est propriū aduerbiū superlatiuum: minime verò pro negatione accipitur, quasi nequaquā. vt Hic homo est minimū literatus, id est pauxillum literatus. Ego sum minime literatus, id est idiota, & nihil prorsus habens literaturæ.

E P I T O M E.

Cōparatiū sæpe nō réverē excessam, sed excessæ similē, in ablatiuo regit: tūc q; cōcinnius per accusatiū quā per nominatiū loquimur. Sicut sæpe quasi plen⁹ & suauius quippiā per neutrū genus quā per aliud exprimim⁹, licet nō plus significemus. Ablatiui qui ferē illo modo regūt, sūt Annis, diebus, fide, opinione, spē, æquo, dicto, &c. Sic dicimus, Obtinui laudē maiore patre tuo: nō quā pater tuus sit, sed quā pater tuus obtinuit, quocircaverius dicatur, Obtinui laudem maiorem patris tui, scilicet laude. Illud etiam Virgilianum, Nec tempore segnior illo: sic melius accipitur. Nec Vulcanus supple fuit illo tempore segnior, supple femina, id est quā sit femina, &c. Ad feminam enim, non ad tempus, facit comparisonem.

De proprietate quadam comparatiui.

CAP. XIX.

ATque hęc hactenus. Illud ad extremū adiiciamus de cōparatiuo, cōsuetiorē sermonē esse per accusatiū, q̄ per nominatiū in illis, quale est, Tu maiore laudē assecutus es patre tuo, tuisq; maioribus. vix audeas dicere, Tua laus est maior patre tuo. Tamē solemus aliquando sic vtī: vt Virg. in 8. AEneid. Haud secus ignipotens, nec tēpore segnior illo. Et Quintil. de apibus pauperis, Vnū rogo, ne cui minor vestra dignitate videatur causa litis meæ. Et in 3. Instit. Nō debes apud prætorē petere fidei cōmissū, sed apud cōsules: maior prætoria cognitione sūma est. Fortasse videatur mollis in obliquo casu. quod si ita nō est, vō
d.ii.

Opinio.

Neutrum ge-
nus suauius.

Io tamē annotatū esse, q̄ incōsuetā vox auribus hāc videtur esse, Maior sūma pecuniaria est prætoria cognitione. pro eo quod est, maior sūma est, quā m vt apud prætore peti possit. Minor causa dignitate vestra, pro eo quod est, minor, q̄ vt videatur digna, quæ apud dignitatē vestrā agatur. Et Vulcanus nō segnior illo tēpore, pro eo quod est, segniori tēpore, q̄ illud fuit. A quo nō dissimile illud est, Ego sū maior viginti annis, pro eo quod est, ego sum maioris ætatis, quā ea quæ est viginti annorū, vel maioris ætatis viginti annorū. Nā & hoc licet dicere, quale etiā est, Ego sum maior viginti annorū, id est ætate tali: vel Ego sū ætatis maioris ætate viginti annorū. Frequentissimē autē huiusmodi genere orationis vtimur, vbi adest hoc nomē opinio: vt, Sum ditior opinione hominū, nō quasi opinio hominū diues sit: quū sic accipi debeat, magis q̄ opinio hominū sentit, vel quā homines opinātur. Cicero ad Brutū suū sic exorsus est, Quū ē Cilicia decedēs Rhodū venissem, & eō mihi de Quinti Hortēsi morte esset allatū, opinione omniū maiorē animo cepi dolorē. pro eo quod est maiorem, quā ille, quē in me omnes opinātur. Nec illud ab hoc multū recedit, quū dicimus, Nihil isto homine peius, nihil tuo patre abiectius, nihil hoc vino insuauius: pro eo quod est, Nullus homine isto peior, nemo patre tuo abiectior, nullū vinū hoc insuauius. Rursus in laude: Nihil isto homine melius, nihil patre tuo generosius, nihil matrē tua sactius, nihil vxore tua verēcūdus, nihil hoc vino suauius. Dictū est de omnibus rebus, nō tātū de singulis. Interdū etiā vbi nihil plus cōprehēditur in vniuerso, quā in parte: vt Nihil est te literatius, nihil est illo prudētius, nihil est isto inhumanius: nihil plus significatur hoc modo, quā si dicas, Nemo te literatior, nemo illo prudētior, nemo isto inhumanior. quoniā literatura, prudētia, inhumanitasq; nō nisi in homines cadit. Quid ergo in neutro genere potius, quā masculino & fœminino prolatū est? nēpe, quia nescio quid plenius & suauius in neutro genere est. Ideoq; tali sermone delectatī authores sunt, vt ipsorū crebra exēpla documēto esse possunt, quæ inquirētibus notiora erunt, q̄ vt à me huc afferri debeant.

E P I T O M E.

Nomina quæ in cōpositione variā assūmūt declinationē, in tritiore sūt nobis v̄surpāda: vt à sonus dicitur potius semisomnus quā semisomnis: & cōtrā exsominis & insominis, quā exsominus & insominus. Sic res dicitur inanimæ potius quā inanimæ. vt, Tu potes v̄nanimis in prætia vertere fratres, potius quā vnanimos. Idē dictū est de nominibus, Iugerū, vas, euētus: idē quoq; in verbis & verbulis seruādū. In verbis, vt frequentius dicas, Cursito, quā curso. Itē Meio, quā mingo: licet dicatur minxi. Itē Populabūdus, potius quā populitās, &c. Scribā exsominis, ne si exōnis scribā, putetur venire ab ex & omnis. sicut Quintilianus scribit exspecto, ne putetur à pecto: nec scribā cū Despauperio: exsopnis: licet originē nō negē.

De compositis à Somnus.

CAP. XX.

A Somnus composita quædam sunt secundæ semper declinationis, quædam tertiæ. Secundæ, Cicero in Verrem, Hic etiam quum semisomnus stuperet. Et Cælius in Antonium, Ipsum nanq; offendunt semisomno sopore profligatum. Et Sallustius in Iugurtha, Signo dato, castra hostium inuadunt, semisomnos partim, alios arma sumentes fugant. Insomnem, & exsomnia draconem sæpe legimus, & ferè hanc differèntiam seruata inuenimus. Hæc admonui, vt in his nominibus, quæ ancipitem in compositione declinationem sortita sunt, tamen sciamus vsum frequentiore imitandum. Seneca autem de breuitate vitæ ait, Quam multi hesternæ crapula semisomnes & graues.

E P I T O M E.

In osus finita, si à nomine sunt deducta, habitationem & copiam seu plenitudinem adsignificant, vt Animosus, neruosus: aut affectionem vehementem, vt Vinosus, mulierosus, libidinosus, seditiosus, fastidiosus. Si à verbo, aut actionem, aut passionem, aut vtranque. Actionem, vt Studiosus, fastidiosus, stomachosus, contumeliosus. Passionem, vt Odiosus & inuidiosus. Vtranque, vt Formidolosus, operosus. Similiter à nomine deducta, Voluptuosus, religiosus. Sed morosus, à nimis moribus: curiosus, à nimia cura, quæ dicitur curiositas. Cerebrosus, à peruerso cerebro & noxio, non à nullo. Pannosus, à grosso & densè confuto panno, id est frusto telæ lanæ. Vt Horatius in Arte,

Purpureus late qui splendeat vnus & alter

Assumitur pannus. Formantur autem euphoniæ gratia interdum potius à diminutiuo, quàm à principali: vt Fraudulosus, meticulosus, somniculosus, sirculosus. Quinetiam interdum addunt vt Voluptuosus, laboriosus, curiosus, monstrosus, licet etiam monstrosus dicatur. Interdum deponere videntur vt fætosus, quod vulgo dicitur: & bellicosus, non bellofus à bellicus: tamen sub alia forma sunt vsurpanda, vt industrius, non industriosus. Interdum ab alio deducuntur. Vnde pro eo quod sit virtuosus à virtute, dicitur studiosus à studio. Horum ea, quorum copia aut affectatio vitio datur, vituperant: quæ laudi, laudat: vnde Vinosus homo, mulierosus, libidinosus, famosus, vitio dantur, quia maior est malorum quàm bonorum fama. Vnde famosa meretrix, quæ infamis: at boni nominis famatus dicitur. In Iuvenale autem legitur, Fumosos equitum cum dictatore magistros: non famosos: licet Valla malum exemplar secutus ita legat. Loquitur enim de statuis & imaginibus fumosis ob vetustatem, diu videlicet in atriis nobiliū asseruatis, vt locus indicat. Non placet Calepino, vt curiosus à curia ducatur: & reuera à cura deducitur, per additionem i litteræ, sicut laboriosus: sed à cura fortè sit curia vt curio: quo nomine non inepte dicitur qui vulgo curatus. Valla tamen putat curiā quoq; dici pro cura, quia dicitur incuria, non incuria. Vir, moribus præditus, moratus, nō morosus dicitur: & Liber ethicus, moralis. Formantur autem ferè ab ablatiuo mutando vltimā vocalem in osus, aut addendo osus, si sit quartæ, vt Gratosus, nummosus, lapidosus, fructuosus, speciosus: formidulosus autem à formidula. A monte montuosus, per additionem: aut montosus, per regulam. Virg. Et te montosæ misere in prælia Nurfæ, &c. Inuidia sexcenties apud Quintilianum legitur pro odio ex atrocitate rei contracto: & Odium pro molestia capitur: quia quæ odimus, molestè ferimus.

De nominibus in osus.

CAP. XXI.

Nomina quæ exeunt in osus, partim à nomine descendent, partim à verbo, partim ab utroq; Et ea quidem quæ descendunt à nomine, habitionem siue vehemētiam, copiamve significant & affectionem: vt Animosus, ingeniosus, lacertosus, neruosus, saxosus, aquosus. Hæc copiam siue vehementiam, habitionemq; significant; quòd habent in se vehemētiam ac copiam aquæ, saxorum, neruorum, lacertorum, ingenii, animi. Vinosus, mulierosus, libidinosus, seditiosus, factiosus, qui affectus est ad hæc, & amat vinum, mulieres, libidinē, seditiones, factiones. Rursus ea quæ à verbo sunt, partim actionem significant, partim passionem, partim vtrunque. Studiosus, fastidiosus, stomachosus, iniuriosus, contumeliosus, curiosus, semper actiue ab authoribus accipi solent. Otiosum est in re aperta inculcare exempla, quæ vulgo sunt plurima. Hæc enim accipiuntur pro his, qui operam dant studio, qui fastidiunt, qui stomachantur, qui iniuriam, contumeliāq; faciunt, qui nimis curant, nisi velimus hæc à nominibus venire, non à verbis, vt Fraudulosus, qui fraudem facit: quod à fraudula diminutiuo videtur venire potius, quàm à fraude. quemadmodum Meticulosus, qui timidus est, à meticulo magis quàm à metu, & Somniculosus magis à somnulo quàm à somno, & Siticulosus magis à siticula quàm à sitivenit. Tenebricosus quoq; reperitur & tenebrosus. licet quædam ab vsu regulāq; recedant, vt mōtuosus potius quàm montosus, saltuosus quàm saltosus, tortuosus quàm tortosus. Verum tamen quæ sunt quartæ declinationis, assumunt u, vt vultuosus, actuosus, fructuosus. Ideoq; illud in Psalmo, Oves eorum foetosa: legendum est foetuosæ à foetus, sicut ediuerso plerique scribunt monstruosum pro monstroso. Lucan. Monstruosiq; hominum partus. Nec modo in osus faciunt nomina quartæ declinationis, verumetiam in arius, vt saltuarius, actuarius, fructuarius: quum nomina secundæ declinationis careant u, vt asinarius, caprarius. Odiosus & inuidiosus passiue. Ille enim significatur qui odio habetur, & cui inuidetur: nō is qui odit, & qui inuidet. Hæc passionem significant, utique quū à verbo veniunt, secus quum à nomine. Nam odiū molestiam quoque antiquitus significabat. Teren. in Phor. Nūquam tuo odio me vinctes. Et iterum, Si porrò esse odiosi pergitis. id est molesti. Cic. ad Attic. Sed quum horas treis ferè dixisset, odio & strepitu Senatus coactus est aliquando perorare. Et sic in Catone maiore, In infirmo corpore odiosa est omnis offensio. Et de Oratore, Verum si placet (quo-

Odiosus.
Inuidiosus.

Odium.

nam hæc satis spero vobis quidē certe maioribus molesta & putida videri) ad reliqua aliquanto odiosiora pergamus. Odiosiora dixit, quasi molestiora. Invidia autē præter illā significationem notā, est vel dicto vel facto in alterū malevolentiae conciliatio. Ut si quis referat ostendatve calamitates suas, ut auctori calamitatum odiū cæterorū cōcitet. Et hoc vocatur invidiā facere, vel vocare, vel adducere in invidiā. inde invidiosa res, quæ atrocitatem facti augens, inuisum illud vel illius authorem facit. Et invidia quasi atrocitas, vel detractio. in quam significationem accipio illum versum, Invidiam nimio cultu vitare memento. Nam latentem invidiam, quia non deprehendo, vitare nequeo: sed eam, quæ extrinsecus significatur vel voce, vel gestu, quum populus indignè ferre se indicat in aliquo nimium & insolentem corporis cultum. Ideoque subiungitur, Quæ si non lædit, tamen hanc sufferre molestum est. hanc scilicet vel voce, vel gestu, vel utroque modo detractioem. Quale illud quoque Terentianum, Ita ut sine invidia laudem inuenias, & amicos pares. Et illud Sallustii, licet è Demosthenē sit sumptū, Invidiam gloria superasti. Formidolosus, Laboriosus, Operosus pariter actiue passiueque accipiuntur. Terentius, Egō formidolosus: id est, egōne, qui timeam? Sallustius, Regibus boni, quàm mali, suspectiores sunt, semperque his aliena virtus formidolosa est. id est quæ formidatur. Cicero, Videtis ut senectus non modo languida non sit, verum etiam operosa. id est quæ agit, & rebus agendis operam dat. Idem pro Cælio, Vos laboriosos existimet, quibus otiosis ne in communi quidem otio liceat esse. Ovidius, Moles operosa laborat. Operosa quæ ab aliquo operata est, non quæ aliquid facit, vel vehementis operis, & multarum operarum. Ita res laboriosa, vel quod in ea laborem capiamus necesse est, vel quod plena laboris est. Voluptuosus quoque & Religiosus licet à verbis non veniant, tamen istis similia sunt, ut affectionem significent, & habitationem siue plenitudinem, simulque actiue accipiantur, & passiue. Voluptuosus homo, qui perquam amat voluptatem. Res voluptuosa, quæ in se habet voluptatem, vel quæ plena est voluptatis, & qua homo delectatur. Ille recipit, hæc recipitur. Religiosus homo, qui amat religionē. Sepulchra & monumenta religiosa sunt, id est habent in se religionem. Ille adoratur, hæc adoratur. Præterea, Gloriosus, Famosus, Imperiosus, nō nihil & ipsa à cæteris differunt. Nam licet legamus gloriosam victoriam, id est plenam gloriæ: & apud Iuvenalem, Famosos equitum cum dictatore magistros.

Invidia.

Formidolosus.
Laboriosus.
Operosus.Voluptuosus
Religiosus.Gloriosus.
Famosus.
Imperiosus.

- Et imperiosos populos, hoc est latū imperiū possidētes: tamē dicimus ita gloriosum hominē, affectatorē gloriæ: vt vinosum, cupidū vini: & mulierosum, nimis appetentē mulieres. qualis miles gloriosus apud Plautum & Terentiū. Et Famosum, pro infami & turpi, vt famosa mulier quæ noscitur impudica esse. Et imperiosus, ostētator imperii in exercēda sæuitia, qualis Torquatus apud Liuiū, qui filiū securi ob imperiū contēptum occidit, vnde imperiosus appellatus est. Verū imperiosus & gloriosus quando honestæ significantiæ sunt, pro gloriā imperiumq; habente, habitionē plenitudinēq; significāt: quādo inhonestæ, affectionē, vt dixi. Similiter quæstuosus & sumptuosus ab affectione magis quàm ab habitione siue plenitudine veniūt. Quæstuosus, est homo auidior quæstus & lucri, vndiq; lucella quæritās. Sumptuosus, qui auidior est sūptus, quàm quæstus, & immoderatū sumptum facit, id est immoderatas impensas. Quæ duo magis possunt accipi actiue, quàm passiue, magisq; ad homines pertinet.
- Mulier famosa.** vt homo quæstuosus, homo sumptuosus. Luctuosus verò magis ad rē, vt Res luctuosa, hoc est plena luctu. Nescio an liceat de homine misero & afflicto dicere, Homo luctuosus: sicut, Fortuna huius luctuosa. Ab industria autē nō habemus industrius, sed industrius. Nec à virtute virtuosus more Græcorum qui ἀρετῆς ἀρετῆς nō deriuāt ἀρετῆς, licet habeant ἀρετῆς. sed pro illo dicunt τὸ ἀγαθόν, id est bonus: tum ἀσκητικός, id est studiosus, Aristotele quoque & aliis quibusdā testātibus. Quod Cicero ad Herēnium imitatus est, dicēs, Ideoq; bonis viris, id est studiosis amicus erat.
- Industrius. Virtuosus ne dixeris.** Morosus à more venit, nō à mora. Primā enim habet longā vt mos moris: significātq; eū, qui nimis exacte, nimisq; ad vnguē fieri omnia postulat, vt aliquādo ob id indignetur ac irascatur. Vt Suetonius de Cæsare, Circa corporis curā morosior, vt nō solū tonderetur diligenter, sed etiā velleretur. Idē de Tyberio, Sed affectatione & morositate obscurabat stylum. Cicero de Senectute, At sunt morosi, & anxii, & iracundi, & difficiles senes. Et idem secundo de Oratore, Me quidem hercle illa valde mouent stomachosa, & quasi submorosa ridicula, non quum à moroso dicuntur. Tum enim non sal, sed natura ridetur. Suetonius accipit pro cupido nimis exactæ diligentia. Cicero verò adiungit impatientiam & iracundiam. In significato tamen illo superiore posuit in Oratore, Vsque adeo morosi sumus, vt nobis non satisfaciatur ipse Demosthenes. Denique sic dicitur Morosus à nimia diligentia & seueritate, vt Curiosus à nimia cura: quoties plus diligentia, quàm oporteat impendimus rebus vel
- Luctuosus.**
- Industrius.**
- Virtuosus ne dixeris.**
- Studiosus.**
- Morosus.**
- Curiosus.**

nostris, vel alienis. Nostris, quū minutissima quæque disquirimus, ut nullius frugis. Alienis, quū de rebus cæterorum occultioribus nō satis cum pudore perscrutamur, aut interrogamus. Sed non tam à cura Curiosus videtur descēdere, quā à curia, cuius compositum est magis in usu, incuria, id est negligentia, tametsi curia à cura dicatur. Atque ut Curiosus à peruersa cura vocatur, ita Cerebrosus à cerebro peruerso. Vnde Horat. Donec cerebrosus profilit vnus. id est insanus, & cerebri peruersi. Pannosus & ipsum aliquid differētiæ habet. is enim dicitur pannosus, qui crasso panno ac vili opertus est. Nec hoc nisi de paupere dicitur, quæ exempla sunt plurima.

Cerebrosus.
Pannosus.

E P I T O M E.

Verba in sco, quæ potius meditatiua seu exercitatiua, quā inchoatiua dicenda sunt, non inchoationem, sed exercitationem, seu passionem intrinsecus proueniētem connotant: cum in fio finita, extrinsecus illatam signent. Neque carent præteritis, sed ea à perfectis mutuata, ad suam significationem trahunt. Sæpe autem pro perfectis posita leguntur. Caleſco igitur, dum intrinsecus calorem recipio: Caleſco, dum extrinsecus. Calui, calorem recepi potius, quā calidus fui, significat. Cæterum non desunt qui post doctrinam Vallæ, audent Prisciano subscribere, ut Sulpitius Verulanus, vir anxie doctus. neque satis firma videntur Vallæ argumenta. Nam non ideo inchoatiua nūquam sunt, quod cum verbo inchoo aut incipio reperiuntur. Quia, ut dicit Alexander,

AEquiualens geminis harum si iungitur vni,
Diſtio pro reliqua tantūmodo debet haberi. Et iteratiuis seu frequentatiuis à Valla quoque sic dictis additur iterandi vox. vnde Plinius de Apelle, Gratiſior erat Alexandro frequenter in officinam ventitanti. Sic Gellius, Ire viſere, dixit: cum viſere ſit, viſum ire. Et Terent. in Hecyra, It viſere, ad eā nemo admittit. Sed dicit Valla tunc pro primitiuis accipi: ergo & ea in sco, cum incipio, &c. Neque repugnat quæ ægreſcere, id est fieri, aut incipere fieri ægriore medēdo: aut sordidū ſordescere adhuc, id est incipere ſordidiorē eſſe, & accipere nouos gradus ſordiditatis. Qui verò dicunt carere præteritis, ſi de propriis quantum ad formationem, intelligunt, nihil mentiuntur: vſurpant tamen voces præteritorum ſuorum perfectorum.

De verbis inchoatiuis, falſo ſic dictis.

CAP. XXII.

Grammatici authores vno ore vniuerſi, qui de hac re ſcriptum aliquid reliquerunt, aiunt illa verba in sco, ut caleſco, frigefco, ſignificare inchoationē, ideoque inchoatiua: illa in ſo, ut viſo, deſyderiū, ideoque deſyderatiua: illa in rio, ut eſurio, meditationē, ideoque meditatiua appellari ſolēt. In quibus omnibus ab omnibus diſſentio. Sed Prisciano eruditorum nuperrimo potiſſimū respondebo, qui (ut ordinē ſequar) inquit in illo Virgilii verſu, AEgreſcitque medēdo, ſignificari inchoationem. Qualem medicum voluit eſſe Priscianus, quo curante quis incipiat ægrotare? Quanquam quomodo curari quis antè poſſit, quā ægrotus ſit? Neceſſe eſt ergo, ut antè ægrotare cœperit: & quum dicitur ægreſcere, ut intelligatur inter medendum

ægriorē fieri. Et hoc de Turno Virgilius intelligit, cuius augebatur ægritudo ad Latini salubria cōsilia. Sicut de Didone prius dixerat,

Expleri mentem nequit, ardescitque tuendo.

Quintil. lib. 2.
ab initio.

Quid igitur attinet exēpla repetere, quū nūquā in sensu inchoationis reperiantur? An illud apud Quintilianum hoc significat? Tenuit cōsuetudo, quæ quotidie magis inualefcit. Aut illud Ciceronis, Quantò plura ille miscebat, tantò hic magis in dies cōualefcebat. Et illud Ecclesiasticum, Qui sordet, sordescat adhuc.

Maceror.
Macesco.

Crebresco.

Quo modo potest quid quotidie incipere validum fieri, & quidē magis, quod dicitur respectu præcedētis? at inchoationem nihil præcedit. aut quo modo quod sordet, potest incipere sordere? & sordescere adhuc, id est magis? quid magis? certe quàm antea incoeperat. Sed quid ibi disputamus, quum dicatur, Qui iam sordet, sordescat adhuc? quasi sordidior fiat, nō autem sordere incipiat, quia iam sordet. Ideoque Græcè & hoc, & cætera huiusmodi verba per verba passiva explicantur. & illud Græce Sordescat, nihil aliud est quàm sordidetur. Plaut. in Captiui duo, Ego qui tuo mærore maceror, macesco, consenesco & tabesco miser. Pro eodem penè accepit maceror & macesco, nisi quòd maceror ad animum magis pertinet, quasi affligor: macesco magis ad corpus. Videtur autem ratio dici velle potius macesco, vt nigresco, pigresco, ægresco. Sed etiam dici potest macesco, vt acesco. Crebresco tamen potius dixerim, quàm crebesco. Verum ad rem. Ediuerfo Virgilius,

Maria incipiunt agitata tumescere. Et iterum,

Fluctus vbi primo cœpit cum albescere ponto.

Et iterum,

Sin in processu cœpit crudescere morbus.

Vbi quid opus erat dicere, quòd incipiāt res tumescere, albescere, crudescere: quū satis, imò magis propriū fuisset dicere, quòd tumescebant, albescebant, crudescebāt: id est, quòd incipiebant, siue inchoabant tumere, albere, siue crudere? Quid ergo significant verba inchoatiua? Nempe (vt breuiter finiam) quod verba cōposita à fio, calefio, frigefio, sordefio, inualefio, ægrefio, & ardefio. quæ ideo in vsu nō sunt, quia superuacuum esset, duas nos voces habere idē significantes: nec nisi vbi alterū deficit, alterius præsidio vtimur. Calefcens pro calefiens, patefcens pro patefiens, quū utrūque reperitur, patefco & patefio: quanquā ne in simplici quidē suo reperitur fiens, nec quod ab hoc formaretur fiendus. Dicemus itaque calefcens & calefaciendus. Nec desunt qui fiens vtatur, sed in eo de quo loquor significato, vt in psalmo 21,

Et factum est cor meum, tanquã cãra liquefiens in medio vëtris mei. Quũ in alia translatione dicatur, liquefcens. Ex quo liquet eiufdem vtrũque effe fignificationis. Idiomate quoque Italico, atque Hifpano (quod ex Italico oriundũ effe) adftipulante, apud quod penẽ Latina voce hæc verba pronũtiantur, & certe in hũc, quẽ ego dico, fenfum: quale effe hoc, Ogni di magrifco, hoc effe, omni die macrefco, per quod incrementũ affiduũ atque continuum declaratur, nõn inchoatio. Quòd fiquid inter huiufmodi verba in fco, & in fio, intererit, hoc effe arbitror, quòd hæc in fco paffionẽ in fe habẽt, illa verò extrinsecus allatã. vt In AEGYPTO Cãfar quũ hoftes fugeret, elata læua natabat, ne libelli quos tenebat madefierent: melius quãmadefcerẽt. Et quũ fores aperiuntur, melius patefiunt dicitur, quãmadefcũt. At quũ quis in balneo fudore irrigatur, & fores fua fponde aperiũtur, magis ille madefcit, quãmadefit: & hæ magis patefcunt, quãmadefiũt. Inchoatiuorũ autẽ dicũtur præterita eadẽ effe, quæ primitiuorum. tamen pauciffimis curæ effe dignofcere, quãdo à primitiuis funt, quãdovẽ ab inchoatiuis. quorum multũ differt fignificatio, licet crebrior fit illa inchoatiuorũ, vt Pinguit, macruit, frixit, caluit, idem effe quod pinguis factus effe, non autem pinguis fuit. macer factus effe, & frigidus, & calidus factus: non autẽ macer, frigidus, & calidus fuit. Nam pinguet idẽ effe quod pinguis effe: macret, friget, calet, idem quod macer effe, frigidus effe, calidus effe. quorum præterita funt pinguit, macruit, frixit, caluit: vix vnquam in hoc fignificato pinguis, macer, frigidus, calidus fuit: fed in illo, pinguis, macer, frigidus, calidus factus effe, vt etiam in hoc apertius patebit exemplo, Tam cito macruifti? Tam fero pinguifti? non id fignifico, quòd tam cito macer, aut tam fero pinguis fuifti, quafi nunc talis non fis: fed quòd pinguis, aut macer factus es, atque etiam talis es, fiue tunc eras, fi de alio tempore loquimur. Quæ præterita quia à primitiuis nõn veniunt (vt fignificatio indicat) neceffe effe veniant à deriuatiuis in fco. Vnde probatur etiam inchoatiua non fignificare inchoationem. Quare Seruius viderit, qui his verbis præteritũ non tribuit, quorum frequentius effe, quã fuorum primitiuorum. Nam quod ait, Quia inchoatiua funt, ideo carere præteritis, caffã ratio effe, quũ hoc verbum inchoo etiã præteritum habeat. Verũ hæc verba nec inchoatiua funt, & præteritũ habent. Illud tranfeo, quòd multa funt quæ pro fuis primitiuis accipiuntur, Conticefco, adhærefco, delitefco, concupifco, labafco, obdormifco, contremifco, expauefco, & his fimilia.

Verba in 3^o tertiæ cōiugationis, à Prisciano defyderatiua vocata: actum corporis, non affectum mentis important, ideoque potius inchoatiua vocari debeant. Vnum autem faceffo, præter communem significationem quæ est, factum eo vel facio, sæpe accipitur pro eo quod est, ad recedendum eo, vel recedo. Quod inde translaturum videtur, quia qui ad faciendum it, recedit. Qui hæc quartæ putant, errant, decepti propter præterita & supina.

De verbis defyderatiuis male sic vocatis. CAP. XXIII.

NAm quæ idē author defyderatiua appellauit, ipsius quoque exemplo ostenduntur, nequaquā esse defyderatiuæ significationis. Hoc enim exemplum ille affert, Virgilius in 8, Nam memini Hesiōnes visentem regna sororis Laomedontiaden Priamum. Visentem dixit pro cupientem videre, quod Græci dicunt ἐπισκοπεῖν. Idem & in eodē exemplo Seruius dixerat, Simile est facio faceffo, capio capeffo, lacero laceffo, arceo arcesso, accio accerso, quæ possumus non incongrue defyderatiua nominare. Sed quæro à Prisciano, cur magis Priamus cupiebat videre sororem, dum iter faciebat, quàm quum erat in Troia? aut cur magis Priamus, quàm cæteri? aut cur solus? Postremo quis nouit voluntatem eius? quid agat video: quid velit, non video. Quid ergo significat visere? Nimirum id quod agit Priamus, ire ad videndam sororem, quod frequentatiuum ipsius declarat, visito. Itaque actum corporis hæc significant verba, non affectum mentis. Viso, vado ad videndum, non autem cupio videre. Cicero ad Atticum, Cupio equidem & iam pridem cupio Alexandriam, reliquàmque Aegyptum visere. id est (vt ego sentio) ire ad videndum. Aliter dicendum erat, Viso equidē & iam pridem viso. Quo certe modo ne Priscianus quidem ipse loqui auderet. Vsurpamus tamen hæc verba (quemadmodum de superioribus testatus sum) pro eorum primitiuis: vt, Missi sunt legati visendi causa, id est videndi. Quod certe ita exponi non potest, causa videre cupiendi. Tolerabiliórque, nostra sententia, expositio foret, causa vt eant ad videndum. Similiter faceffo, eo ad faciendum, vel facio. Virgilius, Haud mora, continuo matris præcepta faceffit. Frequentius tamē accipiamur pro eo ad recedendū, vel recedo. Vt Liuius libro 1, Faceffo hinc Tarquinius, aut Corinthū. Capeffo, eo ad capiendū, vel capio: Laceffo, eo ad lacerandum, vel lacero prouocando: Accerso, vel arcesso, vtrunque pro eo ad vocādum, vel voco. Terentius in Andria, Obstetricem accerso. Quidā etiā in quarta cōiugatione vtūtur: vt ibi, Mitte in Ioppem, & accersi Simonem quendam, qui cognominatur Petrus.

Viso.

Faceffo.

Accerso.
Arcesso.

E P I T O M E.

In rio finita, non meditatiua, sed potius desyderatiua, aut optatiua vocāda sunt: vt Parturio, desydero, aut opto parere. In sco ergo, meditatiua, id est exercitatiua: in rio, desyderatiua: in so, inchoatiua aut initiatiua vocabūtur. Ea verò quæ frequentatiua aut iteratiua dicuntur, rectam obtinent appellationem.

De verbis meditatiuis non ritè sic vocatis. CAP. XXIII.

Commodius autem desyderatiua, atque optatiua vocarentur. ea, quæ nominātur meditatiua in rio, parturio, esurio.

Cicero, Vtinam aliquando dolor populi Romani pariat, Philip. 2.
quod iādiu parturit. Et Liuius, Et quod diu parturit animus vester, aliquando pariat. affectum significauit, non cogitationem aut actum corporis, qui per hoc verbum indicatur. Vnde meditatio armorum, meditatio declamandi, meditatio gladiatorū, id est exercitatio. Esurio, cupio edere. Meditor
Quintilianus, Pater liberos esurit. Valerius Martialis vndecimo Epigrammaton, In pastu eaduerum.

In omnibus Vacerra quòd conclauibus

Consumit horas, & die toto sedet,

Cœnaturit Vacerra, non cacaturit.

Id est, cœnare cupit, nō cacare. Vel dicamus hæc accipi pro primitiuis. Scaturio magis pro suo primitiuo scatet ponitur, quod est non solum aquarum, sed herbarū, cæterorūque sua sponte vbertim nascentium. Quòd si volumus sua quibusque apta tribuere vocabula, nec à consuetis recedere: ea quæ sunt in sco, appellemus meditatiua, id est exercitatiua. Qui enim calefcit siue calefit, quasi meditatur: atque vt caleat, exercetur. Terētius, Nūc vide vtrum vis argentū accipere, an causam meditari tuam. Ea in so, inchoatiua: hæc in rio, desyderatiua. Atque hanc opinor fuisse veram & germanam verborum significationem, quā antiquitus impositam posteritas deprauauit.

E P I T O M E.

Nomina substantiua, præsertim cum verbis affinitatem habentia, gerundium in di legitime sibi associant. quæ si infinitiuum habeant, Græcam faciant locutionem.

Adiectiua verò quæ præsertim genitiuum non regunt, infinitiuum verbum efflagitant. Quæ verò & nomina & participia esse possunt, dum nomina, gerundium: dum participia sunt, infinitiuum desyderant. Verborum autem quædam postulant tantum gerundium accusatiui casus cum præpositione, vt Induco, voco, sto, sedeo, vado, & similia. Non enim, nisi more Græco, cum verbis motum importantibus infinitiuum construas: quædam tantum infinitiuum, vt Iubeo, cogo, cogito, timeo, & similia. quædam vtrunque, vt Hortor, flagito, paratus sum, aptus sum, idoneus sum, & similia. Substantiua hoc modo gerundium regentia sunt huiusmodi, Tempus, hora, locus, spatium, otium, opportunitas, idoneitas, aptitudo, occasio, amor, spes, cupido, desyderium, fames, sitis, auaritia. Græcam autem figuram censet Seruius, AEnëidos secundo cum dicitur, Sed si tantus amor casus cognoscere nostros. quod Latine diceretur, Casuum nostrorum cognoscendum, aut cognoscendi casus nostros. Quando autem infinitiuus pro supposito ponitur, non

est locus gerundio: vt Optima res est agricolare, non agricolandi. Item, Non est mihi opus modo respondere: non respondendi. Adiectiua infinitiuum postulata sunt, Dignus amari, dignus habere multas opes, lætus me bene valere. Participia quæ in nomina migrare possunt, sunt, Timens, cupiens, peritus, promptus, consuetus, cupidus, timidus, audus: vt Timens nauigare, & nauigadi. Simile est de substantiuis: vt, Habeo mandatum, aut præceptum conueniendi te, aut tui conueniendi. Mandatum est, aut præceptum est mihi te conuenire, aut vt te conueniam. Quia verò gerundia in di raro admodum passiuè accipiuntur: ponemus infinitiuum passiuum cum dictis participiis, non gerundium in di: nisi præponatur genitiuus passiuè significans, & gerundium fiat gerudiū nomen: vt, Mulier est cupida videri, non videndi: nisi sit, sui videnda. Sum tui videndi cupidus, mei commendandi, &c. Item cum Virgilius dicit AEneid. primo,
Non nos, aut ferro Libycos populare penates
Venimus. Et Euangelium, Vado piscari. Latinius dixissent ad populandos & piscatum.

Vbi infinitiuo, vbi gerundio potius vtendum sit. CAP. XXV.
Quædam orationes infinitiuum magis postulāt, quædam gerundium, quædam vtrunque. Adiectiua magis infinitiuum siue actiuum, siue passiuum. Substantiua gerundium genitiui duntaxat casus. Nam de accusatiuo mox dicam. Tu es dignus habere opes, tu es dignus honorari, tu es lætus me bene valere, tu es lætus me honorari. Rursus, Tēpus est gaudendi, locus est exoptulandi, commoditas est alloquendi. Participia autem, & multa adiectiua à verbis deriuata, vtrunque formam sibi vendicant. Sed participia iuncta infinitiuis, dicuntur seruare vim participiorum: iuncta gerundio, vim nominum: Timens nauigare, & nauigandi: cupiens discere, & discendi: doctus, peritus, promptus, consuetus cantare, & cantandi. Timidus, cupidus, audus nauigare, & nauigadi. Nam illud admonitione nō indiget, Optima res est agricolare, recte dici: Optima res est agricolandi, dici non recte. quia illud resoluitur, Agricolare est optima res: hoc resolui sic non potest, Agricoladi est res optima. nisi forte durè & asperè, sic, Ipsa enim res agricoladi est optima. Quare illum non probauerim, qui dixit, Non est mihi opus respondendi. quum esset dicendum respondere: vt sit suppositum, me respondere: opus verò, appositum. Item Habeo à patre mandatum conueniendi te, Latine dicitur. Mandatū est mihi à patre conueniendi te, Latine non dicitur. quia mādatum hīc verbum est, vnde non potest regi huiusmodi gerudiū: illic nomen substantiuū, vnde regitur gerudii genitiuus, nisi in vtraque oratione expositione vtaris. In prima quidem vt sic intelligas, Habeo à patre mandatū conuenire te: scilicet hoc ipsum, cōuenire te. In secunda verò vt mandatum sit nomen, non verbum aut participium, quasi mandatum adest mihi à patre. Ad quā tergiuer-

sationem confugere non poterit quispiam in talibus exemplis: Habeo in tabulis publicis à patre mandatum conueniendi te. Hic non poteris dicere, conuenire te. item, Est mihi iniunctum ac mandatum conuenire te: vbi dicere non poteris, conueniendi te. Cicerò tamen ad uxorem nouo quodam modo locutus est, Quum in animo haberem nauigandi: pro eo quod est, nauigare. Vt libro primo de diuinatione, Habereturque in animo nauem conscendere. Itaque subintelligitur propositum, siue voluntas. Sicut in illo fit apud eundem, Quum illius diei mihi venit in mentem. Et alibi, Non minus ei venit in mentem potestatis, quam æquitatis tuæ. Vbi quidam volunt accipi genitiuum pro nominatiuo. Mihi potius placet subintelligi cōditio, status, qualitas illius diei, tuæ potestatis, tuæ æquitatis, aut aliquid simile. Ita hic propositum siue voluntatem: vt sit, Quum haberem in animo propositum nauigandi. Venio nunc ad accusatiuum gerundii. Dicimus itaque, Induxi te ad nauigandum: non autem nauigare, nisi more Græcorum, qui quum careant gerundio, funguntur infinitiui cum articulo, rarò sine eo: licet nunc quidam frequentissime vtantur: vt Non veni soluere legem, sed adimplere. Plerique eruditorum dixissent, Non veni ad soluendam legem, sed ad implendam: quos & ipse nunc imitor, imitandusque omnibus arbitror. Quam enim causam habes, vt alienam linguam sceteris, relin-
 quas tuam? Quanquam ne illam quidem sequaris, quum careas articulis, quibus Græci vtuntur. Et quod illi habent *αὐτοῦ*, tu malis dicere, quia, aut quoniam, quam quod: vt in eodem, Putatis, *Quia* quia veni soluere legem? quum esset dicendum, quod. Sed ad rē. Vocauī te ad currendum, non currere. Ito ad prædandum, non prædari. sedeo ad audiendū, nō audire. vado ad venandum, nō venari. Rursus, Iussi te arare, nō ad arandū. cogito insidiari, non ad insidiandum. timeo ædificare, non ad ædificandū. Quædam verba cum utroque conueniunt: Hortor te studere, & ad studendum. flagitor respondere, & ad respondendum. paratus sum scribere, & ad scribendum. ego aptus sum pugnare, & ad pug-
 nandum. ille est idoneus militare, & ad militandum. Quæ omnia rara sunt. nam pleraque huiusmodi accusatiuum postulant, vt bonus, vtilis, commodus, malus, inutilis, incommodus ad militandum.

E P I T O M E.

Fore, quia futuri temporis significationem habet, respuit participia, nisi in nomina migrent. Composita fore, futurum quoque tempus connotant, sed absolute ferè pronuntiantur. Forem autē, fores, & foret, non differunt ab eīdem, eīses, eīset,

eorumque constructionem habent. Non ergo dicemus, Amaturū fore, sed esse, aut Amatorem fore. Quod autem Ovidius dixit, doliturus erit: sensus potest esse, si quis erit qui postmodum sit doliturus: itaque duo futura non coincident. Nā hæc possunt simul verificari, Nemo est Antichristum visurus, & Erunt multi Antichristum visuri: si qui eum videbunt, nondum sunt. Ciceronianum autem quod Mancinellus adducit, possumus construere, vt Fore non detur participio: sic, Diuinarem fore, id est futurum esse, studium tuum mihi aliquando expectandum: subaudi, esse. Digest. exemplum cum auth. ore militat, qui dicit idem esse, forem & essem. si ergo recte dicitur, præstandum esset, etiam præstandum foret. Calepinus autem sic, Constructur Fore quandoque etiam cum participio præsentis temporis, quod est cōtra Vallam. Cæsar, Nonnulli etiam Cæsari nuntiabant quum castra moueri, aut signa fieri iussisset, non fore dicto audientes milites. Quod exemplum certè cōtra Vallam non est. Non enim Audientes participium est, sed nomen: quod recte cum Fore constructur: vt Spero me amantem tui fore: non te. Et, Spero amicitiam nostram notam posteritati fore. non à posteritate. Sic dicto, non dictum, audientes dixit: & ne participium putes, recte dixeris audientissimos, &c. Verba autem Mancinelli sunt, Participium passiuum futuri, etiam si in nomen nō reuertitur, legimus recipere Fore. Tullius enim lib. tertio epistolarum familiarium, in epistola quadam ad Appium Pulchrum ita scribit, Quasi diuinarem tali in officio fore mihi expectandum aliquando studium tuum: sic cum de tuis rebus gestis agebatur, inseruiebam honori tuo. Et lib. 9. Digestorum sic legitur, Sufficeret id præstari, quod præstādum foret. Sed tamen asseris idem esse forem fores foret, quod essem esses esset. Ovidius quoque participio futuri in rus E R I T futuri vocem coniunxit, Metamorph. 9, -si quis tamen Hercule, si quis
 Fore Deum doliturus erit &c. De participio in dus nil assero, cum id passim legatur. Quæ enim rara inueniuntur sunt, tantum obseruo. Hæc ille.

De differentia infinitiuorum Esse & Fore, & compositorum.

CAP. XXVI.

FOre vocem quidem habet infinitiui vt esse, significatione verò participii, quod est futurum vnā cum infinitiuo esse. Idem est enim fore, quod futurum esse, non tantum esse: licet forem fores foret, idem sit, quod essem esses esset. Quare cum nomine iūgi debet fore, non cum participio: ne duo participia simul confundamus. Spero te amatorem, vel amicum fore: nō autem amaturum fore, sed tantum amaturum: ne videaris hoc dicere, te futurum amaturum: quod ratio non patitur, quum futurum superuacuum sit. Item de participio passiuo futuri, Timeo te verberandum fore. Satis erat verberandum, vel adiuncto infinitiuo verberandum esse. Participia autem præsentis temporis & præteriti, videtur minus cōmunionis habere cum fore, quod ad futurum spectat, quā participia futuri temporis: tamē plus habent cōmunionis. Ibi enim ideo non cōuenit, quia superuacua significatio est: quod hūc non fit. eoque sæpe quum istis coniunctum illud fore reperimus. sed ita transeunt in nomen, alioquin non cōgruant diuersorum temporum eodem in loco participia. vt, Spero te sapiētem fore, Credo me amantē tui fore,

non te. Seruant enim naturam nominis, non participii. Opinor te acceptum illis fore, non ab illis. Cicero, Spero amicitiam nostram notā posteritati fore. non dixit à posteritate. Quod si quādo reperiatur retinere naturam verbi, quid mirum? quum etiā nomēne sit, an participium, dubitari possit, & putari potius nomen. vt, Ego sum dilectus ab omnibus, & Ego ero dilectus ab omnibus. Nō enim hoc est participium præsents temporis aut futuri, nec tempus perfectum indicatiui, nec futurum subiunctiui, tamen cum præsenti iungitur & futuro. Propter quod debet potius nomen videri, sicut & participium futuri passiuum in nomen cōuertitur, tūcque recipit Fore: vt Spero hunc puerum admirandum virum fore. id est admirabilem. Composita autem à Fore nullam controuersiam habent, quia ferè nuda ponūtur sine nomine & participio. Affore, vt Virgilius, Affore cernetis. Statius tamen libro primo Thebaidos videtur accipere pro significatione præsents,

-sensit manifesto numine ductos

Affore, quos nexis ambagibus augur Apollo

Portendi generos vultu fallente ferarum Ediderat.

Defore, vt Marcus Tullius contra Rullum, Verum arbitrantur nō defore qui illam restituerent. Abfore, quod minus in vsu est.

Vnde dicūtur ab futuri. Confore & Profore apud Comicos. Profore, vt Horatius,

Quæ nocuere sequar, fugiam quæ profore credam. id est profutura esse.

E P I T O M E.

Supina, quia neque genus, neque numerū, neque casum more nominum habent: non nomina, sed verba censenda sunt. Gerundia verò, quia casum nominalem habent, & regunt post se in significatione vtique actiua, participialia verba vocari solent. Sane Valla confuse loquitur & indistinctè de gerundiis & gerundiuis nominibus, dicens, Gerundia in vtroque numero habere casus & genera: quod gerūdiis non conuenit, sed tantum gerundiuis. & regere post se suorum verborum casus: quod tātum gerundiis in singulari conuenit: in quo casus tātum, non genus agnoscunt, & casus post se regunt. Eadem ergo voce dicas, Petendum est honorem, rē, vectigal: honores, res, vectigalia, &c. Differunt tamen à participiis tā gerundia quā gerundiua nomina: quod participia, tempus sine rei administratione connotant: gerundia, rei administrationem sine tempore. Verbi gratia, quando dico, Puer hic quantumuis perditus, est à matre amandus. id est amabitur. tempus futurum noto sine rei administratione: non enim dignum dico qui ametur, sed duntaxat quod amabitur à matre. At cum dico, Puer hic cuique amandus, amabitur à nullo, rei administrationem: id est dignum qui ametur significo, idque sine temporis differentia. Habent autem gerundia nomina casus omnes in vtroque numero, sed nullum regunt: verum reguntur cum substantiuis suis in eodem casu.

Supina non habere genus, numerū, aut casum patet: quia indifferenter dico, Vado scitatum oraculum & oracula, sortes & libros Sibyllinos. Gerundia habere ca-

sum patet: quia reguntur in nominatiuo, genitiuo, accusatiuo, & ablatiue more minimum: vt, Petendum est pacem. Ducor studio videndi patres. Oblectatus sum inter videndum patres, aut videndo patres. Dixi post se habere casum: quia ante se nullum regunt. Vnde, In conueniendo populos in vnum, In cōuertendo dominus captiuitatem, & similes: non sunt Latine locutiones. Nec dices, Scribentem habendum est calamus: sed, Scribenti opus est calamo. Addidi, In significatione vtique actiue: quia in passiuā, absolute ponuntur: vt Res ad intelligendum difficilis, sit facilis sæpe repetendo. Id est dum sæpe repetitur. In di verò, raro admodum passiuē leguntur, nisi fiant gerundia nomina aut pluralis numeri, vt statim dicā. Gerundia autē nomina eodē modo declinātur, vt participia in dus: sed non significāt rēpus vtilla. vt AEncid. 9, Turne, quod optanti diuūm promittere nemo Auderet, voluenda dies en attulit ultro. Voluenda inquam dies, non quæ volueretur, aut volui debeat in futuro: sed volubilis, & quæ tum volebatur. Significat ergo administrationem rei, id est formam rei gerendæ, vnde & gerundia dicta sunt. Reguntur autem cum substantiuis suis, sicut cætera adiectiua: vt, Dies voluenda attulit. Habeo rationem diei voluendæ. Accommoda te diei voluendæ. Obserua diē voluendam. O dies voluenda quid attulisti nobis? Terreor à die voluenda, & sic de aliis. Quia verò doctrina authoris confusius traditur, quā vt facile capiatur, dicemus distinctim quæ restant de singulis.

Gerundia in di, constructa cum verbo substantiue aut simili, nominatiui censentur casus, reguntque post se, nisi passiuē capiuntur, suorum verborum casum: sæpe tamen absolute ponuntur, & indicant quandam necessitatem & officii congruentiā, vertuntque suppositum verbi in datiuum. vnde Horat. in arte, -si vis me flere, dolendum est Primū ipsi tibi. Qui datiuus omnibus conuenit, vt Miserendum, seruendum, legendum, vtendum est mihi: præter quæ suorum verborum casum habent. Ouidius, Vtendum est ætate, cito pede labitur ætas. Virg. Pacē Troiano ab rege petendum. Lucret. Externas quoniam pœnas in morte timendum est. Eodē casus regunt, dum ipsa accusatiui sunt casus, aut eius more reguntur, vt mox dicemus.

Gerundia in di, a substantiuis affinitatem præsertim cum verbo habentibus, & quibusdam adiectiuis genitiuum regentibus reguntur: idque ferè in significatione actiua, in qua post se casum sui verbi regere possunt, cōciniūque ponuntur quā gerundia, quoties interuenit relatiuum. Passiuē autem, nō inueniunt pro gerundiuis ponuntur cum genitiuo plurali, quasi vtriusque sint numeri & generis omnis. Gerundia autem nomina genitiui casus, ab eisdem, a quibus substantia sua, reguntur, sed nullum regunt casum. recipiūt autem cum genere diuersas terminationes: potiusque passiuam quā actiuam rerum administrationem important. Exempla igitur sunt, Rapior studio videndi patrem. Sum cupidus videndi patrem: non, videndi à patre. Pulchrius tamen (vt dicemus) loqueremur per gerundiū nomē, nisi interueniat relatiuum: cuius interuētu, locū habet gerundiū. vt, Hic dies attulit initium dicēdi quæ vellem. nō eorū dicēdorū quæ velle. Cū genitiuo plurali: vt, Vestri adhortandi causa, apud Liuiū. nā genitiuus primitiuus est à vos, vestrū vel vestri. & Istorū nominandi, apud Plautum. Sui irridendi, apud Ciceronem. quæ exempla in litera patēt. Illud tamen Plautinum manifestius erit, si animaduertimus loqui de obsoniis multis, quorum illi potius nominandi quā edendi, hoc est comedendi erat copia, cum ea non haberet. De gerundio hoc sit exemplum, Cupidus sum patris videndi, matris videndæ, templi videndi, parentum videndorum, sororum videndarum, spectaculorum videndorum. sed ad vitandam syllabæ coincidentiam, non inepte dixeris, videndi spectacula. Mancinellus docet etiam passiuē capi gerundium in di, sed id rarenter, & apud vnum Iustinū. verba eius in fine huius ponētur.

Gerundia in dum, constructa cum verbis & nominibus regentibus accusatiuum, mediantibus his præpositionibus Ad, ob, propter, ante, inter, & similibus, tam actiue

quàm passivè capi possunt. sed activè, suorum verborum casum post se regunt: passivè, nullum. ut apud Sallustium, Ipse ad imperandum vocaretur. id est ut ei imperetur. Cum verbis sine præpositione licet rarius construuntur. Nam Columella dixit, Ut poetis numeris explere Georgici carminis omittas partes, quas post se memorandum reliquit. Vbi MEMORANDUM regitur à verbo RELIQUIT, & regit accusativum QVAS: consuetius tamen dicas MEMORANDAS. Cum INTER vero, significant fere quod imperfectum subiunctivi, addita particula CVM. Gerundia autem nomina accusativi, utriusque numeri, & omnis generis, cum eisdem construuntur, aut sine præpositione cum his verbis, Loco, cōduco, mādō, curo, habeo pro debeo, & similibus. Exempla patent in textu. ut, Ad videndum spectacula, ob purgandum scelus, propter coronam obtinendam, ante domandum. Inter cenandum, id est cum cenaretur, aut cum cenaremus, secundum exigentiam sermonis præmissi. Locui vineam pascinandam. Habeo agros colendos, &c. Passivè accipitur cum dico, Res est ad cognoscendum facilis.

Gerundia in do, sæpe cum his præpositionibus, De, è, ex, pro, præ, à, ab, abs, cum, in, & similibus construuntur: sæpe sine præpositione per morem ablativorum absolute positorum, quasi impersonalium: & tam activè quàm passivè accipiuntur, sed passivè etiam post se nullum habet casum. Gerundia vero nomina in do, tam dativi quàm ablativi sunt casus: regunturque à quibus dicti casus, idque in omni genere & utroque numero. refugiunt tamè verba motus de loco, quæ etiam in litera declarantur. Sunt qui velint gerundia dativi etiam casus esse, & post se verbi sui casum regere. ut Puer aptus discendo rhetorice à præceptore, & aptus docendo rhetorice. quod genus locutionis à Calepino positum, non prius recipiatur, quàm apud aliquem idoneum inveniatur: tamen etiam esse gerundii potestatem, ut communiter significet, non ignoro. Neque pro ea sententia refellenda, ut pro focis & aris servandis certè. Nam quum dicit Quintilianus, Maximi tum virorum, & quibus artis suæ solvendo non sit humanitas: videtur SOLVENDO dativi casus, sicut quum dicitur, Non sum solvendo. id est non sum satis ut aut qui solvam. Dativus QUIBUS rectè regitur à solvendo, à quo regi possit etiam si sit ablativi casus: verum artis suæ rector non habet, & si suppleatur gratia aut nomine, dici posset etiam Quibus artis eorum nomine &c. Et Apuleius, Quum primum charitate nubendo maturisset. Et Tullius in oratore, Cum est inficiendo accusatori reus, duo primo sunt. Videtur etiam Nebrissensis, nubendo & inficiendo dativi. Addere tamè possumus quod venustius interdum vitimur gerundiis nominibus, quàm gerundiis. Possumus itaque unam rem multis modis exequi. Primo per gerundia: ut, Veni causa videndi matrem, ad videndum matrem. non audeam dicere, pro videndo matrem. Secundo, per gerundia nomina: ut, Causa matris videnda, ad matrem videndam, pro matre videnda, idque (ut dixi) venustius. Tertio, Græco more, nobis non usurpando: ut, Veni videre matrem. Quarto, per participia in rus: ut, Veni visurus matrem. Quinto, per supinum: ut, Veni visum matrem. Sexto, per verbum in so: ut, Viso matrem. Septimo, per verbum & particulam ut, quo, aut simile: ut, Veni dumtaxat quo matrem videam, vel ut matrem videam, non ut quicquam auferam. Passivè accipiuntur: ut, Vriturque videndo femina. id est dum videtur. Vriturque videndo feminam masculus, quod absurdum non videtur: quavis non dicatur, Vriturque videndo femina à masculo.

Exemplum de gerundio absolute posito: est apud Ciceronem in prologo officiorum, Orationem autem Latinam efficies profecto legedis nostris plenior. pro eo quod vulgatiore dicitur, legendo nostra, vel dum nostra legentur. Et in eodem, Quis est enim qui nullis officiis præceptis tradendis philosophum se audeat dicere? hoc est, tradendo nulla præcepta. Verba Mancinelli, quibus probat gerundia in di etiam passivè capi, Mancinellus. sunt hæc, Amandi, & huiusmodi gerundia in di, passivè quoque proferri invenimus. Iustinus enim sive Trogus est, lib. 17. ita scribit, Athenas quoque erudiendi gratia missus. de regio quodam puero dixit. Et in prologo primi voluminis ait, Quod ad te imperator Antonine non tam cognoscendi quàm emendandi causa misi. Hæc ille. In quorum posteriore, si placeret, activa significatio inveniretur: sic, co-

gnosendi, id est vt ipsum cognoscas: quàm emendandi, id est vt ipsum emendes. Ex his quæ de comparatiuis & superlatiuis dicta sunt, de quæ gerundiis & supinis dicentur, possunt inferri aliquot regulæ discētibus non inutiles: quarū hæc sit prima,

Regula 1.

Gerundia & participia inuenta sunt, vt plures actiones vni supposito sine coniunctione media tribuantur: quomodo primo participium, deinde gerundium, aut verbum ponere solemus. Vt, Socrates primus moralis philosophiæ præceptor repertus, non scribendo, sed docendo memoratu, scriptūque digna, plurimum bonis moribus profuit.

Secunda.

Tamet si quæ eandem habēt significationem vt deriuatiua & primitiua, eosdem casus regere possunt: tamen obseruanda est peritorum consuetudo. Gerundia enim & supina passiuæ sumpta, nullum post se casum regere volunt: neque in quacūque significatione ante se, nisi pro futuro infinitiui vsurpentur. Non ergo dices, Dignus es amatu ab omnibus, sed amari: nec, Vrit vacca videndo à mare, sed absolute, videndo. Neque, Vrbs est in periculo capiendi ab hostibus: sed, in periculo capiēdi, idque parce. Neque, Hoc est facile ad intelligendum ab omnibus, sed duntaxat, facile ad intelligendum. Cuius non videtur alia ratio, quàm peritorum consuetudo.

Tertia.

Neque impersonalia passiuæ vocis, tamet si cū ablatiuo supposito construi possint, continuo accusatiuum post se regent. Verbi gratia, dicere licet, Ita nunc viuunt ab omnibus: pro eo quod est, omnes ita viuunt. non tamen dicemus, Matthæum legitur, sed Matthæus legitur. Construuntur tamen impersonalia cum accusatiuo, mediante præpositione: vt, Itur in antiquam sylvam.

Quarta.

Semper autem cum infinitiuis impersonalium passiuæ vocis exprimi vult ablatiuus, si quidem ab actiuis veniant. Vt, Volo à me amari, Notum est sic ab omnibus doceri. Addo, Si quidem ab actiuis veniant: quia tunc sine ablatiuo viderentur passiuæ: quod in absolutis non fit: vt Notum est sic vini.

Quinta.

Gerundia autem in dum, & gerundia nomina, vtcunque exeant, cum verbis v m constructa, verbo videntur, vt dixi, quandam necessitatem & officii congruentiam connotare. Vt, Ita faciendum erat, id est ita facere, aut fieri oportebat. Mos gerundus est Thaidi, id est geri debet. Habenda est ratio honestatis, id est haberi debet.

Sexta.

Tarpe est autem infinitiuum construere cum nominibus substantiuis, cum quibus gerundia in di construenda sunt: aut cum verbis importantibus motum ad locum, cum quibus priora supina, non tamen in significatione passiuæ, construi volunt: quanuis Græci tale discrimen non habentes, id decenter facerent. Non ergo dices, Vado piscari, sed piscatum. non tamen Homicida vadit decollatum à tortore, sed decollandus: aut alio modo Latinis noto. Neque dices (vt iam ostendimus) Locus est dicere, sed dicendi quæ vellem. Sed ad authorem reuertendum est.

De gerundiis.

CAP. XXVII.

Gerundia licet à participiis differant, tamen proprie inter participia numerari possunt (sicut supina inter verba) meritōque participialia vocata sunt. Nam & casus & genera in utroque numero habent. ex quo verba non sunt, sed participia, siue participialia. Regunt præterea casum more verborum participiorumque. ex quo nomina nō sunt. Post se inquam regunt, non ante se. Nam eiusmodi locutio, qualis est, In conuertendo Dominus captiuitatē Sion, facti sumus sicut consolati: inaudita est, Græca figura decipiēte (vt in aliis multis) interpretem.

Græci enim hoc loco infinitiuum habent, quod vult ante se accusatiuum. Quod multis modis transferri poterat: vel sic, Dum conuerteret Dominus captiuitatem Sion. Vel sic, Conuertente Domino captiuitatem Sion. & aliis (vt dixi) multis modis. Quidam imperiti aiunt, casum pro casu poni, quasi Latinè diceretur, si esset Dominum: quale est illud, In deficiendo ex me spiritum meum. Et alibi, In conueniendo populos in vnum, & reges, vt seruiant Domino. quum (vt ostendi) gerundiū non habeat ante se casum. Sed ad propositū. differūt gerundia à participiis: quòd ipsa significant rei administrationem sine tempore: illa verò tēpus sine rei administratione. Vt Tenet me occupatio iuris dicūdi. gerundium est, nec tempus significo futurum, sed rei administrationē, hoc est in iure dicundo. Rursus, Tenet me cura dotis numerādæ, id est, quæ numerāda est: participiū est futuri significatiuum sine administratione rei. Nescio an dicendum sit, gerundium esse participium præsentis temporis more Græcorū. Cuius rei hoc argumentum est, quòd idem est, in legendo, & in ipso legere, quod Græci melius *ἐν τῷ ἀναγιγνώσκειν*. & in libris legēdis, idem est quod quum libri leguntur: penè eodem modo, quo de futuro in legendis libris, videlicet qui legēdi sunt. Nolunt autē grammatici gerundium rectum habere casum, sed quatuor tantum obliquos: fortasse & casu recto non caret apud Lucretium atque Virgilium, Voluenda dies en attulit vltro. Voluenda, non tempus futurum intelligit, sed rei administrationem: dies videlicet quæ voluitur, non quæ voluēda est, aut quæ voluetur. Vnde indicatur gerūdium esse participium præsentis temporis. Ius iurandum etiam potest videri eiusdem casus, atque etiam vocatiui. Sed de quatuor nunc obliquis differamus: quo in loco breuissime stultorum quorundam opinionem reprehendamus, qui aiūt recte dici, Causa essendi rex, essendi regis, essēdi regem: quū nusquam essendi reperiatur: & si reperiretur, non regeret casum, sicut manendi, viuendi, existendi. Et de genitiuo iam exemplum subiecimus, Occupatio iuris dicundi. De datiuo tale est, Da operā rebus agendis. De accusatiuo, vt, Ad accusandos homines duci præmio, proximum latrocinio est. De ablatiuo, Tu delectaris, criminibus inferendis. Cum accusatiuo ferè semper iūgimus præpositionem: præter quædam pauca, quæ sunt, Loco, Conduco, Loco. Mando, Curo, Habeo pro debeo, & si qua sunt alia. Vt Faciendā sepulturam locarent. id est, alteri darent faciēdam: vel, ipsi locarent se ad faciēdum: vtrunque enim significat: nec participiū est, sed gerundium illud Faciendam. quod exemplum sumptum est

Quod hñc Valla gerundium vocat, grammatici verò nomē gerūdiiū, videtur participiū esse passiuum præsentis tēporis.

Essendi.

ex Sulpitio. Cicero de diuinatione, lib. 2, Et tu scilicet mauis numine deorum id factum quàm casu arbitrari: & redemptor qui columnam illam de Cotta & Torquato cōduxerat faciendam, nō inertia aut inopia tardior fuit, sed à diis immortalibus ad istā rem reseruatus est. Conduxerat faciendā, quasi locarat & conduxerat ad faciendū. Suetonius autem in vita Cæsaris, Gladiatores, inquit, notos sicubi infestis spectatoriis dimicarent, vi rapiendos, reseruandósque mandabat. Curauit iaciendos lapides, sæpe legimus: sed ita ferè, vt alius curet, alius iaciat. Vt Cicero 7. Verriarū, Recenti negotio ad te literas misit, mittēdāsque curauit. Interdū idem qui curat, & qui agit. vt Plinius posterior, Petis vt libellos meos, quos studiosissime comparasti, recognoscendos, emendandósque curem. Et iterū, Continendos cauea nidoue curabis. Quintilianus in Mathematico, Positus, patres Cōscripti, in ea conditione tristissimæ sortis, vt nec morte dignus sim, nisi me parricidam putetis: nec præmio, nisi innocentem: adeoque ludibriis miseræ sum diuersitatis implicitus, vt impetrādū à vobis habēā odii mei fauorē. Plinius idem ad Saturninū, Præsertim quū enitēdū haberemus, vt quod parentibus dabatur, & orbis probaretur. Suetonius in vita Cæsaris, Vt cōsolandos eos magis imperator, quàm puniendos habuerit. Hunc modum loquendi apud Ciceronem reperisse non memini me. In his exemplis, vbique gerundium est. Illa autem participia in nomen transeuntia, Putaui ad te scribendum, existimaui hanc rem tractandā, cēsui tibi illud significandum: id est, dignū scribi, tractari, significari: quæ omnino idem valent quod scripsi, tractaui, significaui: sed non sine deliberatione tamen nec inconsulto. Dicebant autem antiquiores, Rogatū te velim, oratos vos velim: pro eo quod est rogo, vel oro. Sicut posteriores (quorum est Quintilianus) dicebāt, Venio petiturus, venio oraturus: pro eo quod est, venio petitum, venio oratum. Sed hoc ad supini magis rationem pertinet. Illud autem, quod Seruius ait gerundium esse, participium est potius, aut nomen, quū inquit, Similiter etiam accusatiuo casu vtimur, quum volumus absolutam facere elocutionem, & per gerundii modum aliquid dicere: vt, Petendum mihi est equum, codicem, byrrum. Hinc Virgilius, Pacem Troiano ab rege petendum. Nam si dixeris, Petendus est codex: iam non per gerundii modum, sed participialiter loqueris. Hoc non aliter participium est seu nomen, quàm illud, Petendum est mihi iumentum: præsertim quòd gerundia non regunt passiuè, sed actiuè, & nominatiuis carere creduntur, & accusatiuis præpositionem anteponi vo-

lunt, sicut antè ostendi. Vt accusatiuus, ita & ablatiuus amat
secum præpositionem: vt, In defendendo maior labor est, quàm
in accusando. Indagemus (si possumus) cum quot præpositio-
nibus accusatiuus gerundii iungitur, cum quot item ablatiuus.
Accusatiuus iungitur frequenter cum ad, raro cum in. Item fre-
quenter cum ob, propter, & inter, raro cum ante: vt Vado ad
capiendum hostem, ego veni ob te, vel propter te redimen-
dum. Inter nauigandum, pro in nauigando saepe legimus. Vir-
gilius,

-& inter agendum

Occursare capro, cornu ferit ille, caucto. Idem,

-nanque ante domandum

Ingentes tollent animos.

Totidem ferè præpositiones ablatiuo gerundii seruiunt. In, fre-
quenter: cæteræ, rarius. de, ex, vel è, à vel ab, & cum. In, vt In na-
uigando. De, vt De edendo, de migrando, de agendo. Quintilia-
nus, Sed quia latius fusus est hic locus, mixtusque cum elocu-
tione, tractabitur quum præcipere de apte dicendo coeperimus.
Etiam cum motu: vt Cicero ad Atticum lib. 8, Tu quid cogites
de transeûdo in Epirum, scire sanè velim. Ex, vel E: vt Ex defen-
dèdo, quàm ex accusando huberior gloria cõparatur. A, vel Ab:
Cicero, Ex quo exardescit siue amor, siue amicitia (vtrunque e-
nim dictum est ab amando). Alibi quoque, In quo etiam isti nos
iuriconsulti impediunt, à dicendõque deterrent. Et alibi, Non
distinguit à non dolendo, voluptatem. Plinius posterior, Sermo-
nibus dies transigebat, quum à scribèdo vacaret. Cum, vt Quin-
tilianus, Sed ratio rectè scribendi iuncta cum eloquendo est. Va-
riantur porrò gerundia per omnes quos enumerauimus casus,
numerosque, & genera. Nam (vt ego sentio) hæc omnia ha-
bent in genitiuo, vt Delectatio fruendi principatus, fruendæ pro-
uinciæ, fruèdi imperii: Molestia educandorum filiorum, locan-
darum filiarum, colendorum prædiorum. Regitque hic geni-
tiuus aliquando casum. Cicero, Equidem efferor studio patres
vestros, quos colui & dilexi, videndi. Nam durum fuerat fu-
turum, studio videndorum patrum vestrorum. Et quoties o-
porteat loqui per relatiuum, necesse est loqui per hoc gerun-
dium. vt Hic dies attulit initium dicendi quæ vellem. non au-
tem, dicendorū eorū quæ vellem. Illud Titi Liuii libro 21, quis
non vitiosum putaret, in quo summa honestas Latinitatis sub-
est? Non enim vereor, nequis hoc me vestri adhortandi causa
magnifice loqui existimet, ipsum aliter animo affectum esse.

Cicero pro
Marcello.

Adhortādi enim singularis numeri est, vestri verò pluralis. Item Cicero libro 2. de diuinatione, Doleo tantam Stoicos nostros Epicureis irridendi sui facultatem dedisse. Plaut. in Captiui duo, Nominandi tibi istorum erit magis quàm edundi copia. In datiuo, Vaco agro colendo, vineæ pastinandæ, nemori succidēdo. In plurali vna vox est trium generum: vt Vaco agris, vineis, nemoribus procurandis. Qui casus regimen non habet. Absurdum sit nanque dicere, Do operam colendo agrū, vel legendo librū.

Soluendo. Soluendo non sum, nunquam patitur secum substantiuū. Ideo dubitari potest, an datiuus sit, an ablatiuus. significat autem satis facere pro eo, quo obligatus sum, siue pecunia, siue remuneratione. vt Quintilianus, Placeamus licet nobis fortuna nostra, pater, pauperi soluendo nō sumus. Vult autem semper post se datiuum, licet non semper apponatur. Interdum etiam alium casum, vt apud eundem, Maximi tamen virorum, & quibus artis suæ soluendo non sit humanitas. In accusatiuo, vt Eo ad salutandum fratrem, ad salutandam sororem, ad salutandum sydus: ad salutandos fratres, ad salutandas sorores, ad salutanda sydera. Quod elegantius dicitur, quàm cum regimine: vt Eo ad salutandum fratres, ad salutandum sorores, ad salutandum sydera. Per alias quoque præpositiones similiter: sed Inter rarò habet cū gerundio substantiuum, rarius regimen: vt Liuius lib. 2, Et ipse inter spoliandum corpus hostis veruto percussus. Et iterum, Inter accipiēdas de suis commodis rogationes. De Ante nullum tale impræsentiarum exemplum **occurrit**. In ablatiuo sine præpositione: vt Fit iniuria domino **fundi**, vel defringendo ramo, vel ligno incidendo. Res eunt **ordine** lite æstimanda. id est, quum defringitur ramus, quū inciditur lignū, quū lis æstimatur: vel defringendo ramum, incidendo lignū, æstimando litem. Sed frequētius vsi sunt veteres ablatiuo plurali in tali genere sermonis: vt Cicero, Orationem autem Latinam profecto legēdis nostris efficies pleniorē, id est legendo nostra. Nam in singulari solebant sæpius apponere præpositionem: vt In cōmittendo prælio. Regit autē hic ablatiuus sine præpositione casum: vt Hos accusando, illos occidendo, totam ciuitatem labefactasti. Cum præpositione In tum regit, vt In tribuēdo suum cuique: tum variat genera, vt In colendo agro, in pastinanda vinea, in nemore excidēdo. Per De, simili modo etiā regit: vt Cicero in Tusculanis, His præsertim cognitis, quæ de nihil sentiēdo paulo antè dicta sunt.

Nihil. Nisi dicimus, Nihil esse aduerbium, non nomen. Et variatur per genera: vt De accusatore constituendo, de collocanda filia,

de prædio emendo. Per *EX*, vel *E*, & *A*, vel *AB*, nescio an liceat dare tali gerundio regimen. nullum enim exemplum occurrit. Variari autem per genera certum est. Cato, *Ex cataplasmatibus bibendis, ex aluo leuanda.* & *Abstineas ab offendenda Repub.* Sed cauendum ne id verbum significet motum, quale esset, Reuertor ab arando, vel ab arando aruo: Redeo à spectâdo, vel à spectandis ludis, quum sit dicendum, Reuertor ab aratione, vel ab aratione arui: Redeo à spectaculo, vel à spectaculis ludorum. Per *Cum* vix locum habet talis oratio, vt nō participium sit potius quàm gerundium: vt *Sedeo cum viro coronando*, id est qui coronabitur, non autem qui coronatur. Posset etiam habere regimen, sed nullum exemplum ad manum est. Atque omnia gerundia quū sociata sunt substantiuis, passiuè accipiuntur. Disiuncta verò, actiue: nonnunquam passiuè, vtique sine genere & sine præpositione in casu ablatiuo, & quasi absolute: vt apud Virgilium, *Alitur vitium, crescitque tegendo.* Et alibi, *AEgrescitque mendo.* Et iterum, *-vritque videndo Fœmina.* hoc est quum tegitur vitium, quum curatur æger, quum videtur fœmina. Neque id modo apud poetas, verum apud oratores quoque: vt apud M. Fabium, *Sed memoria excolendo, sicut alia omnia, augetur. excolendo, dū excolitur, non autē dum excolit.* Nec regit casum, quale foret, *Vrit fœmina videndo à maribus.* Sicut dicimus, *Vruntur viri & equi videndo fœminas.* Accusatiuus quoque cum præpositione non tantum actiue accipi solet: vt *Tu es idoneus ad discendum:* sed etiam passiuè, vt *Hæc res est facilis ad discendum.* Sallustius in Iugurthino, *Pauca supra repetam, quò ad cognoscendū omnia illustria magis magisque in aperto sint.* Quidam non indoctus hac ætate scribere ausus est, *Iam iam vrbs in periculo capiendi est.* pro eo quod est, *vrbs iam in periculo est ne capiatur, siue hostis parum abest à capienda vrbe.* Quum semper sine substantiuo gerundium accipiatur actiue: aut si à neutro venit, neutraliter: nisi aliquando, vt ostendimus, in ablatiuo.

EPI TOME.

Supina in tum, quæ mera verba sunt, non sine verbo importante motum ad locum, saltem latentem, construi volunt: quo gerundia in dum carere possunt. Differunt præterea à futuris participiorum in rum, quòd ea (vt nunc eis vtimur) genus & numerum discernentia, non sine futuri temporis nota, sed bene sine verbo motus collocantur: supina verò, neque genus, neque numerum agnoscunt, citra futurum tempus cum verbo motus accipi possunt. Sæpe tamen præsertim in passiuæ voce, & nonnunquam aut ob pœnuriam, aut consequentiam, aut grammaticorum consensum, in actiuâ pro futuris infinitiuorum cum verbo ire & iri vsurpantur.

Dico *supina in tum*, propter *supina in tu*, quæ lōge aliam habent acceptiōnem, vt proximo capite dicemus. Addo, quæ mera verba sunt, quia casum regūt, & nul-

lius casus aut generis sunt. vt AEncid. 2, Suspenſi, Eurypilum ſcitatum oracula Phœbi Mittimus. Vbi ſcitatum ſupinum, regit accuſatiuum oracula. Capiuntur autem ſerè actiue: niſi cum verbo iri capiantur pro futuro infinitiui paſſiui. In tu verò, ſemper paſſiue. Adſto præterea, Nō ſine verbo. quia illo gerūdia carere poſſunt: vt Equus ad currēdū idoneus. Subiicio, Saltē latentē: quia cū dicitur in arte poetica, Spectatū admiſſi riſum teneatis amici: non eſt manifeſtus motus: nemo tamē admittitur niſi moueatur, quanuis permitti poſſit ſine eo. Dico de futuris participiorum in rum, vt nūc eis vtimur: propter antiquos, qui ſine genere & numero ea uſurpabant, neque participia eſſe cenſebant, ſed (vt author eſt Aulus Gellius lib. i. cap. 7.) verba indefinita, quæ Græci aparemphata vocāt. Huius rei tum ex Gellio, tum ex Priſciano multa collegit Neſtor exempla, quæ hæc ſunt. Cicero in oratione quinta in Verrem, Sed quocunq; venerint, hanc ſibi rem præſidio ſperant futurum. Et Caius Gracchus in oratione, cuius titulus eſt de Quinto Pompilio, Credo ego inimicos meos hoc dicturum. Cato lib. 5. originum, Illi polliciti ſunt ſeſe facturum omnia. Leo papa in ſermone dominicæ intra octauam Epiphaniæ, Tres itaque viri fulgore inſoliti ſyderis diuinitus incitati, præuium micantis luminis curſum ſequuntur, exiſtimantes ſe, ſignificatum puerum Ieroſolymis ciuitate regia reperturū. Vbi Chalcographi, id eſt in ære ſcribentes, reperturos impreſſerunt. Claudius Quadrigarius Annalium 3, Hoſtiū copias ibi occupatas futurum, Et in principio 12. Annaliū, Si pro tua bonitate & noſtra voluntate tibi valetudo ſuppetit, eſt quod ſperemus deos bonis benefacturum. Valerius Antias lib. 14, Aroſpices dixerunt omnia ex ſententia proceſſurum eſſe. Plautus in Caſina, Etiāme habet Caſina gladiū: habet, ſed duos, quibus altero te occiſurum ait, altero villicum. vbi intelligitur ſe. non enim ſenſus eſt, te occiſurum, ſed occidendum eſſe. Laberius in Gemellis, Non putaui hoc eam facturum. Lucilius libro 17, Nupturum te nupta negas, &c. Sylla lib. i. rerum ſuarum, Ad ſummam perniciem rem publicam perueniturum eſſe. In quibus omnibus, ponitur futurum in rum, ſine genere, & caſu, ac numero: forte quia illis nondum perſpecta erat diſcretio inter ſupinum & participium. Nos autem vtimur participiis cum diſcretione generis, numeri, & caſus. vt, Dicemus hunc amaturum eſſe, hanc amaturam, hoc amaturum, hos amatuſos, has amaturas, hæc amatura. Neque tamen damnabimus veteres quibus placuit futurum infinitiui circumloqui per prius ſupinum aut futurum in rum: vtrunq; ſine declinatione, genere, caſu, ac numero. Nos autem per vtrunq; circumloqui poſſumus. ſed, vt Valla docet, alterum, hoc eſt ſupinum, verbum eſt: alterum participium, quod ſemper futuri temporis ſignificationem aſſert, ſicut & ſupinum frequentius, vt cōcedit Valla in paſſiui: & vt diximus, etiā in actiui, aut propter pœnuriā. Nam quia caremus futuro infinitiui, videtur congruum, vt quod pro eo ponimus, futurum ſignificet, præſertim id tota manū grammaticorum cōcedente. Adieci, Aut propter conſequentiā. Nam licet cum dico, Eo lectum: iam ſignifico præſentem itionem: tamen non præſentem lectionem mihi eſſe, ſed futuram. Itaque lectum ire, eſt quidem nunc ire: ſed vt cum perueneris quo is, legas: non autem nunc legere. In principali ergo verbo denotatur tempus. Præterea licet de rigore ſingularum partium, cœnatum ire, importet itionem & motum, atque ita poſſes verè dicere, te cœnaturum eſſe, & non cœnatum ire, ſiquidem vbi es cœnaturus, es: tamen quia hoc complexum cœnatum ire, ſumitur pro eo quod eſt cœnaturum eſſe, ex eo quod qui cœnatum it, nondum cœnat, ſed cœnaturum ſe ſperat. non recipiam eiſmodi differentiam de futuro tempore, cum non ſit ratio cur cœnatum iri ſit futuri, & cœnatum ire præſentis temporis. Vt Mancinellus atteſtatur, adducens & aliam probationem, dicens, idem eſſe, itum ire, & iturum eſſe. quod Valla negaret. Nam te iturum eſſe, ſignificat te iam non ire, ſed futurū eſſe vt eas.

At itum ire, significat te iam ire. Si dicas, Ergo frustra additur itum. dicam quòd non, quia possum ire, vt eam. verbi gratia, Si ex iniuncto, septem passus ire debeam in templo quouis in quo non sim, & interroget me qui iniunxit, Iuisti? congrue respondèro Non, sed Eo itum. Atque ita dixero me itum ire, quod ex sequela importat iturum esse. Vnde de rigore neque omnis qui itum it, iturus est: quia posset desinere esse. Neque omnis qui iturus est, itum it: quia posset quiescere. Sed de consensu, pro eodem ponimus amatum ire, & amaturum esse. At si præsentem itionem notatam velim, dicam me non amatum iri, sed ire amatum. De qua re, priusquam Mancinelli verba ponantur, subiciam vnum, quod dicimus congrue (teste A. Gellio lib. 9.) Audio illi iniuriam factum iri, & Contumelia vel iniuria factum itur. Vnde Marcus Cato pro se contra Cassium, In hac contumelia quæ mihi per huiusce modi petulantiam factum itur, rei quoque publicæ medijs studiis miserear. Quod locutionis genus nescio an vsurpare audeam. Est certe iucundum & rarum, habetque nescio quid quod vix aliter dicas. nam, Contumelia mihi fit, aut fiet: longe friget. Verum vt finem faciam, verba Mancinelli sunt, Idem esse oratum ire, & oraturum esse: satis patere potest, vel solo infinitiuo huius verbi eo, is, it. Idem nanque est itum ire, & iturum esse. Adde etiam Laurenti, quòd (vti tute ipse asseris) in passiuo idem est damnandum esse & damnatum iri. Quod quidem esse non posset, nisi damnatum ire in actiuo infinitiuo, esset futuri temporis. Quo enim pacto id quod in actiuo præsentis est temporis, in passiuo futuri esse possit? Itaque Priscianus optime docuit. Hæc ille. Verum si pro Valla loquiberet, dicerem, damnatum ire: ideo ex parte, saltem præsentis esse temporis: quia ire quo vtimur, præsentis est. damnatum iri, non nisi futuri: quia iri non vtimur per se, nisi imperpersonaliter, quo modo illic non accipitur, sed per vtrumque exprimitur vnum futurum: quod tamen similiter dicam per damnatum ire, fieri: licet aliter dicam ire damnatum. sed finem facio.

Mancinellus.

De supino in um.

CAP. XXVIII.

DE supinis ita ait Priscianus in compediario quodam opusculo. Sed hoc interest inter amandum quod est gerundium, & amatum quod est supinum: quòd amadum necessitatem amoris significat, amatum autem ^{*initiationem} ad amationem. Dignum obseruatione præceptum elegantia, si modo verum, quod minime est, tum autoritate, tum ratione. Nā autoritatis loco exemplum nullum posuit. Et quodnam quæso ponere poterat? Quid interest Vado venatum, & vado ad venandum? vado piscatum, & vado ad piscandum? dormitum, & ad dormiendum? Sallustius, Legatos ad Iugurtham de iniuriis questum misit. Et iterum, Non mea culpa ad vos sæpe oratum mitto P. C. Scilicet necessario, non imitatione. Præterea pro ratione hoc fit, quòd Græci pro his duobus nostris transferentes vtuntur vno suo infinitiuo cū articulo, πρὸς τὸ παρακλεῖν. quod nos vicissim transferentes nunc per gerundiū, nūc per supinū interpretamur. Siquid autem inter hæc duo interest, id erit, quòd supinū nūquā ferè est sine verbo significante motū ad locum, vt eo, vt venio.

Nam illa, Do filiam nuptum, do vœnum, siue vœnundo ædes, spectatum admissi fuimus, latentē in se motum obtinent. Idem Priscianus in alio grandi opere & multum ingenii, tum laboris, inquit, Frequenter tamen antiquissimi neutro participio futuri addebant esse, & infinitiuum futuri significabant: vt Oraturum esse, pro oratum ire: facturum esse, pro factum ire: nupturum esse, pro nuptum ire. quod mihi minime videtur. Nam vt concedam, quod meritò denegare possum, quòd Latine, aut certe v̄sitate dicamus, pro eo quod est, Cupio filiam meam nuptum ire, & nos factum ire: Cupio filiam meam nupturum esse, & nos facturum esse: quum dicendum sit nupturam esse, & facturos esse: Dico aliud esse oratum ire, & oraturum esse. Ego quidem cœnaturus sum, non tamen eo cœnatum, vel ad cœnandum. Et Scio te cœnaturum esse, sed non protinus ire cœnatum, vel ad cœnandum. Nam participium futuri cum verbo substantiuo non habet actionem illam & motum, quem habet verbū eo. Atqui in passiuo fuerat verisimilius si dixisset, quo etiam frequenter v̄tuntur authores, idem esse, damnandum esse, & damnatum iri. Nam eodem loco dicere possumus, Credo peccatū meum resciscendum esse, & rescitum iri. Item Intellego, scio, video, opinor, existimo peccatum meum patefaciendum esse, vel patefactum iri: & cætera verba huiusmodi. Illa autem quæ ad futurum respiciūt, vt Timeo, metuo, vereor, spero, cupio, non idē faciunt: quibus maior differētia est cum passiuo participio futuri: vt, Vereor peccatum meum patefactum iri, magis quàm patefaciendum esse. Cupio culpam meam celatum iri, potius quàm celandam esse. Item, Timeo peccatum meum patefactum iri. Et pro illo modo per passiuum participium futuri substituimus hūc, Timeo peccatū meum ne patefiat, vel vt patefiat. quod fieri nequit in aliis verbis. Non enim licet dicere, Scio peccatum vt resciscatur, sed rescitum iri, vel resciscendum esse. Denique (vt eò reuertar, vnde egressus sum, & semel Prisciano respondeam, nō idem esse oratum ire, & oraturum esse) alterum præsentis tēporis est: vt, Video te accusatum ire me: id est nunc. alterum futuri: vt, Video te accusaturum esse me. & tamen Accusatum iri me abs te video, accipitur pro eo quod est, Video te vel accusatum ire me, vel accusaturum esse me, vel abs te accusandum esse me.

E P I T O M E.

Supina in tu, quæ mera verba sunt, nō cōstruuntur rite cū verbis importantibus motū de loco: nec sunt alicuius casus, nec regunt casum, nec reguntur ab alio quàm ab adiectiuo sine præpositione, cum quo passionem substantiuo conuenire signifi-

cant. Vnde multum à nominibus illis in voce duntaxat similibus, discrepant. Nam illorum quædam sensus corporis significare possunt constructa cum adiectiuis, & regere casus, & regi à verbo aut participio, etiam interueniente præpositione. Vt Sum captus visu, vel Sum debilis in visu, vel Destituor à visu: nomen est. Sed, Sum terribilis visu, id est dum videor, vel vt videar, vel ad videndum: supinum est. Neq; dices, Venio visu: spectacula: sed, à spectaculorum visione. Et quærenti, Vnde venis? (quia vnde quærit de loco) non dices, lusu: sed è ludo, aut lusorio. Quia verò supina in tu passivè significant, ab absolutis rara sunt inuentu, vt. Statu, cursu, sessu. nisi quis velit illis impersonaliter vt: vt Iocundum est hîc sessu. id est vt sedeatur. dignū cursu, vt curratur. quæ quia à doctis vsurpata non sunt, nemo me quidem authore, vsurpauerit. Dicò ritè, quia licenter & præter morem à pluribus receptum cum verbis constructa etiam in significatione leguntur actiua: quocirca dubitem nominane sint an supina: & reuera nomina videtur, licet Prisciano, Aldo, & quibusdam aliis videatur aliter. vt Plauti illud in Menæhmis, Obsonatu redeo. id est ab obsonando, aut obsonatu. Sic Stat. in Achil. Et tunc venatu rediturum in limine primo: à venâdo aut venatu certe actiue. Cato in re rustica, Primus cubitu resurgat, postremus cubitum eat. vbi quia cubitum supinum est, videtur etiam cubitu supinū. Nebriffensis tamen nomen censet: ego supinum, sed vetusto more vsurpatum, nec imitari velim.

De supino in tu.

CAP. XXXIX.

Idem author & in eodem quo suprà dixi opusculo, ita ait, Hoc interest inter amando & amatu: quòd amando est in ipso amore, amatu verò pro amatione, vel pro amore, id est pro ipsa re accipitur. Et hoc manifestat ipsa etiam interpretatio Græca. Sed an hæc differentia vera sit, & hoc ex Græco argumentum quantum momenti habeat, Priscianus viderit. Mea autem sententia tum ex superioribus, quæ dixi in gerundio, tum ex sequentibus apparebit. Paulo post subiungit, Accipitur venatum pro ad venationem, quomodo venatu pro venatione. sicut miserabile visu, pro visione: & Nec visu facilis, nec dictu effabilis vlli. pro visione & dictione. Multis igitur modis, sicut & in aliis docuimus locis, nomina sunt hæc accipienda magis, quàm verba. In hoc ego à Prisciano libere dissentio, vel ratione quam postea dicam, vel autoritate, & potissimum M. Fabii, quem omnibus sine controuersia ingeniis antepono, qui ait, dictu factuq; aliud esse, quàm dicto factoque. quæ Priscianus appellat dictione & factione: quæ aliis in significâdo figuræ sunt quàm visione & venatione. Præterea Quintilianus vocat verba participialia, sicut à multis gerundia dicuntur nomina participialia. Et (quod ad rationem pertinet) supina hæc per verbum potius à Græcis transferuntur, quàm per nomen. quòd si nomina forèt casus ablatiui, certe alii casus non deessent. At nemo vnquam auditum habet, hic dictus, hic factus, sed tatum dictu & factu. Propter quod necesse est aliud esse quàm dicto & facto, siue dictione & factione,

Quintilianus
omnibus in-
geniis antepo-
nendus.

id est aliud quàm nomen. At visu, auditu, cognitu, inquires, omnes casus habent, & hi ablatiui sunt. Hæc parum prudentis, aut certe parum perspicacis est ratio. De qua ante quàm dicam, libet castigare vulgus imperitum grammaticæ professorum, qui vniuersum sane orbem stulto errore peruertunt, sic semper loquentes, Eo lectum, venio lectu: pergo auditum, reuertor auditu. Qui error vnde profectus, & quo ex fonte imperitiæ emanauerit, nescio. Summòque opere hallucinationem publicam admiror, quòd tandiu à nemine animaduersus est. Nunc ostēdamus quæ differētia est inter visu & auditu nomina, & inter visu & auditu verba. Quando sunt nomina significāt sensus corporis, cōiunguntur cum adiectiuis, regunt casus, reguntur etiam à verbo & participio, subseruiente quoque præpositione. vt, Careo toto visu oculorum, antea priuatus auditu aurium, non nihil etiam ex odoratu. Hæc omnia absunt à supino. siquidem non rem, nō substantiam, non qualitatem, sed actionē, seu potius passionem verbi significant. Non iunguntur cum adiectiuo, nō regunt casum, non reguntur nec à verbo, nec à participio, sed à nomine tantum, eodēque adiectiuo, nunquam interueniente præpositione. vt, Miserabilis visu, id est quum videtur: non autem miserabilis sensu videndi. Facilis visu, id est vt videatur, vel facilis ad videndum, non autem quòd habeat visum facilem. Effabilis dictu, id est vt dicatur, non autem vt dicat. Optimum factu, id est vt fiat, nō autem vt faciat. Difficile factu, quia difficile ad faciendum est. Incredibile memoratu, quum memoratur, non memor ratione. Dignum auditu, quod est audiri dignum, non vt sensu audiendi potiatur. Impossibile creditu, vt credatur, non vt credat. Acipenser piscis rarus inuentu, vt inueniatur scilicet, non vt inueniat. Res iucunda cognitu, vt videlicet cognoscatur. Absurdum relatu, quum refertur. Obscœnum aspectu, quum aspicitur, & si qua sunt alia. At homo superbus dicto & dictis, non dictu. Sæuus facto & factis, non factu, id est quum dicit, non quum dicitur: quum facit, non quum fit. Res verò sæua factu & dictu, id est quū fit, aut dicitur, non quia facit, aut dicit. Scipio clarus administratione bellorum dicitur, & administratu bellorum, quando est ablatiuus, id est administratione. Cato dignus administratione Reipub. & administratu, eodem modo. At Respublica digna est administratu, verbum est, id est vt administretur, nisi addēdo genitiuum facias nomen, administratu Catonis. Quare in illo Virgiliano, quod Priscianus attulit, Nec visu facilis, nec dictu effabilis vlli.

Quandoquidem abest genitiuus, non est nomen, vt ille vult pro uisione & dictione, sed verbum, pro eo quod est ad videndum vel audiendum. Nec ignoro à multis legi affabilis, non effabilis, quod putatur sumptum ex illo versu Accii in Philoctete, Quem neque tueri contrà, neque affari queas. Quod si ita est, nomen esse confitebimur, sed tamen nequaquam supinum. Multi scripserunt de cultu agrorum, nomen est, id est de cultione & cultura agrorum. Locus autem saxosus non est dignus cultu, nempe vt colatur, vel dignus coli. Homo dignus amatu, puer dignus doctu, liber dignus lectu, id est qui ametur, doceatur, legatur. Ideoque quum ex omnibus verbis passiuus liceat vti talibus supinis, raro tamen eisdem vocibus vtimur loco nominum. Quis enim dicat, Tu es priuatus amatu meo, exclusus à doctu meo, doctus sine lectu meo? profecto nemo. Ex quo apparet, quum in vsu vulgatissimo sint pro verbis, vt Ille liber est dignus lectu, non posse inter nomina numerari. Ea tamen quæ ambiguum vsum habent verbi & nominis, animaduertendum est vtram in partem accipi debeant: vt, Tu es dignus gubernatu: si pro gubernatione, nomen erit: si pro eo quod est, vt gubernaris, vel dignus gubernari, verbum. sed nomini accommodare solemus, aut etiam debemus genitiuum: verbo, nec debemus, nec solemus. Denique ex duobus supinis alterum actiuo verbo dare possis, alterum passiuo, vt amatum sit ab amo, amatu ab amor.

E P I T O M E.

Circumspectus, consideratus, disertus, cautus, tutus, ignotus, argutus, falsus, contentus, tacitus, profusus, fluxus, scitus, inueteratus, cōplacitus, & (quo nonnulli vtuntur) discretus, iuratus, excretus, exoletus, adultus, defectus, & quædā alia: in voce passiuā, actiuā frequenter significationem obtinent. Contrā, euidens & indulgens: in actiuā, sæpe passiuā. A facio autem, in ficus formata, & eorum comparatiua & superlatiua, communem habent significationem. Verum hæc omnia, potius nomina verba quam participia dixeris. nam & tempus amittunt, & comparisonem admittunt: neque dubium est, si mera participia sint, quin in sua significatione accipi possint: ac si dicas, Turnus lapidem vix circumspectum arripit: &, Stultus periculum bis cautum incurrit. Nemo rem bene consideratam temerè exponit. Qui dicunt ciuitatem incensam, accipiunt continens pro contento. Nemo aquam turpem profusam recolligit. Dico igitur, Frequenter & sæpe, quia Valla ipse fatetur quædam etiam passiuè capi, & Quintilianus in Declamationibus indulgentem actiuè posuit. Sane illud, cuius nos admonuit vir doctissimus Iacobus Tufanus, est adnotatu dignum in litera, in qua circumspectus describitur, vbi vulgo legitur, Et in omnem partem moræ iam spectat: legendum esse, more Iani. Ianus enim circumspectus, siue quod à tergo, siue quod antè videt. vnde Persius, O Iane à tergo quem nulla ciconia pinxit. Eum enim alii bifrontem modo, alii etiam quadrifrontem finxerunt: vnde in omnem partem spectare dicitur: sed nolo tam manifestis immorari. Suspectus passiuè accipitur, vt apparet in Hecy. Teretiū,

Sed esse falsa fama nolo gnatum suspectum : & , Phidippe, nostras mulieres suspectas fuisse falso. Actiue legitur suspicax. Discretus vulgo pro pradente & res prudenter discernente ponitur: nondum tamen apud idoneos legi: vnde miror à Val- la ascriptum. Sant etiam alia à participiis deducta nomina, & à vulgata signifi- catione discrepantia, vt impotens & insolens. Impotens enim sæpe dicitur non qui nihil potest, sed qui propter nimiam potentiam sibi moderari non potest, & mul- ta insolenter facit. Nam & insolens dicitur qui per impotentiam & nimiam auda- ciam in faciendo nimius est, & solitos mores transgreditur. Et tamen insolens infa- miæ, quasi insuetus etiam dicitur. Cicero ad Atticum, Amicus noster insolens infa- miæ. Et alibi ad eundem, Tam inconsuetus contumeliæ, &c. Dixi, Et quædam alia: vt consultus, potus, coenatus, &c. Verum qui propius respexerit, non offenderit longe à propria significatione aberrare. Nam consultus, est abs quo consilium pe- titur, qui quia peritus esse solet & prudens, videtur quasi pro perito & prudēte ac- cipi, vt Consultus iuris, quasi peritus. Verum docti dicunt etiam iure consultum. Po- nitur etiam consultum, pro prudente, quasi à consulto dictum : vt apud Ouidium, Sit tibi credibilis sermo, consultaque verba. Peritus autem, à perior verbo depo- nentali, vnde periculum deriuatur. Potus verò, est quidem qui bibit plus satis, quasi ab alio potus: id est potu saturatus. vnde potus, passiue dicitur à Iuvenale: -epotaque flumina Medo

Pradente. Sic coenatus, qui coenauit, sed ab aliquo coena acceptus. Qui etiam circumspēctus, consideratus, cautus, & similia, ideo accipi actiue videntur, quòd qui- bus passio inest, etiam actio inesse solet: vt qui ab aliis circumspicitur, solet esse pru- dens, & circumspicere: & similiter consideratus. Et cautus: quia sæpe cauetur, cauens & euitans versutias aliorum. Iuratus est, quasi iureiurando astrictus, licet iurauerit. Scitæ quæstiones, quasi factæ cum scientia & euidētia. Contentus, cuius appetitus cōtinetur. Argutus, sæpe castigatus, vnde solertia præditus. Defecta lingua, quasi se- nio confecta. Atque ita in aliis inuenitur quædam ratio patiendi, vnde plurima etiā passiue accipi possunt, vt tacitus. Seneca, Quod tacitum esse vis, nemini dixeris. Fal- tius, apud Comicum, vt in litera videre est. Quia verò de significatione participio- rum aut verbalium illorum loquimur, addamus plæbeios versiculos quibus signifi- catur, quòd participia præsentis temporis & futuri in rus, à verbo communi, signi- fican tantum actiue: futuri in dus tantum passiue: sed præteriti, communiter: alio- qui non essent communia.

Verbum commune quanuis agat & patiatur:

Sola per ans, ens, rus, tamen actio significatur.

Dus solum patitur: sed præteritum dat vtrunque. vt Amplexus sum te, & à te. Criminatus te, & à te. Criminans & criminaturus te, non à te. Criminandus à te, nō criminandus te. & sic de aliis.

De participio præteriti temporis, significante actionem:
& de præsentī, passionem.

C A P. X X X.

PARTICIPIA quædam in voce passiua actionem, quædā in acti- ua passionem significant. Circumspectus, consideratus, diser- tus, cautus, tutus, ignotus, argutus, falsus, contentus, tacitus, profusus, fluxus, scitus, & quo nōnulli vtuntur, discretus. Cir- cumspectus est non qui circumspicitur, quem solemus appellare conspicuum: sed qui circumspicit, & in omnē partem more Iani spectat, hoc est prudens & sagax. Cōsideratus, inconsideratusq; qui agenda considerat, aut secus: non qui consideratur, aut non

cōsideratur. Disertus, qui probè differit, nō qui differitur. Cautus, qui scit sibi cauere, non cui cauetur. Nonnunquam tamen res cui cauetur, vt pro Cæcinna Cicero, Quo res mulieri esset cautiore. Tutus portus, tutavrb, quòd tueatur alios, nō quòd ab aliis defendatur. Tamen sæpe passiue in hominibus: vt Tutus sum ab hostibus, quòd munitus & sine periculo sum. Ignotus etiam sæpe actiue. vt Quintilianus, Nequis tamen erret ignotus, non est filii mei nouerca, sed mater. ignotus dixit pro ignorās, & pro hospite & alieno, nō pro ignorato. Argutus, qui est acuta quadam & accurata solertia, quasi acute arguens & vestigans: non autem ab altero acutè intellectus & vestigatus. Falsus, qui fallit: vt Terentius, Censē me aliquam causam fictam, falsam, ineptam saltem potuisse proloqui? Aliquādo etiam passiue: vt idem, Carine falsus es. id est deceptus es. Et Sallustius, Nec ea res me falsum habuit. Contentus, qui cōtinet quod animo satisfacit, non qui continetur. Tacitus homo, taciturnus: qui tacet, non qui tacetur. Virgilius tamen posuit passiue,

Quis te magne Cato tacitum, aut te Cossē relinquat?

Profusus & fluxus actiue apud Sallustium, Alieni appetens, sui profusus. quasi profusor. Nam diuitiarum & formæ gloria, fluxa & fragilis habetur. Scitus, qui sciēs est & argutus: vnde scitæ Platonis interrogationes dicuntur astutæ & vafre, ac cum magna arte compositæ. Vt apud Terentium quoque, Scitum hominem, hic prorsus ex stultis insanos facit. Nisi accipere velimus passiue: vt apud eundem, Scitus puer natus ē Pamphilo est. quasi scitè & doctè natus. Discretus, qui qualitates personarum & rerum momenta discernit, non qui discernitur. Complacitus autem ab actiua voce sicut fluxus venit, habetque significationem nec actiuam planè, nec passiuā, sicut fluxus & inueteratus, quod & ipsum ab actiua voce descendit inueterasco. Neutralis enim verbi & actiui vna vox est, sicut passiui & deponentis atque communis. cui simile est iuratus à iuro. Iuratos enim iudices dicimus, qui iurarunt, & excretos hœdos apud Virgilium, ab exresco. Et exoletus ab exolesco, quod dum est substantiuum, significat scortum masculinum, & præcipue iam adultum. dum est adiectiuū, significat adultū, sed rarò reperitur: vt apud Plautum, Reliqui domi exoletā virginē. Adultus ab adolesco. Defectus quoque qui deficit. vt Martialis,

Dulcia defecta modulatur carmina lingua

Cantator cygnus funeris ipse sui.

Quintilianus, Defectaque labore senectus, magna pars mortis, In apibus pan-

f.i.

peris.

In infami in
matrem. i.
In sepulchro
incantato.

nihil mihi reliquit, nisi diligentiam. Et hæc quidem significationis actiue in voce passiuæ: pauciora sunt in actiua passiuæ. Euidens negotium dicitur, quod videtur apertè & intelligitur, nō quod videt & intelligit. Indulgentior facies apud Quintilianum pro pulchra, non quæ aliis indulgeat, sed cui alii indulgeat. Idem in alio loco, Fili indulgentissime vidi te, nec semel vidi. Vnde Statius,

Pulchrior haud vlli triste ad discrimen ituro
Vultus, & egregiæ tanta indulgentia formæ.

Præterea honorificentissimos, magnificentissimos, munificentissimos ludos quum dicimus, videmur passionē significare in participio præsentis temporis. Ab honorificens enim magnificens, munificens veniunt, licet ficens pro faciens non dicatur: vel certe à magnificus, munificus, honorificus: quæ cum facio componuntur, quod est actiuum, & tamen ita accipiuntur, quasi honorificè, munificè, magnificè facti, non autem facientes. Sed causa est, quod hæc ipsa cum facio composita tam actiue quàm passiuæ significant. Siquidem vocamus hominem magnificum, & opus magnificum. Illum quidem magnanimiter facientem, hoc verò magnanimiter factum.

E P I T O M E.

Ab actiua voce quia participium præteriti temporis Latinis deest, vsurpant interdum pro eo præsens: quod tunc licet sit, quando significatio arridet. Et quia à passiuæ voce deest præsens, frequentius pro eo ponunt præteritum. Exemplum prioris, vt in litera, Quum è Cilicia discedens, seu potius decedens, &c. Vbi arridet significatio: quia à termino à quo decedimus, vsque ad terminum ad quem. itaque decedentes aduenimus. Exemplum secundi: vt AEneid. i, Et qua vectus Abas, & qua grædæuus Alethes. qua vectus, id est vehabatur, aut qua paulo ante, aut illuc usque vectus erat, sed & adhuc vehabatur: quia adhuc in ea erat, & non submersus.

Participium præsentis temporis pro præterito
poni.

C A P. X X X I.

*decedens

Solent authores nonnunquam pro præteriti participio substituere illud præsentis: nec solum Latini qui carent participio præteriti actiui, sed Græci quoque qui nō carent. Cicero in Bruto, Quū è Cilicia * discedēs Rhodū venissem. Non enim quis discedens applicat. Multum inter principium viæ & finem interest. Primum discedimus: postquam verò discessimus, nauigamus, vel iter facimus: postea quò tēdimus, peruenimus. Quomodo ergo discedens è Cilicia venit Rhodum? nempe vtēs præsentis participio loco præteriti quod deest. Quod probatur per aliquod verbum, cui non desit huiusmodi participium: quale est

Proficiscor. Neque enim dixisset, Quum è Cilicia proficiscens, sed profectus. Vt idem de Officiis libro tertio, Si exempli causa vir bonus Alexandria profectus, magnum frumenti numerum Rhodum aduexerit. Nec tamen quis in omnibus verbis permisum esse, quod in Discedo permittitur, putet. veluti si dicas, Quū amicos salutans, qui Alexandriae erant, Rhodum venissem. dicendum erat, amicis salutatis. Nam is qui recedit, tandiu recedere dicitur, quandiu tendit ire, dūmq; perueniat: quod nō idem fit in salutando. Siquis tamen hoc sæpius vtivelit, faciat, sed temperatē.

E P I T O M E.

In propositione de copulato prædicato, videtur verius poni participium cum verbo, quàm duo verba: quod si non verius, certè concinnius fit. Vnde hæc, si sit copulatiua, falsa dicatur, Mulieres ornant se, ne videantur & derideantur. quia altera categoricarum est falsa, vt pote, Mulieres ornant se, ne videantur: videri enim volunt. quæ si sit de copulato prædicato, vera censeatur. venustius tamen dicatur, Mulieres ornant sese ne visæ derideantur. & sic de similibus.

De compendio participii.

C A P. XXXII.

Habet autem participium talem, tantāque nonnunquam gratiam, vt sine eo non sit Latina planè oratio. Vt est apud quendam persæpe hoc vitium admittentem, Circundemus castris fossam & vallum, ne hostes venire possint & nos opprimere. Quasi fossa & vallum ideo fiant, aut hoc præstare queant, ne hostes venire possint. Sola ratio est, ac cautio de oppressione. Itaque dicendum fuit, ne venientes hostes, aut ne aggressi hostes, nos opprimant.

E P I T O M E.

Participia præsentis temporis substantiuata, si pro certo accipiuntur substantiuo, illius sunt generis cuius & illud: sin pro incerto, ad neutrum transeunt, quod in cæteris quoque fieri solet. Verbi gratia, quia cum dicitur oriens & occidens, intelligitur sol: quando fluens & confluens, fluuius. ideo masculina sunt. Sicut quia dum dicitur consonans, intelligitur litera: dum continens, terra peninsula: dū prægnās, aut lactans, foemella: & dum bidens, ouis: ideo sunt foeminina. Sed si bidens capiat, pro duplici dente, aut pro instrumento bidente, erit masculinum, vt tridens. Animans autem, si subaudiatur natura animata, foemininum est: sin absolute ponatur, neutrum, vnde animantia dicuntur: sicut & alia multa, neutra sunt, vt continēs pro firmamento rationis, impertinens, accidens, &c. Legitur tamen elephas lactans, & lepus prægnans: sed id in promiscuis pœnuria quadam fit. Adieci, Quod in cæteris quoque fieri solet: vt quia dum dicitur, Aprilis, Quintilis, Sextilis, September, &c. intelligitur mensis. dum Tyberis, Scaldis, Sequana, fluuius. dū Boreas, Iapex, ventus. dum ædilis, magistratus aut vir. dum molaris, dens aut lapis. dum Cupido, deus. ideo hæc omnia masculina sunt: sed cupido pro cupiditate foemininum. Sicut quia dum dicitur, pyrus & pomus, intelligitur arbor. dum Corinthus & Babylon, vrbs.

fili.

dum Iuno, dea. dum Glycerium, nomen proprium foeminae. dum bipennis, securis. ideo foeminina sunt. Quod si dicatur ferro bipenni, vt à Virgilio, fiat neutrum.

De participiis in ens, in substantiuum transeuntibus.

C A P . X X X I I I .

PRæsentis temporis participia solent quum substantiuntur, neutri generis esse, vt Accidens, contingens, antecedens, consequens, decens, conueniens, præsens, cōtinens apud rhetores pro firmamento rationis. Quædam tamen alterius generis sunt: masculini, vt Oriēs, occidens, profluēs, pro flumine, & confluens quo duo flumina conueniunt. Fœminini, continens pro terra quæ non est insula. vt, A Sicilia ad continentem parum intercapedinis est. Plinius maior libro quinto cap. 31, Lesbos à proxima continente abest septem millibus quingentis passibus. Animans quoque. vt Cicero, Requirit atque appetat, ad quas se applicet sui generis animantes. Nonnunquam tamen hoc nomen in neutro genere reperitur, sed magis in plurali. Consonans, pro litera non vocali. Prægnans verò vnde sit participium, nescio. Alia quoque quædam huc pertinentia, in nostris de philosophia libris commodius explicantur.

E P I T O M E .

Sicut futurum participii in dus, dum tempus amittit, & habilitatem seu dignitatem connotat, in nomen migrat: sic & in rus, dum qualitatem non tempus, salua tamen actione, connotat. De participio in dus, innumera sunt exempla. De participio in rus, tria ponit author exempla. Dixi autē, Salua actione. quia licet tempus amittere videatur, non tamen significationem, quia adhuc casus suos regit. vt, Non taciturus gloriam suam, aut de gloria sua: vbi etiam futuri temporis habetur ratio.

Quod participium futuri temporis in nomen transit.

C A P . X X X I I I I .

NE illud quidem transeundum est, quemadmodum participium passiuum futuri temporis transit in nomen: Amandus, dignus amari: Colendus, dignus coli: ita & actiuum. Seneca de naturalibus quæstionibus, Nullam autem mentionem fecit cometarum, nō prætermisurus, siquid explorati apud illos comperisset. Prætermisurus dixit pro eo quod est talis qui prætermitteret. nec tempus innuit, sed hominis qualitatem, atque animi voluntatem. Quintilianus in vndecimo cap. 2, Neque omnino huius rei meminit vsquam poeta ipse: profectò non taciturus de tanta sua gloria. Non alio modo dixit, non taciturus, quàm per participiū passiuum iā conuersum in nomen, vt modo dixi, tacēdum, dignum taceri, sic: Neque omnino significauit

hoc vsquam poeta ipse, profectò rem sibi non tacendam. Et adhuc Plinius iunior, itaque partem oneris tui mihi vëdico, & tanquam parens alter puellæ nostræ conféro quinquaginta millia nummum: plus collaturus, nisi à verecundia tua sola mediocritate munusculi impetrari posse considerem, ne recusares.

EPI TOME.

Repetundarum & repetundis, qui soli sunt in eo sensu casus, in quibus subauditur pecuniarum & pecuniis, e in u mutant, vt à participio & verbali repetendus differant. Quod in aliis quoque à tertia præsertim coniugatione deductis fieri solet, vt gerundus, faciendus: & omnia ab eo & queo, vt eundi, abeundi, trãseundi, nequeundi. Ideo autem in genitiuo & ablatiuo hæ voces in vsu sunt, quòd in illis nomina damnorum & pœnarum poni volunt. Quod autem ait, Sed tertia cõiugatio præter cæteras hoc iuris habet, &c. intelligendum est de frequentiori vsu, aut vt tertia quartam quoque complectatur: sicut apud Donatum, quum dicitur, Est præterea, quando tertia coniugatio futurum tempus non in am vel in ar tantum, sed in bo & in bor syllabam mittit, vt *Eo is ibo, queo quis quibo, eam vel queam*. Nam nonnulla quartæ id quoque facere docet Mancinellus his verbis, Idem in quarta coniugatione licere *Au. Gellius lib. 16. cap. 6. ostendit. nam ita scribit, Redeuntes è Græcia Brundisium, nauem aduertimus. ibi quispiã linguæ Latinæ literator, Roma à Brundisio accersitus, experiundũ sese vulgo dabat, &c. Et Tullius lib. 2. de diuinatione, Nam quod aiunt quadringenta septuaginta millia annorum in periclitandis experiundi sique pueris, quicumque essent, Babylonios posuisse fallunt. Idem pro A. Cæcinnâ, Nulli experiundi ius constitutum. Curtius lib. 6. Rex non cupiditate magis potiundi loci, quàm vice eorum, quos ad tam manifestum periculum miserat. Hæc ille. De accusatiuis tertiæ declinationis est Seruiana regula, ad illud primi AEneid. Treis Notus abreptas in saxa latentia torquet. quòd quæcunque habent ium in genitiuo plurali, nisi sint neutra, possint habere etiam Latine is in accusatiuo: vt, omnis & omnes, tris & tres, &c. Scimus autem non esse verum quòd plerique dicunt, accusatiuum & vocatiuum tertiæ declinationis etiam finire in is, præter hæc, Sardis, Trallis, Gadis, Alp̃is, & Syrtis. Videtur autem accusatiuus pluralis à singulari legitime formari. Nam si singularis desinit in a, pluralis nõ neutri generis exibat in as: vt, hunc cratera, hos crateras. Si in em, in es: vt, hunc panem, hos panes. Si in im, in is: vt, hanc nauim, has nauis. Illud autem is accusatiui, quòd longum est, veteres per a diphthongum scribebant. Sed finem facio.*

Mancinellus.

De Repetundis & Repetundarum.

CAP. XXXV.

Repetundarum, & de pecuniis repetundis, non habet alios casus: & dubitari potest participiumne sit, siue nomen, an gerundium. Verres accusatus est repetundarum, vel de pecuniis repetundis. Quum dico repetundarum, subintelligo pecuniarum. Quo nomine, pecuniæ, & omnia quibus diuitiæ constant, contineri dicimus. Hæc accusatio propriè cadit in eos, qui quum forèt magistratus, prouincialibus, aut vi, aut dolo eripuerunt pecunias, aut vasa pretiosa, vestem, frumentum, nauigia, nummos. Mutatur autem e in u: Repetendarum enim erat dicendum. Sed tertia coniugatio præter cæteras hoc iuris habet, vt literam hanc immutare possit, sicut accusatiuo plurali tertiæ declinationis.

clinationis licet mutare eandem vocalem in *i*, duntaxat in his nominibus, quorum genitiuus pluralis exit in *ium*, vt Seruio placet. Nam Priscianus plura praecepta dat. Sallustius in initio Catilinarii, Omnes homines, qui sese student praestare ceteris animantibus, summa ope niti decet, ne vitam silentio transeant. Ita hoc, siue participium, siue nomen, siue gerundium, à tertia coniugatione natum, mutauit *e* in *u*: vel ob hoc saltem, vt differret ab illo quod dicitur ad res repetendas. vt, Sunt missi legati ad res repetendas, quo significatur aut principi, aut populo erepta esse vel pecorum, vel hominum, vel locorum, aut terrarum, agrorumque corpora.

EPITOME IN SECVNDI LIBRI PROOEMIUM.

Si Cæsar, Messala, Varro, Gellius, Macrobius, ceterique literaturæ proceres, de Latina lingua etiã minutissima quæque sectati sunt: dabitur authori huius operis venia, si illos, ab optimis viris Aurispa Græco & Leonardo Aretino cohortatus, imo persuasus, de elegantis scribendo imitatur, præsertim quum nonnulli ab ipso inuenta, pro suis ediderint. Defendit ergo se contra æmulos ab authoritate, sicut & Comicus in prologo Andriæ, dicens,

Faciunt nã intelligendo, vt nihil intelligant.

Qui quum hunc accusant, Næuium, Plautum, Ennium

Accusant: quos hic noster authores habet, &c.

Commendat præterea Aurispam præceptorem suum, & Aretinum amicum: à quibus se adhortatum attestatur. Et vt ex opere in Raudensem constat, ipsum Raudensem furti arguit, quòd aliena pro suis ediderit: quo minor sit inuidia, si ipse tandem sua edat. Posset etiam de Sypontino episcopo intelligi, nisi verò simile sit illum post huius operis editionem scripsisse.

LAVRENTII VALLENSIS IN SECVNDVM
librum Elegantiarum præfatio.

ACTENVS de nomine verboque, & ex his duobus composito participio: nunc de aliis partibus orationis, quid singulæ proprietatis habeant, differamus: postea de earum disputaturi complexu.

De quo priusquam ego dicam, non puto mihi dissimulandum, non defore qui meos hos commentarios antequam legant, sumantve in manus, putent respuendos: tanquam aut ea, quæ haudquaquam vetustas statuisset digna memoratu

continentes, aut vetustatem ipsam partim negligentia, partim imperitia condemnantes: quod præterisset quæ essent in primis (vt ego sentio) digna quæ literis mandarentur, aut potius vtrunque facientes: quod inepta quædam, minimèque memoratu digna præcipiam, & veteres illos perfectos sanè & consummatos, existimem minus commodè præcepisse. Ego verò (vt ad illud primum respondeam) non video cur hanc, de qua loquor, materiam se indignam existimasset aut Caius Cæsar, qui de analogia: aut Messala, qui etiam de singulis literis volumina conscripsit: aut Varro, qui de etymologia minutissimas tractauit quæstiones: aut Marcellus, Pompeiusque linguæ Latinæ indagatores: aut Aulus Gellius publicus penè literarum censor, qui vt magnum quiddam annotasse se præter cæteros apud Cicéronem existimat, explicauerunt pro explicuerunt, & esse in hostium potestatem, pro potestate, quæ ipse indigna ducerem opere meo: aut Macrobius Gellii æmulus, qui omnes libros videtur excussisse, vt aliquid in Latina lingua, quod auribus hominum dignum esset, pro sua virili parte conferret in medium: aut tres illi tanquam Triumui de quorum principatu inter eruditos quæritur, Donatus, Seruius, Priscianus. Quibus ego tantum tribuo, vt post eos quicumque aliquid de Latinitate scripserunt, balbutire videantur. quorum primus est Isidorus indoctorum arrogantissimus, qui quum nihil sciat, omnia præcipit. Post hunc Papias, alii que indoctiores, Eberardus, Hugutio, Catholicon, Aymo, & cæteri, indigni qui nominentur, magna mercede docentes nihil scire, aut stultiorem reddentes discipulum quàm acceperunt. Multos transeo quum indoctos, quos numero comprehendere non licet: tum doctos, inter quos sunt Pædianus & Victorinus. quorum alter ad orationes, alter ad rhetoricos Marci Tullii commentaria composuit. sed prior vt ætate, ita doctrina longe antecedit. Postremò non video cur aliquis de grammatica ac lingua Latina componens, hæc suo officio minora existimet: quibus nihil sanè est in grammatica & Latinitate præstantius, vt proximus liber potuit esse documento. Quod quum ita sit, dicamne eos aut imperitia hæc omisisse, aut negligentia? minime. Sed Cui Cæsar ac Messalæ libri interciderunt temporum culpa, Varronis verò de lingua Latina dimidiati reperiuntur: in quibus fortasse ea, quæ ego præcipio, continebantur. Cæteri autem (feri potest) vt quæ à superioribus tractata nouissent, sibi non attingenda existimarent.

Donatus.
Seruius.
Priscianus.
Isidorus.

Denique multi scriptores ad nostram vsq; memoriam non perueniunt. Neque verò aliquis hoc loco expectet, vt dicam, non esse contumeliosum prioribus, siquid ad illorum inuenta posteriores adiiciant. Nulli vnquam ab antiquis ad eundem cursum conficiendum viam fuisse præclusam. Nihil vsquequaque perfectum, non omnia posse omnes. Non dicam id, quod Priscianus ait, artis grammaticæ vetustissimos quosque authores maxime errasse: recentissimos verò & ingenio & diligentia lōge præstitisse. Id dicam, quod vere possum dicere, me non tam mea voluntate (quæ ardentissima erat) ad hoc opus descēdisse, quàm prudentissimorum atque amantissimorum cōsilio, quum aliorum, tum præcipue Aurispæ & Leonardi Aretini. Quorum alter Græce legendo, alter Latine scribendo ingenium excitauit meum. Ille præceptoris (vni enim mihi legebat) hic emendatoris, vterq; parentis apud me locum obtinens. Ad quos quum separatim de proposito animi mei retulissem, degustationemq; quandam operis demonstrassem, vterque pro se, vt pergerem, hortatus est, & vt se authore ederem, iussit: vt iam integrum mihi non esset, illorum authoritati repugnare, si repugnare voluissem. Sed currentem (vt dicitur) incitarunt. O viros omni laude dignissimos. O de literis, ac de literatis optime meritos, non veremini ne alii eò quò peruenistis (licet perquam arduum sit) perueniāt: sed hortamini, incenditis, & quasi de alto, manum scandenti porrigitis. Quare quærentibus, atque mirantibus audaciam meam, ita responsum velim, me summis viris suadentibus hoc opus & condidisse & edidisse. Quanquam (quod ad cupiditatem meam attinet) quæ tandem focordia atque ignauia mea extitisset, si commissem, vt alius hāc laudem mihi qualemcunque præriperet: Sunt enim qui nonnulla horum quæ à me præcipiuntur, vel de me, vel de auditoribus meis audita (nunquam enim ista suppressi) in opera sua retulerint, festinantque edere, vt ipsi priores inuenisse videantur. Sed res ipsa deprehendet, cuius domini verè sit hæc possessio. Quorum vnus libellos quosdā pro amicitia quū legendos eo præsentē cepissem, deprehendi quædam mea, & quæ me amisisse nesciebam, furto mihi sublata cognoui. Parco illius nomini. Erat autem locus de Per & Quàm in compositione, de qua re proximo libro disputauī: & de Quisq; quum adiungitur superlatiuo. Negligenter ille quidem & inscite tractatus, vt scires aliunde decerptum, non ex se prolatum: & auditum, non excogitatum esse. Conturbatus tamen sum, & inquam homini, Hanc ego elegantiam agnosco, & mancipium meū assero, téque

plagiaria lege conuenire possum. At ille erubescens, ioco tamen atque vrbanitate elusit, quòd diceret, vti rebus amicorum licere, vt suis. At istud, inquam abuti est, nò vti. Nihil enim mihi reliqui fit, vbi tu huius rei, in qua ipse laboraui, palmam semel occupaueris. Tum ille etiam vrbanius, quòd malus parens essem, qui filios quos genuissem & educaissem, è contubernio eiicerem. Ipse tum misericordia, tum amicitia nostra ad se domum suam colligeret, atque educaret pro suis. Destiti in illum stomachari, intelligens multo magis mihi bona mea negligenti, quàm illi bona ab aliis neglecta colligenti vitio dandum esse. Quare quis non videt, nò inhonestum esse, ea me mandare literis ex me inuenta, quæ alii ne furto quidè sublata, turpe sibi ducunt scriptis suis inferere? Adductus sum igitur ad hoc opus componendum non modo magnorum hominũ consilio, sed etiam necessitate. Nunc ad inceptum redeundum est.

E P I T O M E.

Genitiuus omnis, aut passiuè tantum significat, vt Mei, tui, sui, nostri & vestri, genitiui pronominũ primitiuorum: aut actiuè tantum seu possessiuè, quod ferè idè est, vt olim hi genitiui, nunc obsoleti, Mis & tis, & nunc nostrum & vestrum: aut vtroque modo, vt reliqui omnes. At quia mis & tis in vsu non sunt, vtimur pro eis pronominibus possessiuus meus & tuus: & loco sis, quod non reperitur, suus: quæ quia mera sunt adiectiua, volunt substantiuus in genere, numero & casu cõformari. Ex qua propositione sequuntur complures (vt dicunt) consequentiæ.

Quoties dictio regens, tam actiuè quàm passiuè capi potest: semper est amphibia cum genitiuo, nisi cum his genitiuis Mei, tui, sui, nostri, vestri, nostrum & vestrum. vt Amor Dei. Prima.

Quia possessiua in eodem casu construi volunt, conringet aut gratia identitatis, aut gratia coniunctionis, vni regenti, diuersos casus dare. Vt, Tua vnus nihil refert, quod mea vnus opera factum est. Saluus sum meo præsidio atque hospitis. Tuam ipsius animam pertransibit gladius. Et cum participio apud ecclesiasticos, Exaudi vocem meam clamantis ad te. Item, Sustulit puerum de latere meo ancillæ tuæ dormientis &c. Secunda.

Interrogando per adiectiuum, & respondendo per substantiuũ, aut econuerso: vtimur diuersis casibus. Vt Cuium pecus? an Melibæi? Non, verum AEgonis. Cuius hæc tunica? mea. Cui hæc chlamys? militis. Tertia.

Congrue ad possessiua fit relatio, vt fieret ad primitiua: licet in nullo conueniãt, neque primitiua illic poni possint. Vt in Andria, Omnes laudare fortunas meas, qui haberem filium tali ingenio præditum. vbi non liceret dicere, fortunas mei: & tamen videtur ad ipsum fieri relatio. Ouidius, Tu mea scripta legis, qui sum submotus ad Histrum. Quarta.

Mei, tui, sui, nostri, & vestri, nunquam constituentur nisi cum dictione quicum passiuè accipiantur: vt cum nomine verbali, aut genitiuum regente, & cum dictione partitiua totius integralis, non multitudinis. Verbi gratia, congrue dico, Amor vel desyderiũ tui, hic memor est sui, cupidus nostri, misertus vestri, egeo vel misereor tui &c. Item aliquid mei, nihil nostri, parte mei, congrue dico. Non tamen, Aliquis nostri, sed nostrum: nec, Nullus vestri, sed vestrum: & non vestrorum, nisi subaudiatur, subditorum aut familiarium. Causa est: quia dũ dico, Nullus nostrũ, partitiua

est totius multitudinis, quæ sine passione partis fieri potest. Cū autem, Nihil nostri, partitio est totius integralis. nam sensus est, Corporum nostrorum, aut (vt sic dicā) personarum nostrarum. Vnde virgines dicere possent, Si per milites transimus, amittemus aliquid nostri: quia virginitatem: & si de rebus intelligant, aliquid nostrū, vel nostri, vt sit genitiuus deriuatiui nostrum.

Sexta.

Quando tamen substantiū licet agat, etiā habet rationē rei possessæ aut potestatis, seu præsidis, bene dantur illi pronomina possessiua: vt sunt pater, genitor, iudex, dux, & similia. Terentius, Sed vbi est Phædria iudex noster: Virgilius, Dux ego vester erā. Sic ferē Quintilianus in declamationibus loquitur. Et Hieronymus, Augustinus, Ambrosius, & cæteri sancti, Adiutor, protector, creator, redemptor noster Deus. Sic legimus, Crimen & iudicium meum, quo tamen ego criminor & iudicor: quia etiam illa mea ducō, quia vtcunque possideo.

Septima.

Interest & Refert importatā pertinentiā status vel officii, includūt in se substantiua fœminini generis quibuscū genitiui passiue significātes cōstrui nequeunt: ideo nequeūt post se ablatiuos possessiuorū, mea, tua, sua, nostra, & vestra. Et ante se nominatiuū neutri generis, vt Nihil id refert tua. E s t autē sic captū loco ablatiui fœminini generis nominatiuū postulat neutri generis. Perottus dicit hunc locū non satis diligenter à Laurentio tractatum. Nam vera (inquit) causa cur non genitiuos sed ablatiuos regant, est, quia in his verbis includuntur ablatiui fœminini generis. Sed ea non est causa primaria, sed quā Valla dat. quia videlicet cū dictis verbis non congruit significatio genitiuorum primitiuorū passiue significantium, cum actiue aut possessiue significare debeant. Verūtamen friuolæ & inanes videntur ratiunculæ cur in ablatiuo, quia natura genitiuo simillimus est: nec ideo in fœminino, quia id genus medium, aut suauius est. Sed quia (vt dicit Perottus) substantium fœmininū includitur, idque ablatiui casus. vnde nihil aliud est, interest, quā, in re est: & refert, quā (inquit) res fert: sed sic non est ablatiui casus. vnde mallem dicere, quā pro re fert. Neque tamen ea ratio sufficeret, nisi adderetur Laurentiana: Nam si licet dicere, causa mei: non sequitur, hæc dictio Est aut includit substantium fœminini generis: ergo habebit ablatiū possessiū fœminini generis, & non genitiuum primitiuum: sed oportet addere, & significat sic, vt illi nō congruat genitiuus passiue tātū accipiendus. Ergo non dicam, Refert mei, sicut interdum causa mei: quia res aut re mei non dicitur. Adieci quōd interdum nominatiuū ante se regunt: vt, Nihil refert mea, multum interest tua. Cæterum verbum Est, quod non includit substantium fœminini generis, postulat nominatiuū neutri generis: vt, Non nostrum est, inter vos tantas componere lites: aut, non vestrum, non meum, non tuum, non suum. Quia tamen genitiuum regit, sicut interest & refert, nonnulli volunt ipsum etiam ablatiuos regere: forte quia subauditur, in re. vt Est mea, supple, in re: sed desyderē exempla authorum, dicāque Est meum, non mea. De genitiuo exempla sunt, -grates persolvere dignas

Non opis est nostræ. Non viri cuiusque est, Corinthum adire &c.

Octaua.

Mei, tui, sui, nostri, & vestri, dum genitini primitiui sunt, consortium substantiui quasi per appositionem, respuunt: sicut Meus, tuus, suus, noster & vester adiectiua, consortium genitiui nominis proprii. Quocirca aut casum, aut sermonem mutabimus. Verbi gratia, Non dices (authore Valla) Eges mei Prisciani: sed, mei qui Priscianus sum, vel, me Prisciano. Nulla tamē videtur, nisi vitandæ amphiboliæ, ratio cur nō liceat dicere, mei Prisciani, sicut meo Prisciano. sed dū dicitur, mei Prisciani: dubiū est an, mei qui sum Priscianus, an eius qui est Priscianus meus, scilicet seruus aut filius. Nam sicut propria non regunt genitiuum, nisi per supplementū appellatiui: sic nec construuntur cū possessiuis. vnde cū dicitur AEneid. 6, Deiphobe Glauci: subauditur, filia. Et dum dicitur primo AEneid. Quid meus AEneas in te cōmittere tantum. subauditur, filius. De secundo exemplum est: vt licet dicatur, Mea

Solius opera: non tamen, mea Prisciani opera.

Recipiunt autē mea, tua, sua, nostra, & vestra, frequenter hos genitiuos, vnius, so
lius, ipsius, cuiusque: & nonnūquam genitium participiorum, clamantis, dormiētis
&c. Primitiua autē genitium gerundiui nominis, & etiam participii, ac illos, vnius
&c. Exempla patuerunt, Mea vnius opera, tua solius diligentia, tuam ipsius animam,
sua cuiusque gratia. Ouidius in epistolis, Copia placandæ sit modo parua tui. Cicero
ad Lentulū, Quocunque tempore mihi potestas præsentis tui fuerit. Neque inepte
dixeris, Non ego tui solius, sed omnium tuorum. Et sicut Tua vnius, ad vnum lo-
quens, dico: ita Vestra duorum, trium, aut quatuor opera factum, dicere possum. sed
quia illic proprium est in vsu, mallem dicere, Vestrum omnium, aut vestrū duorū,
quā vestra. Brutus tamen ad Ciceronem dixit, Qui vestris paucorum respondeat
laudibus. pro vestrum. At vbi Terētiū dixit, Atque inopis te miserescat mei. Val-
la diceret, Miserescat te mei qui vel quæ inops sum. Et vbi Boetius, Solantur mœ-
sti nunc mea fata senis. qui sum senex. Hæc autem rara sunt, nec imitanda. vnde non
dicam, Misereatur mei peccatoris: sed Orent Deum pro me peccatore vt misereatur
mei: non enim recipiunt substantiua aut substantiuata.

De tribus pronomīnibus Mei, Tui, Sui.

CAP. I.

M

Vltis in locis Priscianus testatur nihil interesse, an
vtamur primitiuo, an deriuatiuo in illis pronomi-
nibus, Mei, tui, & sui. Quid est, inquit, meus est fi-
lius, nisi mei filius? Et alibi, Mei ager est, & mei a-
gri instrumentum. & mei agro dedit, & mei agrū
colo. similiter mei agri, & mei agrorum, & mei agros dicimus.
Similiter tui agrum, & tui agros: sui agrum, & sui agros: nostri
agrum, & nostri agros: vestri agrum, & vestri agros. Et alibi, A-
mat ille suum filium, & amat sui filium. bene dicit suo filio, &
bene dicit sui filio. Perit à me vt prosum sui filio, & prosum suo
filio, & in aliis adhuc locis. nisi hac ratione, vt ipsius vtat verbis,
Si ipsa tamen possessio in possessorē faciat transitionem, non est
congruū vti genitiuo primitiui pro possessiuo. quia vim habet
cōpositi Græci. vt Ciceroni redit suus filius, nō satis cōmodè pro
hoc dicitur, Ciceroni redit sui filius. nec Ciceronē laudat sui fi-
lius, pro suus filius, & similia. Quia nec apud Græcos bene dici-
tur, *μητέρα ἀλλή τινος υἱός*, nisi more Attico pro simplici accipia-
tur. In quo Priscianū falli vel ex hoc argumentū est, quod nulla
(vt fere solet) authorū exempla attulit, & de contrario illorum
vsu reticuit. Ego autem (quoniam de his trium pronomīnū ge-
nitiuīs inter me & Priscianū quæstio est) aliquanto altius repetā
de natura genitiui, & de vsu doctissimorum authorū disputabo.
Et licet non pauca in hanc rem mihi dicēda sint, non prosequar
tamen paruula & minuta quædā, & tot verbis quot ille fecit, sed
quæ eruditissimis euadere volentibus sint gratissima: quæ quum
ignota fuerint Prisciano, declarant eum non satis stylo oratorio

Priscia. li. 17.
de secūda dif-
fe. pron. pos-
sessi.

Genitiuorum
significatio.

Mei, tui, sui.
Mis, tis, sis.

In Andria.

fuisse exercitatū. Genitiuus omnis (vt taceā siqui sint alii modi) aut actiue, aut passiue accipitur. Adde etiam possessiue, quod penè pro actiue accipio. Actiue, vt Prouidentia Dei, bonitas Dei. Passiue, vt Timor Dei, cultus Dei. Ibi Deus prouidet, & benigne agit, non ipsi prouidetur, & benigne fit. Hic timetur & colitur, non timet, nec colit. Possessiue, vt Sedes Dei, regnum Dei. Atque in huiusmodi oratione, vt intellectus apertus atque vnus est, ita in illis ambiguus & anceps, Amor Dei, charitas patris, suspicio vxoris: dubium est de vtro loquaris, an de amore quem Deus in nos habet, an de eo quem nos in eum: de charitate patris in filios, an filiorum in patrem: de suspicione maritali, an de suspicione vxoria. Taceo quòd aliquādo ambo hi genitiui eidem orationi adfunt, vt in Catone maiore Cicero, Quid de Publii Licinii Crassi, & pōtificii, & iuris ciuilibus studio loquar? Crassus studet, quod est actiue. Ius (vt sic dicam) studetur, quod est passiue. Iterum de officiis libro primo, Quare L. Syllæ & C. Cæsaris pecuniarū translatio à iustis dominis ad alienos, non debet liberalis videri. Tria igitur pronomina, de quibus agimus, sola omnium binos genitiuos sortita sunt: vnos mei, tui, sui: alteros, qui iam exoluerunt, mis, tis, sis: in quorum penè locum successerūt deriuatiua, meus, tuus, suus. Horum binorum genitiuorum antiquitati placuit, alteros actiue significare, alteros passiue. Nam illa mis, tis, sis (vt coniectura ducor) actiue, siue possessiue significabāt: vt hæc ipsa meus, tuus, suus, vnde pronomina possessiua vocitantur. Ennius libro secundo, Ingens cura mis est concordibus æquiparare. Plautus in Pœnulo,

Da diem hunc sospitem quæso rebus mis agundis.

Quauis idem in Milite, & iterum in Mercatore, tis pro tui videri possit accipere: tamen hic cum Ennio mis posuit pro meis, nō pro mei. Quod non licere fieri, auctoritatem ex authoribus repetamus, nec accipi vnquam mei, tui, sui, nisi passiue. M. Fabius Quintilianus, Et (quod inter ista difficillimum fuit) amore mei vicit etiam matrem suam. Cicero, Quod desyderium tui ferre non posset, & me tui pudet. Virgilius in sexto,

Quique sui memores alios fecere merendo. Terentius, Vnum scio hoc, hanc meritam vt memor esses sui.

Non significatur hic amor meus, quem in alterum habeo, sed (vt sic dicam) quem de me alter habet, & quo amor. Item non Desyderiū tuum, sed alterius de te: & Pudor non tuus, sed de te: & Memoria non sua, sed de se. Similiter in plurali dūtaxat duorum. Nam sui non variat vocem genitiui pluralis, ac ne singu-

laris quidem, vt Prisciano placet. Sis enim non reperitur, vt Mis, tis. Ideoque opinor & hæc duo illius exēplo pariter intercidiſſe, quum præſertim in vicem eorum ſuccedant deriuatiua. Habent itaque hæc duo pronomina in plurali noſtrum & veſtrū, quæ reſpondent ad illa miſ & tiſ. & item noſtri & veſtri, quæ reſpondent ad illa, mei, tui. vt, Nemo noſtrum, nemo veſtrū: non autē nemo noſtri, nemo veſtri. Rurſus, Habete curam noſtri, ſicut ha-^{Nemo no-} bemus curam veſtri: non autem, habetē curam noſtrum, ſicut^{ſtrum, non} habemus curam veſtrum. Siquis exempla deſyderat, ſibi facile reperire poterit. In diuerſa opinione Seruius grammaticus eſt, qui ait, Noſtri autem & veſtri genitiuus pluralis eſt antiquus, & ex Græco deſcendens, ſicut ſingularis eſt miſ & tiſ. & hoc eſt vnde dicimus, Noſtri cauſa fecit, hoc eſt noſtrum. Forſitan Aulum Gellium (vt poſtea apparebit) eſt ſecutus. Sed hoſ & Priſcianum cum aliis in errorem (vt auguror) induxit, quòd interdum inueniūt hæc non ad aliā referri perſonam, ſed reciproca eſſe. vt, Ego omnia facio amore mei, tu iſtud feciſti gratia tui. Virgilius, Oblitūſve fui eſt Ithacus diſcrimine tanto.

A Encid. 3.

Sed non fuit cauſa cur errarent. Nam ita in hiſ paſſio eſt, vt in illis. nec alio modo, aliquid ego facio amore mei ipſius, quàm tu amore mei. Vt enim Diligor abſte, ita diligor à me. vt eſt apud Ouidianum Narciſſum, Vròr amore mei. & tu, ſicut ab altero, ita & à teiſpo diligeris, & ſibi quiſque amicus eſt, vt alteri. Eſt alia præterea cauſa cur errarent: quòd viderent hæc (quæ nos diſtinximus per actiue & paſſiue) in multis indiſſerēter poni. vt, Cauſa mea, & cauſa mei. fama mea, & mei. imago mea, & mei. poteſtas mea, & mei. vſus vtilitáſque mea, & mei. memoria mea, & mei. interdū etiam ipſa deriuatiua pronomina paſſiue accipi: vt apud Terentium, Et lachrymis opplet os totum ſibi, Vt appareat facile deſyderio id fieri tuo. videlicet quòd tu deſyderaris, non quòd deſyderas. Quale eſt, Accuſatio mea, & crimen meum, quum accuſor criminis, quaſi accuſatio mei, & crimen mei. Sed non ſatis ſolertis fuit, tam facile falli. Nam vltimum, vbi paſſiue poſitum eſt hoc pronomen deriuatiuum (quod quidem rarum eſt) non magis cōtra me facit, quàm contra veteres omnes, qui hæc pronomina poſſeſſiua vocauerunt, id eſt poſſeſſionem ſignificantia, quod (vt dixi) rarum eſt. Ideoque non paſſim hoc reperias. Non enim dicas pro eodem, dolorem tuum, & dolorem tui, vt dixit Terentius deſyderium tuum, pro tui, quod ſcilicet ipſe non dicerem. Verum quādoquidem non infinita ſunt hæc nōmina, quæ natura quadam ab vſu aliorum recedunt, non grauabor de nō-

- nullis singillatim dicere, dum non grauentur audientes legentēque hęc audire vel legere. Dicam tamen breuiter: & res digna scitu in primis, in qua videmus maximos etiā esse hallucinatos.
- Causa mea, & mei.** Primum est, Causa mea venisti, & causa mei. Causa mea accipitur possessiue, eo modo, quo Via mea venisti, pecunia mea fecisti sumptū, iter meo sumptu fecisti. Causa mei verò passiue, eo modo quo beneuolentia mei. Modus tamē prior est vſitator. Quid autem de hoc Seruius idem sentiat, postea videro.
- Fama.** Fama mea & fama mei, eiusedē rationis est, & mea fama frequentius dicimus.
- Imago.** Imago mea, scilicet quæ mea est, vt statura mea, & forma mea. Imago mei, nempe quæ de me est. Sed prior modus est vſitator. Hęc quæ sequuntur, in vtranque partem frequentiora, vt alterū tamen alterius sensus sit.
- Memoria.** Memoria mea actiue, quod ego recordor: memoria mei passiue, quod alii de me recordantur, vel mētionem habent. sæpe etiam possessiue eo modo quo fama mea.
- Dolor.** Dolor meus, quem ipse patior: dolor mei, quem alius de me patitur, vel forsan ego ipse, sīmq̃ dolens meam vicem, sicut dicimus, Misereor mei.
- Copia.** Copia mea possessiue, quam ego possideo: copia mei passiue, qua ego possideor. vt, Faciā omnibus copiā mei, non meam. Meretrix facit omnibus copiam sui, non suam.
- Potestas.** Potestas mea, quam habeo: potestas mei, qua habeor. Nec pulchre dicas alterum pro altero. vt, Tu vides potestatem meam quanta est, non mei. habes potestatem mei, non meam. nisi aliud significet, pro eo quod est, habes eandem similemve potestatem. vt apud Ciceronē, Bello Marſico Q. Octavius omnibus faciebat sui conueniēdi potestatem.
- Vtilitas.** Vtilitas mea, aliud est quā vtilitas mei. Ibi possideo, hīc possideor. Quintilianus, Sed vt aliquid præstaret patriæ vtilitas mei. id est de me. Nam fieri potest vt in eadem re non sit vtilitas sua alicui cum vtilitate sui. Quidam legunt, vtilitas mea. Idem, Quid nunc agam, aut quem vltra esse vſum mei diis repugnantibus credam? Vſus inquam est non meus, sed ex me aliorum. Adhuc idem, Præſens quidem illa protinus redditur merces, quòd omnibus quibus insedere, odorem mellis inspirant, & breui contactu vim sui relinquunt. vim sui, nō suam, sed ex se. Quo modo tu captus amore mulieris, mallet habere copiam sui, quā suam.
- Fastidium.** Fastidiū mei, quo ego ab aliis fastidior. Fastidium meū, quo ego alios fastidio. Vt idem, Seu mulier omnibus exposita mortalibus, vanitatē fastidio mei, despectūque captauit. Hęc sunt, & his similia, non tamen plurima, quæ ancipitem naturam habent, cætera verò minime. Non enim sic dicimus, Pulchritudo mei, fortitudo tui, longitudo sui, vt imago sui:

non prudentia, non ingenium, non sapientia, non probitas, non virtus, nō innumera alia. Quòd si tā parua res eos mouit, debuit ediuerso illud magis mouere: quòd quædā, quæ & ipsa nō multa sunt, habent ancipitem significationem, sed quam nemo nisi cæcus non discernat, vt Pars, dimidium, mediū, membrū, quid, aliquid, multū, & siqua alia. Quis enim nō videat, quū dico, Hæc est pars mea: non de corporis mei parte intelligi, sed de hæreditatis? Et iterū, Hæc est pars mei, nō de hæreditate, sed de corpore? Manus pars mei est, nō mea. Fundus pars mea est, nō mei. Dimidiū tui maius ait esse, q̄ dimidiū sui: profecto de corpore intelligo. Dimidiū tuū maius ait esse, q̄ dimidiū suū: de præda, aut de cibo, aut de successionē, alijsq; similibus intelligendū est. Mediū tui tangā, nō mediū tuū. E medio mei prodiit, nō è medio meo. vt, Auferā iniquitatē de medio tui Israel. Membrū, quū pro parte accipitur, eandem rationē sequitur. vt, Hic puer membrū mei est, quasi pars mei: sin pro mēbro aliquo, & in suo significato, ita accipitur, vt caput, vt manus, vt pes. Hic puer membrū meū est, quasi sic vt caput, & manus. Hic digitus mēbrū meū est, nō mei. Item, Quid mei tetigisti? quid tui vidi? Aliquid tui virgo perdes, si venatū cū adoleſcētulis prodibis. nō aliquid tuū. nisi dicamus tui à neutrali genere, vt Cicero de oratore li. 3, Ex quo vereor, ne nihil sim tui, nisi suppositionē pedis imitatus. id est de tuo, nō de te. Vlyſſe, siquid tui Polyphemusprehendet, id omne deuorabit. Mei nihil attigit. quicquid enim attigisset mei, statim contriuiſſet. Multū mei ille auferre potest, sed plus tui. plus inquam de te, quàm de me: nō de tuo, & de meo. Item, Quicquid Melibœe diripuisti, aliquid meum fuit, non mei. Nunc redeo ad Seruiū, qui ait, Tui causa feci, & tua causa feci, discretionem hanc habent: vt tui causa tunc dicamus, si aliquid ipsi ad quem loquimur, præstiterimus, vtputa, Tui causa te defendi. Virgilius in 12, Victus amore tui, cognato sanguine victus, Coniugis & mœstæ lachrymis, vincla omnia rupi. Tua verò causa, quum alteri aliquid alterius contemplatione præstamus. Vt, Tua causa mācipium tuum defendi. Si Seruius tantū de hoc vocabulo causa loquitur, & non in vniuersum de omnibus huiusmodi, non recte attulit exemplum alterius vocabuli, præsertim nonnihil natura differentis: sin verò de omnibus, non potest vna lex dari diuersis, vt supra ostēdimus. Si tamen lex est, & non potius contra legem omniū veterū. Nam (vt ego dicebā) causa sæpius cū pronomine deriuatiuo copulatur, atq; hoc quidē indifferenter, siue aliena sit causa, siue tua. veluti siquis dicat,

Pars mea,
& mei.

Epicurus vult omnia cuique agēda esse causa sua, mihi mea, tibi tua, illi sua, nobis nostra, vobis vestra. non mihi tua, aut sua, nec tibi mea, nec illi vestra, nec nobis sua, nec vobis nostra. Hic nihil opus est admiscere primitiuū. Sed ne sine exemplo loquar (quod ipse fecit) vno ero contentus sumpto ex Quintiliano, Mea depugnasti causa, tua peristi. Atque hoc quod Seruius præcipit nobis, ipse constanter vsus est, neminem tamē secutus. Quale est illud in 7. AEncid. Non spe salutis, sed mei causa. Et in 8, Hæc signa mei causa fiunt. Et in 9, Vult enim intelligi sui causa matrem secutā. Verum quid mirū de Seruio, quū Aulus Gellius, & quidem antiquior, nō modo nullum exitū in hac quæstione potest reperire, sed etiam non optime sentit. ita enim inquit, Cur igitur Terentius, Pœnitet nostri, nō nostrum? Nihil hercle mihi de ista re venit in mētem, nisi autoritas quædam vetustatis non nimis anxie, neque superstitiosē loquentis. Paulo post, Sed procul dubio qui rectissimē loqui volet, nostrum potius dixerit, quā nostrum. Et idcirco importunissimē fecerūt, qui in plerisque Sallustii exemplaribus scripturam istam syncerissimam corruperunt. Nā quum ita in Catilinario scriptum esset, Sæpe maiores nostrum

Lib. 20. cap. 5. **Obleuerunt.* miserti plebis Romanæ, &c. nostrum **aboleuerunt,* & nostri scripserunt. Ex quo in plures libros mendæ istius soboles manauit. Tu Aule Gelli de genitiuo nostri loqueris, non de nominatiuo nostri pluralis numeri. Vtrum rectius sit ad exemplum Sallustii (vt mihi & ceteris placet) in nominatiuo casu, nihil ad rē facit, neque ad exemplum Terentii. Et qui (vt tu vis) Sallustii scripturā corruperunt: non in genitium mutauerunt sonum illum, sed in nominatiuum, per quem casum non audeas tu dicere, corrupte nos loqui. imò (quantum ego sentio) incorruptius. Est enim vna eadēque vox nostri, ab eo quod est ego genitiui casus, & nominatiui ab eo quod est noster. Neq; verò ego repugno Aulo Gellio dicenti mutatam scripturam esse à nostrum in nostri, nominatiuum tamen, non genitium. Nam neque aliquis recte in genitium mutasset, neque ratione mutasset. Quin potius fateor, & hoc libentius, quòd vnicum illud exemplum, quod ipse ex Plauto protulit, fortasse mendosum est, dicente, Duorum labori ego hominum parvissem lubens. Mei, te rogandi: & tui, respondendi mihi. Ait autem Aulus Gellius, Mei enim hoc in loco Plautus non ab eo dixit quod est meus, sed ab eo quod est ego. Itaque si dicere velis patrem mei, pro patrē meū (quod Græci modo *τὸν πατέρα μὲν* dicunt) inusitate quidem, sed recte profecto: eāque ratione dicas, qua Plautus dixit labori mei, pro labori

meo. Nolo equidē tam confidenter (vt facit Gellius) scripturam mēdosam dicere, & affirmare quod inexploratum habetur. Taceo autē quōdādam fortassis immeritos, qui nec corruperunt scripturam, & melius sic dici putauerūt. Quæro cur verisimilius sit aliquos scripturā illam mutasse Sallustii, in qua nihil absurdi erat, quā hanc Plauti, qui contra grammaticorum leges, qualis est Seruius, & Priscianus, & Donatus, qui hūc poetā in schola lectitabant, facere videbatur, si ita diceretur, Duorum labori hominum parvissem lubens, Meo te rogandi, & tuo respondendi mihi. Nulla nanque grammaticæ ratio videtur posse hoc tueri. Quin potius quum per indiuidua exponimus singillatim, quod dixeramus per vniuersum, eodem casu vtamur, sic, Duobus hominibus laborem detraxi: necesse est vt dicamus, mihi scilicet & tibi, non autem meum & tuum. Tamen (vt ego sentio) in genituo permissum est. vt, Afferret hic accusationem duorum hominum, mei & tui, siue meam & tuam: quale hoc loco fit. sed dicendum potius per pronomina deriuatiua, quia possessio, siue actio significatur, non passio. Quod ego mutatum esse nolo dicere ab ipso Aulo Gellio, sed à grammaticæ professoribus, quorum nihil est supercilio superbior, nihilque improbius, & ad emendandos libros, vel corrumpendos potius magis audax. Præterea Plautus licentia verborum potest dici vsus, in qua fuit plane nemo liberior. Postremo quid habet momenti, ex vno auctore & eo poeta, afferre vnum exemplum in tanto numero omnis generis authorum, qui adeo refugerunt dare actiuam significationem his tribus genitiuis primitiuorum, vt eos mutauerint in alteram vocem, genitiuis aliarum dictionum, cū quibus coniuncti erant, natura repugnante, minime mutatis: vt Cicero in Gabiniū & Pisonem, Dico mea vnus opera rempublicā esse liberatam. Idem ad Atticum, Solius enim meum peccatum corrigi non potest. Idem pro Murena, Ex tuo ipsius animo cōiecturam cæperis. Non dixit, ac ne dicere quidem potuisset, mei vnus opera, mei solius peccatum, tui ipsius animus. Et in plurali, Quintilianus, Deinde quum satis vires eorum explorauerint, suæ ipsorum fiduciæ permittunt. non dixit, sui ipsorum fiduciæ. Quid multis? quum etiam apud recentiores (de Christianis loquor) hoc sit obseruatissimum, vt in Psal. 141, & 43. secundum Hebraicam veritatem, quorum alter ita incipit, Domine clamaui ad te, festina mihi, exaudi vocē meam clamantis ad te. Alter sic, Audi Deus vocem meam loquentis, à timore inimici serua vitam meam. Et in 70, secundum aliam è Græco translationem,

Grammaticorū
supercilium.

Lib. II. epist.

223.

Solius.

Ipsius.

Suæ ipsorū.

Domine memorabor iustitiæ tuæ solius. Est autem solius non foemini generis, sed masculini, ut ex Græco apparet. referturque ad Dominum, non ad iustitiam. Item libro Regū 3, Sustulit filiū meū de latere meo ancillæ tuæ dormientis. Et in euangelio Lucæ, Et tuam ipsius animam pertrāsibit gladius. Nec desunt quidam imperite docti, qui conantur illud exponere, tuā ipsius animam, aliud esse quàm tui: si tui dicere liceret, homines ignaros non solum theologiæ, sed etiam literarum. Interrogēt Græcos, & reperient penes eos, unde nos sumpsimus, tui esse, non tuam. quum illi non habeant in his tribus pronomibus, quam nos, elegantiam. Ideoque apud eos est, Pater nostrum vel nostri, qui es in cælis. Sanctificetur nomen tui. Adueniat regnū tui. Fiat voluntas tui, sicut in cælo & in terra. Panem nostri, vel nostrum da nobis hodie, & dimitte nobis debita nostri vel nostrum: sicut & nos dimittimus debitoribus nostri vel nostrū. quæ nos, ne barbare loqueremur, mutauimus in pronomina deriuatiua. Ex quo apparet non modo illud Auli Gellii, maiores nostri per genitiuū contra grammaticam, verū etiam illud, maiores nostrum contra vsum esse: potiūsque in tali genere vtendum esse deriuatiuo nostri, quàm primitiuo nostrum, licet hoc, ratione non vteremur. Nec vsquam contrarium exemplum reperire cōtingit, nisi vnū in epistola quadam Ciceronis ad Curionem sic dicentis, Eam autē vniustui studio me assequi posse confido. Quod & sic defendi posset, studio pro gratia & fauore, vel amore aliorum erga te. ut apud Horatium ad Vinnium Asellam, Ne studio nostri pecces. tamē malim dicere id factū esse vitio librariorū. Ac ne semper culpam reiiciam in librariorum falsō, dabo argumētum cur & prius & nunc merito in illos impetum faciam. In proxima statim epistola legitur bis, tyranno P. Lentulo, pro eo quod est tribuno plebis. Et in præcedente libro ad Lentulum, qui est illius operis primus, bis etiam idem vitium est in secunda & vndecima epistola. Et quum omnia ut reor (maximam enim partem vidi) exemplaria quæ in Italia sunt, mendosa & deprauata hoc vitio essent, nullus tamen tantum flagitium animaduertat. Itaque sicut nunc illud emendauimus, ita hoc quoque emendare, & in pristinam sinceritatem restituere audeamus: sic, Eam rem tuo vnius studio me assequi posse confido. Nec alia causa factum est, ut Terentius dixerit, Saluus sum meo præsidio, atque hospitis. non præsidio mei atque hospitis. Quem imitari Petrarcha si sciuisset, non titulum operi suo indidisset de sui & aliorum ignorantia, sed de sua. Aliud nanque est ignorantia sui,

aliud ignorantia sua. Si tamen sensit de ignorantia quam de se habuit, recte dixit. Et vulgo dicimus, Scio tuas diuitias, qui te pauperem quereris: non tui diuitias. Aspice liberos meos, qui dicor orbus: non mei liberos. Cernant supra prædia, qui mihi vnum fundum inuident, non sui prædia. Vbi non modo genus dissimile est antecedenti & relatiuo, sed etiam numerus. Quanquam (quod validissimum est) ingens differentia significationis est inter primitiua pronomina & deriuatiua. Sed ista omnia fieri cogit, quod non licet primitiuis genitiuis dare significationem actiuam. Cuius rei & illud maximum argumentum & apertissimum est, quod subiiciam, nulli adhuc grammaticorum intellectum, quod dicimus, Mea, tua, sua, nostra, & vestra, interest & refert: nō autem mei, tui, sui, nostri, & vestri. Est autem illud mea, tua, non ex parte ante (vt quidam volunt) sed ex parte post, non aliter quā quum dicimus, Hoc interest illius, quasi hoc est officium illius. Ita hoc interest mei, si liceret mei aliter accipere q̄ passiue. Nunc dicimus mea in voce possessiua, sed ita tamen vt sit primitiuum & substantiuum, & non adiectiuum. Denique ita ac si diceremus mis. Regi autem à parte posteriore, atque ideo hoc verbum habere ante se nominatiuum, sicut Sum, es, est: sed in neutro genere, quis dubitet, quum omnia plena sint exemplorum? Cicero pro Plancio, Siquod mea minus interest, id te forte magis delectat. Et pro eodem, Non solum quid cuique debeā, sed quid cuiusque intersit. Et pro Sylla, Vestra enim, qui cum summa elegantia atque integritate vixistis, hoc maxime interest. Et pro lege Manilia, Illud primum parui refert. Vbi etiam dicere possemus, Illud mea parui refert. Sed hoc nihil ad præsens tēpus. Hæc omnia resoluuntur in verbū substantiuum, hoc modo: Siquod minus meum est, quid cuiusque est, vestrum est hoc maxime. Illud parui momenti est, vt appareat non differre naturam verbi substantiui & horum duorum impersonalium verborū, nisi quod illud naturaliter post se nominatiuum postulat, hæc genitiuum, sed actionis siue possessionis, more verbi substantiui. Sed hoc in cæteris nominibus ac pronominibus nihil dubitationis habet, quorum genitiui actiue, passiue, possessiue, & siquis est alius modus, accipiūtur. Mei autem, tui, sui, diuersam naturam habent. Quid igitur faciendum erat? hæc passiue accipiuntur, non actiue, nec possessiue. Illa verba post se volunt genitiuum actiuum, siue possessiuum. Danda ergo fuit vox possessiui pro significato primitiui, non genitiuus possessiui, qui idem erat qui est primitiui, sed ablatiuus, qui natura est

Interest.
Refert.

Est.

genitiuo simillimus: & in genere foeminino, vel tanquam medio trium generū, vel suauitatis gratia: ne durū videretur meo, tuo, suo, nostro, & vestro. Ideoque hi ablatiui iungi sibi patiūtur adiectiua illa, tanquam actionem possessionemque significantia in genitiuo, vt suprà demonstrauius, sic, Mea solius interest, tua vnus refert, sua ipsius interest: non mei solius, tui vnus, sui ipsius: nisi in alia loquēdi figura, de qua mox subiiciā. Vnde maxime palām fit, nunquā hos genitiuos sumi nisi passiue: vt, Habeo curā mei solius, non meā solius. Habeo curā tui vnus, non tuā vnus. Vnusquisque curā gerit sui ipsius, non suam ipsius. Cur ita? quia passio hīc significatur, vbi superius vel actio, vel possessio. Cuius rei vnū exemplū suffecerit ex Terentio, Hem tot mei solius solliciti sunt causa, vt me expleāt. Et planum quidem iam fecimus, tres genitiuos mei, tui, sui, passiue semper poni: meus, tuus, suus, plerunque possessiue. Ideoque quum vtendum est illis primitiuorum genitiuis, mutari sonū de i in a. Nunc aliqua addenda sunt de his dictionibus, quæ legitime coniūguntur cum huiusmodi pronominū genitiuis: nec enim omnes possunt. Ante omnia nullum substantiuum in consortio suo sustinent. Vt, Fili, noli domo recedere respectu mei patris. Quod non tam placuisse Prisciano reor, quā per imprudentiam esse lapsum, quū dicit, Mei Prisciani eges, tui Prisciani egeo. Et alibi, Ego Virgilius, tu Virgilius, ille Virgilius, mei Virgili, tui Virgili, illius Virgili. Hæc enim oratio declarat meum Priscianum, Virgiliūme, aut tuum: non me Priscianum, Virgiliūme, aut te. non aliter quā si dicas, Eges mei patris, egeo tui domini. Quod profecto nō est primitiuorum ab eo quod est ego & tu, sed deriuatiuorum, ab eo quod est meus & tuus. Neque discrimen facit, quod hic appellatiuum nomen est, ibi proprium. Virgilius, Siqua tui Corydonis habet te cura, venito. Et alibi, AENEÆ mihi cura tui. Et iterum, AENEÆque mei. quæ à meus, tuus, non ab ego, tu, veniunt. Itaque sic emendemus Priscianum, qui quum de lingua Latina componit, antiquitatem omnem corrigens, nomen suū Latine proloqui nesciuit, Mei qui sum Priscianus eges: tui egeo, qui Priscianus es, vel me Prisciano eges. te Prisciano egeo, vel tui, vel te Prisciane egeo. Nam illud Apostoli ad Corinthios, Salutatio mea manu Pauli, è Græco est sumptū: ὁ ἀσπασμὸς τῇ ἐμῇ χειρὶ Παύλου. Tertium verò exemplum quod idem protulit, illius Prisciani eget, recte dicitur. Non habent enim cætera pronomina ancipitē naturā, vt illa tria, de quibus diximus. Adeoque verum est, hos

Mei, tui, sui,
primitiua,
substantiuū
respuunt.

ipſos genitiuos reſpuere conſortium ſubſtantiui, vt ne in poſſeſſi-
ſuorum quidem forma illud pati velint. Vidimus licere dicere,
meam vnius operam, tuum ſolius ſtudio. Non tamen dice-
mus, meum Laurentii ſtudio, ſuū Prifciani prædium: ſed meū
ſtudio, qui ſum Laurētius: prædium ſuum, qui eſt Prifcianus.
Neque tamē ob id excludo, ſi genitiuos hos paſſiue accipiamus,
eo modo quo exemplum ponemus. Nam (vt ſuperius docui) a-
liquando duos genitiuos alterum actiue, alterum paſſiue poſitū
videmus vnā iungi. vt, Quid de P. Licinii Craſſi iuris & ciuilis, &
pōtifficii ſtudio loquar? Ita fit in pronomine, vt idem author ad
Atticum, Mihi fuit & laudis noſtræ gratulatio tua iucunda, & ti-
moris conſolatio grata. Et iterum, Vehementérque tua ſui me-
moria delectatur. Quòd ſi igitur hæc pronomina, ſiue in geni-
tuo paſſiue, ſiue mutata in vocem poſſeſſiuorum actiue non ad-
mittunt genitiuos ſubſtantiuorum, nunquid admittunt omniū
adiectiuorum? Nō opinor. ſed proprie ſolorum participiorum,
participialiumque gerundiuorum, & frequētiffime illorum triū
(vt quidam volunt) pronominum, vnius, ſolius, ipſius, & ſiqua
alia, quæ rara ſunt, de quibus mox dicam. Per genitiuum cum
participio. Cicero ad Lentulum, Quocunque tempore mihi po-
teſtas præſentis tui fuerit. Per fœmininum, ſed cum gerundiuo.

Mei, tui, ſui,
cū adiectiuo-
rū genitiuis.

Ouidius heroidum,

Copia placandæ ſit modo parua tui.

Per vocem mutatam in poſſeſſiuum, vt ad Ciceronem Cato, Li-
benter facio, vt tuam virtutem, innocentiam, diligentiam cognitā
in maximis rebus domi togati, armati foris, pari induſtria admi-
niſtrare gaudeā. Cicero de Oratore, L. Craſſum quaſi colligendi
ſui cauſa ſe in Tuſculanū contuliſſe. Sed hoc gerundiū eſt. Et ea
exēpla quæ ſuprà attuli, quorū vnū fuit, Suſtulit de latere meo
ancillæ tuæ dormientis, ad quod pronomen malo referri illud
dormiētis, quod eſt adiectiuū: quā illud ancillæ, quod eſt ſub-
ſtantiuū. ita vt ſi abſuiſſet participiū, vix tolerabile fuerit futurū,
quale Boetii, Solantur mœſti nunc mea fata ſenis. Quintilianus
in ægro redempto, etiā ſolet omittere pronomen. vt, Accepi fa-
teor illum qui ſolutus quoque non ſequebatur, quem nō gau-
dium redemptionis, non lætitia prælati, non hortantis erexit pa-
tris amplexus. Et in eodē libro, Ruſ, ſeruulos, penates, & omnia
vtiliora properanti feſtinatione * parentis addixi. Omisit ſui, vt eſt *pergentis,
ſet, nō lætitia ſui prælati. & meus, vt eſſet, non meus hortātis am-
plexus. & iterum mea, vt eſſet, feſtinatione mea * parentis. Poetæ *pergentis.
etiam frequenter. Ouidius heroidum,

Denique quisquis erat castris iugulatus Achiuis,

Frigidius glacie pectus amantis erat.

Id est, meum amantis. Idem,

Illa meis oculis species abeuntis inhæret,

Quum premeret portus classis itura meos.

Ausus es amplecti, collóque infusus amantis,

Oscula per longas iungere pressa moras.

Id est, tua abeuntis, & meo amantis. Idem in eodem opere, sed inusitatus,

Et flesti, & nostros vidisti flentis ocellos.

Nostros dixit pro meos, & flentis pro flentium. Est enim illud flentis genitiuus singularis, non accusatiuus pluralis. quod accētus probat, quum tales accusatiui habeāt vltimam longam, quæ hîc non est. Hoc dixi, quia quidam hunc locum exponunt per accusatiuum. Illa diuersitas numerorū, meos siue nostros amāntis, vix aliis quàm poetæ permissa est. Postremo hæc pronomina, siue in primitiuorū genitiuis, siue in possessiua voce (vt dixi) maxime gaudent illis tribus, vnius, solius, ipsius, quorū multa exēpla iam protuli. Nec ab re fuerit sicut vnius, ita duorum, trium, quatuor, posse dici. Item omnium, cuiusque, plurium, & si qua sunt adhuc. vt, Vestram duorum, vel vestram trium, vel vestram omnium operam desydero, pro vestrū. Cicero de Oratore lib. 3, Sed voluntati vestræ omniū parui. Cuiusque, aptius cum pronomine sui, siue suus coniungitur. vt, Vellem nosse quæ sit sua cuiusque sententia. non sui cuiusque. Brutus ad Ciceronem, Qui vestris paucorum respondeat laudibus. pro vestrum. Verum iam huic quæstioni finem imponamus.

Cuiusque.

Vestris paucorum.

E P I T O M E.

Meme & tutu, semper figurate, & vbi τὰς est, dicuntur. Tete frequenter, sed etiam citra figuram: sicut & sese, frequentius. Pronomina autē quadrifariam cōponūtur. Primo inter se. vt ex iste & hic, fit istic, isthæc, isthoc: aut isthic, isthæc, isthoc.

Secundo, cum aliis partibus. vt ex is & demum, fit idem. Tertio, ex se. vt me-me, tete, sese. Quarto, cum syllabicis adiectionibus, met, te, pte, ce, & cine: vt ego-met, tute, tutemet, tuapte, hisce, hunc cine. Tete ergo potest esse à nominatiuo tute, secunda breui: & tunc nulla erit figura. Ideo autem (vt quidam volunt) non dicimus Tumet sicut egomet, in rectis singularibus, quod coincidat ea vox cū tertia verbi tumeo: in plurali tamen reperitur vosmet, vt AEneid. primo,

Durate, & vosmet rebus seruate secundis.

Ac in obliquis dicimus tuimet, non tuite: sicut contrā, in nominatiuo tute, non (vt dixi) tumet, sed tutemet.

De Meme, Tete, Tutu, Sese.

C A P. I I.

E Adem ferè hæc tria pronomina geminari etiam solēt: priora quidem per figuram, Meme, tete: tertiū sine figura. Virgilius in nono AEneidis,

Meme adsum qui feci, in me conuertite ferrum

O Rutuli.

Et in vndecimo,

-meme duce ferrum

Corripite ô Rutuli.

Et in duodecimo,

Verte omnes tete in facies.

Sed hoc videri potest esse sine figura. Non enim est ita acre & ardens. vt apud Quintilianû, Tete hoc loco mulier interrogo. In nominatiuo planè semper figuratû est. vt Cicero in Antoniû, Tutu faces illas incêdisti. Sese (vt dixi) nunquâ figuratû est. vt idem, Hic viri fortissimi sanguine aspersus, sceleratâ gratulantibus manû porrigens, in templum Iouis contulit sese. id est se.

In Cæco, in
limine.
Philip. 2.

EPI TOME.

Nostras, vestras, & cuias, nō tantum patriâ, nationemque adsignificant, sed etiam partes, & quasi sectam: nec neutro genere carent. Exempla patent in litera.

De Nostras, Vestras, & Cuias.

CAP. III.

NOstras, vestras, & cuias, non tantum patriam, nationemque innuunt, sed etiam partes, & quasi sectam. vt, Vestrates philosophi nō sunt ita populares & fauorabiles, vt nostrates, qui ab Epicuri schola prodierunt. Et, Cuiates philosophi vos estis? Stoicîne an Academici, an Peripatetici, an nostrates Epicurei? Cicero, Putarêsne vnquam accidere posse, vt mihi verba deessent, non solum ista vestratia oratoria, sed hæc etiam leuia nostratia?

EPI TOME.

Hic, iste, & ille, cum suis condecliniis & aduerbiis hoc differunt: quod hic, ad primam personam: iste, ad secundam: ille, ad tertiam, remotâ scilicet ab vtrisque, spectat. Solet enim fere cōtingere, vt hic, hæc, hoc, sint loquēdi vicina: iste, ista, & istud, ei ad quem loquitur: & ille, illa, illud, ab vtrisque distantia. Ille præterea, significat nobilitatem: ipse præstantiam & exclusionem minorum: iste contemptû minorû.

Verbi gratia, Hoc caput dicere solet, qui suum demonstrat. vt Ascanius, AEneid. 9, Per caput hoc iuro, per quod pater ante solebat. Sic apud Comicum, seipsum demonstrans, inquit, Tu si hic sis, aliter sentias. Neque necesse est, vt de quo dico hoc, meum sit: satis enim est dummodo sit mihi vicinum, aut ipsum teneam. vt AEneid. 6, Hic vir hic est, tibi quem promitti sapius audis. Et 7. eiusdem, Hoc pater Anchises auro libare solebat. Hoc Priami gestamen erat, &c. verba sunt Iliinei muneris tenentis ac offerentis, non possidentis. Adieci, ille ad nobilitatem pertinere, vt litera declarat: iste, ad contemptum, vt Quid petis istis: quasi vilibus & abiectis. ipse ad excellētiâ cū exclusionem minorû, vt Ioue missus ab ipso, scilicet qui magnus est: nec ab inferiori. Mancinellus prætendit verâ esse Prisciani differentiâ, quam pro parte concedimus, quod videlicet Iste intelligitur spatio propinquiore, non tamen omnibus, sed ei ad quem sermo sit. Negamus quod Ille sit semper de remotiore à nobis: nâ fieri potest vt is de quo Ille dicatur, sit nobis vicinior, quàm iste. Verbi gratia, si sim Parrhisijs, non inepte dixero, Accepi te quidē Rothomagi agere, fratrem verò apud Ambianos. At quā multi occurrant qui istuc iter haberēt, nemo autē qui illuc: rogo vt si quem illuc istinc profecturû noris, has quoque ad illū nomine des meo. Vbi ille, mihi vicinior est isto. Verba Mancinelli sunt, Prisciani sentētia optima quidē est, quod iste scilicet, spatio propinquiore intelligitur: ille autē, longiore.

Mancinellus.

Nam si ego Venetiis moram trahēs, in urbem ad amicum scribam, dicam, Siquid in ista vrbe noui est, mihi significato. de spatio propinquiore illi ad quem loquor intelligitur. Si verò dicam, Alexander Biordi filius Perusiæ studet. Quo circa ad eum scribas, significet quicquid in illa vrbe dignius. Tum de spatio remotiore à te intelligitur. Hæc ille. quæ quàm vera sint atque recepta, ipse viderit.

De Iste, Ille.

C A P. IIII.

Philip. 2.

Iste & Ille (si audire Priscianum volumus) hoc differunt, quòd iste spatio propinquiore, ille autem longiore intelligitur. Cuius authoritas plurimos in errorē induxit, qui pro istud, dicunt illud, veluti si ad hominem longe positum scribas, Siquid noui in illa vrbe est, mihi notum facias. pro eo quod est, in ista vrbe. quod non mediocre peccatū est. Nā de me loquens dicere debeo, Hoc caput, hæc manus, hæc ciuitas: de te verò, Istud caput, ista manus, ista ciuitas: de tertia autem persona, Illud caput, illa manus, illa ciuitas. Cicero in Antonium, Remoue paulisper istos gladios. Et in eodem libro, Tu istis faucibus, istis lateribus, ista gladiatoria totius corporis firmitate, tantum vini in Hippia nuptiis exhauseras, vt tibi necesse esset in cōspectu populi Romani vomere postridie. Hoc est, istis tuis faucibus, istis tuis lateribus, ista tua firmitate. Vnde nascuntur aduerbia istic, istinc, istac, istuc, istorsum, istò. Vt idem ad Valerium iuriconsultum, Qui istinc veniunt, aiunt te superbiorem esse factū. id est qui ab ista prouincia in qua agis, huc in Italiam, Romamque veniunt. Aliquando tamen Iste accipitur pro Hic, vt idem & in eundem, Quum isto tempore stent cum gladiis armati. Et Quintilianus, Iuuenis iste est, de quo summa in rebus humanis monstra finguntur. Et iterum, Iuuenis iste patris sui hæres solus inuentus est. Ille quoque nonnunquam per dignitatem, aut per eminentiam ponitur, indicans esse, quod omnes debeant nosse. vt, Alexander ille magnus, ille Censorius Cato, Architas ille Tarentinus.

E P I T O M E.

Hic, sæpe de spatio propinquiore: Is, de remotiore intelligitur: vtrūque autē cōcinne post relatiuū subiūgitur, vbi ille, à quibusdā minus venuste positū reperitur. vt in hoc locutionis genere, Qui præfert virtutem diuitiis, is sane fortis est, vel hic sane fortis est: nō ille sane fortis est. Vtrūque quoque tā hic quàm is. sed cōcinnius is, cū copulatiua cōiūctione, antecedentis qualitatē specificat, hoc pacto, Vestis modica, & ea detrita, vel & hæc detrita. Idem, accipi solet pro etiam, refugitque post se coniunctionē & quam simplex recipit. Ad hoc, pro præterea non inueniuntur capitula. Exempla in litera patent, præterquā vbi hic, de propinquiore: is, de remotiore intelligitur. Poterit autem dari tale, Siquā rem hīc tibi vtilem inuenisti, hac vtere: siquam in agro, vtere & ea. Item, Domi & foris sollicitor: hīc à meis, ibi ab hostibus. Sed referri volunt hic ad posterius dictum, quasi ad vicinū dicenti: & ille ad prius dictum, quasi ad remotius. id tamen Valla sæpe non obseruat, vt vbi de sicō

dicat: nec differentiam posuisset generis inter morbum & fructum, cum hoc ab illo dicatur: vbi dicendum erat, cum ab hoc ille dicatur. Sic nec Quintilianus in declaratione vltima, & sæpe aliubi, Vide cur manus, cur verba peccare videatur. Illis infamamus, his torquemus, occidimus. vbi dixisset, His infamamus, illis torquemus, &c. frequentius tamen obseruatur.

De Hic, Is, Idem, & Ad hoc.

C A P. V.

Hic & Is habet potius illam (de qua modò memini) Prisciani differentiam. vt Hic spatio propinquiore, Is verò lōgiore intelligatur. Multis tamen in locis vtrunque locum habet. vt, Qui præfert virtutē diuitiis, is sanè fortis est, vel hic sanè fortis est. vel per compositionem: vt, Quæcunque mulier adultera, eadem venefica est. Et ferè per hæc duo pronomina licet sic loqui, nec per vlla alia: licet poetæ vtantur Ille pro Is, quia amorum eadem penè significatio est. vt Horatius de arte poetica, Qui didicit patriæ quid debeat, & quid amicis, Quo sit amore parens, quo frater amandus & hospes, Quod sit conscripti, quod iudicis officium, quæ Partes in bellum missi ducis: ille profecto Reddere personæ scit conuenientia cuique. Quare sanctis viris è Græco trāsferētibus sic permittamus dicere, Non qui seipsum cōmendat, ille probatus est, sed quē Deus commendat. Possunt autem hæc eadem duo, de quibus loquor, pronomina, & alio modo vsurpari: vt, Alexāder paruis copiis fretus superauit Darium cum infinito exercitu, & id in adolescentia: vel, & hoc in adolescentia. Item & hoc modo, Pauca vestis, & ea detrita & fordida. potius quàm & hæc. Paucis nūmis superbit, nec iis suis, sed aliūde corrogatis. potius quàm & his. Idem Idem. quod est ab is compositum, quasi pro etiam poni solet. vt Cicero Officiorum I, Et huic coniuncta est beneficentia, quam eandem vel benignitatem, vel liberalitatē appellari licet. id est quam etiam. Quintilianus lib. I. cap. II, Si causam veneficii dicat adultera, non M. Catonis damnata iudicio videatur, qui nullam adulteram non eandem esse veneficam dixit: In hoc pronomine, Idē, annotaui quiddam dissimile ab Is. Ibi potest addi copulatiua, hic non potest. Quod tamen affirmare non ausim: vt, Quancunque in sedem migrat apium rex, in eam & apes ipsæ comitantur. At si dicam, in eandem, tollam copulatiuam. sic, in eādē apes ipsæ comitantur. Nā Idem habet in se velut vim copulatiuæ. Hoc Ad hoc. compositum cum præpositione ad, significat præterea. vt apud Sallustium, Cognoueram paruis copiis bella gesta cum opulentis regibus, ad hoc sæpe fortunæ violentiam tolerasse, facundia Græcos, scientia belli Gallos ante Romanos fuisse.

E P I T O M E.

Instrumentum quodlibet, in septimo casu ponemus sine præpositione *cum*, quæ non instrumentum, sed comitem, aut concomitantiam denotat. Septimum casum, vocant ablativum rectum neque vi nominis, neque vi verbi, aut adverbii, neque vi præpositionis, ut instrumenti, & qui in designatione sequelæ ponitur. Octavum vocat Niger dativum localem: ut, *It cælo clamor*que virum, &c. id est in cælum.

Exemplum de comite: ut, *Rex intravit cum multo exercitu*. De concomitantia, *Rex acceptus est cum mira benevolentia*. Dixi, *Quodlibet instrumentum*: ut, *Coercuit te miles armis*, orator verbis, conscientia rubore.

De præpositione Cum.

C A P. V I.

Cum.

Casus septim.

Cum præpositio per appositionem non iungitur rei notanti instrumentum, sed comitem. Et hoc est quod Quintilianus ait, *Ut quæramus nunquid apud nos sitvis quædam septimi casus, & apud Græcos sexti*. Nam (inquit) quum dico, *hasta percussus*, non utor ablativi natura: nec si idem Græce dicam, *dativum*. Propter quod Servius & quidam alii planè affirmant esse septimum casum. Quòd autem non utamur ablativi natura, hanc causam existimo, quòd ablativus, aut vi nominis regitur, aut vi verbi, aut adverbii, aut postremo intercedente præpositione. Quorum nihil hic fit: nisi volumus errorem quorundam sequi, qui subintelligunt præpositionem Cum. & quomodo subintelligi potest, quæ ne poni quidem potest: Nam *Percussus cum hasta*, inauditum est. instrumentum enim percussionei hasta est. Peccavitque non incelebris huius ætatis vir, qui scripsit, *Gladium qui cum se percusserat, eduxit*. Percussit igitur gladio, non cum gladio. *Impuli te pugno*, non cum pugno. *Video te oculis*, nō cum oculis. *Tango te manu*, non cum manu. *Delevit epistolam lachrymis*. *Absterfit sordes aqua*, siccauit cretā, liquefecitque cæram igni: non autem cum lachrymis, cum aqua, cum igni. Sed hoc fefellit, quòd aliquando illa præpositio videri possit iuncta nomini instrumentum significanti. ut, *Acceptus est à nobis cū honore*. Magna cū benevolentia scripsit. Cū mira affabilitate me allocutus est. Cum dira truculentia me aspexit. Veruntamen hi ablativi instrumentum non significant, sed comitem. Siquidem acceperunt me homines instrumento corporis, nō honoris, sed honore comite. Scripsit ministerio manus, non benevolentia, sed hac socia. Allocutus est lingua operatrice, affabilitate præfenti, & aspexit instrumento oculorum truculentia suffusorum, quæ nihil facit ad ipsam inspectionem, sed oculi. Sunt qui velint Priscianum sensisse, cum hasta percussus, dici posse, vel hanc præpositionem subintelligi. Ego verò affirmo neminem antiquorum neque protulisse hanc, neque subintellexisse.

E P I T O M E.

Circiter, non tantum ad tempus, sed etiam, & quidem frequentius, ad numerum, & nonnunquam ad locum spectat. Quia verò accusatiuo deseruit, non plenum videtur exemplum, Circiter duum milium militum: nisi subaudiatur, numerum. Cassius autem aduerbialiter posuit: sicut & circa & circum poni solēt, pro in circui-
tu. Quoquoersum, id est quocunque versum.

De Circiter.

CAP. VII.

Circiter, Priscianus inquit, ad tempus solum pertinet: vt, Cir- Circiter.
citer Calendas Ianuarias. Imo, & quidem frequentius, ad
numerum. vt, Circiter duo milia militum, circiter decem
miliariorum. Sed aliquando etiam ad locum. vt Cassius Hemi- Plin. lib. 13.
na, Lapidem fuisse quadratum circiter in medio arce vinctum cap. 13.
candelis quoquoersum.

E P I T O M E.

Versus, semper ferè postponitur: sicut tenus, frequenter: & vsque, non rarò. Dici-
que potest etiam versum: vt, quoquoersum & quoquoersum, aduersus & aduer-
sum. Addi potest, quòd dum appellatiuis iungitur, præpositio alteram admittit: vt,
In forum versus, apud Ciceronem. Dixi, Ferè semper, propter hæc Mancinelli
verba, Versus, euphoniæ gratia, quandoq; præponitur potius. hinc lib. 1. de lingua Mancinellus.
Lat. Varro dixit, Clius proximo ad Florales vsus, versus Capitolium vetus. quod
quidem euphoniæ gratia fecisse apparet. Hæc ille. Nam Capitolium vetus versus du-
riter sonat. Si ergo semel duntaxat, idque euphoniæ gratia factum, bona est Vallæ
præceptio.

De Versus & Vsque.

CAP. VIII.

Versus contra naturam præpositionis semper postponitur.
vt, Italiam versus, Megaram versus. Liuius, Duo Romana
vno loco propius Albam, tria Albana Romam versus. Sal-
lustius, Deinde Philenorum aræ, quem locum Aegyptum ver-
sus, finem imperii habuere Carthaginenses. Cicero de diuinatione,
Qui quum exercitu lustrato Aretium versus castra mouisset.
Sursum, siue sursum versus frequenter legimus. Nonnunquam
dicitur versum, sicut aduersum. Nam ita versus, sicut aduer-
sus, vnde quoquo versus, & vtroque versus, id est in vnamquan-
que partem, & quocunque, & in vtranque partem, & deor-
sum versus. Atque nescio quomodo non reperio hanc inter præ-
positiones esse numeratam. An quia postponitur, & non præ-
ponitur? Ne Tenus quidem præponi solet, de qua nunc dicam,
& tamen est præpositio. An quia vice præpositionis non fungi-
tur, quoties alia adest præpositio? vt, Ad occidentem versus. quo
quidem modo aduerbium est, vt Vsque, quæ & ipsa sic aliquan-
do in oratione collocatur: vt, Ad occidentem vsque.

Tenus præpositio, ablatiuo deferuiens, tunc legitime genitiuo deferuit, quando significat res geminas, aut singulari caret: significatque tenus, vsque ad, aut non ultra. Vt Pube tenus, id est vsque ad pubem, vel ad pubem vsque. sed exempla in litera satis patent. Calepinus dicit apud Flaccum in argon. cum accusatiuo construi, Et Tanaim tenus immenso descendit ab Euro. Vultque in plurali genitiuo iungi etiam non geminorum: vt apud Curtium, Pauci hostium tenus exacti, penetrauerunt ad portum. Vult præterea, absolute poni apud Horatium in epistolis, Est quidem prodire tenus, si non datur ultra. sed illic, non Q V I D E M, sed Q V O D A M legendum esse, & metrum & sententia docet.

De Tenus.

C A P. I X.

Tenus (vt dixi) semper postponitur. Atque in singulari utique cum ablatiuo. vt, Hactenus, quatenus, verbotenus, capulotenus. In plurali verò cum genitiuo etiam, non solum cum ablatiuo. Sed, quantum ego sentio, cum genitiuo tunc aut necessario, aut venustius fit, præsertim more Græcorum, quum res est vel gemina, vel numero singulari carens. Neque hoc apud poetas modo, sed etiam apud oratores. Virgilius, Crurum tenus hispida nanti. Et iterum, Et crurum tenus à mento palearia pendent. Quintilianus in duodecimo, Sed ille vir bonus, qui hæc non vobis tantum sibi nota atque nominibus, aurium tenus in usum linguæ perceperit: sed qui virtutes ipsas penitus mente complexus, ita sentiet. Cælius, iam illi rumores de comitiis Transpadanorum Cumarum tenus caluerunt. Curtius, Pauci hostium tenus exacti penetrauerunt ad portum. Est autem significatio vsque ad. Umbilico tenus, vsque ad umbilicum. Aethiopia tenus, Nilus tenus, vsque ad Aethiopiam & Nilum. Aliquando etiam pro non ultra. vt, Gessit consulatū titulo tenus, id est non ultra quam titulo. cuiusmodi nonnulla ex superioribus exemplis sunt.

E P I T O M E.

Pridie & Postridie, cum genitiuo & cum accusatiuo construi possunt. Causa videtur: quia & nomen & præpositionem includunt. Nam Pridie est aut die prior, aut die qui prior est die, aut qui præit, aut qui est ante. Postridie est aut postero die, aut qui post. Quum ergo dico, Pridie quam mortuus est CHRISTVS, eucharistiam instituit. id est, die qui fuit ante quam &c. Quum pridie Nonarum, id est die qui est, fuit, vel erit prior die Nonarum. quum verò Pridie Nonas, die qui præit Nonas, seu qui ante Nonas. Vnde, Tertio Nonas, est quasi tertio die ante Nonas: inclusiue tamen, vt Dies Nonarum sit vnus è tribus. Quum verò dico, Postridie Nonarum, id est acsi dicam, Postero die à die Nonarum. Quum Postridie Nonas, die post Nonas proximo. Cæterum quod Cicero in epistola ad Tironem dicit, Menandrius postridie ad me venit, quam expectaram: videtur postridie, significare vno die posterius.

De Pridie & Postridie aduerbiis.

CAP. X.

Pridie & Postridie, quemadmodum tenus, genitiuo seruiūt, & nonnunquam etiam accusatiuo. vt, Pridie illius diei, Postridie Nonarum Decembrium. Cicero ad Atticum, Pridie compitalia memento. Titus Liuius libro septimo, Etiam postridie Idus rebus diuinis superfederi iussum. Inde vt postridie Calendas ac Nonas eadem religio esset, traditum putant. Idem lib. 48, Pridie Parilia medio ferme die atrox cum vento tempestas coorta. De quo vide plura in Nudiustertius.

EPI TOME.

Hei & Væh, datiuum: heu exprobratiue, accusatiuum, aliqui etiam nominatiuū regit. Heu heu, seu cheu, absolute ponitur. Heus, cum vocatiuo. Procul, etiam cum accusatiuo iungitur: sed & cum ablatiuo, aut sine, aut cum præpositione. Exempla patent in litera de Heus quod adiecimus, estque vocandi aut reuocandi aduerbium. vt, Heus iuuenes: primo AEneid. Procul, cū ablatiuo: vt, Procul dubio. Vnde Mācinellus, Dicimus quoque procul Oceano, & procul ab Oceano. Plinius enim libro quinto cap. 10. de Nilo ita inquit, Originem (vt Iuba rex potuit exquirere) in monte inferioris Mauritaniæ non procul Oceano habet. Et Phædra Ouidiana ait, Sint procul à nobis iuuenes, vt femina, compti. Catullus item, Procul à mea tuus sit furor omnis hera domo. Hæc ille. Ponitur etiam absolute, vt in Bucolicis,

Serta procul tantum capiti delapsa iacebant.

De Hei, Heu, Eheu, Væh, & Procul.

CAP. XI.

Hei quoque & heu simile quid obtinent, tamē alterum datiuo, alterum accusatiuo iungitur: vt,

Hei mei qualis erat, quantum mutatus ab illo
Hectore. Terentius, Heu me miserum. Et ferè cum huiusmodi
pronominiibus. Nam cum alio nomine frequentius per exprobrationem, vt Virgilius, Heu stirpem inuisam. Et Plinius libro septimo, Heu dementia ab his initiis existimantium ad superbiam se genitos. Aliquando etiam cum nominatiuo, vt idē Virgilius, Heu pietas, heu prisca fides. Terentius in Adelph. Heu misera. Illud verò in Psalmo, Heu mihi quia incolatus meus prolongatus est: nescio an vitio factum sit librariorum: quale illud in Euangelio, Ascendit in arborem sycomorum, quia inde trans-
iturus erat: quod scribendum est, illac. Et illud ad Romanos, Tu autē quum oleaster esses, insertus: pro insitus. Et in Actis Apost. Egressi sumus foras portā iuxta flumen: pro extra portam. Eheu nulli casui seruit. Virgilius in Bucolicis,
Eheu quid volui misero mihi. Væh quoque datiuo. Martialis, Carpere caufidicus fertur mea carmina, * quis sit

Virg. AEneid.

2.

*qui

Nescio. si sciero, væh tibi caufidice.

Hæc appelles licet siue aduerbia, siue interiectiones (nam hanc inter partes orationis non numero) siue etiā præpositiones. Pro-

cul apud quosdā casui seruit, vt apud Curtium, Procul vrbem.

E P I T O M E.

Aduerbia comparatiua & superlatiua à prope, præter casus gradui debitos, regūt aut datiuum nominis prope, aut accusatiuum præpositionis. Regunt enim derivatiua ferè suorum primitiuorum casus. Prope autē sæpe aduerbialiter, & ita absolute sumitur, habens accentum in vltima: sed habens eum in prima, nominaliter sumitur cum datiuo: vt, Prope est dominus omnibus inuocantibus eum. Hinc Maro in Georg. Propius stabulis armenta tenerent. Et Comicus in Andria, Proximus sum egomet mihi. Prope autem præpositio, accusatiuum vult. vnde, Propius vrbem, & Proximus Pompeium sedebam, dixit Cicero, & Quàm proxime hostem: sicut Liuius, Propius Albam.

Quòd quædam comparatiua & superlatiua aduerbia seruiunt accusatiuo.

C A P. X I I.

Comparatiua aduerbia & superlatiua præter suam constructionem ablatiui & genitiui, vt Scribo melius te, & optime omnium, aliquando seruiunt accusatiuo: vtique ea quæ à præpositionibus veniunt, illarum naturam seruantia. Cicero ad Octauium, Quum castra medio itinere longius aduersariorum castris, & propius vrbem mouerentur. Idem ad Atticum, Tamen esse officium meum putavi, exercitum habere quamproxime hostem. Sallustius, Proxime Hispaniā Mauri sunt. Ne hæc regere possunt datiuum, vt Prisciano placet, quale vult esse, Quum propius stabulis armenta tenerent. Datius hic non regitur natura comparatiui, sed ipsius nominis, non aliter quàm si dicam, Nauigo te propinquius terræ. Et quoniā ipsa rei serie quædam de complexu orationis dicere incoepimus, iam de hoc ipso disseramus: simulque de natura indeclinabilium dictionum, quarundamque aliarum: ab eo potissimum incipientes, quod huic loco simillimum est.

E P I T O M E.

O, tribus casibus iungitur, nominatiuo, accusatiuo, & vocatiuo. sed cum accusatiuo præsertim si exprimitur, vehementem significat exandescentiam animique affectionem, quæ eo suppresso minor est, sicut in particula Hui cum accusatiuo. Ponitur enim interdum accusatiuus ab o subintellecto rectus, vt in litera, Hominem te patientem &c. vbi cæterorum quoque sunt exempla. Illud, O fortunati, est in primo AEnéidos. sed, O fortunatos, est in secundo Georg. Hui tā graues rastros quæso, in Heauton. Terentii.

De O vel prolata, vel omissa.

C A P. X I I I.

O Fortunati, quorum iam mœnia surgunt, AEnéas ait. Et alibi,

O fortunatos nimium, bona si sua norint, Agricolas.

Hic accusatiuus est: ibi vel nominatiuus, vel vocatiuus esse potest. His enim tribus casibus indifferenter authores vtūtur. Cicero, O variam volucrémq; fortunam. Neque hoc in tertia perso-

na tantum, sed etiã in prima & secunda. vt Idem, O me miserũ,
 ô te foelicem. Etiam non apposito pronomine. vt Idem, O mise-
 rum & detestabilem hominem, si hæc ignoras. Idem, O te mise-
 rum, O te infœlicem. quæ exclamatio ad omnem affectum con-
 uenit, vel miserationis, vel indignationis. Simili modo in nomi-
 natiuo & vocatiuo. vt Idem, O fortunata mors, quæ naturæ debi-
 ta, pro patria est potissimum reddita. Et iterum, O magna vis ve-
 ritatis, quæ contra hominum ingenia, calliditatem, solertiam,
 contrâque fictas omnium insidias facile se per seipsa defendat.
 Idem, O nox illa, quæ penè æternas huic vrbi tenebras attulisti.
 Et iterum, O Nonæ illæ Decembres, quæ me Cõsule fuistis. Ali-
 quando ab illo superfedemus, vtique in re leuiore, neq; ita ma-
 gni caloris. Vt, Indignum facinus, & hominem nequam, qui nõ
 dubitaret vel in foro alea ludere, vel cum lege de alea condem-
 natis. Ciceronis verba sunt in Antonium. Et Plinius iunior ad
 Octauium, Hominem te patientem, vel potius durum, ac penè
 crudelem, qui tam insignes libros tandiu teneas. Quod si excan-
 desceremus, dicendum esset, O hominem nequam, & ô homi-
 nem patientem. Aut sine indignatione, vt apud Valerium Maxi-
 mum libro tertio, Sed mihi vti ista cõditione vitæ non est opus.
 sine vllis imaginibus nobilem animum. Aliquanto hoc remis-
 sius est, quàm si dixisset, ô animum sine vllis imaginibus nobi-
 lem, id est sine maiorum nobilitate nobilem. Ideoque Teren-
 tius leuioris caloris interiectione vsus est,
 Hui tam graues rastros quaeso!
 Sed hoc simile eius speciei, cuius mentionem modò faciam.

EPI TOME.

In locutionibus pathos, seu affectionem habentibus, sæpe ponitur acusatius
 cum infinitiuo, suppressa particula quicum infinitiuus cõstruatur. Vt primo AE-
 neidos, Mene incepto desistere victam? subaudi, æquum, aut decens, aut diis pla-
 citum, aut tolerabile est, aut decet, aut oportet, aut quid simile. Et quod Suetonius
 memorat de Cæsare recitatum, Mén' seruasse vt essent qui me perderent? subaudi,
 decuit, vel oportuit, vel conueniens, seu expediens fuit. & est aposiopesis, id est re-
 ticentia, commotis animis apta. Vnde diximus, In locutionibus pathos, seu affectio-
 nem habentibus, &c.

De Me cum infinitiuo, vel accusatiuo. CAP. XI III.

Mene incepto desistere victam,
 Nec posse Italia Teucrorum auertere regem? Et iterum,
 Mene Iliacis occumbere campis
 Non potuisse? tuâque animam hanc effundere dextra?
 Hæc Virgilius. Ad Teretiam autem Cicero, Me miserũ, tene ista
 virtute, fide, probitate, humanitate in tantas ærumnas propter
 me incidisse? Et iterũ in Bruto, Tum Brutus admirãs, Tantãmne

Philip. 14.
 In orat. pro
 M. Cælio.

Philip. 2.

fuisse obliuionem, inquit, in scripto præsertim, vt nē legens quidem vnquam senserit, quantum flagitii commisisset: In his omnibus placet mihi subintelligi, verēne ita est, me non posse auertere Italia regem Teucrorum? & cætera. Plinius iunior ad Adrianum, Hominēmne Romanum tam Græce loqui? id est, verēne ita est? vel oportuitne? siue oportet? Terentius in Andria, Seruon' fortunas meas me commisisse futili?

E P I T O M E.

Hem, en, & ecce, nominatiuo & accusatiuo iunguntur. sed hem, nō nisi apud poetas, præcipue comicos: en & ecce, etiam apud oratores tam indicādo quā exprobrando, sed frequentius in nominatiuo, vsque adeo vt ecce in prosa rarissime cum accusatiuo reperiatur: quāuis per compositionem dicamus, ecclū ecclā eccos eccas, id est ecce, hīc supple cum vel eam, eos vel eas, de quo vel de qua vel de quibus sermo erat: & ellum ellam ellos ellas, id est en, vel ecce, hīc supple illum vel illam, &c.

Exempla omnia in litera patent.

De En & Ecce, suisque compositis. C A P . X V.

En.
Ecce.
Hem.

EN & Ecce in eadem penē significatione amant nominatiuum & accusatiuum. apud comicos verò Hem pro En, affectui seruiens, quo oratores non vtuntur. quēadmodum nec Ast pro At, quod est poetarum, syllabam illam breuem interiectione s̄ longam facientium. Adiungitur autem En nominatiuo pariter & accusatiuo, tum indicando, tum exprobrando. Indicando, Virgilius, En Priamus: sunt hīc etiam sua præmia laudi. Exprobrando, En agros: & quam bello Troiane petisti Hesperiam, metire iacens. Seneca in Agamemnone, En Paradis hostem. Iuuenalis satyra secunda, En habitum: quo te leges & iura ferentem, Montanum positis audiret vulgus aratris. Oratores sæpius exprobrādo, & sæpius per nominatiuum. Quintilianus, En improbitas. Cicero pro Deiotaro, En crimen, en causa cur regem fugitiuus, dominū seruus accuset. Ecce, similiter cum utroque casu iūgitur. vt idem, Ecce tibi status noster. Cum accusatiuo autem non memini me apud oratores legisse, sed ne apud poetas quidem. Nam illud apud Terentium in Eunucho, Ecce autem alterum nescio quid de amore loquitur. Alter scribi debet, non alterū, Donato quoque probante. Sed demus aliquando reperiri, vt semel apud Plautum in Bacchidibus, Opusne erit tibi aduocato tristi, iracundo? ecce me. Eccum ecclā, eccos ecclā. Ellū. Ellā. Ellos. Ellas. cas: ellum ellam, ellos ellas: ab ecce composita sunt, & secum videntur gerere casum, sed nō gerunt. quæ Priscianus ita resoluit, Ecce eum, ecce eam: ecce eos, ecce eas: ecce illum, ecce illam: ecce illos, ecce illas. Sergius quoque commentans Donatum ait,

Nihil significat ellum, nisi ecce illum. Paulóq; pòst, Quum ergo ellum sit, ecce illum: & ellam, ecce illam: nihil possumus dicere nisi magis demonstratiue. Sed pace Prisciani, Sergiique, & aliorum, hoc nec verum, nec conueniens significatum est. Nam inter ecce eum, & ecce illum, quid interest? Potius dicendum erat, eccum, ecce hunc: eccos, ecce hos, de quibus agimus. Talis erat cōuenientior interpretatio, sed quæ nec vera foret. Resoluuntur enim hæc per aduerbia, nō per pronomina. eccum, ecce hīc, subintellige virum de quo agebamus. eccam, ecce hīc, subintellige foeminam de qua mentio erat. Ellum, ellam, ecce illic virum foeminamve, subintellige, de quo, de quāve agebatur. Nam vt de homine, qui ante conspectum nostrum adest, rectè dicas, Ecce ille, vel ecce ego, siue ecce illum, vel ecce me: ita malè loquaris, ellum hominem, vel ellum me. & rursum de lōge posito, eccum. Terentius, Eccum Parmenonem, & eccum me. Nempe non ecce eum Parmenonem, quasi aliquis alius sit præter hunc Parmenonem. & ecce eum me, quem me eum quæris. Eccum ergo Parmenonem, id est ecce hīc Parmenonē: & eccum me, id est ecce hīc me. Et ellum Parmenonem dicentes, non sic loquimur quasi de parum noto, vt solemus, quum dicimus, Ecce ille Parmeno, quasi ille tibi incognitus, sed auditus. Ellum igitur Parmenonem, significat, ecce illic Parmeno, siue Parmenonē. Sed an possit Ecce habere accusatiuum, non antè indubitatum habebo, quàm exemplū videro, nisi illud tale sit apud Virgiliū, En quattuor aras, Ecce duas tibi Daphni, duóque altaria Phœbo, Pocula bina nouo spumantia lacte quotannis, Craterásque duos statuam tibi pinguis oliui. Sed de prosa magis dubitare me dico.

E P I T O M E.

Age, verbum singularis numeri: Agite, pluralis postulat. Agedum, vtriusque quidē admittit, sicut & age: sed propriè cum singulari age & agedum, cum plurali agitedum posueris. Causa est: quia licet pro aduerbiis adhortandi ponantur, tamen natura verba imperatiua sunt. vnde age, singulari gaudet, sed tamen pluralem admittit numerum. Vnde Mancinellus, Age, singulari & plurali iunctū legimus. Stratus libro nono, Ite age, & obfessis vigilem circundate flammā. vbi tamen quidam legunt, Ite agite, obfessis &c. Valerius Flaccus libro tertio, Vos age funereas ad littora voluite syluas, Et socios lustrate rogos. Plautus in Sticho, Age sultis. id est si vultis. Itē, Age licemini. Præterea sicuti Agedum vtrique numero iungitur: ita Agitedum, plurali solum. Liuius libro septimo, Nostrum (inquit) peditum illud milites est opus: agitedum vt me videritis quacunque incessere in aciem hostium ferro viam faciētem, sic pro se quisque obuios sternite. Et paulo inferius, Agitedum ite mecum.

Mancinellus.

De Age, Agite, & Agedum.

CAP. XVI.

Age.
Agite.
Agedum.

In pastu cada-
uerum.

AGe, singularem numerum desyderat, Agite pluralem: Agedum verò non singularem tantum, sed etiam pluralē. Neque id modo in carmine, vt Propert. Vos agedum: sed etiam in prosa, vt Quintilianus, Agedum (si videtur) extra portas prospicite squalida arua, & spinis obsitas segetes, & semesos arborum truncos. Cicero, Agedum conferte nūc cum illis vitam P. Syllæ, vobis populòque Romano notissimam.

E P I T O M E.

Quoties inter partes duas vel plures sic dubitamus, vt certo sciamus alteram vel vnam illarum esse concedendam, nescimus tamen vtram vel quam, recte vtimur an & ne. Quoties verò sic vt non inter partes propositas sit dubitatio, sed inter eas & oppositam vtriusque vel omnium, vtimur his particulis, aut, ve, vel, vel similibus. Interrogatio igitur non est in aut, sed in an. Et verbis dubitationis & inscientiæ damus subiunctiuum cum an: verbis verò opinionis & scientiæ indicatiuum cum quòd & aut. Anne & nōne, pro an & non poni solent: sed maiorem vim habent, præcipue anne apud poetas. Leguntur etiam ergone & itane. quæ interrogando, responsionem non poscunt. In Quintiliani declamationibus sæpe scribitur ita, pro itane, pro quo verius scribatur itan. Quia ergo certo scio patrem tuum viuere, aut mortuum esse, dubito autem vtrum viuat an mortuus sit: nō quæram, Viuit pater tuus, aut mortuus est: quia scio viuere, aut mortuum esse. Nec dicam, Nescio vtrum pater tuus viuat, aut mortuus sit. quia sic, aut insanus sim, aut mentiar. Quæram ergo, Viuitne pater tuus, an mortuus est: aut sic, Viuit pater tuus, necne? Et dicam, Nescio an pater meus viuat, an mortuus sit. Aut, an viuat, necne. & ita in consimilibus. Quia verò dubitare possum vtrum aliquam quatuor mendicantium religionum professurus est, an nullam: bene quæram, Es tu futurus minoritanus, aut prædicator, aut carmelita, aut augustinenfis? Et subauditur, an nullus eorum. Et bene dicam, Nescio an futurus sim minoritanus, aut prædicator, aut &c. an supple non. Igitur an & ne, inter ea de quibus est dubitatio, poni volunt. Aut, ve, & vel, inter membra alterius partis dubitationis, si plura habeat. vnde si sciam patrem viuere, non videar mihi male dicere, Scio an pater viuat, an mortuus sit, quod prius dubitavi: quia videlicet scio quòd viuit. Verum stante hoc quòd adhuc dubitem, male locutus sim. quod author prætendit dicere.

De An, & Aut, Ne, Vel, Ve, & eorum compositionis.

CAP. XVII.

Verba Quintil.
lib. 2. ca. 10.

Horatius in arte poetica.

AN & Aut, coniunctiones sunt, Quintilianus inquit: Male tamen interrogas, hic aut ille sit. Nos quum talem tantumque authorem habeamus, tamen plerique multis iam sæculis peccauerunt, ac peccant: quod grande flagitium est. Sed duæ causæ eos decipiunt. Ferè enim nunquam decipimur, nisi mendaci quadam specie veritatis, & vt inquit Horatius, Decipimur specie recti. Vna, quòd interpretantes è Græco, non reperientes hanc apud illos differentiam. (Quippe quum Græci vnam tantum habeant vtrique nostrarum respondentem) putant pro

una voce Græca, unam Latinam posse sufficere. Altera, quod reperiunt apud nos in interrogando, aut. Et primæ quidem opinioni hoc responsum sit, eos male mereri de lingua Latina qui dimidium verborum fastidiunt. Nam plerunque utuntur, aut, more Græcorum, & interrogando, & sine interrogatione: an, omnino relinquentes. Sequenti (quod tamen caput huius erroris est) ita respondemus, Si paulò diligentius aduertissent, non in aut, sed in an, interrogationem consistere deprehendissent. ut apud Ciceronem, An verò Romulus ille, aut pastores, aut conuenas congregasse, aut Sabinorum connubia cōiunxisse, aut finitimorum vim repressisse eloquentia videtur? Non est hic multiplex interrogatio, quasi de horū singulis interrogaretur, sed duplex: sic, Nunquid Romulus hæc omnia fecit eloquentia? Hæc una pars est interrogationis. supple, an non fecit? Et hæc erit altera pars. Item, Es tu Stoicus, aut Epicureus, aut Peripateticus, aut Academicus? Hæc interrogatio & bene dici potest, & male. Nam si nō constet interroganti te esse philosophū, bene interrogauit, supplēdaq; est duplex an: sic, Esne tu Stoicus, aut Epicureus? & cætera, an non? Sin constet illi te esse philosophum ex aliqua illarum sectarū, sed cuius sis ignorans de ipsa interroget, male quaesuit, quum an, non aut, dicendum fuerit. & ubi nos modo posuimus duplex an, omittendum sit: sic, Es tu Stoicus? an Epicureus? an Peripateticus? an Academicus? quæ interrogatio potest tendi in infinitum. Illa verò semper est duplex. hic ad singulas particulas binæ interrogationes sunt, ibi in vniuersum duæ. Quum enim quæro an Stoicus, subintelligitur altera interrogatio ediuerso, sic, an non. Item, Esne Epicureus, an non? esne Peripateticus, an non? es Academicus, an non? Afferamus aliud apertius exemplum, An est hic illo nobilior? an plus pro salute mea laborauit? an cui homines magis cupiant? an formosior, & magis dignus cui filiam meam collorem? Hic octo interrogationes sunt, quia octies interrogatio repetitur. Ibi semper duæ, quia bis semper repetitur. Ex quo patet non esse interrogationem in aut, sed in an. Interrogationem inquam cōtrariorum, qualis est illa, Quid dicam, aut quid faciam? Quid dicam, aut quid non dicam? Inter hæc non ambigimus, sed ipsa ambo simul ambigimus. Secus in illo, Abeam, an maneam? De duobus ita quæro, ut Vtrum mihi faciendum, & vtrum non faciendum sit, dubitem. Ideoque non solum interrogando, sed citra interrogationem quoque utimur an, ubicunque aliquid contrarietatis inest. Ut,

- Dubito an viuat pater, an mortuus sit. & in maiori numero, Nescio an pater Romæ sit, an valeat, an viuat, an vêturus ad me sit. Muta verbum dubitationis & inscientiæ in dissimile aliud verbum: sic, Scio an paterviuat, an mortuus sit, male locutus es. Bene autem, Nescio an pater viuat, an mortuus sit. Itaque verbis huiusmodi dubitationis & inscientiæ, damus subiunctiuum cum an: verbis verò opinionis & scientiæ, indicatiuum cum quod & aut: sic, Opinor quod pater aut mortuus est, aut grauer ægrotat. Quod præceptum est de an, hoc quoque præceptum sit de Ne, quæ plerunque vna, solaque, & semper in parte prima collocatur: vt Bonusne vir est, an malus? Aliquâdo cum socia, sed id sæpius apud poetas. vt Virgilius in primo libro AEnëidos, Qui teneant (nam inculta videt) hominésne, feræne, Quærere constituit, sociis que exacta referre.
- Quære hoc modo, Illuc eam necne ignoro. hoc est dubitatiue. Interrogatiue quoque, vt pro Flacco Cicero, Vtrum vultis prætori Flacco licuisse necne: id est licuisse, an non? Quidam superuacue addunt alterum an: sic, Nescio an bene faciam, necne. Atque vt ostendi quosdam errare in aut, non videntes in quo differat ab an: ita quidam faciunt in vel, putantes poni pro an, id est interrogatiue vel dubitatiue, siue ignoratiue. vt, Istud est aurum, vel orichalcum? nescio si sit aurum, vel orichalcum. imo scis quod est aurum, vel orichalcum. Et neuter vestrum dubitat, quod vel hoc, vel illud est. sed nescitis an hoc, an illud sit. Ideoque & tu interroga, Aurumne sit, an orichalcum. & tu responde, quod nescis an sit hoc, an illud. Illud autem quod est apud Quintilianum, Quærendumque arbitrantur, iustumne sit, sacrilegium appellari, quod obiiciatur, vel furtum, vel amentiam: potest quibusdam mouere dubitationem, quasi in re dubia loquamur per Vel, atque ideo ipsum misceamus cum Ne, siue An. In quo minime dubitandum nobis est. Talis enim ibi locutio est, Quærendumque arbitrantur, iustumne sit, appellari aliquid nomine sacrilegii, an non. vel iustum sit aliquid appellari furtum, an non. vel aliquid sit iustum appellari amentiam, an non. Ve magis accedit ad Vel, quàm ad An: vt Duobus tribusve mensibus, id est duobus vel tribus mensibus. Raroque reperitur geminatum, nisi adiuncta si: vt Siue hoc, siue illud. aut adiuncta Ne, pro vt non. vt apud eundem, Cauendum etiam neue sit maior trãslatio, quàm oporteat, neue (quod sæpe accidit) minor, neue dissimilis. Cicero, Ita iungetis, vt neue aspere concurrant, neue vastius diducantur. Lucanus sine compositione aliqua,
- Quod.
- Ne.
- Necne.
- Vel.
- Ve.
- Siue.
- Néue.

Nec quenquam iam ferre potest Cæsarve priorem,
 Pompeiûsve parem. id est, non potest iam aut Cæsar superiorem
 ferre, aut Pompeius parem. An & Ne, coniungi solêt pro an,
 quod magis poeticum est, vt apud æmulos Virgilii, Dic mihi Da
 mæta, cuium pecus? anne Latinû? Illud Ciceronis multi ita le- Anne.
 gunt, Quo mihi etiam indignius videtur obrectatum esse, Gabi
 nio dicam, anne Pompeio, anne vtrique, id quod est verius? Sine
 interrogatione durum videtur. vt Virgilius,
 -vrbesne inuisere Cæsar,

An deus immensi venias maris, ac tua nautæ, &c.

Anne nouum tardis sydus te mensibus addas.

Ideo dixi durum, quia per interrogationem quiddam vrgentius
 & instâtius est in hac geminatione anne, quàm in illa simplici-
 tate an. quod hîc non fit, vt ex aliis compositis elucebit,

Nónne fuit satius tristes Amaryllidis iras,

Nónne.

Atque superba pati fastidia? nónne Menalcam?

Non ego te vidi Damonis (pessime) caprum

Non.

Excipere insidiis?

In hac interrogatione Non id agitur, vt respondeas nescienti, sed
 cogaris assentiri scienti. Nec alia vis orationis est, quàm si dice-
 res, an non: quod magis vrget, quàm solum non. Licet & hoc so-
 lum pro illo composito accipi soleat. Alia composita (si modo
 cõposita sunt) hæc sunt, Itáne, Ergóne: quæ interrogando respon-
 sionem non poscunt, sed assensum extorquent.

EPITOME.

Nedum, trifariam differt à Non solum, non modo, & non tantum. Primo, quia
 nedum, non exigit huiusmodi particulas, Verum etiam, sed etiam, sed &, sed quo-
 que, affirmatiue: negatiue autem, Sed nec, aut sed neq;, aut similem: quia ante secun-
 dam clausulam, loco illarum ponitur. Reliqua autem nisi pro nedum ponantur, si-
 ne illis poni nequeunt. Secundo, quia nedum affirmatiue, id quod maioris est mo-
 menti præponit: sed negatiue, postponit. Reliqua e contrario: nisi pro nedum po-
 nâtur. Tertio, quia pars cui nedum additur, significatur præpollere alteri: cui Nô
 modo, aut nô solum pro nedum accepta, significatur æquipollere. Vt intelligen-
 tur priores differentiæ sit hoc exemplum. per nedum dicam sic affirmatiue, & vno
 verbo, Exponerem pro te sanguinem, nedum pecuniam. Per non solum sic, Nô
 solum pecuniam, sed etiam, aut verum etiam, aut sed &, aut sed sanguinem quoq;
 pro te exponerem. Duobus verbis sic, Vitam pro CHRISTO exponerem, ne-
 dum tormenta subirem. Item, Non modo subirem pro CHRISTO tormenta,
 sed & vitam exponerem. Negatiue vno verbo sic, Non exponerem pro te pecu-
 niam, nedum sanguinem. Duobus sic, Non subirem pro rebus mundanis tormen-
 ta, nedum vitam non exponerem: quod sic quoque dicere licet, nedum vitam ex-
 ponerem: quasi sit, ne dicam quod vitâ exponerem. In litera enim inueni sublatum
 illud secundum non, vt sit, nedum vitam exponerem. quod an sublatum oportue-
 rit, ex his patebit quæ statim subiiciam. Per non solum, aut nô modo &c. sic, Nô
 modo pro rebus mundanis non subirem tormenta, sed nec vitam exponerem.

quod per tantum abest, vt statim patebit, posset conuenienter dici, sic, Tantū abest vt pro rebus mūdānis vitam exponerem, vt ne tormenta quidem subirem. In his ergo exemplis, nedum non habet illas particulas sed etiam, &c. sicut non modo, nō solum, & non tantum, habere volunt. Item affirmatiue, maius præponitur, & negatiue minus: cum per reliqua contrā fiat. Cuius causa est: quia nedum non ponitur quantum ad situm in priori clausula, sed in secunda: sic tamen vt secunda sit prior, nisi affectio reliquam præripiat. Quum enim affectuose dicere volo, quod pro te sanguinem funderem, incipio ab eo, sic, Funderem pro te sanguinem, nedum pecuniam. quod perinde est ac si dicam, Ne ducas aut putes fortè quod tantū pecuniam pro te funderem. Tertiæ differentię exempla sunt in litera, ex Cicerone deprompta. vt, Quem Fimbria non solum Socrates: quo significatur Fimbria Socrati fuisse par. Sed dicendo Nedum, Socrates videretur maior. Cæterum, quia de vsu negationis amplius dicere constitui, addam quæ nostra ætate vir doctissimus Gulielmus Budæus annotauit de ea re inter annotationes in Pandectas.

De vsu negationum ex Budæo, in. l. In eo iure. §. vlt. De ritu nuptiarū. Priorum annotationum in Pandectas pagina 374.

Animaduertere debemus quædam esse verba quæ idem sine negatione, ac cum negatione polleant, vt Vereor, timeo, metuo, caueo, & siqua sunt eiusdem significationis. Vereor ne veniat, vereor vt veniat: Timeo ne moriar, & timeo vt moriar: Caue facias, & caue ne facias. Terent. Sed pater adest, caue te esse tristem sentiat. Vt enim interdum duæ negationes non plus quàm vna pollent: vt si dicas, Nunquam mihi nec obfuiſti nec profuiſti. sic interdum vna negatio, duarum negationum instar est, duntaxat adiuuante vi verbi. Cic. ad Q. fratrem, Quod enim abfuiſti, vereor ne satis diligenter in senatu actū sit de literis meis. id est ne non satis. Idē in Acad. Anaxagoras niuem nigram dixit esse. ferres me si ego idem dicerem tu, ne si dubitare quidem. Idem ad Atticum, Si manet, vereor ne exercitum firmum habere possit. id est, opinor eum exercitum firmum non habiturum. Quod fortasse sic resoluitur, Vereor vt ne habere possit. quo modo loquendi Cicero ipse vti solet: vt in Bruto, Ego tamen ita de vnoquoque dicam, vti ne elici possit quem existimem oratorem, quem declamatorem fuisse. Et in tertio de Oratore, Omnis mea cura solet in hoc versari si possum, vt efficiam aliquid dicendo: sin minus, vt nequid mali. ex more Terentiano sumptum, qui ait, Vt nequid nimis. Hunc autem loquendi modum video nostræ aut proximæ memoriæ clarissimos scriptores sequi. Hermokaus in quadam oratione, Vt sollicita sit admodum vniuersa ciuitas, ne lætitiā incredibilem suam oratione consequi valeamus. id est ne non valeamus. Sic Vlpianus, Vereor ne possit ista connubium habere nubendo. id est ne non possit, vt ipse alibi dixit in. l. Si ego. §. primo, infra De iure dotium. Et Triphonius, Vereor ne longum sit adoptionem mariti eius impediri. id est, opinor non esse longum, id est incommodum. Hoc etiam per v. t. particulam, Cicero enuntiare solet: vt ad Atticum, Qui quum impudentissime postulauerit, tamen conceditur, & tamen vereor vt ipsis contentus sit. Et pro Quintio, Si veretur vt res iudicio facto parata sit. In quibus locis multi existimarent deesse negationem, quum nihil desit. Terentius, Dies mihi hic vt satis sit vereor ad agendum. Politianus in Herodianum, Veritis omnibus vt satis libenter imperatorem pertinacem milites reciperent. id est ne non reciperent. Est etiam alioqui inuenire, quum vna negatio in oratione deesse videtur. Cicero tertio de legibus, Quæ res quum sapientissime constituta esset à maioribus nostris, nihil habui non modo multum, quod putarem nouandum in legibus. Non modo multum, pro, non modo non multum. Et de perfecto ora-

fore, Nam sic vt in epularum apparatu à magnificentiā recedens, non se parum solum, sed etiam elegantem dici vult. Non solum, pro non solum non, dixit. Idem pro Publio Sextio, Quum illi soli essent præter illum flagitiosum tribunum plæbis duo Reipublicæ turbines, qui non modo præcipitanti patriæ subuenirent, sed etiam nimis tarde concidisse mœrerent. Et de reditu suo ad populum, Tribunitiis superiores illi rogationibus nulla auctoritate Senatus sunt restituti. Marius verò non modo à Senatu, sed etiam oppresso Senatu est restitutus. id est, non modo non à Senatu. Et in quarto Tuscul. his enim malis insidentibus, non modo beati, sed ne sani quidem esse possimus. Liuius, Asdrubalique non modo in Italiam traducendi exercitus, sed ne manendi quidem satis tuto in Hispania spem reliquit. Plinius in epistolis, Multa in vrbe nostra, iuxtaque urbem, non oculis modo, sed ne auribus quidem nouimus. Quæ exempla & similia, mirum est Laurentium Vallensem non animaduertisse. Is enim libro tertio elegantiarum, vt scite pauca de hac re & subtiliter disseruisse mihi videtur, ita si eius doctrinam sequi velimus, hæc loca tueri non poterimus. In causa est (vt arbitror) quod Laurentius ad normam Latinæ proprietatis ea redigere voluit, quæ Græcorum imitatione vsurpata sunt. Græci enim τῷ ὄντι, ἀντὶ τοῦ ὄντος, ὅτι μόνον ὄντι, subinde vtuntur. Demosthenes, νόμιζον μὴ ἔφ' ὃν ἐπολιτευόμενον, ὄντι ὅπως μὴ δὲν ἀδικοῦν τοιαῦτα πείσασθαι, ἀλλὰ καὶ μὲν ἱερὰ ἐξαμαρτῶν συγχώρησις τεύεσθαι. ἀντὶ τοῦ ὄντος μόνον ὄντι πείσασθαι. Simile est ὄντι, & μήτι, crebra apud oratores & elegantiores scriptores. Plato, εἰς τὸ δὲ ἀνθρώπων, μήτι δὲ θεῶν. id est, non solum hoc non dixerim de Deo. & μήτι, μήτι δὲ, quæ itidem pro non solum non, accipiuntur. Hoc etiam per nedum, Latine dici solet. Sallustius, Quippe secundæ res, sapientium animos fatigant, nedum illi corruptissimis moribus victoriæ temperarent. Apud Liuium in octauo secundæ belli Punici, hoc modo Fabius loquitur aduersus Scipionem, in Africam traiccturum, Me dictatorem quum vigerem adhuc viribus, & in cursu maximarum rerum essem, recusantem nemo audiuit, quo minus insectante me magistro equitum (quod fando nunquam auditum fuerat) imperium æquaretur meum, nedum ego perfunctus honoribus certamina mihi cum adolescente florentissimo proponam. id est, non modo nunc non proponam. Idem, Attonitus repentino malo, vix quid obiiceretur intelligere potui, nedum satis sciam quomodo me tuear. Cicero pro Plancio, Ego verò ne immortalitatem quidem contra rem publicam accipiendam putarem, nedum emori cum pernicie Reipublicæ vellem. vbi alius etiam non indoctus, nollem (vt arbitror) dixisset. Et pro Cluentio, Nec Metellus, nec Popilius clarissimi viri vim tribunitiam sustinere valuerunt: nedum his temporibus, his moribus, sine vestra sapientia, ac sine iudiciorum remediis salui esse possimus. Lucianus, καὶ πάντων ἀπαλὸς τῷ πόδι, καὶ οὐδ' ἐξάναι χαμαὶ, ὄντι ὅπως βαδίξεν ἐδύνατο. Cicero in Acad. Anaxagoras nigram niuem esse dixit: ferres me si idē dicerem: tu, ne si dubitarem quidem. Vnam negationem, Cicero duarum vice posuit. interdum contra, duas pro vna positas inuenimus. Idem libro tertio de finibus, Sed quanquam negent Stoici, nec virtutes, nec vitia crescere: attamen vtrunque eorum fundi quodammodo ac dilatari putant. Et in quinto Tuscul. Itaque ne si iocundissimis nos somnis vsuros putemus, Endymionis somnum nolimus dari. Et in Acad. Quod bonum quale sit, negat omnino Epicurus sine voluptatibus sensum mouentibus, nec suspicari. Hæc de negationis vsu dicenda hoc in loco habui, vt multis fortasse non satis animaduersa, sic omnibus necessaria. Hæc ille. In quibus id primo consentaneū est: quia verba illa timoris & prohibitionis propter inclusā negationem negatione carere possunt: vt, Timeo vt credas, caue facias. ideo vna negatione efficiunt quod reliqua binis: vt, Vereor ne satis diligēter aq̃uū sit, &c.

Negationes
multiplicatæ.

Secundo, quando negatio præposita agit in verbum, non esse opus repeti. Vt Nihil habui, non modo multum. scilicet non habui. Tertio, quia particula ne quidem negationem innuit præcedenti additam, vim eius satis supplet. Quarto, nedum quando significat ferè id quod ne dicam, vno verbo contentum. Quinto, verbum nego in principio positum, idem facere quod signa vniuersalia, hoc est duabus sequentibus negationibus, & nulla: vt, Negant Stoici nec virtutes nec vitia crescere: & Negant & virtutes & vitia crescere. Sic Stoicus, Nullæ neque virtutes neque iniquitates crescunt. Vel, Nullæ aut virtutes aut iniquitates crescunt. Sexto, In reliquis si Latine loqui volumus, tutius sit Laurentianam sequi præceptionem, viderique librariorum vitio negationem alteram sublatam: de qua tamen cum sit suum cuique iudicium, hoc quod dedimeum est consilium.

De Nedum, & Non solum, Non modo, & Non tantum.

C A P . X V I I I .

Nedum duobus modis periti vti solent. Vno quum vtrunque sententiam eodem claudimus verbo: altero, quum suum vtrique sententiæ verbū damus. Primo modo sic, Funderè pro te sanguinem, nedum pecuniā. Secundo sic, Funderè pro te sanguinem, nedum pecuniā tibi crederem: & hoc affirmatiue. Negatiue sic, Non perderè pro te obolum, nedum sanguinem. Item, Non crederem tibi obolum, nedum pro te funderem sanguinem. Atque in affirmando, id quod plus est, maiorisque momenti, in prima parte est ponendum. In negando, id quod minoris. Plus est & magis momentosum, fundere sanguinem, quàm pecuniā. Et minus est & leuius, perdere aut credere obolū, quàm perdere aut fundere sanguinē. Imperiti verò hanc dictionē accipiunt pro non solū, sic dicentes, Nedū laborē pro te susciperem, sed etiam mortem. quod sic dicendum erat, Mortem pro te susciperem, nedum laborem. Aut per non solum (nam contrarius modus est per non solum & nō modo, ei qui est per nedum) sic, ne priora exempla commutemus, Non solum pecuniam pro te funderem, sed etiam sanguinem. Item, Non modo pecuniam tibi crederem, verū etiam sanguinem pro te funderè: & hoc affirmatiue. Rursus negatiue, Non modo pro te sanguinē non perderè, sed nec pecuniā. Itē, Non tantum pro te sanguinem nō funderè, verum ne obolum quidē tibi crederè. Hæc igitur differētia est inter nedū, & nō solū, siue nō tantū, siue nō modo. Aliquando tamē reperimus hoc posterius penè pro nedū accipi. Cicero Officiorum tertio, Huic igitur viro bono, quē Fimbria etiam, nō modo Socrates nouerat, nullo modo videri potest quicquam esse vtile, quod non sit honestum. Possemus dicere hinc pro non modo Socrates nouerat, nedum Socrates. sed nedū auget præpollētq; alteri parti cui adiūgitur, nō modo autē æquiparat.

Non modo,
pro nedum.

Ideoque puto Ciceronem voluisse æquare Fimbriam Romanū Socrati Græco, dixisseque illud nō modo sicut in quibusdā aliis exemplis. vt in eisdem Officiis, Ad quod est adhibēda actio quædam, non solum mētis agitatio. Et pro Plancio, Plura ne dicam, tuæ me lachrymæ impediūt, vestræque iudices, non solū meæ. Hic non ausim pro non solum dicere nedum.

E P I T O M E.

Nisi, in principio clausulæ verbo principali adhæret, atque indicatiuum desyderat: alibi etiam subiunctiuum, verbūque minus principale. Exempla patent in litera. Subiunctiuus modus, dicitur etiam coniunctiuus. Videtur autem nisi, compositum à ni & si, correptis tamen syllabis. Si, verò, quando rem affirmat, indicatiuum gaudet: vt in Bucolicis, Si nescis, meus ille caper fuit. Et in noto opusculo, Si Deus est animus, nobis vt carmina dicunt. vbi non habet subiunctiuū modum, quia non conditionalis, sed rationalis aut causalis est coniunctio: accipitur enim quasi pro quia. Eius autem naturam sapit compositum: quod in principio positum, indicatiuum idcirco efflagitat, quia non conditionalis, sed rationalis est coniunctio. Plautus, Nisi annuus penus mihi datur. Translator tamen in principio, quia conditionaliter accipit, subiunctiuo iungit in Psalmo, dicens, Nisi Dominus custodierit ciuitatem, frustra vigilat qui custodit eam. Dicit Aliàs, id est quādo non est principiū sententiæ, etiam subiunctiuum: quia indicatiuum quoque admittit. Terentius in Adelphis, Geminabit nisi caues. Quum autem dicitur in litera, Nisi adest verbū principale: illic nisi, est datiu casus. vt sit, Huic dictioni nisi adest verbum principale. Hic, id est in posteriore, non adest: bene reticuit autem, sed, & verò: quia verbū repetit, & vtitur hic, vt referatur ad propius. quia si volat irreuocabile verbum quod prius dicitur à nobis, plus differt, quàm quod posterius. Itaque fere prius dictum significamus per illud: posterius, per hoc, quod annotandum est.

De Nisi.

CAP. XIX.

Nisi, quoties principium sententiæ est, indicatiuum desyderat, aliàs etiā subiunctiuum. Cicero pro Milone, Nisi fortè putamus dementem P. Scipionem Africanū fuisse, quum per seditionem à C. Carbone interrogaretur, quid de Tyberii Gracchi morte sentiret, respondit iure sibi cæsum videri. Et Quintilianus, Nisi fortè imperatorem quis idoneum credit, in præliis quidem strenuum & fortem, & omnium quæ pugna poscit artificem, sed neque delectus agere, nec copias cōtrahere atque instruere, nec prospicere com meatus, nec locum capere castris scientem. Præter principia autem sententiarū: sic, Vapulabis, Terent. in nisi caues, vel nisi caueas. In illo superiore, Nisi adest verbū prin Adelph. cipale, hic non adest.

E P I T O M E.

Particula quòd, posita cū huiusmodi verbis Gaudeo, credo, opinor, puto, lætor, voluptatem capio, & similibus, tam indicatiuo quàm optatiuo seu subiunctiuo quadrat: cum his autem, cum quibus locum habet vt, cuiusmodi sunt Volo, cupio, desydero, iubeo, impero, exigo, postulo, & similia, tantum optatiuo. Cauebinus autē ne verba diuersorum modorum copulemus. Vnde, quanquam seorsum dicere licet, Gaudeo quòd scribis, & Gaudeo quòd me certiorem facias: tamen non dicam,

copulatum, Gaudeo quòd ad me scribis & certioré facias: sed sic, Gaudeo quòd scribis & certioré facis: aut sic, Gaudeo quòd scribas & certiore facias. quod in cæteris quoque est faciendū. Volunt enim copulatiuæ cōiunctiones, vt nomina eiusdē casus, ita verba eiusdē modi. Dixi cū quibus locū habet vt particula, quia huiusmodi particula, Vt, quòd, quin, ne, optant diuersa verba: nisi vt & quòd cōfundantur. Verbi gratia, dicā, Velim vt scribas, Oro vt ad me venias, Precor vt ignoscas. Non dubito quin mihi irascaris. Rogo ne mihi id vitio des. nec dicā, Non dubito quòd irascaris. Sæpe tamen omittimus particulas, vt & quòd. vt, Velim facias, Monui te ad me venire. Sæpe etiā mutamus orationem in verbū infinitiui modi, Monui te ad me venire, Velim te incolumem esse. Potissimū autē cum verbo Caueo, timeo, formido, & simili, ponimus verbū optatiuū aut subiunctiuū sine particula ne: vt, Caue feceris, vereor facias. Licet autē cauēdū sit ne verba diuersorū modorū copulemus: tamē interdū copulatur verba diuersorū tēporū: vt, Vocasti me, & ecce venio. Virgilius *Æneid.* 3, -ceciditque superbum Iliū, & omnis humo fumat Neptunia Troia. Vbi multi tamen dicunt, fumat, pro fumauit, positū per syncopen. sed diligētiore dicunt præsentis esse tēporis, & significari per diuersa tēpora naturā rerū. iā enim ceciderat Ilium, & tamē adhuc Troia fumabat humo. depingitur ergo natura incendiū, quod primo loco ardorē parit, deinde ruinā & casum, & demū fumū. Quādo ergo par nobis ratio est mutandi tēporis, poterimus & nos mutare. Vnde illud Venimus, in Euāgelio Matthæi, Vidimus enim stellam eius in oriente, & venimus adorare eum. potest esse præteriti tēporis prima longa & media breui: vt sit, Venimus istuc vsq;: aut præsentis tēporis, prima breui & media lōga: vt sit etiā Venimus adorare eū. Possunt etiā futura cum præsentis & præterito copulari: vt, Te amauī, amo, & amabo semper. & ita in cōsimilibus. Mallem tamē dicere, Qui erāt in naui, flebāt, quāam fleuerūt. Nec putabimus particulā Quòd esse barbarā, nisi ea vtamur male.

De coniunctione Quòd.

C A P. X X.

Quòd scribas gaudeo, & quòd scribis gaudeo, utroque modo dicitur. Volo quòd scribas, non autē quòd scribis. Illius superioris hæc similia sunt, Credo, opinor, puto, lætor, voluptatē capio, & reliqua: huius posterioris hæc, Mādo, iubeo, impero, exigo, postulo, & reliqua. In illo tamen superiore cauendū est, ne diuersorū modorū verba copulemus. quale foret illud Terentii, quod nōnulli sic legunt, An quòd viā ignorāt, an quòd iter perferre nequeant? Quū sit dicēdum, aut sic, An quòd viam ignorent, an quòd iter perferre nequeant? aut sic, An quòd viam ignorant, an quòd iter perferre nequeunt? Cui simile illud aliud est apud eundem, Nihil quum est, nihil desit tamen. quum sit potius legendum desit, non desit, vt bonis authoribus placet. Et in procemio Ciceronis ad Herennium sic quidam legūt, Et si negotiis familiaribus impediti, vix satis otii studio suppeditare possumus, & idipsum quod datur otii, libētius in philosophia cōsumere consueuimus. quum sit potius legendum possumus, vt modi concordent qui copula media coniunguntur. quanquam & sonus ipse, vtpote in cursu medio periodi, conuenientior est in possumus, quā in possumus. Est etiam alia causa, cur hoc nō liceat, quā modo subiungam.

EPI TOME.

Etsi, seu, *tametsi*, & quāquā, in principio statim orationū, epistolarū, librorūve posita, dignitatē quandam prae se ferūt, oprantque indicatiuū: secundo autē loco posita, etiam subiunctiuū recipiunt. Sed Quāuis & *Licet*, in principio rerū, nō magnae dignitatis collocata, subiunctiuū expetunt, ponūturque respectiue: nā cōfortiū huius particulæ Tamen desyderāt, sine qua Quāquā, etsi, & tametsi, rite ponūtur, praesertim interrogatiue. Neque tamen nunquā cum indicatiuo cōstructa legūtur.

Exempla patent in litera, vt in Quintiliano, *Etsi* iudices natura est. non, natura sit: licet sequatur vt videatur. Et apud eundem declamatio, subaudi, sic incipit, Quāuis iudices &c. Paucis autē datū est, huiusmodi elegātias ad vnguē obseruare, quæ tamen si à doctissimis obseruatæ sunt, nulli fuerint negligendæ. Cæterū tametsi nullam assignant grammatici rationē, tamen videtur nō nihil rationis subesse. Nā etsi, & tametsi, ac quāquā, cōponūtur ex iis quæ indicatiuū fere postulant. Si enim (vt iam dixi) quū rationalis est, indicatiuū exigit. Quāquam verò, videtur esse quasi quancūque, id est quātūcūque. quod nimirum indicatiuū desyderat. Licet verò & Quāuis, cōditionales sunt. Nam licet, natura est verbum, licet ponatur pro cōiunctione. quod dictū, vt sit exēplo, nobis id videtur valere, licet, id est licitū est: tamen vt ponatur pro cōiunctione, quia ergo videtur subaudiri vt, non est mirum si eius modū obtinet. At Quāuis, cōpositum est à quā & vis, quæ syllabica est adiectio: natura tamen, secunda persona verbi volo. quod (vt ostendi) opratiuū aut subiunctiuum, etiam suppressa coniunctione vt, sæpe post se habet: vt, Velim scias. Itaque quāuis, est quasi quantum vis: sicut quālibet, quantumlibet quæ optime sequitur facias, dicas, aut feceris, dixeris. Præter ergo doctissimorum obseruationem & consuetudinem, quæ nobis satis esse debebat, etiam natura vocabuli causam diuersæ constructionis nobis affert.

De *Etsi*, *Quāquam*, *Quāuis*, & *Licet*. CAP. XXI.

Etsi, quāquam, quāuis, licet, eiusdem significationis sunt, aliquid in vtendo discriminis habentia. Nam maior quædā dignitas data est primis duobus, quæ semper adsciscunt sibi indicatiuum duntaxat, in principio statim orationum, epistolarum, librorum. Alia duo in hoc loco raro: in cæteris, omnia indifferenter. Cicero in oratione pro Milone, *Etsi* vereor iudices. Et in epistola ad Atticum, *Etsi* nihil noui afferebatur. Et in opere ad Herennium, *Etsi* negotiis familiaribus impediti, vix satis otii studio suppeditare possumus, & idipsum quod datur otii, libentius in philosophia consumere consueuimus. Quintilianus in declamatione de corpore proiecto, * *Etsi* iudices in hac asperri- ^{*Etiam si.} ma conditione fragilitatis humanæ, in qua nemo propè mortalium impunē viuūt, hæc omnibus natura est, vt sua cuique calamitas præcipue misera atque intoleranda videatur. Cicero pro lege Manilia, Quāquam frequens conspectus vester mihi multo iucundissimus, hic autem locus ad dicendum amplissimus, ad agēdum ornatissimus est visus Quirites. Idem de officiis, Quāquam te Marce fili annum iam audientem Cratippum, idque Athenis, abundare oportet præceptis, institutisque philosophiæ. Lactantius tamen secundum librum de institutione sic incipit,

Quamquam libro primo religiones deorum falsas esse mōstrauerim. Alia duo magis postulant subiunctiuum, nonnunquam tamen & indicatiuum, vt dixi. vt apud Horatium sic quædā epistola incipit,

Quauis scæua satis per te tibi consulis, & scis.

In AEgro redempto.
*potuerim.

Et apud Quintilianū declamatio, Quauis iudices in tanta malorum cōtinuatione iam . poteram nihil ex accidētium meorum nouitate mirari. In aliis partibus quā in principiis, parem omnia hæc locū sortiūtur. Habent & hoc differentix duo priora à duobus posterioribus: quòd illa aliquando eodem modo, quē de Nisi ostēdimus, à nullo depēdent. Cicero pro Marcello, Quid enim est omnino hoc ipsum diu, in quo est aliquid extremum: quod quū venerit, omnis voluptas præterita pro nihilo est, quia postea nulla futura sit? quamquam iste tuus animus nunquā his angustiiis, quas natura nobis ad viuendum dedit, contentus fuit: semperque immortalitatis amore flagrauit. Nec verò hæc tua vita dicenda est, quæ corpore & spiritu continetur. Hoc fit acrius per interrogationem, ac sublimius, vt (ne si alia exempla afferā, longior sim) si dicamus hoc idem sic, Quamquam quis ignorat istum tuum animum nūquam his angustiiis, quas natura ad viuendum nobis dedit, fuisse contentum, semperque immortalitatis amore flagrasse? De Et si, siue Tamet si (idem enim sunt) & apud eundem, & apud alios reperienda relinquimus exempla huiusmodi, licet pauciora. Vnum ex Plinio satis sit, ad Cornelium Priscum, Dedit enim mihi quantum maximum potuit, daturus amplius, si potuisset. tamet si quid homini dari potest maius quā gloria, laus, & æternitas? Hic nō possis ponere Licet & Quauis.

EPITOME.

Quum, quando habet post se tum, quando videlicet significat partim, sed in re minore & minus euidenti quā tum: tunc vtrunque vno fere verbo contentum, postulat fere indicatiuum, nisi particula alterius modi præcedat. Sed quū pro quāuis, habens post se tamen, subiunctiuum efflagitat, quem priore modo, nō semper, sed frequenter euitat. Prior autē modus bifariam contingere solet: aut vt generale aliquid præcedat, sequatur speciale: aut vt ambo sint specialia, vt litera declarat. Tum vero duplicari ac multiplicari solet, quando res sunt pares: quomodo &, ac, partim, repeti solent. Dico, Quando habet post se tum, vult quū præponi, & tum sequi. Nā quando dico, Vir quū sapiens, tum bonus: sensus est, quū vero simile sit, aut manifestum quòd sapiens est, tum id est vero similis & manifestius quòd bonus. Addo, Nisi particula alterius modi præcedat: quia Cicero quādo præmisit vti, id est vt, subiunxit subiunctiuum: sic, Factum est vti quū summū &c. Vnde licet dicere, Precor vt filius meus quum prudens tum bonus euadat. Accipitur etiam pro quauis, vt in litera patet: & pro quando, id quæ fere cum indicatiuo, vt in prologo primi huius, Quum sæpe mecum nostrorum maiorum res gestas, aliorumque ve

regum vel populorum considero. Quum faciam vitula pro frugibus, ipse venito, in Bucolicis. Vbi faciam, futurum est indicatiui modi: vitula vero, ablatiui casus, vt sit, faciam rem diuinam. Nam facere & operari, quum nihil additur, de re diuina intelliguntur, vt, Lætis operatus in herbis. Cæterum (quod ad rem magis attinet) de Partim, alibi erit differendi locus. nam interdum accipitur pro aduerbio, vt suo loco declarabimus. De Tum dico, quando res sunt pares, id est eiusdem ponderis & momenti: quasi vna aut altera minor sit, præponenda fuerit illi Quum particula, vt dictum est. Parum autem discrepant quum & tum, etiã his modis, à significatione nota, quæ sunt quando & tunc. quia si dicatur, Hic vir quando bonus censendus, tunc facundus: sensus sit, Quado id probari poterit quod bonus sit, censendus tunc. id est multo amplius probari poterit quod facundus sit censendus, quia multo excellentius apparet in eo facundia, quam bonitas. Quod autem talis sit sensus, patet ex eo, quod sæpe particula tum addimus particulam auctiuam: vt AEncidos secundo, Tum verò ardemus scitari, & quærere causas. Tum verò, id est tunc præsertim, & quasi ad verum, quum prius dissimulate id visi simus fecisse. Dixi, Fere contentum vno verbo: vt si dicam, Vir est quum bonus, tum facundus, vnum est verbum. possunt tamen plura esse verba, præcipue si in significatione verborum sit incrementum & decrementum: vt, Quum te semper coluit, tum amauit. id est quum manifestarium atque in concessio sit quod te semper coluit, tum id est multo manifestius, atque magis cõcedendum est quod te semper amauit, quia non coluisset nisi amasset. Quando autem Quum habet subiunctiuum, non penitus significat id quod quauis, sed quasi, hoc est, quum ita sit quod. Vnde inepte ille opusculum suum de moribus incœpit, qui dixit, Quum nihil vtilius humanæ credo salutis: quum (si versus pateretur) dicendum esset, credam, nõ credo. Habet etiã Tum, vsu in rebus enumerandis hoc ordine, vt primæ demus primum, secundæ deinde, tertiæ, quartæ, quintæ, & omnibus aliis vsque ad vltimum tum. vltimæ autem denique, aut demum, aut ipsum vltimum, vt alibi latius declarabitur. Non enim omnia sunt in vnum locum congerenda.

De Quum & Tum.

CAP. XXII.

Quum & tum indicatiuum ferè postulant. Est autem in quum quiddam minus, in tum quiddam maius. Et hoc duobus modis, vt aut generale aliquid præcedat, speciale sequatur, aut ambo sint specialia. Primo modo sic, vt apud Quintilianum, Quod quum omnibus confitendum est, tum nobis præcipue, qui rationem dicendi à bono viro nõ separamus. id est omnibus multum, mihi verò maxime. Altero modo apud eundem, Quod opus Marcelle Victoris tibi dicamus: quem quum amicissimum nobis, tum eximio literarum amore flagrantem, dignissimum hoc mutue inter nos charitatis pignore iudicabamus. id est multum propter amorem tuum in nos, plus tamen propter amorem in literas. Vix aliter reperias, quale est Cicero in Verrem, actione prima, Factum est, vti quum summum in veteribus patronis multis, tum nonnullum etiam in me præsidium suis fortune constitutum esse arbitrentur. Sed hoc loco adiectiua sunt, quæ distinguant illud plus, & illud minus. In cæteris locis ferè adiectiua non adhibentur, qualia nunc sunt summum & nonnullum. Raro autem alius modus quàm indicatiuus

In præfatione primi libri.

Cap. I.

*laudibus.

*fortunam.

*è vita disce-
deret.

conuenit, quale fuit proximum exemplum. Idem Quintilianus in secundo, Quid autè est ex his, de quibus suprà dixi, quod non quum in alia, quæ sunt rhetorum propria, tum certe in istud iudiciale causæ genus incidat? Cicero ad Curionè, Graui teste priuatus sum amoris summi erga te mei, patre tuo clarissimo viro: qui quū suis * virtutibus, tum verò te filio superasset omnium * fortunam, si ei contigisset, vt te antè videret, quàm * vita decederet. Nunquam hoc fit, nisi sub vno verbo. quòd, siquādo sub duobus fieret, nunquam tamen in diuersis verborum modis, diuersisve temporibus, vt fecit Boetius in principio tertii (vt reor) de dialectica libri, Quum in omnibus philosophiæ disciplinis ediscendis atque tractandis, summū in vita positum solamen existimem, tum iucundius, & veluti quū quodam fructu etiam laboris arripio, quæ tecum communicanda compono. Nisi fortè putamus hoc eodem modo pro Deiotaro incepisse Ciceronem, Quū in omnibus causis grauioribus C. Cæsar, initio dicendi commoueri soleā vehemētius quàm vel vsus, vel atas mea videtur postulare, tum in hac causā ita me multa perturbant. tamen dicitur, non tum. Respondet enim ad illud quum, pro quanuis. vt alio idem in loco, Satisne constanter facere videamur, qui quū præcipi nihil posse dicamus, tamen & aliis de rebus differere soleamus, & in hoc ipso tempore præcepta officii prosequamur? quum scilicet, pro quanuis. Aut si scribitur tum, nō tamen: scribendum etiam erit soleo, non soleam, quale est illud in procemio quarti libri Tusculanarum quæstionum, Quum multis in locis nostrorum hominum ingenia virtutisque Brute soleo mirari, tum maxime his in studiis, quæ sero admodum expetita in hanc ciuitatem è Græcia transtulerunt. Idem author opus de natura deorum sic inchoat, quod quidam deprauare solent, dicentes sint pro sunt, Quum multæ res in philosophia nequaquam satis adhuc explicatæ sunt, tum perdifficilis Brute (quod tu minime ignoras) & perobscura quæstio est de natura deorū. Priscianus quoque vix grammaticè locutus est in procemio magni operis, & quidem in prima dictione, atque adeò in prima syllaba, dicens, Quum omnis eloquentiæ doctrinam, & omne studiorū genus sapientiæ luce præfulgens à Græcorum fontibus deriuatum, Latinos proprio sermone inuenio celebrasse, & cætera. quæ tanta sunt præcedentia verbum principale, vt nō modo Demosthenes, qui contenta voce, & vno spiritu complures versus pronuntiabat: aut Hercules, qui sine respiratione vnum stadium decurrebat: sed ne Nouellius quidem Torquatus Mediolanensis,

Quintil. lib.

II. cap. 3.

qui vno spiritu tres vini congios siccabat, posset illam sententiā, atque periodum, vna vocis contentione pronūtiare. tandem verbum principale subiungit, Conatus sum pro viribus rem arduā quidem, sed officio professionis non indebitam, supra nominatorum virorum præcepta, quæ congrua sunt mihi visa, in Latinum transferre sermonem. Quum inueniam erat dicendum, aut quoniā inuenio. Sed ad Tum reuertamur, quod sæpe sine Quū ponitur geminatum, triplicatum, & in quauis longum multiplicatum. Sed quantum ego sentio in rebus paribus. vt Quintilianus, Nec indignetur Herodotus æquari sibi Titum Liuium, tum in narrando miræ iucunditatis, clarissimique candoris, tum in concionibus (supra quā enarrari potest) eloquentem: ita dicuntur omnia tum rebus, tum personis accommodata. Taceo de eo modo quando accipitur pro aliquando. vt, Tum hoc, tum illud dicas. id est, aliquando hoc, aliquando illud: vel, modo hoc, modo illud.

Lib. 10. cap. 1.

Cic. in Lælio.

E P I T O M E.

Quidem trifariam accipi solet. Primo ad distinguendas res, poniturque sic in priore aut prima particula sequente autem, vel vero, vel vtroque. Secundo per cōcessionem eius cui adhæret, sed subsequēte exceptione cum particula Sed, verum, veruntamen, at, cæterum, tamen, attamen, sed tamen. Subditur autem sic venuste post pronomen Ille. Tertio per affirmationem, quasi pro certe: aut per exclusionē eius cui maxime videtur posse conuenire quod sequitur, idque sine dictis particulis, sed præcedēte nec, aut ne, & posito quod excludere volunt, in medio. Exempla in litera patebunt. Tertii autem modi, quia amplior est quā in litera, habētque duo membra: prioris membri exemplum est, Nemo doctus, quod quidem sciam, hoc dixit. Sequentis, hoc est, Ne Deus quidem ipse posset facta infecta facere. At ne rex quidē ipse populo illi formidini sit. rex dico ipse, qui tamē potissimum esse possit. Ponitur autem in primo modo Quidē, in priore aut prima particula. in priore, si tantū duæ sunt: in prima, si plures. verbi gratia, in priore sic, Omnes stabunt ante CHRISTI tribunal: boni quidē ad dextram, mali verò ad sinistram. In prima autē sic, Omnes homines tandem addicentur: boni quidem ad gloriam, mali verò ad tormenta: porro neutri, vel neutri autem (id est infantes qui è Christianis nati sunt, sed non renati in CHRISTO) ad priuationem vtrorūque. De secundo modo, omnia sunt exemplorum plena: vt, Bene quidem prædicas ac præcipis, sed male viuīs. Prudenter quidem scripsisti, sed insipienter vixisti. Multi quidem bene incipiunt, verum perquam pauci perficiunt honestam vitam. & ita in infinitis aliis. Gaudet autem sic particula ille illa illud, vt in litera satis declaratur.

De Quidem.

CAP. XXIII.

Quidem, duobus tribusve modis accipi solet. Vno modo ad distinguendas res, quod apud Græcos penē nimis fit sæpe. vt, Vnus quidē in sic, alius autem sic. Ego quidem Romæ sum, tu verò Athenis, frater autē Alexandria. Altero autē quasi per exceptionē illius quod affirmes, vt apud Marcum

In infami in
matrem. I.

Fabium, Torquebis quidem filium, sed fatebitur mater. Adeo, ut apud hunc & M. Tullium, nunquam coniungantur Quidem & Ille, quin huiusmodi sequatur exceptio. ut de Officiis libro 3, Ab optimis illis quidem viris, sed non satis eruditis. Et de amicitia, Qui autem in virtute summum bonum ponit, præclare illi quidem, sed hæc ipsa virtus amicitiam & gignit & continet. Dicendum erat, præclare hi quidem, ut in pronomiis ostendimus, potius quam illi. sed hoc fecit, ut Ille coniungeretur cum Quidem. In superiore modo tantum duabus comitibus Quidem uti potest, quæ sunt Vero & Autem: in hoc secundo pluribus potest, præter has duas, verum, veruntamen, at, sed, cæterum, tamē, attamen, sed tamen. Atque in hoc secundo modo ipsum quidē alternatim poni potest, nunc in laudem, nunc in vituperationē. atque id aut à vituperatione incipiendo, & finiēdo in laudem: aut incipiendo à laude, & finiēdo in vituperationem. ut, Tu lentus quidem es & piger, sed tamē fidelis. Rursus, Tu quidem fidelis es, sed tamē lentus & piger. Tertio modo, quo plenus est etiā sermo vulgaris, nullo autē, aut vero, aut sed, aliāve coniūctione simili sequente, sicut & hæc ipsæ nonnunquam sine quidem sunt. Cicero, At enim nemo (quod quidem magis credo) aut si quisquam est, ille sapiens fuit.

E P I T O M E.

Vero & Autem, subiunctiui sunt ordinis, idēque significant: sic tamen ut interdum nusquam referantur, sed solum ad distinguendas sententias ponantur: verū differunt in utendo, quia non eisdem sociantur. dicimus enim, Neque vero, & nec vero, concinnius, quam neque autem, nec autem. Tum verò potius, quam tum autem. quod vix audeas dicere. Itē Age verò, sane vero, enimvero, iam vero, at vero, potius quam Age autē, sane autē, enim autē, iā autē. quæ duo postrema, nequaquam dicam. Incipimus præterea maiora quædam capita per vero, potius quam per autem. Ediuerso, non autem potius dixeris, quam non vero: licet recte & indifferenter dicatur, vero non, vel autem non, sine repetitione eiusdem verbi. Nam quoties hæc particula Vero & Autem, ponuntur cū negatione: non convenit in contradictione verbum non longe positum repeti, sicut convenit quando sola negatio præcedit aut sequitur. Poetæ tamen illud non observant. Porro, idem significare videtur quod autem & vero: sed communis est ordinis. unde dicere licet, Age porro, sicut age vero: sed in principio orationis licet dicere, porro qui: ubi per autem & vero diceretur, qui autem, vel qui vero. Habētque Porro, alias apud poetas significationes ut longe, certe, postea, & ultra significare videatur, unde sæpe in medio invenitur. Exempla fere patent in litera. Cui adieci has particulas, potius, concinnius, venustius, &c. sic enim ubique intelligendum est, ut author ipse protestatur. Quocirca parum militat contra ipsum quod assert Mancinellus. Est tamen utile cognitu, ne nullos affirmemus secus locutos: dicit enim sic, Neque autē, qui dixerit: recte quidē dixerit. Apuleius enim libro primo Floridorum sic ait, Proconsulis autem tam bella sententia est: qua semel lecta, neque augeri litera vna, neque autē minui potest, &c. Quod quidem Laurentius item notasset si tunc fortē occurrisset ei. Apuleii enim authoritas apud Laurētium valuit. Unde ubi de pulvisculo scribit, ait, Masculino ta-

me protulit Apuleius. Dixit enim, nobilem puluisculum. Affert & alibi Apuleii authoritatem. Non vero, quoque dicere licet. Tullius nanque in Catone maiore seu de senectute sic ait, At ii quidem iam mortui sunt: non vero tam iste, quàm tu ipse nugator &c. Præterea iam autè, rectè dici poterit. Curtius enim libro nono sic ait, Iam autè scietis, & quantū sine rege valeat exercitus, & quid operis in me vno sit. Hæc ille. Quorum quia singula affert exempla, ostendunt rarum contrarium esse vsum, minuscule elegantem.

De Vero, Autem, Porrò.

C A P. XXIIII.

Vero & Autem idem significāt, & eodem in loco poni possunt, antecedente vtique aliqua dictione. Nūquam enim ab his sententia incipit. Collocantur autem frequēter, vt nusquam referantur, sed tantum distinguant sententiam à sententia, vt mea ipsius verba declarāt, vbi sum vñus modo autem. Habent tamen aliquando nescio quid differētiæ in vtendo. Cur nanque non dicimus, neque autem, sicut neque verò? vt **Quintilianus**, Neque verò me Lacedæmonii atque Athenienses magis mouerunt, quàm populus Romanus, apud quā summa semper oratoribus dignitas fuit. Item, tum propter hoc, tum verò propter illud: non autem, tum propter hoc, tum autem propter illud. Contrà, non dicimus, non vero, sicut non autem. vt **Sum** tibi amicus, non autem assentator. muta illud aduerbium, & habebit locum vero, sic: **Sum** tibi amicus, assentator vero non, vel, assentator autem nō. & in quibusdam similibus. Incipimus enim maiora quædam capita per vero, potius quàm per autem. **Virgilius** Iunonem cum Venere sic loqui incipientem facit, **Egregiam** vero laudem, & spolia ampla refertis, **Tuque** puerque tuus. Et ad **Seruium Sulpitium** scribens **Cicero**, ita epistolam incipit, **Ego vero** Serui vellem (vt ais) in meo dolore affuisses. Præterea non ita dicas, age autem, sanè autem, iam autem, enim autem, at autè: vt age vero, sanè verò, iā vero, enim vero, at vero. Atque vt in quibusdam locis hæc duo, & cætera similia à me prius enumerata habent gratiam, si ponantur: ita in quibusdam non habent. quale est, quum idem verbum repetitur, hoc modo: **Quintilianus**, Ego propter patrem mori possum, coram patre non possum. non rectè dicas, coram patre autem non possum, nisi recticeas verbum, sic: coram patre autem non. Atque hîc sequitur negatio, aliquando autè antecedit. **Cicero**, Tu quū principem senatorem auunculū domi habeas, ad eū non refers, ad eos refers, qui suā domū non habent, tuā exhauriūt. Quare non de eomo do intelligitur, quoties verbū sine contrarietate repetitur. vt **Idè**, Tribues his tēporibus quantū poteris, poteris autè quantū voles.

Neque vero.

Tum vero.

Non autem.

4. A. Encidos.

Age vero.

Sane vero.

Iam vero.

Enim vero.

At vero.

In veneno effuso.

Verbi repetitio quando licita.

Cicero in peroratione officiorum.

Neque quoties aliquid prælongū est, aut nonnihil immutatur, vt idem in Verrem, actione 1, Nō enim (inquit) illud peto, quod solco, quum vehementius contendi, impetrare: vt reus absolua-
tur non peto, sed vt potius ab hoc, quàm ab illo accusetur, id pe-
to. Et in Philippicis 11, Ego autem veteranos tueri debeo, sed eos
quibus sanitas est, certe timere non debeo. Tale nō fuit Lactan-
tii, qui ait, Sed (vt dixi) venia concedi potest imperitis, & qui sa-
pientes se non fatentur: his verò non potest, qui sapientiam pro-
fessi, stultitiam potius exhibeant. Ego dixissem, his non potest.
Poetæ hoc non seruant. Virgilius,

Non erit auxilio nobis Aetolus & Arpi;

At Mesapus erit. Ouidius,

Non formosus erat, sed erat facundus Vlysses.

Porro.

Porro, licet eiusdem significationis sit, cuius verò & autem: ta-
men, vt puto, pro illis ponere non possis: nonnunquam tamen
eundem locum sortitur, vt Age vero, age porro. sed illud nūquā
in fronte sententiæ collocatur, hoc autē sæpius: vt Quintilianus,
Porro qui confessum defendit, non absolutionem sceleris petit,
sed licentiam. Per illa diceremus, qui vero, vel qui autem confes-
sum defendit. Apud quosdam, & præsertim poetas, volunt signi-
ficare longe, certe, postea, vltra. Ideoque sæpe nō in principio sen-
tentiæ, sed in medio inuenitur.

E P I T O M E.

Siquidem, quādo vna pars est, rationalis est coniunctio, significans idē quod nam.
Quādo duæ partes, si, est conditionalis: & quidē, quasi certe: quo modo deberet si
produci, quū tamē ab Ouidio corripiatur. Accurate autē annotādū est quādo duæ
sunt partes. nā in significādo lata est differētia, vt litera dilucide docet. In Quinti-
liani autē exēplo, vbi dicit, velut muneri, id est in munus, aut pro munere: non est
legendū numeri, neque munerū. Et paulo post, Siquidē & remigem cātus hortatur:
hoc est remigantem, non autem regimen, vt quidam imprefferunt.

De Siquidem.

C A P. XXXV.

Siquidem ex si & quidem compositum videtur. sed cur nec
primam syllabam lōgam habet, quū si longa sit: nec signi-
ficationem alicuius harū vnde componi dicitur dictionum?

Lib. 1. cap. 17.

Est enim siquidem, idē quod nam, vt apud Quintilianū, Atque
natura ipsa videtur ad tolerādos facilius labores musicam velut
muneri nobis dedisse: siquidem & remigem cantus hortatur. Et

Philip. 2.

Ciceronē, Confiteor eos nisi liberatores populi Romani, cōser-
uatorēsque reipublicæ fuerunt, plus q̄ sicarios, plus q̄ homicidas,
plus etiā quàm parricidas esse. siquidē est atrocius patriæ parentē,
quàm suū occidere. Nonnulli non internoscūt, quando siquidē
est vna dictio, quando duplex: quod internoscere facile est, vt a-
pud eosdem ambos. Priorem lib. 4, Quare illud stultissime præ-

cipitur, quod defendi non potest, silentio dissimulandum: siquidem est id de quo iudex pronuntiaturus est. At si extra causam sit adductum, & cætera. Posteriores pro Milone, Deinde profectus est id temporis, quum iam Clodius (si quidem eo die Romam venturus erat) redire potuisset. Et pro Flacco, O morem præclarum disciplinamque, quam à maioribus accepimus, si quidem teneremus: sed nescio quo pacto iam de manibus elabitur. In hoc tamè significato apud Ovidium reperitur libro quarto Fastorum prima syllaba breui, tanquam sit dictio composita,

Sed si fortè tibi non est mutabile pectus,

Státque semel iuncti rumpere vincla thori:

Hoc quoque tentemus, si quidem ieiuna remansit:

Sin minus, inferni coniugis vxor erit.

Idem libro tertio sine titulo,

Quæ mihi ventura est, si quidem ventura senectus,

Quum desit numeris ipsa iuuenta suis?

In altero significato apud Lucanum libro quarto,

Hoc siquidem solo ciuilis crimine belli

Dux causæ melioris eas.

E P I T O M E.

Sin, raro ponitur nisi præcedat si, saltè subintellectum, idemque est quod sed si, aut sin autè: quod posterius, non includit negationem, sed oppositionem: nisi addatur minus, aut alia particula negatiua. neq; si, idè est quod siquidè, licet Seruio videatur. Apud quosdam præstantes viros, Hieronymum præcipue nõ notat, ut cuius non sunt illa Apoca. 2. verba: nec similiter in Euangelio: nam alterius putatur translatio.

De Sin.

C A P. X X V I.

SIn pro si, nunquam in prima parte collocatur, sed in secunda, ubi ferè duorum est oppositio: atque hoc siue vocali sequente, siue consonante. Terentius, Si illum relinquo, eius In Andria vitæ timeo: sin opitulator, huius minas. Et alibi, Si hoc celetur, in In Phormio metu: sin patefit, in probro siem. Nonnunquam sin vnum re- ne Antipho. peritur, sed quod secundi loci vicem obtineat. ut Sallustius, Impe- In Iugurtha. rat, ut pretio, sicuti multa cõfecerat, insidiatores Masinissæ paret, ac maxime occulte. Sin id parum procedat, quouis modo Numidam interficiat. id est, si potest, occulte: sin non potest, utcunque. Quorundam tamen vsus est, ut dicant, sin autè, pro eo quod est si non: quasi in sin, aut in autè, sit negatio. Mirarèrque de vulgo, nisi id apud quosdam præstantes viros reperirem. Quale est illud in Apocalypsi, Sin autem, venio & mouebo candelabrum tuum. quum præsertim paulo pòst dicatur, Si quo minus, veniam. Ego verò in utroq; dixissem, sin minus, vel sin aliter. Et in Euangelio, Si ibi fuerit filius pacis, requiescet super illum pax vestra:

sin autem, ad vos reuertetur. Et alibi, Siquidem fecerit fructum: sin autē, succides illam. in quibus omnibus Græce negatio adest. Seruius vult nonnunquam, si, accipi pro siquidem: vt ibi, Tua si tibi Mænala curæ. quod mihi minime placet.

E P I T O M E.

Quippe, vtpote, profecto, vtique, nempe, nimirum, sane, certe vel certo, similia sunt in significato, quàm siquidem: non multum tamen ab eo differunt, præsertim duo, quippe & vtpote, quæ causatiuæ sunt. Nā quippe, videtur esse quia certe. vnde quippe, siquidem, nam, nanque, etenim, præcedente aliqua particula, reddunt præcedētis dicti causam. Quoniam autem, exorditur causam. vnde idē dicere possum per quoniam in principio positum, & per quippe secundo loco, sequente quū, aut relatiuo, aut etiam sine vtroque. Vtpote autem, simillimum est quippe: nisi quòd verbum suum non habet: habet enim post se quū, vel relatiuū, sicut quippe. Profecto & vtique, affirmant: sed vtique à Cicerone non frequentatur, sicut profecto. sunt autem ambo apta responsioni, quū nos iidē interrogamus & respondemus, sicut & certe & nimirum: sed maxime omnium nempe, quod tamen nō præcedente interrogatione etiam in principiis locum habet, vt, Nēpe hoc assidue, Nēpe hoc quæsisiti. In quibus tamē tacita videtur præcessisse quæstio. Sane, & affirmatiue, & pro valde accipitur, nonnunquam cum superlatiuo, & permissiue. Certe, modo affirmat, modo pro saltem accipitur, sicut at. Quū & vero, semper affirmat, vt, Et certe, apud Ciceronem: sicut, Et sane, apud Quintilianum. Cum verbo scio, dicitur potius, certo, quàm certe. Hæc summa est. Exēpla patent in litera. Mancinellus huic vltimo adiicit nonnihil, dicens, Hic addam dici quoque certum scio. Valerius Maximus libro 2. cap. secundo, Nam oculos tuos, certum scio, clarissima in luce tenebris offusos, ingens opus animi intueri nequiuisse. Inuenitur & sæpe certe scio. Hæc ille.

Mancinellus.

De Quippe, Vtpote, Profecto, Vtique, Nempe, Nimirum, Sanè, Certè.

CAP. XXVII.

Quippe & vtpote, profecto, & vtique, nempe & nimirum, sanè & certe vel certo, similia sunt quidem in significato, quàm illud quod modo dixi (de siquidem loquor) sed ad hoc ipsum proxime accedunt, præsertim duo, quippe & vtpote: quæ licet vulgo accipiantur pro certe, cui non omnino equidē repugno, tamen malim accipere pro causatiuis. vt Quintilianus, Falsa enim est querela, paucissimis hominibus vim percipiēdi quæ tradantur esse cōcessam, plerōsque vero laborem ac tēpora, tarditate ingenii perdere. Nam contrā, plures reperias & faciles in excogitando, & ad discendum promptos. Quippe id est homini naturale: ac sicut aues ad volatum, equi ad cursum, ad sæuitiam feræ gignūtur: ita propria nobis est mentis agitatio atque solertia: vnde origo animi cælestis creditur. Atque licet huiusmodi dictiones eodem tendant, tamen vsu dissident, & quasi diuerso itinere ad idem perueniunt. Vt enim pro quippe hoc in loco recte dicam siquidem, vel nam, aut nanque, vel enim, aliqua dictione antecedente, ad hunc modum, Id enim est homini

Quippe.
Vtpote.

Lib. 1. cap. 1.

naturale : Ita rarius per quoniam, quæ coniunctio habet alium suum usum, qui nulli horum alteri cōcedatur, ut in hoc Tulliano exemplo, Quoniam utriusque consilii causam P.C. probatā vobis esse confido, priusquam de republica dicere incipio, pauca loquar de hesternā M. Antonii iniuria. Hoc idē per quippe sic dicam, Priusquam de republica dicere incipio P.C. pauca loquar de hesternā M. Antonii iniuria. Quippe probatam vobis esse cōfido causam utriusque consilii. Vel, quippe quā probatam vobis esse confidam. Vel, quippe qui probatam vobis esse confido, vel cōfidam. Huic simillimū est utpote, præterquam primo modo. Non enim habet suū verbum, quale foret, Utpote id est homini naturale. In cæteris omnibus usum eundē habet. Plinius de nat. hist. Utpote quum quidam anno & biennii spatio durauerit. Cicero ad Atticū, Me incommoda valetudo, qua iam emerferam, utpote quū sine febris laborassem, tenuit. Idem ad eundē, Ea nos (utpote qui nihil contemnere solemus) non pertimescebamus. Et in Philippicis, Lucius quidē frater eius, utpote qui peregre depugnauit, familiā ducit. Sallustius in Catilinario, Antonius procul aberat, utpote qui magno exercitu locis æquioribus expeditos in fugam sequeretur. Hic subiunctiuo, ille indicatiuo usus est. Nonnūquam sine quum, & sine relatiuo reperitur, & nescio an frequētius, cuiusmodi esset hoc, Antonius aberat à bello, utpote æger ac iacens in lecto. In qua forma etiam reperitur quippe: ut Quintilianus, Si alienū & ignotum, tamē quæ communis omnium mortalium, quippe sub vno parente, naturæ cognatio est, hominem cibo fortē iuuissem pœna dignū: viderer seruasse perituram animam. Titus Liuius libro tertio, Notam iudici fabulam petitor, quippe apud ipsum authorem argumēti peragit. Profecto autem, & Vtique, sine dubio affirmant, sed hoc secundū nunquam, aut ferē nunquā apud Ciceronē, apud posteriores frequent. ut Quintilianus, Sed solent huiusmodi negotiatores aliquid proprium ac priuatum stipulari, utique quā alienam rem vendunt. Quod non ita solet ad responsionem adhiberi, ut illud alterum: ut Cicero, Quis hæc renuntiat? is profecto qui interfuit. Licet idem facere per certe: ut idem, Tantam sollicitudinem bonorum, tātum timorem omnium in quo meminimus: certe in nullo. Et per nimirū: ut Quintilianus, Demus id quod nullo modo fieri potest, idem ingenii, studii, doctrinæ, pessimo atque optimo viro, vter melior dicetur orator? nimirum qui homo quoque melior. Sed vsitatum omnium maxime est nempe: ut Cicero, Apud quem hæc dico? nempe apud eum, qui quum hæc

Quoniam.

Philipp. i.

* querat

Profecto.

Vtique.

Nimirum.

Nempe.

Sanè.

Certè.

At.

Et certè.

Et sanè.

sciret, me tamen antequam vidit, reipublicæ tradidit. Nonnunquam sine interrogatione. Horatius enim quandam epistolam sic inchoat, Nempe hoc quæsisisti. Et Persius, Nempe hoc assidue, dixit. Quintilianus quoque inquit, Nempe enim in hoc plurimum laboris exhausimus, ut rhetoricen ostenderemus bene dicendi scientiam, & utilem, & artem, & virtutem esse. Sanè, tum affirmatiue sumitur, ut Ita sanè, sanè vero: tum pro valde, ut Homo sanè nobilis: interdum cum superlatiuo, ut Suetonius de vita Cæsaris, Bellum sanè difficillimū gessit: tum permissiue, quoties aliquid aduersario tribuimus, ut Sit sanè ut ais. ut Quintilianus, Tulerit sanè filius noster merito poenas, dederit spiritū supplicio, nihil de præterito loquamur. quasi esto, ita sit ut vis. Certè, modo affirmat, modo pro saltem accipitur: ut, Non potero tangere? certè potero videre, vel at certè. Ideo dixi quòd pro saltem accipitur, quòd hanc eandem sententiam nihil differre puto ab ea, quæ est, non potero tangere? saltem, vel at saltem potero videre. Adiungitur autem illud at, quomodo iungitur sed cum tamen, licet alterum eorū sufficeret. Significat enim nonnunquam at, idem quod saltem, ut in illo Virgiliano, At Mæcenas erit. Certè coniuncta cum coniunctione &, semper affirmat: ut Cicero, Et certè contra Cæsarem est ingressus armatus. apud Quintilianum, Et sanè frequenter. ut libro primo, Et sanè quis cōcipiat vel declamantis habitum, vel orantis vocem, incessum, pronūtiationem, illum denique animi & corporis motū? Certe, coniuncta cum scio, similibusque verbis, solet mutare e in o, ut certo scio: sicut dicimus manifesto scio pro manifeste, aperto pro aperte, liquido pro liquide, tuto pro tute, & similia.

E P I T O M E.

Vt, accipitur eleganter pro quippe seu vtpote, sequente cum, aut relatiuo: interdum etiam quasi pro secundum quod. Exempla in litera clarissima sunt.

De Vt.

CAP. XXVIII.

In Gladia.

VT pro quippe siue pro vtpote accipitur sequente relatiuo. ut Quintilianus, Quum me, ut cuius interiecto mari, nō fortunam quisque nosse, non natales, non patrem poterat: vna tamen res faceret, apud quosdam miserabilem, quòd videbar inique cōparatus. Et alibi, iam illud diximus quanto plus nitoris & cultus demonstratiuæ materiæ, ut ad delectationem audientium compositæ, quàm quæ sunt in actu & cōtentione suæ fori iudicialesque permittant. Vbi est ut, licet ponere quippe, vel vtpote. Quintilianus, ut frequenter vtitur, vtpote autem raro. Et alibi, Nec ignoro igitur quos transeo, nec vtiq̃ue damno, ut qui

Lib. 10. cap. 1.

dixerim esse in omnibus utilitatis aliquid. Et alibi, Theopompus his proximus, ut in historia prædictis minor, ita oratori magis similis, ut qui antequam est ad hoc opus sollicitatus, diu fuerit orator. Aliquando accipitur quasi pro secundum: ut Cicero, *Qui* sermo, quæ præcepta, quanta notitia antiquitatis, scientia iuris, augurii? multæ etiam, ut in homine Romano, literæ. id est secundum id quod solent scire Romani. Et alibi in Bruto, Posteaque Clisthenem, multum, ut temporibus illis valuisse dicendo. id est secundum illorum temporum eloquentiam. Et iterum, Denique hunc proximo seculo Themistocles infecutus est, ut apud nos perantiquus, ut apud Athenienses non ita sanè vetus. Et iterum atque iterum in eodem Bruto, Fuit, ut temporibus illis, lullatus. Erat quum literis Latinis, tum etiam Græcis, ut temporibus illis, satis eruditus. Erat etiam in primis, ut temporibus illis, Græcis doctrinis institutus. Quorum utriusque orationes sunt in primis, ut Asiatico in genere, laudabiles.

Ibidem.

De senect.

E P I T O M E.

Ab, l, r, & i consonanti venuste præponitur. Abs, t, & q. Ut autem Priscianus docet, à vel abs non præponuntur vocali. Ab, tam vocalibus quam consonantibus non male sonantibus, ut dictis tribus, & d, & interdum n. Vnde Mancinellus, De ab, longe melius Priscianus edocuit. Ait enim lib. 1. de duodecim carminibus, A quidem vel abs, vocali sequente non ponemus. Ab verò, non solum vocalibus sequentibus, sed etiam consonantibus quibusdam non male sonantibus, antecederet ab, ut abduco, abdo. Hæc ille. Licet igitur etiam dicere ab duce, ab domo. Sæpius denique reperitur ab, consonante sequente præposita. Plinius libro secundo cap. nono, Et in tenebrarum remedium ab natura repertum. Item libro decimonono, cap. secundo, Mox Cæsar dictator totum forum Romanum intexit, viamque sacrâ ab domo sua ad clium usque in Capitolium &c. Plura inuenies & in commentariis Cæsaribus, & in Tito Livio, atque aliis. Hæc ille. Quibus claret qualis sit censor, quando dicit Priscianum longe melius edocuisse. Nam multis quidem videtur melior Laurentiana præceptio, quæ præsupponit dictum Prisciani. declarat autem quibus consonantibus ab præponi velit. Cum enim Priscianus tantum de d exemplificet, addit Valla quod etiam l, r, & i, consonanti venuste præponitur.

Quibus cum literis iungitur Ab & Abs. C A P. X X I X.

AB, cum duabus liquidis, & cum i quando fit consonans, adiungi solet: ut ab lege, ab legatis, ab literis, ab rege, ab rogo, ab re, ab Ioue. Abs verò cum t, ut abs te, abs Tito, interdum verò cum q, ut Terentius, Abs quiuis homine beneficium accipere, gratum est.

E P I T O M E.

Continuo, statim, & protinus, præcedente negatione, aut addita particula interrogatiua vim negandi habente, significant quasi, non ideo, aut num ideo. Protinus autem, sine negatione valet interdum quasi simul, aut etiam. Exemplapotent in litera.

De Continuo, Protinus, Statim. C A P . X X X .

Lib. 10. cap. 1.

Ibidem.

Protinus.

6. AEncid.

Continuo, Protinus, Statim, quid significet, notum est: quibus addita negatione, significatio fit qualis non ideo. ut de oratore Cicero, At si illæ seditiones salutis huic civitati fuissent, non continuo si quis motus populi factus est, id C. Norbano in nefario crimine & fraude capitali esset ponendum. Quintilianus, Non autem ut quidque præcipue necessarium est, sic ad efficiendum oratorem maximi protinus erit momenti. Et iterum, Neque id statim legenti persuasum sit, omnia quæ omnes auctores dixerunt, utique esse perfecta. Eandem vim obtinet interrogatio, quam negatio: ut idem, Continuone si ille stulte cogitavit, nobis quoque stulte dicendum est: id est, num ideo? Cuius significationis mutata hæc causa est, quod non planè recessum est à prima illa eius & naturali: quæ uasificatur non autem num propter hanc solam, & se primo offerentem rationem? Servius non est usus hac re eleganter in ea parte, ubi abest negatio. Non quia mulier, statim & ancilla: si autem ancilla, statim & mulier est. Tollendum enim erat posterius statim. Protinus (ut interpretor) pro simul, siue etiã aliquando accipitur: ut Virgilius, -quin protinus omnē Perlegerent. Quintilianus, Traxerat ex firmitate mentis magnam protinus & in membra constantiam. Et enim quod statim fit, quasi simul fit.

E P I T O M E .

Tantum abest, sequente simplici aut gemino ut, venuste exprimit, quod per nedum, non solum, non modo, vel non tantum dici potest: à Quintiliano autem per & tantum non, vel tantumque non, aliud exprimitur loquendi genus. Verbi gratia, dicere possum, Tantum abest ut fratrem tuum occiderim, ut ne viderim quidem. Aut per nedum sic, Ego fratrem tuum non vidi, nedum occidi: vel non occidi. Aut per non solum, seu non modo, aut non tantum: sic, Ego non solum non occidi fratrem tuum, sed nec vidi unquam. Per & tantum non, sic, Fratrem tuum tantum non occidi. id est fere occidi. & id tantum abest quod non occidi, cum ad necesse usque exclusivè tamen omnia illi iniuriarum genera intulerim. Sane non mihi nunc videtur ut olim idem per non tantum, & tantum non explicari: verbaque Quintiliani sic intelligo, Tantumque non petita ex fluctibus aqua restinxit ignem, & mulier mater insepulti tantum non restinxit ignem. scilicet rogi aqua petita ex fluctibus. id est, cum omnia fecerit ad impediendum rogi filii, hoc solum non fecit. parum tamen abest quin fecerit, hoc est non restinxit &c. Et tantum non ipsi qui fecerat miserandum, id est, omnibus miserandum excepto eo qui fecerat. Et tantumque non queratur. id est cum omnia queratur, hoc tantum deest quod non queratur durum ac rusticum &c. Et certe Vallæ expositio minus quadrat.

De Tantum abest, Tantumque non. C A P . X X X I .

Tantum abest, aut unum ut, post se habet, aut duplex. unum, sic: Cicero de Officiis, Tantum abest ab officio, ut nihil officio magis possit esse contrarium. Idem pro Marcello, Tantum abes à perfectione maximorum operum, ut fundamenta nondum quæ cogitas, ieceris. Duplex sic, Idem pro lege Manilia,

Tantum abest, vt aliquam bonam gratiam quæsisse mihi videar, vt multas etiam similtates, partim occultas, partim apertas, subeundas mihi esse intelligam. Quem modum loquedi à Græcis mutuati sumus. Hos autē duos, quos attigi, modos idem significare ex hoc liquebit, quod alterum in alterum conuertere licet: sic, Tantum abest, vt officium sit, vt nihil officio magis possit esse contrarium. Item, Tantum abes, vt maxima opera perfecteris, vt fundamenta nondum quæ cogitas, ieceris. Rursus, Tantum absum à comparatione alicuius bonæ gratiæ, vt multas etiam similtates, & cætera. Quin quod planius huiusmodi orationis sensus patefiat, resoluamus per non solum. vt, Non solum aliquam gratiam quæsisse non videor, sed etiam multas, & cætera. Item, Non modo officium non est, verum etiam nihil magis officio potest esse contrarium. Et, Non tantum abes à perfectione maximorum operum, sed fundamenta quoque nondum quæ cogitas, iecisti. Potest & in nedum resolui, vt suprâ docuimus. Sed hoc faciendum legentibus relinquimus. Aliquando tantum abest, & sine geminatione illa, & sine ablatiuo reperimus, sed perquam rarò, vt in M. Callidium Cicero, Tantum abfuit, vt inflammare nostros animos, somnum isto loco vix tenebamus. Apud Quintilianum hæc exempla non inueni, sed tale genus loquendi, Si vltra hostium affectus qui cæcos acie sæpe tumularūt, vltra tyrannos, vltra latrones, parum habet non sepelire, nisi aliorum quoque officia præciderit, tantumque non petita ex fluctibus aqua restinguit ignem. Et alibi, Hoc triste spectaculum, & tantum non ipsi qui fecerat miserandum. Et iterum, Tatumque non durum ac rusticum, sed parum meretriciis artibus queritur educatum. id est tantum abest vt restinguat ignem, tantum abest vt ipse misereatur, tantum abest vt queratur durum ac rusticum, vt potius queratur parum meretriciis artibus educatum. Valerius in primo, Tantum non suis manibus deducit. siue propè adest, vel propè est vt. id quod etiâ è Græco sumus mutuati.

E P I T O M E.

Simul, geminatum non reperitur apud Ciceronem, sicut apud Quintilianum & cæteros. reperitur tamen interdum apud eum, sequente & geminato: sicut semel vnà geminatum pro simul. At simul & pariter, non geminata, neque sequente & geminato, sæpe apud Quintilianum leguntur.

De Simul, Vnà, Pariter.

C A P. XXXII.

Simul geminatum non memini me reperisse apud Ciceronem, apud posteriores sæpe: vt Quintilianus, Simul vt pleniore obsequio demererer amantissimos mei, simul ne vulgarem viam ingressus, alienis demū vestigiis insisterē. Virgilius,

Non solum.

Non modo.

Non tatum.

In Bruto.

In corpore
proiecto.

In Apibus
pauperis.
In milite
Mariano.

Tantum non

In procenio
lib. I.

Obstupuit simul ipse, simul percussus Achates. Et iterum, Accelerat simul AEneas, simul agmina Troum.

Vnà.

Pariter.

Cicero tamē rarò pro simul dixit vnà. In Verrem actione secunda, Vnà & id quod facio probabit, vnà & in hac causa profecto neminem præponendum mihi esse existimabit. Simul non geminatum, & Pariter apud Quintilianum sæpe. Vt, Homo fortis simul & sapiens. vel, Homo fortis pariter & sapiens. Rarò cum & geminata. vt Horatius,

Aut simul & iucunda & idonea dicere vitæ.

Cicero pro Roscio Amerino, Perditissimi est igitur hominis, simul & amicitiam dissoluere, & fallere eum qui læsus non esset, nisi credidisset.

E P I T O M E.

De die hoc, id est in quo sumus, hodie dicitur, nō nudius primus. De præcedenti, non pridie, nec nudius secundus, sed heri. De eo qui hesternum præcessit, nō ante heri (vt barbari) sed nudius tertius: & de superiori, nudius quartus, quasi nūc dies tertius, & nunc dies quartus, & vix vltra quartum numerum, licet Plautus & semel Cicero id faciat, progrediemur: sicut nec in aliis multis. Nam biduum, triduum, quadriduum: binoctium, trinoctium, quadri-noctium: biuium, triuiū, quadriuium: bimus, trimus, quadrimus: nec vltra in vsu sunt. De eo autem qui hodiernum sequitur, dicitur nō postridie, sed cras. & de crastinum sequente, non post cras, more imperitorum, sed perendie: vnde comperendino verbum. Pridie autem & postridie, tam ad præteritum quàm ad futurum tempus adhiberi possunt: sic vt pridie, sit die priori ante eū, scilicet cuius mentionē facimus: & postridie nō post tres dies, sed die postero, respectu eius cuius meminimus. Vnde propriè dicimus, Pridie Calendarum vel Calendas: & Postridie, non autem secundo: nec primo, quia pro eo dicimus Calendis. Simile autem dicendum est de Nonis & Idibus. A Pridie, sit pridianus: pro quo sæpe hesternus vsurpatur. A Postridie tamen, non est in vsu postridianus: sed pro eo semper vsurpatur crastinus. Siquis autem nondum peritus fuerit Calendarum, Nonarum & Iduum: sciat primum cuiuslibet mensis diem, dici Calendas. Deinde in Martio, Maio, Iulio & Octobri sequi sex Nonas: in reliquis quatuor. Post Nonas autem, in omnibus octo Idus: post quas qui restant dies, dicuntur Calendæ sequentis mensis. quia dicendo, Pridie Calendarum aut Calēdas, videmur dicere priori die Calendarum, vel die præeunte Calendas. dicendo autem, tertio Calendas: quasi tertio die ante Calendas, sic tamen vt dies Calendarum sit vnus. Et quia subauditur die: ideo in masculino dicimus tertio, quarto, &c. Et quia subauditur ante, aut inter, vtimur accusatiuo: nisi cum Pridie & Postridie, quibus etiam genitiuū damus, aut particulam quàm, saltem per subauditionem. nam quum dicitur in Andria, Venit postridie Chremes: subauditur, huius diei quē dixi, aut quàm hæc facta erant. Congruè tamen dicas, Quicquid quouis die incipio, postridie absoluo. De primo ergo die Martii dicam, Calendis Martiis. de secundo, sexto Nonas Martii. de tertio, quinto Nonas Martii. de quarto, quarto Nonas. de quinto, tertio Nonas. de sexto, non secundo, sed Pridie Nonas. de septimo, Nonis Martii, aut Martiis. De octauo, octauo Idus Martii, aut Martias. de nono, septimo Idus. de decimo, sexto Idus. de vndecimo, quinto Idus. de duodecimo, quarto Idus. de tertiodecimo vel decimotertio, tertio Idus. de decimo quarto, pridie Idus. de decimo quinto, Idibus Martiis. De decimo sexto autem, decimo septimo Calendas, non Martii aut Martias, sed Aprilis. non enim sequuntur Calendæ Martii, sed Aprilis: & quo plures numeramus dies in Mar-

tio, eo pauciores restant Calendæ. vnde de decimosextimo, dicimus decimosexto
Calendas, & sic deinceps.

De Nudiustertius, Nudiustertius, Pridie, & Po-
stridie.

CAP. XXXIII.

NVdiustertius & Nudiustertius, nec ultra progreditur. si-
cut biduo, triduo, quadriduo, & binoctio, & trinoctio, qua-
drinoctio, & non amplius: nisi putamus sine mēda scriptū
esse in Philippicis, Nudiustertius decimus. Plautus (vt solet) licēter
inquit, nudiustertius, quartus, quintus, sextus, septimus, octauus,
& adhuc deinceps, vt etiā ad millesimum fuerit processurus. Sed
cur quēadmodū habemus biduo & binoctio, non etiā habemus
nudiusssecundus: nempe quia adest aliud vocabulum, & quidem
magis proprium, quod est heri. De die autē qui præcessit hester-
num, dicimus nudiustertius, & de superiore adhuc nudiustertius.
scilicet nūc de die tertio, vel quarto. De sequēti Cras, de huic
proximo Perendie. Cicero ad Atticum lib. 12, Scies igitur cras, ad
summum perendie. Vnde dies perēdinus, dies abhinc tertius. Cæ-
sar in Commentariis, Qui si per te liceat, perendino die cū proxi-
mis hybernis coniuncti, cōmunem cū reliquis belli casum susti-
neant. Et comperendinare, differre in longū de die in diē. Pridie
& Postridie simillimam obtinent significationem, ei cuius sunt
heri & cras. Est enim Pridie, quasi heri, nō tamen præsentis diei.
& Postridie, quasi cras, non præsentis diei, sed cuiusdam alterius,
aut præteriti aut futuri. Præteriti sic, Pridie quā in intrare mare,
lux serena fulsit. Futuri sic, Pridie quā in tres patriā, sacrificium
facito. id est die præcedēti, quo aut mare intraisti, aut patriam in-
trabis. Item, Postridie quā pater mortē obiit, epulū feci. Et Po-
stridie quā vxorē duxero, nauigandū mihi est. Vel cū genituo
sic, Pridie illius diei, & Postridie illius diei, quo aut hæc feci, vel fa-
ciam. Vel sine quā, & sine diei: sic, Venit ad me Chremes postri-
die clāmītās. supple illius diei quo hæc gesta sunt. Et quū intraui
urbem, audiui hominem pridie recessisse. Dicimus tamē, Quum
has literas dabam, erat pridie Calendas Augusti, vel postridie No-
nas. & hodie est pridie ludorum Circēsiū. cras erit postridie nun-
dinarum. Refertur enim tale tempus non ad hodiernum crasti-
nūque diem, sed ad alium quendam, veluti ad eum, quo hæ li-
teræ legentur. Ideoq; errauit qui scripsit sic, Quū eū Romæ do-
mum loquēdi gratia adissem, orauit me, dicens, Postridie ad me
redeas. Dicendum erat, cras: aut sic, Postridie vt redirem orauit.
Rursus nō recte dixisset sic, Cras vt redirem orauit, sed postridie.

Cras, Perēdic.

Dies perendi-
nus.

Cōperēdino.
Pridie.
Postridie.

Atque vt non dicimus nudiussecundus, ita nec secundo Calendas, secundo Nonas, secundo Idus: sed pridie Calendas, pridie Nonas, pridie Idus. Item vt non dicimus nudiusprimus, ita ne primo quidem Calendas, primo Nonas, primo Idus: sed Calendis, Nonis, Idibus. Præterea ex his duobus alterum format ex se denominatiuum, alterum verò minime. Ex pridie, fit pridianus: ex postridie, non fit postridianus, aut in vsu non est. Sed pro eo abutimur crastinus, per quod significatur non modo dies sequens hodiernū, sed etiam quemlibet alium. Virgilius Georgicorum 1, Sin verò ad solem rapidum lunasque sequenteis Ordine respicies, nunquam te crastina fallat Hora, neque insidiis noctis capiere serenæ.

Hesternus.

Eodem quoque modo abutimur hesternus pro pridianus. Terentius, lure hesterno panem atrum vorent. Cicero, Videre videor alios intrantes, alios exeuntes, quosdam ex vino vacillantes, quosdam hesternæ epotatione oscitantes. non de hesterno die loquitur, quia (vt sic dicam) ab illo heri non fuerat factum, quum hæc dicerentur. Vtimur frequentius hoc per abusionem, quàm illo naturali & proprio, quo & ipso frequenter vtimur. Suetonius in vita Tyberii, Solennibus ipse cœnis pridiana sæpe & semesa obsonia apposuit. Item in vita Caii, Marcente adhuc stomacho pridiani cibi onere. Bartholus cum leguleis suis accipit postridie, pro post tres dies. Vnde cōsequens fuit dicere pridie, pro eo quod est prioribus & proximis diebus. Nam ita vulgo loquuntur, Pridie emi domum: quum dicendum sit nuper. de quo nunc disseramus.

Pridianus.

EPITOME.

Dudum, de modico tempore dicitur, horæ videlicet vnus, aut duarum, aut diei, aut mensis, pro conditione materiæ seu actionis. Nuper & Pridem, de longiore, vt pote mensis, aut anni vnus, aut plurium, pro conditione quoque materiæ. Olim verò, de magno tempore, siue antea, siue futuro. sed interdum etiam pro dudum, aut pro aliquando accipitur. Idem quoque tempus importatur per iadudum, iam pridem, iam olim, seu olimiam, quod per simplicia: sed simplicia etiam locum habent, quando significatio verbi est momentanea atque transitoria, neque persistit seu permanet. Composita verò duntaxat tunc, quando est persistens & continuata ad tempus vsque designatum, vt in sequenti capite latius patebit. Exempla omnia latè patent in textu. Sed de ratione ac vsu horum vocabulorum latius explanabimus in sequentis capitis declaratione. Bombarda videtur dicta à bombo, id est sono & ardeo: quia cum ardore fit sonus ille.

De Dudū, Nuper, & Pridē, cōpositisq;. C A P. XXXIII.

DVdum & Iam dudum, de paruo tempore, vnus horæ, aut semihoræ, aut duarum horarum, aut certe breuissimi temporis. Nuper, siue Pridem, & Iam pridem, de longiore tem-

pore, decem aut viginti dierum, aut mensis, mensiumve, & nonnunquam annorum, pro conditione materiæ. Item Dudum & Nuper, seu Pridem, de re siue actione quæ non insistit, sed statim transit. Iamdudum & Iampridem, de re siue actione quæ insistit & immoratur. Illa præteritum utique postulant, hæc frequentius præsens, nonnunquam etiam præteritum. Dudum intraui, & iamdudum te expecto. id est hora, aut semihora est, vel duæ, vel tres, vel (vt multum) quatuor, ex quo intraui, & ex quo te expecto. Sed ipsa actio intrandi non insistit, sed statim desinit. Secus autem expectandi actio. Item, Nuper ex Sicilia redii, & iampridem ex Sicilia absum, vel iampridem ex Sicilia redii: id est superioribus diebus, mensibusve ex Sicilia redii: & iam multi dies sunt, vel aliquot menses, ex quo absum ex Sicilia, vel ex quo ex Sicilia redii. Hic continuatio intelligitur temporis, illic minime. Hic significatur mora, qua in hoc loco immoratus sum, illic momentum illud applicationis. Cæterum quia dixi Nuper & Iampridem, non modo menses complecti, verum etiam annos, pro conditione materiæ, tale exemplum sit, Nuper inuenta est machina, quam bombardam vocant. id est non multo tempore abhinc. Iampridem bombardam in usu est, hoc est iam aliquanto abhinc tempore in usu est. Cicero de diuinatione, Neque ante philosophiam patefactam, quæ nuper inuenta est, hac de re communis vita dubitauit. Idem de amicitia, Neque enim assentior his, qui nuper hæc disserere cœperunt, cum corporibus simul animas interire, atque omnia morte deleri. Quid attinet plura hic exempla repetere, quum nemo aliter locutus sit? Forsan aliquando poeta, apud quos legimus iamdudum pro continuo, sed ferè in persona loquente, & alios vt maturent hortante. vt Virgilius, Iamdudum sumite pœnas.

Rarius iampridem, vt fecit Lucanus,

Tollite iampridem victricia tollite signa. nisi iampridem victricia dicamus. Quare Boetius videtur male voluisse imitari vnum locum M. Tullii in rhetoricis dicentis, Aliquando respondendum est primum his, quæ aduersarius nuperrime dixerit: quum in commetariis dialecticis inquit, Hoc autem quod nuper diximus: quum dicere debuisset vltimo, aut nouissime, aut postremo, aut proxime. In Saturnalibus quoque Macrobius, Iamdudum, inquit, hæc quæstio ab Aristotele & proposita est & soluta: quum dicere debuisset iampridem, aut potius iamolim. Plinius etiam maior (si verè scriptum est) lib. 23. sic inquit, Somno verò, ac securitatibus iamdudum hoc fuit, quod illi Helena ante cibum

Cap. I.

ministrauit. Et iterum libro decimonono, Iamdudum ex eadem Hispania Zœlicum venit in Italiam plagis vtilissimum. Et Liuius libro vicesimonono, In eo captiuorum numero, fabri qui dudum fuere assueti apud Pœnos mercede opus in arce Locforum facere. Pridem autem & Nuper, idem significant. Est autem nuper, non longo tempore à nunc. interdum non longo tempore à tunc. vt Curtius, Qui nuper ab Alexandro missi erant. Titus Liuius, Tunc hæc ipsa indignitas agebat animos, non in retinendis modo publicis agris, quos vt teneret, pertinacem nobilitatem habere, sed ne vacuum quidem agrum nuper ex hostibus captum plebi diuidere. Cicero de Oratore libro secundo, Quàm multa de balneis, quas nuper ille vendiderat. Pridem verò rarum est. Plinius libro septimo naturalis historiæ, Ipsi verò pridem vidimus eadem fermè omnia præter pubertatem in filio Cornelii Taciti equitis Romani. Paulus iureconsultus, Et nō est mirum si peculium quoq; defuncti pridem filii deferitur patri. Vlpianus, Teneatur eum ordinem tenere quem pridem habuit. Modestinus, A lteris pridem sibi editis. Sæpius cum negatione, & cum quàm, & cum ita. Plinius libro decimoquinto, Malorum plura sunt genera. De Citreis cum sua arbore diximus. Medica autem Græci vocant patriæ nomine. AEquè peregrina sunt Zizipha & Tuberes, quæ & ipsa nō pridem venere in Italiam. Cicero pro Roscio Comœdo, Quàm pridem nomen Fanni in aduersaria retulisti? Idem in Bruto, Fuit enim regnante iam Græcia, nostra autem ciuitate non ita pridē dominatu regio liberata. Papinianus, Idem in vectigalibus non ita pridem constitutum est, vt sui temporis singuli periculum præstarent. Idem intelligitur in dudum, quod in pridem. vt, Quamdudum hîc sedes? respondebis, non ita dudum, vel iamdudum.

Cap. 29.

E P I T O M E.

Olim, de magno tempore tam præterito quàm futuro dicitur, nisi accipiatur pro aliquando aut dudum. Similiter & olimiam, seu iamolim, quod persistentiam aut permanentiam significari per verbum exigit. Diu verò, nihil aliud significat, nisi per longum tempus. vnde dicam, Diu nauigauimus: non tamen, diu recessi. quia licet longum tempus transactum est ex quo recessi, non tamen per longum tempus durauit recessio mea. Exigunt ergo diu, & iamdiu, & tandiu non momentaneâ, sed persistentē actionē, eâmq; diurnâ. Vnde interrogabimus potius sic, Quâdudum aut quâpridē venisti? quàm, quamdiu. & respōdebimus, nō ita diu, sed nuper, aut dudum, aut nō ita dudū. Et quamdudū hîc sedes? & respōdebimus, iâdudū, aut dudū: aut si verū est, diu: quia sessio persistit. Nuper, de quo, Plauto sit adiectiuū nuperus, videtur quasi nunc parū est tēporis: quia per, syllabica adiectio, sonat per tēpus, vt paulisper, parumper, tantisper, aliquantisper, perpaulum, aut parū, aut tantū, aut aliquantū tēporis. Estq; vltatius quampridē in positiuo, cū prius & primū, seu primo, vltatiora sint quàm nuperius & nuperrime, sed ferè in alio sc̄su. Vt verò vno

exemplo rem patefaciam, quæram, Quamdudum intraſti nauem: & reſpondebis, dudum, aut non ita dudum, aut ſane dudum. Aut, Quamdudū fuiſti in nauī: & dicēs, iādudum: quia adhuc es. nā iādudum, idem eſt quod quaſi iā à dudum. Iampridem, quaſi iam à pridem. Ita olimiam, iam ab olim, ſi ita dicere liceat. Recte autem quæro & reſpōdeo per dudū: quia parū tēporis videtur ex quo aut intraſti aut fuiſti in nauī. At in ciuitatē ſi pluſculos mēſes veniſti, dicam, Quampridem ingreſſus es ciuitatem: & reſpōdebis, pridem, aut ita pridē, aut tres menſes. Itē, Quampridē ſtudes iſtice: & dicēs, iampridem. aut ſi parum, iamdudum dūtaxat. & ita in cōſimilibus.

De Olim, & Diu, eorūq; compositis.

C A P. XXXV.

Olim & Iamolim, ſiue olimiam, Diu & Iamdiu, & Tandiu habent aliquid cum ſuperioribus affinitatis. Quorum primum apud Ciceronem rariffimum, apud Quintilianum frequens, qui libro octauo ſic ait, Sed in foro tamen illam iam facilitatem olim deſyderamus. id eſt iāolim. Et alibi, Olimiam imperator inter fulgenteis virtutes tuas liuor locum quærit. hoc eſt iamolim, quod eſt iam à longo tēpore. Olim pro futuro non apud poetas tantum. vt Virgilius,

Hunc tu olim cælo ſpoliis orientis onuſtum

Accipies. ſed apud oratores quoque, vt idem Quintilianus, Sūt clari quoque hodie eiufdem operis authores, qui olim nomina-buntur. Poetæ etiam pro aliquando, vt idem Virgilius, Ac olim ſeras poſuit quum vinea frondes.

Nonnunquam etiam pro iamdudum accipitur, vt Curtius lib. octauo, Olim enim uero mero ſenſibus vinctis, ex lecto repente confurgit. Diu verò nihil aliud ſignificat, niſi per longum tem-

Diu.

pus: Diu nauigauī, diu equitauī: non autem, diu receſſi, aut diu equum aſcendi. Sed nuper receſſi, aut dudum: & dudum equum aſcendi. Quidam tamen ſic loquuntur, Iamdiu eſt quòd receſſi: vtentes aduerbio pro nomine. Eadē ratio eſt in Iamdiu & Tam-

Iamdiu.

Tamdiu.

diu. Ideoque cauendum eſt, ne verba quæ momentaneam actionem ſignificant, his aduerbiis applices, quale eſt, Iamdiu publi-cauī opus, iamdiu duxī vxorem: ſed iampridem. licet recte dica-tur, Iamdiu eſt opus publicatum, & iamdiu vxor mihi ducta eſt. non aliter quàm ſi dicatur, Opus iamdiu eſt publicatum, adhuc tamen elimare non deſino: & vxor mihi iamdiu ducta, adhuc ta-men virgo eſt. Significatur enim hīc continuatio temporis, quo opus quidem publicatū eſt, vxor verò ducta manet ac perſeue-rat: quod in illo ſuperiore non fit. Ideoque tuba dudū, aut iam-dudū ſonuit: non iamdiu ſonuit. Iamdiu mortuus eſt: non iam-diū animam emiſit, ſed dudum, & idem in cæteris.

E P I T O M E.

Velut & veluti, quaſi, tanquam, cœu, & interdū vti, imaginē ac trāſſormationem

innuunt: sed sicut, sicuti, & interdū vt & vti, similitudinem: verum interdum confunduntur. Quasi autem, & quasi verò, proprium habent modum. Vnde per illa superiora fit metaphora: per hæc, tantum comparatio, vt litera apertè declarat. Nam in superioribus ferè subauditur verbum sam es est, aut idem verbum alterius modi: in reliquis, idem verbum in eodẽ modo vult repeti. vt Sæuis tãquam rex, supple esses, sæuis vt, sicut, aut sicuti rex, supple sæuit, & ita in aliis. Sæuis velut rex, supple esses aut sæuiret. quo modo exponi volūt illa superiora, interueniẽte præpositione. vt, Confugio ad te tanquam ad patrem, subaudi confugerem.

De Velut, Sicut, Quasi, Tanquam, & similibus.

C A P . X X X V I .

Vt.

Vti.

Velut & Veluti & Vti, tria hæc similia sunt in significatione illis tribus, Quasi, Tãquam, Ceu, quàm aliis tribus, Sicut, Sicuti, Vt. Ea enim sex superiora imaginem innuunt: hæc tria posteriora similitudinem: quanquam vt, potest videri generale, & commune cum omnibus, necnon Vti, cuius propriè significatio est, quæ vt. Tu irasceris tãquam leo, quasi canis, velut vrsus, est metaphora. Tu irasceris sicut, vel sicuti leo, comparatio est. Ibi enim dico te leonem. hîc autẽ leoni similem. quod hinc probatur, quòd illud resoluitur per verbum substantiuum, hoc per idem verbum. Tu irasceris tanquam leo, id est tanquam leo esses. Irasceris sicut leo, id est sicut leo irascitur. Atqui quomodo hoc ipsum probatur, quòd ita hæ orationes resoluantur potius, quàm econtrario: Nempe quòd cum huiusmodi verbis coniungas inuenimus. vt, Tu incedis velut esses rex, non autem sicut esses rex. Rursus, Tu incedis sicut incedit rex, non autem velut incedit rex: ita in similibus. Ego sentio sicut Plato, supple sentit, nõ sicut Plato essem. Ego dico sicut antea, supple dixi, non sicut antea fui. Possunt tamẽ illa quæ dixi, resolui per idem verbum, sed non in indicatiuo. vt, Tu incedis, velut incederet rex. Adeò illa quæ habent præpositionem, vix aliter resolui possunt. Ego venio ad te tanquam ad Deum: non est dicendum, tanquam Deus esses, sed tanquam ad Deum accederem. Denique hæc subiunctiuum postulant, illa indicatiuum. Seruius pro sicut posuit velut vndecimo AENEIDOS, Nam diadema velut aliarum Italarũ gentium reges non habebant. Si velim afferre exempla viuientium, plura possem ineleganter dicta, sed vnum interim afferam, qui ita è Græco interpretatur, Nam veluti iustum est in eos animaduertere, qui aliquid perperam patrarũt: ita his qui nos beneficio fouerunt, referre gratiam decet. veluti, pro sicuti posuit. sed deceptus est, quia Græci ista non distinguunt. Aliquando ne mos quidem distinguimus, vtique quum quædam enumerantur, postea aliquid exempli subiungimus, vt apud Ciceronem Officiorum I,

Tamen ex singulis certa officiorum genera nascuntur, velut ex ea parte quæ prima descripta est. Idem de natura deorū, Aut quid tam temerarium, tamque indignum sapientis gravitate atque constantia, quam aut falsum sentire, aut quod non satis exploratè perceptum sit & cognitum, sine ulla dubitatione defendere? velut in hac quæstione. Plinius naturalis historiæ lib. 2, Præter hæc in-
 Cap. 56. feriore cælo relatum in monumenta est, lacte sanguineque pluvisse, M. Attilio, C. Portio consulis. Et sæpe aliàs carne, sicut L. Volumnio, Serviò Sulpitio consulis. Ex eaque non perperuisse, quod non diripuissent aves. Et iterum, Quidam verò amnes odio
 Cap. 103. maris ipsa subeunt vada, sicut Arethusa fons Syracusanus, in quo redduntur iacta in Alpheum, qui per Olympiā fluens, Peloponnesiaco litori infunditur. In hoc igitur solo modo loquēdi, velut cū sicut similitudinē habet: cū reliquis illis quæ iam enumeravi, dissimilitudinē, quæ nequaquā licet ponere in tali genere sermonis. Significant enim imaginem, id est non ipsam planè veritatem: aliquando tamen propè ipsam quoque veritatem, tum affirmando, tum verò negando. ut, Pater tu non amas me quasi filium: imo te fili, amo quasi filium. Ego non amplector illum veluti filium, licet mihi filius sit. Ille diligit me tanquam filium, licet non attineam. hic plane imago est. Habet autem quasi quiddam proprium, quale est, Obiicis mihi quòd uxorem repudiauerim, quasi tu idem non feceris, vel quasi verò. Quæ exempla nusquam non plurima sunt. Vti etiā accipi solet pro ut, & hæc duo
 Vir. pro quòd. Virgilius,

Nanque videbat uti bellantes Pergama circum,
 Hac fugerent Graii. Quintilianus, Neque ego graviissimum patrem suprema sua iuveni iactasse crediderim, ut heredem filium scriberet. Ceu magis est poetarum, sed quo multi & præsertim Ceu. Plinius, utitur. Quidam *indocte his temporibus utitur pro sicut. *doctus

E P I T O M E.

Non & sed, sequente utrunque quòd aut quia, aut alterum quòd, alterum quia, locū habent in circumstantia causæ efficientis, quam quòd pro quia, & ipsum quia connotant, sicut ut & quo, causæ finalis. Exempla sunt in textu manifesta.

De Non quia, & Non quòd, de Quo, & Ut quia,
 & Ut quòd.

C A P. XXXVII.

Non quia negem hoc bene esse cōpositū, sed quia legē hāc esse cōponēdi in omnibus principiis recusem. Iterū idem Quintil. Et febrē quiete & abstinentia, non quia rationē videbat, sed quia valetudo ipsa coegerat, mitigavit. Iterū, Quod ego
 Lib. 2. cap. 2. non idcirco potissimum in hac parte tractare sum aggressus, quia non in cæteris quoque doctoribus idē hoc examinādū, quam diligē-
 lz. i.

Quia & quòd
Quo & Vt.

tissime putem, sed quòd magis eius rei necessariam mentionem facit ætas ipsa discentium. Iterum, Nō quia prodesse vnquam satis sit, sed quia hoc prospicere debet, nequid peius, quàm fecerit faciat. Ex his exemplis videre licet, nunc bis quia repeti, nūc vnū quia esse, & vnum quòd. Et vbi est quia, ibi semel, bisve posse esse quòd. Præterea in secundo membro nunc subiunctiuū esse, nūc indicatiuum, nunquam tamen idē repeti verbū: præsertim modo verbi mutato, vt fecit quidam, qui ait, Non quia amicus non esses, sed quòd ita amicus eras. Quum dicere debuisset, Non quia non amicus, sed quia, vel sed quòd ita amicus esses. In quo illud obseruatione dignū, de causa efficiēte dicēdū esse Quia & Quòd: de finali, Quo vel Vt. de duobus prioribus exēpla inspeximus, de posterioribus, Cic. in Philip. Non vt proficerem aliquid, siue non quo proficerem aliquid. Quidā ignari huius differentię, scribūt non rarò quo pro quòd, vt apud eundem & eodem in loco, Primum igitur acta Cæsaris seruanda censeo, nō quo probē: quum scribēdum sit quòd, pro eo, quod est quia. Quid signi? certē quòd in altero membro est quia, quum dicit, Sed quia rationē habendam censeo pacis atq; otii. Et nemini dubiū est, quòd, resolui per quia: & quo, per vt. Et hoc in loco à Cicerone significari causam efficientem, cui competunt quòd & quia: non finalē, cui competunt quo & vt. Quod liquide probatur, quum in eadem sententia de vtraque causa fit mentio. Quale est, Non castigo te, quòd odio habeam, sed quo meliorem efficiam. In primo mēbro est causa efficiens, in secundo causa finalis. Mutemus iterum causas sic, Castigo te, non quòd odio habeam, sed quòd amem. Rursus, Non castigo te, quo voluptatem ex contumelia tua cōtraham, sed quo meliorem reddam. Vbi est quòd, illic posse poni quia: & vbi quo, illic vt, vel duplex, vel simplex, iam dictum est.

E P I T O M E.

Facio & Cōmitto, cum particula vt, interdū significāt aliquid fieri propter aliud, interdum id ipsum quod fit. Vt, Coactus feci vt viduam ducerem. Non committam vt viduam ducam. vbi id ipsum quod fit, significant. Mercatum feci vt diues sim. Commisi facinus atrox, vt timori sim. vbi aliud propter aliud fit.

De Facio vt, & Committo vt. CAP. XXXVIII.

Cic. de Senect.

In proœmio
lib. 4.

I Nuitus feci, vt C. Flaminiū de Senatu eiicerē. Et alibi idem Cicero, Faciēdum puto, vt paucis rationē nostri cōsiliī demus. Et Quintil. Quòd si nemo miratur poetas maximos sæpe fecisse, vt initiis operum suorū musas inuocarent. Discrimē habet hic loquendi modus ab altero. Alibi nanque fit aliud propter aliud, vt quum quis inuigilat diligentius faciendæ mercaturæ, cur id faciat interrogatus, vt liberi mei honestius viuāt, respōdebit. Aliud est ergo quod ipse facit, aliud propter quod hoc ip-

sum facit. Non ita in exemplis à me modo recitatis. Quid Cato fecit, vt Flaminium eiiceret de Senatu? nempe idipsum quod fecit. Quid faciunt poetæ, vt musas inuocent? nempe nil aliud, nisi quòd musas inuocāt. Idem est igitur in genere huiusmodi principium & finis, siue opera & effectus. Idem fecit Cicero quodam in loco, in verbo cōmitto, Qui secūdū naturā viuere uolet, nunquā cōmittet vt alienū appetat, & quod alteri detraxerit, sibi assumat. Idem est hoc ac si dixisset, Qui secundū naturā viuere uolet, nunquam alienum appetet. vt in superioribus, Inuitus C. Flaminium de Senatu eieci. & Paucis ratio nostri cōsili est reddenda. & ita in cæteris.

Lib. 3. Off.

E P I T O M E.

Similiter Quòd & Quum, verbis apposita, interdum nō aliud, sed idipsum quod fit, fieri dicunt: vt sit idem in quo & propter quod. Tunc autē particula illæ cum adiunctis, suppositum præmissi verbi videntur. vt, Augēt dolorē, quòd apertē dolere non possum. Augēt dolorem, cum recordor me aperte dolere non posse.

De Quòd & Quum.

CAP. XXXIX.

Quòd & Quū, quiddā peculiare in oratione exhibēt, vt in Bruto Cic. Augebat etiā molestiā, quòd magna sapientū, ciuiūmq; bonorū penuria iā in ciuitate esset. Idē ad Sulpitū, Quo in periculo nōnihil me cōsolatur, quū recordor hæc me tum uidisse. Quid est quod augeat Ciceroni molestiam? aut quid eum consolatur? vel quòd magna penuria sapientum esset, vel quū recordaretur suæ prouidentiae? Nēpe hoc ipsum, quòd magna penuria sapientum esset, & quòd illud suū consiliū recordaretur. Idē est igitur id in quo molestiam consolationē me capit, & propter quod ipsam molestiam ac consolationem capit.

E P I T O M E.

Particula quòd, verbo adiecta, facit sæpe verbū significans pro significato accipi, per vt sequēs resolubile. Quæ res, exēplo facilius, quàm ratione declarabitur. verbi gratia, Nō etiā hoc cōtēnit, quòd sensistis tā charā populo Rom. Auli Hirtii vitā fuisse: resoluitur sic, Quòd (vt sensistis) vita Hirtii tam chara populo Rom. fuit.

Sub tamen postposito, sæpe intelligitur particula quanuis. constructio autē tunc incipienda est à verbo, reiecto tamen & posito quanuis. Vt, Et inuito solo nonnihil tamen fecunditatis expressi. id est & quāuis inuito solo, tamen nōnihil &c. & cōstruitur sic, Expressi nōnihil fecunditatis, quanuis inuito solo. & ita in similibus.

Qua de causa, Vt, Tamen, & similia abiiciuntur quandoque ab oratione.

CAP. XL.

SAepe admirari soleo, quòd nūquam tibi grauē senectutem esse senserim. Quid miraris Scipio, te non sensisse, quod sentire non posses? Quippe quod nunquam fuit. Miraris quòd nunquam senseris me fuisse luscum, qui nunquam fui. Mirandum potius foret, si sensisses me luscum, aut grauiter tolerantem senectutem. Verum sic locutus est Scipio cum Catone, quasi diceret, Miror senectutem tibi, vt sentio, non esse grauem.

Iz.ii.

Lib. 1. Off. de
magnanimitate.

In Lælio.

Cap. 18.

Tamen.
Quauis.
In Apibus
pauperis.

Et alibi idem Cicero, Declarat autem studium bellicæ gloriæ, quòd statuas quoque videmus ornatu ferè militari. non quòd videmus, sed vt videmus, quòd sunt statuæ ornatu ferè militari, declaratur studium bellicæ gloriæ. Et alibi, Nō tam me ista fama delectat, falsa præsertim, quàm quòd spero amicitia nostræ memoriam sempiternam fore. pro eo quod est, quàm quòd amicitia nostra (vt spero) sempiterna erit. Et alibi, Num etiam cōtemnitis, quòd sensistis tam charam populo Romano Auli Hirtii vitam fuisse: pro eo quod est, quòd, vt sensistis, tam chara vita Hirtii populo Romano fuit. Et alibi, Et eò studiosius hoc negotium suscepimus, quòd te non sine causavelle cognoscere rhetoricam intelligamus. pro eo quod est, vt intelligo, non sine causa vis cognoscere rhetoricam. Quintilianus in secundo, Sicut Polycratem quum Busirim laudaret, & Clytemnestram, quanquam is, quod his dissimile nō est, composuisse orationem, quæ est habita contra Socratem, dicitur. Non est hoc, quod composuisse dicitur orationem contra Socratem, simile illi, quòd laudauit Busirim & Clytemnestram, sed hoc ipsum, quòd composuit orationem, vt dicitur. Et alibi, Nanque dum fortius opus permisit ætas, terrā manibus subegi, & difficultatem labore perdomui, & inuito solo nō nihil tamen fœcunditatis expressi. Subintellige quāuis: sic, Quauis solū esset inuitū, tamen nonnihil expressi fœcunditatis. Et alibi, Et in his pristinae fortunæ reliquiis miseris & afflictis, tamen haberet quosdam quorum animos ne supplicio quidē suo fatiare posset. id est, quāuis reliquiae pristinae fortunæ miserae sint & afflictæ, tamen haberet quosdam, & cætera. Illud hoc loco non omittamus, quærentes vbi est quauis, licet, etsi, quanquam, similiæque, & tamen, vnde incipienda sit construi oratio. Vtrinque prohiberis. Sed nimirum à verbo cui adhærebat tamen, ipso tamen excusso. quod idcirco in ligatura & quasi iunctura orationis insertum est, quia oratio vnde non debuerat, inceperat. Vt, Etsi vereor Iudices, & cætera. Quòd si à principali verbo coepisset, superuacuum fuisset inferere tamen. Nunc igitur quum rectè inchoatur, illam dictionem vt superfluum, quasi functā officio suo, debemus abiicere.

EPITOME.

Duntaxat, commercium huiusmodi clausulæ, sed etiam, verum etiam, sed quoque, sed &, non postulat: quia ferè affirmatiue ponitur, sicut solummodo & tantum cum negatione. sed interdum pro illis, aut vt illa, positum reperitur. Significatio enim videtur eadem, vnde dicitur differentia in vtendo. Nam semel duntaxat beneficium accepi, vsitatum est. Non solum semel, sed tærcque, quaterque retuli, etiam vsitatum. Non semel duntaxat, sed &c. inusitatus est.

De Duntaxat.

CAP. XLII.

DVntaxat, licet idem significet quòd solum, tamen ferè so-
let aliter in orationis serie disponi, nec recipere post se il-
lud, sed etiam, vt solum, vt tantum, vt modo faciunt. Cice-
ro pro Deiotaro, Quod ipsum etsi non iniquum est in tuo dun-
taxat periculo. Et de Oratore, Ita loquamur, vt ei tradamus ea
duntaxat, quæ nos vsus docuit. Quintilianus in vndecimo, Er-
go quum iudex in priuatis, aut præco publicis dicere de cau-
sa iusserit, leniter confurgendum tum in componenda toga, vel
(si necesse erit) etiam ex integro iniicienda, duntaxat in iudiciis
capud principem enim & magistratus ac tribunalia non licebit)
paululum est commorandum: vt & amictus sit decentior, & pro-
tinus aliquid spatii ad cogitandum. Paulo post, Narratio magis
prolatam manum, amictum recidentem, gestum distinctum, vo-
cem sermoni proximam, * & tamen acriorem, sonum simpli-
cem frequentissime postulabit, in his duntaxat, qualia hæc sunt. ^{ac tantum}
Caius tamen & Paulus præter morem hac dictione sunt vsi. ^{apertiore,}
Alter enim ait sic, Fabros lignarios dicimus, non eos duntaxat qui
ligna dolant, sed omnes qui ædificant. Alter sic, Quum tutor nõ
rebus duntaxat, sed etiam moribus præponatur, in primis mer-
cedes præceptoribus, non quas minimas poterit, sed pro facul-
tate patrimonii, pro facultate natalium constituet. Semel quo-
que Titus Liuius libro quadragesimosexto, Nec animum vo-
bis duntaxat fidelem ac bonum præstitit, sed omnibus interfuit
bellis quæ gessistis.

E P I T O M E.

Quandoquidem & Quando, accepta pro quoniam reperiuntur frequenter: alte-
rum apud Ciceronem & Virgilium: alterum apud Quintilianum, apud què, & coæ-
uos eius, etiam quatenus (aut potius quatinus) in eodem significato reperitur, quum
apud Ciceronem significet in quantum. Exempla patent in litera. Adieci, Aut po-
tius quatinus, propter hanc Mancinelli limam, Aliud est quatenus per e, aliud qua-
tinus per i. Vnde Caper grāmaticus ita scribit, Quatenus per e, aduerbium est: quati-
nus per i, coniunctio causalis. vt si dicas, Quatinus hoc sine plagis non facies, En ti-
bi plagas. Quatenus autem aduerbium est temporis aut loci. temporis quum dicis,
Quatenus istos mores exercebis? loci, quum dicimus, Quatenus ibimus? &c. Festus
quoque sic, Quatenus, significat qua sine, sicut hætenus hac sine. Quatinus verò,
quoniam &c. Itaque legendum est illud Quintiliani, Sed quatinus luctus nostri in
ius vocantur. Sic quoque Plinii illud, Et quatinus negatur nobis. Illud item Horatii,
Quatinus ima petit voluens aliena vitellus.
Quatinus inquam per i. Vnde Iuuenalis satyra duodecima inquit,
Quatinus hic non sunt nec venales elephantī. Hæc ille. Quæ vera opinor. Nam
compositum est à qua & tenus: vt sit vsque ad quam rem, hoc est locum aut tem-
pus: sicut hætenus ad hunc vsque locum, vel ad hoc vsque tempus.

De Quandoquidē, Quando, & Quatenus. C A P. XLII.

Quandoquidem & Quando idem significāt, & significant quoniam. Cicero & Virgilius frequentius superiore vtuntur, Quintilianus posteriore. Cicero igitur de Oratore, Quæ sunt in hominum vita, quandoquidem in ea versatur orator, atque ea est ei subiecta materia, omnia quæ sita, audita, lecta, disputata, tractata, cognita esse debent. Virgilius,

10. AEneid.

1. AEneid.

Quandoquidē Ausonios coniungi fœdere Teucris. Sine quidē.

Hic tibi (sabor enim) quando hæc te cura remordet.

2. AEneid.

Mirorque cur Priscianus illud Virgilianum Quando pro Aliquando exposuerit: quod accipiendum est pro quoniam,

-his se, quando vltima cernunt,

Extrema iam in morte parant defendere telis.

Lib. 12. cap. 2.

Quintilianus, Quando igitur orator est vir bonus (is autem citra virtutem intelligi non potest. Virtus etiam si quosdam impetus ex natura sumit, tamen perficienda doctrina est) mores ante omnia oratori studiis erunt excolendi. Eiusdem significati est quatinus apud sæculum duntaxat Quintiliani. Is ita ait, Sed quatinus luctus nostri in ius vocantur, & flenti disputandum est, & orbitati suæ mater irascitur, superemus quam exorare nō possumus. Et eius discipulus Plinius Iunior, Et quatinus negatur nobis diu viuere, relinquamus aliquid, quo nos vixisse testemur. Nam Cicero dixit quatenus solummodo pro inquantum, sicut eatenus pro intantum. Vt in Lælio, Videndum est quatenus amicitia tribuendum est. Sæculum autem Quintiliani à Liuiο, Virgilio, Horatio exordior, quorum vltimus in Sermonibus sic ait,

In corpore
proiecto.

Surrentina vaser, qui miscet fæce falerna

Vina, columbino limum bene colligit ouo,

Quatinus ima petit voluens aliena vitellus.

E P I T O M E.

Igitur & ergo, breuioribus adhibentur conclusionibus: Quare, quāobré, quapropter, maioribus: nisi ita dicamus, Nescio quare sic loqueris, Intelligo quāobré sic facias. Igitur quoq; sæpe ad significandam coniunctionem partium orationis adhiberi solet: sicut nōnunquā licet, rarius ergo. Ponitur etiam ergo, cum accentu in vltima, pro causa, cum genitiuo. vt AEneid. 6, Illius ergo. Apta est etiam indignationi particula: vt apud Augustum,

Ergo ne supremis potuit vox improba verbis,

Tam dirum mandare nefas: ergo ibit in ignes? &c.

De Igitur, Ergo, Quare, Quāobré, Quapropter. C A P. XLIII.

Igitur atq; Ergo breuioribus adhibentur conclusionibus: Quare, Quāobrem, Quapropter, maioribus: nisi ita dicas, Nescio quare sic loquaris, Intelligo quāobré sic facias. Illud autē prius quod protuli, sæpe ad significandā cōiunctionē partiū oratio-

nis adhiberi solet, & ferè post aliquã rē interiectam, quasi in hñc sensum: vt autē cōtinuē, aut vt pergā ad sequētia. Ac ne sim longus in exēplo, vt necesse foret, afferā breue ex Poeta sumptum, Et certamen erat Corydon cum Thyrside magnum, Posthabui tamen illorum mea seria ludo.

Alternis igitur contendere versibus ambo Cœpere.

Ergo etsi rarius, tamen nonnunquam & hoc modo vsurpatur.

E P I T O M E.

Adeò, interdum accipitur pro valde, sed frequentius pro intantum, sicut vsqueadeo & vsque cò (pro quibus nonnulli tantum vsurpant) idque aut sequente vt, aut sine cò, & interdum cum solo verbo. Omnia in litera exemplis constant. quocirca superuacaneum videri potest his breuibus capitibus epitomen præposuisse: nōnihil tamen iuuerit si aut breuius aut lucidius idem dicat.

De Adeò, Vsqueadeo, Vsque cò, & Tantum. CAP. XLIIII.

ADeò exponunt pro valde: vt Terentius, Iuuenem adeò nobilem. Significat etiam intantum, nonnunquam sequente vt, nonnunquam non sequēte, vt apud Quintilianum, Cuncta (si videtur) iura percurrite, nusquam adeò pro nobis sollicita lex est, vt quod præstat, extorqueat: dedit cæco talionis actionem, non manus recusantis impellit: iniuriarū, cædis agere permisit, sed nō cogit inuitos. adeò penè leuius est ultionem perire, quàm potestate. Genus seruitutis, est coacta libertas. Hic eadem sententia fuerit si dixero, adeò vt penè leuius sit ultionem perire, quàm potestatem. Nam sæpe hoc modo legimus adeò positum cum vno verbo, non cum duobus: quale fuerat exemplum superius: vt apud eundem, At quum protinus respondendum est, omnia parari non possunt, adeò vt paulo minus promptis etiam noceat scripsisse, si alia ex diuerso, quàm opinati fuerint, occurrerint. Licuisset hoc etiam sic dicere, Adeò paulominus promptis etiam nocet scripsisse. Idem efficit Vsqueadeo & Vsque cò, vt apud eundem, Hinc tumor, & vana de se persuasio vsqueadeo, vt illo discipulorum tumultu inflati, si parum à præceptore laudentur, ipsi de illo male sentiant. Sine vt, & per indicatiuum apud Ciceronem, Ne si quando ei dicendum erit de iustitia, de fide, mutetur à Platone, qui quum hæc exprimenda verbis arbitraretur, no uam quandam finxit in libris ciuitatem, vsque cò illa quæ de iustitia dicenda putabat, à vitæ consuetudine, & à ciuitatum moribus abhorrebant. Multi ad hunc ipsum modum vsurpant tantum.

E P I T O M E.

Quin, trifariā accipitur. Primo pro quinetiā, siue atq; etiā, idque ferè cū indicatio. Secundo pro vt non, vel qui nō, seu quo min⁹: & id cū subiunctiuo. Tercio pro

cur non: id autem interrogatiue & cum indicatiuo. Videtur enim quin, compositum à qui & nescio non. Qui autem, pro quare, aut quomodo, accipi solet: vt, Qui sit Meccenas. hinc per compositionem dicitur alioqui, quod est alioquouis, hoc est quomodocunque aliter, aut alia quauis re, pro quo vulgo alioquin scribunt.

De Quin & Quinetiam.

C A P. X L V.

1. AEncid.

Quin pro Quinetiam, siue atque etiam. Virgilius,
-quin aspera Iuno,
Quæ mare nunc terrâsque metu, cælumque fatigat,
Consilia in melius referet.
Quin pro vt non, vbi desyderatur utique subiunctiuum verbum, idemque non principale, vt idem libro tertio AEncid.
Hic tibi ne qua moræ fuerint dispendia tanti,
Quin adeas vatem, precibusque oracula poscas.
Quin pro cur non, semper interrogatiue, & per indicatiuū. Idē,
Quin tu aliquid saltem potius quorum indiget vsus,
Viminibus mollique paras detexere iunco?
Nescio quid viderit Seruius, qui hunc locum exposuit per quinetiam. Sed duo priores sensus vulgo sunt noti, in carmine & in prosa, frequentes & obuii. De tertio afferam ex oratoribus quoque exemplum. Cicero pro Rabirio, Quin compefcitis istam vocem indicem stultitiæ, testem prauitatis? Quintilianus in paupere amatore, Quin tu potius admittis iuuenis consilii rationem.

E P T O M E.

Secundum, accipitur pro iuxta, & pro post, aut simul pro vtroque; interdum etiam quasi pro significat, interdum in. sæpe autem in vulgari significato, quod est quasi, sequendo authoritatem aut opinionem. Secundum enim, à sequendo dictum volunt. quod autem sequitur, solet iuxta esse, & post: solet item prodesse, vnde secundus ventus, & secundū flumen nauibus prodest. quo circa accipitur, vt sit quasi pro. Dicendo autem secundum Platonem, est quasi sequendo authoritatem aut opinionem Platonis. Secundum aurem, non est tantum iuxta aurem, sed iuxta; sic tamen vt à posteriore parte, vnde addidi, aut simul pro vtroque.

De Secundum præpositione.

C A P. X L V I.

Epist. famil.
lib. 4.

Secundum, nonnunquam pro iuxta & post. Virgilius,
Dulcibus illa quidem illecebris aut plena secundum
Flumina. Quintilianus in pariete palmato, Tu iaces secundum occasionem, & expeditum tibi in proximo facinus est. Sulpitius, M. Marcellū post cœnæ tēpus à Magio Chilone familiari eius pugione percussum esse, & duovulnera accepisse, vnū in stomacho, alteram in capite secundum aurem. Hic iuxta significat. Itē quod ab altero secundū est, id iuxta est, atque post. Ideoq; secundum pro post accipitur, quasi secundo loco. Idē Quintilianus in gladiatore, Nam quod vnum mihi secundū patrem fortuna videbatur parasse præsidium, id ego sperare in illa sorte nō poteram.

Cicero, Proxime autem & secundum deos, homines hominibus maxime utiles esse possunt. Idem, Appellat heredem L. Anniū, Offic. 2. In Verrem, qui erat institutus secundum filiam. Liuius libro nono, Hetrusci act. 3. belli fama exorta est. nec erat ea tempestate gens alia, cuius secundum Gallicos tumultus arma terribiora essent. Secundum etiā accipitur pro eo quod est pro. vt, Secundum te litem do, secundum me iudica, secundum se iudicium des vult. id est pro me, pro te, pro se. Et pro in: vt, Secundum quietem, id est in quiete somni. Secundum autem Platonem, secundū Pythagoram, sensus hic notissimus est.

EPI TOME.

Iam, eleganter ponitur quasi pro & tunc. Aliquando autem est quasi nodus quidam inter sententias, idque aut solum, aut cum vero. Iamiam de futuro, notam habet significationem, videlicet nunc, id est proxime, aut statim. interdum figurate per indignationem aut miserationē sumitur, quasi sit præcipue iam, vt exempli literæ docent.

De Iam, & Iamiam.

CAP. XLVII.

I Am eleganter vsurpari solet, aliquando quasi pro tunc: vt Cicero, Ipsa verba compone, & quasi coagmenta (quod ne Græci quidem factitarunt) iam neminē antepones Catoni. Quintilianus, Quod si satis prudēter ea viderint, iam propē cōsummata fuerint præcipientis opera. Aliquando significat præterea, quasi nodus quidam inter sententias. vt Virgilius, Iam maris immensi prolem & genus omne natantum, Iam varias pelagi volucres. Huiusmodi exempla sunt crebra. Idē efficiet iunctum cum vero. iam vero vrbibus constitutis, &c. Iam vero. Iamiam de futuro palam est quid significet, vt Iamiā aderit. Et Iamiam. de præsentī, licet ad futurū resoluatur, Iamiāmque manu tenet, 2. AEneid. & premit hasta. quasi nunc nunc tenebit. Nonnunquam figurate per indignationē, miserationē mve accipitur: vt idem Virgilius, 4. AEneid. -iamiam nec maxima Iuno, Nec Saturnius hæc oculis pater aspicit æquis. Cicero in Verrem, Iamiam Dolabella neque me tui, neque tuorum liberorū, quo te aliqui innocentem putant, casus miseret. Quintilianus, Iam- In infami in matrem. iam malo venena, ferrum, subitos ictus, improuisāmque mortem, incestum qui non credit, torquere nō debet: qui credit, statim debet occidere. Et hæc per indignationem. Per miserationē verò, Sallustius in Iugurtha, Iamiam animo meo charissime frater, quāquam tibi immaturo, & vnde minime decuit vita crepta est, tamen lætandum magis quā dolendum puto casum tuū. Per exhortationem quoque, vt apud Quintilianum, Iamiam cōmilito quicunque casus manet, etiamsi te imperator damnatu-

In milite Mariano.

rus est, habes solatium, satius est quàm à patre occidi.

E P I T O M E.

Tantisper significans quasi per tantum temporis, habet eleganter post se dum pro donec seu quandiu. Donec autem & Dum, bifariam accipiuntur. vno modo pro quoad, seu usque ad: altero pro quandiu. Priore modo subiunctiuum, posteriore indicatiuum postulant. Paulisper autem, non paulum, sed per paulum temporis significat: sicut parumper, per parum temporis: & aliquantisper, per aliquantum temporis.

De Tantisper, Paulisper, Aliquantisper, Parumper, & similibus.

C A P. X L V I I I.

Doncc.

Tantisper, ferè postulat post se dum pro donec, siue quadiu. Nam & donec duobus modis accipitur, Dabo operam voluptatibus donec moriar. id est usque ad mortem. & Dabo operam voluptatibus donec uiuo. id est quandiu uiuo. Eiusdem naturæ est dum.

Dum.

Ideoque in priore sensu amat subiunctiuum, in posteriore indicatiuum more donec: ut apud Ciceronem, Deinde est in carcerem ductus, ut ibi esset tantisper, dum culeus in quem coniectus deferretur, compararetur. Terentius, Ego tantisper te dici volo meum, dum id quod volo facis. Sunt tamen qui pro tantummodo accipiant, sunt qui etiam pro interea. Cætera quoque sic à per composita, ad temporis breuitatem referuntur, Parumper, Paulisper, Aliquantisper. Sunt qui per imperitiâ hæc accipiunt pro suis primitiuis, quæ sunt Parum, paulum, aliquantulum.

In Heauton.

Per.

E P I T O M E,

Fere & Temere, præter notas significationes, vniuersalitatem quædam etiam citra signum vniuersalitatis connotant: ideoque cum signo vniuersali, non cum particulari poni possunt. Non ergo dices, ferè multos, aut ferè aliquos. Temere autem non Ciceronis, sed Quintiliani temporibus, in hunc usum venit, sicut alia multa in litera enumerata.

De Ferè & Temerè.

C A P. X L I X.

Ferè significationem habet non omnibus notâ, nisi quando significat penè: cuius significatio est, paulum absuit quin. ut,

Penè siue ferè in manus hostiû incidi. id est paulum absuit quin in manus hostium inciderem. Altera significatio est, quum subintelligitur aliqua vniuersalitas. ut Quintilianus, Hæ sunt ferè emendate loquendi, scribendique partes. id est ferè omnes. Ideoque illud omnes adiungitur. ut idem, Nam in omnibus ferè minus valent præcepta quàm experimenta. Similiter de loco, de tempore, similibusque. ut, Vtor ferè hac veste in faciendis sacris. id est in omni ferè tempore. Ferè Romani orbem subegerunt. id est ferè totum orbem. Ferè fit, ut iuuenes ament. id est ferè vbique. Cuius significationis imperiti corruerunt illud Ciceronis de amicitia, Memini illum in eum sermonem incidere, qui tum ferè multis erat in ore. quum scribendum sit, qui tum ferè erat in ore, id

In prologo.

est ferè omnibus. Pro ferè accipitur temerè apud omnes post Ciceronem natos: vt Quintilianus, Illud ingeniorum velut præcox genus non temere vnquã peruenit ad frugem. Sunt enim quædam, quæ sequens ac proximũ M. Tullio sæculum adiungenda existimauit, vt proculdubio, obiter pro specialiter, tali causa, vel pro statim, quoties pro quando. Nam Cicero ferè nõquam vtitur, nisi addat toties. Citra pro sine, vt ibi, Plusque, si separe, vsus sine doctrina, quàm citra vsus doctrina valeat. Interim pro aliquando, Meo nomine, tuo nomine, hoc nomine: pro mea, tua, hac causa, siue hoc respectu. vt ibi, Minus est quod flèdum meo nomine, quàm quod illius gaudendum est. Et alibi, Ago quinimò gratias hoc solo nomine crudelissimis fatis, quòd maximũ facinus non in prima æui mei parte posuerunt. Cicero rarissime, vt in Bruto, At vero inquam ego tibi Brute nõ soluam, nisi prius à te cauero amplius eo nomine neminem, cuius petitio sit, petiturum. Et pro Sylla, An cum tãto imperio, tãtãque potestate nõ dicis fuisse regem, nunc priuatum regnare dicis? quo tandẽ nomine? Sed hoc declinabile est. Nunc autem de indeclinabilibus agimus, qualia & hæc sunt, alioquin, aliàs, nihilominus, super & supra, diuersius aliquantulum à Ciceronis vsu. De qua differẽtia in commẽtariis à me in huius orationes, & illius declamationes componendis differetur.

Temere.
Lib. 1. cap. 4

Proculdubio
Obiter.

Citra.
Quintil. li. 12.
cap. 6.
Meo nomine

E P I T O M E.

Perinde, sequente ac si, vel atque si, aut quàm, negatione præcedẽte, venuste ponitur pro ita, seu eo modo, aut nõ aliter: sed sine huiusmodi particula, & sine negatione, accipitur pro æque. Non perinde, id est nõ ita, vel non multũ. Proinde autẽ, est ideo vel ideoque. à Lucretio tamen accipitur pro perinde. Subinde, accipitur aliquando pro inde, vel deinde, aut statim: & pro identidẽ siue frequenter cũ quodam interuallo. Item & Itidem significant similiter. Num, vnde nõquando cõponitur, significat quasi an, sed negatiuam expostulat responsionem: vbi non, affirmatiuam exigat, quæ responsio fit per etiam, sic, & ita.

De Perinde, Proinde, Subinde, Identidem, Itidem, & Item.

CAP. I.

Perinde flagitat post se ac si, vel atque si, quum significatio eius sit ita. vt, Fac perinde, ac si tua res esset. id est ita quasi.

Cum negatione vero etiã quàm: vt Suetonius de vita Domitiani, Nulla tamen re perinde commotus est, quàm responso casuque Ascleptarionis mathematici. Quòd si non sequatur nec ac si, nec negatio, accipietur pro æque: vt Plinius Iunior, Funus Ruffi clarissimi viri & perinde foelicissimi. Pro ita, id est multum, vt idem Suetonius de vita Galbæ, Quare aduentus eius nõ perinde gratus fuit. Proinde idem est quod ideo, vel potius i- Proinde. deoque. semper enim dependet à superiore sententia. Quidam,

- quorum est Lucretius, accipiūt proinde in eam significationem quam dedimus perinde. vbi proinde duas syllabas habere facit.
- Subinde. Subinde accipitur pro inde vel deinde statim: vt Titus Liuius li. tertio, Subinde arreptus à Publio Numitorio Spurius Oppius. Et Horatius ad Celsum,
Si dicet recte, primum gaudere, subinde
Præceptum auriculis hoc instillare memento.
- Identidem. Etiam pro identidem siue frequenter cum quodam interuallo. Vt si iter faciens crebro ad comitem respiciam an me sequi possit, dicam, subinde respicio. Cicero autem diceret idētidem. Nam subinde vti non solet, ne æquales quidem eius, Varro, Sallustius,
- Nonissimus. Cæsar, licet illi vtantur nouissimo pro vltimo: multiq; alii, quod
- Itidem. Item. Cicero non facit. Itidem & Item, significant id quod similiter. Hæc omnia ab inde cōposita Priscianus, multiq; alii pronuntiare volunt accentu in antepenultima syllaba, qualia sunt (vt eidem placet) composita à quando, aliquando, siquando, néquando, nūnquando. Est enim hoc vltimum & ipsum compositum. Ideoque per n in tertia litera scribendum est, non per m, pro eo quod est, nū aliquādo. Est autē huius monosyllabæ significatio penē eadē quæ an, subintelligitque vtique negationē. Vt, Num ego te spoliaui? quasi dicat, ego te non spoliaui. At quoties per negationem interrogamus, subintelligitur affirmatio. vt, Non ego te spoliaui? quasi dicat, ego te spoliaui. Affirmatiua autem responsio hæc propria est etiam. Vt, Vidisti me hodie? si vidi te, respondere debeo etiam, vel sic. Plinius ad Tacitum, Studes inquam? respondit etiam. Vbi? Mediolani. Vulgo autem respōdemus, ita. Neque hoc sine autoritate. Simo apud Terentium dicenti Dauo, mihīne? respondit, ita.
- Ita.
- In Andria
- scē. 2. actus 5.

E P I T O M E.

Nunc, vsurpari solet sine significatione temporis certi, vt non sit in hoc tempore, sed quasi in hac conditione seu qualitate.

De Nunc.

C A P. I I.

Nunc, solet vsurpari sine significatione temporis. vt de diuinatione Cicero, Quæ quidem multo plura euenirent, si ad quietem integri iremus. Nunc onusti cibo & vino, cōfusa & perturbata cernimus. Et de Oratore, Et si in huiusmodi genere nihil esset, nisi falsum, atque imitatione simulatū, maior ars aliqua esset requirenda. nunc ego quid dicam? Et in eodem, Nam si ita diceret, & cætera. Nunc verò fateris, & cætera.

E P I T O M E.

Bene & Male, accipiuntur pro valde: sed male, potissimum de re quæ malum affert, sicut & pessime & peius: sed peius gaudet iungi verbo odi, cui etiam male sic

iunctum legitur. Dicitur ergo quis bene miser, id est multum, etiam cum pernicie. sed male gratus, negationem affert, quum gratus animus non contingat cum malo. Male cautus autem dici potest multum cautus, sed in malum alterius. Ovidius, Græcia facundum sed male forte genus, id est non forte, quod particula exceptiva specificat.

De Bene, Male, Peius, Pessime.

C A P. L I I I.

Bene nonnunquam accipitur pro valde. vt Cicero, Habetis orationem bene longam. Quintilianus, Quum multa diserte, summisque clamoribus, quæ neque ad iudicem, neque ad declamationem pertinent, decantauerunt: bene sudantes, beneque comitati per forum reducuntur. Huic simile quiddam habet male, vt Comici frequenter vtuntur, Male mihi timeo, pro Male. eo quod est valde timeo. Cicero in Bruto, Addebat etiam, idque ad rem pertinere credebatur, scriptores illos male mulctatos, id est, valde, & quasi bene mulctatos, sed in malum illorum. Ideoque non bene dixit mulctatos, sed male. Neque id solum in positiuo aduerbio, sed in superlatiuo quoque, vt pessime mulctatos. Atque Pessime. adeo in comparatiuo, sed frequentius cum verbo odi, vt idem in Philippicis, Quo neminem veterani peius oderunt. peius quasi Peius. magis & validius. Idem ad Marium, Oderam multo peius hunc, Epi. Fam. quam illum ipsum Clodium. Illum enim oppugnaueram, hunc libro 7. defenderam. Nec tantum per comparatiuum cum hoc verbo, verum etiam per positiuum. vt Terentius in Adelphis, Illud rus nulla alia causa tam male odi, nisi quia propè est: tam male, pro eo quod est tam valde. per aliud autem verbum, vt Ovidius heroidum, Peius adulterio turpis adulter obest.

E P I T O M E.

Super, significat fere rem contiguam: Supra, fere interiecto spatio distantem. Intra, ad numerum & spatium refertur: habetque pro correlatiuo extra. Infra, ad dignitatem vel ad locum, & habet pro correlatiuo supra. Super autem, habet pro correlatiuo subter: quod etiam contactum rei significat. Non ergo dicemus, Infra octauam Petri, sed intra. nec, Faciam infra octo dies, sed intra, aut octo diebus efficiam. Regunt autem nunc super & subter accusatiuum: sed olim erant communes præpositiones. vnde Maro in Bucolicis, Fronde super viridi. Et in Aeneid. Ferre iuuat densa subter testudine casus. Persius autem dixit, - & ilia subter Cæcū vultus habes. Vrinator dicitur qui se aquis immergit, atque dum vult, emergit natando.

De Super, Supra, Intra, Infra, Subter. C A P. L I I I.

Super & Supra, licet in eodem loco sedere possint, tamen in hoc plerumque differunt, quod illud contiguum est, hoc interiecto spatio. Vt, Sedeo super lapidem, magis quam supra lapidem. Rursus, Aquila volat, vel nubes pendent supra nos, potius quam super nos. Non tamen sic semper, vt apud Quintilianum, Nec vlla est supra terras adeo rabiosa bellua, cui non imago sua sancta sit. Et Liuium lib. 44, Vbi circa muros supra sub-

Intra. térque terram per dies quindecim pugnatum est . Intra & Infra etiam differunt: quia intra ad numerum & spatiū refertur, vt Intra viginti dies, & intra muros: non autem infra viginti dies, vel
Infra. infra muros. Infra ad dignitatem & ad locū: vt Infra dignitatē meam est, & infra tectum, id est subter tectū. Denique intra habet relatiuum extra: infra verò supra. Subter quoque relatiuū
Extra. habet super. Ideoque tactum rei ferè significat. Vt, Hic vrinator
Subter. mirifice natat, duratque subter aquam.

E P I T O M E.

Sicut, significans idem quod quemadmodum, aut quomodo, venustatem habet in cōnectenda antecedenti sententia cum sequenti: sicut & ipsa quibus æquipollet, poni solent. Copulat etiam res non solum similes, sed etiam dissimiles. quam vim etiam (& quidem frequentius) particula vt habet, sequente præsertim ita: quod ab itaque differt, id quod sic à sicque: quia simplicia, præpositiui sunt ordinis: cōposita, communis. Accipitur etiam ita, pro valde. Horum autem omniū exempla, in litera clarissima sunt: sine quibus, difficulter rem intellexeris.

De Sicut, Ita, Itaque, & Sic.

C A P . L I I I I .

Cap. 19.

Quæadmodū
 Quomodo.
 Sicut.

Vt.

Ita.

Sicut, habet nonnunquam venustatem magnam atque utilitatem in disponendo, quoties antecedentem annectit cum sequente sententia: vt apud Quintilianum, Sunt & alia ingenta quidem quæ adiuuant: vox, latus patiens laboris, valetudo, constantia, decor: quæ si modica obtigerūt, possunt ratione ampliari. Sed nonnunquam ita desunt, vt bona etiam ingenii, studiæque corrumpant. sicut & hæc ipsa sine doctore perito, studio pertinaci legendi, scribendi, dicendi multa & continua exercitatione per se nihil prosunt. Plinius libro septimo, Ferūt Crassum auum Crassi in Parthis interempti nunquā risisse, ob id ἀχέλαστον vocatum, sicut nec fletse multos. Seruius grāmaticus hac dictione & bene & frequenter vtitur. Possumus eodem modo, quo sicut, vsurpare duo alia, quemadmodum & quomodo, aut siquid aliud est eiusmodi naturæ. Habet & aliam naturam sicut, vt non modo res similes copulet (quod est frequentissimum) sed diuersas quoque & sæpe contrarias. vt idem Quintilianus, Sed hæc eloquendi præcepta sicut cognitioni sunt necessaria, ita non satis ad vim dicendi valent, nisi illis quædam facilitas, quæ apud Græcos ἔξις nominatur, acceperit. Quod licet dicere etiam per vt, & quidem frequentius. vt idem, Quod vt optimum, ita longe difficillimum. Sed in hoc genere sermonis bonam sibi partem vendicat illud ita. De quo hoc etiam addam, quod nonnunquam accipitur pro itaque, sed hac differentia, vt nonnunquam ipsum antecedit in eadē sententiā altera dictio. Cicero in Tusculanis, Ita nobilissima ciuitas Græciæ, & olim potentissima sepul-

chrum cuius sui ignorasset, nisi ab homine Arpinate didicisset. Possumus per itaque sic dicere, Itaque ciuitas, vel ciuitas itaque, eodem modo quo sic, pro sicque. Quintilianus ubi de adolescēte in opere duro ac virili se exercente dixisset, intulit, Sic effectū est, vt quemadmodum aliqui putant, posset cito militare. Accipitur etiam ita pro valde, vt Cicero, Nec ita multo post edictum Bruti affertur & Cassii. Quintilianus, Nec res est ita magni temporis ac laboris.

Itaque.
Sic. Sicque.

Ita pro valde

EPI TOME.

Nam, etiam præpositiui est ordinis: nanque, communis. Nam quòd, idem est quòd, quòd vero, vel quòd autem. Dices ergo, Nam hoc licitum est: vel, nanque hoc licitum. Item, Hoc nanque licitum est: vel, hoc licitum est nāque. sed non, Hoc nam licitum est &c.

De Nam, Nanque, Nam quòd, Quòd autem, & Quòd vero.

CAP. I V.

NAM & Nanque quiddam simile habēt quod ita & itaque. Quippe quum nanque soleat & primum locum sortiri, & secundum, aliquando etiam tertium: nam, non solet, sed prima semper est dictionum. Præterea hoc aliquando accipitur pro autem, ad distinctionem sentētiarum. vt in Sallustium Cicero, Nam quòd in vxorem atque filiam meam tam petulanter inuectus es. Idem valet ac si dixisset, Quòd autē in vxorem, & cætera. Siue quòd verò. veluti sæpe incipere solemus. vt idem, Quòd autem scribis, quid de exitu belli sentiam, magis consiliū petere possum, quàm ipse aliis dare. Idem de Oratore lib. primo, Quòd vero viros bonos iure ciuili fieri putas, quia legib' & præmia proposita sint virtutibus & supplicia vitiis, equidem putabā virtutem hominibus (si modo tradi ratione possit) instituendo & persuadendo, non minis & vi ac metu tradi.

Nam quòd.

Quòd autē.

Quòd vero.

EPI TOME.

Iterum, inquit Valla, etiam ad primam vicem spectat: sicut quædam composita à re, nullam iterationem important. & Rursus, pro econtrario. Antehac, proprie est ante hoc tempus: & Posthac, post hoc tempus. tamen antehac, interdum accipitur pro ante illud tempus: & posthac, pro post illud tēpus. Sicut Deinceps, proprie est deinde, aut dehinc: sed accipitur aliquando pro gradatim. In exemplis tamen à Valla laudatis meo iudicio iterationem significat: nam in illo Ciceroniano, Quātam non iterum &c. negatio innuit iterationem adsignificare, alioqui frustra negaret eam. Veluti si dicam, Feci quidem semel, sed non faciam iterum. Vbi si neges iterū secundariā vicē significare, negabis tertiu significare tertiā, si dixerō, Fecisti semel atque iterū, caueto tamen ne tertiū facias. Præterea in Virgiliano 6. AEneid. Rursus & incipiāt in corpora velle reuerti: nō videtur cur rursus nō significet iterū, quia opinabantur plurimi animas purgatorū aut perfectōrū hinc migrare ad Eliseos cāpos, atq; expleto tēpore fruitionis gaudii virtutibus debiti, iterū haurire letheo flumine, in corpora velle reuerti, atq; reuera redire. Nō tamē inficias eo

re trifariam accipi. Interdū iteratiue: vt, Itque reditque viam toties. Interdum pro simplici, vt Ad Chrysippi laqueos reuertamur. Interdum pro contrario simplicis, vt quando componitur cum verbo ad clausuram aut occultationem pertinēte. Vnde claudō & recludo, sero & resero, velo & reuelo, texo & retexo, tego & retego, contraria sunt. Reuincio tamen fere auget: & rescisco aliud dicit.

De Iterum, Antehac, Posthac, Deinceps, &

Rursus.

C A P. L V I.

Antehac.
Posthac.

Deinceps.

Iterum.

Rursus.

Reddi pro
dari.

Reuertor.

Iterum, refertur etiam ad primam vicem, non tantum ad posteriorem. nam iterum voco te, id est iterata vice, visitatum est. Iterum vocaui te præter hanc vicem, minus est visitatum. Cicero pro lege Manilia, Quum tantam multitudinē, cum tanto studio adesse videamūs, quantam non iterum in eodem homine præficiendo vidimus. Antehac & Posthac huic similia sunt, hoc est, ante hoc, vel post hoc tempus. Aliquando tamen reperimus ante illud, vel post illud tempus. Sallustius, Sic erat accensa libidine, vt sæpius peteret viros, quàm peteretur: sed ea sæpe antehac fidem prodiderat, creditum abiurauerat. Suetonius in Domitiani vita, Pari arrogantia quum procuratorum suorum nomine formalem dictaret epistolam, sic coepit, Dominus & deus noster sic iubet fieri. Vnde institutum posthac, vt ne scripto quidem, ac sermone cuiusquā appellaretur aliter. Deinceps similiter accipitur pro dehinc, & pro deinde, atque etiā pro gradatim. Cicero in Tusculanis, Omnes qui deinceps accubarēt, ad lyram canerēt. Et ad Thermum, Sed tamen tres fratres, summo loco natos, promptos, nō indifertos, te nolim habere iratos, quos video deinceps Tribunos plebis per triēnium fore. Sed redeamus ad Iterum, quod aliquid nouitatis exhibet, quum dicitur, Iterumque ad tarda reuerti Corpora. Quomodo iterum? nunquid semel antea redierant? minime. Quid ergo? Aut accipiendum est, quomodo rursus, pro e contrario. Cicero Officiorū libro tertio, Neque me doloribus dedi, quibus essem confectus nisi restitissem, nec rursus indignis homine docto voluptatibus. Aut reuerti redireque pro venire. vt idem de Fato, Ad Chrysippi laqueos reuertamur. quum nihil de Chrysippo meminisset. Quintilianus, Si verum est post vetusta sæcula, & innumera biles annos reddi rursus aliis corporibus animas, fortasse in me renatus sit aliquis ex illis. Reddi quasi dari. nam idem hoc verbum efficeret. & alibi, Sed ad illos iam perfectis constitutisque viribus reuertamur, quod in cœnis grandibus sæpe facimus, vt quū optime satiati simus, varietas tamen nobis ex vilioribus grata sit. Non ait reuertendum ad viliores libros, quasi ab his incipiendum sit: sed quum satiati fuerimus bonis libris tanquam cibus,

postea nos ad viliores conuertamus.

E P I T O M E.

Vltro & Citro, significant quasi hincinde, seu ex vtraque parte progrediendo & redeundo, certo ordine: & tam verbis quàm factis attribuuntur. Huc illuc, significat modo in hanc, modo in illam partem, sine ordine. Sursum & deorsum, à Terentio quasi pro huc & illuc dicuntur: sed ad scitum Atheniensem respexit: vnde locum habent in his quæ sursum & deorsum fiunt. Vltro, est quasi non requisitus, vltra videlicet spem aut opinionem eius cui aliquid fit. Sponte, id est proprio nutu aut natura eius qui facit. Respicit igitur vltro, animum eius cui fit: sponte, facientis. Virgilius in Bucolicis, At mihi sese offert vltro meus ignis Amyntas. vltro, id est non requisitus à me. Idem Georgicorum 2, Sponte sua quæ se tollunt in luminis auras: Infœcunda quidem, sed læta & fortia surgunt: Quippe solo natura subest. Verba habentur Vltro & Citro inter loquentem & respondentem. Fortuna agit sursum & deorsum in se confidentes: procellæ autem, naues &c. Grex pascitur huc illuc oberrando &c.

De Vltro citróque, Huc illuc, Sursum deorsum, Vltro, & Sponte.

CAP. LVII.

Vltro citróque in factis & in dictis. Quintilianus in Cæco in limine, Cæcus quoque inuentus in limine est, sicut solet vltro citróque commeari. Cicero libro sexto, de re publica, Multisque verbis vltro citróque habitis, ille nobis consumptus est dies. Quñ ego te alloquor, tunc verba vltro quasi vltra eunt: quum te alloquentem audio, tunc verba citro quasi citra veniunt. sicut pedes quum à loco recedo, tunc vltro eunt: quum redeo, tunc citro. Nec elegans esset, Huc atque illuc commearat, nisi errabundum & incertum iter significes. Quidam tamen sursum & deorsum vtuntur, opinor imitantes Teretium, qui in Eunuchis ait, Sex ego te totos Parmeno hos menses quicquid reddam, ne sursum deorsum cursites. Nescio an de Athenis hoc dictum sit, quibus portus in imo, vrbs verò in editiori loco sita est. Fortè sic loqui deceat per sursum deorsumque, si de fortunæ mutabilitate dicatur, quæ nunc tollit, nunc deprimit. Vltro tamen à sponte sic videtur (vt breuiter dicā) differre, quòd vltro est quasi sine requisitione. vt Vltro ad te veni. id est, à te nõ requisitus veni. Spõte ad te veni. id est, meo consilio: licet ad res inanimatas transferimus. vt Multæ arbores sua sponte nascuntur. id est per se.

Huc. Illuc.

Sursum.

Deorsum.

Vltro.

Sponte.

E P I T O M E.

Et, & que, eleganter ponuntur pro quia, seu nanque. Geminanturque venuste in rebus diuersis & paribus seu eiusdem ponderis: quo modo nec & neque, neu & néve, seu & siue geminari solent. Et, quoque initiis sententiarum competit, sicut ac & atque. Interdum affectui seruit significans quasi & tamen, aut & nihilominus. Interdum neque copulam, neque affectum significat, sed stuporem eius quod infertur quo modo etiam que & atque, præcedere id, aut hoc, locum habent, idque (vt exemplum ponam) affirmatiue: negatiue autem, neque hoc, seu neque id. Notum auté

quod que pro &, quoque pro etiā, accipi debeant: ita ut que, quasi mēbra vnius corporis coniugat, quoque quasi diuersa corpora. Et verò pro etiam, apud Ciceronē nusquā, aut perraro reperitur, aut frequenter apud sequētes eum. Similiter nec, pro ne quidem, aut nec etiā, sicut apud Quintiliani sēculum. Confundūtur interdū &, & nec, ita ut ab & incipientes, per nec finiamus: aut ediuerso. Idem autē iudiciū est de neque, quod de nec: in quorū utroq; includitur &, aut que cū negatione, ut sint & nō, vel que nō. Verūtamen nec enim, aut neque enim, & nec verò, seu neque verò pro simplici negatione accipiūtur, ut nec & neque valeant tantū nō: nisi &, addatur ad enim, dicendo non etenim. Exempla omnia sunt in litera clarissima: ut, Audieras, & fama fuit. hoc est, ideo audieras, quia fama fuit. Ortusque nostri: quia ortus nostri &c. Sic quidam exponunt illud, Benedicta tu in mulieribus, & benedictus. id est quia benedictus fructus &c. Geminantur in rebus paribus: quia si disparitas esset, minori aut minimæ præponeremus quā particulam. Si ergo pariter theologus es & orator, dicā, Excellens & theologus & orator. Si minus theologus, dicam, Excellens quā theologus, tum orator. Si minus orator, Excellens quā orator, tum theologus. Male quidam vsurpāt quoque pro &: nam pro etiam capi debet, ita ut corpora connectat. quod, ut intelligas, exemplo declarem, Iohannes & Petrus cucurrerunt ad monumentum: vna est oratio, cuius duo membra, hoc est categorica de copulato subiecto. Non solus Iohannes cito ad monumentum venit, nam Petrus quoque cucurrerat: connectuntur corpora. id est duæ categoricæ virtualiter ad verificandam hanc, Petrus quoque cucurrerat: præsupponitur hæc, Iohannes cucurrerat ad monumentum.

De Et, Ac, Que, cum suis compositis. C A P. L V I I I.

Et. Que.
Neque. Nec.

ET, multifariā solet in vsu accipi, cuius conditionis est, que, & ab eo cōposita negatiua, neque, & per apocopen nec. Virgil. Audieras, & fama fuit. Martialis,

Quòd nummos cernis, mitti nos credis amicæ,
Falleris, & nummos ista tabella rogat.

Lib. 1. cap. 1.

Quintilianus, Has primū audiet puer, harū verba effingere imitando conabitur. Et natura tenacissimi sumus eorū, quæ rudibus annis percepimus. Et, pro quia accipiēdum est. Ouidius in Fastis, Nil aliud Vestam, quā puram intellige flammam,

Natæque de flamma corpora nulla vides.

Lib. 1. Offic.

Que pro quia, siue nanque. Similiter Cicero, Non solum nobis nati sumus, ortusque nostri partem sibi patria vendicat, partem amici. Duplicantur interdum hæ coniunctiones, sed in rebus diuersis venustius. ut, Te admirantur & ciues & hospites. Virgilius, O qui res hominūque deūmque. Id est, ô qui res & hominum & deorum. Sallustius in Iuguthino, Séque vobisque dignū est. id est, & se & vobis dignum est. Raro tamen in prosa, in carmine verò frequentius. Quintilianus, Nihil otiosum pati, quòdque in inuentione, quòdque in elocutione annotandum erit. Quare de nec, & de neque, & de siue, similibusque quoties geminātur (quā facilia inuentū sint) omitto exēpla. Et, quoque initiis sententiarū

competit, vt idem libro primo, Et finitæ quidē sunt partes duæ,
 quas hæc professio pollicetur. Eiusdem naturæ est ac, & atque. Ci Ac. Atque,
 cero, Ac si volumus eius rei, quæ vocatur eloquentia, siue artis,
 siue studii, siue exercitationis cuiusdam à natura profectæ consy-
 derare principiū, & cætera. Idem, Atque cæteri imperatores, qui
 de illo triūpharūt, & cætera. Interdū etiā Et, affectui seruit, vt idē
 pro Milone, Et sunt qui de via Appia loquātur, taceant de Curia.
 Et in Philippicis, Et ad eū legatos de pace mittemus, qui pacis nū-
 tios repudiavit. Idē, Et postea miramur, quare ferat moleste po-
 pulus Romanus. Interdū neque copulā, neque affectū significat.
 vt si hoc modo loquar, Superavi illū in palæstra, & est tā vastus,
 & sum tā pusillus. Vt idē de senectute, Defendi legē Voconiā ma-
 gna voce, bonisque lateribus, & videtis annos meos. Ac si dixis-
 set, Defendi legē Voconiā iuuenili voce, atque lateribus, & sum
 ita senex. Interdū etiā tali modo, Defendi fortissime illā legē, &
 hoc in tam prouecta ætate, vel & id in tā prouecta ætate: vel per
 que, siue per atque, sic, Idque in tā prouecta ætate. Repudiavi vxo-
 rem, idque authore patre eius: vel, atque id authore patre eius. Itē
 per negationē, Duxi Paulam vxorē, neque hoc, vel neque id sine
 prudentū hominū authoritate: vel, nec id sine consilio: vel, & hoc
 non sine consilio. Quæ exempla & mihi relatu longiora sunt, &
 legentibus (vt suprā dixi) facilia inuentu. Illud nō indiget admo-
 nitione, quæ pro &, & quoq; pro etiā debere accipi, vt alterū quasi
 membra cum mēbris, alterū quasi corpora cū corporibus copu-
 let, aliter absurdū esset. Hoc admonendū est, Et pro etiam apud
 Ciceronē nusquā reperiri, sicut in cæteris illo posterioribus, vt à
 Virgilio incipiamus: vt, Natus & ipse dea. Quintilianus, Tamē si
 quid aduersus te ipse cōmisit adolescēs, sit hostis & meus. Cicero re.
 dixisset, Sit hostis etiā meus, vel meus quoque. Idē inquit, Quod
 inter omnes constat, nisi inter eos, qui ipsi quoque insaniunt, in-
 sanissimū. Quintilianus, id est, sæculum ab illo proximū, dixisset
 tū illo modo, tū etiā sic, Nisi inter eos, qui & ipsi insaniūt. Simili
 ratione de nec, pro nec etiā. Vt idē, Perfolui gratia nō potest, nec
 malo patri. Cicero & superiores omnes dixissent, Ne malo qui-
 dem patri. Interdū miscemus &, atque nec, nūc ab hoc, nunc ab
 illo principiū sumentes, vt, Et pacem respuis, nec bellū geris: vel,
 Nec bellū geris, & tamē respuis pacē. vel sic, Et pacem non vis,
 nec tamen bellum geris. vel, Et pacem non vis, & bellum gerere
 non potes. Nam in nec, siue in neque (de vtroque enim loquor)
 inclusa est &, vel que, in quæ resolui potest: & vbi est nec vel ne-
 q;, id resolui potest per & non, vel que non. Poetæ etiā maiorem

Quoque.

Etiam.

In Gladiato-
re.

Nec.

In AEgro re-
dempto.

Nec enim.
Neque verò.

in his sibi licentiam permittunt. Nec & neque, sequēte enim aut verò, pro simplici, non pro composita negatione accipiuntur. Si quidem idem est nec enim, siue neque enim, quod nō enim: nisi ita resoluiamus, non etenim. Neque verò, idem quod non verò, si modo non verò dicere licet.

E P I T O M E.

Vicissim, significat proprie secundo loco, siue ediuerso, vel econtrario: & Inuicem, in vices, seu per vices. Tamen accipiuntur interdum pro mutuo: dum non per vices, sed simul alter alteri beneficium seu officium impēdimus. Inuicem præterea, pro vicissim interdum accipitur. Exempla patent in litera. Perottus autem præterdit, inuicem amare, non esse idem quod mutuo: quia qui mutuo amant, simul alter alterum amant: qui inuicem aut vicissim, non simul, sed per vices: sic vt dum alter amat, alter desinat amare, & ediuerso. sed dum dicit Quintilianus, Inuicem sustinentes, & inuicem innixos: intelligit simul & mutuo præstare obsequiū. Mutuo autem quid sit, dum par officium, aut obsequium par pari refertur, & sibi mutuo respondent.

De Vicissim, Inuicem, Mutuo.

C A P . I I X.

Vicissim, non memor sum vsquam esse apud Ciceronem & Quintilianum, & ferè maximos quosque authores, nisi pro secūdo loco, siue è diuerso, vel è contrario. Virgilius tantum semel, neque id aperte, videtur vsus pro inuicem & mutuo, -quid possit vterque vicissim Experiamur. Quod imitatus est Suetonius & alii plures. Cicero semper (quod ego quidem sciam) sic, Id acciperet ab alio, vicissimque redderet. Et iterum, Sed ego admiratione quadam virtutis eius, ille vicissim opinione fortasse nonnulla, quam de moribus meis habebat, me dilexit. Itidem Quintilianus, apud quem & cæteros illius ætatis, non modo inuicem tali modo vsurpatur, quale est in declamationibus, Inuicem sustinentes, inuicem innixi. id est, alter alterum sustinens, & vterque alteri innitens: sed etiam in sensu, cuius est vicissim, vt in libro decimo, Tam contumeliosos in se ridet inuicem eloquentia, & qui stultis videri eruditi volunt, stulti eruditis videntur. Et iterum, Neque enim video quæ iustior acquirēdi ratio, quàm ex honestissimo labore, & ab iis de quibus optime meruerunt: qui si nihil inuicem præstent, indigni fuerunt defensione. Plinius postērior, Habes res vrbanas, inuicem rusticas scribe. In eadē significatione est Mutuo, de quo modo attigi, non solum in hac, qualis est, Inuicē se amāt, & mutuo se amāt, & mutuus amor, sed in ea de qua disputaui. Idē Quintilianus in eodem statim post loco, Ac ne pauper quidem tāquā mercedem accipiet, sed mutua beneuolentia vtetur. id est respōdente. Cicero, Fac me mutuo diligas. hoc est, fac mihi in amore respondeas.

Cap. 7.

Lib. 12. cap. 7.

EPI TOME.

Scilicet & videlicet, videntur significare id quod certe: sed fere per amaritudinem quandam cum derisu permixtam. Interdum etiam sine ea. Interdum post relatiuum, quo modo quidem poni solet. Nonnunquam & ante, vel sine relatiuo. Vix tamen apud doctos reperias illum vulgo vsitatissimum modum: quum ea quæ confuse dicta sunt, per singula postea exponimus. Hoc vltimum reprehendit Mancinellus sic, Tu ipse Laurenti, tertii voluminis prologo, eo quidem modo quem apud doctissimos inusitatum esse asseris, vsus fuisti. scribis enim ita, Quæ enim disciplina, scilicet quæ publice legitur, tam ornata, atque (vt sic dicam) tam aurea, vt ius ciuile? Et cap. 35, eiusdem tertii voluminis ita. Illud tamen sciendum est apud Ouidium in 12. sic legendum, Tūque tuis armis nos te poteremur Achille. non poteremur, antepenultima breui, non longa, à tertia scilicet, non à quarta coniugatione. Id autem omne recte quidem. nam libro 37. Digestorum ita scribitur, Seruus non manumissus libertatem consequitur: scilicet is qui ea lege distractus est, vt manumittatur intra tempus. Et Seneca epistola 82, sic scribit, Non magis beneficium dare quisquam scit, nisi sapiēs hic scilicet qui magis gaudet dato, quàm alius accepto. Lib. etiam 31. Digestorum, in principio sic legitur, Velut certam quantitatem exprimit, pro viribus videlicet patrimonii. Hæc ille. Qui quantū mihi est iudicii, Laurentium non intellexit. Non enim dicit eū modum quo vtitur, inusitatum apud doctos, sed contra. nam in priore dicto accipit pro quidē. Nā scilicet quæ, non est aliter dictū, ac si dicat, quæ quidē publice legitur. Et in posteriore est is modus quo ponitur sine relatiuo, quasi scire licet. vt sit, Scire licet quare antepenultima breui, quia à tertia coniugatione. Et ea est propria & natiua significatio. Nihil enim aliud est scilicet, quàm scire licet: & nihil videlicet, quàm videre licet, sicut in Digestorū libris accipiuntur, & in locis citatis è Seneca. Nusquam tamen est ille modus, quem apud doctos vix reperibilem dicit: Videlicet, (vt sic quoque vtar) Casus nominum sex sunt, scilicet nominatiuus &c. Qui tamē vix reperias dixit, nō penitus negauit. Quid ergo peccauit, si venustiore nobis vsu significauit, tametsi & alius est. Nō ergo inficias imus quin id omne recte. dixissem tamē vtrunque: quia de tribus dicimus omne. Sed ad authorē. In illo, A tertia scilicet, nō à quarta: poterit interpretari scilicet per certe, vt sit, certe à tertia, nō à quarta, &c. & erit exemplum primi modi.

De Scilicet & Videlicet.

CAP. LX.

Scilicet & Videlicet videntur significare idem quod cettè, sed vsu suū habent, & præcipuum per amaritudinem quandā cum derisu permixtam. vt apud Virgilium, Scilicet is superis labor est. Et apud Terentium, Id populus curat scilicet. Et apud Quintilianū, Hoc videlicet expectasti, & ne captiosum esset officio tuo, maturus rediisse, ex industria tempus triuisti. Nonnunquam sine hac amaritudine & irrisione: vt apud eundem, Sed est videlicet vltima quædam calamitatum rabies, & nouissimè in furorem vota ipsa vertuntur. Nonnunquam post relatiuum, sicut solet poni quidem, nonnunquam & ante, vel sine relatiuo. Et hi sunt ferè modi vtendi his duabus dictionibus apud doctissimos: apud quos vix reperias. illum vulgo vsitatissimum modum, quū ea quæ confuse dicta sunt, per singula postea exponimus: quale esset, Quatuor sunt virtutes, scilicet vel videlicet prudētia, iustitia, fortitudo, modestia.

In pastu ca-
dauerum.

Epitome in Proœmium tertii libri Elegantiarum.

Cum iuris periti illi Digestorum conditores, tantum eloquentiæ studuerint, ut eorum scriptis nihil aut Latinius aut elegantius reperiatur, utque vel sæculis distincti, sic in eloquentia ac phrasi consentiant, ut quasi vno ore locuti putari possint: admonendi sunt iuris studiosi ut ad literarum studia incumbant, quippe sine quibus neque leges intelligere, neque recte interpretari valeant: cum contra, ipse auctor, & quivis alius dicendi peritus, vel triennio in Digesta glossas Accursianis utiliores scripserit.

L A V R E N T I I V A L L E N S I S I N T E R T I V M
librum Elegantiarum Præfatio.

Digestorum
libri.

P

Erlegi proxime quinquaginta Digestorum libros ex plerisque iurisconsultorum voluminibus excerptos, & relegi quum libenter, tum vero quadam cum admiratione. Primum, quòd nescias utrum diligentiane an gravitas, prudentia an æquitas, scientia rerum an orationis dignitas præstet, & maiori laude digna esse videatur. Deinde quòd hæc ipsa ita in vnoquoque illorum omnia sunt egregia & perfecta, ut vehementer dubites quem cui præferendum putes. Cui simile quiddam (ut de ultima tantum parte, quæ ad nos pertinet, dicam) in epistolis Ciceronis admirari solebam, quæ quum à pluribus scribantur, omnes tamen ab vno eodemque (audacius dixerim) si personas sustuleris, ab vno Cicerone scriptæ iudicentur. Ita verba ac sententiæ, characterque ipse dicendi ubique sui est similis. Quod eò magis in iurisconsultis est admirandum, quòd illi eadem ætate cuncti extiterunt in eodem quasi ludo ac schola instituti: hi verò inter se etiam sæculis distant, licet omnes post Ciceronem. Idèoque quibusdam in verbis ab eo differentes, quales omnes à Virgilio usque ad Liuium fuerunt. Nam Seruii Sulpitii atque Mutii Sæuolæ nihil extat, sed alterius Mutii recentioris. Et prisca illi quidem iurisconsulti quales quantique in eloquendo fuerint, iudicare non possumus: quippe quorum nihil legimus. His autem, qui inter manus versantur, nihil est, mea sententia, quod addi, adimive posse videatur, non tam eloquentiæ (quam quidè materia illa non magnopere patitur) quàm Latinitatis atque elegantiae: sine qua cæca omnis doctrina est & illiberalis, præsertim in iure civili. Ut enim Quintilianus inquit, Omne ius, aut in verborum interpretatione positum est aut æqui, prauique discrimine. Et quantum momenti in verborum interpretatione sit, ipsi iurisconsultorum libri maxime testantur, in hac re præcipue laborantes. Utinamque integri forent, aut certe isti non forent, qui in

locum illorum etiam Iustiniano vetante successerūt. Nota sunt eorum, & nimis nota nomina, ut superuacuum sit ea per me recenseri, qui vix quintam partem iuris ciuilis intelligūt, & ob imperitiæ suæ velamentum aiunt non posse doctos euadere in iure ciuili facundiæ studiosos, quasi iurisconsulti illi aut rustice locuti sint, id est istorū more, aut huic sciētīæ nō planē satisfecerint. Quid de illis loquor? ego mediocri ingenio & mediocri literatura præditus, profiteor me omnes, qui ius ciuile interpretantur, ipsorum scientiam edoctorum. Quod si Cicero ait, sibi homini vehementer occupato, si stomachum moueant, triduo se iurisconsultum fore: nōne & ipse audebo dicere, si iurisperiti (nolo dicere iurisimperiti) stomachum mihi moueant, aut etiam sine stomacho, me glossas in Digesta triennio conscripturum, longe vtiliores Accursianis? Merentur enim, merentur summi illi viri nancisci aliquem, qui eos vere ritēque exponat, vel certe à male, & Gothice potius quàm Latine interpretantibus defendat. Gothi isti quidni & Vandali existimandi sunt? Nam postquam hæ gentes semel, iterūque Italiæ influentes Romam cæperunt, ut imperium eorum, ita linguam quoque (quemadmodum aliqui putant) accepimus, & plurimi forsā ex illis oriundi sumus. Argumēto sunt codices Gothice scripti, quæ magna multitudo est. Quæ gens si scripturā Romanam deprauare potuit, quid de lingua, præsertim relicta sobole, putandum est? vnde post illorum aduentum primum, alterūque, omnes scriptores, nequaquam facundi: idēque prioribus multo inferiores fuerunt. En quò literatura Romana recidit. Veteres admiscebant linguæ suæ Græcam: isti admiscent Gothicam. Neque verò hoc dico, ut iuris studiosos carpam, imò ut adhorter potius, persuadeamque sine studiis humanitatis non posse, quā cupiunt assequi facultatem: malintque iurisconsultorum, quàm leguleiorum similes esse. Nam (ut Virgiliano versu vtar)

Iurisperitus
nemo, nisi
literarū pe-
ritus.

O fortunatos nimium, bona si sua norint,
Agricolas. Ita ego appellem iuri operā dantes fortunatos, si sua norint bona. Quæ enim disciplina, scilicet quæ publice legitur, tā ornata atq; (ut sic dicā) tā aurea, ut ius ciuile? An (ut hinc incipiā) ius pōtificū (quod canonicū vocant) quod ex maxima parte Gothicum est? An philosophorū libri, qui ne à Gothis quidem, aut Vandalis intelligerentur? quos ego ob hoc maxime errare, quòd loquendi facultate caruerunt, in libris meis de dialectica ostendo: quos iam edidissē, nisi amici me hos potius edere coegissent. An grammaticorū, quorum propositum videtur fuisse,

De hoc Li-
uius lib. 5. ab
vrbe cond.

Laus librorū
iuris.

vt linguam Latinam dedocerēt? An denique rhetoricorum, qui ad hanc vsque ætatem plurimi circumferebantur, nihil aliud docentes quàm Gothice dicere? Vna supererat iuris ciuilis scientia adhuc inuiolata & sancta, & quasi Tarpeia arx vrbe direpta. Hæc etiam isti Gothi, non Galli per speciem amicitia polluerent atque euertere tentauerunt, euerteretque pergunt. Hanc ipse (quantum in me erit) vt M. Manilius Torquatus protegam, imò omnes qui hoc nomen profitentur, protegere debent. Quod si fecerint (vt spero & opto) non leguleii, sed iurisconsulti euadent. Quod ad meum autem hoc opus attinet, non fraudabo iuris conditores debita laude. Tantū igitur deberi puto huius facultatis libris, quātū illis olim, qui Capitolium ab armis Gallorū atque insidiis defenderunt: per quos factum est, vt non modo tota vrbs non amitteretur, verum etiam vt tota restitui posset. Itaque per quotidianā lectionē Digestorū, & semper aliqua ex parte incolumis, atque in honore fuit lingua Romana, & breui suam dignitatē atque amplitudinem recuperabit. Sed ad reliqua pergamus.

E P I T O M E.

Verba ad pretium & æstimationem pertinentia, regunt pretium & valorē ac præmium seu mercedem in ablatiuo omnium dictionum, exceptis his, tantum, quantum, plus, & minus, cum eorum compositis: quæ dum sine substantiuis ponuntur, in genitiuo regi volunt: cum substantiuis autem, sicut alia omnia in ablatiuo, præter tantidem: quod quia ablatiuo caret, substantiuum refugit. Vnde fit quod interrogatio & responsio sæpe in diuersis fiant casibus. Verba ad pretium spectantia, sunt etiam quæ mercedem aut præmium exigunt: vt Doceo tanti quanti alii, & non pluris. id est tanta mercede. Agam causam tuam quanti alii, & non pluris. Iuuenalis, Paulus pluris quàm Cossus agebat. Locavi domum meam non quanti est, sed quanti potui. Conduxi domum pluris quàm æstimari debeat. Intuli, Quod interrogatio & responsio in diuersis fiant casibus. vt, Quanti emisti? tribus aureis. Causa est, quia ideo interrogatiua & responsiua in eodem casu poni solent, quia ab eodem reguntur, à quo fere consimiles casus regi solent. quod si diuersos exigat, etiam diuersos habeat. Boetius dedit verbis pretii etiam genitiuum infiniti: sed mallem infinito dicere. Dico verba, quia si regatur, pretia aut æstimationes à nomini-bus regentur in genitiuo, etiam addito substantiuo pretii aut simile, vt Emi equum viginti aureorū: vel Emi viginti aureis equū. Et sicut dico Hic equus est magni pretii: ita dicam, Emi equum magni pretii. Sicut Terentius in Andria, Cū faciem videas, videtur esse quantiuis pretii.

DE TANTI ET QUANTI CVM SVIS COM-
positis, deque Pluris & Minoris. CAP. I.

Tque vt ab eo potissimum incipiam, quod nec ab aliquo (quod sciam) traditum, & traditu dignissimum est: duo, tanti & quanti, compositæque cum eis tantidem, quantilibet, & quanticūque: totidemque cōparatiua, pluris & minoris:

A

præterea nulla alia nec comparatiua, nec nomina, nec dictiones
 queunt in genitiuo casu adiungi his verbis, Emo, vendo, venun-
 do, vaneō, mereor, comparo, æstimo, taxo, liceor, addico, distra-
 ho, metior pro æstimo, constat, cōduco, loco, fœneror, pacifcor,
 pango pepigi, condemno, postulo, & siqua sunt alia similis horū
 significationis. Neque enim audiuius dici vnquam, Vendidit
 patriam hic auri: aut, Achilles vēdidit corpus Hectoris auri, Pri-
 amusque illud redemit magni ponderis auri: sed per ablatiuū sic,
 Vendidit hic auro patriam, &c. Exanimūque auro corpus ven- 6. AEncid. & 1.
 debat Achilles. Hæc Virgilius. Valerius quoque libro quinto, Cap. 4.
 Magno vbique pretio virtus æstimatur. Quanti verò & Tanti,
 cæteraque (vt dixi) genitiuum non mutant. vt Terentius in Eu-
 nucho, Quid agas: nisi vt te redimas captum quàm queas mini-
 mo: & si nequeas paululo, at quanti queas. id est, tanti te redimas
 quanti queas. Cur non dixit quanto, vt congrueret cū illis mini-
 mo & paululo, aut minimi & pauxilli, vt congrueret eum hoc
 quanti: nisi quia tanti & quanti mutare nō licet, & ab eis quæ di-
 xi, composita? Quintilianus in pastu cadauerum, Hoc vnum su-
 pererat, vt deuectum tantidem venderes. Et in Verrē Cicero, Aie- Tantidem.
 bat te tantidem æstimasse, quanti Sacerdotem. Iuuenalis, Quan- Quāticunque
 tuncque domus constet. Idem (quod ad prædicta comparatiua
 pertinet) Balnea sexcentis, & pluris porticus empta. Cur nō dixit,
 & pluribus, vt copularet coniunctio eosdem casus? Titus Liuius
 libro 48, Mancipia minora annis viginti, quæ post proximum
 lustrum decem millibus æris, aut pluris vænissent, ea quoque de-
 cem tanto pluris quàm quanti essent, æstimarentur. Adeò vt in-
 terrogati, per eundē sæpe casum respondere nequeamus, vt Plau-
 tus in Epidico, Quanti eam emit? vili. quot minis? quadraginta
 minis. Horatius, Quanti empta? paruo. quanti ergo? octussibus,
 heu heu. Nā illud apud Ciceronē, Quanti addictus? mille num-
 mū: non est illud mille genitiui, sed ablatiui casus, vt mox do-
 cebo: quasi millenario nummū, id est nūmorum. Et hæc qui-
 dem interrogatio est per genitiuum, respōsio autem per ablati-
 uum. aliquādo è diuerso: vt, Emistīne decem minis istū equum?
 imo pluris. Aliquando hi duo casus iuxta idem verbum hærent:
 vt Emisti istum equum decem minis, an pluris? Quòd si aduer-
 bia forent (vt nonnulli existimare solent) cur potius dictum est
 tanti & quanti, pluris & minoris, non tanto & quāto, pluri & mi-
 nori: quum huiusmodi verba vtique ablatiuum desyderent. Cur
 nō idem fit in cæteris comparatiuis, quæ palām aduerbiantur?
 Non enim dicitur, Emi equum vilioris cariorisve quàm tu, nec:

Tantundem.

3. Officiorum.

viliori cariorive quàm tu: sed vilius quàm tu, aut carius. Neq; vèdidi ædes melioris, peiorisve quàm tu, sed melius, peiusve quàm tu. Cur denique (quòd non minus mirandum est) hæc ipsa quæ nominaui, quoties substantiuis maritantur, formam naturalem & legem verborum custodiunt, excepto tantidem? quia est substantiuum, quod ablatiuũ datiuũmq; nō agnoscit tantodē, solāsque has voces habet tantūdē & tantidē. Dicēdũmq; erit, Quāta pecunia istū equum emisti? sicut, quot minis? Iuuenal. -quanto Metiris pretio, quòd nī tibi deditus essem, Deuotusque cliens, vxor tibi virgo maneret? Liuius lib. 22, Hic miles magis placuit, quum pretio minore redimendi captiuos copia fieret. Itaque genitiuos illos, Tanti emi equum quanti potui, sic exponere non possumus, tanti pretii, & quanti pretii potui: sed sic, tātō pretio quanto potui. Et per comparatium, vt illud Ciceronis, Non pluris vendo quàm alii, fortasse etiam minoris. Quum aliquem doces, non ita exponas pluris, id est pretii: & minoris, id est pretii. Nam huiusmodi expositio fecit, vt plerique fallerentur: sed sic, pluris, id est pluri pretio: minoris, id est minori summa.

E P I T O M E.

Non solum ad verba pretii respondere licet interdum in diuerso casu, sed etiā per alia, vt per interest & refert, dum ad adiectiua respondemus per substantiua, aut econuerso. Exempla manifestaria sunt: vt, Cuiū pecus? A Egonis. Cuius domus? mea. Cuiā puella? Petri. Cuius culpa? tua.

De Mea, Tua, Sua, & Cuiā.

C A P. I I.

Cuius.

Vt à Diomedel lib. 1.

Non tantum in his causis quas ostendi, nōnunquam aliter respondemus, quàm quo modo interrogati sumus, sed etiam in illis tribus pronomiibus, de quibus proximo libro disputaui, tam primitiuis quàm deriuatiuis: quorū diuersam conuicimus naturam esse: & præter hæc vnū Cuius cuiā cuium, quod à veteribus nō inter nomina, sed inter pronomina numerabatur, vt meus mea meū. Nec Græci relatiuum, vnde hoc nomen descendit, inter nomina, sed inter articulos collocāt. & nos pronomina quædā, articularia solemus appellare. Ideoque vt dicimus, Mea est, tua est, sua est: & mea, tua, sua, interest: ita cuiā est, & cuiā interest. Plautus in Epidico, Ego illū conueniam, atq; adducam ad te, cuiā est fidicina. Cicero pro Murena, Ea cædes potissimum crimini datur ei, cuiā interfuit: non ei, cuiā nihil interfuit. Igitur interrogati, Cuius hominis est hoc opus? respondebimus, meum, non mei. Cuius domini hic fundus? tuus aut suus, non tui aut sui. Rursum, Meūmne fundū possides, an tuū? respondebo, neutrius, vel illius. Interrogamus adhuc respondemusque

per varios casus, Meumne prædium est, an illius? respondebo, illius certe, non tuum. Similiter de cuius, ad quod nunquā respondeas per eundem casum, nisi in tribus pronomi-
nis. ut, Cuius pecus? respōdeas, meum, vel illius. Interrogatur etiam per diuersos casus. ut, Cuius pecus, tuumne an Melibœi? sed per talem dictionem nunquam respondetur, nisi si dicas, Est cuius est, vel cuius esse debet, & siquid est simile.

E P I T O M E.

Est, Interest, & Refert, construuntur etiam cum dictis genitiuis, tanti, quanti, & cū magni & parui. in cæteris autem potius cum aduerbiis, aut nominatiuis neutri generis. Veruntamen facio, curo, æstimo, pendo, & similia, etiā plures genitiuos recipiunt. Exempla omnia patent in litera. ut, Magni refert, Non parum refert. Comicus, Tu quid de me fiat parui curas.

De Tanti, Quanti, Magni, Parui, cum Interest. CAP. III.

E Adem Tanti & Quāti, positiua quoque duo Magni & Parui, sola in genitiuo iunguntur cum illis geminis verbis Interest & Refert. Cætera autem, vel aduerbialiter, vel in voce nominatiui siue accusatiui, & in primis horum comparatiua superlatiuaque magis & minus, maxime & minime, atque horum germana, multum, plus, plurimum, parum, paululum, paulum, pauxillum, nihil, aliquid, & siqua sunt alia. Tanti interest, quanti interest, magni refert, parui refert, ac multum refert, plurimum interest, maxime refert, magis refert, paulum refert, minus refert, parum refert. Quinetiam non modo quatuor hæc nomina id naturæ habent cum his duobus verbis, verum etiam cum multis aliis: ut, Magni æstimo, parui facio, parui pendo, quanti facis, tanti facio. Sed cum huiusmodi verbis nonnunquam alia nomina iunguntur: ut, Plurimi æstimo.

E P I T O M E.

Mille, aut substantiuum est, singularis numeri, & indeclinabile vsque ad pluralem, ubi hæc millia, horum millium dicimus: aut adiectiuū plurale, & indeclinabile. Substantiuum, genitiuum poscit, & ferè syncopatum: adiectiuum, aut consimilem genitiuum, aut eiusdem casus substantiuum. Non ergo dicemus, Decem millia talenta, sed talentorum. quia duo substantiua sic non cohærent sine coniunctione. multiplicamus autem nomina per aduerbia, ut quater viginti, nō quatuor viginti: nec sex viginti, sed sexies, & ita in reliquis. Dices ergo congruè, Mille hominum desideratum est, Mille nummum mihi reliquit pater: idque potius quàm nummorum. nam quoties non vitiosa sit syncopa, genitiuus numerali additus syncopabitur. vitiosa autem foret, si genitiuus cum nominatio coincidat, ut in neutro genere secundæ declinationis in um, ut mille festertium. Quocirca potius dicam, milles festertium, idque peritorum autoritate. Contra, dicam cum Varrone & Aulo Gellio, cæterisque doctis, Mille nummum, & Duo millia denarium, potius quàm nummorum, &c. Dico Potius, quia frequentius ita loquuntur classici, quum liceat etiā citra syncopen loqui. Licet præterea, si ad sit numerale adiectiuū, illi substantiuū conformare: ut, In prælio sex millia quingenti desiderati sunt homines.

Quinetiam inuenies vel primæ classis authores contra Vallæ præceptum locutos, qui tamen Vallam sequatur non errauerit: neque flagro dignus qui subinde varian di styli gratia authores classicos aliter loquentes imitatus fuerit. Neque tamen dixe ro millia sic cōstructum esse adiectiuum omnis generis sicut mille: sed figuratā esse locutionem, aut per appositionem, aut per subauditionem præpositionis ad, vel cir citer. Vt dū dicit Plinius lib. 21. cap. 7, Ancus Martius rex salis modia sex millia in cō giario dedit populis. Liuius lib. 45, Duodecim millia pedites. Virgil. tot millia gētes Arma ferent Italæ. Cicero pro Rabirio, Quid vociferare decem millia talenta Gabinio esse promissa? Et in Verrem actione tertia, Tritici modios quinque millia. Et in eadem, Tritici medimnos duo millia. Sic ergo in Euangelio, Qui debebat de cem millia talenta &c. Videntur autem genitiuo noluisse uti, ne partem significant, quum plura non fuerint.

De Mille & Millia.

CAP. IIII.

ATque (vt promissum exoluā) illud Ciceronis mille num mū singularis numeri esse, tum exemplo eiusdem, tum præcepto M. Varronis comprobabo. In Philippicis, Inuen tus est qui L. Antonio mille nummū ferret expensum. Et pro Milone, In quibus propter insanas istas substructiones facile mil le hominum versabatur. Qualia exempla plura repeterem, nisi

Lib. 2. Varronis præceptio satis esset, qui in libris de analogia inquit, Quum peruentum est ad millenarium, assumit singulare neu trum, quod dicitur hoc mille denariū, à quo multitudinis nu merus fit millia denariū. Et paulo post, Vt sit vtrunque sine ca sibus vocis dicemus, vt Hoc mille, huius mille: ita hoc * decies huius * decies. Hæc hætenus. Illud quoque præter hæc adda mus, mille hominum dici, & millia hominum. Iterū mille ho mines dici, millia homines nō dici. Cuius rei causa est, quòd pro priè dicimus mille homines, vt centum homines, millia homi num, vt centenaria, vel turbæ hominum. Hoc substantiuum est, illud verò adiectiuum. Itaque non licet dicere millia homines, quia duo substantiua nō cohærent sine copula. Neque in his vl lus certus inesset sensus. Mille hominum licet dicere, quia mille substantiuatur. vt, Multum hominum, pro multi homines: ita mille hominum, pro mille homines. idēq; erit quod millium hominum, si millia singulare haberet: quod non habet, nisi pro milliario, quod constat ex mille passibus: vel pro feminis gene re: vel more Varronis, quia dicimus hoc mille: vel quia (vt maxi me reor) nec adiectiuum planè, nec substantiuum est, sicut hic hæc hoc, iste ista istud, & nonnulla alia pronomina. Nam cæte ra adiectiua non patiuntur sibi ita adherere adiectiua, vt prono mina. Dicimus enim, Hic robustus messor, ista robusta mulier. Nec dicimus, Antiquus robustus messor, antiqua robusta mu lier. At nomina numerorum sunt istis pronominibus similia, vt

Lib. 2.

*decies

Substantiua nō
cohærent si
ne copula.

Millium.

Adiectiui na
tura.

centum aureæ pateræ, mille armatæ naues. Ergo Latinè dicitur, Mille ex hominibus, sicut dicitur Isti ex illis. Quæ locutio idē est quod mille hominum. Cæterum nomina numeralia, siue substantiua, siue adiectiua sint, inter se iungi recusant: quia nec duo substantiua, nec duo adiectiua sola esse possunt, vt duo centum, tria mille: quum præsertim sint sua propria nomina, vt ducenta, trecenta. & supra mille est millia, quod planè substantiuum est. Ideoque dicimus, Mille hominum, duo millia hominū, non duo mille: tria millia, quatuor millia hominū, & deinceps. Nec (vt dixi) tria aut quatuor mille, sed bis mille, ter mille. aut bis centum, & ter centum, non duo centum, tria centum, aut (vt aliqui indocti loquuntur) ducentum, tricentum, sed tercentum. Virgil. Ter centum niuei tondent dumeta iuueni. Et alibi,

Hic iam tercentum totos regnabitur aunos.

Reperimus tamen apud ecclesiasticos sæpe hoc modo dici, quale est, Debebat decem millia talenta. & Duodecim millia signati. Quod defēdi nō potest, nisi resoluas sic, Signati duodecim millia, talenta decem millia. quasi dicatur numero duodecim millia, & numero decem millia, & subintelligatur entia. Debebat talenta entia decem millia, Signati entes duodecim millia: nisi interponas verbum substantiuum, sic, Signati erāt duodecim millia. quod in altero exēplo fieri nequit. Quo certe modo ipse non loquerer, sed potius, Duodecim millia signatorum, aut duodecim millia signata, & decē millia talentorum, & duodecim millia drachmarum argenti. Cuius erroris (si error est) causa (vt opinio mea fert) hinc fluxit, quòd sæpe legimus decem millia pond. Pondo argenti, quasi illud pōdo sit nominatiui aut accusatiui casus, & non potius genitiui. Sæpe decem millia quingēti pedites, non peditum. Ita quum numerus posterior defuerit, putant rectè dici posse, decem millia pedites, quod falsum est. Nam quum dicimus, Decem millia quingenti pedites, sic intelligimus, decē millia peditum & quingenti. Quo sæpe modo loquimur, nec aliter loqui possumus. Atque vt nunc ad hoc quingenti subintelligimus pedites, ita ad illud millia subintelligimus peditum. Quale esset in superioribus exemplis, Duodecim millia & ducēti signati, vel Duodecim millia signatorum & ducenti, & ita in cæteris. Rarius autem reperitur mille pro millia. Nam illud, Quicūque te angariauerit mille passus, vade cum illo & alia duo: subintelligitur millia passuum. Alioqui dixisset alios duos, non alia, vel potius alios bis mille.

E P I T O M E.

Numeralia distributina, circa distributionem nominibus singulari carentibus, aut

Cardinalia.

penitus, aut in qua significatione accipiuntur, coniungi possunt: aliis non possunt, suntque ritè formanda: nam plurima patiuntur syncopen, carèntq; legitime singulari, nisi pro alia specie vsurpentur. Sunt autem numeralium species multæ. nam alia vocantur Cardinalia: quod ad ea, quasi ad cardinem, cætera reuoluantur: eaque de tribus ad centum sunt indeclinabilia, vltra centum declinantur, nisi repetantur citra centum. vt, Vnus vna vnum, hi duo, hæc duæ, hæc duo, hi & hæc tres & hæc tria, quæ declinantur, hi, hæc, & hæc quatuor, quinque, sex, septem, octo, nouem, decem, vndecim, duodecim, tredecim, quatuordecim, quindecim, sedecim vel sexdecim, septemdecim, octodecim vel duodeuiginti, nouemdecim vel vnde uiginti, viginti, viginti vnus, a, um, vel vnus & viginti, & ita deinceps. Vnde satis sit nosse denariorum nomina quæ sunt, decem, viginti, triginta, quadraginta, quinquaginta, sexaginta, septuaginta, octoginta non octuaginta (nisi rarius vt apud Columellam paucos que alios) nonaginta, centum: quæ omnia, sunt pluralia præter vnus, quod tunc pluralem habet, quando substantiuum singulari caret, vt Vni codicilli, vnæ literæ, vna arma. & indeclinabilia, præter quàm vnus, duo, tres, & rursus vsque ad ducenta, vbi incipimus declinare, hi ducenti, hæc ducentæ, hæc ducenta: & sic trecenti, quadringenti, quingenti, sepringenti, octingenti, noningenti vel nongenti. & tunc mille, aut singulariter, quum substantiuum est: aut pluraliter, quado adiectiuum. Et repetitis antè dictis numeris, duo millia aut bis mille, tria millia aut ter mille, & sic deinceps. Alia

Distributia.

vocantur distributia, quæ significant substantia singulis per se distribui. vt, Dedi pueris dena poma, id est singulis decem. Non ergo ita dicam, dena & dena: etiam si bis decem dederim duntaxat, vtpote duorum singulis decem. & si tantum decem vni dederim, non dicam dena, sed decem: nisi (vt sentit author) substantiuum caruerit singulari, saltem in significatione in qua accipitur. tunc enim citra distributione adiungi illi possunt, sicut omnibus sub distributione. vt, Dedi puero meo binas literas ad te. id est duas epistolas. Sunt tamen qui velint in Cicerone, vbi binas literas dicit, binas epistolas, id non intelligemus, vt omnino vitiosum sit: sed citra distributionem, vt dixi. Nam si tribus pueris sex epistolas dederim, hoc est singulis duas: bene dixerò, Dedi pueris meis binas ad te epistolas. Quia verò plurima patiuntur syncopen, recitabo ea, suntq; hæc, singuli, læ, la, bini, terni, quaterni, quini, seni, septeni, octeni vel octoni, noueni (nam nonus ordinis est) deni, vndeni, duodeni, deniterni vel ternideni, deniquaterni vel quaternideni, deniquini vel quinquideni, deniseni vel senideni, denisepteni vel septenideni, denioctoni vel octoni seu octenideni vel duodeuiceni, deninoueni vel nouenideni aut vnde uiceni. deinde viceni pro vigeni, & deinceps: vigeni singuli &c. vel singuli & vigeni. Tum triceni, pro trigeni: tum quadrageni, tum quinquageni, tum sexageni, tum septuageni, tum octogeni, vix octuageni, tum nonageni, tum centeni. Tum ducenti pro ducenteni, tum trecenti pro trecenteni, tum quadringeni pro quadringenteni, tum quingeni pro quingenteni, tum sexcenti pro sexcenteni, tum septingeni, tum octingeni, tum nongeni vel noningeni pro septingenteni, octingenteni, nongenteni vel noningenteni. Tum milleni: & ita in reliquis, saluis regulis dandis cap. 14. vbi de cæteris quoque speciebus dicemus. Nihil dubito Ciceronem scripsisse, Caput ille ex prædiis suis sexcenta sestertia, ego cetera ex meis. Vult enim dicere illum se multo quidem ditiores, sed se suis non minus contentum vectigalibus ac illis suis: qui si semel duntaxat sexcenta caperet, minus longe diues esset, ac qui quotannis caperet centena. Addamus, ab his formari nomina ordinis, vt Primus, secundus, tertius, quartus, quintus, sextus, septimus, octauus, nonus, decimus, vigesimus vel vicesimus, trigesimus vel tricesimus, quadagesimus &c. Centesimus, ducesimus, millesimus, &c. Et ordinalia in ariis, quæ aut numerum aut multiplicationem rerum, quæ non nominantur, indicant: vt binarius, ternarius, quaternarius, quinquarius, septenarius, octonarius, nonarius, denarius, vicenarius, tricenarius, quadragenarius, & sic deinceps, ceterenarius, millenarius, &c.

Ordinis.

In ariis.

De numeralibus.

CAP. V.

ET quoniam de numeris cœpimus, de ipsis aliqua dicere prosequamur. Et primum hoc admoneamus, in quo pleriq; falluntur, treceni scribendum esse, non trecenteni, nec triceni: **Treceni.** quum significat trecētenarium numerū, quod syncopatū est, sicut cætera. Dicimus enim duceni, pro ducēteni: treceni, pro trecenteni, quadringeni, quingeni, sexceni, septingeni, octingeni, nongeni, vel noningeni: pro quadringenteni, quingēteni, sexcenteni, septingenteni, octingenteni, nongenteni vel noningenteni. Centeni autem & milleni non syncopātur, quia nō sunt prælongæ dictiones sicut superiores. Triceni autē caret syncopa, sed immutauit g in c, sicut viceni pro vigeni, & triceni pro trigeni. **Triceni.** **Viceni.** Est enim simillimæ vocis c & g, quemadmodū d & t: propter quod dicimus quadringenti, pro quatrincēti. In quo nomine & t in d, & c in g mutatum est. Atq; quoniā dixi quosdā falli similitudine vocū, recenseamus hæc ipsa infra centum, vt supra centum fecimus. Dicimus igitur singuli, bini, terni, quaterni, quini, seni, septeni, octeni, noueni, deni, vndeni, duodeni, ternideni, quaternideni, quinideni, senideni: vel deniquaterni, deniquini, deniseni, denisepteni, deniocteni, deninoueni, viceni, vicenisinguli, vicenibini, viceniterni, vel (vt postea ostēdemus) singuli & viceni, bini & viceni, & ita deinceps. Tū triceni, quadrageni, quinquageni, sexageni, septuageni, octogeni, nō octuageni (octoginta enim dicimus **Octoginta.** non octuaginta) nonageni, vel nongeni, non nouageni. deinde centeni. Ideo autē hæc nomina in plurali protuli, quod in prosa scribētes ferē plurali vtūtur, in carmine frequēter etiā singulari. Et singularem quidē horū nominū numerū, non prosa oratione scribentium, ait Priscianus esse, sed poetarum. vt Virgilius, Gurgite septeno rapidus mare sum mouet amnis. Verūtamen non tantum poetarum video esse, sed nonnunquā etiā aliorū. vt Plinius lib. 17, Traduces Gallica cultura bini vtrinque lateribus, si pes quadrageno distet spatio: quaterni, si viceno, inter se obuii miscentur, alliganturq; vnā cōciliati. Et in 25, Altera maior, foliis laterum modo inclusa. quoque, quia septena est. Et in 26, Prodigiousa sunt quæ circa hoc tradit Theophrastus, author alioqui grauis, septuageno coitu durare libidinem contactu herbæ cuiusdam, cuius nomen speciēmque non posuit. septuageno, id est septuaginta coitibus per singulas noctes. Nam ita hæc nomina exponūtur. vt, Creabātur olim bini cōsules, id est per singulos annos duo. Vtūtur ergo oratores legitima significatione horū nominū: binus enim siue bini, significat singulis duo. ternus, siue terni, singulis tres. quaternus siue quaterni, singulis quatuor.

* quæ quia septena sūt, quidā eā heptapleuron vocauerunt.

Cap. 10.

Bin⁹. Ternus.
Quaternus.

Georg. I.

Numeraria
in arius.

Cap. 16.

Quadragesima.

At poetæ non ita. Septenus enim gurgēs nō est singulis septem, sed septem tantum vni flumini Nilo. Nec in singulari modo significatione hac abuntur, verum etiam in plurali. vt Idem, Per duodena regit mundi sol aureus astra.

Duodena astra, pro duodecim astra. At hoc septeno Priscianus exponit septenario. quod mihi non placet, quum inauditum sit flumen aliquod habere septenarium aluēum, & fontem edere septenarium riuum. Siquidem hæc nomina numerum aliarum rerum, quæ non nominantur, indicāt: nō multiplicationem sui ipsorum, vt lapis centenarius, non quod sit centuplus lapis, sed centum librarum. Homo centenarius, non quod sit centum geminus, sed quod habet centum annos. Grex cētenarius, nō quod sint centum greges, sed grex centum capitum. Rursus non dicimus, Centenariam libram, sed centuplam: nec centenarium annum, sed centuplum annorum. Tamen dicimus centenarium, septenarium, duodenarium numerum. Siquidem numerus omnia complectitur, siue cētenarius, siue decenarius, siue alius quivis numerus cæterarum rerum, librarum, annorū, similiumq;. Ideoque rectē dicimus, Cētenariū numerum annorum ingressus est, nō autem centenarium annum. &, Millenarium numerum pondo portat, non autem millenaria pondo. Potuisset igitur Priscianus cōmodius exponere, septeno gurgite, pro septenarii numeri gurgite. Qua expositione vti solemus in illis numeralibus, quæ vltimum numeri eius significant: decimus, vndecimus, centesimus, millesimus: id est qui vltimus est ex decem, ex vndecim, ex centum, ex mille. Aliquando etiam sic, Hoc aruum attulit centesimum, illud verò sexagesimum, tuum verò trigessimum fructum. id est centenarii numeri, sexagenarii, tricenarii fructum: vel centuplum, sexagentuplum, tricentuplum. Plinius libro decimo octavo, Admiscetur huic far, vt mitiget amaritudinem eius, & tamen sic quoque ingratisimum est ventri. nascitur qualicunque solo cum cētesimo grano, ipsumque pro lætamine est. Non vltimum granum è centenatio numero intellexit, sed grana centenarii numeri, siue granum centuplum, siue centenū, eo modo quo idem author dixit viceno. Hac etiam ratione appellata est quadragesima, quod quadraginta dies continet. Quo vocabulo eloquentissimi Christianorum vtūtur. Quidam etiam quinquagesima, sexagesima, septuagesima. Atque (vt ad rē redeam) vtimur superioribus illis nominibus crebrius in plurali numero, singuli, bini, terni. Trinū igitur quum habeat singularem numerum, apparet non esse naturæ istorū. Quinimo non

memini comperisse me illud in plurali, licet & singulare perrarum sit, ut trinum nundinum. Promulgari enim debebat antiquitus rogatio apud Romanos trino nundino. Quod (ut opinor) aut tribus in locis vno die, aut tribus diebus vno in loco celebrabatur, ut trimus trium annorum: ita trinus trium dierum, aut trium locorum. Priscianus autem ait trinundinum, pro trindinarum, Ciceronis exemplo pro Cornelio, Primo ex promulgatione trinundinum dies ad ferendum potestatesque venisset. Quod si ita esset, à tris compositum esset, non à trinum, ut ait Priscianus, sicut trinoctium: sed forsitan per apocopen dicimus trinundinum, pro trium nundinum, aut planè trinum nundinum. Quintilianus libro secundo, Siue non trino fortè nundino promulgata, siue non idoneo die, siue contra intercessionem, vel auspicia, aliudve quod legibus obstet, dicitur lata esse vel ferri. Titus Livius libro tertio, Postquam verò comitia decemviris creandis in * trinundinum indicta sunt. Idem libro quinto, nisi editioni menda inest, ait, Antea trina loca cum cōtentione summa patritios explere solitos, nūc iam octoiuges ad imperia obtinenda ire. Donatus tamen hoc nomine utitur, & discipulus eius, non tamen magistro indoctior, Hieronymus quū alibi, tū ad Marcel lam, Et trinam negationem, trina postea confessione deleuit. id est triplici. Cæteri quoque eodem nomine utuntur. Vnde dicta est trinitas, trium personarum vna diuinitas. Seruius super illud Virgilianum, Terna arma mouenda, ait, figura poetica. Nam trina debuit dicere. Arma enim, sunt tantum numeri pluralis. Sed hæc ratio Seruii quā sit efficax, ipse viderit, qui vult hoc nomen aptum esse nominibus numeri pluralis, quod etiam reperimus coniunctum cum nominibus singularem numerū habentibus. Et quid præterea dixisset, si apud Virgilium foret quaterna arma? nunquid legendum esset quatrina? verum non est trinum de numero eorum, de quibus disputauimus: quorum singularem non frequentari ab oratoribus diximus, sed à poetis, & quidem improprie. Etiam nonnunquam improprie pluralem, quod aliquando ipsi quoque oratores faciunt, sed necessitate in his nominibus quæ singulari carent, ut codicilli, licet Iustinianus utatur, ut liberi, ut pugillares, ut nuptiæ, ut arma, ut castra. Aut si non carent, suntque vel diuersi generis, ut nundinum & nundinæ, delictum & delictæ. Vel diuersæ significationis, ut hæc ædes, & hæc ædes. Vel diuersi & generis & significati, ut epulum & epulæ. Necessarium est autē dicere, Binos codicillos & ternos & quaternos: non duos, tres, quatuor, ratione dictante. Quid enim si de diuersis codicillis

Trinum nū-
dinum.Trimus.
Trinus.*trinum nun-
dinum.

Trinitas.

Codicilli.

Bini codicilli.

dicendum mihi sit, quomodo dicam Duos codicillos scripsit pater, vnum ad me, alterum ad vxorem? Illud enim vnum, & illud alterum ad quid refertur? ad codicillum, quod non reperitur? Dicendum est ergo vnos. Quòd si vnos, ergo & binos dicendum erit. quod ex Ciceronis exemplo liquebit, Duplices similitudines esse debent, vnæ rerum, alteræ verborum. Quòd si dixisset duplex similitudo, subiunxisset vna rerum, altera verborum. Verum quia in plurali locutus est, non putauit alteri nullo loco esse oportere. Dicamus ergo binos codicillos, non duos. Rursus duo testamenta, non bina. de cuius naturæ nominibus quibusdam nominatim faciamus mentionem: si tamen illud monuerimus, ex prædictis colligi utroque modo posse dici, Relinquo filiis meis testamento singulis siue cuique, si multi: siue vtrique, si duo fuerint, dena prædia: vel singulis, siue vnicuique, siue vtrique, decem prædia: quum ego & fratres mei ex bonis paternis habuerimus singuli, siue vnusquisque, siue vterque vnum prædium: vel singuli, siue vnusquisque, siue vterque singula prædia, quæ etiam vno loco coniunxit Cicero in paradoxis, Capit ille ex suis prædiis sexcenta sestertia, ego centena ex meis. Non dixit aut sexcenta & centum, aut sexcena & centena, quæ tamen diuersa sunt, vt intelligamus ab illo sexcenta capi vno anno, non singulis annis: ab hoc centena non vno anno, sed singulis annis. Ego tamen puto scribendum esse sexcena, non sexcenta. Multa hîc, & multifariam vitiose dicta repetere liceret, sed vereor tantos viros carpere. Vnum tantum modo dixerim ex tertio libro regum, Septena versuum retiacula in capitello vno, & septena retiacula in capitello altero. quum dicendum esset septem in vno, & septem in altero: aut septena in singulis, aut septena in utroque. Et si fuissent plura duobus, septena in vnoquoque. Cuius conditionis est illud in eodem libro, Quòd absconderim de prophetis domini cētum viros, quinquagenos & quinquagenos in spelūcis: hoc modo non recte dicitur, sed eo modo, quo paulo antè dictum erat, Tulit ille centum prophetas, & abscondit eos quinquagenos in speluncis. id est, in singulis speluncis quinquaginta. Quidam iuris studiosi accipiunt dena pro viginti, non intelligentes, significari singulis duorum decem. de quorum imperitiis quid multis dicendum? quum putēt recte dici vna quinque, quasi vna sit nomen & non aduerbium. Ne illud quidem obticebo, quemadmodum superius ostendi, illa nomina supra cētum syncopari, infra verò centum, minime. Ita è diuerso aduerbia infra centum syncopari, vltra non syncopari, vt vices pro vigin-

ties, tricies pro triginties: deinde quadragies, quinquagies, sexagies, septuagies, octogies non octuagies, nonagies nō nouagies. Cætera non syncopantur, quinquies, sexies, septies, octies, nouies, decies, centies, ducenties, trecenties, quadringenties, septingenties, octingenties, noningenties, millies: deinde bis millies, ter millies, quater millies, quinquies millies, decies millies, vicies millies, & deinceps cætera. Nunc ad institutū redeamus, ab hoc potissimū nomine incipientes.

EPI TOME.

Litera in singulari, nisi apud poetas, significat duntaxat vnum elementum, quod Græci *γράμμα* vocant, vt a vel b: aut manum seu formam scribentis. In plurali autem, vel plura elementa, vel epistolam, pro qua singulari caret, petitque nomē distributium, etiam citra distributionem: in quo differt ab epistola, licet dicamus singulas literas & epistolas. Cautem faciemus relationem. Meminerimus tamen quod dixi cum distributione posse dici binas literas, & binas epistolas, & potius epistolas: vt sciatur distributio necessaria innui. Cætera manifestaria sunt. Nam quod addo, Cautem relationem faciendam: intelligo vt singulari carenti nō respondeat singulare, vt Binas literas dedi, quarum posterioribus responsum est. Duas epistolas, quarum posteriori, &c.

De Litera & Epistola.

CAP. VI.

Litera in singulari numero significat elementum ipsum, vt a & b: vel manum scribētis, vt ad Atticum Cic. Nam Alexis Lib. 7. epist. 122
dis manum amabam, quod tam propè accedebat ad similitudinem tuæ literæ. In plurali verò epistolam, præterquam apud poetas, qui pro epistola, versus gratia, in singulari semper vtuntur. vt Ouidius,

Quam legis à rapta Briseide littera venit.

Nam quod Cicero ad Cælium scribit, ad se nullam literam Bibulum misisse, ita ait, quasi nullum verbum misisset. quod vt vehementer extenuaret, non dixit verbum aut syllabam, sed literā. Frequentissimum igitur est literæ pro epistola, inter quæ duo nomina hæc elegantiæ differentia est, Quod dicimus vnam epistolā, vnas literas: duas, tres, quatuor, quinque epistolas: binas verò literas, ternas, quaternas, quinas, senas, septenas, octenas, nouenas, de nas, nunquam aliter: quale esset, vnas, binas, ternas epistolas: duas tres, quatuor literas. In hoc tamen conueniunt, vt dicamus Dedi singulis, vel vnicuique, vel vtrique, siue singulas literas, siue singulas epistolas. Item in maiori numero non cōueniunt: vt Dedi singulis duas literas, vel binas epistolas: sed binas literas, & duas epistolas: nō autē secus, de quo iam dixi. In quo obseruandum est de cæteris quoque vocabulis. vt si dicas, Accepi abs te binas literas, non subiungas, quarum alteri respōdi per proximū tabellariū,

alteri nunc respondeo, sed alteris. De epistola verò apertum est: vt Accepi duas epistolas, quarum alteri iam respondi, alteri nunc respondeo. Cicero verò ferè ait, Accepi literas, accepi epistolas. Plinius frequenter etiam recepi, nisi libri mendosi sint.

E P I T O M E.

Ædes, in plurali significat domum priuatam, pro qua caret singulari: in vtroque autem numero potest capi pro domo sacra, aut pro sacro, aut sacello. Idque ferè cum adiectiuo, aut genitiuo eius cuius est: ideòque in priori significato, distributiuum citra distributionem recipit: in posteriori non recipit. Vnde dicere possum, Binas ædes vendidi, & duas Ioui dedicaui: vendidi siquidem priuatas, dedicaui publicas.

De Ædes, & eius deriuatiuis.

C A P. V I I.

A Edes in plurali accipitur pro domo, nec vnquã aliter. vt, Ædes meas non proscribam. In singulari atque adeo in plurali pro templo. vt Cic. in Philipp. libro primo, Ex eo die quo in ædem Telluris conuocati sumus, in quo templo, quãtum in me fuit, ieci fundamenta pacis. In quo templo, id est, in qua æde Telluris. Sed hac in re differt à templo, quòd semper in vtroq; numero habet adiectionem: vt In æde Iouis, Mercurii, Minervæ: In æde Còcordiæ, Telluris, Honoris, Virtutis: In æde sacra. Et in plurali, sacras ædes, ædes deorũ, ædes nympharum. Nã quũ ait Lucretius de Ioue loquẽs, Ipse suas ædes disturbat: perinde est, ac si dixisset, Iouis ædes. Igitur pro tẽplo dicemus duas, tres, quatuor deorum ædes, duas sacras ædes: pro domo, binas, ternas, quaternas, priuatas ædes. Æditui autẽ ab ædibus sacris, quas tuetur, appellati sunt, non à priuatis. Ædiles quoque magis à sacris ædibus dicti sunt, quibus curandis præpositi erãt. Ædificare autem magis ad domos hominum spectat, quàm deorum, nec domos tantum, verũetiam naues: vt Cicero, Qui quũ maximas ædificasset instruxissetque classes. Neque hoc indignum est adnotatione, eum cui domus ædificatur, dici ædificare. vt Idem de còsulari viro inquit, Qui quum ædificasset in palatio plenã dignitatis domum. Similiter in cæteris verbis. vt Horatius de prædiuitibus, Diruit, ædificat, mutat quadrata rotundis.

Æditui.

Ædiles.

Ædificare.

E P I T O M E.

Liberi, pro legitima prole, etiam pro vnica filia, singulari caret. quia tamen quũ adiectiuum sit, naturaliter singularem recipit, & interdum singulariter profertur: admittit relationem & diuisionem per singularem, & adiectiuum non distributiuum. quod cætera non faciunt. Vnde dicam, Eternis, vel è tribus liberis meis maximus natus diem obiit. Minimus languet, & medius incolumis est.

De Liberi, Pugillares.

CAP. VIII.

Liberi pro filiis singularem nō agnoscit, cuius natura à superioribus dissentit. Nam vt dicam, Lego Titio ternas ædes, vnas in foro, alteras in Ianiculo, tertias in Suburra: ita nō dicā Ex ternis liberis meis vnos, alteros, tertios: sed Ex tribus liberis meis vnum in alienam familiam dedi, alterum abdicauī, tertium hæredem institui. Cuius rei causa est, quòd quum dico vnum, alterum, tertium, adiungi solet filium, & tres liberos, quasi tres filios: quod ita non fit in ædes, & in literas, nisi subintelligas domum & epistolam. Sed quid facies in cæteris, in nuptias, & in pugillares? absurdum sit dicere, Vnam nuptiam, vnum pugillarem. Pugillares autem significat tabellas cereas, siue ligneas, siue alterius materiæ, in quibus stylo scribimus. Liberum tamen pro filio & apud Quintilianum, & apud Paulum Caiumque reperio.

Pugillares.

EPITOME.

Hortus in vtroque numero pro olerum solo circumcluso ferè ponitur: refugitque distributiuum citra distributionē. In plurali verò, est quasi paradysus voluptati destinatus locus. pro quo, quia singulari caret, distributiuum pro non distributiuo recipit, sed adiectiuum singularia respuit. Dices ergo pro priori significato, Emi duos hortos, quorum alterum duntaxat hoc anno colam. Et pro posteriore, Emi binos hortos, quorum alteros hoc anno vendam.

De Hortus.

CAP. IX.

Hortus quoque eiusdem naturæ est. Nam in singulari pluralique pro hortis olitoriis accipitur, id est olera producentibus. Est enim olus, omnis herba satiuua qua vescimur, & cuius foliis, vt caulæ, in edulium vtimur. Horti verò in plurali arboribus confiti dicuntur, & voluptatis amœnitatisque causa parati. In superiore igitur significatione dicemus vnum hortum, duos, tres hortos. In posteriore vnos, binos, ternos, quaternos hortos: nisi alicuius authoritas aliud sibi vindicauerit.

Olus.

Hortus.

EPITOME.

Odor, in vtroque numero significat obiectum olfactus seu odoratus: in plurali etiam odoramenta seu res odoriferas, pro quibus, quia singulari caret, cum distributiuo, vt literæ, & horti, poni posset, si numerum nō pondus aspiceret. Vnde inauditum est, Binos odores emi. sed rectè dicitur, India mittit odores. Non capior odoribus Indicis &c.

De Odor.

Odor huic simile est, qua voce notum est quid in vtroque numero significetur: in plurali verò tantum odoramenta, vt odores ex Arabia sunt. Hoc tamen nomē rarò cum numeralibus iungitur, sed cum aliis adiectiuis.

EPITOME.

Commeatus, pro facultate commeandi & recedendi à militia, aut alio ministerio
m.iii.

ad quod tenemur, raro pluraliter reperitur: sed pro annona publica vtroque numero enuntiatur. quocirca distributiva citra distributionem non agnoscit. Dico Raro, propter Liuium exemplum.

De Commeatus.

C A P. X.

Commeatus.

Commeatus autem, & si qua sunt similia, non recipiunt talem ambiguitatem. Siquidem superiora in vno sensu habent vtrumque numerum, in altero tantum pluralem. Hoc verò in altero tantum singularem. Est enim commeatus in singulari tantum pro facultate ad tempus à militia ab aliòve ministerio recedendi, quā præbet militi imperator, præpositusve inferiori, eundemque quod velit ad præscriptum diem reuersuro. Licet Liuius libro 23. ait, Magna pars sine commeatibus dilabebatur. In vtroque autem numero pro cibariis ad alimoniam Reipub. aut exercitus, aut alicuius multitudinis. Interdum etiam priuatim. Cicero pro lege Manilia, Iam comēatu, & priuato & publico prohibebamur.

E P I T O M E.

Quemuis vnum pluraliter affari, nihil illi dignitatis affert, sed potius imminutionem laudis de re bene gesta. Quocirca ad vnum in secunda persona tantum singulariter, & per ea quæ singulos respiciunt, loquemur: in prima tamen modestiæ gratia, licet de nobis nunc singulariter, nunc pluraliter, nunc vtroque modo simul loqui. Cur laudem imminuat, patet, quia gloriosius est quemuis vnum per se, quàm cum pluribus rem claram gessisse. Quocirca principes, modestiæ gratia, ne soluideantur omnia gerere, loquuntur ferè pluraliter de se: vt, Nos Ludouicus Francorum rex, &c. Dixi, Et per ea quæ singulos respiciunt: vt, Tua dignitas domine præses: non, vestra, nisi ad plures loquaris. Nam meus & tuus ad singulos pertinent, noster & vester ad plures. Ad vitandum tamen magnatum stomachum, monet Sulpitius Verulanus ad appellationes honestas confugere. vnde non dicam, Tu dixisti: sed ita, Dignitas, humanitas, vel præstantia tua dixit, &c.

De vsu pluralis pro singulari, & de reditu parenthesis.

C A P. XI.

EX his quæ dixi, colligi potest non verum esse quod aliqui volunt, quoties author in numero plurali loquitur, declarari dignitatem quandam, & (vt sic dicam) magisterium. Quid enim causæ est, cur hæc nomina pluraliter, non singulariter efferrantur? quid Athenæ potius quàm Athena? quid Roma potius quàm Romæ? Sed ne in re aperta dicam pluribus, huic opinioni repugnant cum ipsa rhetorica ars, quæ iubet nos vt modo plurali pro singulari numero, modo singulari pro plurali: tum plurima exempla, adeò vt vno atque eodem loco de se orator in vtroque numero loquatur. Virgilius,
O Melibœe, deus nobis hæc otia fecit.
Nanque erit ille mihi semper deus, illius aram
Sæpe tener nostris ab ouilibus imbuet agnus,
Ille meas errare boues.

Hic de se loquens Tityrus, nūc nos, nunc me ait. Homerus quoque Iliados decimotertio,

ἔρχομαι εἴ τι τοι ἔγχεσσι κλισίῃσι λείλειπται
οἰσόμενος, τὸν γὰρ καπνῶσα μὲν ὁ πρὶν ἔχουσιν.

Et in prosa, vt Quintilianus in ægro redempto, Vtinam hoc saltem mihi fero fata præstarent, vt residuum laborantis animæ in tuo poneremus amplexu. Et Cicero in Philippicis, quod exemplum in alium etiam vsum volo asferre prolixius. ait igitur, Itaque ego ille qui semper author pacis fui: cuique pax, præsertim ciuilis, quanquā omnibus bonis, mihi tamē in primis fuit optabilis. Omne enim curriculum industriæ nostræ in foro, in curia, in amicorum periculis propulsandis elaboratum est. Hinc honores amplissimos, hinc mediocres opes, hinc dignitatē, siquam habemus, consecuti sumus. Ego itaq; pacis (vt ita dicam) alumnus, qui quantuscunque sum (nihil enim mihi arrogo) sine pace ciuili certe non fuisset. Periculose dico, quemadmodum accepturi P. C. sitis, horreo. Sed pro mea perpetua cupiditate vestræ dignitatis retinendæ & augendæ, quæso oroque vos P. C. vt primo si erit vel acerbum auditu, vel incredibile à Marco Cicerone esse dictum, accipiatis sine offensione, quod dixerō. Nec id, priusquam quale sit explicauero, repudietis. Ego ille (dicā sæpius) pacis semper laudator, semper author, semper amator, pacem cum M. Antonio esse nolo. Hæc in eum quoque finem retuli, vt ostenderem oratores, quum inceptæ orationi aliquid longius inferuerunt, redire iterum ad id quod incoeperant. Aliquando etiam frequentius memoriæ iudicum reficiendæ gratia, vel eodem verbo repetito, vt in proximo exemplo, vel quod idem efficiat. Vt apud eundem & in eodem opere, Collegam tuū aiunt in hac sua fortuna, quæ bona ipsi videtur, mihi (ne grauius quippiam dicam) auorum & auunculi sui consulatum si imitaretur, fortunatior videretur. sed eum iracundum audio factum. Aiunt & Audio idem efficiunt.

E P I T O M E.

Questus sine diphthongo, à queror, pro querela aut querimonia, singulari caret: habetque u ante bus in datiuo & ablatiuo. Sed quæstus per æ, à quæro, vtrunq; numerum habet, & i ante bus, significatque aut lucrum nummarium, aut actionem lucrendæ pecuniæ. hoc est quasi acquisitionem. vnde quæstor, qui vulgo receptor dicitur.

De Questubus & Quæstibus.

CAP. XII.

Questus in plurali pro querela à queror, vnde fit cōqueror, cuius datiuus & ablatiuus questubus, vt portubus. Quæstus inuero; numero, cuius in plurali datiuus & ablatiuus m. iiii.

Lucrum.

est quæstibus, à quæro, vnde fit conquiro, deriuatur per syncope à supino quæsitum, significatque lucrum nummarium. Nā lucrum vocamus etiam non nummarium, velut amicitia, gloria, scientia, cæterorumq; huiusmodi. Quæstum quoque nonnunquam recipi pro actione ipsa, atque artificio lucranda pecunia. vt apud Ciceronem, Nam de artificiis & quæstibus, qui liberales habendi sunt, qui sordidi. Et Quintilianum, Nam vt primū lingua esse cœpit in quæstu, institutumque eloquētiæ bonis male uti. Quæstu dixit, quasi acquisitione.

E P I T O M E.

Scala, Sallustius singulari carere docet: quod & Seruius prædicat. Pondo autem, singulari caret: & tamen distributiva citra distributionem respuit. fortè quia & singulare reperitur. Sunt autem pondo, idem quod libra. Ludus etiam, aliud significat in singulari, quàm in plurali, vt alibi dicitur.

De Scala & Pondo.

C A P. X I I I.

Duapondo.

Trepondo.

Deca. 3. lib. 2.

Scala à quibusdam in singulari vsurpatur. Sallustius cum aliis quibusdam ostendit pluralem tantum habere, quum dixit in Iugurthino, Deinde vbi vnæ atque alteræ scalæ comminutæ sunt, qui superstiterant afflicti sunt. non dixit vna atque altera. Pōdo autem caret singulari numero teste Foca. Dicimus autem, Duo pondo, tria pondo: non bina pondo, terna pondo. Quintilianus in primo, Quid quod quædam singula proculdubio vitiosa sunt, iuncta sine reprehensione dicuntur? Nam duæ & tre & pondo, diuerforum generum sunt barbarismi. At duapondo & trepondo vsque ad nostram ætatem ab omnibus dictum est, & rectè dici Messala confirmat. Forsitan huius rei causa est, quod sicut superius de liberis diximus, ita hic siquis ita loquatur, Relinquo liberis meis duo pōdo auri, alterum signatum, alterum rude, intelligitur libram. Idem est enim duæ, tres, quatuor libræ, quod duo, tria, quatuor pondo. Quidam existimant aliud esse, quum legant apud Liuium lib. 22, Argenti pondo bina, & sex libras in militem præstare. quum legendū sit selibras. Quidam etiam singularem huic nomini dāt, & huius ipsius authoris (si editio verax est) nōnulla exempla sunt. Quale est etiam Columellæ, Scyllæ aridæ pondo libram, & quadrātē adiici oportere. Sed nunc pro pondere videtur accipi. Huiusmodi conditionis est ludus & ludi. Sed hæc in alterum librū referuamus. Nunc aliquid etiam de numeris addamus.

E P I T O M E.

Numeralia duo, adiectiue sumpta, nisi alterum fuerit aduerbiale, aut composita fuerint, nō coherent sine coniunctione media: qua intercedēte intra viginti & centum, hoc est vltra viginti & citra centū, numerus minor aut minimus ferè præpo-

ni vult. sed citra viginti & ultra centum, & componendo, ut quisque maximus est, ita fere primū sortietur locum: sic tamen ut dum centenarius aut millenarius multiplicatur per minores, minores ipsi suam seruent naturam. Notandū quoque ante decimum quēque numerum præter primum, pro octo cum numero illis addito posse dici duode, cum decenario sequenti, idque per compositionē: & pro nouem, vnde: ut pro octodecim, duodeuiginti: & pro decimo octauo, duodeuigesimus: item pro nouēdecim, vnde uiginti: & pro decimo nono, vnde uigesimus. Pro vigintiocto, duodetriginta: & ita de similibus: neque declinantur duo: ut Anno duodetricesimo &c. Dico Numeralia duo, distincta videlicet, siue ea sint quæ cardinalia vocantur, siue quæ distributiva, siue quæ mensuratiua, siue quæ multiplicatiua, &c. quorum nulla nisi fuerint composita, sine coniūctione coherent. Vnde non dicā, duo decē, sed bis decem. Maro tamen non inepte dixit, Aurea mala decem missi, cras altera mittam. altera inquam, decem. Vnde nō videtur omnino damnable quod author damnavit cap. 5. Vna quinque, vna decem. potius tamen dixero Decem, aut semel duntaxat decē dabo. Addo tamen, Adiectiue sumpta, quia licite dixero, Tres primi, & primi tres. Item Tria millia, & tres senarii. scilicet numeri. Item Primi millesimi, si plures fuerint. Possunt autē omnia multiplicari per aduerbialia: ut, Ter quinque, ter quini, ter quinquies, ter quater: quod aliud est quā ter & quater. nā ter quater, est duodecies: & ter & quater, septies. ponitur autē propter perfectionem numeri septenarii pro perfecte aut consummate. Dixi signanter Fere, quia animaduersum est etiam classicos viros subinde contra locutos: quod nō magnopere mirandum, quia præcepta de situ vocum raro sunt catholica. Verū tamen quod Valla præcipit, & venustum est, & frequenter à magnis obseruatum: cui etiam, ut dixi, Germanica lingua ut multis aliis de situ præceptis ad vnguem quadrat. Nam ante viginti non ponit coniūctionem, post viginti & citra centum ponit præmissō minore numero, post centum ponit præmissō maiore: sic tamen ut si post centum ponuntur duo numeri, post viginti & citra cētum coniūctionem seruatō situ debito repetat dicēs, Centum & quinque & viginti poma. Citra viginti, ut dixi, non ponit cōiūctionē, sicut nec Latina nisi rarius, nec id eodem situ. Nam Cicero notatur scripsisse, Septē & decem egit annos. Plinius autē, Decem & septem millibus passuum ab Vrbe scēssit. Plautus autem notatus est scripsisse, Equidem haud sum natus annos præter quinquaginta & quatuor. Et Fero annos octoginta & quatuor. Verum dubites an cōiūctio per librarium ineptulum sit assuta: nam sine ea & metri & locutionis seruetur integritas. Macrobius in aliis quoque notatus dixisse fertur, Annū ferebat trigēsimum & octauum. Sed potest & illic apposita nequicquam censerī coniūctio. Suetonius, Funeratus trigēsimō & octauo ætatis anno, & nonagesimō & quinto imperii die. Credā scripsisse trigēsimooctauo anno ætatis & nonagesimō & quinto imperii die. Idem censeo in illo quod Cicero filius scripsit, Venerunt post diem quadragēsimum & sextum: delendam inquam coniūctionem: veluti in illo Ciceronis patris, Cum ætas tua quinquagesimū & sextum annum compleuerit. Sunt post centum, minorem præposuisse notati. Valerius Maximus, Repudium inter virum & vxorem à condita vrbe vsque ad vigēsimū & quinquagesimū annū nullum intercessit. M. Cælius, Legisque vnum & centesimū caput legit, &c. Vbi signabitur quod vnum pro primum dixit. Quinetiam citra centum legitur cōiūctō sublata, præposito minore numero. Suetonius, Perit cum fratre & filio anno vitæ septimoquinquagesimo: Cicero, Sine vlla molestia sumptiue sociorum septimo quinquagesimo die rem confeci &c. In quibus omnibus facile dicam coniūctionem nō ab auctoribus ipsis, sed ab librariis temere nunc esse appositam, nunc sublatam: ego certe Vallam sequar. Ut autem sciamus multiplicare per aduerbialia, ea hæc sunt, semel, bis, ter, quater, quinquies, sexies, septies, octies, nouies, non nonies (quia prima corripitur AEncidos 6, Et nouies styx interfusa coerces) decies, vndecies,

duodecies, tredecies, quatuordecies, quindecies, sedecies: vix sexdecies, sed bene septemdecies, octodecies, vel duodeuicies, nouemdecies, vel vnde uicies. Non ausim dicere decies sexies, quia illud sexagies significet: nec decies septies, quod est septuagies pro septemdecies: nec octies decies, quod ut quateruicies est octogies: & ita de reliquis. Quia tamen vices dicitur pro viginties, sunt qui contendunt scribendum vities. Post nouendecies, vel vnde uicies, dicitur vities aut vices, non viginties: & trities seu tricies, nō triginties: & quadragies, nō quadraginties: sic quinquagies, sexagies, septuagies: octogies, vix octuagies: nonagies. Et deinde sine syncope, centies, ducenties, trecenties, quadringenties, quingenties, sexcenties, septingenties, octingenties, noningenties vel nongenties, millies. deinde bis millies, &c. Per hæc autem multiplicari possunt omnes species numerorum, etiam sine coniunctione: quæ interposita, volunt ut intra viginti & centum minor præponatur: quod etiam Teuthonum lingua obseruat: ut, Quinque & viginti. At post centum, dicimus Centum & quinque, non quinque & centū: & ita in aliis. Dixi, Sic tamē, &c. nam Quinque & viginti millia dicam: non, viginti & quinque millia: quanquam totus numerus est ultra centum. Præterea dixi, Præter primum: quia pro octo, non dicam duodecem, sicut pro xcviij. duodecentum. Addam illud pro imperitis qui in ea re, tametsi facillima, multi sunt, Quādo per signa scribuntur numeri, & additur substantiuum, quod fere est ablatiui casus singularis numeri, debere legi per numeralia ordinis, ut Anno M.D.I X. id est millesimo quingentesimo nono. Sed quando additur substantiuum plurale, debere legi per numeralia cardinalia. ut Vixit annos cxii. id est centū duodecim. Et in accusatiuo, Actum circiter annum M. D. I X. id est millesimum quingentesimum nonum. Circiter annos M. D. I X. id est mille quingentos nouem.

Numerorū signa qui legendi sint. Præter numeralia hæc & prius dicta, sunt quæ multiplicatiua vocantur, ut. simplus, simpla, simplum: duplus, triplus, quadruplus, quintuplus vel quincuplus, sextuplus, septuplus, octuplus, noncuplus, decuplus, centuplus, millecuplus, &c. Vnde sunt in ex, ut simplex, duplex, triplex, &c. Componuntur autem multifariam: cum annus, vt biennis, triennis, quadriennis, quinquennis, sexennis, septennis, octennis, nouennis, decennis, &c. Neque tamen omnia in vsu sunt: ab inusitatis autē abstinēbimus, quā aliter dicere possimus: sicut, Sum anniculus, bimus, trimus, quadrimus: aut bimulus, trimulus, quadrimulus. Sic pro quadragēni, dicam quadragenarium. Item cū mensis, vt bimestris, trimestris. & cum multis aliis, vt bilinguis, biceps, bidens, biformis, bicorpor, &c.

Multiplicatiua in plus.

In ex.

Cōpositio numerorum.

De ordine numerorum.

CAP. XIII.

De Senect.

Lib. 3. cap. 1.

PLato vno & octogesimo anno scribens mortuus est. Isocrates quarto & octogesimo anno eum librū qui Panathenæicus inscribitur, scripsisse dicitur: vixitque quinquennium postea. Cuius magister Leontinus Gorgias centum & septem cōpleuit annos. hæc Cicero. Cuius ex verbis datur intelligi, ante cētum præponi numerum minorem: post centum verò, postponi. Quod Quintilianus quoque confirmat, quum ait, Artium autē scriptores antiquissimi Corax & Thissias Siculi, quos infecutus est vir eiusdem insulæ Gorgias Leontinus, Empedoclis (vt traditur) discipulus. Is beneficio longissimæ ætatis (nam centum & nouē vixit annos) cū multis simul floruit. Et paulo post, Nam & Isocratis præstantissimi discipuli fuerunt in omni studiorū genere. Eoque iam seniore (octauū enim & nonagesimum compleuit

annum) pomeridianis scholis Aristoteles præcipere artem oratoriam cœpit. Hoc tamen videtur fieri intercedēte cōpula. Nam ea sublata, vt quisque numerus maximus est, ita primo loco ponitur, duntaxat citra centum. vt, Maior vigintiquinque annis, nō autem maior quinque viginti annis. Etiam in illis quæ suprà tractauimus, numeralibus, vicienis singuli, vicieni bini, vicieni terni: aut singuli & vicieni, bini & vicieni, terni & vicieni. Supra centum naturalem ordinem sequimur, vt superiora exempla docent, Cētum & septem compleuit annos, centum & nouem vixit annos. Plinius libro 7. naturalis historiæ, Centum viginti natos annos Parma tres edidere, Brixelli vnū. c x x v, Parmæ duos. c x x x, Placentiæ vnū. c x x x i, Fauentiæ vnā mulierē. c x x x i i, Bononiæ L. Terentium Marci filium. Arimini verò M. Aponium, c l. Tertulianum, c x x x v i i. Circa Placentiā in collibus oppidum est Velleiacium, in quo c x natos annos sex detulere, quatuor centenos vicienos, vnum c l. Marcus Mutius Marci filius, Galerius Felix. Ac (ne pluribus moremur in re confessa) in regione Italiæ octaua centenū annorū censi sunt homines l i i i i. centenūmdenū homines l v i i. cētenū vicenumquinū homines duo, centenūmtricenū homines quatuor, centenūmtricenūquinū aut septenūm totidem, centenūm quadragenū homines tres. Idem tamē Plinius paulo pōst ait, Vt tamen in septimum & quinquagesimū atque centesimū vitæ duraret annum. Ex quo apparet sine cōpula maximum quēque numerum præcedere, quū cōpula nō nihil variet, præsertim retrorsum eundo. Adhuc quæ diximus & recitauimus exempla intra numerū millenariū sunt, sed in ipso quoque maximū quēque numerum semper præponemus. vt, A natali saluatoris anni sunt mille quadringēti & x x x v i i i. vel mille quadringenti ac triginta octo. Illud tamē notandum est, in millibus eādē esse naturam, atque in numeralibus citra centū. vt, Milites nostri sunt sex & viginti millia, non autem viginti & sex millia: vel, Milites nostri sunt vigintisex millia, siue militum nobis sunt viginti millia, siue milites nostri sunt vices mille, siue nobis singulis sunt decies mille milites, siue nobis singulis sunt dena millia militū, siue nobis singulis sunt decem millia militū. Omnia autē quæ locuti sumus, vltra vicesimū numerum intelligi volo. Nam decem & septem, decem & octo, decē & nouem, normam illam quam dixi, non tenent. His inferiora ne ipsa quidem seruant suam legem. Illa enim cōiunctionem habent interpositam, hæc non habent. Veruntamen nec habere possunt, quum sint composita, nec plura, sed singula nomina: vnde decim,

Cap. 49.

Cap. 52.

Cap. 8.

Cap. 2.

duodecim, tredecim, quatuordecim, quindecim, sexdecim. sicut illa quoque composita, atque vnica sunt nomina, vnde viginti, duodeviginti, vndetriginta, duodetriginta, vndecentum, duodecentum: hoc est vno, aut duobus demptis de viginti, de triginta, de centum. Vt, Ab incarnatione saluatoris sunt anni mille quadringenti duodequadraginta. Et per denominatiua. vt, Ab incarnatione agitur annus millesimus quadringentesimus duodequadragesimus. Plinius lib. 35. naturalis historię, Duodeuicesima Olympiade interiit Candaules. Licet pleraque exemplaria habeant duodeviginti Olympiade. Idem proximo libro, Atque adeo duodequadragenum pedum Lucullei marmoris in atrio Scauri collocari. Duodequadragenum, pro duodequadragenorum. Titus Liuius lib. primo, Duodequadragesimo ferme anno, ex quo regnare coeperat Tarquinius.

E P I T O M E.

Domus secundę, significat locum: quartę, ædificium. quocirca pro aduerbio locali in loco ponitur genitiuus secundę, non quartę: & ad locum accusatiuus secundę, idque cum adiectiuis solummodo loco non ædificio congruentibus, quę sæpe subaudiuntur. Quę enim ædificio congruunt, poscunt ablatiuum cum præpositione: vt, Fui in domo lapidea genitūs. Adiectiua autem loco congruentia, sunt, mea, tua, sua, nostra, vestra, propria, aliena. Accusatiui singularis non noscitur discretio, sed pluralis, vt in illo Ouidii, Quo ruitis: vestras quisque redite domos. non dixit domus.

De Domus.

C A P . X V.

Domus genitiuos duos habet: vnum secundę, alterum quartę declinationis, domi & domus. Sed prior significat locum vbi quis manet, posterior corpus ipsum atque ædificium quod ex parietibus constat & tecto. vt Domi maneo, non domus. & Partem domus demolitus sum, Superiora domus ascendi, non domi. Nam illud, Domus meæ imperium teneo, non pro loco accipitur, sed pro familia quę continetur ædificio, figurate continens pro contento. Quod etiā dicere licet domi meæ, quasi in domo mea. Quod autem idem sit domi & in domo, notum est. Vnum tamen afferam exemplum Quintiliani lib. 5, In domo furtum factum ab eo qui domi fuit. Datius tantum quartę est. Accusatiuus indifferens. Ablatiuus secundę. In accusatiuo & ablatiuo vel cum præpositione vel sine præpositione loquimur. vt Reuertor domum, vel ad domum. Exeo domo, vel è domo, & Sum in domo, vel domi. hoc grammaticę est, illud verò Latinitatis & elegantię. Hunc genitiuum secundę non coniungimus, nisi cum tribus siue quinque pronominibus, meæ, tuæ, nostræ, vestræ, & vno nomine alienę. vt, Ego viuo domi meæ, non viuo

domi tuæ: Erat domi suæ: Nostræ nõ vestræ domi habitare volo. Cicero in libris ad Herenniũ, Qui cum ista ætate & forma alienæ domi nolo dicere. Quidam volunt illud domi aduerbiatiscere. Sed quomodo coniungeretur cũ adiectiuis? Quòd siquãdo quinque hæc pronomina adiectiua supprimãtur, tamen subintelliguntur. vt Domi ero, id est meæ. Domi erimus, id est nostræ. Domi eris eritisve, id est tuæ aut vestræ. Domi erit, aut erũt, id est suæ. sicut in altero sensu, & in plerisque nominibus. vt, Par tem domus locaui, in altera parte ipse habito. id est partem domus meæ. Et Pater mihi iussit, mater te vocat, frater nos expectat: hoc est, pater meus vel noster, mater tua vel nostra, frater noster. Quando autem hic genitiuus secũdæ regit alterum genitiuum, siue pronomen, siue nomen, certum est. vt, Ego eram domi illius, domi huius, domi Cæsaris, domi Pompeii. Domi autem publicæ, domi priuatæ, domi honestæ, domi infamis, domi paternæ, domi maternæ habito, & similia, non licere dicere iam tradidimus.

E P I T O M E.

Quia quoties, quis vel qui, qualis, quantus, quotus, quot, quoties, quo, qua, vbi, vnde, & similia relatiua, & interrogatiua, aut infinita geminata, posteriorem partem in cunq̃ue resoluerẽ possunt: ideo idem significant, qualisqualis, & quiscunq̃ue, &c. Et licet quisquis nõ faciat quiscunq̃ue, sed quicunq̃ue: nec quicquid quidcunq̃ue, sed quodcunq̃ue: tamen quisquis & quicunq̃ue, vno eodẽque modo significant, quũ vtrunq̃ue sit adiectiuum. Quicquid & quodcunq̃ue differenter id faciunt, quũ quicquid sit substantiuum, & ob id, aut adiectiuum eiusdem casus, aut substantiuũ genitiui casus expectat: Quodcũque verò adiectiuum, substantiuum eiusdem casus, non adiectiuum efflagitans. quæ differentia, inter cætera in quid & in quod exẽtia, aut ab eis incepta, reperitur. Solet autem quicque pro quodcũque, & quisque pro quicunq̃ue vsurpari: & quid, pro in quo. Quodque verò adiectiuum ad substantiuum tacitũ dirigi. Est præterea regula Prisciani, Hæc geminata resoluerẽ possẽ secundam partem in cunq̃ue: vt, Vbiubi est, id est vbicunq̃ue. Vndeunde, id est vndecunq̃ue. quotusquotus, quotuscunq̃ue. quotquot, quotcunq̃ue. Quia tamen non omnes particule possunt componi cum quis, quæ componi possunt cum qui, nec econuerso: ideo quisquis non resolvimus in quiscunq̃ue, sed in quicunq̃ue. Quapropter notanda sunt ad hunc locum, quæ alibi diximus, in hanc formam:

Post quis pone piam (non post qui) nam, que, putas, quam.

Dam, vis, cunq̃ue, libet, non quis, sed qui sibi subdet:

Ast aliquis, nequis, siquis, nunquis, simul ecquis,

Sola qua dant, non quæ, quoties reperitur vtrunq̃ue.

Quorum versiculorum sensus est, Has particulas piam, nam, que, putas, & quam, non coniungi qui, sed quis. Dicimus enim, Quis piam, quis nã, quisque, quis putas, & quisquam: & per geminationem, quisquis: quod non resolvitur in quiscunq̃ue, sed quicunq̃ue. Nam dam, vis, cunq̃ue, & libet, coniunguntur econtrario cum qui, non cum quis. vt, Quidam, quiuis, quicunq̃ue, quilibet: non, quisdam, &c. Componitur præterea quis cum particulis præpositis, alius, & fit aliquis: ne, & fit nequis: si, & fit siquis: nun, & fit nunquis: en, & fit ecquis. de quorum declinatione hoc sciendum, quòd in nominatiuo singulari fœminini generis, & in nominatiuo & in accusatiuo

pluralibus neutri generis, ubi simplex habet quæ vel qua: hæc habent tantum qua: præterquam ecqua, non quæ. cætera autem omnia, quæ, non qua: vt quædam mulier, & aliqua monstra: non quadam mulier, neque aliqua môstra. Dixi Præterquã ecqua, quia etiam ecquæ legitur. Verum (vt ad literam redeamus) à quis aut qui cõposita, quæcunque quid habent, siue in priore parte, siue in posteriore, substantiua sunt, adiectiuum eiusdem casus, aut substantiuum genitiui casus efflagitantia. Quæcunque quod, adiectiua, substantiuum aut tacitum aut expressum eiudem casus efflagitantia. vt aliquid & quiddam, substantiua sunt, aliquod & quoddam adiectiua. Dicam ergo, Aliquid & quiddam môstri, & aliquod & quoddam monstrum. Tunc autem, Aliquis vel aliquid dicam, quando ego ipse nescio quis vel quid sit. Est enim quasi alius vel aliud, quis vel quid. Tunc verò quidam vel quiddã, quã de re certa mihi loquar. Vt, Aliquis fecit: nescio tamẽ quis. Quidam vestrũ fecit, vt ei aliquando dicturus sum.

De compositis à Quis vel Qui.

CAP. XVI.

Quicquid.

Quodcunq;.

A&4.

Quisquis & quicunque pro eodem accipi solent: vt, Quisquis es, huc venias: & Quicquid es, huc venias. Quicquid & quodcunque non accipiuntur pro eodem, quum alterum sit substantiuũ: vt Quicquid festiuum, quicquid molle, quicquid tenerum, quicquid iucunditatis, quicquid gaudii, quicquid pecuniarum. Alterum adiectiuum: vt Quodcunque telum, quodcunque scutum, quodcunque iaculum. Cuius differentie causa est, quod voces hæ in masculino conuenientes, in neutro postea discordant. Erat enim quidecunque & vox & significatio similior, si reperiretur, eo modo quo dicimus quicq; & quicquid. quodque enim siue vnũquodque componitur à quod. Sed vt nõ reperitur quidcunque, ita nec quodquod. illud nanque componitur ex qui, quæ, quod. hoc autem ex quis & quid: carẽtque genere foeminino, quinetiam masculino in accusatiuo casu, tantumque habet nominatiuum Quisquis, quicquid, accusatiuum quicquid, ablatiuũ quoquo, tum in masculino, tum in neutro. Nonnũquam etiam in foeminino quaquã, vt apud Suetonium de vita Titi, Galba mox tenente rēpublicã missus ad gratulandum, quaquã iret, cõuertit homines, quasi adoptionis gratia accerferetur. In accusatiuo quoque interdum in alio genere quã in neutro, sed vix apud oratores. Plautus in Captiuei duo, Nam meus est balista pugnus, cubitus catapulta est mihi, Humerus aries: tum genu vt quenquem icero, ad terram dabo: Dentilegos omneis mortales faciam, quenquem offendero. Quenquem, id est quencunque. Sergius autem Donatum commentans, ait, Vtraque parte declinatur hoc pronomen Quisquis, cuiuscuius, cuicui, quenquem, quisquis, à quoquo: quiqui, quorumquorum, quibusquibus, quosquos, quiqui, à quibusquibus. Noli putare hoc casu declinationis esse, vt apud Ciceronem re-

manſit, cuius. Hæc Sergius. Igitur quū ſit compoſitū quicquid ex quid, quodcunque ex quod, debuit illud eſſe ſubſtantiuum, vt quid & aliquid: hoc adiectiuū, vt quod & aliquod. Dicimus enim Quid feci? non autē, quod feci? Aliquid feci, non autem aliquod feci. Itē Quod malū feci? nō autē Quid malū feci, ſed quid mali? Et Scio quid faciam, non autē Scio quod faciā. Video quid facis, ſæpius quā video quod facis. Ita & cætera ab his cōpoſita, quiddam, quoddā. Nā quiddā adhæret adiectiuo, quoddā ſubſtātiuo. vt Mirabile quiddā, obſcœnū quiddā, quiddā maius. At Quoddā templū, quoddā nemus, quoddā antrum, oppidū quoddā, in quo nulli ferē errant. Hic autē multi, pro quidque ponētes quodque, vt Optimū quidque, honeſtiſſimū quidque, ſaluberrimū quidque: vbi non licere poni quodque, ex his liquet exemplis: Optimum quodque prædium, honeſtiſſimū quodque conſiliū, ex iumentis quæ capī, decimū quodque ſit tuū. Nā ſubſtantiui natura eſt, cōiungi cum adiectiuo: Adiectiui verò, cum ſubſtātiuo, quaſi conubio quodā. Ideo vbiūque eſt ſubſtantiuū, deſyderat adiectiuū quaſi coniugē, impatiens alterius ſubſtantiui. Rurſum adiectiuū ſine ſubſtātiuo, tanquā ſine viro, eſſe nō poteſt, cum altero adiectiuo nihil conſortii habēs. Eōque factū eſt, vt hi quos dixi errarēt, quod quādoque videtur ſine ſubſtātiuo eſſe quodque. vt Reliquit mihi pater multa prædia, quorū optimū quodque ſublatū mihi eſt, vel ex meis multis prædiis optimū quodque mihi ſublatū eſt. Sed omnibus liquet ſubintelligi ſubſtātiuū: ſic, Optimū quodque prædiū. Quodque autē idē eſſe quodvñquodque, antē ſignificauī. Quintilianus, Nec cauſas cur quodque eorum accidat, proſequi propoſito operi neceſſariū eſt. Hoc quoque addamus, Quid ſolere uſurpari pro in quo: vt apud eundē, Quid tibi tantum mali feci? quid offendi? Et alibi, Siquid offendi. Cicero in Lælio, Quid enim indigens Africanus mei? Eodem modo nihil, vt Nihil te offendi. De differentia autē inter quidā & aliquis, ſiue quiſpiā, ſiue quiſquam: quòd illud certū hominē, hoc vnū quemlibet ſignificat, in libris dialecticis diſputauimus. Hic tantum admonendum eſt, quosdā his poſterioribus eo modo vti, quo ego non vterer, pro illo ſuperiore. vt Hieronymus, qui ſic librum de Hebraicis quaſtionibus exorditur, Qui in illis principiis librorum debeam ſecuturi operis argumentum proponere, cogor prius reſpondere maledictis, Terentii quippiam ſuſtinens, qui comœdiarum prologos in deſenſionem ſui dabat. Ego dixiſſem quiddam potius, quā quippiam. De certo enim crimine loquitur, non de incerto. Idem eſt enim quippiam, quod aliquid. Sed de hoc in libris

Quid.
Quod.

Quidque.
Quodque.

Nihil.

Quidam;
Aliquis,
Quiſpiam,
Quiſquam.

Lib. 2. cap. 25.

his quos dixi, latius. Sed fortè Hieronymus scriptum reliquerat quiddam, & librarii in quippiam mutauerunt.

E P I T O M E .

Pars à toto, & proprietas à subiecto regitur in genitiuo, vel in ablatiuo, mediâte adiectiuo laudis vel vituperii eiusdem casus cuius est dictio recta: sine quo raro genitiuus & ablatiuus nunquam sic constructur. Reperitur autem adiectiuum dictioni regenti conformatum, stante dictione recta in ablatiuo vel accusatiuo. quæ locutio ab aliis Græca figura, ab aliis synecdoche appellatur: quam in accusatiuo præsertim summopere fugiemus in oratione cultiore præsertim oratoria: nâ A. Gellius non vsquequaque vitat. In ablatiuo tamen nonnunquam recipiunt historiographi. Licet ergo quinque modis partem præcipue regi. aut in ablatiuo, mediante adiectiuo casus ablatiuus: & est oratorû. aut in genitiuo, mediâte adiectiuo genitiui casus: & est grâmaticorû. aut in genitiuo, mediante adiectiuo conformato toti: & est poetarû & historicorû, vt Miser, vecors, infelix animi: & plurima quæ in grammatica diximus. aut in accusatiuo, mediante adiectiuo conformato toti: & est poetarum, per Græcam figuram, quam oratores, vt dixi, vitant, loquentiû. aut in ablatiuo, mediâte consimili adiectiuo: & est etiam historiographorum. Nisi tamen præcipue subsistat ratio concentus & sonoritatis, non vtemur simul (intercedente præsertim coniunctione) diuersis casibus. Verbi gratia, Vir duro capite: oratorum est. Vir duri capitis: grammaticorum. vsqueadeo vt Seruius huiusmodi locutiones per ablatiuum, dicat pro locutionibus per genitiuum positas. vt quarto A. Eneid. Lato venabula ferro. Pro lati (inquit) ferri. Vir modicus voti, pro modici voti: & Vir durus capite: historiographorum est & poetarum. Vir durus caput: duntaxat poetarum. Seruius autem, dum accusatiuus mediante nomine adiectiuo sic regitur, concedit esse synecdochen. quando mediante verbo neutrali seu passiuo, aut eorum participio, dixit Græcam figuram. Cætera in litera patent.

De affinitate genitiui & ablatiuus. C A P . X V I I .

Magna autoritate est vir, vel magnæ autoritatis (vtroque enim modo dicimus) sed rarò sine adiectiuo, duntaxat in genitiuo. Nam in ablatiuo nunquâ. vt Cicero in Salustium, Nûquid quos protulit Scipiones & Metellos, antè fuerunt aut opinionis, aut gloriæ, quàm eos res gestæ suæ, & vita innocentissime acta commendauit? Cæterum in eadem oratione non est vtendum genitiuo & ablatiuo, nisi velimus illud Plinianum ex libro septimo naturalis historiæ sequi, Choromadarum gentem vocat Tauron syluestrem sine voce, stridoris horrendi, hirtis corporibus, oculis glaucis, dentibus caninis. Poterat dicere, stridore horrendo. Quanquâ (quod ad elegantiam pertinet) ego pro lege accipio quicquid magnis authoribus placuit, quorum in primis est Plinius. Præsertim quum Cicero ad Lentulum ita scribat, Lentulum nostrum eximia spe, summæ virtutis adolescentem, quû cæteris artibus, quibus studuisti semper ipse, tum in primis imitatione tui fac erudias. Licet illud eximia spe, posset videri separatum ab illo, summæ virtutis, quod regitur ab illo, adolescentem. Vt si dicas, Habeo summa spe filium, adolescentem

Cap. 2.

Plinii auunculi
cômendatio.

optimæ indolis. Quod si ita non est, licebit in vtraque oratione
 vti genitiuo & ablatiuo, tamen (vt ego sentio) parcé. Nam illud
 ab hoc loco separatum est, quod idem dixit, Scipio Africanus id
 ætatis atque his rebus gestis. Illud enim id ætatis, vel idē est quod *Id ætatis.*
 ea ætate, sicut dicimus Decem annis vixi, & more Græco decē
 annos: quam honestiorem locutionē Seruius putat: vel aduer-
 bialiter ponitur, vel subintelligitur habens vel agens, vel natus
 id ætatis. In quo protinus admoniti simus, oratores summo opere
 synecdochen refugisse. quale foret, Gentem stridore horrēdā, *Synecdoche.*
 hirtam corporibus, oculis glaucam, historici non refugerunt: vt
 Sallustius, At ex altera parte Caius Antonius pedibus æger in
 prælio adesse nequibat. Cicero, Quintilianusque dixissent, pedi-
 bus ægris. Nec dixisset, Doleo caput, doleo ilia, aut ilibus: esset e- *Doleo.*
 nim synecdoche. Sed, Dolet mihi caput, & ilia tibi dolēt. In hoc
 verbo & illud notādum est, quod de re extra nos posita, sicut de
 corpore nostro loquimur. vt, Istud quod facis dolet mihi, vtinā
 doleret tibi. vt apud Terentium,
 Dolet dictum adolescenti pudenti & libero. Et iterum,
 Si istud itidem doleret tibi, vt mihi dolet.
 Et in eadem comoedia, Fac illi quod itidem doleat. Quod nun-
 quam per synecdochen dicere possumus. Nam Ego doleo istud
 quod fecisti (qui sermo vt superior, apud authores est frequens,
 vt Sallustius, Quasi dolens eius casum) nō est synecdoche. Hæc
 enim figura tantū ad animi & corporis qualitatem pertinet, nihil
 ad externa respiciens, qualia fuerint, Doleo caput, doleo ilia: &
 hic, Pulcher faciē, ornatus animū. Ideoque illa synecdoche non
 erunt, Potens diuitiis, grauis pietate, præditus dignitate.

E P I T O M E.

In, cum verbo incido incidor, aut participio eius, regit ablatiuos omniū dictio-
 nū, excepto nomine æs, quod potius in accusatiuo regitur: vt Literæ incisæ in mar-
 more, ligno, vel in æs. Dico Potius. i. elegantius & concinnius: quia etiam in abla-
 tiuo reperitur. Vnde Mancinellus, In æs incisæ sunt literæ, & in ære quoque legitur. *Mancinellus.*
 Plinius enim Iunior, vbi de laudibus Traiani loquitur, sic ait, Sed quid singula cōse-
 ctor & colligo, quasi verò aut oratione cōplecti, aut memoria consequi possim, quæ
 vos Patres Cōscripti, nequa interciperet obliuio, & in publica acta mittenda, & in-
 cidenda in ære censuistis. Hæc ille. Addit Nestor exemplum Ouidianum è libro Fa-
 storum 4, At bona posteritas puppim formauit in ære. Sed ibi non est verbum inci-
 do, de quo Valla loquitur: qui dicens, quantum inueni, non omnino alium vsum ne-
 gat. Miror tamē eū nō inuenisse illud Ciceronis in oratione de signis quod Calepi-
 nus affert sic, Id non modo conscripserunt, verumetiam in ære incisum nobis tra-
 diderunt. Suetonius autē in Cæsa. cū accusatiuo cōstruxit, Ac mox lege in æs incisæ.
 Dicamus ergo vtrunque recte dici, Incisum in æs & in ære: & pari ratione, si exem-
 pla suppeterent, in marmor & in marmore: & ita de aliis. Nulla enim videtur cau-
 sa differentiæ, sed cur vtrunque liceat, hac coniectura colligi potest: quod qui in-
 n. i.

cūdit, aliquid educit quod prius erat in materia, vnde ablatiuo locus est: & aliquid loco atramenti infert, vnde & accusatiuo: quia foris infertur.

De in auro, & in æs.

C A P. X V I I I.

IN marmore incisæ sunt literæ, in gemma, in lapide, in ligno, in auro: nō autē in marmor, in gemmā, in lapidem, in lignū, in aurum. Ediuerſo in æs, non in ære. Ita enim apud omnes authores (quantum inueni) semper scriptum est. Liuius libro tertio, Prius quā urbem egrederētur, leges decemuirales (quibus duodecim tabulis est nomē) in æs incisas in publico proposuerunt. Sed quid exempla ponimus paucorum, quod omnes facere affirmamus?

E P I T O M E.

Quoties relatiuū Qui, quæ, quod, ponitur inter duo substantiua, quorū sequēs est alicuius rei proprium, cōformabitur potius sequenti, quā antecedenti, præsertim antecedente verbo substantiuo aut vocatiuo, alioquin tam antecedenti quā sequenti conformari potest. Est autem hæc Seruiana regula in primū Aeneidos, quam non omnes obseruauerunt, vt patet de Valerio quem citat author.

De venustate discordiæ relatiui cum antecedente.

C A P. X I X.

Relatiuum frequenter non respondet antecedenti, neque in genere, neque in numero, vtique quum reflectitur eius sententia ab antecedente ad sequens substantiuum. De masculino in neutrum. vt Sallustius, Est locus in carcere, quod Tullianum appellatur. Quod aliter dixit Valerius Maximus libro secundo, Antea senatus assiduam stationem eō loci peragebat, qui hodie senaculū appellatur. Et Plinius, In coitu verō lunæ, quod interlunium vocant, quum apparere desierit. Mutato etiam numero: vt Cicero, Quibus tandem gradibus Romulus ad cælum ascendit? hisne quæ isti appellant bona? De masculino quoque in fœmininum: vt idem, Omnes tenues atque humiles, quæ maxima in populo multitudo est, sibi præsidium paratum putant. Et Virgilius, Nec partem posuere suis, quæ maxima turba est. Manente quoque genere videtur fieri quædā mutatio: vt Quintilianus, Vbi verō vniuersas familias fames extinxit, quæ maxima pars est, inanes domus situm ducunt. Ediuerſo de fœminino in masculinum non mutato numero. Sallustius, Ea fines habet ab occidēte fretū nostri maris & Oceani, ab ortu solis decliuem latitudinem, quem locum *καταβυδών* incolæ appellāt. Murato etiam numero: vt Quintilianus, Resistam his qui omiſſa rerū, qui nerui sunt in causis, diligentia, quodam inani circa voce studio senescunt. Et alibi, Et supplicationes, qui maximus honor victoribus bello ducibus datur, in toga meruit. De neutro in diud

genus. Sallustius, Ipse ex flumine, quam proximam oppido esse aquam suprà diximus, iumenta onerat. Mutato etiam numero. vt Liuius, Anxur fuit, quæ nūc Tarracinæ sunt, vrbs prona in paludem. Aliquando sine vllō certo antecedenti. vt Quintilianus, Ego, quæ foelicissima vel lassitudo, vel satietas est, virtute conueni. Diuersum huic genus est quū dictio respondet antecedenti, quum deberet respondere sequenti substantiuo. vt apud Virgilium, At puer Ascanius, cui nunc cognomen Iulo. Liuius libro 25, Scipio cui Africano fuit cognomen, Qui modus per datiuum licet frequentior sit, tamen nonnunquam & nominatiuum, quod est magis generale, vtimur. vt Cicero, Argentarius Sextus Clodius, cui nomen est Formio. Et Quintilianus, Notum est quid Gliconi acciderit, cui Spiridion fuit cognomen. Neque per relatiuum modo, sed etiam citra relatiuum: vt Terentius, Hecyra est huic nomen fabulæ. & hoc per nominatiuum. Per datiuū. vt Liuius libro primo, Faustus fuisse nomen ferunt. Et Solinus de memorabilibus, In aqua mollis est Vnio: duratur cuiusceratus. Cap. 66. Nunquam duo simul reperiuntur: vnde vnionibus nomen datū. Hæc de datiuo. Est & accusatiuum quoque sua natura, vt antecedens sequatur casum relatiui relicto suo: vt apud Virgilium, Urbem quam statuo vestra est, subducite naues. Oratores autem postponunt antecedens: quale foret, Quam urbem statuo vestra est. vt apud Ouidiū, Cecidere manu, quas legerat herbas. & quale est Quintiliani, Timeo ne quos porrexerim cibos, venena fiant. In quo est habita ratio venustatis, vt relatiuum & antecedens sint in eodem casu: sed sæpius antecedente postposito. quanquam apud Ciceronem nonnulli illud in Sallustium sic legunt, Nunquid eos quos protulit Scipiones & Metellos, antè fuerunt aut opinionis, aut gloriæ: quidā legunt, Nunquid hi quos protulit. quidam, Nunquid quos protulit. Tale est in Euangelio, Sermonem quem vos audistis, non est meus. Quod in Græco, hoc est in fonte, est sermo, non sermonem. vnde interpret noster transferens maluit Latine, quam * Græce loqui. Nec ignoro qualia * grāmaticè imperiti in hoc Euangelii loco disputare soleāt, profecto nequam sic disputaturi, si Græcam linguā mediocriter, Latinā perfectè tenerent. In tali sermonis genere, vel idē nomē repetemus, Antecedentis repetitio. vel accusatiuum in debitum casum resoluemus. Nam utrūque fieri exemplis comperimus. Siquidem ita frequenter locuti sunt auctores, Quas res tibi tum terra, tum mari nuper commisi, hæc res sint cum fratre communes: vel, Hæc sint tibi cum fratre communes: vel, Ex eis aliquas cōmunicabis cum fratre. Et item per

ceteros casus: vt, *Quarū rerū non indiges, eas re: donabis mihi:* vel, *Hæ res meæ erūt: vel, Hæ res auxilio mihi esse poterūt.* Et ita multis modis per casus variare orationē licebit. Cicero pro Ligario, Sed hoc nō cōcedo, vt quibus rebus gloriemini in vobis, easdem in aliis reprehendatis. Et paulo post, *Quetus enim istud quisq; fecisset, vt à quibus partibus in dissensione ciuili non esset receptus, essetq; etiā cum crudelitate reiectus, ad eas ipsas rediret?* Idē tamē in rhetoricis inusitatus, Sulpitio cui paulo antè omnia cedebant, eū breui spatio non modo viuere, sed etiā sepeliri prohibuerūt. Illud magis poeticū, quale apud Horatium in Epodo, *Quis non malarum, quas amor curas habet, Hæc inter obliuiscitur?* Et iterum in prima Satyra, *Quī fit Meccenas, vt nemo quam sibi sortem Seu ratio dederit, seu fors obiecerit, illa Contentus viuat, laudet diuersa sequentes?*

E P I T O M E.

Quoties huic complexo, ne dicam, præcedit substantium nominatiui casus, & sequitur adiectiuum: id ipsum quod sequitur, ponetur in accusatiuo. quoties autem substantium cum adiectiuo suo sequitur, vtrunque ponetur in nominatiuo, à quo sæpe in accusatiuum legitur mutata locutio. Causa differentię est, quia in priore modo intelligitur eum, in posteriore verbum aliquod: vt, *Homo prudens, ne dicā (subaudi eum) sapientem. prudens, ne dicam sapiēs, homo supple, id fecit, aut dixit, aut est.* Similiter vbi oratio de nominatiuo mutatur in accusatiuum, sufficitur nominatiuus suppositi loco, vt litera declarat. Ex vtroque autē capite tam hoc quàm superiore, elici posset: quòd ad Latinitatem satis est videri congruitatem esse in construendo, tamen non est pro lege grammatica.

De interiectu huius vocis, ne dicam, & dicere oportet, similitumque.

C A P. X X.

HOmo prudens, ne dicam sapientem, melius quàm, ne dicam sapiēs. Cicero pro Deiotaro, *Crudelis Castor, ne dicā sceleratum & impium.* Et hoc, substantiuo præcedēte, secus autem sequēte, quale esset, *Crudelis ne dicā sceleratus & impius Castor, & Prudens ne dicam sapiens homo.* Nam si ponamus in accusatiuo, perquam absurdū foret: sic, *Crudelis ne dicā sceleratum & impiū Castorem, & Prudens ne dicā sapientem hominē.* In priore enim modo subintelligitur eum, sic, *Crudelis Castor, ne dicā eum sceleratū & impiū.* In aliis casibus nō est hæc neque diuersitas, neque causa. vt Idē, *An sperasset hoc, viuo Milone ne dicam Consule?* vel sic, *An sperasset hoc, viuo ne dicam Cōsule Milone?* Illud eiusdem in libris ad Herennium, neque dissimile his, neque vsque adeo simile est, *Obfuit plurimū eo tempore reipublicæ Cōsulum siue malitiam, siue stultitiam dicere oportet, siue potius vtrunque.* Nam vbi erit suppositum: certe deest. Illud

nanque verbum quod interiectum est, de nominatio mutauit in accusatiuum. Sed sicut in Euripo aut Sicilia freto inflata vento vela, aquarum impetus retroire cogit: ita orationē lege grāmatica euntem, authoritas ipsa consuetudōque inhibet ac repellit. Verum (vt Grammaticorum expectationi satisficiam) sic erit construendum, Aut stultitia Consulū, aut malitia, aut potius vtrunque obfuit plurimum eo tēpore reipublicæ, siue illud factum Consulū dicere oportet stultitiam, siue malitiam, siue potius vtrunque. vel sic, Obfuit plurimum reipublicæ eo tēpore Consulū factum, siue illud malitiam, siue stultitiam eorum, siue vtrunque dicere oportet.

E P I T O M E.

Audiui te vt ceteros affuisse in prælio, significat te in prælio affuisse, vt ceteri affuerunt. Audiui, vt ceteri, te in prælio affuisse, significat id me, vt ceteri audierūt, audiuisse. quæ ratio in aliis quoque signanda est.

De infinitiuo, vel interiecto, vel postposito. CAP. XXI.

Audiui te vt ceteros affuisse in prælio, & Audiui te affuisse in prælio, vt ceteri. Hic subintelligitur affuerūt, ibi intelligi non potest, statim sequente infinitiuo, & omnia ad suum regimen trahente. Itaque sic exponitur, Audiui te affuisse in prælio, vt audiui ceteros affuisse. Alterum verò (vt dixi) hoc modo, Audiui te affuisse in prælio, vt ceteri affuerunt. Quod nequaquā conceditur sic dicere, Audiui te vt ceteri affuisse in prælio. Hoc enim declarat, Audiui vt ceteri audierunt. Alterum fortasse sic, Audiui te affuisse in prælio vt ceteros.

E P I T O M E.

Quoties verbo substantiuo, aut eius participio quod est ens expresso, aut aperte intellecto præponitur vocatiuus, sequetur non vocatiuus, sed nominatiuus: sed sine tali copula, plures vocatiui ad idē pertinentes bene cohærent. Propertius enim vocatiuo participiali adiecit vocatiuum dicens, Lectule deliciis facte beate meis. Et Seruius exponēs illud tertii AEncidos, Coniugio Anchisa Veneris dignate superbo: dicit dignate, id est digne habite: vbi liceret dicere, dignus habite: sicut Defende me tu vir optimus. scilicet qui es, aut ens, & ita in aliis. Ratio huius est, quod vocatiuus à tergo verbi aut participii regi recusat. Subauditur autem participium tribus modis, primo dum exprimitur pronomen tu sequente nomine appellatiuo non solo proprio. Secundo dum vocatiuum tam proprii nominis quàm appellatiui sequitur nomen cum adiectiuo. Tertio quandoquē à tergo regi conuincitur. Exemplum primi: vt Defende me tu vir optimus. Secūdi: vt Nate meæ vires, &c. Tertii: vt Helena regnas medius sæuissimorum hostium. Et illud Plinii hoc ordine rectum sit, Salue Marce Tulli parens patriæ appellate primus. Nec parens est vocatiuus, sed nominatiuus.

Vbi vtimur nominatio pro vocatiuo, vel contrā. CAP. XXII.

Defende me domine, Adiuua me optime vir, Tace imperi te homo, mutato vocatiuo in nominatiuū nō recte dicitur. Itē, Defēde me tu Deus meus, Adiuua me tu vir opti-

mus, Tace tu homo imperitus. Hic per nominatiuū recte loquimur. subintelligitur enim ens, hoc modo, Tu ens dominus meus. Qua ratione defendi posset illud in psalmo, Domine dominus noster: nisi sumptum esset è Græco. Idem fit in vocatiuo alicuius nominis. Virgilius,

Nate meæ vires, mea magna potentia solus.

Idem fit in nominibus propriis, quod fit in hoc pronomine, & in vocatiuis casibus, sic, Aue Cæsar summus imperator. Neque illud tantummodo in imperatiuo, verumetiam, & quidem facilius, in aliis modis. vt, Quo tendis AEnæa extremus omniū Trojanorum, vel extreme? Viuis & regnas Helene dono deūm, & regnas medius sæuissimorum hostium, melius, quàm medie. Male per solum proprium nomen, aut iunctum cum pronomine. vt, Quid facis tu Seruius? aut per nomen appellatiuum sine pronomine: vt, Quid facis dominus meus? nisi tali modo, vt, Quid sedes inter seruos dominus? hic subintelligitur ens, ibi subintelligi non potest. Quare illud Plinianum in libro septimo de naturali historia, nisi menda librarii est, non placet mihi, Salue primus omnium parens patriæ appellate. vbi non modo appellate à primus in casu discordat (quod etiam imperitis ad reprehensionem patet) sed ne appellatus quidem si diceretur, planè Latinum foret, quum fuerit dicendū prime, siue sic, Salue tu Marce Tulli primus omnium parens patriæ appellatus, siue, Salue tu prime omnium parens patriæ appellate, vel, Salue parens eloquētiae primus omnium pater patriæ appellatus. Est enim illud parens vocatiuus.

E P I T O M E.

Verbum esse, quoties præcedit nominatiuus, vult vt nominatiuus eiusdem rei sequatur. quoties genitiuus, datiuus, accusatiuus, aut fortè ablatiuus: vt idem casus aut accusatiuus, quo tamē præcedente cum nominatiuo, interdum eleganter sequitur nominatiuus. dum verò esse suppositum est, accusatiuum petit. Verbi gratia, congrue dico, Spero tibi esse amicus. Miserere igitur volentis tibi esse amici, aut fortè amicū. -mediocribus esse poetis, Non dii, non homines, non concessere columnæ. Parum vobis est molestos esse hominibus. Spero te esse amicū mihi, non amicus. Lucanus tamen dixit libro 10, Vtque fidem vidit sceleris, tutūque putauit Iam bonus esse socer: lachrymas non sponte cadentes Effudit, gemitūque expressit pectore læto. Cōsimiles locutiones adducet Mancinellus, Præcedēte autē vocatiuo, quomodo loquendū sit, in proximo capite dicemus. De ablatiuo videtur par ratio quæ de genitiuo: vt, Damnor à nolēte esse bono, potius quàm bonū. Sed dum suppositum est, accusatiuum secum trahit: vt, Esse pauperem & fidelem melius est, quàm esse diuitem & infidelem. Ab locutionibus tamen minus receptis Mancinellus. abstinēbimus. Verba Mancinelli sunt, Præcipe illi esse mihi familiaris, Ne libeat tibi esse intimus: nullo pacto Latine dicitur. Non enim hoc genus loquendi apud aliquem probatum authorem reperitur. Nam si recte aduertimus Lucani illud, -tutūque putauit Iā bonus esse socer: non simile est illis, Præcipe illi esse mihi fa-

miliaris, Ne libeat tibi esse intimus. Hic enim datius præcedit: apud Lucanum vero, præcedit & sequitur nominatiuus. Dicendum igitur, Præcipe illi esse mihi familiari vel familiarem. Ne libeat tibi esse intimo: vel, Ne libeat tibi esse intimum. Ouidius lib. 8. Metamor. -vobis immunibus huius. Esse mali dabitur. Quintilianus libro 3, An illi accadat viro bono esse vel malo. Hypermetra ad Linū, Quo mihi commisso nō licet esse piam. Quintilianus lib. 7, An huic esse procuratorē liceat. Et lib. 4, Procuratorē tibi esse nō licuit. Terentius in Heaut. Nō expedit bonas esse vobis. Cæsar libro 6. de bel. Gal. Quibus iam licet esse fortunatissimos. Lucanus libro 3, -nunquā tibi Magne per umbras, Përque meos manes generū nō esse licebit. Illud autē Ouidii, Me tamen excepto, qui precor esse tuus: & grāmāticæ & Latine dictū, cū & præcedat & subsequatur nominatiuus. Neque inficias eo, & grāmāticæ & Latine etiā dici, Quē precor esse tuū. nā talis ordo esset, Quē tuū esse precor: vt Nasonis illud lib. 5. Metamor. -quātū est. Esse Iouis fratré. Terentius in Eunu. Apparet seruū hūc esse domini pauperis. quod etiā dicere licuit ita, Apparet seruus hic esse domini pauperis. Vatinius enim libro 5. epist. ad Ciceronē inquit, Dicitur mihi tuus seruus fugitiuus Vardacis esse. Cæterū Lucani illud dicendi genus, -tutūmque putauit. Iā bonus esse focer: apud alios quoque legere est. Ouidius lib. 7. Metamor. -sed enim quia rettulit Ajax. Esse Iouis pronepos. Et libro primo de Ponto ad Maximū, Hoc vbi viuendū est, satis est si consequor aruo, Inter inhumanos esse poeta Getas. Vbi quidem aduertendam est, esse, tunc habere verbi casum, non infiniti: est enim sum, verbum similitum copulatiuum.

Vbi vtimur nominatiuo pro accusatiuo. CAP. XXXIII.

Spero tibi esse bonus amicus, Credo tibi fuisse fidelis, proprie dicitur: per accusatiuū verō nō, nisi alterū accusatiuū addas, qui antecedit infinitiuū. Nam hic sequitur hoc modo, Spero me tibi esse bonum amicum, Credo me fuisse tibi fidelem. Quædam verba cū nominatiuo iungi recusant, imò pleraque. Nam vt recte dico, Incipe mihi esse familiaris, & noli esse illi intimus: ita inusitate dicam, Præcipe illi esse familiaris mihi, ne libeat tibi esse intimus. Hoc tamen genus loquendi nonnūquam reperimus, vt apud Lucanum in nono, -tutūmque putauit. Iam bonus esse focer. Alius dixisset, Iam focerum esse bonum. Et apud Ouidium de Ponto,

Ecquis in extremo positus iacet orbe tuorum,

Me tamen excepto, qui precor esse tuus?

Dicere potuisset, sed non tam venustè, Quem precor esse tuum.

Terentius in Andria,

Quæ sese inhoneste optauit parare hîc diuitias,

Potius quàm in patria honeste pauper viuere.

Apertius apud eundem Ouidium libro primo, sine titulo,

Sperneque tu molli mobilis esse toro. Et ille versus vulgatus,

Sperne repugnando tibi tu contrarius esse.

Quòd si dixisset, Noli repugnādo tibi tu cōtrarius esse, versúsque pateretur, nullū de constructione dubium esset. Talis tamē modus loquendi è Græco fluxit, vbi vñtatissimus est.

E P I T O M E .

In hypozeugmate seu in zeugmate ab inferiore, verbum debet sequi vltimum, aut vltterius suppositum : quia semper vult conformari vicinissimo aut viciniore, nisi per comparisonem aut similitudinem loquamur. tunc enim principali, id est præcedenti conformari vult : Quod verò de verbo respectu suppositorum dicitur, idem de adiectiuo respectu substantiuorum intelligitur. Dicere ergo possum sex modis, Fleuit mater & filii eius: sic, Fleuit mater & filii eius, Mater fleuit & filii eius, Filii & mater eorum fleuit, Fleuerunt filii & mater eorum, Filii fleuerunt & mater eorum, Fleuerunt mater & filii eius: ac sic, Mater & filii eius fleuit, Filii sicut mater eorum fleuerunt.

Cui personæ, generi, numero, verbum respondere debeat.

C A P . X X I I I .

Verbum sequi debet vltimum suppositum in persona, numero, & genere. vt, Ego illum de suo regno, ille me de nostra republica percontatus est. Duo supposita sunt, ego & ille, quorum vtrique verbum accommodatur, sed sequenti paulam, antecedenti per subintellectionem, vt sit, Ego illum de suo regno percontatus sum, ille me de nostra republica percontatus est. Conuerte ordinem personarum, simul personam verbi mutaueris, sic, Ille me de nostra republica, ego illum de suo regno percontatus sum. Muta genus sic, Ego illam de suo regno, illa me de nostra republica percontata est. Muta numeros sic, Ego illos illasve de suo regno, illi illasve me de nostra republica percontati percontatæve sunt. & item econtrario. In hac tamen formulam non cadit, quoties per comparisonem aut similitudinem loquimur, quale est, Melius ego istud quam vos fecissem: non autem, quam vos fecissetis. Hoc ille ita prudenter, vt ego fecisset: non autem, vt ego fecissem. Hic enim subintelligitur, sic, Hoc ille ita prudenter, vt ego feci, & ipse fecisset. Melius ego istud, quam vos fecistis, fecissem. Verbum enim principale debet efferri, subintelligi autem quod non est principale.

E P I T O M E .

Quoties post vnum adiectiuum, suppositum, aut obliquum, posueris bis nec, neque, & tum, partim, aut vel, consimilemve dictionem cum duobus substantiuis, verbis, aut regentibus: necesse est ambo substantiua verba, aut regentia illi vni adiectiuo, supposito aut obliquo in debitis accidentibus conformari, etiamsi aliud exprimatur. secus enim, incongrua atque inepta fuerit locutio. Tria ergo concurrere debent, priusquam fuerit incongruitas. Primum vt adiectiuum, suppositum, aut obliquus præcedat illas particulas nec, &c. vt Nulla est dicenda virgo corrupto vel corpore vel mente, inepta est: quæ sit apta sic, Vel corpore, vel mente corrupta. Secundum, vt bis ponatur particula, vnde congrua erit, Corrupto corpore vel mente. Tertium, vt diuersorum sint accidentium ad congruitatem facientium. quia congrua erit, Corrupto vel corpore vel animo: vel sic, Corrupta vel mente vel carne. Causa differentiae est: quia dum bis ponuntur particulae illæ, significant ea quibus adduntur, ad antecedens respicere. at semel posita, permittunt

aliud subintelligi: vt Corrupto corpore vel mente, sup. corrupta. Dixi, Etiam si exprimitur aliud: quia inepte dixeris, Intelliges rem omnem partim ex literis meis, partim tibi nuntius dicet. quia dicendum est, partim ex nuntio, vt litera declarat in consimilibus. Quinetiam si verbum sic præcedat vt adiectiuum, supposita sint illi conformanda. vt, Verum dicunt & pueri & fatui & ebrii: non & ebrius.

Vbi collocandum sit adiectiuum.

CAP. XXV.

A Diectiuo, quū præcedit, debent obsequi substantiua, aliter vitiosum est: vt hoc modo, Nulla virgo est dicenda corrupto vel animo, vel corpore. dic pro animo, mente, sic, Nulla virgo dicenda est corrupta vel mente, vel corpore: aut, corrupto vel corpore, vel mēte, non erit Latinum. Quod cōtrā fit, aut præcedente substantiuo, aut reiecto in finem adiectiuo, sic, Nulla virgo dicenda est vel mēte corrupta, vel corpore: aut, vel corpore corrupto, vel mēte. Item vel mente, vel corpore corrupto: aut, vel corpore, vel mente corrupta. Similiter in plurali (variabo exēpla ad euitandum fastidium) Nemo diues est vel valetudine infirma, vel sensibus: aut, vel sensibus infirmis, vel valetudine. Itē, Nemo foelix est vel cōscientia, vel mēbris affectis: aut, vel membris, vel conscientia affecta. Cicero tamen in Philippicis inquit, Optima sunt & mente, & viribus. Nescio an culpa librariorum sit, qui ita scripserunt, pro eo quod est, Et mente optima sunt, & viribus: vel, optima mente sunt, & viribus.

Quid momenti faciat coniunctio, aduerbiūque disunctiuum ex collocatione.

CAP. XXVI.

EX his quæ tradidimus palam est nequaquā recte dici, Corrupto vel corpore, vel mente. Debet enim adiectiuum illud ad vtrumq; substantiuum applicari in genere & numero. Neque de Vel tātummodo intelligo, sed de cæteris quoque coniūctionibus, per Et, vt modo ex Cicerone attuli exemplū, per Nec, per Siue, per cætera huiusmodi. Neque hoc solum vbi adest substantiuum cum adiectiuo, sed etiam sine eo: quale hoc est, Tu nec faceres, nec ego permetterem: non est hic sermo Latinus. Dicendum nanq; erat, Nec tu faceres, nec ego permetterē: aut sic, Tu nec faceres, nec à me facere permettereris. Tota enim oratio dependet à prima dictione. Item, Potes cognoscere partim ex aliorum sermone, partim te docebit ipse tabellarius, nō est Latinum: sed sic, Partim potes cognoscere ex aliorum sermone, partim ex tabellario. Item, Puto tum ex superioribus literis te omnia intellexisse, tum ex his intelligere potes: dicendum erat, tum ex his intelligere posse. Itē, Paratus sis vel pugnare, siqui te laceffūt: vel Siqui non sunt, ne recuses facere pacem. dicendum erat, Aut sine illo

ne recuses: aut sic, vel paratus sis pugnare, &c. Ex his quæ dixi, videor reprehendere legem illam duodecim tabularum, Liberi parentes in egestate aut alant, aut vinciantur. quasi dicendum fuerit, Liberi aut parentes in egestate alāt, aut vinciantur. Sed nō est vetustas illa reuocanda ad hanc regulam, qua constat ex vsu eorum, qui more illo vetusto nō sunt locuti. taret si haud dubie opinor, primum aut, à quibusdam adiectū, legiq̃ ita in vetustissimo quodam codice declamationum Senecæ, Liberi parētes alāt, aut vinciantur. Huius etiam loci illud est, ne hoc modo verba cōmiscamus diuersam naturam habentia: quale est, Ille mihi nec nocuit vnquam, nec adiuuit: Ego nec offēdi eum, nec profui. dicēdum erat, Ille mihi nec nocuit vnquam, nec profuit: aut sic, Ille nec nocuit mihi vnquam, nec me adiuuit. Ego nec offēdi eū, nec adiuui. aut, Ego nec offendi eum, nec eidem profui.

E P I T O M E.

Quoties à negatione incipimus, & sequuntur duæ negationes, vt bis nec, aut neque: tres negationes illæ non plus quàm duæ efficiunt. Verba etiam formidinis & cautelæ idem sine negatione aut prohibitione, & cum ea, faciunt. Neutiquam, nequaquam, nusquam, & nuspiam, quia simplicem negationem important, vno verbo contenta sunt. Necubi, quia duplicem, verbum duplex potulat. Præterea quoties dictionibus adest quædam contrarietas, non possumus tollere alteram negationem cum non solum, non modo, &c. Circa quæ aduertendum interdum ad ea applicanda esse non sed etiam, verum sed saltem, aut sed certe. De hac autem re vide latius suprà lib. 2. cap. 18. Videtur vna pro tribus posse poni: vt pro hac, Nūquā neq; didici, neque docui magicā, Nunquā didici, aut docui magicam. Hæc omnia Mancinellus. Valla dilucide declarat. Verum Mancinellus cōtra id quod de Necubi dicitur, sic obijcit, Necubi & Nequo, etiam vno verbo contenta sunt. Liuius enim in principio lib. 3. de bello Punico secūdo, ait, Hispanos & Aphros, & omne quod veterani erat robur exercitus, admixtis ipsorum impedimētis necubi consistere coactis, ne necessaria ad vsus decissent, primos ire iussit, &c. Cato in re rustica, capite quinto, Villicus ne sit ambulator, sobrius siet semper: ad cœnam nequo eat, familiam exerceat. Idē capite cxlii. Néve ad domum, néve ad se recipiat: ad cœnam nequo eat, neve ambulatrix siet. Hæc ille. Verum in Liuiio participia sunt pro verbis, & necubi est quasi nec vsquam. In Catone non desunt verba.

De vsu negationis.

C A P. X X V I I.

TRes aliquando negationes non plus efficiūt quàm duæ, collocatione ipsa dictionum efficiente. Vt, Nūquam mihi nec obfuiſti, nec profuiſti. Tres hīc sunt negationes. muta primam negationem in medium, aut in postremum, iam euanesct, quum ibi locum non inueniat: sic, Mihi nec obfuiſti vnquā, nec profuiſti: aut sic, Mihi nec obfuiſti, nec profuiſti vnquam. Nescis nec in pace, nec in bello viuere: Nec in pace, nec in bello scis viuere. Ibi tres negationes sunt, hīc duæ, quum eadem sit sententia. Vereor, metuo, timeo, & si qua sunt alia, idem efficiūt, vel cū negatione, vel sine ea: vt, Vereor ne veniat, & vereor vt veniat.

Vereor.
Metuo,

Timeone moriatur, & timeo vt moriatur. More Ciceronis, vt ne, Timeo.
 pro vt non, Metuo vt ne pereat. & Terentius, Apprime in vita vti Vt ne.
 le, vt nequid nimis. pro nequid nimis. Ex quo miror Seruium
 ita scripsisse primo Georgicorum, Vnde male quidam hunc lo-
 cum scribunt, Pater adest, caue ne tetristem sentiat. Si enim hoc
 est, dicit, Vide vt tetristem sentiat. nam & ne & caue, prohiben-
 tis est. Neutiquam pro Nequaquam, & ipsum nequaquā, & nus-
 quam, & nuspiam, simplicem negationem indicant, ideóque v-
 nico verbo cōtenta sunt: vt, Nequaquam veniam. Necubi ve-
 ro duplicem: ideóque duplex verbum postulat. Volo necubi mi-
 hi obuius fias. id est, ne alicubi. vt sicubi pro si alicubi, sicunde
 pro si alicunde. Cætera quæ de natura negationum disputari so-
 lent, in libros dialecticæ nostræ contulimus: quæ ideo præteri-
 mus, quòd ferè non sunt ignota oratoribus, dialecticorum ve-
 ro nemini cognita. Illud tamen ad verbum huc illinc transfera-
 mus, Vir malus nulla laceffit in iniuria ab amicitia recedit: vir au-
 tem bonus nulla laceffit in iniuria ab amicitia recedet, vel rece-
 dat: nescio tamen an liceret dicere, recedit. Hoc loco eadem ver-
 ba dantur malo viro & bono. sed tamen malus recedere ab a-
 micitia intelligitur, bonus non recedere: & ille non laceffit in i-
 niuria, hic laceffit. Et haud scio, an hoc sit satis ad hæc distinguē-
 da, dixisse, quod alibi rem significamus, alibi admonemus. Huc
 addamus vnum in quo non pauci falli solent, vbi debeat gemi-
 nari negatio, vbi non debeat: vt hoc exemplo, Non modo stel-
 læ, sed ne luna quidem ad solem seruat splendorem suum, recte
 dicitur. Item hoc modo recte, Non modo nullæ stellæ, sed ne
 luna quidem, & cætera. At quoties dictionibus quædam adest
 contrarietas, non possis tollere alteram negationem: vt hoc mo-
 do, Non modo stellæ non apparent, sed etiam luna ad solem ob-
 scuratur. Sine negatione geminata non recte loquaris. Item, Nō
 modo non absoluo hunc, sed ne leui quidem pœna cum eo trās-
 igendum esse puto. Quidam tamen nuper scripsit, Non mo-
 do absoluendum hunc, sed nec etiam grauius puniendum pu-
 to: quum dicere debuisset, non modo non absoluendum. sunt e-
 nim diuersa, absoluendum & puniendum. Item, Nō tantū non
 constāter, sed etiam trepide & confuse locutus est. Item, Non tā-
 tum inconstanter, sed fortiter & propè minaciter locutus est. Ma-
 le hoc secundum dixisti, dempta negatione: erat enim dicendū,
 non tantum non inconstanter. In quod vitiū incidit Boetius lib.
 iii. in Ciceronis Topica, dicens, Si non cōfuse solum, verū etiam
 distributim & suarum partiū proprietate noscātur. Dicēdū erat,

Neutiquam.
 Nequaquam.
 Nusquam.
 Nuspiam.
 Necubi.
 Sicubi.
 Sicunde.

Non modo
 cum duabus
 negationibus.

non solum non confuse. Diuersum est eorum vitium, qui ad illud non modo applicant, sed etiam, quum deberēt applicare, sed saltē, aut sed certe, aut sed vel: quale est Lactāti libro primo, Quis enim mentis emotæ, nō modo futura prædicere, sed etiā cohærentia loqui possit? Dicendum erat, sed vel cohærentia, aut sed saltē, aut sed certe cohærentia possit loqui? nisi fortē culpa librarii est. Ego verò in utroque nō authorem, sed tale genus orationis reprehendo.

E P I T O M E.

Præcipiendo aut optando indifferenter ferè dixeris, Veni, venito, venias, & venies ad me. Prohibendo autem, Ne venias, aut, ne veneris, futuri temporis: Non veneris, præteriti est temporis, & negat. Poetæ frequenter ne & non, imperatiuo dāt prohibendo: quod orator rarissime. Ne autē secundæ & tertiæ personis prohibendo congruit, non verò primæ: vt Non ausim, non audeam, ne ausis, ne audeas fecus loqui. Omnia in litera fatis declarantur. Addere possumus prospiciendum esse ne diuersos modos copulemus.

Quot modis iubemus, quid etiam intersit inter præteritum, futurumque coniunctiui modi. CAP. XXVIII.

Veni ad me, venito ad me, venias ad me, venies ad me. Scribe ad me, scribito, scribas, scribes, indifferēter penē his quatuor utimur. Horum tamē vno in negatione, Ne venias: & altero quo in affirmatione non utimur, in hunc modum, Ne veneris. Nam ipsum veneris, duobus modis accipitur. Vno modo subiunctiue: vt Si veneris, vel quum veneris: altero sine subiunctione. ideo illud non est verbum principale, hoc est, vt Si me iuueris, rem optimā feceris. Dimitte me, & diuitem feceris. Aufer huic magistratum, & eum iugulaueris. Eamus in portum, iam naues venerint. Cicero, Atqui nobis gratissimum (vt etiam pro Scipione pollicear) feceris, si quando, & cætera. Sciendum tamen est, quòd hæc omnia verba futuri sunt temporis. veluti si ita commutemus, Si abstulero huic filiam, eū iugulauero: nō autē iugulauerim. Ego hoc videro, tu videris, vos videritis: quasi ego hoc videbo, vel videam, tu videbis, vel videas. Ne veneris, futuri item est temporis: Nō veneris, præteriti. Illud vetat, hoc negat. quod secundum, commune est cum prima persona & tertia: vt, Neque verò crediderim, neque verò fuerim in ea opinione quæ cæteri. Et sine negatione, improbe dixerim, dixerit aliquis, Ne veni, ne fac, ne iugula, apud oratores ferè nunquam, sed apud poetas. vt Virgilius, Ne sæui magna sacerdos. Et Terētiū, Ne nega. Liuius libro secundo, Craftino die, oriente sole in aciem redite, erit copia pugnandi, ne timete. Et Quintilianus, Tu illam defende, arma ne relinque. Hic nos Quintilianus admonet ne pro illo, Ne feceris, dicamus, Non feceris: quia alterū negandi est, alterū

vetādi. Ideoque ne, cū prima persona singularis numeri nunquā coniunctum inuenimus, ob eandem causam propter quam imperatium caret prima persona in singulari, quia nemo sibi soli imperat, aut vetat. Vnde frequēter legimus, Ne timuerimus, ne timeas, ne timueritis, ne timeāt. Nunquam autem Ne timeam, nisi ne pro vt non. sed Nō timeam, non ausim, non sperem, nō timuerim, non sperauerim, non crediderim, id est timere, audere, sperare, credere non possum, aut nō debeo: ita in aliis personis. vt idem Quintil. Nō expectes vt statim gratias agat, qui sanatur inuitus. id est, expectare non debes. Non enim eo modo hoc dixit, quo dicere solemus quū vetamus, Ne me expectes āplius. Hīc enim negatio est, non vetatio. Ita nō expectaueris, & ne expectaueris: quorum alterum prāteriti temporis est negātque, alterum futuri & vetat.

Imperatio
desse prima
persona.

In odii potio
ne 2.

EPI TOME.

Venuste etiam post negationem, sequitur alia per Si non, aut Nisi, vt late patet in exemplis in litera citatis.

De lepōre Si non & Nisi cum aliis verbis. CAP. XXIIX.

Hoc quod adhuc de negatione subiiciam, ad solam elegantia dicēdi pertinet: quod quale sit, subiectis exēplis per se apparebit. Quintilianus, Non est difficile vt maritum vxor occidat, si non est difficilior vt filius patrem. Idem, Atque eō causam dimittimus, vt non sit absoluendus adolescens, nisi etiā laudandus. Idem, Quare non petit, vt illum miserum putetis, nisi & innocens fuerit: non petit, vt afflictum alleuetis, nisi & probauerit sese infeliciorem, quōd patrē amisit, quā quōd oculos. Seruius Sulpitius, Atqui amittere liberos malum est: non malum, nisi hoc peius est ferre & perpeti. Sallustius, Parcite dignitati Lentuli, si ipse pudicitia, si famā suā, si diis, aut hominibus vnquam vllis pepercit. Ignoscite Cethegi adolescentia, nisi iterum patriā bellum fecit. Titus Liuius lib. xxxi, Nam quōd ad ea attinet, quae nobis obiecit, nisi gloria digna sint, fateor ea defendi non posse. Ouidius libro xiii. Metamorph.

In caeco in
mine.
In corpore
proiecto.
In pariete pal
mato.

Nectamen hāc series in causam profit Achiui,
Si mihi cum magno non est communis Achille.

Huic simile est, quale apud eundem, libro secundo,
Mentior, obscurum nisi quum nox fecerit orbem,
Nuper honoratas summo mea vulnera cælo

Mentior.

Videritis stellas. Et Quintilianum, Mētior nisi quum peregrinatio mea nos diduceret, maluit esse cum matre. Et iterū, Assidere enim, cibos ministrare, manū porrigere, quilibet poterat: mē-

In corpore
proiecto.

tior nisi factum est. Idem verbum apud Ambrosium eodem modo positum, tum in libris Officiorum, tum Hexameron, tum in aliis reperies: & apud Cyprianum ad Donatum, Mētor, nisi alios qui talis est, increpat: turpes turpis infamat.

E P I T O M E.

Vter vtri nocuit: recte dicitur. vterque vtrique, durius. neuter neutri, nequaquam. vterque alteri, aut neuter alteri: rectissime. Et sicut vter vtri, ita quis cui: idque etiam in aliis casibus. Siquis dicat, Neuter neutrum percussit: sensus erit, quia vterque vtrunque: hoc est, & se & alterum. & ideo non dicam, Vterque vtrunque percussit, nisi se & alterum percusserint ambo: sed vterque alterum. quæ res elegantiam inuenit. Nam si vterque se & alterū percussit: vere diceret, Vterque vtrūque percussit. quæ res in consimilibus animaduertenda est.

De Vter vtri, Alter alteri, Neuter neutri, &

Quis cui. C A P. X X X.

Vter vtrum accusat, Latinè dicitur. vt Cicero pro Milone, Vter vtri insidias fecerit. Vterque vtrique vix ausim dicere.

Neuter neutri omnino non dixerim. Terentius in Phor.

inquit, Quia vterque vtrique est cordi. In decimo quoque commentario rerum à Cæsare gestarum, siue ab Hirtio, siue ab Oppio (nam incertus author est) edito, sic legi, Interim dissensione

*Achillam

orta inter Achillem * & Arsinoen, quum vterque vtrique insidiaretur, & summam imperii ipse obtinere vellet. Cicero autem & Quintilianus (quantum inueni) sic nūquam locuti sunt, quo-

Officiorum 1.

rum prior sic ait, Quorum vterque suo studio delectatus, cōtempsit alterum: posterior sic, Quum enim vterque alteri obiiciat, palam est vtrunque fecisse. Atque sic dicendum esse per illud frequentissimum probatur, Alter alteri obiicit, alter alterum contemnit, alter alterum accusat. alter enim alterum, non ambo am-

Lib. 1. cap. 2.

bos accusant. Idē dico de neuter, vt idem Quintilianus, Ita fiet, vt quum æquali cura linguam vtranque tueri cœperimus, neu-

Neutra.

tra alteri officiat. Quare peccauit tū amicus meus (si amicos palam licet reprehendere) qui mihi nuper ad se scribenti, vter vtri bellum intulisset, respondit, neuter neutri, aut potius vterque vtrique: tum Priscianus, qui libro secundo ait, Fiscina verò à fisco, an fiscus à fiscina, an neutrum à neutro, dubium est. Debuerat dicere, an neutrum ab altero. nam quod à se non deriuetur, superuacuum est dicere. sed dicendum tantum ab altero, non autem à neutro, quasi nec ab altero, nec à se. Ne illud quidem si-
leamus, vt dicimus vter vtri, ita quis cui. vt Virgilius, Quæ quibus anteferam. Et Cicero, Quid cui præponendum sit. Quintilianus, Quid quo loco collocandum sit. Idem Quintilianus, Vt dubium sit, quid quò referri oporteat,

AEncid. 4.

E P I T O M E.

Prius, aduerbium, ad tempus respicit. Prior, ad personam. unde vtrunque dicere licet, sed in diuerso sensu, Vocauit te prius, & prior, imò & priorem.

De Prior, Primus, & similibus.

CAP. XXXI.

Vocauit te prius, nō est idē quod prior. illud significat tempus, quasi priusquam nunc vel tunc: hoc verò personam, id est, ego duorum prior: & hoc quando duo ad vnum referūtur. Siquidem ego & hic te vocauimus, sed ego prior, hic autem posterior. Idem fit quum vnus ad duos refertur. Vocauit te priorem, melius quàm prius: illum autem posteriorem, melius quàm posterius. Per passiuum quis iam hoc nequeat dicere? Vocatus es à me prior, si duo estis: Vocatus es à me priore, si duo sumus. Eadem ratio est superlatiuorum primus & postremus, & si qua sunt alia. Vocauit te primus vel postremus, si multi sumus: vel, Vocauit te primum vel postremum, si multi estis. Nonnunquam ex neutra parte sunt duo, sed vtrinque singuli, & tamen per hoc idē comparatiuum loquimur: vt Vocauit te prior, Percussisti te posterior, supple quàm tu me. Nonnunquam vnus hinc est, illinc plures: vt, Vocauit te prior, supple quàm vos me: Vocauimus te priores, supple quàm tu nos. Idem de superlatiuo vbi multa membra sunt: vt, Primi nos venimus, vos posteriores, ille vltimus: Primus ego intraui vallum, tu serior, illi tardissimi.

E P I T O M E.

Verba ad accusationem & damnationem pertinentia, regunt crimen & pœnam in genitiuo aut ablatiuo: exceptis his dictionibus, altero, neutro, vtroque, & ambobus, quas in solo ablatiuo regunt. Causam nonnulli putant, quòd dicendo, Arguo te furti & parricidii, subintelligatur crimine, cui conformari debeat adiectiuum, dicendo vtroque: vt sit, Vtroque crimine & furti & parricidii. aut neutro, aut altero, aut ambobus, scilicet criminibus. Siue autem id dicamus, siue quia authoribus placuit ita loqui: obseruanda est peritorum consuetudo.

De regimine nominum criminalium & pœnaliaum.

CAP. XXXII.

Si quis furetur rem sacram de profano, teneturne sacrilegii, an furti, an vtroque? non autem an vtriusque. Qui sustulerit rem suam de sacro, furtine tenetur, an sacrilegii, an neutro? non autem, an neutrius. Accusare hunc potes, vel furti, vel sacrilegii, vel de vtroque, vel de ambobus: non autem vtriusque, aut amborum. Condemnare non licet de vtroque, sed de altero, vel furti, vel sacrilegii: non autem sed alterius, vel furti, vel sacrilegii. Cur ita sit, vt demus varios casus eidem verbo, præsertim sub coniunctionibus, quæ eosdem coniungere debent casus?

Nempe quòd nomina peccatorum cū huiusmodi verbis idem valent in genitiuo, quod in ablatiuo præpositionem habente, vel non habente. non idem in cæteris. Neque hoc in his modo nominibus quæ certum peccatum significant & speciale, sed in his etiam quæ generale & incertum. vt Cicero, An non intelligis primum quos homines, & quales viros mortuos summi criminis arguas? Et iterum, Sceleris atq; nefarii parricidii condénabimur? Per hæc verba, licebit tanti & quanti, quum substantiuus adiunguntur, per genitiuum vti. vt, Quantæ pecuniæ condénasti? Tantæ summæ damnaui, quantæ postulasti. Liuius libro 47, Sed nequaquam tantum relictum est, quantæ summæ dānatus fuerat.

E P I T O M E.

Impleo & Refercio, ablatiuū sine præpositione regere possunt, aut mediāte præpositione de. quæ tunc necessario additur, quando significatio eam exigit. Regunt etiam genitiuos, sed vsitatus eorum nomina: vt Plenus gratiæ, Referto prædonum mari. De verbo, est illud Virgilianum AEneid. 1, Implētur veteris Bacchi, pinguisque ferinæ. Sunt & alia nomina genitiuum aut ablatiuū regentia: vt Pauper, egenus, inops, locuples, dis, diues, abūdās, & similia. Quòd autē dicit nomē Nouissimū, apud posteriores tantū repertum pro vltimo habet ex Gellio qui lib. 10. cap. 21. dicit sic, Non paucis verbis, quorum frequens vsus est nunc, & fuit, Marcum Ciceronem noluisse vti manifestum est, quòd ea non probaret, velut est nouissimus & nouissime. Nam cū & M. Caro & Sallustius, & alii quoq; ætatis eiusdem verbo isto promiscue vsitati sint, abstinuisse eo tamen tanquam non Latino videtur. Hæc ille. Petrus autem Crinitus in epistola ad Alexandrum Sartiū quæ est lib. 12. inter epistolas Ang. Politiani, in qua probat à multis temere dici aliquod vocabulū nusquam legi, quia ipsi non legerint. Nam Cicero in lib. de oratore ad Brutum dixit, Quæ duo sunt ad iudicandum nouissima: vti utique eo superlatiuo etiam in epistola ad Octauium, & in oratione pro Roscio Comædo, & alibi.

De Impleo, Refercio, Plenúsque ac

Refertus.

X X X I I I.

Contrariū propè huic est quod subiiciam: Impleo & Refercio, & similia verba ablatiuum sine præpositione postulāt: vt, Impleui nauim frumento, Referfi apothecā vino. Et tamen aliquando addimus præpositionem de: sic, Impleui nauim de omni genere frumenti, Referfi apothecā de varia natura vinorum: vixque ausim dicere, Impleui omni genere frumenti, & Referfi varia natura vinorum. Hoc quod diximus, exēplo comprobandum est. Cicero de Oratore, Quòd si tantam vim rerum maximarum arte sua rhetorici amplecterentur, quærebat cur de procæmiis & de epilogis, & de huiusmodi nugis (sic enim appellabat) referti essent eorum libri. Hic nequaquam licuisset sine præpositione loqui. Non enim libri illi referti sunt procæmiis & epilogis, sed præceptis procæmiorum & epilogorum. Sicut in superioribus, Non est nauis impleta omni genere frumēti, sed frumē

to omnis generis: neq; Apotheca referta omni natura vinorum, sed vino omnis naturæ. Quia de refectio & impleo feci mentionem, dicam hoc amplius de refertus & plenus. Exemplum quod modò attuli, ostendit refertus postulare ablatiuum, sicut impletus, sicut vacuatus, sicut vacuus. Idem tamen Cicero ait pro lege Manilia, Referto prædonum mari. Et pro Plâcio, Audieram refertam esse Græciam sceleratissimorum hominum ac nefariorum. sed nunc transit in nomen, tametsi cætera huiusmodi nomina ablatiuum semper habent. vt, Vacuus incolis, non incolarum: Frequens populis, non populorum: præterquã plenus, cui Cicero semper genitiuum dedit. De cæteris authoribus non possum in vniuersum pronuntiare, quum multi etiã ætatis eius dederint ablatiuum. vt Varro lib. i. rerum rusticarum, Sua nihil interesse, vtrum his piscibus stagnum habeat plenum an ranis: Et Sallustius in Iugurtha, Quæ quanquam grauias, & flagitio plena videbantur, tamen quia mortis metu multabantur, sicut regi libuerat, pax conuenit. Suo itaque arbitrio scriptores vtuntur. Posteriores verò omnes, vt hoc nomen nouissimus pro vltimo, ita etiam Plenus vino dixerunt, non solum Plenus vini. Quare qui solo genitiuo cõtentus erit, Ciceronem imitabitur: qui vtroque casu vtetur, cæteros. Sed mutando habebit & venustatis ratione & lucis. Quod vel ex proximo exemplo ostenditur, Aue gratia plena. Ego ad euitandam amphibologiam dixissem, Aue gratiæ plena: quemadmodum in alio factum est, vbi nõ erat ambiguitas, Plenum gratiæ & veritatis. Licet diuersa verba hîc sint atque illic. in altero est, κεχαριτωμένη: in altero, πλήρης χάριτος καὶ ἀληθείας. Liuius vt nomini Plenus dat etiã ablatiuum, ita verbo Impleo dat etiã genitiuum. vt in quinto, Ipse multitudinem quoq; quæ fermè semper regenti est similis, religionis iustæ impleuit.

Refertus.

Plenus.

Novissimus.

E P I T O M E.

Potior, nũc ablatiuum regit omnium dictionum, præter genitiuum rerũ, in quo ablatiuus imperio, aut dominio subaudiri videtur. olim etiam accusatiuum rexit, exponiturque per obtinui: est enim de rebus quæ molimine & conatu obtinẽtur, & tam terciæ quàm quartæ coniugationis reperitur.

De Potior, Potitus, & Compos. CAP. XXXIII.

Potior hos eosdem casus habere potest, sed cum cæteris frequentius ablatiuum: cum hoc nomine res, ferè semper genitiuum. vt, Lacedæmonii rerũ diu potiti sunt. id est, rerum imperium diu tenuerunt. In aliis nominibus magis significatio exponitur per obtinuerunt, quàm per tenuerũt. vt, Potitus sum victoria, Sum potitus amica. id est pugnãdo, vel laborando obtinui victoriam vel amicam. In præsentì tempore plerũque pro o.i.

fruoꝛ. Cicero, Quòd si voluptatibus his bona ætas fruitur libentius, primum paruulis fruitur rebus, vt diximus: deinde his quibus senectus etiam si non abunde potitur, nõ omnino caret. Pro eodem posuit fruitur & potitur. At potitur pro potitus est, præsertim more historico legimus. Potior à potis descēdit, ideòque illi in significatione simillimum est. Nam Sum compos mentis, compos animi, compos ratio nis, cōpos sanitatis, quòd hæc habeo. At Compos voti, compos victoriæ, compos optati, quòd hæc opera mea atque labore obtinui, obtineòque. Illud tamen sciendum est, apud Ouidium in duodecimo sic legendum, Tuque tuis armis, nos te poteremur Achille. Non potiremur, antepenultima breui, non longa, à tertia scilicet, non à quarta coniugatione.

E P I T O M E.

Traicio tam virtute præpositionis, quàm verbi, accusatum regere potest: unde interdum duos simul regit, sed in diuerso sensu.

De Traicio.

C A P. XXXV.

Traicio exercitum, id est transporto exercitum trans mare, aut trans flumen. Traicio mare vel flumen, id est transeo. Aliquando vtrunque coniunctum: vt Liuius, Traiecit copias Hiberum. Et Plancus, Traieci exercitum Isaram.

E P I T O M E.

Do tibi literas ad alium perferēdas, vt reddas: Do ad te literas, vt lecturus accipias.

Do tibi, & ad te literas.

C A P. XXXVI.

DO tibi literas, tanquam tabellario: Do ad te literas, scilicet ad te perferendas. Aliquando hæc duo coniunguntur. vt Cicero, Dedi illi ad te literas. Et Sallustius, Vulturtio literas ad Catilinam dat. Ergo qui mittit literas, dat: cui literæ dantur, si perfert, reddere dicitur: sicut ille ad quem dantur, accipere.

Reddo, & Accipio literas.

E P I T O M E.

Eo ad villam & in villam, pro eodem dicimus. Sed Confero in patrem & ad patrem munus, differenter. nam illic, est beneficium & donatio: hic, obsequium aut sola perlatio.

De In & Ad, cum aliis verbis.

C A P. XXXVII.

Confero.

EO in villam, & Eo ad villam: Proficiscor in campum, & ad campum: Confero me in agrum, & ad agrum, idem sunt. Et item in similibus, præterquam in hoc vltimo verbo, quoties refertur ad personam. Dicimus enim, Contuli me ad Catonem, & Contuli me ad patrem: non autem In Catonem, & in patrem: ad distinguendum videlicet significationem. Nā quum

dico, Contuli in personam, non possum addere alteram personam velut me, sed rem velut beneficium. Eritque significatio donationis. vt, Multa contuli in Catonem. id est, multa donaui Catoni. Nemo in patrem potest tāta beneficia conferre, quanta contulit pater in filium.

E P I T O M E.

Refero tibi, id est recito & enarro. Refero ad te, id est in consultationē tuam fero, & iudicium tuum posco, plerumque significat.

De Refero tibi & ad te.

C A P. XXXVIII.

Retulit mihi, & Retulit ad me, ita differunt: quod illud est narravit, hoc verò in cōsultationem tulit. vt Quintilianus, In ægro redempto. Relaturus vobis Iudices ordine malorum meorum euentum, quem nemo tam crudelis, nemo tam sæuus audiet, vt me non pascat. Sed hoc nemini ignotum est. Idem, Vultis scire Iudices, nihil impatientia charitatis fecisse patrem? non retulit ad matrem, non propinquos consuluit, non amicos. Cicero in Catilinam, Refer, inquis, ad Senatum. id est, refer in cōsultationem Senatus. Virgilius tertio AEnceidos, Delectos populi ad proceres, primumque parentem, Monstra deūm refero.

Et ne dubitares de sensu sermonis huius, more suo aperuit, subiungens,

Et quæ sit sententia posco.

Pauloque post,

Surge age, & hæc lætus longæuo dicta parenti

Haud dubitanda refer.

Sunt enim deorum verba, non consilium ab Anchise petentium, sed illum quid agendum sit docentium. Ideoque additur illud, Haud dubitanda. Porro vtraque harum sententiarum in verbo versatur, aliquando etiam in facto, sed diuersa est significatio. vt Quintilianus, Ad patrem arma non retuli. id est reportauit. Et Cicero, Si ad vnum omnia referenda sunt, dignissimum esse Pompeium. hoc est, si in vnum omnia conferenda sunt, de re intelligitur, non de oratione. Quale illud eiusdem est pro Deiotaro, Qui rumores ad se referrent. Et quale est Cæsaris, Vt quæ diceret Ariouistus cognoscerent, & ad se referrent. Hic de verbis agitur, & tamen non significatur ferri in consultationem, sed potius narrari & renuntiari mandata ab altero data. Præterea hic solet adhiberi accusatiuus vel nominatiuus, ibi crebro (in prosa præsertim) ablatiuus cum præpositione de: vt, De omnibus his referam ad Senatum. Omnia autem hæc referam ad Senatum, rarius dicitur. Tamen significat idem quod est in senatorum consilium feram.

E P I T O M E.

Interdico tibi aqua & igni, potius quàm aqua & ignem. & Interdictum est tibi aqua & igni, potius quàm aqua & ignis interdictus est tibi. sed sic quoq; resolvere licet. aut tertio sic, Tu interdictus es aqua & igni. Sunt autè tres modi resolvendi accusativum, dum activum mutatur in passivum. Vnus sic, Dedi tibi equum: equus datus est tibi à me. Secundus sic, Docui te musicam, tu à me doctus es musicam: non Musica docta est à me te. Tertius dum vterque resolveri potest: vt, Rogavi te veniam. id est tu rogatus es à me veniam, vel venia rogata est ex te à me. Animaduertendū ergo quod homo dicetur doctus, non res quam didicit: & vestitus, non ipsa vestis: & indutus, potius quàm indumentum. Mancinellus probat Interdico etiam cū accusativum construī, his verbis, Interdico tibi aquam & ignem dici, etiam posse ostendunt. Iustinus lib. 5, Et cui paulo ante omni ē humanam opem interdixerat. Seneca epistola 67, Interdices mihi inspectionem rerū naturæ. Ovidius lib. 6. Metamorph. - cui quōdam regia coniunx Orbē interdixit. Valerius Maximus lib. 2. cap. 2, Interdixit etiam ei conuictum hominum, vsumque balnearum: turmasq; equitum quibus præfuerat, adeptis equis, in funditorum alas transcripsit. Calepinus addit & aliorum exempla, vt Suetonii de Nerone, Et quum interdixisset vsum amethystini ac tyrii coloris, præcluse cunctos negotiatores. Seneca lib. 3. de ira, Si iubes Cæsar, statim illi domum meam interdicam.

Mancinellus.

De Interdico.

C A P. X X X I X.

Modi tres,
quibus actiū
in passivum
resolvitur.

Tres similes
modi in ver-
bo interdico.

Interdico tibi aqua & igni, nō autem Interdico tibi aquam & ignem, neque Interdico te aqua & igni. Quo autem modo mutabitur in passivū hæc oratio? Sunt tres modi (quantum colligere possum) mutandi activum in passivum. Vnus, vbi adest solus accusativus, ab eo in nominativū mutato incipiēdi: vt Dedi tibi equū, equus à me tibi datus est. Alter, vbi sunt duo accusativi, alterum in nominativum convertendi, alterum relinquendi. vt, Docui te musicam, tu à me doctus es musicam: non autem, Musica docta est à me te. Tertius, vtrumlibet horum accusativorum mutandi in nominativū: alterū vel relinquendo, vel in ablativū cū à, vel ab trāsferēdo: sic, Ego rogavi te veniā, tu rogatus à me es veniam, vel venia abs te rogata est mihi. Licet per hoc secundum, tu magis videaris rogasse pro me, quàm ego te. Quē horum modorum huic verbo tribuimus: nullū. Et tamen tres isti similes sunt. Vnus hic est, Tibi interdictū est aqua & igni: quod est frequētissimum. Alter hic, Aqua & ignis tibi interdictus est. vt Liuius lib. 8, Interdictūmq; mare Antiati populo est. quod si esset mari, prioris modi foret exēplum. Tertius hic, Tu interdictus es aqua & igni. sed tamen hic modus cæteris est rarior. Metellus Numidicus, Illi verò omni iure atque honestate interdicti sunt. Ego neque aqua, neque igni careo.

E P I T O M E.

Pluit, apud peritiores supposito caret: pro appposito verò, ablativo gaudet: licet aliis casibus vulgo iungatur. Ningit, tā supposito, quàm appposito, id est casu tā anteriore, quàm posteriore caret. Dico, Ablativo gaudet. Nā etiā alios casus recipit:

vnde Mancinellus, Pluit sanguis vel lapis, pluit sanguine & lapidibus: pluunt lapides, in nominatio scilicet, & Deus pluit aquam, recte dicitur. Tibullus lib. 2, Multus vt in terris deplueritque lapis. Statius lib. 8. Thebaidos, Saxa pluunt. Plinius lib. 2, Præter hæc, inferiore cælo relatū in monumenta est, lacte & sanguine pluuisse. Ibidem, Effigies quæ pluerat, spongiarum ferè similis fuit. Plautus in Mostel. Venit imber, lauit parietes, perpluunt tigna, putrefacitque operam fabri. Ibidem, Quàm mihi amor & cupido in pectus perpluit meum. His igitur patet, Pluit habere suppositum nominatiuum vel ablatiuum: & Deus pluit carnem, & huiusmodi dicendi genus, non solum nunc dici, sed à Plauto quoque. Hæc ille. Nihil tamen Plautini in approbationem dicti sui citat. Nam aliud est depluere & perpluere, aliud pluere. Multa enim composita actiua sunt, quorum simplicia absoluta. Itaque apud Tibullum Depluerit, est quasi ceciderit deorsum in morem pluuiæ. Perpluit autem, est per medium pluit. vnde in Plauto, Perpluunt tigna, significat quòd per medium tignorū pluit: nec est accusatiui casus dictio Tigna, sed nominatiui: sicut, Amor & cupido in pectus perpluit meum.

De Pluit & Ningit.

CAP. XI.

Pluit caret supposito, habens appositum ablatiuum. vt Liuius, Nuntiatum est in Albano lapidibus pluuisse. Licet nūc dicamus, Deus pluit carnem, pluit manna, pluit escam. Ningit verò suppositum & appositum respuit.

EPITOME.

Decet, Iuuat, & Conducit pro vtile est, non planè sunt impersonalia: quia interdum habent suppositum etiam pluralis numeri. quin adeò si infinitiuus pro supposito construatur, ferè personalia fuerint. Explicit & expliciunt, in doctorum vsu non sunt. Vt Decet me cantare, Cātare me decet. Et in hymno, Talis partus decet Deum. Pro explicit autem, dicunt nonnulli explicitum est.

De Decet, Iuuat & Conducit.

CAP. XII.

Decet, Iuuat, Cōducit provtile est, & siqua sunt alia: nec personalia sunt planè, nec impersonalia, quum habeant numeros. Vestes hæ decēt nos, Isti cibi iuuāt te, Studia secreta conducunt maxime. Explicit, expliciunt, nunquam (quod sciam) legi.

EPITOME.

Ausculdo & Audio, aut potius audiens sum, significantia obedire, datiuum regūt: significantia autem auribus capere, accusatiuum. Vt, Fili, si mihi auscultare voles, eris mandatis diuinis audiens.

De Ausculdo, & Audiens tibi sum.

CAP. XIII.

Ausculdo te, audio te: Ausculdo tibi, obtēpero tibi: Sū audiens te, quòd te audio: Sum audiens tibi, quòd tibi obedio. vt lex duodecim tabularum apud Quintilianum, Filium minus audientem dicto, liceat abdicare. Cicero in Philip. Et audiens esset huic ordini. Et pro Deiotaro, Aut qui dicto audientes in tanta re non fuissent. Cum verbo reperisse apud scriptores profæ orationis tale loquendi genus non memini, sed apud Plautum in comœdia, quæ inscribitur Captiui duo, Memini quū dicto haud audiebat, facto nunc lædat licet. Hinc est quao.iii.

Obedio.

re vnum Obedio ex compositis ab audio, postulat datium.

E P I T O M E.

Dono tibi munus, notum est. Dono te hoc munere, aut præmii, aut benevolentia, aut misericordiae gratia. Sunt & alia verba quæ sic accusatium cum ablatiuo regunt, vt Beo, dignor, accumulo, augeo, doto, dito, locupletio, beatifico. sed non sic datium regunt, vt dono & impertio. vt, Plurima salute te impertio, & Impertio vel impertior tibi plurimam salutem. Terentius in Eunuchio, Plurima salute Parmenonem summum suum impertit gnato. Dicitur etiam impertior & partior in cum accusatiuo. vt AEneid. 1, Hinc portum petit, & socios partitur in omneis Vina, bonus quæ deinde cadis onerarat Accites.

De Dono tibi & te.

CAP. XLIII.

DOno tibi munus, notum est quid significet. Dono te munere, plerumque præmii gratia: sed interdum admirationis, interdum benevolentia, interdum misericordiae. Cicero pro Archia, Sylla quum Gallos & Hispanos ciuitate donasset. videlicet in præmium. Quæ exempla sunt plurima. vt, Militaribus donis, corona vallari, immunitate donatus sum. Idem pro eodem, Itaque si ciuis Romanus Archias legibus non esset, vt ab aliquo imperatore ciuitate donaretur, perficere non potuit: Certè imperator non remunerationis causa Archiam ciuitate donasset, sed admiratione ingenii & benevolentia. Virgilius AEneid. 5, Nemo ex hoc numero mihi non donatus abibit. Nimirum nõ præmii gratia. Nam tres præmia primi accipient. Benevolentia ergo nõ meriti illorum gratia, quum postremi nihil omnino mereatur. Quale est Valerii Maximi lib. 2, Rex Antiochus bello quod cum Romanis gerebat, filium Scipionis à militibus suis interceptum, honoratissime excepit, regiisq; muneribus donatum, ultro & celeriter patri remisit. vtique amicitia gratia. Et Amphitryon apud Plautum, Verum ita animatus fui, itaque nunc sum, vt ea te pater donem. Et paulo post Alcmena inquit, Pateram profecto feras, qua hodie meus vir donauit me. In quorum utroque sola in donando benevolentia declaratur. Idem Plautus in Aulularia, Dii immortales, quibus & quantis me donatis gaudiis! Quintilianus in Gladiatore, Quid me facere conuenit, qui per maria latrociniiis infesta solus petitus sum, qui lucem, libertatē, denique quicquid patri debeo non ignarus (vt primo natalis horæ tempore) sed videns sentiensque acceperim: nec solum donatus his bonis, sed summis periculis liberatus sum? Verba sunt hominis aggerantis beneficia amici, vt se maxime illi ostendat obstrictum. Sola ergo fuit ratio benevolentia. Idē in pariete palmato, Quam blandē ille seposuit miserum suum? quam diligenter vxoris gaudētis * exclusit oculos? quam multo cæcum pudore donauit? Hic habita est misericordiae ratio. Suetonius in vita Augusti, Et

*clusit.

ne enumerem quot & quos diuersarum partium venia & incolumitate donatos. Cornelius Nepos de vita Attici, Auxit hoc officium alia quoque liberalitate, nam vniuersos frumēto donauit. profecto clementiæ, non remunerationis gratia.

E P I T O M E.

Incumbo, omnes dictiones in datiuo regere potest: sed eas quoq; in accusatiuo, mediante in vel ad, quæ ad studium animûmque pertinent. Vt, Incumbo remis & studiis. Incumbo in studia, vel ad studia: non autem ad remos, vel in remos. Causa diuersitatis videtur: quia dicendo ad studia literarum, videtur subaudiri datiuus, vt sit, Incumbo curis, aut vigiliis, aut pluteo, ad studia literarum. sed modica est ratio. Potior autem est ratio authoris: quia in rebus ad animum pertinentibus, metaphoricis loquimur: vt sit, Incumbo, quasi inuigilo, aut innitor. Calepinus autem affert exemplum vbi Cicero Incumbo in Rempublicam dixit. Vt ad Cornificium, Te tamen hortor, vt omni cura in Rempublicam incumbas. Vultque vt accedente tam tacite quàm expresse adiectiuo seu nominali seu participiali, & mediante præpositione, accusatiuo sit locus. vt apud Ciceronem pro L. Sylla, Neminem esse ex illo honoris gradu, qui non omni studio, virtute, autoritate incubuerit ad Rempublicam conseruandam.

De Incumbo huic rei, & in hanc rem. CAP. XLIIII.

Incumbo studiis, & incûbo remis. Virgilius, Validis incumbite remis. Incumbo in studia & ad studia, sed non incubo in remos & ad remos. Cicero, Pergite adolescentes, & in hæc studia, in quibus estis, incumbite. Et alibi, Quare incumbamus ô noster Tite ad illa præclara studia, & eò, vnde discedere non oportuit, aliquando reuertamur. Neque hoc in bonum tantummodo accipitur, sed etiam in malû: vt idem, M. Catoni incumbenti ad eius perniciem. Sed illud, Incumbite remis, non est per trāslationem dictum, vt hoc. Nam vt quum remiges incubunt remis, vel quum nos operi faciundo incumbimus toto pectore, significatur diligentia & conatus: ita & quum accuratius quid mente agimus, incumbere dicimur. quemadmodum e contrario supini dicuntur, qui negligenter agunt.

Supini.

E P I T O M E.

Nonnulla verba in diuerso sensu, datiuo & accusatiuo cōstruuntur. Plura in eodem: sed accusatiuo ferè, ministerio præpositionis, per quam quædam etiam ablatiuo congruunt. In diuerso igitur sensu dicimus, Metuo, timeo, & formido tibi & te. nam tibi, quasi amico, hoc est, pro te & in commodû tuum, nequid tibi mali accidat. sed te, tanquàm inimicû, nequid mali in me moliaris. Cedo tibi, id est locû do & concedo. Cædo te, id est flagello aut occîdo. Accedo tibi, id est adiicior & aduenio. Accedo te, id est aggredior. Conduco tibi, id est utilis ad aliquid sum. Conduco te, id est simul duco. Conuenio tibi, id est consentiens sum aut cōmodus: vnde conuenio tecum etiam dicitur. conuenio te, id est cito, aut cōpello, aut congregior. Incesso tibi, id est iniicio, aut suborior. Incesso te, id est peto, & cædo. nec incesso est præteritû à verbo incedo, vt in marginibus falso notatum inueni: sed verbum inde fortè deductû, terminatum in so. Sic differēter dico, Do custodi equum, & equo custodē, atque alia multa. in eodem autē sensu, sed in diuersis casibus dicimus, Insum tibi, & in te. Similis tui & tibi. sed tui, volût ad mores: & tibi, ad substantiā respicere.

Partior huic rei, & in hanc rem labores. Nascor huic rei, & ad hanc rem. Aggrego, & adscribo, & annumero te his, & ad hos, & in numerum horum. Proprium & commune his, ac horum. Particeps & affinis his, & horum, & cum his. Celo te hanc rem, & de hac re. Commoneo & admoneo te hanc rem, & huius rei. Impleo vas vino, & vini. Diues auri, & auro: atque innumera alia. Omnia enim composita cum præpositione datium regentia, possunt apposita præpositione, præpositionis casum regere, vt Comparo, confero, compono tibi & tecum. Omnia item ad pugnam, vt Certo, pugno, cõtendo, congregior tibi & tecum. Omnia datium localem regentia, vt Infero Latio & in Latium. de quibus latè Mancinellus in thesauro, & nos in grammatica nostra disputamus. Sed vt authoris verba explanem, Commêdo te regi, id est committo, credo, & humanitati ac benevolentia eius mando. Commendo te apud regem, aut in senatu, id est laudo. Dimitto te abiens, id est derelinquo: & Dimitto te vt abeas, id est soluo. Impendo, insudo, insisto, innitor, inhio, intendo, impertior huic rei, & in hanc rem. Respondeo, scribo, loquor, pertineo, attineo tibi, & ad te: sed potius ad te: præter respondeo, quod etiam datium non ineptè iungitur. Sed finem facio.

De diuerso variôque regimine verborum, cum diuersa similive significatione.

C A P . X L V .

Timeo.

Timeo te tanquam inimicum, Timeo tibi tanquam amico. Illic tâquam offensurus sis, hic tanquã defendêdus. Com-

Commendo.

Cedo.

Cædo.

mendo te regi, id est committo. Cômendo te apud regem, id est laudo. Cedo tibi, vnde & cõcedo tibi, pro nõ repugno tibi: facitq; præteritũ cessi. Cædo te, pro flagello te, cuius præteritũ est cecidi pro flagellavi, & supinũ cæsum. Vnde cæsus, vel qui flagellatus est, vel qui amputatus est, siue occisus. Rarò pro occido hoc verbum accipitur. Cicero in Philip. Cædit greges armen-

Dimitto.

Incesso.

Inest.

torũ. Dimitto te discedês, id est relinquo. Dimitto te discedêtẽ, id est, abire permitto. vel Dimitto te, id est mitto, vnde dimissi legati dicuntur. Incessit mihi cupiditas, id est subiit. Incessit me ille, id est, offensus me petit & accusat. Inest huic loco, & inest in hoc loco. primũ apud Quintilianũ, cæterosque frequetius: ait enim, Verum hoc melius faceret natura ipsa duce, sed naturis ipsis ars inerat. Secundum apud Ciceronem frequentius: vt ibi, Illud enim honestum, quod sæpe diximus, si in alio cernimus, tamen

Comparo.

Confero.

Similis.

Communis.

Particeps.

nos mouet, atq; illi in quo id inesse videtur, amicos facit. Cõparo hanc rem illi & cũ illa. Cõfero te isti & cum isto. Ego sum similis tibi & tui. Hoc est cõmune omnibus & omniũ, vel Cõmune mihi tecum & cũ cæteris. Ego sum particeps laborum tuorũ, & Tibi sum in laboribus particeps. Quintil. Et in plerisq; ruris operibus marito particeps. Curtius, Quod fuisset illis in periculis particeps. Accedit huic rei & ad hanc rẽ, vel Accedit huc, vel eò, vel eodẽ. Quintilianus, Atq; vt accedat dolori meo cumulus, quæ hoc facit, vxor mea est. Cicero, Vt ad illam optimã præclarãque prædã damnatio Sexti Rosci velut cumulus accedat.

Accedit.

Impendo curam vel operam, vel laborem, & similia, huic rei & in hanc rē: quod in Quintiliano sæpe reperies. Partior laborē multis negotiis, & in multa negotia. vt apud eūdē. Adiicio huic rei, & ad hanc rē. Respondeo tibi, & ad te. Celo te hanc rē, & celo te de hac re. Tu es natus ad laudē, & laudi. Cicero pro Sestio, Nam quid ageret vir ad dignitatem & gloriam natus? Et in eadem, Qui se patriæ, qui ciuibus suis, qui laudi, qui gloriæ, non qui somno & cōiuiis & delectationi natos arbitratur. Aggregabo te illis, vulgo dicimus. Idē, Aggregare te soleo in numerum nostrū. Idem pro Archia, Ascribi se in eam ciuitatem voluit. Et pro eodem, Quū fuerit in aliis quoque ciuitatibus ascriptus. Idem in Philippicis, Tu verò ascribe me in talem numerū. Idem pro Rabirio, Siquis hunc reprehendendum putat, ascribat ad iudicium suum non modo meam, sed huius etiam ipsius qui commisit sententiā. Idem contra Rullum, Illum sibi collegam ascriberes. Tibi hoc ascribendum est. id est, tibitribuendum & imputandum.

Impendo.
Partior.
Adiicio.
Respondeo.
Celo.
Nascor.

Aggrego.

Ascribo.

E P I T O M E.

Pœnitet, tædet, miseret, piget, & pudet, quæ vera impersonalia sunt, optant ante se aliud impersonale qui cum construantur, vt cœpit, incœpit, desinit, posset, &c.

Habet autem tædet pro præterito, pertæsum est: quāuis dicatur etiam distæduit & pertæduit: & miseret misertum est. à miseret autem est infinitiuus passiuæ vocis, misereri, quo utitur Cicero in exemplo literæ.

De noua ratione regendi quorundam impersonalium.

CAP. XLVI.

COEpit eū pœnitere, posset te pigere, desinet me tædere, sæpius dicimus: quāam Cœpit ille pœnitere, posses pigere, desinā tædere. Quintilianus in milite Mariano, Neque si sit cupidissimus vitæ, pœnitere eum sui facti potest. Cicero de petendo consulatu, Si hic ciuis liber est, cuius authoritatis neminem posset pœnitere. Idem in Verrem, Iamiam Dolabella me neque tui, neque tuorū liberorū, quos tu miseros in egestate atque in solitudine reliquisti, misereri potest. Simile est illud Terentii, Ita dii me bene amabunt, vt me tuarum misertum est Menedeme fortunarum. Me, pro à me misertum dixit.

Ad. 3.
In Heauton.

E P I T O M E.

Desunt nonnunquam in oratione verba: sed non sine gratia. vt quoties commotis, vel per iram interrogantibus aut minantibus, per aposiopesim datur sermo abruptus. Aut quoties quod subicitur verbum, est intellectu facile, vt verbum generale, aut ad loquelam spectans. Vnde Seruius honestam dicit eclipsim in illo Virgiliano, Talia per Latium. vbi subauditur gerebantur. Gero autem, facio, fio, sum, communia sunt verba. Exempla plurima sunt in litera. Illud Ciceronis, Quo &c. sic construitur, Quo, id est ad quem vsus, supple detur, aut petam, mihi auctoriparis signum Martis: quasi dicat, ad nullum. Quintiliani sic, Quo, id est ad quid, per

fidem, supple rogo, dederis, supple cæco diuitias? vt quibus nesciat vti. Quo, id est ad quem vsus, datur nunc tantum frumenti? &c. Colligit autem Valla sex modos, quorum primus est per quo, secundus per vnde, tertius per dico, quartus per respondeo, quintus per confiteor, sextus per verbum generale. Verbum autem E S T facillime in participiis intelligitur, & nonnunquam in aliis. vt AEncidos primo, -nunc fama minores Italiam dixisse, &c. subaudi est.

Quum venustè verba, aut defunt, aut redundant.

C A P. X L V I I.

Lib. 1. epist. 5.

Defunt nonnunquam verba in oratione, sed non sine gratia: vt Horatius,

Lib. 2. sermo.

Quò mihi fortunam, si non conceditur vti? Id est, ad quid vultis esse mihi bona fortunæ? Hic modus incipit per quò, alius incipit per vnde. vt idem,

Vnde mihi lapidem? quorsum est opus? vnde sagittas?

Supple putes, vel dicas mihi esse. Iuuenalis Satyra 14,

Vnde tibi frontem, libertatè que parentis,

Quum facias peiora senex?

Libro 2.

Cicero ad Fabium, Martis verò signum quò mihi pacis authori? Quintilianus, Quò per fidem diuitias cæco? Et alibi, Quo nunc tantum frumenti, quo classem commeatu grauem? Idem, Vnde hunc illi animum? Et alibi, Vnde tantum virium cæco, vt in vno statim ictu mors tota peragatur? Idem tamen ait alio loco, Vnde miseræ tûc, vnde somnus? supple erat vel est. Tertius mo-

Libro 2.

us, vt apud eundem, Sequitur quæstio, an utilis rhetorice: nam quidam vehementer in eam inuehi solent, & (quod sit indignissimum) in accusatione orationis vtuntur orandi viribus. Eloquētiam enim esse, quæ poenis eripiat scelestos, cuius fraude dānentur interim boni, consilia ducantur in peius. supple, dicunt enim eloquentiam. Cicero, Habendas esse quam laxissimas amicitiae habenas. caput enim esse ad bene viuendum securitatem. supple, dicunt enim caput. Qui modus loquendi apud Græcos est frequentissimus. Idem verbum aliquando redundat. vt de Oratore Cicero, Titium illum, qui quum studiose pila luderet, & idem signa sacra noctu frangere putaretur, gregalèsque eum in campum non venisse requirerent, excusauit Vespas Terentius, quòd eum brachium fregisse diceret. Satis erat dixisse quòd brachium fregisset. Et non longe illinc, Cui quum familiaris quidam quereretur quòd diceret vxorem suam suspendisse se de ficu, Amabo te, inquit, da mihi ex ista arbore quos seram furculos. Sat erat sine illo, quòd diceret. Sed hoc verbum libenter apponit Cicero. Quartus, quum suppletur respondeo. vt idem frequenter, Quod autem scribis de illo negotio, ego nescio quid

consilii capiam, vel ego iam antea timueram. supple respondeo. Raróque vel nunquam hoc verbum profertur. Aliquando subintelligitur simile verbum. vt apud Quintilianum, Sed si confessionem culpæ meæ exigitis, ego fui pater durus, & patrimonii, quod iam melius ab his administrari poterat, tenax custos. supple confiteor, quod est. Quintus modus, vt apud Ciceronem, In obsequio (quoniam Terentiano verbo libenter vtimur) assentatio absit, veritas retineatur. Subintellige, ita loquimur, quoniã Terentiano verbo libenter vtimur. Et alibi, Satiari delectatione non possum vt meæ senectutis requiem oblectationemque noscatis. Subintellige, hoc dico vt noscatis. Sextus modus, vt apud Plinium Iuniorem, Studes, an piscaris, an venaris, an simul omnia? supple facis. Quintilianus, Nil aliud quàm renuet. id est, nihil aliud faciet quàm renuet. Et iterum, Et acceptis literis meis, iuuenis filius nihil aliud quàm cum matre fleuisset. id est, nihil aliud fecisset, quàm cum matre fleuisset. Martialis, Nil aliud bulbis quàm satur esse potes. id est, nil aliud facere. Cui confine est illud, vbi prolato aliquo aduerbio qualitatis, subintelligitur pro conditione materiæ, aut dixit, aut fecit: vt, Bene Ennius, præclare Anaxagoras, fortiter Scipio, prudenter Fabius. supple dixit aut fecit: prout ex his quæ aut iam diximus, aut dicturi sumus, colligitur. Et per comparatiuũ, Dii melius. supple fecerint, aut faciant, aut certe velint. Nec de diis solum, verum etiam de hominibus. vt apud Quintilianum, Tu melius vxor, quæ facturum retinebas. supple fecisti. Interdum etiam per nomen, nam illud melius est aduerbium. vt, Dii meliora. Lucanus ipsum verbum apposuit, Dii meliora velint. Nec procul ab huius natura abest, quando vtimur hoc nomine res, siue in nominatiuo, siue in accusatiuo, fortè etiam in aliis casibus. vt, Restat mihi exponenda vita, quam hic egit in magistratu, res digna auditu in primis. vel, Reliquum est vt exponam vitam huius qua fuit in magistratu, rem dignam auditu in primis.

Nil aliud
quàm.

Res.

E P I T O M E.

Propter certitudinem significandã, locuti sunt oratores de futuro per præteritũ. Sæpe autem optatiui tempora, quasi necessitatem importantia, vsurpant. Sæpe ad hoc, si particulã subaudiunt. Item sæpe imperfectum præteritum pro plusquam perfecto: & indicatiui tempora, pro alterius modi temporibus, ac ecòuerso, ornatus aut varietatis gratia posuerunt. Exempla omniã patent in litera, præter quæ, est adhuc alius modi exemplum, quando subiunctiuum pro indicatiuo vsurpatur. vt, Si pergis abiero, pro abibo. Aut potiº, pro Si perrexeris, dixit Si pergis, &c. Hebræi, vt ex sacris literis docemur, in re certa & immutabili præsens tẽpus pro omni sæpe ponunt: vt Sum qui sum. Antequam Abraham fieret ego sum. Quoniam virũ non cognosco. Nunc dimittis seruum tuum, &c. Viuit dominus, &c.

Quòd amœne tempus aliquando pro tempore ponitur. CAP. XLVIII.

In Mil.Mar.
Præteritum
pro futuro.

HAnnibal apud Titum Liuium alloquens milites, inquit, Si tales animos in prælio habebitis, quales hîc ostendistis, vicimus. Quintilianus, Si tales milites omnes habebimus

In sepulchro
incantato.

Mari, vicimus. Cur de futuro non per verbum futuri temporis locutus est? Nempe ad asseuerandam rem, vt non futura, sed iam esse videatur. multoq; plus ponderis habet, vt dicamus vicimus, quàm vincemus. Idem Quintilianus, Dimitte tantum, & euocasti. id est euocaueris. Cicero, Vnum ostende in tabulis, aut tuis, aut patris tui emptum, & vicisti. pro viceris. Idem pro Sestio, Restitisses, repugnasses, mortem pugna oppetisses. pro eo quod est resistere, repugnare, mortem pugna oppetere debuisses. Ouidius libro quarto Metamorphoseos,

Præmiâque eripies: quæ si tibi magna videntur,
Ex illis scopulis, vbi erant affixa, petisses.

In Heauton.

Id est, petere debuisses. Terentius in Andria, Prædiceres. pro eo quod est, prædicere debebas. Et alibi, Fortasse aliquanto iniquior erat, propter eius libidinem pateretur. pro pati debebat. Item Cicero tertio Officiorum, Male etiam Curio, quû causam Transpadanorum æquam esse dicebat, semper autem addebat, Vincat vtilitas. Potius diceret non esse æquam, quia non esset vtilis reipublicæ. id est, dicere debebat. Huic simile est quale apud Ouidium de remedio,

Si, subauditur Gnosida fecisses inopem, sapienter amasset.

Lib. i. sermo. Id est, si fecisses inopem. Horatius,

Saty. 3. -decies centena dedisses

Huic parco paucis contento, quinque diebus
Nil erat in loculis.

Id est, si dedisses. Plinius Iunior, Dedisses huic animo par corpus, fecisses quod optabat. Id est, si dedisses. Illud magis poeticum. vt Virgilius,

-tu quoque magnam

Partem opere in tanto, sineret dolor, Icare haberes.

Id est, si sineret. Iuuenalis,

Græculus esuriens in cælum iusseris ibit.

Id est, si iusseris. Adhuc diuersum huic est, quale est apud Ciceronem, Conchyliatis Cnei Pompeii peristromatis seruorum in cellis stratos lectos videres. id est vidisses. Quintilianus semper vidisses: vt ibi, Vidisses vtique non quemadmodum tenues rerum imagines solent cogitationibus accipere corpus. Apud hûc sæpe

Philipp. 2.
In sepulchro
incantato.
In corpore
proiecto.

est hic modus loquendi, Si perseverassem, duos excæcaveram.
pro excæcassem. Quale est illud Horatianum secundo carminū,
quod metri causa Priscianus dici putat,
Me truncus illapsus cerebro
Sustulerat, nisi Faunus ictum
Dextra leuasset.

Apud illum quiddam penè contrarium: ut ibi, Dictatoris nomē
quod sæpe iustum fuisset. pro fuerat. Nam de imperfecto subiū-
ctiui, quod solet poni pro imperfecto indicatiui, in proximo li-
bro iam dixi, cuius hoc exemplum fuerat, Non quia amicus
non esses. Cicero de republica libro sexto, Et quòd de via fessus
essem, & ad multam noctem vigilassem. pro fessus eram & vigi-
laueram.

E P I T O M E.

Cum verbis Oportet, decet, operæ pretiū est, expedit, necesse est, conducibile est,
& similibus, consuetudo oratorum præsens infinitiui verbi actiui construit: ratio
grammaticorum, potius passivæ vocis. Sed oratores potius præteritum passivæ vo-
cis, quàm activæ. quod aliter dici solet, Cum dictis verbis construenda esse partici-
pia accusatiui casus, aut quum Opus est ablativi casus, loco verborum. Verbi gra-
tia, loco huius, Necesse fuit consuluisse: dicunt, Consultum oportuit. & loco huius,
Opus est consuluisse: Cōsulito opus est. Sallustius in Catilina, Nam & priusquam in-
cœperis, consulto: & vbi consulueris, mature facto opus est.

Vbi nitidius utimur actiuo, vbi passiuo. CAP. XLIX.

Oportet legere libros, expedit euoluere authores, utile est
cognoscere plurima, operæ pretium est habere quos imi-
temur, necesse est adhibere vsum, conducibile est descen-
dere in certamen, & agitare cum aliis controuersias. Vel per pas-
siuum, Oportet legi libros, euolui authores, cognosci plurima,
haberi quos imitemur, adhiberi vsum, agitari cum aliis contro-
uersias. Hunc posteriorem modum magis ars grammatica pro-
bat, illum magis authoritas. Secus in præterito. nanque non ita
sæpe legimus, Fecisse hoc oportuit, ut Factum hoc oportuit. Ci-
cero in Verrem, Tamen id factum non oportuit. Et in eundem,
Apollinis signum ablatum certe non oportuit. Et alibi, Totam
rem illi integram seruatam oportuit. Non dissimile sanè est il-
lud per alterum verbum (de volo loquor) ut idem, Liberis con-
sultum voluimus, etiam si posthumi futuri sint. Idem, Percur-
ram tamen breui, ut non minus hominem ipsum, quàm ius cō-
mune defensum velitis. Quintilianus, An incidisse in sordidum
nomen, non eo cōtemptum hominis, quem destructum vole-
bat, auxisse.

E P I T O M E.

Oratores nonnunquam propositiones & rationes confundunt: ita vt priusquā secundam partem propositionis exequantur, prioris rationem assignent.

Propositiones rationesque interdum misceri. CAP. I.

NAm vbi vinci necesse est, expedit cedere: siue plura sunt de quibus quæritur, facilius erit in cæteris fides: siue vnum, mitior pœna solet irrogari verecundiæ. Miscuit hoc loco Quintilianus propositiones, rationesque, quum sit vñ. Si enim plura, facilius erit in cæteris fides: Sin vnum, mitior pœna solet irrogari verecundiæ. Atque iterum, Firmis autem iudiciis, iamque extra periculum positis, suaferim & antiquos legere (ex quibus si assumatur solida & virilis ingenii vis, deteriso rudis sæculi squalore, tum hic noster cultus clarius enitescet) & novos, quibus & ipsis multa virtus adest. Alius dixisset, suaferim & antiquos & novos. antiquos quidem, & cætera. novos verò, &c. Cicero in Antoniū, O te miserum, siue illa tibi nota non sunt (nihil enim boni nosti) siue sunt, qui apud tales viros tā impudēter loquare.

Philip. 2.

E P I T O M E.

Quia videor, verbum est personale, dicam, Tu videris mihi probus: Nō videtur mihi quod sis probus. & ita in consimilibus.

De vsu venusto verbi Videor. CAP. L I.

Non videtur tibi quod bene faciā, & Mihi nō videtur quod bene loquaris. Sicut vobis videtur quod male facimus, ita nobis videtur quod male facitis. Videtur tibi quod ille bene scribat, & Videtur mihi quod isti bene arent: rusticanus hic sermo est & agrestis. Eruditi enim sic loquuntur, Nō videor tibi bene facere, & Tu nō videris mihi bene loqui. Sicut vobis videtur male facere, ita nobis vos videmini. Ille videtur tibi bene scribere, & Isti mihi videntur bene arare.

E P I T O M E.

Datius Mihi & Tibi, sæpe ex consuetudine loquendi assumitur, ita, vt nullū certum aut referat, aut demonstret. Exempla sunt in litera.

De vulgari quodam vsu Mihi & Tibi. CAP. L I I.

Mihi. Tibi.

Hic mihi gloriatur se omnes honores sine repulsa obtinuisset. Et alibi idem Cicero narrans Bruto rem in qua ille non adfuerat, inquit, Ecce tibi Pompeius noster. Illud mihi & tibi non magis ad me vel ad te, quàm ad cæteros pertinet, sed est oratio sūpra de medio, qua vulgo vtimur. Tu mihi semper dormis, ille mihi assidue sedet. Quum super cœna essemus, ecce tibi ostium crepuit. Hic sermo neque ad me, neque ad te, neque ad quenquam refertur. Ideoque differens est ab illo figurato, quale est apud Virgilium,

Ne mihi tum molles libeat iacuisse per herbas. Et iterum,
Néve tibi ad solem vergant vineta cadentem. 2. Georgicorum.
Hic præcipitur ad vniuersos sub prima & secūda persona, ibi nō
præcipitur, nec ad aliquem sermo est.

E P I T O M E.

Superioribus, aut paucis diebus, aut triduo, similisque ablatiui nō sunt exponēdi
sic, Per superiores aut paucos dies, seu per triduum: sed Intra superiores, aut paucos
dies, aut intra triduū. significatur enim per ablatiuū tempus intra quod aliquid factū
est, aut fieri potest, aut etiam tempus quando: sed tempus quandiu, potius in accusa-
tium ponetur. Et id præcipue, si sit cōtinuatum & sine intermissione: licet author
noster id non approbet. Nam Nonius Marcellus non inutilis author, & obseruatio
doctissimorum id approbat. Non enim obstat, quōd interdum additur accusatiuo,
& particula integritatis & continuationis: vt, Hic iam trecentum totos regnabitur
annos Gente sub Hectorea: quia certū est multa manifeste inclusa ad expressiorē
elocutionem repeti atque subiungi: vt, Adducam te ad patriam, accede ad ignem,
minor duorum fratrum, paruum corpusculum: vt aliubi diximus adducentes illud
A Equialens geminis, &c. Verum Nestor quoque authorem nostrū sequitur, dicēs,
Quotiescunque (inquit Marcellus) per accusatiuum annos vel dies loquimur, inges
annos vel dies vocamus: quoties per ablatiuū, interiectis aliquibus annis vel diebus.
Frustra excogitata est hæc differentia Noni Marcelle: etsi tuam sententiam omnes
qui de hac loquuti sunt, ad nostram vsque ætatem probare videantur. Si enim per
accusatiuum significaretur tempus continuatum, non oporteret, vel potius non li-
ceret addere continuos, vt Cicero pro lege Manilia, At hercle aliquot annos conti-
nuos ante legem Gabiniam ille populus Romanus, cuius vsque ad nostram memo-
riam, nomen inuictum in naualibus pugnis permāserat, magna ac multo maxima
parte non modo vtilitatis, sed dignitatis atque imperii caruit. Virgilius AEneidos 1;
Hic iam trecentum totos regnabitur annos. Item Georgicorum quarto, Septē illū
totos perhibent ex ordine menses Fleuisse. Si igitur per accusatiuum, tempus mini-
me interruptū significaretur, non oporteret addere totos, neque ex ordine, quod
significat sine intermissione. Dicendum est ergo, quōd indifferenter loquimur per
ablatiuum more Latino, & per accusatiuum instar Græcorum. nihilque differt si dica-
tur (vt Cicero scripsit) Quāquam te Marce fili annum iam audientem Cratippum:
aut, duobus annis audiui Platonem: immo etiam per ablatiuum addendo continuus
vel totis, loqui possumus. Vnde in Apostolicis actionibus legitur capitulo vltimo,
Mansit autem Paulus biennio toto in suo cōducto, disputans. Ouidius libro quinto
Tristium, Pene decem totis aluit Penatius annis. Terentius in Adelphis, An non sex
totis mensibus prius olscissem, quā ille quicquam cœperit: Verum illud fortasse
melius præciperetur, quā de parte, non de toto tempore loquimur, non licere per
accusatiuum loqui, sed per ablatiuum. vt si dicas, Ego hoc anno ad te veniam. id est
aliquo tempore huius anni. quod non recte diceres per accusatiuum, Ad te hūc an-
num veniam. Hæc Nestor: qui quāquam inuitus in sententiam nostram tandem
concedit. Nam quare non licet per accusatiuum dicere, Ad te hūc annum veniam,
nisi quia tempus sine intermissione per accusatiuum designetur: Quocirca licet pro-
lixior siam, tamen vt litem semel dirimam, has puer de tempore habeto regulas.
Tēpus quod dicunt quandiu seu quāpridē, si cōtinuatū sit, decenter ponitur in ac-
cusatiuo & cū nota cōtinuationis & sine ea, & sæpe cū numerali primi ordinis: po-
tēstque in ablatiuo licet minus venuste poni: in quo si cōtinuatū nō est, necessario
ponitur. Cū nota, vt AEneid. 1, Hic iā tercētū totos regnabitur ānos. Sine nota, vt in
eodē, vna cū gēte tot ānos Bella gero. Et iterū, Tu faciē illius noctē nō āplius vnā
Falle dolo. Dico Sæpe cū numerali, &c. quia quā facile intelligitur, bene subicitur

Prima regula.

vt Te annum audiētem Cratippum: idem est ac si dicat, annum vnum. Dixi Si cōtinuatum non sit, necessario in ablatiuo poni: vt Hoc anno ad te veniam, aut quadragies ieiunabo: nō hunc annum. Ponitur interdū numerale ordinis pro eo quod est primi generis. Cicero, Quum decimum iam diem grauit̃ ex intestinis laborarem: idem enim est ac si dicat, Quum decem iam dies: vel, ad decimum vsque diem.

Tempus in quo, seu quod respondetur ad quando, & sæpe intra quod, id est mēsuram adsignificās, ponitur in solo ablatiuo, nisi præponatur præpositio accusatiui casus, aut particula abhinc. Exempla sunt, Quando venies ad nos: hoc anno, aut mense proximo. Quando scripsisti hæc: anno sesquimillesimo vigesimo octauo. De temporis mensura, vt Biduo perlegam georgica. At si dixeris, Biduum legam georgica, significaueris te lecturum georgica per dies duos, eosque continuos, non tamen necessario tota georgica. Dixi Nisi addatur præpositio accusatiui casus aut abhinc. Nam dicam, Intra biduum perlegam georgica: non infra, vt ineptuli loquuntur. Ad Calēdas Martias tecum ero. Abhinc trienniu venit mulier, &c. Certum autē præpositionem suo casui præponi posse, vt In vndecimo mense post mortē mariti peperit: In decimo mense hominem gigni legimus apud Gellium. Tempus omne tā continuū quā non continuum in ablatiuo poni potest, sed tunc venuste quando particula cōtinationis aut eius negatio ponitur: tūc autē necessario quādo significatur mensura excessus per ante aut post expressa vel subaudita, dum modo non regant tempus ipsum. Exemplum de nota continuationis. Plinius, Nihil salutare est, nisi quod toto anno salubre. Vbi tamen dicere potuisset, nisi quod totum annum, &c. Vbi non est nota, nec esse potest: vt Hoc anno te visam. Vbi negatio: vt Hoc anno toto te nō vidi: vel Non toto hoc anno te vidi: aut Non totum hunc annum te vidi. De ante expresso: Cicero, Per paucis ante diebus dederā ad te literas. Idem, Paucis ante diebus erupit ex vrbe. De subaudito ante vel prius. Terētius, An nō sex totis mēsis prius olfecissem, quā ille quicquā cœperit? De post. Suetoni⁹ de Tyberio, Biennio continuo post adeptum imperiū, pedem porta nō extulit. Virgilius in Bucolicis, Respexit tamen & multo post tempore venit. At si ante & post regant tempus ipsum, regant in suo casu. vt Valerius Maximus, Post tertium diem expirauit. Suetonius, Non temperauit quin paucos post dies frequēti curia iactaret. Cicero, Cum aliquot post annos id oppidum recepisset.

Quando maiori tempore expresso partem eius accipimus,
& quando deest post. CAP. LIII.

Superioribus diebus veni in Cumanum. Et iterum, Qui his paucis diebus pōtifex factus est. Et in futuro, Paucis diebus erā domesticos & bellarios missurus. Et iterum, Triduo aut ad summū quatrduo periturum. Hæc Cicero. Et Sallustius, Legati triduo nauim conscendere. non est accipiendum per superiores dies, & per paucos dies, per triduum & quatrduum, sed intra superiores dies, intra paucos dies, intra triduum & quatrduū. Nam illud quod aliqui dicunt, tempus continuatum & solidū significari per accusatiuum, secus verò per ablatiuum, planè falsum est. Cicero enim atque Virgilius sapius accusatiuo, & quidem indifferenter vtūtur: posteriores verò plerique ablatiuo. Aliquando in huiusmodi genere sermonis omittimus post: sic, Intra decem dies, quā venit, confecit omne negotium. In paucis diebus, quā Rhodum appulit, vxorem duxit. id est postquam

Tēporis continuati expressio.

Quā postquam.

venit, postquam appulit. Quæ exempla apud historicos sunt plurima.

EPITOME.

Quid est, sine particula diuersitatis, nisi interueniat dictio alius, aliter, aut comparatiuum nomen, non recipit post se particulam quàm, sed nisi. Non ergo dices, Quid est animal, quàm corpus? sed, nisi corpus, &c. aut, Quid aliud est animal, nisi, &c. Simile fit per præter, præterquam: inter quæ hoc est discriminis, quòd præter accusatiuum postulat, præterquam consimiles casus copulat: sicut quàm & nisi.

Vbi deceant Nisi, Quàm, & Præterquam. CAP. LIIII.

Quid est animal, nisi corpus cum anima concretum? recte & Latine. Quid est animal, quàm corpus cum anima concretum? non recte nec Latine. Adde aliud, vel aliter, vel secus, & vtroque modo licebit dicere. Quid est aliud animal, quàm corpus, vel, nisi corpus cum anima concretum? Cicero, De Senect. Quid est aliud gigantum more bellare cum diis, nisi naturæ repugnare? Idem faciet comparatiuum. vt, Quid est melius quàm gaudere, vel, nisi gaudere? vt Quintilianus, Nihil est facilius, nisi totâ causam omnino non agere. Præterquam, eandem aut pro- Præterquam. pè parem vim obtinet quam nisi. Cuius exempla, vt facilia, prætermittimus: vnum illud admonentes, vbi est præter, ibi locum habere præterquam, ad hunc modum: vt, Nullius rei sum aua- Præter. rus præter laudem, vel præterquam laudis. Nulli places præterquam mihi, vel præter me.

EPITOME.

Transfere aliquândo spectat ad imitationem: sic, vt Quid penes eos, vnde transfertur maneat.

De vsu huius verbi Transfero.

CAP. LV.

Quem morem Spartiatæ transtulerunt in fœminas. Et a libi idem Cicero, Quod nisi in amicitiam transferatur. Quæ in alios transferuntur, non solent remanere penes eos à quibus transferuntur. Mos autem (vt Cicero vult) ita transfertur, vt penes priorem quoque remaneat. Et libro primo Officiorum, Quod ab Ennio positum in vna re, transferri in multas potest. Et in eodem, Eademque mediocritas ad omnem vsum, cultumque vitæ transferenda est. Lucanus in decimo, Nondum translatos Romana in sæcula luxus.

EPITOME.

Committo, sequente vt, aut simili particula, fere in malam partem sumitur: ideoque habet negationem præpositam. Demereor autem licet hic non dicatur, significat bene de te aut alio mereor: non ergo pro peccatis aut commissis demerita dixeris.

De Committo.

CAP. LVI.

Non committas vt quum omnia tibi à nobis suppeditata fuerint, tu tibi defuisse videre. Et iterum, Non committas vt dicendum sit, Non putaram. Hæc Cicero. Quintilianus quoque, Non committam vt illa dubia faciam defensionis sollicitudine. Et alibi, Nihil tibi minus cōmittendum, quàm vt vlciscaris hoc flagitium, in eo præsertim qui apud malignos poterit videri te permittente fecisse. Cicero tamen quodam in loco non per vt, sed per quamobrem locutus est, dicens, Considerare debes nihil tibi esse committendum, quamobrem eorum quos laudas, te nō simillimum præbeas. Idem pollet quamobrè quod vt. Et licebit illud tollere, & hoc subiicere. Ex quibus exemplis datur intelligi, hoc verbum sequente vt, vel simili dictione, semper accipi in malam partem. nec recte dicas, Fac committas vt omnes te laudent. aut sic, Non commisisti vnquam vt lauderis. Præterea semper habet secum negationem.

E P I T O M E.

Oriundus, participium non est: significat autem locum vnde maiores nostri sunt, nōsque originem traximus: licet alibi orti, id est nati simus. Dicit autem Ortus circumstantiam loci in quo, Oriundus verò de quo.

De Oriundus & Ortus.

CAP. LVII.

Lib. tertio ab
Vrbe cōdita.

Oriundus quòd non habeat vim participii, credo alii dixerunt. Cuius vtendi hic modus est, Ego sum ortus Romæ, oriundus à Placentia. Titus Liuius, Nati Carthagine, sed oriundi à Syracusis. id est, à Syracusis originem trahentes, vnde fuerunt parentes. vel sine præpositione, vt idem, Alba oriundum sacerdotium. In personis ferè cum præpositione. Idem, Is longè princeps Latini nominis erat (si famæ credimus) ab Vlysse deaque Circe oriūds. Idem, Quid hoc, si polluit nobilitatem istam vestram, quam plerique oriundi ex Albanis & Sabinis non genere nec sanguine, sed per cooptationē in patres habetis? Nōnū quam per indeclinabilia. vt Inde ego sum oriundus vnde tu. Liuius tamen (si rectè scribitur) ait lib. 8, Palæpolis fuit haud procul inde vbi nunc Neapolis sita est, duabus vrbibus idem populus habitabat, Cumis erant oriundi, & cætera.

E P I T O M E.

Memini verbum, pro recordor, regit genitiuum vel accusatiuum: significans autem mentionem facere, genitiuum vel ablatiuium mediante DE præpositione, à qua significatione videntur deriuari mentum, mens, mentio, & mentior, & fortè menta.

De Memini.

CAP. LVIII.

Memini pro recordor, tum genitium, tum accusatium postulat. vt Terentius, Faciam vt meique & huius dici, ac loci semper memineris. Cicero, Omnia quæ curant senes, meminerunt, vadimonia constituta, qui sibi, cui ipsi debeant. Quid iurecōsulti, quid pontifices, quid augures, quid philosophi senes, quàm multa meminerunt? Idem verbum pro eo quod est mētionem facio, recusat accusatium, postulātque genitium, vel ablatium cum præpositione de. vt Quintilianus, Neque omnino huius rei meminit poeta ipse. Et iterū, De quibus multi meminerunt. Hinc videtur deriuari mentio, quasi à Mentio. meno præsentis, & geminato præterito Memini. vnde supinum Mentum. mentum, ex quo mentio, & mens, quæ omnium recordatur: & Mens. mentum, quia in mentione facienda, hoc est in loquendo, præcipue mento vtimur. Nullum enim animal mouet partem oris superiorem nisi Crocodilus, sed omnia inferiorem, sicut & nos mentum. Hinc etiam Mentior, quia contra mentē loquor. Fortè Mentior. & hinc venit menta. Sed nolo eius etymologiam aliquam afferre, ne cui fortè videar argutulus. Menta.

EPI TOME.

Alter, de duobus est vnus: alius, de multis. Alter etiam accipitur pro secundo, siue ex duobus, siue ex pluribus. aliquando etiam pro ipsis duobus. Addit discrimen inter tertium Consul, & ter aut tertio. de quo Aulus Gellius libro decimo dicit sic, Familiari meo cuipiam literas Athenis Romam misi. In iis scriptum fuit, me illi iam tertium scripsisse. Is autem ad me rescripsit, petiuitque vt rationem dicerem cur tertium ac non tertio scripsissem. Id etiam adscripsit, vt eadem quid super illo quoque mihi videretur, facerem se certior, tertiumne Consul & quartum, an tertio & quarto dicendum esset: quum Romæ doctum virum dicere audisset, tertio & quarto Consul, non tertium quartumque, idque in principioli libri Cælium scripsisse: & Q. Claudium in libro vnde uigesimo, C. Marium creatum septimo Consulem dixisse. Ad hæc ego rescripsi nihil amplius quàm verba Marci Varronis, hominis (vt opinor) quàm fuit Claudius cum Cælio doctioris: quibus verbis vtrunque de quo ad me scripserat, decideretur. Nam & Varro satis aperte quid dici oporteret, edocuit. Et ego aduersus eum qui doctus esse dicebatur, litem meam facere absens nolui. Verba Marci Varronis ex libro disciplinarum quinto, hæc sunt, Aliud est quarto prætorem fieri, & quartum: quòd quarto, locum adsignificat, ac tres ante factos: quartum, tempus adsignificat, & ter ante factum. Igitur Ennius recte conscripsit, Quintus pater quartus sit Consul. Et Pompeius timide, quòd in theatro ne adscriberet Consul tertium an tertio, extremas literas non scripsit. quod de Pompeio Varro breuiter & subobscurè dixit, Tiro Tullii Ciceronis libertus in epistola quadam enarratius scripsit ad hunc ferme modum, Cum Pompeius (inquit) ædem Victoriæ dedicaturus foret, cuius gradus vice theatri essent, nomēque eius & honores inscriberentur, quæri cœptum est, vtrum Consul tertio inscribendum esset, an tertium. Eam rem Pompeius exquisitissime retulit ad doctissimos ciuitatis. Quumque dissentiretur, & pars tertio, alii tertium scribendum contenderent: Rogauit (inquit) Ciceronem Pompeius, vt quod ei rectius videretur scribi iuberet. Tūque

Ciceronem iudicare de viris doctis veritum esse : ne quorum opinionem impro-
basset, ipsos videretur improbasse. Persuasit igitur Pompeio, vt neque tertio, neque
tertium scriberetur, sed ad secundum vsque t fierent literæ tert. vt verbo nō per-
scripto, res quidem demonstraretur, sed dictio tamē ambigua verbi lateret. In Marci
tamen Catonis libro quarto originum ita perscriptum est, Carthaginēses sextum,
de fœdere decessere. id verbum, significat quinquies ante eos fecisse contra fœdus
& tum sextum. Hæc illi. Quæ ideo recensui, vt ex ipsis discamus præcipue duo: V-
num, vbicunque est inter magnos authores de quavis re discrepantia, tutius esse in
nullos peccare: quod etiam in moribus locum habet. sed de literis de quibus nūc lo-
quimur duo sint exempla: Vnum quoties Valla dicit quippiam non recte dici: quod
tamen semel aut fortē iterum repertum sit in viris magnis: sed in locis suspectis,
tutius est ab illo abstinere. Alterum est Virgilii, qui vt dicit Seruius, quia nō conue-
nit cuius generis sit Pampinus, nusquam illi epitheton, quo genus discernatur, de-
dit. Secundum hæc, signandum est nomen tertius, a, um, in secunda syllaba habere, t,
non c, quia Cicero ad secundum vsque t literas scribi iussit.

De differentia inter Alter & Alius.

C A P I T U L U M .

Alter & alius.

ALter de duobus dici, Alius de multis, notū est omnibus,
licet non omnes recte vtātur. Macrobius de Saturnalibus,
Cum igitur asseruerimus quatuor in corpore fieri dige-
stiones, quarum altera pendet ex altera. dicendum erat, quarum
alia pendet ex alia. Idem in alio opere de naturalibus, Illæ verò
insolubiles causæ sunt, quæ mutuis inuicem nexibus vinciūtur,
& alteram altera facit, ac vicissim de se nascuntur, nunquam na-
turalis societatis amplexibus separantur. Nam Ouidius de nouē
picarum transformatione loquens, quanquam eū excusare me-
tri necessitas potest: tamen quòd singulæ singulas, ac certæ cer-
tas intuerentur, intellexit, cum inquit, Alteraque alterius rigido
concreescere rostro Ora videt. Suetonius de vita Caii, Nec cessa-
uit ex eo alterum alter criminari, atque inter se omnes commit-
tere. Nescio an sic accipiendum sit, vnum vni, & rursus hunc illi.
Plinius libro 11. inquit de formicis, Et quoniam ex diuerso con-
uehant altera alterius ignara. Quare dicamus aliquādo sic loqui
esse permissum. Ediuerso nonnūquam de duobus dicimus alius
& alius, nec dicere aliter possumus: vt Dubitatur vter excellat, Sal-
lustius an Liuius, & alius alium præponit: non autem alter alte-
rum. Ratio postulabat, vt diceremus, alius alterum. Nam alius
ad plurimos refertur, qui de duobus iudicant: alter ad vnum
de duobus, de quibus iudicatur. Sed quia videbatur inuenu-
stum sic loqui, maluerunt mutare alterum in alium. Afferamus
exemplum: Sallustius in Catilinario de Cæsare & Catone lo-
quens, inquit, Genus, ætas, eloquētia propè paria fuere, magni-
tudo quoque animi & gloria, sed alia alii. Vel est ea ratio, quam
dixi, vel hæc, quòd idem est alia alii, quod diuersa diuerso:
vt Alia est facies mea, alia est facies tua. id est diuersa. Proprie

Cap. 3.

Alius, alium.

igitur Alter refertur ad vnum de duobus. vt, Hannibal in trāsitu Apennini amisit alterum oculum. siue ad vnam duarum partiū, quod superius etiā significauī, vbi hoc Ciceronis exemplo vsus sum, Duplices similitudines esse debent, vnæ rerum, alteræ verborum. Et quale est Virgilii exemplum,

Aurea mala decem misi, cras altera mittam.

Aliquoties etiam accipitur Alter pro secundo ex duobus, pluribusve. Vt Vnus, alter, tertius, quartus: vnæ, alteræ, tertiæ, quartæ literæ. Et Hic est alter annus belli Punici, & Ego altero mēse repudiaui vxorem. id est, secundus annus ab origine belli Punici, & secundo mense à ductione vxoris. Aliquādo pro ipsis duobus, vt Vnus aut alter, id est, vnus aut duo. Quod etiā in aduerbiis respōdet, semel, aut iterum, id est semel, aut bis. Item semel, & iterum.

Cicero in Bruto, semel, & iterum in Philippicis. Dubitari tamen potest quum dicitur Iterum Consul, an secunda vice, an bis Consul intelligatur. quæ dubitatio in cæteris nō erit. Tertium enim Consul, & quartū Consul, sic differt ab illo, ter Consul, & quater Consul: quod in altero significatur tertia & quarta vice, in altero tribus, & quatuor vicibus. Aliqui tamen dubitarēt, an in hanc significationem vice & vices reperiatur.

Tertiū cōsul.

Vice. Vices.

EPITOME.

Quisque, vnusquisque, & vterque, solent poni eleganter in oratione post suos vel se: sed ante substantium ipsius suus, ita vt discrepent cum adiectiuo sequenti expresso, sed concordent cum subaudito. in qua re seruandus est aptus situs. Nam, vt litera declarat, apte dixeris singulariter, Dū vterque aut quisque aut vnusquisq; ponitur inter suum, & eius substantium: etiam si sequatur adiectiuum plurale. vt In suum pristinum vnaquæque nidum immigrantes. sed inepte, si etiam substantium præcesserit, vt In suum pristinum nidum vnaquæque immigrantes: deberet enim dici, immigrans. Causa differentię est: quia dum ea clausula interiecta sic ponitur, videtur adiectiuum plurale sequens ad præcedens substantium plurale referri. Sed quando præponitur, videtur ipsa esse ad quam debeat adiectiuū principaliter respicere. sicut dum dico, Quem audistis sermonem non est meus. sermonem videtur regi ab audistis. Sed dum sic, Sermonem quem audistis, nō est meus: à verbo est. itaque prius dicitur grammaticæ & Latine: non secundum.

De Quisque & Vterque cū verbo aut participio. CAP. LX.

Hirundines vere incunte redeunt, in suum pristinum vnaquæque nidum immigrantes. Muta illud vnaquæque, sic, In suum pristinum nidum vnaquæque immigrantes: aut sic, Vnaquæque in pristinum nidum immigrantes: iam non erit Latinum. Item, Offendi parentes suo vtrunque morbo affectos. transfer illud vtrunque, vt modò ostendi, iam non erit elegans. Nam si ita mutemus, ille pluralis numerus immigrantes & affectos, referetur ad illum singularem vnaquæque & vtrunque, quod

fieri non potest. At illo modo superiore secus. refertur enim numerus pluralis ad pluralem, sic, Hirundines vere ineunte redeunt immigrantes in nidos pristinos, vnaquæque in suum, supple immigrans. Offendi parentes morbis affectos, vtrunque supple suo affectum morbo. Virgilius in 12,

Dant sonitum spumosi amnes, & in æquora currunt,
Quisque suum populatus iter. Et paulò post,
Pro se quisque viri summa nituntur opum vi.

In priore exemplo, si versus pateretur, non decuisset dicere, Suum quisque populatus iter, sed populati. nec in posteriore, Pro se quisque viri summa nituntur opum vi. Secus autem solet fieri, ubi abest suus aut se. ut Quintilianus, Commendo tibi senem, quem fecimus vterque mendicum. Nec recte dicas, Commendo tibi senem quem nos filii alleuare debemus, eum vterque mendicum facientes. vel sic, Quem nos vterque captiui mendicum fecimus, nisi more poetico, ut apud Ovidium,
Vtraque formosæ me iudice sunt venerandæ. Et apud Horatium,
Legati magnis missi de rebus vterque. quod apud oratores non reperitur. sicut ne illud quidem, licet Aulus Gellius vtatur, quale apud Terentium,

Plerique
omnes.

Quod plerique omnes faciunt adolescentuli.

Quod quidam exponunt pro eo quod est, plerique omnium: quidam pro eo quod est, omnes.

E P I T O M E.

Elegantius post huiusmodi particulam homo illiteratus est, subditur sed cui, quam cui tamen: & ita in aliis casibus.

De Tamen & Sed cum relatiuo.

C A P. I X I.

Homo illiteratus est, cui tamen paucos in rerum gerendarum scientia anteponas, Latinum est. Homo illiteratus est, sed cui paucos in rerum agendarum scientia anteponas, etiam elegans est. Item in negatione, Homo quidem illiteratus est, quem tamen non postponas multis, Latinum est, ut dixi. Elegans etiam sic, Homo quidem illiteratus, sed quem multis non postponas. Ideo dixi Elegans, quia subintelligitur talis. quod in alio non fit: ut sic, Homo illiteratus, sed talis quem, & cetera. vel, Sed is pro talis. Ideoque & hoc eleganter dicetur, Homo illiteratus, non tamen quem multis postponas. id est, non tamen is quem multis postponas. Aliquando non subintelligitur talis, neque is. ut, Hic ager est meus, sed cuius usu careo.

E P I T O M E.

Multifariam & non inepte dixeris, Video te amatorem studiorum, quod vel quæ res, vel id quod me iuuat.

De Id quod, cum alio antecedente.

CAP. LXII.

V Ideo te amatorem studiorum, quod me maxime iuuat, Quod.
 vel quæ res me maxime iuuat, vel id quod me maxime Quæ res.
 iuuat. Itē, Video te, quod me maxime iuuat, vel Id quod.
 Quæ res me maxime iuuat, vel Id quod me maxime iuuat, amatorem
 studiorum. quæ exempla sibi quisque conquirat.

E P I T O M E.

Aliquis, quisquam, quispiam, vllus, de incerto tam loquenti, quàm audienti dicuntur: vllus tamen, vix aliter quàm cum vix, aut negatione, aut interrogatione ponitur. Sed quidam dicitur de certo & noto loquenti. Vnde non dicam, Quidam nescio quis sit, id fecit: sed aliquis.

De Aliquis, Quisquam, Quispiam, & Vllus.

CAP. LXIII.

A Lquis, quisquam, quispiam, vllus idem significant, differuntque à quidam, vt in alio opere (quod de dialectica propediem edemus) ostendetur. Vllus tamen quodammodo claudicat, nec ferè citra negationem, quasi citra baculum ingredi potest, nisi interrogatiue: vt Vocat me vllus? aut subiunctiue, vt Si vllus me vocat. Nunquam planè affirmatiue, sicut illa superiora.

E P I T O M E.

Quoties vtriusque verbi, quorum alterum cum supposito solet resolui in ablatiuos in designatione sequelæ positos, est vnum suppositum: elegantius pro ablatiuis vtimur nominatiuo participiali. Vt, Elegantius dico, Occupatus in republica tibi vacare non potui: quàm, me occupato. & Agens Romæ, mira vidi: quàm me agente, &c. Illud autem Horatii, Ego ad participium Acti referrem. præponitur enim, -laudator temporis acti Se puero. nec sic est contra hanc elegantiam, quod Vallam latuit.

De eadem persona tanquam alia.

CAP. LXIIII.

M E occupato in administratione magistratus, nullum tēpus seponere ad studendum poteram: vel, Me occupato in administratione magistratus, nullum tempus mihi reliquum erat. Rarissime Latini sic locuti sunt. Græci frequēter, sed hoc modo potius, Occupatus in administratione magistratus nullū tempus seponere ad studia poteram: vel, Occupato in administratione magistratus, nullum mihi tempus ad studia reliquum erat. Dixi Rarissime, nō tamen nunquam. nam quidam sic locuti sunt. vt Horatius de arte poetica,
 -laudator temporis acti

Se puero, censor castigatōrque minorum.

Quintus Tullius ad Tyronem, Non potes effugere huius culpæ Lib. 16.
 pœnam te patrono, Marcus est adhibendus. Simile quiddam sapit Per, quale est apud Marcum Tullium, Quū & per meipsum Epist. fami.
 egissem, & per Drusum sæpe tentassem. Illud enim Per, significare solet medium quendam, aliūque intercessorem. Nūc verò Per.

p. iiii.

quis queat medius esse inter se & alium? & tamen sic vulgo loquimur, Per meipsum rogavi, Per teipsum obtinui.

E P I T O M E.

Auxilium do & fero, dicimus: & opem fero, unde opitulator: opem do, non dicimus.

Auxilium do, feróque, Opem fero tantum. C A P. I X V.

Opitulator.

Auxilium do feróque, dicimus. Opem do, non dicimus, sed fero. unde opitulator, quod Tullianum verbum esse Seneca author est: quo tamen & Sallustius utitur & Plautus, & alii nonnulli.

E P I T O M E.

Audiui aut accepi à ex & de patre, dicimus. De via autem, significat etiam quasi de itinere seu de itinere: quum via sit spatium eundi, iter aut itio actus ipse.

De A, Ex, & De, cum aliis. C A P. I X V I.

Philipp. 1.

Audiui à patre meo, & Audiui ex patre meo, & Audiui de patre meo, idem significare inueniet qui bonos libros euoluat. Cicero tamen sic præcipue locutus est. Similiter apud eundem, Quæsiui te ab ostio, ex ostio, de ostio. Vocauit te à via, è via, de via. sed hoc vltimum apud eundem in alium quoque sensum accipitur, ut in Philippicis, Quumque de via languerem, & mihi met displicerem. Et de republica, Et quod de via fessus essem, & quod ad multam noctem vigilassem. Et de Academicis, In Cumano nuper quum mecum Atticus noster esset, nuntiatum est nobis à M. Varrone venisse eum Roma pridie vespere: & nisi de via fessus esset, continuo ad nos venturum fuisse. quasi de labore viæ. Hic enim via significat iter, hoc est actionem ambulandi: illic locum, quo ambulamus.

Via.

E P I T O M E.

Solus & vnus, more superlatiuorum construuntur cum genitiuo multitudinis, aut accusatiuo vel ablatiuo mediante præpositione. quod reliquis adiectiuis non competit.

De Solus & Vnus. C A P. I X V I I.

Lib. 9. cap. 17.

Inter omnia adiectiua quæ non sunt superlatiua, duo ferè hæc Solus & Vnus, more superlatiuorum regunt genitiuum. Ut, Solus omnium non remittit sibi, ut incredibilior sit in parricidio cæcus, quam fuit quum videret. Hæc Quintilianus. Et Plinius, Acipenser vnus omnium squamis ad os versis contra aquam nando meat. Similiter ablatiuum cum præpositione. nam ut dicimus Maximus ex omnibus, & inter omnes maximus: ita vnus & solus ex omnibus, vel inter omnes. Verum vnus pro solus accipio, ideóque ferè cum illo adiectiuo Omnis tantummodo coniungitur. Nam vnus ex fortibus, vnus ex populo, alterius significationis est. Cum substantiuo quoque iungitur, ut idem

Plinius, Caluitium vni tantum animalium homini. sed quasi subintelligitur omnium.

E P I T O M E.

In diem viuere, est non curare de crastino, quasi ad praesentem duntaxat diem cogitare, ac si non sit alius futurus. In dies, est quotidie: sed petit dictionem incrementi, cum qua & sine qua quotidie ponimus, sed cum discrimine. Nam ut quotidie plures moriantur, satis est si heri quinque, & hodie sex mortui sunt, & cras septem moriantur. at ut in dies, aut singulos dies: necesse est, si heri quinque mortui sunt, hodie moriantur sex, cras octo, perendie undecim, &c. Et sicut in diem & in dies differunt: ita in horam & in horas. Sed raro seruatur tam exacti incrementi ratio: satis est, ut habeant comparatium aut verbum notans incrementum. Propediem, id est statim, quasi prope sit dies. Propemodum, id est penè, quasi prope sit modus qui exigitur.

De In diem, In dies, In horam, In horas, Propediem, ac Propemodum.

CAP. LXVIII.

IN diem aliud multo est, quam in dies. Illud plerumque cum hoc verbo uiuit iungitur. Ut Quintilianus, Non, ut ferè volucres praesentis modo cibi memores in diem viuunt, duraturus hyeme reponitur victus. Aliquando, sed raro, cum alio iungitur verbo. ut Sallustius, Panem in diem mercari. quasi dicat praesentis diei habere rationem, nihilque cogitare de crastino. In dies, idem est quod quotidie, sed proprie cum quodam incremento. ideoque plerumque cum comparatiuo. ut, Quum in dies malum arctius premeret. &, Quum in vrbe infinitum malum serperet, idque manaret in dies latius. Etiam sine comparatiuo, sed tamen per verbum significans incrementum. ut Liuius, Crescente in dies multitudine. quod non liceret dicere, Concurrente in dies multitudine, sed quotidie, aut in dies magis. quum tamen liceat superiora exempla dicere per quotidie, Quum quotidie malum arctius premeret. & Quum in vrbe infinitum malum serperet, idque manaret quotidie latius. Et per in singulos dies. ut Cicero ad Atticum, Quotidie, vel potius in dies singulos, breuiores ad te literas mitto. id est, non modo quotidie breuiores, sed etiam in dies. Nam haec quotidianae literae sunt breuiores his quas antea mittere solebam, quae poterant esse omnes pari breuitate. Atqui haec quas in dies singulos siue in dies mitto breuiores, tales sunt, ut hodiernae sint breuiores hesternis, & crastinae hodiernis, & perendinae crastinis, & ita assidue. Et pestilentia in dies fit maior, & quotidie fit maior. Sic possunt videri haec duo differre, quod in hoc possunt hodie supra numerum hesternum decessisse quatuor, quum heri decesserint decem supra numerum eorum, qui decesserant nudius tertius. Non ita in illo, ubi vltimus quisque dies maxime increfcit: ut si nudius tertius decesserint duodecim, heri quatuor-

In horam.
In horas.
Philip. 5.

decim, hodie necesse est decedant saltem decem & septem, cras saltem vnus & viginti, perendie saltem sex & viginti. Eandem differentiam habent in horam & in horas, quam in diem & in dies. Cicero in Philippicis, Hæc ii, qui in horam viueret, nō modo de fortunis & bonis ciuium, sed ne de vtilitate quidem sua cogitauerunt. Virgilius,

Gallo, cuius amor tantum mihi crescit in horas,

Quantum vere nouo viridis se subiicit alnus.

Siquis autem in dies & in horas, siue in dies singulos & in horas singulas, sine illa exacta ratione incrementi accipere velit, non denegandum ipsi hoc puto. Propediem est quasi propè est dies, quando hoc fiet. Cicero, Et præsens propediem (vt spero) & dum aberis absens loquar. Eodē modo quo dicimus propemodum, quasi prope mensurā: quod accipitur pro penè, siue propè, quum est aduerbium.

E P I T O M E.

Animaduerto te, id est animo cōplector aut consydero: Animaduerto in te, id est rite & ordinariè procedendo te punio. Differunt ergo, quum intueor te & in te, non differant. Animaduerto tibi, id est imputo.

De Animaduerto.

C A P. L X I X.

A Nimaduerto te, & Animaduerto in te differūt: quum Intueor te, & Intueor in te non differāt. Animaduerto in te, est punio te: sed cum hac differētia, quòd punire est quoruncunque, siue iure, siue iniuria. Animaduertere est eius, qui in alterum habet potestatem ordine ac rite, id est cum animaduersione puniēdi. Sed hoc proprie refertur ad personas. Animaduerto, puto, pro intueor, & personam & rem dicimus.

E P I T O M E.

Quædam vocabula sunt notiora oratoribus, vt filius, pater, homo: quàm natus, genitor, genitrix, vir, quæ poetis notiora sunt. Inter vtrosque autem ambulat historiographus ab utroque accipiens. Vnde sciemus suum esse cuique stylum, suaque verba. Nam caballus, in oratione rarò ponitur, in carmine non rarò. Quod in cæteris quoque annotandum est.

Filius, Natus, Genitor, Pater, Mater, Genitrix, Parens, Homo, Vir.

C A P. L X X.

O Ratores sapius dicunt filius quàm natus, pater quàm genitor, mater quàm genitrix, parens pro utroque. etiam sæpe homo potius quàm vir, quoties ita accipitur ille de quo agimus, aut loquimur: quale est hoc, Illi deduxerunt hominem in palæstram. Poetæ potius e contrario. Historici mediam quandam viam tenent. vt Sallustius, Eos mores atq; eam industriam viri cognoui.

Homo. Vir.

E P I T O M E.

In primis, est inter primos, primas, aut prima, iuxta exigentiam substantiui subaudiendi. quod si nullum est, refertur ad neutrum genus, sicut & alia adiectiua absolute posita. Neque magis censebitur vna dictio, quam inter primos, & ad prima. Virgilius in Georg. Flos ad prima tenax. licet apprime vox sit composita.

De In primis.

CAP. LXXI.

IN primis potens, si de masculo loquaris, intelligitur inter primos: si de foemina, inter primas: si de neutro, inter prima. Nā idem pollet in primis quod inter primos, vel inter primas, vel inter prima. At si defuerit adiectiuum, utique accipitur in neutro, quale est illud Virgilii,
In primis venerare deos. Nisi sit tale, quale apud eundem,
-in primis regina quietum
Accipit in Teucros animum, mentemque benignam.
In primis, non inter primas, aut inter prima accipiendum est, sed inter primos. Vna enim inter mares foemina nominatur sine foeminis aliis: aut inter primos & inter primas.

E P I T O M E.

Hic non est cum illo comparandus, melius de minore ad maiorem dicitur, ut Virgilius cum Homero. Causa est, quia defectus (ut dicunt) est in minore qui non accedit ad qualitatem aut quantitatem maioris, ut illi censeatur comparandus.

Hic non est cum illo comparandus.

CAP. LXXII.

Hic non est cum illo comparandus, melius de minore ad maiorem dicitur: ut, Virgilius cum Homero, Horatius cum Pindaro non est comparandus: quam ediuerso, sic, Homerus cum Virgilio, Pindarus cum Horatio non est comparandus. Ediuerso tamen nonnunquam reperitur.

E P I T O M E.

Intercedit amicitia, id est conciliat. Intercedit vir, id est medium se ad conciliationem ponit: aut ne fiat se medium opponit.

Intercedo.

CAP. LXXIII.

Intercedit mihi tecum amicitia, Intercedit tibi cum illo affinitas, Intercedit tibi mecum necessitudo. hoc est, amicitia, affinitas, necessitudo inter nos est media quaedam, quae nos conciliat. Tribuni intercesserunt, Scipio intercessit, Cato intercessit. hoc est, in medium se verbis, aut vi opposuit.

E P I T O M E.

Amamus inter nos, Pueri inter se amant, plena est locutio: neque ponendus secundus accusatiuus qualis esset, nos inter nos, se inter se. Bene habet, etiam sine supposito poni solet.

Amare inuicem, mutuo, pariter, & inter se. CAP. LXXIIII.

A Mamus nos inuicem, Amatis vos mutuo, Amant se pariter. Quum verò adhibemus præpositionem inter, tollitur accusatiuus qui regitur à verbo, ne turpe foret si replicaretur: sic, Amamus inter nos, nō autem Amamus nos inter nos. Amatis inter vos, Amant inter se: non autē Amatis vos inter vos, Amant se inter se. Cicero ad fratrem, Pueri valde inter se amant. Et de amicitia, Neque solum inter se diligent & colēt, sed etiam verebuntur. Terentius in Adelphis, Video eos sapere, intelligere, in loco vereri, inter se amare. Idem, & in eadem, Quasi non norimus inter nos. Bene habeo, bene habes, id est bene valeo, bene vales. In tertia autem persona etiam sine supposito, Bene habet, id est, bene se res habet. quod exemplum vbique frequens est.

Bene habet.

E P I T O M E.

Facio te certiozem, non Ago certiozem: & raro certum, nisi metri causa dicimus. Dicimus tamen, Facio rem gratam & gratum, ludos, rem diuinam. Præterea Feci iacturam, damnum, naufragium, frequentius quàm passus sum. Feci fugam, id est fugi. Feci timorem, dum alter timuit. Feci iter, non egi iter. id est iui. Feci viam, id est strui. Feci copiam & potestatem rerum mearum: non dedi. Feci lucrum, potius quàm acquisiui. Vrinam aut lotiū feci. id est minxi. Stercus feci, nō emisi. id est euacuaui aluum. Fregi quoque nauem, pro Fracta est mihi nauis, dicimus. Item, Accepi iniuriam, potius quàm passus sum, & ita in aliis. Persius etiam dixit, Hic inquis veto quisquam faxit oletum. quod pro stercore & excremento humano accipiunt vulgo: sed verius significat locum olentem, eo quod illic olentia sunt, vt sterces & lotium. Sic etiam accipio illud Veranii, Sacerdotula in sacratio fecit oletum. id est locum excrementorum. Nam in etum locum norant: vt vepretum, vrticetum, sed ferè rerum illic nascentium.

De Facio, Ago, Frango, & Accipio.

CAP. LXXV.

Facio.

Facio te certiozem, non certum. Nam Virgilius, Anchisen facio certum, ideo dixit, quòd syllaba brevis inter longas non potest collocari inuersu Heroico. Prosa oratione scribentes, semper certiozem dixerunt. Et semper facio, nunquam ago certiozem. Facio tibi gratum, nunquam Ago tibi gratum. Facio ludos, Facio rem diuinam, Facio sacrificium, Facio solennitatem, nūquam ago. & multa huiusmodi. Item Feci iacturā, Feci damnum, Feci naufragium: vixvquam, Passus sum iacturam, damnam, naufragium. Cicero, Magna in Republica facta iactura est. Idem, Damnum enim illius immaturo interitu res Romanæ Latinaeque literæ fecerunt. Quintilianus, In portu naufragium fecimus. Et in cæteris quibusdam. Feci tamē fugam, quòd ego fugi alterum, non quòd alter me. Feci timorem, non quòd ego timui alterum, sed quòd alter me. Item, Feci iter, non egi iter. Aliquādo etiam, Feci viam, Feci copiam tibi rerum mearum: nunquam egi, aut dedi, aut præstiti copiam. Feci potestatem tibi ven-

dendi meas res domesticas: non autem dedi. Feci lucrum, nō autem acquisiui lucrum. Honore dicto, Vrinam fecit, Stercus fecit: non autem emisit. Simile huic est quod dicimus, Fregit nauim, Frango. Fregit brachium, quasi ipse fregerit, id est ipse egerit, non potius passus sit. Terentius, Is fregit nauim apud Andrum. Cicero, Gre- Lib. 2. de Ora-
galésque eum in campum non venisse requirerēt, excusauit Ves- tore.
pa Terentius, quòd eum brachium fregisse diceret. alius dixisset, quòd ei brachiū fractū esset. Ita etiā Accepi molestiā, accepi cla- Accipio.
dem, accepi contumeliā, accepi vulnus, accepi iniuriā, accepi dedecus, accepi ignominiam: vix autem passus. De quo verbo commodius alio loco dicam: Accepi etiam voluptatē, gaudium, lätitiam.

E P I T O M E.

Conuenit hoc nobis, id est conueniens est & decens, aut vtile. Cōuenit inter nos, id est constat, & controuersia seu dissensione caret. Iuuenalis, Sæuis inter se conuenit vrsis. Conuenit mihi hoc tecum, id est sentio de hoc vt tu. Cōuenit tibi hoc mecum, id est sentis de hoc vt ego. Interdum dicitur tantum, Hoc conuenit. interdum solum Conuenit. Et in plurali cum supposito. vnde Terentius, Hæc fratri mecū nō cōueniunt. Est vbi Conuenio, cū accusatiuo cōstruitur: vt iam in hoc lib. 3. dictū est.

De Conuenit.

CAP. LXXVI.

Conuenit hoc mihi, aut Cōuenit hoc nobis, id est decēs est, & conueniens. Conuenit hoc inter nos, id est cōstat, & cōtrouersia caret. Conuenit mihi hoc tecum, id est, sine controuersia est inter nos quod ego dixi. Conuenit tibi mecum, id est, sine controuersia est inter nos quod tu dixisti. Nōnunquam sine supposito, vt Conuenit inter nos. Nonnunquam sine appposito, sed tamen subintellecto, vt Hoc conuenit. Nonnunquam sine vtroque, vt Conuenit.

E P I T O M E.

Variis modis dicitur quis obuius: vt, Obuius tibi, obuius tibi fio, obuius sum tibi, obuiū me tibi fero, obuiā me tibi fortuna obtulit, obuius me tuli, more Virgiliano: obuiam veni, obuiam processi, obuiam iui, obuiam exiui, obuiam me tuli, obuiam factus sum, sed potius obuius. Primum, id est obuio tibi, pro obuius sum, aut obuiam venio, in rarissimo est doctorum vsu: pro eo quod est contraire & obistere, minus rarum: vixque ausim dicere, Milites obuiauē duci nouo, sed obuīa iuerunt. Dictum autem volunt ferè de minore ad maiorem: vt, Obuius factus regi, exiui obuiam regi, rex habuit me obuium. sed fit vterque alteri obuius: vt, In itinere suo rex habet milites obuios, & milites in suo regem. Exire autem vel procedere obuiam, est humiliantis se, aut exhibentis humanitatem & officium.

De Obuio tibi, Obuius tibi fio, Obuius sum tibi, & similibus.

CAP. LXXVII.

Obuius tibi, Obuius tibi fio, Obuius sum tibi, Obuium me tibi fero, Obuiū me tibi fortuna obtulit. Cicero, Fit ei Clodius obuius. Virgilius,

Cui mater media sese tulit obuia sylua. Domitius Afer apud Quintilianum, Fortè vos in ea solitudine obuio casus miseræ mulieri obtulit. Obuiam quoque per eadem, & alia plura verba variatur: vt Obuiam processit, obuio iui, & alia multa.

E P I T O M E.

Similiter varie dicitur quis sibi finem seu summum bonum proponere, vt in litera patet. Neque tamen verba literæ negligenter legenda sunt. nam præter philosophorum de summo bono placita, quæ illis explicantur, operæpretium est scire, terminare, finire, metiri, talem vsu habere. nam terminare omnia voluptate, est constitutare finem omniū in voluptate. metiri naturæ bonis singula, est existimare singula esse bona, quatenus naturæ vtilia sunt.

De verbis ad finitionem pertinentibus. C A P. I X X V I I I.

Epicurus omnia terminat voluptate. Zeno cuncta finit honestate. Hieronymus vniuersa definit determinatque; indolentia corporis. Carneades singula metitur naturæ bonis. Aristippus nihil non ad commodū suum refert. Pyrrhon nihil reliquit, quod non reuocet ad scientiam. Ille summum bonum in gula constituit, ego bonū ipsum pono in dilectione Dei. Tuus finis ad quē tendis, tibi ipsi ignotus est. Tot igitur verbis vnā eandemque rem declaramus. quæ exempla passim inquirentibus sese offerent.

E P I T O M E.

Coniecturæ verba satis patent in litera. Sed ideo efficacius quiddam est in coniectura consequor & colligo, quàm in cæteris: quod illic significamus nos coniectando affectos: his, id est, cæteris adhuc dubios.

De verbis ad coniecturam pertinentibus. C A P. I X X I X.

Coniecto, coniecturo, coniecturam facio, coniecturam capio, coniectura consequor, coniectura colligo, coniectura ducor, pro eodem accipiuntur, aut parum differunt: quia efficacius quiddā est in coniectura consequor, & coniectura colligo, quàm in cæteris, quorum exempla adducere lōgum esset.

E P I T O M E.

Itē, Non ignoro, aut scio, varie dicitur, vt in litera patet, sed & pluribus modis idē dici potest. vt, Non me latet, nō ignoro, certo scio, compertum habeo, cognosco, & aliis non paucis.

De verbis ad notitiam pertinentibus. C A P. I X X X.

Non me fallit, Non me præterit, Non me fugit, Non me capit, idem significare quod nō ignoro, Quintilianus auctor est.

E P I T O M E.

Præterea varie dicere licet te in aliquo spem habere. Sed Capiō spem de te, concipio spem, ducor in spem, vocor in spem, ingredior in spem, non tantam spei firmitatem significant, quantam colloco & repono in te spem.

De verbis ad spem pertinentibus.

CAP. LXXXI.

CApio spem de te, concipio de illo spem, ducor in spem huius negotii, vocor in spem, ingredior in spem: non tantam spei firmitatem significant, quantam, Colloco in te spem, & repono in te spem. Cicero, In quo maiores natu spem suæ dignitatis collocarant. Quintilianus, In quo spem vnicam senectutis reponebam.

E P I T O M E.

Ad hoc, multifariam te memorem dicas: vt, In mentem venit mihi, occurrit mihi, succurrit mihi, subit mihi. sed hoc vltimum frequenter de commiserante dicitur. Reperitur etiam subeo, cum accusatiuo, quasi subintro & inuado: vt, Sera poenitentia subiit regem.

De verbis ad recordationem pertinentibus.

CAP. LXXXII.

IN mētem venit mihi, occurrit mihi, succurrit mihi, subit mihi, pro eodem accipi solent. Sed hoc vltimum frequenter quoque ad miserationem. Quintilianus, Nobis verò na In Cor, proicitura aduersus exanimes ingenuit nō solum miserationem (quæ cogitationi nostræ subit) sed etiam religionem. Vbi non ita decuisset, succurrit, occurrit, in mētem venit. Virgilius, Subiit chari genitoris imago, Subiit deserta Creusa. Vbi nequaquā decuisset, In mentem venit mihi de charo genitore, & de Creusa deserta. Iungitur etiam hoc verbum cum accusatiuo, vt Curtius, Sera poenitentia subiit regem. Subeo.

E P I T O M E.

Quinetiam videas, videre licet, cernere licet, cernere est, pro eodem accipi solent. At quia de cæteris textus exempla ponit, addam duntaxat de vltimo illud sexti AEncidos, Necnon & Tityon terræ omniparentis alumnū Cernere erat, &c.

De verbis ad visionem pertinentibus. CAP. LXXXIII.

VIdeas, videre licet, licet cernere, apud quosdam etiam cernere est, pro eodem accipiuntur. vt, Itaque videas iustos iniustis rebus maxime dolere, imbecilibus fortes, moderatos immodestis. Licet videre nōnullos tanta stultitia, vt vix differant à natura brutorum. Licet ora ipsa cernere iratorum, vt imitentur. Ciceronis hæc exempla sunt.

E P I T O M E.

Qua pietate, cuius pietatis, quæ pietas, eleganter quasi per parenthesim inferitur. sicut Ea pietate, eius pietatis, ea pietas: pro Tāta pietate, tantæ pietatis, aut tanta pietas, &c.

In Cor. proic.
In Gladiat.

De parentesi, per Quis & Is. CAP. LXXXIII.
SI potuisset redimere oculos matris (qua pietate fuit) vicarios suos dedisset. id est, tanta pietate in matrem fuit. Idem Quintilianus, Hoc si scisses pater, affirmo, promitto (cuius pietatis es) nemo te antecessisset. Et alibi, Quæ pietas tua est. Tribus enim modis vtimur per relatiuum, totidem per pronomem is. Primo modo sic, Ea pietas tua est. Secundo sic, Eius pietatis es: sed hoc rarius. Tertio sic, Ea pietate es. Ea, pro tanta accipitur. Ideoque & ipso Tāta vti licet, eodem modo quo & pronomine. Habet autem aliquid plus talis oratio, quàm si dicas, Pro tua pietate.

E P I T O M E.

Varia est perorandi atque concludendi operis ratio, vt in litera videre licet.

De verbis ad finem operis pertinentibus. CAP. LXXXV.
HAbes quæ sentiam Brute de ratione dicendi. Hæc habui de amicitia quæ dicerem. Hæc sunt quæ putavi dicenda hoc tempore. Sunt verba Ciceronis ad extremum materiæ à se tractatæ, quibus & cæteri authores vti solent. vt Quintilianus, Habes Marcelle Victori quibus præcepta dicendi adiuuari per nos posse videbantur. Et iterum, Nihil habui amplius, quod in vniuersum præciperem. Et iterum, Hæc ferè sunt emendate loquendi, scribendique partes.

E P I T O M E.

Venire in opinionem, significat quàm habere, tum facere opinionem. Existimatio quoque & actiue & passiue accipitur. Sed Venire in suspicionem, obliuionem, & vituperationem, semper passiue, sicut vt plurimum offensio accipitur: nam offensam actiue dicimus. Vectatio quoque, ferè passiue accipitur: sicut & vector potius, pro eo qui vehitur, quàm qui vehit. Cætera autem verbalia in io, à supinis actiuorum deducta communiter significant. Vector ergo communiter significat, sicut & ea quæ his versiculis continentur,

Hospes, zelotypus, conuiuiaque, vector, alumnus:

Actum siue pati, sub eodem nomine signant. Negat id de alumno author noster, de quo suo dicitur loco.

Opinio.

De nominibus quibusdam in io. CAP. LXXXVI.

Veni in opinionem, actiue accipitur, quòd talem opinionem habeo: aliquando etiam passiue, quum opinio significat famam, opinio inquæ, quæ de me habetur ab aliis, nō quam ipse habeo de aliquo. Sicut existimatio est opinio atque sententia quàm accipitur actiue, vt Existimatio mea, id est ita existimo. Aliquando passiue, vt Homo magnæ existimationis, id est famæ & nominis, quòd eum homines magni existimant. ita Homo magnæ opinionis. vt Quintilianus, Quod accidisse etiam Portio Latroni, qui primus clari nominis professor fuit, traditur: vt quum ei summam in scholis opinionem obtinenti causa in foro esset

oranda, impense petierit, ut subsellia in Basilicam transferrentur. Cicero, Sermonibus familiarium peruenimus etiam nos in opinionem. Venio in suspicionem semper passivae. ut Idem, Quod suspicio. si falso P. Sestio venisses in suspicionem. id est in suspicionem tui, non tuam. Veni in oblivionem, semper etiam passivae. ut Idem, Ut Oblivio. si fuerint excellentes viri, certe iam venerint in oblivionem. id est, quod ceteri de illis obliti sint, non quod illi de aliis, aut de se. Similiter, Venio in vituperationem. Idem in quarto Verrinarum, Vituperatio. Ut propter eum in sermonem hominum atque in tantam vituperationem veniret. Offensio etiam prope semper passivae accipitur. Ideoque idem non Clodii offensiones dixit, sed offensas, suas Offensio. Offensa. verò offensiones. Et alibi, In ægro corpore odiosa est omnis offensio. id est molesta omnis passio. Vectatio quoque huic simile Vectatio. Vectatio. est: cuius rei causa est, quod vector quum deberet significare id Vector. quod vehit, ut navis, equus, vehiculum: significat potius id quod vehitur, qui est homo. Cicero, Etiam summi gubernatores in magnis tempestatibus à vectoribus admoneri solent. Quintilianus, Philip. 7. Sic in navim filii mei male permutatus vector imponor. In Cor. proic. Non tamen vectorem accipias pro nauta. Hinc est quod invenimus nonnunquam dictum nautas & vectores. Sunt enim vectores, qui pretio in aliena naui vehuntur. Idem Quintilianus, Cur infrænatissimis equis vector infidet? Nonnunquam pro eo qui vehit: ut Seneca in Hercule insano,

Tyriæ per vndas vector Europæ nitet.
Pro sua vector timidus rapina.

Idem in Hippolyto,

Quum de eodem tauro, eademque Europa loqueretur. Nam cætera ferè quæ à supinis veniunt, tam activae quam passivae accipi solent. ut Accusatio Marci Tullii, activae: Accusatio Verris, passivae: Donatio mariti, activae: Donatio verò bonorum, passivae, &c.

EPI TOME.

Male cogitare, est perniciem aut aliud malum alii machinari, quasi mala cogitare. sicut male audire, infamari, quasi mala de se audire. Sed male dicere, sine casu: & male censere, pronuntiare, opinari, sentire, existimare, iudicare, & similia, significant male, id est indebite & cum errore ea facere. At male dico tibi, male opto, male precor, aut male imprecor, significant mala & perniciose tibi dico, opto, &c. Similiter Male de te sentio, male tu de me existimas aut iudicas, quasi pro malo dicuntur: ut sit error non agentis, sed eius in quem agit.

De Bene & Male cum verbis.

CAPITULUM XXXVII.

Male iudico, male censeo, male pronuntio, male opinor, male sentio, male existimo, hoc male ad meipsum refertur, errorumque meum declarat. Male cogito, ad alterum refertur, significatque perniciem, non errorem. ut Cicero, Carthaginem diu.

q. i.

male cogitantem, non prius timere desinam, quàm excisam cognouero. male cogitantem, videlicet mala in alterũ perniciẽmque cogitantem, non autem seipsam fallentem. Item Male dico tibi, male opto, male precor tibi, male imprecor. His nõnihil similia sunt, Male de te sentio, male tu de me existimas, male de illo iudicamus. Non error hic sentientis, existimãtis, iudicantisque innuitur, sed vitium de quo iudicamus, existimamus, sentimus. Male quoque audio, id est infamor, crimina mea audiens: cuius contrarium est, Male dico. Sallustius in Ciceronẽ, Respondebo tibi, vt siquam male dicendo voluptatem capisti, eam male audiendo amittas. Bene quoque maxima ex parte huic simile est, vt, De te bene sentio, bene tibi precor, bene de te mereor.

E P I T O M E.

Habeo te loco patris, id est, ea charitate qua patrem. sed loco voluptatis, id est voluptuosum. & ita in consimilibus. Particula autem In locum, expetit verbum quale est succedo, substituo, aut simile. Et In patrem, etiam verbũ motus, vt reuertor, redco: non esse. vnde non dicam, Ero tibi in patrem, sed pater. licet Curtius in præsidem dixerit.

De Loco patris, & In locũ patris, & similibus. CAP. LXX XVIII.

Loco patris, loco fratris, loco filii te habeo, nõ ita accipitur, quòd vbi illi antea erant, ibi tu nunc apud me sis: sed quòd in ea charitate qua illi aut fuerũt, aut sunt, aut essent, aut esse debent: vt Chrysis Pamphilo apud Terentium loquitur, Si te in germani fratris dilexi loco. Cicero in Verrem, In parẽtum loco Quæstoribus suis Prætores esse oportere. Illa autem sententia in locum potius, quàm in loco, requirit tale aliquod verbũ, quale est apud Quintilianum, Nam quomodo pugnam ineuntibus tot simul metus laborum, dolorum, postremò mortis ipsius exciderint, nisi in eorum locum pietas & fortitudo, & honesti præfens imago successerint? Et alibi, Nõ perdidit filium quisquis occidit. Explicat à dolore patrem, quòd sibi videtur fecisse rem maximam, & in locũ iuuenis amissi substituit devanitate solatium. Ergo ita dicitur, vbi aliud erat, aliud successit: quæ diuersa à superiori sententia est. Loco voluptatis mihi est, loco turpitudinis, loco honoris: id est voluptuosum, turpe, honorificũ. Illud autem hac in parte competit, vt dicamus, non recordari me an vsquam repperim genus illud sermonis quo Ecclesiastici passim vtũtur, Ego habeo te in patrem, tu es mihi in filiũ, accipio te in fratrem. Dicunt enim veteres, Habeo te loco patris, tu es mihi loco filii, accipio te loco fratris: vel Habeo te pro patre, tu es mihi pro filio, accipio te pro fratre, & nonnullis aliis modis. Atque hĩc videtur aliquid non vtique tale esse, sed perinde esse ac si tale foret.

In loco.

In locum.

In geminis
languentibus.

Habeo te in
patrem, nõ La
tine dicitur.

Ideóq; expositiones nostræ locum habent, vbi tale aliquid non est, vt dixi, sed pro tali habetur. vt in illo, Ex illa hora accepit eã discipulus in suam. quod liceret dicere, Accepit eam loco matris, vel pro matre, siue pro sua. non autem ita in illo, quod pro vero accipi debet, Ego ero illi in patrẽ, & ipse erit mihi in filium. Licuisset ergo dicere, id est dixissent veteres, Ego ero illi pater, ipse erit mihi filius: sed more Græcorum, vnde hæc sumpta sunt, nostris ecclesiasticis ita loqui placuit. Idem veteres qui illo modo locuti non sunt, sic tamen loquebantur, Reuertor in patrem tibi, Redii in amicum: sed hic verbum est significans motũ. **Quintilianus**, Et post exitum vnici reuertor in patrem. **Quintus Curtius** tamen libro quinto, Igitur rex, arci Babylonix Agaticem in præsidem esse iussit.

Reuertor in
patrem.
In infami in
matrem 2.

E P I T O M E.

Necnon & mandatum, aut præceptum seu institutum esse, variis modis consequi possumus, vt litera indicat.

De verbis ad authoritatem pertinentibus.

CAP. LXXXIX.

MOre maiorum comparatum est, legibus ita cõparatum est, legibus ita constitutum est, ita natura comparatum est, ita natura cõstitutũ est, ita natura præscriptum. Hoc nobis ipsa natura præscribit, nobis natura datũ est, vt periclitantes alleuemus. Hoc ratio ipsa præscribit, ita videtur ratio dictare.

E P I T O M E.

Nihil ad te, eleganter dicitur pro eo quod est, nihil in comparatione tui: non tamen penitus nihil, sed valde parum.

De Nihil ad te, & Quid ad te.

CAP. XC.

Addidit etiam illud, Equites nõ optimos misisse tibi: veteres credo Cæsar: nihil ad tuum equitatum. Id est, nihil ad comparationem tui equitatus. Idem Cicero, Persium non curo legere. hic enim fuit, vt noramus, omniũ ferè nostrorum hominum doctissimus. Lælius Decimum volo, quẽ cognouimus virum bonum, & non illiteratum, sed nihil ad Persium. id est, nihil ad Persii comparationem. Quale est quum subintelligitur Pertinet. vt, Hoc quid ad te? hoc nihil ad te, supple pertinet. vel potius parum est: vt sit in cõparatione Persii parum doctus, & in cõparatione tui equitatus sint parum boni equites. **Teren- In Eunuch.** tius, Estne, vt fertur, forma? sane. at nihil ad nostram hanc. non planè nihil, sed parum potius accipiendum est.

E P I T O M E.

Ad quæcunque pertinentia varie per inter, in, & super, adiuncto gerundio, aut nomine verbali, exprimi possunt. vt, Inter cœnandum, in cœnando, quum cœnarem, inter cœnam, in cœna, super cœnam, & ita de consimilibus.

De communione gerundii & nominis. CAP. XC I.

Inter agendum, inter actionē, in agendo : Inter cœnandū, inter cœnam, in cœna, super cœnam : Inter cōsulendū, siue consultandū, inter cōsilia, siue cōsultationes, in cōsulēdo, siue cōsultādo.

E P I T O M E.

Denique ad appellationē ac iudiciū spectantia, multifariā enuntiare possumus, vt per appello & existimo, per dico & sc̄tio, per puto & loquor, per haberi & appellari. Cōsimiliter ad productionē pertinētia. vt, Diligētia honores & gignit & cōtinet. Literæ & parātur & cōsummātur studio. itē, Studium & parit & cōseruat literas.

Et appellant te homines sapientem.

CAP. XC II.

ET appellant te homines sapientem, & existimāt. Te malum esse, & dicunt & sentiunt. Illum & putāt probum & loquuntur. Hi & habentur mali & appellantur. Diligentia honores & gignit & continet. Studio literæ & parantur & cōseruantur.

E P I T O M E.

Dicetur memoria teneo, non memoriter, nisi Plinius sic dixit. Contrā, Memoriter pronuntio, & narro: non memoria. At complector & repeto memoria, & memoriter: pro quorum posteriore non dicemus corde tenus, aut mēte tenus: quæ significant ad cor vsque, & vsque ad mentem. Magna est ergo autoritas Pliniana, qua sola trahatur in sententiam dicendi teneo memoriter: cuius tamen sensus erit, teneo sic, vt memoriter efferre aut pronuntiare possim.

De Memoria & Memoriter, cū aliis verbis.

CAP. XC III.

De Amicitia.

Memoria teneo, non memoriter: Pronuntio memoriter, non memoria. Cicero, Memoria teneo bello Marfico cum Quinto Octauio. Idē, Quintus Mutius Augur Scæuola multa narrare de C. Lælio socero suo memoriter & iucunde solebat. Complector tamen memoria & memoriter. Repeto memoria & memoriter. Quintilianus, Si longior complectenda memoria fuerit oratio, proderit per partes ediscere. Cicero, Complectebatur memoriter, diuidebat acutē. Quintilianus, Memoria repeto conuictos à me, qui reprehendere erāt ausi, quòd hoc verbo Pepigivsus essem. Terētius, An cognoscit signa? ac memoriter. Aliud tamen est ille ablativus, quàm illud aduerbium. Memoria enim quid significat, apparet. Memoriter verò est, quod literatores nostri imperiti dicunt, corde tenus, mente tenus. Apud Plinium tamen ad Romanum lego, Tu facillime iudicabis, qui tam memoriter tenes omnes, vt cōferre cum hac dum hanc solam legis, possis. Si recte sic scriptum est, recte sic dici iudicabo.

Lib. 6.
Plinii iunioris
authoritas.

E P I T O M E.

Facio & afficio nunc circa eadem, nunc circa diuersa versantur : vt litera per exempla docet. Est autem verbum afficio lati ambitus ad omnem affectionem seu (vt dicunt) passionem accomodabile: vt, Afficio gaudio, voluptate, tristitia, spe, metu, dolore, &c. Sic conficio, quod est quasi consumo : vt, Confecit me sitis & inedia. sed frequentius in passiuo: Confectus sum ægritudine, siti, &c. Item prosequor, eandem vim habet quā afficio: vt, Prosequor te laude, id est laudo: vituperio, id est vitupero: & ita in similibus. Quidā habēt hīc plura capita, sed ea in quinto reperiuntur.

De Facio tibi iniuriam, & Afficio te iniuria.

CAP. XCIII.

Facio tibi iniuriam, & facio tibi contumeliam. Afficio te iniuria, & afficio te contumelia. Facio tibi molestiam, non ita libenter dixerim, vt Afficio te molestia.

EPITOME.

Imponere, cum datiuo & accusatiuo, notum est quid significet. Impono, cum solo datiuo aut sine casu, significat decipere. inde impostor, deceptor. Dicitur autem per syncopen, pro impostor: sicut à Virgilio dicitur Aeneidos primo, -manet alta mente repostum Iudicium Paridis. Et deceptio, impostura. tracta metaphora à rebus per fraudē impositis, vt scyphus erat Iosephi in saccū fratris.

De verbo Impono.

CAP. XCV.

Impono tibi hoc oneris, notum est quid significet. Impono tibi, idem quod decipio te. Quintilianus, Quid quòd hoc ipsum tam placidè, tam quietè facit, quasi capter imponere? Et alibi, Fefellit te ingenitus honestis animis gloriæ amor, spes tibi perpetuæ laudis imposuit. Vnde impostores dicuntur, qui alios Impostores. verbis magna pollicentibus, incantationibusque seducunt ac decipiunt. Paulus, Item aleatores & vinarios non contineri edicto, quosdam respōdisse Pomponius ait, quemadmodum nec gulosos, nec impostores, aut mendaces, aut litigiosos. Vlpianus, Non tamen si incantauit, si imprecatus est, si (vt vulgari verbo impostoris vtar) exorcizauit, non sunt ista medicinæ genera, tametsi sint qui hos sibi profuisse cum prædicatione affirmant.

EPITOME.

Ad me spectat, id est pertinet. Ad mortem, perniciem, exitium seu interitū spectat, id est tendit & vergit: vt qui ad fugam spectat, fugæ opportunitatem quærit.

De verbo Spectat.

CAP. XCVI.

Ad me spectat, id est, ad me pertinet. Ad mortem spectat, id est, ad mortem quasi respiciēdo tendit. Cicero Officiorum libro 3, Ad extremum si ad perniciē patriæ res spectabit, patriæ salutem anteponet saluti patris. Quintilianus in paupere amatore, Et quod ad pessimū spectat euentū, miserabilis sis oportet, vt amator esse videaris.

EPITOME IN PROEPIVM QVARTI LIBRI
ELEGANTIARVM.

Tametsi diuus Hieronymus se fatetur cæsum, quòd Ciceronianus & non Christianus esset: non continuò damnandi sunt eloquentiæ studiosi aut elegantiae præceptores, etiam theologi, quum eorum principes fuerint eloquentissimi, & sine elegantia nullus ad theologiam nisi impudentissimus accedat. Neque verò quòd eloquentiæ studuerat, aut gentiles legerat, cæsus est Hieronymus (nam id postea neque vetuit cuiquam, neque facere ipse omisit) sed quòd vir ad Christianam rem destinatus, non Christianus, sed Ciceronianus esset: id est non diuinis, sed duntaxat humanis literis insudans. Quocirca hortatur vt ornatū dicendi à gētibus, tanquam iniu-

sis possessoribus, ad nostram cui debetur, religionem transferamus. Scio ego. emphaticos additur ego. Qui sibi videntur: non dicit, qui sunt: intelligitur autem ceteris. nam aliter, sanctiores loci inter plura duobus haberet etiam partitione sumptum. Ut, id est tanquam. quorum, scilicet librorum. quod, id est quia studiosior, subaudi aliquantò quam par erat. Et id diris execrationibus, quas Euangelium anathematizationes vocat. sunt autem quibus quis sibi male precatur, nisi faciat, aut verum sit quod dicit. Istorum, quasi vilissimorum. Et quidem in præterito. alii legunt imperterriti. At si vera est lectio, in præterito, id est de re præterita: utpote de iactura & naufragio, id est damno & petitione literarum. aut in præterito, id est in eo quod alii præterierunt, & non accusauerunt, putantes eos pie locutos. aut in præterito: quum fera sit accusatio post tantam iacturam. Mallem tamen legere, imperterriti. Naufragium fecerunt, quod plus est quam iacturam facere: nam iacturam faciunt nautæ, ne fiat naufragium. Seruat autem quod præcepit dicens, Fecerunt potius, quam passæ sunt. Sed quis, id est qualis accusatus. Ne in te impetum faciant. sumpta locutio ex sermonibus Horatii. Si tantum eloquentes. validior videtur obiectio quam responsio. Si enim sic diceretur, Eloquentis studium quo impediti à sanctarum rerum scrutinio arcentur, non eloquentium lectionem damnamus, dummodo in eis non eloquentiam, sed bonas margaritas, id est sententias inquiramus: non satis purgaret qui diceret, Ergo nullos gentiles legendos. imo dicerem omnes qui aliquid bonæ sententiæ habent: sed non propter eloquentiam obtinendam. Verum dicemus etiam eloquentiam amandam: quod ea quæ cōcipimus, melius exprimimus: & expressa ab aliis, melius intelligimus. neque tamen hic tam eloquentiam quam elegantiam præcipi, sine qua nemo verus sit theologus, quum ignoret virtutem vocabulorum. Dilutum, id est intermixtum. vinum autem dilutum, imperiti lymphatum vocant. Ille Græcus, videlicet Plato. Noster Latinus, scilicet Cicero. Causæ forenses sunt quæ pertinent ad forum iudiciale. Omnes hæreses. Id Augustinus in libro de ciuitate Dei, sentire ex parte videtur. ubi Porphyrium taxat Christianæ pietatis acerrimum hostem. Quid supple de hoc dices, quod ne dissimulabat quidem, id est manifestè fatebatur se eloquentiæ studiosum. I nunc: figurata iussio aut permissio, qua poetæ & oratores frequenter vtuntur pro occulta prohibitione. Est autem i, secunda persona præsentis imperatiui ab eo quod dico: quia quidam credens i esse, fecit Lucium. Sæpe in testimonium assumit: etiam in prologis Bibliorū. Quid ipse, scilicet virtutē anxie sanctus, & doctus, & verax. Nam in aliis inspicendum potius ex consilio Saluatoris, quid doceant, quam quid agant. dicunt enim & non faciūt. Eloquentiam mutuaretur, id est mutuo acciperet. nam mutuatur qui mutuo accipit. mutuatur qui mutuo dat, ut alibi docet author ipse. Studeo eloquentiæ, potius quam eloquentiam, dicemus. Apes, quam formica. apes regē habent, formicæ rempublicam. vnde lepidè dicit, Se sub apum rege malle militare, quam formicarum exercitum ducere. nam licet formicæ prudēter quidem reimplicam administrant, terrena tamen duntaxat congerunt: at apes aerii mellis celestia dona. Cætera, vti & ista, nota putem etiam mediocriter literatis. imperitiōribus tamen multa familiariter explananda relinquimus, quale est, probatum iri, esse futuri infinitiui modi: pro quo dicere licet probanda esse. Nam senes desperandi, id est, nulla spes habenda est de senum eruditione. quod graphicè in præfatione Themistii sic dicit Hermolaus barbarus, Psittacus est senex, ferulam nescit. Quanquam nonnihil differunt, sic legendum est: non, differant. ne contra præceptum suum faciat author. De verborum significatione, id est vocabulorum. non enim in sequenti libro verborum, sed nominum significationes tractat. Sed verbum pro dictione, sæpe ponit Horatius. Verbum non amplius addam.

cio ego nonnullos, eorū praefertim qui sibi san-
 ctiores & religiosiores videntur, ausuros meum
 institutum hoc, laboremq; reprehendere, vt in-
 dignum Christiano nomine, vbi adhortor cæte-
 ros ad librorū secularium lectionem, quorum
 quòd studiosior esset Hieronymus, cæsū se flagellis ad tribunal
 Dei fuisse cōfiteretur, accusatūq; quòd Ciceronianus foret, non
 Christianus: quasi non posset fidelis esse & idē Tullianus. Eoque
 spopondisse, & id diris execrationibus, libros seculares postea se
 nō esse lecturum. Hoc crimē nō magis ad praesens opus pertinet,
 quàm ad me ipsum ac ceteros literatos, quorum studium ac do-
 ctrina literarum secularium reprehēditur. Respondeamus igitur
 istorum accusationi, eosq; vicissim & quidem in praeteritū quo-
 que accusemus, quorum culpa nō ex minima parte Latinæ lite-
 ræ iacturam naufragiūq; fecerunt. Quid ais tu non esse legen-
 dos (authore Hieronymo) seculares libros? Qui sunt isti quæso
 libri? omnēsne oratores, omnes historici, omnes poetae, omnes
 philosophi, omnes iurisperiti, ceteriq; scriptores? an vnus Ci-
 cero? Si illos dicis, vt debes dicere, cur non cæterarum quoque li-
 terarum studiosi abs te reprehenduntur, cū quibus me aut dam-
 nare debes, aut absolvere? Sin ita nō sentis, & solum Ciceronem
 reum facis, vide ne stultum Hieronymum videri velis, qui nemi-
 nem secularium promisit se lecturum, quum de Cicerone tan-
 tum promittere deberet. At non quid ille promiserit, inquis,
 est intuendum, sed quid accusatus sit. Fuit autem accusatus,
 quòd esset Ciceronianus. Itāne? missum ergo faciamus Cice-
 ronem, relinquamus, abiiciamus. Quid de aliis authoribus sen-
 ties? Quid de tot disciplinis? certē omnes seculares sunt, atque
 adeò gentiles, id est non à Christianis, nec de Christiana religio-
 ne conscriptæ. Si legendas ais, tibi ipsi repugnabis, qui mihi ha-
 rum obiiis lectionem. Si negas, etiam atque etiam confydera,
 ne secularium disciplinarum familiæ in te impetum faciant, té-
 que omnes (nemine auxilium ferente) discerpant. Minime,
 inquis, ita est. Sed quum Hieronymus quòd Ciceronianus est,
 reprehenditur, id reprehenditur, quòd studiosus eloquentiæ es-
 set. Ideoque damnati & repulsi intelliguntur, qui comparandæ
 eloquentiæ gratia lectionantur. Iam video times inuidiam, sed se-
 ro times, & in eodem hæsitās luto, si tātum eloquentes excludis.

Plato.
Cicero.

cur modo in vniuersum mihi vetabas (vt sæpe facere soles) legendos secularium libros? at postea accusationem temperasti, & de eloquentibus duntaxat intelligis. Ita sit. Erraueris sanè, do veniam imperitiæ, parco cupiditati ferendi, licet lacessitus. Cur tamen ab Hieronymo dissides, qui seculares, non autem eloquentes se nolle tangere promisit: Cur tu neque cum iudice illo vnū Ciceronem intelligis, neque cum Hieronymo vniuersos seculares? Quid sibi vult ista anceps vacillansque sententia? quanquam (dii boni) nihilne in illis libris, nisi eloquentia est? non memoria temporum gentiumque; historiæ, sine quibus nemo non puer est? non multa ad mores pertinentia? non omnium disciplinarum tractatio? Nunquid hæc omnia negligam, ne fortè dum talia discere volo, eloquentiam discam, & venenum bibam hoc vino dilutum: malimque aquam & quidem cœnosam potare, quàm cū hoc timore falerna dulcissima? Porro quīnam sunt isti libri in quibus venena eloquentiæ occultantur? Certe nullos ego scio nō eloquentes, nisi tuos tuorumque similium, quibus nec robur vllum adest, nec splendor: contrāque cæterorum opera pro sua vnumquodque portione miram quandam præ se ferunt bene dicendi elegantiam. Ita aut eloquentes, aut nulli libri legendi erūt. An ex his duobus, de quibus Hieronymus meminit, aut ille Græcus infacundus fuit, aut noster Latinus vlli, duntaxat Latinorū, in philosophia secundus? quorum vterque nescias præstantior sit philosophus an orator. Quòd si omnes libri veterum ita sunt eloquentes, vt vel plurimum sapientiæ: ita tradentes sapientiam, vt vel plurimum eloquentiæ habeāt: quīnam isti erunt, quos ob eloquentiam damnandos putemus? Atque quum eos duos lectitasse se Hieronymus fateatur, vide ne non tam de oratoriis Ciceronis operibus, quàm de philosophicis dictum existimare debeas. Ego certè de philosophicis dictum accipio, vbi soli philosophi nominantur: quòdque Platonius esset, non ideo non obiectum, quasi sanctè faceret Platonem legens, sed tātum Ciceronianus, quòd homo Latinus magis Ciceronis stylum cupiebat exprimere, stylum inquam, quali ille utebatur in quæstionibus philosophiæ, non quali in forensibus causis, concionibusve, aut in Senatu. Non enim orator causarum ciuiliū Hieronymus, sed scriptor sanctarum disputationum studebat euadere. Cur nō ergo credamus, non minus Platonem nocuisse ei quàm Ciceronem? cur nō magis philosophos quàm oratores? At ornatus ipse dicendi reprehensus est, non scientia. Si ita est, omnes ad vnum reprehenduntur. quis enim caret ornatu, in quo tu intolerabili

calumniâ vteris? quum nō sit facta mentio de ornatu in illa accusatione, sed quod tantum Ciceronianus esset. Nunquid tantū in Cicerone ornatus? nōne & philosophia? nō cæteræ artes? nō (vt dixi) in Platone facundia? non in cæteris? cur non omnes pariter exterminamus? cur non potius Ciceronis philosophia nocuisse putanda Hieronymo est, quàm ars dicendi? Nolo hoc in loco comparisonem facere inter philosophiam & eloquentiâ, vtra magis obesse possit, de quo multi dixerunt, ostendentes philosophiâ cum religione Christiana vix cohærere, omnesque hæreses ex philosophiæ fontibus profluxisse: Rhetoricam verò nihil habere nisi laudabile, vt inuenias, vt disponas, quasi ossa & nervos orationi des, vt ornes, hoc est, vt carnem colorémque inducas: postremo vt memoriæ mandes, decentérque pronunties, hoc est, vt illi spiritum actionémque tribuas. Hæc ego cuiquam nocere posse credâ? nisi ei qui cætera negligat, & præsertim verâ sapientiam atque virtutes, quod Hieronymus non faciebat. Hæc ego artem obfuturam putem? profecto non magis quàm pingendi, fingendi, cælandi, & (vt de liberalibus dicam) quàm mufices artem. Et si ex his qui bene canunt, bene pingunt, bene fingunt, cæterisq; artibus multum vsus atque ornamenti diuinis accedit rebus, vt propè ad hanc rem natæ esse videântur: profecto multo plus accedet ex eloquentibus. Quare non fuit illa accusatio quod Ciceronianus esset Hieronymus: sed quod nō Christianus, qualem se falso esse prædicauerat, quū literas sacras despiceret. nō studium huius artis, sed nimium studium, siue huius artis, siue alterius, ita vt locus melioribus nō relinquatur, reprehensum. Non cæteri, sed solus Hieronymus accusatus est. alioqui cæteri simili castigatione correpti fuissent. Neque enim vna omnibus medicina conuenit, & alios aliud decet. Neque semper & vbique idem aut permittitur, aut vetatur: neque ille hoc aliis vetare ausus est, ne facerent: contrâque plurimos laudauit, tum superiorum, tum suorum temporum eloquentes. Verum quid multis agimus? Quid Hieronymo ipso eloquentius? quid magis oratorium? quid (licet ille sæpe dissimulare velit) bene dicendi sollicitius, studiosius, obseruantius? Quid, quod ne dissimulabat quidem (nam obiiciente sibi hoc somnium Ruffino, hominem deridet) planèque fatetur se lectitare opera gentilium, & lectitare debere? Idque quū in aliis multis locis (quanquam etiam sine cōfessione palàm est) tum verò epistola illa ad Magnum oratorem. I nunc & verere, ne aliena accusatio tibi obsit, quū illi non obfuerit sua: & non audeas facere, quod ille rescissa pactione fa-

cere non timuit, tamen si non defunt, qui credant eum puerili ætate illa percepisse, semperque postea memoria tenuisse. O ridiculos homines & omnis doctrinæ imperitos, qui opinentur eum tantam rerum copiam ac scientiam, qua nulli Christianorum cedit, aut tam cito potuisse discere, aut tandiu non potuisse discere, quum & rarissimi reperiantur, qui centesimam partem scientiæ illius assequi possint, & non minore labore (ut antiquitus dictum est) hæc facultas retineatur quam paretur: & tamen quantum interest inter furari & furtum non reddere? Quid prodest aliis furtum prohibere ne furentur, si tu furto tuo palam potiris? Si non debemus discere eloquentiam, nec uti certe, si didicimus. Quid, quod libros gentilium sæpe in testimonium assumit? quos si non licet legere, minus profecto legendos exhibere. Et si nos dehortaretur à lectione gentilium (quod non facit) magis intuendum putarem, quid ipse ageret, quam quid agendum aliis diceret. veruntamen semper ipse idem dixit & fecit. Nam postquam teneram illam ætatem saluberrimo sacrarum scripturarum alimento pavit, ac in ea quam despectam habuerat, scientia sibi vires fecit, tanquam extra periculum positus, ad lectionem gentilium rediit, siue ut illinc eloquentiam mutaretur, siue ut illorum bene dicta probans, male dicta reprehenderet: quod cæteri omnes Latini Græci que fecerunt, Hilarius, Ambrosius, Augustinus, Lactantius, Basiliius, Gregorius, Chrysostomus, aliique plurimi, qui in omni ætate pretiosas illas diuini eloquii gemas, auro, argento que eloquentiæ vestierunt, neque alteram propter alteram scientiam reliquerunt. Ac mea quidem sententia si quis ad scribendum in theologia accedat, parui refert an aliquam aliam facultatem afferat, an non. nihil enim ferè cætera conferunt. At qui ignarus eloquentiæ est, hunc indignum prorsus qui de theologia loquatur existimo. Et certe soli eloquentes, quales ii quos enumeraui, columnæ ecclesiæ sunt, etiam ut ab apostolis usque repetas, inter quos mihi Paulus nulla alia re eminere, quam eloquentia videtur. Vides igitur ut in contrarium res ipsa recidit. Non modo non reprehendendum est studere eloquentiæ, verum etiam reprehendendum non studere. Et ego sic ago, tanquam eloquentiæ contra calumniantes patrocinium præstem, quod est maius proposito meo. Nō enim de hac, sed de elegantiæ linguæ Latinæ scribimus, ex qua tamē gradus fit ad ipsam eloquentiam. Verum si quis eloquens non sit, ita demum non erit castigandus, si talis non potuit euadere, nō si hunc laborem effugit. Qui verò eleganter loqui nescit, & cogitationes suas literis

mandat, in theologia præsertim impudentissimus est: & si id cōsulto facere se ait, insanissimus. quanquā nemo est qui nolit eleganter & facunde dicere: quod quum ipsis non cōtingit, videri volunt (vt sunt peruersi) nolle, aut certe non debere sic dicere. Ideoque aiunt gentiles hoc modo locutos esse, non decere eodē loqui Christianos, quasi illi quos nominaui, more istorū locuti sint, & non more Ciceronis cæterorumque gentilium, qui qualiter loquātur, nec cognitum isti, nec expertum habent. nō lingua gentilium, non grammatica, non rhetorica, non dialectica, cæteræque artes damnandæ sunt (siquidē apostoli lingua Græca scripserūt) sed dogmata, sed religiones, sed falsæ opiniones de actione virtutū, per quas in cælum scandimus. Cæteræ autē sciētiæ, atque artes in medio sunt positæ, quibus & bene vti possis & male. Quapropter conemur obsecro eō peruenire, aut saltē proximè, quò luminaria illa nostræ religionis peruenerunt. Vides quàm mirabili ornamento vestes Aaron distinguantur, quàm arca fœderis, quàm templum Salomonis: per hoc mihi significari eloquentia videtur, quæ (vt ait nobilis tragicus) regina rerū est, & perfecta sapiētia. Itaque alii ornant domos priuatas, hi sunt qui student iuri ciuili, canonico, medicinæ, philosophiæ, nihil ad rem diuinam cōferentes. Nos ornemus domum Dei, vt in eam ingredientibus non ex situ ad contemptū, sed ex maiestate loci ad religionem concitentur. Non possum me continere, quo minus quod sentio dicam. Veteres illi theologi vidētur mihi velut apes quædam in longinqua etiā pascua volitantes, dulcissima mella, cerasque miro artificio condidisse: Recētes verò formicis similibi, quæ ex proximo sublata furto grana, in latibulis suis abscondunt. At ego (quod ad me attinet) non modo malim apes quàm formica esse, sed etiam sub rege apum militare, quàm formicarum exercitum ducere. Quæ probatum iri bonæ mentis iuuenibus (nam senes desperandi sunt) confidimus. Nunc ad inceptū redeo. Quanquam ea quæ sequuntur, à superioribus nonnihil differant. Tractabimus enim de verborum significatione, neque de omnibus vocabulis, sed quasi gustum quendam, & eorū maxime quæ ab aliis tractata non sunt: nā de omnibus dicere propè infinitum est.

Euripides in
Hecuba.

E P I T O M E.

Libertinus, adiectiuum est, significans hominem libertinæ conditionis, vt qui aliquando fuerit seruus, aut ex serua natus: habetque pro relatiuo ingenuum, cuius contrariū significat. Et quia eius correlatiuū generale est, & generalia facile intelliguntur, recte sine eo ponitur. Libertus verò substantiuū, ad patronū certū refertur, significatque eū qui adhuc patronū habet, nec sine eo, vel adiectiuo pro eo posito, aut

intellecto, recte ponitur. Dicemus ergo Horatium liberum aut libertinum fuisse, patrem verò eius etiam libertinum: aut si sciremus cuius, etiam libertum. sicut dicimus hunc libertum Cæsaris, illum Tullii: non tamen dicemus libertinum Cæsaris, quia adiectiuum est, ut litera clare significat: ostendens etiam quare dicantur conserui & colliberti, non coingenui nec collibertini.

DE LIBERTINVS ET LIBERTVS.

CAP. I.

I
Libertinus & libertus sola elegantiae gratia habet differentiam, quam nec grammatici, nec iurisperiti (quod maxime pudendum est) sciunt: quam ne eorum quidem aliquem, qui his temporibus merita bene scribendi laude celebrantur, inueni scientem: quod no-

lim videri contumeliose dictum, sed necessario potius atque honeste. Vereor enim ne per facilitatem, qua semper candide quaecunque studio inuestigassem, cum amicis communicavi, amici ipsi (si modo tales amici dicendi sunt) laudem mihi praeipiant. Quod crimen longe à me semper absuit. Et ex omnibus quae in hoc opere praecipimus, profiteor nihil omnino ex aliquo huius aetatis vel audiuisse, vel legisse. Itaque sic mihi meam ab aliis gloriam praeripi moleste fero, ut illorum à me praeripi nefas puto. Nemo autem literatorum erit, quorum paucissimi mihi familiares non sunt, qui se hoc antea ignorasse, & à me vel verbo, vel scriptis didicisse neget. Igitur libertinus relatiuum est ingenui, libertus relatiuum est patroni, licet vnus idemque sit & libertinus & libertus. Per libertinum significamus conditionem hominis, sicut per ingenuum. Per libertum significamus priuatum quendam respectum, sicut per patronum. Ideoque libertinus adiectiuum est sicut ingenuus: eoque non fit à libertina libertinabus, ut à liberta libertabus. Libertus substantiuum sicut patronus. Illudque solemus diffinire, hoc non solemus, ut in iure ciuili, Libertini sunt, qui iusta seruitute manumissi sunt. Quemadmodum e contrario ingenui sunt, qui libera matre nati, nec postea serui facti sunt. Significatur enim (ut dixi) conditio hominis per ingenuum & libertinum. ut Libertinus homo, libertina mulier, libertinae conditionis: non autem libertus homo, liberta mulier, libertae conditionis. Haec enim priuatum quendam significant respectum ad patronum patronamve relata, id est, ad eum eamve qui antea dominus, aut quae domina huius fuit, quum seruus ancillave esset. ut Libertus Cæsaris, libertus Messalinæ, liberta Claudii, liberta Agrippinae: non autem libertinus Cæsaris, aut libertina. Ideoque interrogamus, Hic ingenuus est an libertinus? non autem an libertus. & quum responsum est libertinus, interrogamus, Cuius

Libertinus.

Libertus.

Libertini.

Ingenui.

libertus, non autem cuius libertinus. Respōdeturque, Est libertus meus, aut tuus, aut illius, aut Catonis, aut nullius. Atque libertus sine patrono patronave non est. Libertinus esse potest, quanvis necesse est eum aliquando habuisse: quo factum est ut dicamus colliberti collibertæque, quemadmodū conserui conseruæque, quod ii plures sub vmbra vnius patroni sint, sicut illi sub imperio vnius domini. non autē collibertini, aut coingenui. ad nullā enim alteram priuatam personā plures horum referri possunt, nec alii ab aliis distinguuntur. Colliberti à collibertis diuisi sunt, *Colliberti.* ut mei à tuis, & conserui à conseruis: quemadmodum conciuēs mei à conciuibustuis, qui alterius ciuitatis es: condiscipuli mei à tuis, cōmilitones mei à tuis, qui sub alio vel præceptore vel duce es. Libertinis verò atque ingenuis hoc non contingit, quum nō magis nexus mihi sit cum ingenuis meæ vr̄bis, & tibi cum libertinis tuæ vr̄bis, quàm cum aliis quibusuis. Ideoque non dicuntur coingenui & collibertini. Et libertus collibertusque esse aliquādo quis desinit, libertinus esse non desinit. Denique licet poteramus altero horum nominum esse contenti, tamen distinguere veteribus placuit priuatum respectum à publico. Et ideo libertinitas dicimus, non libertitas. *Libertinitas.* Ex seruo tamen, non quod ad priuatum dominū refertur, fit seruitus, sed quod ad publicum. dicimus enim non modo seruustuus, seruus meus: sed etiam sine respectu patroni, ut hic seruus, & homo seruus, quod in liberto non fit. Cæterum cogitāti mihi vnde factum sit ut in tanta exemplorum copia elegantiam hanc accuratissime custodientium, tamen tot hominum millia nūquam annotauerint: hoc existimo causæ fuisse, quod frequenter inuenirent sine mētionē patroni, libertum nominari, quo falli sopitæ negligentiae fuit. Si enim nonnunquam reperiēbant liberto nō apponi patronum, tamen reperiēbant libertino nunquam apponi: quanquam semper adhæret liberto patronus vel nominatim, vel subintelligendo, ut in multis fit: quale est, Vendidi patrimonium, suppletur meum. Collocasti filiam, suppletur tuā. Publicauit opus, suppletur suū. Ita hoc loco, quale apud Quintilianum, Licet & nihilominus a- *Lib. I. cap. 2.* micum grauem virum, aut fidelem libertū lateri filii sui adiungere. videlicet suum. Cicero pro Sestio quum ait, Quintum fratrem auxilio seruorum libertorumque ereptū à ferro Clodianorum: non genus seruale libertinūque, nec cuiuscunque seruos libertosque significat, sed suos ipsius. Quid attinet plura ex iure ciuili exempla repetere, quum etiam sint distincti tituli de libertis & libertinis? Quam differentiā qui ignorat omnes autē

leguleii ignorant) plurima & capitalia in ipso iure ciuili peccata comittit. Seruius grammaticus (si codex est fidelis) pro libertino posuit libertū in octauo AENEIDOS, Feronia mater nymp̄ha Cāpaniæ, quam etiā sup̄rà diximus. Hæc etiā libertorum dea est, in cuius templo raso capite pileum accipiebant. Adiciam quod ait Suetonius in vita Claudii in ipsum Claudiū, Ignarus tēporibus Appii & deinceps aliquādiu, libertinos dictos non ipsos qui mitterentur, sed ingenuos ex his procreatos.

E P I T O M E.

Verbalia in us & in io, dum naturā seruant, fere idem significant. Vt quæ ab a-ctiuis veniunt, communiter, vt conceptus vel conceptio matris quæ cōcipit, & pro-lis quæ concipitur: dixi Dum naturam seruant: quia ad sensum pertinentia sub us significant sensum ipsum aut potentiam sensitiuam, sub io actionem aut passio-nem sentiendi aut rem sensam: vt visus & visio. Res autem passæ per neutrum ge-nus etiam exprimuntur: vt visa, instituta, &c. Differunt quædā in io & a, vt obser-uatio & obseruantia, offensio & offensa. Item hoc accessus & accessio, & nonnihil actus & actio, gestus & gestio. In io quoque, quid amplius sæpe significant, vtpote rē & corpus: vt satio, oratio, possessio, & sessio declarant. Et quædam in us, pro perso-nis: vt conuentus, confessus. Calepinus affert exemplum Ciceronis, in quo vult acces-sionem & decessionem pro accessu & decessu capi, Eorum neque accessione vitam meliorem fieri, neque decessione peiorem. Sed talis accessio, adiectio quædam est & incrementum: & decessio, ablatio & detrimentum.

Inter Accessus & Accessio, Actus & Actio, Gestus & Ge-stio, quid intersit.

C A P. I I.

Accessus & Accessio differunt. Siquidem accessus est aditio siue appropinquatio. Accessio autem, adiectio atque in-crementum: quæ differentia rara est in consimilibus no-minibus. Satus enim & satio idem sunt, cultus & cultio, motus & motio, actus & actio, nisi quòd dicimus actionem causerū nō actum, & actum comœdiarum non actionem. Cursus & cursio, abusus & abusio. Gestus quoque & gestio non parum differunt. Nam gestus est actio quædā & quasi pronuntiatio corporis. Ge-stio verò est administratio & actio, quāuis parum in vsu est. Hæc autē duo de quibus dicere institueram, ideo differūt, quòd verbū vnde descendūt, dupliciter & regit & significat. vt, Accede ad ignē hunc. id est adi atque appropinqua. Et hoc calamitatibus meis pondus accessit, vel ad calamitates meas. id est adiunctum est & accreuit. A prima significatione nascitur accessus, cuius contra-rium est recessus. A secunda accessio: vt Cicero, Accessionē adiū-xit ædibus. id est adiectionem & incrementū. Præter vsum tamē superiorum, Macrobius in Commentariis naturalibus dixit, Aut enim accessio, aut in læuā dextrāmve reflexio, aut sursum quis, aut deorsum mouetur, aut in orbem rotatur. Et iterū, Has solis portas Phyci vocauerunt, quia in vtraque obuiante solstitio, vl-

Actus.
Actio.

Gestus.
Gestio.

Accedo.

Offic. lib. i.
Accessio.

terius solis inhibetur accessio. Accessus ipse dixissem potius Ciceronem imitatus, qui tertio de Oratore libro ita ait, Vt luna accessu & recessu suo solis lumen accipiat. Nam quòd febris accessio sæpe legitur, ego pro incremento accipio, non pro accessu: alioqui aliquando legeremus accessus febris, si idem esset, quod nunquam fit. Plinius libro vigesimotertio, Sed id dandum quidā nō nisi in accessione censent, alii nō nisi in remissione: illi vt sudorē coerceant, hi quia tutius putant, minuente se morbo. Accessionē remissionēque pro contrariis posuit. & si remissio imminutionem significat, profecto accessio significat incrementum. Quia dixi nomina in us & in io à supinis profecta, ferè eiusdem significationis esse, hoc exceptionis addo, quòd ea quæ positionem habent in io, latius significare solent, nec actionem modo, sed rem etiam ac corpus: vt aratio, possessio, sessio. Cicero in Philippicis, Hæ quòdam arationes Campani & Leontini agri in populi Romani patrimonio * glandiferæ, & fructuosæ * ferebantur. id est * grandi fœnore. * ferebantur. agri ad arādum idonei. Idem in eisdem, Quid possessiones datas, quid ereptas proferam? Idem de Oratore, Tot locis sessiones gymnasiorum. id est tot sedilia. Ea tamen quæ sunt in us, pro personis accipi solent. Conuentus non est conuentio, sed homines qui vnum in locum conuenerunt. Confessus non est confessio, sed homines vno in loco confidentes.

E P I T O M E.

Obseruo, est aut custodio & annoto more speculatoris: vnde fit observatio, talis annotatio: aut veneranter ne quid contra volūtatem faciam omnia seruo: vnde obseruantia, talis veneratio quæ obseruādo exhibetur. licet à Leone papa pro obseruatione dicatur, Scitis ad æternum vobis gaudium profuturum, diuinorum obseruantiam mandatorum. Quòd institutum minorum, possit observatio dici, probat illud Valerii Maximi, Aut Marcello adiectio impensæ impedimento fuit, quo minus religionibus suis tenor suæque observatio redderetur.

Obseruatio & Obseruantia.

C A P. III.

Obseruatio & obseruantia simili quodam modo, vt accessus & accessio differunt. Obseruo nanque duo significat. vnū est, quod custodio aliquid oculis animoque, in modum speculatoris, ne nos silentio tacitoque prætereat: vt, Obserua transeuntes, obserua filium, obserua Dauum quid agat, quid loquatur, quasi custodi & adnota. Et hinc fit observatio quasi adnotatio & animaduersio. Item Obseruo non speculantis modo, sed admirantis venerātisque, & id tantum in homines, nō in res, quoties quem vel virtute, vel dignitate suspicimus & colimus. vnde fit obseruātia, quæ est veneratio quædā & honoris exhibitio. Quare melius obseruationem quàm obseruantiam

hi qui nominantur fratres, suum institutum nominarent.

E P I T O M E.

Potus est nutrimenti causa: potio medicina, sed usurpatur interdū pro potu.

Potus & Potio.

C A P. I I I I.

Potus.

Potio.

Potus & Potio non differūt, nisi ob huiusmodi causam. Potus enim vini, aquæ, similiumque dicitur. Potio verò à medicis datur ægrotanti, quod Græcè dicitur *φάρμακον*. Nunquam tamē potio pro potus accipitur. Seneca de Tranquillitate, Aliquando vectatio itérque, & mutata regio vigorem dábūt, cōiuctusque & liberalior potio. Cicero in Tusculanis, Quid quòd ne mente quidē rectè vti possumus, multo cibo & potione repleti? Et alibi, Tantum cibi & potionis adhibēdum, vt reficiātur vires, non opprimantur.

E P I T O M E.

Senes dicuntur, à propriis annis. Veteres, à publico aut priuato tempore antea. Antiqui, ab vtrisque: sed potius ab antea. Non ergo dicitur senex lex, sed vetus: dicitur tamen res vetus & quæ diu antè fuit vt Abel, & quæ ad multos durauit annos: vt Iuxtaque veterrima laurus, sic vetus hospitium, & vetulus homo. Antiquus homo qui senex, & antiqui patres qui multo ante nos fuerunt: vnde & Abel antiquus dici potest, non senex. Dicitur res chara, antiqua: vt patribus institutio liberorum.

Senes, Veteres, & Antiqui.

C A P. V.

Senes.

Veteres.

Antiqui.

Senes vocantur quantum ad priuatam ipsorum vitam, quòd vsque ad senilem ætatem vixerunt. Veteres quantum ad publicum tempus, quòd alia ætate vixerunt, etiam si ad senium non peruenerunt. Vnde quidam iuniores, fuerunt seniores veteribus. Antiqui vtrique dicuntur, sed magis veteres quàm senes.

E P I T O M E.

Defectus, est quādo quid deest vbi adesse deberet. Defectio, qua quis derelinquit per rebellionem eum, cui militare deberet. Culpa, noxa & vitiū eius qui facit quod non deberet.

Defectus, Culpa, & Defectio.

C A P. V I.

Defectus.

Culpa.

Defectio.

Deficere.

Defectu medicorum multi perierunt: plures tamen culpa eorum. Is nāque defectu medici perit, cui medicus præsto non est. Culpa verò medici, qui moriturus non erat, nisi præsto ipsi medicus fuisset: quam maiorem partem esse arbitror. Hoc ideo dixi, quòd nonnulli pro culpa medicorum, aiunt defectu. Et vitia hominum rerumque vocāt defectus, quum dicere deberēt vitia, vel culpas, vel mēdas, vt menda libri. Defectio plurimum à defectu dissentit, quum sit recessio aut militum aut ciuitatis à domino vel à superiore. Est enim deficere, desistere, & à ductu alterius recedere, & quasi rebellare. Et defectio quasi rebellio. quæ exempla passim reperiuntur.

E P I T O M E.

Rumor & Fama ferè idem sunt. Quintilianus tamen discernit. Vnde Mancinellus, Quintiliano quidem authore libro 5, Fama, cōsensus ciuitatis, velut publicū testimonium, vocatur. Rumor verò, sermo sine vllō certo authore dispersus, cui malignitas initium dederit, incrementum credulitas. Hæc ille. Contra quem adduci posset ab authore nostro Liuius, Maro, & alij multi.

Rumor & Fama.

CAP. VII.

Rumor & Fama idem sunt, quorum alterum Latinum, alterum è Græco est. Cicero in Philippicis, Improbissimis rumoribus dissipatis. Et non longe post, Hoc triduo, vel quadriduo tristis à Mutina fama manarat. Et statim post, Famam istam fascium dissipauerunt. Significatur autem his duobus nominibus, sermo quidam in populo, sine certo authore, de re aliqua recenti, siue bona, siue mala. Exemplum rumoris de re bona ponamus. Liuius libro secundo, Manat tota vrbe rumor, Fabios ad cælum laudibus ferunt. Frequenter tamen fama etiam pro sermone non rei recentis, sed iam inueteratæ, & pro opinione quadam. vt, Fama est Athenas iam plus annorū viginti milibus fuisse conditas. Et pro laude, & pro celebritate hominis. vt, Fama Camilli, fama Scipionum, Metellorum, Fabiorum. & eorum quoque qui viuūt: vt, Fama mea, fama tua, fama illius, pro quo non recte dixeris rumor.

E P I T O M E.

Murus, est vrbis aut castrorum lapideus ambitus. Paries, qualiscunque domus priuatæ. Mœnia interdū pro muris: eo quòd munimenta dicuntur. Porta, est in muris: Ianua, in pariete. Videtur à mœnibus mûnio dictum, mutando æ in u. sicut à Pœna punio, à Pœnus Punicus: & contra muri dicuntur aliquando mœri.

Murus, Paries, Mœnia, Porta, & Ianua.

CAP. VIII.

Murus & Paries quid differant, superuacuum erat admonere, nisi his temporibus (vt sunt omnia deprauata) murus pro paries à pluribus vsurparetur: quanquam apud Græcos eodem sono pronuntietur vtrunque, distinctum tamen & literis & genere. Murus est vrbis lapideus ambitus, qui Græce dicitur τείχος. Paries verò domorum, Græcè οἰκῆτος. Murus est etiam non vrbis, sed vrbis tamen similiū, vt munitionum castrorūque. Mœnia pro muris accipi solent, & pro ædificiis ipsius vrbis. Porta murorum est, munitionūque, atque castrorum: Ianua, parietis ac domorum.

E P I T O M E.

Gesta, sunt in publica administratione rerum magnarum. Acta, etiam priuatarum & familiarium. pro quibus actus reperitur, vt apud Sallustiū in Catilina, De actibus Ciceronis quæreretur, &c.

Gesta & Acta.

CAP. IX.

Philipp. I.

Aëtus.

Actiones.

Gesta & Acta hoc differunt, quia illa sunt in administratione magistratus, & in rebus maioribus, & ad rempublicam vel ad plurimos spectantibus: vt Gesta Alexandri, gesta Pompeii, gesta Caesaris. Acta verò etiam rerum priuatarum, & minorum, ac familiarium. vt Cicero, An in commentariis, & chirographis, ac libellis se vno authore prolatis, ac ne prolatis quidem, sed tantummodo dictis, acta Caesaris firma erunt: quæ ille in æs incidit, in quo populi iussa perpetuâsque leges esse voluit, pro nihilo habebuntur? Equidem sic existimo, nihil tam esse in actis Caesaris, quàm leges Caesaris. Quidam illud eiusdem ita legunt in Sallustium, Quòd si de mea vita atque actibus huic cõuitori respondero, inuidia gloriam consequetur. Reor scribendum esse actis. Quòd si scribi potest actibus (vt est apud Lucanum, Licet ingenteis abruperit actus) minus miror cur actus apostolorum magis, quàm acta dicamus. Idem tamẽ sunt actus & actiones.

E P I T O M E.

Natalis aut Natale, & pluraliter natalia, significant diẽ quo quis natus est. Sed natales, claritatem nascentium: quasi stemmata & gradus. vt Claris & altis natalibus ortus, &c.

Natalia, Natalis, Natalitius, Natales.

CAP. X.

Natales.

Lib. 3.

*Messium.

Natalia significant quod Natalis, qui est diẽs Natalitius, vtrunque conuersum in substantiuum ab adiectiuo, hic & hæc natalis & hoc natale: vt, Natalis horæ tempus, apud Quintilianum in Gladiatore. Natales verò magis conditionem sanguinis & familiæ. vt, Generosi natales, obscuri natales. vt Idẽ Quintilianus in eadem declamatione, Cuius vt interiecto mari non fortunam quisquam nosse, non natales, nõ patrem poterat. Plinius ad * Messium, Nonnunquã candidatus aut natales cõpetitoris, aut annos, aut etiam mores arguebat. Hic pro ignobilitate accipitur, illic pro nobilitate.

E P I T O M E.

Præcepta & Præceptiones idem sunt. Sed instituta, sunt mores qui per institutiones traduntur. Institutiones, libri & præceptiones quibus instituimur.

Præcepta & Præceptiones pro eisdem accipi: Instituta & Institutiones differre.

CAP. XI.

Instituta.

Mos.

In morem.

Præcepta & Præceptiones indifferenter vtimur pro disciplina: Instituta & Institutiones per differẽtiam. Instituta enim sunt mores, consilio & ratione sumpti. Nam mores bonos & malos dicimus: & in morem, id est similitudinem, vt in morem leonis, in morem stagni, placidæque paludis, inquit Virgi-

lius. Institutum autem bonus mos: vt, Faciam meo instituto. Licet institutum nonnunquam significet inceptum propositum, ab instituo quod est incipio. Instituta verò (vt institueram dicere) boni mores sunt, consilio & ratione sumpti. *Quintilianus, Lib. 1. cap. 2. de Chrysippo*
 Nam is quanquam triennium nutricibus dederit, tamen ab illis quoque iam formandam quamoptimis institutis mentem infantium iudicat. Cur autem ad literas non pertineat ætas, quæ ad mores iam pertinet? eandem rem appellans instituta & mores. Apud Valerium Maximum titulus est, De institutis antiquis, quasi de moribus antiquis. Institutiones, sunt præceptiones, quibus instituntur & docentur homines, vt libri ab eodem Quintiliano ac Lactantio, multisque aliis authoribus inscripti de Institutione oratoria: siue ab alio nomine atque materia. *Institutiones.*

E P I T O M E.

Aduocatus, est omnis qui alteri adest in causa, officii gratia, etiam si nihil dicat. Patronus, qui agit causam accusati non accusantis, aut qui defendit, aut qui libertum habet. Cuius interdum litigator dicitur. est autem aduocati.

Aduocatus & Patronus.

C A P. X I I.

ADuocatus & Patronus sic differunt, quod illud generalius est nomen quam hoc, vt non tantum significet eum qui alterius causam agit. Siquidem quicumque adest alteri in causa, officii gratia, Aduocatus appellatur, etiam si nihil dicat neque agat, sed qui tantum paratus sit defendere: vt Terentius in Eunucho, Tu abi, atque ostium obsera intus, ego dum hinc transcurro ad forum, Volo ego adesse hic aduocatos nobis in turba hac. Et Cicero, quum in aliis multis locis, tum pro Cecinna, Qui ad possidendum prædium contulit se cum aduocatis, quorum præsidio ab aduersarii iniuria tutus esset, qui & ipse venit cum aduocatis suis, sed armatis ad arcendum Cecinnam à prælio. Patronus autem propriè est, qui agit causam, sed accusati, non accusantis. *Patronus.*
 Quintilianus, Proponitur enim vno modo, variè dissoluitur, quum accusatori satis sit plerunque verum esse id quod obiecerit. Patronus neget, defendat, transserat, excuset, deprecetur, molliat, minuat, auertat, despiciat, derideat. Quare indirecta ferè, atque (vt sic dixerim) clamorosa est actio. Hinc mille flexus & artes desyderantur. Tum accusator præmeditata pleraque domo affert: Patronus etiam inopinatis frequenter occurrit. Accusator dat testem: Patronus ex re ipsa refellit. Ex quo colligitur * accusatorè * accusatoris. *Accusator.*
 nunquam patronum esse. Verum quoniam non omnis lis circa accusationem & defensionem criminum versatur, vt in mutuis, depositis, locato & conducto, similibusque, in ea re tam actor quam defensor solet appellari patronus. Quippe quum vterque

Lib. 6. cap. 5.

Libertus.

Cliens.

Patrocinari.

non alterius oppugnandæ, sed suæ defendendæ partis gratia dicat. vt idem, Nec immerito quidem, quanquam in dicendo mediocres, hac tamen altercandi præstantia meruerunt nomen patronorum. Patronus etiam dicitur respectu liberti. Et nescio an hic ab illo, an ille ab hoc nominatus sit, vtrūque tamē à patre venit. Vterque enim simile quiddā patris habet, & vt dominus manumissione serui liberat eū misera cōditione, ita aduocatus hominem obnoxium potestate iudicū, & periculo litis, opera sua liberat. Propter quod cliētem vocamus ipsum litigatorē, cuius causam agimus: & eū qui sectator est & sub tutela alterius, & penē famulus, quales sunt liberti in patronos. Et patrocinari, tam verbo quā facto imbecilliozem protegere, à quo fit patrocinium.

E P I T O M E.

Facies, est quasi factura & effigies corporis cuiuscūque vt hominis, terræ, maris. Vultus animi, à volendo dictus. Est tamen vbi vtroque vti liceat.

Facies & Vultus.

CAP. XIIII.

Superficies.

Facies magis ad corpus: Vultus magis ad animum refertur atque voluntatem, vnde descendit. Nam volo supinum habebat vultum. inde dicimus, Irato & moesto vultu potius, quàm facie: & contrā, Lata aut lōga facie, non vultu. à quo cōpositum est superficies, non sanē discrepans à suo simplici: vt Facies maris, facies terræ, quasi superficies: & facies hominis, quasi primum illud quod intuemur in homine. Est tamen aliquando vbi vtroque vti liceat: vt, Fœdata facie, & fœdato vultu: scissa facie, & scisso vultu: conuersa facie, & conuerso vultu: quæ exempla sunt plurima.

E P I T O M E.

Ordo, est digestio, & rerum in suo loco collocatio. Series autem, rerum quædam continuata progressio, à serendo dicta.

Series & Ordo.

CAP. XV.

Series.

Series ab ordine in significatione differt. Nam Ordo est digestio, & in suo loco cuiusque rei collocatio, veluti in acie fit, vbi pedites, vbi alæ equitum, vbi leuiter armati, vbi sagittarii, vbi fundibularii, vbi cæteri ex vtilitate rei distribuuntur: & in argumentatione, vbi ponenda sunt firmissima argumenta, vbi infirmiora, vbi mediocria. Vnde in ciuitatibus, & Romæ præsertim ordines sunt: Ordo consularis, prætorius, senatorius, equestris, adeò vt Ordo quoque pro ipsis hominibus accipiatur illius conditionis. Cicero, In hoc ordine, pro in senatu, aut pro equitibus Romanis frequentissime dixit. Idem quodam loco ait, Qui apud omnes ordines esset gratiofus. id est, apud omnium ordinum homines. Series, est rerum quædam con-

tinuata progressio. vt, In serie orationis, id est in cōtinuato contextu. Quintilianus, Quod non nisi in contextu orationis seriēque contingit. Virgilius,
 -ductæque ab origine gentis
 Fortia facta patrum, series longissima rerum.
 Statius, Longa retro series.

E P I T O M E.

Decus, est honorificentia ex bene gestis orta. Dedecus autem, cōtrarium. Vnde decoro & dedecoro, penultima breui. Decor, est decens pulchritudo ex decētia pro-
 ueniens. Decorum, est ipsum honestum ac decens, quod Græci τὸ πρῶτον vocāt: estq;
 tam in verbis quàm in rebus. vnde decoro verbum, media longa.

Decus, Decor, & Dedecus.

C A P. X V.

DECUS est illa (vt sic dixerim) honorificentia ex bene gestis rebus. vnde Dēcora militiæ, laudes, honores, honestamēta militi in bello comparata: cuius contrarium est dedecus, propriè ignominia quædam, aut ignominia genus, & infamis turpitudine. Vnde dedēcoro. Cicero inquit de quodam, Magistratum ipsum dedecorabat. id est turpificabat, & contumelia atque ignominia afficiebat. Transfertur etiam ad animum. quippe decus pro honesto, dedecus pro inhonesto accipitur. vt Idē, Sequetur decus, atque honestum. Quintilianus, Satis dedēcoris atque flagitii castra ceperunt. Decor est quasi pulchritudo quædam ex
 Decor.
 decentia rerum personarumque, in locis, temporibus, siue in agendo, siue in loquendo. Transfertur quoque ad virtutes: appellaturque decōrum, non tam ipsum honestum, quàm quod hominibus & cōmuni opinioni honestum videtur, & pulchrum, &
 Decorum.
 probabile. Vnde verbum decōro media lōga. Nam decōro media breui, à decus venit.

E P I T O M E.

Iocus, est ferè in verbo. Ludus, in factō. Sed non vbique sic accipiuntur. quia cōfunduntur sæpe, sicut iocari & ludere. Ludere autem, est interdum versiculis scribere, vt in opusculis & rebus leuibus. Alludere, est ad aliud latenter referre sententiā. Ludus præterea, periculum & spem sibi proponit: sed lusus & lusio merā voluptatē. Est ad hoc, schola ac gymnasium: vnde ludi magister dictus, & ludus armorum, & ludi gladiatores, quos potius pluraliter quàm ludum dicimus. sicut semper ludos Apollinæ, Circenses, sæculares, & similes dicimus, spectacula publica, quæ olim in decorum fiebant honorem.

Iocus & Ludus.

C A P. X V I.

IOcus & ludus quid significēt tum ex Cicerone de Oratore, tum ex Quintiliano de ridiculis, colligi potest. vt sit iocus in verbo, ludus in factō. Sed vtrunque tamen patitur exceptionē. vt Iuuenalis, Quoties voluit fortuna iocari. videlicet non
 Satyr. 1.
 de verbo intellexit, sed de factō. Ouidius,

Hos ignara iocos tribuit natura puellis,

Materia ludunt huberiere viri.

Mille fac esse iocos, turpe est nescire puellam

Ludere: ludendo sæpe paratur amor.

Iocos pro ludo & ipse posuit. Ioca quoque pro iocos nōnunquā legimus. Cicero ad Atticum libro 14, Itaque ioca tua plena fa-

Primo serm.
Satyr. 1.

cetiarum. Ediuerso ludus pro iocus. Horatius,

Præterea, ne sic, vt qui iocularia, ridens

Percurram: quanquam ridentem dicere verum

Quid vetat? vt pueris olim dant crustula blandi

Doctores, elementa velint vt discere prima.

Sed tamen amoto quæramus seria ludo.

Ludo.

Hinc ludere pro iocari frequenter inuenitur. Cicero de natura deorum, Quum verò deos nihil agere, nihil curare confirmat, membrisque humanis esse præditos, sed eorum membrorum

Libro 5.

nullum vsum habere, ludere videtur. Plinius ad Valerianum,

Libro 1.

Quum alii diuinum me, alii rapinis meis, meæ avaritiæ occursum, per ludum acceptum dicitāt. Plinius idem ad Fabium iustum, Ludere me putas, serio peto. Ludere dixit pro iocari, & se

Lib. 6. cap. 4.

non ioco agere, sed serio. Quæ duo contraria esse Quintilianus author est, inquit, locum verò accipimus, quod est contrariū

Serium.

serio. Idem in eodem loco inquit, Ludere nunquam velimus. quod non tam pro eo quod est iocari, puto dixisse, quàm pro eo quod est scurriliter & leuiter loqui, vel deludere alterum, siue eludere. Nam composita à ludo ad verbum quoque & orationē

Academic.

Quæst. lib. 4.

pertinent, non modo ad actionem. vt in eodem opere Cicero, Sed & vos ab illo irridemini, & ipsi vicissim illum eluditis. Ludere etiam dicitur versibus scribere, sed non nisi in opusculis ferè,

Lusus.

Alludere.

qualia sunt epigrammata. & hæc opuscula dicuntur lusus. & hoc ita sentire summos authores annotaui. Alludere est, quum aliud dicimus, & ad aliud sententiam latenter referimus. vt Virgilius,

Ludus.

Lusus.

Lusio.

Actiæque Iliacis celebramus littora ludis. Dum enim narrat ludos AENEÆ, alludit ad Augusti victoriam, qua contra Antonium in his locis potitus est. Ludus item differt à lusu, siue lusione. Ludus enim tum periculum, tum spem sibi propositam habet. Lusus nihil præter meram voluptatem. Itaque qui pila, qui trocho, qui tesseris, qui etiam quocunque genere talorum delectationis gratia ludunt, lusum potius quàm ludum exercent. Cicero, Ex multis lusionibus nobis senibus talos relinquunt & tesseras. De voluptate videlicet senili locutus est, non de spe lucri, cuius spei causa plerique ludunt. Ideoque ludum talarium dicimus, non

lufum : & ludum alex, qui etiam lege prohibetur. Quidam & hūc lufum vocant, vt Suetonius libro quarto, Ac ne ex lufu quidem alex compendium ſpernens. Dicimus etiam ludum, ſcholam ipſam, vbi & periculum & ſpes eſt, & certe labor atque vapulatio. vt, Dionyſius tyrannus regno eiectus, factus eſt ludi magiſter. Et Camillus ludi magiſtrum diſcipulos hoſtibus prodentem, eiſdem pueris cædendum in urbem vſque præbuit. Eſt igitur ludus literarius, tum aliarum quarundam artium, tum ſchola grammaticæ, quam triuialem ſcientiam dicimus, quòd in triuiis & compitis docetur. Hoc ideo admonui, quòd quidam imperiti triuialem ſcientiam appellant grammaticam, rhetoricam, & dialecticam: quadriuiiales alias quatuor liberalium artiũ. Ludus igitur (ſicut dicebamus) eſt aliarum quoque artiũ, ſicut muſicæ, vt apud Terentium de fidicina quæ quotidie diſcebat in ludo. De grāmaticæ ſchola (vt mea fert opinio) magis quàm rhetoricæ intelligit Cicero de Oratore, quũ inquit, Hoc in ludo non præcipitur: faciles enim cauſæ ad pueros deferũtur. Et ſtatim poſt, Hæc eſt in ludo cauſarum ferè formula. Nam, vt inquit Quintilianus, Rhetores ſuas partes omiſerunt, & grammatici alienas occupauerunt. Siquidem grammatici Latini, rhetoricam etiam docent. quod indicant ipſius quoque Ciceronis verba, quũ pueros non iuuenes nominat. Eſt & ludus armorũ, qui idem (vt ſentio) gladiatorius dicitur, vbi diſcunt gladiatores. vt apud Quintilianum, Quòd me diu piratæ in carcere retentum, quia redemptorem illis diuitem promiſeram patrem, in ludũ vendiderunt, tanquam decepti. Et iterũ, Et inter * debita noxæ mancipia contemptiſſimus tyro gladiator, vt nouiſſime perderem calamitatis meæ innocentiam, diſcebam quotidie ſcelus. Ludos tamen gladiatorios frequentius quàm ludum dicimus, quoties vnum plurave paria gladiatorum ad ſpectaculum pugnatura producuntur. Quæ res munus gladiatorium appellatur, quia populo tantum munus donatur. Et qui donat, munerarius: & qui familiã gladiatorũ habet, gladiatorẽſque domi in diſciplina, & (vt dixi) in ludo exercet, ac poſtea vendit, lanista. Vocantur autẽ ludi gladiatorii, ſicut Ludi Apollinares, Ludi Circenſes, Ludi ſæculares. Nam ſpectacula publica utique in honorem deorum, ludos antiqui vocabant: vt non abſurdum ſit ſolennitatem in natali die ſanctorũ, præſertim cum apparatu illo & pompa, ludos vocari. Nam quo alio nomine vocemus illam ſpectaculi exhibitionẽ, qualis ſit in multis Italiæ ciuitatibus, & (vt audio) in multis aliis prouinciis? Hæc de ludo, & de ludis hætenus. De lufu quoque

Liuius. ab vr
be condita.

Ludus litera-
rius.
Triuiſ ſciẽ
tia.

In Gladia-
tore.

Ibidem.
*dedita.

Gladiatoriiũ
munus.
Munerarius.

Laniſta.

Lufus.

Lib. 1. cap. 4. aliquod afferatur exemplum Quintiliani, Nec me offenderit lusus in pueris: est & hoc signum alacritatis. Et iterum paulò pòst, Sunt etiam nonnulli acuendis puerorum ingeniis non inutiles lusus.

E P I T O M E.

Libertas, in loquendo accipitur in bonum: licentia ferè in malum. Similiter libere & licenter agere differunt. Scholastici autem, commeatum abeundi aut veniam luendi petere debent, non licentiam, dum quouis proficisci volunt aut ludere.

Libertas & Licentia.

C A P. X V I I.

In apibus pat
peris.
Licentia.

Libertas in loquendo accipitur in bonum, quum quis non timide (quod seruire est) sed ingenue & libere, hoc est, ut liberum hominem decet, loquitur. Licentia verò in malum, quando hac libertate abutitur vsque ad temeritatem & procacitatem. vnde Quintilianus, Quæ in aliis libertas est (inquit) in aliis licentia vocatur. In agendo quoque simili modo. vt, Libere fecit, libere egit. id est digna libero homine. Cicero sæpe de libere dictis ac factis loquitur, & de licetia Claudiorum queritur. Quintilianus, Porro qui confessum defendit, non absolutionem sceleris petit, sed licentiam. Terentius, Deteriores omnes sumus licentia. Est autem huius nominis significatio, impunita quædam facultas agendi quicquid velis. de facto loquor: nam de verbo iam dixi, quod dubitationem nō habet. Ideo hoc dico, quod videtur vocari posse in dubium de facto. Siquidē Sallustius in Iugurthino ita ait, Romam legatos ire iubet, agendarum rerum & quocunque modo componendi licentiam illis permittit. Quod nescio an in malum accipi debeat, quasi & male & cum damno atque dedecore regis possint componere. Quale est Quintiliani, An existimas hanc legatis peccandi dari licentiam, ut quæcunque scelera in eo officio commiserint, cum his omnibus hac vna lege decident? An etiam in bonum, vt solent dicere iurisconsulti, Data est mihi licetia eundi redeundique. qualiter etiam plerique ecclesiasticorum scriptorum locuti sunt.

E P I T O M E.

Indulgentia, est obsequens permissio & concessio, atque (vt Quintilianus dicit) mollis educatio. Venia autem, remissio culpæ: sed quasi pro indulgentia & gratia seu beneficio accipitur. Potius autem dicemus, Facio tibi potestatem eundi, quàm do licentiam. Pœnitere, est interdum pudere & parum videri.

Indulgentia & Venia.

C A P. X V I I I.

Indulgere.

Indulgentiam vulgo nūc accipimus pro venia. vt, Indulgentiam Deus tibi tribuat, vel Deus tibi indulgeat. quod quis neget dici nō Latinè? Indulgere enim est cōcedere, & (vt sic dicā) obsequenter, delicateque tribuere. Cuius rei admoneri certe debuerant trito illo versu, nescio cuius, sed certe inter

authores minutos latinissimi, & quo mille annis nemo carmen scripsit elegantius,

Indulgere gulæ noli, quæ ventris amica est.

Nunquid in gulam nequaquam misericordes iubemur esse antequam peccauit? an ne committamus ut illa peccet? *Quintilianus*, *Lib. I. cap. 3.* Mollis educatio, quam indulgentiam vocamus, nervos omnes & mentis & corporis frangit. Non ergo indulgentia pro venia accipienda est. Est enim venia, remissio culpæ. ut *Idem*, Peccavi, veniam peto: & errare hominis est, & ignoscere patris. Melius qui e contrario veniam pro indulgentia accipiunt. ut *Virgilius* primo *Æneidos*,

Venia.
In Gladiat.

Orantes veniam, & templum clamore petebant.

Et *Cicero* pro *Archia*, Dabit mihi hanc veniam. id est, indulgetis, concedetisque mihi hoc, si fortè peccauero. Nā apud hunc vix vnquam indulgentia reperitur. *Terentius*, Da pater veniam, sine te exorem. Hæc duo pro utroque posuit. id est, da veniam, & sine ut hoc, etiam si improbum sit, abs te impetrem. Et cum venia tua dixerō, hoc est, siquid erro, tamen cum pace tua, & (ut isti loquuntur) cum licentia tua dixerō. Frequenter legimus, Facio tibi potestatem eundi & redeundi. quem in modum mallet ego dicere, quàm Do tibi licentiam. Porro dare potestatem, est plus quàm facere potestatem. Est enim dare potestatem, rem alterius arbitrio committere. Ex hoc veniam dare, admoneor, ut dicam de poenitere, quod nonnunquam pro pudere siue tædere accipitur. ut *Liuius* lib. I, Nec me eorum sententiæ esse poenitet. *Cicero* de *Senectute*, Num igitur si ad centesimum vixisset annum, senectutis eum suæ poeniteret? *Virgilius*, Nec te poeniteat calamo triuisse labellum. quod qui exponunt pro parum videatur, mihi non probantur.

Dare veniam.

Facere potestatem.

Dare potestatem.

Poenitet.

E P I T O M E.

Ambitio, in animo est. Ambitus, in actu: quem comitatur id vitium quæ *Simonia* dicitur. sed ea potius in spiritualibus est. Quicquid autem ambitus facit, ambitio facere cogit.

Ambitio & Ambitus.

C A P. X I X.

Ambitio in animo est, ambitus in actu. Nā qui præter modū cupit aut honores aut laudem, ambitione peccat. Qui verò dilargitur pecuniā suam, aut populo muneribus ludisque blanditur, aut cæteris artibus, quæ legitimæ non sunt, ad publicos honores tendit, ambitū cōmittit. Cui similis est quam hodie *Simoniam* vocant, à *Simone* Mago: nisi quòd hanc tantū in rebus sacris volunt esse. Ambitus ab ambio venit, siue quòd

In Pariete pal-
mato.

Ambitiosus.
In procemio.

is qui non suæ virtuti confidit, non rectè graditur, sed per circuitum : siue quòd Romani qui honores peterent, singulos circuibant, prehensantes rogantésque, vt se in suffragiis adiuuarent: siue quòd qui pro adipiscendis honoribus solliciti sunt, quum rogant, exordio quodam longiore & verborum circuitu vtuntur. Hæc omnia, quæ ambitus facit, ambitio facere compellit: à qua ambitiosi dicuntur, non ab ambitu. Nonnunquam ambitus pro affectu ambitionis accipitur apud Quintilianū, siue pro spe quadam fauoris, & quasi captatione misericordiæ. vt, Si iuuenis innocentissimus, Iudices, vti vellet ambitu tristissimæ calamitatis, poterat allegare vobis amissam cum oculis cogitationum omnium temeritatem. Ab hoc etiā ambitiosus dicitur, vt apud eundem libro sexto, Non sum ambitiosus in malis, nec lachrymarum augere causas volo, vtinámque esset ratio minuendi. Ouidius de Ponto libro tertio,
Sed tamen hoc factis adiunge prioribus vnum,
Pro nostris vt sis ambitiosa malis.

EPITOME.

Vicus, est regio vrbs, aut oppidi, aut etiam in agro frequētes villæ & domus. quæ tamen in suburbio sunt, suburbana dicuntur. Castellum, est diminutiuum castrî. Estq; castrum, vicus, aut eius pars, dūmodo muris cingitur, quasi perpetua sint castra. accipitur nunc ferè pro arce: sed arx est in oppidis, castrum etiam in pagis: & castellum pro minore castro aut oppidulo vulgo accipitur. Castra autem sunt vbi milites tentoria fixerūt. Oppidum, de qualibet vrbe dici potest, præterquam de Roma, quæ tantum vrbs. Vicinia, est multitudo vicinorum, aut locus. Vicinitas, ipsa propinquitas.

Vicus & Suburbana.

C A P. X X.

Vicus, pars vrbs. Diuisa est enim vrbs in vicos, quasi in mēbra minora, sicut Suburra, Carinæ, Exquilix, vici Romæ (vt opinor) erant. Nā regiones circa x x fuerant, hodiēq; tantum tredecim seruant nomina. Vici autem & olim & nūc vltra mille. Extra urbem verò frequentes villæ ac frequentes domus instar vici urbani, vicus vocantur, si modo * suburbana nō sint. Tunc nanque suburbana dicuntur plurali quidem numero, nam singulari significatur prædium in suburbanis. vt suburbanum meum, & suburbana mea, si plura sunt. Quale est in similibus. vt, Fui in Cumano, in Tusculano: id est in fundo meo Cumano, & prædio meo Tusculano. Erasmus in Formiano tuo, & in Pompeiano Varronis: id est in villa tua, & Varronis. Cæterum (vt ad rē redeamus) hic vicus paganus ferè muris caret. Nā si haberet muros, castelli nomē acciperet, quòd à castrū descēdit, quo significatur locus muris munitus, & (vt Seruius ait) vrbs. In plurali verò notū est appellari locū, in quo milites tētoria fixerunt.

Vicus.
* suburbana
Suburbana.
Suburbanum.

Castellum.
Castrum.
Castra.

Quamquam varius mos est castrametandi. Veteres solebant illa fossa, vallôq; circumdare, & aliis pro natura loci munitionibus. Oppidū, omnis vrbs est præter Romā, quæ peculiari nomine vrbs vocari cœpta, fecit, vt cæteræ vrbes oppida vocarentur, quia ipsa oppidum amplius nō est. Vnde dicatur vrbs, & oppidum tum alii dixere, tum parum attinet de etymogia disputare, quæ plerumque fallax est, & in primis (nisi fideli fundamēto nitatur) friuola. Vicinia autem non tam homines, qui eundem incolunt vicum significat, quàm qui prope domum tuam habitant. Vicinitas autem non homines, sed propinquitatem, propriè quidem vicinorum, abusuè verò etiam cæterarum rerum. Nonnunquam continens pro contento: vt Laudanda, vel potius amanda vicinitas.

Quintil. lib.
8. cap. 2.
Oppidum.
Vrbs.
Etymologia.

Vicinia.
Vicinitas.

E P I T O M E.

Commentaria seu commentarii, sunt libri capita rerum complectentes, aut rem compendio se explanantes. Accipitur etiam commentarius pro homine. Commentum verò, est ipsa compendiosa excogitatio & fictio.

Commentarium.

CAP. XXI.

Commētarii nomen quid significet, tertio declamationum libro Seneca declarat, quum dicit, Sine commentario nunquam dixit, sed commentario contentus erat, in quo nudæ res ponuntur. Et Cicero in Bruto, Non est oratio, sed capita rerū, & orationis commētarium paulo plenius. Et Quintilianus, Plerumque autem multa agentibus accidit, vt maxime necessaria, & vtique initia scribāt: cætera quæ domo afferunt, cogitatione complectantur, subitis ex tempore occurrāt. quod fecisse M. Tullium commentariis ipsius apparet. Sed feruntur & aliorum quoque, & inuenti fortè, vt eos dicturus quisque composuerat, & in libros digesti, vt causarum, quæ sunt actæ à Seruio Sulpitio, cuius tres orationes extant. Sed hi de quibus loquor commentarii, ita sunt exacti, vt ab ipso mihi in memoriam posteritatis videantur esse compositi. Per hæc Quintilianiverba colligitur, non modo id quod dicebam, simulque in plurali hoc nomen esse generis masculini, quum in singulari sit neutri, de quo mox etiam dicam: verum etiam commentarios idem esse quod libros, quod Cicero confirmat: tum tertio libro de Finibus dicens, Tu ipse quum tantum librorum habeas, quos hîc tandem requiris commentarios: quosdam inquam Aristotelicos. tum secundo de Oratore, Tres patris Bruti de iure ciuili libellos tribus legēdos dedit, ex libro primo fortè euenit, &c. Ac statim post, Vbi sunt hi fundi Brute, quos tibi pater publicis commentariis consignatos reliquit: quòd nisi puberè te iam haberet, quartum librum composuisset, & se in balneis locutum cum filio scriptum reliquisset.

Lib. I. cap. 7.

Liber.

Ecce eandem rem tribus vocabulis Cicero declarauit, libellis, libris, cōmentariis. Quare ita sentio, omnes commentarios libros esse, sed non continuò libros commentarios. Nāque ubi res sunt latè, diffusèque explicatæ, & non quàm breuissimè poterant tractatæ, libri tantum sunt, non commentarii. Vnde Cæsaris Commentarii, in quibus ad exequendam historiam aliis videtur subiecisse materiam: qui si fuerint singuli, commentarium, vel cōmentarius, vel liber dicetur. Liuius lib. 48, Quæri iussit ab eo, quæ de his rebus commentarium à patre accepisset. Quum respondisset accepisse se, nihil prius, nec potius visū esse, quàm regis ipsius de singulis responsa accipere, librum poposcerunt. Si plures primus & secundus commentarius, nō primum & secundum commentarium, vt Hirtius siue Oppius, qui accessionem adiecit Cæsaris commentariis, ait, Proximus alterve commentarius, nunquam cōmentarium. Ita mihi in magnis authoribus videor annotasse. Quidam tamen aliter faciunt, vtique in alia significatione, quæ est (vt sentio) expositio & interpretatio authorum, vtroque genere promiscuè vtētes. vt Aulus Gellius, Est ad eò Probi grammatici commentarius satis curiose factus. Et iterum, Nonnulli grammatici qui commentaria in Virgilium composuerunt. Iterum quoque, Noster Scaurus in primo cōmentariorum, quos in Gorgiam Platonis composuit, scriptū reliquit. Boetius, Quod in his cōmentariis diligentius expediuius, qui à nobis in eiusdem Ciceronis Topica scripti sunt. Et iterum, Quo autem modo de his dialecticis locis disputetur, in his commentariis quos in Aristotelis Topica, à nobis translata conscripsimus, expeditū est.

Commētum.

Quidam etiam talia huiusmodi opera commentum vocauerūt, vt Nigidius, Donatus, Priscianus, aliique nōnulli. Seruius commentarium, commentariósque pro homine accipere videtur, quum inquit in 7. AENEID. Dicit quidam commentarius connexa legendum. Et in Georgicorum primo, Superfluo mouent quæstionem commentarii.

E P I T O M E.

Cœnaculum, est proprie locus cœnandi in parte superiore domus. accipitur tamen pro quocunque loco altiore pauperibus locari solito. Cœnatio verò, locus est ad cœnandum in imo situs: vt sunt triclinia & atria.

Cœnaculum & Cœnatio.

CAP. XXI I.

COEnaculum, locus ad cœnādum in loco superiori: Cœnatio, locus ad cœnandum, sed in imo potius. Iuuenalis, Et argentem rapiat cœnatio solem. Veruntamen cœnaculum non tam pro loco cœnandi, quàm pro parte domus superiore accipitur, quæ frequenter hospitibus ad habitandum lo-

cari solet, qui totam domum conducere nō possunt, & parte inferiore, siue illa taberna, siue officina sit, non habent opus. Cuius rei proferrem exempla, nisi abundē Varro sufficeret, dicens, Vbi cœnabant, cœnaculum vocitabant. Postquam in superiore parte cœnitare cœperunt, superioris domus vniuersa cœnacula dicta, postquam vbi cœnabant, plura facere cœperunt.

E P I T O M E.

Epulæ, sunt cibi vulgares, & vt dicimus, quotidiani in vsum nostrum comparati. Epulum, solennis cibus, publicis conuiuiis aut parētibus aptus. Dapes autem sunt, aut cibi deorum, aut nostri in sacrificiis eorum.

Epulæ, Epulum, & Dapes.

CAP. XXIII.

E Pulæ, sunt cibi in ministerio hominum, & in nostrū vsum comparati. Epulum, solenniores quædam epulæ, & propriè publicum conuiuium in propatulo numerosis ciuibus exhibitum, siue in dedicationem templi alicuius, siue in honorē deorum, vel in magnificentiæ ostentationem, siue in funere magni alicuius viri. Cui simile est quod hoc tempore fit, quum publicè pascimus pauperes, vt in mortibus propinquorum. Quod idem est penè quod parentare, si Hieronymo credimus, qui ita tertio libro in Ieremiam inquit, Moris autem est lugentibus ferre cibos, & præparare conuiuiū, quæ Græci *παρῑτεριον* vocāt, & à nostris vulgo appellatur parētalia, eo quod à parētibus iusta celebren Parentalia. tur. Dapes volūt esse vel deorū, vel nostras in sacrificiis deorum. Dapes.

E P I T O M E.

Semētis, propriè est satio seu seminatio. Messis autē, ipsa messio, aut seges iā matura. Accipitur tamen semētis etiā pro semine, & tēpore serendi. Vnde Mācinellus, Sementis pro satione & pro semine libro primo Fastorum apud Ouidium legitur. Ait enim,

Villice da requiem terræ semente perracta,

Da requiem terram qui coluere viris. Et paulo inferius,

Vos date perpetuos teneris sementibus auctus,

Ne noua per gelidas terra sit vsta niues.

Columella verò lib. 2. cap. 10, sementem pro ipso serendi tempore posuit. ait enim sic de lente, Sationes eius duas seruamus, alteram maturam per mediam semētem, serio rem alteram mense Februario.

Sementis & Messis.

CAP. XXIII.

S Ementis est satio, siue (vt sic dicam) seminatio. Liuius, Campani sementem facere possent. Miror quare quum in aliis locis apud Hieronymum plurimis, tum in Geneseos principio, sementis pro semine positum est. Messis tum ipsa messio est, tum seges iam matura. Cicero de Oratore, Qualem sementem feceris, ita meres.

E P I T O M E.

Segetes est propriè earum frugum vnde panis fit, sed nondum demessa, vsurpatur

autem pro humo ipsa. Fruges verò quicquid ex fructu terræ in alimoniam vertimus. Vnde vina & poma inter fruges, non inter segetes numerantur, vt patet in Liuiο qui Gallos dulcedine frugum, maxime vini, dicit captos, & arborem frugiferam vulgo dicimus. Est tamen seges etiam aliarum rerum, vt lini, auenæ, canabis.

Seges & Fruges.

C A P. X X V.

SEges est eorum feminum, ex quibus conficitur panis, nondum demessa. Nonnunquam contētum pro cōtinentevsurpantes, ipsam humum ad accipienda semina subactam, segetem vocamus. vt Virgilius,

Illa seges demum votis respondet auari

Agricolæ, bis quæ solem, bis frigora sentit.

Fruges verò quicquid ex fructu terræ in alimoniam vertimus. Liuius, Eam gētem tradit fama, dulcedine frugum, maxime vini, noua tum voluptate captam Alpes transisse. Idem, Non arbore frugifera, nō satis in spem relictis. Plinius titulum dedit de arboribus frugiferis.

E P I T O M E.

Malleolus, est pars sarmenti formam mallei habens, & plantationi apta. Sarmentum autem, totum quod ex vite refecatur aut eradicatur. quod arefactum, tam sarmentum quàm malleolus vocari solet. Differunt ergo vt pars & totū: sed ad combustionem reseruata materies nunc malleolus, nunc sarmentū appellata reperitur.

Malleolus & Sarmentum.

C A P. X X V I.

Malleolus à farmēto sic distat, vt pars à toto. Est enim malleolus (vt placet Columellæ) in modum mallei rostra habens, aptus plantationi. Quando autem arefacta sarmenta sunt, cū malleolis igni reseruata, indifferenter vocantur. Nam & Hannibalem legimus farmēta cornibus boum alligasse, eaq; incendisse, vt hostes falleret. Et nōnullis ciuibus Romanis, quòd domos haberent plenas malleolorum, ad Capitolii, vel Urbis incendiā fraudi fuit.

E P I T O M E.

Herba dici solet, quæ terræ adhæret & hyeme demoritur. Frutex, inter herbā & arborem media, perennis quidem est, sed ad iustam mensuram arboris non assurgit, aut nōdum assurrexit. nā soboles quoque arborum & plātula, frutex dici solet.

Arbor & Frutex.

C A P. X X V I I.

ARbor à frutice ita differt, vt frutex ab herba. Est enim frutex, qui ad iustam magnitudinem arboris non assurgit, & statura similis est multis herbis, sed non demoritur, neque arefcit vt herba, sed perennis est. Inter frutices est soboles quoque illa arborum & plantula. Ab hac fruticari verbum, quasi fruticem renasci ex arbore. Marcus Tullius ad Atticū, Excisa est enim arbor, non euulsa. Itaque quàm fruticetur vides. Nam illud quod sæpe legimus, fruticari pilum, translatum est.

E P I T O M E.

Acini, baccæ, poma, & nuces, arborum sunt fructus quibus vescimur. Sed acini mi-

Fruticari.

nutiores densius nascentes. Baccæ, etiam minutiores, sed dispersius & rarius nascentes. Poma verò, maiores sunt arborum fructus, & corticem mollem habentes, ut mala, & pyra, & pruna. Nuces verò, quæcunque principalem fructum seu nucleum, testa aut cortice duriori concludunt. Vnde castaneæ, amygdalæ, iuglandes &c. nuges sunt. Pruna verò, cerasa seu cerasia, siue persica, & similia, licet nucleum testa concludant, poma. Glans autem, & quicunque alius fructus syluester, in numerum prædictorum non venit. Sunt autem baccæ etiam gemmæ: dictæ quòd baccarum instar sint. At Bacchæ, Bacchi sacerdotes.

Acinus, Bacca, Pomum, & Nux. CAP. XXVIII.

A Cinos inter & baccas hoc interesse puto, quòd acini inter fructus minutiores arborum fruticumve densius nascuntur: baccæ verò dispersius & rarius. Inter acinos enim numerantur grana vix, grana hæderæ, grana sambuci, grana ebulli, grana mali punici. addo etiam morum, & quicquid his est simile. Inter baccas verò, fructus lauri, fructus oliuæ, corni, loti, quam fabam Syriacam vocant, myrti, lentisci, similiumq; Supra hæc autem, poma dicuntur duntaxat quibus vescimur. Cerasum verò, vel (ut Seruio placet) cerasium, & prunum, & mespilum, poma, non acini neque baccæ nominantur. Glans in numerum istorum non venit: sylvestris enim & pastio porcorum est. Castanea in nuges refertur. vnde Virgilius, Castaneasq; nuges. sicut pinus, corylus, siue à loco auellana, amygdalus, iuglans, & siqua sunt his similia, nec poma dicuntur, sed nuges. Nonnunquam acini & baccæ indifferenter ponuntur. ut Virgilius, Sanguineis ebulli baccis minioque rubentem.

EPI TOME.

Crepitus, sonitus est violentus ex impulsu resultans. vnde fit increpare, quod est cum vocis eruptione & sonitu immani, id est feroci & immodico reprehendere. Specialiter autem crepitus est, qui natibus editur sonitus. Strepitus verò, fit ex corporum contactu, ex collisione rerum, & multarum vocum confusione sed modica. propriè autem est ambulantium pedum manuūq; aliquid pertractantium sonus. vnde ad Fortunæ pompam transfertur, quòd diuitum comitatus strepitum emittit. Fremitus autem, est vehemens huiusmodi sonitus vel fluctuum maris & populi obmurmurantis, aut etiam hominis excandescantis & quasi vocem præ iracundia immutat. At stridor, est acrior & quasi sibilans collisio, ut dentium concussorum.

Crepitus, Strepitus, Fremitus, & Stridor. CAP. XXIX.

C Repitus, sonitus est violētus ex impulsu resultans. Vnde increpare. Crepare, est cum eruptione vocis, & immani sonitu reprehendere. Cymbala tympanaq; crepitāt. Vnde fit crepitaculum. Tubæ quoq; & cornua, similiaque crepāt siue crepitant. Crepitus quoque specialivocabulo quid significet, malo me tacete minus notū esse, quàm me dicente nimis. Strepitus fit ex corporum tactu, siue collisione rerū, & multarū vocum in vnū confusione, si modo non sit immodicus. tunc enim dicitur fremitus, ut ex alto mari sonus fluctuum: & in populo murmur vocatur etiam fremitus: quin & indignantis, & excandescētis, & quasi humanā

vocem præ iracundia immutantis vox oratióq; fremitus dicitur. Stridor est acrior, & quasi sibilans collisio. Strepitus tamen propriè pedum ambulantium, manuumque aliquid pertractátium sonus est. Appellatur etiam fastus & pompa diuitiarú, quasi à strepitu comitantium: vt apud M. Fabium, Hic quum me euocasset subito, trepidum, totóque fortunæ suæ strepitu circumstetisset.

E P I T O M E.

Officium, est virtutis actio, pro loco, pro tempore, & pro rerum dignitate, quasi id munus ad quod exhibendum quicquam effectum aut institutum est. vnde magistratum & honestorum opificum, etiam vocamus officium. quinetià beneficia atque obsequia debite facta, officia vocamus.

Officium & Officia.

C A P. X X X.

De Amicitia.

In Gladiat.

Officium, est virtutis actio, quod Græci *καθήκον* vocant, vel vt latius explicem, pro loco, pro tempore, pro rerum dignitate, similibusque. Inde illud est quod dicitur à multis, In familia bene instituta omnes in officio sunt. id est omnes agunt quod debent. Et Missi sunt legatis obuiam ciues officii gratia. & Circumstabát Senatores Cæsarem sedentem in aurea sella officii gratia. id est honoris gratia, quem legatis, Cæsariue exhibere debemus. Nihil enim tam nos decet quàm merenti, vel honorem exhibere, vel opem ferre. Quo factum est etiam, vt officia significant beneficia, siue obsequia. vnde illud Ciceronis, Odiosum sanè genus hominum officia exprobrantium, quæ meminisse debet is in quem collata sunt, non commemorare qui contulit. Et illud Quintiliani, Duxit me similis ætas, euicerunt officia, caput fides, amantem odisse non potui. Magistratus quoque officium dicitur, siue quia honoris causa factus est, siue opis populo ferendæ, siue quia ius suum cuique, & quod cuique debetur, reddat. Cæteræ autem artes, quæ modo honestæ sint, suam rationem officium vocât. vt, Officium grammatici est, officium medici, officium architecti.

E P I T O M E.

Histrion, est qui personatus in scæna, voce, & corporis gestu fabulas agit. Mimis, qui vel intra vel extra scænam, gesticationes quasdam exercet: imitaturque mores hominum ac naturas, præsertim obscœne. & tam homines quàm poemata mimos vocamus, *ἐπὶ τῷ μιμῶμαι*, quod est imitor.

Histrion & Mimis.

C A P. X X X I.

Histrion, qui personatus in scæna tragœdias agit, comœdiâsque voce & corporis gestu. Mimis, qui vel intra, vel extra scænam gesticationes quasdam exercet, imitaturque mores hominum, ac naturas præsertim obscœnæ. Nam mimorum scriptores, res obscœnas, vt amores, tractant. Primum è Tusco quodam homine tractum nomen esse Titus Liuius ac Valerius

Maximus authores sunt. Alterū è Græco venit *ἀπὸ τοῦ μίμλου*.
Mimitam homines, quàm poemata vocantur.

E P I T O M E.

Actor dicitur, qui agit causam vt orator: aut gestum vultus & corporis, vt comœdus, tragœdus, ac mimus omnis. Actio enim, est tam ipsa pronuntiatio quàm oratio quæ habetur, & quàm oratio scripta. Actus autem, sunt fabularū quæ aguntur, partes. Author verò, communis generis, sine verbi origine (nā neque ab augeo Latino, neque ab *αὐτάρ* verbo Græco deducitur) dicitur quasi factor & rei gestor ac conditor. vt qui bellum gerit aut pacem facit, aut aliud opus, eius author dicitur: sicut & is cuius nomine & autoritate alii rem gerunt, hoc est homo in quo est ius, potestas, ac dignitas. Quinetiam pupillorum authores dicuntur, qui eorum res administrant. Præterea duces militem, authores vocabantur. Vnde authorare quasi obligare & subiicere. Et inde authoramentum, quod est quasi obligatio nexūsque, vel quasi stipendium quoddam ac pretium laboris. Auctio verò, est venditio in publico ac loco celebri. Vnde auctionari, sic publicè quasi sub hasta vèdere, supellectilia præsertim. Hæc ex Valla. Addit Mancinellus ex Calderino, dicens, Referam hîc quod Domitius in epistolâ Sapphus poetrix scripsit. Afferit enim quòd authorare est eligere in militiam: milēsq; authoratus ab imperatore, ei operam præstat, receptus scilicet in iura militaria & in imperatoris fidem. Inde exauthorare, diminuere est. Et authoramentum, significat illam adscriptionem simpliciter, non autē stipendium. Authorat ergo imperator militem, quum eum adscribit. Nam quicquid deinceps agit miles authoratus, ad imperatorem refertur, cui victoriā parat. Hæc & plura ille. Seneca præterea epistola prima lib. 18. sic ait, Multum autem à fortuna petendum est. Deinde sperandæ opes, authoramenta sunt seruitutum. Vbi quidem metaphoricus locutus est. Hæc Mancinellus.

Mancinellus.

Actor & Author.

CAP. XXXII.

Actor & Author ita differunt, quòd actor dicitur orator qui agit causam, quique gestum vultus & corporis agit. Vnde tum ipsa pronuntiatio, tum oratio quæ habetur, tum oratio scripta, actio est appellata. Itē Comœdus & Tragœdus, id est histrio qui agit gestus in scena, & quod huic generi simillimum est, qui agit Attellanas: & Mimus omnis, actor vocari potest: & partes comœdiæ, actus dicuntur. Nā Comicus, Tragicusq; poeta ipse est comœdiarum tragœdiarūque conditor. Author autem est (vt sic dicā) factor. Nam factor in vsu non est, nisi in quibusdam è Græco translatis. Et illud quotidianū, Credo in vnum Deum patrem omnipotentem factorem cæli & terræ, Græcè est *ποιητὴν*, hoc est poetam. At nos poetas cæterosque operum cōditores, authores vocamus, & illum qui fecit aliquod opus, qui egit bellum, egit pacem, authorem operis, authorem belli, authorem pacis dicimus, nūquam actorem. Quidam originem eius è Græco repetunt *αὐτάρ*, sed à Latino quoque facilius formari potest, nisi quòd nullum Latinum in orā supino descendens, est communis generis vt author. Nam quum est ab augeo (si modo vnamquam reperitur) auctor & auctrix facit, vt Seruio placet in Virg.

Actio.

Actor.

Actus.

Factor.

Author.

f.i.

- gillum scribenti. Idem super Donati artem ita ait, Quæritur, author vtrum per se, an de verbo oriatur. Sed sciendum est quòd à se nascitur. Nam illud quod est augeo, non nos secucat, quòd inde veniat. Aliud enim est augere, aliud authorem esse. Ego verò à Seruio non omnino dissentio, quum huius vocis nō videatur mihi origo esse, nec augeo, nec *αὐξάνω*. & inaudtum est, significationis illius hic & hæc author esse. Nam nunquam aliud (quantum ego sentio) significat quàm duo. Vnum quod dixi, & alterum quod est huic simile, hominem in quo est vis, potestas, & dignitas. Vnde authoritas dicta est: vt apud Liuiū dicitur, Decreuerunt enim, vt quum populus regem iussisset, id sic ratum esset, si patres authores fierent. Hoc est, authoritatem (vt aiunt) suā & decretum interponerent, ratum haberent, atque ratificarent, siue comprobarent. Et alibi, Maiores nostri nullā ne priuatam quidem rem agere fœminas sine authore voluerunt, in manu esse parentum, fratrum, virorūque. Et authores pupilli vocantur, in quorum administratione infirma ætas, resque eius sunt. Ideoq; filios regum pupillos sub authoribus fuisse legimus. Vnde Paulus iurisconsultus, Etiam si nō interrogatus tutor, author fiat, valet authoritas eius, quum se probare dicit id quod agitur. hoc est enim authorem fieri. Et Pomponius, Et si pluribus datis tutoribus vnus authoritas sufficiat, tãcti tutor authoretur. Quare authores sententiæ alicuius aut consilii vocātur hi, quorū sententiam consiliūque secuti sumus. Et duces militum, authores vocabantur. Vnde authorare. Liuius lib. 46, Signo dato suo impressas tabellas misit, & vero pignore velut authoratum sibi proditorem ratus est. id est obligatum & subiectum. Et Valerius Maximus lib. 4, Authorato sociis officio. Suetonius lib. 3, De legendo vel authorando milite, ac legionum & auxiliorum discretionem. Ex quo fit authoramentum, vel quasi obligatio, nexusq; vel quasi stipendium quoddam, & quasi pretium cuiusdam militiæ ac pugnæ actionisq; vt Quintilianus, Nec difficilem sanè, sub illo præsertim authoramēto, habuisset missionem: sed noluit gladiator viuere. Suetonius, Munus gladiatorii dedit, rudiariisq; quibusdam reuocatis authoramento cētēnū millium. Cicero, Quorum ipsa merces authoramentum seruitutis est. Seneca libro septimo epistolarum, Nullum sine authoramento malum est. Auaritia pecuniam promittit, luxuria varias voluptates, ambitio purpuram & plausum, & ex hoc potentiam, & quicquid potentia potest, mercede te vitia sollicitant. Denique author nihil habere commune cum augeo, neque cum *αὐξάνω*, auctio probat,
- Authoritas.
- Authorare.
- Authoramentum.
- In Gladiat.
- Auctio.

quæ venditio quædam est in publico ac celebri loco. Et hinc au-
 ctionari, publicè & ferè sub hasta vendere, non ea quæ ad esum
 spectant, sed ea quæ ad supellectilem, atque ad alios vsus, nec ferè
 nisi quæ penes alium in vsu fuerunt. Differt igitur actus ab au-
 ctu, quia diuersam originem sortita sunt. Auctus enim est incre-
 mentum ab augeo descendens, vt haustus ab haurio.

E P I T O M E.

Pupillus est ætate minor, & sub tutore carens patre, aut ab eo emancipatus, quasi
 paruus pupus, id est puer. Orphanus, carens patre, & etiam, vt Calepinus sentit, ma-
 tre, & ideo paterno præsidio multû indigens. *oppavix* tamen dicitur priuatio patris.

Pupillus & Orphanus.

C A P. XXXIII.

Pupillus, est qui caret quidem patre, sed tantisper dum est in
 ætate, cui adhibetur tutor. Orphanus, qui caret patre præsi-
 dioque paterno, & qui summopere desyderat illius opem,
 quum sine eo male habeat. Græcum tamen nomen est, non sa-
 nè à veteribus vsitatum.

E P I T O M E.

Triclinium, est conclaue discubitorium, à tribus inclinatoriis seu lectis dictû. Con-
 claue autem, omnis locus secretior conclusus, veluti quod comptoriû vocant. Au-
 lam, nostri atrium vocant, vulgo La sale. vetusti aulam pro olla vsurpabant: aut po-
 tius nunc ollam, mutata au in o, pro aula dicimus. vnde est Plauti Aulularia. Aula
 tamen, à Græcis pro tota regia ponitur, non solum pro ea parte quam salam, hoc
 est atrium vocant.

Triclinium & Conclaue.

C A P. XXXIII.

Triclinium à tribus toris, mensisve appellatum est. Ibi enim
 comedebant, præcipue in conuiuium accepti, quum res ip-
 sa postulare tres toros mensisve extrui. Qui autem huic
 ministerio præerat, Architrclinum vocant. Quintilianus qui-
 dem triclinium vocat, quod Cicero conclaue. Nam de eodem
 conutui loco, vbi Simonides artem memoriæ traditur inuenis-
 se, ille sic ait, Vix eo limen egresso, triclinium illud supra conui-
 uas corruit. Hic sic, Hoc interim spatium conclaue illud dicitur
 concidisse. Est igitur triclinium, conclaue discubitorium. Nam
 conclaue generalius est. quod est etiam pars quædam in penati-
 bus remotior, in qua vel viri colloqui, vel mulieres confabulari
 solent. Aulam autem, quod Græcum est, nostri semper transfe-
 runt atrium. Nam aulam pro olla, Plauto vetustissimisq; dicen-
 dum relinquamus.

Architrclinus

Lib. II. cap. 2.

De Orat. li. 2.

Aula.

Atrium.

E P I T O M E.

Penus, omnia quæ domi recondita ad victum priuatum pertinēt, continet: quo-
 rum repositorium, penarium dicitur. Commeatus verò, omnia quæ ad publicû vi-
 ctum spectāt, sed præcipue annonam, & quicquid annonæ vicem habet. Annona

f. ii.

autem, si tantum frumentaria est, oportet macellum etiam ubi frumentum venditur apud Ciceronem significare. Meminerimus autem quod reperiatur hic penus, & hæc penus, & hoc penus penoris, & hoc penu indeclinabile. Macellum autem, proprie significat locum ubi obsonia venduntur.

Penus & Commeatus.

C A P. X X X V.

Penarium.

PEnu ea omnia contineri dicuntur, quæ ad victum pertinent, sed priuatum, si modo domi reposita ac recodita sunt.

Annona.

Nam locum ubi ista reponuntur, Varrone teste, penarium appellamus. Quæ verò ad victum publicum spectant (sicut alio loco diximus) commeatus vocatur, sed ex paucioribus constat, ut Sumus diligentiores pro re priuata, quam pro publica. Ferè nihil aliud continet commeatus, quam annonam, & quicquid annonæ vicem habere potest. Quanquam (ut iterum dixi) priuatorum etiam commeatus est, nec annona tantum frumentaria, Ci-

Macellum.

cerone dicente libro secundo de diuinatione, Aut si Epicuri de voluptate liber rosus esset, putarem annonam in macello cariorum fore. Nescio tamen an macellum non tantum pro loco ubi caro venditur, accipiat, sed ubi & annona.

E P I T O M E.

Ceruix, posterior pars colli est. Iugulus, anterior. Collum, totum illud inter caput & humeros. Et quia in ceruice sunt nerui qui superbis rigescunt: ideo duræ ceruicis hominem, rebellè ac superbum vocamus. Et quia in iugulo sunt venæ, quibus lassis, vita exhalatur: ideo iugulare, & iugulum petere, interficere & mortem inferre dicimus.

Ceruix, Iugulus, & Collum.

C A P. X X X V I.

Lib. 8. cap. 3.
de ornatu.

CErui, est posterior colli pars, unde origo est omnibus neruis. Iugulus anterior, unde vox halitusque procedit. Collum omnes partes in solidum complectitur. Et quoniam nerui, qui corpus erectum rigidumque faciunt, in ceruice sunt collocati, dicimus hominem duræ ceruicis, quasi indomabilem more ferocium bouum: vel qui ceruice erecta & rigida est, contumaciam quandam & rigorem mentis præ se fert, tãquam nemini caput inclinare velit, tali nomine vocatur quasi duri capitis, duræque mētis. Ceruices etiam dicimus pro ceruice: imò singulari numero neminem ante Hortensium dixisse, Quintilianus est author. Similiter quoniam in iugulo mortifera statim plaga est præ cæteris membris, eadèque pars corporis vulnere obnoxia, ad quam mucro inter ipsa arma facile subit, à veteribus dicebatur petere iugulum, ferire iugulum, pro eo quod est petere mortem, inferre mortem. Quintilianus, Initurusque forensium certaminum pugnam, iam in schola victoriam spectet, & iugulum petere, & ferire vitalia, aut tueri sciat. Cicero in Verrinis, Sua confessione inducatur, ac iuguletur necesse est.

Petere siue ferire iugulum.

E P I T O M E.

Sinus, in complexu est brachiorum, gremium verò in complexu femorū. vtrunque autem ad aliud transfertur. Non ergo tenet nutrix infantem stantem super sinum, sed super gremium. nec admouet lactentem ad gremium, sed ad sinum. Est etiam sinus, oculorum. Est præterea sinum priori longa, vas, de quo in Bucolicis, Sinum lactis, & hæc tibi liba Priape quotannis Expectare sat est.

Sinus & Gremium.

C A P. X X X V I I.

Sinus est intra pectoris brachiorūq; complexum. vnde sinus vestium, quales erant tunicae Romanorū, & modo quorundam religiosorum supra cincturā laxitas illa vestis, quæ cingulum operit. Litora quoq; curua, & quasi brachiis mare amplectentia, sinus vocamus. Gremiū est inter complexum femorum, feminūmve, quo in complexu mulieres concipere solēt. Et per trāslationem gremium terræ appellamus, quum semen suscipit, conceptūque retinet: quasi viuentem foetum postea paritura. Quare quum lactantur infantes, ad sinum admouentur: pueri verò iam facti, à sedentibus matribus, utique quū illis blandiuntur, ad gremiū accipi solēt. vt Virgilius de Cupidine sub imagine pueri Ascanii, Hæret, & interdū gremio fouet inscia Dido. Quinetiam matres nutricēsve quum super genua collocant infantem, aut extremis vestibis repositum, & ad vterū vsque sublatum gestant, in gremio magis quàm in sinu tenere, aut gestare dicuntur. vt idem de eodem,

Gremium.

-& foetum gremio dea tollit in altos

Idaliæ lucos.

E P I T O M E.

Socius socio dicitur, quia inter se pares sunt. Comes comiti, nūquā, aut perquam raro dicitur. nam comes, minor est duce, eo scilicet cui comitatum præbet, saltem sub ea ratione qua comes, quanuis alio qui maior esse possit. Commilitones autem, pares sunt sub duce militantes. Reperitur autem comes, pro socio. Sed attendendū etiam, dum per metaphoram loquimur, vt comitem dicamus rem subsequenterem & minorem, vt intemperantiam ebrietatis, non ediuerfo. In rebus tamen persona carētibus, potius magistrum aut magistram, patrem aut matrem, materiem aut materiam, caput aut frontem dicimus: quàm ducem, quod personis conuenit. Est præterea comes in quibuscunque rebus. Socius ferè in arduis & seriis ac fortunæ subiectis. Sodalis autem, ferè in voluptuosis & ad conuictum pertinentibus priore longa. Vnde religiosi qui vulgo fratres dicuntur sodales non inepte vocentur. Cæterum comis, homo benignus est & facilis, qui aliis non grauare inseruit.

Socius, Comes, & Sodalis.

C A P. X X X V I I I.

Socius socio dicitur, comes comiti raro dicitur. Nanque socius est par, comes verò minor: quippe qui sequitur, & ducem habet. vt Cicero, Non comitem se (inquit) sed ducem præbuit. Et alibi, Neque enim princeps tunc ad salutem esse potuissem, si esse alii comites noluissem. Ideoq; duces in bello quoties milites alloquuntur, conciliandæ beneuolentiæ gratia, non

f.iii.

Commilito.

ferè appellant comites, sed socios, communicantes quodammodo ipsorum dignitatem cum illis, vt ediuerso quum eosdem commilitones vocant, communicantes eorum conditionem ac sortem cum ipsis. Neque enim dux commilito est militum, sed milites inter se commilitones: vt apud Virgilium AENEAS comites suos consolans, ait, O socii. Et author ipse sua persona loquès de Achimenide, inquit, Comes infœlicis Vlyssi. Et iterum, Vno graditur comitatus Achate.

Neque rectè dixeris de Vlyssè & AENEAE, hunc esse comitè Achate, illum Achimenidis. Idem tamen ait,

Arma deosque parant comites. Et iterum,

Sacra deosque tibi commendat Troia penates:

Hos cape fatorum comites. Nunquid dii erant comites Troianorum atque AENEAE, an duces? certè dii penates comites erant confessione tum AENEAE, tum ipsorum quoque deorum. Nam libro primo AENEAS ait,

-raptos qui ex hoste penates

Classe veho mecum. Et in tertio dii aiunt,

Noste Dardania incensa, tuâque arma secuti:

Nos tumidum sub te permenfi classibus æquor.

Sub te, id est te duce. & te secuti sumus, id est tui comites fuimus.

Idem quoque de Græcis dicendum est, & de eorum deis. Idem etiam de Sibylla & de AENEAE, quanquam modo hic, modo illa dux erat aut comes. tamen quia sequebatur AENEAE voluntatem Sibylla, & quasi ministrâ se præbebat, comes erat. Quia verò ducebat præmonstrans iter & declarans ea quæ ignorabat, dux eadem dicitur. tamen si aliquando comitem pro socio dicimus. vt Cicero in rhetoricis de illo viatore, qui quum ante lucem surrexisset, Comitem (inquit) suum inelamauit semel & sæpius. quum de eodè antea dixisset, In itinere quidè proficiscentem ad mercatum quendam, & secum aliquantum nummorum ferentem est comitatus. id est infecutus. Quare peccauit, tū Priscianus ad Iulianum scribens, Tibi ergo hoc opus deuoueo omnis eloquētiae præsul, vt quantamcunque mihi Deus annuerit suscepti laboris gloriam, te comite, quasi sole quodam dilucidius crescat. Quid magis absurdum, quàm quem dicas tuum solem, eundem appellare comitem tuum hoc ipso quòd sol est? tum ille (parco nomini sacrosancti viri) qui dixit, Ebrietas est comes libidinis & intemperantiæ, superbia comes est odii, diuitiæ sunt comites superbiæ. Nam potius dicendum erat, Libido & intemperantia comes est ebrietatis. Sequitur enim libido & intemperantia, ebrietas antecedit.

Odium comes superbiæ est, superbia comes diuitiarum. Cicero, Est gloria comes virtutis. Gloria enim sequitur honestatem, sicut umbra corpus. In eodem opere nuper à quodam perdocto viro, illud, Iracundiam laudant, comitem fortitudinis esse dicunt: emendatum sic erat, Comitem fortitudinem, vt sciremus verum esse quod ait Quintilianus, Dum librariorum inscitiam insectari volunt, suam confitentur. Idem Cicero alio loco, Cupiditas dicendi, pacis est comes otiique socia. Siquidem pacem sequitur dicendi cupiditas. Quid ergo si hæc comes est, illa dux erit? dicemusque, Pax est dux cupiditatis dicendi, & ebrietas est dux libidinis & intemperantiæ? Non est hic sermo quidem vsitatus, sed potius per alia verba, quorum tria nunc in mentem veniunt, *Magister.* Magister magistræ, pater matervæ, materies materiæ. vt, *Pater.* Ebrietas *Mater.* magistra est libidinis & intemperantiæ: superbia est mater odii. *Materia.* diuitiæ sunt materia superbiæ. quibus tribus ferè indifferenter vti possumus. In personis verò magis cõuenit dux, aut in his rebus, *Dux.* quæ personis sunt similes, qualis est fortuna quæ dea fingitur. Cicero non semel dixit, fortunam non ducem, sed comitem fuisse quibusdam imperatoribus. Est præterea (vt eò redeam unde egressus sum) alia differentia inter comitem & socium: quod *Comes.* comes est qui vtunque sequitur alterius ductum: socius plerumque in negotiis, seriisque rebus, & fortunæ arbitrio subiectis. vt *Socius.* Cæsar in Commētariis, Itaque Androsthenes Prætor Thessaliæ, Bel. Ciu. lib. i. quum se victoriæ Pompeii comitem esse mallet, quàm socium Cæsaris in rebus aduersis, omnem ex agris multitudinem seruorum ac liberorum in oppidum cogit. Verùm huiusmodi differentia aptior est inter socium & sodalem. Est enim propriè sodalis in rebus leuioribus ac sæpe voluptuosis. Quintilianus, Quo *In Gladiæ.* tandem patereris animo, si delicatus adolescens, præsertim splendidis opibus, vel ex ætate mores, vel ex fortuna traxissem, & tempestiua conuiuia, & peruigiles * iocos aduocata sodalium tur- * *ludos* ba, solutus atque affluens agerem? M. Tullius, Epulabar modicè cum sodalibus. Sodalitates enim me Quæstore sunt institutæ. Idem alibi, Ego Plancium Laterensem, & ipsum gratiosum dico, & habuisse in petitione multos cupidos sui gratiosos, quos tu si sodales vocas, officiosam amicitiam nomine inquinans vitioso. Caius autem, Sodales (inquit) sunt, qui eiusdem sunt collegii, quos Græci *συνίτης* & *ἑταῖρος* vocant. A quo non sanè discordat apud Marcum Tullium Antonius, qui Norbanum Quæstorem suum appellat sodalē. Comis, est benignus homo & facilis, qui *Comis.* aliis non grauati inferuit.

E P I T O M E .

Pompa, est solennis quidam apparatus & ostentatio, tã in prosperis, vt in triumphis, quã in aduersis, vt in funeribus. Spectaculũ verò, est quicquid spectatur, aut ipsa spectatio, aut locus vnde spectatur. Quocirca omnis pompa spectaculum est, sed non omne spectaculum est pompa.

Pompa & Spectaculum.

C A P . X X X I X .

In ægro red.
*exequias

Pompa omnis, spectaculum est, sed nõ contrã. Pompa quidem in prosperis est & in aduersis, qualis est in triumpho, & in funere, quasi quidam solennis apparatus & ostentatio. Cicero, Sed iam è pompa in veram aciem descendamus. Virgilius, Ad delubra iuuat solenneis ducere pompas. Quintilianus, Quid enim si respõdere iubeas orbitatem, cur in * exequiis totos egerat census, quid sibi velit ille funebriũ longus ordo pomparũ? Spectaculum verò, nunc illud est quod spectatur. vt, Nocte pluit tota, redeunt spectacula mane. Nunc ipsa spectatio. vt, O acerbum spectaculum. Nũc locus vnde spectatur. vt, Sedebat in spectaculis, & De spectaculis excitatus est.

E P I T O M E .

Senectus & senectã, & interdum senium est senilis ætas: diciturq; interdum adiectiue senectã ætas. Iuuenta etiam est iuuenilis ætas, sed iuuentus licet pro iuuenta accipiat, frequentius significat iuuenem multitudinem seu cœtum. Vnde Seruius dicit, quòd iuuentus est multitudo iuuenum, sicut pubes pubescentiũ. Iuuenta verò, iuuenilis ætas. At Iuuenta, dea ipsa. Author autem noster dicit iuuentutem, etiã frequentiam iuuenum: innuens iuuenilem quoque ætatem significare, sicut ibi, Ad deum qui lætificat iuuentutem meam.

Senectã & Senectus, Iuuenta & Iuuentus.

C A P . X L .

Senium.

Senectã, est senilis ætas: Iuuenta autem iuuenilis, & (vt quibusdam placet) dea ipsa melioris ætatis & iuuetutis. At Senectus idem est quod senectã. Iuuentus verò etiam frequentia iuuenum, non solum ætas. Seniũ quoq; pro senectute accipitur.

E P I T O M E .

Abstinentia, iustitia est qua ab alienis nos abstinemus. Continentia verò, temperantia & modestia qua nos ab illicitis & voluptuosis continemus. Cõfunduntur autem interdum: quia qui ab alienis abstinet, appetitum suum sæpe continet & cohibet. Vnde generalior est continentia. Hanc autem differentiam ostendunt partes componentes. Abstineo enim componitur ab abs & teneo. contineo à con & teneo. Continemus ergo quod intra nos est, ne effluat: & abstinemus ab eo quod extra nos, ne ad nos perueniat.

Continentia & Abstinentia.

C A P . X L I .

Continentia ab Abstinentia ita differt, quòd abstinentia iustitia est: Continentia verò illa, quæ inter virtutes quarta numeratur, quæ eadem dicitur temperantia & modestia. Est enim hæc, quã à voluptatibus nos continemus. Abstinentia, quã abstinemus ab alienis, nulli vim inferetes, nihil cuipiã eripientes.

Cicero, Si in vna voluptate continuerit, in alia se effuderit. Rur-
sus, Quod beneficium est, quod te abstineris à nefario scelere?
Nonnunquam tamen indifferenter, vt apud Valerium Maximū
titulus est de abstinentia & continentia, vbi exempla istarū vir-
tutum promiscua sunt. Vt tamen sentio, continētiæ dare poteris
nomen abstinentiæ, potius quàm ediuerso. Illud enim specialius
videtur, hoc generalius: quemadmodū temperantia putatur sub
iustitia esse, vel ab ea non posse separari. Illa verò sine hac frequē-
ter est. Quare recte continentia vocatur abstinentia.

E P I T O M E.

Pecus pecudis ac pecoris, animal est quod sub imperio est hominum, & pabulo
terræ pascitur: vt bos (qui taurum & vaccam, & castratos significat) equus, caballus,
asinus. Non autē onager qui est asinus agrestis: nec lalisio, onagri pullus. Item mu-
lus, hinnulus, camelus, bubalus, ceruus: quorum congregatio armentum dicitur pro-
prie: licet Virgilius pecoris custodem, armentarium dixerit. Nam armenta, quidam
ab arando, quasi aramenta, deducunt: quidam ab armis, eo quod maiores sint armē-
tis armi. Nam gregem ouium, caprarum, porcorum, similiumque (minorum quidē
animalium) dicimus. licet gregem etiam de armentis, saltem cum epitheto, dicere
liceat: pro quo interdum pecus pecoris reperitur, quinetiam pro sola oue. Præter
pecora, sunt feræ, id est animalia syluestria: & cicures, id est ex syluestribus mansue-
facta. Nam cicurare, mansuefacere est: & cicur, mansuefactum. Sunt autem qui pecus
dicant, quicquid humana effigie caret: sed pecudem fere pro oue legimus. Sūt qui
feras velint proprie dūtaxat eas dici, quæ ferociunt: improprie autem omnes qua-
drupedes, præter pecudes.

Pecus pecudis, & Pecus pecoris.

CAP. XLII.

Pecus pecudis, & Pecus pecoris, propè nihil differunt. Signifi-
catur enim hoc nomine animal, quod sub imperio homi-
nū ex pabulo terræ pascitur, vt bos (qui taurum vaccamq; Bos.
cōprehendit, præter suū propriū significatū) equus, caballusve,
qui asinariam potius operā exercet: asinus, non autem onager,
nec lalisio. Mulus qui proprie generatus est ex asino & equa. Nā
hinnulus dicitur, qui patre equo, matre asina genitus est, quem Hinnulus.
quidam burdonem nominant. Camelus quoque, nam non tan- Camelus.
tum pascitur sub magistro, verum in quibusdam locis inter ar-
menta. Et eius significatio non modo ad marem fœminamque
pertinet, vt passer & aquila, sed cum genere fœminino nonnun-
quam iungi inuenitur, vt camelos fœtas. quale est bos, vt apud
Virgilium, Ille meas errare boues, vt cernis. Quod ideo minus
mirum est, quod lupus etiam apud Varronem & Ennium, & Fa. Lupus.
biū Pictorem in genere fœminino reperitur, siue hic lupus lupā
quoque significet. Huic simile est bubalus. Cæterū & ipsi cameli,
& cætera quæ enumeravi, armenta faciunt, licet quidam velint Armenta.
tantū esse bouum, quasi ab arando aramenta dicta, deinde sublata
tertia litera, armenta. Præterea ouis, quæ marem fœminamque Ovis.

Capra.
Porcus.
Greges.

significat. Capra cum qua caper, siue hircus. Porcus cū quo porca intelligitur. Vnde fiunt greges, vt Grex ouium, grex caprarū, grex porcorum. Ouidius Metamorphoseos quarto,
Mille greges illi, totidēque armenta per herbas
Pascebant. Virgilius tertio Georgicorum,
Hoc satis armentis: superat pars altera curā,
Lanigeros agitare greges, hirtāsque capellas.

Idem tamen de ceruis primo AEneidos dixit,
-hos tota armenta sequuntur A tergo.

Vt minus mirandum sit, si de bobus gregem dixerit ibi,
Aut aliquam in magno sequitur grege: tamen ad distinctionem
adiexit Magno, sicut Horatius adiecit Mugientium in Epodis,
Aut in reducta valle mugientium
Prospectat errantes greges.

Philipp-3.

Quasi grex sit generalius nomen, armentum verò specialius: & illud sine appposito de pecoribus minutis intelligatur, cum appposito possit etiam ad maiora transferri. vt Cicero in Philippicis,
Fudit apothecas, cecidit greges armentorum. Hæc omnia pecudes & pecora dixeris, quorum exempla tot sunt, quoties hoc vocabulum reperimus. Veruntamen pecus pecoris nonnunquam reperitur pro multitudine pecorum siue pecudum, sed gregaliū potius, quā armentaliū. vt Virgilius,
Dic mihi Damœta, cuium pecus? an Melibœi?
Infœlix ô semper ouis pecus. Et alibi,
Caprigenūque pecus nullo custode per herbam.

Ouidius Metamorphoseos libro decimotertio,
Hoc pecus omne meum est, multæ quoque vallibus errant,
Multas sylua tegit, multæ stabulantur in antris.
Nec (si fortè roges) possim tibi dicere, quot sunt.
Pauperis est numerare pecus. de laudibus harum
Nil mihi credideris, præsens potes ipsa videre,
Vt vix sustineant distantum cruribus huber.
Sunt fœtura minor tepidis in ouilibus agni:
Sunt quoque par aliis ætas in ouilibus hœdi.
Cur dixit Multæ & Harum, quum nullum genus antea nominasset: nisi quod intellexit oues & capras, quas postea nominat. Cicero in Verrem, Nominat iste seruum, quem magistrum pecoris esse diceret. Virgilius tamen Georgicorum tertio ait,
Pascitur, itque pecus longa in deserta sine vllis
Hospitiis, tantum campi iacet: omnia secum
Armentarius Afer agit. Armentariū pecoris dixit. Nonnūquam

pecus pecoris significat ouem, nec solum vulgo vbi hæc animalia pecora dicuntur, verumetiam apud graues authores, quorum est Plinius, qui libro octauo inquit, Est & in Hispania, sed maxime Corsica, non maxime ab simile pecori, genus Musimonum, caprino villo quàm pecoris velleri propius. Quorum è genere & ouibus, natos prisca Vmbros vocauerunt. Infirmissimum pecori caput. Et nō longe post, Suis foetus sacrificio die quinto purus est, pecoris die octauo, boui tricesimo. Quintilianus, Cur in vsum vestium sæpe pecori lanæ detrahuntur? Præter pecudes autem, ceteræ quadrupedes, feræ sunt. licet proprie videantur feræ dici, quæ feritatem habent, vt leones, vrsi, pardi, lupi, vulpes. Harum quæcūque mansuefactæ sunt, cicures vocantur, qualis canis, qui nec pecus, nec fera est, licet sit natura ipsa non tantum fera, sed etiam ferus: qualis elephas, siue (quod vñtatius est) elephantus ad bella domitus, alioqui fera natura, de quo nomine idem quod de camelo fortasse dici potest, quod & communis generis sit, & armentum faciat. Quidam suum domesticum tantum cicurem vocant. Ego potius aprum dixerim, qui ex fero cicur est factus. Nec aprum modo, sed etiam onagrum, ceruū, capreolum, damam, capream, leonem quoque: denique quicquid cicurari potest. Cicurare enim (vt Varro ait) est mansuefacere. Quod enim à fero discretum est, id dicitur cicur. & ideo dictum, Cicur ingeniū obtineo. id est mansuetum. Inde natum à cico cicur videtur. Cicum dicebant membranā tenuem, quæ est in malo punico discrimen. Hæc Varronis verba confirmat Cicero, vbi ait, Nam aliæ sunt feræ, aliæ cicures, aliæ natantes, aliæ volucres.

E P I T O M E.

Collis, est paruus mons, seu montis non ardua pars. Iugum, est ipsa arduitas montis sub vertice tamen paulum procliuius & prona sicut in collo hominis. Cliuius autem, mollis & planus est in monte aut colle situs. Promontorium, est mons in mare prominens.

Collis, Iugum, Cliuius, & Promontorium. CAP. XLIII.

Collis est (vt ita dicam) monticulus siue per se, & à monte separatus, siue pars montis. Iugum (vt etiam ita dicam) ipsa arduitas montis, & procliuius ac prona supinitas, cui similis est in colle Cliuius: tamen mollis magis & clemens, vt cliuius Capitolinus, cliuius qui ducit ad Ianiculum, cliuius montis Auentini, quos omnes scimus esse in vrbe Roma colles. Vnde quidam vocant eam urbem septicollem. Et antiquitus fiebant festa quædam Septimontalia. Liuius, Itaque quū per Cassilinum euadere non posset, petendūque montes, & iugū Caligulæ superandū. Et alibi, Quantū in altitudinē egrediebantur, magis magisque

*mare.

syluestria, & pleraque inuia loca excipiebāt. Vt verò iugis appropinquabant (quod rarum in aliis locis esset) adeò omnia cōtectā nebula, vt haud secus quàm nocturno itinere impedirētur. Promontorium locus est in * mari prominens, vt Plinius libro 26, Promontoria aperiuntur mari, & rerum natura agitur in planū. Liuius libro 33, Aut aperiuntibus classem promontoriis. Idē 46, Adiunctaque insula Eubœa, & excurrente in altum, velut promontorio, Attica terra sita ab tergo.

E P I T O M E.

Officina, est vbi opera ipsa fiunt. Taberna, vbi opera cæteraque merces venduntur. Illa enim ab efficiendo dicitur. hæc, à tabulis in quibus res vanales exponuntur. Sunt autem quibusdam tabernis & opificibus propria nomina: vt caupona & cauponi, argentaria & argentario, quem campforem seu bancarium vulgus vocat. Sed qui Græce *τραπεζίτης* & *κολλυβιστής* dicitur, à nobis nummularius, seu mēfarius dici potest. nam collybistes, id est nummularius, trapezas, id est mensas habet.

Officina & Taberna.

C A P . X L I I I I .

Opifices.

Artificia.

Caupona.

Argentarius.

Officina, est vbi opera fiunt. Taberna, vbi opera ipsa, cæteraque merces venditatur. Officina est statuarii, fusoris, flatoris, cælatoris, excusoris, vitrearii, pictoris, futoris, fabri, qui multiplex est, lignarius, & hic non vnus generis: ferrarius, nec hic simplex: lapidarius, qui & ipse in multas diuiditur species. Taberna vocatur vinaria, lanaria, olearia, & mille huiusmodi, vnde opifices & tabernarii vocantur. Cicero pro Lucio Flacco, Opifices & tabernarios, atque omnem illam faciem ciuitatum quid est negotii concitare? Nec negauerim aliquando vnū eundemque locum officinam & tabernam esse, vt futrina, in qua calcei & fiunt & venduntur. Quædam igitur artificia (quanquam sola artificia sunt opificū) cætera quæstus & operæ dicuntur. Sed quædam huiusmodi semper habent suū nomen, vt hæc ipsa futrina futoris, & lignarii proprie fabrica, aurificis aurificina, cauponis caupona: tamē & eam quæ vinū venditat, cauponam vocamus. Quidam malunt dicere cauponam pro loco. Argentarii argentaria, quod nomen quidam pro artificio, & argentarium pro artifice (qui idem est aurifex) accipiunt. atque ita est in Ieremia. Titus autem Liuius, Cicero, Quintilianus, cæteraque omnis antiquitas pro his accipit, qui campfores vulgo dicuntur, non illos dico minutos, qui nummularii & mēfarii à nobis, *κολλυβιστæ* à Græcis dicuntur, qui iidem trapezitæ vocari possent. Nam collybistæ, trapezas habent. Sed Plautus in Curgulione trapezitam & argentarium pro eodem accipit.

E P I T O M E.

Auis, est quæcunque pennis prædita, oua parit. Volucris, omnis quæ volat, vt etiā apes, vespeæ, muscæ, culices, &c. Vnde Maroni volitans dicitur Georgicorum tertio,

Plurimus alburnum volitans. Quo in genere potius est vespertilio quàm auium: & tamen Valla videtur inter aues numerare.

Auis & Volucris.

CAP. XLV.

Avis est quæ oua parit, pennisque est prædita, prætervnum vespertilionem, qui utroque caret, quatuor enim pedes habet, & semimus est. Volucris est quæcūque volat, nec auis solum, sed illæ bestiolæ quoque minutiores, ut apes, vespa, cullex, tabanus, locusta, musca, cicada. Siquidem Quintilianus, apes, Declam. 13. volucres vocat. Et Plinius non semel hoc signat. vnde & Cupido volucer dicitur.

EPITOME.

Indoles, est inolita atque ingenita generositas, ac virtus in quacūque ætate. Sed in puero est quasi futuræ virtutis indicium, in aliis etiam præsentis.

Indoles.

CAP. XLVI.

Indoles est non solum in pueris & adoleſcētibus significatio futuræ virtutis, ut apud Quintilianum, In primis annis laudaretur indoles. Cicero, Ut enim adoleſcentibus bona indole præditis sapientes senes delectantur. Et Valerius titulum de indole fecit, non tantum puerorum adoleſcentiumque exempla repetens: sed etiam in viris, & quidem præsentis virtutis, ut idem Cicero de Officiis, In quibus est virtutis indoles, commouetur. Idem pro Cælio, Siquis Iudices hoc robore animi, atque hac indole virtutis, & continentia fuit. Liuius de Lauinia iam matre, & post mortem AEnææ res administrante inquit, Tanta in ea virtutis indoles fuit. Lucanus,

Indole si dignum Latia, si sanguine prisco
Robur inest animis.

Indole quasi generositate quadam virtutis atque animi. Liuius ad malam quoque partem & ad muta atque inanîmata transfert, loquens de Hannibale: sic, Cum hac indole virtutum & vitiorum triennio sub Hasdrubale imperatore meruit. Et alibi, Sicut in frugibus, pecudibusque non tantum semina ad seruandam indolem valent, quantum terræ proprietates, cælique sub quo aluntur: generosius in sua quicquid sede gignitur: insitum alienæ terræ, in id quod alitur natura vertente se degenerat.

EPITOME.

Concio, est multitudo populi ad audienda quæ in rem publicam sunt, congregata, quæ Græce *ἑκκλησία* dicitur: aut oratio ipsa. Addit Mancinellus etiam locum Mancinellus. significare. Verba eius sunt, Aulus Gellius libro 8. cap. 7. scribit concionem tria significare: locum, suggestumque, vnde verba sunt. Item coetum populi assidentis. Item orationem ipsam quæ ad populum diceretur. Hæc ille. Errant ergo qui ecclesiam pro templo sumunt. Item qui eius secundam corripiunt, cum Græce *ἑκκλησία* habeat, quod apud nos in e longam vertitur.

Concio.

CAP. XLVII.

Ecclesia.

Concio est populi multitudo congregata, vel ex magistratus iussu, vel ex publici sacerdotis, vel interdum sua auctoritate, & sponte propria ad audiendum oratorem concionantem in bonum publicum: cuius etiam oratio vocatur concio. In priore significato est Græce ἐκκλησία, quam nos pro Latina voce habemus. Multique ecclesiam nescio quo iure ædes sacras appellant, quum cœtum hominum (vt dixi) significet, nō loca.

E P I T O M E.

Leges, sunt aut principis aut liberi populi. Iura autem generalia sunt. nam & ius gentium, & ius ciuile, & ius naturale dicitur. non tamen quod natura omnia animalia docuit: nam soli homines iure viuunt. Nisi dicamus ius naturale esse quod peccatoribus nostris inscriptum est, vt omnia decalogi præcepta præter vnū de sabbathi obseruatione, quod natura docuit omnia animalia, id est omnes homines, sicut dictum est, Prædicate euangeliū omni creaturæ: aut id demū esse ius naturale quod natura docuit omnia animalia, vt educationem prolis, & ad victum acquirendū institutionem: & similia quæ saltē plurima animalium obseruāt, sed in solo homine iuris vim habent. Qui legem fert, orator dicitur, qui multo præstantior est quàm iuriscōsultus qui legem interpretatur. neque omnia quæ vim legis habent, leges dicentur, vt à iuris peritis, sed literarum imperitis dici solent.

Aliud Leges esse, aliud Iura.

CAP. XLVIII.

Rogationes.

Leges Iuræque scripta sæpe inuenimus. ex quo datur intelligi aliud esse leges, aliud iura. Sunt igitur leges, aut principis aut liberi populi. Quæ à rege conduntur, alterius cōsensum non requirunt: quæ ad populum feruntur, quæque sine eius iussu ferè ratæ non sunt, quia rogari, id est interrogari de his populus solet, rogationes etiam dicuntur. Iura autē magis generalia sunt. Siquidem & ius gentium est, & ius ciuile. Nam ius naturale dicere, quod natura omnia animalia docuit, ridiculum est. Appetitum coeundi, atque adeò nocēdi imbecilliori animali, spoliandi, occidendi, quis ius esse dixerit? Ideoq; M. Tullius in libro Officiorum de iure naturali silētium egit, inter solos homines ius esse significans, idque gentium esse vel ciuile. In rhetoricis tamē ius naturale statuit, sed quod in homines tātūmodo cadat. cuius species sex esse voluit: religionem, pietatem, gratiam, vindicationem, obseruantiam, veritatem. Sed hæc hæctenus. Ius ciuile dicimus tā leges, quàm plebiscita, senatusconsulta, decreta principū, responsa prudētum: quod vltimum velut interpretatio est superiorū, quod qui profitentur, iuriscōsulti nominantur. Qui verò legem fert ad populum, ferè orator est, aut præsidio oratoris indigens, vt appareat quanto præstantior orator est, quàm iuriscōsultus, quum hic sit quasi illius scriba: aut ille præceptor, hic

Iuris naturalis species.

Ius ciuile.

Iuriscōsultus

Orator.

pædagogus: ille dux, hic ducis legatus atque affecla. Quid dicam de iurisperitis, hoc præsertim tempore, qui quum maximo ab illis consultis interuallo distent, se literatorum arcem tenere arbitrantur? quorum quanta sit eruditio, vel hinc colligi coniectura potest, quòd quoties Pauli, Vlpiani, aliorumve testimonium assumunt, legem nominant, quum longe aliud sit, legem esse, & habere vim legis. quòdque deformius est, vnâ legem in plures leges partiuntur. verbi causa, Ad legem Aquiliam, quoties Scæuola, quoties Papinianus aliûve quis loquitur, etiam si bina verba, & quidem à superioribus dependentia, toties nouam legem appellant: non ab aliquo legislatore vnâ legem, sed ab infinitis interpretibus legum, infinitas leges esse iudicâtes. Etiam titulum de verborum significatione, legem, imo leges, appellât. quo quid absurdius?

E P I T O M E.

Aceruus, est rerum minutarum, vt frumenti, congeries. Strues, lignorum. Strages, cadauerum prostratorum. Sarcina, vt ensilium. vnde Sarcinulas colligere, est militare, more militari.

Aceruus, Strues, Strages, & Sarcina. CAP. XLIX.

Aceruus minutarum propriè rerum congeries est, vt frumenti & leguminis, vt falis. Interdum aliquanto etiam maiorum, vt aceruus scutorum, apud Virgilium. & ferè generale ad omnia est. Strues autem propriè lignorum. Strages verò cadauerum interfectorum vno in loco, ac propriè iacentiû multitudo, siue humanorum, siue mutorum. Sarcina, vt ensilium, & eorum quæ ad cultum, ad ornatû, & ad cæterum vsum pertinent (vt sic dicam) fascis, quem quis in itinere faciendo portare possit. Siquidem milites quum castra mouere volunt, sarcinulas colligere dicuntur: & qui in aliam domû immigrant, sarcinas suas cõponere. Res enim nostras domi cistis capsisque cõpositas, sarcinas vocamus: vt apud Quintilianum, Iacent relictæ sine hærede sarcinæ.

E P I T O M E.

Ministerium, proprie est ministri opera, sed pro omni opera vsurpatur. In plurali significat ministros: sicut & seruitia seruos. Mysterium autem, res est mystica. id est arcana, personis diuinis duntaxat cognita.

Ministerium & Mysterium. CAP. L.

Ministerium, ministri opera est propriè, sed pro omni operatione quoque accipitur, vt de rege Latino Virgilius, -mœstusque refugit. Fœda ministeria. Mysteriû verò, Græcum est *μυστήριον*, arcana quædam res, & propriè diuinis viris sacerdotibusque tantummodo cognita. Illud prius in numero

Seruitium.

In Andria.
Act. 4. sc. 1.In Catilina-
rio.Ministeria.
Officia.

plurali solet accipi pro ministris, sicut seruitia pro seruis. Nam seruitiū, aut seruitus ipsa, aut seruitutis actio est, vt Dauus apud Terentium,

Ego Pamphile hoc tibi pro seruitio debeo,
Conari manibus, pedibus, noctesque & dies
Capitis periculum adire, dum prosum tibi.

Afferamus etiam in aliis exempla. Sallustius, Interea seruitia repudiabat, quorum in initio ad eum magnæ copię concurrerāt, quia opibus coniurationis fretus, simul alienum suis rationibus existimans videri causam ciuium cum seruis fugitiuis communicasse. Quintilianus sæpe ministeria pro ministris dixit: vt ibi, Non torset ministeria cæci. Et officia pro officialibus, obsequiaque exhibentibus. Paulus iuriscōsultus teste Labeone ait, Urbica ministeria dicimus etiam quæ extra urbem nobis ministrare consueuerunt. Vlpianus denique cōcubinam, filios naturales alumnos constituit generali appellatione contineri, & siqua alia sunt eiusmodi ministeria. Liuius libro quarto, Frumento nanque ex Hetruria priuata pecunia per hospitum clientūque ministeria coempto.

E P I T O M E.

Scurra, risum ab audientibus, etiam sine dignitate personarum, captat. Parasitus omnia ad assentationem, ventris gratia, & facit & dicit.

Scurra & Parasitus. C A P. L I.

Scurra est, qui risum ab audientibus captat non salua dignitate personæ. Parasitus, qui omnia ad voluntatem eius loquitur, in cuius cōtubernio est: omnia assentatur, omnia illius facta, simul ac dicta laudat, nihil repugnat, nihil facere recusat ventris gratia, in quo summum bonum constituit, quorum magna copia in principum domibus est.

E P I T O M E.

Bucca, & buccæ, in significando non differunt, nisi vt musa & musæ. oratores tamen frequentius in singulari loquuntur. Est autem bucca, maxillarum ac oris pars quæ vento inflari solet. Gena, mēbrana oculum tegens. Mala, inter genam & buccā rotundum illud in formam mali. Maxilla verò, interior pars oris, molares continēs: quorum occultissimus, genuinus dicitur. Genuino quæquam rodere, est occulte per inuidiā mordere, illique detrahere. quod Horatius dixit Dente Theonino: & Persi⁹, Genuinum fregit in illis. scilicet carpendis & rodendis. Non ergo rodimus genuinum, sed genuino hominem inuisum.

Bucca, Gena, Mala, & Cilium. C A P. L I I.

Buccam & buccas pro eodem accipimus. Oratores frequentius in singulari: vnde illud vsitatum, Dicam quicquid in buccā venerit. id est in os. sed non in labra, vt vulgus existimat, Quintiliano probāte, qui ait, Ore enim magis, quam labiis

loquendum est. Sed vulgus errat atque fallitur, quum legit buccam, & duas buccas: in illa accipiens vnum os, in his duo labra. *Os.* Verū ego ostendi, os, ipsam concavitatem esse vnde vox prodit, non oram labrorum. Etenim Iuuenalis, quū ait, Bucca foculum excitat, non de extremitate oris, sed de interiori parte dixit, quæ inflari solet, vêtumque cōcipere. Et iterū de tubicinibus loquēs, Notæque per oppida buccæ: de illa deformi vtrunque inflatione intellexit tubam infantium, non de labris, quæ latent quū tuba canit. Nam & Horatius quoque quū inquit, Quin illis Iuppiter *Serm. Saty. 1.* ambas Iratus buccas inflet: non de labris locutus est, quæ inflari non possunt. Quod Plautus apertius docet in Poenulo, Nescias vtrū ei maiores buccæ, an māmæ sient. Quid autē buccæ significēt, ex Plinio audiamus, simulque quid malæ, quid genæ, quid cilium. Hæc enim eodē loco tractat is, præter quàm quòd alibi dicit buccarum sinus. Et iterum, Buccarum inanitas. ita lib. II. ait, *Cap. 37.* (sequar autē ipfius ordinē, seriēmq; libri,) Quibus fragilia operimenta, iis oculi duri. Omnia talia, & pisces, & insecta, nō habent genas, nec integūt oculos. Omnibus membrana vitri modo trās lucida obtēditur. Pauloque post, Sed quadrupedibus in superiore tantum gena, volucris in inferiore. Ac paulo pōst, Grauiores alitū inferiore gena cōniunt. At quadrupedes quæ oua pariunt, vt testudines, crocodili, inferiore tantū, sine vlla nictatione, propter præduros oculos. Extremū ambitū genæ superioris, antiqui cilium vocauere, vnde & supercilia. Hoc vulnere aliquo diductū *Supercilium.* non coalescit in paucis corporis humani membris. Infra oculos malæ homini tantū, quas prisci genas vocabāt, xii tabularum interdicto radi à foeminis eas vetante. Pudoris hæc sedes. Ibi maxime ostēditur rubor. Infra eas, hilaritatem risūque indicantes buccæ. Et altior homini tātū (quē noui mores subdolæ irrisioni dicauere) nasus. Non alii animalium nares eminēt. Auibus, piscibus, serpentibus, foramina tantū ad olfactus, sine naribus. Et hinc cognomina simorū, filonū. Septimo mēse genitis sæpenumero foramina auriū & nariū defuere. Labra à quibus * bronchi, La- ** Brocci,* beones dicti. Ex his Plinii verbis apparet etiā eam in vultu partē vocari buccas, quæ vento inflari solet: genam membranā illā, & *Bucca.* quasi vestem qua oculus integitur & conniuet, id est aperitur & *Conniuere.* clauditur, hoc enim est cōniungere. Malam verò, illud inter genā *Mala.* & buccam, quasi rotundū in speciē mali (nā vtrunque horū vocabulorū primā lōgam habet: Malus verò mala malum, primā breuem) cuius interior pars quæ oris hiatū efficit, vbi molares affixi sunt, maxilla dicitur, nomen diminutiū non re sed voce. *Maxilla.*

Genuinus
dens.

Genuino ro-
dere.

Malam quoque genam dici Plinius idem fatetur. Ideoque dens ille intimus & ipsi genæ affixus, genuinus dicitur: qui quia maxime latet, ea re factum est iam tritum vetustate prouerbiū, Genuino rodere dente: id est, latenter per inuidiā carpere famā alterius, & hoc (ut ille testatur) à posterioribus. Nā veteres tantum membranam illam oculi, genam appellabāt. quam vetustate à posterioribus quibuscumque seruata reperimus, nec poetis modo, ut draconis genæ pro oculis, continens pro contento, & Seneca in tragœdia de OEdipo loquens, inquit, Et per irati sibi genas parentis. Etiam continens pro contento. Verum oratoribus quoque, ut Quintilianus de cæco loquens, Illa perpetua nocte clausæ genæ non custodierunt.

E P I T O M E.

Pastio, licet propriè significat actum pascendi: tamen frequētius accipitur pro alimento pecudū, pastus pro alimento hominū. Pabulum, pro alimento pecudum & etiā brutorum potissimum herbaceo, & quod pascendo absumitur. Escā est omnium edentium. unde inescare, per escam capere, more aucupū. Pasci, propriè bestiarum est. Vesci magis hominū: sed vesci nunc fere ablatiuum regit: nec idē propriè sunt pascor & pascō. Cōtra hoc dicit lima Mancinelli talis, Pascō neutrum, & pascor depōnens, idem significare ipse ostendam, & vtrumque regere accusatiuum. Ouidius lib. 1. Fast. Paut ouis pratū. id est comedit. Virgilius lib. 2. Aeneidos, Et miseros morsu depascitur artus. id est comest, vorat. Legimus item pascor & pascō sine accusatiuo, in eadem significatione, testis Maro lib. 3. Georg. Pascitur in magna sylua formosa iuuenca. Cætera pascuntur virides armenta per herbas. Saltibus in vacuis pascant, & plena secundū Flumina. Patet igitur idē esse pascō & pascor: & vtrumque regere accusatiuum, vtrumque etiam sine accusatiuo legi. Quandoque tamen diuersa sunt. nam ut dicimus, Herba pascit illum, Cadauer pascit aues, Tuo corpore pascis volucres, Ego pascō vitulos, &c. ita non dicimus, Herba pascitur illum, Cadauer pascitur aues, Tuo corpore pasceris volucres, &c. Lucanus lib. 4. -en nobile corpus Pascit aues. Virgilius libro 3. Aeneidos, Et vulsis pascunt radicibus herbæ. Naso in Ibin, Aereas volucres corpore pascē tuo. Virgilius in Bucol. Pierides vitulam lectori pascite vestro. Præterea pascor, non solum regit accusatiuum, sed ablatiuum quoque. Virgilius lib. 4. Georg. Pascuntur verò syluas. Et idem in Bucol. Frondibus hirsutis & carice pastus acuta. Item, Dumque thymo pascuntur apes, dum rore cicadæ. Et lib. 3. Georg. Frondibus & victu pascuntur simplicis herbæ. Vescor tum ablatiuum accusatiuo iunctum legimus. Tibullus lib. 2. Vera cano, sic vsque sacras innoxia laurus Vescar, & æternū sit mihi virginitas. Manilius libro 5, Te quoque auro, iam vescimur aurum. Virgilius, Visceribus miserorum, & sanguine vescitur atro. Vescor præterea, non solum ad cibos refertur, sed ad alia quoque, sicut vtor. Hinc Tibullus ait, Laurus vescar. Et poeta, Si vescitur aura. Horatius item libro 2. carminum, Quicumque terræ munere vescimur. Addimus vltèrius, Vesci, brutorum etiam, non solum hominū esse. Plinius enim lib. 9. cap. 15. sic ait, Nūc principatus scaro datur, qui solus piscium dicitur ruminare, herbisque vesci, non aliis piscibus. Hæc ille. De quibus hæc sentio: Pascō verbum est actiuum, accusatiuum regens, idque quatuor modis. Primo significat ad pastum seu passionē custodio & dirigo. quod qui faciūt pastores dicuntur. Sic Maro in Bucol. Tityre dū redeo, brevis est via, pascē capellas. Item, Et formosus oues ad flumina paut Adonis. Sic metaphorice in euangelio, Pascē oues meas. Secundo significat nutrire per assumptionē sui. Lucanus, -en nobile

corpus Pascit aues. Tertio absumere ad nutritionē aut passionem sui. vt Ouidius Fast. 1, Pascit onis pratū. Quarto nutrire aliquid aliquo, idq; in accusatiuo & ablatiuo. Ouidius in Ibin, Aerias volucres corpore pasce tuo. Virgilius Georg. 3, Pasce sero pingui subaudi, canes. Interdum ablatiuus non exprimitur. vt in Bucolicis, Pierides vitulam lectori pascite vestro. & Iam pascite taurum. Pascor etiam quod Mācinello passiuē & deponētaliter accipitur, mihi significat figurate. Primo custodiri ad pastum aut pasci & nutrirī, idque absolute. vt Georg. 3, Pascitur in magna sylua formosa iuuenca. Item Cætera pascuntur virides armenta per herbas. Sic & pasco absolute legitur. vt Saltibus in vacuis pascunt, & plena secundum Flumina. Aut cū ablatiuo. vt in Bucol. Frōdibus hirsutis & carice pastus acuta. Item, Dūmque thymo pascuntur apes, dum rore cicadæ. Et Georgicorum quarto, Et victu pascuntur simplicis herbæ. Posset addi ablatiuus agens: vt Boues pascuntur à bubulco. Ille autem modus quo res, quæ absumitur, pascit & nutrit, non transit in passiuum. Licet enim bene dico, Pompeii corpus pascit aues: tamē nō dicam, Corpus pascitur ab auibus: sicut non dico, Herbæ nutriūtur ab ouibus, licet herbæ nutriant oues. Secundo, Pascor, quia cum accusatiuo patiente cōstruitur, deponens videtur. vt Georgicorū 4, Pascuntur verō syluas. AEneid. 2, Miseros depascitur artus. In quibus tamen locutio nō absimilis synecdochæ. Nā per synecdochen dictum est, -tepes Hyblæis apibus florem depasta salicti. id est habens florem depastum. vt, Expleri mentē nequit, &c. Dixi Vesci magis esse hominum, propter vnum exemplum Plinii, quod non puto improprium: quia cum vesci sit vescum & vegetem seu vegetum vescēdo fieri, nō video cur non possit cæteris quoque animantibus cōuenire. Addidi Nūc fere ablatiuum: quia apud priscos similia verba etiam accusatiuo cōstructa sunt: vt sunt hæc, Potior, fungor, fruor, ytor, abutor. Et Vescor ad cibum pertinet, licet per metaphoram interdum: vt vescimur, id est deuoramus aurum: quod & cibo & potui admisceri solet, & potabile fieri. Potest & laurus in cibum verti. Et Horatius dixit, Qui eunque terræ munere vescimur. id est frugibus è terra natis. Sed & aura, quasi potu quodam ad refrigerium vescimur.

Pastio, Pastus, Pabulū, Esca, Pasco, Pascor, & Vescor. CAP. LIII

Pastio videtur significare cibum, sed tamē potius ad alimentum pecudum pertinet, quæ pasci dicimus: quanquam suapte natura significat ipsam actionem pascendi, nūc frequentius cibum. Pastus homini competit. Varronis liber de re rustica titulum habet de villaticis pastionibus, videlicet quæ ad bruta pertinent. Cicero Tusculanarum libro quinto, Cum oblectatione solertiæ, qui est vnus suauissimus pastus animorum. Pabulum est pecudum quidem, & tamen aliorū quoque brutorum: quantumque ego sentio, magis cibus herbaceus, scæniceusque, ac paleaceus, & stramentitius, similitūmque, quàm ex seminibus. A pasco enim & hoc descendit, sicut pastio. Escam antiqui accipiebāt etiam quod dabatur auibus piscibusve ad decipiendū, nō solum pro cibariis humanis, aliorūmque animalium. Quo modo autē pasco neutrū, & pascor deponens, idē significēt, Priscianus viderit, qui hoc sibi persuasit. Est enim pascor, comedo & voro, semperque regit accusatiuū, illud verō sine accusatiuo. vt, Pascentes seruabit Tityrus hœdos. Proprie pascere bestiarū est, sicut vesci

t.ii.

hominum: nisi quòd hoc regit ablatiuum, & aliquando potum quoque complectitur, vt Anacharsis apud Ciceronem, Carne, cafeo, lacte vescor. Pro quo significato non recte dicam, Carnem, caseum, lac pascor. Aliud ergo est pascor, aliud vescor.

E P I T O M E.

Incola, in alieno habitat loco publico. Inquilinus, in alieno priuato, conductio videlicet. Vnde qui in patria sua conducit, inquilinus est: qui alibi, incola, si in loco. nam si ad locum, accola diceretur, etiam si proprius sit.

Incola, Inquilinus, & Accola.

C A P. L I I I I.

Incola, qui in alterius regione habitat, & in aliena ciuitate atque republica. Inquilinus, qui in alieno priuato, propriè tamen in còducto, siue in vrbe, siue ruri. Cicero de Officiis, Peregrini & incolæ officium est, nihil præter suū negotiū agere, nec esse in aliena republica curiosum. Idem in Philippicis, Quæ in villa ista antè discebantur, quæ literis mandabantur, iura populi Romani, monumenta maiorum, omnis sapietiae ratio, omnisque doctrina. At verò te inquilino, non domino, personabāt omnia vocibus ebriorū. Hoc est, in quo incola differt ab inquilino. Rursus Incola ita differt ab Accola, quòd incola qui in loco, accola qui ad locū habitat: ideòque quicūque iuxta aquas sunt, accolæ dicuntur, nec refert in suo an in alieno: vt accola Vulturini, accola Padi, accola Rhodani. At qui in montibus domos vrbesque positas habent, incolæ dicuntur: qui iuxta montes, accolæ. Nec immerito legendū est illud in Psalmo 104, Et Iacob incola fuit in terra Cham. non autem accola, quia vox Græca etiam cōsentit *περιόχων*. licet multis aliis in locis apud Hieronymū quoque hoc vocabulum reperitur sic positum.

E P I T O M E.

Campus, est locus planus capiens ampliter, vt in vrbe, plateæ & aræ grandes. nā angustiores dicuntur aræ. Ager, est in circuitu vrbis territorium. & id duntaxat in singulari. In vtroque autem numero dicitur qui à nobis in rure colitur. Aruum autem dicitur, quod frumento seritur. loquendo verò singulariter, omnia completor quæ in territorio sunt.

Campus, Area, & Ager.

C A P. I V.

Campus est planities terræ ampla & grādis, ideòque spatiosæ plateæ aræque, campi nomen acceperunt. Vnde Romæ campus Martius. Nam locus huiusmodi angustior vocatur area. Ager verò, tum circūiectum ipsi vrbi territorium, vt ager Campanus, ager Leontinus, ager Faliscus: tum locus in rure quē colimus, siue arando, siue conferendo. Nam is qui seritur frumentis, aruum nominatur. Verum in hoc secundo significato habet pluralem numerum: vt, Omnes agros ciuiū depopulatus est. in priore non habet, duntaxat dum loquimur de singularum

Incola.
Accola.

Aruum.

vrbiū territorii. non enim dices recte sic, Antonius dedit militibus suis agros Campanos & Leontinos. nam hoc pacto non complector nemora, saltus, pascua, desertos montes. sed sic potius, Dedit militibus suis agros Campanum & Leōtinum, id est agrum Campanum & Leōtinum. quo quidem modo complector omnia, quæ in territorio illo sunt. Ager etiā flumina, lacus, cæteraque omnia includit.

E P I T O M E.

Sylua, est generale nomen: lucus, speciale. Est enim lucus, sylua incædua, manu cõfita religionis gratia, & numini dicata. Saltus, est sylua, inuia pecudibus & feris, ad æstuationem ac hyemationem apta: sic quod per eam saliant dicta. Nemus, voluptatis causa comparatum, amœnitatis plenum, estque nomen Græcum.

Sylua, Lucus, Saltus, & Nemus. CAP. XVI.

Sylua, & Lucus, Saltusque, sic differunt, quod sylua generalius nomen est: præterea solet esse cædua. Lucus nequaquam cæduus est, quin potius manu confitus religiosusque, atque vel alicui deo, vel alicuius hominis cineribus consecratus. Ideoque aut circa delubra numinum, aut circa sepulchra virorū positus est. Saltus verò, sylua inuia, nec transeuntibus peruia. in quo pasci atque æstiuare pecudes solent: aut si locus aerque patiatur, hyemare. Nemora autem, voluptatis causa cõparata sunt, & plena amœnitatis.

E P I T O M E.

Femora à ferendo, vt Phocas vult, dicta sunt partes supremæ crurum exteriores & anteriores: Femina partes illic interiores & molliores, sed posteriores. Quæ sūt interiores, quia intra crura sub membris pudendis, & ita molliores: vnde Apuleius membrum muliebre, eo quod inter femina ponitur, interfemineum vocat. Sunt itaque femina partibus fissilibus, id est super quas sedemus contigua, & pro illis ponuntur. Vnde Plinius libro 28, Femina, inquit, atteri adurique equitatu notum est. Et quia sunt posteriores partes, ideo Plinius ea accipit pro partibus in posterioribus cruribus, in apibus dicens libro vndecimo, Prioribus pedibus femina onerant, propter id natura scabra. Significant etiam femina inferiores crurum partes, à flexu dictæ paulum supra pedes. Plautus in Asinaria, Asinos prædicas vetulos, claudos, quibus obtrita ad femina erant vngulæ. Columella libro septimo, Femina secari & interdum inuri solent. ideoque illud Liuii, Succisis feminibus, poplitibusque inuenerunt, nō tam de superioribus quàm de inferioribus partibus intelligam. quia interiores illæ partes non facile succidantur, nisi iam mortuis: & prius dixit feminibus, quàm poplitibus, quasi de subter illos positis. Sane de superioribus partibus dicuntur feminalia & femoralia, subligacula, & partium illarū ac pudendarum tegmina, quæ etiam à Valla hîc braccæ vocantur, vt à vulgo: quum tamen aliud sint braccæ, vnde braccata Gallia. Sane femur quia priorem corripit, nō scribetur diphthongo: & qui femina, licet primam producant, à flectendo deducant, sine diphthongo etiam scribunt: alii à fouendo vt nomen femina fœminæ deducetes & scribunt. Coxa secundū Vallā est supra femur vsque ad vertebra in quo crura vertuntur, & flexu quodam quiescente superiore corpore agitantur. Celsus libro quarto dicit, Coxis proxima esse genua. Vnde videtur complecti totam partem inter genua & vertebra, sed præcipue os ipsum.

Femora, Femina, & Coxa.

CAP. LVII.

Femora partem illam anteriorem significant, Femina partem interiorem, mollioremque, quæ se contingunt. vel Femora partem anteriorem, Femina posteriorem. Liuius libro vicesimosecundo, Quosdam & iacentes viuos succisis feminibus, poplitibusque inuenerunt. A quo conficitur nomē femoralia, siue feminalia (vtroque enim modo scriptum reperiō) pro braccis. Tamen nominatiuus semen non reperitur. Coxa, pars supra femora, vertebrumque ipsum, quoties vitiatum est, aut os illud quod in vertebro voluitur, fractum, coxa vitiata, fractaue dicitur.

E P I T O M E.

Crimen, est delictum aut ipsa criminatio. Flagitium propriè crimen in libidine, flagris dignum. sed pro aliis etiam leuioribus accipitur.

Crimen & Flagitium. CAP. LVIII.

CRimen, non modo pro delicto, sed pro ipsa etiam criminatione. Cicero in Philippicis, Hæreditatem mihi negasti obuenisse, vtinam hoc tuum verum crimen esset. Flagitium propriè in libidine, quasi flagris dignum crimen, sed pro cæteris quoque peccatis accipitur, nec tantum turpibus, verum his etiam quæ per negligentiam, imprudentiâ, obliuionemque committuntur: vt idem in Bruto, Tantamne fuisse obliuionem, inquit, in scripto præsertim, vt ne legens quidem senserit quantum flagitii admisisset? id est erroris.

E P I T O M E.

Vectigal, est prouentus ac reditus tã ex priuato quàm ex publico: idque ex omni prædio. Fœnus autem, ex solo ipso. nam naturalis fructus terræ propriè est. Sed ad vsuram & lucrum sine labore acquisitum transfertur. Vnde fœnum, quasi fœnus terræ, nascitur enim sponte.

Vectigal & Fœnus.

CAP. LIX.

Vectigal, non solum ex publico, verum etiam ex priuato capitur. vt in Paradoxis Cicero, Ex meo tenui vectigali capio ego ducenta. Et iterum, Non intelligunt homines quantum vectigal parsimonia est. Paulus, Cæsæ arundinis, vel pali cōpendium, si in eodem fundo vectigal esse consuevit, ad fructuarium pertinet. Ex omni tamen prædio vectigal est. Fœnus verò ex solo ipso. Nam dicitur naturalis fructus terræ, fœnus. Postea autem, ad vsuram translatus, quasi pecunia per se fructum producat, sicut terra.

E P I T O M E.

Luctus, est dolor qui extrinsecus proditur, aut habitus lugubris.

Luctus.

CAP. IX.

Luctus, est dolor, qui exterius proditur vultu ipso, atque aspectu. Sæpe ipse habitus vultus, atque vestis, luctus est. unde de secundo bello Punico post cladem illam Cannensem censuerunt patres conscripti, ne foeminae ultra triginta dies in luctu essent. non videlicet, ne in dolore (non enim imperare dolori possumus) sed ne in illo lugubri habitu. Et matronae Iuniū Brutum anno luxere, tanto tempore item Publium Valerium.

E P I T O M E.

Otium, vacatio est à labore præsertim publico: aut studium literarum, quod vacationem desiderat.

Otium.

CAP. LXI.

Otium vacatio à labore, quod notum est. Cuius contrarium est negotium. Sed quia hi qui studiis operam dant, necesse est ut non negotiosi sint, factum est ut otium pro literario studio accipiatur. ut Quintilianus, Inquirendo, scribendoque talia, solemur otium nostrum. Non desiderat otium solatium, sed labor: ergo pro labore studii otium accepit. Cicero, Quid dulcius otio literato? id est studio, & (ut ita loquar) negotioso otio. Tale quid habet apud Græcos ἀλν.

Schola.

E P I T O M E.

Amor, est dilectio vehemens in quocunque. Charitas, tantum in homine. Est etiam caritas annonæ, præsertim dum est penuria, quam inepti caristiam vocant. Penuria tamen, omnium rerum carentia & difficultas acquirendi est. Caritas autem, rerum quæ care, id est non vili, emuntur. Sunt qui in priore significato per ch scribant, à Charitibus, id est gratis. sed Charites primam corripit. caritas autem, seu caritas eandem producit, unde plus usus quam ratio induxit per ch scribere.

Amor & Charitas, Caritas & Penuria. CAP. LXII.

Amor genus est, charitas species. Illud ad omnia pertinens, hoc autem ad homines demum, & quidem pro dignitate ac qualitate personarum. Maxima quidem charitas debetur parentibus, proxima filiis, & deinceps reliquis. Caritas etiam pro penuria accipimus. Sed frumenti quidem & annonæ caritatem dicimus. Penuriam verò vini, aquæ, pabuli, pecorum, pecuniæ, virorum, cæterarumque huiusmodi rerum. Vel penuria est (ut sic dicam) carentia omnium rerum. Caritas verò, quæ contraria est vilitati. Ideoque Plinius Iunior ait, accessisse agris suburbanis caritatem. & Quintilianus quum ait, Itaque caritas annonæ, rarum frumentum, cædes ac direptio pecorum. id est, ac si dixisset, caritas annonæ, penuria frumenti.

In pastu ca-
dauerum.

E P I T O M E.

Seditio, à seorsum sedendo aut eundo dicta est, quum populo secum discordante res ad manum vocatur. Factio est diuisio ciuium in diuersa studia, vt litera latius declarat, dum scilicet pro se quisque facit.

Seditio & Factio.

C A P. L X I I I.

Seditio vel à seorsum sedēdo, vel (vt Ciceroni placet) à seorsum eundo dicta, tunc est, quum populo secum discordante, res ad manum vocatur. Qualem ciuitatis statum Virgilius describit, sic dicens,

Ac veluti magno in populo, quum sæpe coorta est

Seditio, sæuitque animis ignobile vulgus:

Iamque faces & faxes volant, furor arma ministrat.

Similiter dicitur seditio in exercitu, in classe, in schola, & siquid est tale. Factio est diuisio ciuium in diuersa studia, quum aliqui se principes & primarios in ciuitate efficere conantur, inter quos æmulatio est, qui & factiosi dicuntur pro se quisque quammaximam potest ciuium multitudinem (qui clientes vocantur) ad se trahens, sibi que quouis pacto per fas, nefasque concilians: quæ pestis intestina cunctas ciuitates duntaxat Italiæ infecit.

E P I T O M E.

Bellum proprie significat totum tempus quo arma hostiliter exercentur cum iustis hostibus: vnde Liuius refert populum Romanum nullo bello, sed præliis seu conflictibus multis victum. Rarius accipitur pro prælio. Sallustius, In eo bello trecenti milites desiderati sunt. Non enim loquitur de toto belli tempore, sed de conflictu. Prælium, est conflictus ipse armorum. Vnde Virgilius, Fugies media inter prælia belli. Pugna videtur dici à pugnīs, sed geritur interdum pugnīs, interdum armis, interdum verbis aut animis. Vnde Virgilius, Placidone etiā pugnabis amore. In quæ nemo armis pugnat. Certamen autē omnis conflictus & certatio est quocunque fiat. Festus quem sequitur Dathus, bellū à belluis deductum putat: quia, vt dicit Ouidius, Cādida pax homines, trux decet ira feras. Priscianus à bono per antiphrasim, quod sit minime bonū. Vnde Maro, Nulla salus bello, pacē te poscimus omnes. Alii citra antiphrasim, quia bello bona repetuntur, & ad mores cōducit. Vnde Iuuenal. Nūc patimur lōge pacis mala, sæuior armis. Luxuria incubuit, victumque vlciscitur orbē. Alii à bono per diminutionem, à quo sic certe dicitur bellus, a, um, vt fit in neutro substantiuatum, sic dictū quod sit bellum: id est, aspectu pulchrum videre acies bene instructas. Non tamen bellas faciūt bella terras, quia squalent abductis arua colonis.

Bellum, Prælium, Pugna, & Certamen. C A P. L X I I I I.

Bellum est tum ipsa pugna, tum totum tempus quo in militia sumus, quam illiterati guerram vocāt. Prælium ipsum tantummodo armorum certamen. Nam & pugna certamenque etiam citra arma fit. Interdum etiam fit nudis verbis.

E P I T O M E.

Copia, est facultas atque potestas. Petitque verbū facio, apud oratores: apud poetas etiam do, sine quo ferē abundantiam significat etiam in plurali, in quo tamen peculiariter pro militum multitudine accipitur, pro qua, licet rarius, etiā in singulari reperitur. Nunquam autem pro exemplo seu exemplari, apud doctos legitur.

Copia & Copia.

CAP. LXV.

Copia, facultas, potestasque est. vt, Faciam tibi copiam inspicendi libros meos: id est, dabo tibi facultatem, vel faciam tibi potestatem. Vt enim alio loco dixi, semper iunctum est cum verbo facio, duntaxat apud oratores. Nam poetæ cum aliis verbis, & præcipue cum do. vt Virgilius,

Affari extremum miseræ data copia matri.

Et iterum,

Postquam introgressi, & coram data copia fandi.

Sine his autem duobus verbis copia plerunque pro abundantia accipitur. Vnde dicta est copia orationis, & copia pecuniarum, & copia frumenti. In plurali quoque pro eodem significato. vt, No ui copias tuas, Omnium rerum copias habeo. Peculiariter tamen appellamus militum multitudinem: vt, Copiæ Pompeii, copiæ Cæsaris, copiæ aduersariorum: pro quo imperiti dicunt, Gentes ^{Gentes.} aduersariorum, gentes nostræ. Et in hoc etiam significato nonnunquam in singulari: vt Pompeius ad Domitium, Neq; solus cum ista copia tantam multitudinem sustinere poteris. Idem ad eundem, Etiam atque etiam hortor, vt cum omni copia quamprimum ad me venias. Sallustius, Postremò ex omni copia Catilinæ, neque in prælio, neque in fuga quisquam ciuis ingenuus captus est. Virgilius in secundo AENEIDOS, Et quæ sit me circum copia lustrò.

EPI TOME.

Elogium, est testificatio de aliquo, siue honoris, siue vituperationis gratia. Interdum testificatio etiam simplicis sententiæ.

Elogium.

CAP. LXVI.

Elogium, est testificatio de aliquo, siue honoris, siue vituperationis causa. Vituperationis, vt Quintilianus, Non est, In Cæco in li-
dices, quod putetis ideo nullum adiectum ad exhæredatio- mine.
nem iuuenis elogium, quia de scelere constaret. Et alibi, Si exhæredatum à se filium pater testatus fuerit elogio, propterea quòd is meretricem amaret. Multa sunt huiusmodi exempla apud iurisconsultos, sed vnum suffecerit Modestini, vbi huius nominis (nisi ab altero adiecta sit) interpretatio reperitur. Cuius hæc verba sunt, Desertorem auditum ad suum ducem cum elogio, id est cum vituperatione mittat. Honoris causa, vt Marcus Tullius, In quod elogium plurimæ consentiunt gentes, virum esse ciuitatis primarium, &c. Et iterum, Quid elogia sepulchrorū: Quæ qualia 1. Inst.
sint, Suetonius in Claudii vita ostēdit, dicens, Nec contentus elogium tumulto eius versibus à se compositis inculpassisse, etiam vitæ memoriam prosa oratione composuit. Seneca in declama-

Li. 2. de Finib.

tionibus, Deceffit negotiator, testamēto omnium bonorum reliquit formosam vxorem hæredem, & adiecit elogium, Quia pudicam comperi. Pro simplici autem sententiæ suæ testificatione Cicero, Solonis quidem sapientis elogium est, quo se negat velle suam mortem dolore amicorum & lachrymis vacare.

E P I T O M E.

Condictio, est denuntiatio vel actio in personam, quam actor intendit sibi dari oportere. Conditio verò, fortunæ qualitas est ac fors, item optio atque electio: quo modo cum verbo offero aut fero, vel pono fermè ponitur. & ab eo cui placet conditio, ferè respondetur, Accipio conditionem. Item Offero electionem, & Do optionem plurium rerum, dicimus. Offerimus autem conditionem vnius rei.

Condictio & Conditio.

CAP. I X V I I.

Condictio à condico nascitur. Conditio à cōdo. Illud rarius est, quod ita Iustinianus (si credimus hominem Græcū Romanis iura potuisse præscribere) diffinit, Condicere, est denuntiare prisca lingua. Nunc verò abusiue dicimus conductionem, actionem in personam, quam actor intendit sibi dari oportere. Nulla enim hoc tempore eo nomine denuntiatio fit. Ergo condictio erit, vel hæc actio, vel illa denuntiatio. Conditio verò multi his temporibus male (vt pleraque) vsurpant, accipiētes promentis qualitate. veluti, Hic est homo mansuetæ & bonæ cōditionis: quod antiqui dicebāt, boni & mansueti ingenii. Nos quoque, que mansueti animi, & mansuetæ mentis. Nos quum dico, de illis dico qui Latine loquuntur. Nam homo bonæ conditionis, Latine dicitur, si ad fortunas referatur, non si ad mores. vt, Ille est vir magnæ, paruæ, mediocris conditionis. id est diues pauperve, aut inter hos medius. Ego sum positus in hac conditione. id est fortuna ac sorte. Cicero, O miseram conditionem administrandi consulatus. Huic significato illud penè par est, quum inter plura eligendæ sortis est oblata electio, vt apud Marcū Fabium, Oblata est à iuuenibus tyranno conditio, vt dimitteret alterum ad visendam matrem, ad diem præstitutum reuersurum, ita vt nisi accurrisset ad diem, de eo qui restiterat, pœna sumeretur. Dicimus igitur, Offero cōditionem, vel fero, vel pono conditionem. Nunquam ferè per aliud verbum. Quæ conditio dum placuit, etiam ferè semper dicimus, Accipio conditionem. vt apud Terentium, amatores Chrysidis tulerunt mulieri conditionem, si vellet eis morem gerere, se daturos illi pretium, liberalēque mercedem. Ipsa verò accepit conditionem, hoc est pactioni, promissionique assensit. Ab illo significato non longè absunt, Offero electionem, do optionem. Hæc tamen solent esse inter plura, illud verò in vno frequentius. vt Offero electionem vtrum velis eli-

Offero, fero,
vel pono cō-
ditionem, &
accipio.

Offero elec-
tionem.

gendi, & do optionem quod velis potissimum optandi. deinde tu aut eligere te dicis, aut optare. Offero conditionem Chrysidis, vnam scilicet. Do optionē.

E P I T O M E.

Epitome patet. Mancinellus autem dicit sic, Frondes, non arborum tantum esse legimus. Plinius enim lib. 19. cap. 6. de Gethyo Ascaloniariū genere sic ait, Gethyū penē sine capite est, cervicis tantum longæ, & ideo totum in fronde. Item cap. quinto eiusdem lib. 19. vbi de raphani generibus tractat, ita scribit, Etiamnum vnū syluestre, Græci agrion vocant, Pontici armon, alii leucen, nostri armoraciam, fronde copiosius quā corpore. Mancinellus.

Frondes & Folia.

CAP. LXVIII.

Frondes arborum sunt tantum. Folia autem & arborum & herbarum, & florum quoque.

Excubiæ & Vigiliæ.

CAP. LXX.

Exubiæ diurnæ & nocturnæ. Vigiliæ tantummodo nocturnæ.

E P I T O M E.

Suffragia, sunt voces quæ dicebantur ad comitia, vel scribebantur in tabella, quibus suam quisque declararet voluntatem de aliquo eligendo in magistratū. Transsumuntur autem pro auxiliis & fauore: sicut suffragor, pro auxilium fero. & cōtrā, refragor, pro repugno, potissimum dictis, sed & factis.

Suffragia.

CAP. LXX.

Suffragia sunt (vt sic dicam) voces, quæ dicebantur ad comitia, in tabellāve scribebantur, quibus suam quisque declararet voluntatem de aliquo eligendo in magistratum: qualis est hoc tempore electio summi pontificis, & eius quæ Cæsarem Augustum Christiani non erubescunt appellare, à damnatis nominibus tyrannorum, qui nō modo oppressere Rempub. vt nemo iam possit vocari rex Romanorum, sed sub eorum gladio rex verus cæli & terræ occisus est. Et postea isti infani, & nostræ religionis immemores, vocant diuum Augustum, diuum Claudium, diuum Traianū, quasi vulgus atque homines possint principes referre in deos. Sed hæc omittamus, hoc tantum dicentes, Romanos non agnoscere regem aliquem. Et quum cæteræ gentes in libertatem se asseruerint, hoc multo magis nobis licere. Suffragia igitur (vt dicebam) sunt voces in electionibus. quod suffragiū quia cui præstamus, nimirū eidem gratum facimus: hinc factum est, vt suffragium pro auxilio sæpe ponamus, & suffragor pro auxilium fero. Refragor, repugno, propriè quidem in dictis, sed nonnunquam & in factis. Diuos nō esse vocandos imperatores.

E P I T O M E.

Catuli, sunt bestiarum tam mitium quā immitium. Pulli, pecudū. Foetus, auium & piscium. sed generaliter dicitur foetus omnium parientium foetura. Hinnulus autem, ceruorum est & capreolorum, caprearum, damarum ac leporum. Catuli, etiam serpentum sunt, sed propriè canum. per diminutionem autem, catelli dicuntur.

Catulus, Pullus, Hinnulus, & Fœtus. CAP. LXXI.

Fœtificare.
Fœtura.

Catuli sunt ferarum siue immitium, siue mitium. Nam & catulos murium legimus. Pulli verò pecudū. Fœtus auium & piscium, quanquam & hoc generalius nomen est. Vnde fœtificare pro parere, & fœtura pro partu, ad omnia animalia muta pertinet. Ceruorum hinnulos dicimus, capreolorum quoque, caprearum, damarum, leporum, similiūque. Catulos quoque serpentum. vt Virgilius de colubro, Catulos tectis, atque oua relinquens. Immaniūque piscium, qui non edunt oua. Propriè tamen catuli sunt filioli canum. Virgilius, Sic canibus catulos similes. Cicero de diuinatione, Erat autem mortuus catellus eo nomine.

E P I T O M E.

Lues, genus est pestis. nam lues dicitur, quando cunque febris aliqua aut morbus alius, pecudes aut homines corripit. Pestis & pestilentia cito occidit aut cito abit. sed interdum pro lue accipitur, transferturque ad animi vitium.

Lues & Pestis.

CAP. LXXII.

Lues & pestis hoc differunt, quo genus & species. Nam quū in vrbe, aut in agro febris, aliūdve genus morbi sæuit, siue solos homines, siue sola pecora, siue vtrosque corripiēs, lues dicitur: interdum etiam si arbores ac fata. Pestis verò aut cito occidit, aut cito abit ab eo quem inuasit: quæ eadem dicitur pestilentia. Nonnunquam tamen pro lue ponitur, atque ad animi vitium sæpe transfertur.

E P I T O M E.

Corpus, magis viuientium dicitur, quàm caro. & viuens magis corpulentus, quàm carnosus. Quinetiam alii carnem à cadendo, alij quòd vita careat dictam volunt. nec recipitur differentia vulgaris inter carnem & carnes.

Corpus & Caro.

CAP. LXXIII.

Corpulentus.

Carnosus.

Cap. 2.

In proœmio

In agro red.

Lib. 1.

Corpus potius quàm carnem nostrum viuientium dicimus, & hominem corpulentum potius quàm (vt aliqui loquuntur) carnosum. Quintilianus in sexto, Corpulento litigatori, cuius aduersarius item puer, circa iudices erat ab aduocato la-
tus, Quid faciam? Ego te baiulare non possum. Item in primo, Ossa detegunt, quæ vt esse & astringi neruis suis debent, sic corpore operiēda sunt. Idem in quinto, Neruisque illis, quibus causa continetur, adiiciunt inducti super corporis speciem. Et alibi, Hæret astricta nudatis ossibus cutis, & in fame sua homine cōsumpto iam membra sine corpore. Cicero ad Gallum, Ego hîc cogito commorari, quoad me reficiam. Nam & vires & corpus amisi. Sed si morbum depulero, facile (vt spero) illa reuocabo. Quod etiam significauit Martialis, quum ait,

Viuebant laceri membris stillantibus artus,

Inque omni nusquam corpore corpus erat. Videlicet quòd
in corpore illius non erat caro.

E P I T O M E.

Lamina, densior est massa, vt ex ferro, ex plumbo, stanno, aut simili. Bractea, tenuis & plicabilis, vt aurea, aut argentea, crepitans præ tenuitate. nam crassior etiam ex auro, lamina dicitur. Cæterum Mancinellus dicit sic, Prima significatio verior Mancinellus. habetur. Aulus Gellius enim libro primo capite tertio ita scribit, Sicuti magnum pondus æris, parua lamina auri sit pretiosius. Cæterum lignea quoque lamina dici potest. Plinius enim ait, Dolia quassa sarcire, ipsorumque laminas scabendo purgare aut nouas facere. Bractea præterea, ex alia quoque materia, quam ex prædictis, dici poterit. Plinius nanque lib. 17. cap. 8, Vbi terrarum, & cretæ genera explicat, inquit, Columbinam Gallia suo nomine eglecopalam appellat: glebis excitatur lapidum modo: sole & gelatione ita soluitur, vt tenuissimas bracteas faciat. hæc ex æquo fertilis.

Lamina & Bractea. CAP. LXXIII.

Laminam tam ferream, æream, plumbeam, stâneam, quam auream, argenteam, electream, aurichalceam dicimus. Bractea potius ex his posterioribus. Aut certè bractea tenuis est, & sua sponte plicabilis. Lamina verò crassior, ex qua armatura conficitur, & qua incensa, olim homines torquebantur. nec crepitat vt bractea præ tenuitate. Virgilius in sexto,

Talis erat species auri frondentis opaca

Ilice, sic leni crepitabat bractea vento.

Veruntamen ita tenuis nonnunquam bractea est, vt crepitare non possit: vt illa ex qua fit auratura & argentatura.

E P I T O M E.

Munimenta, sunt munitiones, à muniendo. Monumenta, admonitiones, à monendo, eo quòd alicuius rei præteritæ admoneant, vt sepulchra defunctorum, præsertim quum titulos habent.

Munimenta & Monumenta. CAP. LXXV.

Munimenta sunt munitiones castrorum, cæterarumque rerum, quæ contra aduentum hostium muniunt, siue vallo & fossa, siue alio quouis modo, quo sint milites (vt dixi) ab hostium aduentu muniti. Monumenta, i mutata in u, sepulchra, statuae, tituli, libri, cæteraque, quæ nos alicuius rei præteritæ moneant. Nam de futuro (vt quidam volunt) ideo sepulchra appellari monumenta, quòd nos nostræ ipsorum mortis admoneant, falsum est. in honorem enim mortui illa tantummodo fiunt, nõ in publicâ præceptionem. vixque monumenta dixerim, nisi literæ aut alii tituli appareant: quæ si desint, magis sepulchrum quam monumentum erit. Liuius lib. 48, Vtrobique monumenta ostenduntur & statuae. Nam & Literni monumentum, monumentoque statua superimposita fuit: quam tempe-

state disiectam nupervidimus ipsi. Et Romæ extra portam Capenam in Scipionum monumento tres statuæ sunt, quarum duæ P. & L. Scipionum dicuntur esse, tertia poetæ Quinti Ennii.

E P I T O M E.

Opera operæ, est operatio, labor, aut diurnum officium, seu interdum operans. Opus, est effectus, fructusque operæ. Sed dum ad laborem corporis, aut animi & artem aut industriam respicimus: potius opus quàm operam dicimus, etiam pro operatione. Operæ pretium, id est fructuosum, quasi quod pretium affert operæ.

Opera & Opus.

C A P. L X X V I.

Opera est actio, vt Dabo operam. & in iure ciuili, de operis libertorum. Cicero de Officiis, Non male præcipiunt qui seruis vti iubent, vt mercenariis: iusta præbenda, operam exigendam. id est laborem & operationem corporis. siue (vt ait Vlpianus) operæ sunt diurnum officium. Opus est finis fructusque operæ. Vnde opera authorum dicuntur, & opera publica, ipsa publica ædificia. Nonnunquam videtur opus pro opera accipi. vt Virgilius, Molibus è stratis opera ad fabrilia surgit. quasi ad operas. Sed (vt videre videor) quoties non ad laborem corporis, sed ad laborem animi & artem, industriamque respicimus, magis opus quàm opera dicendum est: vt in opere rustico, in opere faciendo, in opere fabrili, in opere textorio. Hanc differentiationem ita ponit Seruius, Hoc opus, & hæc opera tunc dicimus, quando negotium ipsum quod geritur significamus. Si autem foeminino genere dixerimus operas, ipsas personas quæ aliquid faciunt: sicut custodia dicitur, quæ custodit. vt, Cernis custodia qualis. Nam vt hi qui custodiuntur, custodia dicantur, vsurpatum est. vnde male est in vsu, Custodiæ audiuntur. Hæc Seruius. Sed non absolute diffinit opus & operam. vtrunque autem horum nominum in eodem posuit loco Terentius, Quod in opere faciendo operæ consumis tuæ, Si sumas in illis exercendis, plus agas.

In 11. A Encid. Opera autem pretium ab opera est, vt versus indicat Iuuenalis, Est operæ pretium penitus cognoscere, toto Quid faciant agitentque die. id est fructuosum est, & ad rem pertinens, ideo vel quia decens, vel quia vtile, vel gloriosum, vel quia iucundum. Ab hoc nomine Liuius exorsus est, dicens, Facturusne operæ pretium sim, si à primordio Urbis res populi Romani perscripsero: nec satis scio, nec si sciam, dicere ausim.

E P I T O M E.

Solatium, est in re, sicut & solari. Consolatio, in verbis, sicut & consolari. Solamen pro solatio vsurpant poetæ, vt etiam Boetius.

Solatum, Consolatio, & Solamen. CAP. LXXVII.

Solatum & cōsolatio idem sunt, nisi quòd illud re, hoc ver-
bis fit. Quintilianus, Cæcitatis miseræ solatiū est habere rem
videntium. Idem, Itis obuiam cōsolationibus: & (quod om-
nem modum feritatis excedit) captatis in magna calamitate lau-
dari. Nec mirum, quū cōsolari sit oratione: Solari verò semper
ferè aliter! Nolo asserre plura male vtētium exempla, quæ facile
quilibet sibi inueniet. Cicero tamen de Amicitia ait, Ipse me con-
solor, & maxime illo solatio, quòd eo errore careo, quo in ami-
corum discessu plerique angī solent. Vtrunque recte dictum est.
Quid enim nō recte Cicero dicat? Nā quū se tanquā alterū, qua-
si colloquio à mœrore reuocet, debuit dicere consolatur. Quia
verò oratione non vtitur, solatium dicere potuit. Solamen idem
quod solatiū est, sed magis poeticū. Virgilius, Solaménq; mali de
collo fistula pendet. Quo tamen Boetius, & quidam alii vtuntur.

Consolari.
Solari.

Solamen.
AEncidos 3.

EPI T O M E.

Affectus, nunquam apud Ciceronē: sed affectio reperitur sæpe. cōtrā, apud Quin-
tilianum. Est autem affectio, animi & corporis ex tempore aliqua de causā mutatio;
vel (vt auctori placet) pars illa animæ qualitatis quæ è regione rationis est. quic-
quid enim in anima præter partem illam memoriæ non est, affectus est. & rursus
quicquid non affectus, ratio. Ab affectu, venit affectio verbum, quo Cicero quoque
vtitur: licet affectatio apud eūdem non legatur, sicut apud Quintilianū & cæteros.

Affectus, Affectio, & Affectatio. CAP. LXXVIII.

Affectum nusquam videor reperisse apud M. Tullium, fre-
quentissime affectionē. Contrā apud Quintilianū frequen-
tissime affectū, rarò affectionē: vt illo loco (si modo nō est Lib. 5. cap. 12.
mendosus) vbi ait, Cupiditas causa sceleris fuit, quæuis eius ira
quantum efficiat in animis hominum, talis affectio. Nescio an
sit affectus. Et in alio loco, Illa verò frigida, & puerilis in scholis
affectio. Affectionem Cicero modò sic diffinit, Affectio est ani- 1. de Inuent.
mi aut corporis ex tempore aliqua de causā commutatio: vt Læ-
titia, cupiditas, metus, molestia, morbus, debilitas, & alia quæ in
eodem genere reperiuntur. Modò sic, Affectio est quædam ex 2. de Inuent.
tempore, aut negotiorum euentu, aut administratione, aut ho-
minum studio, commutatio rerum: vt non tales, quales antè ha-
bitæ sint, aut plerunque haberi soleant, habendæ videantur. In
Tusculanis idem author. Et alibi, Voluntatem hominis affecti ad 2. Tusc.
virtutem, atque ipsam virtutē, animi appellari affectionem ait,
qualis non est affectus, qui Græce dicitur *πᾶθος*. quod ipse Cicero
interpretatur, perturbationem mallens dicere quàm morbum,
quo nomine sæpissime vtitur. At Quintilianus nō perturbationē,
sed affectū nominat. neq; ipse, aut solus, aut primus, sed plerique

Lib. 6. cap. 3.

Affectus.

ante eum, vt Seneca, Plinius, Rutilius, Columella, Valerius, Liuius, aliique multi. Ita enim ille ait, Quod Græci *πάθος* vocant, nos vertentes rectè ac proprie affectum dicimus. Illa igitur (vt ego quidem sentio) affectio Græce *πάθος* dicitur, quam nostrates philosophi in Latinum vertentes appellant dispositionem. Aliquibus tamen videri posset diffinitio illa Ciceronis, hūc quoque significatum qui est *πάθος* complecti. Quibus quia ad rem non multum attinet, non sanè repugno. quum præsertim omnes ferè iuriscōsulti, omnesque ecclesiastici scriptores affectionem pro affectu accipiant. Est autem affectus, pars illa animæ qualitatis, quæ è regione rationis est. Quicquid enim in anima præter partem illam memoriæ ratio nō est, affectus est: & rursus, quicquid non est affectus, ratio. Ab hoc fit affecto, quo etiā Cicero ipse sæpe vtitur in libris ad Herennium, Non tam affectanda quàm superiores, sed tamen adhibēda nonnunquam. Apud eūdem nunquam (nisi me incuria fefellerit, aut memoria fallat) legi affectationem, frequenter apud Quintilianum & ceteros. vt ibi, Nihil odiosius affectatione, id est affectu, conatūque æmulandi alterius virtutem, quam assequi nequeas refragante natura: vel nimio affectu, nimioque conatu alterius virtutem æmulandi: ita vt turpe fit, ac deforme, sic auidè æmulari.

E P I T O M E.

Latebræ, propriè sunt hominū. Latibula, ferarum. sed interdum confunduntur. Latebræ & Latibula. CAP. LXXIX.

Latebræ hominū propriè dicuntur: Latibula, ferarum. Quintilianus, Et quanuis odio euerforis nostri euocatus è latebris suis populus subsellia non implet. Cicero, Videant, ne quæ-ratur latebra periurio. id est excusatio periurii. Latibula nonnunquam hominum, Latebræ etiam ferarum. Liuius libro 47, Inter vepres in latebris ferarum noctem vnā delituit.

E P I T O M E.

Lux pro die, vt tenebræ pro nocte poni solet. Sed prima luce, non primā diem, sed principium diei significamus. sicut nec primis tenebris, primā noctem, sed principium noctis. Consuetius autem ante lucem, quàm ante diem dicas, nisi de certo die loquaris: vt, Ante diem decimum. Non tamen consuetius dicas, Ante tenebras, quàm ante noctem. Luci pro luce, & vesperi pro vespere, & ruri pro rure reperitur, secundum authorem nostrum. Dies pro diurno & certo tempore, masculini ferè est generis. pro tempore acceptum, semper fœminini: vnde diecula, parua tempestas. Dixi secundum authorem nostrum: quia Seruius vult ad illud quarti AEneid. Aulide iurauit: aduerbia in loco in i, & de loco in e, à tertia declinatione finiri. vt, Fui ruri, & veni rure. Et consimile iudicium videtur de aduerbiis in tempore, vt dicatur vesperi & luci aduerbialiter. Dixi quoque, Ferè masculini esse: quia certum est poetam, etiam in fœminino vri. vt AEneid. quinto, Postera quum primo stellas oriente fugarat Clara dies.

De Luce & Tenebris, Die ac Nocte. CAP. LXXX.

Luce & Tenebris, pro die ac nocte accipere solemus. Differt tamen Prima luce, à Prima die. Nam ibi intelligitur prima pars diei & quasi diluculum, hîc autē prima dies. Ita primis tenebris, & prima nocte. Ibi de prima parte noctis loquimur, hîc de nocte ipsa. Ideoque ante lucem melius dicimus, quàm ante diem, si diluculum significamus. Nam ante diem, pro ante tem- Ante diem. pus dici solet. præterquam si de certo die loquamur: vt Ante diem decimum, vel ante sextum Calendarum Nouembrium. id est, sexto die ante Calendas Nouembris. In quo loco præceptum Pauli inferere nõ inutile fuerit, qui ait, Ante diem decimum Calendarum, & post diem decimum Calendarum, æquè utroque sermone vndecima dies significatur. Verum non quemadmodum ante lucem melius, quàm ante diē pro diluculo dicimus, sic ante tenebras, quàm ante noctē pro crepusculo, sed ediuerso potius. Reperitur autem luci pro luce, vt vesperi pro vespere, & ruri pro rure. Cicero in Philippicis, Quis enim audeat luci, & in militari via? Diem pro diurno tempore, itēque pro certo tempore volunt esse masculini generis, notaueruntque Virgilium indifferenter accepisse. Ego tamen & apud hunc, & apud cæteros pro tempore ipso semper annotavi esse foemininum. vt Ipsa dies facit hominem prudentem: & Multa dies magnam dat hominibus rerum experientiam. Vnde Pædianus vult fieri dieculam, pro par- Diecula. uo tempore. Et apud iurisperitos bima, trima, quadrima die, pro tempore biennii, triennii, quadriennii: quod iurisperiti non intelligunt. In certo tempore Pædianus idem consentit debere esse generis masculini. Dicemus ergo hesternum die, & crastinum: non hesternum die, & crastinum. Ad diem non venit, ad diem non affuit: id est die præstituto.

EPI TOME.

Orator, causas veras agit, aut concionatur. Rhetor, docet. Declamator, se exercet, vt postea orat.

Orator, Rhetor, & Declamator. CAP. LXXXI.

Orator, qui causas orat vel in iudiciis, vel in concionibus, qui Græce dicitur ῥήτωρ, id est rhetor. Nos tamen rhetorē professorem rhetoricæ vocamus, non oratorem. Mirorque cur in hoc tam facili prouulgatoque nomine exponēdo Victorinus errauerit. Declamator est, qui studens apud rhetorem, in conuentu scholasticorum fictam causam orat, id agēs, vt in veris postea causis possit orare. Ipse quoque rhetor, & quicumque alius etiam extra scholam hoc ipso genere utitur, siue vt alios, si-

v.i.

ue vt se exerceat, declamator vocatur. Nōnunquam tamen more Græco reperimus poni. vt Cicero libro secūdo de natura deorum, Hæc quum Cotta dixisset, tum Velleius, Ego (inquit) incautus, qui cum Academico & eodem rhetore congredi conatus sum. Nam neq; indifertum Academicum pertimuissem, neque sine ista philosophia rhetorem, quanuis eloquentem. Rhetorem dixit vel oratorem, vel rhetoricum.

E P I T O M E.

Peregrinus est, qui in ciuitate sua non est, aut ex nostra non oriūsus. Hospes, qui in aliena est, aut qui in nostra non sua est: quem forensem, aut extraneum imperiti vocant. sūntque hospites, tam qui in priuato alicuius hospitio, quā qui in publico sunt, quod diuersorium aut tabernam meritoriam vocamus: & tā qui recipiūt, quā qui recipiuntur. Hospitium autem, pro amicitia familiariter se mutuo recipiendi, quā hospitalitatem vocant, interdum accipitur. Item pro loco recipiendi tam publico quā priuato, id est pro diuersorio.

Peregrinus & Hospes, Diuersorium & Hospitium.

CAP. LXXXII.

Peregrinus & Hospes hoc differunt, quod peregrinus vocatur, qui in ciuitate sua non est: Hospes, qui in aliena est. Vel Peregrinus, qui ex nostra ciuitate oriūsus non est: Hospes, qui in nostra est. Cicero, Vos soli in hac vrbe hospites estis, vestræ peregrinantur aures. Quintilianus, Attica anus Theophrastum hominem alioqui disertissimū, annotata vnius affectatione verbi, hospitem dixit. Nec alio se id deprehendisse interrogata respondit, quā quod nimium Attice loqueretur. Pro hoc imperiti dicunt forenses, aut extranei (loquendum mihi enim barbare est, vt barbariem emendem.) Hospites igitur sunt tam qui in priuato alicuius hospitio sunt, quā qui in publico, quod diuersorium, vel tabernam meritoriam appellamus: tamque qui recipit, quā qui recipitur. Vnde Ouidius, Non hospes ab hospite tutus. Cicero, Per dexteram istam, quā hospes hospiti porrexisti. Sed ille receptor propriè vocatur, qui priuatim & amicitie causa recipit. vt Idem, Fuit mihi cū illo vetus hospitium. id est amicitia, familiariter vel mihi hospitandi apud illum, vel illi apud me. Vnde hospitales homines, qui amore, non pretio hospitium suum communicant. Hospitium, & priuatum & publicum dicitur. Liuius, Tarento Hannibali per dolum prodito, ait hospitium tantummodo Romanorum à militibus fuisse direpta. Certè priuata, non publica. Cicero, Ex hac vita sic decedo tanquam ex hospitio, non tanquam ex domo. Commorandi enim natura diuersorium, non habitandi dedit. Pro eodem posuit diuersorium & hospitium.

Lib. 8. cap. 1.

Hospitales.

EPI TOME.

Conciuis (modo rectè dicatur) est sub principe ciuitatis cum alio aut aliis ciuis. Conterraneus est cuius eadem terra cum alio aut aliis est patria, quem vulgo compatriotam vocant. Quodcumque enim de eo qui paris conditionis est loquimur, vt qui nobiscum, aut cum alio id quod de eo dicimus est, præsertim sub principe, magistratu, magistro, aut alio præfecto, solemus particulam eo aut con præponere, dum pronomen possessiuum addimus: sine qua particula ii qui præfunt, nisi modestiæ aut complacendi causa, loquuntur ritè. Quocirca si sum præceptor Iohannis, dicam eum discipulum meum: si cum eo alterius auditor, condiscipulum meum. Similiter in aliis faciam, dummodo composita cum eo aut con in vsu sint: nam sine illis frequentius apud doctos leguntur municeps, æquales, sodales, populares, & vt nonnulli volunt, ciues. Diuus tamen Hieronymus & Valla ipse conciuem aut conciuem sic ferè dicunt: & certè modestius conciuem tuum quàm ciuem tuum dixeris, cuius princeps non sis. At quòd Cicero Romanos ciues suos dixit, id ideo vt quibusdam videtur fecit, quia iam aut consul aut vir consularis eorum erat princeps. Communiceps non dicimus, quia eorum princeps nō est municeps, quum sint sub maioris ciuitatis principe. AEquales tempus non principem suspiciunt, sodales sunt quasi socii dapum: socii autem pares sunt, populares verò principem quidem habent, sed qui non sit popularis. quæ ratio modica est, quia discipuli præceptorem habent qui non est discipulus, tamen sunt inter se condiscipuli, sicut filii vnus patris cohæredes. Si sine præpositione loquamur & sine possessiuo, tolerabile sit. vt, Audite ciues, discipuli, &c. Et si princeps vtrunque addat, id faciat (vt dixi) modestiæ aut complacendi gratia: vt Alexander Magnus & Iulius Cæsar, milites, commilitones suos. Sic etiam magistratus loqui debent vt contribuni, coædiles &c. collegæ etiam sic appellati sunt & contubernales &c.

Conciuis, Conterraneus.

CAP. LXXIII.

Conciuis qui eiusdem ciuitatis est, Conterraneus qui eiusdè terræ, hoc est territorii. Maior est enim terra, quàm vrbs, opidumve, cuius habitatores vocantur ciues. Cicero, Eorum qui in hac terra fuerunt, magnamque Græciam, quæ tum florebat, institutis & præceptis suis erudierunt. Plinius tamen Catullū conterraneum suum vocat, vel quòd ex diocesi illa, vel quòd ex vrbe sit Veronensi. Vterque enim dictus est Veronensis. Nā illius nepos, & per adoptionem filius, fuit Nouocomensis, & ideo Plinius secundus & ipse dictus est. Quidam librum nuper sic inchoauit, Fauonius ciuis meus optime princeps, & cōsul tuus. Quum dicere debuisset, conciuis meus. Dominus enim ciuitatis, ciuem suum vocat, quia non potest appellare conciuem. Quemadmodum miles socium in militia, non militem suum vocare potest, sed commilitonem. Et discipulus eum, qui vnà eidem præceptori dat operam, non discipulum suum, sed condiscipulum. Ediuerso, præceptor non vocat auditores suos, condiscipulos suos, sed discipulos. Et dux in bello, non commilitones, sed milites suos appellabit. Licet Cæsar, & quidam alii appellaerint milites suos commilitones, comparandæ beneuolentiæ gratia, vt apud Virgilium Aeneas, qui sub eo erant, socios vocat.

v.ii.

Municeps.

Hic ergo homo priuatus non debuit quenquam suum ciuem appellare, sed conciuem: nec rursus aliquem principis cōsulem dicere. Nonnunquam tamen inuenitur ciuis pro conciuis. vt Lælius apud Lucanum, Nec ciuis meus est, in quē tua classica Cæsar Audiero. Dico tamen municeps meus, pro eo quod est conciuis meus, quia communiceps non inuenitur. At quoties non apponimus pronomen, rectius sine appositione loquimur: Audite ciues, succurrite milites, legite discipuli, etiam si mei fuerint conciuies, commilitones, condiscipuli. Quod si quando per hæc posteriora sine pronomine loquor, tamen pronomen subintelligendum est. vt, Omnes me cōciues amant. Cur tu non das commilitonibus partem? Ille semper exagitat cōdiscipulos quæstionibus. subintelligitur, mei, tuis, suos. Dicimus tamen, Vos estis ciues nostri, quasi reipublicæ nostræ, non quasi singularem aliquorum ciuium.

E P I T O M E.

Mancinellus.

Prætor, consul, quæstor, ædilis, censor, tribunus, primipilus, & similes, dicuntur qui magistratum suum gerunt. Senator & triumphator, qui est & qui fuit. At prætorius, consularis, quæstorius, ædilitius, censorius, tribunitius, primipilaris, & triumphalis, qui gesserunt. sed priora, substantiua sunt: posteriora, adiectiua. sicut & senatorius, id est senatorii ordinis, aut de domo senatoria. id est patricius. Quādo verò præponitur pro, vt pro prætor, pro consul, &c. non significant gerentem magistratum pro alio, sed extraordinarium, vt abunde declarat litera. Sed Mancinellus nonnulla addit, dicens, Consularis, qui consulatū gessit dicitur, & consulatu dignus. In prima significatione testis est Lilius lib. 5. ab Vrbe cōdita, vbi de Gallis ait, Senes triumphales consularēsque simul. Et Cicero de claris oratoribus, de Hortensio dicens, Nam is post consulatum (credo quod videret ex consularibus neminem esse secum comparandum, negligeret autem eos qui consules non fuissent) summum illud suum studium remisit, quo à puero fuerat incensus, &c. In altera verò, testis quoque idem Cicero lib. 10. epistolarum ad Plancum, ita scribens, Cōplures in perturbatione Reipublicæ Consules dicti, quorum nemo consularis habitus, nisi qui animo extiterit in Rēpub. consularis. Paulo item inferius inquit, Hæc si ages & senties, tum eris non modo consul & consularis, sed magnus etiam consul & consularis. Et pro Milone sic ait, Tribunum virtute consulem.

De Prætor, Prætoriusque, & aliis magistratuum nominibus.

CAP. LXXXVIII.

P Rætor qui præturam, Consul qui cōsulatum, Quæstor qui quæsturam, AEdilis qui ædilitatem, Censor qui censuram, Tribunus qui tribunatum, Primipilus qui primipilatum gerit. Senator qui senator est, aut fuit, Prætorius qui præturā, Consularis qui cōsulatū, Quæstorius qui quæsturā, AEdilitius qui ædilitatem, Censorius qui cēsuram, Tribunitius qui tribunatum, Primipilaris qui primipilatum gessit. Senatorius non dicitur senator, sed (vt dixi) vel senatorii ordinis, aut de domo senatoria.

Triumphator qui triumphat propriè, sed etiam qui aliquando triumphauit. Vt victor exercitus, qui vicit: Triùphalis, qui triùphauit. Cæterum illa priora nomina sunt substantiua, quia iunguntur cum adiectiuis. Vt, Diligens consul, bonus tribunus, iustus prætor, seuerus cælor. Hæc posteriora sunt adiectiua, eò quia iunguntur cum substantiuis: vt Homo cõsularis, tribunitia mulier, prætoria familia, cælorum edictum. Quòd si absint substantiua, subintelliguntur: vt, Consulares rogantur primi sententiæ in Senatu, proximi prætorii, deinde tribunitii: intelligimus homines. Quemadmodum in illis, plebei, nobiles, potentes, ingenui, libertini. Proconsul non qui pro alio consule præest prouincia, sed qui cum potestate consulari extra ordinem, & ad aliquam prouinciã administrandam mittitur, præterquam quòd non duodecim fasces eum præcedunt, qui præcedunt consulem, sed tantum sex, vt etiam prætorem & præsidem. Proprætor, non qui pro alio prætore præturam, sed extraordinariam gerit. Itaque dicitur proquæstor, & siqui sunt alii huiusmodi nominum magistratus.

Proconsul.

Proprætor.

Proquæstor.

E P I T O M E.

Diuerforum locorum nomina licet ferè aut penitus coincidant, diuersa tamen facient deriuatiua. Vnde sunt Rhegini & Rhegienses, Albani & Albenses, & cætera quæ litera declarat. Sed castigat Mancinellus nonnihil, dicens, Non Campaniam, terram laboris appellant, sed Campaniã partem. neque nunc duntaxat, sed iam diu prius ipsi laborias appellarunt. testis est Plinius libro decimo octauo, de agro Campano: sic enim scribit, In Campania tamen laudatissimus campus est, montibus subiacet nimboris, totis quidem quadraginta millibus passuum planitie. Postea subiicit, Quantum autem vniuersas terras campus circumcampanus antecedit, tantum ipsum pars eius, quæ laboriæ vocantur, quem Phlegæon Græci appellant. Finiuntur laboriæ via ab utroque latere consulari, quæ à Puteolis, & quæ à Cumis Capuã ducit. Hæc ille. Vbi autem Laurentius ait, Campaniam verò eam regionem, quæ illi finitima est Romam versus. Sciendum est duplicem esse Campaniam, nouam & veterem. Nam apud Strabonem libro quinto sic legimus, Picentes autè vsque ad Silarim perueniunt fluuium, qui ab hoc agro veterem separat Campaniam. Cui quidem fluuii proprium illud inesse traditur, vt in eius aquam demissa virgulta satisficiuntur.

Mancinellus.

De locorum quorundam nominibus & possessiuis horum.

C A P. L X X V.

Rhegini ex oppido Calabria, Rhegienses ex oppido Galliæ Cispalinæ: quorū oppidorum vtrūque vocatur Rhegium. Albani & Albenses. ex oppido Alba in Latio, Albani: ex oppido Alba ad lacum Fucinum, Albenses, qui à quibusdam Albani dicuntur. Cumani ex oppido Cumarum in Campania, quam nunc prauè vocant terram laboris. Campaniam verò illam regionem, quæ illi finitima est Romam versus. Comenses ex oppido

v.iii.

Pergamenū.

Turchia.

Como, in eadem Gallia, quam nunc Lombardiam nominant, in qua ipsa Gallia, & finitimum Como est Bergomū, vnde Bergomēses. Pergamum, ex qua Pergameni in Asia: à qua vrbe quia ob penuriam chartæ, ab Attalo rege missa est membranarū copia, membranæ Pergamenæ sunt nominatæ. In Asia prouincia intelligo: nam in ea quæ est tertia pars orbis terrarū, regio quædam est eodem nomine, quam Turchiam nunc vocāt, non autem (vt quidam volunt) Teucriam: quemadmodum in Africa, quæ & ipsa tertia pars orbis dicitur, est etiam regio eiusdem nominis, nisi quòd Afros dicimus homines, non autem Afram regionem. Thebani à Thebis in Græcia, Thebæi à Thebe in AEgypto, sed & Thebæi secundum Græcam formam fit. Nam & Thebani Græce Thebæi dicuntur. non tamen occurrit, vbi in libris gentilium legerim Thebæos.

E P I T O M E.

Prisca dicūtur quæ superioribus seculis: Pristina, quæ superiorib⁹ annis aut mensibus fuerunt, certe in nostra memoria. Verum res nō senescentes, licet seculis nos præcesserint, non priscas, sed pristinas dicemus. Videtur enim priscum dictum quasi sit prioris seculi: pristinum quasi prius ab eodem tentum: vt si antiquos viuendo & loquendo imitor, prisco more & viuo & loquor: siquem semel tenui morem, repeto, pristino more.

Priscus & Pristinus.

CAP. LXXXVI.

Prisca quæ superioribus seculis, aut superiore ætate: vt Prisci Latini, priscus Tarquinius; prisca tempora. Pristina, quæ superioribus annis, mensibus, diebus, & quæ nostra memoria fuerūt: vt Pristina nostra amicitia, pristina beneficia nostra. Neque rectè hīc dicas prisca, neque illic pristina. At verò si de rebus quæ non senescunt loquaris, pristinum, non priscum decebit. vt Pharos & Tyrus nunquam in pristinum statum redibunt. Maria in freto Messanenſi laborant, ne montes (si Lucano credimus) repetant pristina confinia. Atqui tantum temporis est, ex quo illuc mare irrupit, vt memoriæ nō inueniatur proditū. Padus post quingētos, & eo amplius annos solet reuerti in pristinū cursum.

E P I T O M E.

Prosper, qui dat: Fœlix, qui recipit prosperitatem, propriè dicuntur: sed nō nunquam confusa leguntur.

Prosper & Fœlix.

CAP. LXXXVII.

Prosper qui dat, Fœlix qui recipit prosperitatem. Sydus Veneris (si credimus mathematicis) prosperum est. Natus sub illo sydere, fœlix est. Dicimus ergo propriè homines quidē fœlices: deos autē, tēpora, loca, actiones, fines, successus prosperos, & siqua sunt similia. Vtrūque tamen aliquando recipit exceptionē. Nam & non semel legimus prosperam alicuius valetudinem, vt

Suetonius de Cæsare, Fuisse eum prospera valetudine. id est bona & quasi foelici. Et de Tyberio, valetudine prosperrima vsum eum esse ait. Sallustius, Sed postquam res ciuibus, muris, agris, satis aucta, satisque prospera visa est. Rursus Virgilius, Sis foelix, nostrumq; leues quæcunque laborem. Pro eo quod est, sis prospera & benigna.

E P I T O M E.

Salûber, est quod salutem & incolumitatem affert, quasi salutiferum aut salutare. Sanum, quod recipit aut continet. sed confunduntur interdum, vt corpus salubre dicatur. Non tamen dices cum Boetio, AEger an saluber, sed an sanus.

Salûber & Sanus.

CAP. LXXXVIII.

SALûber, siue (quod vñtatiùs est) salubris dicitur aer, cibus, potus, locus, multaque huiusmodi: idem ferè quod salutifer siue salutaris. Sanus homo dicitur, cæteraq; animalia. Res salubris præbet sanitatē, homoverò recipit. Potest & præbere, tuncque saluber, quasi salutifer dici. Sed in vtroque etiam aliqua reperitur exceptio. Siquidem sanum aerem, sanū cibum, sanum locum vocamus, quasi salubrem & præbentem sanitatem. Cōtrā, salubris pro sano. Sallustius, Genus hominum salubri corpore, velox, patiens laborum, plerosque senectus dissoluit. Liuius, Grauiore tempore anni iam circumactō, defuncta morbis corpora salubriora esse cœpere. Martialis dū describit vitam beatā, inquit, Lis nunquam, toga rara, mens quieta, Vires ingenuæ, salubre corpus, Prudens simplicitas, pares amici.

Hi tres quos produxi loci, idem nomen habent cōiunctum cum corpore. Quare non ausim dicere, vt dixit Boetius in translationibus suis, AEger an saluber. Nā de æquali eius Cassiodoro qui apud nonnullos in pretio est, nunquam ideo facio mentionem, quia cum regibus suis Theodorico & Allarico, quorum scriba fuit, Gotthicum sonat & barbarum.

E P I T O M E.

Iucundus est qui iuvat & delectat in lætis. Gratus, qui commodum facit etiam in aduersis.

Iucundus & Gratus.

CAP. LXXXIX.

IUCUNDUS & GRATUS sic differunt, quod iucundus propriè in prosperis, gratus in aduersis. Iucundum voco, non qui lætus est, sed qui lætitia est alteri, vt prosper ac saluber. Vsq; eadē potest quis tristis, mœstusque esse, & tamen iucundus: veluti quum hostis meus in dolore est, tunc mihi iucundus est: & ego gaudēs, sum illi minime iucundus. Quare nō rectè locutus est, qui ait, Iucundos nos faciat suæ interesse cōmemorationi, sed ad differentiā.

Cicero ad Sulpitium consolantē de morte filix, inquit, Seruius tamen tuus omnibus officiis quæ illi tempori tribui potuerunt, declarauit & quāti ipse me faceret, & quā suum talem erga me animum tibi gratum autumaret fore. Cuius officia iucundiora si sæpe mihi fuerunt, nūquam tamen gratiora. Idē ad Luceium, Amor tuus ex omnibus partibus se ostendit in his literis, quas à te proximè accepi: non ille quidem mihi ignotus, sed tamen gratus & optatus. Dicerem iucundum, nisi id verbum in omne tempus perdidissem. Idem ad Atticum, Fuit mihi sæpe & laudis nostræ gratulatio tua iucunda, & timoris consolatio grata. Idem tamen libro quarto Inuectiuarum, Est mihi iucunda in malis, & grata in dolore, vestra erga me voluntas. Iucunda dixit, quasi lætitiæ plena & voluptuosa, qualis est in prosperis. Grata quasi plena affectus ac fructus. In iucundo enim quædam gratia est delectationis, in grato verò etiam commodi. Quippe aspectus rosarum, liliorum, violarum, florumque, ac similibus, iucundus est. Aspectus plenæ messis, huberum olearum, grauiū fructu vitiū, pinguiūque pecorum, gratus: & pueritia filiorum, atque infantia iucundior: adolescentia verò, ac iuuentus gratior, utpote utilior. Idem de Officiis libro secundo, Quāquam enim quod præsens, tanquam in manum datur, iucundius est: tamen hæc in posterum gratiora, muri, naualia, portus, aquarum ductus, omniæque quæ ad vsum Reipublicæ pertinent. Hieronymus nonnunquam his duobus nominibus cum ea quam ostendi proprietate & distinctione vsus est.

E P I T O M E.

Plura comparatiuum, de duobus dici potest. Complura absolutum, nō nisi de pluribus quā de duobus. Plerique, aut pro maxima parte, id est ferè omnes, aut nonnulli dicuntur. Plerunque, id est ut plurimum, aut ferè semper. aliquādo tamen accipitur pro nonnunquam: sed id apud omnes (præterquam apud Seruium) rarius.

Plura, Complura, Plerique, & Plerunque. C A P. X C.

Plura & Complura sic differūt, quòd Plura possunt esse duo: Complura duo esse non possunt. illud comparatiuum est, hoc verò minime: ideòque non regit casum. Plerique, modo authores pro maxima parte accipiunt, modo pro nonnullis. Sallustius, In diuisione orbis terræ plerique in parte tertia Africam posuere, pauci tantummodo Asiam & Europā. Paulo post, Plerosque senectus dissoluit, nisi qui ferro, aut bestiis interiere. Nam morbus haud sæpe quenquam superat. Quintilianus, Videas plerosque ita paratos. id est nonnullos. Plerunque magis à priore significato, quā à posteriore venit. id est, pro eo quòd est ferè semper. Quintilianus in amatore, Excussa sunt plerunque

languentium vitia verberibus. id est nonnunquā. Tamen in hūc sensum hæc dictio (siue nomen, siue aduerbium sit) rarò reperitur. Seruius quidem nescio an vnquam vtatur aliter.

EPI TOME.

Clarus & præclarus figurate accipiuntur pro illustri ac splendido. Sed præclarus pro bono: Luculentus, pro magno: & Præclare, pro optime, apud Ciceronem vsurpantur. A luculento fit luculente, non luculenter.

Clarus & Præclarus. CAP. XC I.

CLarus & Præclarus figurate accipiuntur pro eo qui tanquā fulgore quodam famæ & gloriæ resplendet. Vnde clarissima & præclarissima gesta dicimus. Sed præclarus nonnunquam pro bono reperitur apud Ciceronem, sicut apud eundem luculentus pro magno. vt in Philippicis, Luculētum vulnus accepit. In eodem opere ait, O præclarum custodem ouiu (vt aiunt) lupum. Non claritas in custode desyderatur, sed probitas. ergo præclarum pro bono posuit. Idem in Lælio, Cum illo verò quis neget actum esse præclare? Et paulò pòst, Cum illo quidem (vt suprà dixi) actum est optime, mecum incommodius. Nō suprà dixerat Actum cum illo optime, sed præclare. Verum ideo sic dixit: quia præclare & optime idem roboris & virium in significatione obtinent. Eoque *ἁγίστου* (quod est optimū) & apud Græcos accipi solet, & à nobis transferri præclarum.

EPI TOME.

Dies proprie festus dicitur: Res festiua, id est iucunda & lepida. Sed res ad festum spectans, dici potest festa.

Festus & Festiuus. CAP. XC II.

Festus dies, potius quàm festiuus: Res festiua, potius quàm festa. Nam festus festa festum, ad diem festum pertinens. Festiuus festiua festium, res iucunda & lepida: vt Oratio festiua, dictum festium: frondem festiuam legimus, nō quæ ad festum comparata sit, sed quæ iucunda & læta. Nā & festam frondem vocamus, quæ festis adhibetur. Festium multi pro festo accipiunt.

EPI TOME.

Vxnale dicitur, venditioni expositum. Vendibile, quod facile vendi possit, etiam si nondum expositum sit: indicant enim in bilis aptitudinem.

Vxnale & Vendibile. CAP. XC III.

Vxnale & Vendibile hoc habent differētiae, quòd illud significat rem venditioni expositā, hoc rem quæ facile potest vēdi. Hæc domus est vxnalis, id est proscripta, vel exposita venditioni. Et hoc de Curione significat Lucanus, quum dicit, Vxnali Curio lingua, id est pretium, nō veritatem honestatēque sequens ex suæ linguæ facundia. Cicero in Bruto, Horū

ætati propè coniūctus L. Gellius. non tã vendibilis orator, quàm vt nescires quid ei deesset. Et in eodem, Nã populo nõ erat satis vendibilis præceps quædã & quũ idcirco obscura, quia peracuta, tum rapida, & celeritate cæcata oratio. Et alibi, Nam vt sint illa vendibilia, hæc huberiora certe sunt. Vendibile dixit pro gratum, & quod animos hominũ sollicitet, ritu rerum, quæ ad se alliciunt emptorem. Hoc à vendo venit, illud à vaneo.

E P I T O M E.

Sciens ac prudens facit, qui se facere scit & prouidet. Insciens & ignorans, qui se facere nescit. Sed scienter & prudenter facere, est facere cum scientia & prudentia. Contrà, imprudenter, id est stulte & temerarie. At per imprudentiam aut per ignorantiam fit aliquid sine merito ac demerito interdum. nemo ergo scienter aut prudenter peccat: scientes ferè omnes.

De Sciens feci, Prudens feci, & similibus. C A P. X C I I I I.

Sciens feci, & prudens feci. Item insciens & imprudens, atque ignorans feci. hoc est, quod quum facerem aliquid, sciui me facere illud aut ignorauì. At sciẽter feci, idem est quod cum scientia ac doctrina feci, semperque in laude est scienter quid fecisse. Scientem verò quid fecisse tum laudare, tum vituperare solemus, pro rei qualitate. Si ergo scienter facere semper laudabile est, ediuerso inscienter facere semper est vituperabile. Prudenter quoque facere, opus prudentiæ nimirum est: imprudenter verò, stultitiæ. Tamen quid imprudẽter facere ignorãterve, rarò in vsu est: in cuius locum velut succedit per ignorãtiam & per imprudentiam factum, per se neque laudi, neque vitio dandum. Idem enim est per imprudentiam siue per ignorantiam fecisse aliquid boni, vel mali, quod imprudentem, ignorãtẽque fecisse, quorum neutrum aut præmium meretur, aut pœnam.

E P I T O M E.

Marinum dicitur, ad mare pertinens, aut in eo natum, seu ipsum incolens. Maritimum mari vicinũ, quod mare accolit, aut ad mare est, aut fit. Sed cum trans dicitur marinum, non maritimum.

Marinus, Maritimus, & Transmarinus. C A P. X C V.

Marinum piscem dicimus, & auem marinam, & deũ marinum, vel deam, vel nympnam marinam. Nominatim quoque vitulum marinum, lupum marinũ, turdũ marinũ, turturem marinum: præterea, colorem marinum, casum marinum, periculum marinum, sonum, fluctum. Aquam marinam non maritimam, nauem marinam, quidam etiam nauem maritimam. Rursus oram maritimam, gentem maritimam, res maritimas, bellum maritimum, non transmaritinũ, non marinum. Item hominẽ, gentem, urbem, triumphum transmarinũ, non trãsmaritinũ. Horũ omniũ hæc differẽtia est, quod marinũ

vocatur, quod incolit mare, aut ex mari est. Maritimum, quod mare accolit, & ad mare est, vel ad mare fit. Transmarinū, quod trans mare est. Transmaritimū enim foret, quod trans loca maritima esset, idem proprie quod mediterraneum.

E P I T O M E.

Frequens, dicitur quod à multis frequentatur, aut persona crebra & assidua, aut turba copiosa & multa, aut ciues & senatores, cæteri que tales numerosi ac multi in vno loco. Sed homo dicitur frequens, actiue: locus, passiuè. Celebre autem semper passiuè accipitur pro eo quod celebratur & colitur, siue locus, siue persona: Vnde celebritas loco aut personæ honoratæ datur ex frequentia honoratorum, nō quorūcunque. Nam qui à baiulis, similibusque frequentatur: locus frequens quidem est, sed non celebris: nisi vt meretrix nobilis, & latro insignis, & improbitas singularis, & turpitudine vnica, & cætera eiusmodi dicuntur.

Frequens & Celebris. CAP. XCVI.

Frequentē locum dicimus, quem frequētare multi solent. vt Vrbs frequēs, oppidum frequens, platea frequens, vbi multi homines aut habitant, aut diuersantur. Quando autem de persona, aut de re animata loquimur, duobus modis dicitur, vel de sola, sic, Sit miles frequens spectator præliorum. id est creber & assiduus. Vel de turba, sic, Frequens populus, frequens senatus. id est copiosus & multus. Et quidem cum nomine collectiuo in singulari, cum cæteris verò in plurali: vt Frequētes ciues, frequētes senatores. hoc est multi & numerosi. Veruntamen quum dico, Sis frequens, in nua actionem: quum dico Frequēs locus, passionem. Ille frequentat, hic frequentatur. Cui simile est Celebris semper passiuè positum, tam ad rem quàm ad personam relatū. Locus celebris, quod celebratur. Homo celebris, quod cum honore celebratur & colitur. propter quod in hanc ducor opinionem, vt locus celebris proprie sit honoratorum frequentia cultus, non ita frequēs, neque frequentia, quo nomine qualiscūque hominū multitudo significatur. quod ex vocabulo hinc ducto probatur quod est Celebritas, quæ tum hominū cœtum honoratorū declarat, tum dignationē ipsam atque honorē. Quintilianus, Ante omnia futurus orator, cui in maxima celebritate, & in media reipublicæ luce viuendū est, assuescat iam à tenero nō reformidare homines, neque illa solitaria, & velut vmbatili vita pallescere. Cicero, Itaq; nos qui in maxima celebritate, atque in oculis quodā ciuiū viximus, nūc fugiētes conspectū sceleratorū hominū, quibus omnia redundant; abdimus nos, & sæpe soli sumus. Idē in alterā significationē, Hac celebritate famæ quū esset iā absentibus notus, Romam venit Mario & Catulo cōsulibus. Quare improprie, licet frequentissime, dicitur, Locus celebris, an desertus, quasi cōtrariū sit celebrē esse ab illo, desertum esse: vbi

Frequentia.

Celebritas.

Lib. I. cap. 2.

enim baiuli, aut aleatores, aut lenones, scortaq; esse cōsueuerūt, quis eū locū proprie dixerit celebrem? non aliter quā celebrē meretricem aut nobilē, vt sæpe legimus: & singularem improbitatem, & vnicam turpitudinē, vt in bonū, ita & in malum.

E P I T O M E.

Ferus est more ferarū immitis: vt AEneidos 2, -ferus omnia Iuppiter Argos; Trāstulit. Ferox immodici animi, & more ferarū ferociens. vt AEneid. 12. Latinus ad Turnum quem paulo ante leoni cōparauerat poeta, O prāstās animi iuuenis, quātum ipse feroci Virtute exuperas, tanto me impensius æquum est Consulere.

Ferus & Ferox. C A P. X C V I I.

Ferus homo, qui animū ferinū obtinet, vt leonis, vrsi, pardi, lupi. Ferox, qui peranimosus est ad decertādum cum altero, & ad vim alteri faciendam, atque ad nocendum.

E P I T O M E.

Corporeum, dicitur quid existens ex substantia aut materia. cōtrā incorporeum. vtrunque autē iungitur, aut expresse, aut subintellecte, cū nomine res aut substantia. Corporale verò, existens in materia seu substantia, & ediuerso incorporeale.

Corporeus & Corporalis. C A P. X C V I I I.

Corporeum est existens ex materia, atque substantia corporea, & ediuerso incorporeum: vt Lapis est res corporea, virtus incorporea. Corporale verò existēs in materia, substantiaque corporea, & ediuerso incorporeale: vt Domus, fundus, mācipium, corporalia sunt, nō corporea: Legatum, hæreditas, iura, incorporalia sunt, non incorporea. Nanque hīc de qualitate agimus quæ inest substantiæ, ibi de ipsa substantia. quas res diligentius exequemur in dialecticis nostris. Et sanitas, vires, pulchritudo, bona corporalia appellātur, nō corporea. Præterea (vt alia ratione hanc differentiā distinguamus) corporeus & incorporeus non nisi cum hoc nomine res, aut substantia iunguntur, aut vbi res subintelligitur: vt Lapis est res, siue substantia corporea, nō autē est corporeus. Virtus est res incorporea, nō autē virtus incorporea. Omnia autem corporea aut tanguntur, aut videntur: id est omnes corporeæ res, non autem sic res incorporeæ.

E P I T O M E.

Lassum, id est labore fatigatum, tantum fatigabili competit. Laxum verò, dicitur lentum & molle, non rigidum, nec durum, aut tēsum, & potius ad inanimata spectat. Lapsum à labendo, tam animo quā corpori attribuitur. Fessum, dicitur fatigatum siue animo siue corpore. Defessum & defatigatum, quod præ lassitudine non amplius potest.

De Lassus, Laxus, Lapsus, Fessus, Defessus, Fatigatus, Defatigatus. C A P. X C I X.

LAssum quod labore fatigatum est, tam animo, quā corpore. ideoque ad ea demum spectat, quæ laboris molestiam sentiunt. Laxum verò magis ad inanimata, quæ sunt lenta,

molliā, flexibilia, nō dura, nō rigida: vt Laxi rudētes, laxi funes, laxæ chordæ. Lapsus à la bēdo, quod vel corpore, vel per trāslationem animo & opinione labitur. Fessus idem est quod fatigatus, siue animo, siue corpore. Defessus, defatigatusque, qui ita fessus, atque fatigatus est, vt non queat amplius: & saepe à labore, atque incœpto quod instituerat, desistat. vt in Bruto Cicero, Et ne defatigaretur orauissent. Et de Oratore, Profecto nunquam cōquiescam, neque defatigabor, antequam illorum ancipites vias rationesque, & pro omnibus, & contra omnia disputandi, percipero.

EPI TOME.

Bonum dicitur quod honestum, quod vtile, quod petitū. est enim generale nomen. Bonitas autē est quasi benignitas. Vnde clementes, & pii, ac iusti quoque, boni dicuntur: aut industria, aut virtus naturalis, aut iustitia, aut æquitas. Quæ omnia litera declarat. sed vt quibus intelligat quid sit dignū esse quicum, id est cum quo mices in tenebris: sciet micare esse digitis micantibus, id est celeriter, nunc erectis, nunc depressis, quasi scintillantibus, diuinare quot quicum micas erectos habeat vnā cum tuis: quod in tenebris, nisi cum iustissimo, non tute facias.

Bonum & Bonitas.

CAP. C.

Bonum generale nomen est, honesta pariter atque vtilia cōplectens: vt Bonum animi, bonum corporis, bonum fortunæ. Bonitas verò non (vt multi opinantur) idē vtique quod bonū honestum, sed idem quod benignitas. A primo fit bonus vir, bonus seruus, bonus iudex, id est iustus, & exequens officii sui debitum: ab hoc bonus pater, bonus dominus, bonus Deus, bonus Aeneas, hoc est benignus & clemens: quam alteram iustitiæ partem esse constituunt, vocantes eandem beneficentiam. Nam iustitiam partiuntur in duas partes, Iustitiam, quæ est seueritas: & Beneficentiam, quam ego voco bonitatem. Ergo qui planē bonus esse vult, planēque iustus, bis bon⁹ sit necesse est. Et hoc quidem ad virtutem pertinet. Est autem & alia bonitas, nō ex industria, sed ex natura, tam homīni, quàm quibusdam aliis rebus attributa. Cicero, Quæ & bonitate naturæ multi assequuntur, & progressionem dicendi id est excellentia & dote naturæ. Quintilianus, At in solo fœcūdo plus cultor, quàm ipsa per se bonitas soli efficiet. Non dixit plus bonitas cultoris, quàm bonitas soli, quia excellens cultor industria fit, non natura. Nonnunquam tamē bonitas pro iustitia, siue pro honesto accipitur. Cicero de Officiis tertio, Quum enim bonitatem alicuius fidemque laudāt, dignū esse dicunt, quicū in tenebris mices. Quintilianus in duodecimo, Quod si mediocribus etiam patronis conuenit hæc quæ vulgo dicitur bonitas, cur non orator ille, qui nondum fuit, sed potest

Lib. 1. cap. 19.

esse, tam sit moribus, quàm dicendi virtute perfectus? Nōnunquā etiam bonum accedit ad naturam virtutis & bonitatis. Nā quū dicimus de æquo & bono, non de rigore iustitiæ, & de summo iure loquimur, sed quasi de bona æquitate.

E P I T O M E.

Lubricus, dicitur locus in quo propter lubricitatem ac glabritatem insistere aut ingredi nequeas, aut quid in lubrico situm, vt pes & oculus. Transfertur autem à multis pro libidinoso: quod bene curata cute, & luxu abundantes, lubrici, id est impudici & luxuriosi ferè sunt.

Lubricus. CAP. C I.

Lubricus locus est, in quo nequeas insistere, nec ingredi, quales sunt herbæ perfusæ sanguine, vt apud Virgilium de Niso, & Homerum de Aiace Oilei, aut aliter humectatæ, marmora læuigata, lapidèsque, vel humore conspersi, terra glaciata, aqua gelata, pauimenta, cæteraque huiusmodi lubrica dicuntur. Inde per translationem, adolescentiam vocamus lubricā, in qua qui sunt, velut in glacie facile labuntur. Anguilla quoque, congrus, murena, & similia lubrica sunt. Alio tamen modo videtur Cicero dixisse lubricos oculos, & imitatus eum Lactantius in libro de Dei opificio. Ita enim ait ille de natura deorū, Sed lubricos oculos fecit & mobiles, vt declinarent siquid noceret: & aspectum quo vellent, facile cōuerterent. Dicti sunt oculi lubrici eo modo, quo à quibusdam pes lubricus, pro eo quod est, in lubrico. Ita oculi quasi in lubrico positi sunt, vt vix queant cōsistere. quale est quum dicimus, Spargo humum floribus, pro eo quod est, spargo humi flores: & Sterno lectum pallio, pro eo quod est, sterno pallium lecto.

Spargo.

Sterno.

E P I T O M E.

AEqualis dicitur æque magnus, atque coætaneus, seu coæuus. AEquabilis, idem quod æque magnus, aut in magnitudine comparabilis.

AEqualis & AEquabilis.

CAP. C I I.

Lib. 5. AEnci.

AEqualis quid sit, notum est, vt in illo, Sintque pares in amore & æquales. Sæpe accipitur pro coætaneo, siue coæuo. vt Virgilius,

AEqualémque ab humo miserans attollit amicum.

Cicero, Ego Q. Maximum, eum qui Tarentum recepit, senem adolescens ita dilexi, vt æqualem. Et iterum, Nec cum æqualibus solum qui pauci admodum restant, sed cum vestra etiam ætate, atque vobiscum. AEquabilis, idem quod æqualis in priore significato. vt idem, Non ius æquabile quid vtilitatis haberet, acceperat. Iterum, Et vox reducitur in sonum quendam æquabilem atque constantem.

E P I T O M E.

Perfidus, peruersæ fidei, qui fidem violat. Infidus, cui non est fidendum, quia fide caret. illud vt à fide deductum mediam corripit, hoc vt à fido producit.

Perfidus & Infidus.

C A P. C I I I.

Perfidus, qui fidem violat: Infidus, cui non est fidendum. hoc à fido descendit, quod habet primam longam, siue fido à fides: illud à fides, quod habet primam breuem. Ideoque hæc duo adiectiua vario accentu efferuntur.

E P I T O M E.

Moratus, qui moribus bonis est præditus. Morigeratus, qui morem gessit. Morigerari autem seu morem gerere, est obsequi & inservire: ita vt ad voluntatem alterius morem geras. Addi potest, moralem dici librum aut doctorem qui de moribus docet: morosum, difficilem & nimis anxium in moribus suis seruandis.

Moratus & Morigeratus.

C A P. C I I I I.

Moratus, qui moribus bonis est præditus: Morigeratus, participium ex morigeror, quod est morem gero, id est obsequor & obedio. Vnde morigerus, obsequens, obediens, & facile morem gerens. Quod Accursius non intelligens (quid autem intelligat, si ignorat, quid sit morem gerere?) pro glossa scriptum reliquit, Soluat Apollo: quasi aut ænigma esset, aut Apollo soluere ænigmata soleret, magis quàm proponere soluenda. Et alibi, Primipilus (inquit) nomen Græcum est.

E P I T O M E.

Proteruus à proterendo videtur ductus, & cedere nescius, ac repugnans dictis & factis. Procax, quod præoccupat omnia superbis dictis & factis. Petulans, dictis aut factis laceffens, & petens vnumquæque. Vnde Proteruitas, leuior quædam est contumelia: Procacitas, maior: Petulantia, maxima.

Proteruus, Procax, & Petulans.

C A P. C V.

Proteruus, Procax, & Petulans, multum similitudinis habet, & quasi aliud alio magis increfcit, tam in factis, quàm in dictis. Tria hæc tum quandam lasciuiam, libidinémque declarant, tum iniuriam. nam & proteruam petulâtémque eodem loco de inhonesta fœmina apud Ciceronē legimus pro Cælio, Si vidua libere, proterua petulanter, diues effuse, libidinosa meretricio more viueret. Proteruam minore gradu, quàm petulantem significauit. Petulans pro libidinoso, lasciuoque accipi, notū est. vt, Petulansque iuuenta. Et Ouidius,

Quin etiam vt possem verbis petulantius vti,

Non semel ebrietas est simulata mihi.

Id est lasciuus & licentius. Procaces quoque meretrices legimus. qualis Bacchis Terentiana, cæteræque impudicæ mulieres, quæ pudori suo (quæ vna dos fœminarum est) ne verbis quidē mor- pudor.
dacibus simul & turpibus parcunt, à seipsis suæque cōditionis fœ-

minis capientes principium. Proteruia, leuior quædam cõtume-
lia: Procacitas, maior: Petulatia, maxima. Cicero in Sallustium,
Ne in idem incidam vitium procacitatis, quod huic obiiicio. Et
iterum, Non enim procacitate linguæ, vitæ sordes eluuntur. At-
que iterum, Nam quòd ista inusitata rabie petulanter in vxorẽ,
filiámque meam inuasisti. Et iterũ in eadem, Desine bonos pe-
tulantissima insectari lingua: desine morbo procacitatis isto vtì.
Sallustius in Ciceronem, Grauius, & iniquo animo maledicta
tua paterer Marce Tulli, si te scirem iudicio animi magis quàm
morbo petulantia ista vtì. Et iterũ, Bibulum petulantissimis ver-
bis lædis. Hæc eadem nomina in factis quoque nonnũquam re-
periuntur: vt Siquis ambulans per impotentiam mentis, obuium
cubito feriat, aut cũ contumelia sibi cedere cogat, hunc proter-
uum dicimus. Et Virgilius austros procaces vocat. Et ab eodem,
-hœdique petulci Floribus insultent, dictũ est: quòd hœdi so-
leant iniuriam facere per animositatem quandam transcenden-
do sepes, & in alia loca penetrando: quæ iniuria, petulantia est.

E P I T O M E.

Orbus dicitur quicũq; re aliqua chara priuatus est, vt oculis ac liberis, sed proprie
liberis. Sed & liberi dicuntur orbi parentibus. Inde orbitas, talis priuatio. Cælebs autẽ
dicitur, non vt quidam putant, castus: sed sine coniuge, etiam si libidinosus viuat.
Inde cælibatus, status sine coniuge. Hieronymus tamẽ & Augustinus & Priscianus
à cælo deducunt: nec immerito: quia caste viuere, cæleste est: omnes autem cælibes
caste viuere, licet non viuant, debent.

Orbus & Cælebs.

C A P. C V I.

Quintil. lib. 5.
cap. 10.

In geminis læ-
gentibus.

ORbus est quicunque aliqua re chara priuatus est. Proprie
autem parens amissis liberis, quasi amissa luce oculorum.
Vnde illud frequens, Parens liberorum, an orbus? Et hinc
orbitas, quæ est illa qualitas patrum post amissos liberos, vt vxor-
is viduitas post amissum maritum. Quintilianus de patribus in
ipso loquẽs pro vxoribus, ait, Non habet orbitas vestra lachry-
mas super ardentes rogos: tenetis inconcussam rigidamque fa-
ciem. Contrarium huic est quum dicitur orbus, quasi orphanus:
vt apud Terentium, Orbæ qui proximi sunt, vxorem ducant. Et
hinc orbitas apud Marcũ Tullium libro tertio de Oratore, quasi
orphanitas, Deplorauit enim causam atque orbitatem senatus,
cuius ordinis à consule, qui quasi parens bonus atque tutor fide-
lis esse deberet, tanquam ab aliquo nefario prædone diriperetur
patrimonium dignitatis. Cælebs, tam qui caruit semper vxore,
quàm qui nunc caret: & inde cælibatus.

E P I T O M E.

Diurnus & diutinus dicitur per longum tempus durans, aut qui durauit. Sero-

cinus, aut vespertinus: aut nimis tardus, quasi post tempus debitum. Sicut præcox, ante tempus suum coctum dicitur. At præmaturum, quod præuenit maturitatem. id est, quod facit quasi sit maturum, cum nondum sit. Maturum enim est quod neque ferius, neque citius coctum est: ut persona senilis seu perfectis moribus. inde maturo, maturum facio seu festino. Vnde (ut dixi) sunt qui præmaturum dicant prius quam sit maturum: sunt qui præ aliis maturum dictum velint. Immaturum autem, quod nondum maturum, & tamen maturi fungitur munere. Verum quod ante tempus maturum est, præcox dicitur. In illo tamen primo Aeneidos, Maturate fugam: volunt peritiores non esse idem quod festinate, sed mature agite. quasi dicat, ne sitis nimium præcipientes, sed audiat quæ dicam. Vnde addit, Regique hæc dicite vestro. Multi præmaturum putant, ante tempus maturum: cum sit nondum maturum, & quod officio fungitur priusquam sit maturum. Homo senilis, recte à Seruio censetur maturus æuo. sed perfectis moribus, maturus æui, quasi maturans æuum.

Diurnus, Diutinus, Præcox, Serotinus, Præmaturus, Maturus.

CAP. CVII.

Diurnus & Diutinus nihil differunt. Vtrunque enim & in bonum & in malum reperitur, & utrumque à diu, siue diutius venit. Sed vnum eo modo formatur, quo à die diurnus, à nocte nocturnus. Alterum quomodo à sero serotinus, à mane, siue à Matuta, quæ dea est, matutinus, utque aliqui vtuntur à vespere vespertinus. De diurnus plurima exempla sunt. De diutinus apud Ciceronem perpauca. Ad Brutum sic scripsit, Libertatis desyderio, tædióque diutinæ seruitutis. Quintilianus, Nō sic confundunt obuios grauibz catenis colla stridētia, nec diutino squalore concreta facies. Quia dixi serotinus à sero, videor significasse sero pro vespere, non pro eo quod est tarde, siue post tempus. Hæc enim tria sero significat, quæ tamen penè idē sunt. Vna & vera significatio est pro vespere, quod est post occasum. Altera quæ hinc nascitur, quæ est post tempus. Quod enim post solis lucem est, id verè potest post tempus dici. Cicero, Quum accusator Milonis identidem interrogans, instaret, quo tempore Clodius esset occisus, urbane respondit, Sero. non tam horam intelligens, quàm tardius occisum, & post tempus quo debuisset occidi. Tertia significatio est pro tarde, non pro tardius. ut apud Senecam in Hercule furente, Sero nos illò referat senectus.

Nemo ad id sero venit, vnde nunquam

Quum semel venit, potuit reuerti.

Serotinus igitur tum à primo significato (ut quibusdam placet) venit, qui dicunt horam serotinam, tempus serotinum, pluuiam serotinam: tum à posterioribus. Appellamus enim ut præcoces vuas, præcoces ficus, præcocia poma, quæ ante legitimum, consuetumque tempus, siue cito maturescunt: ita serotinas vuas, sero-

Lib. 1. cap. 4.

Mature.

tinus ficus, serotina poma, quæ post legitimum tempus, consuetumque cæteris pomis, vel tardè maturescunt. Præcox quoque ingenium per translationem dicimus, quod nimis cito maturitatem consecutum, nimisque cito videtur adoleuisse. Ideoque ait Quintilianus, Illud ingeniorum velut præcox genus, non temerè unquam peruenit ad frugem. id est, non ferè unquam ad perfectionem, tanquam ad frugem fructumque peruenit. Præcox quasi ante tempus excoctum. Huic simile ac dissimile est, Præmaturus, quod est antequam sit maturus, & ante maturitatem: ut Segetes præmaturæ, frumenta præmatura, poma præmatura, id est nondum matura. Et per translationem, Præmaturus sum militiæ, præmatura ætas, præmatura legatio, præmatura allocutio, præmatura postulatio, id est immatura. Quanquam maturum ipsum in frugibus propriè dicitur, & id vno modo. In personis verò figurate, & hoc duobus modis. Vno sic, Ego sum maturus audiendæ philosophiæ, tu es maturus rei militari. id est, perfectionem temporis habeo ad hanc rem. Vnde senilis ætas vocatur matura, quasi omnino perfecta, & tempus debitum assecuta. Altero sic, Ego sum homo maturus, id est perfectus moribus. & in hac significatione non componitur. Inde matureasco, maturus fio. Et maturo maturas, maturum facio, vel perficio atque festino. ut Virgilius, Maturate fugam. Cicero ad Herennium, In ætate maturrima dixit, pro in ætate festinatissima. Et mature aduerbium, pro cito.

E P I T O M E.

Annum dicitur, aut quod per totum annum, aut quod semel fit peracto anno. Vnde annuus penus à Plauto, qui annum daret, dicitur. Et annua sacra à Virgilio, quæ peracto anno singulis annis semel fiat. Legendum autem est in fine, anniuersariæ sunt, scilicet febres: quia ordo est, Ita febres anniuersariæ sunt ut festa. principale enim suppositum est interdum vicinijs verbo: ut si dicas, Sicut foenum ego arui: quia ordo est, Ego arui sicut foenum.

Annuus.

CAP. CVIII.

ANnuus eodem modo dicimus, quo diurnus. spatium diurnum, spatium annuum, vnius diei, vniusve anni. Annuus quoque quomodo quotidianus. Febris quotidiana est, quæ singulis diebus venit. Ita apud Virgilium,

-atque annua magnæ Sacra refer Cereri.

Id est singulis annis. Et duo illi Epicurei philosophi annua febri quo die nati fuerant, corripiebantur. qua febri & mortui sunt, atque eodem quidem die. Dictum est ergo annuum, quasi anniuersarium. Nam ut festa, ita febres quibusdam, quorum etiam Augustus fuit, anniuersariæ sunt.

E P I T O M E.

Capitale odium, aut supplicium, seu morbi genus dicitur, quod caput alterius petit.

Capitalis homo, cuius caput petitur. Capitale vitium, propter quod caput petitur.

Capitalis.

Capitale odium, quod caput & vitam alterius petit. Cicero, Quū is Tribunus plebis capitali odio à Q. Pompeio, qui tū erat Consul, dissideret. Item Capitale supplicium, capitalis morbus, qui caput alterius petit. Capitalis autem homo, capitale vitium, capitale peccatū, non quod petat alterius caput, sed cuius caput, aut propter quod caput committentis peti debeat ad pœnam. ut idem, Capitalis Etheocles, vel potius Euripides. Et alibi, Fieri ait in ciuitate vitia capitalia.

EPITOME.

Meritoria taberna, quæ pro mercede patet. Meritorius puer, stupro à mangone pro mercede expositus. Puella autem non meritoria, sed proprio vocabulo meretrix dicitur. Ingenui autē dicuntur, qui quia liberi, sic non prostituuntur. Mango est, qui pueros, puellas, equos, canes, aut similia vānundat. Mereri autem, aut merere, est stipendia facere, seu pro mercede militare. Lucanus, AERE merent paruo.

Meritorius.

Meritoriam tabernam, diuersoriū atque hospitium mercenarium vocamus, quod cuique introire licet dāti mercedem. Nā merere, mercede operari, laborare, atque alteri inferuire est. Ideoque merere, in militia est exerceri, proprie tamen spe stipendii ac præmii: quod dicitur stipendia facere. Hinc meretrices dictæ, suā & ipsæ militiā exercētes, ac stipēdia sua faciētes. Et inde adiectiuū meritorius meritoria meritorium: vnde scorta mascula, pueri meritorii vocātur. nā puellæ nō vocantur meritoria: quippe propriū suū habentes nomen, quod est meretrix. Quidā aiunt hos pueros, dici Catamitos, quod mihi nō videtur, sed potius cōcubinos: meritorii nāque ut meretrices, pretio merent. Cicero in Antonium, Ingenui pueri cum meritoriis, scorta cum matribus familiās versabātur. ingenuos liberos dixit. Meritorios ergo nō liberos, quos māgo, qui ideo homines mercatur ut vendat, cōmodare etiam abutēdos pretio solet: siue illi dominorū permissu, aut ipsi suo iure prostant. Appellamus corpus meritoriū, tam puerū meritoriū, quā meretricem: orationem quoque meritoriam, quasi vilem & male coemptam.

Stipendia facere.

Catamiti.

Mango.

EPITOME.

Insensus, vehementer iratus, quasi multum offensus. Infestus, vim inferens, & ita multum molestus. vnde infestare: quo frequentius quā molestare, vtuntur docti.

Insensus & Infestus.

CAP. CXI.

Insensus, vehementer iratus, & odiū gerens: Infestus, vehementer molestus, atque in aduersum vadēs. Inde infestare, incurribus crebris molestia afficere. & signa infesta, quæ in aduersum tendunt, hoc est vexilla in hostē euntia, ut molestiam

Infestare.

Molestare. inferant. Molestare autem rarius reperitur, quàm infestare. Modestinus iuriconsultus ait, Ab Aurelio Sempronio fratre meo, neminem molestari volo.

E P I T O M E.

Præfens dicitur, non solum quod nunc adest, sed quod prius affuit, aut quod aderit. vnde vsus sum, vtor, & vtar præsentibus viribus meis in prælio. Præfens, ali- quando impræsentiarum est. Præfens item, subitum, & non dilatum in alterum tē- pus, & quod cito exit in opus suum, quasi præsentaneum. vnde & præstans dicitur, & cito auxilians. In rem autem præsentem, locum, non tempus connotat. Ad tem- pus verò, aut pro opportunitate, aut vsque ad certum tempus intelligitur. Pro- cito auxiliante quasi præfens numen habente, dicit Virgilius in Bucolicis, Nec tam præsentem alibi cognoscere diuos.

Præfens. C A P. C X I I.

Lib. 12. de ge-
nere dicēdi.

P Ræfens, non modo quod est huius temporis, sed etiam alte- rius, vt Cicero, Ego incolumitati ciuium primū, & postea dignitati: ille præsentem potius dignitati, quàm futuræ con- sulebat. De mortuo loquitur. ergo non nunc præsentem, sed tunc. Quintilianus de ipso Cicerone iam defuncto loquens ait, Postea verò q̄ triumvirali proscriptione cōsumptus est, passim qui ode- rant, qui inuidebant, qui æmulabantur, adultores etiā præsentis potentia, non responsurū inuasērūt. Præsentis potentia, quæ tūc erat præfens. Neque in præteritū modo, verū etiam in futurū, vt Horatius, Pleraque differat, & præfens in tempus omittat.

In præfens.

Ode 16.

Hoc amet, hoc spernat, promissi carminis author.
In præfens, id est in suum tempus, vt dixi, & quando tempus di- cendæ rei aderit: nisi accipiatur pro impræsentiarū. vt idem se- cundo Carminum,

Lætus in præfens animus, quod vltra est

Oderit curare, & amara lento

Temperet risu: nihil est ab omni

Parte beatum. Præfens quoque dicitur subitas, & non dilatus in alterum tempus: vt Virgilius,

Præsentemque viris intentant omnia mortem. Iuuenalis,

Pœna tamen præfens, & præfens vltio. Vnde præsentissimū peri- culum, & præsentissima medicina, remediū præsentissimū, vene- nū præsentissimū, quod etiā præsentaneum vocatur. Præsentissi- mum, quia statim aut sanat, aut occidit. Et quoniā ea quæ præ- sentem vim effectūque exhibent, præstantiora, ac potentiora

Præsentia-
neus.

In rem præ-
sentem.

cæteris videntur, ideo in hūc quoque sensum accipi solet: vt præ- fens animus dicitur, præstans atque excellens. Et præfens reme- diū, præfensque virtus, id est potēs, & in primis efficax. In rē præ- sentem, non tempus, sed locū significat. vt Cicero Officiorū li- bro primo, Vt si constitueris cuipiā te in rem præsentē esse ven-

turum. id est ad locum de quo controuersia est. Liuius libro 38, Responderi legatis vtriusque partis placuit, missuros se in Africam, qui inter populum Carthaginensem, & regem in re præsentis disceptarent. Idem libro 48, Eodem anno inter populum Carthaginensem, & regem Masinissam in re præsentis disceptato- In re præ-
senti.
res Romani de agro fuerunt. Valerius Maximus libro septimo, Q. Fabius Labeo arbiter à senatu finium constituendorum inter Nolanos & Neapolitanos datus, quum in rem præsentem venisset, utrosque separatim monuit. Ad tempus, duobus modis su- Ad tempus.
mitur. Vno, ad conditionem temporis, necessitatem, opportunitatem. Cicero pro Milone, Quàm ad tempus aptæ simulationes. Quintilianus, Fingere nimirum ad tempus videbor, & rem nimum manifestam impudenter complorare. Altero, ad spatium temporis: ut, Silebo ad annum, latebo ad tempus, id est vsque ad annum, & vsque ad tempus quoddam, vel in tempus. ut Quinti- Lib. 10. cap. 4.
In tempus.
lianus, Optimum emendandi genus, si scripta in aliquod tempus reponantur, ut ad ea post interuallum velut noua atque aliena redeamus. id est, vsque ad aliquod tempus. Nam sæpe subintelligitur vsque. ut idem, Neque id veteribus Romanis dedecori fuit. Argumentum est, sacerdotum nomine & religione durans ad hoc Lib. 1. cap. 11,
Vsque, subin-
tellectum.
tempus saltatio. id est vsque ad hoc tempus.

E P I T O M E.

Stultus, qui improvidus agit, licet insipiens plane non sit. Fatuus, plane insipiens est. Stolidus ad naturam pecudum accedens. Stultus ab aliis dicitur, qui alicui rei nimium studet, & ita imprudenter agit. ut qui mercationi rerum inutilium, aut amoribus nimium intendit. Fatuus à fando, ut Faunus & Fatua ab aliis, deducitur: qui plus æquo & inconsiderate fatur. corripit tamen primam: estque sine sapientia & sine sapore. Stolidus, qui stupore pecuino corripitur, ita ut tardius intelligat. Simo Terentianus, Vix tandem sensi stolidus.

Stultus, Fatuus, & Stolidus. CAP. CXIII.

Stultus, qui imprudens est, & improvidus. multi que non insipientes homines aliquando stultè agunt. Fatuus, planè insipiens est, tractum à sapore ciborum. Nam quum illi nō sapiunt, fatui dicuntur. Ita homo qui non sapit, fatuus vocatur. Martialis,

Vt sapiant fatuæ fabrorum prandia betæ,

O quàm sæpe petet vina pipérque coquus? Melior huius vocabuli videtur hæc causa, quàm ea quæ quibusdam placet, fatuos dictos qui furore quodam (quali vxor regis Fauni Fatua nomine, corripì solebat) futura prædicunt, ut illa faciebat. Stolidus est, qui proxime accedit ad naturam sensumque pecudum.

E P I T O M E .

Beatus dicitur, bene habens, ea videlicet omnia quæ ad vitæ vsum ornatumque spectant. vnde & alia res, vt vox abundans, & omneis numeros suos habens, beata dicitur. Beati quoque sunt superi, qui iidem foelices. Sed de hac re latius Mancinellus ex Beroaldo collegit, dicēs, Beatus proprie qui dici possit, à Seneca, & M. Tullio, ab Horatio, ab aliis pluribus docemur. Seneca enim epistola prima lib. 6. ita scribit, Si vtrique vis verborum ambiguitates deducere, hoc nos doce. beatum, non eum esse quem vulgus appellat, ad quem pecunia magna confluit, sed illum cui bonum omne in animo est, erectum & excisum, & mirabilia calcantem: qui neminem videt cum quo se commutatū velit: qui hominem ea sola parte existimat, qua homo est: qui naturæ magistræ vtitur, ad illius leges componitur, sic vivit quo modo illa præscripsit. cui bona sua nulla vis excutit, qui mala in bonum conuertit, certus iudicii, inconcussus, intrepidus: quem nec aliqua vis mouet, nulla perturbat: quem fortuna quum in eum quod habuit telum nocentissimum vi maxima intorsit, pungit, non vulnerat, & hoc raro. nam cætera huius tela quibus genus humanum debellatur, grandinis more dissultat, quæ incussa rectis sine ullo habitatoris incommodo crepitat, ac soluitur. Apuleius etiam in libro de philosophia sic ait, Verum enimvero illum omnibus beatum videri, cui & bona suppetunt, & quemadmodum carere vitiis debeat, callet. Et M. Tullius lib. 5. Tuscul. ita scribit, Videamus qui dicendi sunt beati. Equidem hos existimo qui sint in bonis, nullo adiuncto malo. Horatius verò libro primo epistolarum ad Quintium inquit, Nève putes alium sapiente bonoque beatum.

Beatus.

C A P . C X I I I .

BEatus qui rebus omnibus ad vitæ vsum, ornatumque spectantibus abundat. Ideoque locupletes sanè omnes beatos vocamus. vt apud Iuuenalē, Vetulæ vesica beatæ. Et Cicero, Sint florentes, sint beati. Et alibi, Crotoniata quondam quum florerent omnibus copiis, & in Italia quum in primis beati nominarentur. Vnde apud inferos in Elysiis campis beati vocantur, & à nobis qui apud superos viuunt: vt penè idem sint foelices & beati, foelicitas & beatitudo. Foelices inquam omnium bonorum compotes. Sunt & aliæ res pro sua quæque natura beatæ foelicesque: veluti de voce apud Quintilianum, Ornata est pronuntiatio, cui suffragatur vox facilis, magna, beata, flexibilis, firma, dulcis, durabilis, clara, pura, secans aera, auribus sedēs. Beata dixit pro eo quod est plena & perfecta. Et alibi, Nam vocis quantā in nullo cognoui foelicitas.

Foelix.

Lib. 11. cap. 3.

Lib. 10. cap. 1.

E P I T O M E .

Mollities, pro rerum qualitate, laudi aut vitio datur. Nam mollis homo vituperatur. molle signum laudatur, quasi flexibile & viuam effigiem habens. Est autem signum, fusa, sculpta, aut cælata effigies. Tabula, quæ picta est.

Mollis homo, Molle opus.

C A P . C X V .

Mollis homo dicitur, & molle opus. hoc in laudem, illud in vituperationem. Virgilius, India mittit ebur, molles sua thura Sabæ. Idem, Excudent alii spirantia mollius æra, Credo equidem viuos ducent de marmore vultus.

Quod non sine ratione factum est. Nam qui non fuerit seuerus, fortis, & constans, & in morem rei duræ patiens, resistensque fortunæ vel aduersæ, vel blandæ: hic mollis est, similis ceræ, & tenellis plantis: quum præsertim qui mollicula membra habent, ferè molli sint mente, vt pueri, fœminæque. Contrà autem milites, nautæ, agricolæ, vt corpore, ita animo indurati putantur. hoc igitur modo mollis accipitur in vitiū. In laudem verò, quod vt vitio datur durum, vt durus cibus, durum cubile, durū solum: ita durum ingenium, veluti durus equus ad domadum, durum ingenium ad docendum, & (vt sic dicam) sculpendum: eadem ratione molle dicitur, quod nō est durū, eritque laudabile. Quintilianus de signis loquēs, inquit: Illius opera duriora, huius molliora. Dicūtur autem signa, opera sculptilia, siue fusilia, siue cætera eiusmodi ad effigiem animalium fabricata: quemadmodū ^{Signa.} tabulæ, opera pictorum. Siquidem in tabulis antiqui pingebant, ^{Tabulæ.} non in parietibus. Hæc talia magis dicentur mollia, quæ fiunt, quàm ingenium quod facit.

E P I T O M E.

Crudus, cibus nō coctus dicitur. Crudus homo, qui cibum difficulter digestibilem comedit, aut qui nondum digestum habet: item qui ex hoc, truci aspectu est. Præterea crudum dicitur, recens & non maturum.

Crudus.

CAP. CXVI.

Crudus vocatur, non qui cibum indigestum habet in stomacho, sed qui ægre, difficilèque digestibilem, & à quo offenditur, vel tanquam nimio, vel tanquam noxio. vt Cicero de Roscio, Qui in cœnam non veniret, quod esset crudior. Et Quintilianus, crudo oratori declamandum non putat. At cibo indigesto ferè & oramus, & negotia agimus, vel magis quàm digesto. Siquidem digesto & modificato cibo, iterū refici maluimus, quàm cætera facere. Appellamus autem hominem crudū, præsertim qui est truci aspectu, quod eius aspectu oculi nostri offendentur, vt stomachus cruditate cibi: vel quod facies crudū habentis animū insuauis & fœda est, vt facies crudum stomachum habentis, siue crudū cibū in stomacho. Est etiam crudum idem quod recens. Vnde crudus dolor, crudum vulnus. Et recrudesce- ^{Recrudesce-} scere dolor, & vulnus dicitur, quasi renouari. Et cruda poma dicimus, quæ non sunt matura. vt Cicero, Poma quæ cruda sunt, vi auelluntur: quæ autem cocta & matura, decidunt.

E P I T O M E I N P R O E M I V M Q V I N T I
libri Elegantiarum.

Quoniam per triennalem occupationē atque peregrinationē à literis abstractus, filia, id est cōpositioni huius operis edendi, dotē, id est accessionē variarū eruditio-
X.iiii.

num comparare non potuit, neque si potuerit, operæpretium se facturum norit, cum copia sæpe nauseam pariat, & non formosa satis censeatur: qui cum prægratissimos exigitur, constituit filiam sex talentis dotatam nuptum dare, id est compositionem hanc sex libris locupletatam, emittere: præsertim cum exire gestiât, ne forte vel absente patre, vel mortuo prosteret filia, id est ne direptioni pateat diutina lubricatio. H. d. Cæterum, ne quid lateat, sciemus opus ab authore edi, atque emitti, sed sponte aut per se exire. Persius, Siquid tamen aptius exit. Ordo autem in principio est, Tertius & prope quartus annus agitur iam mihi peregrinanti semper, & volitanti per omnia maria & terras, & experto etiam militiam æstate proxima, & quidem tota. Vnde non legam, totam militiam: sed, tota æstate. Vñus est autem in tempore continuo ablatiuo, iuxta sententiam suam prius visam. Quid putandum est vniuersa fecisse? supple, quantum incommodi attulerit. Ad studia respeximus: quasi commiserantes ac dolentes iacturam, id est amissionem, tractum à iactura nauigantiu. Dic mihi musa, &c. Sic transtulit Horatius in arte poetica. An faciendū: id est an plus scribendū. sunt qui finiendum legant. præsertim viuentibus. Dotem filiar, id est doctrinam operis huius. Proci, sunt qui coniugē petunt. Alios magis incipit amare quàm patrem. alludit ad filias adultas, quæ virum expetunt. Quod dii omen auertant. honesta parenthesi, ex more antiquorum sumpta. Maro Aeneidos secundo, Quod diu prius omen in ipsum Conuertant. Virgo præsertim, Virginem dicit, quia alibi nihil ab aliis præsertim viuentibus prælibatū se assumere fatetur. Sanctitatem vxoris, id est integritatem doctrinæ. Reliqua nota sunt.

L A V R E N T I I V A L L A E I N Q V I N T Ū M
librum Elegantiarum Præfatio.

Tertius iā mihi, & prope quartus annus agitur peregrinanti semper, & per omnia maria terrasque volitanti, proxima etiā æstate, & quidem tota, militiā experto: quod vtrū honestiore, an magis necessaria causa fecerim, haud equidē scio. Illud tamē vel me non affirmante indubitatum cunctis esse non ambigo, quæ maxima atque adeo sola studiorum præsidia sunt, ea mihi omnia defuisse, literatorum consuetudinem, librorum copiam, loci opportunitatem, temporis otium, ipsam postremo animi vacuitatem. Quorum singula quum plurimum incommoditatis afferant, quum defunt, quid tandem putandum est vniuersa fecisse? Tametsi repugnauius assidue, & quoad licuit necessitatibus relictati sumus: interque nauigandum, peregrinandum, militandum, frequenter ad studia respeximus: ita vt si nihil lucri in literis (quod optabamus) certe (quod proximum est) nihil damni faceremus. quod si non contigit, iacturam hanc multarum rerum notitia, quas vel vidimus vel sumus experti, fortasse pensabimus. Hac enim præcipue via Homerus informadum esse virum sapientem præcipit, Vlyssis exemplo. Ita nanque Odyssæam inchoat,

Dic mihi musa virum captæ post tempora Troiæ,

Qui mores hominum multorum vidit, & vrbes.

Quaquam quid tergiuersamur? quid blanda, aut inani excusatione nos fallimus? qualescunque redierimus, nihil tamen quodotem filiæ iam me absente adultæ ampliare queamus, attulimus: & collocandi iam tempus est, satiusque multo quamprimū nuptui dare, quàm diutius custodiendo, pudicitia periculum adire. Mira enim est puellæ, vel procorum vel amatorum multitudo. Ipsa quoque teneri amplius non vult. Et (quod me valde sollicitum facit) alios magis incipit amare quàm patrē. Quare non vacat comparare plura, quo splendidius ac magnificētius collocemus. Sex nanque talēta, quæ ante profectiōem nostram parata, ac reposita erant, in dotē dabimus: quod quum satis esse debeat, tamē plus est multo, quod posthac temporis accessione adiicere possemus. Et certe similia impedimenta (vt de morte taceā) extimescenda sunt. Ne fortē (quod dii omen auertant) vel absente patre, vel mortuo, filia (vt quæ ea ætate, atque adē ea mente sit) prostet. Sufficiant igitur huic operi quatuor superiora volumina, quintūque hoc de verbis, accedēte sexto de notis authorum. Quod si etiam plura scribēdi facultas tempūsque suppetet, nescio an faciendum putarem: quum sciam ea quæ vel optima atque pulcherrima sunt, nisi compendii gratia iuuentur, vt pontificales olim cœnæ, longitudinis fastidio laborare: simūlque huius, de qua loquor, materiæ, neminē (de prudentibus loquor) vniuersum corpus aggredi esse ausum. nam suam sibi vnusquisque particulam ad scribendum delegit, siue ne longiore opere legentibus fastidium moueret (quod enim vocabulum nō suam habet in significando elegantiam?) siue immensitatem, infinitatēque voluminum veritus. Quibus rebus me quoque motum fuisse fateor, cum mea sponte, tum illorum exemplo maxime, ne semper imperfectum, ne semper inclusum habere, ne semper efflagitantibus opus negare videamur, néve quibus obsequi, & à quibus laudum suffragia nancisci cupimus, eisdem iustæ querelæ, iustæque vituperationis materiam præbeamus. Tum eo quod insidiatores, & fures re expertus (vt secundo libro dixi) cauere debeo, quos nunc multo plures esse ac fore amici ostendunt: quæ causa Prisciano (vt ipse testatur) fuit, vt festinantius opus illud de arte grammatica ederet. Hac eadem nos causa, & cæteris quas enumerauimus, sumus adaçti, non modo vt festinantius libros nostros, verumetiam vt pauciores ederemus. Et illi tantū æmulatorum insidiæ nocebant: mihi etiam præter cætera, fautorum

atque amantium studia nocent. Tradatur ergo aliquando viro puella, contenta hac quantulacunque dote. Non enim formosam esse credibile est, quæ maritum, nisi magnitudine dotis conciliante non inuenerit, virgo præsertim. Maritum autem puellæ coetum literatorum intelligimus, à quo sanctitatem vxoris, pudoremque & custoditum esse cupimus, & custodiri debere testamur. Sed ad promissam verborum disputationem (cuius hoc libro locus est) descendamus.

E P I T O M E.

Disco, vt sciam & intelligam. Edisco, vt memoriter sciam. quod inepti dicunt, corde tenus scio. Dedisco, id est non ita esse vt didici disco. Sicut dedoceo, contrarium doceo, aut non esse quod ego aut alius docuit, doceo. Instruere autem, pro eo quod est docere, in vsu peritorum non est: sed pro eo quod est disponere ad exercitium aliquod.

D I S C O, E D I S C O, D E D I S C O, D E D O C E O, E T I N-

S T R V O.

C A P. I.

Lib. 2. cap. 7.

D

Isco & edisco manifeste differunt. Nam discere est, vt intelligas: Ediscere verò, vt memoriter cō-plectaris. Ideoque caput apud Quintilianū quod inscribitur de ediscendo, ita incipit: Illud ex consuetudine mutandum prorsus existimo in hīs,

de quibus nunc differimus ætatibus, ne omnia quæ scripserint ediscant, & certa, vt moris est, die dicāt. Dedisco, quod didici obliuiscor. Dedoceo te, ostendo falsum esse quod doctus es, docens quod verum est. vt apud eundem in secundo, Et quidem dedocendi grauius ac prius onus, quàm docendi. Illud, quo quidam vtuntur, instruo, quale est, Instruam te in via hac, qua gradieris: nobis apud idoneos authores incompertum est. Dicimus enim, Instruo classem, instruo aciē, instruo causam, instruo militem: non autem discipulum, aut mentem alicuius, nisi eo modo, quo instruimus ea quæ dixi.

Cap. 3.

E P I T O M E.

Excogitare, est inuenire consilio & cogitatione. propriè res incorporeas. Reperrere, casu & fortuna. Inuenire, vtroq; modo, & tã res corporeas quàm incorporeas. Offendere, aut reuertendo quasi in via, vt lapidē, præter spem inuenire, aut etiam aliter inuenire. Nancisci, est quasi labore ac conatu inuenire, aut etiã aliter. Reperio autem, quia venit à pario, videtur ex natura studium & laborem poscere. unde raro vbi à casu inuenire significet, reperitur. Sunt autem qui inuenire dicant rem nouam: quasi in eius cognitionem per studiū venire. Reperrere, prius habitam, quasi iterum parere. à qua differentia, natura vocabulorū nō abhorret: sed confunditur. Excogito, Reperio, Inuenio, Offendo, Nactus sum. C A P. I I.

EXcogitare, est per cogitationem inuenire: idque ad res tantum incorporeas pertinet: vt, Excogitauit argumenta, rationes, figuras, causas. Est ergo excogitare & inuenire, consiliū:

reperire verò, fortunæ. vnde Ouidius,
 Tu non inuenta, reperta es. Sed iam vsus obtinuit, vt idem sit
 reperio, quod inuenio. Est autem inuenire, vel consilio, vel casu,
 siue corporea, siue incorporea reperire. Offendo ferè quod repe-
 rio: neque solum reuertendo: & ad statum rerum publicarū vel
 priuatarum pertinet. vt, Offendes Rempub. perturbatam consiliis
 nepotis mei: verumetiam sine his, vt idē Cicerō, Sed tamen ne-
 minem tam maleficum offendi, qui illum negaret Antonii di-
 gnū senatu. Naetus sum, etiam pro inueni, seu reperi, frequen-
 ter accipitur. Vt idē in Paradoxis, Eū tu hominē terreto, siquē eris
 naetus, istis mortis aut exilii minis. Et de senectute, Vitis quidem
 quæ natura caduca est, & nisi fulta est, fertur ad terrā, eadem vt se
 erigat, clauiculis quasi manibus, quicquid est naeta, cōplectitur.

E P I T O M E.

Desipio, aut desipisco, est male sapio, vbi bene sapui, & à sensu meo destitutor.
 Resipio aut resipisco, sensum ac sapientiam meam recupero.

Desipio, Desipisco, & Resipisco.

C A P. I I I.

Desipio, siue desipisco, significat vel quòd aliquid à commu-
 ni sensu, sapientiāque minus habeo, vel quòd à meo sensu
 destitutor. Quod ferè vitium, aut ex ætate venit, aut ex mor-
 bo, aut timore, aut amore, aut simili aliquo affectu. Cuius cōtra-
 riū est, resipiscere. & senes quidē iā demētes nunquā resipiscunt:
 cæteri autē resipiscere, id est, ad priorē mētis statū, vel ad melio-
 rem mentem redire solēt. Terentius, Multo omniū nūc me for-
 tunatissimum puto esse gnate, quum te intelligo resipuisse.

E P I T O M E.

Prohibere, est vetare ante inceptionem, & re incepta, ne videlicet quid incipias,
 aut ne inceptum perficias. Inhibere, tantum de re incepta, ne eam perficias.

Prohibeo & Inhibeo.

C A P. I I I I.

Prohibeo, vel generale nomē est, vel ante rē inceptā: Inhibeo
 autem, re iam incepta. Illud vetat, ne quid facias, vel nequid
 incipias: hoc ne pergas ire desistāsq; ab incepto. Virgilius,
 Quod genus hoc hominum? quæve hunc tam barbara morem
 Permittit patria? hospitiū prohibemur arenæ. Idem,
 Parcite iam Rutuli, & vos tela inhibete Latini.

E P I T O M E.

Vtimur rebus, ad aliā per eas obtinendū. Fruimur ipsis propter se ad delectatio-
 nem quam habemus in ipsis. Sed dicimus nos vti interdū rebus: quibus verò simi-
 lius est nos frui, propter honestatem. Vtimur autem personis, quando cum eis con-
 uersamur, non solum quādo earum opera vtimur. Fretum esse, est quasi cōsumum,
 & munitum esse. Vfus autem, pro vtilitate capitur. Fungimur autē officio, quādo
 ipsum agimus. Desuncti autē sumus officio, aut vita, quū hoc vel hāc depleuimus,
 nec amplius agimus. Potimur autē re, quā per laborem obtinuimus. Cōtra id autē
 quòd fruiū dicit in vū nō esse, & tantū duo supina à fruor ponit, dicit Mancinellus
 sic, Fruitus, & Caper grāmaticus, & alii vsi sunt. Ait autē Caper, Fruitus sum illa re.

Veteres vix dixerunt Fructus sum illam rem. Gellius autem libro decimo septimo cap. 2. refert Nævium dixisse, Qui non parsit apud se, fructus est. Et Cicero libro tertio Tuscul. fruiturum dixit, ubi ait, Consideretque se fruiturum &c. Cæterū fruor, etiam fructus sum facit. Cicero enim in Hortensio inquit, Vt amœnitate summa fructus est. Quod quidem Priscianus lib. 10. asserit.

Vtor, Fruor, & Fungor. C A P . I V .

VTor & Fruor apertè differunt, sed non ea ratione, qua quidam volunt, omnia sua imperitia confundentes, qui aiunt nos vti humanis, frui verò diuinis: imò & diuinis vtimur, & humanis fruimur. Quis enim mihi vsum diuinorum interdicat? quis rursus vetet me frui rebus meis, labore & industria paratis? Aut quis dicat me frui sacris, quum in illorum versor vſu atque administratione? Vel quis neget, quum voluptati operam do, me frui his rebus vnde capio voluptatem? Quòd si dicerent debere nos frui rebus diuinis, vti verò humanis (quanquam ne in hoc quidem illis accedo) fortasse audirem. De rebus enim nō de verbis disputarent. Nunc verbum exponunt, non res. Sed hos cum sua imperitia, & (quod fœdus est) cum sua pertinacia relin-

Vti. Frui. quamus. Vti igitur est alterius rei gratia, Frui nullius, sed (vt sic dicam) propter se. In illo iter est, in hoc meta. Hoc alterius finis, ad quem illud tendit. qui hoc habet, quiescit & contētus est: qui vtitur, nunquam contentus est, semperque vltius tendit. Ideoque reprehensus est Hannibal, qui quum posset vti Cannensi victoria, frui maluit. Vtor armis, vtor domo, vtor libris, vtor studio, diligentia, operaque, vt ex hoc postea emolumentum aliquid bonūque consequar. Fruor bonis meis, fruor tuo aspectu, tuo colloquio, tuo cantu: hoc est delectationem voluptatēque percipio ex hac re, atque ex huius rei vſu. Nonnunquam eadem re duo pariter, hic vtitur, ille fruitur: vt si alter ad focum sedeat sanitatis causa, alioqui id non facturum, alter voluptatis: hic non tendit vltra, sed apud finem ipsum quiescit: ille non contentus præsenti conditione, ad vltiora tendit. qualis Hannibal si fuisset, nec tam præsenti victoria requiescere, quàm progredi maluisset, non eum Adherbal scire vincere, sed victoria nescire vti, dixisset. id est qui frui illa, quàm vti maluerat. Dicimus tamen nonnunquam vtimur pro fruimur, verecundiæ cuiusdam causa. vt, Vtor pane triticeo, vtor palmulis, vtor ficis, quasi viuēdi potius causa edamus, quàm edendi causa viuamus. Denique frui est delectationem capere ex vtendo. Itaque in idem recidunt, idēque efficiunt frui, delectari, voluptatem capere. Quo fit, vt non fuerit causa cur recentiores hoc vocabulum frui, vnde venit fruitio, solis rebus diuinis dare voluerint. Habet enim hoc verbū duo supina, fruitū,

Fruitum.

& fretum, quorum primum vix in usu est, nisi apud eos qui verborum nouitatibus & gaudent & gloriantur. Secundum significat confisum. vt, Fretus fortasse familiaritate quæ est ei tecum, *Fretus.* ausus est confiteri. Adiungimus etiam alterum verbum ad personam (de vtor dico) significatque conuersor. vt, Opera tua vtor. *Vtor.* Idem Cicero ad Cælium, Fabio viro optimo & homine doctissimo, familiarissimè vtor. Et inde fit vsus: vt, Vsus mihi fuit tecum, *Vsus.* id est conuersatio, familiaritas & consuetudo. Quintilianus, Mulierem cum qua longa consuetudo seu longus illi fuerat vsus. Atque quia solemus aliqua re ideo vti, vt ex ea fructum percipiamus, factum est vt dicamus vsum pro vtilitate & fructu, tam in singulari quàm in plurali: quorum exemplorum plena sunt omnia. Fungor autem, idem est quod officium munusque ago: *Fungor.* vt, Fungor magistratu, fungor prætura, fungor legatione, fungor officio delegato, fungor munere iudicis. Fungor autem vita, quod fungor officio vitæ, & munere administrandi gubernandique corpus, munere inquâ assignato nobis ab imperatore Deo. Inde defunctus est vita, id est finiuit officium vitæ. Virgilius, *Defunctus.* O tandem magnis pelagi defuncte periclis.

Titus Liuius, Defuncta morbis corpora salubriora esse incœpere. Defunctus periculis, quod finita sunt pericula: & Defuncta morbis corpora, quod finiti sunt morbi corporum. Legimus etiam, Defunctus morte, id est vitam finiuit. De potior dixi alio loco.

EPI TOME.

Stare, est non ire, nec progredi in his duntaxat quæ carent pedibus, aut quæ erecta non sunt, vt naui, flumen, currus, sol, ius, forum, anguis, piscis, lacertus, & auis in aere stant. Stant erecta etiam, dum nondum ceciderunt: vt arbor, simulachrum, domus, columna. Stant præterea erecta, & non euntia, quæ tamen ire possunt: vt homo, equus, volucris. Sedet autem homo & simia, & his similia siqua sunt, propriè. aues autem sedere, est eas in altiori loco esse: vt passeris sedent, dum in tecto sunt, & cornices dum in arbore sunt &c. nec stant propriè, licet crura erecta habeant, sicut nec homo in equo stat, sed sedet. Sidere, est descendere & pessum ire ad capiendam sedem, vt aues, & limus, ac fax desidunt. Desido autè & subsidio, à sîdo componuntur. Sîdo item, cum compositis, præteritum à sedeo, in voce quidem, mutatur, id est mutuo accipit. Et sicut sîdo à sedeo differt, ita sîsto à sto. Nam sistere, non est stare, sed continere, & facere stare. sicut enim qui sîdit, nondum sedet, sed sedebit: ita qui cursum suum sîstit, nondum stat, sed stabit. Vtrunque autem tam sîsto quàm sto, habet statum in supino. vnde Iuppiter stator, quia stare fecit populum Romanum, dictus est, nõ quia ipse stat. Sistere quoque, est repræsentare. inde stator, nuntius ac tabellarius consulis. Calepinus tamen defendit non satis constanter statorem à stando dictum. Gellius docet præteritum verbi sîsto esse sîtiti, lib. i. cap. 13.

Sto, Sedeo, Sîdo, Sîsto, & Stator. C A P. V I.

STare, est non ire, in his duntaxat quæ eunt sine pedibus, aut quæ erecta non sunt. vt Naui stat, flumen stat, currus stat,

sol stat: vnde est solstitium & iustitium, quia ius stat, forūque clausum est. Anguis etiā & piscis, & lacertus, & auis in aere stant. Quædam ediuerso dicuntur stare, quæ erecta sunt, quandiu non cadunt. Sed hæc ferè sunt inanimata. vt Arbor stat, simulachrum stat, domus stat, columna stat. Quædam verò non dicuntur stare, nisi nec eant, & erecta sint. vt Homo, equus, volucrisque stat. Nanque homo quum sedet, & equus quū recumbit, & auis quū cubat, non stant, nec tamen eunt. Illud tamen notandum, aliter dici sedere de hominibus, aliter de auibus. Nam cætera non sedent, nisi simia, & siquid est simile. Ipsum verò sedere auium, est in loco altiori esse. vt, Passer sedet in tecto, hirundo sedet in pertica, cornix sedet in arbore. Nec rectè dixeris, Stat in arbore, sed tali potius quodam modo, Cornix stat, non cubat. Virgilius, Alitis in parua subitam conuersa figuram, Quæ quondam in bustis, aut culminibus desertis Nocte sedens, serum canit importuna per umbras.

Lib. 2. cap. 4.

Quintilianus, Vt si quærat, an sit credibile super caput Valerii pugnantis sedisse coruum, qui os oculosque hostis Galli, rostro atque alis euerberaret. Denique eodem modo dicitur sedere auis supra rem quampiam, vt homo super equū, aut iumentum, non dicitur stare aut manere, sed sedere, quocunque modo, aut quocunque corporis habitu, gestūque compositus sit. Sidere autem à sedere multum distat. Est enim sidere, deorsum descendere, pessumque ire. Virgilius,

AEncid. 6.

Sedibus optatis gemina super arbore sidunt. Id est, ab alto demittuntur. vnde desido, subsidio. vt Idem, Subsidere valles. Et iterū, Subsedet dubius. Nam (vt ego sentio) à sedeo præteritū mutatur. Inde insido quoq; insedi, & residuo resedi, assido assedi. Siquidem assidere est apud aliquem, vt ægrotū, vt regem sedere. Quū enim Sallustius inquit, Consul postquam assedit: magis ab assido quàm ab assideo præteritū hoc esse, significatio potest esse documento. Vt autem à sedeo distat sideo, ita à sto sisto. vt, Siste lachrymas, siste fugam, siste gradum. id est fac stare gradum, stare fugam, stare lachrymas. Atque vt illa superiora idem præteritū habent, vel alterum ab altero mutuū sumit: ita hæc duo idem supinum, vel sisto à sto, vel sto à sisto accipit, quod est statum. Vnde fit stator, quod magis à sisto quàm à sto descendit. ob idq; Iupiter stator vocatus est, qui Romulū orantem, vt fugam suorum

Hieronymus
notatur.

sisteret audiuit. Quare nescio cur Hieronymus contra Iouinianū dixerit, Offendet Iouem statorem, qui libeter federit. quasi Iupiter stator à stando dicatur, & non à sistendo. Nimirū oblitus hi-

storiæ est, vt super Ionam fabulæ, vbi ait, Ex Ioppæ Iudææ portu Andromedam à Perseo liberatam. In quo eorum manifestus est error, qui quum legunt quòd Ionas surrexit, vt fugeret in Tharsis, & venit Ioppen, opinantur hanc esse Andromedæ urbem, quum sit in India ciuitas Tharsis, vnde illa fuit, vt ipse quoque Hieronymus meminit. Ouidius libro primo de arte amandi, Andromeden Perseus nigris portauit ab Indis. Et Sappho ad Phaonem,

Candida si non sum, placuit Cepheia Perseo

Andromede, patriæ nigra colore suæ.

Eadem obliuio eiusdem fuit, quòd Gallòs matris deum in Osee ait esse ex gente Gallorū, qui à Romanis ob ignominiam illius nationis vindice animo effœminantur, quū à Græcis hoc antea, vt tūc, fuerit factitatum. Sistere dicimus etiam pro repræsentare, & præsentiam corporis exhibere, dictum ab eo quod non tantū comparere quis debet, nisi & manserit. vnde de iudicio sisti, hoc est de sistendo aliquem in iudicio. Cicero ad Atticū, Des operam id quod mihi affirmasti, vt te ante Calendas Ianuarias, vbi cūque erimus, sistas. Et hinc stator, nuntius tabellariūve consulis. Idem Stator. de Officiis lib. 3, Vas factus est alter eius sistēdi, vt si ille nō reuertisset, moriendum esset sibi. Virgilius, Et patrio te limine sistam.

E P I T O M E.

Appetimus cum affectu: Expetimus cum ratione.

Appeto & Expeto.

C A P. V I I.

Appetito cum affectu, Expeto cū ratione. Appeto qualiacunque, Expeto honesta, planēq; bona. Vnde de rebus expetendis scripsere philosophi, quæ scilicet peti debent: non autem de appetendis, ex quo deriuatur appetitus, qui immensa & immoderata cupiditas dicitur. Quare qui dixit, Omnia bonū quoddam appetere videntur, mallem dixisset expetere.

E P I T O M E.

Vēdico, est quasi approprio (vt sic dicā) & meū esse dico: regitq; ferè datiuū pronominis primitiuū. Vindico, est vlciscor, vnde vindicta: aut ab iniuria cōtumeliæve defēdo, aut in libertatē seruitutēve assero: vnde sūt qui pro vtroq; vindico dicāt.

Vendico & Vindico.

C A P. V I I I.

Vendico idem est quod (vt sic dicam) approprio, ac meum esse dico. Quintil. Circo vsitatum nomen Pœni sibi vendicant. Et iterum, Rusticus petit partem bonorum, orator sibi totum vendicat. Et ferè hoc verbum postulat datiuum, & hunc frequentissime ex pronomine primitiuū. vt, Hunc agrū ego vēdico mihi, tu vēdicas tibi, frater vēdicat sibi. Vindico, vlciscor: vnde vindicta, quoties iniuriā cōtumeliāve illatā punio. Vindicta.

Vitium.
Crimen.

Interdum vindico, id est quod ab iniuria, contumeliâve, siue iactura faciendâ defendo. Cicero pro M. Marcello, Nobilissimamque familiam iam ad paucos redactam penè ab interitu vindicasti. Idem de Senectute, Et est senectus natura loquacior, ne ab omnibus eam vitiis videar vindicare. Vitiis, id est vituperationibus, quemadmodum criminibus, pro criminationibus. Dicimus vindicare in libertatem, aut in seruitutem, quasi asserere in libertatem, aut in seruitutem, non (vt quidam volunt) vèdicare. vt Liuius libro vicesimo tertio, Intermori vehemètiorebus, quàm quæ pati possit, remediis ciuitatē sinere in ipsa vindicta libertatis perituram. Et in secundo, Præmium indici pecunia ex ærario, libertas & ciuitas data. Ille primum dicitur vindicta liberatus. Quidam vindictæ quoque nomen tractum ab illo putant, Vindicio ipsi nomen fuisse. Ego nescio an vendico reperiatur, sed tantum vindico.

E P I T O M E.

Explodo, est manibus eiicio cum sonitu & irrisione. est enim contrarium eius, quod est applaudo. Complodo autem, est manus inuicem collido, aut ad testificationē, aut præ gaudio, aut præ admiratione subita, aut consimili de causa. Supplodo, est pedem in terram incutio. quod in oratore interdum laudatur. Exhibilatur illud Ciceronis, id est cum sibilo eiicitur. Componitur enim ab extra, & sibilo. sed post x, auferri solet s littera. vt, exulto, pro exsulto. exors, pro exfors &c.

Explodo, Complodo, Supplodo.

C A P. I X.

EXplodo non tantum significat eiicio, sed eiicio manibus & quidem cum sono pulsantibus: qualiter quæpiam è domo, è theatro, ex aliquo concilio iniectione manuum atque pulsatione eiicimus. Quod apparet ex aliis à plodo compositis, Complodo & supplodo. Est enim complodere, aduersas manus inuicem collidere: quod fieri pluribus de causis solet, vel ad testificandum, more scæminarum, dolorem: vel præ gaudio, vel per subitam admirationem, vel si quæ sunt aliæ causæ. Supplodere, est pedem terræ incutere: quod interim solet in oratore laudari. Itaque quū dicit Cicero, Quoniam Pyrrhonis, Aristonis, Herilli iam pridem explosa sententia est: appositissimo vocabulo (vt semper) est vsus. Non enim dixit eiectam sententiam eo modo quo cætera eiiciuntur, sed quasi pulsatione manuum, tanquam ipsi illi huius sententiæ authores è cœtu ab ipso cœtu, iniectis in eos manibus, eiecti sint: vt apertius alio loco indicat, Histrio si paulum se moueat extra numerum, aut si versus pronūtiatus est vna syllaba breuior, aut longior, exhibilatur & exploditur.

E P I T O M E.

Dicere, est oratorum eleganter & ex arte loquentium: inde dictio, facunda & oratoria oratio. Sed prout dicere est quomodocūq; loqui, venit dictio pro vocabulo.

Dictio autem frequentatiuum est à dico: nascitur tamen à dicto. sed illud accipitur pro eo quod est dico & pronuntio, vt alter accipiat, & stylo manuque notet. Simili ratione à venio, venit ventito, quod est quasi frequenter venio: & aduento, quod est proximum esse veniendo. Viſitare quoque non est frequenter viuere, sed veſci. Dicacitas autē, est sermo cū riſu aliquo inceſſes. Dictū autē, est interdū idē quod est σκῆμμα Græce, id est ridiculum ac facetia cum irriſione amara ei in quē dicitur.

De Dico, & quibusdam compositis ab eo.

C A P. X.

Dicere, propriē est oratorū & eleganter, faciendūque loquentium. Quintilianus libro decimo, Nā mihi ne dicere quidem videtur, nisi qui dispoſite, ornate, copioſeque dicit. Cicerō de Officiis, Vt non modo Græcarum literarum rudes, sed etiam docti aliquantum se arbitrentur adeptos, & ad dicendum, & ad iudicandum. id est, in oratoria arte, & in philosophia. Omnes ferē codices habent discendum pro dicendum. Quod exemplum ideo subieci potissimum, vt vulgus emendarem. Vnde dictio vocatur, oratoria & facunda oratio. Nā ab illo generali huius verbi significato fit dictio, quæ est vocabulum, siue verbū. Ex hoc ipso verbo dico, duo frequentatiua oriuntur, dicto & dictito. sed postorius potius frequentatiuum est, & idem est quod frequentibus temporibus, frequentibusque locis dico & narro. Alterū autem est, quod dico, si id alter scribens excipiat, & manu styloque notet. vt Cicerō ad Atticum quadā epistola testatur, se illam non scripsisse, sed reparandi lateris gratia obambulanti dictasse. Et Quintilianus delicias dictandi appellat, sentiens delicati, nō laboriosi esse dictare, nec accurate dictando scribi. Ita dicta sunt dictito & dicto à dico, vt ventito & aduento à venio, & eadem penē ratione significant. Nam ventitare est frequenter venire: Aduentare verò proximum iam esse veniendo. Viſitare autem eodem modo dicitur, significatque non frequenter viuere, sed veſci, & quasi viſtu vti, siue tali genere viſtus frequentissime & ferē semper vti. vt, Sarmatæ viſitant lacte. Dictum & dicta de omni sermo ne intelliguntur, sed specialem quoque significationem habent pro dicaci sermone. vnde dicta est dicacitas, quam Quintilianus ita diffinit, Dicacitas sine dubio à dicendo, quod est omni generi commune, ducta est. Propriē tamē significat sermonem cum riſu aliquos inceſſentem. Ideo Demosthenē vrbaniū fuisse dicunt, dicacem negant. Dicacitas igitur (vt dicebam) sermo cum riſu aliquos inceſſens. Dictū vocatur, quod Græce σκῆμμα dicitur. quale est Ciceronis, Nisi fortē iure Germanum Cimber occidit. Germani, quos Francos nunc dici Hieronymus ait, & Cimbri, nationes sunt olim inter se dissidentes. Cicerō autem de quodam cui nomen erat Cimber, à quo frater occisus est, lo-

y.i.

Cap. 7.
In præf. lib. x.

Dictio.

Dicto.
Dictito.

Lib. 10. cap. 3.

Ventito.
Aduento.
Viſtito.

Dictū. Dicta.

Lib. 6. cap. 3.
riſu.

Dicacitas.

Dictum.

Philip. 11.

quitur, captans risum ex hac ipsa ambiguitate sermonis. Et illud Terentiani Thrasonis in adolescentulum, quod & Gnato vetus dictum credidisse se simulat, id est veterem facetiam, ac vetus ridiculum,

In Eunuch. Tute lepus es, & pulpamentum quæris. Valerius Martialis ad Domitianum,

Consueuere iocos vestri quoque ferre triumphi,

Materiam dictis, nec pudet esse ducem.

Qualia autem sint dicta, quæ in ipsum triumphantem milites iaculari solebant, illud quod Cæsari Dictatori fuit decantatum, erit exemplo,

Ecce Cæsar nunc triumphat, qui subegit Gallias:

Nicomedes non triumphat, qui subegit Cæsarem.

Illud subegit, & Cæsarem in quem dicitur, mordet, & aliis apud quos dicitur, risum mouet.

EPITOME.

Adorare, est gestu corporis honorem, etiam sine ore & voce, impendere. Supplicare, licet à plico venit, fit etiam sine plicatione, sed non sine voce. vnde homini tantum competit. Adorare, etiam brutis. Oramus autem, & precamur viuètia. Adoramus & salutamus etiam inanimata.

Adorare & Supplicare:

C A P. X I.

ADorare ab oro, quod est ore precor, componitur. Supplicare à plico, quod genu, poplitèmq; aut ceruicem plicamus, quum à potentiore aliquo magnum quid precamur. Et tamen adorare sine ore, hoc est, sine voce fit, non sine plicatione genuum, ac gestu corporis. Supplicare sine plicatione genuum ac gestu corporis, non sine ore & voce. Hinc est quare supplicare tantum homini datur, adorare etiam mutis. vnde elephas & phoenix, & alia quædam irrationalia solem adorare dicuntur. Nôsq; rebus mutis, & sensu carentibus non supplicamus, sed adorationis honorem exhibemus, vt regum statuis, signis, vestibus, literis, aliisque similibus. Et præcipue picturis, imaginibûsq; tum Dei, tum sanctorum, tum ipsius etiam crucis, quam sapientes adorât, stulti etiam orant. Quod de cruce, idem etiam de fudario dico, cæterisque similibus. idem de reliquiis sanctorum, quorum corpora præsentia adoramus, animas verò absentes oramus. Siquid autem ad hæc muta, quæ videmus, dicimus: salutatione vtimur, non precatione, quale est, Salue sancta crux.

EPITOME.

Affurgere, est quouis modo se ad exhibendum alteri honorè erigere. vnde cum datiuo ferè construitur.

Assurgo.

CAP. XII.

Assurgunt sani, ut stent, aut ut obuiam eant: assurgunt ægroti, ut sedeant, aut ut cubito innitantur. Vtroque modo, in alterius honorem, aut officii, aut beneuolentiæ causa hoc agentes. Ideoq; ferè adiungitur datiuus. ut, Aduenienti magistratui omnes assurgimus etiã morbo affecti, videlicet ob honorẽ. Et pater quũ iaceret in lecto, redeunti à peregrina militia filio, assurrexit, optatissimũ illud caput amplexurus. nempe ob charitatem.

EPI TOME.

Sustuli, est aut habui seu genui filiũ, aut educaui, aut submoui, aut sursum tuli. Tollere enim, est educare & capere, atque educere. vnde sustuli & tuli, utrũq; significat.

Tollo.

CAP. XIII.

Sustuli filium ex vxore, id est habui filium. Itẽ Sustuli filium, Sustuli.
id est educaui. & ab utroque fit sublatum. Primum est à tollere, pro capio. secundũ à tollere, pro educo. Paulus, Tamen intelligendum est de his legem sentire, qui liberos tollere possunt. Itaque si castratum libertũ iureiurando quis adegerit, dicendum est non puniri patronum hac lege. Quintilianus, Cupidus ego liberorum vxorem duxi, filium sustuli, natum educaui, in adolescentiã perduxì. Aliud est igitur hĩc sustulisse & educasse. Et alibi, Qui ex duobus legitimis, alterũ in adoptionem dederat, alterum abdicauerat, sustulit nothũ. id est habuit, quanquã parum proprie significo quod volo. Nam ut fœmina quũ mater fit, dicit, peperì filium: ita vir quũ fit pater, dicit, sustuli filium. Terentius, Quicquid peperisset, decreuerunt tollere. id est educare. Idem, Meministin' me esse grauidam, & mihi te magnopere interminatum, Si puellam parerem, nolle tolli? Ch. scio quid feceris, Sustulisti. Eodem modo dicimus, Tulit filiũ, ut sustulit. Suetonius in Domitiani vita, Deinde vxorem Domitiani, ex qua in secundo consulatu suo filium tulerat, repudiauit. Alia duo significata notiora sunt: quorum alterum est, summouisse. ut Virgilius, iubet & sublata reponi Pocula. Alterũ, in altũ tulisse. ut Idem, Et sublatum surgit in ense. Quæ duo declarantur ex illo in Neronem epigrammate,

Quis neget AENEAE magna de stirpe NERONEM?

Sustulit hic matrem, sustulit ille patrem.

Hic sustulit matrem, quia occidit, & de medio abstulit. Ille sustulit patrem, id est supra humeros sumpsit, & ab incendio eripuit.

EPI TOME.

Prouocare, tam ad bonum quàm ad malum dicimus. Lacerare potius ad malum: sed nonnunquam etiam ad bonum. Est utrunque incitare ad concertationẽ. Prouoco autẽ, videtur cõpositum à porro seu procul, & voco: quòd qui hostẽ irrat, & ad pugnam seu certamen inuitat, eum prouocat, id est de longe vocat. sed dum

in bonam partem accipitur, potest etiam à longe posito quis prouocari, id est incitari ad bonum. Lacesso autem, videtur à lacero deductum: ideoque videtur competere propè stanti, quasi sit lacerando & dirumpendo vestem seu indumenta quenquam ad iniuriam appellando incitare. ideoque còtra naturalem verbi significationem esset, si in bonam quoque partem accipitur: nisi quòd amici non minus vestes nostras lacerant dum ad beneficium accipiendum nos inuitat, quàm inimici dùm iniuriam aut contumeliam inferunt. Neque verò hoc verbum (de Lacesso loquor) desideratium dici potest: aut etiam, vt viso, itionem & actum talem corporis importare. nam lacesimus præsentes: visimus autem, id est visum imus absentes, quos præsentes videmus. Sed ad authorem redeo.

Prouoco & Lacesso.

C A P. X I I I I.

i. Offic.

Prouoco, in malam partem dicitur, & in bonam. De malo notum est. De bona verò, Cicero ad Brutum, Tuis literis amantissimis sum prouocatus. Lacesso plerunque in malum, vt Idem, Sed iustitiæ primum munus est, ne cui quis noceat, nisi lacesstus iniuria. Sed nonnunquam in bonum, vt Idem quinto Tusculanarum, Tuis me amantissimis libris lacesstisti. Et ad Atticum lib. 3, Quum ipse homo nūquam me lacesstisset. id est, nunquam me libris suis prouocasset ad respondendū. Est autem prouocare & lacescere, tentare ad pugnam, & ad concertationem.

E P I T O M E.

Hiare, est sua sponte & externa aliqua vi diffindere se & aperiri. Hiscere, est os humanum aperire. vnde accipitur pro loqui. Ouidius accepit pro dehiscere, quod est etiam aperire sese deorsum ac pèssum. Cæterum si hiscere sic differt ab hiare, nō recte sentiunt qui inchoatium aut meditatiuum ab hio sentiunt, vt Alexander. Sed dices hisco, quum regula formet hiasco. Non enim significat incipere hiare, sed pro eo quod est aperio os (vt author sentit) duntaxat humanum. vnde accipitur pro loqui, sed (vt mihi quidem videtur) submissa voce, aut singultibus interrupta. Quinetiam si verū est quod Sernius dicit ad illud primi AEncidos, - omnes Accipiūt inimicū imbrē, rimisque fatiscunt. id est affatim, quod est abunde, hiscunt. Hiscere etiam aliis, quàm ori humano, congruit, quia etiam nauium fissuris. Vnde si dehiscere, quod est deorsum & pèssum hiscere. vt AEncid. 4, Sed mihi vel tellus optem prius ima dehiscat, Vel pater omnipotēs adigat me fulmine ad vmbras &c. competit terræ & rebus sub nobis positis: videtur hiscere, eisdē competere posse. Sed author loquitur de consuetudine rectè loquentium, qui hiscere, vt plurimum, homini hiare, cæteris rebus attribuunt. Dixi, Submissa voce. vnde negationem sæpe efflagitat, aut formidinem innuit. Iuuenalis Satyra 5, Duceris planta, velut ictus ab Hercule Cacus, Et ponere foris, siquid tētaueris vnquā Hiscere, tāquam habeas tria nomina. Addidi, Aut singultibus interrupta, vt AEncidos 2, - vix pauca furenti Subiicio, & raris turbatus vocibus hisco.

Hio, Hisco, & Dehisco.

C A P. X V.

Hiare, est aliquid sua sponte, & externa aliqua vi diffindere. vt tellus æstu, & ligna ariditate, aut nimio calore hiāt. Hiscere, est tātum oris, & quidem humani: & accipitur pro eo quod est loqui, aut os aperire ad loquendū, sed ferè per negationem: vt, Corā illo nō auderes hiscere. aut per interrogationem, Quid nūc habes quod hiscere audeas? Ouidius tamē poetice dixit,

Hiscere nempe tibi terra roganda foret. Quum oratores soleant potius dicere dehiscere, id est deorsum, pectusq; se aperire.

E P I T O M E.

Do fidem, id est sanctè promitto. Habeo fidem, id est credo seu confido. hoc dicit. Sed libet non nihil annotare. Accipitur igitur dare, ut ex diuersis locis annotauimus, multifariam, multisque modis: sed potissimum secundum adiuncta. Nam dare literas aut epistolam, est quasi mittere, aut dare alicui perferendas seu perferendâ. Dare epulum, est facere conuiuium seu viscerationem. Iuuenalis, Vnde epulum pos sis centum dare Pythagoreis. Dare verba, idem est quod imponere. Nam imponere cum datiuo, significat decipere, & facere falsum intelligere. vnde Iuuenalis Satyra quarta, Facile est barbato imponere regi. Dare autem verba, ideo significat decipere: quod qui ea dat, intelligitur non rem, sed verba dare, quasi ventis. vnde Statius in Achilleide, Irrita ventosâ rapiebant verba procellâ. Dare nuptum aut nuptui, est dare in matrimonium. Dare auxilium, est auxiliari. Virgilius, Da pater auxilium, atque animis illabere nostris. Dare veniam, est ignoscere, ac dimittere culpam. Dare potestatem, est eam penitus assignare, ita ut danti vix maneat. vnde qui potestatem aut facultatem communicant, duntaxat dicuntur non dare, sed facere potestatem. Similiter dare fidem, ut hic dictum est, est sanctè promittere. tractum ab his qui fidem, id est fidelitatem coniugalem dant, id est compromittunt. Dare testem, est eum assignare. Iuuenalis, Da testem Romæ tam sanctum quàm fuit hospes Numinis Idæi. Dare itè, per se, est concedere, aut permittere optanti. ut, Quis dabit ut placida populus nos audiat aures? Quâdo verò dicit Teretianus Thraso, Est istuc mihi datû. Profecto, ut grata sint quæ facio omnia: significat (ut inquit Donatus) à Deo factoque concessum. ut in illo Virgiliano, Non dabitur regnis, esto, prohibere Latinis. In eam quoque sententiam videtur posse accipi illud in prologo Andriæ, Id sibi negoti credidit solû dari, Populo ut placerent quas fecisset fabulas. Dare autem, est (inquit Donatus) quod repetas. Dedere, est ad perpetuum. Damus & amicis, dedimus tantum hostibus. Sed ad specificandam hanc confusionem solemus addere secundum datiuum à quo verbum ipsum peculiarem accipiat significationem. Damus enim dono, id est in donum, quod repetere nolumus. Damus mutuo res quæ consumuntur, & reddi non possunt, sed consimiles æquali numero pondere aut mensura, ut panem, caseum, vinum, oleum. Damus commodato res, quarum vsum comodamus, easdè recepturi, ut vestes & instrumenta, seu arma mechanica, aut etiâ bellica. Quinetiâ dare alicui quâuis re vitio, est eundè de ea vituperare. Dare honori, honorare. Dare laudi, laudare. Dare voluptati, ad voluptatē. Præterea est ubi dare, videatur accipi pro dicere, ut in illo Virg. in Buc. Attamē iste deus qui sit, da Tityre nobis. Verû alii volût dictû, quasi subaudiatur intelligere: ut sit, da intelligere. sicut cōtrâ, qui intelligere aut intellectû dare vult, dicit accipe: ut apud eundè AEncid. 2, Accipe nûc Danaû insidias, & crimine ab vno Disce omnes. Sed accipere, propriè est auribus percipere. ut apud Sallustiu, Urbē Româ ut accepimus &c. Possset etiâ & aliis modis acceptû dici: sed his modo cōtenti sumus. Nâ dare symbolû, quod vulgus dicit soluere scotû, ut Comic⁹, Symbolû dedit: & Dare vela vêtis, pro nauigare. Dare operâ, id est diligentiâ adhibere. Dare munus, & dare sacrificiû, pro sacrificare. ut apud Persiû, Quin damus id superis, de magna quod dare lance Nô possit, magni Messalæ lippa propago? Cōpositum ius, falsque animi &c. & consimilia: à vulgari ac propria non decedunt significatione. Sed ad authorem tandem redeamus.

Do & Habeo fidem.

C A P. X V I.

DO fidem, nō est (ut nunc multi loquuntur) des fidē verbis illius, & nō dedit fidē illi secū tātis verbis loquenti. Hi videntur significare, quod nō credatur illius verbis, quod Latine
y.iii.

Offic. 3.

dicitur, fidē habere. loquēdūmq; sic potius, Habeas fidē verbis illius. Nam dare fidem, est aliquid sanctē promittere. vt Terētius, Grauidāque facta, dat fidem vxorem sibi Fore hanc. Virgilius, Accipe, dāque fidem. id est, accipe sponſionem factam à me, & tu mihi vicissim da tuam. Quintilianus, Fidem habeas hominibus, quos mentiri alius affirmat. Accius apud Ciceronem, Fregisti ne fidem? Neque dedi, neque do infideli cuiquā. fidē subaudi. id est, nō promisi verē ex animo, quia ipse meretur vt vicissim fallatur.

E P I T O M E.

Præ se ferre, est dicto, facto, aut gestu, qualitatem animi, aut opinionem de aliqua re indicare. Et sicut dico, Præ se fert, ita præ me fero, præ te fers. Itē præfero, & præ me duco. Est etiam præ se, ante se, aut in comparatione sui.

Præ se ferre.

CAP. XVII.

Lib. 5. cap. 13.

P Ræ se ferre, est dicto, factōve, & ipsa statim frōte, qualē opinionem de aliqua re aut homine habeas confiteri. Quintilianus, Fiduciam igitur præ se ferat orator, semp̄q; ita dicat, tanquam de causa optime sentiat. id est, ex ipso aspectu oratoris, ex ipsa voce, ex ipsa tota oratione eluceat fiducia. quemadmodum qui pugnaturi sunt, in vultu & gestu indicant tacitam vel formidinem, vel fiduciam. hoc est, præ se ferunt fiduciam, vel formidinē. Cicero, Nā ille qui accipit iniuriā, meminit, & præ se fert. id est, ait se accepisse iniuriā, mentē me se habere persequendā iniuriæ ostēdit. Iterū, At beneficio sum vsus tuo, quod quamquam illud ipsum, quod cōmemoras, præ me semper tuli, malui tamen me tibi debere confiteri, quā cuiquam minus prudenti non satis gratus videri. Præ se ferre & cōfiteri, pro eodē posuit. In eundē sensum accipi solet præfero, itē præ me duco, præ me gero, ante me duxi. Idem, Et tamen quum ita viuit, neminem præ se ducit hominem. vbi accipitur præ se, ante se, vel in comparatione sui. Et alibi, Præ se vtilitatē gerit. Et alibi, Tamen iniuriam à te in me factam, semper ante me duxi.

Præfero.

Præ se ducere, vel gerere.

Ante me duco.

E P I T O M E.

Rationem alicuius habere, est respectum habere, duntaxat in bonum. Rationem cum aliquo habere, est commercium ac negotium habere. Rationem cōstare, est legitimam rationem ostendi, aut apparere ostendi posse.

Rationem habeo, & Ratio constat.

CAP. XVIII.

Valetudo.

R Ationem habeo, idem est quod respectum habeo, sed tantummodo in bonum. vt, Habēda est ratio salutis, ratio honoris, ratio rei familiaris, nō autem infirmitatis, turpitudinis, incommodorum: vt quosdam annotauī scribentes. &, Tu facis contra rationem valetudinis, id est non habes respectū valetudinis, sanitatis inquam, non ægritudinis: quæ duo hoc significat

nomen. Quæ exempla, quia passim inueniuntur, omitto. Cicero ad Marium inquit inusitatus, Pudori tamen meo malui cedere, quàm salutis meæ rationem ducere. Et in secundo Officiorum, Siue ratio constantiæ virtutisq; ducitur, aut hæc ars est, aut nulla omnino, per quam eam assequamur. Et hoc fit cum genitiuo. Cum ablatiuo autem præposita præpositione cum, habet aliam significationem. vt Cicero in Catone maiore, Rationē habet cū terra, quæ nunquam recusat imperium. id est negotium & commercium habet cū terra. Quod probatur ex illo in Tusculanis, Quis est omnium, qui modo cum musis, id est cum humanitate & doctrina habeat aliquod commerciū, qui se non hūc mathematicū malit, quàm illū tyrannū? Idē ad Atticū, Nunc verò, quoniam ea quæ putauī præclara, expertus sum quàm essent inania: cum omnibus musis rationem habere cogito. Rationem cōstare (vt breuiter dicam) est æquā legitimāq; rationē aut ostendi, aut apparere ostendi posse. Plinius Iunior, Mihi & tētandi aliquid & quiescendi, illo authore ratio constabit. Et iterū, Mirum est quàm singulis diebus in vrbe ratio constet, aut cōstare videatur pluribus, cunctisq; nō constat. Vlpianus, Planē si defendendi gratia aliquid fecerit, rationem ei cōstare oportet. id est, rationem cum iustam aut ostendere, aut facile posse ostendere.

E P I T O M E.

E republica, id est pro repub. est: non, ex re: tollitur enim x ferè sequēte r. vt è regione, id est ex opposito, vel ex aduerso. è re nostra, id est vtilitate. è dignitate quoque, id est ad dignitatem, vel pro dignitate. & ita in similibus. Ex tempore dicere, id est ex improviso. E renibus laborare, est morbum in renibus pati. Ex vinculis dicere, est alligatum respondere criminationibus. Ex equo pugnare, est sedentem in equo pugnare.

De E & Ex, diuersisq; nominibus & verbis eisdem appositis.

C A P. X I X.

E Republica est, id est pro republica est. Quintilianus, Ad hoc nemo dubitabit, quin si nocentes mutari in bonam mentē aliquo modo possint, sicut posse interdum conceditur, saluos esse eos magis è republica sit quàm puniri. E republica dicendum est, vt in Oratore Cicero testatur, nō ex republica. Tollitur enim x, sicut in omnibus fit ferè quæ ab r incipiūt. vt E regione, id est ex opposito, vel ex aduerso, atq; ecōtrario, nō ex regione: è re mea, è re tua, è re nostra. Liuius lib. 33, Perinde ac si nō postulauerint, quæ è re sua essent, sed suaserint quæ nobis censerēt vtilia esse. Similiter è dignitate, ex vtilitate, ex vsu, pro eo quod esset, pro dignitate, vel ad dignitatem, vtilitatem, vel vsum. Cicero, Ex tua ac reipublicæ dignitate facies. Et alibi, Legem (vt æquum est)

ex vtilitate Reipublicæ confyderate. Terentius, Quod ex vſu fiet. Cæſar in commentariis, Vtrum prælium committi ex vſu ſit. Ex
 Ex tempore. tempore dicere, eſt ex improuiſo & impræmeditatū dicere, nec
 Extemporalis domi compoſitam orationem afferre. Hinc vocatur extemporalis oratio. Perſius autem ait, Ex tempore viuitur. Ex tēpore quoque agere. Cicero Officiorum ſecundo, Quos credimus expedire rem, & conſilium ex tempore capere poſſe. Aliter idem tertio eiſdem operis libro dixit, Vnius generis quæſtiones ſunt hæ omnes, in quibus ex tempore officium quæritur. ex tempore, quaſi ex temporis conditione. E renibus laborabat, idem inquit, hoc eſt, morbum in renibus patiebatur. Ex vinculis cauſam dicere, eſt alligatum reſpondere criminibus: vt Ex equo pugnare, eſt in equo ſedentem pugnare.

E renibus.

Ex vinculis.

Ex equo.

E P I T O M E.

Æſtimo, eſt cōſydero & appretior. Exiſtimo, iudico. Sicut cogito, animo voluo. Excogito, inuenio.

Æſtimo & Exiſtimo, Cogito & Excogito. C A P. X X.

Æſtimo & exiſtimo, à plerisque confunduntur, quum diuerſa ſint, ſicut cogito & excogito. Antè enim eſt cogitare, deinde excogitare: licet non quicumque cogitat, ſtatim & excogitet. Ita prius rem æſtimamus, deinde qualis ſit exiſtimamus. Æſtimare enim, eſt cōſyderare: Exiſtimare verò, iudicare. Quintilianus, Conſumptis affectibus, non reperiens quo digne modo vultum patris poſſet exprimere, velauit eiſ caput, & ſuo cuiuſque animo dedit æſtimandum. Cicero de legibus, Siſenna eiſ amicus, omnes adhuc ſcriptores, niſi qui fortè nondum ediderunt, de quibus æſtimare non poſſumus, facilè ſuperauit. Et in Verrinis, Expendite hæc atque æſtimate. Vnde dictum eſt æſtimare, pro taxare, ab æs æris, & τιμή Græce, quod eſt pretium Latine. Ouidius tertio de Triftibus libro, Quod quicumque leget (ſiquis leget) æſtimet antè,

Lib. 2. cap. 13.

Compoſitum quo ſit tempore, quòque loco.

E P I T O M E.

Coniuro & conſpiro in malam partem accipiuntur: ſed ſi legitima eſt ratio, etiã in bonam. ſed cōſpiratio, aliquando ſine alterius ſit pernicio: coniuratio, nunquam.

Coniuro & Conſpiro.

C A P. X X I.

Coniurare & conſpirare, ferè in malum accipiuntur, quoties in patriam, aut bonum principem coniuratio ſit atque conſpiratio. Sed ſi honeſta cauſa id fiat, in bonum etiã accipi debent. Nam & Mutius Scæuola ad Porſenam regem inquit, Trecenti coniurauiſus principes iuuentutis Romanæ, vt in hac via graſſaremur. Et Cicero ad Cæſarem pro Ligario, fra-

trum conſpirationem dixit, quaſi vnanimitatem. Verum conſpiratio, vt in hoc ipſo loco, nonnūquam nemini pernicioſa eſt, in neminēque graſſatur. Cōiuratio ſemper in alterius perniciem graſſari ſolet.

E P I T O M E.

Cordi eſſe, eſt delectare & cōplacere. Sed in animo eſſe, eſt velle, aut cōſtituere.

Cordi eſt, & In animo eſt.

C A P. X X I I.

Cordi eſt, & In animo eſt, differunt. Nanque hoc ſecūdam, notum eſt ſignificare in animo habeo, vel animus eſt mihi, vel volo atque cōſtituo. vt ad Terentiam Cicero, Nam mihi erat in animo, mittere ad Dolabellam. Illud verò, eſt delectat & placet. vt idem, Itaque nō tam me iſta ſapientiæ, quā modo Fannius cōmemorauit, fama delectat, falſa præſertim, quā quod amicitiaſt nostræ memoriam ſpero ſempiternā fore. idque mihi eò magis eſt cordi, quod ex omnibus ſæculis, vix tria aut quatuor numerantur paria amicorū. Quo in genere ſperare videor Scipionis amicitiam & Lælii, notam poſteritati fore. id eſt, eò magis me delectat, & placet. Terentius, Si tibi hæ nuptiæ ſunt cordi. Et alibi, Quia vterque vtrique eſt cordi. id eſt, nuptiæ iucundæ ſunt tibi, & vterque alterum amat.

De Amicitia.

E P I T O M E.

Inuertere, eſt quaſi in contrarium vertere, & interiora exteriora facere. Interuertere, rem dolo non reſtituendam efficere, quaſi in alienum vſum vertere. Item inuertere accipitur à nonnullis, pro deprauare, quaſi peruertere.

Inuerto & Interuerto.

C A P. X X I I I.

Inuertere, eſt quaſi in cōtrarium vertere, vt interiora veſtis aut pellis, aut aliarum rerum exteriora facere: præpoſtereque verba pronuntiare, vt pro lauo vola. Interuertere, eſt re aut commodatam, aut depositam, aut creditam, callide, doloque ne domino reſtituatur, efficere. vt Cicero in Verrem, Candela-
Actione 6.
brum, quod rex Aegypti Ioui Capitolino dono tulerat, à Verre, qui illud à rege commodato acceperat, interuerſum eſſe cōqueritur. Marcellus iuriſcōſultus, Si duo (inquit) hæredes rem apud defunctum depositam dolo interuerterint.

E P I T O M E.

Compertum eſt mihi & exploratum eſt, item Comperi & explorari, idē ſunt: id eſt per inueſtigationem ſcio. ſed explorari, ſæpe accipitur pro inueni: cū exploro ſit inquiri ſagaciter. vnde exploratores, ſubtiles indagatores & inquiſitores. Item conſtitutum eſt, deliberatum eſt, decretum eſt mihi, & conſtitui ac decreui, idē ſunt: hoc eſt cogitando firmatum eſt. ſed deliberaui, non eſt idem quod conſtitui aut decreui, ſed diſquiſui dubitauique. Similiter exigo, id eſt iure quodā poſtulo: ſed exegi, & exactum eſt, eſt poſtulando obtinui, & poſtulando obtentū eſt. Item quæſitū eſt, id eſt partum & acquiſitum eſt: quum quærere ſit inquirere: eſt tamen etiā quaſi accumulare. Horatius, Quærit, & inuentis miſerablinet, & timet vti.

Compertum est, & Exploratum est.

C A P. X X I I I.

Compertum est mihi, & Exploratum est mihi, idem est quod scio per inuestigationem. similiter comperi, & exploravi. Constitutum est mihi, deliberatum est mihi, decretum est mihi, idem quod apud me cogitando firmatum est. similiter constitui, & decreui. At non ita deliberaui. possum nanque deliberasse, & nihil tamen constitui. Quintilianus in ægro redempto, Oderitis licet confessionem meam, deliberaui. hoc est dubitavi & hæsitavi. Itaque differt an dicamus, Senatus deliberauit: an, senatui deliberatum est. id est decreuit. Plinius Iunior, Tum ego, si fixum istud tibi ac deliberatum est, sequar te. Cicero in Verrem, Deliberatum autem est, si res opinionem meam, quam de vobis habeo, fefellerit, non modo eos persequi, ad quos maxima culpa corrumpendi iudicii: sed etiam illos, ad quos conscientiae contagio pertinebit. Exploravi tamen pro inueni ferè accipitur, quum exploro idem sit, quod inquiri sagaciter, unde dicuntur exploratores. Idem fit in nonnullis aliis, ut exigo, quod est vehementer & iure quodam postulo. inde exegi & exactum, pro postulando obtinui, & postulando obtentum. Tale est quæsitum, pro partum, à quæro.

Exploratores
Exigo.

E P I T O M E.

Fœnero tibi, id est pecuniam aut aliud pro fœnore seu usura do. Mutuo tibi, id est mutuo do. Fœneror abs te, id est mutuo accipio. Id autem proprie. nam interdum confunduntur: unde Mancinellus, Fœnero & fœneror idem significant. Seneca epistolarum secundo, Quantum pascat aut fœneretur. id est ad usuram det. Epistola duodecima, Multum serit, multum fœnerat, &c. Cicero item in Lælio inquit, Ut enim beneficii, liberalesque sumus, nō ut exigamus gratiam (neque enim beneficium fœneramur) sed natura propensi ad liberalitatem sumus: sic amicitiam non spe mercedis adducti, sed quod omnis eius fructus in ipso amore inest, expetendam petamus. Et Prouerbiorum decimonono, Fœneratur domino qui miseretur pauperis. Aulus Gellius item libro decimo octauo, cap. duodecimo scribit fœneror pro fœnero dictum esse, sicuti assentior pro assentio, & pignorer pro pignero. Et Festus inquit, Fœnero & fœneror dici potest. Sciendum tamen est Fœnero tibi, & fœneror tibi, ut superius patuit, idem esse. Fœneror autem à te, aliud significare: nam idem est quod ad usuram accipio. legimus enim lib. 31. Digestorum prope finem, Si autē aliquis eorum voluerit vendere partem suam (domorum supple) vel fœnerari super eam, potestatem habeat vendere cohæredi suo, & fœnerari ab eo. Inueniuntur autem & plura, eadem terminatione, diuersa significare, diuersis quidem casibus. ut Comitor illum, actiua significatione: comitor ab illo, passiuæ. Præterea mutuo & mutuor idem significant, sicuti fœneror & fœnero, ut diximus. Seneca enim epist. 82. inquit, Quanto hilarior est qui soluit, quàm qui mutat, &c. id est, qui mutuo accipit. Priscianus etiam libro octauo scribit, quod multa accipiti terminatione, in vna eadēque significatione protulerunt antiqui, ut Partio & partior, meridio & meridior, mutuo & mutuor. Quod quidem Isidorus non ignorauit. ait enim lib. 20. capite septimo, sic, Sed vtrum Latini à Græcis, an Græci à Latinis hæc vocabula mutuassent, incertum est.

Fœnero, Fœneror: Mutuo, & Mutuor.

CAP. XXV.

FOenero tibi dicitur, sicut Mutuo tibi. Fœneror abste, sicut mutuor abs te. Qui mutuatur pecuniam, dat mutuo. Qui fœnerat pecuniam, dat ad vsuram. Qui mutuatur pecuniam, mutuo accipit. Qui fœneratur pecuniam, ad vsuram accipit.

E P I T O M E.

Gradum facere, non est transitum facere, sed quasi scalas & gradum ad aliquam rem facere. vnde & gradum iacere quidam dicunt. & Cicero, aditum iacere & munire, pro eodem dixit.

Gradum facio, & Gradum iacio. CAP. XXVI.

GRadum facere, nō est transitū facere, sed aliquā rem gradū & quasi scalam ad alia facere. Ideoque à quibusdā dicitur, gradū iacere. vt si riuū transire, si in arborem fenestrā mve, aut tectum scandere velim, ex saxo & scamno, aliquāve alia re gradum facio. vt apud Quintilianum, Nanque & illud frequens est, vt ea, quibus minus confidimus, quum tractata sunt, omittamus, interim sponte nostra velut damnantes, interim ad ea, quæ sunt potentiora, gradū ex his fecisse contenti. Hoc eodem modo Ambrosius in libris Officiorū vtitur. Cicero cōtra Rullum, Nūc quasi gradum quendam, atque aditum ad cætera iactum intelligetis. Idem pro Cluentio, Tamē vt ad hoc nefarium facinus accederet, aditum sibi aliis sceleribus antē muniuit.

Aditū iacere
& munire.

E P I T O M E.

Certum est, id est manifestum est, aut decretum & deliberatum est. sed posterius fere cum infinitiuo, & cum datiuo expresso vel subintellecto dicimus.

De Certum est.

CAP. XXVII.

Certum est, nō modo accipitur pro manifestū est, vt Quintilianus, Nempe legē esse certū est: sed etiam pro deliberatum & constitutū est. In quo secundo plerunque adiungitur datiuus cum infinitiuo: vt Certū est mihi ire in Hispaniam. Nonnunquam datiuus subintelligitur, vt apud Virgilium, Certum est in syluis inter spelæa ferarum Malle pati.

E P I T O M E.

Liceor & Licitor, fere pro eodem accepta, significant pretium deferre, seu (vt dicunt) præsentare in auctione, id est publica venditione faciēda. sic tamen proprie, vt qui licetur, semel duntaxat, aut sine respectu aliorum, pretium deferat: qui licitatur, frequenter, & cum respectu. Curtius tamen sine auctione ac respectu, licitamihi dixit. Polliceri autem significat aliquid vltro promittere, quasi vt pollicenti quid addicatur. Addicere enim, est per licitationem vendere, aut venditum consignare. vnde additi, sunt qui iussu prætoris quū soluendo non essent, creditoribus vendebantur, seu adiudicabantur. Addictus morti, est eidē destinatus. Liceor ergo, actiuā habet significationem. est enim deponentale. Sed liceo volunt passiuā habere. vnde est versiculus, Non licet asse mihi, qui me non asse licetur. Id est, non æstimatur à me pretio assis, qui non æstimat me asse.

Liceor, Licitor, & Addico. CAP. XXVII.

Liceor videtur carere præterito, tamen quasi præteritum habeat, format à se frequētatiuum (sed eiusdem tamen significationis) Licitor. vnde sunt participia licitās & licitaturus. Vtriusque igitur verbi significatio est, pretium deferre in auctione facienda, hoc est, in vēditione quæ publicè fit. Hinc vnum cōpositum fit Polliceor, non multum à primitiua significatione dissidens. Est enim polliceri, vltro aliquid promittere. Ita qui licetur aut licitantur, vltro pro re emenda pretium, alius alio maius, pollicentur, vt sibi potius, quàm alteri vānali addicantur. Nam tali modo vendere, addicere est. Et inde apud iuriscōsultos de In diem addictione titulus est, quem nostri iurisperiti emendant, de In diem adiectione, non verbum modo, sed sententiam quoque, atque ius ipsum corrumpentes. Afferamus ergo exempla vtriusque verbi. Vlpianus, Si res eius vānerit, & existat qui plus liceatur, an in integrum propter lucrum restituendus sit. Et quotidie prætores restituunt, vt rursus admittatur licitatio. Caius, Licitatio vectigalium, quæ calorem licitantis vltra modum solitæ conditionis inflauit, ita demū admittenda est, si fideiussores idoneos, & cautionem is, qui licitatione vicerit, offerre paratus sit. Ad conducēdum vectigal inuitus nemo compellitur. Et ideo completo tempore conductionis, licitatores alloquendi sunt. Licitatores vectigalium ad iterandam conductionem antequam superiori conductioni satisfacciant, admittendi nō sunt. Paulus, Si vēditor simulauerit meliorem allatam cōditionem, cum minoris, vel etiam tātidem alii venderet, vtrique emptori in solidum erit obligatus. Sed si emptor alium non idoneū subiecit, eique fundus addictus est, nō video, inquit, quemadmodum priori sit emptus, quum alia conditio, & vera subsequuta sit. sed si neuter subiecit emptorem, maiore autem pretio addictū est prædium, ei qui soluendo non est, abutum est à priori emptione, quia ea melior intelligitur, quam venditor cōprobauit, cui licuit non addicere. Quibus ex verbis intelligitur, quid sibi velit illud Ciceronis in Officiis libro tertio, Nō licitatore venditor, nec qui contra se liceatur, emptor opponet. Idem pro Cecinna, Quum esset (vt dicere instituerā) constituta auctio Romæ, mulier mandat, vt fundum sibi emat: Ebutio negotium datur, adest ad tabulam, licetur Ebutius, deterrētur emptores, multi partim gratia Cæseniæ, partim pretio: fundus addicetur Ebutio, pecuniā argentario promittit Ebutius. Quo testimonio nūc vir optimus vtitur sibi emptum esse, quasi verò aut nos ei negemus addictum, aut tū quis-

Polliceri.

Addicere.

quam fuerit qui dubitarit, quin emeretur Cæsena, quum id plerique scirent, omnes ferè audiissent, quum pecunia Cæsena ex illa hæreditate deberetur, eam porro in prædiis collocari maxime expediret. Essent autem prædia quæ mulieri maxime conuenirent, ea vñrent, liceretur is quem Cæsena dare operā nemo miraretur. Quintilianus de pastu cadauerum, Si nobis nihil ex com meatu nostro partiris, nos vicinæ ciuitati vendemus. liceat seruire vbi frumentum est. Non exigua res est: pro vita, pro sepultura, pro innocentia licemur. Idem in ægro redempto, Omnes facultates in pretia collegi, rus, seruulos, penates, & omnia utiliora properanti festinatione * parentis addixi. Inde addicti apud veteres dicebantur, qui prætoris pronuntiatione ac iussu, quū soluendo non essent, creditoribus vendebantur. De quibus magna apud Liuium fit mentio. Et addictus morti, destinatus dicitur. Cicero Officiorum lib. tertio, Et is, qui morti addictus esset, paucos sibi dies cōmendandorum suorum causa postulasset, vas factus est alter. Aliquando sine auctione fit licitatio, vt apud Curtium de Dario, qui pollicebatur pretium pro capite Alexandri, Lib. 4. si quis eum dolo occidisset, ita inquit, Et quum habeatis arma, licitamini hostium capita. Siquid tamen inter liceri, & licitari differt: id est, quòd liceri videtur aut sine respectu esse aliorum emere volentium, aut tātum semel deferre pretium. Licitari verò cum multis, & sæpius augere pretium, vt emere volentes deterreas ab emendo.

*pergentis.
Addicti.

E P I T O M E.

Audire & exaudire, indifferenter tam pro eo quod est auribus percipere, quàm pro eo quod est petenti annuere & concedere, accipiuntur. Audire tamen, frequenter accipitur pro eo quod est fidem habere, & acquiescere, seu parere præcipientis: idque fere cum negatione, & frequentius per dictionem audiendus. Nonnunquam etiam audio, significat fateor: ideoque fateor sæpe additum legitur. Exorare, est orando impetrare. vnde multi orant, qui non exorant. vnde dicendum esset, Oramus te Deus, non, exoramus. Aut sic, Sine, aut per mitte te exorari. Eodem quoque modo dicunt quidam, multos audiri qui non exaudiuntur. quasi audiri, sit tantum auribus percipi: exaudiri, cum impetratione. Sed exaudiri, pro expresse audiri legitur: vt in illo Georgicorū, Vox quoque per lucos vulgo exaudita silentis. Nihilominus propria significatio est audiri cū impetratione. vnde petimus, Domine exaudi orationem meam &c.

Audio & Exaudio, Oro & Exoro. C A P. X X I X.

Avdio & Exaudio, indifferēter ponuntur pro duplici significatione. Vna, pro eo quod est auribus accipio: altera, pro eo quod est, audita petenti concedo: vt, Visa sum audire vocem militis. &.

Vox quoque per lucos vulgo exaudita silentes. Item,

Audiit, & celi genitor de parte sinistra Intonuit læuum. &
-nulli exaudita deorum

Vota precésque meæ.

Lib. 3. cap. 3.

Audio tamen frequenter accipitur pro eo quod est credo, accedo, pareo præcipienti, sed ferè cum negatione, & frequentius per participium quod transit in nomen, quod est audiendus. vt apud Quintilianum, Nec audiendi quidam, quorum est Albutius, qui treis modo primas esse partes volunt, quia memoria, atque actio natura nõ arte cõtینگāt. Audiendus nõ est, idẽ est quod audiri non debet. Ideoque licebit dicere, Neque verò quosdam, quorum est Albutius, audire debemus. Sine participio, Cicero Tusculanarum libro primo, Nec Homerum audio, qui Gany-medem à diis raptum ait propter formam. Sine negatione, Idẽ in eodem, Endymion verò (si fabulas audire velimus) nescio quando in Lycio obdormiuit. Sed coniunctio hæc tacitam quãdam in se habet negationem. Aut certe idem hoc loco dicemus, quod diximus libro tertio, de Vllus. Sed nonnunquam sine negatione apte dicitur. vt apud Liuium, Ciuem tuum non audisti arma capere, ac sequi se iubentem Hannibalem. Paulo pòst, Audisti castra prodi, & arma tradi iubentem. Audio insuper pro fateor, quæ similis significatio superiori est. Ideoque sæpe sic scriptum legimus, audio & fateor, quasi posterius declaret primum. Exorauit hoc munus, idem est quod orando impetraui. Exorauit patrem, exorando induxi. quod licet etiam pueris notũ sit (quippe Terentium legentibus, vbi hoc verbum millies est, nec vnquam reperitur aliter acceptum) tamen quidam sic loquuntur, Exoramus te Deus.

E P I T O M E.

Verba composita cum per, important effectum, & consummationem significationis suæ: vt, Perlego, ad finẽ vsque lego. Perfero, ad finem vsque fero, id est porto, aut tolero. Peruigilo, totum tempus vigilo, tam diurnum quàm nocturnũ. Pernocto, totam noctem duco in somnem. vnde pernox luna. Peroro, orationem cõcludo, aut perorando afficio, & commoueo. vnde peroratio, aut cõclusio orationis aut cõmotio affectuũ. Perago, ad finem ago. perago reum, id est ad cõdemnationẽ vsque ago. Persuadeo, id est suadendo induco ad persuasionem, id est fidem, & credulitatem vsque. vnde fides Christiana, persuasio recte dici possit. Dissuadeo aut ẽ, est cõtrarium eius quod est suadeo. sed vtrunque sine effectu, id est sine persuasione. vnde si is quem dehortatus sum, mihi credidit: nõ dicã, dissuasi hoc illi, sed persuasi ne hoc faceret. Permaneo, ad finem vsque maneo. Perscribo, ad finẽ vsque scribo.

De Lego & Perlego, multisque aliis à per compositis.

C A P. X X X.

LEgo & perlego differunt, & multa huiusmodi. Legere quid sit notũ est. Perlegere verò ad finem vsque legere. vt Quin-

tilianus in duodecimo, Ideoque opus est intueri omne litis instrumentum, quod videre non est satis, perlegendum erit. Ouidius, Perlegis? an coniunx prohibet noua? Lactantius in prooemio libri quinti, Non iniuste petere videmur, ut si quis erit qui inciderit in hæc, si leget, perlegat. Ita differt Scribere & Perscribere: quæ exempla sunt plurima. Titus Liuius libro primo, statim in prooemio, Facturusne operæpretium sim, si à primordio Urbis, res gestas Populi Romani perscripsero. Perferre, usque ad constitutum finem ferre. Virgilius, Nec spatium euasit, nec totum pertulit ictum. Et multi ferunt literas, sed eas vel negligentia, vel dolo, vel casu non perferunt. Cicero, Sed nuntius ille, qui literas accepit, non pertulit. Seneca in tragœdiis, Leue est miseras ferre, perferre autem graue.

Perfero.

Id est, ad spatium tēporis in miseriis esse, leue est: ad finem verò usque vitæ, graue est. ut in illo simili exemplo Martialis, Nam vigilare, leue est: peruigilare, graue.

Libro 9.

Hoc est partem noctis vigilare, leue est: usque ad finem verò, & totam noctem insomnem ducere, graue. quod dicitur etiā per-

Pernox.

noctare, vnde & pernox: quod à peruigilando ita differt, quòd hoc interdiu quoque fieri potest, illud verò tātummodo noctu:

quanquam pernoctare facere vigilantes possumus, id est totam noctem ducere. Peruigil draco dictus est, non quòd pernox esset, sed quòd nunquā dormiret semper vigilans. Peragere reum,

Peruigil.

Peragere reū.

est non tantum agere reum, nisi peruenias ad illius condemnationem. Dicitur enim accusator reum condemnasse, quum illum condemnandum curauit. Vlpianus, Peregisse autem quis reum non aliter videtur, nisi & condemnauerit. Perorare, finem orationis orare. Vnde Pero ratio, finis orationis dicitur. Sed quia

Condemno.

Perorare.

Peroratio.

in hac parte utimur plerūque affectibus, ideoque vsurpamus interdum perorare pro ipsa commotione affectuum. ut Quintilianus, At ista legem recitat, & in cadauer filii perorat. id est indignationem commouet. Persuadere, est suadendo inducere. ut

In Cor. proic.

Cicero in Philippicis, Duo tamē tempora inciderunt, quibus aliquid contra Cæsarem Pompeio suaserim: ea velim reprehendas, si potes. Vnum, ne quinquennii imperium Cæsari prorogaretur: alterum, ne pateretur fieri, ut absentis eius ratio haberetur. Quorum si vtrunvis persuasissem, in has miseras nunquam incidissemus. Suasit ergo, & non persuasit Cicero Pompeio. Ideoque dicere solemus, Sic mihi persuadeo, nō autem, sic mihi suadeo. Persuasum habeo, persuasum est mihi: non autem, suasum habeo, suasum est mihi. Idem ad Brutum, Persuasum est ado-

Persuadere.

Philip. 2.

Author.

Fides.

Dissuadere.

Lib.3.cap8.

lescenti, & maxime per me, nisi Antonio eiecto, rempublicā stare non posse. Ille tamen qui aliis, siue alios (vtrunque enim dicimus) persuasit, non persuasor eius sententiæ appellari solet, sed author. Cicero lib. Officiorū tertio, Atque huius deditiois, ipse Posthumius qui dedebatur, suasor & author fuit. quasi dixisset suasor & persuasor. Apud Quintilianum autem ceterosque sui tēporis dicitur persuasio, pro certa opinione, atque sententia quā nobis persuasimus. vt libro primo, Siqua publice est recepta persuasio. Quæ (quantum ego quidem sentio) id significare videtur, quod Christiani dicūt, fidem. Et si originem Græcam inquiramus, nescio an cōmodius dicamus persuasio, quā fides, præsertim re ipsa pro nobis faciente. Fides enim proprie Latine dicitur probatio. vt, Facio fidem per instrumenta, per argumenta, per testes. Religio autem Christiana non probatione nititur, sed persuasione: quæ præstātor est quā probatio. Nam sæpe probationibus non adducimur. vt malus seruus, malus filius, mala filia, mala vxor, optimo consilio, quod confutare non potest, nō tamē acquiescit. Qui persuasus est, planē acquiescit, nec vltiorē probationem desyderat. Non enim solum sibi probatum putat, sed sese commotum ad ea exequenda intelligit. Sed quia fides etiam pro (vt sic dicam) credulitate accipitur, quale est, Habeo tibi fidem: recte etiā nostra religio nominata est fides, sicut à Græcis *πίστις*. Verum eò, vnde egressi sumus, reuertamur. Persuadere est in effectū, Suadere autē in actū, itēque Dissuadere. Itaque nonnulli peccant, quum dicunt, Dissuasi hoc illi, pro eo quod est, reuocaui ab opinione in qua erat. Siquidem pro hoc sensu dicimus, Persuasi ne faceret: sicut ediuerso, Persuasi, vt faceret. Quare & suasor & dissuasor nisi persuadeant, nihil effecerunt. Quintilianus, Ergo pars deliberatiua, quæ eadē suasoria dicitur, de tempore futuro consultat, quærit etiam de præterito, officiiis constat duobus, suadendi & dissuadendi. Non dixit persuadendi, quoniam non est officium oratoris positum in euentu, qualis est persuasio: neque est eius ars persuadendi, sed suadendi & dissuadendi in deliberatiuo genere. In vniuersum autem bene dicēdi: quod est in actū, nō in euentu. Præterea deliberatio vocatur suasoria, quoniam vtrunque suadet. qui enim dissuadet, nil aliud quā in contrarium suadet. Cicero in Catone Maiore, Dissuasimus nos. Deinde vt scias finem, euentūque dissuasionis, subiunxit, Itaque lex popularis, suffragiis populi repudiata est. id est dissuasimus, & dissuadendo ne fieret persuasimus. Quantū errant philosophi nostri, quorum Albertus vnus est, quum de compa-

ratione dialecticæ & rhetoricæ disputât, huius verbi significatio-
nem nescientes, quisquis illos leget, intelliget. Permanere, est vs-
que ad finem manere. Plinius Iunior, Tunc demû lente, cûctan-
térque veniunt, nec tamen permanent, sed ante finem recedunt,
alii dissimulanter & furtim, alii simpliciter & libere.

E P I T O M E.

Per, in compositione multifariam accipi solet. Primo, in malam partem: vt Per-
iurus, perfidus, pertinax, perfuga, perditus, percitus, peruersus, perpeffus. Secundo,
quasi per medium: vt, Perluceo, seu pelluceo, perlucidû, pellucens: pro quibus trans-
luceo, translucens, translucidum à Plinio dicuntur. Perfluo, perpluo. Tertio, pro
valde, vt augeat: vt, Permagn⁹, periucûdus: idque cû positiuo, vt dictû est. Quarto,
in obtestatione & adiuratione, interiecto fere nominatiuo inter ipsam & casuale,
vt, Per ego has lachrymas, &c. Quinto, vt alibi dictû est, in exclusione alieni auxilii:
vt, Per me id feci. id est mea vnus opera. Præ autem, magis augeat. nam perquàm
diuites multi esse possunt, prædiuites pauci. Gaudet autem Præ his dictionibus præ-
iungi, potens, celsus, latus, fulgens, diues, dulcis, durus, curtus, longus, clarus, coquus,
maturus. Interdum tamen à simplici non differre videtur, vt in his, Præludo, præ-
cido, præmorior, præcingo. in quibus tamen vera significatio est, vt Præ, significet
ante: nam non præludit quisquam post medium ludi, sed tamē ludit adhuc. Tertio
igitur, Præ significat ante: vt, I præ, sequar. Quarto, in cōparatione: vt, Parum est
præ nostris diuitiis. Quinto, quasi propter, cum ab aliquo impedimur: vt, Nō potui
hiscere præ timore. Re, sæpe compositum non mutat: vt, Recudo, repugno, refeco,
repromitto, reuincō, refodio: & interdum reuertor, vt alibi dictum est, vbi diximus,
Re, cum verbo celandi aut claudendi posita, contrarium importat: vt Reuoluo, re-
cludo, retero, retexo. Proprie importat iterationē: vt, Relego, repeto, restituo, &c.

Mancinellus pro refeco, legit retero. quod author non negaret aliud esse quàm Mancinellus,
ferare: sed qui vites putat, refecat: quanuis non iterum fecet. Recinctus autem etiā
in exemplis in contrarium adductis, non multum à simplici discrepat. Verba Man-
cinelli sunt, Refero & recingo, longe diuersa significant à sero & cingo. Ouidius
sine titulo, Ecce Corinna venit tunica velata recincta. Et lib. 7. Metamor. de Medea,
Egreditur tectis vestes induta recinctas, Nuda pedē, nudos humeris infusa capillos.
Propertius lib. 1. Ianua vel domina penitus crudelior ipsa, Quid mihi tam duris
clausa taces foribus: Cur nunquam referata meos admittis amores? &c.

De quibusdam aliis à Per, Præ, vel Re, compo-
sitis.

C A P. XXXI.

LOcuti sumus nonnihil de præpositione Per, quando com-
ponitur: addamus adhuc aliquid amplius. Nonnunquam
hæc per compositionem in malum accipitur: periurus, per-
fidusque, qui iusiurandum, fidemque violat. Pertinax, qui nimis
est tenax. Perfuga, qui ad hostes trāsfit. Perditus, qui in omne sce-
lus est traditus. Percitus, qui iracundia, furorēque est incitatus.
Peruersus, qui versatur in malo, & à bono versus est. Perpeffus,
laboriose passus. Sæpe accipitur quasi per medium: vt perlucidû
siue pellucidum, id est per cuius medium fulgor emanat. Per- Per-spiculum.
spicuû, per cuius medium, licet opertum sit, oculos dimittimus,
& per eius medium videmus: vt aqua, glacies, laterna, vesica, vi-
z. i.

Perlucidum.

trum, crystallus, gemma. Sed perspicuum plerunque ad mentem refertur. vt, Id quod ais perspicuum est, id est tale, quale vitrum aut crystallus. Perlucidum magis ad corporea. Plautus in Aulularia, Ita is pellucet, quasi laterna Punica. Seneca de tranquillitate, Quid pellucetis ad imum aquas, & circumfluentes ipsa conuiuia? Quintilianus, Sed vt inter se iuncti, atque ita cohærentes ne commissura pelluceat. Aliquando, sed figurate, ad mētem refertur. vt apud Marcum Tullium in Bruto, Ita reconditas exquisitāsque sententias mollis & pellucens vestiebat oratio. Idem est pellucens & translucens, adeò vt Plinius maior ferè nunquam vtatur perlucens siue perlucidus, sed translucens siue translucidus: quod etiam figurate ad mentem refertur, vt apud Quintilianum libro octauo, Similiter illa trāslucida, & versicolor quorundam elocutio res ipsas effœminat, quæ illo verborum habitu vestiantur. Perfluere, per medium alicuius fluere, vt si lagenam male materiata, malèque cōpacta sit, perfluit: id est per eius medium humor qui intus est, fluit. Terentius, Hac atque illac perfluo. id est, in modum non fidelis lagenæ, quæ mihi committuntur, effundo. Plinius idē sæpius vtitur transfluo, pro perfluo, quæ idem sunt, vt perfuga & transfuga. Perpluere, per medium alicuius pluere, vt Hæc domus perpluit, hoc tectū perpluit. Quintilianus in sexto, Quum cœnaculum eius perplueret. Frequentissime accipitur pro valde, vt alio libro ostendi, permagnum, pergraue, periucundum. Quo in loco notādum est, quod quum

Perfluere.

Perpluere.

Præ.

Præ in eadem significatione reperiatur, tamen quædam vocabula cum præ coniunguntur, non cum per, vt præpotens, præcellus, prælatus, præfulgens, prædiues, prædulcis, prælongus, prædurus, præclarus, præcultus. Quod siquid inter has præpositiones interesse velis, id erit, quod vehemētius auget præ. Nam prælongus homo, prælonga oratio, ea dicitur, quæ enormi longitudine est: & præpotens, præcellus, & similia, maiorem in modum potēs, celsusque, & quasi præter modum morēve aliorum potēs, ac celsus. Vnde etiam præcox fructus, præter morem cæterorum coctus, siue ante cæteros. Vnde vix ficusque præcoces dictæ. & præmaturus, antequam sit tempus maturum, collectus. Quidam

Præcox.

Præcoquus.

tamen præcoquus dicunt, vt Martialis,
Vilia maternis fueramus præcoqua ramis:
Nunc in adoptiuis persica cara sumus.

Eadem præpositio iuncta cum verbo, nonnunquam habet penè nihil diuersum à sui simplicis significatione, vt præcludo, præcūdo, præmior, præcingo. Idem sunt enim quod cludo, cædo, si-

ue incido, morior, cingo. Cuius naturæ est etiam Re, vt refeco, Re.
 recido, recingo, repurgo, refodio, repromitto, reuincō: quæ sæpe
 vix quippiam à simplicibus dissentiunt in significatione. Per, in Per.
 obtestationibus atq; adiurationibus ferè solet separari à suo ac-
 cusatiuo, interiecto nominatiuo, qui frequentissime est Ego, vt
 Virgilius,

Per ego has lachrymas, dextrâmq; tuam te.

Quintilianus in Mathematico, Ad tua nûc genua porrigo opti-
 me pater has ad scelus tantum fortes manus. Per ego, si fas est
 quicquid feci, per hanc ipsam mei charitatem, qua me nondum
 timere cœpisti, miserere.

E P I T O M E.

Prosequor, cum ablatiuo ferè idem significat quod afficio cum eodem: vt Pro-
 sequor seu afficio te honore, id est honoro te. vituperio, id est vitupero. amore, id
 est amo. odio, id est odi. Persequor autem, id est infector ad finem vsque: & id in
 malum. aut perseuero agere quod incœperam: & id in bonum: vt, Persequor ho-
 stem: & Persequor studium literarum.

Inter Prosequor & Persequor.

C A P. XXXII.

Prosequor & Persequor multi nesciunt distinguere: qui ne
 falli possint, ita accipiant, Prosequi non ferè carere ablatiui
 comitatu: vt Prosequor te oculis, charitate, odio, honore,
 versibus, cantu, conuitiis. Significaturque actio declarans alterius
 affectum in alterum. Persequor autem, vel in malam partem, id
 est insequor & infector: vel in bonam, quum perseuero exequi
 quod agere cœperam.

E P I T O M E.

Partio & Partior deponentale, idem sunt. sed in actiua voce, notius est compo-
 situm impertio, cuius passiuum est impertior, quod rarius impersonaliter reperit-
 ur. in deponentali autem, simplex partior. Est autem partiri, diuidere in partes. im-
 pertire autem, impendere, aut participem facere. Vnde iactanter dictû à Gnatone,
 Plurima salute Parmenonem suum impertit Gnato. quasi ipse abudans salute, par-
 ticipem eius fecerit Parmenonem. Quocirca ad fœliciores me scribens, non ausim
 dicere, A scensus te impertit salute.

Partio & Impertio, & Partio.

C A P. XXXIII.

Partio & Partior, quidam pro eodem legunt. Sed mihi vide-
 tur raro reperiri, partio sine in, & partior cum in, quâdo est
 deponens, sed quando est passiuum. Est nâque impertio, idē
 quod impendo, vel partem do. Marcus Tullius, Huic rei aliquid
 temporis impertias, quasi impendas. Idem, Laboris mei laudem
 nemini impertio, quasi partem do. Reperitur aliquando mutata
 constructione: vt apud Terentium, Plurima salute Parmeno-
 nem suum impertit Gnato. quasi plurimam salutē Parmenoni
 suo impertit Gnato. Eo modo quo dicitur, Dono tibi hûc equû,
 & dono te hoc equo. Huius passiuû est impertior. vt Cicero, Atq;

Partior.

In pastu ca-
daverum.

etiam viro forti collegæ meo laus impertitur . Partior, idem est quod partes facio, partesque distribuo: sicut sortior, sortem facio, fortemve recipio. Virgilius, Et socios partitur in omnes. Quintilianus, Partire, vel gratis, dum quo respiremus, afferas. Partiri itaque de partibus dicimus: Impertio magis de re incorporea, & quasi communico. Impertiri tamen aliqui dicunt, pro impertire, ab ipso deponente partior.

E P I T O M E.

In manu & in manibus esse, est in potestate esse: diciturque tam de futuro quam de presenti. In manibus quoque esse, dicitur etiam pro eo quod est inter manus: aut quia res admirationi est, aut quia nondum consummata. Sicut res super incudem dicitur esse, dum tornatur & fit. Et ad umbilicum, aut umbilico tenus deducta: dum ad medium vsque deducta, aut peracta est.

In manu est, & In manibus.

CAP. XXXIII.

IN manu est, In manibus est, vtrūque accipitur pro eo quod est in potestate: sed dupliciter, de presenti, & de futuro. De presenti, Cicero, Nō est istud in manu mea. Et filius in patris, & servus in domini manu dicitur esse. Vnde mancipium & manumissio. Lucanus,

In manibus vestris quantus sit Cæsar habetis. Virgilius, Terra autem in manibus vestris. De futuro, Sallustius, Verum enimvero prò deorum atque hominum testor fidem, victoria in manu vobis est, viget ætas, animus valet. Cōtrā, illis annis atque diuitiis omnia consenuere. Tantum incepto opus est, cætera res expediet. In plurali tamen frequentius quum dicimus Victoria in manibus est, quasi iamā tenetur. Etiam dicimus In manibus est, in alia significatione, pro eo quod est, Inter manus est: aut quia admirationi est, aut quia nondū operi summa manus imposita. Quādo est admirationi, Cicero in Catone Maiore, Est in manibus laudatio: quam quum legimus, quem philosophum non contemnimus? Quando res non est consummata, Idem in eodem libro, Septimus mihi liber Originum est in manibus, omnia antiquitatis monumento colligo.

E P I T O M E.

Præditus dicitur, quasi præ cæteris donatus: sed id non solum in bono, verum etiam malo, licet rarius. construiturque cum ablatiuo sicut affectus sum, quod indifferenter de bono ac de malo dicitur: sed & alterum ablatiuum cum à vel ab admitit, quem præditus refugit: vt Affectus sum ab rege magnis honoribus, non autem, præditus sum ab rege magnis honoribus. Causa est: quia dari vnde componitur, absolute dici solet de his rebus quæ à Deo aut natura conferuntur: vt, Hoc mihi datum est. Item sicut præditus ablatiuo iungitur, ita hæc adiectiua Singularis, nobilis, insignis, eximius, quæ interdum ablatiuos regunt, interdum cum eis reguntur: regunt, vt Vir notabilis macie. reguntur, vt Vir notabili macie, singulari probitate, &c.

Præditus sum, & Affectus sum.

CAP. XXXV.

Præditus sum bono dicitur, & præditus sum malo: sicut affectus sum malo, & affectus sum bono. id est (vt breuiter magis quàm optime dicam) habeo bonum & habeo malum: vt, Præditus sum humanitate, virtute, diuitiis, dignitate, viribus: qui sermo est vñtatiſſimus. nunquã tamẽ cum ablatiuo & præpositione à vel ab, vt fit in affectus. veluti, Ego sum à rege magnis honoribus affectus, non autem Sum præditus à Deo magnis viribus. De malo rarius. Cicero pro Sylla, Ni verò vnũ me vis ferum, præter cæteros, me asperum, me inhumanum existimari, me singulari immanitate & crudelitate præditum. Idẽ pro Rabirio, Senectute affectus, morbo præditus. Contingit idem in singulari, vt in proximo exẽplo, Existimari me singulari immanitate. Sæpẽque legimus, Ille est singulari improbitate, tu es singulari stultitia. Similiter fit in aliis tribus, quatuorve: notabilis, nobilis, insignis, & eximius. Quintiliauus, Hunc tu animum modo inter libidines ac scorta perdebas, macie notabilis, pallore deformis, solaque impatientiæ tuæ fabula notus. Nobile scortũ, quasi in ordine meretricio excellens, vel maxime inter alia notum. vt apud Liuiũ, Nobilis ille clade Romana locus. Et apud Ciceronem, Cuius præter cæteros est nobilitata crudelitas. Et latrones vocamus insignes, qui maiore manu, maiorẽque audacia grassantur. Et insignis improbitas, insignisq; stultitia dicitur, quẽ admodũ singularis, eximiãque stultitia, quod rarius est. Cicero Verrinarum quarto, Sin hanc vos in rege tam eximiam iniuriã, tam acerbam neglexisse audient.

Singularis.

In Odii positione 2.
Notabilis.

Nobilis.

Offic. lib. 2.
Insignis.Singularis.
Eximius.

E P I T O M E.

Descendimus in prælium, in forum, in campum, in pugnam: non tanquam in locum inferiorem, sed minus tutum, aut rem magis difficilem.

Descendo.

CAP. XXXVI.

Descendo in prælium, descendo in forũ, descendo in campum dicimus, non quia de loco superiore in inferiorem descendimus, sed quia de loco tuto in locum discriminis: opinor quòd qui in loco celsiore se tenet, pugna detractare existimatur: quem quum relinquit, & in locum æquum venit, atque descendit, mentem se pugnandi habere declarat. Ideoque nõ ferẽ dicitur In forum descendere, nisi qui pugnandi & defendendæ litis causa venit in forum, non rerum vanalium coemptor ac negotiator. Et in campum descẽdere, non nisi qui litis, dignitatisve causa (sicut in campo Martio fiebat) certaturus vadit. Nec in præliũ pugnamve descendere, quòd in loca inferiora descen-

z.iii.

dat. Non enim locus est pugna & praelium, quum nihil interfit qualis locus sit, planus an montuosus, in quem se confert, qui in pugnam descendere dicitur. vt apud Virgilium, (Satis autem erit in re perspicua vnum exemplum protulisse)

Instructos acie Tyberino à flumine Teucros,

Tyrrhenamque manum totis descendere campis.

E P I T O M E.

Amare, est vehementer diligere. Diligere, est remissius amare, aut potius è multis seligere quem ames. Adamare, est amatorie amare, id est vehementer. sed interdum etiam honeste. Amicus, honestus est. Amica viri, eius concubina. Amator mulieris aut pueri, inhonestus ferè intelligitur. Adieci de meo, sed interdum etià honeste: propter hanc Mancinelli limam. Adamare, est item honeste ac valde amare. Cicero lib. 2. epist. ad Curionē, Est enim tibi grauis aduersaria constituta, & parata incredibilis quædam expectatio, quam tu vna re facillime vinctes, si hoc statueris, quarum laudum gloriam adamaris, quibus artibus hæ laudes comparantur, in iis esse laborandum. Et lib. 3. de Oratore sic inquit, Deinde ab Antisthene qui patientiam & duritiam in Socratico sermone adamaret Cynici primum, &c. Alibi quoque eodem in lib. ita scribit, Demosthenem sequi vultis, etsi illam præclaram & eximiam speciem oratoris perfecti, & pulchritudinem adamaftis, &c.

Amo & Diligo.

C A P. X X X V I I.

A Mare est generalis significati, idē quod diligere, nisi quod putatur plus quiddā esse in amando, quàm in diligēdo. vt

Cicero ad Brutum, Lucius Clodius valde nos diligit, aut (vt ἐμφολῶτερον dicam) valde nos amat. Et iterum, Sic igitur facies, & me aut amabis, aut quo contētus sum, diliges. Idē ad Do-

labellam, Quis erat qui putaret ad eū amorem, quē erga te habebam, posse aliquid accedere: tantū tamen accessit, vt mihi denique nunc amare videar, antea dilexisse. Adamare est amatorie

Adamo.

In infami in
matrem. 1.

amare: vt Quintilianus multis in locis, sed vnus suffecerit, Me quidem marite si quis interroget, omnes matres liberos suos tāquam adamauerint, amant. Videbis oculos nunquā à facie, vultuque deflectere, comere caput, habitūque componere, suspirare quum recesserint, exultare quū venerint, conserere manus, pendere ceruicibus, nō osculis, non colloquiis, nō præsentiae voluptate satiari. Amicus, quum honesta res est. Amica, quando ad virū refertur, inhonesta: vt, Hæc amica mea est, id est concubina. Ego verò ipsius non amicus, sed amator sum. Ideoque apud Terentium dicitur, Here putavi hunc Pamphilum amicum amatorem virum. Ne putares amicum in malam partem accipi, adiecit amatorem. Sed apud prosam hoc obseruatū semper inuenies, apud poetas fortasse non semper.

Amicus.
Amica.

Amator.

E P I T O M E.

Declarare, frequentius ad facta pertinet, quàm ad dicta: sed interdum etiam ad dicta. & nonnunquam significare significat.

Declaro.

CAP. XXXVIII.

Declaro frequētius ad facta pertinet, quā ad dicta. Cicero, *Offic. lib. I.*
 Declarauit id modo temeritas C. Cæsaris, qui omnia iura
 diuina atque humana peruertit. Aliquādo etiam in dictis.
 Idem ad Ligarium, Postea verò quā magnā spem habere cœ-
 pi, fore vt breui tēpore te incolumem haberemus, facere nō po-
 tui, quin tibi & sententiam & voluntatem declararem meam. Et
 in eadem epistola, Quando quid sentirem exposui, vellem tua
 causa, re potius declarare quā oratione. Interdū accipitur pro
 significo. vt idem libro primo de Finibus, Nullum verbum est,
 quod idem declaret Latine, quod Græce ἰσθύν, quā voluptas:
 declaret, id est significet, vel ostendat, vel indicet.

E P I T O M E.

Ingredi cum motu ad locum, est intrare. sed cum motu in loco, est ingredi aut
 progredi seu incedere. quod sic quoque accipitur, vt in loco congruat.

Ingredior.

CAP. XXXIX.

Ingredior componitur quidē ex in, sed diuersa ratione nūc
 ad locum, vt Ingredior forum vel in forum. Qui modus
 loquendi nemini ignotus est. Nunc in loco, quod est am-
 bulo & incedo. Virgilius,
 Continuo pecoris generosi pullus in aruis
 Altius ingreditur, & mollia crura reponit.
 Cicero libro quinto ad Atticum, Si dormis, expergiscere: si stas,
 ingredere: si ingrederis, curre: si curris, aduola. idem est ergo in-
 grederis hoc loco, quod graderis, quod est ambulas.

E P I T O M E.

Consulo te, id est consilium abs te peto. Inde consultus, homo prudens à quo cō-
 silium petitur: poniturque passiuē, vt Consulti medici: aut pro prudente, vt Vir cō-
 sultus: sicut inconsulti, imprudentes, aut quibus consilium non est datū. vt AEneid.
 tertio, Inconsulti abeunt, sed emque odere Sibyllæ. Item pro perito & scio, digno
 videlicet quem consulas: idque cum genitiuo, vt Consultus iuris, vel sapiētiae Epi-
 curicæ: aut cum ablatiuo, vt Iureconsultus. Consulo tibi, id est consilium do: sed po-
 tius rebus quā animo aut rationi tuæ. Inde cōsultor, qui consilium petit: sed in-
 terdum quasi consiliator reperitur. In plurali autem, Consulunt, aut potius consul-
 tant, pro deliberant, aut consilium inter se captant, dicimus absolute.

Consulo te & tibi, Consulto, Consultor, Consultus &

Inconsultus. CAP. XL.

Consulo te, consilium peto à te, vel interrogo, & inquirō.
 Quintilianus, Quid per fidem facere vultis? Iuuenem quē
 de parricidio consuluit pater ille seruatus, miror hercule,
 non dixisse, volui, sum veneficus, sum parricida. Idē, Ergo quod
 primum est, vt quod imitaturus est, quisque intelligat, & quare
 bonum sit, sciat: tum in suscipiendo onere consulat suas vires.

z.iii.

Et iterum, Ego aures consulens meas. Consulo tibi, consilium do tibi, vel prouideo tibi. sed hoc frequentius & magis proprie in rebus. vt, Consule vitæ tuæ, consule valetudini, cōsule dignitati, consule salutis, consule rebus tuis: adeò frequentissime, vt quum dicitur Consulere volo mihi, & liberis meis, intelligatur potius de corpore, & de rebus externis, quàm de animo. In plurali autem numero interdum reperitur sine apposito. vt, Consulunt senatores: quod frequentius dicimus consultant, id est deliberant. Nisi enim adsit qui consilium petat, & qui consilium det, non erit deliberatio, siue consultatio. Atque vt consulunt dicimus, pro consultant, hoc est, quòd altera pars petit, altera dat cōsiliū: ita e contrario nonnunquā consultare est vnus, non pluriū: sed ita, si apud se duas partes sustinet, secūmque deliberat. Hinc duo nomina nascūtur, Consultor & consultus. Consultor ferè pro eo qui alium consulit, accipi solet: nonnunquam tamē pro eo qui alii consulit. Sallustius in Iugurtha, Simul ab eo petiuit vt fautor, consultorque sibi adsit. Et iterum, Ita cupidine atque ira, pessimis consultoribus grassari, neque facto, neque dicto abstinere. Consultus, est homo prudens ac sciens, dignusque à quo consilium petas. Caterum nō occurrit mihi vbi repererim, nisi aut participium, vt ibi, Consulti medici dixerunt eūdem esse languorem. aut nomen pro iuriconsulto, vt Horatius,

Lib. i. Sat. i.

Eris tu, qui modo miles,
Mercator: tu consultus modo, rusticus.

Quintilianus in septimo, Scripti & voluntatis frequentissima inter consultos quæstio est. Liuius tamen libro primo, ait de Numma Pompilio, Consultissimus vir, vt illa quisquam ætate esse poterat, omnis diuini atq; humani iuris. Et in decimo, Callidos solertesque iuris, atque eloquentiæ consultos. Horatius primo carminum,

Parcus deorum cultor, & infrequens,
Insanientis dum sapientiæ Consultus erro.

In compositione frequens est, sed adiectiuum: vt apud Quintilianum, O inconsultam muliebre[m] semper amentiam. id est imprudentem, inconsideratam, & nullius consilii. Alterum quoque compositum, si compositum est, iuriconsultus, quod etiam dici solet iureconsultus. Nonnūquam in simplici, vt Ouidius primo de arte amandi,

Iuriscōsultus.

Sit tibi credibilis sermo, consultaque verba.

EPI T O M E.

Agimus gratias, verbo: pro quo barbare dicitur, regratiamur. raro autem singu-

lariter, ago gratiam, dicimus. Habemus gratias, & (licet rarius) gratiā, animo aut mente memori. Referimus gratiam aut gratias, re ipsa & facto beneficium reddentes. sed referimus, vſitatus in re bona quā reddimus dicemus. referimus tamen & malas gratias. Agere grates, raro apud oratores: frequentius apud poetas metri gratia.

Ago gratias, Habeo, Refero, ac Reddo gratias. CAP. XL I.

Agere gratias, est verbo, quod quidam barbarè dicūt regratior. Habere gratias, in animo, quum memorem accepti beneficii mentem, animūque habeo, & inuicem gratificandi voluntatem. Referre, siue reddere gratias, est facto: vt Si tu à me subleuatus aut pecunia, aut patrocínio, aut manu, alióve subsidio, vicissim me aliquo modo subleuaueris, gratias retulisti reddidisti que. licet Seneca nolit malas referri posse, sed reddi. Cicero tamen in Sallustium ait, Nam quòd ista inusitata rabie in uxorem & filiam meam inuasisti (quæ se facilius mulieres abstinerunt à viris, quā tu vir à viris) satis doctè ac peritè fecisti. Non enim sperasti me mutuam tibi gratiam relaturum, vt vicissim tuos compellarem. Quanquam Cicero nunquam fere ait reddere gratiam, sed referre. Porro hoc exemplum in aliū quoque vsum attuli, quòd videtur significare gratiam etiam verbo referri, non solum facto. Sed multum tamen differt ab illo, Agere gratiam, quo tantum innuitur confessio accipiētis beneficium. Qui verò refert gratiam, reddit beneficium, & interdum maleficium, siue facto, siue dicto. quoniam dicendo nonnunquā profumus æquè atque faciendo. Plancus ad Ciceronem, Immortales ago tibi gratias, agāmque dum viuam. Nam relaturum me affirmare non possum. Tantis enim tuis officiis non videor mihi respondere posse. Ecce respōdere officiis, & satisfacere beneficiis, est gratias referre. Cæterum frequentius est Refero gratiā, quā habeo gratiam. Item frequentius Habeo gratiam, quā ago gratiam. Vix enim audiuius, Ago gratiam, sed gratias. Et raro, Refero gratias, sed gratiam. Cuius rei testimoniū est illud in libro 46, Titi Liuii, Satiatusque tandem complexu filii, renuntiate (inquit) gratias regi me agere, referre gratiam aliam nūc non posse quā vt suadeam, non antè in aciem descendat, quā vt in castra me rediisse audierit. Dicimus item Ago grates, sed sæpius apud poetas, qui necessitate versus, Ago gratias dicere nō possunt. Nonnunquam etiam apud oratores, vt Ciceronem, Aliquantòque post suspexit ad cælū, & Grates tibi, inquit, ago summe Sol, vobisque reliqui cælites: nisi legendum est gratias, & non grates pro eodem significato, siue pro eo quod est reddo gratias. Seneca in tragœdia, quæ inscribitur Agamemnon dixit, Reddunt grates tibi grandæui,

Respondere
officiis.

Lassique senes compote voto.

Reddunt grates, id est (vt ego interpretor) agunt gratias. Quis enim referre possit gratiam Deo? quod etiam fando nunquā cognitum est, præterquā apud quosdā recētes, nihil nisi barbare loqui scientes. Sed gratias agimus. Rarò etiam gratiam diis habere dicimur, quoties agnoscimus, apudq; nosipso fatemur ab illis beneficiū accepisse, citra spē gratiā referēdi, vt in Andria Terentius, Pol diis habeo gratias, quòd in pariundo, aliquot affuerūt liberæ.

E P I T O M E.

Gratulari, cum datiuo tacito aut expresso, est significare te gaudere de fortuna ac fœlicitate alterius qui eam obtinuit, etiam si tu is fueris, ita vt duplicem personam geras & gratulantis & eius cui gratuleris. Gaudemus igitur, vt Donatus dicit, nostra fœlicitate. Gratulamur alienæ. pro quo poetæ & interdum historici Grator vtūtur. Gratulari quoque, est gratias agere præcipue diis, hoc est supplicare pro fœlicitate obtenta: quo modo etiam grator accipi posset. longe tamen differunt à gaudeo: ita vt gratulari posset, qui non gaudeat, vt assentator.

Gratulor & Grator.

C A P. X L I I.

Gratulari, est verbo testari te gaudere fortuna ac fœlicitate alterius, apud eum ipsum qui affectus est fœlicitate. Nonnūquam apud teipsum ob tuam fœlicitatem. Ideoque ferè postulat datiuum. vt, Gratulor tibi ob tuam præturam adeptam, Gratulor manibus meis, quibus vt te contingerent, datum est. Quintilianus, Non efficiet tamen infandum præsentis reatus indignūmq; discriminē, vt misera puella non gratuletur sibi, quòd ipsam pauper accusare iam potest. Poetæ nonnunquā prætereunt datiuum, vtique quum fuerit pronomen. quæ fuit causa, vt quidam existimarent, quorum est Apuleius, hoc verbum idem significare quod gaudeo. Ouidius in Heroidibus, Gratulor OEchaliæ titulis accedere nostris. Gratulor inquam tibi, vel mihi, vel nobis. Idem tertio de arte amandi, Prisca iuuent alios, ego me nunc denique natum Gratulor. Gratulor, subintellige mihi. Et interdum etiam oratores. Quintilianus in pastu cadauerum, Gratulemur iam, quòd nulla ciuitas fame laboret. subintellige nobis. Verba autem Apuleii hæc sunt in apologia de magia, Eo in tempore quod non negabunt in Getuliæ mediterraneis montibus fuisse, nisi pisces per Deucalionis diluuiū reperirentur. Quod ego gratulor nescisse istos, legisse me. Prætermisit datiuum, atque gratulor pro gaudeo accepit. Quod tantum abest vt approbem, vt possit gratulari quis, quum minime gaudeat, atque adeò doleat: quod frequenter vsu venit: vtique inter falsos amicos, quum alter inuidus atque æmulus tacitè quidem dolens, quòd alter honoribus auctus sit, tamen illi

In odii positione 2.

gratulatur. Fortè & Apuleius subintellexit mihi. In eadem significatione accipitur grator, sed poeticum, historicumque est. Virgilius, Inueni germana viam, gratare sorori. Titus Liuius libro septimo, Tuum sequentes currû, Iouis optimi maximi templum gratantes, ouantesque adire. Dicimus aliquando gratulari, pro eo quod est gratias agere, sed non ferè nisi diis immortalibus. Ideoque propriè idem est quod supplicare. Siquidem triumphantes in Capitolium ascendebant, Ioui optimo maximo, cæterisque diis gratulatum. Eiusdem quoque significationis fortassis est grator. quod significat Liuius libro decimo, dicens, Itaque prætor extéplo edixit, vt æditui ædes sacras tota vrbe aperirent, quo circumeundi, salutandique deos, agédique grates per totam diem populo potestas esset. Nec mirum, si dicimus gratulari, gratariue diis, quasi ostendere, non illis aggaudere, quum dicamur etiam eosdem salutare, quasi salutem illis optare, quod hominibus conuenit, non diis.

4. AEncidos.

Salutare deos.

E P I T O M E.

Fingere, est more figuli aliquid componere. Effingere autem, est ad alterius formam fingere, effigiémque eius ducere. Effigies enim, est similitudo, aut imago rei ad viuum efficta.

Fingo & Effingo.

CAP. XLIII.

Fingere, propriè est figuli qui formas ducit ex luto. Inde generale fit vocabulum ad cætera, quæ ingenio, manuque hominis artificiose formantur, præsertim inusitatè & nouè. Effingere, est ad alterius formam fingere, & quodam modo fingendo repræsentare. Cicero secundo de Oratore, Tum accedat exercitatio, qua illum quem antè delegerit, imitâdo effingat atque exprimat. Quintilianus, Nam id quoque est docilis naturæ, sic tamen, vt ea quæ discit, effingat. Et iterum, Nam mihi videtur M. Tullius quum se totum ad imitationem Græcorum contulisset, effinxisse vim Demosthenis, copiam Platonis, iucunditatem Isocratis. Vnde ductum est nomen Effigies, figura ad viuam alterius similitudinem, vel ad veritatis imaginè facta, tam in picturis, quàm in sculpturis.

Lib. i. cap. 3.

Lib. io. cap. i.

Effigies.

E P I T O M E.

Obire, significat exequi & perficere munus aut officium eius quod additur: vt, Obeo legationem, prouinciam, diem, aut mortem. Quando autem nihil additur, vt obiit: significat mortuum esse, quasi omnia officia executû. Sicut oppetere mortem, id est terram mordicus petere, dicere licet. aut absolute, oppetere, pro eo quod est necari seu occidi: aut potius occisum terram mordicus petere, ne vocem viro indignam emitat. sed interdum etiam pro morte fatali seu naturali dicitur. Similiter defunctus & perfunctus variis officiis dicitur. sed dum nihil additur, intelligitur toto munere vitæ defunctus, id est mortuus. Detulit autem per se positum, significat accusauit, vt author declarat.

Obeo, Oppeto, & Defungor.

CAP. XLIIII.

Obeo legationem, exequor munus & officium legationis. Obeo prouinciam, exequor officiū prouinciale. Ita Obeo mortem, exequor vel perago mortem, vel adeo mortem, quemadmodum dicitur quis obiisse diem, pro adiuisse. Itē Obiit diem suum, idem est quod mortuus est, & iuit ad diem fati, vt apud Quintilianum, Nuntiatum est Marcellum diem suum obiisse. Prætermittimus autem nonnunquam illum accusatiuum dicentes, Marcellus obiit. Quod idem fit in illis significatione similibus verbis, Oppetiit & defunctus est: atque etiam in detulit, & si qua sunt alia. Nam in priore subintelligitur accusatiuus, mortē: in posteriore ablatiuus, vita. Quid signi? quod sæpe reperimus hæc nomina esse his verbis adiūcta. Est autem oppetere frequentius quidem mori, nō fatali, sed illata morte. Interdum tamen & fatali. Cicero de Officiis, Et Ajax traditur millies mortem maluisse oppetere, quā mulieribus (si Circe & Calypso mulieres appellandæ sunt) vt Vlysses fecit, inseruisset. Idem de diuinatione, Aequius esse censuit se maturam oppetere mortem, quā P. Africani filiam adolescentem. Fœminam emisit, ipse paucis diebus post est mortuus. Sine accusatiuo apud Virgilium,

Lib. 1.

Lib. 1.

A Encid. 1.

-O tērque, quaterque beati,

Queis ante ora patrum, Troiæ sub mœnibus altis

Contigit oppetere. Defunctus quoque dicitur, quasi perfunctus munere viuendi. Ideoq; vt dicimus, Perfunctus est siue defunctus officio prætorio, munere ædilitio, cura tribunitia: ita defunctus vita, id est ab hac administratione, ab hoc munere, ab hac procuratione cessauit. vt apud eundem, Defunctaque corpora vita. Detulit autem (quod tertio loco posui) in idem significatū accipio, quod est accusauit, vbi subintelligitur reus. vt Quintilianus, Diuitem detuli reum, pauper inimicus, occisi pater.

Defero.

In tormentis
pauperis.

E P I T O M E.

Vestigo, est inquiri, quasi per vestigia. Sed inuestigo & peruestigo, significat nō solum quæro: sed etiam, & quidem frequentius, quærendo inuenio. vnde in Apostolo in inuestigabilis legam.

Vestigo, Peruestigo, & Inuestigo.

CAP. XLV.

Peruestigo & Inuestigo, non solum quæro, sed etiam (& quidem frequentius) quærendo inuenio: vt sit Vestigo, quæro: Inuestigo & Peruestigo, quasi acquiro. Ductum autem est hoc verbum à vestigiis, tanquam signis indicisq; quibus ad rei notitiam peruenimus. Cicero tertio de Oratore, Ipsa tractatio & quæstio quotidie ex se gignit aliquid, quod cum desidiosa delectatione vestiges. Idem in eodem libro secundo, Nosse regiones

intra quas venias, & peruestiges quod quæras. Idem pro Ligario, Sed quoniam diligentia inimici inuestigatum est quod latebat, confitendum est vt opinor. Terentius, Nihil tam difficile est, quin quærendo inuestigari possit.

In Heautont.

E P I T O M E.

Nutrientur parui vt crescant, nutriuntur etiam adulti vt viuant, quomodo etiã ali dicuntur. Sed res incorporeæ aluntur, vt crescant duntaxat, hoc est augentur & fouentur.

Nutrio & Alo.

CAP. XLVI.

Nutrirî, est & paruulorum vt crescant. Vnde nutrices dicuntur, nutritique, qui curâ infantium habent, habueruntve, & adultorum, vt viuant. Ali quoque in eodem significato. Vnde lex illa 12. tabularum, Liberi, parentes alant, aut vinciantur. At in rebus incorporeis frequentius vt crescant. Quintilianus, Sed alere facundiam, vires augere eloquentiæ possit. perinde ac si dixisset, Augere facundiam, augere vires eloquentiæ possit. Cicero, Sed nec illa extincta sunt, alunturque potius, & augentur cogitatione & memoria mea. Coniunxit & ipse hæc duo, sicut solemus in multis, que similia sunt: vt possum & licet, vt munus & officium, vt mens animusque. Virgilius, Hos successus alit. id est quasi horum animos successus augescere facit.

In præf. lib. 1.

E P I T O M E.

Spero & confido, pro credo leguntur, tam de præterito, quàm de præsentî & futuro, vt author exemplis docet.

Spero & Confido.

CAP. XLVII.

Spero pro credo vsitatum est, siue de præsentî loquamur, siue de præterito. De præsentî, Quintilianus, Facilis (vt animaduertere vos spero) defensionis meæ cursus est. De præterito, Idem, Et innocentiam quidem puellæ satis (vt spero) defendimus. Et Cicero, Spero iam probatam esse amicitiam nostram. Similiter confido pro credo, tum in præterito, tum in præsentî, tum in futuro. In præterito, Quoniam probatam rationem officii mei vobis esse cōfido. In præsentî, Quanquã à Cratippo nostro principe huius memoriæ philosophorum, hæc te assidue audire, atq; accipere confido. In futuro, Ita fore confidimus. Hæc exempla ex Cicerone sunt.

E P I T O M E.

Dicere sententiam, cōpetit cōsiliario: Ferre, iudici. sed interdum dicere pro ferre legitur. Similiter dicere leges, differt à ferre. nã ferim⁹ ad nostros, dicimus aduersos.

Dico & Fero sententiã, Dico & Fero legē. CAP. XLVIII.

Dico sententiam consiliarius, fero sententiam iudex. Quorum exempla frequentiora sunt, quàm vt à me repeti debeant. Nõnunquam tamen dico pro fero, vt apud Quin-

tilianum, Apud iudices quidem secundum legem dicturos sententiam, de confessis præcipere, ridiculum est. Iuris quoque consultos hoc verbo in hunc sensum frequentissime vsos videmus. Dico leges, aliud quàm fero leges. Est enim ferre ad suos: dicere ferè ad victos. vt Liuius lib. 46, Nihil ea mouerūt regē tutā fore bellis Asiā ratū, quando perinde ac victo, iā sibi leges dicerentur.

E P I T O M E.

Circunsto, id est circundo, stando propriè. Circumsisto, id est inuado & irruo, aggrediòrque terrificādi gratia, sed interdum etiam terroris adferendi. interdum pro circunsto accipitur.

Circunsto & Circumsisto.

CAP. XIIIX.

Circunsto & Circumsisto, vtrūque facit circunsteti. sed primum pro circundo, alterum pro inuado & irruo, & quasi terrificatione aggrediòr. Virgilius,

Circunstans animæ, dextra læuæque frequentes. Idem,

At fessi tandem ciues infanda furentes,

Armati circumsistunt. Et alibi,

At me tum primum sæuus circunstetit horror.

Quintilianus in apes pauperis, Quum me euocassent subito trepidum, totòque fortunæ suæ strepitu circunstetissent. Nonnunquā non terrificādi sed terroris auferēdi gratia ponitur. vt Cæsar in Comment. Siquis grauiore vulnere accepto deciderat, circumsistebāt: hoc est, focii iacentem exhortabātur, tela hostium arcentes. Nonnunquam etiam, vt circunsto accipitur. vt apud eundem, Et mercatores in oppidis vulgus circumsistit, quibusq; ex regionibus veniant, quasque ibi res cognouerint, pronuntiare cogit. Quo etiam modo apud Quintilianum accipi potest.

E P I T O M E.

Vsurpare, est vti seu vsitari, tum dicto, tum facto: sed cum accusatiuo. interdumq; pro dicto ponitur, sicut frequentius pro facto.

Vsurpare.

CAP. L.

Vsurpare est vti siue vsitari, tum dicto, tum facto. Cicero in Oratore, Post inuenta conclusio est, qua credo vsuros illos veteres fuisse, si iam nota atque vsurpata res esset, qua inuēta omnes vsos magnos oratores videmus. Hoc etiam sic dicere licebat in eandem sententiam, Post inuenta conclusio est, quam credo vsurpaturos illos fuisse, si iam nota atque vsurpata res esset, quam inuentam omnes vsurpasse magnos oratores videmus. Idem, Quod semper vsurpamus in omnibus dictis ac factis, minimis ac maximis: quum hoc decere dicimus, illud non decere. Idem, Præclare enim hoc est vsurpatum à doctissimis, quorum ego autoritate non vterer, si mihi apud aliquos agrestes habenda esset oratio. Sed quum apud prudētissimos loquar,

In Paradoxis.

quibus hæc inaudita nō sunt, cur ego similem, me siquid in his studiis operæ posuerim, perdidisse? Dictum est igitur ab eruditissimis viris, nisi sapientem liberum esse neminem. Vsurpatum & dictum pro eodē accepit, sicut doctissimis & eruditissimis. Quid multa? quum frequenter iurisperiti vtantur vsurpo pro dictito. nam pro factito, minus dubium est.

EPI TOME.

Præsto sum, idem est quod adsum, id est auxilio sum. semp̄rque; ferè verbo sum simplici cohæret. Adsum autem, tria significat. primum præsentem esse. idque naturaliter significat, & ablatiuum mediante præpositione IN regit, aut datiuum. alterum, auxilio seu præsidio esse, quo modo aduocati adsunt. tertium, aduenire seu aduenturum esse. Quæ tria, etiam præsto esse significat.

Præsto sum & Adsum.

CAP. I I.

Præsto sum, idem est quod adsum, nec alteri ferè verbo cohæret, nisi verbo substantiuo, & huic simplici. Nam præsto adsum, magis poeticum est. Quid igitur significat adsum? Tria. Vnum naturaliter, duo per quendam flexum & deriuationem. Primum est, Præsens sum, quod modo cum ablatiuo iungitur, in, præpositione seruiente. vt apud Ciceronem de Oratore, Paulus in pugna non adfuerat. Modo cum datiuo, vt apud eundem in Philippicis, Omnibus his pugnis Dolabella adfuit. Et apud Quintilianum, Nam in libris obseruationum à Septimio editis, adfuisse Ciceronem tali causæ inuenio. Secundum est hinc ductum, quod sæpe corrogamus, qui nobis adsint periclitantibus, quales sunt aduocati, quorū officium est adesse in iudicio. Sed ipsum illud adesse, fauere est, præsidioque esse. ideoque dicimus adesse, pro eo quod est, esse præsidio. Virgilius,

Modo Iuppiter adsit. Et iterum,

Adsis ô tandem, & placidus tua numina firmes.

Et in prosa, Quintilianus, Nūc omnes in auxilium deos, ipsumque in primis, quo nec præsentius aliud, nec studiis magis proprium numen est, inuocem: vt quātum nobis expectationis adiecit, tantum ingenii aspiret, dextérque ac volens adsit. Idem, Si tamen pater, qui diuisit patrimonium, & reos parricidii defendit, sic agat, quod contra legem sufficit: Parricidium obicitur iuuenibus quorum pater viuit, atque etiam liberis suis adest. Tertium est aduenio, seu magis adueniam. Nam propè idē sunt, iam veniet, & iam præsens erit. Itaque aderit accipitur pro vtroque, siue pro vtrovis. Virgilius,

Iamque aderit multo Priami de sanguine Pyrrhus. Et iterum,

Huc ades ô formose puer. Et,

Huc ades ô Galatea, quis est nam ludus in vndis? Et iterum,

Huc ades ô Melibœe, caper tibi saluus & hoedi.

Vbi si eadē foret significatio, quæ est in illo præsens sis, hîc ades, non huc diceretur. Ergo huc ades, pro adsis, idem est, quod huc veni. Has easdem significationes habet præsto sum, & eadem ratione. In prima, Ciceronis exemplum est in Bruto, Quibus quidem causis tu etiam Brute præsto fuisti. In secunda, eiusdem pro Murena, Ius ciuile didicit, multum laborauit, vigilauit, præsto multis fuit. Et pro eodem, Tu interea Romæ scilicet amicis præsto fuisti. In tertia, eiusdem ad Herennium, Hirundines æstiuo tempore præsto sunt, hyeme pulsæ recedunt. Et in epistolis frequenter, Stator tuus mihi cum literis præsto fuit. Et propriè accipi solet hoc vltimum, pro eo quod nunc dicimus, compareo, vt si quis aliqua dignitate, imperiõve affectus, alteri sic iubeat, Cras mihi ad hunc locum, & ad hanc horam præsto sis. id est compareas, & te repræsentes, atque exhibeas mihi.

E P I T O M E.

Flemus, lachrymis. Geminus, pectore, vt quæcunque premuntur. Ploramus voce flebili. Imploramus, sic opem orantes. Plangimus, pectus cõcutientes. Eiulamus, voce muliebri. Vociferamur, voce effrænata. Lamentamur, voce querula & dolorosa.

Fleo, Gemo, Ploro, Plango, Eiulo, Lamentor,

Vociferor.

C A P. I I I.

Implorare.

FLere, est lachrymis, ideóque tantum hominum, sicut ridere. Gemere, est in pectore, quum præ angustia in sonum prorumpit. Ideo & iumenta sub nimio pondere gemunt: & inanimata quoque quum nimis onusta sunt, gemere dicuntur. vt apud Virgilium, Gemuit sub pondere cymba. Plorare, est voce flebili & effusa, dolorem suum aperire. Vnde implorare, est plorando opem orare. Plangere, est percussione ac verberatione pectoris, capitis, vultus, aliorumve membrorum se in dolore affligere, regitque post se accusatiuum. Ideóque per trãslationem dicuntur fluctus plangere litora, quasi ad declarandum dolorem, in modum lamentationis. Eiulare, est voce sublata flere, quod magis mulierum est propriũ. Vociferari, est voce effrænata, non modo dolorem, sed etiam indignationem (quanquã indignatio doloris genus est) ostendere. Interdum sine affectu, sed tamen vehementius exclamare. Lamentari, est voce querula, & tristi oratione cladem testari suam. Quæ exempla lecturis hoc opus inuestiganda relinquimus.

E P I T O M E.

Existere & extare, est eminere & superesse. Sed existere, cũ motu, quasi prodeundo, aut exurgendo seu emergendo. extare, etiam sine motu. Est enim existo, quasi exeundo sto. exto, quasi extra sto. vnde apud Iuvenalem, Et stantem extra pocula caprum. dici posset vno vocabulo extantẽ. Vnde extant quæ non exciderunt,

tam libri quàm reliquæ res. Superesse dicuntur homines superstites, qui scilicet superstant reliquis decidentibus, aut vbi reliqui deciderint. Aulus Gellius docet Superesse significare super, id est plus quàm satis est, esse, id est redundare.

Existit & Extat.

CAP. LIII.

EXistit atque Extat, quorum verborum vnum, atque idem præteritum est, simile quiddam significant, quod est eminet & superest. Sed primum cum motu, alterum sine motu: ut illud sit prodit, vel exurgit: hoc vero superstat. Cicero de diuinatione, Atque delapsus in flumen nunquam comparuisses, me contremuisse, timore perterritum, tum te repente extitisse. Et iterum in eodem libro, Sumersus equus voraginibus non existit. Adhuc iterum in eodem, Vocem ab æde Iunonis ex arce extitisse. Atque iterum, Neque diu vlla vox extitisset. Et in secundo, Anguem ab ara extitisse. Et iterum, In Lysandri statuæ capite Delphis extitit corona. De rebus quoque mutis existere dicimus, ut idem in Lælio, Existit hoc loco quæstio subdifficilis. De extare exemplum vnum Virgilii suffecerit Georgicorum tertio, -stant circumfusa pruinis

Corpora magna bouum, consertoque agmine cerui
Torpent mole noua, & summis vix cornibus extant.

Quo fit, ut de libris, qui demortui non sunt, dicamus extare. ut Extant paucissimi Varronis libri, plurimi non extant. Nam ut de homine qui adhuc vivit loquimur, Superest, quasi non subter est, sub terra humatus: ita de rebus, Extant, quasi extra stant, non intra & in tenebris latent. Cicero in Oratore, Quæ (ut scis) extat oratio. Et de Senectute, Et tamen ipsius Appii extat oratio.

EPITOME.

Conciliare & inire, significant quasi comparare & contrahere. sed dicimus Conciliare nobis amorem & benevolentiam, non gratiam: & edinverso, inire gratiam, non amorem aut benevolentiam. nam Inire, est magis fauorem comparare, quàm amorem. Reconciliari autem, & in gratiam redire, idem sunt: nisi quod reconciliamur per alium, redimus etiam per nos, idque etiam cum inanimatis. Præterea conciliamus nobis, id est comparamus laudem, famam, honores, similiaque: non, inimus. Rursus, inimus, non conciliamus, propriè rationem, fœdus, pacem, societatem, bellum, pugnam, viam, & cæteras res graues ac magni momenti, quasi capeffentes & ingredientibus. Quocirca non dicam, In eo prandium & cœnam, ut in eo conuiuium. Vnde & rei magnæ principium, initium vocari solet, à Græcis proœmium: iniensque absolute positum, rebus magnis, ut ætati, pueritiæ, adolescentiæ, veri, ætati, hyemi, anno nouo, & similibus, duntaxat accommodari.

Conciliare amorem & benevolentiam nos dici, Inire autem gratiam.

CAP. LIIII.

Conciliamus amorem nobis alicuius, cōciliamus benevolentiam: non autem conciliamus nobis gratiam. Rursus, Inimus gratiam, non autem inimus amorem, aut benevolentiam.

A.i.

Reconcilio.
Redeo in gra-
tiam.

Ineo.

Lib. 4. ab ini-
tio.

*significatur.

Iniens.

lentiam. Quarum omnium orationum eadem ferè sententia est, ac si hoc verbo vterer contraho, vel comparo: nisi quod inire gratiam, est magis fauorè comparare, quàm amorè, vt apud Quintilianum, Quinetiam hoc timeo, ne ex eo minorem gratiam habere inerat, quòd pleraque non inuenta per me, sed ab aliis tracta continebit. Reconciliari tamen, & in gratiam redire, idè sunt, quoties amici interposita aliqua offensa, quum aliquandiu fuerunt inimici, in pristinam redeunt beneuolentiam ac familiaritatem. Sed redire in gratiam etiam cum inanimatis solemus. vt Cicero de Senectute, In gratiam cum voluptate redeamus. Præterea conciliamus nobis laudem, famam, honores, similiaq; nō autem inimus. Quintilianus lib. 2, Nam & plus authoritatis afferit ea, quæ nō præsentis gratia litis sunt comparata: & laudem sæpe maiorem, quàm si nostra sint, conciliant. Rursus, In eo rationem, in eo foedus, in eo pacem, in eo societatem, in eo bellum, in eo pugnam, in eo viam, quasi capesso, atque ingredior: quod non ferè, nisi in re momentosa, aut graui grandive dici solet. Nam nō ita rectè loquar, In eo prandium, cœnamve, vt in eo cōuiuium. Vnde principium rei maioris, initium vocatur, vt initium orationis, Quintiliano quoque testante, qui ait, Quod principium Latine vel exordium dicitur, maiore quadam ratione Græci videntur procœmum nominasse, quòd à nostris initium modo *signatur. Et huius verbi participium absolutè positum, sine regimine, maioribus rebus adhibetur. vt Ineunte pueritia, ineunte adulescētia, ineunte ætate, ineunte vere, ineunte æstate, hyeme ineunte, ineunte anno nouo. Nō autē dormitione ineunte, cōuiuium ineunte, die ineunte, nocte ineunte, hora ineunte, sed incipiente: nisi dicamus illud ipsum ineunte, certis nominibus debere adiungi, quæ sūt ea, quæ modò exposui.

E P I T O M E.

Obruere, est operire aqua, aut terra, similique re quæ proici potest: & per metaphoram etiam ad animum transfertur, competitq; vino & somno. Ingurgitari autem quēuis multo cibo dicim⁹: quāuis & vino quoq; quis se ingurgitat. Sicut crapulari, tā de potu quàm de cibo dicitur, cuius ingurgitatio & repletio, crapula dicitur.

Obruo, Ingurgito, & Crapulor.

C A P. I V.

Obruere est operire, siue aqua: vt, Obrutus vndis. siue terra: vt, Obrue versata cærealia semina terra. siue per trāslationem ad animum: vt Quintilianus, Tot voluptates obruere possunt vnum dolorem. Sed de multo vino potando etiā obruere dicimus, sicut ingurgitare de absumentis multis cibis. Cicero pro Deiotaro ait, Vino se obruisse, nudumque saltasse. Et in Antonium, Vt fratrem imitetur, se obruit vino. Et in eundem idem, Quum se cibis ingurgitasset. Ingurgitare aliquādo vtrum-

que complexitur, sicut crapulari non modo in vino, verū etiam in cibo, vnde fit crapula. vt Idem in eundem, Edormi, inquam, Crapula. crapulam, & exhalat.

E P I T O M E.

Deuenire, est quasi deorsum venire, vnde rectè deueni in planū, in vallē, & à con simili in paupertatē ac miseriam. De enim, sæpe significat deorsum: vt, Deuoluo, deorsum voluo. Despicio, deorsum inspicio. & quia quē contēnimus, nō aspiciamus, sed despiciamus: ideo despiciere accipitur pro contēnere. vt in Bucol. Despectus tibi sum, nec qui sim quæris Alexi. Est tamē propriè deorsum inspicere. vt AEneid. primo, Et iam finis erat, quum Iuppiter æthere summo

Despiciens mare veliuolum, terrāsque iacentes. Sicut suspicere, aut sursum inspicere: vt, Attenuati sunt oculi mei suspicientes in excelsum. aut per metaphoram venerari, quia quos supra nos conspiciamus veneramur. Dispicere autē, est circūspicere & consyderare, referturque ad mentē. Peruenire, est ad intentum finē venire, quasi ad ardua. vnde propriè dicas, Perueni in mōtē, ad diuitias, ad honorē magnū, & similia.

Deuenio, Peruenio, Deuoluo, Despicio, & Dispicio. CAP. LVI.

Deuenimus in mōtē, deuenimus ad diuitias, minus vſitatum, ac minoris rationis est, quā Peruenimus in montem, peruenimus ad diuitias. Similiter ediuerso, Deuenimus in planū, deuenimus in vallē, quoties ab editiore loco profecti sumus, vſitatus, probabiliusque, quā Peruenimus in planū, peruenimus in vallē. Ita Deueni in paupertatē, quasi descendī, & delapsus sum in humiliora. Deuoluo, deorsum voluo: vt Deuoluere rogos, deuoluere trabes, deuoluere saxa, deorsū præcipitare. Despicio, deorsum aspicio: sicut suspicio, sursum aspicio. Inde per translationem quum quis alium contemnit ac paruifacit, despiciere videtur, quasi infra se, & ad pedes suos proiectum aspicere. quēadmodū & suspicere, est venerari, quasi supra nos aspiciamus illum esse collocatum. Nā dispicere, est prouidere, & circūspicere mente, tanquam in omnem partem lumina mentis intendere, omniāque discernere. A quo dispiciētia dicta est, circūspectio, & prouidentia, & consyderatio diligens, atque discretio.

Suspicio.

Dispicientia.

E P I T O M E.

Occupare, est rem vacuā possessore primū inuadere, & ante alios capere, aut vi capere. Occupatio autē, schema est seu figura qua præueniendo dicimus quod ab aliis dictum iri veremur, quasi sit quod vulgo dicunt, sermonis præoccupatio. Occupatus verò dicitur, qui ante negotio detentus non potest alteri intendere. Vnde & occupatio, rei necessariæ, & cui ante alias vacare debemus, diligens vacatio.

Occupo. CAP. LVII.

Occupare, est locum tenere, aut capere, & vi capere. vt apud Liuium lib. 33, Nam & ipsis vocantibus urbem hanc accepi, non occupaui. id est, nō vi accepi, aut mea sponte accepi, sed aliorum rogatu. Sæpe verò antè capere est, & (vt aliqui loquuntur) præoccupare. Vnde schema illud, occupatio appellatur, quoties quæ dici ab alio poterant, ea ipsi præueniendo dici-

Occupatio.

mus in nostram partem, ne nobis postea officerent, retorquentes. Cicero Officiorum libro primo, Sunt autem nulla priuata natura, sed aut veteri occupatione, vt ii qui quondam in vacua venerunt. Certè primi illi qui venerunt in vacua, non potuerunt in aliena ire, vt isti aiunt, qui volunt occupare vtique, in aliena re se possessorem facere. Propriè est enim occupare, quod in medio, siue in medium, atque in commune positum est, ante ceteros capere. Quod testatur Quintilianus inquiring, Multa nihilominus, quæ libera fuerant, transeunt in ius occupantium, sicut venatio & aucupatio. Inde occupatus dicitur, qui antè negotio aliquo detentus, non potest negotio alterius operam dare. Cicero, Nemo adhuc me cōuenire valuit, quin fuerim occupatus. hoc est, quia causerar me quibusdam aliis negotiis antè præuentū. Atque hinc vocatur occupatio, quum alicui necessaria rei, & cui ante omnia operam dare debemus, cum diligentia vacamus.

Occupatus.

E P I T O M E.

Peto, ad rem relatum, tam in bonum quàm in malum accipitur. ad personam vero, propriè in malum, cum ablatiuo præsertim sine præpositione: vt, Peto te gladio, veneno, insidiis, dolo. Peto autem malo aut telo, id est incesso, aut percutio iactu teli ac pomi. Posco autem, est rem debitā ac honestam peto. Reposco, rē meam repeto. Postulo, rem iustam aut iuridice requiro. Petimus etiam humiliter. Expostulamus autem cum querela apud amicos, officium amicitiae requirentes, frequenter sequente ablatiuo & præpositione cum. Flagitamus, vehementer postulantes: sed adhuc vehementius efflagitamus.

Peto, Posco, Postulo, Flagito.

CAP. LVIII.

Petere est in bonum, & in malum: quod declaratur per ipsam rem aut bonum aut malum significantem. vt, Medicus sanitatem ægri petit, pater laudem filii. Tu diuitias, ego voluptatem peto. Item, Multi filii petunt mortem patris, serui mortem dominorum, medici longitudinem morbi. Petere autem vitam alterius, itēque petere caput alterius, petere famam, petere pudorem, accipitur in malum: quod illa in hominis perniciem petas, siue quod ea oppugnes. At quum non in rem, sed in personam refertur Peto, vtique cum ablatiuo, in malam partem accipitur. vt, Peto te gladio, peto te veneno, peto te insidiis. Nam illud apud Virgilium,

Malo me Galatea petit lasciuia puella.

Idem est quod malo me incessit, & pomorum iactu percutere me solet. Et ideo quasi de audacia culpæque sibi conscia, dicitur, Et fugit ad salices. Ab hac significatione absunt alia verba, Posco, quod est propriè rem debitam & honestam peto. Inde Reposco, quod est rem meam, & quod mihi reddi debet, peto. Postulo, est quodam modo requiro, vt res, tempus, locus, persona, causa

Reposco.

postulat: & tãquam rem iustam peto. Curtius, Postulabat autem Lib. 4.
magis quàm petebat. nisi accipiamus, vt Varro apud Seruium
vult, humiliter petebat. Sic enim ait, Poscere, est quũ aliquid pro
merito nostro deposcimus. Petere verò est, quum aliquid humi-
liter, & precibus postulamus. Expostulo, quod est cum querela Expostulo.
apud amicos requiro, & quasi officiũ amicitie in alio desydere.
vt Terentius in Adelphis, Quam ipsi fecerunt, vltro iniuriam ex-
postulant. Sed frequentissime post se habet ablatiuum, seruiente
præpositione cum: vt, Quid habes quod mecum expostules? Fla-
gito, vehementer & plus quàm postulo. vt Cicero pro Quintio,
Quanquam hæc causa postulat: & si postulat, non tamen flagi-
tat. Quintilianus ad Tryphonem, Efflagitasti quotidiano conui-
tio, vt libros quos ad Marcellum meum de institutione orato-
ria scripseram, iam emittere inciperem. Quæ verba etiam Cice-
ronis sunt in epistola ad Quintum fratrem.

E P I T O M E.

Labare, prima breui, est ruere, & repente cadere. Labi verò, priori longa, leniter
sensimque deorsum ire. Delabi autem, propriè est deorsum labi. Labuntur etiam
in lubrico leniter cadentes. Lapsus tamen pro ruina legitur. is quoque lapsus, qui
per infirmitatem animi ac imprudentiam deliquit. Elabi verò dicitur, periculum e-
uadere. Labascere quoque animus à labo dicitur, per translationem. Inelaboratum
dicitur nõ satis labore excultum: vnde vitio datur. Illaboratum, sine labore factum:
quod laudi datur, quasi suapte natura natum aut factum.

Labo & Labor. CAP. LIX.

Labo & Labor ita differunt, quòd labare est ruere, & repente
cadere, vt apud Virgiliũ, -labat ariete crebro Ianua. Labi ve-
rò, leniter, sensimq; deorsum ire. vt, Labũtur flumina, labi-
tur cælum, labitur anguis, labuntur ab æthere pennæ, labuntur
dii à cælo, nõ labant. Quintilianus, Vt numen, & deus, delabi sy- In Sepulchro
deribus, & venire de liquido puròque aere videbatur. Cicero, Nõ incantato.
quasi vnum ex hac vrbe missum, sed quasi de cælo diuinum ho-
minem in hanc urbem delapsum intuentur. Ideoque dæmones
magis è cælo labarunt, quàm lapsi sunt. Angeli verò assidue ad
nos labuntur. Labi quoque dicuntur, qui in lubrico imprimètes
vestigia, ad terram ferũtur, non cũ ruina, sed lentius & cum ali-
qua mora: tametsi nonnunquam lapsus pro ruina accipiat. &
per translationem de corporeis ad incorporea, de eo qui aut per
infirmitatẽ animi, aut per imprudentiã deliquit, dicimus, Lapsus
est, quasi pes animi vnus, ambòve, qui sunt fortitudo & pruden-
tia, in lubrico lapsi sint. Et elabi quoque, periculum fugere dici- Elabor.
tur eo modo quo anguis lubricus, murenave, aut anguilla manu
prehensa lapsu fugit, quod est, è manu elabitur. Ita qui è medio

Inelaboratū.
Illaboratum.
Lib. 10.

periculo euasit, elapsus dicitur. Virgilius, Ecce autē elapsus Pyrrhi de cæde Polites. Sed hīc nō est translatio, utpote in re corporea. Erit translatio in incorporea. Quintilianus, Sēruium quidem Galbam miseratione sola, qua non suos modo liberos paruulos in concionem deduxerat, sed Galli etiam Sulpitii filium suis ipse manibus circuntulerat, elapsū esse, tum aliorum monumentis, tum Catonis oratione testatū est. Cicero, Hic Tito fratre suo censore, qui proximus ante me fuerat, elapsus est. id est, accusatorum quasi prehensantium manus effugit. Translatum quoque illud Terentianum à labo, non à labor, Labascit victus vno verbo quā cito! Labo primam breuem habet, labor primam longam. Hinc labor laboris, & laboro laboras, prima breui, quod an ab altero illorum deriuetur, an ab utroque potius, liberum opinaturis relinquo. Hoc tamen non omittens, inelaboratum dici, quod non artificio satis excultum est. Illaboratum verò, quod sine labore videtur factum. Illud vitio dari solet, hoc laudi. Quintilianus de Cicerone ita ait, Quum interim hæc omnia, quæ vix singula quisquam intentissima cura consequi posset, fluunt illaborata, & illa, qua nihil pulchrius auditu est oratio, præ se fert tamen fœlicissimam facilitatem.

E P I T O M E.

Deligere, est quod magis idoneum sit ad aliquam rem decernere, quasi de multis legere. Eligere, est ad nostrum commodum, aut ad electi dignitatē è duobus aut pluribus legere. Delectum agere, est dispicere quis cui rei sit idoneus. Fieri autem potest ut idē deligatur, id est decernatur magis idoneus, & eligatur quasi è multis ad dignitatem sublimandus, ut princeps bonus. Deligo autem, accusatiū sine præpositione regit, aut mediante ad. Eligo, mediante in: ut, Delegi te principem, aut ad principatum gerendum. Elegi te in principem. Pares autem dicuntur cooptari. Cæterum, dicimus agere vel habere delectum, non facere, nec cum alio verbo. Differtque agere vel habere delectum ab deligere, quod deligimus aliquando vnum tantum: agimus autem vel habemus delectum inter multos.

Deligo & Eligo.

CAP. I X.

Deligere & Eligere sic differunt. Deligere est, quod magis idoneum ad rem agendam est, cernere. Eligere verò, vel ad nostrū emolumentū, vel ad illius qui eligitur, dignitatem. Delegit sibi sæpe populus Rom. imperatorem ad bella, ut Pompeium ad bellum Mithridaticū. Imperator quoque deligit milites, non eligit, ad rem videlicet bellicam idoneos: & inter eos agit delectum, qui cui rei sit magis cōmodus. Et agricola delectum agit inter tauros, quos scindendo solo, quosque procreandæ soboli destinet. At si ex multis daretur optio, quem sibi vellet eligeret, non deligeret. Ideoque semper ferè dicitur in eodem sensu, Datur tibi siue offertur optio, & Datur tibi, siue offertur electio.

At Cicero, Deligere, inquit, oportet, quam velis diligere. de vxore loquens, deligere dixit, quasi ad res domesticas administrandas. Nec inficias eo, posse fieri, vt in aliquem cadat delectionis & electionis nomē, vt in ipsum principem, quem ad honorem pariter & ad Rempub. bene gerendam assumimus. Cæterum deligo, sine præpositione accusatiuum habere solet. vt, Populus Romanus delegit Cn. Pompeium imperatorem. Eligo, alterum accusatiuum sine præpositione, alterum cum præpositione: vt, Idem populus elegit in principem sibi Octauium. Cicero inquit, Quos Cæsar in Senatum elegerat. Porro vtrunque horum verborum tam in superiores quam in inferiores cadit: vt illud quod modo dicebā, Quos Cæsar in senatū elegerat. Et sacerdotes eligunt sibi pontificem, & clerus episcopum. Rursus, Consul milites deligit, & milites imperatorem, nautæ gubernatorem, discipuli præceptorem sibi deligunt. Nam inter collegas parēsque, aut ferè pares, dicitur cooptare. Liuius, Dictatorē dici placet. Dicitur M. Furius Camillus, qui magistrū equitum L. AEmylium, cooptat. Cicero in Bruto, A quo in collegium augurum fueram cooptatus. Illud non est silentio transeundum, duobus tantū dici modis deligere, præterquam per hoc verbum ipsum. Vno, agere delectum: altero, habere delectum, nunquam facio delectum. Qui duo modi differunt ab ipsa significatione deligendi, quòd deligimus aliquando vnum tantum. Agere verò, vel habere delectum, ad multa semper refertur. Apud Quintilianū legi, facere pro agere, quod haud scio, an vitio libroriorū factū sit, an etiā sic dicere liceat. Ita enim legitur, Proprietates ingeniorum dispicere prorsus necessariū est. In his quoq; certum studiorum facere delectum, nemo dissuasit. Nanque erit alius historiæ magis idoneus, alius compositus ad carmen, alius utilis studio iuris, & nōnulli rus fortasse mittēdi.

Coopto.

Agere, & habere delectū.
Lib. 2. cap. 9.

E P I T O M E.

Percontamur, propriè arguendi gratia. Interrogamus, causa noscendi. Sciscitamus, causa sciendi. Addi potest quòd scrutamur & rimamur causa intuenti. Percontari autem, quia à conto, id est pertica qua nautæ aquarum profunditatem indagant, venit, videtur posse etiam sine reprehensione dici. sicut & percunctor, quod est cum mora inquiri: tractum ab his, qui excogitantes aliquid, cunctantur.

Percontor, Interrogo, & Sciscitor.

C A P. L X I.

Percontari, significat interrogare, quāuis suapte natura spectet ad finem coarguendi, vt Quintilianus testatur dicens, Quid enim tam commune, quā interrogare, vel percontari? Quorum vtroque indifferenter vtimur, quum alterum noscendi, alterū arguendi gratia videatur adhiberi. Interrogo igitur (vt ego interpretor) noscēdi gratia adhibetur. Percōtor verò ar-

A. iiii.

guédi.Sciscitari(vt ipsa vox indicat) sciendi causa interrogare est.

E P I T O M E.

Debellare,est bello vincere,aut bello capere,proprie homines. Expugnare,pugnando capere,vel oppugnando vincere, proprie opera,moles, castra,vallos,castella,vrbes,naues,& similia.Oppugnare autem & impugnare,est pugnam mouere,etiam citra victoriam.nam multi oppugnant & impugnant,qui non expugnant.

Debello & Expugno.

C A P. I X I I.

Debellare,est bello vincere,aut bello capere.Expugnare,pugnando capere,vel potius pugnando & oppugnando vincere.quod significauit Liuius libro quadragesimoquinto, Haud paulo facilius quàm antè,duæ vnam,tunc vna duas naues expugnauit,cepitque.Sed debellamus potius homines. Vnde debellatum esse dicimus,pro eo quod est,bello certatum,bellòque res parta est,aut perdità. Expugnamus autem opera, molésque, vt castra, vt vrbes, vt castella, vt naues. Quocirca miror illud in Psalmo, Sæpe expugnauerunt me à iuuentute mea, dicat nunc Israel,Sæpe expugnauerunt me à iuuentute mea:etenim non potuerunt mihi.pro eo quod est oppugnauerunt,sive impugnauerunt me. Si enim non potuerunt mihi,profecto nō expugnauerunt,sed oppugnauerunt tantum.Græce autem ἐπιλέμωσι magis est oppugnauerunt,sive impugnauerunt,quàm expugnauerunt. Pro eodem tamen significato interpretes acceperunt,nisi librariorum vitium est.

Oppugno.
Impugno.

E P I T O M E.

Re particula præposita per compositio nem verbo ad claturam aut clausuram, seu contextum pertinenti,contrariū importat:vt, Refigo,retego,refero,retexo,recludo,reuelo,refigno.Cum aliis autem,non immutat significationē: vt,Remoueo,repello. aut iterationem importat:vt Repeto,redco,refero,restituo &c.vide superiora.

De compositis à Re.

C A P. I X I I I.

Figo,inde refigo,quod fixum erat,educo.Tego,inde retego,quod tectum erat denudo.Texo,inde retexo,quod erat textum,reddo non textum,& quasi infectū,quod erat factum.Claudo siue cludo,recludo,quod clausum erat aperio.Velo,reuelo,velamentum tollo.Signo,refigno,quod erat signatum ob signatūve relaxo,vel patefacio.Et multa alia huiusmodi sunt,multa non sunt:vt repeto,reposco,renouo,repræsentio,reuello,remoueo,remanco.

E P I T O M E.

Præparare,est ad futuram vtilitatem rem ante parare. Apparare,ad pompam & magnificentiam.vnde apparatus,qui interdum præparationem complectitur.

Præparo & Apparō.

C A P. I X I I I I.

Præparare & apparare ita differunt,quòd præparare est antea parare sibi quæ vtilia sunt,aut fore credit.Apparare,ad digni-

tatem quandam, ac verius pompam. Ideoque oratores præparant, quibus obtinere causam possint. At proæmiū apparatus reprehenditur, quod plus pompæ atque ostentationis, quam vtilitatis habere videatur. Cicero Officiorum primo, Facile totius cursum vitæ videt, ad eamque degendam præparat res necessarias, ut pastum, ut latibula, ut alia generis eiusdem. Idem de Oratore tertio, Illa quæ in apparatu fori appellantur insignia. Quanquam apparatus videtur interdum significare utrūque, ut apparatus belli, quasi præparatio. Sed ut dicimus naues non modo instructas, sed etiā ornatas, quod quod res instructiores ad bellum, eò pulchriores sunt: ita apparatus belli vocamus, vbi instrumenta bellica etiam adornata sunt.

Apparatus.

E P I T O M E.

Præesse, est præpositum esse rei cuiusdam gerendæ aut administrandæ. Præsidere est ad opem præstendam præesse, quam homines præstant iniuriæ patientibus, aut in discrimen adductis. dii verò præsides, beneficentiam & fauorem præstant inuocantibus. aliquando tamen confunduntur. Præsides autem dii sunt hominum, & homines deorum: sed homines quasi tutores & defensores idolorum. Præses autem in prouincia est, qui illic maius imperium post principem gerit. vnde præsidium, principale auxilium, & militum custodia, Gallice *garnison*. Præsul autem, proprie qui præest Saliis.

Præsum & Præsideo.

C A P. L X V.

PRÆsum & Præsideo differunt. Ab hoc fit præses, sicut à desideo deses, à resideo reses. Ab illo verò præsens, quod à suo verbo in significato recedit, de quo antè diximus. Præesse, est præpositū esse rei cuiusdam gerendæ atque administrandæ. Præsidere, est ad opem præstendam præesse: quam proprie præstant homines quidem iniuriæ patientibus, aut in discrimen adductis: Dii verò, beneficentiam fauoremque inuocantibus. Aliquando tamē indifferenter. Suetonius de Tyberio, Præfedit & Acciacis ludis. quasi dixisset, præfuit. Cicero pro Sylla, Noli animos eorum ordinum, qui præsunt iudiciis, offendere. Idem pro eodem, Quam ob rem vos dii, & patrii penates, qui huic vrbi atque imperio præsidetis. Idem pro Milone, Vos inuicti, & in ciuis inuicti periculo centuriones atque milites, vobis non modo inspectantibus, sed etiam armatis, & huic iudicio præsidentibus, hæc tanta virtus ex vrbe expelletur, exterminabitur, eiicietur? Quintilianus in decimo, Nam beneuolum auditorem inuocatione dearum, quas præsidere vatibus creditum est, & intētum proposita rerum magnitudine, & docilem summa rerum celeriter comprehensa facit. Et non longe post, Quem præsidentes studiis deæ propius audirent. Vnde tā dii, quàm homines, præsides dicti sunt. Illi qui-
dē in suo quisque numine, suæque vi: hi verò in sua quisque pro-

Præsides.

Præsidium.
Subsidium.

Præsul.

uincia, aut ab rege, aut à populo sibi commissa. Idem Quintilianus, Quòd omnia sic egerit, vt genitum præside bellorum Deo incredibile non esset. quasi cuius in manu esset imperiū belloꝝ, aut auxilium. vt apud Liuiū lib. 6, Dii deæque omnes qui Capitolium incolitis, siccine vestrū militem ac præsidem finitis vexari ab inimicis? præsidem dixit pro auxiliatorem ac defensorem vt alibi. Etiam sæpe præses (vt diffinit Vlpianus) is est, qui maius in prouincia imperium habet omnibus post principem. Hinc præsidium, dictū est auxilium principale. Nam subsidiū, id quod in auxiliū succedit, dicitur. Et milites qui ad tutelam oppidi, castelli, similiūmque collocati sunt, præsidium vocantur. vt, Impositum est præsidium Caietæ. Nam præsul antiquitus is dicebatur, qui primus erat inter Salios, id est Martis sacerdotes, Romæ duntaxit à saliendo dictos in portandis ancilibus.

EPITOME.

Assentari, est effuse lucri gratia quempiam laudare. Adulari, est inseruire, & captare, vt fauorem mereamur quoquo modo. à Græco *δούλω*, quod est seruus. Blandiri, est molliter tangendo assentari: sed etiam ad loquelam, & ad alia transfertur. vnde & canes, blandi dicuntur, non assentatores, neque adultores: nisi (vt in apologi est) illis demus sermonem.

Assentor, Adulor, Blandior.

CAP. LXVI.

In Paric. pal.

In agro red.

In Mil. Mar.

Assentari, adulari, blandiri, ita differunt, quòd assentari est insidiosè, & conciliandæ alicuius vtilitatis gratia, effusus, & plerunque falsò quempiam laudare. Adulari verò, inseruire, & captare, vt fauorē emereamur quoquo modo, vel voce, vel gestu. estque tractum *ἀπὸ τοῦ δούλου*, quod est seruus. Et sanè adulari, seruire est, non liberale & ingenuum. Blandiri proprie ad tactum pertinet, & per abusionem ad alios sensus transfertur, & nonnūquam etiam ad animum. Quintilianus, Tu non cogitas, quemadmodum suspensa manu sonātem blande cardinem flectas. Idem, Blandiar paulisper Iudices calamitatibus meis, & sic agam, tanquā inuenerim vtrunque sanum. Ideoque idem quodā loco penè pro eodē posuit hæc duo posteriora verba, Trāseo oblatam nolenti munerum vacationem, & blandius quàm militiæ disciplina postulet, adulatum militi tribunū. Adulatū blandius dixit, ne aut blandius blanditum, aut adulantius adulatum diceret, si tamen adulantius reperitur. Et alibi, Et animalium quoque sermone carentium ira, lætitia, adulatio, & oculis, & aliis signis corporis deprehenditur. Sūt enim muta animalia hominū serua, quæ signa maxime apparent in canibus, de quibus inquit Virgilius, Hinc canibus blandis rabies venit. Nam assentari nō cadit in muta animalia, nisi credimus hoc modo coruum à vulpe

fuisse deceptum, quum optimum cibum ore gestaret.

E P I T O M E.

Excuso, vt notum est, significat idem quod purgo. item idem est quod in excusationem afferro, quasi accuso. Causari, est causam rei gestæ afferre. aliquando tamen quasi in excusationem afferre.

Excuso & Causor.

CAP. LXVII.

EXcusare apertam significationem habet. itémque causari. Excusamus crimen obiectum, quod quū videtur satis purgatum, recentes dicunt, Habeo te excusatum. Veteres dicebant, accipio excusationem, sicut in illo, dum quis mihi tulit conditionem (verbi gratia) an velim negotiari in sua pecunia in comune lucrū, dicam, accipio conditionē. Est & altera huius verbi significatio, quæ à priore defluxit, quoties id quod in causa fuit, vt peccaremus, afferimus in excusationem. Nec dicemus (vt aliqui loquuntur) accuso, sed excuso: quanuis potius videatur ratio exigere, vt per accuso, quàm per excuso loquamur: veluti si latrones, aut flumina impedimento fuerint, ne ad diem adesse possem, dicam eo modo quo Quintilianus, Tu tamen si interpellatus tēpestatibus serius venisses, excusares mare & ambiguos flatus: & tibi bonam causam habere videreris, quū diceres, antè nō potui. Excusares dixit, non accusares. Liuius lib. 6, Exactæ iam ætatis Camillus erat, comitiisq; iurare parato in verba excusandæ valetudinis solita cōsensus populi restiterat. Et libro 47, Vbi dies venit, citariq; absens est cōceptus, L. Scipio morbum causæ esse cur abesset, excusabat. Lucanus in 8, -littusque malignum Excusat. Causari, est causam rei gestæ afferre. Suetonius, Syllanū item socerū ad necem, secandasq; nouacula fauces cōpulit, causatus in vtroq; quòd hic se ingressum turbatus mare nō esset secutus. Aliquādo penè, quòd illa significatio superioris verbi (de excuso dico) in secūdo significato. Quintilianus, Nec causanti pupillo sic tutor irascatur vnquam, vt nō remaneant amoris vestigia, & sacra quædam patris eius memoria. Causanti pupillo, quasi excusanti acerbiter tutoris. Cui simile est illud Papiniani, Iussus rationem reddere, & liber esse, si hæres causabitur accipere rationes, nihilominus liberum fore. id est, si impedimenta prætendat. Virgilius,

Causando nostros in longum ducis amores.

Id est, impedimenti causas afferēdo. Vlpianus, Proscribere palàm sic accipimus clavis literis, vt planè rectè legi possint, ante tabernam scilicet, vel ante eum locum, in quo negotiatio exercetur, non in loco remoto, sed euidenti, literis Græcis, an Latinis? puto secundū conditionē, ne quis causari possit ignorantiam literarū.

Et alibi, Causari tempestatem, ac vim fluminum. Vbi liceat dicere, excusare ignorantiam literarum, & excusare tempestatem, ac vim fluminum.

E P I T O M E.

Mandare, est alicui aliquid gerendum committere: quod filius etiam patri facit, cui ipsum præcipere, iubere, aut imperare non decet. Præcipere enim, est magistrorum, & magistratuum, seu prælatorum. Iubere, frequenter idem quod imperare. Dicimus autem, Impero aut permitto mihi, tu tibi, ille sibi: non autem, Iussi mihi. Item venuste dicimus, Exequor & perago iussa ac mandata, sed non imperata: verum, facio imperata. Præterea dicimus, Impero tibi hanc rem, & iubeo tibi, sed & iubeo te. est autem iubere, non plane imperare; sed quasi hortari & velle significare. vnde & inferiores superioribus iubent. Edicunt magistratus & reges. vnde edictum consulum. Indicere autem, est denuntiare. vnde est versiculus, Edicunt reges, indicit festa sacerdos.

Mando, Præcipio, Iubeo, Impero, Edico, & Indico.

C A P . I X V I I I .

MAndare, est cuius personæ gerendum aliquid, exequendumque committere. vt Quintilianus, Mandata tamen tua fili perago. id est (vt nunc loquimur) commissiones, non autem iussa. Nam deforme alioqui esset, si filius iuberet, imperaretque patri. Præcipere, est tum magistrorū, quod est præcepta tradere: tum magistratuum, & superiorum personarū. Salustius in Catilina, Iudices rerum capitalium, quibus præceptum erat. Idem in Iugurtha, Micipsa pater meus moriens mihi præcepit. Iubere, frequenter idē est quod imperare. vt Quintilianus, Pater me iussit. Et alibi, Nam quanuis infestum latronibus mare iussus intraui. Neque dissimulauerim magnas fuisse causas patri, cur hoc mihi imperaret, quod ipse facere non potuerat. Pro eodem accepit iubere & imperare. Hic tamen annotandū est, quod sicut eleganter dicimus, Impero mihi: vt apud eūdem, Imperauit sibi ne quas admitteret amplius preces: vt etiā Permissi mihi, permisti tibi, permisti sibi: ita nō eleganter dicas, iussi mihi. Præterea quum ita dicamus imperata, vt iussa, huic apponimus verbum exequor, perago, & siquid est simile: illi autē ferè vnū verbum quod est facio, vt apud eūdem, Neque ipse hoc periculum ignoro, expertus non leui documento, quāti steterit mihi, quod semel imperata non feci. In hoc etiā hæc verba differunt, quod impero tibi hanc rem dicimus: Iubeo verò præter hanc cōstructionem, potest habere & illam cuius exemplum modo protuli, Pater me iussit. Est etiam iubere, non plane imperare, sed quasi hortari. vt idem, Spera tu, iube sperare matrem. Cicero etiam frequenter hoc modo loquitur, vt pro Deiotaro, Literis, quas ad me Tarracone misisti, bene sperare iussisti. Cui simile est illud Terē-

In Gladiat.

Permitto
mihi.

Facio impe-
rata.

In Apib. pau.

rii, lubeo te saluere. Virgilius in quinto,
Reddique viro promissa iubebant.

Quam quæso decorum fuisset, vt regi milites ac comites sui imperarent? Edicere, est magistratuū, regūve. Vnde edictū consulum, sunt literæ consulum, quibus aliquid iubent atque imperant. Nam indicere, propriè denuntiare est. vt, Indictū est bellum, indixi bellum fortunæ, indixi bellum voluptatibus, indixit Romulus spectaculum. Liuius, Indici deinde finitimis spectaculū iubet. Iterum, Indixit in posterum diem, vt adessent. Idē, Indicto iustitio. Iterum, Delectusque & iustitium indictum est.

E P I T O M E.

Introcludo, id est intus claudio. Intercludo, id est impedio, quasi aliquid inter te & quo ires, medium claudio. Intersepio, aliquid inter medium sepio.

Introcludo & Intercludo.

C A P. I X I X.

Introcludo te, id est in interioribus claudio. Intercludo te, iter tuum impedio, & quasi iter cludo. Virgilius,
Intercluit hyems, & terruit auster euntes.

Cicero, Qui iter Pœnorum cadaueribus corporum suorū intercludendum putauerunt. Qua ratione etiam dicimus intersepio. Quintilianus, His textis ne vniuersi mellis pondus effluat, intersepta onera claudūtur. Quasi circumsepta, vel qua effluere mella poterant septa.

E P I T O M E.

Ex sententia, est quasi ad votum. Sed ex sententia, videtur esse rationis: ad votū, affectus.

Ex sententia & ad votum habere.

C A P. I X X.

Ex sententia aliquid habere, & ad votum, licet illud videatur rationis esse, hoc affectus, eodem tamen ferè significationis veniūt. vt Quintilianus, Habēsne vxorem ex animi tui sententia? Et alibi, Et ad omne votū fluente fortuna lasciuit otium.

E P I T O M E.

Iter facere, est ingredi viam, hoc est ire. Viam facere, est vbi nō erat via, aut trāsitus, hunc aut hanc aperire. Munire viam, est eam purgare, reficere, aut substernere interdum lapidibus. Et sicut viam munire, quando eam purgamus & reficimus, dicimur: ita & ripam, ac alueum, ac aditum munire, pro eo quod est reficere ac reparare. Iter habere, est aliquem aliquo esse iter facturum, seu debere ire.

Facere iter vel viam, & Iter habere.

C A P. I X X I.

Iter facere, viam facere, viā munire. Item Iter facere, & iter habere differunt. Iter facere, est (vt imperiti loquuntur) itinerare, & (vt periti) ingredi iter aut viam. vt Cicero de Senectute, Masinissam quum pedibus iter ingressus est, in equum non ascendere: quum in equo, ex equo non descendere. Idem libro primo Officiorum, Tempus à natura ad eligendum, quam quisque viam viuendi sit ingressurus, datū est. Viam facere pro-

Libro 5.
cap. 14.

Munire viā.

Cap. 1.

Munire aditū

prie est, vbi non erat via, viam & transitū aperire. Quintilianus, Feratur igitur non semitis, sed campis: non vti fontes angustis fistulis colliguntur, sed vt latissimi amnes totis vallibus fluat, ac sibi viam (si quando non acceperit) faciat. Quod non probè dixeris muniat. Est enim munire viam, repurgare, reficere ac substruere, interdum lapidibus, quales sunt viæ Romanæ à plerisque portis in multorū dierum iter silicibus strata. Cicero pro Milone, Perinde quasi Appius ille Cæcus viā munierit, nō qua populus vteretur, sed vbi impune sui posterī latrocinarentur. Et per translationem de corporalibus ad incorporalia. Quintilianus lib. tertio, Propterea quòd plurimi authores, quanuis eodem tenderent, diuersas tamen vias munierunt, atque in suam quisque induxit sequentes. Dicimus etiā vt viam, ita ripam munire, alucū munire, aditum munire, quū illa reficimus vel reparamus. Cicero etiam aditum munire, pro viam munire dixit pro Cluentio, Aditū sibi aliis sceleribus antè munivit. Iter habere, est iter aliquem esse facturum. Cicero, Habebat iter ad Hiadrū regem, pro Flacco. Et ad fratrem, Et quòd ille in Sardiniam iter habebat.

EPITOME.

Proponere & ostendere præmiū ac spē & metū, siquid differūt, hoc est: proponit qui potestatem ac imperiū habet. ostēdit verò, qui tantū adhortatur, atque cōsiliū dat.

Propono & ostendo cum aliis verbis. CAP. LXXXII.

Propono præmiū, propono metum, ostendo spem, ostendo metum, ferè in eadem significatione, hoc est, hinc hortor, illinc deterreo. nisi quòd Proponere est potius potestatem imperiūque habentis: Ostendere verò, cōsiliū dantis. Cicero, Quis est qui proposito tanto præmio non excitetur? Idem, Propositis mortis & exilii minis. Item, Spem metūque ostendere. Atque iterum, Magnum huic vrbi periculum ostenditur.

Pacificatus, Pacatus, & Placatus sum. CAP. LXXXIII.

Pacificatus sum, pacem feci: Pacatus sum, in pace sum, vel ab armis recessi: Placatus sum, ab indignatione animi lenitatem redii, vel animo leni sum.

EPITOME.

Parem esse, significat sufficere alicui operi siue resistendo illi, siue exequēdo. Par quoque, interdum idem est quod decens aut æquum. Paria facere, est quod aliibi amissum est, vel quod aliunde acceptum, alibi vel aliunde compensare.

Parem esse, & Paria facere. CAP. LXXXIII.

Parem esse, idem est quod sufficere alicui operi, siue resistendo illi, siue exequēdo. Cicero ad Atticum lib. II, Tum interpellat fletus, repugno quoad possum. Sed adhuc pares nō sumus. Quintilianus in Geminis languentibus, Nunc infœlix, par

non est dolori, nunc non inuenit vlla solatia, ex quo sibi videtur filium perdidisse victurū. Idem, Non fallit nos nefande quid ca- In Infami in
ptes, hoc quod supra silentiū trahis alta suspiria, quod in prorum matrem.
penti videris exclamatione deficere, mēdacio paratur authoritas,
& in fidē erupturæ vocis affertur, vt fateri videaris inuitus. dic ta-
men, Par est huic rei matris integritas, vt mentiaris. Lucanus,
Hunc habuisse pares Phœbeis ignibus vndas.

Et hoc in resistendo. In exequendo autem, Idem Quintilianus,
Aspicio par laboribus corpus. Nonnunquā par idē est quod de- Par.
cēs. vt idē, Si propter matrimonia violata vrbes euersæ sunt, quid
fieri adultero par est? Paria facere, est quod alibi amissum est, vel
quod aliunde acceptū, alibi, vel aliūde cōpensare. Idē Quintilia-
nus, Paria tecū facio respublica, quæ propter me, vnū ciuem per-
dideras. Et alibi, Sic paria faciemus: tu illic eris vicarius meus. Pli-
nius auūculus, Nascuntur & alio modo terræ, ac repente aliquo
mari emergūt, velut paria secū faciente natura, quæque hauserit
hiatus aliquo loco reddente. Plinius Iunior ad Priscum libro 13,
Habuerunt officia mea in secundis, habuerunt in aduersis. Ego
solatium relegatarum, ego vltor reuersarū, non feci tamen pa-
ria: atque eò magis hanc cupio seruari, vt mihi soluēdi tempora
superfint. Seneca, Vt statim tibi soluam quod debeo, & quātum
ad hanc epistolam paria faciamus.

Solicito.

CAP. LXXV.

Sollicito te, vel quod spem, metumve tibi ostēdo, vt Solicitare
plebem: vel inquieto, & tibi curam iniūcio.

E P I T O M E.

Gratum facere, est quasi obsequi & inseruire. Gratificari, est quasi beneficiū con-
ferre. Itaque minus est gratum facere, quā gratificari: cum dii gratificari dicantur,
non gratum facere hominibus.

Gratum facio & Gratificor.

CAP. LXXVI.

Gratum facio & Gratificor (siquid differunt) ita differunt,
quanquā utrūque est ex gratū & facio, non tamen vtrun-
que cōpositum. Differunt autē ita, quod gratum facere, est
quiddam minus, & propè idem quod obsequi & inseruire. vt Ci-
cero, Si hunc iuueris, gratissimū mihi feceris. Gratificari, quiddā
maius. Vnde Deum gratificari hominibus dicimus, non autem
gratum facere, quasi idem sit quod beneficia conferre.

E P I T O M E.

Deduco & Reduco, præter generalem significationem, specialiter significant ali-
cui præstare comitatum, ex officio ferè parium. Comitari verò, minorum erga ma-
iores. Deduco autem, & Reduco, certum spectant locum. Affectari verò, est comita-
tum præstare per totam ferè urbem.

Deduco, Reduco, Comitari, & Affectari. C A P. L X X V I I.

D Educo & Reduco generalem habent significationem, sed in hoc specialē, quoties alicui officii gratia præstamus comitatum. vt, Deduxi Catonem in senatū, eūque vt domum reducam hīc expecto. Sed proprie, hoc est inter homines non multū dignitate & autoritate distantes. Comitari verò minorum potius erga maiores. Cæterum deducere & reducere, est quasi ad certum locum. Affectari verò, quasi comitatum præstare, non tantū in itinere, aut nauigatione, aut militia, sed ferè per urbem. vt Cicero de Oratore libro secundo, Quum ædilitatem Crassus peteret, eūque maior natu & consularis Sergius Galba affectaretur, quòd Crassi filiam Cn. filio suo despondisset.

E P I T O M E.

Satiare, ad omnes sensus attinet: transferturque ad animum. Saturare, ad solum gustum.

Satio & Saturo. C A P. L X X V I I I.

S Atiare, ad omnes sensus attinet: Saturare, ad vnum gustum. Nam figurate locutus est Cicero, Iracundiam meam satura tuo sanguine. quasi sitim meam satura. Satiare frequenter ad animum transfertur.

E P I T O M E.

Incedere, est ambulare, sed ferè sublimiter, & cum fastu: licet incessus sit qualiscūque, siue tardus, siue festinus, siue cōmotus, siue incompōsitus, immoderatūque.

Incedo & Ambulo. C A P. L X X I X.

I Ncedere, est ambulare. inde Incessus, siue tardus, siue festinus, siue cōmotus & incompōsitus, immoderatūque. Proprie tamen sublimior quidā, & fastū præ se ferēs. Virgilius, Regina ad templum magna stipante cæterua Incessit. Et iterum, Et vera incessu patuit dea. Quod Seneca quodam loco declarat, Tenero ac molli passu suspendimus gradum, nec ambulamus, sed incedimus.

E P I T O M E.

Aduersor tibi, quid sit, notum est. Auerfor autem te, est te cum auersione vultus detestor.

Aduersor & Auerfor. C A P. L X X X.

A Duerfor tibi, & Auerfor te. De primo nihil dubii est. secundū sumit significationē à gestu, quoties ab aliqua re quā detestamur, vultū auertimus. Quintilianus in vndecimo, Aspectus enim eodē semper vertitur, quò gestus, exceptis quæ aut damnare, aut non concedere, aut à nobis remouere oportebit, vt idē illud videamur vultu auersari, manu repellere. Maro, Dii talem terris auertite pestem.

In Deuteronomio, & aliis pluribus locis est, Gētes quas Dominus auersatur, id est detestatur, atq; abominatur, & à quibus præ odio vultum auertit. Multi tamen indocti scribunt, leguntque, aduersatur Dominus.

EPI TOME.

Leuo, id est alleuo, & laborē modestiāque extenuo. nota autē significatio est, sursum tollo, quod dicūt exalto. Subleuo, id est auxiliū defensionēmq; præsto, aut alleuo. Alleuo autē, id est de imo, sursum tollo, aut de miseria crigo. Eleuo, extenuo, & imminuo: nec se aliter legisse meminit author. Propria tamen significatio est erigere, & quasi è tenebris sursum tollere. At quia in trutina quod erigitur, minus valere cēsetur: ideo per trāslationē, eleuare est imminuere æstimationē & pretium rei. vnde recte Persius, -nec siquid turbida Roma Eleuet, accedas, examēnq; improbiū in illa Castiges trutina. Cæterū aliter quoque acceptū attestatur Mancinellus, dicens sic, Eleuo item, significat in altū tollo. Plautus, Cape dum lapidem hūc, atque eleua.

Mancinellus.

De Leuo & compositis.

CAP. LXXXI.

Leuo, est alleuo, & molestiā, laborēque extenuo. Nam pro illo significato quod est sustollo, notū est. vt Liuius lib. 21, Mox aqua leuatur vëto, quū super gelida mōtiū cacumina concreta esset. Subleuo, auxiliū defensionēque præsto. Cicero, Zopyrus, qui se naturā cuiusque ex forma prospicere profitebatur, derisus à cæteris est, qui illa in Socrate vitia nō agnoscerent, ab ipso autē Socrate subleuatus, quū illa sibi signa ratione à se deuicta diceret. Alleuo, in altū tollo, vel de imo, & vbi quid iacet, atque proiectū est, sursum tollo. Quintilianus, Vidi multos, quorū supercilia ad singulos vocis conatus alleuarētur. Idē, Homini in aquā lapsō, atque vt alleuaretur oranti. Inde per translationē ad qualitātē fortunæ. vt idē, Quare nō petit vt illū miserū putetis, nisi & innocēs fuerit. Nō petit vt afflictū alleuetis, nisi & probauerit sese infœliciores, quod patrē amisit, quā quod oculos. Etiam nonnunquam subleuo pro alleuo. vt apud Suetonium de Vespasiani vita, Dūmq; surgit ac nititur, inter manus subleuatium extinctus est. Eleuo, imminuo, & extenuo. vt idē Quintilianus, Nam quis ignorat, quin id lōge sit honestissimū, ac liberalibus disciplinis, & illo quē exigimus animo dignissimū, nō vëdere operam, nec eleuare tanti beneficii auctoritatem, quū pleraque hoc ipso possint videri vilia, quod pretium habēt? Nusquā memini in alium sensum reperisse me. Nām Hieronymus testatur quodā loco Esaiæ, Eleuatū est super limina templi: debuisse transferri sublatum est. sed ad tollēdam ambiguitatem (ne quis putaret sensum esse talem, qualis est, sublatum est mihi pallium) ad aliud verbum recursū fuisse. Proprium tamen erat, sublatū, vt idem Quintilianus, Tunc te fas est sublatīs ad cælū manibus proclamare, Mathematicæ, mentitus es.

Subleuo.

Alleuo.

In pariete pal-
mato.

Eleuo.

In Mathema-
tico.

E P I T O M E.

Perpendo, id est exacte pondero & examino, non autem intelligo aut percipio. Expendo quoque pro perpendo ferè accipitur. Appendo, id est suspèdo, aut adlancem stateramve pondero. Impendo, id est impertior. Sed impendeo, est super caput iamiam casurus pendeo. Ab utroque fit participiū impendens, sed diuersæ significationis. Impendere penultima longa, potest scribi cū apice sic, impendère.

Perpendo, Expendo, Appendo, Impendo, & Impendeo.

C A P. L X X X I I.

Perpendere, est exacte ponderare atque examinare: non autè (vt aliqui volunt) intelligere, atque animaduertere. Cicero, Quid in amicitia fieri oportet, quæ tota virtute perpèditur? Expèdere, eiusdè ferè significationis est. Idè in Verrè 5, Deinde hæc expèdite, atq; æstimate. Idè Officiorū 1, Quæ contèplantes expèdere oportebit, quid quisque habeat sui, eadèmq; moderari, nec velle experiri, q̃ se aliena deceant. Appendere, est tū suspendere, vt notū est, vt appendi vuas: tū ad lancè, stateramve pōderare. Idè in Antoniū, Vt iā appèdatur pecunia, nō numeretur. Et in proœmio orationū AEschinis ac Demosthenis à se translatarū figurate ad incorporea transtulit, Ea putauit non annumerari lectori debere, sed tãquā appèdere. Impèdo habet participiū præsentis tale, quale est ab impèdeo, vt admoniti simus cauendū esse, ne ista nos fallat ambiguitas. Quale est apud eundè de Senectute, Mortem igitur impèdentē omnibus horis timens, quis possit animo consistere? Hoc participiū est ab impèdeo, nō ab impèdo. Est autè impèdere supra caput iamiam casurū pèdere. vt Nubes impendèt. Et gladius ille equina seta appèsus supra Dionysii cōiuiæ caput imminēs impendebat. Impendère, ab impendère, apice distinguèdum est.

Apices in scribèdo exigit Valla.

E P I T O M E.

Rapere res aliquas, est eas violèter & celeriter auferre. At rapere personā, est eam, aut sicut alias res, auferre, aut vitare, potissimū virginē. Eripere autè cū datiuo & accusatiuo, est quasi è manibus alicui sua rapere, nō tamè semper ad vsum rapientis: itaq; in malū ferè accipitur. Sed cū accusatiuo & ablatiuo mediāte de, vel à, vel ab, vel abs, plerūq; in bonū, vt Eripuisti me ab hoste: sed interdū quoq; in malū, vt Eripuisti à me filiā. Præripere autè, nō regit sic ablatiuū: sed qui præripit, semper in vsum rapit: non tamen præ, illic antecessiōnē temporis semper declarat. interdum tamen est ante rapere, sed potius in passiuo: vt Præreptus morte, quasi præuentus.

Rapio, Eripio & Præripio.

C A P. L X X X I I I.

Rapere manifestam significationē habet, quū de aliis rebus loquimur: Quū verò de personis, duobus in modis accipitur. Vno, qui ad res quoque pertinet, vt apud Virgilium,

Quid faceret? quò se rapta bis coniuge ferret?

Rapta dixit pro ablata. Et alibi,

Raptas sine more Sabinas.

Altero, pro eo quod est vim afferre, siue vitiare, vel si non asportet, nec foeminā loco deducat. quod proprie de virginibus, quæ vitiatae sunt dicitur. vt apud Senecam, qui eandē legem nō eisdē verbis repetit, quodā loco sic retulit, Rapta raptoris, aut mortem, aut indotatas nuptias optet. Alio loco sic, Vitiata vitiatoris, aut mortem, aut indotatas nuptias optet. Ab hoc verbo duo composita sunt, Eripio & præripio, quorum primum quoties habet cū accusatiuo datiuum, ferè in malam partem accipitur. vt Eripuisti mihi omnes bene viuēdi facultates. Quoties verò ablatiuum cū præpositione à vel ab siue abs, plerunque in bonam: vt, Eripuisti me à periculo. interdū in malam: vt, Eripuisti à me filiam. Quod verbum ita differt à præripio (præterquam quod nunquam hoc postulat talem ablatiuū) quod qui alteri aliquid eripit, potest id non in suos vsus eripere. vt, Eripuit illi vitā. Qui verò præripit, in suos proprios vsus rapit. neque præpositio illa antecessionem tēporis declarat. Cicero pro Gallo, Demosthenes tibi præripuit, ne esses primus orator: tu illi, ne solus. Non hoc intelligit Cicero, quod Demosthenes huic aut aliquid eripuerit (vt qui auferre nihil posset nondum nato) aut priorē se fecerit. Non enim Demosthenes primus oratorū antiquitate tēporis dicitur, sed facultate: neque hūc solus Demosthenes ætate antecessit, eò quidē magis, quod hic ipse æqualis Ciceroni nō potuisset inuicē antiquissimo illi aliquid auferre. Ergo ille præripuit tibi, id est rapuit sibi istā dignitatē, vt summus orator esse videatur, futurus etiā solus, nisi tu partē in te illius laudis trāstulisses, essēsque tu dignus nomine oratoris, quāuis non æquādus Demostheni, quo nomine adhuc post illum præter te dignū vidimus neminem. Nōnunquā hoc verbum significat antē capere, sed magis in passiuo. vt, Immatúra morte præreptus nō potuit præstare qualem promiserat regē. Sunt autem hæc verba Plinii Iunioris de viris illustribus, quasi dixisset, Immatúra morte præuentus.

Eripio.

Præripio.

E P I T O M E.

Titubare, est pedibus nō valentis insistere, præ senio, ebrietate, aut infirmitate se huc illucque motare, transferturque ad animū, & ad linguā, ac dentes. Nutare, est proprie male solidatæ molis, ruinam minātis ac vertice trementis, seu hominis caput agitantis, aut animo titubantis. Vacillare, est alterno motu inconstantem esse, quo modo & naues vacuæ vacillant. & per translationem literæ nō recte scriptæ, vacillantes dictæ sunt à Cicerone, & à Iureconsultis, testis non satis constans, vacillans. Transfertur enim ad animum quoque,

Titubo, Nuto, ac Vacillo.

CAP. LXXXIII.

Titubare, est pedibus nō valentis insistere, quales sunt ebrii, aut infirmi, aut vulnerati, aut decrepiti senes. vt apud Quin

In passu cadauerum.

B.ii.

Nutare.

Vacillare.

tilianum, At nō tua culpa fames cœpit, sed vulneratū iugulasti, titubantem strauisti, fumantem incendiasti. Transfertur etiam ad animum, vt apud eundem, Neque vlla vnquam tanta fuerit dicendi facultas, quæ nō titubet, aut hæreat, quoties ab animo verba dissentiant. Titubare quoque lingua, & dentes dicuntur. Hinc linguæ & oris titubantia. Nutare, est proprie alicuius male solidatæ molis ruinā minantis. De animo quoque dubitante & nesciente quò se potissimum conferat, nutare dicitur. Vacillare, est alterno motu inconstantem esse. vt Idem, Est & illa indecora in dextrum & sinistrum latus vacillatio, alternis pedibus insistentiū. Cicero, Quum ex eo in vtranque partem toto corpore vacillante quæsiuit. Vnde & naues vtique vacuæ vacillant. Et idem Cicero de quodam præ infirma valetudine non recte scribente, inquit, Vacillantibus literulis. Ad animum quoque trāsferimus, vt apud iurisconsultos, de fide testis vacillante, qui inconstātia & diuersa testimonia dixerit.

E P I T O M E.

Mancinellus.

Vacare, cum datiuo est operam dare: cum ablatiuo, vacuum esse & carere. Sed vacamus omnibus quæ non habemus. Caremus proprie, quibus egemus. nec caret qui non sentit. Deest verò, quicquid deest. Vacat autem impersonale, aut vacuum & non occupatum esse significat, aut inane & superfluum, aut placitum & libitum. Iuuenalis, Si vacat, & placidi rationem admittitis, edam. Virgilius, Et vacet annales nostrorum audire laborum. id est si vacuum sit tempus. Quod AENEAS tunc non fuisse innuit AENEIDOS primo, vbi ea verba sic scribuntur, O dea, si prima repetens ab origine pergam, Et vacet annales nostrorum audire laborum. id est, si vacuum & placitum sit. Errauit ergo in hoc author noster, quòd putauit ea verba secundo AENEIDOS sic haberi, Sed si tantus amor, casus cognoscere nostros, Et vacat, &c. cum illic subsequatur, Et breuiter Troiæ supremum audire laborem. Mancinellus quoque nō nihil in ipsum annotauit, dicens, Marcus Tullius libro primo Tusculanarum, ita scribit, Carere igitur hoc, significat egere eo quod habere velis: inest enim velle in carento &c. postea subiicit, Dicitur etiam alio modo carere, quum aliquid non habeas, & non habere te sentias, etiam si id facile patiari, &c. subsequitur inde, Carere enim, sentientis est. nec sensus in mortuo: nec carere quidē igitur in mortuo est. Præterea carere, de omnibus ferè, non solum de illis quibus indiges, dicitur. hinc Plinius libro vicesimo octauo, cap. primo, de capra loquens ait, Quod equidem miror, quum febri negetur carere. Et Ouidius libro decimo quinto Metamorphoseos, Morte caret animæ. Horatius item libro secundo Carminum, Quæ caret ora cruore nostro. Tu verò lector attende vltius, errare illos qui volunt careo habere significatum quod habet desum. Duo enim careo significat, vt per Ciceronis verba patuit: egeo scilicet, & non habeo: nec idem est desum & non habeo, vt ignari quidam esse contēdunt. Hinc careo, sentientis est. Aliud igitur est, careo denariis, id est egeo denariis, siue nō habeo denarios. Aliud desum, quo ita vtimur, Desunt mihi denarii.

Vaco, Vacat, & Careo. C A P. L X X X V.

VAcas sapientiæ, das operam sapientiæ: Vacas sapientia, Cares sapientia. Quanquam carere proprie, est vacare quibus indiges. quod significauit Cicero, quū inquit, Satiatis verò

& expletis iucundius est carere quàm frui. Quanquam non caret is, qui non desyderat. Improprie tamen dicimus, Cares culpa, cares periculo, cares damno. Cum nomine tamen significante actionem quandam siue qualitatem, adiungimus à præpositione: vt Vacas à labore, vacas à componendo, vacas ab agricultura, vacas ab omni molestia. Similiter per nomen, Vacuus sum ab omni occupatione, atque ab omni solitudine. Hoc autem verbum quum est impersonale, quæri potest quid significet. Quintilianus inquit, Nō, imò oderit reum verba aucupantem, & anxium de fama ingenii, & cui diserto esse vacet. Hic videtur Vacet accipi pro eo quod est, curæ sit. Idem alibi, Tunc inchoare hæc studia vel non vacabit, vel non libebit. Hic videtur esse pro eo quod est, tempus vacuum erit. Nam libebit, idem est quod curæ erit. Et ne quis auderet immutare licebit pro libebit: Plinius Iunior (quanquā infinita sunt huiusmodi exēpla) querēs quod nō posset operā dare admirādo cuidam philosopho, ita ad amicum scribit, Quò magiste, cui vacat, hortor, quū in urbē proxime venies (venies autē ob hoc maturius) illi te expoliendū limandūque permittas. Quid igitur duas has significationes huic tribuimus verbo, quū præter id, quòd ambiguū erit utrū potius significetur, superuacuū videatur dicere, vel non vacabit, vel nō libebit, satis sit dicere, non vacabit, quo videbuntur fortassis illa duo significari: Quare exponamus, vt cæteros locos, ita & illum, cui esse diserto vacet: vacet, vacuū est, hoc est, vacuū tēpus est: vel si vis, cui est vacuus animus. quod significauit Virgilius quū inquit, Sed si tantus amor casus cognoscere nostros.

Hoc quantum ad voluntatem, quòd est si libet. Deinde quātum ad facultatem temporis, vel vacuitatem animi, Et vacet annales nostrorum audire laborum. Dixerat enim, - & iam nox humida cælo

Præcipitat, suadentque cadentia sydera somnos.

Quasi non videretur tempus illud tantam narrationem pati, aut ipsa Dido eo tēpore æquo animo posse audire, quod audire cupiebat.

E P I T O M E.

Consciscere, ferè ad mortem pertinet, vt sit concitare & inferre sibi mortem. Asciscere, est remotum aliquid, quasi scite vocatū, capere. Desciscere, est se ab imperio ductūque alterius quasi per defectionem subtrahere.

De Conscisco, Ascisco, Descisco.

C A P. I X X X V I.

Consciscere, ferè ad mortem pertinet. Plerūque enim sic legimus, Mortem sibi ipse consciuit, mortē tibi ipse cōsciscis, mortem mihi ipse consciscam, cogā te ad mortem tibi per

B.iii.

teipsum consciscendam. Asciscere, est remotū aliquid, quasi scire vocatum, capere. Cicero de Oratore, Expertes esse prudētiā, quā sibi asciverūt. Idem in Oratore, Itaque Caria & Phrygia & Myſia, quod minimē politæ minimēque elegantes sunt, asciverunt aptum ſuis auribus opimum quoddam & tanquam adipale dictionis genus. Deſciſcere, est ab imperio ſe, ductūque alterius ſubtrahere. vt milites à duce, populi à domino, diſcipuli ab opinione magiſtri quam prius ſequebantur, præſertim ad alterius vel imperium, vel ſententiam ſe tranſſerentes.

E P I T O M E.

Aſſeuerare, est inter ipſa argumenta admiſcere vim animi motūmq;e. Quādo videlicet fiduciam præferentes, audacter aut exclamamus, aut minaciter interrogamus, aut ſimile quid in approbationem facimus.

Aſſeuerō.

C A P. L X X X V I I.

Aſſeuerare est inter ipſa argumēta, probationēſq; admiſcere vim animi, motūmq;e. quod declarat Quintilianus, quū inquit, Altera ex aſſeueratione probatio est, Ego hoc feci, tu hoc mihi dixiſti, & ô facinus indignū. Et alibi, Quū præſertim quorundam probatio ſola ſit in aſſeueratione & perfeuerantia.

E P I T O M E.

Exhibere & facere aut faceſſere alicui negotium, est ipſum moleſtia ac labore afficere, & vt plurimum per accusationem. cuius cauſa videtur, quod negotium apud Ciceronem ſæpe laborem ſignificat.

Exhibeo, Facio vel faceſſo negotium. C A P. L X X X V I I.

Exhibere illi negotiū, Facere vel faceſſere negotiū, est alterū moleſtia ac labore afficere, frequēter quidē per accusationē. vt Cicero Offic. 3, Criminabatur etiā quod Titum filiū, qui poſtea Torquatus est appellatus, ab hominibus relegaſſet, & ruri habitare iuſſiſſet. Quod quum audiſſet adoleſcens, negotium videlicet exhiberi patri. hoc est, patrem accuſari, vel moleſtia, laborēque affici. Nam negotium, ſæpe pro labore, apud hūc præſertim, legimus: vt, Quid negotii est iſta poëtarum portenta cōvincere? quid operis? quæ exempla paſſim reperiuntur. Idem de natura deorum, Diī nec habent negotiū ipſi, nec alteri exhibent. Quintilianus libro quinto, Vt vulneratus, aut filio orbatus non fuerit alium accuſaturus, quando ſi negotium innocenti facit, liberet eum noxa qui admiſerit. id est, ſi innocentem reum facit. Cicero ad Appium, Quum est ad nos allatum de temeritate eorum, qui tibi negotium faceſſerent. id est accuſarent, inſectarentur, ad pœnam vocarent.

E P I T O M E.

Deturbare, est deorſum cum violentia deiicere. Exturbare, est violententer eiicere à loco. Diſturbare, diſſipando diruendūque diſſicere.

Negotium.

Deturbo, Exturbo, & Disturbo. CAP. LXXXIX.

Deturbare, est deorsum cum violentia deiicere. Virgilius, Puppi deturbat ab alta.

Exturbare, è loco eundem in modũ deiicere. Disturbare, dissipando diruendoque dissicere. Quintilianus, Nõ enim discus-
sos alicuius operis angulos, aut disturbatos parietes obiicimus.
Cicero, Vt dicere in hoc ordine auderet, se publicis operis distur-
baturum publice ex senatus sententia ædificatam domum.

E P I T O M E.

Admouere, est cum motu apponere. Amouere, remouere. Aduertere, ad aliquid conuertere. Auertere, alicunde alio cõuertere. Aduersus, dicitur oppositus obiecto pectore. Auersus, terga ostendens.

De Admoueo & Amoueo, Aduerto & Auerto, Aduersus & Auersus. CAP. XC.

Admoueo manum, appono manum: Amoueo manum, remoueo manum. Aduerto oculos, mentemve: aliquò oculos, mentemve cõuerto. Auerto oculos, aut mentem: ali-
cunde cõuerto oculos, aut mentem. Aduersus, oppositus, opposito pectore atq; obiecto. Auersus, terga ostẽdens. vnde illud Tullia-
num aliquanto obscœnius, sed ad rem declarandam pertinens,
Et aduersus & auersus impudicus es.

E P I T O M E.

Consternere, est corpus sternendo conturbare. Consternari, animo turbari. vnde ferẽ consternatus animo dicitur.

Consternere & Consternari. CAP. XC I.

Consternere, est corporis: Consternari autem, animi, quum mens turbata est, & de statu mota, & quasi humi strata. I-
deoque sæpe coniungi animum videmus, vt consternatus animo. Sallustius tamen primo historiarum inquit, Equi sine re-
ctoribus exterriti aut saucii consternantur. quũ sit vsitatus con-
sternuntur.

E P I T O M E.

Placere sibi, est superbire dote aliqua aut bono quo confidit, cum inferiorum cõ-
temptu. idẽmque quasi est, admirari se. Sed non placere sibi, aut displicere sibi, ma-
nifestæ sunt significationis, sicut admirari aut mirari aliquid præter se, quod laudi
dari solet. Nam mirari, quasi pro imitari dicitur. vnde Lucanus, Miratorque Ca-
tonis. Sicut autem dicitur quis placere sibi, aut mirari se: ita ego placere mihi & mi-
rari me, & tu tibi ac te, & ita in consimilibus.

Non placeo, Displiceo, & Placeo mihi. CAP. XC II.

Non placeo mihi, & Displiceo mihi, ab illo placeo mihi di-
uersæ significationis sunt præter negationẽ. Nã ea prima
aperti intellectus sunt, vt de Oratore Cicero, Nũquã mihi
minusq; hesterno die placui. Et in Philippicis, Quũmq; de via lã
B.iiii.

Mirari se.

guerem, & mihi met displicerē. Tertiū est idē quod superbio dote aliqua, bonōve quod mihi adsit, & gloriōr, & mihi eo nomine cōfido, plerūq; cū inferiorum contēptu. Quintilianus, Placeas licet tibi, opū tuarū fiducia diues, si mihi idē inuidere nō expedit, pares sumus. Penē in hunc sensum accipitur mirari se. Nā id efficere in alterū laudabile est. vnde apud eundē de Socrate dicitur, Nam ideo dictus est εἰς αὐτὸν, id est agens imperitū, & admirator aliorum tanquam sapiētum. de seipso, crebrius in vitium est. Idem, Quòd se silentio parricida miraretur. Martialis Valerius, Ipse ego, quid dixi, quid dentem dente iuuabit

Rodere? carne opus est, si satur esse velis.

Ne perdas operam: qui se mirantur, in illos

Virus habet: nos hæc nouimus esse nihil.

Se mirantur dixit, quasi sibi placent, vel de se magnificè sentiūt.

E P I T O M E.

Moror te, & maneo te, vulgus exponit per expecto, sed id fit magis apud poetas. Nam oratores, Moror te, pro retineo te, aut detineo te, dicunt. Maneo autem, cum accusatio, pro eo quod est futurum est, cum datiuo.

Moror te, & Maneo te. C A P. X C I I I.

Moror te.

In Mathematico.

Moror te, & Maneo te, à quibusdam exponūtur pro expecto: sed mea tamen sententia, magis poetice, q̃ oratorie. Virgilius, Et tua progenies mortalia demoror arma. Terentius, Quē hīc manes? Oratores potius accipiūt, Moror te, pro retineo te, & in mora teneo. Ideoque hæc duo verba sæpe iūguntur, vt apud Quintilianum, Quid me pater adhuc detines? quid moraris abeuntem? Maneo pro eo quod est, futurum est, vt ipse accipio, apud ipsos interdum etiā poetas. Virgilius, Te quoque magna manent regnis penetralia nostris. Id est, tibi futura sunt. Cicero, Cuius te fatum, sicut Curionē manet. hoc est, cuius fatum tibi futurum est, sicut fuit Curioni.

E P I T O M E.

Conflare ac Contrahere æs alienum, est fieri debitorem. Dissoluere æs alienum, est contractum restituere pluribus.

Conflaui, Contraxi, & Dissolui æs alienū. C A P. X C I I I I.

Conflaui æs alienū, & Contraxi æs alienū, idē est quod factus sū debitor alienæ pecuniæ. Dissoluo æs alienū, idē est quod contraxerā æris alieni, restituo, ac pluribus soluo: vel quasi catena, qua ligabar, me soluēda pecunia dissoluo. Quintilianus, Non ego æs alienū luxuria contraxi. Cicero, Patri persuasi vt æs alienum filii dissolueret. Quibus exemplis plena sunt omnia.

E P I T O M E.

Migrare, est domiciliū mutare, & aliò se ad habitandum conferre, relicta priorē habitatione. cui simile significāt cōposita, Emigro, demigro, cōmigro, salua tamen

significatione præpositionis. Vnde remigrare, est in pristinum domicilium. Transmigrare autem, in longioris loci domicilium habitationem mutare. Immigrare vero, in domum aliquam habitandi gratia ire. Quocirca morientes, migrare dicuntur: sed apud doctos cum appositione huiusmodi aut similis clausulæ, è vita, ex hac vita, ex hoc mûdo, aut ad inferos, aut ad superos, ad infernas sedes. Milites autem, non migrare, sed discedere dicuntur. Decedere, licet accipiatur nonnunquam pro discedere, aut recedere: tamen propriè est à mandato custodiæ suæ loco recedere. quem quia morientes derelinquunt, ideo dicuntur decedere: sed si nihil addatur, intelligitur vita. Excedo autem vult vt exprimatur particula vita, aut è vita.

Migro, Decedo, Discedo, & Recedo. CAP. XC V.

Migro decedoque, sic à discedo recedoque differunt, quòd migrare, est domiciliũ mutare, & aliò se ad habitandum cõferre, relicta priore habitatione. Et est apud iuriscõsultos titulus De migrãdo. Similia huic sunt, emigrare, demigrare, commigrare. Remigrare autem, reuerti in pristinũ domicilium. Transmigrare, est in longinquioris loci domicilium, habitationemve migrare. Immigrare, in domum aliquam habitandi gratia ire. Ea propter homines qui moriuntur, migrare dicuntur. Sed rectius cum apposito, quàm sine apposito, vt multi faciunt, nescientes Ciceronem cum apposito solere loqui. vt de Republica libro sexto, Antequam ex hac vita migro, cõspicio in meo regno, & his tectis P. Cornelium Scipionem. Et Quintilianus in corpore proiecto, Seu quum ad infernas sedes anima migravit. Etenim qui moriuntur, tanquam domiciliũ corporis relinquentes, aliò ad habitandum duntaxat anima, se transferunt. Contráque nequaquam milites quũ castra mouent, aut de statione munitionibusve decedũt, migrare dicuntur, vtpote vbi domicilium non habuerunt, nec in domicilium se cõferunt. Decedere quamquam accipiatur nonnunquam pro eo quod est discedere, aut recedere, tamen propriè est à mandato custodiæ suæ loco recedere. Vnde cõsules, proconsules, præfides, prætores dicuntur ex provincia decedere. Item præsidia de vrbibus atque castellis. Sine appositione intelligitur pro mori, quasi à custodia & gubernatione corporis proficisci. Cicero de Senectute, Vetátque Pythagoras sine iussu imperatoris, id est dei, de præsidio & statione vitæ decedere. Idem de Republica, Ideoque & tibi Publi, & cæteris omnibus retinendus est animus in custodia corporis, nec iniussu eius à quo ille est vobis datus, ex hominum vita migrandum est, ne munus humanum assignatum vobis à Deo defugisse videamini. Eo igitur modo dicitur Decessit, quo dicitur Defúctus, vt subintelligatur vita. At in Excedo additur vita, non subintelligitur. Idem in Antonium, In ipsa cura & meditatione obeũdi sui munus, excessit è vita.

E P I T O M E.

Precari Deum, aut simile quid, sine datiuo expresseo aut subintellecto, notum est quid sit: sed cum datiuo, est imprecari, hoc est precando deos optare alicui bonam aut malam fortunam: imprecamur tamen, potius malam.

Precor & Imprecor. C A P. X C V I.

In pastu ca-
dauerum.

In prælib. i.

In odii po-
tione 2.

Precari quid significet certum est, quum merū accusatiuum habet: adiuncto autem datiuo, idem est quod imprecari, hoc est optare alicui deos precando, bonam fortunam aut malam. Qui datiuus sæpe subintelligitur. vt apud M. Tullium in *Pisonem*, Vt omnes sui ciues salutem, incolumitatē, reditum precarentur, quod mihi contigit: an quod tibi proficiscenti euenit, vt omnes execrarentur, male precarentur. Et *Quintilianus*, Inde fugientia vela longo visu, profecuti, facilem emptionem, secundos ventos, placidū mare, non secus ac si ipsi nauigaremus, precati sumus. Cum datiuo, Idē, Sed si tantopere efflagitantur, quā tu affirmas, permittamus vela ventis, & oram soluentibus bene precemur. De imprecamur verò, hoc eiusdem sit exemplū, Non imprecamur debilitates, naufragia, morbos: pauper sit, & amet quancunque meretricem, & amare non desinat. Quod trebrius accipitur in malum.

E P I T O M E.

Dices venuste, Habui orationem, non feci. Contrā, Feci sermonem, potius quā habui. nonnunquam tamen & habui.

Habeo orationem, Facio sermonem. C A P. X C V I I.

Habui orationem, non, Feci orationem. Feci sermonem potius, quā habui: nonnunquam etiā habui. *Cicero de Senectute*, Cyrus quidem in eo sermone, quem moriens habuit, quum admodum senex esset, negat se vnquā sensisse senectutem suam imbecilliolem factā, quā in adolescentia fuisset.

E P I T O M E.

Habere, cum infinitiuo & accusatiuo, idem est quod gerundiū nomen eū substantiuo suo & verbo est. Habere autem, cum infinitiuo absoluto, idem quod gerūdiū in dum, cum verbo est & datiuo. Habeo quoque, videtur interdum accipi pro volo. Exempla sunt in litera. vt, Tantum habeo polliceri, id est tantum pollicendum est mihi. Habeo conuenire debitores, id est conueniendi sunt mihi debitores.

Polliceri, Conuenire, & Audire habeo. C A P. X C V I I I.

In Mathemat.

Tantum habeo polliceri, inquit *Cicero ad Lentulum*. Idem in *Catone Maiore*, Neque eos solum cōuenire habeo quos vidi, sed etiam quos audiui & legi. Idem de *Oratore*, Audire habeo quid hic sentiat. Quod (vt ipse interpretor) idem est quod pollicendum, conueniendum, audiendum est mihi. Quod probatur ex illo, licet diuerso loquendi modo, qualis apud *Quintilianū*, Ad eō ludibriis miseræ sum diuersitatis vel necessitatis iim-

plicitus, vt impetrandum à vobis habeam odii mei fauorem . id est , vt impetrandus mihi sit à vobis odii mei fauor . Quod licet commutari in superiorem modum, sic, vt impetrare habeam odii mei fauorem . sicut contra illum in hunc, sic, Tantum habeo pollicendum, neque eos solum conueniēdos habeo . Audiendam habeo huius sententiam . vel habeo pro volo, vt non mirum sit, quare aliqui legant, aueo . Sed non recte legere eos, ex illis Cæsaris Augusti verbis ostēditur, quum dixit, Quid aliud habeo deos immortales precari?

E P I T O M E .

Mereor de te, est aliquid in te confero . Bene mereor de te, est aliquid beneficii in te confero . Male mereor, maleficii . Demereor te, id est bene de te mereor . Emereor, id est expresse mereor . Emeritus sum, id est extra merendi officium sum , donatus rude , quum sit qui pro me opus agat , id est laboret . Vnde milites qui præ senio amplius militare non possunt : & gladiatores qui non amplius dimicare, donantur rude, id est virga qua dimicantes dirimant, si legem excedant . Hinc per translationem etiam boues qui amplius arare non valent, dicuntur emeriti .

Mereor bene vel male de te , Demereor , & Emereor .

C A P . X C I X .

Mereor de te , est aliquid in te confero . Si beneficii quidem, bene mereri de te dicor: Sin autem offensionis, male de te mereri . Nonnunquam vtrunque reticemus, sed in ambiguum sensum . vt, Quid de te sum meritus ? Nonnunquam per negationem : sic, Homines nihil de me meriti , id est qui nihil in me beneficii aut officii contulerunt . Quibus exemplis omnes Marci Tullii libri scatent . Demereor quoque pro bene de aliquo mereor, accipitur, sed cum accusatiuo . vt Ouidius Heroidum,

Dic mihi quid feci, nisi non sapienter amaui?

Crimine te potui demeruisse meo .

Et Quintilianus, Simul vt pleniore obsequio demererer amātissimos mei . Emereor, idē penē est quod mereor, præteritum eius emeritus . Vnde emeriti stipēdia, qui militia perfuncti sunt, nominantur . Et in significatione passiuā, stipendia emerita . vt Idem, Emeritis huic bello stipendiis . Et per trāslationem à Virgilio emeriti boues dicuntur, & quædam alia . Emeriti autē senes solent habere eos, qui pro se laborent, qui dicuntur pro alio opus agere . Quintilianus de apibus inquit, Habebā quæ pro me opus agerēt .

E P I T O M E .

Refero ad senatum, id est consulo senatum . vnde fit senatusconsultum . Ad populum tuli, id est cōsului . vnde fit rogatio, quæ instar est legis . Refero tibi acceptū, id est fateor me abs te accepisse, tam bonum quàm malum : aut habeo pro recepto, licet non receperim . vnde fit acceptilatio : nō, accepti relatio . vnde etiam acceptum fero, pro eodem dicimus . Retuli expensum, id est rationem de expensis exhibui .

Refero & Fero. C A P. C.

Philip. 2.

Acceptilatio.

Retulit Pompeius ad Senatum, id est cōsuluit. In eadem tamen sententia, Pompeius ad populum tulit. Ex illo fit senatusconsultum, ex hoc rogatio, quæ instar est legis. Dicimus præterea, Refero tibi acceptum, pro eo quod est fateor me hoc abste accepisse: neque id modo in bonam partem, verum etiam in malam. ut pro Deiotaro Cicero, Vitam acceptam refert clementiæ tuæ. Idem in Antonium, Omnia denique quæ postea vidimus (quid autem mali nō vidimus?) si rectè ratiocinabimur, vni accepta referemus Antonio. Idem est, Fero tibi acceptum, siue pro eo quod est, Habeo pro recepto abs te, quod mihi debebas, etiā si solutio nulla intercesserit. Vnde fit acceptilatio, quam Iustinianus per interrogationem & responsionem fieri vult. Retuli expensum, id est rationem de impensis confeci vel exhibui.

E P I T O M E.

Mancinellus. Exhorreo hanc rem, id est expauesco. Abhorreo ab hac re, id est alienus sum ab hac re. Mancinellus docet dictum esse etiam Abhorreo hanc rem: id tamen rarissimè, ut nescias an legendum sit obhorreo. Verba Mancinelli sunt, Abhorreo, nō solum ablatiuo iungitur, sed etiam accusatiuo. Catullus enim ait, Sæuāque abhorrebas prisca præcepta parentis. Porphyrio item Ode tertia, ibi videlicet, Quem mortis timuit gradum, ait, Quem mortis, inquit, gradum abhorreere potest, qui monstra maris, & asperrima saxa sine lachrymis videre potuit: Apuleius lib. 10. Asinus. Nā, & quid potissimum abhorreret asinus excogitantes scrupulo se &c. Plinius lib. 37. cap. penul. In omni alio vsu acriora abhorrentes. Calepinus autem plura affert eiusdem locutionis exempla. quale est illud Titi Liuii lib. 4. Parum abhorrens famam ampliata. Et illud Suetonii de Augusto, Nam pumillos, & distortos, & omnia generis eiusdem, ut ludibria naturæ, malique ominis abhorruit. Lactantius lib. 3. Non est sapientia, si cœtum hominum abhorret. Addit idem, Fortè decepit Laurentiū Vallā A B præpositio, quæ ablatiuum exigere videtur. sed si hoc in plerisque verbis fiat, non tamen in omnibus: sicut in aboleo, abluo, & huiusmodi, quæ accusatiuum, non ablatiuum, postulant. Amb. lib. 1. officiorum, hoc verbo vsus est absolute, Legimus officiū dici à nobis posse: nec ratio ipsa abhorret (id est aliena est) quandoquidē ab efficiendo dictum putamus, quasi efficium. Sanè sicut quidam obhorreo pro abhorreo, aut exhorreo vsurpant: sic & abhorresco, ut Lactantius de ira, Quæ terra contremisit, & latebræ tartaræ, & dæmones abhorrescunt. Vbi ergo in litera est Hoc semper, addendum est Ferè, ut sit, ferè semper. quia melius & venustius cum ablatiuo construatur.

Exhorreo & Abhorreo.

C A P. C I.

Exhorreo hanc rem, idem est quod expauesco. Abhorreo ab hac re, idem est quod perquam alienus sum ab hac re. Hoc semper postulat huiusmodi ablatiuū, illud verò nunquam, sed accusatiuum.

E P I T O M E.

Bene mecum agitur, id est in bona conditione sum, & bene mihi succedit. sumiliter præclare & optime &c. Et nonnunquam consimiliter actiue. ut, Bene tecum egerit ciues. Sed actum est de aliquo, semper in malam partē accipitur, pro eo quod est, periit, nec amplius de eo spes est.

Bene agi cum aliquo quid sit, & quid Actum esse. CAP. CII.

Bene mecum agitur, idem est quod in bona cōditione sum. Item, Præclare tecum agitur, optime cum illis agitur, melius cum hominibus ageretur, si paruo contenti essent. Ita, Male mecum agitur, & peius, incommodiusve & pessime. Cicerone, Cum illo verò quis neget actum esse præclare? Et paulo post, Cum illo quidem (vt supra dixi) actum optime est, mecum autem incommodius. Nonnunquam actiue. Valerius Maximus libro 5, Bene egissent Athenienses cum Miltiade, si eum post trecenta millia Persarum in Marathone deuicta, in exilium protinus misissent, ac nō in carcere & vinculis mori coegissent. Actū est, semper in malam partem accipitur. vt, Actum est de Republica. id est respublica extincta, desperata & perdata est.

E P I T O M E.

Salio, id est saltum facio, interdum quasi salto. Salto autem, id est tripudio. quod vulgo dicunt, chorazo: peritiores, choream duco. Saltus, est incompōsitus, vt ceruorum, agnorum, canum, leporūque. Saltatio, hominum: quod tripudium vocāt, idēque dicitur saltatus, sed non saltus.

Salio & Salto.

CAP. CIII.

Salio, vnde saltus, pro eo quod est saltū facio. Salto, tripudio, vnde saltatio. Interdum salio pro salto. Virgilius secundo Georgicorum,

Mollibus in pratis vnctos saliere per vtres.

Quid autem distent saltus & saltatio, notum est. Saltus enim est Saltus, qualis ceruorum, leporūque: Saltatio verò, illa hominum ias Saltatio. ctatio, quam vulgo tripudium vocant. Et licet salio pro salto accipiat, non tamen saltus pro saltatio, saltatusve, quæ eiusdem significationis sunt. Liuius, Ferre ac per urbem ire cum tripudiis solenni que saltatu iussit.

E P I T O M E.

Abdicare, est expellere filium à bonis paternis patre adhuc viuo. Exhæredare, post mortem. Ideoque grauius est abdicari, quod etiam exhæredationem continet, quam exhæredari. Abdicare etiam, est quasi priuare, & alienum dicere. Vnde Liuius lib. 4, Dictator bello ita gesto, in urbem rediit, magistratūque se abdicauit. Item repudiare: vt Terentius, Generum abdicat. Item negare: sed id apud veteres. Pacuius, Regno expellunt: consanguineam esse abdicant.

Abdico & Exhæredo.

CAP. CIIII.

Abdicare, est expellere à bonis filium, dum viuit pater. Exhæredare verò, post mortē. Sed abdicare est grauius, quod etiam in se exhæredationem continet.

Si Seruio Sulpitio licuit librum scribere de notis Scæuolæ, & præceptoris sui, & in facultate iuridica nimirum principis, quum id & Reipublicæ, & ipsi qui decesserat è vita, commodum videretur: licebit & authori nostro de notis etiam doctissimorum in lingua Latina librum hunc conficere, quum id non animo carpédi, sed enen dandi faciat, sibi que fieri æquo animo passurus sit.

L A V R E N T I I V A L L A E I N E L E G A N T I A -
 rum linguæ Latinæ librum sextū, qui de notis authorum
 inscribitur, Proœmium.

Vlpitius ille Seruius, cuius quanta in iure civili fuerit authoritas, plurimorum monumenta testantur, siue aliorum exemplo, siue priuato consilio fretus, nō existimauit turpe sibi ad famam fore, vt librum de notis Scæuolæ conscriberet, non modo antistitis in ea facultate, atque omnium principis, verum etiam præceptoris sui. Cogitabat enim neque id posse sibi vitio dari, quod publicæ vtilitatis causa susciperet, neque iniuriam illi fieri, qui reprehenderetur, si modo ritè reprehendatur, quod in se fuisset ipse facturus, si errata sua animaduertisset. Probè itaque Sulpitius, & ingenuè, ac verè Romanè. Quin ipse quoque populus prudenter, & grato inuicem animo, qui factum huius nō reprehensione, sed laude dignum & gloria putauit. Nec minore volumen hoc, quàm cætera, honore profectus est. Nam præcepta aliqua doctrinæ tradere, cui libet mediocribus saltem literis imbuto, promptum est. Errores maximorum virorum deprehendere, id verò quum doctissimi hominis est, tum opus vtilissimum, & quo nullum dici possit vtilius. Quis enim dubitet, non minus agere, qui aurum, argentum, ceteraq; metalla expurgat, quàm qui illa effodit: qui triticum mundat, quàm qui metit: qui pinus, amygdala, ceterasque nuces seligit, quàm qui easdem legit: Ita eum qui emendat (nisi paucissima sunt quæ emēdat) non inferiorem existimare debemus, quàm ipsum illum inuentorem: nec minorem ab illo, quàm ab hoc percipi fructum. Insuperque non modo huic ex illius castigatione nullum damnum afferri atque iacturam, verum etiam pretium ac dignitatem: perinde atque auro, ac cæteris quæ modo commemorauimus, quantum corpori purgatio ipsa detrahit, tantum residuo pretii (vt dixi) & dignitatis accrescit. Adeò plus vtilitatis in parte est quæ superat,

quàm fuerat in solido . Quare si quis apud inferos Scauolæ de Sulpitii factò sensus fuit (quæ erat illi æquitas & iustitiæ amor) ausim affirmare fuisse gauisum , secùmque præclare actum esse dixisse , quòd suorum librorum aurum ab omni scoria esset , ac fæce compurgatum : nihilque foret per quod conciuēs sui per eius scripta falli possent . Neque immeritò Plinius Iunior ad amicum ita scribit , Ita enim magis credā cætera tibi placere , si quædam displicuisse cognouero . Quomodo igitur non sit beneficium , id offerre , quod solet beneficii loco postulari ? Quòd si hoc non præstatur aut iam defunctis , aut tale beneficium respuentibus , profectò his præstatur , ad quos ex ipsa magnorum authorum emendatione , multa in primis vtilitas peruenit . Ideoque ab optimis quibusque cuiuslibet artis professoribus præceptum est , vt eorum ipsorum , quos descendantibus ad imitationem proponunt , etiam vitia (si qua fuerint) ostendant . Huiusmodi igitur ego & exemplis & rationibus adductus , faciendum mihi putauī , vt vnum librum hunc de notis scriptorum componerem , non quo illos carperem (nam præterquam quòd hæc inhumana voluptas foret , certè & alibi maior mihi hæc facultas daretur , & de hac ipsa re penè infiniti libri conscriberentur) sed quò prodessem aliquid linguam Latinam discere volentibus , non modo ex nostris præceptis , sed ex aliorum quoque erratis , vbi & de nostro non nihil ad rei testificationem admiscebimus . Dedimus autem nostrorum librorum suam cuique materiam , vt si per se opus non multum sibi fauoris * pararet , ipsa certè varietas commen-^{* pareret.} datione blandiretur . Ex hoc præsertim volumine , in quo & vniuersa quæ in superioribus singula continentur , & de pluribus præstantissimisque authoribus pronuntiatur , iudiciũque contra eos fit . Sumus autem iidem simul & accusatores & iudices , sed qui aliorum pariter accusationem iudiciũque subeamus , nisi legitimè & accusatoris & iudicis fuerimus officio functi . Sed iam in forum descendamus .

E P I T O M E .

Alumnus , est qui ab aliquo alitur : non etiam qui aliquem alit , vt Nonius Marcellus præcepit . Exemplà certè eius non id probant : nec alumnus , dominum esse significant , sed alitum . Per incidentiam autem docet armigeros , id est qui arma gerunt magnorum virorum , etiam magnos fuisse . Auspicari autè , accipi pro incipere , potius in bonum quàm in malum : quum auspiciatum , significet semper bonum . Auspex verò , est qui nuptiis pro marito præst , sicut pronuba , pro vxore . Cæterũ licet exempla Nonii non congruant , sententia tamen eius recipitur . Vnde Mancinellus , Alumnus quidem , vt Nonius Marcellus ait , significat . Syllius nanque lib. 9 . scribit Palladè ita Ioui loquētē , Nō Teucros delere aderāt , sed lumē alumnæ Annibalem Libyæ , pelli florētibus annis Vita , atq; extingui primordia tāta negabāt .

Et Plinius lib. 3. de Italia loquens, ait, Terra omnium terrarum alumna eadem & g-
rens, numine deûm electa. In calce quoque totius operis, inter multas Italiæ laud-
s, inquit, Italia rectrix parénsque mundi alumna. Strabo etiam lib. 5. de Sabinia b-
quens, ita Latine dicit, Vt autem summam dicam, Italia cuncta pecorum, & fru-
gum præstantissima nutrix est. Hæc addidi vt illud, Terra omniû terrarum alun-
na, nutrix sine controuersia intelligatur. Virgilius item in Cyri, sic,
Magna queror, nec vtilia quidem communis alumna,
Omnibus iniecta tellus tumulabit arena. Et Curtius libro 8. scribit Alexandrum
commilitones alloquentem, inter plura, & illa dicere, Oro, quæsoq; ne humanarum
rerum terminos adeuntem, alumnum, commilitonemque vestrum, ne dicam æ-
gem, deferatis. Ascen. Verû vt se commilitonem, ita alumnum, id est ab eis alitum
dicere videtur.

I N N O N I V M M A R C E L L V M D E A L V M -
N V S . C A P . I .

Lumnus eum significat, Nonius Marcellus in-
quit, & qui ab aliquo alitus est, & qui aliquem
aluit. Cui in prima significatione suffragor, in
secunda refragor. Nec illius exempla secum fa-
cere ostendam, sed mecum: quæ sunt, tum Cice-

ronis in Verrem, Italia autem alumnum suum seruitutis extre-
mo summoque supplicio fixum videret: tum Varronis, Et ecce
de improviso ad nos accedit cana veritas, Atticæ philosophiæ al-
umna. Quorum exemplorum (salua Nonii pace) vtrunque si-
gnificat educatum, non educatorem. Nam Cicero quidem Ita-
liam quasi altricem, & illum ab ea alitum dixit: Varro verò non
modo alio locutus est, quàm Quintilianus, vbi ait, Verba om-
nia, & vox eius alumna vrbis esse solet, vt oratio Romana planè
videatur, non ciuitate donata. Vult enim verba nostra, & vocem
videri debere natam, & alitam intra Romam: Varro veritatem
intra Athenas, atque in sinu altricis philosophiæ. Adicit etiã No-
nius alumnum significare dominum. vt apud Virgilium,

AEncid. 11.

Corpus vbi exanimi positum Pallantis Acetes
Seruabat senior, qui Parrhasio Euandro
Armiger antè fuit, sed non foelicibus æquè
Tum comes auspiciis, charo datus ibat alumno.

Durè nimis (ne dicam ineruditè) vir sanè eruditus exposuit, qua-
si nesciamus nō domini mortem à seruo, vel comite, Virgilium
fecisse deplorari, sed quod est plus, quàm si vel Euander ipse fuisset
occisus, ac multo tristius ab altore siue nutritio mortem eius
quem aluerat, & quem loco filii habebat. qualis Phoenix ille Ho-
mericus in Achillem fuit, quem, quoniã educasset, filium semper
appellat, pro alumno. Et certè armigeri magnorum principum,

semper & ipsi magni viri fuerunt. Siquidem (vt taceam de Phœnice qui bonæ parti Myrmidonum imperabat) Patroclus auriga Achillis, princeps erat, & Sthenelus Capanei regis filius auriga Diomedis, & Meriones inter primos duces Cretensium auriga Illionei, & Hectori aliquis fratrum ferè aurigabatur currû. Talis fuerat Acetes Euandro. Ergo non erat seruus, aut seruo similis apud Euandrum, multo minus apud filiû, sed patri similis, & pro patre, præsertim illo absente. Duo autē hæc nomina, quæ ab eadem litera incipiunt, armiger & auspiciû, quæ apud Virgiliû modo legimus, non nota omnibus etiam explicemus. Armiger, est qui in prælio gerit tela domini sui, vt scutum, vt arcum, lanceâ, & cætera huiusmodi. Imperiti armigerum vocant armatû equitem. Auspiciû, est vel à pastu auium, vel ab inspectione auium. Sed quia cōsul antequam iret in expeditionem, capiebat auspiciû: hinc factum est, vt dicamus auspicia ducum atque principum, quæ à solo duce capiuntur. Et hinc auspicari, nō modo auspicium capere, sed etiam incipere: nec in bonam tātum partem (quod frequentissimum est) verum in malā quoque, vt apud Plinium, At homo infœliciter natus, manibus pedibûsq; deuinctis, animal cæteris imperaturum à suppliciis vitā auspicatur. Nam quando non est verbum, ferè in bonum accipitur. vt apud Terentium, Haud auspicato me huc attuli. id est nō fœliciter, quasi auspiciis repugnantibus. Quod declarat Quintilianus de Achille (vt opinor) loquēs, qui ad mortem quam diu futuram denuntiauerant, cupiditate vlciscendi Patrocli ruebat. Sic nāque ait, Eant nunc poetæ antiquarum fabularum conditores, & se ad exhortandam amicitiae fidem, magna quædam composuisse carminibus putent, si dixerint aliquos per maria, terrasq; asperiores for tunam amicorum tantum secutos, aut principem Græciæ virum in vltionē interfecti amici inauspicata bella gessisse. Et alibi, Itaq; vt apud illos Homerus, sic apud nos Virgilius auspicatissimū dederit exordium. Auspex, qui præerat nuptiis celebrâdis, quia auspicium pro nuptiis capere solebat. adhibebaturque hic pro parte mariti: vt pronuba, quæ præest & ipsa nuptiis celebrandis, pro vxore. Aliquando etiam magis propriè pro eo qui dux militiæ est, vt primo carminum apud Horatium, Nil desperandum Teucro duce, & auspice Teucro.

E P I T O M E.

Citari (inquit Valla) nō est laudari, quod Nonius prædedit: sed conueniri, & in testimoniu vocari, in exemplo ab eo adducto & citato. Verum Gulielmus Budæus vir sine controuersia literarum tam Græcarum quàm Latinarum peritissimus, graphice in annotationibus prioribus in Pádectas laudare esse nominare & testem ci-

tare: idque cum multis locis probat, tum Macrobi, Gellii & Nonii auctoritatibus.

In eundem de Citare.

C A P. I I.

Citare, idē inquit, pro laudare accipitur. vt Cicero, Citeturq; Salamis clarissimæ testis victoriæ. Nescio cur id dixerit. nō enim tantus vir, tam parua nesciuit, nisi putet se acutiorem visum iri, si clara faciat obscura. Citantur testes, non laudantur. Nam Salamis (qui fuit locus victoriæ Themistoclis) nihil laudis meretur quippe qui nihil egit, sed testis fuit, quia interfuit: vel quia in eo posita sunt trophæa victoriæ, quæ rem gestam testificantur transeuntibus. Ergo si testificari locus potest, potest merito vt testis citari, non tamen tanquam venturus, sed ad quem eant, qui testimonium desyderant. Vel citentur Salaminii, continens pro contento: vel citentur authores, & libri qui de hac Salaminæ victoria meminerunt, testimoniumque dicunt.

E P I T O M E.

Capere, non tot & tam diuersa, vt Nonius vult, significat: sed vnum diuersimode, secundum diuersa adiuncta. habetque reciprocum quendam vsum. vt, Cepi voluptatem, & voluptas cepit me. Vix tamen, Somnus cepit me, dicam. & nequaquam, Delectatio cepit me. Captus autem oculis, id est cæcus, orbatûsque oculis. Capiō dolorem, potius quàm Dolor capit me. sed vtroque melius, Tenet me dolor. Cepi indignationem, potius quàm Indignatio cepit me. & ita in multis quæ litera adnotat. Est autem capere, sponte & non sponte accipere. Sumere, semper sponte: & interdum à se, quasi arroganter capere. Neque tamen dignus est qui ob hæc notetur Nonius: non enim ignorauit vnum propriè significare, sed propter adiuncta per metaphoram ad diuersa transferri.

In eundem de Capiō.

C A P. I I I.

Capiō secundum eundem in passiuo significat propitiationem, vt apud Lucretium,

Nec bene pro meritis capitur, nec tangitur ira. Capere, facere. Terentius in Andria, Nō si capiūdos mihi inimicos sciam esse omnes homines. Capere, perpeti. Terētius in Heautōtimorumenō, Dum abste absum, omnes fuere mihi labores, quos cepi, leues. Capere, tollere, tenere. Virgilius Georgicorum 4, Hic tibi nate prius vinclis capiundus. Varro in Meleagriis, Quem idcirco terra nō cepit, & cælum non recepit. Idem in Eumenidibus, Stalam, calceosque muliebres propter positos capio.

Capere, eligere. Terentius in Hecyra, Quum illum in generum cepimus. Virgilius in Georgicis,

Ante locum capies oculis. Marcus Tullius de Officiis, Quod iinfit aliquid probi, quod capiat ignaros. Capere, delectare, sustinere, habere, decipere, circunuenire, occupare, detinere, satiare, accipere, complecti, inuenire. Singulorumque exempla subiicit, quæ

ipse (ne longior essem) prætermisi. In quibus non est illius probabilis expositio. Nam quis credat authores vni dictioni tot significata, & quidem pro se quæque noua dare voluisse, tãquam linguam ipsam confundere cuperent? Cur igitur ita locuti sunt? Nempe quòd nihil interest inter has significationes, Capiò hostem, capio generum, capio saxum. Præterea duæ proprietates in hoc verbo notandæ sunt. Vna, quòd habet reciprocum quendam vsum, vt idem sit, Cēpi voluptatem, & cepit me voluptas. Cicero, Magnam cepi ex literis tuis voluptatem. Quintilianus, Nec me tanta capiebat voluptas, quòd fluentia caris mella conderem. Plinius ad Caluissium libro octauo, Capiò aliquā voluptatem, quòd vlla voluptate non capiar. Cēpi somnum, captus sum somno, vix dicitur: sed dici posset, vt oppressus, videlicet qui opprimitur somno, capitur somno. Cēpi delectationem, vix vnquam delectatio cepit me: sed in passiuo potius, Captus sum delectatione. Et item in cæteris, quæ ad delectationem pertinent, Captus sum amoenitate loci, dulcedine vocis, specie mulieris, amore pecuniarum, spe bonorum, magnitudine sublimitatēque materiæ. Ista enim omnia delectant, ideòque subintelligi solet delectatio, quale ipsum illud M. Tullii, Quòd insit aliquid probi, quod capiat ignaros. id est delectet. Ergo probitati inest delectatio, vt sit ita exponendum, Cuius probi delectatio capiat ignaros, siue ignari capiantur delectatione. Habet (inquit Terentius) captus est. subintellige amore, siue pulchritudine fœminæ, id est delectatione. Non autem (vt testatus sum) actiue, cepi amorem. Nec longe ab hac ratione abest illud, Captus sum oculis, pro orbatus sum oculis. Nec hoc vnquā reperiēs, nisi in passiuo, & nunquā ferè nisi de oculis dici. Misericordia cepit deos, non dii misericordiam, dicimus: id est, non delectatio, sed dolor ille ex alieno malo. Et merita mea ceperunt deos, vt ait Lucretius, qui sermo rarus est, id est admiratio, vel delectatio, vel affectus eos cepit. Capiò dolorem tamen potius, quàm cepit me dolor dicimus. Non quia nō possumus etiā sic dicere, sed quia habemus aliū in vsu modū magis proprium, Tenet me dolor, sicut tenet me desyderium. Delectatio enim videtur tantum capere, nec diu permanere. dolor autem & desyderium tenere quasi permanendo. Item, Cēpi indignationem, cepi siue contraxi molestiam, potius quàm Cepit me indignatio, cepit me molestia. Contrahō, Cepit me tædium, cepit me obliuio, cepit me odium, potius quàm retrorsum. Virgilius, Tanta meæ si te ceperunt tædia laudis. Terentius, Neque agri, neq; vrbs odiū me vnquam cepit. Cicero.

Sumere.

Suscipio.

Accipere.

Lib. 7.

Assumere.

Præsumptuosus.

Lib. 3. cap. 1.

ro, Propter quod tantū odii cepit eloquentia, vt homines studiosissimi quasi ex turbulentissima tempestate se in studium traderent quietum. Idem, Vt eos iustitiæ capiat obliuio. Plinius tamen lib. 7. naturalis historiæ ait, E præalto tecto lapsus, matris & affinium propinquorumq; cepit obliuionē. Altera proprietas, quòd capere, significat vel sponte, vel nō sponte accipere: Sumere tantum sponte. atque hinc est illud, Cepi labores, cepi molestiam, cepi dolorem, cepi vel suscepi inimicitias, suscepi curas, suscepi sumptus, accepi calamitatē, accepi cladem, accepi damnum, accepi iniuriam, accepi contumeliam, accepi repulsam, accepi vulnus. quod nunquam ferè aliter dicimus, Non sustinui, non perpeffus sum vulnus, sed ferè semper accepi, nisi more poetico, vt apud Ouidium lib. 2. Metamorph. Nullam patiēte repulsam. Cicero, In domum multiplicatam honoribus, non solum repulsam retulit, sed etiam ignominiam & calamitatem, quum dixit, nequaquam contra hoc quod præcipio, facit. Nam Sumo supplicium, sumo pœnam, non in me, sed à me in alium infligi intelligitur. Ideoque adiungitur ablatius cum præpositione de. Cicero, De illo paulo post supplicium sumitur. Quintilianus, Vt nisi occurrisset ad diem de eo qui restiterat, pœna sumeretur. Potest tamen quis de se etiam sumere supplicium, eruntque tanquam duæ personæ quæ agit & quæ patitur. Porro quia sumere est vltro, quasi non permisso aliorū capere, eo fit, vt intelligatur pro nimium, & interdum pro arroganter sibi tribuere. vt Cicero de Officiis, Orationem autem Latinam efficies profectò legēdis nostris pleniorē. Nec verò arroganter hoc dictum existimari velim. Nam philosophandi scientiā concedens multis, quod est oratoris proprium, aptè, distinctè, ornatèque dicere (quoniam in eo studio ætatem cōsumpsimus) si id mihi assumo, videor id meo iure quodam modo vindicare. Assumpsisse sibi ait eam laudē, quæ nisi vera esset, ac palam vera, propter rei magnitudinem arrogās videretur. Ergo assumere, est multum & penè nimium sibi tribuere. Idem pro Plancio, Quanquam nō mihi tantum sumo Iudices, neque arrego. Inde ineruditorum vocabulum, præsumptuosus. Denique quodam loco Valerius Maximus ita planè horū verborum proprietatem distinxit, vt hanc differentiam penè præcipere videatur, quū de Catone Cēsorio loquitur, qui ensē de mediis hostibus recepit. quanquam hoc aliqui filio Catonis tribuūt, inquietes, Vt nō coactus accipere, sed sua sponte sumere videretur. Quare si Latine & nos loqui volumus, dicamus dominū IESVM carnem quidem humanam sumpsisse, mortem verò accepisse.

Meo iure, quod modo apud Ciceronē legimus, si quis fortè desyderet, exponamus. Significat autem idem quodammodo, quod mea autoritate, meaque licentia, & cōcessa mihi ab hominibus libertate. vt Idem pro Archia, Quare suo iure noster ille Ennius sanctos appellat poetas. Suo iure inquit, quod poeta erat, & probatissimus poeta. Idem est Pro meo iure, vt Idem alibi, Pro meo iure hoc dico, vos eo me priuastis. quasi confidenter dico. Est enim efficiens causa, non finalis, qualia cætera sunt hoc modo dicta, pro mea in vos beneuolentia, pro vestra in me humanitate, pro tua mansuetudine, pro sua pietate. vbi efficiens (vt dixi) causa intelligitur, non finalis.

Meo iure.

Pro meo iure
Ad Herēniū.

E P I T O M E.

Contendere & intendere, pro eodem sumuntur, pro eo videlicet quod est neruum, aut chordam, aut simile quid extendere: aut continuare aut perseverare vocē ex intentione, quæ non significat propriè propositum, vt vulgus autumat, sed tā intentio quàm contentio pro perseverantia, continuatione & elatione vocis promiscue in oratione ponuntur. quibus contrariæ sunt remissio & summissio vocis. Erraret igitur Nonius tam varias interpretationes accumulans nisi ad metaphoram referret. Contentus autem, de quo hic sermo est, à cōtendor, non à cōtineor, venit.

In eundem de Contendere.

CAP. I I I I.

Contendere, idem ait, est festinare. vt Virgilius,
-quæ proxima littora cursu Contendunt petere.

Contentio, est perseverantia, vel elatio. M. Tullius de Officiis lib. 1, Ex contentione vocis & submissione, & cæteris similibus facillè iudicabimus. Sallustius historiarum 4, Rursus iumenta nacti, ad oppidum ire contendunt. Contendere, cōtinuare. Cicero de Oratore secundo, Id quod eius scripta declarant, & contentiones vocis, & remissiones continuarentur. Et in tertio, Nihil perniciosius est, quàm sine intermissione contentio. Præterea ait, Contendere esse astringere, intorquere, comparare, certare, extorquere, proripere, vel dirigere signum. Iterum pro festinare, intendere. Sed neque præcepta, neque exēpla satis distincta sunt. Quid enim differt, contentio est perseverantia, & contendere est continuare? Quum præsertim eadē exemplavtrobique subiicias. Quid iterum Virgilianum illud, Cōtendunt petere? Et illud Sallustianum, Ire contendunt? Quæ duo idem declarant quod tendunt, vel pergunt ire, siue petere. Iam verò apud Ciceronem contentio non est perseverantia, neque contendere continuare, sed intentio, atque intēdere. Indifferenter enim dicimus hoc loco contentio & intentio, contendere & intendere. Nam plurimi falluntur, accipientes intentionem pro volūtate atque proposito. Afferam ad hoc probandum ex M. Fabio exemplum, per quod & ipsa res de qua agimus, probabitur. Neque grauissimus autem in

Intendo.
Intentio.

Lib. 11. cap. 3.

C. iii.

*verum,

*tensior,

*crumpi

Continenter.

Contentus.

musica sonus, nec acutissimus orationibus conuenit. Nam & hic parum clarus, nimiumque plenus, nullum afferre animis motum potest: & ille prætenus & immodicæ claritatis, quum est ultra *neruum, tum neque pronuntiatione flecti, neque diutius ferre intentionem potest. Nam vox, ut nerui, quo remissior, hoc & grauior & plenior: quo *intetior, hoc tenuis & acuta magis est. Sic imavim non habet, summa *rumpi periclitatur. Mediis igitur utendum sonis: iique quum augenda intentio est, excitandi: quum summittenda, sunt temperandi. Manifestum ergo est quid sit intentio: quod etiam similitudo neruorum manifestius docet, unde similitudo sumpta est. Nam ut neruus in cithara, aut neruus in arcu, quo magis intenditur, eo vehemetiorem sonum, vel ictum efficit: quo magis relaxatur, eo remissiores: ita & vox quæ utique usum neruorum corporis exigit, quos videre licet in acutissimè exclamantibus maxime intendi, tanquam cithara, aut in arcu, siue contendendi, quæ (ut dixi) idem sunt atque idem esse ex verbis utriusque authoris, quos nominauimus, liquet. Neque verò quisquam negauerit, continenter esse quod continuè, siue continuatè, quod Marcellus ait, sed à contineo venit. Contentus verò, à contendo, licet & contineo faciat contentum.

E P I T O M E.

Cursus, non est quod Nonius vult, volatus: sed penuria vocabuli, cogimur pro omni celeri professione in aere, aqua, & terris, cursum ponere. sicut iaculari & lapidare, pro diuersarum rerum iactu. At in frequentatiuo, cōsuetior est locutio, ut currere, volitare, & reptare dicamus, quàm in principalibus, quæ sic non transferuntur. Non video tamen quid erret, qui cursum in aere volatum nominet.

In eundem de Cursus.

C A P. V.

Fuga.

Lib. 8. cap. 2.

Cursus, inquit, idem est quod volatus. ut Virgilius, -cursumque per auras Dirigit in lucum. quasi non figuratè dicamus de volatu cursum, & de cursu volatum: ut ille apud Terentium, festinato seruum ire iubēs, inquit, Vola: pro eo quod est, curre. De nauigatione quoque festina dicimus cursum. ut M. Tullius, Quo cursu frumento onustas naues petentes Rhodum viderit. Et Quintilianus nauigationem dixit fugam, siue naues fugientes, quæ velocem cursum conficerent, quum inquit, Inde fugientia vela longovisu profecuti. Is enim qui fugit, velocissimè currit. Eoque Virgilius inquit, Pedibus timor addidit alas. Idem quoque Quintilianus inquit, Multa sunt & Græce & Latine non denominata. Nam & qui iaculum emittit, iaculari dicitur: qui pilam, aut sudem, appellatio ne priuatim sibi assignata caret. Et ut lapidare quid sit manifestum est: ita glebarum, testarumque iactus non habet nomen. Unde abusio, quæ καταχρησις dicitur, necessaria est. Quare ad hanc Quintilianus

formulam nō aliter nauem velociter euntem, & auem velociter volantem currere dicimus, quā iaculari sudē. Illud autē apud oratores obseruauī, volitare potius q̄ volare pro discurrere dici solere, vt apud eūdē, Me per omnia mariavolitantē. Et apud Ciceronem, Qui per forū volitant. Quale est reptare. Nā quū reperire sit animalium carentiū pedibus, & ventre euntiū, licet quādā reptilia pedes habeant, vt lacertæ: tamen reptare hominem dicimus, qui segniter, lentē, & quasi testudineo passu incedit, quales sunt qui in hortis, aut vinetis, similibusque locis spatiantur. Horatius, An tacitum syluas inter reptare salubreis?

Volitare.

Reperere.

Reptare.

Plinius ad Bebiū, Scholasticis porrō dominis, vt hic est, sufficit abundē tātum soli, vt releuare caput, reficere oculos, reptare per limitem, vnam semitam terere, omnesque viticulas suas nosse & numerare arbusculas possint. Idem, Frequentior currentibus, quā reptantibus lapsus est. Terētius in Adelphis, Perreptaui vsque omne oppidum, ad portam, ad lacum: quō non?

E P I T O M E.

Carpere, non est attenuare & aperire, nec celeriter præterire, vt Nonius vult: sed sensim decerpere, & quasi primis digitis detrahare: vt, Virgo rosā decerpit, aut vngulis solam discerpere, vt equus acer solet. est tamē quo dictū suū tueatur Nonius.

In eundem de Carpere.

C A P. VI.

Carpere, inquit, pro attenuare & aperire. Virgilius, Nec nocturna quidem carpentes pensa puellæ.

Hoc ne puellæ quidē ipsæ dicerent. Nā vt carpinus linum virens ex humo, quū vellimus: ita puellæ sinistra manu de colopensum trahentes, sensimque vellētes carpunt. Et vt decerpimus rosam primis digitis, sic puellæ primis & ipsæ digitis decerpunt particulatim linū, lanāque. Iterum, Carpere, celeriter præterire. vt Virgilius, - & acri Carpere prata fuga. Et in eodem, Carpere mox gyrum incipiat. Quasi in primo nō celeritas illa magis intelligatur per hoc quod dixit fuga, qui est celer cursus, quā per illud carpere: & in secundo significetur velociter præterire. Aliud nanque est ire in gyrū, aliud præterire, quod de equo & sessore vtrunque poetice dictum est.

E P I T O M E.

Accipere, nō est pascere, vbi Nonius & Seruius sic acceptum volunt: sed in conuiuium apparatus assumere, aut in domum, honoris & amicitie causa aliquem conuiuium capere, ita tamen vt dum dico, Acceptus sum à te laute, intelligatur in conuiuium, aut tractatus sum. Nam accipere, est interdum tractare: & accipi, tractari: vnde parum aberrant illi, nisi quōd metaphoram pro ipsa accipiant proprietate rerum.

In eundem de Accipere.

C A P. VII.

Accipere pro pascere idem inquit. Terentius, Accipit homo nemo melius prorsus atque prolixius. Et hunc imitatus Seruius in Virgilium,

C.iiii.

Conuiuere.

Illos porticibus rex accipiebat in amplis. Urbanus profectò & lautius loqui poterant. Pecora gregatim, altiliâque dicuntur pasci, non homines. Nos enim quoties accipimur, siue excipimur in conuiuium, non ad saginam, sed ad iucunditatem illam atque apparatus inuitamur, ut minima pars cibis assignetur. Vnde conuiuere dicimur eo tempore, non comessari, aut compotare, aut (quod deformius est) compascere, siue compasci. Siquidem Terentius de Thrasone, non tãquam de saginatore locutus est, sed tanquam de splendido apparatore cõuiuiorum. Et Virgilius Helenum regem vult regiam quandam magnificentiam in exhibendo conuiuio declarasse, non solum (ut ita loquar) pastionem, & (ut dixi) saginam. Fateor tamen Accipere, nõnunquam significare in domum suam honoris & amicitiae gratia aliquem conuiuium capere: ita tamen ut subintelligatur, in cõuiuium. ut, Acceptus sum à te laute. id est acceptus sum in conuiuium, vel tractatus. Nam frequenter in contrarium dici reperimus, Ego abs te miseris sum acceptus modis. Hoc apud Terentium. Et apud Ciceronem, Ex quo illud laudatur Archita, qui quũ villico factus esset iratior, Quo te modo, inquit, accepissem, ni iratus essem?

E P I T O M E.

Gravis, non dicitur propriè grauida, sed per circumlocutionem: ut, Marte gravis. id est ex semine Martis. Nec graue plenum: sed plenæ, id est prægnautes ferè graues sunt. sicut & onusta lacte, graues dici possunt. Nec vir pietate grauis dicitur, plenus pietate: sed maturus, & magnæ autoritatis. Nec grauis dicitur grandæuus. Aeneid. 5, Hic grauis Entellum dictis castigat Acestes. sed grauis prudetia & moribus. Sed ne multa. graue propriè significat ponderosum: & transfertur ad senectutem, ad morbum, ad dolorem, ad laborem: quia talia premunt, ut res grauis. Ideoque graue dicitur molestum, etiã animo: ut grauis contumelia, iniuria, moror, iactura. Itaque quæ corpori aut animo molesta sunt, graua vocantur. Item viri graues, qui non cito ab instituto suo mouentur, sicut nec lapis, aut alia res grauis à loco. E contrario, mobiles & inconstantes, leues dicuntur. Sicq; quos carpit hoc solum errant, quod metaphoram exponunt, quod & in cæteris quoque intelligitur.

In eundem de Graue.

C A P. V I I I.

Graue, inquit, significat grauidum. Virgilius, donec regina sacerdos Marte grauis.

Circumlocutio fecit, ut intelligatur grauida. nam si dicam, Regina aut Helena est grauis, nemo prorsus intelligat: si addam ex rege, aut ex marito, fortasse intelligatur esse grauida. Ita apud Virgilium, Marte grauis, pro semine Martis impleta. Graue, plenum. Virgilius,

Non insueta graueis tentabunt pabula foetas. Si accipit foetas pro grauidas, superuacaneũ est exponere graueis pro plenæ. Per illud enim quod prægnautes sunt, plenæ esse intelliguntur: Graues verò esse, per epitheton quod appositum est: quippe

gravidæ omnes graues, vt ipsa quoque vox indicat: nam à grauis fit gravidus. Sin accipit fœtas pro his quæ pepererūt, vt puerperas mulieres, quæ proximis diebus matres sunt factæ, graues lacte dicemus, quasi onustas, nō quasi plenas. Durum sit nanque appellare oues, capræve plenas lacte, sed hubera plena lacte, vt est apud eundem per translationem gruida, Et grauido superant vix habere limen. Quòd si quando reperiatur grauis pro plenus, hoc tamen in loco non ita accipitur. Hunc eundem quem ego protuli versum, & ille affert, quasi de grauido, & non de graui sit quæstio. Nec poetæ modo, verumetiam oratores sic loquuntur, vt Quintilianus, Luctantur intra viscera animæ, & vterum funebribus grauidum mortes agūt. Sed ad graue reuertamur. Grauis, inquit, plenus. *Virgilius,*

*In pastu-
daucrum.*

Tum pietate grauem, ac meritis si forte virum quem
Conspexere, silent.

Virum pium & bene meritum, appellare plenum pietate, & plenum meritis quis audeat? Non ergo ita exponendum est, vt nec est vtendum. In quo paulo pòst meam sententiā ostēdam. Graue, inquit, grandæuum. *Virgilius,*

Hic grauis Entellum dictis castigat Acestes.

At ego potius accipio grauis prudētia & morib⁹, quomodo proxime grauis pietate & meritis dicebatur. Multa præterea significata dat huic eidem nomini: quæ profecto forent infinita, si ad illum modum, poetarum omnium exponamus exempla. Quod longe abest, tum ab vtilitate discentium, tum ab ipsa rei natura. Etenim graue, suapte natura pōderosum significat, vt Graue saxū, grauis sarcina, grauia arma, graue scutum, quod scilicet grauat nos in ferēdo, & quod ægre, & cum molestia fertur. Inde per abusionem transferimus ad senectutem, ad morbum, ad laborē, ad dolorem: quia hi qui molestiam ex senectute, morbo, cæterisque sentiunt, quasi onere intolerabili premuntur, quod cupide velut graue pondus à se vellent deponere. Neque solū ad molestias corporis translatio hæc fit, verūetiam ad molestias animi. vt Grauis cōtumelia, grauis iniuria, grauis mœror, grauis iactura, quæ animum genere quodam ponderis premūt. Itaque vnus modus est, quæ corpori, aut animo molesta sunt, ea grauia appellare. Eoque molestia à mole, id est à re magna, magnique pō Molestia. deris vocitata est. Alter modus est, quòd quemadmodum grauia saxa, & grandes trunci non facile loco mouētur, sed ad omnem temporis mutabilitatem hærent: ita homines cōstantes ac præ- Graues hō- mines.

Leues.

precibus, nec minis, nec vanitate, nec promissis, ab æquò & iusto sum mouentur: vt hi faciunt, quos leues vocamus, qui in similitudinem pulueris & palearū ad omnem auram vētilantur. Sciamus tamen Grauis tūc regere datiuum, quū est in priore significato. vt, Tu es grauis mihi. Quare non probè quidam legunt apud Ciceronem de Officiis, Quòd ætati tuæ esset aptissimum, & authoritati meæ grauissimum. Nam hoc grauissimum superuacuum est. Cæterum quid mirer, si in his quæ sunt altioris intelligentiæ fallitur, quum in leuioribus atque apertis hallucinetur Marcellus?

E P I T O M E.

Inficiator, non est proprie falsi criminis obiector, vt idem inquit: sed is qui negat se vel debere quod actor petit, vel commississe quod accusator obiicit. vnde status coniecturalis dicitur inficialis, in quo semper reus inficiatur, vel inficias it. Inficiari enim, aut inficias ire, est verbo negare. Negare autē, est aliquādo & factō. Vetare, non est negare, sed prohibere: & contrariū eius quod est iubere & imperare. Inficias quidem, non habet nisi accusatiuum, & verbum Eo is it. Simili autem modo dicimus, Suppetias venire, & proficisci, ac ire, aut ferre: pro auxiliari, aut in auxilium venire, seu ire: Plautus tamen & Suppetiæ in nominatiuo dixit.

In eundem de Inficiator. C A P. I X.

Inficiatores, inquit, sunt falsi criminis obiectores, vt Cicero de Oratore libro primo, Vt si ille inficiator probasset iudici antè petitam esse pecuniam, quàm esset cœpta deberi. Hoc de reo dictum est à Cicerone, nec reo criminis, sed pecuniarum. Ille verò accipit non tātum pro accusatore, sed pro actore etiam & accusatore falsi criminis. Vbi enim pecunia & petitor nominantur, ibi nulla est criminatio. Inficiator igitur is significatur, qui negat se vel debere quod actor petit: vel cōmississe quod accusator obiicit. Vnde status coniecturalis dicitur inficialis in quo semper reus inficiatur, vel inficias it. Inficiari enim, & id quod dixi, inficias ire, est verbo negare. Nam negare, est aliquādo etiā factō, vt Virgilius,

Status inficialis.

Inficiari.

Inficias ire.

Negare.

Vetare.

Suppetiæ.

Egregii forma, sed quæ fortuna negarat

In patriam reditus. Veto notum est aliud esse quàm nego: & (vt breuiter signem) contrarium est illis impero & iubeo. Non est autem huic nomini nisi accusatiuus casus, & vnum verbum eo, is, it. De Inficias loquor. cui simile est suppetias, pro eo quod est auxilium. vt in duodecimo Cōmentariorū Cæsaris, Et nuntiabātur auxilia magna equitatus oppidanis suppetias venire. Et in eodē, Suisque rebus timens, elephantisque x x x relictis, suis finibus oppidisque suppetias profectus est. Et iterum in eodem, Atque suis fugientibus, suppetias ire contendit. Suetonius de Ve-

spasiano, Legatum insuper Syriæ consularem suppetias ferentē, rapta aquila fugauerunt. Suppetias pro auxilium. Plautus in Epidico, Sed memento, siquid sc̄uiūt senes, suppetias mihi cum sorore ferre. Idem in eodem, nominatiuo est vsus, Auxilia mihi & suppetiæ sunt domi.

E P I T O M E.

Incisim, non est simul: sed penitus contrarium. Minutatim, quasi per incisa membra. Cicero autem appellat cola, commata, & periodos, membrum, incisionem, ambitum, siue comprehensionem, siue continuationem, siue circumscriptionem. Cuius Quintilianus duo genera facit, incisum & membrum. Incisum autem, est sensus nō expleto numero conclusus, fiuntque singulis verbis incisa. Membrum autē, est sensus membris cōclusus: sed à toto corpore abruptus, & per se nihil efficiens. Terminamus ergo, aut distinguimus, seu (vt dicunt) pausamus tripliciter. commate, quod incisum dicitur: & in carmine, cæsura, quando post duos pedes manet syllaba vltima dictionis, & prima sequentis pedis. Item colo, id est membro. Nam μέλος Græce, dicitur membrum Latine, cuius diffinitionē iam vidimus. Ac periodo, id est circuitu, siue ambitu, siue comprehensione, seu continuatione: dicitur enim tota sententia, à περι, quod est circum: & ὁδός, via.

In eundem de Incisim.

Incisim, inquit, quasi simul. Cicero in Oratore, Hæc quidē duo binis pedibus incisim, deinde membratim dicere solebas. Quid magis contrarium, quàm incisim, id est minutatim & simul, quod est coniunctim? quasi nesciamus, quid sint cola, commata, & periodi: de quibus Cicero pluribus in locis disputat, appellans ea incisionem, membrum, circuitum, siue ambitum, siue comprehensionem, siue continuationem, siue circumscriptionem. Cuius vltimi (quod multis nominibus Cicero vocat) duo genera Quintilianus facit, priora autem sic diffinit, Incisum, est sensus non expleto numero conclusus, plerisque pars mēbri: vt Domus tibi deerat, at habebas: Pecunia superabat, at egebas. Fiūt autem ex singulis verbis incisa. Membrum est sensus numeris conclusus, sed à toto corpore abruptus, & per se nihil efficiens.

Lib. 9. cap. 4.
Incisum.

Membrum.

E P I T O M E.

Candere, dicitur ignitum & candidum esse. Excandescere autem, vehementer irasci, sed per metaphoram, quàm Nonium declarare decuit. Multa enim vnum significant principaliter, & alia secundario per quandam sequelam: vt de excandescere & vertice declarat author in litera.

In eundem de Candeo.

Quid ergo? nihilne bene dixit Marcellus? imò verò aliquid, atque adeò multa, sed nunc bene dictis non est locus: tamen in his, quæ laudari queunt, nō nihil interdum desydero, vt Candet, ignitū est. M. Tullius de Officiis, Candente carbone adurebat capillum. Candet, candidū est. Virgilius

AEneidos quarto,

Candentis vaccæ media inter cornua fundit.

Excādescere.

Sed hic (vt dixi) nonnihil desydero. Nam & excādescere hominem dicimus, quum vehementer irascitur. Præterea ostendenda est passim causa, quam obrem vnum verbum plura significet, vt in hoc, Quum enim ignis obstantia exuperat, ac fumum vincit, candorem flāmæ concipit. vel quod sol quanto candidior, tanto

*conflatum

ardentior: ita animus dum ira concitatus est, inflammatus, incēsus & excandescens dicitur. vel quod mare ventis * confractū & in morem aquæ ebullientis in lebetē, vel ipsa aqua lebetis ebulliens, spumas albentes ciet: ita animus simili perturbatione percitus excandescere dicitur, vt tanta commotio mentis significetur, quanta est vel maris, vel aquæ ad ignem iā albescentis. quod

Lib. 8. cap. 2.
Vertex.

ex vnus à Quintiliano expositi vocabuli patefcet exēplo, Vertex (inquit) est contorta in se aqua, vel quicquid aliud similiter vertitur. Inde propter flexum capillorū pars est summa capitis: & ex hoc, quod est in montibus eminentissimum. Recte, inquā, dixeris, hæc omnia vertices: proprie tamē vnde initium est. Quare nemini debet mirum videri cur interdum vna vox plura significet.

E P I T O M E .

Lætum, secundum Seruium, significat foecundum, pingue, pulchrum, grauidum, viride, & multa alia. sed reuera vnum significat, videlicet id quod aspectu gaudium promit. Nam gaudere, est intrinsecus: Lætari, extrinsecus. vnde cōuenit animalibus lætitiā habētibus. Sed transfertur ad similia, ad segetes, vites, oliueta, &c. quæ ideo quoque læta dicuntur, quod lætos faciunt, ab effectu videlicet: vt alia multa accōmodantur epitheta, vt locus tutus, quia tutos facit.

In Seruium de Lætus.

C A P . X I I .

Gaudere.
Lætari.

LÆtum Seruio placet multa significare, foecūdum, pingue, grauidum, pulchrum, viride, & multa alia. idque apud Virgilium modo. Quod si alios quoque poetas exposuisset, adhuc alia multa significata adiecisset. Sed ipse rationem reddam, cur in varios sensus abutamur, quū vnum natura significet. Lætum id appellamus, quod aspectu gaudium promit: Nam gaudere, proprie est intrinsecus: Lætari extrinsecus. Recte igitur animata dicuntur læta, quoties lætantur. Et quia natura sic comparatum est, vt quæ bona corporis habitudine sunt, alacriora: quæ verò debili, tristiora sint: eo fit vt pinguia vocemus læta, vt lætas oues, lætos greges, læta armenta. Transferimus hoc ad similia, ad segetes, ad vites, ad oliueta, ad cæteras arbores. vnde sicut ex illis superioribus domini percipiunt fructus, & quemadmodū illa, ita hæc quoque qualia sint, declarat aspectus, appellanturque

lætæ segetes, lætæ vites, lætæ oliueta, lætæ arbuta, eò quidem magis, quòd multi volunt hæc animata esse. Vel lætæ dicimus ab effectu, quòd nos lætos faciūt. vt locum tutum, quia nos tutos efficit. Ideoque non appellantur homines læti ob fecunditatem, pinguedinem, pulchritudinem, grauitatem, & similia: sed tātum ea, quæ in nostros vsus cedunt, aut (si ita contingat) in nostram delectationem, lætitiā nobis voluptatēque parientia. Hanc igitur regulam tenētibus, hoc nomen, & apud authores inuentum, facile intelligetur, & multifariā sine ambiguitate in vtendo suppeditabit.

E P I T O M E.

Accusare (vt Seruius cum aliis multis censet) est maioris de minori. e contrario, inculcare, minoris de maiore, vel paris de pari. sed hæc differentia vera non est, quum & minores accusare, & maiores inculcare recte dicatur. Verum accusare, est apud iudices, aut alios, significare aliquem peccasse. Incusare verò, reprehendere mores alterius, & quasi cum querela ob iniuriam ab eo illatam.

In eundem de Accuso & Incuso. CAP. XIII.

Accusare (vt idem cum multis aliis voluit) est maioris de minore. Incusare, est minoris de maiore, vel paris de pari. Quorum singularis inscitia vehementer est castiganda. Apud quem enim authorum obseruatio ista reperietur? Nonne apud veteres, adulescentuli solebant probitatis simul & eloquentiæ laudem capeßere ex magnorum virorum accusatione? Atque (vt ait M. Fabius) crediti sunt etiam clari iuuenes obsidem reipublicæ dare, malorum ciuium accusationem. quod significauit Cicero, quum dixit, Quam est illa misera, quam dura seruitus. adulescentibus paulo loquacioribus seruiendum est. Nunquid Demosthenes quum tutores suos adulescentulus in iudiciū vocauit, aut Cicero quum Verrem reum fecit prætorium virū, ipse quæstorius non accusauit? malēque locutus est, dicens, accusationem suam semper, nunquam incusationem? Et hoc quidem de accusando. Quid autem de incusando? Certe si illud nō est de maiore in minore, neque hoc erit de minore in maiore: & alioqui nullo vnquam in iudicio auditum est nomen incusationis, quid porro extra iudiciū? Virgilius inquit, Quem non incusauī amens hominūve deūmve?

Dii quidem maiores Aenea sunt, homines verò Troiani duntaxat minores. At est apud Terentiū pater ad filium loquens, Quid me incusas Clitipho? Hoc enim isti exemplum ponunt. Caterorum exempla omittunt, quæ contra eos faciūt, quæ sunt infinita. vt Cæsar Commentario primo, Hæc quum animaduertisset Cæsar, conuocato concilio, omniumque ordinum ad id conci-

lium adhibitis centurionibus,vehementer eos incusauit. Sed ne multis morer, Accusare, est vel apud iudices, vel apud aliū quēuis,etiam apud illum ipsum,quem accuses, significare atque ostendere aliquem peccasse.Incusare verò, reprehendere mores alterius,& plerūque cum querela, quòd ab illo iniuria sis affectus. Et ita apud Virgilium, Terentium, Cæsarem,ceterosque authores accipiendum est.

E P I T O M E.

Barba non est (vt Seruius vult) tantum hominis:nec barbæ,tantum quadrupedū: sed vtrunque tam hominibus quàm quadrupedibus competit.

In eundem de Barba & Barbæ. C A P. X I I I I.

BArba, idem inquit, hominis est: Barbæ verò, quadrupedum. Sed non est barba tantum hominum, neque barbæ tantum quadrupedum: quin & barba quadrupedum,& barbæ hominum vtique multorum dicuntur. Horatius,
Vtque lupi barbam variæ quum dente colubræ,
Abdiderint furtim terræ.

Cap.13.

Plinius libro vicesimo octauo, Rabiem hircorum si mulceatur barba, mitigari: eadem præcisa, non abire eos in alienū gregem. Nam illud Virgilianum,

Stiriæque impexis induruit horrida barbis:
magis de hominibus dictum est, quàm de hircis. Et illud,
Nec minus interea barbas, incanæque menta

Cyniphei tondent hirci:

ad multos hircos refertur: perinde ac si diceremus caudas, quū tamen singulæ singulis hircis sint, ita & barbæ. Sunt etiā & barbæ aliorum quàm quadrupedum, vt Plinius in x x x, Quū geminos transit sol, cristis, & auribus, & vnguibus gallinaceorum: si luna, radiis barbisque eorum.

Cap.11.

E P I T O M E.

Nuntius, est qui nuntiat, & quod nuntiatur. Etiam hoc nuntium dici, Seruius, sed quod nuntiatur, docet. quod se author nusquam legisse dicit. At alii legerunt. Vnde Mancinellus. Mancinellus, Seruium nō errasse, antiquorum testimonium probat. Lucretius enim ait, Et ad calidum decurrūt nuntia sensum. Catullus de Berecynthia & Aty, Geminas deorum ad aures noua nuntia referens. Tibullus, Diui vera monent venturæ nuntia fortis, Vera monent Thuscis exta probata viris.

In eundem de Nuntius & Nuntium. C A P. X V.

Nuntius, inquit idem, est qui nuntiat: quod autē nuntiatur, licet neutro dicatur, tamē inuenitur & masculino. Miror cur ita dixerit. Ego quidem nusquam hoc nuntium legi. at ne ipse quidem (vt opinor) quū Festus Pompeius vetustior eo author, ita scribat, Nuntius & res ipsa, & nuntius dicitur.

EPI TOME.

Arcere, potius est vetare ne venientes accedant, quàm prohibere. Transfertur etiam ad incorporea: vt, Arcere ab improbitate. Abigere autem, est cōtrarium huic: quia est à loco fugare atque expellere, etiam pecora, vt oues, capras, asellos quando nobis odiosi sunt. Aut est tollere gregatim furto, aut latrocinio. Vnde abactores pecuariorum animalium, fures, latrunculi ve: qui etiam abigei dicuntur. de quo vocabulo inter iureconsultos controuersia est. Fures autem, clam subducunt, aut sublegunt, seu subripiunt. Latrunculi, vi grassantur. Præstare, quo iurecōsulti & oratores sæpe vtuntur, est prohibere ne alicui fiat aliquid incommodi, etsi non prohibuerit satisfacere. vt, Venditor debet præstare vitium rei quam vendit.

In eundem de Arceo, Abigo, Abigeus, Abactor,
Abigeatus.

CAP. XVI.

ARcere idem ait esse prohibere. Sed mihi videtur potius esse vetare, ne accedant hi qui veniunt. Iuno septem tantum annos arcuit Troianos ab Italia, quam vbi contigerunt, non arcebat ab ea amplius, sed in ea esse prohibebat. Transfertur (vt pleraque) de corporeis ad incorporea. Cicero in Paradoxis, Quæ vis enim est, quæ magis arceat homines ab improbitate, quàm si senserint nullum in delictis esse discrimen? Contrarium huic verbo est abigere, quod significat à loco fugare atque expellere. vt, Abige muscas à facie mea scribentis, abige canes à popina tua, abige sturnos sonitu à vinea. Quintilianus, Ibo in litus miser, planctibus aues abigam. De pecoribus verò idem quod de cæteris animalibus accipiendum est: quæ si nobis odiosa sunt, abigimus, id est expellimus. vt Oues, capras, asellos, ab hortis, à vineis, à pratis. Quod si ita non sit, sed furto tollimus, utique gregatim, abigere aliud significat, id est furto tollere, aut etiam latrocinio. vt apud eundem, Adhuc spolia transeuntium, & abacti pecorum greges sub hoc titulo defendebantur. Vnde Abactores, vocantur pecuariorum animalium fures, latrunculi ve. Hos quidam abigeos vocat. Vlpianus autem inquit, Abigei proprie hi habentur, qui pecora ex pascuis, vel ex armëtis subtrahunt, & quodammodo deprædantur, & abigendi studiũ quasi artem exercent, equos de armentis, vel oues de gregibus abducentes. Cæterum si quis ouem oberrantem, vel equos in solitudine relictos abduxerit, non est abigeus, sed fur potius. Hic abigeum à non abigeo distinguit loco, non numero: Claudius numero, non loco inquires, Quantitas discernit furem ab abigeo. Nam qui vnã suam surripuerit, vt fur coercebitur: qui gregem, vt abigeus. Hic furem ab abigeo separat, vt superior fecit. Macer non separat, quum ait, Abigeatus crimen publici iudicii non est, quia furtum magis est. sed quia plerunque abigei & ferro vtuntur, si deprehendantur, ideo grauiter puniri eorũ admissum solet.

Præstare.

Quomodo autem hi iurisconsulti inter se conueniant, aut non conueniant, nihil ad hoc tempus. Hoc tantū dixerim, Non modo fures, siue qui furtim solent abigere armenta vel greges, sed etiam latrunculi, qui facta prædonum manu in alienum agrum incursionem exercentes pecora etiam interdum abigunt, & abigei nominari possunt. Præstare (quo verbo sæpe & iurisconsulti & oratores vtuntur) est prohibere ne alicui fiat aliquid incommodi, & si non prohibuerint satisficere. vt, Venditor debet præstare vitium rei, quam vendit. id est prohibere atque efficere, ne emptor damni quid faciat, alioqui satisficere. Neque illud in alterum modo, verum etiam in nos ipsos. Cicero in Tusculani, Quum id quod ab homine non potuerit præstari, euenerit. id est cauere & prohiberi.

E P I T O M E.

Innoxius, innocuus, & innocens, idem sunt: is videlicet qui non nocet nec nocuit, & ita extra culpam est. non autem innocuus, cui non nocetur, vt vult Seruius.

Littus autem innocuū, & naues innocuæ à Virgilio dicuntur figurate more poetico. quia eorum vsus nemini nocuit.

In eundem de Innocuus & Innoxius. C A P. X V I I.

Nocentes.

Innocuus, inquit Seruius, est cui nō nocetur. Innoxius, qui non nouit nocere. Vellem exempla recitasset, quibus ostenderet eam expositionem innocui veram esse. Nanque illud Virgilianum quod eum impulit in hanc opinionem, Donec rostra tenent sic confedere carinæ Omnes innocuæ: non est accipiendū, quod subsederunt tales, vt eis nihil noceretur: sed vel more poetico, quod nihil peccauerunt, quasi innocentes homines (Nocentes enim sunt quicūque ab honesto recedūt, etiam si nemini noceant) vel quod non nocuerunt, neque sibi ipsis, neque vectoribus aut nautis.

E P I T O M E.

Instar, non est ad similitudinem, vt Seruius vult: sed ad æquiparationē, æqualem magnitudinem aut mensuram. Neque dicemus, ad instar, vt nonnulli: sed sine præpositione genitiuum addemus. Mihi quidē videtur Instar deductū ab in & status, vt sit, in statū & formā. Quocirca dū res reparatur, instaurari, raro restaurari, à peritis dicitur. Et quia in, æquipollet sæpe huic præpositioni ad, frustra præponeretur. nā vt nō dicam, ad in statū: ita nec, ad instar. Serenus tamē lyricus (vt author est Seruius) dixit ad instar. sicut & Hieronymus noster, vt Iob 20, Et gaudiū hypocritæ ad instar puncti. Item Iosue seu Iesu Naue tertio, Steteruntque aquæ descendentes in vno loco, & ad instar montis intumescētes apparebāt procul ab vrbe. Sed hoc forte excusari posset per regulā notā, AEquiuales geminis, &c. nolim tamē imitari.

In eundem de Instar. C A P. X V I I I.

AEncid. 2.

Instar montis equum diuina Palladis arte AEdificant. Instar, id est ad similitudinē, Seruius ait. Quid similitudinis equo ad montē: quod si etiā similis esset, nō tamē eum

magnū potius quā parū esse, quod Virgilius senserit, intelligeremus. Archimedes ille geometricus, globū ad similitudinem cæli fabricatus est, in quo effigies cæli aderat, magnitudo nō aderat. Idē fit de tabula illa depicta ad similitudinē orbis terrarū, quā non ausim dicere depictam instar orbis terrarū. Neque alia multa huiusmodi. vt, Instar Antonii ābulas, instar patris scribis, instar languidi sedes: sed ad similitudinē, vel in similitudinē, vel in modū, vel in morē, vel tanquā, & similia. Instar potius significat ad æquiparationem, vel ad mensuram, vt apud Virgilium, Argolici clypei, aut Phœbææ lampadis instar.

Cicero, Hexametrorum instar versuū. Nam illud apud eosdem, Instar mortis ducūt: & Fulminis instar, significat æquiparationē doloris in morte, & impetus ex fulmine. Quòd siquādo reperitur proxime accedere ad significationē similitudinis, admoniti simus, vt nimīā vtendi licentiā deitemus. Nam ego sic auderē vix vtī, vt Seruii familiarissimus Macrobius, cum sæpe aliās, tū statim in proœmio Saturnalium, ita inquiens, Vt quæ indistincte atque promiscue ad subsidium memoriæ annotaueramus, in ordinem instar membrorum cohærentia conuenirent.

E P I T O M E.

Passim, non est (vt idem vult) vbique: sed per passus, quasi per singulos passus. Vnde interuallum habet. Vbique autem, est in omni loco sine interuallo. Neque accipietur pro vbique & vndique, vt à Lactantio. Sed Vsq̃uam, potius concedetur significare & in loco, & in locum, seu ad locum. Verum in exemplo Lactantiano, posset passim accipi proprie vt sit sparsim, sic, Eo sparsim confugerunt ex finitimis locis. Nam si vndique dixeris, frustra addideris ex finitimis locis.

In eundem de Passim, Vbique, & Vsq̃uam. C A P. X I X.

Passim, inquit, significat vbique. Mihi autem aliud videtur vbique, quā passim. Nāque in prato vbique est herba, nō passim. Contrā, Grex passim pascit, potius, q̃ vbique. Quippe aliquid interualli est inter pecudem & pecudē: non ita inter herbam & herbam. Est autē passim, quasi passu distante, vel sparsim: quēadmodū dicimus passis manibus & passis crinibus. Quod accipi solet etiā pro crebro, dū de rebus mētis loquimur. Lactātius tamen pro vbique accepit, quū inquit, Creditur ei passim tanquā cognitæ veritati. Neque solum pro vbique, sed etiam (quod vsitatius est) pro vndique. Quūque is numerus condendæ vrbi parum idoneus esse videretur, constituit Asylum: cō passim cōfugerūt ex finitimis locis pessimi quique sine vllo cōditionis discrimine. Vsq̃uam, duo hæc potius significat, in loco simul, & ad locum. vt Terentius in Eunucho, Occidi, neque virgo est vsquā. Cicero in Philippicis, Nec verò vsquam discedebam.

D. i.

Aduerbia in im, aut pro positiuis in e & in er minus vſitatis ponuntur: vt priuatim pro priuate, ſeparatim pro ſeparate, properatim pro properanter, diſſimulatim pro diſſimulanter, hubertim pro exhuberanter, affatim pro abunde aut abundanter, raptim pro rapte ſeu raptanter aut feſtinanter, curſim pro currenter (quo barbari vtuntur) ſeu celeriter: & nonnulla alia. Aut pro ſuis nominibus pluralis numeri & præpoſitione per, aut pro ablatiuo ſingulari, aut pro gerundio in do: vt Generatim, per genera ſingula aut in genere. Summatim, id eſt per ſummas, aut per ſummam, ſeu vt dicunt, ſummando. Viritim, per ſingulos viros aut ſingula capita, aut vir cum viro. Nominatim, per ſingula nomina, aut nomine. Membratim, per membra aut demembrando. Cæſim, per inciſiones, aut incidendo. Punctim, per punctiones, aut pungendo. Tractim, per tractus, aut trahendo. Cateruatim, per cateruas. ſic gregatim, turmatim, manipulatim, imò ſturnatim, & coturnatim, quibus lepide vtitur Beroaldus. Præterea, domeſticatim, viciatim, regionatim, oppidatim, municipatim, prouinciatim: per varias domos, vicos, regiones, oppida, municipia, prouincias. In ſumma, & ad ſummam, parum differunt à ſummatim, niſi in vtendo. nam ſic vtimur particula ſummatim, Dicam de hac re ſummatim. In ſumma ſic, In ſumma, ne prolixius de hac re loquar, hoc dictum volo. Ad ſummá ſic, Ad ſummam, ne agam de ſingulis, &c. Ad ſummum verò, id eſt ad ſummum numerum, vltra quæ plura negamus, vt Annos vixit ad ſummum ſexaginta. id eſt ſexaginta duntaxat, & non vltra. Interdum refertur ad tempus, vt Scies autem cras, ad ſummum perendie. id eſt ſi non cras, non tamen vltra perédinum diem. Semel autem, ſic à Quintiliano, atque aliis doctis dicitur, vt ab imperitis ſimul totum. quo modo etiam aduerbium breuiter reperitur dictum, vt littera declarat.

De Aduerbiis in im exeuntibus.

C A P. X X.

Addamus de quibusdam aduerbiis in im vocem exeuntibus. Priuatim nihil differt à priuate, ſi priuate dicere liceret: nihil ſeparatim à ſeparate, ſi hoc reperiatur: nihil properatim, à properatèr, nihil diſſimulatim à diſſimulanter. Hubertim idem eſt quod copioſe: Affatim, quod abunde: Raptim, quod feſtinanter: Curſim, quod currendo. Tamen aliud eſt generatim, quàm generaliter. Hoc enim ſignificat omnia ſimul quæ ſub genere ſunt amplectendo: Illud verò per ſingula genera, ſeu magis per ſingulas ſpecies. Siquidem ſpecies genera vocamus, vt Quot ſunt genera arborum, vitium: potius, quàm quot ſunt ſpecies. Virgilius,

Generatim diſcite cultus.

Varro, Non in volucris generatim ſeruatur analogia: non ex aquilis aquilæ, neque ex turdis procreantur turdi. Sic ex reliquis ſui cuiuſque generis. An aliter hoc fit, quàm in aere, q̃ in aqua? non hîc conchæ inter ſe generatim innumerabili numero ſimiles. Eodem modo, vt generatim per ſingula genera dicimus, ita ſummatim per ſingulas ſummas. Aliquando dicimus ſummatim & generatim, non per ſingulas ſummas, generæque, ſed per vnâ, vnumve. vt, Dicam de hac re ſummatim. Cicero de Ora-

Generatim.

Generaliter.

Summatim.

tore libro secundo, Infinitum mihi videtur id dicere, in quo aliquid generatim quæritur, hoc modo, expetendane esset eloquentia, expetendive honores. Cæterum quomodo differat ab illis ad summam, in summa, postea reddam. Viritim, per singula capita virorum, vt, Gracchus diuidebat viritim sex modios frumenti. Tamen de vno aliquando dicimus, vt apud Curtium, Siquis viritim dimicare vellet, prouocauit. Nominatim, per nomina singulorum: vt Assignati sunt coniurati nominatim custodi carceris. Et de vno etiam, vt Tenens cruentum pugionem Brutus, nominatim Ciceronem inelamauit. Membratim per membra. Cæsim, per incisiones gladii. Punctim, per punctiones, infixionesque gladii, siue incidendo & pungendo. Strictim, stringendo singula vel certum aliquid. Carptim, hinc & hinc decerpendo, non ipsam seriem sequendo. Tractim, trahendo, non interrumpendo seriem. Cateruatim, gregatim, turmatim, manipulatim, per diuersas cateruas, diuersos greges, diuersas turmas, diuersos manipulos. Domesticatim, vicatim, regionatim, oppidatim, municipatim, prouinciatim: per varias domos, varios vicos, varias vrbes Romæ regiones, variæque oppida, varia municipia, varias prouincias. Venio nunc ad id quod promiseram. In summa & ad summam, magis modo vtendi differunt à summatis, quàm significato. Quintilianus in Corpore proiecto, In summa non recedo. Fas est mihi etiã inuitis parētibus pie facere. Cicero de Offic. lib. i., Ad summam (ne agam de singulis) cōmunem totius generis hominū conciliationem & cōsociationem colere, tueri, seruare debemus. Differt autem Ad summam & Ad summū, quod secundum ad numerū refertur, vt idem Cicero pro Milone, Quatuor, ad summū quinque sunt inuenti, qui Milonis causam non probarent. id est non plures quàm quatuor aut quinque ex omnibus. Idē ad L. Mescinū, Noli enim existimare, mihi solitudinē non iucundiorē esse, quā tamē ipsa vti non licet, quàm sermones eorū qui frequentant domum meā, excepto vno, aut ad summū altero. hoc est excepto vno, aut (vt multū) duobus. Quintilianus in sensu priore solet vti tali genere dicendi per aduerbiū, semel. Denique vt semel finiam, sic ferē cōponendū, quo modo pronuntiandū erit. Et alibi, Et vt semel omnia cōplectar. Et iterū, Et vt semel quod est potissimū dicam, secretum in dictando perit. id est vt in summa dicam. Cuius rei causa est ipsū illud semel, quod significat vna vice pro omnibus, ita vt postea non oporteat quid addi. Ideoq; solet accipi pro immutabiliter & irreuocabiliter. Quod enim semel tantum fit, id non habet regressum vt iterū fiat. Idem in Mathematico, Quid hæc

Viritim.

Nominatim.

Membratim.

Cæsim.

Punctim.

Strictim.

Carptim.

Tractim.

Cateruatim.

Gregatim.

Turmatim.

Manipulatim.

Domestica-

tim.

Vicatim.

Regionatim.

Oppidatim.

Municipatim.

Prouinciatim.

In summa.

Ad summam.

Ad summū.

Lib. 5. Epi. 21.

Semel.

fulgentium siderum veneranda facies, quòd quædã velut infixæ,
ac coherrentia perpetua semelque capta sede collucent, alia toto
sparsa cælo vagos cursus certis emetiuntur erroribus? Virgilius,

-qui, nequid tale videret,

Procubuit moriens, & humum semel ore momordit. Ovidius,

-nulla reparabilis arte

Læsa pudicitia est, deperit illa semel.

Lucanus,

-dixitque semel nascentibus author

Breuiter.

Quicquid scire licet. Semel inquit, vt nullum postea verbū ad-
dat. In eundem sensum idem Quintilianus accepit Breuiter, vt in
Geminis languentibus, Breuiter tamen longæ crudelitatis expli-

Lib. 3. cap. 4.

canda sæuitia est: ex omnibus quæ pertulit, leuissimū fuit, quòd
occisus est. Plinius maior, A reliqua verò Gallia latere septen-

*nulli provin-
ciarū postfe-
renda.

Lib. 10. ca. 29.

trionali, montibus Gebenna & Iura: agrorum cultu, virorū mo-
rūque dignatione, amplitudine opum, * nulla ei prouinciarū
præferenda, breuiterque Italia verius quàm prouincia. Et iterum
de luscinia, quæ vulgò dicitur Philomela, Nunc continuo spiri-
tu trahitur in longum, nunc variatur inflexo, nunc distinguitur
conciso, copulatur intorto, promittitur reuocato, infuscatur ex
inopinato: interdum & secum ipse murmurat: plenus, grauis, a-
cutus, creber, extentus, vbi visum est vibrans, summus, medius,
imus. Breuiterque omnia tam paruulis in faucibus, quæ tot ex-
quisitis tibiæ tormentis ars hominum excogitauit.

E P I T O M E.

Tandem, non vacat apud Virgiliū ornatus causa (nullus enim in vacando con-
sistit ornatus, licet id Seruius velit) nec apud Ciceronem est coniunctio expletiva
quod censet Priscianus: verum virgendi & accelerandi vim affert, potissimum per
interrogationem aut tacitam aut expressam, quo modo à doctis ferè vsurpatur. at
sine interrogatione, est quasi id quod dicunt, finaliter, post longam moram, quo
modo demum & denique accipi possunt. Verum denique, tunc præcipuum ha-
bet locum, quando multis enumeratis volumus quod subdimus vltimum esse om-
nium: quasi sit, sed vt vno verbo concludam, aut, vt semel dicam. Demum præcipue
cum is & ita iunctum, solet accipi pro solum, aut omnino: vt Ea demum magna
voluptas. Is demum fructus, &c. Id demum possum. Ita demum mihi satisfacies, &c.
id est solum. Pro omnino, sic Plinius, Ea demum sola animum, &c. Ovidius, denique
pro demum posuit, vt in litera patet.

In eundem de Tandem, Demum, & Denique. C A P. X X I.

TAndem idem ait, poni non necessitatis, sed ornatus causa,
vt in illo Virgilii,

Sed vos qui tandem, quibus aut venistis ab oris?

Nec cuius ornatus, aut quare sit ornatus, explicat. Idē sentit Pri-
scianus, dicens, Tandem non solum pro aduerbio temporali, sed
etiā pro coniunctione expletiva inuenitur. vt Cicero Inuestiuarū

libro primo, Quousque tandem abutere Catilina patientia nostra? Mihi quidem nullum ornamentum videtur esse in superuacuis, & nihil agentibus verbis. Quanquam apud Græcos dictiones nonnullæ sunt, quæ aut numerum, aut sonum implent, quod in hac dictione non est, quæ habet potius vrgens quiddam & acceleras, eoque ferè per interrogationem. quæ exempla vulgo sunt plurima. vt Cicero in Catilinam, cuius oratio sic incipit, Quousque tandem abutere Catilina patientia nostra? Quo exëplo vsus est Priscianus. Quidam tamē inter primos huius ætatis docti, solent citra interrogationem hoc aduerbio vti, non tam auctoritatem sequentes eiusdem Virgilii & in eodem loco,

AEncid.1.

Et quo sub cælo tandem, quibus orbis in oris
lactemur, doceas. Et Horatii, qui ait,

Lib.1.Epi.17.

Quauis Scæua satis per te tibi consulis, & scis

Quo tandem pacto deceat maioribus vti:

Disce docendus adhuc. quàm Ciceronis in Catone maiore dicentis, Qua tandem spe sibi tam audacter obsisteret, respondit, senectute. Et pro Roscio, Quum ab eo quæreretur, quid tandem accusaturus esset in eo. Nonnullisq; aliis in locis. Sed tamen vtrunque interrogationem habet, & eam directam latenter ad secundam personam. Nam hic qui loquitur, verba alterius refert. Siquidem Pisistratus à Solone sic quæsiuit, Qua tãdem spe mihi tam audacter obsistis? Et Fimbria ab illo (quisquis fuit) sic petiuit, Quid tandem in eo accusaturus es? Neque verò legem illius dictionis scribo, sed vsum frequentissimum trado. Sine interrogatione autem quid significet, nemo ignorat, vt Virgilius, Iam tandem Italiæ fugientis prendimus oras.

Eiusdem significationis sunt demum & denique, vt notum est. vt idem Virgilius,

Tunc demū optata gemina super arbore fidunt. Cicero, Quū excessisset è vita, tum denique viueret. Sed plerunque quum sint multa enumerata, tum subiungimus denique, significantes hoc vltimum esse omnium. vt idem Virgilius,

O crudelis Alexi, nihil mea carmina curas,

Nil nostri miserere, mori me denique cogis.

Et Cicero, Quum sibi non multitudinem militum, nō idoneos imperatores, non pecuniam sibi præsto esse viderent, non denique vllam rem quæ pertineat ad bellum administrandum. De-Demum. mum solet accipi pro solum, siue pro omnino, præcipueque iustum cum Is & cum Ita. Cicero in Sallustium, Ea demum magna voluptas est Crispe Sallusti, æqualem ac parem verbis vitam

*ibi

Declam. 10.

*pascitur
Idem.

agere. M. Fabius, Illud ingeniorum velut præcox genus, non temere vnquam peruenit ad frugem. Hi sunt qui parua facile faciunt, & audacia prouecti, quicquid * illi possunt, statim ostendunt. possunt autem id demum quod in proximo est, verba cōtinuant, hæc vultu interrito nulla tardati verecundia proferunt. Et iterum, Tum illa quoque ex causa, quòd mentem tantæ rei intentam vacare omnibus aliis, etiam culpa carentibus curis oportet. Ita enim demum libera ac tota nulla distringente atque aliò ducente causa, spectabit id solum ad quod accingitur. Et alibi, Iacebat hæc insomnis, inquieta, quum diceret, iam statim apparebit, iam statim veniet, nunquam tamen tardius venit. Miserram me fili, proxima nocte iam veneras. Ecce iam, medios sidera tenent cursus, indignor, irascor. Ita mihi demum satisfacies, si apud patrem fuisti. Ideo autem dixi solum, siue omnino, quod Plinius videtur accipere pro omnino, de hirundine, dicēs, Ea demum sola auium, non nisi volatu * depascitur. Quidam volunt ab is & demum componi idem. Ouidius pro demum, posuit denique, libro tertio sine titulo, Siqua metu dempto casta est, ea denique casta est.

E P I T O M E.

Stella & sidus non differunt, vt Macrobius vult. quia sidus, etiam de stella vna dicitur: quinetiam astrum: vt, Ecce Dionæi processit Cæsaris astrum. Sed tamen stella non dicitur de signo, vt sidus. Nec stellam hybernā dicimus, vt sidus. quia à sidendo & influendo sidus dictum videtur. vnde prospero aut infœlici sidere natos dicunt: non, stella.

In Macrobiū de Stella & Sidus. C A P. X X I I.

STella & Sidus differunt, si Macrobio credimus, ita scribēti, Nunc videamus quæ sint duo hæc nomina, quorum pariter meminit, quum dicit, Quæ sidera & stellas vocatis. Neque enim hîc res vna gemina appellatione monstratur, vt ensis, gladius. sed sunt stellæ quidem singulares, vt erraticæ quinque, & cæteræ quæ non admistæ aliis, solæ feruntur. Sidera verò quæ in aliquod signum stellarum plurium compositæ feruntur, vt Aries, Taurus, Andromeda, Perseus, vel Corona, & quæcūque variarum genera formarum in cælum recepta creduntur. Sic & apud Græcos aster & astron diuersa significant. Etenim aster stella vna est, astrum signum stellis coactum, quod nos sidus vocamus. Hæc differentia (Macrobii pace) nusquam reperitur, vt apud eūdem Ciceronem de Vniuersitate, Itaque nesciunt hos siderum errores. Et iterum, Toto igitur orbe constituto sideribus, parem numerū distribuit animorū, & singulos adiunxit ad singula. Et libro secundo de natura deorum, Nam quum duosint

genera siderum, quorum alterum spatiis immutabilibus ab ortu ad occasum cōmeans, nullum vnquam cursus sui vestigium inflectit. Alterum autem continuans conuersiones duas eisdem spatiis cursibusque cōficiat. Quintilianus in Mathematico, Quid hæc fulgentium siderum veneranda facies, quòd quædam velut infixæ ac cohærentia, perpetua semelque capta sede collucet, alia toto sparsa cælo vagos cursus certis emetiuntur erroribus? Quod non sensisse Ciceronem (vt Macrobius vult) documento est, quòd non proposuit stellas. Debet enim species generi, pars toti præponi: vt, Dicam de prudentia & virtute huius. Dicam de facie Helenæ & eiusdem pulchritudine. non autem ediuerso. Fateor tamē nunquā stellam Arietē dici, Taurum, Andromedam, Perseum, sed sidus. Et hinc est quod dicimus hybernum sidus. Et illud Quintiliani, Nos graue huius anni sidus afflauit.

E P I T O M E.

Resciscere, non est quod Aulus Gellius vult: sed rem gestam, postquam gesta est, scire, quam cum gereretur nesciebas. Itaque rescimus post factum. Deprehendimus aut deprendimus, in ipso facto. vnde deprehensi in adulterio dicuntur. Horatius, Deprendi miserum, Fabio vel iudice vincam. Item nautæ, quasi alienum elementum ingressi, deprendi dicuntur à tempestatibus in mari. Virgilius, Deprensus miseris statio tutissima nautis.

In Aulum Gellium de Rescisco.

C A P. X X I I I.

Resciscere Aulus Gellius vult esse rem occultam, inopinatā, insperatāque cognoscere. Miror de hoc solertissimo verborū inuestigatore atque censore, qui vocabulum hoc de facili difficile, de claro obscurum, de trito nouū, de exposito obstrusum fecerit, ne dicam falsò exposuerit. Nunquid si videā hominem cælo volātem, vt fecisse Dædalus, Perseusque fertur: aut aliquem è terra prodire, qualis Thages ab Hetruscis creditur: aut Satyrū aliquē semiuirum semicaprumque, quem se vidisse nō nulli scripsere: aut arcana quædam naturæ peruestigauero, dicā rescuiisse? nō opinor. Est igitur propriè resciscere, rem postquam gesta est, scire, quam nesciebas quum gereretur, præsertim ad te, tuosve pertinentem. vt Terentius in Adelphis, -hem tibi, Rescuiit omnem rem: id nunc clamat scilicet.

E P I T O M E.

Deprecor supplicium, non est detestor, execror, depello, vel abominor, vt idem Gellius censet: sed quasi dicto, vel facto recuso, vel verius, precor vt non sit ita. vt contrarium sit eius quod est precor & comprecor. Sicut defendo me ab ictibus, & defendo ictus, diuersimode dicimus. De enim (vt prius diximus) tria facit. Nam aut significationem augeat, vt Deprecor, pro valde precor: Deamo, id est valde amo. sic demonstro, depello, deprauo, &c. Aut mutat in contrarium, vt Depono, detestor, dedoceo, dedisco. Aut peruertit, & in malum mutat, vt Demēs, peruersæ mētis. Deuius, peruersam viā tenens. Amēs autem, quasi sine mente: & Auius, aberrans.

D. iiii.

à via. & iniuius, sine via. delirus, sine lira & regula, aut regulam peruertens. Item reperitur de, pro deorsum: sicut sus, pro sursum siue fufum. Vnde antique dictum est apud Aulum Gelliū, Sūsque déque fero. id est sursum & deorsum fero. hoc est pro eodem habeo, & quod dicunt, nihil curo. Deprecor ergo, est aut valde precor vt sit, aut nō sit. Infinita sunt exēpla, vbi DE significat deorsum. vt Demigro, deuenio, descendo, despicio, decurro, &c.

In eundem de Deprecor. C A P. X X I I I I.

Deprecor supplicium, idem Aulus Gellius ait dictum esse, quasi detestor, vel execror, vel depello, vel abominor. Ego autē ita dici puto deprecor, vt precor & imprecor. Precor tibi bonū, precor tibi malum: sic deprecor liberationem, & deprecor pœnam. illam, vt potiar: hanc, vt vitem. Ouidius libro primo de Ponto,

Sæpe precor mortem, mortem quoque deprecor idem,

Ne mea Sarmaticum contegat ossa solum.

Defendo.

Deprecor dixit, quasi precor mortem non dari mihi in hac terra. Nec mirum id fieri in deprecor, quum fiat in magis vſitatis, vt in defendo. Siquidē dicimus, Defende me, quod fere dicitur, & nonnunquam defendo ictus. vt Cicero de Senectute, Vestitāque pampinis, nec modico tepōre caret, & nimios solis defendit ardores. Quum præsertim mos Romanis sit, etiam mala precandi ne veniāt. Vnde templa Timori, Pallori, Febri, aliisque similibus fuere dedicata, & iis (vt ita dicam) numinibus fiebant sacra. quod etiam Virgilius probat,

Nigram hyemi pecudem, Zephyris foelicibus albam.

Neque solum deprecari est voce, sed etiam per ea quæ instar vocis obtinere solēt vultum gestūque. Etenim Bucephalum, qui præter vnum Alexandrum, omnēa lium recusabat sessorem, nō inepte dixeris deprecari alios sessores præter regem. Denique deprecor magis significat, vel dicto, vel facto recusato, quàm illa quæ Aulus Gellius attigit.

E P I T O M E.

Situs, non est negligentia, quod Priscianus censet: sed sordes illa atque illuuius quæ innascitur locis humidis, & diu non repurgatis, lanuginem videlicet atque mucorem ferēs, qui & pædor dici potest. Situs etiam, est loci qualitas aut dispositio, pro quo barbari situationem dicunt: & castrum situatum, pro eo quod est situm. Nam etiam adiectiue situs sita situm dicitur.

In Priscianum de Situs. C A P. X X V.

Æncid. 7.

Situs (vt Priscianus inquit) dicitur pro negligentia, vt Virgilius, Sed te victa situ, verique effœta senectus.

Lib. 1. cap. 2.

Sed non ita est: potiūsq; sordes illa & illuuius, qualis nascitur inter opaca domus quæ diu non repurgatur. vnde inquit M Fabius, Excitāda mēs, & attollēda semper est, quæ in huiusmodi

secretis aut languescit, & quendam velut in opaco situm ducit, aut cōtrā tumescit inani persuasione. Huiusmodi igitur quidam situs sedet in vultu, capite, totōque corpore vetularum, & habitu præsertim inopum: qualem illum Virgilius intelligit, & Lucanus de malefica anu ait, *Fœda situ macies.* Quod etiam pædorem possumus appellare. vt idem Lucanus,

Longusque in carcere pædor. Et Cicero in Tusculanis, Pædo-
res muliebres. Et iterū, Barba pædore horrida. Miror Priscianum hoc in loco à diffinitione Seruii descivisse, qui hoc vocabulum propriè diffiniuit, inquit, Situs propriè est lanugo quædam ex humore procreata. Fit autem in locis carētibus sole. Situs verò pro loci qualitate manifestum est, vt de situ Messanæ, & de situ Syracusarum, & similium.

E P I T O M E.

Docilis, est qui facile docetur: facitque in superlativo potius docillimus quàm docilissimus. Docibilis autem, quem Priscianus vult esse qui facile discitur, à doctis nō dicitur, sed pro eo significato, est perceptibilis, aut perspicuus, & ad discendum facilis. & si reperiretur, vix differret à docili. Nam sæpe rem vnā diuersis vocibus eloquimur. vnde aliquādo idē sunt æqualis & æquabilis, exitiale & exitiabile, sensile & sensibile, rationale & rationabile. Penetrabile autem, adiectiue (quantum mea, inquit, fert opinio) non reperitur. substantiue verò, est penetrabile, id est locus penitior & interior domus, quem penetrata domo adimus. Penetrabilis verò, est qui facile penetrat, & qui facile penetratur. Dialectici autem recentiores dicerent sensile, passiuè accipi, quod & Lucretius facit: sensibile verò, quod Lucretius pro eodē posuit, actiue. Vnde animal sensibile, quia aptum est sentire: poniturque pro differentia substantiali animalis. Sicut rationale, pro differentia tali hominis. rationabile autē, rationem sequens, aut iuxta rationem factum. vt, Obsequium rationabile, non rationale. & Homo rationalis esse potest, qui non sit rationalis. Verum bruta irrationalia sunt & irrationalia: quia rationem non sequuntur. vnde & bruta dicta. Bene dixit, Quantum mea fert opinio: quia Aeneid. 4. reperitur,

At regina pyra penetrati in sede sub auras Erecta. Non omnia ergo legit, aut nō omnium memor fuit: infirmitatis ergo suæ memor, inquit, quantū mea fert opinio.

In eundem de Docilis & Docibilis. C A P. X X V I.

Docilis, idē inquit, est qui facile docetur: Docibilis, est qui facile discitur: quomodo Penetrabilis est qui in intimis est Penetrabilis. partibus: Penetrabilis, qui facile penetratur. Non occurrit Penetrabilis. vbinā legerim docibilis. Est enim consuetū magis perceptibilis: Perceptibilis. nisi magis apud ecclesiasticos, atq; in aliū sensū, Et erūt docibiles Dei, dictum est quasi dociles. Nam Cyprianus super illud Pauli, Episcopum non litigiosum, non cōtentiosum: sed mitem & docibilem esse debere: ait, Docibilis autem ille est, qui est ad discendi patiētiam lenis & mitis. Hoc (vt ego sentio) idem est quod docilis. Ratio tamen postulat, vt id significet quod ait Priscianus, eo quidem magis, quod habemus in eodem sensu docilis, vt superuacuum fuerit duas voces ad eō confines vni significationi dare:

Sensile.
Sensibile.
Exitiale.
Exitiabile.

Rationale.
Rationabile.
Penetralis.
Penetrabilis.

nisi dicimus simile hoc esse illis, æquale & æquabile, de quibus dixi alio volumine. Insuper sensibile & sensile. Lucretius, Ex insensibili ne credas sensile nasci. Hæc duo pro eodem accipit. Exitiale & exitiabile. Virgilius in sexto, Sed me fata mea, & scelus exitiale Læcænae, His mersere malis. Ovidius sexto Metamorphoseos, Dùmque manu tentat trahere exitiabile ferrum. Rationale & rationabile. Quintilianus in secundo, Sed quia carèet sermone quæ id faciūt, muta atque irrationabilia vocantur. Porro penetralis (quantum mea fert opinio) non reperitur, sed penetrabile, substantiuūque est, non adiectiuum. Penetrabilis adiectiuum, qui facile penetrat, vt apud Virgilium, Penetrabile telum, & penetrabile frigus. Tum qui facile penetratur, vt apud Liuiū lib. 46, Et in asperis locis silex sæpe impenetrabilis ferro occurrebat. Seruius, Quod penetrat (inquit) penetrabile dicitur: quod autem penetratur, penetrabile. In quorum priore dissensio, quum non sit neque adiectiuum (vt ipse vult, exponens penetrabile frigus, pro penetrabile frigus) neque significationis actiuæ. Denique (vt ad docilis reuertar) docillimus mea sententia faciet potius, quàm docilissimus, qualia sunt facilis, gracilis, agilis, similis, humilis.

E P I T O M E.

Numen, non est nutus Dei, nec imperium potestásque cuiusque, sed tantū Dei. Itaq; Priscianus nō rectè, & Varro non plene diffiniuit. Cæterū quantum videor mihi sentire, satis ieiunè author quoque rem explicat. Nam numen, dicitur à nuō, & quia Deus solo nutu quo se velle significat, facit quod vult: ideo numen accipitur pro potestate illa qua ad nutum Deus facit, quod nutu angelis suis imperat. Sunt autem vnius Dei varia numina, id est variæ potestates, vt inquit Seruius. Vnde dictum est de Iunone, Quo numine læso. id est qua eius potestate læsa, quum plures habeat. Est enim pronuba, Lucina, & regnorum largitrix, acrisque inferioris domina.

In eundem de Numen & Nutus. C A P. X X V I I.

Numen, idem inquit, est Dei nutus. Ante hunc Varro dixerat, Numen dicunt esse imperium, dictum à nutu. Vter horum commodius diffiniuit? Certè numen est imperium, potestásque Dei: non autem nutus neque imperium cuiuslibet. Sed Varronem de imperio Dei suspicor intellexisse.

E P I T O M E.

Necatus dicitur, non solum ferro, sed quocunque peremptus, vt sit quasi genus. Nectus verò, alia quauis re, quæ adiungi solet, ita vt sit quasi species: nec significat semper plane mortuum, sed propemodum: sicut exanimatus, cū qui similis est mortuo. vt, Nectus fame, frigore. id est confectus.

In eundem de Necatus & Nectus. C A P. X X V I I I.

Necatus, idē inquit, propriè ferro: Nectus verò alia vi peremptus dicitur. Sed ego sentio generalē significationem necatus, specialem verò nectus esse. Cicero in Rhetoricis,

& libris ad Herennium, & alibi sæpe ait, Veneno necatus. Quintilianus in 4, Hinc adulter loris cæsus est, fame necatus. Nec unquam necatus dicitur sine certo genere mortis: vt, Enectus siti Tantalus. nec tam mortuus, quam propemodum mortuus, sicut examinatus pro eo qui similis est mortuo. vt, Fame, siti enecti: quæ plurima sunt exempla.

E P I T O M E.

Næ, cum æ diphthongo, quod apud Græcos scribitur ναι, & profertur næ: estque aduerbium affirmatis, significans certè, aut profecto. Priscianus vult accipi pro valde, sed potius accipitur pro certe aut profecto. Ponitur autem ne, vox negatiua, cū his verbis, queo, scio, & volo, etiam citra compositionem, ita vt Cicero barbarum putet dicere Non scio, non volo. Reperitur tamen, Non queo: sed frequentius, nequeo: & apud Ciceronem etiam, Haud scio, vt nescio, & haud velim. Nec Vallavsq̃uam legit potissime, sed tantum potissimum: licet Priscianus cōtrā doceat. Ne autem, compositum cum dictis verbis, non habet diphthōgon: quia nequeo primam corrigit. vnde à neque, aut nec per syncopen compositum videtur. Nam ne, non corrigitur, nisi fuerit coniunctio enclitica, significans an. Nec scribitur diphthōgo nisi significauerit (vt in Græco) certe, aut profecto, seu reuera. quo modo vtitur Persius, quasi ironice dicens, Næ mihi Polydamas, aut Troiades Labconem Prætulerint. vbi tamen accipi posset pro eo quod est, vt nō: vt sit sensus, Quare sit turpe & miserabile: nunquid ideo, ne mihi &c. vnde addit nugæ. Præterea dū aduerbium prohibendi est, etiam producit. vt, Ne savi magna sacerdos. Signanter dicit, Quod ego nusquā legi, dubitans an alii legerint: quod certe apud indoctos passim legitur: apud Ciceronem verò si mēdum non est, semel ita dicentem. Hactenus mihi videor quid sentirem potissime dixisse. de quo etiam prius diximus.

De Næ & Ne.

CAP. XXXIX.

NAE pro valde idē dixit, nec tamen solus. Terentius in Andria, Næ ille illū haud nouit. Mihi quidē videtur idē apud nos significare, quod apud Græcos, scribique cū diphthongo debere ναι, quod est certe. vt apud eundem, Faciunt næ intelligendo, vt nihil intelligant. Quasi dicat, faciunt profecto. Hæc apud Ciceronem dictio frequēs est, vt de Oratore libro tertio, Næ ille haud sanè quēadmodum verba struat & illuminet, à magistris istis requireret. Apud Quintilianū cæterosq; illius æui rarissima. Ne cōponitur cū queo, cū scio, cū volo. Frequentius tamen sine compositione, apposita negatione reperimus illud primum, quàm duo sequentia. Adeò vt barbarū putet Cicero dicere, Non scio, & nō volo, licet nōnunquā apud ipsum quoque reperiatur. Ideo frequētissime legimus, Haud scio, haud velim. Idē Priscianus ait, à potius fieri potissime, quod ego nunquā legi, sed potissimū.

In Oratore ad
Brutum.
Non scio.
Non volo.
Potissimum.

E P I T O M E.

Valeant, non est apud Terentianum Pamphilum pereant, sed discedant à nobis, & à commercio nostro alieni sint: sicut discedunt, quibus Valetē dicimus: aut discedamus ab eis, sicut ab his, quibus Valetē diximus. Vale enim, est salutatio recedentis, vt salue & aue venientis. Sed salue, potius commune dicitur: eo quod salutare, & aduenientis & abeuntis est. vnde salutanti nos, respōdemus salue: nec est aliud verbum

ad hoc idoneū, nisi dicamus more vulgari magis quàm probato, Bene veneris. quī apud Homerum, χαίρει, id est aue: pro salue, & vale legatur. Apud nonnullos legūtur, salueo, saluebis, valebis. saluere autem, & valere apud multos. Valens autem, videtur interdum accipi pro ægrotāte. tamen in loco citato ē Quintiliano, ego potius profano accepero, ut sit, Consuetudo valentis, id est dum valebat. Valitudo autem vel ut apud Horatium scribitur valetudo, est dispositio corporis, tam bona quàm mala, quam qui diuersam habēt, ægroti sunt: vnde valetudinarii, dicūtur ægroti. idēque valetudini ateribimus epitheton discretiū, quum verbo etiam indifferēter significanti, sæpe purē vtamar, dicētes in fine epistolarum, Vale. Sanē in veterē codice legitur Valetudo & Valetudinarii. sed quia Horatio secunda producit, quasi à valendo, scribam per e: nam à valido fieret validitas aut validitudo, &c.

In Donatum de Valeo. C A P. X X X.

V Aleant qui inter nos dissidium volunt. Donatus, Seruius, & quidam alii sic exponunt, Pereāt qui hoc nobis volunt.

De natura
deorū lib. i.

Quæ vox & oratio aliena fuerat ab ingenio Pamphili, pio & probo. Cicero, Si deus talis est, ut nulla gratia, nulla hominum charitate teneatur, valeat. Quid enim dicam, Propitius sit? Esse enim propitius potest nemini. Nunquid eo irreligionis, atque eo impudentiæ Cicero venerat, ut deo exitium precaretur? Absit. Lactantii quoque testimonio, qui de his ipsis Ciceronis verbis ait, Quid enim contemptius potuit dici in Deum? Valeat, inquit, id est abeat & recedat, quando prodesse nulli potest. Vides ut Lactantius, quum vult Ciceronem cōtumeliosum fuisse in Deum, nō tamē exposuerit valeat, pro pereat, sed abeat & recedat. Quamquam (ut mihi videtur) nō significatur per valeat, quod abeat ille à nobis, sed quod nos ab illo, Vale dicentes. Enimuero vale, salutatio est recedentis, ut salue & aue venientis. Quomodo ergo verbum salutantis, potest accipi pro mala precatione atque salutatione? Est autem salutare, & aduenientis & abeuntis. Virgilius in nono,

Salue. Aue.

Hanc ego nunc ignaram huius quodcunque pericli est, Inque salutatam linquo. Idēque nonnunquā reperimus salue etiam in discessu, ut in calce epistolarum Ciceronis ad Tironem, Vale mi Tiro vale, vale & salue. Et iterum, Etiā atque etiam noster Tiro vale: Medico, Curio, Lyfoni de te scripsi diligentissime. Salue, vale. Virgilius in vndecimo,

-salue æternum mihi maxime Palla, AEternūque vale. Nec mirum si in fine loquendi reperiamus salue, quum etiam ille qui aditur & salutatur, dicat salue, quemadmodum qui abit, & qui alterum à se dimittit, dicit vale. Quod etiam Græci faciūt, ut Homerus primo Iliados,

Χαίρετε κήρυκες διὸς ἄσπελοι, ἡστέ καὶ αἰσθεῶν.

Neque est apud Latinos aliud verbum, quo adeunti nos respon-

deamus, quàm saluē: nisi more iā vulgari, magis quàm probato dicamus, bene veneritis. Idem verbum apud eundem, pro vale vigesimotertio Iliados,

καὶ ἔτι μοι δὲ Γάργον κει ἐν αἰδῶ δόμοισιν.

Cicero ad Atticum indicatio huius verbi vsus est, dicens, Et saluebis à meo Cicerone. Plautus in Truculento in prima positione vitur, Salue, satis est mihi tuæ salutis, nihil moror, nō saluco. Martialis etiam dixit, Valebis,

Quum pinguis mihi turtur erit, lactuca valebis,

Et cochleas tibi habe, perdere nolo famem.

Cæterum (vt ad institutum redeam) qui valeant, pro execratione acceperunt, forsitan hoc argumento inducti sunt, quòd nonnunquam hoc verbum lāguorem significat. vt Idem de Oratore, Sicut medico diligenti priusquam conetur ægro adhibere medicinam, non solum morbi eius, cui mederi volet, sed etiam consuetudo valentis, & natura corporis cognoscenda est. Vnde vale-

Valetudo.

tudo pro languore frequentissime accipitur. & testes valetudinarii nominantur. Idem ad Teretiam & ad Tironem, Valetudinem tuā cura diligenter. hoc est lāguorem & infirmitatem. Alibi pro sanitate, Sed nunc valetudini tribuamus aliquid. Frequenter tamen apponimus adiectiuum vel faustum, vel infaustum, ad distinguendum statum corporis: siquidem indifferenter significat, more sui primitiui. Dicimus enim, Vt vales? quomodo valuisti? qualiter valet filius? Sic, Qua valetudine es? qua valetudine est filius? Respondebis, Infirma, aduersa, mala valetudine: vel contrā, bona, incolumi, optima.

EPITOME.

Vas, licet à Varrone pro fideiussore diffiniatur: proprie tamen is est qui sponsor est alterius in capitis periculo, siue idem supplicii subiturus, siue pecuniam soluturus, si is pro quo vas est, id est cui vadere eo manente licet, ad diem non redierit. Vadimonium autem, est sponsio ad certum diem sistendi se in iudicio, id est comparandi per se, aut per aduocatos. Obses autē, est qui traditur imperio alterius ea conditione, vt si dator obsidis à fide recedat, recipienti sit ius in corpus & vitam obsidis. Vnde vas à vadendo, quia per eum alteri vadere licet, dictus videtur. Obses verò, ab ob, & sedeo: quia sedet, id est residet apud alterū ob fidem datā seruādam.

In Varronem de Vas & Obses.

CAP. XXXI.

VAs, inquit Varro, appellatus est, qui pro altero vadimoniū promittebat. Cōsuetudo erat, quum reus parum esset idoneus inceptis rebus, vt pro se alterum daret. Videtur Varro significare vadem eum esse, quem fideiussorē vocamus: & vadimonium, fideiussionem. Nos hoc negare ita esse quā possumus, quum Varro omnium consensu sit Romanorum eruditissimus, & linguæ Latinæ peritissimus: qui Latinas literas fecit & latinio-

res & literatiores. Quāquam multi sunt, qui eum quibusdam in locis reprehendant. quæ facultas præcipue discipulis Quintiliani adesset, longe Varrone doctioris atque eloquētioris. Verum ego non ausim reprehendere, sed tantum affirmare, me non legisse (duntaxat quantum aut recordor, aut intelligo) vadem eum esse, qui vadimonium pro altero dat (si vadimonium significat fideiussionem) sed eum, qui sponsor est alterius in capitis periculo, siue idem supplicium subiturus, siue pecuniam soluturus. vt apud Quintilianum in declamatione, quæ inscribitur Amici vades. Et apud Ciceronem libro quinto Tusculanarū quæstionum de Pythagoreis amicis, quorum alteri quum tyrānus diem mortis dixisset, alter pro amico ad visendam matrem ituro vas factus est.

Lib. 3. ab vrbe condita. Et apud Titum Liuium de Cæsone capitis reo, ita dicentē, In vincula conici vetant. Sisti reum, pecuniāque (nisi sistatur) populo promitti placere pronuntiāt, summam pecuniæ quantā æquum esset promitti, veniebat in dubium. Id ad senatum reiicitur. Reus (dum cōsulerentur patres) retentus in publico est. vades dare placuit. vnum vadem trium millium æris obligarunt. quot darentur, permissum est tribunis. decem finierunt. Tot vadibus accusator vadatus est reum. Hic primus vades publicos dedit. Quod Festus quoque sentit, dicens, Vas sponso rem significat in re capitali. Vadimonium (quantum ego sentio) est sponsio ad certū diem sistendi se in iudicio. id est comparendi per se, vel per aduocatos. vt in oratione Ciceronis pro Quintio datur intelligi, vbi longa est altercatio de vadimoniis: altera parte dicente fuisse sibi vadimonia deserta, altera verò nequaquam à se illa fuisse facta. Et Quintilianus de Legato frumentario, qui ad præstitutum diem venerat, inquit, Nisi * tamen ad vadimonium legate venisses, nō multorum dierum commeatum habebamus. Et hoc ipsum fortasse Varro sensit. Obses autē est, qui traditur imperio alterius, ea conditione, vt si dator obsidis à fide recedat, recipienti sit ius in corpus & vitam obsidis. Quod præcipue inter potentes commercium est, qui nō habēt superiores, ad quos pro iustitia prouocēt.

Vadimoniū.

In pastu cad. * tandem

E P I T O M E.

Decurio, dicitur qui decem præest equitibus: sicut centurio, qui centum præest militibus. Sed duplex est decurio, Romanus & municipalis. Romanus, id est qui Romæ decurio est habitus, longe maior erat quàm municipalis: quia municipalis, cōsiliis in municipiis admittebatur, vt senator Romæ: eratq; maior equitibus municipalibus, sed minor tamen equite Romano, quū decurio Romanus etiam decem equitibus præfuerit. Eques quoque Romanus, maior erat centurione, id est eo qui centum militibus, sed propriè peditibus præerat. Centurio verò, maior eo qui Græcè *ἑκαταρχος*, id est decem hominum princeps dicitur, plus enim est cētum præesse, quàm decem.

vnde non rectè decurionem pro decarcho accipias. Eques autem, dicitur vel qui de ordine equestri, vel qui equo militat. Vnde author noster, quem vulgus militem vocat, & peritiores equitem, aut equitem auratum, quum non sit satis aptum ei dignitati vocabulum, decurionem velit appellatum. Equitatus autem, est multitudo equitum, id est equo militantium. Pedes verò, est qui pedester militat. Peditatus, ita militantium multitudo. Miles autem, quicumque militat, sed potius in pugna pedestris dictus (vt quidam volunt) quasi millesimus, aut è mille vnus. Turma, cõstat ex duobus & triginta equitibus, cui Frõto decurionem præesse voluit. Decuriæ autem, sunt nobiliorum, quia equitum. Centuriæ, inferiorum: quia peditum & vulgarium. Vnde decurio, centurioni præstat: quia præstantius est præesse decem equitibus, quàm centum peditibus. Persius tamen, centuriones pro militibus videtur accepisse, aut reuera pro iis qui centum præfunt. vnde quia stant, varicosos appellauit, dicēs, Dixeris hæc inter varicosos centuriones. Pomponius iurisconsultus decurionē dici putat, quòd decima pars coloniarum deductarum, initio conscribi solita sit.

In eundem de Decurio.

CAP. XXXII.

DEcuriones, inquit idem, primi singularum decuriarum dicti, quod probat Tempanius ille apud Titum Liuiū, quod & ipse approbat Festus. Idemq; ait, Decuriones appellantur qui denis equitibus præfunt. Est ergo dictus decurio à decem, & centurio à centum. Nam (vt ait Pædianus) decuriæ sunt nobiliorum, centuriæ inferiorum. Quidam volunt (quorum est Fronto) decurionem præesse turmæ, quæ cõstat ex duobus & triginta equitibus. Neque belli solum, sed domi quoque decurio dicitur, nomen quoddam præposituræ significans. vt Suetonius in Domitiani vita, Saturius decurio cubiculariorū. & hoc quidem apud Romanos. In municipiis autē (vt mihi quidem videtur) idem est decurio, qui Romæ senator. Nam qui in senatu, & consiliis Reipublicæ municipalis interesse poterant, decuriones erant. Cicero pro Sestio, Qua de causa & tū cõuentus ille Capuæ huic P. Sestio apud me maximas gratias egit, & hoc tempore beneficium, fidemque hominis testimonio declarant, periculum deprecantur suo decreto. Recita quæso P. Sesti quod decreuerunt Capuæ decuriones. Quòd autē differant decurio Romanus & decurio municipalis, ex epistola quadam Plinii Iunioris è primo libro declaratur, dicentis, Esse autem tibi centum millia nummum censum satis indicat, quòd apud nos decurio es. Igitur vt te nō decurione solum, verum etiā equite Romano perfruamur, offero tibi ad implendas equitis Romani facultates, trecēta millia nummum. Nō dicitur itaq; decurio, aut quòd decem præsit militibus (vt quidam volunt) quem Græci *ἡγεμὼν* vocant, quum decurio sit maior equite, eques centurione, centurio decarcho, vt ex stipendiorū magnitudine datur in multis libris intelligi: aut in municipiis qui decē equitibus præest, quū sit equite duntaxat Romano minor.

Turma.

Decurio municipalis.

Miles.

Eques.

An quia decem præsit equitibus municipalibus? aut hoc erit dicendum, aut Pomponii iuriconsulti opinio sequenda, dicentis, Decuriones quidam dictos aiunt ex eo, quod initio quum Colonia deducerentur, decima pars eorum qui deducerentur, consilii publici gratia conscribi solita sit. Quare eum, quem nunc militem appellamus, aut falsa dignatione afficimus (nam etsi omnes qui militant milites sunt, miles tamen propriè qui pedibus militat dicitur, eques qui equo) aut si vere, decurionem potius appellamus. Quidam horum temporum docti, equitem vocât, sed rectius decurionem vocarêt. Nam eques est, aut qui Romæ ex ordine equestri est (quod non facit ad gloriam militarem) aut qui equo militat: cuius nulla dignatio est, quâquam iurisperiti multa ineptissimè fabulantur de dignatione militum: quæ quidem vel nulla, vel communis est omnium siue pedestrium, siue equestrium, qui militiam exercent. Nam de auro gestâdo, vel huiusmodi nugis, nullum verbum est in iure ciuili. Sed hæc omittamus, quæ non sunt huiusmodi scriptionis, dum illud admonuerimus, Romanum decurionem, qui præest decē Romanis equitibus, longe præstare cæteris decurionibus, quibus etiam ipse eques Romanus præstat.

E P I T O M E.

Exemplum & exemplar, ferè pro eodem sumuntur. Propriè tamen exemplar, est id in quo est quod vel imitemur vel deitemus. Exemplum, id ipsum quod est nobis imitandum aut deuitandum. vnde vnius exempli multa possunt dici exemplaria, sicut forma vna dicendi, quam Virgilius in AENEIDE seruaui, potest dici exemplum, atque in multa exemplaria, quas inepti copias aut duplum vocant, transcribi. Est igitur exemplum, quasi res incorporea existens in exemplari, id est re corporea. Vnde vita Catonis aut eius mors, est nobis exemplum: ipse Cato, exemplar, siue (vt Plinius dixit) exemplarium. Exemplum præterea, vt Aulus Gellius docet, erat grauissimum genus punitionis. Vnde exemplar aliis inspiciendum fiebat, quod & Comicus in Eunucho satis indicat.

In Festum Pompeium, de Exemplum & Exemplar.

C A P. XXXIII.

Cap. de imitatione.

EXemplum (inquit Festus) est quod sequamur, aut vitemus. Exemplar, ex quo simile faciamus. Illud animo æstimatur, istud oculis conspicitur. Mihi autè (licet Festus scientissime de exponendis vocabulis loquatur) aperienda tamen est magis horum nominum differentia. Nam & exemplum est, ex quo simile facimus, vt Opera Homeri exēplum sunt poemata scribere volentibus. Quintilianus libro decimo, Sic literarum ductus, vt scribendi fiat vsus, pueri sequuntur. sic musici vocē docentium, pictores opera priorum, rustici probatam experimēto culturam in exemplum intuetur. Et exemplar animo quoque æstimatur.

Cicero lib. 3. de Oratore, Illa oratio fuit mihi exemplar bene dicendi. Quintilianus in decimo, Cornelius autem Seuerus etiam si versificator quàm poeta melior, si tamen (vt est dictum) ad exemplar primi libri bellum Siculum perscripsisset, vendicaret sibi iure secundum locum. Horatius in satyra inquit,

Plautus ad exemplar Siculi properare Epicharmi. Idem Cicero pro Murena, Domesticum te habere dixisti exēplum ad imitandum. Est illud quidem exemplum tibi propositum domi, sed tamen naturæ similitudine illud ad te magis, qui ab illo ortus es, quàm ad vnumquenque nostrum pertinere potuit. Ad imitandum verò tam mihi propositum exemplar illud est, quàm tibi. Itaque vnum pro eodem penè exemplum & exemplar posuit, & quidem eodem in loco. Cæterum exemplum est ipsa res quam imitatur, aut (si ita sors tulerit) deuitamus in aliquo, vt in Catone, Cato autem ipse exemplar. Illud contentum, hoc continens. Quòd si dicamus ad exemplar Catonis, aut ad exēplar Epicharmi, sic intelligimus ad exemplar Catonis, quod est Cato: ad exemplar Epicharmi, quod est Epicharmus, siue opus Epicharmi. vt

* opus hominis, pro ipso homine. Animam corpusque filii destruis, quasi aliud illa sint à filio. Exemplum pro exemplari. Est enim contentum pro continente, vt apud eundem, Fuit ille vir exemplum continentia. quomodo dicimus, Ille vir fuit norma viuendi. quum tamen non sit norma viuendi vir, sed in viro: ita nec ille exemplum continentia, sed in illo. Ideoque exemplaria multa sunt, vnius tamen exempli. vt, Redditæ sunt mihi binæ literæ tuæ eodem exemplo. id est eiusdem formæ: & duo vel tria exemplaria AENEIDOS, hoc est multi codices eodem exemplo: & exemplar ab exemplari sumitur, non ab exemplo. Nam exemplum incorporale est, exemplar plerunque corporale. Hinc Salustius, Literas quas sibi nomine Catilinæ redditas dicebat, earum exemplum infra scriptum est. hoc est earum forma infra scripta est, melius quàm earum exemplar. Quòd forma sit exemplum, Paulus iurisconsultus testatur, Si legatum certum petatur, non iubet Prætor verba testamenti edere: ideo fortasse, quia hæreses solent habere exemplum testamenti, id est formā. Cicero ad Appium, Ex his literis, quarum ad me exemplum misisti. Et ad Ciceronem tum Plancus, Exemplar eius chirographi Titio misi. Tum Asinius Pollio, Ex literis cognosces: nam earum tibi exemplar misi. Hi de pagina scripta, quod corporale est, intelligunt: ille de sententia, quæ in pagina continetur, vel potius ex pagina percipitur. Quòd si indistinctè his duobus libet vt, non sanè repugna-

bo: quum præsertim Ouidius dicat exempla plura vnus rei, id est exempla pro exemplaribus. Nam vnus rei vnū atque idē exemplū est propriè, vt dixi: in diuersis licet exemplaribus. Loquens enim de opere suo Metamorphoseos, lib. primo de Tristibus ait, Pluribus exemplis scripta fuisse reor.

Exemplarium.

Reperitur etiam exemplarium pro exemplari. Plinius lib. sexto, Iuba hæc omisit in hoc tractatu, nisi exemplarium vitiosum est. Non de eo autem exemplo dixi, quod adhibetur rei aut probanda, aut ornanda causa: quæ significatio nota est omnibus. Vnde pars probationis vocatur ab exēplis: & in elocutione exemplum inter ornamenta numeratur.

E P I T O M E.

Persona, in homine est qualitas, qua alius ab alio differimus, tam in animo quàm in corpore, quàm in rebus externis. vnde actores fabularum, personati dicuntur, à personis, id est diuersarū personarum faciebus simulatis. id est laruis, quas à personando, personas dictas Aulus Gellius putat. licet persona, media longa: pērsōno eadem breuidicatur. Vnde Horatius in arte, Post hunc personæ pallæque repertor honestæ. In Deo quoque, persona dicitur, non substantia, sed qualitas quædam, non vt Græci eam diffiniunt, sed vt Romani.

In Boetium de Persona. C A P. XXXIII.

Persona est (inquit Boetius) incōmutabilis naturæ, indiuidua substantia. Existimans se argumentatione collegisse, quare non sit qualitas, nec aliud prædicamentum vllum, sed substantia. Sed huic homini Romano ostendam Romanè loqui nescire. Persona nanque nō est in Deo magis quàm in bruto, sicut humanitas, sicut alia plura. Sed demus vt in Deo etiam sit persona, quæro quomobrem ea non sit qualitas, siue de homine loquimur, siue de Deo. Nam in homine quidem persona significat qualitatem, qua alius ab alio differimus, tum in animo, tum in corpore, tum in extra positis, quæ à Rhetoricis enumerantur in attributis personæ. Animi: vt quo studio se exerceat, medicinæ, an iuris ciuilis, an militiæ. Et qua mente: iracundus, an moderatus: avarus, an liberalis. Corporis: iuuenis an senex, pulcher an deformis, fortis an imbecillis, mas an fœmina. Extra positorum: diues an pauper, clarus an obscurus, maritus an cælebs, parens liberorum an orbus, & his similia. Ideoque figuræ & sigillā quædam, quæ rostris, aut alia corporis parte aquam fontanam emittunt, quia repræsentant varios hominum vultus & gestus, personæ dicuntur. Et histriones in scena personas accipiunt, quum aut seruum agunt, aut ancillam: aut matronam, aut meretricem: aut senem, aut adolefcētem: aut patrem, aut matrem, aut filium: aut regem, aut militem: aut lenonem, aut parasitum, & mille huius-

modi, quæ nō sunt singula in singulis, sed plurima. veluti in me est persona humani, liberalis, timidi, iracūdi, hebetis, somniculosi, literati, senilis, mariti, soceri, generi, patris, filii, fratris, pulchri, fortis, diuitis, nobilis, & interdū contraria. Nam ad fortissimum, pulcherrimum, ditissimum, non sum fortis, nec pulcher, nec diues: sed imbecillis, deformis, pauper. Alia itaque ad hunc persona sum, quàm ad eū cui in his omnibus antecello. Et ad Priamum sum persona filii, ad Astyanacta persona patris, ad Andromachā persona viri, ad Paridem persona fratris, ad Sarpedonem persona amici, ad Achillem persona inimici. Quo fit vt adsit mihi multiplex persona ac diuersa, sed vna tantum substantia. In Deo autem personam ponimus, vel quòd nullum aliud vocabulū quadrat: nō natura, quo veteres utebantur: non substantia, quo Græci vtuntur: vel quòd vere in Deo triplex est qualitas. Atqui hic mihi os comprimet Boetius, neque vocē prodire permittet, dicens qualitatem eam esse quæ possit etiā abesse præter subiecti corruptionem. Hanc ego diffinitionem (vt græculam & ineptam) derideo. Dico lucem, vibrationem, calorem in sole esse qualitates: & hoc dico Latine, omnibus qui vnquam Latine locuti sunt cōsentientibus. quanquam de hac re suo loco in nostro opere de Dialectice disseruimus. Tales qualitates statuo in Deo, & has dico esse personas, quæ ab eo abesse non possunt, & qualitatem significare, non substantiam (vt Boetius voluit) qui nos barbare loqui docuit. Hinc enim est forsitan adductum vulgus vt sic loquatur, Tres personæ me expectant, video duas personas, hic est bona persona. qui sermo antea fuit inauditus, & hodie nemo nisi imperitus omnino sic loquitur. Quanquam Boetius ipse viderit, quomodo persona est substantia. Sunt autem in Deo tres personæ, non & tres substantias illi adesse intelligamus: præsertim quòd neque vlla vox meram substantiam significat, neque vlla res est mera substantia, vt in eodem nostro opere ostendimus.

EPI T O M E.

Noxæ dedere, est seruum tradere ad supplicium, quod pro noxa meruit, dum dominus mauult eum tradere, quàm pro eo maleficium præstare. Vnde oritur noxalis actio, quam Paulus in textu diffinit. Noxa autem, nō solum culpā, sed & damnum significat, ac nocumentum. Neq; noxia propriè pro culpa dicitur, quū id nusquam reperiatur nisi adiectiue noxius, noxia, noxium. Errat ergo in noxia Seruius, & in noxæ dedere Iustinianus, aut potius Tribonianus cum sociis, qui Codicē & Institutiones, eius nomine cōposuerūt. Nā ipse linguæ Latinæ imperit⁹ cēseri potest, quū in Græcia semper vixerit, & se dominū, cōtra Romanū morē, appellatū voluerit.

In Iustinianū de Noxæ dedere. C A P. X X X V.
Noxæ dedere, Iustiniani pace, siue Triboniani & sociorum
 (Nam Iustinianus nec iura, nec forsitan Latinas literas
 E.ii.

*nocuit

Noxales
actiones.

*vis,

*debita

nouit) est pœnæ dare, siue tradere ob noxam, qua significatur culpa. Ille autem ait, Noxa est ipsum corpus quod * punitur. & in eodem loco, Corpus deditur noxæ. Si noxa corpus est, quomodo corpus deditur noxæ? Nunquid corpus deditur corpori, aut corpus sibi? Quanquam quid hæc oratio ad significandum pœnam faceret? Est autem hæc pœna seruorum, quos domini malunt ad pœnam tradere, quàm præstare maleficium, quod illi admiserunt. Paulus ita diffinit, Noxales appellâtur actiones, quæ non ex contractu, sed ex noxa atque maleficio seruorum aduersus nos instituuntur: quarum actionum * ius & potestas hæc est, vt si damnati fuerimus, liceat nobis deditione ipsius corporis quod deliquerit, euitare litis æstimationem. Vlpianus quoq; addit, vt corpus tradatur viuum igni. Quintilianus in Gladiatore, Alebat deuotû corpus grauior omni fame sagina, & inter * debita noxæ mancipia contemptissimus tyro gladiator, vt nouissime perderem calamitatis meæ innocentiam, discebam quotidie scelus. Nam noxa etiam damnum significat. vt apud Ouidium libro decimoquinto Metamorphoseos, Nocte nocent potæ, sine noxa luce bibuntur.

Et Suetonium de Cæsaris vita, Spurinâque irridens, & vt falsum arguens, quod sine vlla sua noxa Idus Martiæ adessent. De brutis autem improprie dicitur, Ea dedi noxæ, vt de capra apud eundem Ouidium libro primo Fastorum, Verba fides sequitur, noxæ tibi deditus hostis,

Spargitur effuso cornua Bacche mero.

AEneid. 1.

Noxia.

Seruius super illud Virgilii,

Vnius ob noxam, & furias Aiæcis Oilei: ait noxam pro noxia, id est culpa. quasi per se noxa non significet culpam, quam familiaris eius (vt opinor) Macrobius leuem culpâ accipi vult. Atque vt sibi crederemus noxam non culpam esse sed pœnam, ait culpam noxiam dici: quasi noxiam sæpius quàm noxam in hac significatione reperiamus, quam dictionem nusquam reperimus. Quod dixi Iustinianum forsitan nec iura, nec literas Latinas scisse, nemo miretur, tum quia semper in Græcia vixit, tum quia se dominum Iustinianum (vt ex numismate eius apparet) dici voluit, vt quidam alii Cæsares fecerunt, quod à viro Romano est alienissimum, & character ipse literarum, figurarumque illorum temporum numismatis, Gothicum magis redolet quàm Latinum.

E P I T O M E.

Testamentum, non dicitur per veram etymologiam testatio mētis: sicut nec æ-

amentum,armatio mentis: sed à testando deducitur. nam quæ in mentū exeūt, olim exibant in men: vnde addita tum syllaba, fit mentum, vt testamen testamentum. Nec oratio, rectè dicitur oris ratio: sed ab oratum oratu, mutando u in io, fit oratio. sicut ab amatum amatu, amatio: & à lectu, lectio, &c.

In eundem de Testamentum. C A P. XXXVI.

Testamentum, idem inquit, ex eo appellatur, quòd testatio mentis est. Quæ diffinitio quorundam iuriconsultorum fuit, quos si iuste Aulus Gellius coarguit, quāto ego iustius hunc arguere possum, qui explosam atque derisam etymologiam inculcat? Nam cur à mente potius dicatur, quàm à mento, vel à menta? Quia nihil ad hanc significationem mentum, mentave facit, inquires. Quid ergo mens ad armentum, ad falsamentum, ad ornamentum, ad condimentum, ad armamentum, ad pauimentum, ad cæmentum, ad calciamentum, ad vestimentum, & huiusmodi infinita? Nec minus inepta videtur mihi hæc etymologia, quàm illa apud Donatum, apud Seruium, apud Isidorum, Oratio dicta est quasi oris ratio. Quid aratio est? quid deuoratio? quid trituratio? quid operatio? quid mille huiusmodi? nunquid in his ratio est? an talia sunt, qualia cætera à supinis profecta, satio, potatio, messio, lectio? Quid non etiā, sicut à supino ratio venit, reoratum ratio, sic ab oratum oratio? Eo magis quòd secundam syllabam bis accipi vult, quasi dicatur oriratio, & non oratio. Non est ergo vera etymologia hæc. Neque à mente, neque à mento, neque à menta: sed potius hæc nomina assumunt tum syllabam, quum exirent antea in men, vt vestimen, calciamen, munimen, lenimen, nutrimen, spiramen, medicamen, velamen: quibus adiecta tum, fit munimentum, lenimentum, nutrimētum, spiramentum, medicamentum, vestimentum, velamentū, calciamentum. ita testamen addita syllaba tum, fit testamentū. Quòd si à mente descenderet testamentum, testamentia diceremus, quemadmodum dementia & amentia. Nihil habet magis ridiculum hæc, de qua loquimur sciētia, quàm etymologiam, in qua ipse quod Varro & lufit, & lusus est. Oratio.

E P I T O M E.

Syncerum, non est (vt Donatus vult) sine cera & sine succo: sed potius cum cera à *σύν* quod est con: non à sine. nam per y scribitur: & sine, nunquam componitur. Est ergo compositum ex Græcis dictionibus, *σύν*, & *κηρός*, id est cera. Nectamen vsquequaque quadrat etymologia: verum ea sæpe mendax est. Nam licet fides (vt Ciceroni in 1. Officiorum placet) apertè dicatur, quia fiat quod dicitur: tamē id coarguit, quòd etiam fides est chorda instrumenti musici. Potest tamen syncerum dici, quod integrum est & non fraudatum, sicut mel cū cera & fauo. Vnde per translationem fides sincera & amor syncerus, & mens sincera dicitur, quasi solida, integra, & nequaquam fraudata, neq; fucata, siue adulterata: vt solent res nō synceræ, id est non integræ, adulterinum quid in complementum recipere. Frequenter tamen since-

rum legimus pro puro, quasi sine carie.

In Donatum de Syncerum.

C A P. X X X V I I.

Sine.

Fides.

SYncerum (Donatus inquit) quasi sine cera, mel simplex & purum, & sine succo. Imò cum cera potius. Syncerum à *σύν* componitur, non à sine, quæ nunquam compositionem admittit, quod ipsa etiam scriptio declarat, quæ y habet, non i. Est enim ex duobus Græcis compositum, ex *σύν* & cera quæ ab illis dicitur *κνρός*, vel à *σύνκνρος* cōuertimus. Quo magis venusta atque apta huius authoris etymologia est, indicatur etymologiam plerunque fallacem esse, quia significatio hæc nō ita absoluta & vera est. Quid venustius atque aptius dici potest, quàm fidem ideo vocatam, quia fiat quod dicitur? Quam etymologiam fallacem esse declarat, quòd hoc nomen, chordam instrumenti musici significat. Et tamen licet dicere syncerum, quasi cum cera mel, quod integrum est & solidum, & nulla sui parte fraudatum: vt si diuidere fructum communium alueariorum cum socio velim, partemque tantum mellis assignem, nimirum non ago syncere, quòd sine cera mella dedi.

E P I T O M E.

Mulier, propriè est fœmina à viro cognita: sed generaliter dicitur etiam de virgine atque incorrupta, vt de diua virgine in Euangelio. Rarò tamen, nisi de nubili, atque ea quæ viripotens videatur. Ridicula autem est eorum etymologia, qui mulierem dicunt mollem aerem, & propterea interdum penultimam corripere, quod vbi sit non docent. Neque minus ridenda eorum qui dicunt mulierem dictam, quòd mulceat æs: atque ita, vt æs æris, penultimam producere, sicut apud Lucretium, Siue virum soboles, siue est mulieris origo. Sed vt de origine taceamus, certum est potius pro corrupta accipi. quā mulierosum dicamus hominem nimis affectum ad mulieres, præsertim ob rem veneream.

In Iurisconsultos de Mulier.

C A P. X X X V I I I.

Quintilianus
lib. 6. cap. 3.

Mulieris appellatione (Caius inquit) etiam virgo viripotēs continetur. Vlpianus autem quodam loco ita ait, Quòd si ego me virginem emere putarem, quum esset mulier, emptio non valebit. Hic mulierem appellat quæ virgo non est. Ille etiā quæ virgo est. Et Vlpiani quidē recta locutio est, Cicero nis testimonio: qui obiurgantibus, quòd sexagenarius Popiliam virginem duxisset, Cras mulier erit, inquit. Sed Caii quoque definitio locum habet aliquando. vt si quis videns decem fœminas, quarum aliqua virgo sit, ætate tamē qua mulier esse possit, dicat, Vidi decē mulieres. Quo modo etiam in Euāgelio dicitur, Quid mihi & tibi est mulier? Sed ex Græco sumptum est *γυνή* vel *θήλυς*, quo significatur, vel fœmina, vel mulier. Idem quoque Vlpianus inquit, Mulierem ita arctam, vt mulier fieri non possit, sanā non

videri constat. Eandem dixit & mulierem, & non mulierem: primum pro ea quæ est fœmina, secundum pro corrupta.

E P I T O M E.

Munus (de cuius descriptione inter iuriconsultos controuersia ab autore nostro indiscussa est) vt Festus & Varro sentiunt, est interdum donum mutuo animo datum officii gratia. vnde per diminutionem, munusculū dicimus. Est præterea officium & onus, quod ex officio subire tenemur. vnde munera seu munia (sic enim Horatius vocat) militaria: & munus, id est onus & officium debitum militum. Ediuerso, immunis, otiosus & sine munere. At contrà, municeps, munus capiens, ex vicino Romæ oppido ciuis, qui quia onera militaria subiret, iure Latio, & etiam ciuitate Romana donabatur. Municipium autem, est vbi municipes cohabitant oppidum. Ius Latium erat, quo magistratus atque officia Romæ petere poterat. Præterea munera, dicuntur aliquando ludi publici. Vnde Cicero ad Curionem, Nempe non defuit studium declarandorum munerum. id est ludorum. Donum autem, quidam volunt gratis conferri, & esse speciem: munus verò, genus. alii contrà. vtrunque negat author, asserens etiam nullum donum sine causâ esse.

In eosdem de Munus & Donum. C A P. XXXIX.

MVnus (Paulus inquit) tribus modis dicitur. Vno, donum: & inde munera dici dari, mitti. Altero, onus: quod quū remittitur, vacationem militiæ munerisque præstat. inde immunitatem appellari. Tertio, dicitur officium: vnde munera militaria, & quosdam milites *munificos vocari. Igitur municipes dici, quòd munera ciuilia capiant. Idem alibi, Municipis intelligendi sunt & ii, qui in eodem municipio nati sunt. Vlpianus, Municipis quidem propriè appellantur muneris participes, recepti in ciuitatem, vt munera nobiscum facerent. Sed nunc abusiue municipes dicimus, suæ cuiusque ciuitatis ciues, vtputa Campanos, Puteolanos. Pomponius ita ait, Munus publicum, est officium priuati hominis, ex quo commodum ad singulos vniuersosque ciues, remque eorum imperio magistratus extra ordinem peruenit. *Marcus autem sic, Munus propriè est, quod necessario *subimus lege, more, imperiove eius, qui iubendi habet potestatem. Dona autem propriè sunt, quæ nulla necessitate iuris, sed officio & sponte præstantur: quæ si non præstentur, nulla reprehensio est: & si præstentur, plerunque laus est. Sed in hoc ventum est, vt non quodcunque munus, idem donum accipiat. At quod donum fuerit, id rectè munus accipiat. Quomodo hi iuriconsulti inter se conueniant, & an aliquid desit alicui horum, Accursius cum Bartholo Baldoque consultet: dūque mihi (vt more ipsorum loquamur) ambo, trèsvè respondeant, affirmētque, quod Marcus ait, donum esse speciem, munus verò genus. Idemque contrarium esse verbis Vlpiani dicentis, Inter donum & munus hoc interest, quod inter genus & speciem.

Immunitas.

*munifices

Municipes.

*Martianus

*obimus

*natalitium,
nuptiarium.

Nam genus esse donum, Labeo ait, à donando dictum : munus speciem . nam munus esse donum cum causa, vtpota * natalium, nuptiarum. Hic meam non interpono sententiã, ne illos Triumviros doceam contra me respondere . Quòd si me utique sequi voluerint, respondeant neutrum verum dicere. Nam neque genus, neque species in hæc duo nomina cadit, & nullum mihi videtur donum sine causa esse.

E P I T O M E.

Peculium, est quicquid labore nostro partum est in quacunque persona: licet in servis iura velint dominorum accedere cōsensum. Item quicquid propriè alicuius est. vnde quia servis, & filiis familiã nihil proprium est, nisi dominorum & patris consensu, aut castrense lucrum, id est militia partum: ideo peculiariter, id est specialiter, id peculium vocamus. Nam peculiaris, id est ad peculium pertinens, accipitur pro proprio & speciali. Peculatus autem est furtum rerum ad ipsam Rempublicam vel ad prouentus principis spectantium. Inde depeculor: quod quidam ad sacrilegium etiam transferunt.

In eisdem de Peculium.

C A P. X I.

Peculium est, Pomponius inquit, non id cuius seruus seorsum à domino rationem habuerit, sed quod dominus ipse separauerit, suam substantiam à serui ratione discernēs. Peculium, Celso referente, Tubero sic definit, Est quod seruus domini permissu separaturn à rationibus dominicis habet, deducto inde, siquid domino debetur. Idem alio loco, Pater familiã peculium habere nō potest, quemadmodum nec seruus bona. Ex his verbis apparet, nec dominum habere peculium posse, & solum seruum habere. Idē Pomponius & Celsus alibi aiūt, vnde colligi possit, etiam non seruum ac dominum habere peculiū. Pōponius enim ita scribit, Castrense peculium, est quod à parentibus vel cognatis in militia degēti donatum est: vel quod ipse filius familiã in militia acquisiuit, quod nisi militaret, acquisiturus nō fuisset: nam quod erat etiam sine militia acquisiturus, id peculiū eius castrense non est. Celsus autem sic, Et audisse se rusticos senes ita dicentes, Pecuniam sine peculio fragilem esse, Peculium appellantes, quod præsidii causa reponeretur. A quo non dissentit Vlpianus dicens, Peculium dictum est, quasi pusilla pecunia, siue patrimonium pusillū. Quid ergo inter has diffinitiones sequemur multiplices, & inter se propemodum cōtrarias? quum præsertim Festus ita scribat, Peculium seruorum est, à pecore dictum, sicut pecunia nobilium. Et Seruius grammaticus, Peculium patrimonium (ita enim maiores dicebant) à pecoribus, in quibus constabat vniuersa eorum substantia. Vnde etiam pecunia dicta est à peculio, quod propriè tantum est seruorum: & peculium dicimus (licet abusiue) pro patrimonio. Ipse verò tanquam arbiter hono-

Pecunia.

rarius hanc rem diiudicabo, & quidem breuiter. Peculium est quicquid labore nostro partum est, in quacunque persona, licet in seruis iura velint dominorum accedere cōsensum. Et ita sensisse Virgilium sentio in ea parte quam exponit Seruius,

Nec spes libertatis erat, nec cura peculi. Et Horatium,

Rem poteris seruare tuam. redit vncia, quid sit?

Semis. ad hæc animos ærugo & cura peculi.

Et Ciceronem in Paradoxis, An eorū seruitus dubia est, qui cupiditate peculii nullam cōditionem recusant durissimæ seruitutis? Et illos quoque rusticos senes de quibus Celsus meminit, pecuniam sine peculio fragilem esse, id est sine lucro industria parto. Nam cur habēti pecuniam maior spes præsidii collocetur in pusillo quod reposuit, quàm in ipsa pecunia? quum præsertim peculium pars sit pecuniæ. aut quomodo præstare possit reposita illa pecunia, ne cætera dilabatur? Vel peculium est quicquid proprie alicuius est. A peculio fit adiectiuū peculiaris pro re ad

De arte poetica.

peculium pertinente, siue peculii propria. Sed in vsu iam receptū est pro proprio siue speciali. Quintilianus libro octauo, Quod

Peculiaris.

commune est & aliis nomē, intellectu alicui rei peculiariter tribuitur, vt Urbem, Romā accipimus: & vānales, nouitios: & Corinthia, æra: quum sint vrbes aliæ quoque, & vānalia multa, & tā

Cap. 2.1

aurum & argentum, quàm æs Corinthium. Idem in vndecimo,

Cap. 3.

Ambulantem loqui ita demum oportet, si in causis publicis, in quibus multi sunt iudices, quod dicimus, quasi singulis inculcare peculiariter velimus. Et in libro 6, Paululū impendamus huic

Cap. 5.

quoque peculiaris operæ. Peculatus, furtū rerū ad ipsam rem-

Peculatus.

publicam pertinentium, vel ad prouentus principis spectantium, sicut sacrilegium, rerum sacrarum. Inde Depeculor, quod quidā

Sacrilegium.

Depeculor.

ad sacrilegium etiam transferunt.

EPITOME.

Ager, continet fundum, nec cōtinetur ab eo. nihilque prohibet agrum cum villa, quæ domus rustica est, esse: quia senatores multi in agris vixisse leguntur, sed vero simile est, quòd non sine villa. Aruum differt ab agro: quia aruum sementi datur, ab arando dictum. Fundus igitur quiddam minus est quàm ager. nam prata, vinea, horti, & arboribus tā fertilibus quàm infertilibus loca confita: item pascua, nemora, loca aucupatoria, venatoria, piscatoria: siue villam, siue quoduis aliud ædificiū habeant, siue non, fundi sunt, in agro quidem. in vrbe autem, oppido, castello, vico, tantummodo prædium est. Fundus enim, species est prædii. nam fundus, est possessio rustica. prædium autē, possessio qualis iam descripta est, & rustica & urbana. Dico, Qualis descripta est: quia possessio, etiam tabernas, hospitia, horrea, & similia etiam in vrbe continet. Fundum autem, est ima pars rei, proprie aliquid liquidum intra se continens, aut ad continendum factæ, vt est dolium, nauis, & alueus fluminis, lacus, stagni, aut maris. Nam fundum turris, pro fundamēto, author non diceret: quòd aliud est fundum quàm fundamentum: & tamen fundari, ad fundamentum

magis,quàm ad fundum pertinet. Fundamus enim domum,cuius est fundamētum: nō nauem,cuius tantum fundū.Fundamētare enim nō reperitur,& fundare rarius,nisi per translationem pro firmare,& stabilire,& validis fundamentis fulcire. Nam pro eo quod esset fundamentare,dicimus fundamēta iacere:intelligiturque de quilibuscūque fundamentis.& sæpe per translationem significat quodāmodo dare rei principiū.Negat verò author reperiri genere masculino hic punctus,quo philosophi vtuntur.Punctum autē dici pro breuissimo tēpore,nulla quæstio est:neque tamen pro eo dicitur momentū,quod breue quidē, sed nō breuissimū tēpus importat. Imò philosophi punctum dicerent nō esse quantitatem, sed principium quantitatis continuæ.Et vt recitat Mancinellus, etiam hic punctus reperitur. Verba Mancinelli sunt, Punctus genere masculino apud Pliniū legitur. Is enim lib.2.cap.70, ita scribit, Hæ tot portiones terræ, imò verò, vt plures tradidere, mundi punctus. neque enim est aliud terra vniuersa. hæc est materia gloriæ nostræ. hæc sedes. hic honores gerimus, hic exercemus imperia, hic opes cupimus, &c. Nonius Marcellus in primis vocibus, Stigmatias veteres punctos in notis dici voluerunt,

In eodē de Fundus, Ager, Villa, Præ-
dium.

C A P. X I I.

FVndus Vlpianus ita finit, Locus est, non fundus, sed portio fundi aliqua. Fundus autem aliquid integrum est. Et plerūque fundum sine villa accipimus. Idem alibi, Ager est locus qui sine villa est. Modestinus verò sic, Quæstio est, Fundus à possessione, vel agro, vel prædio, quid distet. Fundus, est omne quicquid solo cōtinetur. Ager, est species fundi, quæ ad vsum hominis * comparatur paratur. Possessio ab agrò iuris proprietate distat. Quicquid enim apprehendimus, cuius proprietas ad nos non pertinet, aut nec potest pertinere, hoc possessionem appellamus. Possessio ergo, vñsus: ager, proprietas loci est: prædium, vtriusque suprà scriptæ generale nomen est. Nam & ager & possessio, huius appellationis species sunt. Florentinus, Fundi appellatione omne ædificium, & omnis ager continetur. Sed in vñsu, vrba ædificia, AEdes: rustica, Villæ dicuntur. Locus verò sine ædificio in vrbe, Area, in rure autem, Ager appellatur. Idēque ager cum ædificio, Fūdus dicitur. Ecce diuersæ iurisconsultorum sententiæ quum in aliis, tum in hoc, quod Vlpianus ait, plerunque fundum esse sine villa, id est sine ædificio: Florentinus autem agrum cum ædificio esse fundum. Modestinus obscure exponit, agrumque diffiniens cum neutro aliorum cōcordat: sed ridicule à possessione distinguit, ne dicam imperite, loquens de possessione, quando significat qualitatem, non quando significat substantiam: perinde ac si quis dicat de virtutibus ac vitiis loquens, Prauum & malum sic differunt: Prauum est id, quod non recta ratione & via fit. Praua enim appellatur quæ non sunt recta, vt lignū prauū. Malum ve-

*comparatur

Possessio.

Area.

Prauum.

Malum.

rò genus pomi est. Quid hoc foret dictu ineptius, vbi de qualitatibus & actionibus agitur, digredi ad substantiam, quæ ad rem non pertineat? ita hic quum de fundo, de agro, de prædio, de possessione disputat: non de ea significatione possessionis loquitur, qua proprietas intelligitur, sed qua actio possidendi, siue qualitas. Quod si ita est, quid affinius habet possessio ad fundum, agrum, prædium: quàm ad nauem, equum, vestem? Harum namque rerum ita possessio est, vt illarum: sed non de huiusmodi possessione loquendum erat, quæ præsertim (vt ipse ait) non est species prædii, vel fundi. Prædium enim fundusve proprietas est, quorum vtrunlibet si generale nomen est ad possessionem, profecto non vsus, sed proprietas dicenda Modestino possessio fuit. Sed quid facias? ipse aliter possessionem diffinit. Quod si quis dubitet an possessio proprietas sit, accipiat præter ipsorum iuriscōsultorum etiam Ciceronis & Quintiliani testimonia, quorum alter in Paradoxis ita scribit, Etenim si isti callidi æstimatores prata & areas magni æstiment, quòd ei generi possessionum minime noceri potest. Non de vsu videlicet locutus est Cicero, cui certe noceri potest, sed de proprietate. Alter in sexto de Oratoria institutione, Patris eius dialogos dedit legēdos, quorum quum in Priuernati vnus, alter in Albano, tertius in Tyburti sermonem habitum complecteretur, requirebat vbi essent hæc possessiones. Omnes autem illas Brutus vendiderat. Nemo interrogat vbi est vsus prædiorum, sed vbi est proprietas. Nemòque vsum vendit, sed proprietatem aut vsufructum. De prædio autem Vlpianus ita scribit, Prædia vrbanæ omnia ædificia accipimus, non solum ea quæ sunt in oppidis, sed etiam si fortè stabula, vel alia meritoria in villis & in vicis, vel si prætoris voluptati tantum deseruiant: quia vrbanum prædium non locus facit, sed materia. Proinde hortos quoque (siqui sunt in ædificiis constituti) dicendum est in vrbanorum appellatione contineri. Planè si plurimi horti in reditu sunt, vinearii fortè, vel olitorii magis, hæc non sunt vrbanæ. Etiam de prædio, sicut de fundo iurisconsultorum controversia est. Nec mirum, quum nemo non habeat suam de rebus quibusque, verbisque sententiam. Sed de posterioribus, qui ex operibus illorum excerpserunt, miror quòd hæc indiscussa reliquerunt. Id (vt ego quod ad me attinet faciam) ita sentio, Agrum continere fundum, non contineri à fundo: nihilque prohibet cum cum villa esse. Erant in agris senatores, & vixerunt multi nobilissimi philosophi in agris, nimirum nō sine villa & habitatione. Differtque ager ab aruo, quòd aruum sementi datur. Sallustius,

Possessio.

Cap.3.

Arum.
Declam. 13.

Fundus.

Prædium.

Quia Numidæ pabulo pecoris magis quàm aruo studet. Quintilianus, Pauper & diues in agro vicini erant, iunctis hortulis. Et mox, Sed ex omni parte diuitis circuectus ager vix tenuem ad gressus meos semitam dabat. Quid agimus inquã? vndique vallo diuitiarum clausi sumus. Hinc hortuli locupletis, hinc arua, inde vineta, hinc saltus. Fundus (vt dixi) minus quiddam est. Singula enim proprie prata, singulæ vineæ, singuli horti, singula oliueta, pomaria, salicta, arbuta, pascua, nemora, loca aucupatoria, venatoria, piscatoria, siue villam, atque ædificium, siue piscinam, atque aluearia, siue viuaria habeant, siue non habeant, singuli fundi sunt, & hoc quidem in agro. In vrbe autem, siue oppido, siue vico, siue castello tâtummodo prædium est, quicquid tale est, qualia hæc quæ enumeravi. Nâque eadē in agro etiam prædia sunt. Fundus enim species prædii est. Itaque fundus est possessio rustica. Prædium, & rustica & vrbana duntaxat possessio, qualem descripsi. Nam videtur possessio etiam significare tabernas, hospitia, horrea in vrbe. Cicero in Philippicis possessiones vocabat & vrbanas & rusticas. Puta non tâtum prædia, sed & cætera, quæ immobilia vulgo appellantur. Addamus ad hæc aliquid de fundum, quod an à fundo fundas, an potius fundo à fundum, siue à fundus veniat ambigi potest. Quidam fundus à funda dici volunt. Cicero in quodam ioculari libello, Fundum Varro vocat, quem possit mittere funda,

Ni lapis exciderit, qua caua funda patet.

Fundum.

Fundamētū.
Fundare.

Nisi hæc sententia sit, tam paruū illum fuisse fundum, vt funda prehendi, & in morem lapidis iaci posset. Fundum igitur est ima pars rei, proprie aliquid liquoris intra se cōtinens, aut ad cōtinendum facta, vt dolium, vt naus, vt alueus, vel fluminis, vel lacus, vel stagni, vel maris. Nam fundum turris (vt quidam scripserunt) ipse non dicerem. Fundamentum (vt omnibus liquet) aliud est quàm fundum, & tamen fundare magis ad fundamentum, quàm ad fundum pertinet. Fundamus enim domum, non nauem, aut dolium, vt Virgilius,

Ille vrbem Argyripam patriæ cognomine gentis,
Victor Gargani fundabat lapygis aruis.

Nam fundamentare non reperitur. nec fundare quidem est sanè frequens, nisi per trāslationem. Quintilianus in Gladiatore, Hoc fundatam paternis, auitisque opibus domum exhaurit. Est enim frequentius iacere fundamenta, etiam per trāslationem. vt idem libro primo, Nam inde & contemptus operis innascitur, & fundamenta iaciuntur impudentiæ, & (quod est vbique pernicio-

fissimum) præuenit vires fiducia. Et Cicero, In quo templo (quā-
tum in me fuit) ieci fundamenta pacis. Sine translatione Sueto-
nius de vita Caii, In arce Capitolina nouæ domus fundamenta
iecit. Cæterum hoc differunt fundare, & fundamēta iacere: quòd
fundare, est validis fundamentis fulcire: Fundamēta iacere, quasi
qualiacunque fundamenta facere, & quodāmodo dare rei prin-
cipium. Neque verò sicut reperitur, Fundus & fundum, ita repe-
ritur Punctus & punctum. Errantque philosophi, quum punctus
& linea dicūt. Nam de punctum quod est breuissimum tempus,
nulla lis est, vt Terentius in Phormione, Tum tēporis mihi pū-
ctum ad hāc rem est. Pro eo autem sensu, in quem vtuntur phi-
losophi, Cicero pro Plancio, Nam quòd questus es plures te te-
stes habere de Volitinia, q̄ quot in ea tribu puncta tuleris. Quidā
momentum pro eodem significato accipiūt, cuius est punctum:
tamen aliter est. Breue enim tempus significatur per illud, per
hoc verò breuissimum. Horatius,
-quid enim? concurritur horæ Memento.

Iacere fund-
menta.Punctus.
Punctum.

Momentum.

E P I T O M E.

Hæc noualis (quia subauditur terra) aut hoc nouale (quia subauditur aruum, aut
absolute in neutro genere) est ager qui intermittitur, & cessat interpositis annis. se-
ritur enim alternis, non continuis annis. ab innouādo dictus. aut aruum nouū quod
iam primum proscissum est, eruta atque eradicata quæ inerat sylua.

In eisdem de Noualis.

CAP. XIIII.

Noualis (inquit Paulus) est terra proscissa, quæ anno cessat:
* quæ à Græcis ὁ κεινὸς ἢ νεὸς κεινὸς ἢ νέωμαι vocatur. In quo au-
thoritatem Varronis secutus videtur, dicentis, Ager resti-
bilis, qui restituitur, ac referitur quotannis. Contrā qui intermit-
titur, à nouando noualis ager. Et Plinii, qui ait, Nouale est, quod
alternis annis seritur. Idem quoque sentire videtur Festus Pom-
peius, qui dicit, Noualis ager, nouæ relictus sementi. Sunt qui vo-
lunt noualem esse aruum, tunc primū ad sementem proscissum,
quorum est Seruius, qui inquit, Dicimus & has nouales, & hæc
noualia. Propriè nouales tunc primum arua proscissa. Quod ita
sensisse Virgilium palàm est in illo versu,
Impius hæc tam culta noualia miles habebit?
Ineptum erat deplorare agrum à barbaris possideri, quòd non
esset restibilis, sed quòd anno interquieuiisset. Deplorabat igitur
agrum, in quo instruēdo magnopere laborasset, & nouitate ipsa
præter ceteros huberiores, datum iri in manus alienas, & bar-
baras, & impias. Quod etiam & sentit, & declarat in milite Ma-
riano Quintilianus, Mox ingentibus lacertis humum fodere, se-
gnem futuris noualibus eruere syluam. Hieronymus etiam diffi-

*quæ Græci
νέωτον vocāt.
Ager resti-
bilis.

nit in hunc sensum, dicens, Nouale, est ager nunc primum profectus. Sed Virgilius in sensum priorem accipit, quum inquit, Alternis idem tonsas cessare nouales:

Et segnem patiēre scitu durescere campum.

Ideoque Seruius alibi ait, Noualia, id est noua terra, quæ per singulos annos renouatur per semina.

E P I T O M E.

Liber & volumen, interdum accipiuntur pro quouis magno codice, etiam si multos partiales libros continet, interdum pro ipsis partialibus libris. potestque volumen adhuc minus censei quam liber: cum liber in volumina diuisus legatur: Libellus diminutiuum est. sed interdum peculiariter significat aut infamiam, aut repudii, aut accusationis instrumentum. Dictum est volumen à voluendo, sicut liber à libro, id est interiore cortice quarundam arborum in quo veteres scriptitabant. Et codex, idem est quod caudex, id est truncus, in quo libri, id est cortices multi sunt, sicut in magno opere multi libelli. Codicem pro caudice seu trunco accepit Iuuenalis dicens, Residens in codice pellex.

In eosdem de Liber & Volumen. CAP. XLIII.

Sicuti, Vlpianus inquit, centum libri sunt legati, centum volumina ei dabimus, non centum quæ quis ingenio suo meritus sit, quæ ad libri scripturam sufficerent, ut puta quum haberet Homerum totum in vno volumine, non quadraginta octo libros computabimus, sed hoc vnum Homeri volumen pro libro accipiendum est. Vlpianus Homeri opus nunc vnum librū, nunc quadraginta octo libros nominat. Nec tamen ait librum duo significare, ipsum opus, & certam operis partem. Præterea opus siue opera Homeri librum appellat, & volumen, quorum vtrunque inauditum est. Virgilii Aeneis, non liber est, sed duodecim libri. Georgica, non sunt item liber, sed libri quatuor. Bucolica, vnus liber est, idemque vnum volumen. Georgica, quatuor volumina. Aeneis, duodecim. Ouidius,

Sunt mihi mutatae ter quinque volumina formæ.

Sed quid exemplis agimus, quum nusquam plura afferri possint?

At Vlpianus putat etiam si omnia opera Didymi, quo nemo plura scripsit, in vnum codicem conglutinantur, vnum tantum debere volumē appellari, quod nemo nec posset euoluere, nec ferre vellet. Est enim volumen vel à volo, quod in libris voluntas apparet, vel (quod magis sequerer) à voluo, quod voluitur, quales libros hodie Hebræi quosdam habent, qualesque in veteri & nouo testamento lectitamus fuisse. Et Romani, qui in libris arborum, id est corticibus scribebant, quod libellos illos, quod ferrent commodius, complicabant, volumina forte appellauerunt. Itaque volumina libellis similia fuere, quam libris. Quod ex

eo quoque loco apparet, ubi Plinius de libris auunculi loquens, ait, Libri tres in sex volumina propter amplitudinem diuisi, quasi dicat in sex minores libros, ut sint volumina aliquanto minora, quàm libri. Quod etymologia quoque nonnihil probat, ut ostēdi. Vnde adhuc durat verbum euoluere libros, pro eo quod est aperire libros, lectitandi gratia, quasi rem complicitam explicare: quemadmodū reuelare, est rem velatam detegere. Nisi dicamus euolui libros propter numerum paginarum. Accipitur autem nūc euoluere libros, siue authores, pro eo quod est lectitare.

* Nec inficias eo libros accipi pro codicibus: & in singulari librum pro * quolibet magno codice, etiam si is contineat Iliada & Odyssæam. ut, Tenet rex manu librum: & is sit Homerus: non tamen recte dicas, Tenet librum Homeri *

Euoluere libros.

*quamlibet.

E P I T O M E.

Probrum, id est dedecus. Dedecus autem, est crimen & ignominia atque infamia. Opprobrium verò exprobratio atque conuitium, quasi ob probum factū, est quodque id factū & verbo. Reperitur autem probum aliquando pro opprobrio: sed rarius. A probro, venit exprobro: quod est qualencunque culpam impropero, aut ingrati tudinem. vnde addi solet id quod exprobratur. Imputare autem, est frequēter citra reprehensionem, sed vix Ciceroni notum verbum, posteriorib⁹ notissimum: estque interdum idem quod computare, pro quo etiam reputo reperitur.

In eisdem de Probrum & Opprobrium, Exprobrare & Imputare.

CAP. XLIIII.

Probrum & Opprobrium, Vlpianus inquit, idem est. Probra quædam natura turpia sunt, quædam ciuilitate, & quasi more ciuitatis: ut puta furtum, adulterium, natura turpe est. Enimuero tutelæ damnari, hoc non natura probum est, sed more ciuitatis. Nec enim natura probum est, quod potest etiam in hominem idoneum incurrere. Vlpianus probum accipit pro infamia tantum, qualis est ex furto, vel malè gesta tutela, non pro flagitio, quod principale significatum est. Nam probum idem est quod dedecus: quod duo significat. Vnum, quod est crimen. ut Quintilianus statim in principio declamationis in milite Mariano inquit, Satis dedecoris, atque flagitii castra ceperunt. Alterum, quod est ignominia, atque infamia, quod notum est. Similiter accipitur probum pro crimine. ut Idem libro primo, Iam si minor in eligendis custodum & præceptorum moribus fuit cura, pudet dicere in quæ probra nefandi homines isto cædendi iure abutantur. Pro ignominia, Liuius libro quinto, His freti occurrant portis, ingerunt probra, ægre abstinēt quin castra oppugnent. Quæ duo nomina tanquam similia eodē loco Cicero coniūxit in Catone Maiore, Mihi verò, & Flacco

Dedecus.

neutiquam probari potuit tam flagitiosa, & tam perditā libido, quæ cum probro priuato coniūgeret imperii dedecus. Præterea ne simile quidem est sanè probum opprobrium. Non enim Latine dixisset Cicero, Quæ cum opprobrium priuato cōiungeret imperii dedecus. quemadmodum in Sallustium dixit, Itaque timēs ne facinora eius clam vobis essent, quum omnibus matribus familiās vestris opprobrium esset, cōfessus est vobis audiētibus adulterium. Est autem opprobrium aliquando factū, sed frequētius verbo. Nam Sallustius (vt vult Cicero) vel ex eo quod fœminis quibuscū habuisse vsum se, erat notum, vel quod ipse illis vulgo impudicitiam obiiciebat, opprobrium erat. Horatius,

Sic teneros animos aliena opprobria sæpe
Absterrent vitiiis. Quintilianus,

In Odii po-
tione.

Modo maledictis, opprobriisque vulgi, modo crebra riuāliū cōtentione pulsatus, abigi tamen compescique non posset. Opprobriis dixit, quasi exprobrationibus atque cōuitiis. Et alibi, Solebat indignatio vestra, cōuitia nostra ferre nō posse. Et matronalis indignatio dicere videbatur, Nō parcis erga me marite verbis. Nullam habet nostri tuus sermo reuerentiam, facile prorūpis in opprobria, facile quodlibet obiicis. Pro eodem ferè posuit opprobria & conuitia. Nec inficias eo, nonnunquam hoc modo accipi probum, vt Liuii proximum exemplum, & Ciceronis ad Atticum, Epistolas mihi legerunt plenas omnium in me proborum. Sed de hoc significato Vlpianus nō intellexit. A probro vnum verbum cōponitur, quod est exprobro, quod significat tum qualencūque culpam improprio, vt apud Ouidium libro decimotertio Metamorphoseos,

Exprobro.

Sic bene Tydides, qui nomine sæpe vocatum
Corripuit, trepidoque fugam exprobrauit amico.

Tum ingratitudinis, vt Terētius in Andria, Nam istæ commemoratio, Quasi exprobratio est immemor is beneficii. Sed pro hoc significato frequēter nos vitii alieni nomen apponimus: frequenter etiam nomen nostri meriti. Cicero de Amicitia, Quorum plerique aut queruntur semper aliquid, aut etiā exprobrāt, eoque magis, si habere se putant, quod officiose, & amice, & cum labore aliquo suo factum queāt dicere. Odiosum sanè genus hominum officia exprobrantium. Exprobrare ergo beneficia sua,

imputare.

est immemorē beneficii accepti inculpare. Imputare verò frequenter ad significationem exprobrantis accedit: sed citra reprehensionem: quod an apud Ciceronem sit, nescio. In posterioribus

In Parie. pal.

verò creberrimū est, vt Quintilianus, Neque ego grauissimum

patrem suprema sua iuueni iactasse crediderim, vt hæredem filiū scriberet. non est res quæ imputetur. Et alibi, Imputa nobis propitios ventos, & secundum mare, ac ciuitatis opulentæ liberalitatem, quæ tantum frumenti vendidit, quantum duobus populis satis esset. Imputare nonnunquam pro computare reperitur. vt Caius, Qua ratione placuit legata quum legatarii non capiunt, quum apud hæredem subsederint, hæreditario iure apud eos remanere intelligi, & omni quadranti imputāda. Marcus, In quarta hæreditatis, quam per legem Falcidiam hæres habere deberet, imputantur res, quas iure hæreditario capit, non quas iure legati, aut fidei commissi, vel implendæ cōditionis causa accepit. Nā hæc in quarta non computantur: sed in fideicommissaria hæreditate restituenda, siue legatum datum sit hæredi, siue percipere, siue deducere, vel retinere passus est, ei imputatur. *Reputare.* Reputare quoque, in idē significatum. Vlpianus, Præterea si matrem aluit pupilli tutor, putat Labeo imputare eum posse, sed est verius non nisi per quem egenti dedit, imputare eum oportere. Deinde, Sed et si seruis cibaria præstiterit, vel libertis, scilicet rei pupilli necessariis, dicendum est reputaturum. Idēque est si liberis hominibus, si tamen ratio præstandi iusta intercedat. Item sumptus litis tutor reputabit, & viatica, si ex officio necesse habuit aliquò exire, vel proficisci.

E P I T O M E.

Adulterium, proprie in nupta committitur. Stuprum, in virgine, viduæve, aut etiam nupta. est enim coitus lege vetitus, qui duplex est. vnus, cum nupta, aut puero, aut cum sanguine coniunctis, aut cum sanctimonialibus, quæ duo posteriora potius incestum vocamus. alter cum vim afferimus cuilibet personæ, etiam ancillæ. Vnde stuprare, per vim corrumpere. Stupratorque masculorum, eorum violentus corruptor & subactor. prædico autem, pathicorum volentium subigi. Adulterium dicitur, quasi ad alterius thorum factum. Incestus, secundum Seruium, ab in & cæsto, id est vinculo Veneris, quo legitime nubentes vincit, aut à non casto: quia sit cōtra castitatem & legem penitus.

In eisdem de Stuprum & Adulterium. C A P. X L V.

INter Stuprum & Adulteriū, Modestinus ait, hoc interesse quidam putāt, quòd adulterium in nuptam, stuprum in viduam committitur. Sed lex Iulia de adulteriis indifferenter hoc verbo vtitur. Et hoc quidem continetur in libro de rerum & verborum significatione. Alibi autem idem ait, Stuprum cōmittit, qui liberam mulierem * cupidinis causa, nō matrimonii, * cōsuetudinis * continet: excepta videlicet concubina. Adulteriū in nupta, stuprum in virgine, vel vidua, vel puero cōmittitur. Quid mirum si plures iuriscōsulti in diffiniendo inuicem dissentiant, quū vnus, atque idem secum dissentiat? Hic non videtur sentire cum lege
F.i.

* διαφθορὰν vel
φθορὰν, id est
corruptionē
virginis.

Lib. 4. cap. 2.

In Infami in
matrem. 1.

Incestus.

Stuprare.

Iulia. Sed culpa illorum est, qui definitiones huiusmodi descri-
pserunt: quæ si apte fuissent conglutinatae, probari possent, ut illa
Papiniani dicentis, Lex Iulia stuprum & adulterium promiscuè
καὶ συμμιῶς appellat. Sed propriè adulteriū in nuptam cōmit-
titur, propter partū ex altero cōceptum, cōposito nomine. Stu-
prū verò, in virginem, viduamve cōmittitur, quod Græci * ὁ-
λόρθου appellāt. Cuius definitionē approbo, illud tamen addēs,
Legem Iuliam rectè hæc duo promiscuè appellasse: non quòd
omne stuprum sit adulterium, sed quòd omne adulteriū sit stu-
prum. Neque rectè iurisperiti excipiūt stuprum à nupta, quū
etiam in quotidiano sermone sic loquamur. Quale est apud
Quintilianū, Vxor marito dixit appellatam se de stupro à priui-
gno, & sibi constitutum tēpus & locum. Et alibi, Furtiva stupra,
raptosque cōcubitus obiicit vel ex falso maritus. Fas est, fieri so-
let. Parcius tamen si iam sit & mater, si in fidem castitatis vxoria
fœcunditate profecerit. Quare ego ita sentio, stuprum esse coitū
lege vetitum: qui duplex est. Vnus cum nupta, aut cū puero, aut
cum sanguine coniunctis, aut sanctimonialibus. Quanquā hæc
duo posteriora potius appellamus incestum. Alter, quum vim af-
ferimus cuilibet personæ, etiā ancillæ. Vnde stuprare dupliciter
accipitur. cuius posterioris sensus testimonio est lex, quæ stupa-
toribus masculorum pœnam statuit decem millium, quū pæ-
diconibus nulla esset pœna constituta.

E P I T O M E.

Stragula, vestis est quæ operit, præcipue lectos, id est opertorium lectorū. Quic-
quid enim infernebant, stragulum prisca vocitabant, Vnde & operimentū equo-
rum, stragulum & instratum vocari potest. vbi adnotandum inuerti aliquādo ver-
ba, quia sternimus vestes humi, & humum vestibus. Culcitra autem, tam lanca, stu-
pea, & siquid est huiusmodi, quàm plumea est.

In eisdem de Instratum & Stragula. C A P. X L V I.

*Instrato

*quod iniici-
tur

Toga.

Pallium.

Instratum.

Instratum (Vlpianus inquit) omne vestimentum conti-
neri, * quo amicimur, Labeo ait. Neque enim dubium
quin stragula vestis sit, omne pallium. Videtur Vlpianus
intelligere stragulam vestem esse vestimentum hominis quo a-
micitur, quale est Græcorum pallium. ut enim Romani togati à
toga, sic Græci palliati à pallio vocantur. Ego verò non memini
reperisse me stragulam vestem in hunc sensum, sed in operto-
rium lectorū potius, vbi & dormiebant & discumbabant. Quod
Varro testatur de culcitra loquens, Hac quicquid infernebant, à
sternendo stragulum appellabant. Et equorum similitumque,
quorum operimentum etiam Instratum vocatur. Hic illud ad-
monebo, inuerti frequenter significatū verbi, ut in hoc ipso ver-

bo Sterno. Sternimus quidem vestes humi, ramos arborum, flores, & multa huiusmodi. Tamen frequentius dicimus sterno humū floribus, ramis, vestibus. Hinc est quare dicimus thoros, lectōsque sternere, & equū sternere, nō quia sint diuersi sensus, sed quia resoluūtur, vt sit sternere verbi gratia, lectos & equos tapetis, idem quod sternere tapeta lectis & equis. Culcitra autem, est tam lanca, stupea, & siquid est huiusmodi, quā plumea.

Culcitra.

E P I T O M E.

Verberare, est percutere aut cedere verberare, quod est instrumentū longū & exile, qualis est virga, baculus, fustis, lora, flagellum, ferula, arundo, &c. Sicut flagellare, est cedere flagello: Fustigare, fuste. Pulsare autē, est frequenter impellere aut percutere quauis re, vt pede, manu, lapide, cestibus. nec leuior sit iniuria, pulsando sæpe, quā verberando. vnde inanis est Vlpiani descriptio, & horum distinctio.

In eisdem de Pulsatio & Verberatio. CAP. XLVII.

INter pulsationem & verberationem, Vlpianus ait hoc interesse, vt Offilius scribit, Verberare, est cum dolore cedere:

Pulsare, sine dolore. Sed cum vtriusque venia, non est eiusmodi inter hæc verba differentia. An quum verberamus frumē-

ta, cum dolore verberamus? aut pulsamus potius, quā verberamus? Et iumentum quum sentit ex flagellis dolorem, verberatur? quum non sentit, pulsatur? An Entellus ille Virgilianus,

sine dolore pulsabat Dareta? Sed (ne multis) quis non videt verberare, esse verberare cedere, quod est instrumentum longum &

exile, qualis est virga, baculus, fustis, lora, flagellum, ferula, arū-

do, & siquid est simile? Nec aliter dictū est verberare à verberare,

quā flagellare à flagello, fustigare à fuste. Nam verbera licet

pro verberatione accipiantur, tamen rem corpoream proprie significant, vt flagella, quæ sunt proprie summitates sarmento-

rum. Quintilianus, Ignes ex proximo raptos, verberaque quæ

casus obtulerat. Pulsare verò, est graui ac vehemēti ictu cedere,

nec tam instrumento longo & exili, quā breui ac rotundo, vt

pugnis, vt calcibus, vt malleis, vt saxis, quæ manu tenentur, quū

alium percutimus in similitudinem tympanorum, quæ manu

pulsantur: nec semel, sed multis ictibus percutere. Nāq; non proprie pulsātū aliquē dixeris, qui semel pugno percussus est. Adeò

nō minor iniuria fit ex pulsatione, quā ex verberatione, præter eam causam, quā modo dixi, quod verberatio est multa percussio, quodque plerūq; pulsatio fit in facie. Et ob pulsatos eorū

legatos Laurentes Tatum regē occiderunt, qui nō punisset propinquos suos, qui Laurentibus hanc iniuriam fecerāt. Et ipsa incussio calcium cōtumeliosissima est, sæpe etiā mortifera, vtique

si fiat in ægrum, in senem, in puerū, in prægnantē. Taceo si alia

Verber.

Verbera.

Flagella.

Pello.

re quis alterum pulsauerit,quàm manu,aut pede: quum vicinus meus vxorem solitus sit non modo pistillo, verumetiam mortario æreo pulsare,vt nō crebrius pulset ipsum mortarium. Dictum est autem à pello, quod est percutio & ferio. vt apud M. Tullium libro primo de Diuinatione,Vt pelluntur animi vehementius,sæpe etiam cura & timore.Et in secundo,Num igitur, quum aut muros Babylonis,aut Homeri faciem cogito,imago illorum me aliqua pellit?

E P I T O M E .

Pellex,ea est dicenda quæ cum eo,cui vxor est,corpus miscet.ideoque non vir, sed vxor pellicem proprie habet.nec ea quæ cum cælibe corpus commiscet,pellex, sed pallace dici solet.Videtur author pellicem,quasi à pellendo dictam, Latine interpretari:aliis nonnullis à pelliciendo,id est valde alliciendo dictam,desinientibus. Gellius autem à Græco deducit.

In eisdem de Pellex & Pallace. CAP. XLVIII.

*Papyriano

Cap. 10.

Pellicem apud antiquos Massurius Paulo testâte scribit libro Memorabiliũ,eã habitã,quæ quũ vxor non esset,cũ aliquo tamen viuebat,quã nunc vero nomine amicã,paulo honestiore concubinam appellari.C.Flaccus in libro de iure * Papyriano scribit,Pellicem nũc vulgo vocari,quæ cũ eo,cui vxor sit, corpus misceat.Secundũ quosdã eã,quæ vxoris loco sine nuptiis in domo sit,quã Græci *παιλαχιδ* vocant.Horũ vtrũque vere sensisse & dixisse arbitror. Sed tamen pro suscepti operis officio admonere debeo, pellicẽ apud oratores & poetas eã demũ haberi, quæ cum eo,cui vxor est, corpus miscet. Ideoque Iuno semper prosequitur pellices,quæ sibi vxori Iouem præriperet.Vnde Plinius lib. 35, verbo Græco maluit vt (quũ de Alexandro loqueretur,quẽ constat eo tẽpore cælibem fuisse, quũ Apellem scortodonauit) quàm veteri (si verum est) Latino:pallace potius,quàm pellice.Ita autẽ ait,Nãque quũ dilectam sibi ex pallacis suis præcipuã nomine Campaspen nudã pingi ob admirationẽ formæ ab Apelle iussisset.Quo fit vt Curtium vbi de eodẽ Alexandro & aliis loquitur, cæterosq; scriptores opiner pallacen potius quàm pellicem pro concubina cælibis hominis dixisse,culpãque librariorũ in editionibus esse vitiatũ.Suetonius de Vespasiano loquẽs.pallacarum dixit nō pellicum. & alibi quoque. & Titus Liuius, multique alii Græco nomine vtũtur. Sin aliter inuenitur,librariorum (vt dixi) vitio dandũ est.Cuius rei hoc argumentum est, quod nō recte quis dicitur habere pellicem, sed vxor. Et est nomen relatiuũ ad alterius vxorem,cuius cum viro rem habet,nō autem ad masculum.nec recte dicturos fuisse reor oratores illos, qui pallacen dixerunt,si pellicem dixissent,vt patet.

E P I T O M E.

Cauillatio, est subdola ratio, quam nos conscii nobis, mendacii vincendi causa proferimus, ut à iurisconsultis, & Quintiliano, eiusque æqualibus accipi solet. Cicero autem pro genere quodam facetiarum, ut cum imitatus A. Gellius, accepit. Titus verò Liuius, utroque modo. Cicero facetiarum duas ponit species: cauillationem, quæ est æqualiter in omni sermone falsa: & dicacitatem, quæ est peracuta & brevis. Calumniari autem, quod nonnulli non recte pro cauillari accipiunt, est falsa crimina intendere. utrunque tamen, est quasi per fraudem & dolos vincendi gratia alterum litibus vexare.

In eosdem de Cauillatio.

C A P. X L I X.

Natura cauillationis, quã Græci * *σκαδμια* appellauerunt, * *σπίσμα* hæc est, ut ab euidenter veris per breuissimas mutationes disputatio, ad ea quæ euidenter falsa sunt, perducatur. Hæc duobus in locis Vlpianus. Caius autem inquit, Si calumniatur, & moretur & frustretur. Inde calumniatores appellati sunt, qui per fraudem, & frustrationem alios vexarent litibus. Inde & cauillatio dicta est. Caius nullam fecit mentionem de euidenter veris aut euidenter falsis, nec de breuitate. Nec puto faciendam fuisse, quum plerumque cauillatio sit tecta & insidiosa, multisque ac longis frequenter ambagibus vtens, & quæ vix ab acutis deprehendatur. Quare cauillatio est subdola ratio, quam nos conscii nobis mendacii, vincendi tamen causa proferimus. In hunc sensum semper iurisconsulti vsi sunt, & Quintiliani ferè seculū. Cicero autem pro genere quodam facetiarum, & hunc imitatus Aulus Gellius, Titus Liuius utroque modo. Ipse quoque Cicero diffinit libro secundo de Oratore dicens, Etenim quum duo sint genera facetiarum, alterum æqualiter in omni sermone falsum, alterum peracutum & breue: superior cauillatio, altera dicacitas nominata est. Cæterū Caius videtur sentire, idem esse calumniari & cauillari. Quod non sentit Martianus, tantum accusatori tribuens calumniari, quum ait, Calumniari esse falsa crimina intendere: quod per legem illam declaratur duodecim tabularum, Calumniator idem patiatur, quod reus, si conuictus esset.

Caluniatores.

Dicacitas.

Calumniari.

E P I T O M E.

Præuaricari, est à præscripto officii sui desistere atque aberrare, aut perfidia & malitia, aut imprudentia & negligentia. quod quis facit, præuaricator dicitur, non solum actor, sed etiam reus. Deductum autem videtur à præ, & varico, quod est quasi propter varices nō posse consistere, sed genua flectere & claudicare. Varicosus enim dicitur, qui crebras habet varices, id est venas obtortas stando contractas. hinc Satyricus, Varicosus fiet haruspex. Tergiuersari, est versis tergis adhuc pugnare, nec se victum rationibus velle agnoscere, tametsi reuera victus sit, & se victum sciat. Calumnia autem, est cauillatio iam descripta, & quæ sit ex nimis callida iuris interpretatione.

In eisdem de Præuaricator, Tergiuersator, & Calumniator.

C A P . I .

P Ræuaricatores, Vlpianus inquit, eos appellamus, qui causam aduersariis suis donant, & ex parte actoris, in partem rei
 *concedunt. * cedunt. A varicando enim præuaricatores dicti sunt. Idē
 *varicatione alibi, Præuaricator autem est, quasi varicator, qui diuersam partem adiuuat, prodita causa sua. Quod nomen Labeo à * varia certatione tractum ait. Nam qui præuaricatur, ex vtraque parte consistit. In prima diffinitione videtur sentire, præuaricationem in solum actorem cadere: in secunda verò, etiam in reum. Sed
 *Marcellus forsitā & hic de solo actore sensit. cui assentiri videtur * Martianus, qui ait, Accusatorum temeritas tribus modis detegitur, & tribus poenis subiicitur. Aut enim calumniantur, aut præuaricantur, aut tergiuersantur. Calumniari, est falsa crimina intendere.
 Calumniari. Præuaricari, est vera crimina abscondere. Tergiuersari, in vniuersum ab accusatione desistere. Et post iterum, Præuaricatorem
 Præuaricari. eum esse ostendimus, qui colludit cū reo, & * translatiue munere accusandi defungitur, eo quod proprias quidem probationes dissimularet, falsas verò excusationes admitteret. Quod nos quidem verum fatemur esse, legemque antiquitus de præuaricatorum poena fuisse, vt Cicero Philippicarum libro secūdo, Vereor patres conscripti, ne (quod turpissimum est) præuaricatorem mihi opposuisse videar. Cæterum (vt præteream, quod Cicero idem in partitionibus ait, Præuaricationem diffiniri nunc ab accusatore, nunc à reo corruptelam esse iudicii) reperio nonnunquam præuaricatorem ex parte rei quoque, neque perfidia tantum ac malitia: sed imprudentia etiam, & negligentia peccantem. Quintilianus in septimo, Vt in præuaricationum criminibus, vt absoluat reus, aut innocentia ipsius fit, aut interueniente aliqua potestate, aut vi, aut corrupto iudicio, aut difficultate probationis, aut præuaricatione. Nocētem fuisse confiteris, nulla potestas obstitit, nulla vis, corruptum iudicium non quereris, nulla probandi difficultas fuit. Quid superest, nisi vt præuaricatio fuerit? Hic pro perfidia accusatoris accipit, alibi verò aliter. Sed de vna controuersia loqui superuacuum est. Ego in vniuersum neque oratoris puto esse vnquam præuaricari: neq; litem intelligo, in qua pars vtraque idem velit. Ideoque præuaricatorem appellamus, quicumque à præscripto officii sui deflexerit, atque aberrauerit. Plinius lib. decimonono, Arator nisi incuruus, præuaricator. Plinius Iunior ad Cor. Tacitum, Alioqui præuaricatio est transire dicēda. Præuaricatio est etiam breuiter, & cursim attingere, quæ

Cap. 2.

Lib. 9. cap. 2.

sunt inculcanda, infigenda, repetenda. Et Adam præuaricatum fuisse dicimus. Tergiuersari verò non est (quantum ego intelligo) ab accusatione desistere. Illi videntur ex hoc trahere significationem, quòd qui terga vertunt, à pugna desistunt. Veruntamen non protinus qui terga vertunt, à pugna desistunt, vt Parthi. Itaque qui vertentes terga, adhuc tamen pugnant, nec rationibus volūt se victos agnoscere, tergiuersantur. Cicero de Officiis libro tertio, Atque in his tamen tribus generibus quoquo modo possunt, non incallide tergiuersantur. Prudentiā introducūt, scientiam suppeditantem voluptates, depellentem dolores. Fortitudinem quoque aliquo modo expediunt, quum tradunt rationem negligendæ mortis, perpetiendique doloris. Etiam temperantiam inducunt, nō facillime illi quidem, sed tamen quoquo modo possunt. Dicūt enim voluptatis magnitudine doloris distractionem fieri. Nunquid qui hoc dicunt, aut desistūt ab accusatione, aut accusasse se indicant? Idem pro Roscio Comædo, Attende quæso Piso, Fannium inuitum, & huc atque illuc tergiuersantem, testimonium cōtra se dicere cogo. Erat autem Fannius accusator, quem, si omnino ab accusatione desisteret, non insequeretur iure patrocinii Cicero: sed victum, nolle tamē dare manus, obiurgat. Liuius libro secundo ab vrbe condita, Mouebant hæc consulem, sed tergiuersari res cogebat. id est nō agnoscere veritatē: & eam quibuscunque rationibus poterat dissimulare, & quasi subterfugere. Tertium autē verbū ab eodē Martiano diffinitū (de calumnia loquor) meretur & ipsum aliquam emendationem, quod non modo apud Ciceronem pro cauillatione accipitur, non illa quidem mouente risum, sed ea qua Cicero ipse non vitur. vt de Officiis libro primo, Existūt etiā saepe iniuriæ calumnia quadā, & nimis callida & malitiosa iuris interpretatione. Ex quo illud, Summum ius summa iniuria. sed etiam apud Quintilianum nonnunquam: vt ibi, Quauis exiguo diuisus spatio impune opem nō feret, nō succurret, vt hac saltem se calumnia defendat: non abii, non reliqui, non abscessi, neque pede (vt aiunt) vno à parente discessi. Aliosque complures, quorum & Caius est, vsu quoque probante, per quem vtraque pars iurat de calumnia vitanda. Nimirum de cauillatione, eò magis quòd calumniari pro cauillari dicimus: quæ vox quatuor primas litteras habebat easdē cum calumniari. Postremo probatur hoc ex illo Digestorum loco, cuius titulus est, Si mulier ventris nomine calumniæ causa in possessione fuisse dicatur. Calumnia scilicet, ibi intelligitur dolus malus.

*Marcello
Calumnia:

Cauillari.

E P I T O M E.

Ferimus proprie corpore nostro. Portamus, & nostro corpore, & iumentis nostris. Agimus animalia portatitia, id est impellimus. sed agere, multa significat. Agere enim causas, est contendere in iudicio. unde actor & reus dicti. Agere res, id est lites aut negotia sua. Agere mulas, id est eas impellere, ut faciunt mandra, & muliones qui mercimonia transportant. Agere autem animam, est eam expirare, & vi quadam expellere.

In eosdem de Ferri, Portari, Agi.

C A P. L I.

Ferri proprie dicimus, Caius inquit, quæ quis corpore suo bauiulat. Portari ea, quæ quis iumento secum ducit. Agi ea, quæ animalia sunt. In hoc ipse Caio assentior, nisi quod portare est suo etiam corpore, interdum etiam magis quam ferre. Quis enim neget iumenta portare? quæ quum homines imitantur, & ipsi portare dicuntur. Terentius in Andria, Mi homo, quid istuc obsecro? quod puerum portas? Horatius, -ne fortè sub ala

Fasciculum portes librorum, ut rusticus agnum.

Deporto. Et ab hoc composita, ut Deportauit Verres amicam de prouincia, deportauit Pompeius beneficio Ciceronis tertium triumphum.

Reporto. Multi imperatores victorem exercitum reportauerunt, quasi re-duxerunt. Agere autem non vno modo dicitur, sed de vno tamen

In Attalum. non tacebo. Martialis libro primo Epigram.

Semper agis causas, & res agis Attale semper,

Est, non est quod agas, Attale semper agis.

Si res & causæ defunt, agis Attale mulas,

Attale ne quod agas desit, agas animam.

Cælius ad Ciceronem, Hortensius quum has literas scripsit, animam agebat. id est expirabat.

E P I T O M E.

Conuitium, significat maledictum contumeliosum & acerbum nimis: quod iuriscōsulti à collatione vocum, quasi à conuocando, dum videlicet conuitiantes simul inclamant, quasi conuocium, volunt dictum: quo modo per e scribendum erit. Alii à con, & vitium, quod à viro aut à vitupero deducitur, dum alter in alterum contumeliā & maledictum ingerit ac regerit. sed receptum est ut conuitium etiam maledictum reputetur, etiam si non referatur. Addit incidentaliter, materiam significare omne lignum ad ædificandum utile, etiam viuentem adhuc arborem, non tamen lapides, aut cæmentum.

In eosdem de Conuitium & Maledictum. C A P. L I I.

Conuitium apud Vlpianum iniuriam esse Labeo ait, quasi maledictum iniuria non sit. Addit idem Labeo, Conuitium dicitur, vel à concitatione, vel à conuentu, hoc est à collatione vocum. Quum enim in vnum complures voces conferuntur, conuitium quasi conuocium est. Sed quod additur à Præ-tore, aduersus bonos mores, ostendit non omnem in vnum collatam vociferationem Præ-torem notare, sed eam quæ bonis moribus improbatur, quæque ad infamiam vel inuidiam alicuius spectat.

Et iterum, Conuitium autem non tantum præfenti, verum abfenti quoque fieri poffe, Labeo fcribit. Proinde fiquis ad domum tuam venerit te abfente, cõuitium effe factum dicitur. Item fi ad ftationem, vel tabernam vêtum fit, probari oportere. Feciffe conuitium non tantum is videtur, qui vociferatus eft, verum is quoque qui cõcitauit ad vociferationem alios, vel fubmiffit qui vociferarentur. Et paulo pòft, Ex iis apparet non omne maledictum cõuitium effe, fed id folum quod cum vociferatione dictum eft. Et fiue vnus, fiue plures dixerint: conuitium eft, quod in cœtu dictum eft. Quod autem non in cœtu nec cum vociferatione dicitur, conuitium propriè non dicitur, fed infamandi gratia dicitur. Ex ipfa nominis etymologia argumētum fignificationis Labeo fumpfit. Sed quum falſa fit etymologia, falſa erit & definitio. Quumque falſa fit definitio, falſa erit & etymologia. Quis enim Labeoni credat conuitium à concitatione, aut à conuentu dictum, aut collatione vocis, quaſi cõuocium, quū fit alia propria magis fiue etymologia, fiue expositio per cõpofitionem à con, & vitium, vel à conuito, quaſi vitandum, & vituperationis cauſa factum? Habet autem conuitium *VI* non breuem, vt vitium, fed longam, vt vito. Et licet conuito aliud fignificet quàm conuitiū, fi modo fignificat idem quod inuito, non obſtat, quum à ſuo quoque ſimplici, quod eſt vito, in fignificatione magis diſtet, quàm cõuitium à ſuo, fiue illud fit vito, fiue vitium. Ipſa quoque præpoſitio Con, in bonam & malam rem accipi ſolet. vt Conficio, *Con.* pro perficio, & pro eo quod eſt conſauciando trucido. Inde conſectores ferarum. Cõuitium igitur, à vitium, vel potius à vito deſcendit, vt vitupero. Tametſi non omnino repugnem ſcribi per c, vt quibusdam placet, non per t. Et hoc quidem de etymologia: quæ ſi pro Labeone, Vlpianoque, non pro me faceret, tamen definitioni repugnare auderem, nuſquam reperiens apud ſummos viros hanc differentiam cuſtoditam inter conuitium & maledictum. Inter quæ (ſiqua eſt) hæc erit, quòd cõuitiū eſt maledictum contumelioſum. Quintilianus libro ſeptimo, Sic autem præpa- *Cap. 3.* rabit actione prima iudicum animos, vt noluiſſe potius obiicere, quàm non potuiſſe credatur. Eoque ſatius eſt, omni ſe antè actæ vitæ abſtinere conuitio, quàm leuibus aut friuolis, aut manifeſte falſis reū inceſſere, quia fides cæteris detrahitur: & qui nihil obiicit, omiſſiſſe credi poteſt maledicta tanquam ſuperuacua: qui vana congerit, conſitetur vanum in antè actis argumētum. Ex his verbis plane datur intelligi, nec vociferatione vtique fieri conuitium, nec aliud eſſe quàm maledictum. Cicero pro Cælio,

Materia.

Maledictum autem nihil habet propositi, præter contumeliam: quæ si petulantius iactatur, conuitium: sin facetus, vrbalitas nominatur. Illud autem verbum inuidiam, quo Labeo siue Vlpianus vtitur, quid mirum si Accursius non intelligit, qui in Institutionibus, vbi dicitur, Appellatione autem ligni omnis materia significatur, ex qua ædificia fiunt: sic interpretatur, vt cæmenta, vt lapides: immemor à iurisconsultis exponi materiam pro ligno ad ædificia vtili. quâquam & Cato, & Varro, & Columella, & Plinius, qui de agricultura scripsere, aliique vnam etiam arborem, particulamque illius, materiâ appellant, & breuiter omne lignum.

E P I T O M E.

Versicolor, omnis generis & tertiæ inflexionis, aut versicolorius, a, um, significat illud quod est variicoloris, & præsertim quod se vertendo colorem mutat, vt columbi collum, & pauonis collum, & cauda, & aqua maris. Versicoloria tamen indumenta leguntur: quia varii coloris, non quod colorem vertendo variarent.

In eosdem de Versicoloria. C A P. L I I I.

Coloriæ.

Versicoloria apud Iurisconsultos vocantur, quæ natium colorem mutauerunt: vt vestes si albæ sint aut nigrae subnigræve, quales ex lana non tincta solent esse, coloriæ: si in aliû colorem tinctæ sint, versicoloriæ nominantur. Cæterum vix in hûc sensum reperimus. Nam Cicero collum columbi, pauonisque, & eius caudam versicolorem vocat, & nonnulli aquam maris, vel quod versat & mutat colorem subinde, vel potius quod sit discolor. vt apud Plinium libro 36, Subit mentem non fuisse tum autoritatē maculoso marmori, quam fecere è Thaso Cycladum insularum vna, æquè & è Lesbo. liuidius hoc paulò, versicolores quidem maculas habens. Et in eodem, Primum (vt arbitror) versicolores istas maculas Chiorum lapidicinæ ostenderunt, quum extruerent muros. Et in eodem, Veluti quum calculi fiunt, quos quidam abaculos appellant, aliquos etiam pluribus modis versicolores. Et in decimoquinto, Ingēs postea turba prunorum, versicolor, nigra, candicans, hordearia appellata à comitatu frugis eius. Et in vicesimoquinto, Versicoloribus viperarum maculis. Et in vicesimo octauo, Nullum animal pauidius existimatur, & ideo versicoloris esse demutationis. Per quod apparet collum columbæ, pauonisque, & caudam, aquamque non ideo versicolorem dici, quod versat colorem, sed quod diuersum colorem habeat. Alioqui satis habuisset Plinius dicere, Et ideo versicolor est, nec adiungere demutationis. Neque verò vestes ab hac significatione communi excipiendæ sunt, putandæque solæ ipsæ versicolores ita demum dici, si lana tincta confectæ fuerint, vt

Lib. 10. cap. 1.

apud Quintilianum, Dum in his, de quibus erit quæstio, memi-

nerimus, non athletarum thoros, sed militum lacertos esse: nec versicolorem illam, qua Demetrius Phalereus dicebatur uti, vestem bene ad forensem puluerem facere. Apud Titum verò Liuium est secundo Punico bello, Interdictum fuisse matronis, ne versicoloribus vestirentur. Quod qualiter accipiendum sit, Valerius Maximus libro nono significat, dicens, Quam foeminae tollere cupiebant, quia iis nec veste varii coloris uti, nec auri plus semuncia habere, nec iuncto vehiculo propius urbem mille passus, nisi sacrificii gratia vehi, permittebatur. Idem Liuius alibi ait, Corpus alteri magnitudine eximium, versicolori veste, pictisque & auro calatis refulgens armis. Profectò de varii coloris veste locutus est. Et iterum, Tunicae auratis militibus versicolores: argentatis, linteae candidae. Nam illud Virgilii, Versicoloribus armis, exponit Seruius de pictis, per quod bellicosus ostenditur.

E P I T O M E.

Apud, designat locum & personam sine motu: diciturque res apud aliquem esse, qualitercunque sit. Penes autem significat, quasi in manu & potestate, & interdum quasi in vnum: vnde penitus deductum videtur. ideoque tam ad laudem quam ad dedecus spectat. ut, Te penes imperium est. Vita, & salus mea penes te est. Penes fratrem tuum omnis culpa, id est in fratre tuo, per quem culpa commissae est. Dixi Apud, significare sine motu. id enim (authore Donato) differt ab ad: quòd ad, ferè cū motu significat, ut Vado ad patrem, & fui apud matrem. ponitur tamen interdum pro apud, idque sine motu. Virgilius, Et formosus oues ad flumina paut Adonis. Opus ad Herennium non credo Ciceronis.

In eisdem de Penes & Apud. C A P. L I I I I.

Penes te, ut Vlpianus ait, amplius est, quam apud te. Nam apud te est, quod qualitercunque à te tenetur. Penes te est, quod quodammodo à te possidetur. Et ante hunc Festus Pompeius, Apud & penes in hoc differunt, quòd alterum personam cum loco significat: alterum personam & dominiū ac potestatem, quod trahitur à penitus. Personam cum loco Festus accepit pro personam & locum, ut apud Platonem, & apud forū: id est in Platone, & in foro. quorum vtriusque diffinitionē probo. Illudque addo, penes, dum tantum ad personam refertur, nō modo dominium adesse significare, verum etiam laudē ac vituperationē. De laude, ut Cicero in Bruto, Cuius penes quos laus adhuc fuit, nō fuit rationis ac sciētiae. De vituperatione, ut Quintilianus in Gladiatore, Vereor ne iniquis existimatoribus inexpressibilis illius, & saepe reprehensi odii culpa videatur penes patrem, qui tam facile irascitur. Illud quoque quod crebro usurpamus, fides penes auctores sit, & in laudem, & in vituperationem simul accipitur, quasi laus veritatis, aut vituperatio falsitatis penes auctorem sit,

ad quem spectat fidem rei, cuius author est, facere. Ad me certè ista vel laus, vel vituperatio non spectat, qui hoc nō affirmo, sed ad alterum authorem relego. Quod de laude & vituperatione dico, idem accipio de commodo & incommodo. vt Liuius, Vt penes eosdem pericula belli, penes quos præmia essent. Nonnunquam etiam loco seruit, sicut apud Ciceronem libro quarto ad Herénium, Ita petulans es atque acer, vt ne ad solarium quidem (vt mihi videtur) sed penes scenam, & in eiusmodi locis exercitatus sis. Penes scenam, id est apud scenam.

E P I T O M E.

Omnes à quibus progeniti sumus, maiores nostri dici possunt, etiam proximi parentes. Qui verò post nos erunt, posterì & minores. Patres autem, non rectè deducuntur vsque ad tritauios: sed proximi duntaxat patres nostri merito dicuntur. Sicut ergo non soli ante atauos, maiores dicuntur: sic nec soli post atnepotes, minores, sed quicumque nobis ætate minores erunt.

In eosdem de Patres, Maiores, Posterì & Minores.

C A P . I V.

Patres, inquit Paulus, vsque ad tritauios proprio vocabulo nuncupantur apud Romanos. Vteriores, qui nō habēt speciale nomen, maiores appellantur. Item liberi, vsque ad trinepotem: vltra hos posteriores vocantur. Sed cū venia Pauli, neque vsus in hoc, neque ratio cōsentit. Omnes enim qui ante nos fuerunt, vtique qui liberos reliquerunt, atque id in nostra ciuitate, maiores dicuntur: qui verò post nos, posteriores. Cicero in Sallustium, Ego meis maioribus virtute mea præluxi: vt si prius noti non fuerint, à me accipiant initium memoriæ suæ. Tu tuis vita, quam turpiter egisti, magnas offudisti tenebras: vt etiā si fuerint egregii ciues, certè venerint in obliuionem. Nunquid Cicero ait se præluxisse illis tantum, qui supra tritauium fuerunt, Sallustium verò tenebras offudisse? An potius vt quisq; à Cicerone, atque Sallustio recētissimus erat, ita illi maxime horū vtrunque vel præluxisse, vel tenebras offudisse? An si quis claris maioribus ortus quæreretur, non multo magis is dicatur, qui patrē, auum, proauum, abauum, atauum, tritauium, claros: ceteros autem obscuros habuit: quàm qui ista ecōtrario? Hoc ne ipse quidem Paulus negaret. Insuper patres nō opinor vsque ad tritauios posse deduci. Quum enim dicimus patrum memoria aliquid factū esse, de proxima ætate semper intelligimus, non de illa etiam sexta. Dixi de maioribus & patribus. Videamus de posterioribus, siue posteris. Idem Cicero eundem locum sic prosequitur, Quare noli mihi antiquos meos obiectare. Satiùs enim est, me meis rebus gestis florere, quàm maiorum opinione niti: & ita viuere, vt ego

sim posteris meis nobilitatis initium, & virtutis exemplum. Ita (opinor) non pertinebat ad filium, nō ad nepotem, non ad pronepotem, non ad abnepotem, non ad trinepotem Tulliana nobilitas, & virtutis imitatio: sed à filio trinepotis inceptura, quia ab eo posteritas Tulliana initium acceptura erat, quum potius tunc esset acceptura occasum. Idem alibi, Nec verò dubitat agricola (quanuis sit senex) quærenti cui serat, respōdere diis immortalibus, qui me nō accipere modo hæc à maioribus voluerūt, sed etiam posteris proderet. Taceo quòd Caius Caligula volebat solos posteros filios esse, nec iura concessa posteris ad nepotes peruenire. Sed ne causari queat nō positum exemplum posteriorum, sed posteriorum esse, Quintilianus in duodecimo, Maluit enim vir sapientissimus quod superesset ex vita sibi perire, quàm quod præterisset: & quādo ab hominibus sui temporis parum intelligebatur, posteriorum sese iudiciis reservauit. Nescio tamen an potius legendum sit posteriorum, vt intelligamus, hoc quàm illud nomen esse vsitatus, & non modo ad eos qui ex nobis geniti sunt, sed ad vniuersos qui post nos erunt, pertinere. In eūdem opinio- nis errorem incidit Seruius, qui in octauo AEnēidos ait, Minores nō dicimus, nisi quoties graduum deficit nomen, vt pater, filius, nepos, pronepos, abnepos, atnepos. Vbi isti gradus defecerūt, meritò iam dicimus minores, sicut etiam dicimus maiores post patris, aui, proaui, atauique vocabulum. De maioribus satis modo disputauimus. Alterius nominis ratio eadem vno exemplo satis probabitur, eoque (quia cum Seruio expositore Virgilii agimus) Virgiliano ex primo AEnēidos,

Hunc lætum Tyriūque diem, Troiāque profectis
Esse velis, nostrōsque huius meminisse minores.

Quis non videt Didonem locutam de parētibus qui tunc erant, eorūque filiis, natīque natorum, & qui nascerentur ab illis: non autem de filiis atnepotum, & deinceps, qui illius diei meminisse non poterant, nisi id à parentibus accepissent?

E P I T O M E.

Victus, licet à iuris peritis etiam amicum contineat: tamen propriè ea duntaxat quibus viuimus ac vescimur continet. est quoque genus vitæ, mores conuiuentium concernens. Similiter penus, non aliud quàm quo homo vescitur, complectitur. licet iidem iuris periti largius accipiant.

In eisdem de Victus & Penus.

C A P. L V I.

Victus verbo (Vlpianus inquit) continentur quæ esui, potui, cultūque corporis, quæque ad viuendum homini necessaria sunt. Vestem quoque victus habere vicem Labeo ait. Cætera quoque (ait Caius) quibus viuendi, curandive corporis

nostri gratia vtimur, ea appellatione significantur. Ne hoc quidem aut ratio, aut vsus probauit. Victus à viuendo venit. At viuere sine vestitu, cultuque corporis licet, vt in Aethiopia: sine esu potuque nō licet. Ideoque semper distincta hæc duo reperimus, & semper addi alterum (de Vestitu loquor) quia alterum quod est victus, hoc etiam significatum non complectitur: alioqui nō diceretur victus & vestitus. Significat etiam victus, genus vitæ, quantum ad mores, vt quibus cum quis viuatur, & à quibus instituitur, & quibus moribus. At neque de penu iuriconsultis assentior, multa quæ ad victum non pertinent, penui cedere volentibus. Potior apud me breuis illa Ciceronis definitio valebit in libris de natura deorum, Est enim omne quo vescuntur homines, penus.

E P I T O M E.

Pignus Latinum vocabulum, & hypotheca Græcum, idem ferè significant, id videlicet quod à debitore datur creditori in securitatem & firmitudinem. sed pignus, ferè de re mobili: hypotheca, de re immobili in vsu est. Accipitur quoque pignus pro eo quod certatur, aut lufuri deponit in manu sequestri, vt cedat victori. Item pro fœdere & vinculo amicitiae charitatis & fidei. vnde acceptum, vt liberi & charissimi quique, qui vinculum charitatis & fidei inter coniuges aliosque præstant, pignora dicantur. Facitque pignus, semper pignoris: licet pignero, & oppignero, & repignero, atque impignero, in E R O, non in O R O exeant. Nam tempero, refrigero, & (vt author vult) penetro, nomina habent in O R I S, non in E R I S. Est autem pignurare, à primo significato deductum, dare pignus, hoc est arrhâ, seu arrhabonem. Et oppignurare, & impignurare quidam accipiunt pro eo quod est pecuniam accipere dato pignore, aut deposito. Repignurare autè, recipere pignus pretio soluto. Reperitur etiam pignorer deponentaliter. Cicero lib. I. de Repub. Patria ipsa sibi ad vtilitatem suam pigneretur. Nec recipiendus est versiculus ille notus, qui tamen à Nestore approbatur, Pignora natorum dicuntur, pignora rerum.

In eisdem de Pignus & Hypotheca. C A P. L V I I.

INter pignus & hypothecam tantum nominis sonus differt. Hæc Martianus. Vlpianus verò, Propriè pignus dicimus, quod ad creditorem transit: hypothecam autem, quum nō trāsit possessio ad creditorem. Ego magis cum Martiano sentio. Iustinianus cum Vlpiano in Institutionibus, dicēs, Nam pignoris appellatione eam propriè rem contineri dicimus, quæ simul etiam traditur creditori, maximè si mobilis sit. At eam quæ sine traditione, nuda conuentione tenetur, propriè hypothecæ appellatione contineri dicimus. Sed non esse hanc differentiam ex eo argumētum est, quòd alterum Latinum, alterum Græcum, suæ vtrunque deferuiens linguæ. Pignus autem non tantum creditori datur, sed inter paratos secum decertare mutuo offertur, & apud sequestrum deponitur. Virgilius in Bucolicis, -ego hanc vitulam (ne fortè recuses,

Bis venit ad mulctram, binos alit habere foetus)

Depono. tu dic, mecum quo pignore certes?

Qui tamen sensus rarissimus est. Nam illo figurato crebrius vtimur, ut apud eundem,

Ipse pater dextram Anchises haud multa moratus

Dat iuveni, atque animum praesenti pignore firmat.

Quasi dicat, securum fecit, ut qui dat pignus. A priore significato dicimus pignero & oppignero, hoc est, do aliquid arrhaboni, quā

quidam arrham appellat. Et repignero, quod est recipio pignus soluto debito. Propter haec verba quidam (quorum est Priscianus) existimant pignus in hunc sensum, & in alium proximum

habere genituum pigneris: in illum, quo significamus filium, & per abusionem coniunctissimas sanguine personas habere, genituum pignoris. Vnde enim oppignero & repignero (inquiunt)

haberemus, nisi pignus pigneris faceret? Non inepta quidem ratio, sed quid respondebunt, quod quum habeamus foenus foenoris, facit tamē foenero & foeneror? Idem Priscianus ait, antiquos dixisse etiam foeneris. Nec tamen ut ei credamus, exemplo probavit.

Quid quod ex frigus frigoris fit refrigero? quid quod ex tepus temporis fit tepero? ex litus litoris fit oblitero? ex penus penoris (ut sentio) fit penetro? addita t, quasi ad locum penoris intro.

Tam enim penus quam penetro breui prima syllaba est. At mihi

quidem propria & vera pignoris significatio esse ea videtur, unde verba deriuantur. Nihil enim illi alii significato cum his verbis, & filii (ut sentio) non alia ratione appellati sunt pignora: nisi quod pignus quoddam inter coniuges sunt, tum vinculi, ne aliter fortē diuortium fieret, tum charitatis. Cuius rei argumentum est, quod legimus saepe pignora filiorum, ut apud Suetonium in Tyberii vita, Communis filii pignora. Et iterum, Tam marium, quam foeminarum pignora.

Oblitero. Penetro.

EPITOME.

Ferruminare, est consolidare & cōglutinare, praecipue per eandem materiam ut iuris periti volunt, sed interdum etiam per aliam. Vnde ferruminatio, talis conglutinatio: & ferrumen, tale gluten. Plumbatura autem fit per solum plumbum. vnde plumbare, est plumbo consolidare.

In eosdem de Ferrumino. CAP. LVIII.

Ferruminatio, Cassius apud Paulum ait, per eandem materiam facit cōfusionem: plumbatura non efficit. Idem sentire videtur Pōponius, dicens, Si tuum scyphū alieno plumbo plumbaueris, alienove argēto ferruminaueris, nō dubitatur scyphum tuū esse, & à te rectē vëdicari. Scyphū enim argenteum intellexit.

Cum his plerique nō sentiunt, quorum est Plinius, qui lib. 10. ait,

Cap. 37.

Plumbatura.

Nanque surculo super bina oua imposito, ac ferruminato alui glutino, subdita ceruice medio, æqua vtrinque libra deportant alio. Ferruminato dixit, quasi agglutinato materia illa. Idem vndecimo, Et medulla ex eodem videtur esse in iuuenta rubens, in senecta albescens: non nisi cauis hæc ossibus, nec cruribus iumentorum aut canum. quare fracta non ferruminantur. quasi non glutinantur, nec coalescunt, & colligantur. Idem 31, Carris Arabiæ oppido muros domosque massis salis faciunt aqua ferruminantes. quasi glutinantes. Idem 35, Calcis quoque usum bitumen præbuit, ita ferruminatis Babylonis muris. Idem 36, Ruinarum Urbis ea maxima causa, quod furto calcis, sine ferrumine suo cæmentata componuntur. quasi dicat glutine. Et in eodem, Vitrum sulfuris concoctum ferruminatur in lapidem. quasi conglutinator in formam lapidis. Idem 37, Infestantur plurimis vitiis, scabro ferrumine, maculosa nube, occulta aliqua vomica, præduro fragili-que centro. quasi glutino, & commissura, siue iunctura, siue ligatura. Ergo ferruminatio non ubique per eandem materiam facit confusionem, sed interdum quoque per aliam. Plumbatura per solum plumbum efficit confusionem, ut ipsum indicat nomen, si hæc confusio dicenda est.

E P I T O M E.

Seruus, nouitius est iam primum venditioni expositus. Veterator autem, seruus qui diu seruitium tulit. Atque ita quia nouitius ad omne ministerium aptior & habilior est, quam veterator certo aliquo ministerio imbutus illique; suetus: ideo carior esse solet, quam veterator. Qui autem seruos aut pueros puellasve, sed & equos, aut similia animalia parat & vendit, mango dicitur. Errant autem qui mangones dicunt pueros scutiferos, aut hastiferos, aut stabularios. Nec satis apte loquuntur qui religiosos non dum aut paulo ante profectos, nouitios appellant: quum nouitii proprie sint serui: sed tamen & aliis rebus coniunctum legitur: ut, Opus nouitium, quod Plautus etiam nuperum diceret.

In eosdem de Veterator & Nouitius.

CAP. LIX.

Seruus, ut est apud Venuleium, tam veterator, quam nouitius dici potest: sed veteratorem non spatium seruiendi, sed genere, & causa esse æstimandum Cælius ait. Nam quicumque ex vernalitio nouitiorum emptus, alicui ministerio præpositus sit, statim eum veteratorum numero esse. Nouitium autem non tyrocinio animi, sed conditione seruitutis intelligi, nec ad rem pertinere Latine sciat loqui necne. Nec ob id veteratorem eum esse quod liberalibus studiis eruditus sit. Apud Vlpianum sic scribitur, Præcipiunt ædiles, ne veterator pro nouitio vaneat. Et hoc edictum fallaciis venditorum occurrit. Ubique enim curant ædiles ne emptores à venditoribus circumueniantur. ut ecce plerique solent, mæcipia quæ nouitia non sunt, quasi nouitia distrahere, ad hoc

scilicet, ut pluris vendant. Præsumptum est enim ea mācipia quæ rudia sunt & simpliciora esse, & ad ministeria aptiora & dociliora, & ad omne ministerium habiliora: Trita vero mācipia & veterana difficile esse reformare, & ad suos mores formare. Quia igitur vānalitarii sciunt, facile decurri ad nouitiorum emptiōnē, idcirco interpolant veteratores, & pro nouitiis vendunt. Quid tam contrarium, quàm hæc duæ iuriconsultorū sententiæ? Quid magis absurdum, quàm non dico inter eas nō iudicasse, sed eas, aut ambas scripsisse, aut contrarias esse non videri? Et quanto plura in rebus (ut coniectura ducimur) esse debent, quum in verbis tot sint, & tam manifestè contraria? Ego ut instituto officio fungar, & inter hos duos sententiam feram, quando alterius diffinitio à me tolli non potest: potior mihi videtur Vlpiani opinio, & cum cæteris scriptoribus conuenire. Vānalitarii mangones dicuntur vānālium hominum. Martialis,

Millia pro puero centum me mango poposcit.

Vānalitarii
mangones.

E P I T O M E.

Tamet si Latine quotannis pro singulis annis, aut per singulos annos, seu (ut quidā loquūtur) annuatim, dicatur: tamen minus Latine dixeris, Quot diebus pro quotidiis, & quot mensibus, pro in singulos menses, aut singulis mensibus, &c. Mancinellus tamen ostendit etiam quot diebus & quot mensibus ab Latinis dictum. cuius priusquā verba recitem, meminerimus illud quod dicitur, vel quotidiebus legetur: esse à legor legaris, non autem à legor legeris. Verba Mancinelli sunt, Sicuti quotannis dicitur pro singulis annis, ita & quotidiebus & quot mensibus pro singulis diebus mensibusve dici potest. Vnde Cato in re rustica cap. 43. sic ait, Si voles vinea cito crescat, & olea quam seueris: semel in mense sarrito sulcos, & circum capita oleagina quot mensibus (donec trimæ erunt) fodere oportet. eodem modo cæteras arbores procurato. Et Plautus in Stichō inquit,

Mancinellus.

Vos meministis quot calendis petere demensum cibum,
Qui minus meministis quod opus sit factō facere in ædibus. Varro præterea de lingua Latina, ubi de via sacra loquitur, sic ait, Qua sacra quot mensibus feruntur in arcem. Apuleius lib. 11, Quot dies obibam culturæ sacrorum mysterium. Hæc hæc nus Nicolae Rubee doctorum antistes, mihi notanda (cursim nanque Laurētii opus perlegimus) occurrerunt. Siqua alia fortè occurrent, iis adiiciemus. Poterunt quoque alii linguæ Latinæ studiosissimi plura forsitan deprehendere: tu verò hæc qualiacunque à nobis primum animaduersa, hilari fronte suscipies. Viue & vale, meque ut facis ama. Datum Venetiis, pridie Calendas Februarias, Milleesimo quadringentesimo nonagesimo secundo.

In eosdem de In annos, Quotannis, ac similibus. CAP. LX.

Nihil interesse, Pomponius apud Vlpianum scribit, Vtrum in annos singulos, vel quotannis, an in singulos menses, vel quot mensibus, an in singulos dies, vel quotidiebus legetur. Ipse quoque huic sententiæ accedo: proinde etsi annui legentur tot aurei, idem erit dicendum. Corrumperetur illud Vlpiane, atque Pomponi Latinā linguam, non iuuare. Quis vnquā dixit, quot-
G.i.

Annuatim.

diebus, & non potius quotidie? quis etiam quot mensibus, & non singulis mensibus? Cur etiam non addimus quothoris, quot noctibus, quot lustris? Quod si quis hoc modo loquatur, intelligemus quidem ex ipsa verborum serie quid velit: tamen ut barbarè loquutum reprehendamus, & ne deinceps ita loquatur, admonemus. Non autem formulam aliis loquendi trademus, ut vos facitis. Iabolenus melius, Vini, inquit, falerni quod domi nascetur, quotannis, vel in singulos annos, binos culeos hæres meus Titio dato. Quidam adverbium hinc ducunt, quod est annuatim, ut Plinius libro duodecimo, dicens, Herodoto teste qui tradit, singula millia talentum annuatim thuris pensitasse Arabes regibus Persarum: si codex verus est.

E P I T O M E.

Turba, propriè, & primum significat perturbationem, ut verbum turbo, & Græcè *τὺρβη* (nam *τὺρβάω* idem quod turbo significat) declarant. Secundario tamen, significat cœtum turbationem facientem, aliquando duorum hominum. Statius in Achilleide, Nos duo turba sumus. Rixa verò, tametsi ut plurimum est duorum corrixatio: tamen inter plures quoque reperitur. Errant autem qui pro instrumēto quod pueri scutica agunt, & vulgus trochum appellat, quum aliud sit: turbonis, non turbinis, genitiuum habere docent: quum turbo turbonis sit gladiatoris duntaxat nomen, ut apud Horatium in primo Sermonum, Turbonis in armis. Nec rectè sentiunt qui pro carduo, cardonem dicunt.

In eisdem de Turba & Rixa.

C A P . I X I.

Turbo.
Turbidus.

Inter turbam & rixam, testimonio Vlpiani, rectissime Labeo ait multum interesse. Namque turbam multitudinis hominum esse perturbationem & cœtum: Rixam, etiam duorum. Videtur Vlpianus & Labeo sentire turbam suapte natura significare multitudinem. Ideoque turbam in altero sensu esse perturbationem multitudinis. Ego, verò primum & naturalem sensum esse pro perturbatione, quod docet verbum ex ea significatione ductum, turbo, perturbo, disturbo, deturbo, conturbo, quæ nequaquam ad solam multitudinem referuntur. Et turbo turbinis, & homo turbidus, qui est iracundus. Contraque vinum, & multa alia turbida dicuntur. Ipsaque Græca origo *τὺρβη* approbat hunc eundem sensum. Cæterum, quia multitudo non ferè vacat perturbatione, & ipsam appellamus turbam: ut colluviem, homines viles & contemptos dicimus, & facem & sentinam: non quod homines sint sordes, *ῥᾶξ*, sentina: sed quod sordidam & abiectam vitam agant. Terentius in Andria,

Act. 2. sc. 3.

Sed si tu negaris ducere, ibi culpam in te transferet.
Tum illæ turbæ fient.

Inter quos hæ turbæ fiēt: nempe inter Simonem & Pamphilum, in quem omnis culpa transferetur. Ergo turba erit inter duos:

At idem in eodem ait, -di voſtram fidem,

Quid turbæ eſt apud forum? quid illic hominum litigat?

Ego non nego aliquādo turbam inter multos, quemadmodum rixam non ſemper inter duos, cuius multa exēpla ſunt: ſed etiam inter plures, vt apud Liuium, Eo anno Romæ quum per ludos à Sabinorum iuuentute per laſciuiam ſcorta raperētur, concurſu hominum rixa, ac propè prælium fuit. Et nō longe poſt, Quum cōuerſus in patres impetus eſſet, cōſulū intercurſu rixa ſedata eſt. Sed Terentius fortasſe ideo adiecit, quid illic hominum litigat? Quia perverbum turbæ nō ſatis ſignificatū erat perturbationem eſſe multorū. Quanquam & illud turbæ nō minus pro multitudine hominū accipi poteſt, quàm pro perturbatione: quum præſertim, de perturbatione adiiciat, quid illic hominū litigat? Sed de vno loco nō attinet diſputare, vbi infinita ſuppeditāt. Dixi à turba fieri turbo, cuius genitiuū grāmatici quidā volunt eſſe pro lu Turbo. dicro illo inſtrumēto, turbonis. quod vel ex hoc falſum eſſe, documētū eſt, quòd formā acumine ſaſtigiato vocamus turbinatā, ad ſimilitudinē ligni illius. Fallūtur igitur grammatici in turbo turbonis, quomodo in cardo cardonis, quod nec ipſū inuenitur. Cardo.

E P I T O M E.

Exauthorare, eſt ducem ab imperio ſuo dimittere, vel miſſum facere militem, illūque donare plerūque miſſione militiæ. De hoc igitur vocabulo, de quo prius latius dictum eſt, non rectè ſenſit Iulianus iuriſconſultus.

In eoſdem de Exauthoro.

CAP. LXII.

Ignominioſa autem miſſio (ſi Iuliano credimus) toties eſt, quoties is qui mittit, adiicit nominatim ignominia ſe cauſa mittere: ſemper enim debet imperator addere, cur miles mittatur. Sed & ſi eum exauthorauerit, inter infames efficit, licet non addidit ignominia cauſa ſe eū exauthoraſſe. Pace tamen Iuliani, exauthorare, eſt ducem ab imperio ſuo dimittere, vel miſſum militem facere, illūq; donare miſſione militiæ plerūque. vt apud Quintilianum in milite Mariano, Pater huic emeritis bello ſtipendiis, tum quum tota ſubnixum Numidia fregimus Iugurtham, exauthoratas armis manus, agreſti labore ſubegit. Titus Liuius ab Vrbe condita libro trigeſimoquinto, Volonum quoq; exercitus qui viuo Graccho ſumma fide ſtipendia fecerat, velut exauthoratus morte ducis à ſignis diſceſſit. Et in 29, Vbi hoc modo exauthoratū equitem cū gratia imperatoris viderūt, ſe quiſq; excuſare, & vicariū accipere. Et in ſexageſimoſecundo, Vbi is veniſſet, omnes milites exauthorati domum dimitterētur, præter quinq; millia ſociū, his quos obtineri circa Ariminum G.ii.

provinciam satis esse. Idem lib. 45, Postero die cōcione aduocata, de rebus à se gestis, & de iniuria tribuni bello alieno se illigant, ut suæ victoriæ fructu se fraudaret, quum disseruisset, milites exauthoratos dimisit.

E P I T O M E.

Depectus, non semper est turpiter pactus, ut de, peruerfionem significet, sicut in demens & desipiens: sed pro simplici accipitur potius, cum quodam incremento, sicut demiror, deambulo, demonstro, deosculor, depingo, deposco, deuito, degusto, demoror, demulceo, & multa alia.

In eisdem de Depectus.

C A P. I X I I I.

Depectus (si Vlpiano credimus) dicitur turpiter pactus. Mihi autem pro simplici potius accipi videtur, id quod in multis fit, ut demiror, deambulo, defumo, demonstro, deosculor, depingo, deposco, deuito, degusto, demoror, deprecor, demulceo. Quod si quando reperiatur pro turpiter (quod non memini legisse me) id fit non magis vi præpositionis, qua hoc verbum componitur, quam vi ipsius verbi, quod citra compositionem nunquam turpem pactionem significat. Cicero in Paradoxis, Si quotidie fraudas, decipis, poscis, pacisceris, aufers, eripis, si socios spolias, ærarium expilas, si testamenta amicorum expectas, ac ne expectas quidem, atque ipse supponis: hæc utrum abundantis, an egentis signa sunt? Exemplum verò quod depectus non significat turpiter pactus, sed tantum pactus, apud Terentium in Phormione, Ita me di bene ament, ut mihi liceat tandiu, quod amo frui, iam depecisci morte cupio. Talæst hoc Terētianum, quale est illud Virgilii,

Vitamque volunt pro laude pacisci.

Illud quoque apud Marcum Tullium, secundo Rhetoricorum, Quidam quum circumfideretur, neque effugere villo modo posset, depectus est cum hostibus, ut arma & impedimēta relinqueret, milites educeret. Itaque fecit, armis & impedimentis amissis, præter spem milites conseruauit. Non est accipiendum pro turpiter pactus, ab authore esse positum. Quippe qui causam narrat de qua controuersia est, an ille turpiter pactus sit. non autem factum hominis damnat. & aliquoties factum hoc, paulo post pactionem vocat. & in libris ad Herennium, hanc eandem rem gestam ita exponit, ut quod erat sui officii, neque accuset, neque excuset, sed tantummodo pactum inter Pompilium & Gallos ita fuisse significet, hancque controuersiam ab accusatore, atque ab reo declamandam proponat.

E P I T O M E.

Omnis lapis pretiosus tam lucidus quam non lucidus, si magnus est, vocari potest gēma: si paruus, gēmula aut lapillus. Myrrhina quoque, inter gēmas reponit Plinius.

Margaritam autem siue margaritum, multi gēmam negant: est tamen lapillus. nec sic distinguitur, vt Seruius in litera docuisse ostēditur: sed est margarita quæ in concha nascitur; & cōchylum dicitur, à vulgo autem perla: à Plinio verò atque Solino appellatur vnio, quod semper distincta nascitur. est autem vnio sic, masculini generis, vt omnes consentiunt. sed pro vnanimitate, nescit an lectum sit: & si legatur, non tamen erit fœminini generis, sicut nec talio, stello, curculio, & senio, quod illi simile est. Persius,

Scire erat in votis quid dexter senio ferret. Sanè talio fœminini est generis. Gellius lib. vltimo, Acerba talio visa fuerat, &c. sic & alibi, & alii quos vidi omnes. Nec mirum: quæcunque enim verbalium significationem primo gerunt, licet per translationem aliud signent, & formam verbalium nō seruent, fœminina sunt, vt ratio, natio, cœnatio etiam pro loco, legio, regio, rebellio, religio, ditio, concio, &c. Sed quæ opificem vt lucratio, tabellio, pello: aut animal, vt carpio, stello, curculio: aut aliud corpus primum significant, vt pugio, quaternio, homuncio, masculina sunt.

In eisdem de Gemma & Lapillus.

CAP. LXIII.

Gemmas, lapillosque Vlpianus sic distinguit, dicens, Gemmæ sunt perlucidæ materiæ, quas (vt refert Sabinus ad Vitellium) Seruius à lapillis eo distinguebat, quod gemmæ essent perlucidæ materiæ, veluti Smaragdi, Chrysolithi, Amethysti: lapilli autem cōtrariæ superioribus naturæ, vt Obsidiani, Venientiani. Margaritas autem, nec gemmis, nec lapillis contineri satis constituisse idem Sabinus ait, Quia cōcha apud Rubrum mare & crescit & coalescit. Myrrhina autem vasa in gemmis non esse Cassius scribit. Hoc falsum esse pace horum quatuor iurisperitorum, quum omnes authores probant, quorū Plinius titulum de gemmis non translucētibus fecit, & myrrhina in gemmis numerat, & omnes lapides pretiosos, præter margaritā, vno nomine (quod tātum lingua Latina habet) gemmas appellat, tum ipsa ratio. Nam quis non videt, lapillus, quod generale nomen est, omnium paruorum lapidū, sed subintellectione pretiosus, idē esse quod gemmula? Nam gemmas etiam accipimus multorum cubitorum inueniri, quas vt verè lapides, nō lapillos, appellare possumus: ita quum minutæ fuerint, lapillos appellare debemus. Quod si lapides tam grandes translucidi non fuerint, siue perlucidi, quales sunt imperfecti, nunquid vocabimus eos lapillos? Quid hoc magis ridiculum? Quod si etiam omnis lapis perlucidus gemma est, etiam parium marmor, quod in modum vitri translucidum est, gemma erit. Postremò reperimus eiusdem coloris lapides quosdam permixtim constare ex perlucidis & non perlucidis, & ita permixtos natura, vt non possis partem appellare gemmam, partem lapillum. Curtius libro octauo quum dixisset, Gemmas margaritāsque mare litoribus infundit: paulo post de eisdem Indis ait, Lapilli ex auribus pendentes. profectò perlu-

Margaritæ.

Myrrhina.

cidi intelligendi sunt. Et iterum libro decimo de rege Indo, Pendebant ex auribus insignes candore ac magnitudine lapilli. Margaritam verò siue margaritum, quis negare lapillum possit, qui semper est pusillus lapis? Ego quidem candidos illos lapillos ex Indiæ regis auribus pendentes, margaritas interpretor. Horatius quum inquit,

Margarita.

Nec magis huic intra niueos, viridésque lapillos: de margaritis & smaragdis intellexit. Margaritam autem, sicut lapillis forsitan nego, ita gemmis fateor contineri, quod ferè omnes concedunt. Seruius tamen grammaticus, quasi multi aliter sentiant, inquit, Sanè multi separant gemmam à margarita, vt Cicero, Nullam gemmam aut margaritam. & gemmas volunt dici diuersi coloris, margaritas verò albas: vel gemmas, integras: margaritas, pertusas. Hæc Seruii opinio ab omnibus & ab ipsa veritate dissentit. Est enim margarita, quæ in concha nascitur, unde

Conchylum.

Vnio.

de conchylum dicitur, quam vulgò perlam appellât. Hæc etiam vocatur vnio (vt idem Plinius ait) quia nunquam nisi distincta reperiatur, estque generis masculini. Nam fœminini illud, quo nunc quidam pro vnanimitate vtuntur, nec autoritate nititur (nescio enim apud quem reperiatur) nec arte, quum deberet esse masculini potius generis, vt talio, stellio, curgulio.

E P I T O M E I N . P R A E F A T I O N E M A D T O R -
T E L L I V M .

Quoniam tanta est huius pronominis s v i, eiusque possessiui s v v s in oratione vis atque potestas, quanta fingitur Plutonis in rerum possessione: non contemnendum est sequens de reciprocatione eorundem opusculum, quum eius cognitio sit perquam necessaria, & in primis difficilis, quippe in qua maximi quique dormitasse comperiuntur. Reddit ergo ipsum Tortellium cæterosque lectores ex difficultate & vtilitate operis attentos. Sed priusquam id facit, beneuolum reddidit ex eius ad quem scribit, meritorum & dignitatis commemoratione. Docilem verò ex ordine procedendi. nam pollicetur se Prisciani præcepta, vbi minus recipienda sunt, refellere: & sua de hac re diligentius tradere. Vtitur autem iucunda comparatione huius pronominis s v i & s v v s ad Plutona: qui tertius quidem deorum, sed tamen diuissimus est habitus. de qua tamen re, longa est apud Macrobiū de somno Scipionis concertatio, quomodo Dis seu Pluton dicatur, quum sit inferorum & mortuorum deus. verum inferos hîc esse cõtendit, & duplicem esse mortem: de qua re apud ipsum videre licet. Quântum verò ad hâc cõparationem, certum est in fabulis esse Saturnum filios suos deuorare solitum: materna tamen industria receptos tres, Iouem qui in Dictæis montibus seruatus, ob id, cali moderationem obtinuit: Neptunum, qui inter naues seruatus, maris imperium sœuūque tridentem sortitus est: & Plutonem in subterraneis cõseruatum, & ob id, inferorū deum,

Dicēque vocatum : aut quòd in visceribus terræ lateant ferè mortalium diuitiæ: aut quòd tunc demum verè beati credebantur ac diuites quum ad Elysium fuerint translati. Verum harum potestatum voluerunt esse communionem: ita vt singuli, superni, inferni, & medii dici possint. vnde & insignia triformia habet: Iupiter celum trifulcum, id est fulmen: Neptunus tridentem, videlicet fuscina: & Pluton, seu more nostro Pluto (nam quæ apud nos in o excunt, ferè in o n excunt apud Græcos, vt Pluton, Ciceron, Caton, &c.) Cerberum canem tricipitem. Omnis autem (vt Augustinus quoque testatur) rerum partitio fit per meum, & tuum, ac suum: quibus ablati, omnia fuerint communia. sed finem facio.

LAVRENTII VALLAE AD IOHANNEM TORTELLII Aretinum, cubicularium apostolicum, de Reciprocatione Sui & Suus, libellus plurimum utilis.

singularis tua, Iohannes Tortelli, tum erga me benevolentia, tum de meis, quantulæcunque sunt, literis, opinio, iis que præcipue quæ ad eloquentiâ spectât, facit, vt quicquid de elegantiâ linguæ Latinæ, qui primus ad eloquentiam gradus est, adnoto, id omne ad te potissimum scribam: quum præsertim nihil eius generis, tã exiguum proficiscatur à me, quod non tuo, nescio, iudicio dicam an amori, magnum esse videatur. Non repudiabis igitur hoc tãquam exiguum, quod de pronomine Sui cū eius deriuatiuo adnotavi, velut apêdicem quæstionis illius, vbi quæ sunt huic cum genitiuis primæ & secundæ personæ communia (quemadmodum scis) disseruimus. Nam illic, quæ trium omnium: hîc verò, quæ vnius tantum propria sunt explicantur, eatenus prorsus, quatenus pertinet ad reciprocationem. Hui, dicet aliquis, perexigua, perexilisque materia, nec satis scribi digna. Isti ego (vitandus est enim in principio maximè contemptus operis) affirmo non talem sibi introgresso eam visum iri, sed magnam, profundam, sinuosam, similēque Labyrintho cuidam, etiam si Minotaurus non inesset, vt verè liceat Virgiliano versu dicere,

Hic labor ille domus, & inextricabilis error.

Vbi vtinam non plerique falleremur, non modo plebei, sed etiam principes in dicendo, ac Theseo pares, qui filo illo Ariadnes, aut non vtimur, aut abutimur. Neque de nostra tãtum memoria, verum de aliquot iam proximis sæculis loquor, in quibus vix quispiam vitio hoc nō laborauit, vel vtendi isto pronomine, quum nō oportet: vel nō vtendi, quum oportet. At quàm vstituto, quàm necessario, quantæ etiam dignitatis vocabulo? Etenim

G.iiii.

Lib. 1. Serm.
Satyra 1.

(vt supersedeam de genere hoc toto dicere) quantum grammaticis, dialecticis, philosophis utique in iis quæ metaphysica vocant, quantum theologis, iurisperitis, oratoribus, quantum denique omnibus sermone utentibus conducit rerum verborumque interpretatio, quod proprium est eloquentiæ: Certè hoc cuius vim iusque interpretamur, tanti faciendum est inter cætera vocabula, quâti Pluton inter reliqua numina trium maximorum deorum, & vnus & frater tertius. Rides vicissim comparationis hyperbolem. Tu, verò vel per me licet rideas, tecum etiam risurum, quum (vt inquit Horatius) -ridetem dicere verum Nil vetat. Rideas inquam, non derideas. Nam & propius ad veritatem accedet mea superlatio ridicula, quàm tua cum detractioe derisio. Nec nihil bella, nec inconcinna, nec inepta sanè comparatio erit. Si quidem quemadmodum tres filii Saturni (si vetustati credimus) omnia inter se diuisere, vt Iupiter cælum, Neptunus maria, Pluton inferos sortiretur: ita tria pronomina & inter se germana, & inter cæteras voces primaria, tum omnem personarum numerum complectuntur (E G O simile Ioui, cuius prima est dignitas: T V simile Neptuno, cuius secunda: S V I simile Plutoni, cuius tertia) tum omnia deriuatiua per totidem casus singula sibi vendicant. Nam quid est quod non meum, aut tuum, aut suum dici queat? & licet S V I non contineat tertiam omnino personam, tamen illius veluti fons est, perque ipsum ea tota nuncupatur, ditius nimirum ac locupletius utroque aliorum. Quoniam plures voces possidet tertia persona, quàm reliquæ. Et hinc quoque Plutoni comparandum, qui Dis à diuitiis, & eadem causa Græce Pluton appellatur. Et eo quidè magis, quòd sicut Pluton defectum lucis sentit, eiusque imperium omne ex alieno pèdet orbe, quòd hinc illuc animæ descendunt, sine quibus non existeret illius regnum: ita sui, & defectum nominatiui habet: & nisi regimè eius aliunde pendeat, nequit subsistere. & (quod ad rem maxime facit) quemadmodum Plutone præside bene malèque factorum iudicia exercentur, sic in vsu dictionis huius bene malèque loquentes præcipue iudicantur. vt qui ex hoc iudicio absoluti discesserint, ii optimo iure tanquam ad Elysium eant, cùmque Virgiliano Anchisa dicant,

Quisque suos patimur manes, exinde per amplum.

Mittimur Elysium, & pauci læta arua tenemus.

Quare si pronomen istud tãto Deo cõparari potest, cur eius tractatio perexigua, perque exilis existimetur? Libuit iocari Iohannes dum nostram materiam, munus videlicet in te meum, non

esse tantopere contemnendam ostendere volumus. Sed id ipsa tractatio planum faciet, meque non modo potuisse illam Labyrintho comparare, sed fortassis etiam intus Minotaurum, id est desperationem habenti. De cuius natura & usu cum alii veteres grammatici nonnulla, tum Priscianns (cui inter ceteros ferè tribuitur palma) permulta præcipit, & haud scio an vlla de re diligentius: vt mirer sic lapsam loquendi consuetudinem defluxisse de via. Nos huiusmodi erroris causas (vt aberrantes reducamus in viam) quoad facultas feret, aperire, & si qua præterea tradi poterunt, fortè diligentius tradere conabimur.

E P I T O M E.

Cum Græci longe aliter vtantur pronomini bus quàm Latini, sua autem cuique linguae sit seruanda phrasis: non imitabimur Græcos in sermone Latino, sed Latinos. quod qui non fecerunt, non recte locuti sunt, nec docte præceperunt. Græci enim pronomini bus primitiuis, etiam pro deriuatiuis vtuntur. quod nobis non licere, præscriptum est, multisque cõpositis quæ nobis absurdissima forent. Quint etiam sui, apud Græcos nominatiuum habet inusitatum quidem *ὄς*, cuius genitiuus profertur *ὄν* sui. datiuus *ὄϊ* sibi. accusatiuus *ὄ* se. In duali accusatiuo solum *σφε*, id est se. in genitiuo & datiuo *σφίν*, id est sui & sibi. In plurali nominatiuo *σφῆς*, Latine exprimi non potest. in genitiuo *σφῶν* sui. in datiuo *σφῆς* sibi. in accusatiuo *σφᾶς* se. In deriuatiuo autem, à singulari numero *ὄς* suus. & à plurali *σφέτερος*, id est suus. pro quibus vtuntur & reciproci compositis *ἑαυτῷ*, *ἑαυτῶ*, *ἑαυτὸν* in singulari, id est sui, sibi, se. & per coalitum duarum vocalium *αὐτῷ*, *αὐτῶ*, *αὐτὸν*, sui, sibi, se. In plurali autem *ἑαυτῶν*, *ἑαυτοῖς*, *ἑαυτέρ*, sui, sibi, se. & similiter per cõtractionem *αὐτῶν*, *αὐτοῖς*, *αὐτέρ*, sui, sibi, se. dicitur & pro eodem in plurali citra compositione *σφῶν* *αὐτῶν*, *σφῆς* *αὐτοῖς*, *σφᾶς* *αυτέρ*, sui ipsorum, sibi ipsi, se ipsos.

IN QVO DISTENT SVI ET SVVS INTER NOS & GRÆCOS.

CAP. I.

Rincipio (quoniam Priscianus pleraque ad Græcā figurā reuocat, & hoc in primis pronomen de quo agimus) indicādum est multa esse quum alibi, tum verò hîc, inter nos Græcosque dissimilia. Primum apud illos sui, id est *ὄν*, *ὄϊ*, *ὄ*, *σφε*, *σφίν*, *σφῆς*, *σφᾶς*, *σφῶν*, *σφῆς*, *σφᾶς*, nō sanè frequenti in usu. & suus, id est *ὄς*, *καὶ* *σφέτερος*, in minus frequenti esse, apud nos verò frequentissima, & quamvisitatissima. Itēmque pro his duobus apud eosdem aliud pronomen, id est *αὐτῷ*, *αὐτῶ*, *αὐτὸν*, usurpari: quod proprie est ipsius, ipsi, ipsum, ipso. vel ex utroque compositum, *ἑαυτῷ*, &c. Et licet non nihil differāt, tamen crebro illud pro hoc poni, vt vix scias quid inter ipsa intersit. Neque me fugit ad signandam differētiam illud aspirare solere quum pro hoc ponitur. sed nescio an omnes id scriptores obseruarint. Certe nec omnes editiones seruatum.

habent: & quæ habent, vix vbiq̃ue: & si vbiq̃ue haberent, non tamen in totum linguæ Latinæ responderet. Præterea hoc ipsum compositum primæ secūdæque personæ accommodari, non solū tertiæ, vt *πεσέχεται ἑμὴ ἰαυτοῖς*, apud nos (si verbum sit è verbo) absurdissimum, attendite nobis sibi, siue nobis sibiipsis, quū tantūdem significet nobisipsis. Postremo apud Homerum, & si qui sunt alii, sexcentis in locis reperiri *ἐγώ, ἐγώ, ἐγώ*, hoc est, sui, sibi, se: pro eius, ei, eum, eo: siue pro illius, illi, illum, illo. cuius auctoritatem imitatum nostrum inuenio neminem. Ita & suam naturam interdum deserit hoc pronome, & in locum suū aliud succedere patitur. Quod nobis adeò denegatum est, vt sicuti mei & meus, tui & tuus: ita sui & suus nequeant alterū pro altero poni, quū non Latina sit sed barbara oratio, ego amo amicū mei vel tui, hic amat filiū sui: pro meū, tuū, suū: & hic me credit omnia facere amore meo, odio tuo, inuidia sua: pro mei, tui, sui: quæ apud Græcos non est differentia. Siquidem (vt alibi probauimus) sui, vt mei, tui, nostri, & vestri, passiue semper accipitur. Suus verò, vt meus, tuus, nostrum, vestrum, noster, vester, possessiue vel actiue. quod Priscianū ignorasse ob Græcam forsitan imitationē quàm mirū tam verum est. Quū ergo tot sint quibus à Græca, nostra dissentit oratio, non quid illi dixerint est intuendum, ne in eandem in quē nonnulli (sicut ostendam) errorem incidamus: sed quid nostri, quorum auctoritatem imitamur.

E P I T O M E.

Ad cognoscendā naturā Sui & suus, non opus est distinguere tria constructionū genera quæ Priscianus distinguit, quum satis sit vnā reciprocationem nosse.

Non esse tria genera constructionis prædictorū pronominum, sed reciprocationem sufficere. C A P. I I.

HÆc præfatus, ad rem ipsam venio, cuius Priscianus tria genera facit. Vnum, quod vocat reciprocum, quum pronomen in seipsum reflectitur, vt, Cato amat se. Alterum, quod vocat transitionem, quum per deriuatiuū eius loquimur: vt, Cato amat suū filium, siue Catonem amat suus filius. Tertium, quod vocat retransitionem, quum accedit alterum verbū, vel in primitiuo, sic, Cato precatur me vt sui miserear. Vel in deriuatiuo, sic, Cato precatur me vt sui filii miserear. Sed optimum fuerit eius ad literam subiicere verba, eaque aliquanto longius repetita (quoniam non in vnus tantum quæstionis vsum repententur) quæ hæc sunt, Possessiua verò modis construuntur tribus, quum verba vel à possessore in possessionem, vel à possessione in possessorem, vel extrinsecus transferuntur. A possessore in

possessionem, vt Doceo meum filium, doces tuum discipulum, docet ille suum auditorem. A possessione verò in possessorem, vt Paret mihi meus filius, paret tibi tuus cliēs, paret illi suus seruus. Extrinsecus, vt Doces tu vel ille meum filium, doceo ego vel ille tuum filium, doceo ego vel tu suum vel illius filium. Sed melius hoc per retransitionem : vt Rogat ille me vt doceam suum filium. Quum enim suum sit relatiuum, exigit vt prius cognoscatur persona possessoris sui ad quam referatur. Et sciēdū, quòd omnia possessiua, possessoris quidem personam secūdum primitiuum significant. Possessio verò ipsa tertiæ est personæ, vt Meus, tuus, suus, quomodo & nomina, quibus iūguntur, vt Meus pater, tuus filius: excepto vocatiuo qui solus in primæ personæ possessiuis inuenitur, quum secundæ copulatur personæ, vt Mi pater, ô mea Tullia, ô noster Chremes. Omnia tamen possessiua in genitiuos primitiuorum non solum nominibus, sed etiam verbis trāsitiuis sociata possunt resolui: vt Amicum meum moneo, pro amicum mei: & Euandrium filium Turnus interfecit, pro Euandri filium: & Daunius filius ab AEnea victus est, pro Dauni filius. Hoc autem interest inter possessiuum pronomē, vt Meus, tuus, suus, & primitiuum mei, tui, sui: quòd voce possessiui genus & casus, & numerus ipsius possessionis ostenditur, & substantiua quidem verba possessiuis coniuncta ad possessores referuntur, vt Tuus sum filius, & meus pater es, & suus est illius seruus. Et aliquanto posterius, Nos verò primitiuis quidem, id est sui, sibi, se, à se: vel per reciprocationē, vt Sui potitur, sibi indulget: vel per retransitionē vtimur, vt Hortatur me ille vt sui potiar, rogat te ille vt sibi indulgeas. Possessiuis verò, quum in ea possessiuorum fiat transitio, vt sui serui miseretur, & suo seruo prodest, & suū seruū diligit. Nec aliter tamen potest supradictū possessiuū tertiæ personæ construi cū aliis extrinsecus personis, nisi per retransitionē (quomodo & primitiuum eius) id est, nisi prius à possessore eius proficiscatur in aliā verbi personā, & sic ab illa rursus ad possessionē tertiæ, sicut & ad se: vt, Rogat me ille vt suus seruus ministret mihi vel tibi, precatur me vt sui patris miserear, petit te vt suo pro sis filio, obsecrat Cicero Varronē vt suū erudiat gnatum. Et notandū quòd quū à tertiā in tertiā fit transitio personam, in dubiū venit possessio ad quā pertineat earū: vt, Rogat iste illum ne suo noceat filio, ambiguum, cuius filio suo, istius an illius: id est, an rogantis, an eius qui rogatur. quomodo & apud Græcos, *παρεκαλεῖ Γράτων ἀριστοτέλους ἵνα τὸν ἑαυτοῦ φίλον παιδεύσῃ*, dubiū sit vtrum Platonis an Aristotelis suum. Hæc ille.

Non video quid opus fuerit hac diuisione, quum & alia genera & alia species esse possint, vt posterius apparebit, neq; hæc ipsa satis inter se distincta sint. Quæ enim species hæc erit? Cato cupit me amicum sibi vel suum, optat te coli à se, & à suis, ait domum tuam se authore extructam, siue sua pecunia, relinquam reipublicæ testimonium meæ in se voluntatis, rex est domi suæ lætus sua gloria, sua quenque delectant, terra per se stat: & alia plura: vt fortasse sicut expeditius, ita satius fuerit hæc omnia appellare reciprocationem, quod propemodum Priscianus ipse confitetur, quum longe pòst inquit, Non aliter tamen hoc fit, nisi prius à tertia persona verbum aliquod (vt diximus) proficiatur ad aliam extrinsecus personam, & sic ab illa per retranspositionem ad eam reciprocetur aliud verbum: vt, Rogat me ille, vt ad se veniam: petit te, vt sibi des: hortatur milites imperator, vt se largo potiantur. Quapropter hoc tanquam generali vocabulo (si modo ausim dicere) solo vti possumus.

E P I T O M E.

Reciprocatio, dicta est quasi eius quod emissum est, in seipsum receptio: sicut spiritus reuerberatus reciprocatur, & vnda alluens litus, & Euripus ad pristinum cursum rediens. Est autem Euripus, pars maris refluæ inter Bæotiam & Phocidem, quod quotidie septies & toties noctu reuertitur impetuosissime. Vnde Seneca in Hercule OEthæo, Euripus vndas flectit instabilis vagas, Septémque cursus flectit, & totidem refert.

Vnde dicta sit Reciprocatio.

C A P. I I I.

Quod ex eo dictum est, quòd sicut reciprocatur spiritus quum recipitur, & vnda vicissim alluens litus, & Euripus ad pristinum subinde cursum rediēs, reciprocus est: ita hæc pronomina alterum primitiuum, alterum deriuatiuum, ad id vnde prodierant reuocantur. Quod Græci *ἰδιωματὶς* & *ἰδιωματῶν* vocāt. Priscianusque interpretatur sui passum & sui passionem, tum dure, tum minus apte. quia sui (vt diximus) tantummodo passiue accipitur. Satis autem erat reciprocum & reciprocationem dixisse.

E P I T O M E.

Fit autē solæcismissus per sui & suus duobus modis: altero, dum hæc ponuntur vbi nulla est reciprocatio: altero, dum non ponuntur vbi esset. Priore autem modo frequentius peccatur in suos, quia per omnes casus: quàm in sui: per quod nunquam ferè peccatur in datiuo & accusatiuo. huiusmodi exempla sunt, Iohānes nō venit, sed filius suus. Nō est Iohannis, sed filii sui. Non dedi Iohanni, sed filio suo. Non amo Iohannem, sed filium suum. Non amor ab Iohanne, sed à filio suo. Per sui sic, Monnerat me Iohannes, sed nō eram tunc memor sui. Quinetiam nonnulli tam barbari sunt vt dicant, Ego dixi sibi, Ego non verberaui se. sed rarius. in his omnibus ponitur reciprocū vbi non est reciprocatio. Altero modo ediuerso peccamus, dicētes, Iohannes non amat liberos eius: pro suos. Iohānes nō est memor

eius: pro eo quod est sui. quam rem latius alibi aperiemus. Solœcismus quid sit, a-
libi docuimus. Non esse dicendum solœcismum, licet sic scribatur, docet Iuvena-
lis, dicens, Verba, solœcismum liceat fecisse marito.

Quomodo solœcismus admittatur in Sui &
Suus.

CAP. IIII.

ET hac quidem quomodo sit vtendum, ex superioribus li-
quet. Quonam autem modo aliqui abutantur, Priscianus
ostendit, inquiens, Tertiæ verò personæ possessiuū sine vo-
ce altera significante possessorem suū, non potest adiūgi alii per-
sonæ per se. Si dicam, Seruus suus ministrat mihi vel tibi, solœ-
cismū facio. Propemodum ipse præceptor hoc pronomine abu-
sus est. Ego dixissem ipsius, vt referatur ad possessiuum, potius
quàm suus, quod referri videtur ad vocem alterā, quod ille non
sentit. De quo latius postea. Sed cur de primitiuo solœcismo o-
misit exempla? quæ res multum faciebat ad hoc vitium deuitā-
dum, vt, Ego dixi sibi, non est sibi curæ respublica, tu fuisti se-
cum. pro eo quod est, ego dixi ei, non est ei curæ respublica, tu
fuisti cum eo. An quòd temporibus eius in hoc nunquam, aut
vix vnquam peccabatur? Quippe quum hac quoque tempesta-
te minus in sui peccetur quàm in suus. Sicut enim datiuo & ab-
latiuo postposita præpositione cum, prout exēplis docui, & non-
nunquam forsitan genitiuo, vt Feci amore sui, vulgus vtitur: ita
non vtitur accusatiuo ablatiuoque. Quis enim è vulgo sic lo-
quitur? vidi se, pergo ad se, indigeo se, redeo ad se? profecto (quod
sciam) nullus. vt si recte ratiocinamur, minor sit eius pars in qua
peccatur, vtpote non planè per duos casus: at verò in suus per
omnes. per nominatiuum, quale fuit Prisciani exemplum, & in
apposito, vt hoc est opus suum. per obliquos, vt ego sum ami-
cus patris sui, tu non places filio suo, legisti librum suum, pone
hoc ad pedes suos, libris suis fruor, in hortis suis coenauimus: pro-
cius, siue ipsius, siue illius. quæ dici non Latine, siqua ratio est,
reddi ista potest. In primitiuo quidem, quòd (quum inter hunc
modum loquendi quem reformidant, & illum quo vtuntur, ni-
hil intersit) palàm est eos (semper enim falsitas se ipsa cōuincit)
sua confessione peccare. vt nuper quēdam literarum Græcarum
ignarum, quem, quòd negaret propter loquendi cōsuetudinem
dicēdum esse Aristoteles, ita sum percontatus, Nōne Aristote-
licus omnes dicunt? Quūque ille respondisset, etiam: Ergo, in-
quam, etiam vestro testimonio dici debet Aristoteles, non Ari-
stotiles, vt fieri possit Aristotelicus. In deriuatiuo autem, quod
consequens est, quum hoc sit eiusdem naturæ, quod illi tāquam

genitori, vel domino, vel duci non licet, id huic vel filio, vel seruo, vel militi non licere.

E P I T O M E.

Prima causa ob quam multi peccauerunt, est: quia viderunt summos anthores, ut Virgilium, interdum dormitasse. Dicit enim AEneidos quarto, Nanque suam patria antiqua cinis ater habebat. pro ipsius aut eius. Et in eiusdem 3, Viuite foelices, quibus est fortuna peracta iam sua. pro vestra. nisi subaudiatur particula *ut*, sic, Viuite foelices, ut quibus est fortuna peracta iam sua. Aut ordo sit, Viuite: foelices supple enim sunt, quibus est fortuna peracta iam sua. Aut certe reci procatio potuit esse in eo quod sublatum est, ut sit, Viuite foelices, quibus est fortuna peracta iam sua, non poterunt non dicier esse beati, &c.

Prima causa cur Sui & Suus abutamur, pro Eius vel

Ipsius vel Illius. C A P. V.

Verum hinc quispiam, neque hac mea ratione contentus, neque Prisciano satis fidei habens, aget nobiscum auctoritatibus, opponetque Virgilianum illud,

Tum breuiter Barcen nutricem affata Sichæi:

Nanque suam patria antiqua cinis ater habebat.

Quod haud dubie illi simile est, Seruus suus ministrat mihi, siue seruum suum vidi, & cætera quæ protuli paulo antè per omnes casus exëpla. Vbi, etsi abest ad quod referatur suus, id tamen subauditur. nemo enim dicit suus, nisi de eo cuius habita sit mentio: ut si roganti, Vbi est Titus? respõdeas, Nescio, seruus suus est hic, vel seruum suum vidi. In quo si solœcismus est, & in versu Virgiliano sit necesse est. Sin in hoc non erit, falso ait Priscianus in illo esse. Quid igitur ad hoc dicemus? Si Virgilium damnamus, tantum virum, & poetarum Latinorum longe principem, quis ferat? & nõ eius auctoritatem qualibet ratione potiolem existimet? Sin Priscianum: iam omnis huius rei ars subuertetur, nullamque, aut superuacuum maximorum authorum fuisse dicamus obseruationem oportet. Ego etsi video Priscianum (si modo animaduertit) hoc dissimulasse, tamen ipse non dissimulabo, aut iam non dissimulaui potius. quippe qui superioribus exëplis simile esse confessus sum. Sed vel poeticam licentiam excusandam reor, vel operis imperfectionem. Etenim credere libet Virgilium quum talem quendam versum faceret,

AEneid. 4.

Nanque suam patria liquerat tellure sepultam:

impeditum prima syllaba verbi longa, mutasse formam dicendi, atque ita in solœcismum (si dictu fas est) incidisse. An non illud huic ex superiore libro, etsi non persimile, tamen non dissimile prorsus est?

AEneid. 3.

Viuite foelices, quibus est fortuna peracta

Iam sua. pro vestra, positum est sua. Quòd si quis dicat positum esse pro propria, rectèque hoc dici, vt id rectè diceretur, Viuite fœlices, quibus est fortuna peracta Iam propria: hic nihil dicit, quum suum etiam pro proprio acceptum naturā tertiæ personæ non mutet, nemòque sic loquatur, Est mihi aut est tibi suus scribendi mos: quū tamen dicamus, est mihi aut est tibi proprius scribendi mos. Nā in illo huiusmodi poetæ versu, *AEneid. 6.* Quisque suos patimur manes: non refertur id suos, ad primam personam, quia sic resoluenda est oratio, nos patimur manes, sed quisque nostrum suos. Eiusmodi passim reperiuntur exempla: vt Quum in bibliotheca nos ad suum quisque studiū libros euoluemus. Nempe quum libros euoluemus, & ad suū quisque studium illos euolueret. Non est autem huic Virgiliano de quo disputamus, Ouidianum illud simile, Respice Laerten, vt iam sua lumina condas: vbi non nihil rationis est, quod vtrūque verbum eidem supposito seruit. Hæc igitur Virgilii autoritas (& si qua sunt eiusmodi apud alios loca, quorum nonnulla posterius attingam) prima extitit causa (vt iam causas enumerare incipiam) vulgaris erroris.

E P I T O M E.

Secunda causa est, quia multi libri corrupti sunt, ita vt nos authores errasse putare possemus: cum in scriptoribus sit error. Quæ res effecit vt non solum reciprocatione abutamur, aut eam perperam omittamus: verū etiam encliticam conjunctionem non suo loco ponamus, vult enim semper poni in fine. potest autem poni in medio: sed non in solo. vnde ineptus est versiculus ille, Dant duo bos, impos, compos, custosque, sacerdos. qui aptior esset, si more Virgiliano hypermetrum fecisset sic, sacerdosque, &c.

Secunda eiusdem causa.

C A P. V I.

Altera, quòd nonnullis in locis, siue hominum, siue temporum culpa libri corrupti sunt. vt apud Ciceronē in Salustium, Quòd si istius vita memoriam vicerit, aliam patres conscripti, non ex oratione, sed ex moribus suis spectare debetis. Quem locum (nisi emendetur) non confido me expositurum. Atqui se exponere posse confidunt, vt in tota sententia, sic in verbo suis, quid ratio poscat non respiciūt. Nec solum communis est huiusmodi menda librorum, sed etiam priuata in suis cuiusque codicibus. Nec aliunde factum est vt Que encliticam quidam præponāt (quorū sunt Ebrardus & Alexander) nisi quòd Virgiliū male legunt. vt in illo versu, Se satis ambobus Teucrisque venire Latinis. pro Latinisque.

E P I T O M E.

Tertia causa est, quia sæpe non respicimus quomodo accipiatursuos, aut quo referatur reciproci: atq; ita putam⁹ malā esse reciprocationē vbi bona est. Vt *AEneid. 1.* En Priamus, sunt hīc etiā sua præmia laudi. vbi sua, nō refertur ad Priamū, sed ad

laudi, id est virtuti sunt sua, id est propria & debita præmia, sicut cum dicitur, dicā suo ordine, id est proprio & debito, quam rem pluribus exemplis declarat litera.

Tertia causa.

CAP. VII.

Lib. 9. cap. 4.

In sepulchro
incantato.

ATque hæc quidem causæ citra nostram forsitan culpam sunt. Totidem autem quæ sequuntur, nobis utique assignandæ sunt, non nihil ex duabus superioribus alimentis fumentes. Prior, quando non prævidemus quo referatur hoc pronomen, quadā ambiguitate decepti. ut apud Virgilium, En Priamus, sunt hîc etiam sua præmia laudi. Et apud Quintilianum, Itaque accedam in plerisque Ciceroni, atque in iis ero quæ indubitata sunt brevior, in quibusdam paulum fortasse dissentiam. Nam quum etiam iudicium meum ostendero, suum tamen legentibus relinquam. quasi id suum de Cicerone dicatur, non de legentibus. Et alibi dum idem author cur Ciceronis exemplum contraxerit, inquit, Quæ quia erant longiora, non suis verbis exposui: suis acciperent plerique pro Ciceronis, quum sit accipiendum eo modo quo illud, exponam altercationem nostram suo ordine, ac suis verbis. Idem quoque in primitiuo contigit, ut apud eundem, Nam & de filio nihil aliud perdiderat misera, nisi dies: nec iam timebat, ne ille quo fruebatur, mori posset plangentibus lachrymisque (penè improbe dixerim) parcius utebatur, nec sibi permittebat dolor lugere venientem. Nam id sibi ad dolorem refertur, non ad matrem. Per multa sunt huius generis exempla, in quibus errandi ambiguitas est causa, ex quadā rei similitudine nobis labantibus. ut quia illud bene dicitur, Adolescens assidue à me increpatur, obiurgatur, castigatur, hoc suis non placet: videatur & hoc bene dici, Adolescentem assidue increpo, obiurgo, castigo, quod suis non placet: quod ipsarum statim iudicio aurium probabile est. Hoc autem secus & perinde est ac si dicas, me increpare adolescentem assidue, obiurgare, castigare suis non placet: nisi quis velit verba hæc actiua passiuè resolui posse, & huius generis locum illum esse Ciceronis, Qui autem annus ei primus ab honorum perfuntione, aditum omnium consensu ad summam auctoritatem dabat, is eius omnem spem, ac omnia vitæ consilia morte peruertit. Fuit hoc luctuosum suis, acerbum patriæ, graue bonis omnibus. Illud transeo, quod in neminem nisi stultum cadat, ut hoc non intelligat, quale est apud Quintilianum, Tu prima docuisti sibi non parcere, potius quàm plus flere. ubi subauditur, illum, ut sit, Tu prima docuisti illum sibi non parcere, seu suis.

EPI TOME.

Quarta causa erroris est, quod quia interdum indifferenter loqui licet, summorumque autores locutos inuenimus, putamus perperam semper indifferenter loqui licere, cum sit differentiarum ratio. Verbi gratia, indifferenter dicere licet, Omnes optant quod sibi, & quod eis, aut ipsis utile est. ubi videtur quasi duplex ordo. alter sic, Omnes optant sibi quod utile est. alter sic, Omnes optant quod utile est eis. quo modo in priore non liceret dicere eis, nec in posteriore sibi. Et in illo, Vt mihi ignosceret Tubero, cum de se eadem dicerem: si sic mutetur, Vt mihi ignosceret Tubero, cum eadem dicerem de se: non videatur apta locutio. Aptius tamen tunc reciproco utimur, quando verbum quod reciprocationem fugit, non est tertiae personae: ut in Andria, Orare iussit si se ames heras, iam ut ad sese venias. ubi minus apte dicas, Orare iussit Pamphilum si se amet heras, &c. quia dubium sit an Pamphilus an heras sese amet.

Quando vero per inter loquimur, saepe indifferenter & reciproco & non reciproco utimur antecedente praesertim genitiuo, datiuo, vel ablatiuo: non autem nominatiuo vel accusatiuo, quo praecedente aptius sequitur reciprocum.

Vt litera declarat. Causa autem videtur, quia in plerisque exemplis duplicia sunt verba, quorum alterum, reciprocum petit, alterum refugit potius.

Interdum tamen ubi vnum est verbum, indifferenter loqui licet, utique non intercedente copula, quia ea intercedente nulla est reciprocatio. In ceteris si substantiuum pronominis respicit ad suppositum, dicendum est suus: sin ad appositum, saepius illius aut ipsius, quam suus.

Ad suppositum, ut Tuctur nos Deus propter suam clementiam: non eius. Ad appositum, Amamus Deum propter bonitatem eius.

Interdum tamen etiam ad appositum, reciprocum damus.

Vt Cæpi leonem in antro suo, & in antro eius.

Si vero appposito addatur adiectiuum, aut verbum, ad quod reciprocatio fieri debeat, utemur ea.

Vt, Inueni leonem iratum ob amissam prædam suam. id est, quia amisit prædam suam. Scio neminem patienter ferre contemptum sui.

Quando vero suus, est substantiuum significans necessarios, familiares, aut propinquos: aut quando accipitur pro proprio, vix eo abuti possemus.

Vt Còperi illum inter suos, aut cum suis. Nihil dixit locis suis, aut tẽpore suo

Quarta causa.

CAP. VIII.

Posterior (quæ eadem quarta est) causa, quod videmus indifferens esse, an quis dicat, omnes optant quod sibi utile est, vel quod ipsis utile est. Ille repetit quod suum, siue quod ipsius est. Quisque vult quod sibi, vel quod ei, siue ipsi expedit, prodest, conducit, placet. idque apud summos quosque scriptores. Cicero pro Marcello, Multi dubitabāt quid optimum esset, multi quid sibi expediret. Idẽ pro Ligario, Legatus in pace profectus, in prouincia pacatissima ita se gessit, ut ei pacem esse expediret. Idem in Philippicis, Dicit enim si quis eorum qui prius se rogati essent grauiorem sententiam dixisset, in eam se iturum. Quintilianus in Milite Mariano, Neque ignorauit quæ manerent eum pericula. Dixi de is, dicam de ipse, addamque de ille. Cicero pro Rabirio, Nec enim cuiquam eius consilium vehementer.

H.i.

tius, quàm ipsi displicet. Et in Officiorum tertio, Vas factus est alter, vt si ille non reuertisset, moriendum esset ipsi. Et in Officiorum primo, Homo qui erranti comiti monstrat viam, quasi de suo lumine lumen accendat, facit vt nihilominus ipsi luceat quum illi accenderit. Idem pro Marcello, Est verò fortunatus ille, cuius ex salute non minor penè ad omnes, quàm ad illum ventura sit, lætitia peruenerit. Quintilianus in Pariete palmato, Quapropter nō petit vt illum miserum putetis, nisi & innocens fuerit. Et in milite Mariano, Affirmo tibi C. Mari: non sic nuper repugnasset, si illum tribunus voluisset occidere. Adiciam vnum de libris ecclesiasticis exemplū, de quibus postea locuturus sum, Iusiurandum quod iurauit ad Abraham patrem nostrum daturum se nobis, Vt sine timore de manu inimicorum nostrorum liberati, seruiamus illi In sanctitate & iustitia coram ipso. Aliquando videre licet vbi desyderes eum, ibi esse se: & rursus vbi se, ibi eum. Cicero pro Ligario, Atque hæc propterea de me dixi, vt mihi Tubero, quum de se eadem dicerem, ignosceret. Et per amphiboliam libro Officiorum primo, Nam negligere quid de se quisque sentiat, non solum arrogantis est, sed etiam omnino dissoluti. Nōne licebat hīc dicere, quid de eo quisque sentiat, vt in illo eiusdem pro L. Sylla? Quid est huic quod eum in hac vita teneat? Ediuerso alibi, Hic igitur Titus Ligarius qui tum nihil aliud egit, neque enim hoc diuinabat, nisi vt tu eum studiosum & bonum virum iudicares, nunc à te supplex fratris salutem petit. Vbi ego citius dixissem se, quàm in illo eiusdem ad Atticum, Subquerulas literas miserat, quòd quædam cōstituta à se rescinderem. quum non minus belle diceretur, quòd quædam ab eo siue ab ipso. Hanc eandem differentiā agnoscas interuentu præpositionis, sed magis in ipse quàm in is. Quintilianus quinto Institutionum, Nec libenter exemplum, quod in se fortasse recidat, facit. Idem in sexto, Quanquam aliqui reperiuntur, qui ne id quidem, quod in ipsos recidere possit, euitent. Sæpe duo hæc coniuncta reperiās, vel nulla, vel aliqua interueniente præpositione, & præcipuè inter. vt Idem in decimo, Quum sit diuersa non earum modo inter seipsas conditio, sed in singulis etiam partibus causæ: sūtque alia leniter, alia aspere, alia concitate, alia remisse, alia docendi, alia mouendi gratia dicenda, quorum omnium dissimilis atque diuersa inter se ratio est. Huius præpositionis & illa proprietas est, quòd nihil interest, an se, an in ipso utaris, quum antecedit vel genitiuus (vt in proximis exemplis, & in hoc Tulliano, Nec mihi cæterorum iudicio videtur so-

lum, sed etiam ipsorum inter ipsos concessu, ita tributum fuisse) vel datiuus, aut ablatiuus: vt apud eundem Quintilianum, Circa quem inexplicabilis & grammaticis inter ipsos & philosophis pugna est. Et iterum, Nam in magnis quoque authoribus incidunt aliqua vitiosa, & à doctis inter ipsos etiam mutuo reprehensa. Secus quoties antecedit nominatiuus, accusatiuusve, vt apud Ciceronem, Vt enim pulchritudo corporis apta cōpositione membrorum mouet oculos & delectat, hoc ipso quod inter se omnes partes quodam lepore consentiunt. Et iterum, Damonem & Pythiam Pythagoreos ferunt hoc animo inter se fuisse. Vbi ego non ausim dicere inter ipsas & inter ipsos. Nam illud ab hoc genere diuersum est, quale apud Quintilianū, Nemo igitur dubitauerit, longe esse optimum genus Atticorum, in quo, vt est aliquid inter ipsos commune (id est iudicium acre tersumque) ita ingeniorum plurimæ formæ. Hactenus exempla de Sui: nunc de Suus proferam. Cicero Officiorum (vnde modo protuli exempla) libro primo, In primisque versutum & callidum factum Solonis, qui (quod & tutior eius vita esset, & plus aliquanto reipublicæ prodesset) furere se simulauit. Et in eodem, Illa tamen præstare debebit, quæ erunt in ipsius potestate. Rursus in tertio, Quid Agamemnon? quum deuouisset Dianæ quod in suo regno pulcherrimum natum esset. Et in eodem, Piscatores ad se conuocauit, & ab eis petiuit, vt ante suos hortulos * postera die piscarentur. Inusitatus in eodem, Quid dominus naui, eripiétne suum? minime: non plus quàm si nauigantem in alto eiicere de naui velit, quia sua sit. Nec minus inusitate pro L. Sylla, si modo syncera scriptura est, Sylla si sibi suus pudor & dignitas non prodesset, nullum auxilium requisit. Vtrunque probatur ex altero: illic quidem licuisset dicere, quo tutior sua vita, & quæ erunt in sua potestate: hîc autem quod in ipsius regno, & ante ipsius hortulos, & quia eius illa sit, & si ei suus pudor. Cæterum in iis testimoniis duplicia verba fuerunt, quid, vbi sunt singula? Nempe idem fieri videtur: nec differre vtrum dicas, Cæpi columbam cū pullis suis, an cum pullis eius. Inueni turturem in nido suo, an in nido eius. Expuli leonem ex antro eius, an ex antro suo. Necaui lupam & catulos suos, an catulos eius, siue ipsius. Tuetur nos Deus propter suam clementiā, an propter eius ipsiusve clementiam. Ante domum suam me in-clamauit, an ante domum eius, ipsiusve, & similia. Ego verò ita sentio, quum interuenit copula, non licere vti suus. quia nulla tūc est recipratio. Ideoque non catulos suos dicendū, sed eius.

In cæteris, si substantiuum pronominis respicit ad suppositum, suus vtique dicendum : sin ad appositum, sæpius eius dici, siue ipsius, siue illius. Ad suppositum: vt, Tuetur nos Deus propter suam clementiam, non propter eius : quemadmodū dicimus, tuetur nos Deus sua bonitate, non eius bonitate. inclamauit me ante domum suam, non ante ipsius : quemadmodū dicimus, Eiecit me domo sua, non domo ipsius siue eius. Ad appositum: vt, Amamus Deum propter bonitatem eius: allocutus sum hominem ante domum eius, libentius dixerim, quàm suam. Item, Cæpi columbam cū pullis eius: inueni turturē in nido eius: expuli leonem ex antro eius: nec tamē ratio obstat, quin & suo dicatur, ac ne autoritas quidem Ciceronis de repub. libro sexto, Itaque ego illum de suo regno, ille me de nostra republica percontatus est. Terentius in Adelphis, Suo sibi hunc gladio iugulo. Nisi siquod addatur appposito adiectiuū, verbumve ad quod fieri reciprocatio debeat. quod genus est, Inueni leonē iratū, ac sæuiorem ob amissam prædam suā: Video columbā tristē in periculo pullorum suorum : Nosti illum minus suo q̃ suorum casu perterritum: Sentio hominem ambulātem per domum suam: nō per domum eius. Item, Scio illum dolere fortunam suam. Et in primitiuo quoque : vt Opinor hunc agnoscere cōtemptum sui. Illud transeo, neminem posse errare quum suus est substantiuū, vt eius, aut ipsius, aut illius vtatur: vt, Comperi illum cum suis, siue inter suos. quinetiā vix erratur quum accipitur pro proprio: vt, De hac re dixi suo loco, nō ipsius : &, Referā hæc omnia suis locis, ac temporibus, non eorum.

E P I T O M E.

Ediuerso multi in reciprocatōe posuerunt non reciproca: quorum quibusdā fuit errandi occasio, quod viderunt apud Græcos genitiuum & vtrū, id est sui aut ipsius, esse communem tam reciprocis quàm non reciprocis. Vnde incaute transferentes, nec attendentes apud Latinos esse discrimen, errauerunt, & multos in errorem traxerunt.

Causa cur Eius, Ipsius, Illius abutamur pro Suus. C A P I X.

ATque ex iis quidem quæ commemorauī, nō modo factū est, vt multi pro eius, siue ipsius, siue illius, vterentur suus: verum etiam vt e contrario pro hoc illis abuteretur (de quo solœcismo nullam facit Priscianus mētionem) qualia sunt mea proxima exempla: vt Video columbam tristē in periculo pulloꝝ eius, vel columba luget pullos eius. & quale Donati grammatici (vt grammaticos potissimū suæ artis admoneam, si modo

Donati grammatici libellus est de vita Virgilii, in quo alterius quoque generis vitia deprehendas) ait enim loquens de Virgilio, Voluit etiam eius ossa Neapolim trāsserri, vbi diu & suauissime vixerat. Ac paulo post, Translata igitur iussu Augusti eius ossa (prout statuerat) Neapolim, fuere sepulta via Puteolona intra lapidem secundum, suoque sepulchro id distichon, quod fecerat, inscriptum est. Et iterum, Item rogauit, quo pacto quis altam foelicemque eius fortunam seruare posset. Superius verò, Quod quum magister stabuli Augusto recitasset, duplicari sibi in mercedem panes iussit. Et alibi aliquoties sibi vel suo pro eius, & eius pro suo vel sibi. Verum è Græca quoque figura non minimum causæ accessit huic errori, id quod me pollicitus sum ostensurū. Nam quum pro vno αὐτοῦ liceat dicere tum suus, tum eius, tum ipsius, tum illius (non tamen quodlibet semper) tardus aut indiligens interpret, quando hoc & quando illud competat, non dispicit. Quo vitio in interpretatione quidē ecclesiasticorū librorū omnes interpretes decepit lingua peregrina. Sed nos indigni reprehensione, qui maioribus credimus: Illi verò digni qui maioribus suis credere noluerunt. Quo magis ex iis præcipue vitiosa à me sunt exempla proferēda, vt errorem nostrum, vbi fontem eius agnouerimus, deuitemus. quum tamen ex hoc nec cōtume lia vlla fiat libris ecclesiasticis, Hebræa tātum aut Græca lingua loquentibus: nescio an honor potius habeatur: nec magna eorū traductoribus, si modo dignitatis horum ratio habenda est, qui vel incerti sunt, vel ignoti, vel inter se dissidentes. Hoc mihi dissimulandum non fuit, vel ob id, ne quis mihi istorum obiiceret authoritatē. In psalmis igitur (quos Hieronymus certe nō translulit) vbi pleraque huiusmodi recte translata sunt, illud non recte, A gloria eorum expulsi sunt. pro à gloria sua. Et iterum, Qui exacuerunt vt gladium linguas eorum. pro linguas suas. Et iterum, Saturati sunt filiis, & dimiserunt reliquias paruulis eorum. pro suis. Et iterum, Perierunt propter iniquitatē eorum. pro suā. Neque verò me latet in quibusdā codicibus recte legi, sua, suas, suis, suam. Sed ego rem, non hominem noto. nec nō ibi, Et abstulit sicut oues populum eius. quod melius alibi legitur suum. sicut ibi quoque, Sicut locutus est per os sanctorum, qui à sæculo sunt prophetarum eius. alibi melius, Per os sanctorum prophetarum suorū, qui à sæculo sunt. In his omnibus Græce est genitiuus αὐτοῦ, αὐτοῦ, αὐτῶν, hic pluralis, ille singularis. Aliquādo et si eius, seu ipsius, seu illius tolerari potest, tamē latinius est suus, vt in eisdem psalmis, Neque descendet cum eo gloria eius. pro

sua. tametsi aliqui non legūt eius. Et iterum, Desyderium cordis eius tribuisti ei, & voluntate labiorum eius non fraudasti eum. pro sui & suorum. Et iterum, Brachium eorum nō saluauit eos. pro suū. Et iterum, Benedicite domino omnes angeli eius, benedicite domino omnes virtutes eius, benedicite domino omnia opera eius. pro sui, suæ, sua. quale est illud in Apocalypsi, Opera enim illorū sequūtur illos. quod ego citius dixissem, opera enim sua. Huius tamen generis non est, si interuenit verbum, ad hunc modum: Quod pater non amarit te, siue patrem non amasse te, probat ipsius testamentum, potius quā suū, vt est apud Quintilianum libro primo. Quo modo & ipsum & Virgilium quoque scripsisse manus eorum docent. Nam in illo apud Psalmos, Omnia à te expectant vt des illis cibum in tempore, dante te illis colligent. illis pro sibi positum est. de secundo illis magis loquor, quod sibi quoque trāslatum inuenio. Suo autem pro eius (quod superioris generis vitium est) illic, Ad nihilum deductus est in conspectu suo malignus. Et iterum, Si autem dereliquerint filii sui legem meam. quāquam lego in quibusdam editionibus utrobique eius. Et iterū, Anima autem mea exultabit in Domino, & delectabitur super salutare suo. Nam id suo, ad Dominū refertur, nō ad animam, quemadmodum Græce *ωτς*. at ibi nescias an varietate gauisus interpretes sit, an cōsilio mutauerit. Quoniam secundum altitudinem cæli à terra corroborauit misericordiam suam super timentes se. Quomodo miseretur pater filiorum, misertus est Dominus timētibus se. Et in eodem psalmo paulo pōst, Misericordia Domini ab æterno, & vsque in æternū super timētes se: & iustitia illius super filios filiorum his qui seruant testamentum eius. Et, Memores sunt mandatorum ipsius. Pro his quinque nostris, suam, se, eius, ipsius, illius, vnum est pronomen Græce *ωτς*, *ωτς*, *ωτς*. Idem quod modo dixi, quod num aspiretur, necne, non attinet dicere, vt taceam raris in codicibus psalmorum reperiri hanc diligentiam. Nam cæterorum ecclesiasticorum librorum in nullis adhuc reperi, nec eam (iudicio meo) satis exactam. Vter tamen sermo melior, super timētes se, an super timentes eum? Lucis duntaxat gratia, super timentes eum, vel ipsius interpretis testimonio, qui priorem quodammodo posteriore correxit: nisi varietatis gratia id fecit. Huius generis ille quoque locus est, Stabunt iusti in magna cōstantia aduersus eos, qui se angustiauerūt. quod si dixisset aduersus eos qui ipsos angustiauerunt, obscuritatem deuittasset. vt taceam quod magis ad verbum etiam transtulisset.

E P I T O M E.

Sæpe autem per reciproca Sui & Suus, generatur amphibolia, id est dubia sententia, dum nescitur utrum respiciat reciprocatio: quæ vitabitur si pro reciproco ponatur (vbi fieri licet) is, ille, aut ipse: vt exemplis docet author.

Quomodo vitetur amphibolia in Sui & Suus. C A P. X.
E Nimuero euitatur obscuritas hæc amphiboliæ per aliquod ferè trium pronominû, Is, Ipse, Ille, quæ cum aliis duobus Sui & Suus, modo pugnant modo conueniunt, ritu Troianorum puero rum, vt est apud Virgilium,

AEneid. 5.

Et nunc terga fuga nudant, nunc spicula vertunt
 Infensi, facta pariter nunc pace feruntur.

Mutauit modo se in ipsos, mutabo alio exemplo in eos, vt fecit interpret superius in Psalmo, si tamen mutasse dicendus sit. Cicero in Bruto, Is soceri instituto, quem (quia cooptatus in augurum collegium non erat) non admodum diligebat: præsertim quum ille Q. Scæuolam sibi minorem natu generû prætulisset. Nam id sibi (vt Quintiliani verbis utar qui eum notat) & ad so- Lib. 7. cap. 10.
 cerum referri, & ad Fannium potest. At si dixisset ei, de Fannio utique locutus intelligeretur: aut si ipsi, aut si illi, sic, præsertim quum is Q. Scæuolam illi. Et ego quidē deuitare cupio amphiboliam. At Priscianus (cuius hoc erat * officii) quū eam notat, * officium
 non modo id non facit, verū etiam in ipsam incidit paulo post, dum ait, Vel quū transitum facit in aliquos sibi coniunctos. vt ille miseretur eorū qui secū viuūt, vel sibi parentiū, vel secū degentium, dat sibi fauentibus, inculcat secum certātes, & inuidet se indigentibus. Nam id sibi & id se (quū tam pluralis sit numeri, q̄ singularis) quò referatur ambiguū est. sed hæc amphibolia, in primitiuo est: illa quam ipse notat, in deriuatiuo, Rogat iste illū ne suo noceat filio. Quasi verò nihil ad rem faceret, illud de Ciccerone & Varrone, aliud ambigui protulit exemplum.

E P I T O M E.

Suus est illius seruus, aut doceo suum illius seruum, non dicemus. neque ab alio quàm à Prisciano usurpatus est huiusmodi sermo.

Suus est illius seruus, & similia, male dici. C A P. X I.

IN quo etiam exponendo, quod in illo non fecisset, errauit, vt ad aliam quæstionē transeamus. Errauit enim inquiring, ambiguum cuius filio suo, istius, an illius. cuiusmodi est quod superius dixit, doceo ego vel tu suum illius seruū. Et iterum, Suus est illius seruus. Et iterum, Suus illius, istius, ipsius hominis. Inque alia longe post materia, nisi substantiuus vel vocatiuus verbis adiungantur, sicut & nomina, Meus es filius, meus vocatur seruus, tuus nominor parens, tuus est pater, suus illius sum

H. iiii.

filius, suus illius es filius, suus illius est filius. Et aliquanto post nō semel, quæ verba mox subiūgam, quorum Prisciani exemplorū vnum est, Suus Virgilii versus. simile illi, Vtrum Platonis an Aristotelis suum? Quod sermonis genus (quantum memini) nusquā inueni. eoque mallem aliena prompsisset exempla is qui hoc tradit, quàm sua finxisset. Ad hoc probandum ea quoque facient quæ de coniuncta huic materia disputauimus.

E P I T O M E.

Discretionis, vel abundantia causa non est addendum suus: additur tamen cum notat proprium. vt Suus est cuique mos, suus est Homeri vel Homero mos. Nō autem quando possessionem, quale esset, suus est Homeri liber, aut filius. in quo suus, redundat. quod non idem est quod abundat, vt Priscianus abatur: qui pro innumeris tertiarum personarum vocibus, innumeras tertias personas esse dixit.

Suus neque discretionis, neque abundantia causa posse addi ad Ciceronis vel istius filius, sed potius redundare.

C A P . X I I .

Prisciani verba ex lib. 17.

I Am. verba, quæ modo promisi me subiuncturum, vtrique atque adeò multiplici quæstioni seruiant, & idcirco prolixius recitentur, quæ hæc sunt, Discretionis quoque causa, vel abundantia solet cum genituo possessoris addi nominatiuus possessiui. vt Suus est Homeri mos: intelligitur enim non alterius. & Suus Ciceronis filius hæres est patris constitutus. suus dicitur ad discretionem illius qui secundū leges non est suus, id est sub potestate patris legitimi non est. Quod autē suus pro vniuscuiusque proprio accipitur, vsus confirmat. Virgilius Georg. I, Molles sua thura Sabæi. Terentius in Phormione, Quot homines tot sententia, suus cuique mos est. Sin autem in possessionem fit à possessore transitio, obliquis possessiui vtimur. vt Cicero miseretur filii sui, præbet suo filio, aspicit suū filium, potitur suo filio. Sin extrinsecus fit transitio in possessionem tertiae personæ, sufficit genituo vti ipsius possessoris, vt Misereor filii Ciceronis, dono filio Ciceronis, accuso filium Ciceronis. Licet tamē etiam addere possessiui casus consequentes, vel discretionis causa, vel abundantia: vt egeo ingenii sui Ciceronis, benedico ingenio suo Ciceronis: & similia. Illud quoque sciendum, quod quū in aliis omnibus possessiuis liceat primitiui genituo pro omni eorum vti casu, quod ostendimus in hoc quoque possessiuo pronomine tertiae personæ, quo modo in aliis tunc vtimur, quū ipse possessor aliquid agat in possessionem suam, & quum in aliam personam transitum ostendatur facere pro sua possessione: vt Amat ille suū filiū, & amat sui filiū: benedicit suo filio, & benedicit sui filio: petit à me vt prosim suo filio, & vt prosim sui filio.

Si ipsa tamen possessio in possessorem faciat transitionem, non est congruum vti primitiui genitiuo pro possessiuo: quia vim habet compositi Græci, vt Ciceroni redit suus filius: non satis commode per hoc dicitur, Ciceroni redit sui filius: nec, Ciceronem laudat suus filius, pro sui filius, & similia. quia nec apud Græcos bene dicitur, *κικέρωνα φιλεῖ ὁ ἑαυτοῦ υἱός*, nisi more Attico pro simplici compositum accipiat. Et sciendum quod quia primitiuum eius tam singulare quàm plurale est, licet in possessiuo & vnũ & plures possessores eius intelligere, pro significatione genitiui ad possessorem pertinentis. vt Suus illius, & suus illorum. nec mirum si per transitionem Romani vtuntur his pronomibus, Sui, sibi, se, à se, & eius possessiuo, vt ostendimus, nec non si ad coniunctionem Sui, ad alias etiam personas aliquid agat: vt Ille vocat me ad se, ducit te secum, trahit omnia in se. vel quum transitum facit in aliquos sibi coniunctos: vt, Ille miseretur eorum qui secum viuunt, vel sibi parentiũ, vel secum degentium: dat sibi fauentibus, incusat secum certanteis, & inuidet se indigentibus. Et videntur hæc omnia possessiuorum vim habere, & similia, nec incongruè huiusmodi constructionem habuisse. Quum Attici quoque soleant huiusmodi compositis vti in constructionibus. Xenophon *ἀφ' ἑμὴν μὲν ἀποβήσεται* primo, *ἀλλὰ Σωκράτης γ' ἔφη ὁ κατηγόρος τοὺς πατέρας περὶ πλὴν ἐκείνων ἐδίδασκε, πείθων σωόντας αὐτῷ σφωτέρους ποιεῖν τῶν πατέρων*. Quod autem etiam genitiuo vel datiuo, qui loco sit genitiui possessoris, bene additur etiam possessiuum (vt suprà diximus) non solum nostrorum, sed etiam antiquorum vsus comprobat. Virgilius in Bucolicis,

Et me Phœbus amat, Phœbo sua semper apud me
Munera sunt lauri, & suaue rubens hyacinthus.

Terentius in Adelphis, Suo sibi hunc gladio iugulo. Plato in Timæo, *μήτ' ἄρ' ἀργύριον μήτε χρυσίον μήτ' ἄλλο ποιεῖν κτῆμα αὐτοῦ ἰδίον*. Et (quod mirum est) hoc ipsum τὸ ἰδίον etiam primæ & secundæ adiungitur personæ apud illos, vt Isaac *ἐν τῷ πρὸς Εὐκλέαν*, οὐκ αἶν τὰ ἰδία τὰ ἑμαυτοῦ: pro quo nos dicimus, meum proprium, & tuum proprium. Dicitur tamen etiam suum proprium illius, vt non putetur abundare suum, sed indubitabilem discretionem significare. Illud quoque notandum, quod tertiæ personæ possessiuum ad innumerabiles (vt diximus) refertur personas. quippe quum ad omnia tertiæ personæ pronomina, & ad omnia nomina & participia potest referri, vt suus illius, suus istius, huius, eius, suus Virgilii versus, sua discantis diligentia. Primæ autem personæ possessiua & secundæ, non egent per se prolata adiunctione

Vallæ verba.

alicuius genitiui, quum vim genitiui finiti in se habeant. quomodo nec suus eget genituo sui primitiui quem in se possidet, sed extrinsecus alterius vocis propter multitudinem tertiarum personarum. Præter rem fuerit hîc notare, quod ait, atque adeò innumerabileis tertias personas, quum tantum vna sit, sed huius personæ innumerabiles voces. Primû, aliud est Suus illius filius, &c. Aliud, Suus est Homeri vel Homero mos, & suus cuique mos. Et apud Catullum, Suus cuique innatus est error: quoniam hîc accipitur suus pro proprius, illic minime. Deinde nulla illic reciprocatio, quæ hîc est: quippe intercedente verbo inter suus & genituum datiuumve: sic, Homerivel Homero est mos suus, siue mos suus est Homero: cuique est mos suus, siue mos suus est cuique: cuique est innatus suus error, siue suus error est innatus cuique: Phœbo sunt semper lauri sua munera apud me, siue lauri sua munera sunt semper Phœbo apud me. De quo genere construendi, posterius quid sentiam apparebit. Nā illud exemplum, India mittit ebur, molles sua thura Sabæi: inutile exemplum est, in quo nō accipitur sua pro propria: sed quomodo quum dicimus, Mittunt suos legatos, suos milites, suas naues, sua agmina. quo etiam modo accipitur in Terentiano exemplo, Suo si bi hunc gladio iugulo. quod sibi nulla nisi festiuitatis cuiusdā gratia additum est. nec ita cohæret cum hoc ablatiuo datiuus sui primitiui, vt fit in illis genitiuis, suus illius, suus Aristotelis, Platonisve, nullo pacto separabilibus. Nā si separes, iam alterum genus loquendi erit, de quo nō loquitur Priscianus hoc loco, suusque significabit quod proprius. Separes autē interiecto verbo, ad hūc modum, Suus est illius mos, sua est istius natura, suus est Aristotelis modus, suum Platonis genus, suus est Virgilii versus, sua est discantis diligentia, sua docentis. Et sine verbo substantiuo, suus tenet dolor patrem, suus matrem. nec procul ab hoc abest Virgilianum illud,

Fessosque sopor suus occupat artus.

Quapropter non eadem (vt Prisciano placet) ratio dicendi, Suus est Homeri vel Homero mos, vsitatissimum loquendi genus, & suus Ciceronis filius, hæres est patris institutus. quod dici ratio vetat. Nam quod ait, ad discretionem illius qui secundum legem non est suus, id est, sub potestate patris legitimi non est: nulla ratio est, nisi & doceat sic locutos esse, vel legum latores, vel principes, senatumve, aut populum, vel prætores, vel iuriscōsultos: qui etiam definitum reliquerunt, qui sui dicātur vel hæredes, vel serui, nūquam hoc pronomen cum genitiuis huiusmodi copulain-

tes. Et (vt rationem quoque addam) suus hæres, ad eum cuius quis hæres est, refertur: sicut suus seruus ad eum cuius quis est seruus. Vt si dicam, Nemo potest suum instituere hæredē seruū suum: & sua tutela ad illū refertur cuius tutela est. nec aliter dicitur suus ad discretionē alterius, quā meus, tuus, alienus. Quū ergo nihil agat suus, si apponatur ad Ciceronis filius, palām est redundare, nō aliter quā in altero exēplo, Ego ingenū sui Ciceronis, Benedico ingenio suo Ciceronis: vbi suus redundare non diffitetur Priscianus, sed pro redundantia dixit abundantia. Sanē abundantia interdū aliquid causæ habet, redundantia nihil. Nā quo dictionem, non dico absurdam, sed otiosam ac similē membro quod integro corpori (veluti sextus in manu digitus) adnāscitur: quā ipse quoque qui ait, tacitē reformidat, longe pōst, quū de vocatiuis pronominū agit, inquit, Itaque quauis ad ipsā rerū naturam rectē videatur posse dici, ō sue fili Euādri, & ō sua vxor Euandri: vt si dicā Euandrie fili, & Euandria vxor, quū in hoc duæ tertiæ intelligantur personæ, possessoris & possessionis: vsus tamē deficit. Cur Prisciane vsus deficit: nēpe quia deficit ratio, atq; ipsa rerū natura: quoniā sue & redūdat, & reciprocationē (quod ipsius propriū est) perdit. At tu vis addi etiā propriū, nec tamē tūc redundare siue abūdare suum, sed indubitabilē significare discretionē. Harum rerū (quū ratio tecum non faceret) si nulla vspiam reperiebas exempla, tradere præcepta nō debuisti. Si reperiebas, & illa debebas proferre: quod fecisses (opinor) si reperisses.

E P I T O M E.

Suus autē, probari potest nō carere vocatiuo, licet in vsu nō sit, quū vocādī casui decēter cohæreat. vt Defendite Cæsare ō ciues sui. Quod tamē loquēdi gen^o mihi durū videtur, nec reciproco locus esse, quū aptius dixeris ō ciues eius. Sicut in nominatio Defendāt Cæsare ciues eius. In passiuo autē sic Defēdatur Cæsar à ciuib⁹ suis.

Suus non caret vocatiuo.

C A P. X I I I.

Quod si vsus & vitandæ redūdātix, & cōseruādæ reciprocationis causa respuit talē vocatiuū, ō sue fili Euādri, quid faciet neutra obstante istarum causarū: profectō vocatiuum oportet admittat, quū natura (Prisciano quoque testāte) nō refragetur. At quo pacto reperiemus nec redūdantem & reciprocum vocatiuū: id verò iā superius ostēdimus. Si enim illic, Benedicite domino angeli sui, id angeli vocatiui est casus, perinde ac si diceretur, ō angeli sui. Et quale esset, Defendite, adiuuate, protegitte Cæsarem vita periclitātem ō amici sui, ō milites sui, ō ciues sui: quid nī vocatiuū suus habere dicendū est? Quod si nulla huiusmodi reperiantur exempla, nec mirum, quia rarō sit opus hoc sermone: & ratio tā valida est, vt ipsa possimus esse contenti.

E P I T O M E.

Non solum per nominatiuum, sed etiam per alios casus loquimur, quando id suum possessorem possessio transitionem facit, & non ad alium: vt, Ciceronis suum filium piget.

Non tantum per nominatiuum quale est, Videt illum suus filius, licere loqui, sed etiã per alios casus. CAP. XIII.

Sicut in ea quæstione quæ reliqua est ex Prisciani verbis, sic paulo antè dicentis, Est tamen aliqua differentia in possessiuo tertiæ personæ, cuius nominatiuo tum vtimur quando ad suum possessorem possessio transitionem facit, & non ad alium: vt Indiget illius vel Ciceronis suus filius: Præstat illi vel Ciceroni filius suus: videt illum vel Ciceronem suus filius: bene mereatur de illo & de Cicerone suus filius. Similiter passiuæ quæ à possessore solo fiunt, nominatiuum possessionis exigunt: vt, Amat ab illo vel à Cicerone suus filius. Nec non tã nominatiuo, quàm aliis casibus possessiuo licet vti, quum possessorem ostēdimus extrinsecus facientem transitionem ad aliquam aliam personam pro sua possessione. vt, Rogat me ille, vt suus legat apud me filius, & vt suus doceatur à me filius, & vt sui miserear filii, & vt suo donem filio, & vt suum sequar filium, & vt suo potiar filio. Nam cur ad nominatiuum coarctat hanc regulam? An nō hoc per accusatiuum eiusdē generis est? Piget Ciceronis suum filium, Rumor est Cæsari insidiari familiares suos, Constat suum esse Homeri morem, Fugere Pompeium sua interest, Fratrism pigere incipit vxorem suam. Nam per accusatiuum Latinius dici quàm per nominatiuum, sic, Fratris iã incipit vxor sua pigere, alibi docuimus. Cui simile est illud Quintiliani in milite Mariano, Nec si sit vitæ cupidissimus, poenitere eum facti sui potest.

E P I T O M E.

Quoties propriū nomen, pronomen, aut aliud ad quod fiat reciprocatio, præponitur cum verbo suo, & sequitur aliud suppositum cum verbo: licet illi supposito addere s v s, propter reciprocationem in priorem sermonem: aut aliud pronomen, vt eius, illius, ipsius, propter secundum. Quando autem vnus tantum casus sine verbo præcedit, si ad ipsum fieri potest reciprocatio, nō habet locum aliud pronomen. Exemplum prioris. vt, Ille aut Iohannes aut seruus tuus rogat te, vt suus, aut vt eius apud te legat filius. Exemplum secundi: vt Pythagoram venerabantur discipuli sui: non, discipuli eius. Item, Quando per ablatiuum in designatione sequelæ positum loquimur: indifferenter vtimur reciproco propter priorem partem, & non reciproco propter posteriorem, quæ in suppositum seu verbum resolui potest. vt, Beatus est ille, tot se vel tot cum amantibus.

Quædam reliquæ præceptorū, quando indifferenter, quando differenter vtamur his pronomibus. CAP. XV.

Harum porrò duarum Prisciani regularū quas nūc ad litteram subieci, in posteriore licet pro Suus vti eius, siue ipsius,

id est genitiuo. vt, Rogat me ille, vt eius legat apud me filius, & vt ipsius doceatur à me filius. In priore non itē, quod superius quoque significauimus. Etenim (vt diuersa promam claritatis gratia exempla) non ausim dicere, Pythagoram venerabantur discipuli eius, sed sui. nec, Quēque decet ipsius defensio, sed sua, siue sui. vt apud Valerium Martialem,

Et sua riserunt sæcula Mæonidem.

Nam id quod in principio negaui sub speciem trāsitionis cadere, sua quēque delectant, sua cuiusque sunt, sua cuique reddantur: iam admonuimus non posse mutare pronomen, quia tunc substantiuum est. Illud autem ancipitis vsus est (quod in posterum cōsulto reseruau) quoties per ablatiuum loquimur absolutum. vt, Beatus ille est, tot se vel eum iuuantibus: potest iam securē viuere tanta sibi vel ei accedente hæreditate. Quo ingenere nunquam vsu venit, vt per se, non per eum vel ipsum utique loquendum sit.

E P I T O M E.

Quando autem ablatiui illi absoluti cum reciproco præcedunt, non habet aliud pronomen locum. vnde nō dicā, Tradito ei, sed tradito sibi puero, dicendi peritus ingenium eius in primis, naturāque perspiciat. Sed quando in oratione simplici habente obliquum ad quem fiat reciprocatio, ponitur reciprocum suus, & ipsam orationem grammaticē construere volumus: resoluemus suus in is, ille, ipse, & obliquum in eum casum quem exigit dictio cui adhærebat reciprocu. vt illud Senecæ, Sæpe in magistrum scelera redierunt sua: resoluitur sic, Scelera magistri sæpe redierunt in ipsum, aut in eum, aut illum. Quando tamen suus est substantiuum, non facile resoluitur. vt hîc, Suum cuique soluatur: nisi dicamus sic, Quod cuiusque est, id ei soluatur. Præterea quādo suus idem est quod proprius, difficillima est resolutio: vt, Suus est Homeri mos, sunt & sua dona parenti, sunt hîc etiā sua præmia laudi. quarum orationum resolutionem per circuitiōnem litera ponit quidem, sed non approbat.

Quemadmodum in construendo resoluantur Sui Suūque, in Is, Ipse, Ille.

C A P. X V I.

ET (quod mireris) ab ipso Se, incipiēdum, vt apud Quintilianum institutionum primo, Tradito sibi puero, docēdi peritus ingenium eius in primis, naturāque perspiciat. Non enim dixerim, Tradito ei puero, sibi in ei mutato, aut eius & puero permutatis, sic, Docendi peritus in primis ingenium pueri naturāque perspiciat tradito sibi eo. Sed magis hoc in suus permittitur, quā in is, ob id quod sequi vult illud in constructione. Ideoque resolui in quodlibet trium (de quibus disseruimus) pronominum, is, ipse, ille: tanquam affinitatis quodam aut consanguinitatis gradu propinquorum. vt apud Senecam, Sæpe in magistrum scelera redierunt sua. quod ita construēdum erit, resoluendūque, Scelera magistri sæpe redierunt in eum, siue in

ipsum, siue in illum. Nonnunquam resolui non potest, non modo quando est substantiuum: vt, Suum cuique soluatur, sua cuiusque sunt, nisi longa & perinde dura circuitione vtamur: quod cuiusque est, ei soluatur: quæ cuiusque sunt, ipsius sunt: sed etiam quando accipitur pro proprio. vt Suus est Homeri mos, sunt & sua dona parenti, sunt hîc etiam sua præmia laudi. nisi & hîc circuitione vtamur, vt Mos Homeri est eius, dona parētis sunt ipsi, præmia laudis sunt illi. quod mihi non probatur. Est autem & alterū per hæc ipsa tria pronomina resolutionis genus: vt si dicas, Sæpe in magistrū scelera redierunt ipsius, vel eius, vel illius: quale est illud superius ex Quintiliano, Quo modo & ipsum & Virgilium scripsisse manus eorum docent. Resoluamus enim, Sæpe scelera magistri rediere in ipsum, vel in eum, vel in illum: item quomodo manus & ipsius & Virgilii docent eos scripsisse. Sed hoc transeo & cætera, non tam natia materiæ quàm adoptiua. Nam gratius facere scriptorem existimo qui nō nihil quàm qui nihil omittit, ne saltem plus magnitudini voluminis quàm utilitati legentium studuisse videatur.

P E R O R A T I O O P E R I S.

HÆc habui Iohānes, de pronominum Sui & Suus reciprocatione quæ dicerem. Cuius quæstionis, tātum abest vt timeam, ne quis tenuitatem facilitatēque infectetur, vt verear, ne magnitudine potius ac difficultate deterreatur, & quidem (sicut initio dixi) Labyrinthea. Etenim me quoque iuuat ad eius finem, velut ad exitū Labyrinthi peruenisse illius Cretensis (nam complures fuisse memoratur) quem Virgilius idem alibi narrat, Parietibus textum cæcis iter, ancipitēque Mille viis habuisse dolum, quæ signa sequendi Frangeret, indeprehensus & irremeabilis error. Verum non est cur ego iam verear istam legentium (siqui modo hunc libellum legent) desperationem. Nanque omnem quæ antea erat difficultatem, vt illis demerem, ipse suscepi: vniuersaque ferè scrutatus cæcæ domus ambages de Labyrintho vt amphitheatrum facerem elaborauī, quale in media vrbe visitur à Vespasiano extructum, aut quale Puteolanum, Campanūve, aut Veronense (nam eiusdem exempli sunt plurima) mille vias illud quidem habens, sed sine cæcitate, sine dolo, sine errore, aut (quo magis è vicino similitudinem sumam) quale summi pontificis palatium, quod proximè Nicolaus quintus ex confuso &

Labyrinthos anfractus habente augustissimum reddidit: non ta-
 men aboletis eorum titulis, qui illud ædificarant, exornarantq:
 sed reparatis atque magnificentius restitutis: vt nō immeritō ve-
 teres summi pontifices (si quis illis harum rerum sensus est) huic
 plus quantum ad ædificationem pertinet, quā sibiipsis debere
 fateantur, à quo ædificante plus ornamenti acceperunt. Factum
 haud dubie omnium palatiorum magnificētia præclarius. Cui
 nonnihil nostrum fortasse conferri poterit, qui priscorum au-
 thorum (quantum in nobis est) restituimus reparauimusque di-
 gnitatem. Sed quid demens ago, qui meum cum illius opere co-
 ner vlla ratione comparare? Casam cum regia, tophum cū mar-
 more, æs cum auro, literulas cum excellenti virtute ac singulari
 sapientia, præsertim quum opusculum hoc non ausim edere nisi
 prius ab eo comprobatum, optimo literarum cēfore, nō solum
 literarum præside ac principe. Est enim ille, vt semper antea do-
 ctrinarum omnium cultor censōrque, ita nunc non modo Ro-
 mani pontificatus ac Romani imperii, verumetiam Romani e-
 loqui moderator & princeps. Quæ tria cuinā post homines na-
 tos affuisse dicemus: id est ad duo priora, hoc tertium accessisse. In
 primis curam gerendi, vt quum omnis doctrina, tum verò lin-
 gua Romana (quæ vñtatiùs Latina dicitur) cunctarum doctrina-
 rum seminarium coleretur & cresceret. res profectō (si verè æsti-
 memus) maioris laudis, quā cætera. Siquidem illa ad nos alio-
 rum iudicio & interdum inuitos deferuntur, hoc nō nisi iudicio
 nostro studioque contingit. Illa nonnunquam parū recte admi-
 nistrantur, hoc non video quemadmodum non recte queat ad-
 ministrari. Illa huius operam atque opem desyderant, hoc etiam
 vt illa non assint, per se potest esse contentum. Itaque ego Nico-
 laum quintum, tum propter alia summum hominem iudico,
 tum verò propter id, quòd non tantum cultor est sapientiæ, sed
 plurimos etiam cultores efficit: haud iniuria comparādum cen-
 seo choro musarum (si quæ vnquam musæ extiterunt) quæ & sa-
 pere ipsæ omnia, & nobis ad capeffendam omnem sapientiam
 authores esse creduntur. Ab hoc igitur Iohannes, cuius tu inti-
 mus es (vt ad nos reuertar) oraculum posces, nunquid hic liber
 tibi dedicatus, editione sit dignus.

I

LAVRENTII VALLENSIS IN ERRORES ANTONII
RAVDENSIS ANNOTATIONES, AD IOHANNEM
LVCINAM ALFONSI REGIS SECRETARIVM.

1 NTELLEXI IOHANNES, CVM ALIAS NON-
nunquam, tum verò in præsentiæ accidere
solere, vt quædam agamus inopinati: vt quæ vo-
luimus, nolimus, quæque rata habuimus (vt in-
quit Terentius) irrita, vt quæ facta sunt, infecta
cupiamus. Quem enim casum existimassem ita ferre posse, vt in
amicum, in familiarem, in eum quem libris ornassem, scribere
aut cogerer, aut deberem, aut vellem? Etenim (vt alia necessitu-
dinis signa præteream) inter me & Antoniũ Raudensem, quid
magis ostendi potuit, quàm quòd in libris de vero bono partes
ei (vt sic dicam) censorias tribui, defensionemque religionis: vt
non plus in libris de Republica tribuerit aut Scipioni Cicero, aut
Socrati Plato. Eũ nunc quibuscũ in locis operis sui cogor refel-
lere & carpere, quẽ laudaui. Postea dicã, cur debeam velimque.
Testor mi Iohannes, mutuam nostri charitatẽ, & ipsius amicitie
sanctissimũ numẽ, me tibi rem gestam enarrare, candidam, atq;
simpliciter, nullo admixto mēdacio: quod quũ per se obscœnũ
est, tum verò quoties non sui defendendi, sed alterius accusandi,
calumniandique gratia adhibetur. Cum essemus nuper Baroli,
Raudensianus codex Mediolano missus, regi dono datus est: quẽ
Iohãnes Alzina, quasi alter hoc seculo Meccenas, cũ transcribẽ-
dum curaret, mecum egit (eram enim tunc eius contubernalis)
vt si qua in parte dissentirem ab illo opere, subnotarem. Cui ego
siquid dissentirẽ, id me in opere de elegantia tradidisse respondi.
præterea nolle cõmittere vt, dum amico morem geram, amicũ
alterum lædam. Tum ille, Non vacat mihi (inquit) nec per tot
occupationes licet multa euoluere, & tuũ cũ isto opere cõferre.
Ad hoc, multa hĩc sunt, quæ in illis libris fortasse, vt minuta tu
quidem, sed tamen multis vtilia omisisti, præsertim Iohãni meo
filio vnico: cui hanc rem non minus, quàm mihi prospicio ado-
lescenti (vt ex epistolis suis iudicare potuisti) studioso, acuto, di-
gnoque, qui in imitandis libris minime fallatur. Nam quòd de
amicitia lædenda videris vereri, neq; has annotationes alius præ-
ter filium leget: & siquãdo fortè quis leget, has tuas esse profecto
non diuinabit, vtpote nullius nomine scriptas. Hæc ille cũ dice-
ret, magis hominis mouebat authoritas, quàm ratio: magisque
iuberi videbar, quàm rogari. Tráscurri itaque opus pauculis ad-
AA.i.

modum diebus, annotās penè inuitus, siquid fortè reperiebant. Cum autem ad vocabulum omnis peruenissem, meque illic, etsi non nominatim, tamen aperte reprehendi animaduertissem, rō exiguā sanè bilem, vel criminis, vel accusatoris indignitate cōtra xi: intellexique famæ meæ, quæ à falsis amicis in discrimen adduceretur, esse succurrendum. Neque id ob hunc tantum modo locum, sed ob vniuersum de Latinitate & elegantia opus, quod ab isto damnatum, & ideò illius post nostrum fuisse compositū, aliqui non admodum prudentes fortassis opinarentur. Quo factum est, vt non tantum necessariò, sed etiam iuste ad hanc rem libenter descenderē, nollēmque ea re illum à me vnquam fuisse laudatū. Huc accesserunt tertio loco literæ tuæ, quæ non modo, vt opus vni conderem, sed vt omnibus etiam ederem, induxerūt quodam profecto miraculo. Siquidem scribenti mihi Raudensianas annotationes, illæ sunt redditæ cum degustatione quadā operis ipsius, cūmque hoc tuo (vt sic dicam) elogio. Videtur nāque copia multa abundare, sed non radicem attingere. Confer tēpora quibus tuæ literæ ad me datæ, quibusque rex Baroli, seu Foggia erat. id est quando codex ille regi donatus est, & vnā reperies atque eadem fuisse: ne dubitare deberem id aggredi, quod tot causis aggrediendū esse diuina voluntas (vt interpretor) demonstraret. Nam prima quidē causa vehemēs ac necessaria erat, sequens verò honestissima, tertia autem perpensissima & quasi cælesti nutu commēdata. Etenim quum tuo amori nihil denegare possim, tum literarum ipsarum, quas tā longinquo terrarū tractu misisti (vt dixi) miraculum, ita obstupescit pectus meū atque penetrauit, vt non modo facerē quod postulabas, verū etiā ipsum tibi potissimū opus inscriberem. Facio tamē fortassis imprudenter, qui antea librū inscribo, quàm sciam, an editione, & (quod pluris facio) an te tā docto & exculpto viro sit dignus. Sed veritus sum ne quod elegātiis accidit, id huic libro accideret. Cū enim illas ad nullū scribo, sed ad te, atque ad Iohannē Aurispā cognoscendas mitto, te absente Aurispa publicauit, vt iam post infinita exempla, vix ausim eas ad aliquē scribere: sed quia tu & suades & hortaris, faciā, propēque diem, quia inemendatæ sunt, vt ais, ad te emendatissimas mittam, qui non fines (vt alter fecit) ab indoctis librariis corrūpi. quod Quintilianus intelligēs, misso ad Tryphonē opere, inquit, Multum autē in tua quoque fide ac diligētia positū est, vt in manus hominū quàm emēdatissimi veniant. Hoc cur tā sapiēs author dixisset, quòd tantū in aliena fide ac diligētia reponeret, nō antea quàm meo doctus experimēto,

didici. Tu tamen nō minus in me & fidelis & diligēs eris, quā Trypho in illum fuit: & interim volui hoc opus anteuertere, vt literis tuis non tā responderē, quā parērem. Hoc tamen testificatum à me volēs, quo viris bonis satisfaciā, qui amicitia sancte inuiolatēque vsque ad extremū seruandam putant, inter me ac Raudensem, paruā sanē familiaritatē intercessisse, paucisque diebus cōsuetudinē fuisse: nec eā vnquā epistolis nos mutuis cōfirmasse, vt ipse ex iniuria mei magis ingratus, quā violator amicitiae esse videatur: & ego me defendēs, magis beneficii mei perdidisse rationē, quā amico lacessenti non pepercisse: & laudem, quā illi tunc tribui liberalius, vt fieri solet, benigniūsque cōcessisse, quā nunc in eo notando inconstantiae crimen incurrisse.

¶ Vantopere sit elegans Raudensis noster, & quā decuerit eum de eloquentia scribere, vel procemiū ipsum testimonio est, cuius tres tantū ex principio verbus consideremus. sic enim incipit. *RAVDENSIS*. Puto erit operæpretium his, qui eloquentiae, humanitatisque studiis videntur aspirare, & librorum copiā quasi nullā habēt, quos lectitare possint, vnum hūc pro omnibus, quem saepe legant, scrutenturque.

1. Sæpe te legemus Raudensis, omiſſis aliis, si eloquentes euadere volumus. Nōne ingrato animo in veteres, atque impio es, qui vel clām, vel palām nos adhortaris ad negligēdos omnes aliorum authorū libros? At non loqueris de iis, qui librorum copiam habēt: ergo tu talibus nihil scribis. & quibus nulla ad assequendā perfectam eloquentiā adiumenta defunt, iis tuum opus non prodest, sed pauperibus tātum, vt in te Ouidianum illud de arte amādi aptissime cadat, Pauperibus vates ego sum, quia pauper amaui. At quantum prodest pauperibus opus tuum, vnde per illud in summum facundiae fastigium perueniant? Si ita est, etiā diuites istam viām tam expeditā ingredi mallent, quā se per multiplicem lectionē fatigare. sin in fastigiū hoc modo peruenire nequeūt, nō video quid proſis vel diuitibus, quibus obſtas, si te contenti sunt, ne in summū, quod cupiunt, euadant: vel pauperibus, qui quod per te euasuri sunt, nesciunt: quibūſque & ipsis spem, atque adeo animū eripis, aliquādo vltius euadendi, quū præsertim nemo sit ita pauper, vt se quandoque diuitē, aut certe meliori fortuna fore desperet. Quid ais, vnus iste pro omnibus libris satis est: cur ergo multis in locis legēdos alios esse vis, legique iubes ac precaris? I nūc, & iacta tātopere librū tuū. Et vnum librum appellas, vt nos nomine ipso circunuenias, qui verbosior

Imitatio.

est, quàm duo & quadraginta Varronis, rerū humanarū ac diuinarū libri, & cum De imitatione inscribis, ide qua quæso imitatione? Vniuscuiusque enim artis est imitatio. Hoc tibi quidē addere in mentem nō venit. sed tamē intelligis de imitatione eloquentiæ. Quid igitur de hac ipsa re tibi credimus, posterius gloriāti? tu primus scribis, & nō antē Quintilianus? tū de omni imitatione in vniuersū, tum de ea, quæ ad eloquentiā pertinet? Post quem aliquid de arte Rhetorica (nam imitatio ipsa, vt idem ait, pars artis est) scribere, hominis est artē oratoriā nescientis: quāquā nihil minus, q̄ de imitatione loquitur, opus hoc de imitatione titulum habēs, quod author ipse sæpe legere, sæpe scrutari nos iubet: videlicet mysteria quædā in eo latent, quæ nisi scrutemur, inuenire nequeamus. Verū quoniā hoc postulat Raudēsis, agedum, scrutemur, an recte dicat, an secus. Et antequā de cæteris ordinē, id agamus, horum trium versuū verba, sicut de sensibus fecimus: an imitatione sint digna, videamus. Ait, qui studiis eloquētiæ videntur aspirare. De latinitate & elegātia videtur velle loqui Raudensis. At hoc nec elegāns, nec latinum est. Siquidē dicimus aspirare rei, pro auxiliū aliquod præbere deos. Virgili⁹, Aspirat primo fortuna labori. Aspirare ad rem, est propriè hominum, nec ferè nisi cum negatione aut interrogatione, quæ in negationem resoluitur: significātque ne spiratu quidem ac flatu proximum esse posse, nedum ore cōtingere quod cupit. vt Cicero sæpe, Ad hanc laudē aspirare non possunt. Et in Verrē actione prima, In eiusmodi re quisquā tam impudens reperiretur, qui ad alienā causam inuitis iis, quorum negotiū est, accedere aut aspirare audeat? Quid quod ait, videntur aspirare, nō autē aspirāt, quasi videantur, non sint aspirantes? Ait præterea quasi, pro eo quod est ferè. de quo latius in elegātiis diximus. His etiā pro iis posuit, cum alterum sit ab hic hæc hoc, alterum ab is ea id. Reliqua pergamus. R. A, ab, abs, præpositiones sunt: à quidem consonantibus omnibus rectè præponitur, sed ab, rectissime liquidis.

Quasi.
Cap. 13. lib. 2.

A, ab, abs.

1. Estne hæc de imitando disciplina? Hæcne de eloquētia præceptio? An potius grāmaticæ, aut si vis elegātiæ, quod tradere nō oratoriæ est? Nā (vt ait Quintilianus) docere vim cuiusque verbi si quod minus vsitatū incidat, multum infra rhetoris officiū existimādum est. At si oratoriæ artis esset, non & alii hoc præceperunt, quod se vnum Raudensis præcipere ait? Nunc videamus an recte præcipiat, quod certe non facit. Nam ab, non solū duabus liquidis rectè præponitur, r & l, sed etiā i consonanti. vt Virgilius, Ab Ioue principium musæ. Nullā verò aliarum cōsonan

tium amat. Abs autem nō solum t, præponitur, vt abs te: sed etiā q, & forte etiā c, vt in libris de elegātia diximus. R. Cicero vero persæpe ponit ex pro à vel ab. verbi causa, si illū imitari volueris, dices, Aliquid ex Pōpeio sciam, id est à Pompeio. L. Omisit Raudensis, quia etiā dicimus è Pompeio, quanquam hoc simile illi est. & præterea de Pompeio: vt Cicero, Audiebā adolescēs de patre meo, id est à patre meo. R. Ablatiuo vtitur sæpius Cicero terminato in e, q̄ in i. L. Quid ais? Nōne dicitur & à Cicerone, & ab omnibus, In illa infœlici pugna, potius quàm infœlice: Ab illo infœlici bello: In hoc fœlici certamine à potēti rege donatus sum? Item ab antecedenti, à cōsequēti, à repugnāti. hoc mallem dixisses quādo ablatius regitur absolute, tūc frequentius vsurpari e. vt Cicero, Afflāte fortuna, flante austro, nō flanti. Virgilius, Pluuia impendente recedunt. R. Inuenies tamen hoc vnū obseruatum ab ipso, vt semper ablatiuos cōparationis terminet in e, non in i: verbi gratia, diceret longiore via, non via lōgiori: prosperiore fortuna, non prosperiori, vt grāmaticuli nostri dicunt. L. An non dicimus è contrario, sic semper, à maiori, à pari est hoc argumētum? Melius igitur dixisses, Comparatiua cum iūguntur generi fœminco sæpius postulare e: in aliis generibus sæpius i: vt Nūc viuimus meliore fortuna, commodiore valetudine sum. Nam quod ais Ciceronem dicere igni, non igne, quid mirum? cum ablatiuum habeat hoc nomen in i, potius quàm in e, sicut febris, & similia. Item pro vetere amicitia, dicendum esse pro veteri amicitia, non probas quod ponis. Nam recte dicā, In veteri tēplo, in veteri domo, de veteri vrbe. Vnde illa vrbs dicta est, à qua qui proficiscuntur, de vrbe veteri proficiscūtur, nō de vrbe vetere: & de ciuitate veteri, nō de ciuitate vetere mare intramus. R. Accusare. L. Perduellis & Perduellio non idē sunt, vt ait Raudensis: cū perduellis vocetur hostis, perduellio autem crimē aut læsæ reipublicæ, aut læsæ maiestatis, siue is qui ita læsit. R. Aduena. Deinde, inquilini non permanēt, sed aduena sic. Et iterū, Cōuena idem quod aduena. L. Inquilini non sunt, qui non permanent, sed qui in aliena & domo & vrbe habitant, aut saltē domo. Conuenæ qui ex diuersis populis, gētibusque in vna mœnia cōuenere, simulque coalescūt. Multa omitto, quæ à me in elegantis tractata sunt. R. Aduocatus. Deinde, Et aliqui in meū patrociniū inciderūt, id est aduocati fuerūt. L. Non hoc dicit Quintilianus, sed quod ipse causerū illarum fuit aduocatus, scribēdūque est aliquæ non aliqui. Hoc est aliquæ causæ, non aliqui aduocati. R. Adulter. Deinde, Pellex id est adultera.

Cap. 29. lib. 2.
E. de. ex.Vide cap. 66.
lib. 3.Ablatini in e
& i vsus.Cōparatiua
in e & i.

Veteri.

Perduellis.
Perduellio.Conuenæ.
Inquilini.Vide lib. 4.
cap. 54.

Pellex.

Vide ca. 48.

lib. 6.

Necessarii.

Tribulis.

Lætum.

Letum.

Alapa.

Colaphus.

Pinna.

Pinnaculum.

Quoquam.

Alicubi.

Aliquo.

Necunde.

Alicunde.

Necubi.

Nullibi.

Nonnihil.

Aliqualiter.

Aliqualis.

Aliquid.

Aliquod.

Quiddam.

Quoddam.

Aliquis.

Quidam.

1. Pellex est fœmina, quæ corpus miscet cū viro alterius, nō autē meretrix, vt in elegātiis dixi. improprie autē, ac præter naturā de puero dicitur concubino, illius qui vxorē habet. vt Cicero in Sal. Omniū cubiculorum pellex, & idem postea adulter. Id est, puer lædebas alienas vxores, præripiens eis maritos, vt postea læsisti maritos, præripiens eis vxores. R. Affinis. 1. Necessarii non affines tantum sunt, sed etiam amici, & quibus vti familiariter solemus, vt Cicero ait sibi cum equitibus Romanis necessitudinem esse. Tribulis autē non est (vt Raudensi placet) affinis, sed ex eadem tribu. vt, Romæ erant quinque & triginta tribus, apud Hebræos autē duodecim, tredecimve, & in ciuitate Aquileia nouem & viginti. R. Alacer. 1. Non debet lætum scribi gemina t, vt Raudensis ait, sed lætum. nā diphthongo distinguetur à letum, quod mortē significat. R. Alapa. 1. Non recte hæc duo nomina distinguit, alapam & colaphū. Cum illud Latinū, hoc Græcum sit. Ideoque per ph scribendum. nam sola Græca, & quædā Hebræa sic scribuntur. R. Ala, & pinna quasi idē sunt.

1. Aut penna scribēdū est, aut errat noster author. Pinna enim acutum significat, vt ait Quintilianus. vnde pinnaculum templi, & pinnæ murorū. R. Alicubi. 1. Male exponit quoquā pro alicubi, cū quoquam sit aliquo, id est ad aliquā partē locūve. Alicubi verò, in aliquo loco. Itē male aliquo pro alicubi eadē ratione. Itē male alicūde pro alicubi, & necūde pro ne alicubi: cū illud sit ex aliquo loco: hoc autē, ne ex aliquo loco. Item male necubi pro nullibi, cū exponi debeat pro ne alicubi, id est vt nō in aliquo loco. Quo in aduerbio vt hic præcipiendo labitur, ita quidā in vtendo, quorum nomina à me hoc loco proferri malignū fortē videatur. Studiosi tamen inueniēt, quod dico ratione. Nullibi autē an recte dicatur, Raudensis viderit. R. Aliqualiter.

1. Non diserte exponit author nonnihil pro aliququaliter, cū deberet exponere pro aliquantulū. Aliud enim est quantum, aliud quale: sed nec Latine dicitur aliququaliter, vel aliququalis, sed rustice, & barbare. R. Aliquod. 1. Miror interdum huius authoris ingeniū, qui nesciat differētiā inter aliquid & aliquod. itē mque inter hoc vocabulū, & quiddā ac quoddā. nā aliquid substantiuum est, vt Aliquid mirabile, aliquid boni: nō autē aliquod mirabile, aliquod boni. Rursus Aliquod tēplū, aliquod ædificiū: nō aliquid tēplū, aliquid ædificiū, quippe adiectiuū est. Itē quiddā pulchrū, quiddā boni, nō quoddā. rursus quoddā tēplū, quoddā volumē: nō quiddam: cū illic sit substantiuū, hic adiectiuū. Præterea hæc duo siue pronomina, vt Donatus vult: siue nomina, vt Priscia-

nus, sic differūt: vt illud superius significet rem incertā, posterius rem certā: vt Aliquis vidit me fugiētem: id est, vnus quisquis ille sit, etiā si nō vnus, sed multi fuerunt. At quidā vidit me fugientē. videlicet vnus, quē ego scio, & quē ipse cognoui. Illud cū negatione fit vniuersale ferē: vt Nō vidit me aliquis fugientem. id est nullus me vidit: hoc nō fit: vt, Nō vidit me quidā fugientē, perinde est, ac si dicerē, Scipio nō vidit me fugientē. sed hęc latius in dialecticis nostris. Vllus idē est quod aliquis, vt in eodem opere

Vllus.

præcepimus: sed hac differētia, quod nunquā vsurpatur, nisi aut cū negatione, aut interrogando, aut dubitando, aut nesciendo. vt Nō est vllus beatus in vita. ēstne vllus beatus? dubito, nesciōq; an sit vllus beatus in vita. R. Aliquando. l. Aliquoties, etsi rarò apud Ciceronem, tamen reperitur, vt pro Quintio, M. Iunius, qui hanc causam aliquoties apud te egit. Multotiēs nescio an vsquam repperim, sicut nec pluries, nec nullatenus, dūtaxat v̄sitate. R. Amicitia inter bonos, fautio inter malos, à fautor. vn

Aliquoties.
Multotiēs.
Pluries.
Nullatenus.

de fauiofus fauiofa fauiofum. Sallustius inquit, Amicitia inter bonos, fautio inter malos. l. Factio dixit, non fautio. vnde & factiosi dicuntur, vt sunt in Hispania principes Bandorum, & Genuæ capellatii dicuntur. Hoc vocabulum Augustinus de ciuitate Dei exponit. R. Animal. Deinde, Pullus est animal quodlibet nouellæ ætatis. l. Imò pullus est fœtus vel auium, ouaque parientium, vel animalium non ferocium. Neque enim pullus dicitur leunculus, sed catulus leonis, vrsūve. Ceruorum verò, caprarūque, ac capreolorum, similiūque dicitur hinnulus. Camelus falsum est per geminum l scribi. interroga Græcos vnde vocabulū hoc fluxit. R. Antiquus. Deinde, Situs est antiquitas.

Factio.
Factiosi.

l. Imò sordidus quidā humor in locis opacis & incultis, adhæc res parietibus, vel solo, vt in elegātiis dixi. R. Appodiare. l. Hoc verbū nusquam inueni. R. Apotheca. l. Ergasterium, & ergastulū, nec idem sunt, & neutrum verè exponitur. Ergasterium nescio an apud doctos inuenerim, nisi apud Gregoriū, ideoque de eo non dicā. Ergastulum autem, est quasi priuatus carcer, vbi seruos dominus, vel vinctos, vel solutos noctu includit, quosdā etiā interdiu, vnde ad operas mane emittat. Apotheca est proprie vini, vt horreum proprie frumenti. Hinc Cicero in Philip. Apothecas vini obiecit Antonio. de taberna & officina dixi in elegātiis. Tonstrina autē, nec taberna recte, nec officina dici potest, licet Raudensis officinam vocet. R. Appropriare. l. Improprium verbum est. R. Aptus. l. Vt plurimū (quo aduerbio & Raudēsis, & vulgo multi vtūtur) existimamus esse apud veteres

Pullus.
Vide cap. 71.
lib. 4.

Catalus.
Hinnulus.
Camelus.
Situs.
Vide lib. 6.
cap. 25.

Appodio.
Ergastulum.

Apotheca.
Horreum.
Cap. 44. lib. 4
Tonstrina.

Appropriare.
Vt plurimū.

Supina in u.
Aquatū ire.
Hydraula.

Organa.

Demereri.
Cap. 99. lib. 5.

Arbos.

Arbusta.

Arbutus.
Arbutum.

Arbor laurus

Mons Auen-
tini.

Vrbs Roma.

non vſitatum. R. Aqua. Patulo poſt, Liuius ait, equos aquatum
ibant & aquatu veniebant. L A V. Vbi iſtud Liuius dixit bone
Raudenſis? Sæpe ex te fingis teſtimonia, quæ alteri tribuis. Aqua-
tu veniebat, barbare dicitur, vt in elegantiiſ diſputaui. Aquatum
ire, eſt ad capiendam aquam ire. R. Hydraula (vt in legibus inue-
ni) eſt aquam in aulâ ferens. L. Non occurrit mihi ad verbum
locus quem Raudenſis affert. Vitruuius verò pro machina qua-
dam ſimili tympano, ſeu molédino accipit: ſimulque pro inſtru-
mento muſico, quod organa vocât: licet propriè organa ex chor-
dis conſtent. Niſi ſcriberemus potius hebraula, hoc eſt à ſeſſio-
ne tibiariū, quæ follibus inflantur. R. Acquirere. Paulopoſt, Vt
pleniore obſequio demererer amantiſſimos mei. id eſt acquire-
rem, vel lucrarer. L. Si amantiſſimi mei ſint, qui poſſum eos ac-
quirere, ac lucrari? Et demereri, eſt merito aliquo ſibi alios con-
ſtringere. & hoc intelligit Quintilianus, cuius ea verba ſunt. De
hoc verbo dixi in elegantiiſ. R. Arbor ſine fructu eſt, arbos cū
fructu. L. Quasi neſciamus arbos quod veteres dicebāt, in arbor
eſſe mutatum, vt in aliis quibuſdā, quod teſtatur Quintilianus
inquiens, Nam vt Valeſii & Fuſii, in Valerios Furióſque venerūt,
ita arbos, odos, vapos, etiā & clamos, id ætatis fuerūt. R. Arbu-
ſta etiam ſunt poma ſylueſtria. L. Imo ſunt arbores multæ ad
fructum conſitæ, vt oliuetum, auellanetum, amygdaletum, vel
vites arboribus applicitæ. R. Arbutum. L. Exponā ego apertius.
Arbutus eſt arbor illa, quæ poma inſtar ceraſorum, ſeu fragorū
fert. Arbutum verò, ipſum pomum. Arbor pyrus, non pyri, & i-
dem in cæteris. R. Subter arborem ſalicem, & nō ſalicis, & ſub-
ter arborem ficum, nec dixit fici. L. Quid miraris Raudenſis A.
Gellium ſic dixiſſe: quaſi cæteri aliter dixerint, aut aliter dicere
poſſimus. Ramū enim aut ſurculū, aut truncū, aut radicē arbo-
ris dicimus, quia pars arboris eſt: arborē lauri non dicimus, ſed
arborē laurū. quia laurus ipſa arbor tota eſt, nō pars arboris. &
ita in ſimilibus. Mōtē Caucaſum, nō Caucaſi: collem Ianiculū,
non Ianiculi: niſi foret nomen hominis, vt montem Auentinū,
& montem Auentini: Auentinum quidē, quia hoc nomen mō-
tis: Auentini verò, quia rex ibi Auentinus ſepultus eſt, & quaſi
nunc locum illum poſſidet. Item vrbem Mediolanum, vrbem
Placentiam, vrbem Romam: non autem vrbe Mediolani, Pla-
cētia, Romæ, niſi forte apud poetas, vt vrbem Pataui, apud Vir-
gilium. Cicero in Verrem actiōne quarta, Vt ex oppido Ther-
mis nullum ſignū, nullum ornāmētum, nihil ex ſacro, nihil ex
publico attingens. Salluſtius, Vrbē Romā ſicuti ego accepi, &c.

Ideoque rectius dicimus, Accepi literas ex vrbe Messana, veni ex vrbe Florentia, quam ex Messana & ex Florentia. Nescioque an probe dicamus ex Messana vrbe, ex Florentia vrbe. Itē prouinciam Macedoniam, non Macedonia: continentem Galliam, nō Galliæ. Insulam Siciliam, non Sicilia: vt in oratione, quā apud Alfonso habui, latius disputaui. Item primū diem Decembris, Calēdas Ianuarii, Nonas Februarii, Idus Martii, nō autē mēsem Decēbris, Ianuarii, Februarii, Martii: sed mensem Decembrem, Ianuarium, Februarium, Martium. Dicimus etiā Calendas, Nonas, Idus Ianuarias, Februarias, Martias, & ita in cæteris. Quia adiectiua sunt hæc nomina, non modo quæ sunt secundæ declinationis, sed etiam quæ sunt tertiæ, vt Calendas Septembres, Nonarum Octobriū, Idibus Nouembribus. Non mutant autē vocē hæc adiectiua à suis primitiuis, qualia nōnulla alia sunt, vt Domitianus exercitus, id est Domitiani exercitus. R. Illice sub nigra, id est sub quercu. L. Illex multū differt à quercu. R. Armiger. Paulopost, Argyroaspidas, id est aurata argentata arma ferentes. L. Imo qui argentata scuta. R. Ars artis. sed vt imiteris nota quòd Cicero, & qui imitantur illum, non vtuntur hoc vocabulo ars, sed illud subintelligunt. Vnde Suetonius dixit, funariam exercebat, nec dixit artem chordarum. L. Hoc ego aliter sentio. Nam si substantiua sunt, quid ais subintelligi artem? cum enim dico musicam, geometriam, medicinam, nō subintelligi necesse est artem. Sin verò adiectiua hæc, sine substantiuis esse nō possunt, quare magis sunt dicenda substantiua esse, & ideò non subintelligi artem, præfertim ea quæ artes dici non possunt, vt apud eundem in vita Cæsaris, Nēve ii, qui pecuariam facerent? quod si quando artem experiamur adiūctam, dicamus tunc esse adiectiua. Sciamus tamen quædam non admittere substantiuū, quia semper ipsa substantiua sunt: vt Sutrina, fullonica, aurificina, architectonica, figulina, argētaria, si tamen argētaria ars est. Quædam sine substantiuis non solere esse. An non dicimus artē ludicram, quæ est histrionum? Artem armorū, quæ est gladiatorum? artem statuariam, artem tectoriam, artem amatoriam, artem gemmariam, vitream, purpurariam, & mille huiusmodi? Illud verò bis barbare dictum est, artem chordarum, cū chorda sit musicis apta instrumentis, nec ad funarios pertineat. Præterea dicendum erat, artem chordarum faciendarum, nō artem chordarum, sicut artem scalpendi marmoris, non autem artem marmoris. Quod autem attulit exemplum Quintiliani dicentis rhetoricen in Latinum transferentes, cum oratoriam, tum ora-

Ex vrbe Florentia.

Mensem Decembrem, nō Decembris.

Illex. Argyroaspidas. Ars.

Pecuararia.

Artiū substantiua.

Chorda.

- tricem nominauerunt, miror quippe cum reprehendat Quintilianus eos, qui iis vocabulis utebantur. Præterea transferebant illi vnum Græcum vocabulum in vnum Latinum. quod si subintelligi posset ars, non male dixissent oratoriam, aut artem oratricem. R. Aliptes. L. Non est medicus plagarum, sed qui augendis viribus, atque exercendis corporibus, vngendisque præcipue athletarum præsumt, artificio quodam præditi. R. Asper. L. Non idem est scaber & asper, vt ait Raudēsis. Loricam enim contextam hamis, auroque trilicem, asperam appellamus, non scabram. Rursus scabram, si fuerit rubiginosa, & vngues scabros ac dentes vocamus qui fordidi sunt, etiam si non asperi tactu.
- R. Astutus. L. Hoc nomen deductum ab ἄστυ Græco nomine, quod oppidum, urbemque significat, non à Græco oppido, vt ait Raudensis. R. Scisti vt foro, id est astutus fuisti. L. Non plane vim huius prouerbii Raudensis exposuit, licet ego non legerim Donatum super Phormionem Terētii vbi hæc verba sunt. Nondum enim in manus meas author ille totus peruenire potuit. Ita à quibusdam tanquam sacer thesaurus, aut religiosum Palladium custoditur. Sed ita interpretor: Scire vti foro, quum forum significet locum illum amplum, vbi & causæ publicæ aguntur, vnde dicuntur causæ forenses: & res multæ, variæque venduntur, vnde forum boarium, forum holitorium: itemque forum Cornelii, forum Liuii, forum Iulii: erit huius prouerbii significatio, scire vel accommodare se ad mores iudicum, cæterorumque hominum: nec opinioni illorum, studiisque aduersari, vel in rebus contrahendis cauere, ne fallatur, ne vendat, ematve, quod in alio foro melius, quàm in hoc venderetur, emereturve. R. Astrologia. Paulo post, Sed si vis seminare farrum.
- L. Farrum pro far dixit. Item scorpionem pro scorpium: nam scorpius dicitur, non scorpio. Scorpionem enim dicimus (vt ait Marcellus) teli genus, & ita omnes vtuntur. quidam etiam pro genere instrumenti torquendi, vt in alio dixi opere. Idem, Diuersimode. Et alibi, Omnimode, quod verbum nemo veterum scriptum reliquit. Astronomia hîc dicenda est, non Astrologia. Nam illa loquitur de cursu astrorum, hæc de iudiciis ad vitam, fortunamque pertinentibus. R. Audax. Paulo post, Petulās, id est temerarius & audax. Vt petendo lasciuus, & in loco audax dicitur. Infrunitus dicitur sine fræno. L. Imo petulans est aut libidinofus, aut ad iniuriam faciendam pronus, vt Ferociores equi in imbecilliores: de quo nomine in elegantis diximus. Lasciuus

est tum in vita, tū in sermone molliculus, ac plus teneri, quàm robusti, ac virilis habens. Infronitus non dicitur homo sine fræno, sed sine prudentia: scribendumque per o, non per u: *φρόνησις* enim Græce prudentia est. R. Ausim, non est pro audebo, sed pro audeam. Vt nolim, pro non velim, non autem pro nolui.

1. Mallem talia potius tradidisse, quale hoc est quosdam magnos viros ecclesiasticos, qui dicant, Siti periclitor, famæ periclitor: cum docti potius finem periculi, quam causam cum verbo coniungant, vt Vita, vt capite, vt fama, vt fortunis periclitor, id est in periculo sum ista perdendi. R. Auis, ales, pullus, præpes, quasi idem sunt. 1. Præpes non est auis, sed adiectiuum velocitatem significans: vt apud Virgilium, Et præpetis omina pennæ. Voluntque hoc nomine significari velocitatem in altum volantis. R. Attago attaginis, est gallina syluestris. 1. Attagen dicitur, non attago, nec gallinam significat, sed francolinum. vnde Horatius, Non me Lucrina iuuerint conchylia, non attagen Ionicus. Et Hieronymus (quem suum Raudensis appellat) attagen, & ficedula, Martialis genere fœminino, & prima declinatione posuit in xeniis, Inter sapes fertur alitum primus Ionicarum gustus attagenarum. R. Altilia. 1. Non tantum capones pingues (vt nostro auctori placet) sed gallinæ quoque & anseres, & anates, & turtures, qui netiam sues, & quicquid domi vel in villis, vel in viuariis saginatur. R. Coturnix & perdix, quasi idē sunt.

1. Imo coturnix est auis, quam quidam vulgò qualiam vocāt. Nycticorax, est bubo. Hieronymus idem ait quod noctua. R. Auisare. 1. Sordidū verbū, nec dignum de quo scriberetur, quippe quo nemo veterum vsus est, quodque ratio grammaticæ improbat, & auisere diceretur, non auisare. R. Auxilium. Paulo post, Præsidium est, quod est loco vtili positum. 1. Ieiune, obsecrēq; exposuit. nam saltem (vt breuissime dicam) hunc in modum debuisset exponere: Præsidium, est auxilium quod præstatur alicui, & præsertim quod satis ad defensionem videtur fore, ac primas pugnæ partes posse sustinere. Nā quod ad succurrendum venit, magis subsidium dicitur. Præsidium quoque, est manus armatorum hominum, alicui tuendo loco imposita, vt sæpe legimus, præsidium Annibalis Capua, Tarento, Rhegio pulsus est. R. Baptizare. Statimque, Catechizare, est baptizandum docere. 1. Catechizare est quidem docere, sed non solummodo illum qui baptizandus est. vt Paulus, Communi- et qui catechizatur ei, qui se catechizat. id est qui docetur ei qui se docet, de baptizatis, videlicet, non de baptizandis.

Periclitor.

Præpes.

Lib. 3. A Encid.

Attagen.

Altilia.

Coturnix.

Nycticorax.

Auisare.

Præsidium.

Subsidium.

Catechiso

Græce est κα-

τηχίζω, id est erudio.

- Nam ab re fuisset iubere his vt munera præceptoribus tribuât, quum ambiguum sit, an baptizari velint. Præterea de omnibus nostræ religionis præceptoribus, ac discipulis apostolus loquitur. Quod vocabulū nōnūquā alibi reperimus, vt in principio Lucæ, Vt cognoscas eorum verborū, de quibus eruditus es, veritatem. Eruditus, id est catechizatus. Et alibi, De quibus didicerunt de te, quod dōces discessionem à Moyse. didicerunt, id est catechizati sunt. De illo mallem verbo sacræ scripturæ locutus esset, Erue me ab inimicis meis: quo verbo, nisi in malam partem, vti non solemus. vt Erue oculos meos. Erue autem me à periculo, inusitatum est. R. Balneum. L. Et balneas, & thermas (licet alterum latinum sit, alterum Græcum) tamen in hoc scilicet differre dicamus, quod in thermis tantum calefacimur, in balneis etiā lauamur. Nā & Baiis, & in multis aliis regionibus sunt loca quædam sicca, quæ nos vehementi calore resoluunt in sudorem, quæ nequaquam balneæ dici possunt, quia non lauant, sed potius vt necesse lauari, atque ablui habeamus, efficiunt: vt, thermas vocemus, quæ natura sunt calidæ: balneas verò etiam, quæ à nobis calefaciuntur igni. Nam & Græce βαλανῆον dicitur. R. Popina apud nos corrupte dicitur, pro propina. L. Neque corrupte dicitur, neque hoc significat. Nam propina non inuenitur, sed propinare, quod à Græco sumpsimus in significatione, quæ est alteri vinum cratere infusum manu sua porrigere. Popina autē est, vbi vel publice obsonia, caroque cocta, ac delicate confecta, venditur, comediturque: vel priuatim, vbi gulosa familia extraordinarie ligurire, helluari consuevit, siue ipse (qualem dixi) cibus.
- R. Bancalia. L. Illiteratum vocabulum. Dicuntur enim peristromata, siue peripetasmata, siue aulæa, siue insignia. quanquam hæc nonnihil inter se differunt. R. Barba. L. Barbitonsor non est nomen dignum quo vtamur, quo tamen vtitur Raudensis. Idem ait capillum significare barbam, & quemcunque pilum. cum tamen dicamus capillum, pro capitis pilo. Idem alibi dicit pilos ad genas, quod est pilos in genis: cum AD significet propinquitatem loci, non autem in loco. R. Bellum. L. Author hic imitationum (cū ait pro induciæ treugæ) facit vt se nequaquam imitari velimus, quos barbarissimos frequenter admittit. Vt hoc eodem loco, Portitores signorum, quod alibi etiam facit. quum, portitores sint custodes portus, vel ripæ, pontisq; qui præsertim vectigal loci illius à trāscentibus applicatibusve exigunt. R. Bibere. Paulo post, Facem ex vuaceis expressam, quam vulgariter Insubres poscam appellamus. L. Latine dicimus puscā, vinum
- Erue.**
- Thermæ.**
Balneæ.
- Popina.**
- Propina.**
- Bancalia.**
Peristromata
Peripetasma
ta.
Aulæa.
Insignia.
Barbitonsor
Capillus.
Ad.
- Portitor.**

in torculari aqua mixtū, vt aliqui volunt. apud Pliniū verò, Var-
ronēque, & alios, lora dicitur. Nam hæc Varronis verba sunt,
Expressi acinorum folliculi, in dolia coniiciuntur, eoque aqua
additur, ea vocatur lora, quod lota acina. R. Crudum epulum. Lora.

1. Non recte epulum pro epulas dixit. de hoc in elegantis dixi-
mus. R. Blasphemare. 1. Hoc Græcum verbum est, significās
non execrari, vt author videtur significare, siue (vt suo verbo v-
tar) maledicere, sed verbis contumeliam facere, dignitatique al-
terius honorique derogare. R. Bonus, bellus. 1. Multa quæ ad
eiusdem vocabuli expositionem pertinēt, author omittit, & hoc
ferè vbique: quæ omnia supplere, alienum est à nostro proposi-
to, vtpote nimis lōgum futurum. hoc autem loco de bellus nō
siluerim fuisse etiam dicendum. Hoc quoque vocabulo signifi-
cari pulchrum: vt Bellus puer, bella puella, bellum corpus. quæ
exempla sunt plurima apud Catullum, Tibullum, Propertium,
Ovidium, Martialem, & alios complures. R. Braccæ. 1. Femi-
nalia prius dicit, deinde nominat femoralia. Scimus tamen ho-
rum (si vtrunque nomen inuenitur) feminalia, non à fœminis,
sed à feminibus dicta, quæ penè idem quod femora sunt. quas
partes, quia braccæ velant, dicta sunt feminalia, vel femoralia.

Sarabala quid attinebat exponere, cū sit Chaldaicū nomen, vt
Hieronymus ait: imitanda pro braccis nemo nisi non ferēs brac-
cas, dixit. R. Bracchium scribitur per duplex c. 1. An verum sit
Græcos interroga. R. Alæ & ascellæ idem sunt. 1. Poetæ appel-
lant locum illum concatum subter brachium alam, quia in eo
pili, quasi pennæ nascuntur. Proprie tamen vocatur axilla, non
ascella, vt ait Cicero in Oratore, diminutium faciens ab ala, vt
maxilla à malla, & paxillus à palus. R. Cacare. Paulo post, Cloa-
cæ sunt in quas publica stercora fluunt. 1. Imo viæ illæ subter-
ranæ parietibus, in modum aquæ ductuum munitæ, per quas
aquæ pluuiæ extra urbem, vel in fluuium dilabuntur. R. Cam-
pus. Paulo post, Sed saltus est campi spatium. 1. Imò sylua den-
sior, aut in qua pecora æstiuare, aut hybernare cōsueuerunt. ex-
emplis plena sunt omnia. R. Canto. Paulo post, Sunt enim exo-
dia, cantilenæ ludicræ & scurriles in scenis. 1. Nonius exponit
pro fine hoc nomen: cur tu de Nonio non facis mentionem?
Nam hoc vocabulum sine alio exponēte, scire possumus. Quod
si alius exponit, nos iterum inculcare minime debemus, id quod
in toto tuo opere facis. R. Nænia, est cantus factus homini non
habēti propinquos, per mulierem ibidem adductam. 1. Quan-
to melius Quintilianus, Tertius est huic diuersus modus, cum

Cap. 13. lib. 4.

Blasphemo.

Bellus.

Braccæ.

Feminalia.

Femoralia.

Sarabala.

Daniel. 3.

Brachium.

Ala.

Axilla.

Cloacæ.

Saltus.

Exodia.

Nænia.

- res communis pluribus in vno aliquo habet nomen eximium, ut carmen funebre propriè nenia. At cur addidit Raudensis, homini non habenti propinquos, quum magis hoc talibus fiat, quàm obsequio propinquorum destitutis? sciamus tamen improprie neniā accipi pro ineptia cuiuslibet cantus aut sermonis. Etiam minus grammaticè loquutus est Ibidem pro illuc, quum ibidem significet in loco, illuc verò ad locum. R. Candelæ. Paulo post, Sepatus, id est cum sepo. 1. Seuum dicitur, non sepum. lege Plinium. R. Canister. 1. Canistrum dicitur, non canister. R. Cartha per h, scribi debet. 1. Verum est, sed aliter. Chirograph⁹ hoc est in prima, non secunda syllaba, sic, charta. R. Chirographus. 1. Hoc quoque aliter scribendum est, sic, chirographus. & aliud significat, id est scripturam manu propria. nec etiā debitoris. lege elegātias. R. Mébrana est cartha, similiter & dica. 1. Imo mébrana, est pergamena charta. Dica verò actio, è Græco sumptum. ut Terentius in Phorm. Scribam tibi dicam. Et Cicero in Verrem actione 4, Scribitur Heraclio dica. R. Castus. 1. Minus rectè exponitur cœlebs, ac cœlibatus pro pudico, ac pudicitia. Est enim cœlebs, qui non est maritus: cœlibatus autè eodem modo dicitur, non matrimonium. pluresque in cœlibatu sunt impudici, quàm in matrimonio. de hoc etiā in elegantiss. R. Casus. Deinde, Vicè alterius dolere, est casum illius dolere. 1. Rectè: sed non tamen omnino. Nā quum propter alterius vitium, peccatūque doleo, non casum illius doleo. Non enim est casus, sed vitium. R. Caue te ab illo. 1. Hoc non rectè dicitur cū accusatiuo. Præterea Caue facias, & caue ne facias, idē sunt, quod author negat: ut apud Terentium, Caue ne tristem sentiat. id est caue tristem sentiat. Qui hæc tam clara non prouident, quomodo cernerēt illa obscuriora? quorum vnum hoc sit exemplum, Scio multa genera falsamentorum, potius quàm, Scio multorum generum falsamenta. Rursus, Scio facere multorum generum falsamēta, potius quàm Scio facere multa genera falsamentorum. Illud quoque poterat addere (quod huic loco simillimum est) licet ferè non accipere post se ut, veluti apud Virgilium, Casta quam prodest, nusquam opus est, iā licet vendas. Cicero pro Cælio, Quò omnis iuuentus natandi causa venit. Hic licet conditiones quotidie legas, cur huic qui te spernit, molesta es? R. Cœnare. Deinde, Opsonium per p scribi debet, & est id quod post cœnam, aut ante somnum sumitur. 1. In hac etiam scriptione ob-
- Ibidem.
Illuc.
Seuum.
Canistrum.
Charta.
Chirograph⁹
Membrana.
Dica.
Cœlebs.
Dolere vicè.
Caueo.
Scio genera
& facio, &c.
Licet non ha-
bet post se ut
Obsonium.

sonii (nam per b scribi debet) & diffinitione dissentio. Nam puto esse quicquid carnis, piscisve ultra panem, pulmentumque comedimus. R. Cæcus. In fine, Cæcutiens, est parum videns, idem Cæcutiens. & luscus. L. Vt idem sit cæcutiens, quod ait Raudensis (quod Luscus, omnino non concedo) certe luscus est, qui altero oculo caret, non qui parum videt: qualis fuit Antigonus, Philippus, Annibal, de quo Iuuenalis, Portaret belua luscum. Et nos in elegantis.

R. Censores. Circa medium, Quid dicam, quàm leuissimis ex causis censoria vrere nota consueuerunt. L. Inelegantè vsus Quàm, est quàm pro quantum cum superlatiuo. Nec longe post. R. Ridiculose. L. Inusitate dixit pro ridicule. Plurima à Raudens præ- Ridicule. ciuntur impropria, quæ idcirco prætermitto, quia ab opere meo de elegantia linguæ Latinæ satis, abundèque confutantur, quum aliter tradantur. R. Certare. Paulo post, Est enim agoni- Agonitheta. theta, qui certaminibus præest. L. Si sciret author, quid agonithe- ta significat, debuerat dicere eum esse qui præmium certatibus in quolibet ludorum genere proponit, qualis Aeneas apud Virgilium, qualisque Achilles apud Homerum. Est autem Græcum nomen. R. Circundo. Paulo post, Tantum telluris obiuit, Obiuit. id est circundedit. L. Imo circuiuit Hercules terram, nō circun- Circuire. dedit. R. Circulus. Statimque, Est planities rotunda, vt est sphæ- ra, & staminum glomera. L. Sphæra, non est plana, sed globosa, Sphæra. & à geometris planities, siue figura plana, à solida, qualiseit sphæ- ra, distinguitur. R. Cito. L. Quantotius (vt ait Raudensis) signifi- Quantotius. care quamprimum tunc credam, quum apud doctum aliquem inuenero (si modo inueniri potest) quod contra rationem Latinitatis est, vt ex elegantis liquet. R. Parumper, id est cito, velo- Parumper. citer. L. Ego sentio idem esse quod paulisper, id est per aliquan- Paulisper. tulum tempus. R. Clamare, deinde mouere tragœdias, est mo- Mouere tra- uere exclamations & exclamare. L. Affertq; exemplum Quin- gœdias. tiliani, sed neque apud Quintilianum, neq; apud Ciceronem in hanc significationem inuenitur. imo rem verbis atrocem magis, & indignam efficere: quale est opus Tragicorum de rebus atrocibus semper, inæstisque loquentium: sicut e contra- riò, Comœdias agere, siue comœdiari, pro ridicule, ac di- Comœdias a- caciter loqui apud Aristophanem, & alios nonnullos Græco- gere. rum. R. Cognoscere. Deinde, Nosse imperatiuus est de no- Comœdiari. sco, vel est per syncopam præteriti plusquam perfecti temporis. L. Mirum, quod ita in minimis erret. Nosce enim, impe- Nosce. ratiui est: nosse verò infinitiui pro nouisse, à nosco, siue à no- Nosce. ui. R. Omnes ignoscunt, nemo succurrit, id est noscunt.

L. Male Senecam interpretatur, cū ille hoc dicat, Omnes quidem misereri infœlicium, sed tamen eis succurrere neminem.

R. Collum, ceruix, iugulus, idem sunt. L. Imo diuersum. lege
Cap. 36. lib. 4. nostrum opus de elegantia. R. Plinius dixit, Minando cuidam, video iugulum, id est collum. L. Non in istum sensum locutus est Plinius. refert enim verba Reguli cuiusdam pessimi oratoris, non minantis, sed iactantis se non terere tempus in orādo, more aliorum circa inania argumenta. Statim enim videre iugulum, vbi infigat gladiū, id est anteriorem partem colli super

Iugulus.
Iugulum videre.

Dissoluere.

Toga.
Pallium.
Comœdiæ togatæ.

malam: videlicet locum sane morti obnoxium: quia incisis illis venis, statim quis moritur. Hoc metaphorice dictum est, quod statim videat locum esse, quo percusso ac iugulato, pars aduersarii pereat. R. Componere. L. Non idem est soluere pecuniam & dissoluere. Dicimus enim, contractum æs alienum dissoluit, id est contractum debitum dissoluit: nec idem curatum & procuratum: nec idem posuit, quod proposuit: nec idem protulit, & tulit: nec idē orauit, & adorauit, vt author hic ait. R. Comœdia. L. Author videtur nescire togam esse vestem Romanorum, vt pallium, vestem Græcorum. Et togatas esse comœdias, non è Græco traductas, sed à Romanis, Latinisque compositas. Qua in re Afranius princeps est, licet demortua sint & eius & cæterorum opera. Etenim omnes, aut ferè omnes summorum comicorum libri è Græco traducti sunt, Cæcilii, Plauti, Terentii. eoque non fuit Raudensi dicendum, fuisse Plautum maximum fabularum inuentorem. nam (vt taceam Græcos comicos, qui & tempore & ingenio superiores sunt, vt Menander) certe Afranius, & alii similes magis inuentores, quàm Cæcilius, Plautus, Terentius dicendi sunt, qui ipsi inuenerunt, non transfulerunt. Præterea cur Raudensis ait Plauti comœdias, præter illas octo, quæ prius extabant, non esse Plauti: nimirum eas nondum vidit, quæ nihilo inferioris gratiæ & eloquentiæ sunt, quàm cæteræ. Sed hoc diuinare fuit, illud verò dormire. Nam vigilans non dixisset, dum præponere Plauto Terentium vult, In argumentum familiaritatem Ciceronis affert, quod dicat Ciceronem fateri illum familiarem suum esse. quod non Cicero, sed apud Ciceronem Lælius dixit, si vnquam tamen ille hæc dixit. Eodem modo peccauit Beneuenutus, qui motam à se quæstionem, qua Cicero dicat in Catone maiori Flaminium à se è Senatu eiectum, & Valerium Maximum à Catone, sic soluit, Ciceronem Catonemque vnà censores fuisse: nec intelligit non Ciceronem hoc dicere, sed Catonē in opere, quod illius nomine Cicero inscri-

psit. quòd si Lælio ac Scipioni familiaris Terētius fuit, sciat Raudensis hoc nihil adiuuare Terentium . nam dicitur Scipio magis, quàm Terentius illas comœdias fecisse. R. Comparare, con-
 ferre, contendere : quidam ait , Illi suam vitam mecum con-
 tendunt, id est comparant. l. Barbare ille, si quis fuit, locutus
 est, adiiciens accusatiuum verbo contendunt. Si hoc tradidisses,
 rectius fecisses, quod cæteri dicunt, Tu es magis audax, quàm
 fortis : doctiores solere dicere, Tu es audacior, quàm fortior. &
 ita in cæteris. R. Commentaria. Paulo post, Commentarium,
 est locus vbi commenta ponuntur. l. Proba. R. Commo-
 dum. Paulo post, Tempus meum amicorum temporibus com-
 mittendum putavi. id est commodis. l. Imo periculis, labori-
 bus, difficultatibus. Sic enim Cicero, cuius hæc verba sunt, lo-
 quitur, Vt tempora aut sua, aut amicorum pericula, difficultatē-
 que intelligat. & hoc loco significat se aduocatum fuisse, non
 omnium, sed amicorum, nequis cum putet rabulam ac litigio-
 sum, & aduocatum accusatorum, actorumque, non reorum:
 quia deforme est, vt Cicero quoque ipse testatur, accusatoriam
 vitam viuere, & homines in periculum vitæ ac fortunarum fre-
 quenter vocare. R. Terentius ait, In tempore rediit: id est quàm
 commodé. l. Raudensis præcipit, quàm, non nisi cum superla-
 tiuo debere coniungi, & ipse cum positiuo iungit: quod non fa-
 ceret, si inuentor ipse huius elegantiae esset, & non ab auditori-
 bus meis audisset. R. Compensare. Et statim, Pensitanda sibi ista
 res: id est compensanda. l. Imo valde ponderanda, examinanda-
 que. R. Consilium. Paulo post, Est etiam consultus, qui con-
 silium petit. l. Proba. nam econtrariò potius consultorem
 Sallustius dixit, pro eo qui consilium dat, quum sit proprie qui
 consilium petit. R. Alium tamen, quàm consularem virum
 rogari fas fuisse negant, ex qua sanè consuetudine Iulius Cæsar
 Catonem sententiam rogauit. l. Labitur Raudensis in cogni-
 tione historiæ: non enim consularis fuit Cato posterior, id est
 qui consulatum gesserit. Ideoque post pugnam Pharsalicam vo-
 luit reliquias exercitus (quas collegerat) Ciceroni tradere consu-
 lari, non consularis: vt apud ipsum Ciceronem in Philippicis,
 Qui verò pratorii, quorum princeps omnium Cato, idemque
 omnium gentium vti iure princeps. R. Conuiuium. Deinde
 verba Senecæ subdit, Nam sine amico visceratio leonis, ac lupi
 vita est. Visceratio (ait) repletio. l. Non ait Seneca visceratio-
 nem pro repletionem, sed conuiuium, quod ex visceribus, id est ex

- carne, multis datum sine suauitate amicorum, simile esse comestioni leoninae aut lupinae. Quia quodammodo caro tanquam feris deuoranda, apponitur, ut unusquisque quod vult rapiat, cibi tantum ac saginae memor. R. Contra. Paulo post, Quintilianus dixit euerſo, id est econtra. L. Non hoc dixit Quintilianus, sed ediuerso. Nec Raudensis exponit Latine econtra (quod non inuenitur) sed econtrario. R. Contentor. L. Non est verbum Latinum. R. Cooperio. Paulo post, Operto capite, id est discooperto. L. Verus sensus est huic expositioni contrarius.
- Econtra. R. Chorea. Paulo post, Choraules, id est princeps ac magister chorearum. L. Imo, qui tibiis ad choreas canit. Nam αὐλός Græce, tibia Latine. Vnde apud nos vsitatum nomen pro Latino aulædus. Et Cicero, Qui citharædi esse non possunt, aulædi fiunt.
- Ediuerso. R. Cortina, aulæum, conopœum. L. Quare non distinguat vocabulorum significata Raudensis, ipse viderit. Vnum enim
- Econtrario. Conopœum. exponam: Conopœum, est papilio ille, qui thoro circumdatur ad arcendos culices: κῶνα enim Græce, Latine culex. R. Custodire. Paulo post, Specula, locus editus, scilicet magis ad videndum quàm ad custodiendum. L. Imo ad custodiendum potius: nec locus editus, nisi quum ex eo speculamur an hostes veniant, tranſeântve an maneat, quot sint, & quæ sunt id genus.
- Cooperio. Quod ipsum ego appello custodire. arbor nonnunquam prominens, ac porrecta pertica vicem hanc præbet. R. Excubiis, id est vigiliis noctis. L. Imo diei: ut in elegantis diximus. R. Curia. Deinde, Areopagus, locus Athenis ubi sapientes conueniebant. L. Imo locus iudicum, qui à Solone erant instituti. Non afferam exempla Græca contra hominem Latinum. Cicero in Philippicis ita ait, Quæro igitur, si Lysides citatus, iudex nõ responderit, excuseturque Areopagites esse, nec debere eodem tempore Romæ & Athenis res iudicare: accipietne excusationem is, qui quæſtioni præerit? Græculi iudicis modo palliati, modo togati: an Atheniensium antiquissimas leges negliget? Quidam interpretantur hoc nomen ab ἀρεῖς, quod est virtus: quod falsum est. nam virtus dicitur ἀρετή: ἀρεῖς verò Mars. Ob hunc errorem, puto istos existimasse hunc esse locum sapientum ac philosophantium, ut in alio dixi opere. Curia solum dicitur locus consilii: ergo curia regis, aut curia papæ non rectè dicitur, nisi pro loco consilii publici. Author etiam dixit ubi conueniebant, pro quò conueniebant. R. Cum, si tempus significat, scribi debet per c: ut, Cum fueris Romæ. Si verò comitè significat, debet scri-
- Specula.
- Excubiæ.
- Areopagus.
- Curia.
- Vbi pro quò.

bi per q, & duas uu: vt, *Quum* principe erat. l. Non ita scriptum reliquit Quintilianus, quem Raudensis affert: sed sic, Cum, si tempus significaret, per q: si comitem, per c, ac duas sequentes scriberetur. Duas literas dixit sequentes, non duas uu. Neque enim dixisset duas uu: sed duplicem, siue geminam uu. Ergo si de duabus literis sequentibus locutus est, palam est de sequentibus c literam non q, in secunda parte locutum esse. Nam q, tres literæ sequerentur, & ob id Raudensem in utroque contrarium tradidisse. r. Damnum fit ex tempore, iactura quidem de industria, vt proiicere merces in mare. l. Proba, vt credamus.

r. Decipio. l. Versura non est deceptio, vt hic author ait. qui cur à Pompeio Festo recedat, non video, dicente, Versuram facere, mutuatam pecuniam soluere ex eo dictum est, quod initio, qui mutuabantur ab aliis, non vt domum ferrent, sed vt aliis soluerent, vel vt verterent creditorem. r. Defectus. Deinde, quidam dixit, Ex vitio tuo hoc profiteri videtur. id est ex defectu. Et paulo post, Quispiam quum dicere vellet, id defectuosius esse videtur, dixit, culpatus. l. Impolite locutus est defectuosius, imo improprie. Nam defectus est (vt sic dicam) penuria, non vitium, aut morbus, aut culpa. vt Defectu ciborum, siue defectu cibi, dedimus nos hostibus. Item dixit inusitatè, quispiam, pro quidam. & hoc frequenter etiam in plus se habet. Item nō lōge antè dixit, pariformiter, quod non inuenitur. r. Delectare. Paulo post, Cicero in Tuscul. Item delectatio extrinseca, voluptas intrinseca. l. Nō Cicero hæc ait, sed Leonardus Aretinus in proœmio Ethicorum Aristotelis, ab eo traductorum. Qui verè fortasse dixisset, si delecto tantum reperiretur, & non etiam delector deponens, & delectat impersonale. & sanè hoc nomen delectator, siue oblectator videtur frequentius significare (vt grammaticorum verbis vtar) passionem innatam, quàm actionem in alterum. Nescio an intrinsecus & extrinsecus nomen reperiat. Internus & externus magis dicitur. r. Delicatus. In fine, Dicitur etiam lautitius. l. Lautitia inuenitur, non lautitius, sed lautus pro homine diuite, ac nitidam, splendidamq; vitam agente, tum in vestitu, tū in victu. r. Despicere. Paulo post, Terentius inquit, Parui curauit illum. l. Hoc non inueni apud Terentium: nisi fortè Raudensis in illis Terentii comœdiis legit, quæ naufragio interciderunt. r. Dæmon. Paulo post, Energuminus est, qui à dæmonio arguitur. l. Græcum nomen est. Et ideo ab arguo non componitur, sed ab ἐνδύμας, quod Latine dicitur agor, id est agitor. r. Diabolus deorsum vrens apud Hebræos.

- Gestire.** *L.* Græcum nomen est, non Hebræum, significatque criminatorem. *R.* Desyderare. *L.* Non est gestire (vt hic ait) idem quod desyderare, sed quod latari, siue lætitiā ostendere, ipso etiam corporis gestu, vt Cicero quoque diffinit in Tusculanis. Author hic frequentissime ait, Alter dixit, pro alius dixit. *R.* Versificator quispiam sic desyderanter scribebat, O mihi præteritos referat si Iuppiter annos. *L.* Aut ignorat hunc versum esse Virgilii in octauo: aut contumeliosus est in summum poetarum
- Concupisci.** Latinorum, quem appellat versificatorem quendam. *R.* Concupiscuntur quæ habentur, & quæ non habentur. *L.* Hoc rerum natura non recipit. Quod enim quis habet, quî potest id concupiscere? *R.* Terentius, Sed cesso ire intro: id est desydero. *L.* Imo quid moror, aut quid negligo ire intro: est enim dictum illud cesso, interrogatiue: ergo non potest significare desydero. *R.* Detrahere. Deinde, Quintilianus ait, Sic nec mirum, quum id inter opices quoque vulgatum sit. id est corrosores. *L.* Opices ait Quintilianus, non opices: nec de corroforibus ille locus loquitur: nec qui sint corrosores, intelligo.
- Opifices.** *R.* Cornicum (vt dicitur) oculos configere, id est æmulum.
- Corrosores.** *L.* Hoc prouerbio & Cicero pro Murena, proque Flacco, & Hieronymus in quodam prologo vtitur: neuter accipiens cornicum pro æmulum, sed pro eorum qui se sapientiores & duces aliorum censent, ac videri volunt. Nam cornix dicitur dux auium esse. Lege & eius naturam, & de illa fabulam. *R.* Diluuium. Paulo post, Diluuium sic fit ex igne, sicut ex aqua.
- Diluuium.** *L.* Negatur. quod si quis afferat Virgilianum illud, Diluuius ex illo diuersa per æquora vecti. Metaphorice dixit Virgilius euersionem Troiæ diluuium. *R.* Item alluuiiones, sunt mixtiones vicinorum agrorum, ita vt vix quo fuerant, termini, agnoscere possint. *L.* Obscure diffinit, non addens violentia aquarum, vel fluuiialium, vel pluuiialium, similitumque: quæ alluuius non tantum agros cōfundit, sed nonnunquam eripit, nonnunquam funditus destruit. Ad hoc author dixit, quo fuerant, pro vbi fuerant. sicut superius vbi, pro quo. *R.* Diffinire. Non tibi assentior, idē esse dicenti definire & diffinire. est enim Definire, terminare & quasi finem dare. Diffinire autē hoc ab illo, quasi dispartiendo distinguere: vnde diffinitio vocata est, nō definitio, qua in disputando vti solemus. Et esse infinite ac definite, id est certū finē habentes, mallē dixisset. Diuido tecum, est partior, siue cōmuniter tecum habeo. vt Quintilianus in apibus, Num æqua portione cum sceleratis terras diuisimus? Virgilius, Diuisum impe-
- Definio.**
- Diffinio.**
- Diuido.**

rium cum Ioue Cæsar habet. R. Dies est præsentia solis dictum. Cicero dixit pro maiori parte singulos dies, non singulis diebus.

l. Quid de vno vocabulo attinet loqui, & non vniuersum? vt melius apud Seruium sit, qui ait, accusatiuo magis vsos, quàm ablatiuo. vt Vnam noctem, vnum diem, septem menses, decem annos. Verum quis primis labris eruditione attigit, qui dicat pro maiore parte, pro eo quod est plerunque, siue ferè, siue frequentius, nedum hic magister elegantie? An sit hoc turpius, nescio, dixisse pridie pro præterito die, quod nemo antea dixit. Ego tamè in alio opere scripsi quot mensibus, pro singulis mensibus dici non posse, vbi de vsu dixi & consuetudine. Nam etsi Terentius Varro hoc vocabulum aliquoties vsurpat, nescio tamen an alii eorum (quos legimus) vtantur. R. Multo mane, multa nocte.

Accusatiuus
temporis.

Pro maiore
parte.
Ferè.

Quot mensi-
bus.

Multo mane.

l. Multo mane, non memini me legisse. dicimus enim Prima luce, ante lucem, multo ante lucem, & multa luce. vt apud Cur-
tium, Parmenon ad Alexandrum, Multa, inquit, lux est.

Prima luce.

R. Quinto die, quàm à Senatu recederent, id est per quinque dies ante. l. Imo per quinque dies post. vt Liuius libro vicesi-
moprimo, Octauo mense, quàm coeptum oppugnari, captum Saguntum quidam scripsere: inde Carthaginem nouam in hy-
berna Annibalem cõcessisse. quinto deinde mense quàm à Car-
thagine profectus sit, in Italiam peruenisse. R. Infra tres dies.

Quinto die
quàm, &c.

Infra.

l. Inerudite dixit. dicendum enim est intra. infra nanque sub-
ter significat. R. Dicere. Deinde, Dicax, qui multa dicit. l. Ci-
cero, Quintilianusque aiunt esse dicacem hominem, cum risu
aliquos incessentem, mordentemque. & hic nonnunquam, & al-
lii quidem, dicto accipiunt pro dictito, vt Tuæ literæ dictabant.
sed non ritè vtuntur. Dicunt epistolæ, vel dictitant, hoc est, tu in
epistolis dicis, seu dictitas. sed in hunc errorem inciderunt, quod
reperiunt, Ratio dictat, quod est frequentissimum, & quale est il-
lud Plinianum in epistola quadam, O sylua, ô litus, quàm mul-
ta componitis, quàm multa dictatis. Et illud Boetii, Ecce mihi
laceræ dictant scribenda camœnæ. Verum hîc manifesta ratio
subest. nam camœnæ, litus, ac solitudo, tacitè nobis suggerunt
quod scribamus, ita & ratio loquitur, quod nos scribendum pu-
temus. & indignatio dictat, quod in alterum effundamus.

Intra.

Dicax.

Dicto.

Dico.

Ratio dictat.

R. Discerno. l. Non est (vt hic ait) discernere in duas par-
tes, secernere verò in multas. Imo discernere in duas partes, plu-
rè sive: secernere verò, separare, vt Ex chao omnia elementa dis-
creta sunt. & Cicero, Secernant se mali à bonis, id est separent.

Discerno.

Secerno.

R. Domus. Paulo post, Architectus, est princeps tectorum. a-

BB.iii.

- liquando pro ipso Deo accipitur. Tignarius, est farti tector.
- Architectus. L. Nescit quid dicat. architectus, est princeps ædificantium, id est qui ædificium ordinat, & ipse aut primus ædificat, aut ædificare iubet. inde Vitruuius opus de architectura condidit, id est de ædificiis construendis. Faber autem tignarius est, qui solaria lignea facit. hoc est trabes, cæteraque ad tabulata domus vtilia.
- Faber tignarius.
- Tignum. Nam in iure ciuili scribitur, tigni appellatione in lege duodecima tabularum omne genus materiæ, ex qua ædificia constant, significatur. Contignatio igitur dicitur solarium domus, siue stratum sit cæmento, lateribusue, siue non stratum, qualia sunt ferè solaria domorum Apuliæ, eoque apud Liuium pro miraculo refertur, bouem in tertiam contignationem conscendisse, id est in tertium solarium. R. Diuerforium propriè est hospitale. L. Negat antiquitas, apud quam hospitalia non erant. quinimò non est hospitium idem quod diuerforium, vt ait Raudensis, sed flexus viæ minor, ac secessus. R. ff. De eo qui certo loco dicitur, quòd insula est quælibet domus. L. Non hoc ait iurisconsultus, sed eam domum esse insulam, quæ via cingitur. vnde author quidam enumerauit insulas Romanæ vrbs, non domos. R. Fundus, est alicuius mansio cum accessionibus.
- Fundus.
- L. Ab omnibus iurisconsultis, & ab ipsa veritate dissentit. vt breuiter autem ipse dicam, non sententiam inter iurisconsultos feram. Fundus est possessio in agro. R. Hippodromus, est stabulum equorum currentium. L. Imo est via lata, per quam etiam multi equi possunt vnà currere, vel potius locus in quo equi currere solent. R. Duellum. L. Duellum non est tantum duorum, vt hic ait, sed multorum quoque, & ipsorum etiam exercituum. alioqui non diceretur à Plauto, duellum inter Thebanos & Theleboas. & ab Horatio, Græcia barbariæ lento colliisa duello. Nescit etiam author pugilem esse, qui cæstibus pugnat, pancratiasten qui ad omne certaminis genus valet. R. Ecclesia. Paulo post, Adytus per y Græcum, est locus secretus iuxta altare. L. Hoc adytum dicitur, non hic adytus, estque penetrabile templi, id est locus interior, & vulgo inaccessus. R. Versificatores ferè peccant secunda syllaba pro breui vtentes. L. Imo & Maro breuem ponit. R. Edere. L. Non optime exponit nuces esse omne pomum, quod foris duro tegatur, & intus habeat quod esui est. Malum verò, quod foris habeat quod est esui, & durum intus includat: quum illud prius non sit pomum, neque hoc secundum, malum: sed illud nux, hoc verò pomum. Vale-
- Insula.
- Diuerforium.
- Hippodromus.
- Duellum.
- Pugil.
- Pancratiastes.
- Adytum.
- Nuces.
- Malum.

rius tamen Martialis nucem pineam, pomum vocauit, in distichis inueniens,

Poma fumus Cybeles, procul hinc discede viator,

Ne cadat in miserum nostra ruina caput.

Malum autem indiuiduum, id est, quod vulgo dicitur melum è Græco sumptum. R. Est enim edulium prægustatoria come- Edulium.

stio. L. Imo eduliū est quicquid edimus, aut quicquid ad prandium, cœnâque edendi gratia apponitur, & sumimus. vt apud suum Hieronymum millies, vt ibi, lentis edulio. R. AE-

dificare. L. Eodem Raudensis errore, quo Accursius ducitur, vt sentiat tigni appellatione aliud, quàm materiam, id est ligna Tignum.

contineri, vt in elegantis diximus. Indecorum sanè est homini, qui de elegantia scripturum se pollicetur, Accursium ac cæteros glossatores sequi, vt facit Raudensis, quum illi ab elegantia longissime absint. R. Eligere. Aliquanto post, Comitium locus, in quo fiebat electio magistratuum, quasi communium.

Item vocabatur ipsa electio, & gaudium resultans ex tali electione, & etiam ipsa collatio personalis. L. Comitium est tantum Comitium.

locus, comitia actus creandorum magistratuum. vt In foro est, Comitia.

& in comitio. Item actis comitiis suffragium non fiebat manu, Suffragium.

vt ait Raudensis, sed voce: interdum scriptura, vt Plinius posterior refert. R. Eloquentia. L. Omitto, quæ de rhetorice præcipit,

à via veterum vel recedens, vel cadens. quid negligentius fuit, quàm quæ Seneca alteri tribuit, notans vt stomachosiora, ea ab ipso Seneca dicta esse velle? Cassius Seuerus in Sextum dixit, Si

cloaca esses, magistra esses, non Seneca. R. Etque pro &, ne pro &. L. Ne, nunquam reperitur pro &. R. Item neu hoc face-

ret persuasit, id est ne. L. Nescio vbi hoc Cicero (quem affert) dixerit, aut aliquis alius. Neu (vt sentio) apocopatū est à néve. Neu.

R. Excursiones sunt, quæ fiunt ab armigeris. L. Excursiones Excursiones.

vocantur rumores illorum, à quibus recedunt. tamen eadem sunt incursiones, rumores eorum, in quos incurritur. Est au-

tem abusus significatione armigeri, de quo nos vocabulo in alio opere diximus. R. Expecto. Paulo post, Tempus redimi-

tis, id est expectatis. L. Imo tempus emitis. Vnde in iure ciuili, Tempus redi-

& alibi redemptores vectigalium, id est emptores. & apud Pau- Redēptores.

lum, Redimite tempus, id est emite, vt è Græco fonte apparet. Cicero in Verrem actione secunda, Vt primum ex prouincia

redit, redemptio huius iudicii est facta grandi pecunia. R. Ex- Exul.

ul. Paulo post, Inscriptus, qui manet in patria, sed re spo-

- Proscriptus.** liatus. l. Hoc nunquam audiui. Proscriptus, idē est quod exul, quia nomen suum in publico, tahquam exulis scriptum est.
- Circūscribere** r. Circūscribere, est damnare, bonis fallere. l. Imo fraudulenter in re contrahenda, atque commerciis aliquem bonis aliquibus priuare, vt apud Senecam de eo qui fratrem circūscripsit in diuisione hæreditatis, cū ex altera parte matrem fratris, ex altera omnia bona posuisset. r. Exercitus. Postea, In summa igitur erant pedites sex mille & centum. l. Contra latinitatem dicitur, pro eo quod est ad sex millia, aut sexties mille, aut peditum sex millia. r. Facies. Paulo post, Cæsius, id est lenticulosus. l. Imo, qui habet oculos glaucos, id est in similitudinem noctuæ. nec vnquam cæsium, nisi de oculis, legitur. vnde Cicero ait, Cæsius Mineruæ oculos, quæ dea apud Græcos dicitur habere oculos glaucos, vt millies apud Homerum. Quidam volunt cæruleos esse, cæsius oculos. r. Fastidio, fastidis, fastidire, fastiditum. Dicimus enim, Quare fastidis mei? & fastidimus bonorum. l. Si hoc verum est, cur exempla non profers? ego verò cum accusatiuo reperio, non cum genitiuo. Virgilius, Inuenies alium, si te hic fastidit Alexis.
- Cinædus.** r. Fœmina. l. Cinædus non scribitur y Græco, vt ait Raudensis, nec caninum significat. Marcellus pro saltatore exponit, alii pro re turpiore, non quòd moueat membra in saltando, sed quòd in obscœna venere. r. Fœnero. l. Vtrunque fœnero & fœneror pro eodem male accipit Raudensis, quod alio opere docuimus. r. Ferrum & chalybem in aspectu similia videmus, specie tamen differunt. l. Nō differunt specie metallica, quum idem metallum ambo sint. Nam nec aurum auro differt, licet purgatius sit: nec sapphirus sapphiro, licet splendidior: nec simila à farina. Virgilius certe inquit, At Chalybes nudi ferrum. ergo appellatum est optimum ferrum ab illis populis, qui scientissime ferrum temperant: vel populi illi vocati sunt Chalybes ob hanc ipsam temperandi ferri scientiam, siue facultatem. siquidem aquæ quædam hoc apud eos efficere dicuntur, qui nunc Viscani nominantur, quasi vis chalybis, quòd apud eos sit vel copia ferri, vel potentia ac facultas ferri temperandi, si modo etymologia vera est. r. Filocaptus. l. Non est nomen hoc à doctis, sed ab indoctissimis fictum. Philos enim non amorem, sed amicum significat, siue amatorem. Et hoc Græce, cum quo nomine dure Latinum coniungitur. sed cur in f litera posuisti, cum per ph, scribendum esset? sic, philocaptus.

R. Procus, est ipse sollicitator amoris. L. Imò, qui aliquam pro vxore postulat: vt Penelope apud Ouidium, Turba ruunt in me luxuriosa proci. R. Filius. L. Quòd nothus sit natus ex nobili

Procus.

Nothus.

patre, & infami matre, miror cur dixit, cum parum antè Quintilianum attulerit, dicentem, nothum qui legitimus nò sit, Græci vocant. non aduertens eodem loco dixisse Quintilianum, vt Catonis oratione testatum est, Quia nò habemus nostrum, vtimur peregrino. Igitur nothus est absolute illegitimus. R. Flere. Paulo post, Plorare est cum lachrymis & voce pectus aut faciem tūdere. L. Negatur. huiusmodi enim percussio, planctus dicitur,

Planctus.

ploratus ipsa vox flentis, sicut fletus ipsa lachryma ex oculis emanans, præ dolore tamē potius, quàm præ lætitia. R. Fungus.

Ploratus.

Fletus.

L. Nò est asparagus, nec de fungo intelligit Iuuenalis, quem testem citat Raudensis, nec asparagus, sed asparagus dixit: vt Martialis, Non erit incultis gratior asparagis. R. Gaudium. L. Non est ouare, gaudere, sed se gaudere significare & exclamare.

Asparagus.

R. Galea. L. Iuba nò est idē quod galea, sed quod galeæ imponitur, instar iubarum, aut equi, aut leonis, aut draconis, quales in veteribus numismatis, statuisque agnoscimus. vnde Virgilius, Cristaque insignis equina. Et alibi, Graiarum errore iubarum.

Onare.

Iuba.

R. Gladiorum. L. Ab ensis deriuatur ensicula, cum dicere debuiisset ensiculus. Spatha, lōgior ensis, ac latior à quibusdam esse dicitur. Phramea Græcum est nomen. Pugio non est cultellus brevis. plus enim est quàm cultellus, nedum maior, quàm breuior cultellus. hunc pugnalem Hispani vocant. Mucro non est pugio longus, vt ensis, (nam is ensis foret) sed cuspis ipsa ensis.

Ensiculus, nò

ensicula.

Spatha.

Phramea.

Pugio.

Mucro.

Improprie autem pro ense accipi bipennem ait ex altera parte acutam, cum Quintilianus dicat ex vtraque, vt ipsum etiam nomen indicat. R. Gulosus. Paulo post, castrimargia gulæ concupiscentia. L. Gastrimargia dicendum est, significatque nimiam ingluuiem, vt apud Aristotelem in Ethicis. Scurra nò est cibi captator, sed qui risum verbis mouere captat, non habita ratione verecūdiæ, aut dignitatis. R. Hæres. Paulo post, Caducus est, quicumque sit hæres in bonis alicuius, qui hæredem non habet.

Bipennis.

Gastrimargia

Scurra.

L. Imo caducū est, siue caduca bona dicuntur, hærede carentiū: nò autem (quantum ego quidem sciam) horū bonorum hæres,

Caducum.

sed fiscus, aut dux militum publica persona. R. Ibi. Deinde, Cicerone sæpissime, cum vult dicere ibi, dicit istic. verbi gratia, Tarētī

Ibi.

Istic.

es, non spero te istic hyemare nò iucunde. id est ibi. L. Barbare exponit istic pro ibi: si enim diceremus, Spero te ibi hyemare, nò recte diceremus. De hoc latius in elegantius. Hæc fuit causa, cur

Lib. 2. cap. 4.

Ipse.

Ciceronem vnum afferret, & eum sic dicere sapissime testetur, quasi non semper & ipse, & ceteri ad secundam personam sic loquatur. Nec per hoc aduerbiū modo, sed per alia quoque, & per ipsum pronomen istic, istuc, istac, istorsum, iste, ista, istud. Quāto satius fecisset Raudēsis, si alia pronomina potius praecepisset, quale est hoc pronomē ipse, solere proprie & eleganter vsurpari, sic, Expectabat exercitū auxilio venturū, cū exercitus ipse magis auxilio egeret. Huiusmodi repetitio ferē per hoc pronomē fit, qualia exempla ostenso indicio, infinita sibi quisque cōperiet. Nonnunquā si nō licet idē repetere, mutua mur simile: vt Iuuenalis, Crescit amor nummi, quantum ipsa pecunia crescit. Quia, quantum ipse nummus, propter versum dicere non potuit. Virgilius, Torua leāna lupum sequitur, lupus ipse capellam. Cicero tertio Officiorū, Qui exercitu po. Ro. populū ipsum Romanū oppressisset. quod ita necessario cōstruēdū, qui populū Romanū oppressisset exercitu ipsius populi Ro. nā ipsum in reponēdo nomine locū habet. R. Impedire. Statimque, Paucorū culpa nō praeiudicat

Præiudiciū.

religioni. id est non impedit. L. Non est præiudiciū impedimētum, neque (vt aliqui volunt) offensa quādā, atque iniuria. imō quasi sentētia quādā est ante iudiciū, ac sententiæ lationem, siue pro me, siue contra me. Nam præiudicia in causa Miloniana sic cōtra Milonē fuerūt, tamen pro Clodianis erāt. Et vtraque pars præiudicia appellat, & vt afferam de medio exemplū, Nunc duobus scribis, de officio contendentibus, quia lis in longū procedit, Rex iussit interea, dū sententia feratur, alterū officio fungi, quasi iudicās iam nūc se pro ea parte sentire, penes quē esse vult rē de qua litigatur. Et hoc præiudiciū nimirū tacite exhortans iudices ad iudicandū, pro eo pro quo præiudiciū factū est, valde adiuuat possidētē, vt obeat excluso. R. Infirmitas. Paulo post, Meliuscula est, id est paulisper melius. L. Indocte exposuit paulisper pro paululū, siue aliquāto melius habet. Est enim paulisper idē quod per aliquantulū temporis. Vomica nō est quod Raudēsis ait, sed crassities illa quæ nascitur in aliqua parte corporis exterius emittens, in quam multum humoris sanguinisque descendit. Vnde apud Plautū seruus gestans in collo crumenam, per iocum inquit, Vomica est. R. Induciæ. L. Magis nos loqui non Latine Raudensis docet, quā Latine. quis vnquā induciari audiuit, pro eo quod est morari aut differre? nisi qui vernacula tuæ gētis lingua loquitur, nō Latina. Item exponis Virgilium. R. Opere omnis semita feruet. id est differt. L. Cū Virgilius significet laborē, ardorēque feruentem. id est vehemens studium fornicarū in

Paulisper.

Aliquanto.
Vomica.

Feruere.

opere faciundo multa quoque alia similia peccas, quæ persequi infiniti fuerit operis. Mallem hoc præcepisses, indicem esse catalogum titularum, quibus vel libri, vel capitula inscribuntur. Item interpello nonnunquam apud veteres pro rogo inuenitur, ut Valerius lib. 3, Cato ut socios apud auunculum adiuuaret, constati vultu non facturum respondit. Iterum deinde, ac sæpius interpellatus in proposito perstitit. *R. Iocosus.* *L. Vult seriose à serio venire, Seriose.* cum dicatur serius, id est grauis siue seuerus, non seriusus: ut *Quintilianus*, At nunc ista seria, grauis, quæ nunc amari recusat, o quam voluit amari! Sic hoc loco peccasti Raudensis, ut superius, ubi dixisti, industrius, quod non inuenitur, sed industrius. *R. Locus.* *Industrius.* Deinde, Mimi ethologi, id est de Etholia sunt recte scurræ. *L. Mimi ethologi.* Mimi non sunt scurræ, ut alio opere docui. Melius, si dixisset, mimi ethologi, iidem & ii qui omnia dicunt tam honesta, quam turpia. De ethologis si Græca non vidit, saltem suffecerat *Quintilianus* libro primo, dicens, Chriæ & ethologiæ subiectis doctorum rationibus apud grammaticos scribantur, quia initium ex lectione ducunt, quorum omnium similis est ratio, forma diuersa, Quia sententia vniuersalis est vox, ethologia personis continetur. *R. Larua.* Multo post, Lodicem, id est lectum, seu culcitram. *Lodix.*

L. Alii pro cortina, quæ lecto circumdatur, exponunt de qua Martialis, Nudo stragula ne thoro pateret, iunctæ nos tibi venimus sorores. id est lodices. *R. Lapides.* Paulo post, Tofus, est scaber lapis, cauernatus, mollis, id est pumex. *L.* Hæc ciuitas Barolitana negat, quæ pulcherrimas quasque domos ex tofaceis lapidibus habet. Suntque passim tofacei montes etiam nihil rimarum, iuncturarumque ostendentes, ut solent montes marmorei. Negat præterea Cathanensis ciuitas idem esse pumicem & tofum. *R. Lau-* *Pumex.* dare. Postea, Eferunt, qui laude extollunt per unam f, sed efferunt *Efferō.* per duas ff, dicimus. *L.* Priscianus & omnes grammatici negant. Longe post confert sententias Demosthenis ad Alexandrum, & Ciceronis ad Cæsarem, nesciēs non esse illam Demosthenis orationem, sed factam ab aliquo Latino. Item alias tres, quarum una est Demadis, qui (ut notum est) nihil scriptum reliquit, ut Pythagoras, ut Socrates, ut Carneades: qui omnes cum loquendo mirabiles extiterint, nihil tamen literis mandauerunt: ipsa tamen inspectio, deprehendit illas esse comeditias orationes, longèque à Græco sermone, & ab illorum oratorum vita abhorrentes. *R. Lite-* *Portitor.* ra. *L.* Portitores literarum male dici, superius admonuimus *Rau-* *Diploma.* denssem. Eundem ignorare diploma quid sit, miror, cum Seruius exponat, vel itque significare epistolam vel scripturam aliquam ad

- Necubi. alium missam. R. Loco. Paulo post, Necubi inuentus est, id est nullo loco. L. Hoc superius quoque reprehendi: nā necubi duo verba postulat, vt Iussi necubi mihi præsto sis. id est, ne in vlllo loco. nam præter morem dixit Virgilius, - tu ne qua parentis
- Eminus. Iussa time. R. Longe eminus, id est lōge. L. Eminus hoc modo differt à longe, quòd non recte dicā Eminus habitas, vt longe habitas: sed Eminus iacula mittebāt, id est à loco remoto. non autem in hunc sensum, Lōge iacula mittebant. Eodem modo cominus dicimus à loco proximo, nō autem in loco propinquo, neque prope, vt Cominus te percutiam, nō autem cominus sedeo. R. Lupanar. L. Non est prostibulum id, quod lupanar, sed ipsum scortum, vt apud suum Hieronymum frequenter. dico suum, quia sic ipse appellat, quasi aliorum nō sit. Ait autem, Prostibula regnum Dei nō possidebūt. R. Luxuria. Paulo post, Stuprum illicita virginum defloratio. Raptus, cum puella violenter à domo patris educitur, vt in vxorem habeatur. L. Non
- Cadurcum. verum hoc esse elegantiae nostræ ostendunt. R. Alii cadurcum tentiginem vocant. L. Imò est vas illud numerosum, quod ex piscina aut puteo aquam haurit iumento rotam versante. Solēt ex his etiam fieri canales in parietibus domorū, per quos aquæ ex tectis defluāt in cloacas: etiam in quibusdā vrbibus, per quos aquæ pluuiæ cisternas impleant. R. Macies. Paulo post, Obesus, id est exilis, & macilentus. L. Imò pinguis, & crassus. R. Macellum. Deinde, Lanista qui carnes laniat. L. Pro lanio dixit lanista: est enim lanista qui homines emit, quos arte gladiatoria imbuat, postea in ludum vendendos. R. Macula. Deinde, Næuus macula in facie hominis. L. Ergo mentitur Cicero qui ait, Næuus in articulo pueri delectat Alcæum. est igitur næuus in qualibet parte corporis. R. Memor. In fine, Memini sermo est totus temporis præteriti. si dixeris Memini me fecisse, duo tempora simul iungis. L. Vult igitur Raudensis, memini debere coniungi vtique cum verbo præsentis temporis, nec vsquam aliter factitatum, nisi in vno versu Virgilii, Nanque sub OĒbalia memini me turribus altis Coryciū vidisse senem. & poetæ ipsi necessitate metri facere licuisse. Hoc quàm ridiculum præceptum sit, quis non vel puerorum intelligat? si enim memini idem est quod recordor, nunquid minus recte dicam, Memini disputasse cum Paulo, quàm recordor disputasse cū Paulo? At enim memini præteritum est. sanè verò: nec enim inficias eo, in præterita quoque significatione accipi, sed in præsentī tamen etiam accipitur, & quidem ferè semper. ideo penè improprium est iungere

tempus præsens cum hoc verbo Memini, similibusque, neque ab re. Præterita nanque recordamur, non præsentia: igitur præterito tempore utendum est. ut Memini te fuisse virgis cæsum, non autem cædi. Memini te coronatum spectasse ludos, non autem spectare. Meministine te interfuisse cateruæ Sabinorum: nō autem interesse. & quale illud Virgilianum, quod ab hac regula Raudensis excepit: nam versus ille apud eundem, Cantando puerum memini me condere soles. magis licentiam poeticam ostēdit, qua ego nō vterer dūtaxat in prosa. Dicerem enim sic, Memini me puerum condidisse, seu condere solitum esse dies cantando. Vides ut in contrarium res ipsa recidit. Raudensis præcipit ut tantum cum tempore præsentis Memini iūgatur: ego sentio iūgi debere semper cum præterito, aut ferè semper. R. Meretrix. Paulo post, Seneca, Pellices cælum tenēt: Pellicatus, locus Pellex. concubinae. & propter pellicatus suspicionem, id est concubinatus. I. De hoc nomine in alio opere disserui, nec me fallit quoddam accipere pellicem pro concubina, quorum est Iustinus. tantum Seneca eas hīc intelligit, quæ cum viro alterius corpus miscerent. ut Cicero ait, Thebæ Alexandri Phærei uxorem propter pellicatus suspicionem, id est quod suspicaretur pellicem habere, occidisse virum. R. Mille. In fine, Liuius enim dixit, Gallorum Milie. vndecim millia sunt occisa, & peditum septem centena millia.

I. Hoc non dixit Liuius, quoniam nūquam doctorum aliquē ita locutum inuenimus. siquidem dicendum est septies centena millia. R. Mors. Postea ait, Cædes est mors. I. Imō mors non fatalis, sed ferro, aut ligno, aut saxo, similibusque illata, præsertim occidere, aut ferire, aut percutere volentis. inde dicimus aliquem cōmisisse cædem: & Milo de cæde accusatus est. R. Morbus. Deinde, Papula paruißima cutis erectio. I. Paruißima nō Paruißima. inuenitur: præterea papula est pustulis similis næuus. R. Mutua. Papula. Mutuo. re & mutuari. quidam ait, Sibi pecuniam credidit, id est mutuatus erat. Cicero etiam dixit, Nec temere se credere putabat, id est mutuari. A. Gellius inquit, Pecunia mutuata. I. Si plura in hoc capite dixisset, plura peccasset. ut enim in elegantis dixi, Mutuo tibi pecuniam, id est credo tibi pecuniam. Mutuor autem abs te Mutuor. pecuniā, id est accipio abs te creditore pecuniam. R. Mus. Statimque post, Inde muscipula, muriceps, catus, & catulaster idem Muscipula. sunt. I. Muscipula cum apud alios, tum apud Hieronymum machina est ad capiendos mures. Catus apud Seruium in libro Catus. quem de Græcis, Latinisque nominibus scripsit, est generis fœminini. Quod si ita est, non potest formare catulaster, voce ma-

Muriceps.

Meatim.

Tuatim.

Lyburnæ.

Lembus.

Cymba.

Lintre.

Trieris.

Duracon.

Triremis.

Artemon.

Naulum.

Naucletus.

νήμης.

νήμης.

Dux.

Neu.

Ne quidem.

sculina. Et nihilominus aliud est catulaster, quàm animal muriũ venator. Muriceps vocabulũ est insuetũ, qualia multa cũ summa licẽtia Raudensis excogitat. R. Natura suoapte ingenio, id est natura suoapte consilio. item Meaptim, tuaptim, suaptim, nostra-ptim, vestraptim. L. Videtur author accipere posteriora in sensum priorũ, cũ aliter significant, & aliter scribi debeant. Meatim enim, est meo more: tuatim, tuo more: hoc Seruius ait super Donatũ, & alii quidã. R. Naues Lyburnæ, sunt naues negotiatorum. L. Hieronymus ait esse naues longas. R. Lembus, lignũ cauatum quasi cymba. Idem est cãpillus & carabus & linter discurrẽs in pelago ex vimine & corio. vnde ille dixit, Cauat arbore lintres. L. Lembus & cymba an ex vna arbore sint, qui dicunt, ipsi viderint: proprie autẽ tantum lintres ẽ singulis arboribus cõstant, atque ita vulgo vocantur cauata ad traicienda flumina trabes. quod Virgilianus ipso loco (quẽ Raudensis attulit) versus testatur. Verũ an ex corio ac viminibus lintres Raudensis intelligat, nescio. quod si ita sentit, ex vna tantũ arbore esse nõ possunt: sed si vtrunque sit, nego vsum linteris esse in pelago, quã solum aut conto, aut palo fluuiis, stagnisq̃ue aguntur. R. Trieris, nauis magna, quã Græci duracon, vel dulconem vocant, à tribus sessionibus, vnde dictũ est, Trieris magna transibat. L. Quid attinebat dicere hoc nomen Græce duracon vocari, si modo sic vocatur, cũ ipsum nomen Græcum sit, & (vt sentio) idem quod Latine triremis, aut penẽ idem? R. Artemon, est velũ nauis breue: quia melius leuari potest, in summo periculo extenditur, vnde Actuũ 27, Artemone leuato, secundũ flatum auræ tendebant ad litus. L. Quam plane Raudensis ostẽdit se in mediterranea vrbe natum, nec vnquã mare intrasse, qui pro amplissimo velo, breue esse Artemonẽ ait. R. Naulum, id est lucrũ & capitale. L. Imò pecunia quã soluitur pro vectura in naui. R. Naucletus primus nauigator. L. Imò qui in naui nautis imperat, quacunque ad faciendã nauigationem pertinet. nec absurde in triremibus idem intelligitur, qui comes vel comẽtus dicitur. R. Ne neu, id est ne &. L. Imò neu idem est quod néve, vt superius ostendi. R. Nec. Deinde, Ne, pro nec sæpissime vitur Cicero, & antiqui, sed ad ornatum post addebant quidem. verbi gratia, Nõ est amicus, ne noster quidem, qui bona nostra tollit. L. Sũntne ista Ciceronis & antiquorum verba quã recitas? imò adẽd hoc exemplum nõ Ciceronis exemplũ est, sed ex bibliis deprauatum. vbi meretrix illa puerpera apud Salomonem contra alteram litigat. verũ nõ modo hæc exempla falsa sunt, sed etiã præcepta: quippe nunquã

ne pro nec reperitur, nisi iuncta quidem, aliqua tamen interiecta dictione. quale meum (quo nunc usus) exemplum probat, & ut in elegantis latius disputaui. quod igitur? sine quidem, ne, in hunc sensum esse non potest. liquet hanc coniunctionem necessitatis, non ornatus causa adhiberi. Néve quoque non accipitur pro nec, sed Néve. pro vel ut non. ut Cicero, Néve vastius syllabæ deducatur. id est vel ut non vastius deducantur. R. Negare, infirmare, inficiari, infiteri, defiteri. L. Infiteri & defiteri non reperias, sed potius diffiteri, id est negare non fatendo. Inficiari proprie est negare, quod factum, dictumve, aut cogitatum est. à quo verbo status coniecturalis dicitur inficialis, ab in quod est non, & facio. unde infecta negotia, quæ non sunt ut debuerunt facta, dicuntur. Nescio enim an Latine diceretur, Plato ait mundum creatum esse, Aristoteles inficiatur. Quippe non factum nunc negatur, sed opinionem veram esse. Item, Orestes impie occidit matrem, & Horatius sororem: nescio an posset patronus respondere, inficio impie occidisse. R. Nomen. L. Quia pluribus verbis longa auctoris oratio refellenda esset, ideo quod verum sit, paucis absolvam. Sic enim quid ille quoque peccauerit, apparebit. Veteres Romani terna singuli ferè nomina habebant. non attinet hoc loco causam reddere, cur terna non singula: prænomen, nomen, cognomen: ut P. Cornelius Scipio. Publius est prænomen, Cornelius nomen, Scipio cognomen. Et nomen quidem, atque cognomen omnium eiusdem familiæ commune erat. prænomen verò tantum singulorum, & ideo proprium nomen quo se invicem Gentiles vocabant. verbi gratia, Pater appellabat ex duobus filiis alterum Publium, alterum Lucium, nec aliter inter se fratres ipsi vocabant. Agnomen verò accessit ex gestis, aliòve casu. ut Africanus, ut Creticus, ut Caligula, ut Scrophæ: sed hoc rarò usurpatur. cognomen nanque potius, quàm agnomen dicitur. ut Sallustius, Liviusque, Scipio, cui Africano fuit cognomen. R. Nox. Deinde, Nocte intempesta, id est incongrua. L. Imò nocte tacita ac silenti, & ferè media nocte: an incongruam noctem Virgilius intelligit? Et Lunam in nimbo nox intempesta tenebat. aut Cicero in Verrem? Affertur nocte intempesta gravis huiusce mali nuntius. Et iterum, Teque Hercules, quem iste Agrigenti nocte intempesta servorum instructa, & comparata manu conuellere, & in suis sedibus auferre conatus est. Aut illud in libris regum hoc significat, quod inquit? Cum intempeste noctis silentio sustulit filium meum. R. Nugæ. Nugæ sunt verborum circuitus & perplexitates. L. Imò ser-

Infiteri.

Diffiteri.

Inficiari.

Infectum.

Vide lib. 6.

cap. 9.

Nomen.

Cognomen.

Prænomen.

Agnomen.

Nox intem-

pesta.

Nugæ.

Vtrum.

Suis inepte
positum.Nunquid ad-
uerbium &
nomen.

Apocrifarii.

Vide lib. 6.
cap. 15.

Nuntius.

Nuntium,

Teter.

mones leuium rerum ac nullius ponderis, & plerunque scurri-
les, ioculatoriſque. vnde Catullus ac Martialis poemata ſua nu-
gas vocant, vt de inanibus rebus loquentia. Hoc vocabulũ Hie-
ronymus ait Latinũ & Græcum & Hebraicum eſſe, ſed ab He-
bræo fonte ad Græcos, Latinosque deriuatũ. R. Nunquid vtrũ,
pro nunquid, ſæpiſſime Cicero in orationibus ſuis dixit. I. Imò
vtrum de duobus interrogat, nunquid vel de vno, vel de multis,
& nonnũquam de duobus. Impolitè loquitur ſic Raudenſis, Ci-
cero in orationibus ſuis, & in epistoſis ſuis, in libris ſuis officio-
rũ, Virgilius in AENEIDE ſua, Ouidius in opere ſuo de arte amãdi.
quaſi dubitari poſſit, an hoc illi in aliis operibus, quàm in ſuis
poſſint dicere. immunde igitur, non terſe, additur illud ſuis. Hoc
tamen non eſt omittendum, Nũquid, nunc aduerbium eſſe, nũc
nomen, vt Nunquid ego ſum, qui te accuſaui? Nunquid eſt ali-
quod nauigium meo capacius? Nunquid alterum filiorum oc-
cides, vt alterum ſerues? Nomen autem erit ſic, Nunquid cri-
minis habes, quod mihi obiiicias? id eſt Nũquid aliquod crimẽ.
ſed aptius in genere neutro, vt, Nunquid omnium noſtrum te
offendit? Nunquid meorum parètum tibi iniuriam fecit? hĩc in-
terrogatio fit de vno, de duobus, ac pluribus. R. Nuntius. Dein-
de, Apocriſarii nuntii papæ, quaſi ſecretarii: criſis enim quando-
que dicitur ſecretum, quandoque aurum, quandoque iudicium.
I. Vtinam contentus eſſes lingua Latina, nec ea, quæ ignoras,
attingeres. Apocriſarii ſunt legati, non tantum papæ, & κριſις ſi-
gnificat tantum iudicium. nam pro abſcondito per y, non per i.
aurum verò per y & h, atque o, & in genere maſculino, proferẽ-
dum eſt, ſic, χρυſος. Verum apocriſarii non aliter apud Græcos ni-
tidum vocabulum eſt, quàm apud nos ambaffiatores, quod ne-
mo (niſi barbarus) dixit. R. Item reperitur nuntius nuntii maſ-
culini generis. & non ſumitur pro nuntiatione alicuius rei. re-
peritur etiam nuntium neutri generis: & tunc ſumitur pro re a-
liqua, quæ renũtiata eſt. I. Nuntius pro hac ſignificatione ne-
mo dixit, ſed pro homine nuntiante. nuntium in genere neutro
Seruius ait pro ipſa re nuntiatã accipi. Feſtus pro vtraque ſigni-
ficatione in maſculino accipit: ſed Raudenſis nullum exemplum
affert, quod frequentiffime facit. & ſæpe aut ad rẽ non pertinens,
aut cõtrarium affert. R. Obſcuritas. Paulo poſt, Videtur accipere
teter pro eo quod eſt ater, obſcurus & ſubniger. vt in prouerbio
veteri, Quid curẽ, an ille ater, an albus ſit? Et Cicero Philip. lib. 2,
Et quidem vide, quàm te amarit is, qui albus, atẽrve fuerat, igno-
ras. I. Eſt autem teter idem quod malus & inſuauiſ, cũ ad men-

tem pertinens, tum verò ad cæteros sensus, vt Tetra belua, teter-
 rimus hostis, teterrimū facinus, teterrima mens. Item tetro aspe-
 ctu, tetra voce: sed in his potius sensibus vsitatum est. quòd si di-
 catur illud Virgilianum, Tetro fœdabant omnia tactu. ad odo- Æneid. 3.
 rē refertur, quem tangendo relinquebant. R. Obligatio. I. Ob- Obnoxius.
 noxius ait esse obligatus, imò potius est subiectus, appositusve
 ac summissus. vnde locus aliquis dicitur obnoxius vento alicui.
 vt Lucanus, Illinc Dalmaticis obnoxia fluctibus Ancon. R. Ob-
 loqui. Deinde aliquanto post, Audi nunc illum de Catilina, & cō-
 plicibus suis, sic dicentem. I. Complices non est vocabulum Complices.
 Latinum, licet ipse non longe pòst afferat hæc verba Ciceronis
 in Catilinam, Tuorum complicitum magna & perniciofa sentē-
 tia. quod scribendum est comitum, & non compliciū. R. Vnū,
 cum multa de M. Antonio dicat Cicero, referam: & est Quinti-
 liani. I. Imò Cælii in ipsum Antonium. sic erras. nam hæc ora-
 uit Cælius in C. Antonium, M. Antonii patruum, Ciceronisque
 collegam, qui bellum cum Catilina gessit, vt est apud Sallustiū.
 Obloqui pro hac significatione, id est obrectare, nescio an repe- Obloqui.
 rerim, sed pro vicina, quæ est in cōtrarium loqui. vt Cicero pro
 Cluentio, Vocat me aliò iandudum vestra expectatio, quæ mihi
 obloqui videtur. cui similis, sed figurate in ea, qua accipit Virgi-
 lius cum inquit, Obloquitur numeris septem discrimina vocū.

R. Contra famam eius sanctam & cœlibem editos esse. I. Se-
 ipsum in imitatione affert Raudensis, quasi alter Cicero sit, quæ-
 dam in oratore refert. Cœlibem pro adiectiuo accipit, quod ego Cœlebs.
 non ausim affirmare: & pro significatione casti, quod (vt suprā
 docui) non ita est: ergo monachus & frater (qualis Raudensis Raudensis fra
 est) superuacuo dicitur cœlebs, qui vxorem ne habere quidem ter minor.
 potest. R. Obluisci. Statim pòst, Cum ætas multos obliuione
 obruescet. I. Inchoatium pro positiuo posuit. Obruescet e- Obruesco.
 nim est obruetur: vt albescet, id est albabitur: veterascet, id est ve-
 tus fiet. R. Obstinatus. Paulo post, Ceruix in singulari collum, Ceruix.
 in plurali contumaciam significat. I. Imo (vt testatur Quinti-
 lianus) antiqui dicebant ceruices, non ceruicē: primūque Hor- Ceruices.
 tensius dixit ceruicem: significatque non collum ipsum, sed po-
 steriorem colli partem, quo boues trahunt. Ideoque apud Iudæ-
 os à Deo dicitur, Populus duræ ceruicis, quasi duræ mentis: & ita Duræ ceruicis
 indomabilis, vt tanquam durior bouis ceruix obtemperare ne-
 sciat. ea propter potius in singulari contumaciam significat. ne-
 que enim memini in hanc significationē inuenisse ceruices, nisi
 fortè multorum. quis enim audiuit, Homo, aut populus durarum
 CC.i.

- Exorare.** ceruicum, siue duris ceruicibus? R. Obtinere. Inde, Imitationes exorauit, sed non impetrauit, id est obtinuit. I. Imo exorare, est obtinere ac impetrare orando, si tamen ad rem hoc refertur, vt in elegantis diximus. Nam & oro te, & oro hanc rem dicimus. oro te, est id quod precor te. oro vitam, est id quod postulo vitā.
- Oro.** vnde exoro te, est induco. exoro hanc rem, impetro hanc rem orando. eodem modo, quo dicimus Persuadeo tē, & persuadeo tibi hoc. sed de his in eo quod dixi, opere latius. R. Oculus. Deinde, pituita. putant aliqui quod sit humectatio quæ ab oculis fluit. I. Ego verò puto pituitam idem esse Latine, quod catarrhus Græce. hoc est, quemlibet humorem redundantem, qui ex ore naribusve fluit. vel etiam si non flueret, etiam si non redundaret, quod intelligit Cicero libro primo Tusculanarum, cum inquit, Nam sanguinem, bilem, pituitam, ossa, neruos, venas, omnem denique membrorum, & totius corporis figuram.
- Exoro.** R. Oculis cæsis, id est lenticulosis. I. Iterum dixerat lenticulosis. mirum sic esse lentigines, aut lentes in oculis, nisi ad colorem lentium, lentiginumque, & ad harum magnitudinem maculæ oculorum intelligantur. tamen quid de hoc ipse sentiam, superius dixi. R. Odire. Statim post, Odium est inueteratus animi rangor. I. Non Græcum, non Latinum, non Hebraicum, sed rancidum nomen est. R. Simultas, est latens odium. I. Nec odium est inueterata maleuolentia, nec simultas odium latens, sed mutuuum odium, siue ipsum odium. tantumque ab inimicitia differet, quod inimicitia vtique opere se ostendit, & verbis & factis aduersarium laceffit. simultas plerunque intelligi contenta est, aut (vt sic dicam) offensionem suam præ se ferre. vt apud Ciceronē pro Lege Manilia, Vt multas simultates partim occultas, partim apertas intelligam mihi esse subeundas. R. Exofus & perofus actiue & passiue dicitur. I. Actiue fateor, passiue proba. R. Inuidia est odium. I. Imo atrocitas, vel reprehensio, vel detractio, vt in elegantis copiosius. R. Omnis, quicumque, quilibet, quisque, vnusquisque, vnusquispiam, singulusquisque, nemonon, concti per o & per c, vnusquisquelibet, nullusnon, in idem recidunt. I. Quilibet non vniuersale, sed particulare est, id est vnus, quem tibi capere liceat, vt plenius disputauimus in dialecticis. Vnusquispiam, quomodo vniuersale erit, cum idem sit quod aliquis vnus? singulusquisque non dicitur, sed singuli quique. Vnusquisquelibet inauditum, atque agreste est. Concti per o scribere debere nemo ante hunc dixit: de c quoque dissentio. R. Aliqui credūt, quod Quisque & Quique nō recte ponā-
- Exoro.**
- Perofus.**
- Inuidia.**
- Quilibet.**
- Vnusquispiam.**
- Singuli quique.**
- Quisque.**
- Quique.**

tur, nisi post superlatiuū pluralem: vt Optimos quosque viros, & sanctissimi quique viri. sed recubent in ludi nouissimo loco. legant Macrobiū, qui in singulari numero, neque superlatiuo dixit, die quoque, & hominē quoque. I. Qui sunt isti Raudensis, qui ita credunt? Nempe solus ego hoc tradidi, quod tu ab auditoribus meis accepisti: quodque ego apud te, ac te presente legi in commentariis istis tuis (vt testatus sum) in secundi libri de elegantia linguæ Latinæ proœmio. verum aut istam in me contumeliā non scripseras, cum hūc locum legeram, aut ea mihi postea componentī exciderat. siquidē aliquot annis post te opus cōdidi. tamen si (vt opinor) ante te edidi, licet alii potius edidere quā ego. Sed omitto amicitia, quā tu in ista ætate & professione lædere non debebas. Videamus vter erret, quanquā haud dubito si elegantias meas legisses, laudandum me duntaxat hoc in loco putasses non carpēdum, vtceteri fecerunt. dicis me errare, qui velim Quisque & Quique tātum poni cū superlatiuo plurali. egōne quisque cū plurali numero coniūgerem? itāne barbarus sum, & ab elementis grāmaticæ alienus, qui de Latinitate & elegantia præcipere videor? sed hoc transeo. Quid est autē, cur meū præceptū tantopere derideas? quia Macrobius aliter vsurpat. esto. Quid Cicero, Quintilianusque, quos in primis imitādos propono, vsurpantne & ipsi aliter, an non? si vsurpant, cur non eorum profers potius exempla? Quid Macrobiū vnū, doctū quidem virū, sed nequaquā ex eloquentibus mihi obiicis? fecisses igitur si huiusmodi exempla apud Ciceronem, Quintilianūque reperisses. si non vsurpant, vt certe nō vsurpant, quid causæ est, cur me summorū oratorū vestigiis insistentē accuses, & ad Macrobiani iudiciū voces? an non sentis non me reprehendi abs te, sed Ciceronem, Quintilianūque, ac ceteros linguæ Latinæ, atque eloquētiæ principes? Adde, quod si Macrobius in vno aut altero loco aliter, quā trado, vtī solet: certe in plurimis id, quod præcipio, custodit. Neque verò (vt testatus sum) in opere illo de elegantia legem trado, quasi nunquam aliter factū sit, sed quod frequentissime. Nunc ad extremū agnosce imperitiā tuā, cum dico Quisque coniungi cum superlatiuo, non cum positiuo, de adiectiuis loquor, non de substantiuis: atque exempla Macrobiani de substantiuis sunt, quod nemo dubitat. vt quisque pater, quisque ciuiū, quæque mulier: quo ipse in eodem loco testatus sum, cū dixi Quisque nō habere genitiuum pluralem, duntaxat cū adiectiuo. quod cum ita sit, planē apparet Macrobiū non contra me facere, sed eum cū cæteris authoribus præceptū confirmare,

Quisque cū
superlatiuo
adiectiuo.

Quisque tātū
in singulari.

id est te errare, non me: & quisque cum superlatiuo, non cū positiuo debere coniungi. Quæ res à me copiosius in eo ipso, quod dixi, opere explicatur. cæterum sicut in hoc, quod me peccare existimasti, contumeliosus fuisti: cur in eo, quod à me, id est ab auditoribus meis audiuisti, non fuisti gratus? vbi de per & quàm præcipis, itémque numerum minorem præponi maiori: tametsi quæ præcipis, obseruare non potes (quod summopere pudendū est) si modo recte præcipis. nam numerum minorem nō utique præponendum dixi, nisi interueniēte copula: & alia in hanc rem plura. Vter ergo Raudensis, tūne, an Laurentius recumbere debet in ludi nouissimo loco? verum non refundam ego tuā in te cōtumeliam, & amicitix nostræ tribuam aliquid quod tu non fecisti.

Dare operā.

R. Oportet. In fine, Plautus in Aulularia, Da mihi operam, id est occasionem, facultatem. L. Immo inserui mihi, hoc est, operam tuam mihi impende. ut idem Plautus in Capteiuui duo, Quæ res bene vertat mihi, meoque filio, vobisque: vult te bonus herus operam dare tuo veteri domino. Terentius in Phormione, Nos operam dabamus Phædriæ. Aliquādo pro eo quod est audias. Vnde Cicero, Quintilianusque testantur Demosthenem dedisse operam Platoni, id est discipulum ei fuisse. R. Ne reus maiestatis illorum fiam.

Reus.

Reatus.

L. Reus pro nocens accipit Raudensis, ut in capite Peccatum, reatum pro peccato: qualem apud veteres significationem non reperiās. nam de vsu euangeliorum hoc loco non attinet dicere, cum plura disseramus in libris super nouum testamentum. R. Ordo. Deinde, Homo serius.

Serius.

Series.

L. Vult Raudensis serium hominem dici à serie, cum series habeat primam breuem, serius verò longam. ergo à serio descendit. nec significationem ordinis à serie separat, quod ego in elegantis feci. R. Ornatus. L. Plurima nomina ad ornatum pertinentia enumerat, nec ea exponit, nihil aliud faciens, nisi quòd se illa posse dicere, quæ docere vult, indicat. ego verò si ea coner exponere, opus vocabulorum componam, non notas Raudensis attingam.

Hortus.

R. Hortus per h scribi debet, inde hortulus. L. Si hoc ita est, cur hoc vocabulum in capite o literæ, &

Olitor.

non in capite h posuit? R. Olitor est olera vendens in forro olitorio. L. Ego potius pro eo accipio, qui vulgo dicitur hortulanus.

Hortulanus.

vnde Varro de lingua Latina, Nam ut holitor digerit in areas sui cuiusque generis res, sic in oratione. R. Ouis. Statim post, Ammon est aries per duplex m, ut veruex, id est aries.

Ammon.

Iupiter quare dictus Ammō

L. Ammon est harena, non aries: nec Latinū nomen, sed Græcum. Decepit autem Raudensem, quòd Iupiter (qui dicitur Am-

mon) colitur sub imagine arietis, sed imaginis quidē alia causa est. nominis autem ratio ab harenis, quibus vndique circumiectis lucus in medio relictus est, vbi templū Ioui erat extractum. Ver- *Veruex.*
 uex, est aries castratus, non tamen aries, sicut maialis non est ver- *Maialis.*
 res. R. Pactum. I. Raudensis ait Quintilianū, Seruiūque dis *Verres.*
 sentire in præterito pepigi, quod nunc minime verum est. nam *Pepigi.*
 ille ait pepigi, ita esse à pago, vt cecidi à cado. hic verò nunquam
 lectum esse pepigi à pango, licet quidam hoc sentiant. A pango
 dixit Seruius non venire pepigi. ergo fatetur à pago. R. Palus.
 Non multo post, Larius lacus Galliæ Cisalpinæ. Deinde, Lemā-
 nus lacus Galliæ. Deinde, Luceriæ lacus per quē transit Rhenus.
 Deinde, Cumanus lacus, vnde exit Abdua. require Pliniū de na-
 turali historia. I. Quæro abs te, qui Pliniū in testem citas, ait
 ille aliquem lacum vocari Cumanum in Gallia? nō dico, quod
 Comensem, non Cumanum dicere debueras, sed aliquem lacū *Comensis la-*
 à Como vocari. Lege ergo diligentius vtrunque Pliniū, patrem, *cus.*
 filiūque, & intelliges nō sic appellari, nec alium hunc esse à
 Lario lacu. Lemānus lacus est, vt qui vicinus Gebennæ in Rho- *Lemannus.*
 danum influit, à quo Alemanni vocantur. licet hoc tempore nō *Alemanni.*
 dicantur illi esse Alemanni, sed Galli. R. Pario. Deinde, Puerpe-
 rium propriè est primus partus. Deinde, In fine puerpera, est puel-
 la primi partus. I. Imò puerpera est, quæ recens peperit, vt no- *Puerpera.*
 men ipsum indicat, non quæ primum partum enixa est. totiē-
 que mulier puerpera est, quoties puerum, aut pueram parit. Oui-
 dius autem de Latona, quæ geminos pepererat, ait, Magna ge-
 melliperæ venerantur numina diuæ. At puerperium, est tempus *Puerperium.*
 quo ex dolore partus cubat, seu intra domum se tenet. nec puer-
 pera tantum puella est, sed etiam (vt dixi) quæ plurimos pepe-
 rit: adeò, vt si tantum esset fœmina primi partus puerpera, quod
 longe est secus, tamen & anus potest esse primi partus mulier. An
 Elizabeth puerpera fuit? neque enim vocatur puerpera, quia
 puella parit: sed quia puerum pueramve, vt modo dixi, nec quia
 primo partu. Alioqui dixisset Terentius, Glycerium puerperam
 potius, quàm primi partus mulierem. verum (vt testatus sum)
 postquam peperit, & intra dies purgationis puerpera est. R. Pa-
 ro. Paulo post. Deinde, Cum armis præsto forent, id est parati.

I. Raudensis eodem modo accipit hoc nomen, quo vulgus,
 quod ait, Ego sum præsto, id est paratus. præsto sum igitur, idem *Præsto.*
 est quod præsens sum. & cætera quæ in elegantis latius. R. Par-
 uulus. Deinde, Dicimus puellum tantillum, id est paruulum.

I. Ipse non affert exemplum. Syrus apud Terentium ait, Quem *Tantillus.*
 CC.iii.

ego puerū tantillum in manibus gestaui meis. credibile est Syrum ostendisse gestu manus, pusillitatem illam quā dicebat: sed iam à quibusdam est vsu receptum, vt etiam sine gestu ita dicatur. vt Plinius de Regulo, Spe legati eluso, ne tantillum quidem reliquit. Scribebat enim Plinius non loquebatur, vbi opus non erat gestu. Cicero quoque in Verrem actione 4, Quorum oratione iste, quum pretium iam accepisset, ne tantillum quidem commotus est. & in eundem sæpius. R. Nam quantula nostra voluptas, id est parua. L. Interrogatio facit vt suppleatur parua. nam propria huius loci expositio est, Nā quantulum magna est voluptas nostra. R. Pascere. Paulo post, Et dum pabulatu redirent armenta. L. Redire pabulatu, nō licere dicere iam admonuimus. R. A. Gellius dixit villaticæ pastionis. L. Quasi non T. Varro librum inscripserit de villaticis pastionibus. neque verò Raudensi faciendum fuit vt tam sæpe A. Gellium pro teste afferret, hominem curiose nimis ac superstitiose loquentem. quid dicam de Apuleio in eo præsertim opere, cuius nomen est De asino aureo? cuius sermonem, si quis imitetur, non tam auree loqui, quàm nonnihil rudere videatur. R. Patientia. In fine, Dicimus etiam per se tulit, per te feras: id est vltra naturam hoc patere. L. Hoc inauditum est, sed præ se tulit, & præ te feras, de quo significato in elegantis dixi. R. Paucum. Paulo post, Quota pars erat, id est modica. L. Dixi superius, quum ita interrogamus, suppleri parua. est enim sic interrogando, quota eiusdem significati, cuius quanta, vt in elegantis docuimus. R. Pax. Paulo post, Treuga est & securitas præstita personis, & rebus ad tempus, discordia nondum finita. L. Si cum literatis agis Raudensis, quid ita diffinis illiterata vocabula? sin cum illiteratis, istam tuam diffinitionem nec intelligunt, nec desyderant. Quid quòd personas ais pro hominibus? non minus inepte, quàm quū treugæ pro induciis vteris. de hoc etiam in elegantis. R. Pellis. Deinde, Pelliparius, parans pelles. L. Quid est parare pelles? quis etiam vtitur hoc nomine pelliparius? En magister elegantiarum, qui elegantis bellum indixisse, aut contra illas bellum gerere videtur. R. Poena. Deinde, Mugilis piscis est velocissimus in modum serpentis, qui in sacco parricidali mittebatur vt podicem ingrederetur. L. Quis piscis inclusus sacco viuit, nisi fortè anguilla ac murena? Quis item piscis ingredi locum illum hominis posset, aut auderet? frigida loca, atque humida, spatiosaque adamant pisces, non calida, non sicca, non arcta. sed nimis de re illiberali, nec digna, quæ ab homine pudenti dica-

Pastio villa-
tica.

Præ se, præ
te ferre.
Quotus.

Treuga.

Persona.

Pelliparius.

Mugilis.

tur. R. Pœnitet. I. Pluribus verbis conatur exponere Raudē- Pœnitet.
 sis pœnitet quid significet, & specialiter in loco Ciceronis, Quo-
 ad te, quantū proficias, non pœnitebit. ego statim, breuiterque
 exponam pœnitet. præter illam vſitatam ſignificationem, eſt i-
 dem quod piget: quæ ſignificatio parum a beſt ab illa naturali.
 vt Terentius in Hecyra, Quod ſi perficio, non pœnitet me fa-
 mæ meæ. Et Virgilius, Nec te pœniteat calamo triuiſſe label-
 lum. Non autem, vt hic, & alii quidam exponunt pro parum vi-
 detur. nec Aulus Gellius ſatis doctè, ſubtilitèrque defendit Mar-
 cum Tullium ab Aſinio Pollione, cæteriſque obtrectatoribus
 in loco illo orationis pro Cælio, Nunquam efficiet vt pœniteat
 eum deformem eſſe natum. Pœniteat ait Cicero, quaſi pigeat,
 doleat, tædeat. vt idem de ſenectute, Nec ſenectutis meæ pœ-
 nitet. Et T. Liuius, Nec pœnitet eſſe in ea opinione. R. Penſio.
 Inde, penſionarius. Cenfus eſt annua penſio. I. Penſionarius Penſionarius
 eſt Raudenſe verbum, non Romanum. Cenfus quoque non eſt Cenfus.
 annua penſio, niſi apud non ſanè doctos, ſed aut quicquid for-
 tunarum quis habet: vnde Quintilianus, Abiere vires, cenſus,
 mens. aut id quod principi per capita ſoluitur, ſiue per focos, vn-
 de dicitur quis ſoluiſſe, aut non ſoluiſſe cenſum. R. Pendo, De-
 inde, Apuleius ait gradus penſiles, id eſt paſſus. I. Quid expo-
 nis, gradus, an penſiles? Si gradus, nihil hoc ad propoſitum: ſin
 penſiles, hoc non ſignificat. gradus penſiles quid ſint, in elegan- Penſilis.
 tiis dixi: nunc verò Apuleius ſentit gradus penſiles eſſe ſuſpen-
 ſos paſſus. R. Penu, cellarium, promptuarium. I. Author ac- Penu.
 cipit penu non modo pro rebus, quæ reponuntur ad victum (vt
 omnes aiunt) ſed etiam pro loco illo, quem idem cellarium,
 promptuariū que appellat. quod nemo doctorum dixit.
 R. Penuria, Cicero dixit in ſumma annonæ caritate, id eſt pe- Penuria.
 nuria. I. Imo aliud eſt penuria annonæ, aliud caritas, vt in a-
 lio opere dixi, & nunc iterum dicam. Penuria annonæ eſt pau-
 citas ac raritas annonæ. Caritas verò, carum annonæ pretium, Caritas.
 quæ poteſt eſſe magna, cum nulla penuria ſit. vt quando iniqui
 annonam habent & ſupprimunt, vt carius vendant: aut non ſup-
 primunt, ſed caro vendunt. Et ediuerſo plurimarum rerum pe-
 nuria, id eſt raritas eſt, & earum nulla caritas. certe bonorum vi-
 rorū magna ſanè penuria eſt, & ii qui ſunt, cari nō ſunt. R. Pera.
 Deinde, Clitellæ etiam ſarcinulæ ſunt. I. Imo iumentorum (vt Clitellæ.
 vulgo vocantur) baſti, ſuper quos ſarcinæ, aut alia onera ponū- Baſti.
 tur. R. Perſequor. I. Vult hoc verbū in malam partē tantum Perſequi.
 accipi: nam de ſignificatione eius in bonam dicere omiſit, quod

- etiam non raro reperitur. vt enim dicitur Persequor te, id est infeste te sequor: ita Persequor quæ incœperā, id est pergo quæ cœperam dicere. sed de hoc in elegātis. *R.* Petere. Deinde, Contendere est cum efficacia petere. *L.* Imò cōtendēdo, siue cū conatu ac nixu petere: semperque id requirit ablatiuum hoc modo: vt
- Contendere.** apud Ciceronē, Frequenter à me contenderunt. *R.* Item iubeo te illam amare, id est peto cum magna instantia. *L.* Imò aperte dicere & quasi hortari, vt Iubeo te saluere, iubes me bene sperare. Virgilius, Cur cælum me sperare iubebas? sed de hoc verbo
- Instantia.** in elegantis latius. Instantia non probatum vocabulum est. *R.* Piger. Paulo post, Accidia, est animi torpor, quo quis bonū definit inchoare. *L.* Vt id significet hoc nomen, nō potest scribi Latine, nec pronuntiari: nisi dicamus, scribamúsque acidia, seu a-
- Acedia.** cedia: vtrunque tamen per vnum c scribendū, pronuntiandū-
Desino. que est. Taceo quòd desinere est eorum, qui inchoarunt: nō eorum, qui nondum inchoarunt, vt ait Raudensis. Nemo enim potest desinere inchoare. Illud nunc addo de significatione: locus ille psalmi qui ait, Dormitauit anima mea præ tædio. Græce est præ acedia. vt idem sit tædiū & acedia. Item locus alterius psalmi, Et anxius est super me spiritus meus. Græce est acediauit. ergo
- Ignauia.** idem est anxietas & acedia. *R.* Ignauia, est animi vitium, quo quis in aliquo opere nullam adhibet discretionem. *L.* Inaudita hæc huius nominis diffinitio. est enim ignauia contraria fortitudini, vt Cicero multique testantur: quum quod ratio aggredi fortiter suadet, id nos formido dissuadet, & ab audendo retinet. Discretio non est vocabulum dignum eo, qui doctrinam elegantiae proficitur. *R.* Pinguis. Deinde, Vitulum saginatum, qui butyro & melle saginatur. *L.* Quis vnquam dixit vitulum pasci butyro & melle? saginari enim, est delicato, opiparoque edulio impinguari. saginatur itaque vitulus mollioribus herbis, fœnóque, aut aliis cibis, manu humana ministratis, non butyro & melle. mortuum fortasse Raudensis intelligit, qui profecto non dicitur saginari, etiam si totus sagina aliorum animalium farciretur. Vñ sum nunc sagina, non pro cibo, quod vsitatissimum est: sed pro abdomine atque pinguedine, vt aliqui auctores vsurpant: quorū est Iustinus, libro vigesimo inquit, Sublatis deinde æmulis, in segnitiam lapsus, saginā corporis ex nimia luxuria, oculorūque valetudinē contraxit. *R.* Plures. In fine,
- Sagina.** Quamplures, id est quamplures. *L.* Cōplures, nō quamplures, ne perquamplures quidē reperiri apud doctos reor. Quid autem vis ampliare significatum nominis diminutiu? quippe
- Complures**
Perquāplures
sculi, ineptū.

plusculum, minus quàm plus significat. per autem, & quàm au- Per.
 gent. ego verò dicerem complusculos, nō vt augerem, quod au- Quàm.
 geri non videtur posse, sed vt deriuem diminutiū ab illo. Com-
 plures dixi nō videri posse augeri, quia quū dico, perpaululum,
 augeo vim ipsam effectūque minuendi, id est multum, valde-
 que paruum. quum dico, perplusculos dies, perplusculos num-
 mos, duo contraria inuicem, augeo paucitatem numeri, & com-
 paratiuum, quod auget numerum: quæ duo cum simul esse ne-
 queant, nescio an liceat dicere perplusculos, siue perquamplustu-
 los. R. Pluuia. In fine, Imbrex est canale tecti, vnde aqua effluit. Imbrex.

Canalis.
 I. Imbrex tegula est, sed magis concaua quàm plana. canalis
 item potius, quàm canale. à qua defluit potius, quàm vnde ef-
 fluit. A qua defluit,
Libripens.
 R. Pondus. Deinde, Libripens, qui libra pōdera rerū deter-
 minat. I. Negat libro primo institutionum Vlpianus, & qui

hunc in testimonium affert Priscianus, ac Boetius in Topicis. nā
 est qui libram æneam tenet. hæc enim sunt verba Boetii, Mancipi
 res veteres appellabant, quæ ita ab alienabātur, vt ea ab aliena-
 tio per quandam nexus fieret solennitatem. nexus verò, est iuris
 solennitas, quæ fiebat eo modo, quo in institutionibus Caius ex-
 ponit, adhibitis nō minus quinque testibus Romanis puberibus:
 & præterea alio eius conditionis, qui libram æneam teneat, qui
 appellatur libripens. is qui mancipium accipit, ita dicit, Hūc ego
 hominem, qui mihi emptus est hoc ære, æneaque libra, ex iure
 Quiritum meū esse aio. R. Poeta. I. Luceium accipit pro pœ- Luccius.
 ta, qui erat historicus, vt epistola Ciceronis ad illum datur intel-
 ligi. de quo etiam meminit in oratione pro Cælio. Itē deitatem Deitas, ineptū
 ait, cum veteres omnes dixerint diuinitatem: & deitatem dici nō
 posse ratio ipsa conuincat, vt primo repastinationum libro do-
 cuimus. R. Quicquid sit de his interpretationibus & versibus,
 hoc vnum scio, quòd poetæ sæpenumero cōfundunt istas. Nam
 vnam pro alia ad versum suum pro commoditate trahunt.

I. Quicquid sit, posuit pro, vtcunque sit. item vnam pro alia, Vtcunque.
 quum dicere deberet, aliam pro alia. R. Dubitant quoque, Ho- Quicquid sit.
 merus an ante, vel post Hesiodum vixerit, qui tamen contempo- Vnā pro alia.
 ranei fuerunt: sed qui ætate maior fuerit, ambigitur: tamen an-
 nis multis fuit ante Romulum. I. Pro An dixit Vel. in dubitan- Vel.
 do enim semper ponitur an, vt ipse ex parte fecit. sed in secundo An.
 loco non etiam posuisse An, turpius est, quàm si vtroque, Vel
 posuisset, siue Aut. Itē melius dixisset, vter maior, quàm qui ma- Vter.
 ior. Contemporanei autem non inuenitur, præsertim in hunc Cōtemporane⁹
 sensum, in quo cum à multis alijs, tū verò à Cicerone dissentit,

Hesiodus.

Homerus.

qui in Catone ait, De quo doctus Hesiodus, ne verbum quidem fecit. At Homerus, qui multis (vt videtur) antè seculis fuit: nec me fallit multos tam Latinos, quàm Græcos in ea esse opinione, unde Aulus Gellius ex ipsius Hesiodi epigràmate, quod nunc Thesalonica in marmore ostenditur, vult probare Homerum ab Hesiodo superatum fuisse: quod significat Hesiodus ipse in opere de re rustica, non habita mentione eius, quem vicerit. Tamen plerique sentiunt alterum Homerum multis post seculis natum, ab Hesiodo victum, voluntque Homerum etiam bello Thebano, Troianoque interfuisse: Hesiodum autem Stesichori patrem fuisse. Quid mirum si per obliuionem Raudensis à Cicerone dissentit, quum sui ipsius obliuiscatur? qui paulo post ait, R. Hesiodus poeta contemporaneus Homeri, non solum poeta, sed Pythagoreus fuit. L. Quomodo fuit Pythagoreus Hesiodus, & ætate Tarquinii regis: quum Homerus, quem ætate Hesiodi fuisse ait, tandiu fuerit ante urbem conditam? R. Hunc in Tusculanis

Pythagoras.

Archilochus.

Pindarus.

Alcæus.

Aratus.

Æschylus.

Afranius.

Accius.

Cicero nominat. fuit tempore Tarquinii Prisci. L. Pythagoras fuit tempore Tarquinii, nec Prisci, sed Superbi: & (vt Liuius ait) Seruii regis, non Hesiodus. Item Archilochum facit esse tragicum, quum sit iamborum scriptor, de quo (licet Græco) non debuit tamen ignorare, quum de eo multi Latini scribant: itemque de Pindaro Lyricorum principe, quem hic tragicum esse vult. Sic Alcæum quoque, quem lyricum esse, cum alii, tum Sappho ad Phaonem scripto carmine testatur. Aratum nescit, in quorum poetarum numero reponat, ignorans opus illius primum esse à Cicerone, deinde à Germanico Augusto translatum heroicis versibus, vt Græce scriptum est. Æschylum tempore Darii fuisse, quis non hunc putet eum Darium esse, cum quo ter Alexander iusto bello pugnavit? atqui ante eum aliquot seculis Æschylus fuit, vtpote primus omnium tragicorum. Afranium Græcum esse suspicatur, qui togatarum (vt iterum dixi) scriptor fuit.

R. Cicero illum quam familiarem habet. L. Cur non tuum præceptum Raudensis obseruas de per & quàm? nempe quia nō est tuum, sed ab auditoribus meis per te exceptum, in quo iterum laberis. R. Horatius tempore Augusti fuit, & Virgilii quam familiaris. L. Accium comicum poetam ait: Pacuuius quis sit taceat, quum vterque tragicus fuerit. R. Et in primis egregius, lege rogo Iuvenalem. Et alibi, Lege hoc precor. L. Quid alienius à dignitate atque autoritate componentis, quàm obsecrare legentes vt legāt, quasi vt illi iudices sint, in quorum arbitrio pendeat salus ac vita obsecrantis? custodienda est ab auditore maie-

stas & attentio, non precibus, sed rationibus ac rerum dignitate, ponderéque comparanda. Rogat vt legamus etiam poetam, cum ipse velit hoc vnum opus, quod ipse composuit, pro omnibus sufficere. *R.* Musas sibi ait quàm familiares esse, easque Sicilidas. *L.* Iterum quàm familiares dixit, pro perfamiliares, siue perquamfamiliares, siue quàm familiarissimas. *R.* Pomum. Deinde, Baccis, id est pomis. *L.* Quæ bacca sunt, poma non sunt, vt oliua, bacca lauri, grana myrti, similiæque. *R.* Pomerium, viridarium, id est pomeriũ, locus plenus viriditate. *L.* Pomeriũ esse locum iuxta muros, & pomarium locum consitum pomis, in elegantis dixi. *R.* Populus. Aliquanto post, Arpi, populi sunt Italia, inde creditur Cicero vocatus Arpinas. *L.* Quæ tanta tua Raudensis ambitio, vt omnia in isto opere inferere velis? etiam tuas orationes (taceo quàm ornatas) etiam astronomiam (sileoque quàm doctè) etiam rhetoricam (non dico quàm verè) & flumina, montes, vrbes, populos, & alia multa etiam quæ prorsus ignoras. Nam Arpi in Apulia sunt prope urbem, quæ nunc dicitur Foggia. Arpinum vnde fuit oriundus Cicero, longe illinc abest. Quare vereor, ne propter nimiam loquacitatem, tuum hoc opus omnes homines à scribendo, ne dicam à legendo deterreat. *R.* Getæ nil aliud sunt nisi Gotti. Getuli etiã dicti sunt.

Perfamilias.

Perquamfamiliaris.

Baccæ.

Pomerium.

Pomerium.

Pomerium.

Pomerium.

Pomerium.

Pomerium.

Pomerium.

Pomerium.

Pomerium.

Pomerium.

Pomerium.

Pomerium.

Pomerium.

Pomerium.

Pomerium.

Pomerium.

Pomerium.

Pomerium.

Pomerium.

Pomerium.

Pomerium.

Pomerium.

Pomerium.

Pomerium.

Pomerium.

Pomerium.

Pomerium.

Pomerium.

Pomerium.

Pomerium.

Pomerium.

Pomerium.

Pomerium.

Pomerium.

Pomerium.

Pomerium.

Pomerium.

Pomerium.

Pomerium.

Pomerium.

Pomerium.

Pomerium.

Pomerium.

Pomerium.

Pomerium.

Pomerium.

Pomerium.

Pomerium.

Pomerium.

Pomerium.

Pomerium.

Pomerium.

Pomerium.

Pomerium.

L. Getuli in Aphrica, Gotti autem ex Septentrione venerunt. *R.* Porcus. Deinde, Cicuris est propriè porcus domesticus.

L. Hieronymum, qui hoc (vt opinor) dixit, non affert Raudensis. affert Ciceronis exemplum, quod ab hac præceptione dissentit, quum dicit Feris cicuribus natantibus. Profecto cicures, non pro feris accipiendæ sunt, sed pro mäsuefactis, vt palàm Varro testatur, reddens etiam ex ipsa etymologia causam, vt alibi docuimus. *R.* Porro. In fine, Titus Liuius sæpe dicit comportant tigna, comportant bladum: nec dicit portant. *L.* Raudensis sæpe sua verba alteri tribuit. Quis enim apud Liuium aliumve authorem legit bladum? reperitur autem apud Liuium ac cæteros, vt comportat, ita portat, vt in multis locis, quorum vnus est, Siculum autem omne frumentum in Aetholiã ad exercitũ portari iussum. Et alibi, Cômeatus tamen haud secus quàm in pace, in agris, castellisq; hostium Romani portabant. *R.* Possum. Deinde, Est nãq; aduertere, id est animaduerti potest. & nusquã scriptũ inuenire est, id esse factum, id est inueniri potest. & multos est videre pecuniæ cupidos, id est videre possumus. *L.* Raudensis videre vult hoc opus nõ euoluendis sedulò libris, sed memoriæ beneficio condidisse: quod prudenti lectori longe vide-

Getuli.

Gotti.

Gotti.

Gotti.

Gotti.

Gotti.

Gotti.

Gotti.

Gotti.

Gotti.

Gotti.

Gotti.

Gotti.

Gotti.

Gotti.

Gotti.

Gotti.

Gotti.

Gotti.

Gotti.

Gotti.

Gotti.

Gotti.

Gotti.

Gotti.

Gotti.

Gotti.

Gotti.

Gotti.

Gotti.

Gotti.

Gotti.

Gotti.

Gotti.

Gotti.

Gotti.

Gotti.

Gotti.

Gotti.

- tur esse secus, cum in pluribus aliis, tum verò, quòd in copia maxima exemplorum nulla homini exempla succurrunt, sed quædam ex seipso cõfingit. vt hoc loco exempla nullo autore proferuntur, ac ne proferri quidem possunt, nisi ex poetis. vt apud Virgilium, Scis Proteu, scis ipse: nec est te fallere quenquam. id est, quia non est possibile cuiquam fallere te. qui modus per negationem potius fit, vt exemplum ipsum hoc ex Virgilio sumptũ. Estque figuræ Græcæ magis, quàm Latinæ. vnde fit vt multa hu-
- Non est dare.** iusmodi non politi interpretes effundant, quale est illud, Nō est dare vacuum in natura. **R. Potis.** l. Imo impugna Priscianum qui ait apud Terentium scribendum esse, *Quid ais? cum virgine vna adolescens cubuerit plus potus. non autem potis.* Ostendat Raudensis stare versum, vt ipse emendat, & melius sentire quàm Priscianum confitebor. Potus nanque habet primam longam, potis verò breuem. **R. Pretium.** Deinde, Item minoris vendidi, vel maioris. l. Non dicitur, maioris vendidi vel emi, sed pluris. **R. Præfectus.** Multo post, Quinetiam inquilinus aquam in cœnaculo habeat, qua igneo terrore ingruente præsto accurrere posse censeatur. l. Non rectè vsus est præsto, neque in significato, neque in coniunctione alterius verbi, quàm substantiui. etiam
- Terror ignis.** igneus terror improprie dicitur, pro eo quod est terror ignis: neque enim dicitur aurea cupido, ferreus timor: pro auri cupido, &
- Præfentialiter.** ferri timor. **R. Præfentialiter.** l. En Latinum, elegansque vocabulum. **R. Præsepia** dicuntur non tantum in quibus aut canterii, id est equi antiqui, aut iumenta, aut cætera animalia pabulatur, sed omnia loca clausa & tuta, dicta sunt præsepia. vnde Virgilius, Fucos à præsepibus arcent. l. Canterii sunt equi castrati, non autem antiqui, vt quibusdam placet. Græci cæthelios vocant asinos, à spinis tollēdis. Nec pabulari, est in stabulo comedere equos, sed homines pabulum equorum ex agris capere. vn de sæpe legimus milites missos esse pabulatum. Præterea male diffinit præsepia. Nam Virgilius figuratè dixit præsepia, eodem modo, quo dixit fucos pecus: hic enim versus eius est, Ignauum fucos pecus à præsepibus arcent. Qua translatione venustiore ac verecundiore alteram translationem fecit. nam quum dixisset pecus, decentissime subiunxit præsepia. quod imitans Quintilianus, hanc translationem, vt aliquântulũ abhorrentem à prosa, in vsum oratorium commutauit, Aliæ militaribus castris pelant vulgus ignauum. ergo dicamus omnia loca clausa esse castra, quia Quintilianus alueum apum dixit castra. hæc Raudensis noster eloquentiæ (si ei credimus) præceptor ignorat, qui pro-
- Potis.**
- Potus.**
- Maiores vñdo non dicitur.**
- Præsto.**
- Canterii.**
- Pabulari.**
- Castra.**

pria nunquam à translatis verba distinguit, & perinde de omnibus loquitur, ac si propria vtique essent. R. Proconsularis. Paulo post, Quo serius delectum facere posset consulem creauit.

L. Seriosus pro ordinatus posuit, quod non inuenitur, nec in hunc, nec in alium sensum. R. Obseruari cœptum est, vt quo quisque anno consules fuissent, sequenti proconsules remanerent. L. Hoc nunc audiui. nam Cicero non fuit proconsul, alitero post consulatū anno: & multi antè procōsules fuere, quàm consules, vt Pōpeius, Quintilianus, Cicero. R. Proditor. L. Statim post, vsque ad calcem errat. ait enim, R. Factiosus, qui fingit se facere vt prosit, sed facit vt noceat. Seditiosus, qui discordias seminat. Commētum, occultus & malitiosus tractatus. item vrbem ex composito inuadunt, scilicet per proditiōē. L. Est namque factiosus (vt superius dixi) qui potens in ciuitate nititur esse contra æmulos. Seditiosus, qui seditiones amat, vt in elegātiis do cui. Commentum est excogitatio. An commentum Donati est malitiosus tractatus? quanquam non me præterit Raudensem illustrantem tractatum pro coniuratione intelligere. Ex composito, est ex conuento, cum clām inter se conuenerunt, & hoc frequentissime in bonam partem. nam si cōtingat aliquos insidiari hostibus aut aduersariis, quod nemo inhonestum esse dixerit, ex composito fieri dicere possumus. R. Professio. L. Non apertè Raudensis hoc nomen diffinit: ego (vt breuiter dicam: neque enim nisi breuiter dicere licet) sic diffinio, Professio est aperta ac voluntaria confessio, vt Profiteor me amicum esse inimici tui. Inde, qui artes liberales docent, professores dicuntur, quia artes illas se scire, ac posse publice tradere, fatentur. Profiteri autem apud prætorem (vti de Archia est apud Ciceronem) & profiteri siue nomina, siue censum, vt est cum alibi, tum verò in iure ciuili: & in Euangelio, quòd profitebantur omnes in Iudæa sub Augusto: ex hoc fonte venit. R. Prolongare, induciari. L. Inducari, pro differre, siue procrastinare Raudensis accipit: vt iterum dixi, illiteratè nos loqui docens, nō (vt profitetur) literatè. R. Promitto. Paulo post, Spōdent, id est certificant. L. Docti aiūt spondere esse vltro promittere. vt apud Virgilium, -non si mihi Iuppiter author Spondeat, hoc sperē Italiam contingere cælo.

R. Pronuntiator. L. Ais canna, pro arteria: ais garrire, pro acutè exclamare: ais strepitus, provociferatio: id est hæc illa significare. Item colis, comis, & periodis, pro distinctione punctorum. ais comis in plurali, cum eiusdem singularis sit hoc comma, tis. Ais Quintilianum, quum dicit commouere tragœdias, de pronun-

Seriosus.

Proconsul.

Factiosus.

Seditiosus.

Commētum.

Ex cōposito.

Professio.

Profiteri apud prætorē.

Induciari.

Spondere.

Canna.

Garrio.

Strepitus.

Martiani fur-
ta.

tiatione sensisse: hoc est de exclamatione. & quum hæc dicas, pu-
tabo te post Ciceronem & Quintilianum de arte oratoria posse
præcipere. Nam Consultus, ac Martianus Capella, & quidam al-
lii de arte præcepta hæc dant: sed plurima ex Quintiliano, ad
verbum sumpta, quum tamen de illo à quo furantur, mentio-
nem non faciant, Homines improbos, planèque ingenio mise-
ro ac furaci, quos aliàs castigabimus. Tu tamen, quasi illis do-
ctior sis, audes de eloquendo ac pronuntiando conscribere, præ-
sertim recedens ab illorum summorum principum vestigiis.

Poteram equidem ad singula præcepta rhetoricæ (nam omnes
colores rhetoricæ persequeris) te refellere, atque iure optimo
deridere, à quo faciendo retinuit me, & prolixitas huic libro a-
lienissima, & pudor, nequis nimis existimaret iratum: sed à bre-
uitate instituta recedimus, dum plura quàm oporteat de operis
nostri breuitate fabulamur. R. Cœpit cauda ad aures vtrinque
reperculsa excandescere, & suscitare se ira. L. Si leones nun-
quam viuos, certe pictos, sculptosve inspexisti, an tibi caudæ tam
proceræ videntur esse, vt flagellare vtrinque aures queant? Si hoc
ita esset, & oculos flagellarent: quod, quia obesse visui posset, non
est putandum diuinam prouidentiam vltra quàm oporteat, pro-
ceram dedisse leonibus caudam. R. Acrimoniam etiam inesse,
id est rugata fronte, qualis CHRISTVS futurus est in vltimo iu-
dicio. L. Quasi acrimonia vultus rugare sit frontem, & quasi
oratores aduersus iudices eam seueritatem, idemque supercili-
um exhibere deceat, qua iudex est, aut magistratus in eum, qui
damnandus est rei capitalis: & quod omnium terribilissimum
est, qualis Deus & homo CHRISTVS in homines erit diabolos
que damnandos, si modo CHRISTVS contracto supercilio, id
est iracundo animo sedebit, & non possit iudicare, nisi indigna-
tus. R. Dabátque Octavianus assiduo phonasco operam, est e-
nim potio, qua utebantur poetæ, quum recitabant. L. Imo Pho-
nascus est musicus, apud quem Octavianus assidue studebat.

Acrimonia.

Phonascus.

Ait enim Suetonius Octavianum dedisse operam Phonasco assi-
duo: hoc est audisse musicum, cantoremque assidue, à quo disce-
ret rationem vtendæ, confirmandæ, emendandæque vocis. R. Pro-
pè.

Cominus.

L. Non est cominus idem quod propè, sed (vt sic dicam)
à propè: vt Cominus te incessabant lapidibus. hoc est è propin-
quo loco: sicut e contrario eminus, è longinquo: sed ita tamen
longinquo, propinquoque, vt propè intra iactum teli esse possit,
aut quod sit id genus. Nō enim recte dicas, Cominus veni, emi-
nus redeo. de hoc iterum superius. R. Prouerbiū. Deinde,

Eminus.

Dicamus iure vetus elogium, id est vetus prouerbiū. *l. Di-* Elogium.
xi in elegantis elogium testificationem esse quandam scriptis
 mandatam, vt in opere illo exempla ostendunt: vnū tamen sub-
 iiciam Ciceronis pro Cluentio, Elogium recitasti de testamen-
 to Cn. Egnatii patris, hominis honestissimi, videlicet sapientissi-
 mi. Idcirco se exhæredasse filium, quod is ad Oppianici condem-
 nationem pecuniam accepisset. *R. Pugna.* Aulus Gellius dicit
 in maledictis aduersus improbos non velitandum, id est leuiter
 pugnandum, licet & hoc loco absque leuiter dicatur. *l. Qua-*
si velitari veniat à leuiter, & non à βέλως, quod est iaculum Græ- Velitor.
 ce. quo genere teli qui pugnabant, & cum in modum quem Li-
 uius, Valeriusque narrauerunt, velites dicti sunt. & hinc velitor, pu-
 gno ac digladior: postea de re ad verba translatum, tanquam
 velites dici possint qui verbis altercantur. Velitandum ergo non
 est maledictis aduersus improbos, id est mutuis conuictorum ia-
 culis, non est aduersus improbos pugnandum, vel in morem
 velitum, cum illis decertandum. *R. Pulcher.* Et aliquanto post,
 Censura est animi non corporis. ideo melius membrorum de-
 corem ac pulchritudinem dicimus, quàm censuram. Tamen
 quia in vsu censorium hominem pulchrum dicimus, post hoc
 pulchritudinem resciri. *l. Hunc* vsum non agnosco, ac pror-
 fus mihi talis ignota est significatio. Censorius enim, homo est Censorius.
 qui censor fuit, & qui dignus est propter morum grauitatem,
 qui alios censeat. id est de moribus aliorum iudicet, aut qui iudi-
 cauerit mores, aut qui opera aliorum censuerit. *R. Puer.* Pau-
 lo post, Suetonius de Octauiano ait, Pueros pumilios, atque dis-
 tortos abhorrebat. pumilios, id est molles & enerues ac elum-
 bes. *l. Quàm* credibile est Augustum exhorruisse molles, ener-
 ues atque elumbes, quasi tales aut ipse nosset, aut aliquis ad eum
 ferret. non ergo de his loquitur Suetonius, sed de nanis, & enor-
 mia membra habentibus, qualem Valerius Martialis describit in
 illo disticho, cui nomen est Pumilius,

Si tantum spectes hominis caput, Hæc tora credas:

Si statè videas, Astryanacta putes. Abhorrebat quoq; dixit, pro Abhorreo.
 exhorrebat. Abhorreo enim vult post se ablatiuū cū præpositio-
 ne à vel ab. vt Cic. A qua fateor nullū ætatis meæ tēpus abhor-
 ruisse. id est alienum fuisse. *R. Punire.* Aliquanto post, Vindicabo
 eam, ne veniens in nouissimū suggillet me. id est puniat. *l. Imo*
 detrahat, carpat, accusètque me, vt frequenter apud Hierony-
 mum suum, quod declarat ipsa vox Græca, vnde traduximus.

- R.** Quando. Deinde, Aliquando Romæ esse cœpimus, quid nobis defuit: id est quando. **L.** Hoc inauditum est nobis aliquando pro quando poni: neque ipse ritè facit, vt in re noua non afferat aliena exempla, sed sua. hoc potius erat dicendum, & quâdo pro
- Nunquando.** aliquando accipi antecedente num: sic, Nunquando me adiuiſti: quæ interrogatio facit hoc significare num aliquâdo. In quẽ modum aliqui accipiunt illud in Euangelio Lucæ, Nunquando vos miſi ſine ſacculo & pera & calceamentis, quid vobis defuit? Quem locũ tamen Raudenſis videtur afferre voluiſſe, ſed in contrarium ſenſum. Vbi enim poſſet eſſe quando pro aliquando? & iſte accipit aliquâdo pro quando. **R.** Quasi. Deinde, Nullus prophetarum propemodum tam apertè dixerit, id eſt quaſi. Item,
- Propemodũ.** Subridens, id eſt quaſi ridens. **L.** Imo propemodum, ſiue propè,
- Subridens.** hoc eſt penè, ſiue ferè. Subridēs enim, ſubiraſcitur: ſubobſcurus, eſt aliquantulum ridens, aliquantulum iraſcitur, aliquantulum obſcurus. Sub idem tempus, ſub eãdem horam, eſt eodem tempore, & in eadem hora. licet ſub eandem horam vix reperitur, ſub idem verò tempus frequentiſſime. vt apud Quintilianũ, Venit in ciuitatem, vbi munus parabat ſub tempus ipſum, quo
- Quatinus.** pugnaturus erat diues filius. **R.** Quare. Deinde, Quatinus coniunctio cauſalis, id eſt qua ratione per i ſcribitur. Eatinus, id eſt ea ratione. Aliquatinus, id eſt aliqua ratione. **L.** Imo & per e ſcribendæ ſunt hæ diſtiones: neque hoc ſignificant, vt in elegantis docui. Nam Quatenus ſignificat quoniam, vel inquãtum. Eatenus verò, vſque eò. Aliquatenus, eſt inquãtulum, ſiue ex aliqua parte: vt Quintilianus, Verum hoc aliquatenus temporum cõditione mutatum eſt. **R.** Que. Ve coniunctio, coniungit, ſiue diſiungit. vt Inter aſinum, lupumve magna diſtinctio eſt. **L.** Imo ve idem eſt, quod vel, ſiue aut. vt Bonum, malũve ſequimur omnes. id eſt bonum, aut malum. Docti, indoctiue ſimus nihil cogitas: ſiue docti, ſiue indocti. **R.** Quidam. Deinde, Vbi nota quòd plus conueniunt quiſpiam & quidam, quàm aliquis & quidam. Et iterum, Aliquis enim rectius cõiungitur nomini communi, vt aliquis homo: & quidã & quiſpiã nomini proprio, vt quempiam Simonem. **L.** De hoc in dialecticis latius diſputauimus, & nonnihil in elegantis attigimus, & in hoc ipſo libro. Itaque hĩc breuiter iterum dicam, Quidã & Aliquis hoc differũt, quòd quidam certum hominem ſignificat: vt, Quidam vult accipere filiam meam pro vxore ſine dote. Aliquis verò incertum: vt Aliquis volet accipere filiam meam pro vxore ſine dote. Ibi ſcio, ac nominare poſſum quis ille eſt, hĩc non poſſum. nonnunquam,
- Quidam.**
Aliquis.

sed tamen perrarò , inuenitur aliquis pro quidam . vt pro Plan-
 cio Cicero ait,missum esse aliquem in prouinciam . Quispiam *Quispiam.*
 autem & quisquam nihil ab aliquis differunt . Illud autem ex- *Quisquam.*
 emplum ex Actibus Apostolorum,quempiam Simonem,quàm
 eleganter dicatur,in libris interpretationis noui Testamèti osten-
 dimus. Illud tamen sciamus improprie dici(quo quidam vtun- *Quid pro*
 tur) Est quid mirum,est quid pulchrum,quod ex Græco descen- *quiddam,ma-*
 dit. significat quiddam hoc loco,non aliquid. nam vnã Græci *le poni.*
 pro duabus Latinis dictionem habêt.Dicendum ergo est, *Est quid mirũ*
 Quid- *Quiddam mi*
 dam mirum , quiddam pulchrum . siquidem quid pro aliquid *rum.*
 accipitur , non pro quiddam. R. Quis , & quotus , & quotus-
 quisque. I. Quotus , & quotusquisque exponit pro quis , quum *Quotus.*
 significant quot , duntaxat interrogatiue . vt in elegantis dixi- *Quotusquis-*
 mus. Melius hoc præcepisset, id quod multi barbare aut impo- *que.*
 lite dicunt, Secundum quòd veniebant ad manus, diuisi famu- *Secũdũ quòd*
 lis vestes: dicendum esse, Vt quæque veniebant ad manum, siue *Vt quæq; ve-*
 vt quæque occurrebant. R. Recitare. I. Raudensis in eundem *niebant.*
 sensum accipit recitare comœdias, tragœdiâsque, & agere, acti- *Recitare co-*
 tarêque . quod longe diuersum est . Recitare,est scripturam cla- *mœdias.*
 ra voce,vt alii audiant,intelligântque,legere. vnde poëtæ,histo-
 ricique,& alii scriptores recitabant publice opera sua,& nonnul-
 li aliena, vt fit in comœdiis, tragœdiisque . Aliquando non le-
 gendo fit recitatio , sed memoriter referendo , quæ vel scripta
 sunt,vel dicta. Nihil enim interest legere, siquæ pronuntio,me-
 moria teneo. Quintilianus,At ista legem recitat. de muliere lo-
 quens,quæ cæca erat. Plautus, Recitat memoriter. Agere , est *Agere.*
 gesticulationem facere, quod est histrionum atque mimorum.

R. Recommendatitiæ literæ. I. Commendatitias literas di- *Commenda-*
 cimus,non recommendatitias : sicut commendo , non recom- *titæ literæ.*
 mendo : & committo me tibi , non autem recommitto. R. Et *Commendo.*
 erunt verba Ciceronis pro maiori parte. I. Quum verba Ci- *Committo.*
 ceronis afferre te dicis,cur non verba illius loqueris? ex maxima *Pro maiori*
 parte ille dicere solet, non pro maiori parte. Item, Vereor, in- *parte.*
 quis,quamplures tibi recommendo. Complures dicere debui- *Ex maxima*
 sti , tum quia Cicero sic loquitur , tum quia contra præceptum *parte.*
 tuum est vbi ais quàm superlatiuo debere coniungi.nec recom- *Complures.*
 mendo dixit Cicero , sed commendo,vt superius testatus sum.

R. Recordor. Deinde, Te(vt dixi)fero oculis,id est memoria te-
 neo, & te semper post me feram. Item,Multa me fugiunt,id est
 non recordor.Et non te fugit, id est recordaris. I. In oculis fe- *In oculis ferre*
 ro , est quod semper videor videre te & alloqui , audirêque pro
 DD.i.

- beneuolentia.vt apud Virgilium, Illum absens absentem audit-
 que, videtque. Præ me fero, quod non dissimulo, & voce, vultu,
 gestuque fateor, aut amare me quempiam, aut odisse, aut bene
 sentire, siue male de aliquo homine, siue de re, & quæ sunt simi-
 lia. Multa me fugiunt, est idem quod multa nescio, quasi illa
 prehendere non possum. vt Cicero, Sed tunc ea ratio me fugit.
 id est, hanc rationem nesciui. At si Raudensi credimus, quæcun-
 que nos fugiunt, ea aliquando sciuius: quoniam nemo dicitur
 non recordari, nisi quæ didicerat. Hic secus fit: quia de omni re
 ac ratione, quæ nobis cogitantibus non occurrit, dicimus eam
 nos fugisse, nisi Platonem sequimur, qui vult dicere esse recor-
 dari. R. Reddo reddis, restituo restituis, redibeo redibes sine h.
 l. Imo cum h, vt exhibeo, prohibeo, perhibeo, adhibeo.
 Norma. R. Regula. Deinde, Norma est maxime in regendo. l. Imo
 norma est instrumentum illud duorum laterum, quo fabri om-
 nia dirigunt ac metiuntur. inde quæ recta, dimensaq; sunt, nor-
 mam habere dicuntur. R. Relinquere. Deinde, Item vox mea
 me defecit, id est reliquit, & deficiet tempus enarrantem. l. De-
 ficio. cum tempus ponitur, similibusque, non cum persona, iun-
 ctu accusatiuo. Dies enim me deficiet, id est quod dies mihi defi-
 ciet. Sed illo modo per accusatiuum apud eruditos frequentius.
 Quæ similia tempori dixi, huiusmodi sunt. vt Cicero in Verrem,
 Vides te quanta deficiant. Et in eundem, Vox me citius defecerit,
 quam nomina. Et in eundem alibi, Vt si me in ea querimonia,
 quam sum habiturus de istius crudelitate, & de casu Reipublicæ,
 & indignissima morte, non modo vires, verum etiam vita defi-
 ciat, id mihi præclarum & iucundum putē. Plinius iunior, Tan-
 dem cum patientia defecit. Vxor me defecit, ego non dicerem:
 sed milites, sed populi, sed discipuli mei à me defecerunt. hoc est
 ab imperio, & præceptione mea recesserunt: aut si vis, vxor à me
 defecit. R. Respōdere. Deinde, Nequaquam literis satisfacerem,
 id est responderem. l. Si literis (vt ego interpretor) est ablatiui
 casus, significatio esset, placatiorem & æquanimiorem facerem
 te per literas meas. sin datiu, subintelligetur tuis, vt sit sensus, Me-
 tuæ excusationi exostulandum, querelæque purgarem, atque
 excusarem. R. Illi sic obstrepunt, id est respondent. l. Imo
 strepitu loquentem interpellant, atque dictis illius strepitu aduer-
 santur. R. Quum hæc diceret, reddere nesciuit, id est responde-
 re. l. Cuius hoc exemplum est Raudensis? Apud Ciceronem,
 Quintilianumque non semel legimus, cur hoc credam, cur hoc

velim, cur fecerim, suo loco reddam, id est ostendam & explanabo. R. Respicere. Deinde, Totum lustrabat lumine corpus. id est respiciebat. L. Imo circuibat, vt idem author alibi, Lustra Auentini montem. Respicere quoque, est retro aspicere, quibus exemplis pleni sunt omnes libri. R. Reputare, id est in bonam, vel in malam partem aliquid habere. vt Homo nullius momenti, id est reputationis. L. Imo reputare, est secum cogitare, seu recogitare. vt Boetius, Quum hæc mecum tacitus ipse reputarem. Quintilianus, Quotiens facta reputaui, flagella mentis sonant. vltices video furias, & in quamcunque me partem conuertere, occurrunt vmbrae meorum. Liuius libro vicesimo primo, Vnusquisque se, non corpus suum, sed coniugem ac liberos paruos protegere putet, nec domesticas solum agitet curas, sed idem talem hoc animo reputet vestras tum intueri manus Senatum, populūque Romanum. Ecce aliud est putare, aliud reputare. nec homo magnæ reputationis dicitur, nisi ab ineruditis, sed magnæ existimationis, aut magnæ opinionis, videlicet quod homines de eo egregie existimant, atque opinantur. R. Sic exponit Priscianus in sexto maioris. L. Indecorum est labi in errorem imperitorum, qui dicunt Prisciani maioris, minorisque, quum vnum opus sit, non duo, eo quidem magis quod librum appellant opus, quod constat pluribus libris. R. Rhetorica & rhetorice in nominatiuo & ablatiuo. L. Si Græci carent ablatiuo, quæro an possit dici in eo casu rhetorice, quæ Græca vox est? R. Quintilianus ait, rhetorice in Latinum transferentes, tum oratoriam, tum oratricem nominauerunt. L. Damnat horum nominum inuentores illic Quintilianus, non probat, vt vult Raudensis. R. Circa vnumquodque. L. Imo vnumquidque. nunc enim est substantiuum, secus autem cum adiectiuum. vt Vnumquodque nauigium, de quo prius & in opere de elegantia. R. Similiter laudes & vituperia. L. Vituperia ostende quis dicat. R. Patronus ergo Verris commutauit personam pro facto, nolens ob infamiam eum nominare, sed Considerate (dixit) iudices victorem Daciæ, & attendite quātam gloriam nobis comparauit, subiugando ipsos Dacos nostræ potestati. L. Vbi hoc legisti Raudensis? nunquid orationes Hortensii habes, qui fuit Verris patronus? quanquam quis nō agnoscit ista verba aliena ab antiquitate? præterea quis narrat Verrem superasse Dacos? tantum eum Siciliam contra Pyratas fortiter tuitum esse accepimus. Huic facto simile est, quod alium pro alio nominas, vt Plinium pro Quintiliano. interdūque illorum ver-

Lustrare.
Respicere.

Reputo.

Homo magnæ existimationis & opinionis.

Rhetorice.

Vnūquidque.

bis tua addis, vt ibi: interdum docti videntur copiam habere maiorem, quòd dicunt omnia quæ sciunt, & nesciunt, garriunt, obstrepunt, latrant. horum verborum nouem sunt Quintiliani, octo posteriora Raudensis. R. Sed hoc non satis ne hiis modo, qui doctrinam hanc ingressi nouiter sunt. cæterum ne hiis quoque, qui aliquid profuerunt. 1. Dum rhetoricæ præcepta dat Raudensis, videamus an (quod infra rhetoricen est) Latine loquatur. Ait, Cæterum ne hiis quoque, pro sed ne iis quidem. nam etsi cæterum, pro verum, siue sed, accipiatur, tamen hoc loco minus accommodatum est. Hiis autem non reperiri satis patet per ea, quæ de his, & iis, superius diximus. Nequit enim adesse aspiratio cum gemina ii. Etiam nouiter dixit, pro recenter. profuerunt quoque, pro profecerunt. prodesse enim, ad alios quoque spectat: proficere verò, ad se tantum. R. Vnum enim verbum proprie, significanterque positum, totam interdum illustrat orationem. 1. Non verbum istud est, sed fulgur, quod vno flammæ iactu mundum omnem illuminat. quoniam enim potest vnum verbum totam illustrare orationem præsertim propriam: quippe magis translata orationem illustrant, quàm propria: & nullum debet in oratione esse verbum, quod nō sit proprium, nisi fuerit ornatum. hoc est illustrius, quàm proprium. dicendum ergo erit, vnum improprium verbum obscurat, occæcatque sententiam, & (si vis) etiam orationem. non vtique vnum proprium illuminat, si cætera parum apte, parumque significanter adhibeantur. Siquidem plus incōmodi est in vno malo, quàm commodi in vno bono. R. Itaque hoc authoribus non est elaboratum, vel quia non ab his animaduersum, vel quia difficilis horum est tractatio. 1. Si alius, quàm Raudensis foret, qui hæc tam magnificè, iactabundèque effunderet, quibus verbis vel quanto impetu, quanta procella in ipsum inueheret? non est elaboratum authoribus, quomodo verba propriè, significanterque ponerentur: & si hoc non fecissent, nō propter difficultatem in hoc non elaborassent. quæ difficultas te nō retinuit. Quare quoniam omnes colores rhetoricos in hoc tuo opere exequeris, quasi tu præter cæteros de elocutione enucleate, elegatèq; cōscribas: nō sustineo quin primum, qui se offeret, colorem abs te traditum, discutiam quàm verè tradatur, vt ex hoc velut gustu aliorum quoque sapor intelligatur. nunc quàm propriè, significanterque posita sint à Raudensi verba tractemus. Primum coniunxit contra latinæ rationem subiunctiuum cum indicatiuo, quia dicendum erat in vtroque aut est, aut sit. deinde sic. R. Aristotilem.

Cæterum.
Ne iis quidē.

His vno i scribi.

Nouiter.
Recenter.
Prodesse.
Proficere.

Diuersitas
doru visioſa.

1. Licet aliqui vulgo dicāt physicam ac metaphysicam, tamen *Physica.*
 physica siue metaphysica, inscribūtur opera illa numero plura- *Metaphysica.*
 li. nec Aristotilem dicēdum fuisse, sed Aristotelem ipsa nos pro- *Aristoteles.*
 nuntiatio docet. quippe quū sic semper loquimur, Ego sum Ari-
 stotelicus, libri Aristotelici, opus Aristotelicum, non Aristotilicū.

R. Deinde, Et qui nobis tribuere, quā multū soles. 1. Quam *Quam.*
 multum dixit, pro permultum, contra suam ipsius regulam, si *Per.*
 sua potius, quā mea est. R. Deinde, Sed tamen cum neque li-

bris ipsis abundamus, nec fieri potest, vt non aliqua interdum
 excidant memoria. 1. Idem vitium, quod paulo antē attigi, de

diuersis modis in eadē oratione, siue in eodem cōplexu. R. Dein-
 de, Id ipsum, quod apprimē cupiūt, quā facile credūt. 1. Quā

facile posuit, pro perfacile, siue perquam facile, siue quamfacilli-
 me. Apprime minus oratorium est, significat tamen valde, pro- *Apprime.*

duciturque media syllaba. R. Animósque mihi quā familiares
 ostendere. 1. Idem, quem modo dixi, error. R. Deinde, Huius
 enim commentarii cognitio studiosis iuuenibus, & si non ma-

gnam vtilitatem (vt nonnulli iam iudicāt) afferet, at certe (quod
 magis cupio) bonam voluntatem. 1. Commentarium appellat *Cómentariū.*
 tam immēsum opus, quo nullum ex omni vetustate maius ex-

tat. Præterea videtur Raudensis non recte intelligere Quintilia-
 nū, cuius extrema verba operis de Oratoria institutione hæc sūt,

Habes Marcelle Victori, quibus præcepta dicendi pro virili par-
 te adiuuari per nos posse videbantur, quorum cognitio studiosis

iuuenibus, & si nō magnam vtilitatem afferet, at certe (quod ma-
 gis petimus) bonam voluntatem. non, inquit Quintilianus, suam

bonam voluntatem, vt de se ait Raudensis, sed iuuenum studio-
 forum, id est animum propensum ad virtutes, quum orator in

primis debeat esse vir bonus, quæ prima ipsius laus est: proxima,
 dicendi peritum esse. Vt solebat dicere Socrates, satis se fecisse in

discipulos, si bonam voluntatem illis induisset, id est mentem
 propensam ad virtutem effecisset. R. Deinde, Circa elegantiam

vocabulorum, splendorēque verborum, totus hic liber est e-
 ditus. 1. Editus dixit, pro conditus. Condere enim est compo- *Editus.*
 nere. Edere autem, publicare: nec liber quidem, opus hoc appel- *Conditus.*
 lari deberet. R. Stabit semper inconcussa sententia, malle imi-

tationem homines sine arte, quā artem sine imitatione possi-
 dere. 1. Neque imitatio est sine arte (quia pars artis est) neque *Imitatio.*
 ipsa ars citra imitationem fit. Quum enim legimus orationes,
 virtutēsque earum intelligimus, tunc imitatur id arte, quæ in

illis latet, nostrum pectus imbuimus, memoriāque instrui-
 DD.iii.

mus, nisi ipsum scribere, ac loqui orationem, imitationemque vocas, qui magis vsus, consuetudoque atque exercitatio vocari debet. Ac ne dubitare possimus imitationem artis esse partem, & quid ipsa imitatio, qualisque debeat esse, vno capite Quintilianus ostendit, sed initium posuisse sat fuerit. Ex his, cæterisque lectione dignis authoribus verborum sumenda copia est, & varietas figurarum, & componendi ratio, tum ad exemplum virtutum omnium, mens dirigenda. Neque enim dubitari potest quin artis pars magna contineatur imitatione. Nam ut inuenire primum fuit, estque præcipuum: sic ea, quæ bene inuenta sunt, vtile sequi. Atque omnis vitæ ratio sic constat, ut quæ probamus in aliis, facere sic ipsi velimus. Sic literarum ductus, ut scribendi fiat vsus, pueri sequuntur. sic musici vocem docentium: pictores opera priorum: rustici probatam experimento culturam, in exemplum intuentur. Omnis denique disciplinæ initia ad propositum sibi præscriptum, formari videmus: & hercle necesse, aut similes, aut dissimiles bonis simus. similes raro natura præstat, frequenter imitatio. sed hoc ipsum, quod tanto faciliorem nobis rationem rerum omnium facit, quàm fuit iis, qui nihil, quod sequerentur, habuerunt, nisi & cum iudicio apprehenditur, nocet. Deinde subdit præcepta imitationis, Post quæ de imitatione non hîscere molestissimum foret. At Raudensis vocabula quædam exponit, & bene dicta ab authoribus sine illa traditione, & alia multa ad rem nihil pertinentia inculcat. R. Reuertor. Paulo post, Accipiet reduces, id est reuertentes, dixit Virgilius. L. Seruius melius, qui exponit reduces pro à periculo domum reuersos. R. Præposteros habes tabellarios. id est redeunt. L. Non internoscimus quando aliorum, quando Raudensis exempla sunt: opinor astute hoc facit, ut sua quoque ipsius exempla veterum esse existimemus. Hæc verba Ciceronis sunt in epistola quadam hoc significantis, quod tabellarii nihil ordine, nihil tempore agunt. ut iterum in Lælio, Præposteros vtimur consiliis, & acta agimus: deinde consultamus, cum antè consultare ac deliberare deberemus, deinde agere. Et Quintilianus, Præpostera res est, filium occidere, deinde erubescere. id est peruersa, & quasi inuersa res est. R. Signum tibicinum ad armigeros reuocandos. L. Tibicines frequenter Raudensis ponit pro tubicines. Tibicines sunt, qui breuia illa organa inflant, multis in ligno ipso (si lignea fuerint) foraminibus vocem distinguuntibus: Tubicines verò, qui tuba canunt,

Reduces.

Præposteri.

Tibicines.

Tubicines.

Armigeros autem non esse milites, & qui essent, in elegantiss *Armiger.*
dixi. R. Ego Quintiliano hac in parte non satis adhæreo, vt
motus pro arbitratu meo in animo habere possim, & gemitus,
& singultus, & lachrymas veras fundere. flent de facili mulieres:
imo & viri gregales & inepti, animi magnitudinem nescientes.
similiter effœminati quidam, vt aliquando histriones & mimi.
idcirco Quintilianus ipse exemplum (vt sibi crederemus) edu-
xit dicens. I. Nequid foret, in quo non videretur à veteribus
discrepare, reprehendit tertiam partem oratoriæ artis Stoicus no-
ster. Non sentis Raudensis, te Ciceroni quoque atque ipsi veri-
tati, omnique indoli Romanæ repugnare? an non mouit lachry-
mas Cicero? certe ex arte, non quia lachrymæ ipsæ vel actori,
vel auditoribus sua sponte erumperent. negas adhuc? Stultè igitur
Cicero de mouendis lachrymis præcipit. quid? Marius in cau-
sa Aquilii Antonio perorante non flebat? aut non oratio ipsa M.
Antonii id efficiebat, mœsta, flebilis, & apposita ad lachrymas
commouendas? non vniuersus populus Romanus lachrymas
fudit, Cn. Graccho necem fratris deflente? non mille alios legi-
mus audientium lachrymas cõcitasse, sola vi orationis? non de-
nique sancti ipsi, atque Apostoli & fleuerunt, & fletum audito-
ribus excusserunt? non *CHRISTVS* & fleuit, & fletum non tan-
tum mouit, sed flere nos iussit? Quid? non ipsa lectione rerum
mirabilium ab optimis auditoribus compositarum ita moue-
mur, vt iram, gaudium, timorem, spem, dolorem concipiamus,
& sæpe lachrymas erumpentes cohibere nequeamus? quid de se
excellentiissimi quique confitentur? Ego de me fortassis tâquam
de mollis affectus, & fœminei pectoris homine, fatebor. quum
Odysseam primum legi, multis in locis, ita multæ cum singul-
tibus lachrymæ manabant, vt nec efferre vocem, nec inspicere
litteras possem. & hoc in re fabulosa atque poetica: quid facturus
in vera, aut quam veram esse crederem? atque ab hoc poeta lon-
ge omnium præstantissimo, nemo non heroum qui ad Troiam
pugnarūt, inducitur aut indignatione, aut dolore, aut misericor-
dia, aut gaudio, aut desyderio lachrymasse? & certe humani potis-
simum homines nec agrestes, nec efferati, vel spõte, vel ad actio-
nem optimi oratoris in fletum erumpunt. histriones autẽ (quos
effœminatos ait) non in rebus effœminatis, sed magnorum prin-
cipum (vtpote in tragœdijs. nã in comœdijs minus hoc accidit)
lachrymas mouet. quod opus non nisi optimorũ histrionum est
& optimorum oratorũ. R. Rigidus, infractus. I. Infractum pro *Infractus.*
non fracto accipit. quod (quantum memoria repeto) pro fra-

Præfractus.

Ripa.

Litus.

Rupes.

Alueus.
Crepido.

Os putei.

Riparia.

Efferre.

Elatus est.

Parentare.

cto frequentius accipitur . vt apud Virgilium , Turnus vt infractos aduerso Marte Latinos. Ergo præfractum dicere debuerat, pro rigido ac seüero. vt apud Ciceronẽ, Cato noster nimis præfractus, ærarium defendere videbatur. R. Ripa. I. Quatuor nomina attingit, quorum nullum aut planè, aut verè exponit : ripa, alueus, crepido , riparia : quæ ipse & planius & verius exponam. Ripa sic est extremitas terræ, quam aqua fluminum , torrentium, riuorũque alluit: vt extremitas terræ quam alluit mare, est litus . nisi quod ripæ possunt esse arduæ, litora verò nemo vocat scopulos præruptamque , atque imminem mari terræ altitudinem, quæ propriè rupes dicitur, siue mari impendeat, siue plano . Lacuum autem stagnorũque, ac magnarum paludum magis litus , quàm ripa dicitur, qui propius ad imaginem maris accedunt, vt sint tantum ripæ aquarum currentium, excepto Hellesponto, & siquid est tale, quarum (vt sic dicam) lectus vocatur alueus. Crepido, est ora terræ, quam aqua alluit, ex hoc appellata, quòd ibi aqua alluens crepat, crepitatve quum currit, aut vndas appellat, licet Græci sibi huius nominis originem vendicant. Per metaphoram verò & putei extremam oram, quæ ad puteum respicit, quod vulgo dicitur os putei: & omnem extremitatem solemus crepidinem appellare, vt apud Hieronymum, In crepidine viæ. Riparia autem non inuenitur. licet Genuenses, & alii quidam oram maritimam ipsorum ripariam vocent, quasi mare ripas habeat. R. Riuula diminutiuum de riuo. I. Rima & rimula scribendum est, alioqui nescio quid hoc nomen sit.

R. Sacrificare. Deinde, Nullo modo se diues extulit, id est extra vitam se tulit. I. Imo ad sepulturam se exportauit. Est etiã extulit se, id est exaltauit se. venit tamen ab efferre: vt Efferam eũ laudibus, & Extuli illum præconio meo. tũ ab extollo: vt, Noli me supra modum extollere. Ego te infra meritum extuli. Item extuli ab efferre, id est ad sepulturã, vel extra urbem tuli. siquidem veteres (nisi fortè imperator, aut magistratus, aut singulari quodã merito insignis) solebant extra urbem sepeliri, & præcipuè honesti homines circa vias. Inde frequenter epitaphia ad viatores diriguntur: eoque quum dicimus, Elatus est, significamus ad sepulturam, siue ad rogam extra urbem domũve. nam potest esse domi, qui extra muros latus est. R. Parentare, est vmbri mortuorũ, aut tumulis parere, obsequi, ministrare. I. Hieronymus exponit pro conuiuũ facere in honorem mortui. proprie autẽ parentare est mortuo, præsertim in tẽplo, hostia humana satisfacere, eiũsq; manes hostili sanguine placare. vt Achilles Patroclo fe-

cit,& AEneas Pallanti facere destinauerat. Cicero de Antonio dixit, Quòd cineribus Cæsaris quū ipsius Ciceronis tum aliorum multorum cruore parētare vellet. Mirórque cur à pareo traducat hoc verbum Raudensis,& nō à pari, siue à parente, quū hæc primam breuem habeant,pareo verò longam. R. Operari deos religiose,& ex sacrificiis summa veneratione litare,vel cōuiuari. Virgilius in primo Georgicorum, Lætis operatus in herbis. exponit Nonius, sed ego non memini. L. Quid non meministi Raudensis? Noniumne hoc dixisse in Virgilium? itāne memoriter, vt ne repetere quidem libros velis? si non recordaris, euolue authorē: sin male dicere existimas, profer sententiā tuā. Præterea litare aut nō exponis, aut minus recte exponis. significat enim sacrificio deos propitios impetrare. hoc est, cū aues addicunt, aut cum exta bene promittunt, vt frequenter legimus de multis ducibus, eos, cum sacrificassent, litare nequisse. R. Litare. Sacerdos. Deinde, Est magis Latinum nomen quàm presbyter, id est episcopus, & quàm &c. L. Quod ait, non probat. nos autē sciamus sacerdos esse nomē Latinū, presbyter verò Græcum. de quo latius in alio disputauimus opere. verū ibi de vi nominis, hīc autem de sola significatione ac voce, quam è Græco sumus mutuati, præterquam quod non presbyterus dicimus, sed presbyter: quum ratio magis illud exigat, q̄ hoc, nisi eadē ratione à presbyteros declinemus presbyter: vt ab Alexandros Alexander, nō Alexandrus: ab Antipatros Antipater, non Antipatrus: à Menandros Menander, non Menandrus. Virgilius tamen ab Euandros & Euander dixit, & Euandrus. Presbyter apud Græcos adiectiuū est, significatque in cōparatione, vt apud nos antiquius pro melius. R. Sacrarium. Deinde, Pastophorium, vbi sacraria reponuntur. L. Sacra reponuntur, non sacraria. hæc continent, illa continentur. nec pastophorium est sacrarium. licet Græci quidā sic exponunt, dicētes esse gazophylacium, alii verò thalamum nuptialē, cū quibus propè sentit Hieronymus, qui in Esaiam ait, Pastophorium est thalamus, in quo habitat præpositus templi. R. Saltem. Deinde, Emicat in currum, id est saltat. L. Salit dicere debuisti, aut insilit. saltare enim tripudiare est: illinc venit saltus, hinc saltatio, quod est (vt Virgilianis verbis vtar) pedibus plaudere choreas. R. Sanitas. Deinde, Sana Philumena est? Pamphilus, meliuscula est. id est paulisper melius. L. Imò aliquantulo melius habet. paulisper enim est per aliquantulū temporis. R. Satelles, Deinde, Emissarius, id est sicarius. L. Hoc ipse non reperi, sed pro eo qui ante exercitū mittitur vel ad explorandum,

Litare.

Sacerdos.

Presbyter.

Sacrarium.

Pastophoriū.

Salto.

Salio.

Meliuscula

est.

Paulisper.

Emissarius.

- vel ad prælium laceſſendum. aliqui appellant arietem emiſſariũ eũ, qui emiſſus in ſolitudinẽ eſt, vel qui ad generandam ſobolem emittitur. ſed videtur ratio velle, vt dicatur admiſſarius, vnde admiſſura, quando marẽs brutorum admittuntur ad fœminas. ſed de hoc alio loco dicetur. R. Siccarius à ſicca, id eſt gladio abſconſo in ligno. I. Vt ita ſit, quòd ſica abſconſa eſt in ligno, cur non illud Quintiliani addebas, ſicarios eos etiã appellari, qui cædem telo quocũque cõmiſerint? R. Scânũ. Deinde, Nã papa in ſuggeſto, cardinales in ſubſellio inferiori ſedẽt. Suggeſtus enim eſt regalis ſedes. I. Imò ſuggeſtum eſt locus ſuperior, vnde ad populum ſenatũve orationem habemus: hinc eſt, quod dicitur quis ex ſuperiore loco orare, quod ſignificat Cicero cũ Prætor ad populum inquit, Hic autem locus ad agendum ampliſſimus, ad dicendũ ornatiffimus eſt viſus Quirites. Quòdque probat Raudenſis. Exemplum ex eodem Cicerone ſumptum, Idem quũ in communibus ſuggeſtis conſiſtere non auderet, cõcionari ex turri alta ſolebat. T. Liuius libro 8. ſic ait, Naues Antiatum partim in naualia Romæ ſubductæ, partim incenſæ, roſtrisque earum ſuggeſtum in foro extructũ, adornari placuit, roſtræque vel templum appellari. R. Scelus. Deinde, Terentius dixit, Ah minime gentium. id eſt nequiſſime. I. Pro nomine (quantũ intelligo) accipit Raudenſis minime, cum ſit aduerbium: idẽmque eſt minime gentium, quod minime: ſicuti vbique gentium, quod vbi. nuſquam gentium, idem quod nuſquam, ſive nequam. R. Scire. Deinde, Quare viderit Epicurus, id eſt ſciat. I. Imò videat, hoc eſt, huius rei illi cura ſit, vel huius opinionis ille rationem reddat, non ego. de hoc in elegantiarũ opere diximus. R. Scopere. in pſalmo habetur, Scopẽbam ſpiritum meum. I. Hieronymus in Eſaiam tam in ipſius Eſaiæ verbis, quàm in ſuis, ſcopare ait, non ſcopere. hoc eſt primæ coniugationis verbo uſus, non tertiæ, niſi me codex fallit. R. Scribere. Deinde, Cicero ait, Sæpe ſcribam ad te, tu ad me velim. nunquam dicit tibi. I. Hoc iterum ſuperius præceperat. timuit enim, niſi obliuione factum eſt, ne tam eximium elegantix præceptum non ſatis aduerteretur, niſi repetiſſet. quod ſi verum eſſet, nimirũ & Raudẽſi ob hoc inuentũ gloriari liceret: & ego vt confiteor, erubeſcerem, qui hoc non aduertiffem, cum de elegantia ſcripſi. Verum hoc non me ſefellit, ſed illum: nam (vt taceam alios authores) ille ipſe, quem Raudenſis protulit, ita Trebatio ſcribit, Scripſit ad me Cæſar perhumaniter, nõdum te ſibi ſatis eſſe familiarẽ propter occupationes ſuas: ſed certe fore, cui

ego quidem rescripsi. nō dixit, ad quē ego rescripsi. Iterum circa finem, Scribit enim ipse mihi sibi gratias agere debere. Et iterū in tertia ab hac epistola, Sed tu in ista epistola nihil mihi scripsisti. Et multis adhuc aliis in locis. Idem in Philippicis, At etiam literas, quas me sibi misisse diceret, recitavit homo, & humanitatis expers, & vitæ communis ignarus. R. Secretus. Deinde,

Penetralia, & aditus sunt loca secreta. I. Adytum non aditus Adytum.

dicitur, videlicet cum y, non cum i. significatque secretiorem, & (vt sic dicam) inaccessam partem templi, & quasi sancta san-

ctorum: sic autem proprie templorum penetralia dicuntur adyta, vt ianua, valua. vt Cicero in Verrem, Quæ multos annos ad

Ianua.

valuas lunonis Samiæ steterunt. Et in eundem postea, Conuul-

Valua.

sis repagulis, effractisque valuis, demoliri signum, ac vestibus labefactare conantur. nam quod Ouidius inquit, Argenti bifores radiabant lumine valua: Domus solum pro templo accipiē-

Domus.

da est, quū templum nihil sit aliud, quā domus Dei alicuius. etiam valua curia, locorumque solennium dicuntur. R. Sena-

Templum.

torum. Deinde, Cicero autem de senectute tantum aliquando senectuti honoris tributum scribit, quod vt quisque natu gran-

Cōparatiuū.

dior esset, ita prior in senatu sententiā rogaretur. I. Cur Cice-

ronis verba deprauas, & eum barbare loqui facis? non dicimus grandior & prior inter plures, sed inter duos. rogaretur etiam

dixit pro rogabantur: quod ideo ipsi contigit, quod pro illo vt, quod erat accommodatius, dixit Q V O D. R. Seneca. Deinde, Quintilianum nominat Seneca nono Declamationum suarum li-

bro, dicens, Transeo istos, quorum cum vita fama extincta est.

I. In hunc errorem incidit Petrarcha, qualia multa peccat Vincentius historialis, vt alii multi ex plebe illiteratorum, quī

aliū pro alio, vel authorem, vel principem virum ponit. velut Statium Tholosanum, pro Statio Cæcilio: ac tres Catones pro

vno, duosque Scipiones pro vno, nescientes quo quisque tem-

pore fuerit. ita hi duo non vident Quintilianum plurimis an-

nis superstitem Senecæ fuisse: quippe qui opus de institutione o-

ratoria sub Domitiano, Traianoque composuit: & mentionem Plinii iam mortui facit, sicut & ipse Plinius de Seneca

mortuo. Senecam verò à Nerone interfectum, qui senior Quintiliano circiter octoginta annos fuit, quique (si ipsi credi-

Senecæ ætas.

mus) potuisset audire Ciceronem qui ante Quintilianum ob-

Ciceronis se-
culum.

it circiter centum quinquaginta annos. ergo alius Quintilia-

nus fuit, de quo Seneca meminit, & forte pater Quintiliani aut

auus. Nam pater Quintiliani eloquēs sanè fuit, vt quodam loco

filius ipse testatur, afferens orationis illius testimonium . Quod si ita est, non ex Calaguritana vrbe oriūduſ est, vt Hieronymus ait: ſin illinc eſt, ergo nec pater Quintiliani fuit, de quo facit Seneca mentionem, quoniam Calaguræ non Romæ eloquentiam exercuit. Nam idem Hieronymus ait, Galbam (qui fuit imperator poſt Neronem) duxiſſe Quintilianū ex Hiſpania, vt Romæ rhetoricam doceret, de quo aliàs plura dicemus: hoc tantum dixiſſe contenti, Quintilianum hunc à puero Romæ fuiſſe eruditum, & Hieronymum ita in Quintiliano potuiſſe errare, vt fecit in Bruto, quem ait duxiſſe Porciam Catonis filiam in matrimonio virginem, quæ fuerat Bibuli vxor, vt Plutarchus ait. De Seneca autem, an vnus ſit, an duo, minus diligenter attigit, contētus ſentētia nescio cuius Sidonii poetæ. nec animaduertit Quintilianū testimonium afferre Senecæ in tragœdiis, vbi Medea ad Creontem loquitur, Quas peti terras iubes? & tamen vnum Senecam inter legendos nominare, cuius & epiſtolæ & dialogi & poemata & opera philoſophiæ ferantur. Tamen duo eximii Senecæ fuerunt, vt Martialis teſtatur, qui fuit æqualis Quintiliani Iuuenaliſque: ait enim, Binōſque Senecas, & vnum Lucanum faciūda loquitur Corduba. Cæterum, an idē ſit qui tragœdias & alia opera condidit, dubitari poteſt. certe qui nouæ tragœdiæ author eſt, Seneca maior non fuit, de quo aliàs ſuo loco dicemus: nam de eſtatis ad Paulum, & Pauli ad eum epiſtoliſ, in alio opere diſputauimus. R. Secta. I. Sectam & factionē idem eſſe vult: cum ſecta ſit inter philoſophos, aut philoſophis ſimiles. factio autem inter potenteis ciues, vt ſuperius oſtēdimus. R. Sensus. Nonius ait, Sensus, qui ſentiūt: ſenſa, quæ ſentiūtur. I. Cur non afferebas ad hanc rem Quintilianum qui eam exponit planius, inquiens, Non raro tamen & ſic locuti ſunt, vt ſenſa ſua dicerent. nam ſenſus corporis vocabantur: ſed conſuetudo iam tenuit, vt mente concepta ſenſus vocaremus. R. Sententia, eſt color rhetoricus Ciceronis. Quem ſi imitari collibuerit, non incōgrue conuenit exordio, modo non ponatur in principio: tunc enim incideret illud exordii vitium, quod appellatur cōmune & vulgare. I. Hoc eſt quod me promiſi redditurū, quo ſe primū offerret loco: ideōque quæ hīc dico, eadem in cæteris, aut ſimilia poſſem dicere. nam quis iſtas minutias præceptorum aut tradidit, aut traditas cuſtodire poſſet? præterea, quis te Raudenſis docuit ſententiam facere vitium, quod dicitur cōmune & vulgare? ſi enim ita eſſet, omnis ſententia vitioſa eſſet. ſiquidem vitii cōmune aut vulgare in qualibet parte orationis committi poteſt,

non tantum in exordio, atque in ipso exordio infinitæ sententiæ Exordia à
sententia. reperiuntur, ut apud Quintilianum, Fas est vita periclitari, qui natum se meminit lege pereundi. Et Cicero in Salustium, sic exorsus à sententia, Ea demum magna voluptas est Crispe Salusti, æqualem ac parem verbis vitam agere. Statimque post, Neque qui viuit ut tu, aliter ac tu loqui potest: nec qui tam illorum sermone vititur, vita modestior est. Nec longe post, Nō enim procacitate linguæ, vitæ sordes eluuntur. Sententia in
narratione. R. Sed tale sit exordii principium, quale Cicero præcipit. Egressio. I. Quod istud genus principii est: neque enim vnum est exordiendi genus. R. Valet in confirmatione & confutatione. I. Cur nō in narratione? ut pro Milone Cicero, Quod quisque seruos suos in tali re facere voluisset. Et Quintilianus, Semper apud sollicitos in deterius prona persuasio est. Et alibi, Scitis quā negligenter custodiat ferrum bona conscientia. Cur non in egressione? ut idem Cicero & pro eodē, Fabulam Sententiæ
variæ. vanam, fictam, falsam perhorrescimus. R. Conclusioni autem conuenit per amplificationem & commiserationem. I. Ergo sine amplificatione & commiseratione sententiis uti non possumus: ergo omnes sententiæ, aut lachrymas mouent aut indignationem. An illud, Difficile est tacere, cum doleas. Aut illud, Nihil est tam populare, quā bonitas. Aut illud, Nulla est tāta virtus, quæ dulcedine gloriæ non tāgatur, aut infinita huiusmodi versantur in lachrymis aut indignatione? O quā longe & ab arte, & ab usu abest, qui hoc de sententia sentit. Sententia in
iudiciali. R. Congruit generi demonstratiuo, maximèque deliberatiuo generi. I. Si indignationi ac miserationi congruit sententia, color profecto non minus iudiciali conueniet, in quo maxime indignatio, commiseratioque versantur. R. Etiam honesto nonnunquam in dubio. I. Vix dici potest quātopere Raudensis ineptiat, qui honestum genus causæ, & dubium cum genere demonstratiuo, deliberatiuoque coniūgit, quasi aliquid simile inter se habeant. Verū quia Genera cau-
sarum. nonnihil hac in re etiam Victorinus errauit, non satis intelligens in quo differant tria genera causarum, Demonstratiuum, Deliberatiuum, Iudiciale, ab aliis quatuor generibus causarū, seu quinque, honesto, turpi, ambiguo, humili, admirabili, reddam ipse differentiam. Omnis causa aut de præterito est, aut de futuro. si de Demonstra-
tium.
Deliberatiuum.
Iudiciale. præterito, aut pro nostra voluntate laudamus, vituperamusve: aut alium accusamus, petimusve, siue defendimus. Illud demonstratiuum genus causæ est, hoc iudiciale. Si de futuro consultamus, hoc erit deliberatiuum. Item omnis causa aut in lite est, aut extra litem. si in lite, iudicialis est. sin extra litem, aut in consul-

Causa iudicialis.
 Deliberatiua.
 Demonstratiua.
 Communis.

tationem venit, quod est deliberationis: aut laudamus, vituperamusque, quod est generis demonstratiui. At illa alia quatuor non sunt nisi proœmii, quæ est vna pars orationis, nec communis ambarum partium, siquidem causa iudicialis communis est actoris & rei, vt Milonis & Clodianorum. Deliberatiua, vt Fabii & Scipionis de traducendo in Africam exercitu. Communis est demonstratiua, vbi hinc laudatur, illinc quispiam vituperatur, vt Tu laudas Dionysium, ego vitupero: vtriusque personæ communis est. An in exordio secus sit: ponamus ipsius verba Ciceronis, vt pro viro forti contra parricidam. Causa erit iudicialis, & hæc tam ad parricidam pertinet, quàm ad virum fortem. ergo vna erit ambarum. in proœmio verò diuersa. nam sua cuiusque erit, altera viri fortis, altera parricidæ. illa quidē honesta, quòd pro viro forti: & eo honestior, quòd cōtra parricidam. hæc verò turpis, quòd pro parricida: & eo turpior, quòd cōtra virum fortem. erunt itaque duæ causæ ac diuersæ, & inter se plerunque contrariæ, vt cōmunes esse nullo modo possint. neque verò vis hæc causæ honestasque, aut turpitudine ad causam illam, quæ & controuersia dicitur, aliquid pertinet, sed est præsumpta quædam hominū opinio de actoris parte, vel rei, quòd partem hanc honestam esse existimant, illam turpem: neque id semper recte, cum de bona possint male sentire, & de mala bene. quod etiā sæpe vsu venit, adeò vt fortis viri causa queat esse iniusta, & parricidæ iusta. non enim personæ faciunt causam bonam aut malam. ideoque orator cū intelligit partem quam tuetur, laborare infamia, apud iudicum, auditorumque mentes purgat infamiam, conciliatque eorum animos ad bene sperandum de causa, quam acturus est: & quantum fieri potest, contrahit in exordio beneuolentiam sibi, & ab aduersario alienat, vt postea probationem ipsius causæ in qua iudicium pendet, audiant de iure nostro bene, de aduersarii male, iam opinionem quandam præsumentes. Ideoque hoc honestum genus causæ apud Græcos ab illo honesto quod virtutem significat: & hoc turpe ab illo, quod vitium diuerso nomine appellatur: dicitur enim *ἔνδοξον*, & *ἄδοξον*, quasi bonæ famæ & malæ famæ. Quod etiam probant cæterorum generum nomina, dubium, humile, admirabile, & siquod est aliud, non mutant genus causæ, quo minus sit, aut iudiciale, aut deliberatiuum, aut demonstratiuum: sed tantum innuunt auditorum tacitam quandam vel de nostra, vel de altera parte opinionem, quæ plerunque nihil ad ipsam causam facit, eoque extra ipsam probationem causæ. nam proœmium quoque magis satelles, ac fa-

Proœmium.

mulus causæ est, quo causa ferè tractatur. Sed hæc satis: pergamus ad reliqua. R. Magis id conuenit coniecturali & iudiciali, quàm legitimæ. L. Quomodo istud probas? an legalis materia minus pōderis habet, quàm cætera: & quod coniecturalis recipit, id legitima non recipiet? Quid, non legitima versatur in coniectura frequenter, semperque aut coniecturæ, aut finitioni, aut qualitati succedit, quæ sunt sola capita constitutionum?

R. In argumentando confirmationi & exornationi tantum.

L. Argumentatio est pars confirmationis, non confutationis. nam confutationem Aristoteles non numerat inter partes orationis, hoc ipso, quod qui confutat alteram partem, confirmat suam. Est autem idcirco argumentatio pars confirmationis, & si vis, confutationis, quia non tantum argumentis confirmatio, confutatioque constat, sed etiam testibus, tabulis, aliisque nonnullis. quod si confirmationi conuenit: ergo & confutationi. sed

his conuenit: ergo & omnia argumentationi. R. Item figuræ graui & mediocri aliquando etiam attenuatæ conuenit, quum ipsa attenuata ad mediocrem transit. L. Quasi omnes sententiæ graues sint & mediocres, ac non etiam plurimæ attenuatæ. vt enim materia vel grandis, vel parua, vel mediocris est, ita sententiæ variæ reperiuntur: nec tantum sub hac trium generum varietate inclusæ, sed sub alia mille genera. sunt enim dulces, acres, tristes, lætæ, honorificæ, lasciuiæ, mordaces, blandæ, flebiles, inuidiosæ, & aliæ, quas persequi longum est, in vnumquodque cadentes causæ genus. At enim vt sibi credamus, affert è Terëtio exēplum.

R. Quod animaduersum à Terentio nonnullis locis videmus, quum præsertim sermo datur pluribus, vt Simoni in Andria: & aliis grauibus, & bonis viris, vt Chremeti quū Menedemum alloquitur in principio Heautont. tunc enim liceret vti sententia. L. Vbi non apud Terentium est aliqua sententia? an non statim libertus Sosia non pauciora sententiose dixit, quàm Simo patronus & senex? veluti illud, Nam ista commemoratio, quasi exprobratio est immemoris beneficii. Et iterum, Nam appime in vita vtile credo, nequid nimis. Atque iterum, Obsequiū amicos, veritas odium parit. Et iterum, Nam si illum obiurges, vitæ qui auxilium tulit: quid facias illi qui dederit damnum aut malum? Et hoc quidem in narratione, in qua non vult Raudensis locum esse sententiis, quum in eodem loco Simo dicat & ipse nonnulla sententiose, quale est illud, Nam qui cum ingeniis conflictatur eiusmodi, neque commouetur animus in ea re tamen: scias posse habere iam ipsum suæ vitæ modum.

Sententiæ attenuatæ, genera attenuatarum.

Sententiæ in Terentio plurimæ.

- Et iterum, Ita vt est ingenium omniū hominum procliue à labore ad libidinem. R. In epistolis maxime ad cōfirmationem narrationis, vel petitionis, aut etiam conclusionis. I. Aliāne ratio est vtendi sentētiis in epistolis, quā in cæteris sermonibus? cum plurimæ epistolæ sint graues ac sublimes, multūque admonitionum & præceptorū continentes, proximēque accedētes ad summum illum gradum, qui est in orationibus, quemadmodum multæ sunt orationes, præsertim aliquibus in locis quotidiano sermoni proximæ: quid porro dices de libris, quales sunt dialogi, aut ex persona ipsius authoris? R. Aliqui tamen utebātur in exemplo, sed non Cicero & antiqui. I. An non sententiose locutus est Cicero pro Milone? Pudicitiam cum eriperet militi tribunus militaris in exercitu C. Marii, propinquus eius imperatoris interfectus ab eo est, cui vim afferebat. Facere enim probus adolescens periculose, quā perpeti turpiter maluit. Atque ille summus vir scelere solutum, periculo liberauit. Denique hæc præcepta ita perplexa, ita dura, ita difficilia, etiā si forent vera, mihi videntur, vt iam nunc desperare me illa custodire posse. Nam ad singulos colores, aut totidem, aut plura præcipit. verū quid ago, & retexo reprehensionem meam? Redeo enim in memoriam, hæc Alanum, & alios quosdam (quorum nomina pro amicitia nostra proferre vereor) tradidisse, in quos mea accusatio præcipue quidem cadit. sed nōnulla quoque in Raudensem ipsum, qui vel stulta dicta imitari, vel (quod turpius est) aliena pro suis habere voluit. Hoc contra alterum illud è nostro addimus, Ire in sententiam pedibus, est alterius sententiæ nō verbo, sed corpore accedere: vt apparet quū ex aliis multis locis, tum verò è septimo Liuii libro, vbi Decius ad commilitones, qui secum obsessi intempesta nocte erant, orationem habens inquit, Qui hoc sentitis, in dextram partem pedibus transite: quæ maior pars erit, eo stabitur consilio. Deinde peracta oratione dicitur, Omnes in dextram pedibus transferunt. Hæc ratio inuenta est, quòd nonnunquam longum est audire singulos, dum plurima sunt, vel duo capita sententiarū sunt, vt expeditius res fiant. Aliquando ne pedibus quidem ire præ multitudinem ad sententiā possumus, ideoque manu sententiā significamus. Quod Quintilianus intelligit, vbi ait, Manibus pedibusque imus in sententiam necessitatis. R. Sequitur deinde, Imitationes. Cicero, Liuius & alii antiqui non dicerent à sequenti, sed insequenti: & dies insequentes, non sequentes. I. Imò frequenter & sequens. vt Ille mensis fuit foris periculosus, sequens non minus domi. R. Ser-
- Sententiæ in epistolis.
- Sententiæ in exemplo.
- Alanus.
- Ire in sententiam pedibus.
- Manibus ire in sententiā.
- Sequens.

uus. Paulo post, Dedititii sunt, qui ante libertatem ob manifestam culpam à dominis suis stigmata vel tormēta perpeffi sunt.

l. Hoc mihi inauditum est, sed dedititios esse omnes, qui se vel hostibus dedunt, vt ciuitates obsessæ, præsertim desperantes se posse urbem defendere, aut castra: vel qui metu hostium alteri principi, aut populo sese dedunt, vt periculis impendentibus liberentur. Quod fecerūt quū alii plurimi, tum Campani, quū metu Samnitium sese dedidere populo Romano. Per abusionem tamen dicimus, Ego sum dedititius tuus. id est tibi deditus, atque tuò imperio obnoxius. R. Clientela, est multitudo seruorum. Clientela.

l. Imo eorum, qui potentem aliquem ciuem, principē mve fauore prosequuntur, & cuius dignitatem factionēque tutantur, ducti aliqua mercede vel beneficio. Forte Raudensem fefellit, quòd Lucanus inquit, Emptique clientes. Verum non de seruis loquitur poeta. Non enim in seruis Pompeius spem sibi reponerat, sed in liberis ac ciuibus, seruilem tamen, non liberalem animum habentibus, qui vānalem haberēt ingenuitatem: ideoque addidit empti, quia clientes emptitii non sunt: quales si forent, non adderetur empti: quia quū dicimus seruos, non adiciamus emptos. R. Misit vnum de stipatoribus suis, id est seruis pedissequis. l. Cur seruos interpretaris stipatores, quum regum stipatores sint maxima ex parte potentes ac nobiles? ex hoc dicti stipatores, quòd regem stipant, & vndique circumdant ac claudunt, pene constringentes, instar apium circa ipsarum regem.

R. Prægustator, est seruus qui ad mensam domini sui prægustat cibum & potum. l. Cur seruum appellas, qui plerunque apud mensas principum est egregius aliquis? R. Si, siquidē, quasi idē sunt, vide imitationes. Cicero ait, Molesta veritas est, si quidem ex ea nascitur odium. l. Imo siquidem pro quoniam, si tamen hæc sunt verba Ciceronis. Nam homini ipsi molesta est veritas, quia odium parit: non autem, si parit odium: quasi de hoc author dubitet, quod non facit, sed eodem modo affirmat quo Terentius in Andria, Veritas odium parit. Nonnunquam si quidem pro si. Lege nos in elegantis. R. Sic. Paulo post, Hactenus excanduit, id est sic, vt malum his qui descissent minaretur. Item de eodem, Domum suam quū absolutam dedicaret, hactenus comprobauit. id est sic, vt se diceret, quasi hominem tandem habitare. l. Nisi deprauauit authoris verba Raudensis, melius exposuisset, intantum, vel adeò, vel vsque eo. Idem autem efficiunt hactenus & eatenus, quemadmodum hic & is, quū dicimus, Qui bonus, hic diues est, vel is diues est. R. Sigillū. Paulo post, Spinge EE. i.

Dedititii

Clientela.

Clientes.

Stipator.

Prægustator.

Siquidem.

Sic.

Hactenus.

Eatenus.

Hic & Is.

vsus est imagine, id est griphonis. l. Quis tibi assentiatur sphingem esse quod griphen, siue (vt verbo tuo utar) griphonem?

R. Simulare. Paulo post, Qui fingit se scire quod nescit, simulat: qui verò quod scit, nescire, dissimulat. l. Absolutius exponitur,

Simulo.

Dissimulo.

ff

Δ

d.

C.

c.

Non ab re.

Per causam.

quod est, dissimulat. R. Simonia à Simone mago dicta est, scribitur. ff. Ad legem Iuliam de ambitu. l. Nunquid in Δ fit mentio de Simone Mago? Sciamus autem literam, qua significamus opus. ff. Non duplicem f esse, sed Δ Græcum solennius: quod ita fieri debet, Δ, ad differetiam minoris d, pro significatione distinctionis: sicut fit in C grandiusculo, qua litera intelligitur codex, vt differat à c parua, quæ significat capitulum. R. Sine causa,

non ab re, id est non sine causa. l. Imò non sine utilitate, aut non sine iusta ratione vel causa. Hoc præterea præceptū addere

poterat, per causam significare, per simulatam causam, siue per speciem. vt Liuius libro 24, Vt cum appropinquaret ianuxæ rex, per causam aliquā in angustiis sustineret à tergo agmen. Frontinus libro tertio stratagematon (Nam ipse dignus est qui in testimoniu afferatur) Huiusmodi fallaciam instruxit, vt ille per causam venandi noctu procederet. Hoc Frontini exemplū ideo protuli, quod Liuius hunc eundem locum sic refert, Hi priusquā aliquid mouerēt, colloquendum cum Annibale rati, nocte per speciem venandi vrbe egressi, eò proficiscuntur. En apparet idem esse per

Per speciem. causam, & per speciem, id est per simulationem. siquidē Liuius idem non ita distante illinc loco ait, Quem vt incautum opprimeret. Appius Claudius, per simulationem prouinciæ circuēdæ Messanam traiecit. R. Societas. Non multo post, Caterua est hominum, turma est auium. l. Imo Caterua est peditum, aut cō-

Caterua.

Turma.

Tinnire.

munius nomē est. Turma verò, equitū, quæ certo numero cōstat, vt Vegetius & alii nōnulli tradunt. R. Sonare. Paulo post,

Tinnire, est sonare acute. l. Tinnire proprie dicimus quū de metallis loquimur. vnde Quintilianus, Nam homines sono, sicut æra tinnitu, dignoscimus. hoc est, quod aliter tinnit aurum, aliter argentum, aliter æs, aliter ferrum, aliter plumbum, aliter stannum, aliter orichalcum, aliter electrum, & siquid est aliud. R. Thraiciam digitis increpuisse lyram. id est sonasse.

sonare.

l. Sonasse pro sonuisse posuit. accusatiuum etiam præter eius naturam tribuit, immutata etiam significatione. Nam sonare regit accusatiuum in alia significatione. vt Virgilius, Nec vox hominem sonat. Cicero, Poetis Cordubensibus pingue quædam sonantibus. Itaque pulsasse, aut percussisse debuit dicere, si-

ue lyra cecinisse. nā qui pulsāt fides, organāve, aut tibias inflat, canere dicitur. R. Nablum Hebraice, Psalterium Latine. *l. I.* Cano. Psalterium. Nablum. Nablium. apud Ouidium libro tertio de arte,

Disce etiam duplici genialia nablia palma

Vertere, conueniunt dulcibus illa iocis.

Nec abnuo, nablum Hebraicum esse posse, vt ait Hieronymus in proœmio super psalmos. Psalteriū Græcum est: & Latine organum dicitur, quod Hebræi nablum vocant. R. Lira ab ipso Lyra. sono dicitur, scilicet liron: liron, id est syringa. *l. Proba,* quia Syringa. non credo: lyra manu pulsatur, vt versus Ouidianus modo ostēdit: syringam ore modulamur, vt apud eundem est, quū fuisset facta syringa ex arundine. R. Nola est sonalium accipitrum. *Nola.*

l. Si nola nomen vetus est, non potest esse id quod accipitres nunc ferunt, quū veteres ne venaticas quidem aues mansuefecissent, & ad prædam instituissent, vt nos facimus, nedum tintinnabulis ornarent. sin nouum, referat authorem vnde prolatū sit.

R. Somniare. Deinde, Hallucinare, vana somniare. *l. Imo hal-* Hallucinari. lucinari, est visu errare, atque caligine quadam obducta, minus recte dignoscere: quod ad oculos etiam mentis transfertur.

R. Sperma, genitale est semen. *l. Græcū nomen est pro omni* Sperma. semine, & quod dicitur apud Ecclesiasticos, de semine Abraham, de semine Dauid, Adæ, spermate Græcè dicitur. Quod non minus pudens vocabulum est, quàm apud nos semen. nam idem nomen est, cum dicitur, Exiit qui seminat seminare semen suū.

R. Spina. Deinde, Frutex, pluraliter frutecta. *l. Quasi frutices* Frutecta. plurale non reperiatur. sic autem dicuntur frutecta à frutex, vt à carex carecta, à sentes senticeta, à rosis rosetum, & plurale ro- Senticeta. Rosetum. seta. est tamen frutex aliud quàm spina. lege nostras elegantias.

R. Stipendium. Paulo post, Item meruerant sub eis, stipendiarii fuerant, & mercenarium militem, id est stipendiarium. *l. Imo* Stipendiarii. stipendiarii sunt, qui pendunt stipendium, non qui recipiunt. populi multi erant stipendiarii reipublicæ Romanæ, hoc est, quod pendebāt, soluebantque stipendium. Igitur dicendum est sti- Stipendiati. pendiat, id est stipendia recipientes. quo vocabulo nescio an de veteribus: certe de recentibus nonnulli vtuntur. R. Studium. Deinde, Gymnasium locus exercitii studiosi. *l. Imo locus lu-* Gymnasium. dorum appellatur à palæstra, quam nudi exercent. quo in loco quū à ludis vacaretur, consueuerant philosophantes disputare. quod probat Cicero cū ait, Multis sæculis antè gymnasia inuen-

- ta esse, quàm in iis philosophi garrere cœpissent. R. Subrogare. Paulo pòst, Si militare non vis, vicarium tibi dabo, cui arma tua tradas. id est, in loco tui qui vicem gerat. L. Loco tuo dicendum erat, non tui. Possessio enim significatur, nō passio, quale, Amore tui huc veni: nempe quia tu amaris à me. hoc tamen in elegantia opere dixi. Illud non dixi, induere habere hanc constructionem. vt apud Ciceronem in Academicis, Et (vt docui) Antiochus in idipsum se induit, quod timebat. Quintilianus in II, Quū in grauiissimas frequenter legum, semper verò malæ conscientia poenas à semetipsis improuiso rerum exitu induantur. R. Superfluere. In fine, Hic autem ex abundanti facit, id est superflue. L. Imo accumulate, & quodammodo benignius, vt nō solum satis sit rationum in causa, sed (quod multo præstat) abunde sit. R. Tanquam. Deinde, At ipse (vtpote adolescens alti cordis) idem tanquam, vtpote præsens fuisset. id est tanquam, velut, veluti. L. Aliud est vtpote, aliud tanquam. est enim vtpote causatiua, vt quippe, quemadmodum in elegantiis ostendi: verum hæc exempla Raudensis, vt solet, ex seipso fingit, non aliunde repetit. quorum secundum ineptum est ac minime Latinum: primum verò sic exponatur, At ipse alti cordis est, vtpote adolescens. id est quia adolescens est, cuius ætatis est proprium esse sublimi animo. R. Tarde. Paulo pòst, Surrexit tempestiue, mature venit. L. Videtur accipere tempestiue pro cito, cum significet tempore suo & debito. vt Virgilius in primo Georgicorum, Aut tempestiuam syluis euertere pinum. Et Cicero nos admonet, ne irascamur aduersus eos, qui nos intempestiue adeunt. hoc est, tempore non idoneo. R. Tempestas. Paulo pòst, Procella nō est minus terrarum, quàm cæli. sed tempestas, fluctuum est: fluctus, vis maris. L. Contrarium foret verius, sed magis hoc modo differunt, quòd procella est vehementior quidam venti impetus, nec ita durans: & in mari potius, quàm in terra. Tempestas, maris terræque communis. vt Cicero in Philippicis, Sed statuæ interierūt tempestate, vi, vetustate. Et in Verrē, Totæ enim res rusticæ eiusmodi sunt, vt eas non ratio, neque labor, sed res incertissimæ vèto, tempestateque moderètur. Fluctus est lacuum quoque atque stagnorū, magnarūque paludū, ac maximorum fluminum, vt Gangis. R. Temperantia moderata. Deinde, Frugalitas est honesta largitas & parcitas moderata. L. Nihil habet frugalitas affinitatis cum liberalitate, vixque etiā cum paritate. Frugi homo vocatur proprie, qui in victu téperans est, nonnunquā in vestitu, similibusque: sicut è cōtrario luxuriosus, vt apud Senecam,

Quintilianumque de duobus filiis frugi, luxuriosoque. Cicero etiam vult frugi esse, qui ad omnia aptus, utilisque est, & omni virtute præditus. cui contrarium sit nequam, cuius significatio Nequam. una est, quod sit libidinis intemperatoris. altera quod ad nihil bonus sit, sed plane malus. unde Piso frugi appellatus est, cuius adhuc cum hoc cognomine numismata extant. R. Priscianus

dixit hic & hæc & hoc frugi, sed moderni tres obliquos casus habent, frugi frugem fruge. Moderni. I. Qui sunt isti quæso moderni, si

moderni Latinum vocabulum est? frugem & fruge ab eo venit, quod est fruges, non ab eo, quod est frugi. R. Tegere tegmina tegula, quia ædes teguntur. tigillum diminutivum à tecto. Fruges.

Tegmina. Tigillum. I. Tegmina dicimus, non tegumina. tigillum à tignum est diminutivum, quod significat lignum, præsertim trabale, unde tigillum, parua trabes. R. Terentius.

Multo post, Nam in prologis scribundis operam abutitur, non qui argumentum narret, sed qui maleuoli. posuit utrobique qui pro quo modo.

I. Imo sic exponendum est illud Terentii, Non is qui argumen- Qui. tum narret, sed is, qui maleuoli veteris poetæ maledictis respondeat. R. Sint à vobis spectandæ, id est probandæ: vel exigendæ,

id est expellendæ. I. AN EXIGENDÆ dicere debuit, non VEL, An exigendæ. ut in elegantis ostendimus: & ita Terentius scripsit, non ut Raudensis immutat. Illud quoque Spectandæ, intelligendum est, vi-

dendæ, quæ aguntur in scena, potius quam probandæ. Transeo quod ait, duci nos falso gaudio, de Simonis gaudio accipiendum esse, non de Pamphili ac Dauis sperantium nuptias nunquam fore. R. Expletis his dubiis iuxta petitionem scholarium restarent

multa alia. I. Scholarius dixit pro scholasticorum siue discipulorum. Scholarius enim adiectivum est, non substantivum. ma- Scholaris.

le ergo, qui dixit, communia dico scholarius, quod Priscianus, veterumque alius nunquam scriptum reliquit. R. Per Priscianum tam in minori volumine. I. Admonui superius vnum esse Volumen.

se Prisciani opus, non duo. volumen quoque librum vnum esse, non vnum utique opus, in elegantis planum feci. R. Credo etiam, quod iuristæ acceperunt à Terentio titulum illum de resti- De restitutio-

tutione in integrum. I. Ridiculum, quasi hoc non foret verbū ante Terentium ceterosque comicos omnes & in iudiciis & in legibus frequentatum, unde Terentius, sicuti multa alia, mutatus est. R. Thesaurus. Deinde, Thesaurus non est aurum, nec ar- Theaurus.

gentum, sed locus, ubi talia reponuntur. I. Imo proprie ipsum aurum, argentumve. Nam qui thesaurum inuenit, non locum auri, argentiue, sed aurum ipsum, argentumve dicitur inuenisse:

- & sublato auro, qui hūc locum reperit, nequaquam dicitur thesaurum reperisse. R. Testamentum. Deinde, Codicillus est scriptura nulla indigens solennitate, sed solum testatoris voluntatē significans. I. Codicilli dicuntur, non codicillus. præterea cum alia quædam addere debuit, tum verò illud, quod semper ad aliquem codicilli scribuntur. R. Tribulor. I. Græcum non Latinum verbum est, & ideo nūquam à veteribus vsurpatum, nisi deriuamus hoc verbum à tribulis, quod etiam Græcum est nomen. nam verbum illorū potius transferendū esset per l, quàm per r, tlibulor. R. Cicero, Obsecro te, nequo aut timore, aut ægritudine afficias. I. Hæc Ciceronis verba non sunt, vtpote minus eleganter dicta: cum enim nequo antecedit, necesse est ea quæ sequuntur, aut neutri generis esse, aut masculini, sic, Nequo te aut timore, aut angore afficias. nam intermiscere foemininū (vt Raudensis facit) nō secus permissum est, quàm si diceremus, Nequo te aut ægritudine, aut molestia afficias. ergo tollendū est primum aut, sic, Nequo te timore. hæc tamē in elegantiis latius.
- Orchestra. R. Tribunal. In fine, Ex his apparet orchestram potius esse locū, aut cameram senatoriam, quàm pulpitu aut suggestū. I. Imo locus vbi saltabatur publice, & vbi similia quædam fiebant, & quæ circūsedebant magistratus, & alii pro sua dignitate, & prout ordines poscunt: plebe autem stante magis, quàm sedēte. Varro sic exponit, Orchestra, locus in scena. R. Triumphus. Deinde, Trophæum pro triumpho, vt ibi, Trophæa sacra pangimus.
- Trophæum. I. Cur magis hoc loco trophæum pro triūpho accipitur, quàm pro suo significato? nunquid magis laudamus honorē virtutis, quàm ipsam virtutem? trophæum autem & triumphus, honor victoriæ est, non victoria: verum hoc loco accipitur trophæum pro victoria siue pro virtute ipsa, per quā victoria parta est. Cæterum non sunt digni illi, qui in testimonium linguæ Latinæ afferantur. In quo autē hæc duo differunt? nempe quòd triūphus (vt aliàs dixi) est pompa illa solennis, quæ fit redeuntibus in urbem cum victoria. Trophæum, quod in testimonium victori publico in loco statuitur, vt apud Ciceronem, quòd Thebani equi æneum in monumentum victoriæ contra Lacedæmonios statuerant. R. Tuba. Non multo post, Classica sunt cornua, quæ conuocandi causa erant facta, & à calcando classica sunt dicta.
- Classicum. I. Imo proprie classicum est sonus tubæ quod Priscianus etiā ait, & Vegetius aliique testantur. vnde Quintilianus ad primum obscenæ libidinis sermonem non aliter quàm si in hostem classicum cecinisset, gladium illum, quem à te pro pudicitia nostra-

rum coniugum acceperat, per pectus infandi corruptoris exegit. Vegetii verba hæc sunt, Classicum item appellatur, quod buccinatores per cornu dicunt. hoc in signe videtur imperii. quia cum classicum canit, imperator est præsens, vel cum in militem capitaliter animaduertitur. quia hoc ex imperatoris legibus fieri necesse est. R. Tullius. In fine, Possem nunc catalogum totum oratorum his inferere commentariis. I. Quid magis diuersum, quàm idem opus suum appellare librum, id est vnum commentarium & commentarios? præsertim cum superius dicat commentarium ac librum. R. Tus. Deinde, Ferula verò in Gargano nascitur. I. Quasi alibi non sint ferulæ, quàm in monte Gargano, cum & plures & proceriores sint in ipsa planitie Apuleiæ, & in aliis multis locis. Vidique in Sicilia, quantum recordor, crassiores ac longiores. R. Vagari. In fine, Homo discolor est vagus, indisciplinatus. I. Græcum nō Latinum nomen est, significatque malum, perniciosumque, ac toleratu difficilem. vnde Petrus in epistola prima, Seruite dominis, non solum bonis, sed etiam dyscolis. scribitur per y, non per i. R. Volumen. Paulo post, Credo quòd orarium & peplum sit idem. item sudarium & orarium habeas pro capite sacerdotis. I. De sudario & orario ipse probet, qui sapit. certe peplus, non peplum dicitur, vestemque significat solennem, quæ iniicitur vel viro, vel foemina, vel deo vel deæ, vt apud Homerum & alios Græcos poetas. nam hoc nomen Græcum est, à quibus Virgilius mutuatus dixit, Crinibus Iliades passis, peplumque ferebant. etiam pepli iniiciuntur equis, vt Pandarus ad AEneam apud Homerum inquit, Suis equis peplos decoros fuisse. R. Vêdere. Aliquâto post, Vnde auctio proprie videtur mihi fieri sub hasta. I. Imo veditio rerum domesticarum, vt vtensiliū, supellectilium, quæ alicuius domino seruierant, domorū quoque ac prædiorum, de quo in elegantis diximus. Sub hasta autē ciuiū proscriptorū, damnatorūque bona vaneunt. Hastariū pro loco (vt ait Raudensis) nō meminisse. R. Et alter alterum superare contendunt. I. Alius aliū dicere debebat, vtpote de multis loquens. R. Mango, id est profeneta. I. Imo qui vendit, & cōmodat pretio pueros, vt latius in elegantis dixi. R. Venalitiū mercatores venditores exponit Nonius. I. An hoc dicat Nonius, tu videris. Vænalitiarii dicitur, nō vænalitiū: nec mercatores, sed seruorū negotiatores, id est qui mancipia & emunt & venditant. R. Venire. Deinde, Cicero ait, Brundisium futurus sum, id est venturus. I. Cur Brundisium dixit pro Brundisii? R. Item, Denuntiat Domitium

- Iter habere.** ad me iter habere, id est venire. l. Imo venire velle, siue consti-
Commigro. tuisse ad me venire. r. Et huc cōmigrauit, id est venit. l. Imo
commutato domicilio huc ad habitandum venit. r. Venenū.
Hippomanes. Deinde, Hippomanes est herba equos insanire faciēs. l. Pro ve-
neno ab inguinibus equæ distillante Virgilius accipit, cū inquit,
Hinc demum, Hippomanes vero quod nomine dicunt
Pastores, lentum distillat ab inguine virus.
Hippomanes, quod sæpe malæ legere nouerçæ,
Miscueruntque herbas, & non innoxia verba.
Nam pro herba improprie apud Hesiodum poni significat. ne-
que homo Latinus de authore Latino, atque vsu Latino silere
debit, & loqui de Græco: eo quidem minus, quod tunc Hippo-
manes vtique venenum est, cum saniam illam equinam signifi-
cat, non autem cum herbam: & tunc esse venenum Virgilius
Verecundia. ait, appellans illam virus. r. Verecundia. Circa finem, Labem &
ignominiam, id est verecundiam, & quanto probro ciuitati sit,
id est verecundiæ. l. Verecūdiam eo, quo nemo vnquam mo-
do, accipit, quæ est honestus quidam timor ignominia, infam-
ia, probrique subeundi: & Raudensis pro ignominia ac pro-
bro interpretatur. r. Via. Circa medium, Strata, quia pedibus
Strata. vulgi trita. l. Sicubi strata sine appositione viæ reperitur, non
ideo dicta est, quia pedibus trita sit, sed quia lapidibus strata, vt
sunt viæ Romanæ in omnes ferè Italiae vrbes silicibus stratae: i-
deoque plus sceleris latro, prædo, percussorque committit, si in
via strata in viatorem grassatur. r. Vitiosus. Deinde, Exoleti
Exoleti. sunt foetidi, præsertim in luxuriæ vitio. l. Exoleti sunt impu-
dici: nec tam pueri, quàm grandiusculi, aut adulti, de quo no-
mine latius in elegantiss. Luxuriæ autem nō Latine dixit pro li-
Luxuria. bidinis. nam Luxuria multū abest à libidine, eoque non videtur
in fine literæ T, intelligere Ciceronē, cuius testimoniū repetit ex
primo libro Officiorū, Luxuria quū omni ætati turpis, tū sene-
ctuti foedissima est: non de venereo vitio loquitur Cicero, cū lu-
xuriam nominat, quæ est verborum, vestitiūque, & quæ sunt id
genus, delicatior ac sumptuosior cura, & ea propter adiicit tãquā
diuersum dicens, Sin autē etiā libidinū intēperantia accesserit, du-
plex malum est. r. Vilis. Deinde, Popularis, est de grege, & de
Popularis. minoribus. l. Imo frequentius, vsitatiūque, quod Cicero non
modo vsurpat, sed nōnullis in locis explanat, qui potēs in popu-
lo, & charus est plebi: qualis Pōpeius, Cæsārque ante bellū ciuile,
& alii multi, & hodie, & vbique huiusmodi sunt. r. Vernilis a-
nimo, & minuti animi. vnde & de Seneca dicitur, quod habuit

eloquentiam vernaculam. **I.** Imo vernilis est seruilis à verna, Vernilis.
 quod est seruus. & vernaculam dixit Aulus Gellius, vel serui- Vernacula lin-
 lem, vel plebeiam linguam, qua tanquam communi ac natu- gua.
 rali omnes vulgo vtuntur. Vernaculum enim dicitur, quod do- Vernaculum.
 mesticū, & nostri loci est. vt in elegantis diximus. Cicero in Ver-
 rem actione secunda, Non vt solemus interdum in defensionibus
 dicere crimen domesticum ac vernaculum. **R.** Vterius se- Vterius.
 cundum communem vsum loquendi, tantum valet sicut insu-
 per, & sicut quin, & sicut cæterum, & sicut extra hæc. **I.** Vt ita sit
 Raudensis, quod longe est secus: tantumne etiam valebit, sicut
 quantum insuper, quantum quin, quantum cæterum, quantum
 extra hæc? sed (vt dixi) hæc non tantundem valent quantum vl-
 terius. **R.** Vltra, præter modum diligit, id est vltra: ille citra ma- Præter, pro
 re, ille præter erat. erant enim præter quadraginta, id est vltra. ite vltra.
 præter cæteros, boni & honesti sectator. **I.** Consule aures tuas
 Raudensis, etiam vel ipse iudica, an elegans, purusque sermo sit,
 præter mare, & præter quadraginta, id est vltra. quod si rectum
 putas, afferre aliorum testimonium, non tua confingere, pro a-
 lienis que afferre debes. ego nescio an illa præpositione vti liceat
 in hunc sensum, quoties ad locum refertur, vel ad tempus. Vtrū
 acutius dicitur istud quod tu, an hoc quod ego annotaui, perin- Perinde.
 de accipi pro peræque? vt Plinius, Funus Verginii Ruffi clari, etiā
 magni viri, & perinde foelicis. id est ita foelicis vt clari. Cicero li-
 bro primo de finibus, Eas artes persequeretur, viuendi artem tan-
 tā, tamque operosam, & perinde fructuosam relinqueret. **R.** V-
 nus. Deinde, Cicero ait, Vnas à te literas accepi. Terentius ait vnīs
 domibus, id est in vna domo. **I.** In vnīs ædibus inquit Terētius, Vnæ ædes.
 non in vnīs domibus. alioquin in nominibus quæ singulari ca-
 rent, necesse est nos sic loqui, vt latius dixi in elegantis. **R.** Vo-
 co. In fine, Cio cis, & Cico cics. **I.** Duo hæc, pro eo quod est vo- Cio.
 co Raudensis accipit, quum secundum significet idem quod mo Cico.
 ueo. vt Cicero de Repub. Motu cietur interiore & suo. Et inde ci Citus.
 tus, id est velox: & concitus, commotus: & percitus in malum, ve Concitus.
 luti in furorem, iracundiāve motus: & frequentatiuum conci- Percitus.
 to, incito, suscito. **R.** Voluntas. Deinde, Auspiciis meis, id est vo- Concito.
 luntate. **I.** Imo ductu, & sub fortuna mea, quia dux belli auspi- Auspicia.
 cia accipere solet. **R.** Dicimus volutas, sicuti & volūtas. **I.** Quid Voluntas.
 absurdus, quàm rem incredibile sine autoritate proferre? quū
 omnia huius loci præcepta autoritate nitantur, quis vnquam
 volutas scriptum reliquit, quale est etiam quod sequitur? **R.** Vt-
 quequo. Deinde, Ad quo potero, id est quoad. **I.** Quis istud di- Ad quo.

- Quadrupla-** xit bone Raudensis? R. Vfurarius. Deinde, Quadruplator, est v-
tor. furarius. L. Imo qui accusationibus ac delationibus, quartam
partem bonorum damnati expectat. R. Sed tamen amoto quæ-
Seria. ramus seria ludo. id est vtilia. L. Imo graua & non iocosa Ho-
ratus intelligit, cuius hic versus est. R. Vtor. Deinde, Curabo
obsoleta calcare vestigia. id est dissueta. L. Cuius sunt ista verba?
cur non nominas authorem, vt possimus sensum verborum, sen-
Obsoletum. tentiæque cognoscere? Obsoletum appellamus sordidum: vnde
apud Horatium, Caret obsoleti sordibus tecti. Et apud Hierony-
mum, Viri vox obsoletior quàm fœminæ. Cicero tamen pro
desueta posuit, non, vt ais, dissueta. vt in Pompeiana, Obsoleuit
ista oratio, re multo magis, quàm verbis refutata. Et pro Quin-
tio, Audacem, cupidum, perfidiosum, vulgaria & obsoleta sunt.
Iterum pro eodem, His moribus obsoleuit. id est inueterauit. Et
quia quod veterascit, quasi sordescit, siue in nihilum recidit: ideo
pro hoc quoque accipitur, quale fuit primum exemplum: & eiuf-
dem pro Cælio, Verum hæc genera virtutis, non solum in mori-
bus nostris, sed vix iam in libris reperiuntur: chartæ quoque quæ
illam priscam seueritatem continebant, obsoleuerunt. Et alibi in
eundem, Non vult populus Romanus obsoletis criminibus ac-
cusari Verrem, noua postulat, inaudita desyderat. R. In logica
Detriti. detriti sumus. id est vfi. L. Aptius exponere poteras, quanquam
tu te ipsum exponis, & author pariter & glossator es: quod ita in
logica sumus exercitati, vt gladius exercitatus, & ipso nimio vsu
comminutus est. Et apud eundem Hieronymum dicitur, Pes tuus
terat limen magistrorum. quum vsu & audiendi exercitatio-
nem significat. R. Perfuncta satis sum his. id est vfa. L. Imo fi-
Perfunctus. nem vtendi, fungendique feci. vt Cicero, Perfuncta hoc misero,
fatalique bello Respublica: & hoc in malum, sed frequentius in
Defunctus. bonum: sicut defunctus in bonum & malum, quod videlicet fi-
nit vitam: defunctus morte, vel periculis, vel laboribus, quod iam
imposuit semel finem his malis. exempla discentibus inquiren-
Vltro citroq; da relinquimus. R. Vtrinque. In fine, Vltro, citroque res male
Hinc inde. est. id est hinc inde. L. Non vterer hoc ego genere sermonis.
Vltro citroque enim, significat reciprocam quandam itionem,
aut reciprocum respectum, quod de re vtroque male gesta di-
ci non potest. Vtroque dixi, non vt Raudensis hinc inde. R. Vua
Præcoquus. præcoqua, vel præcox, id est præmatura. L. Præcoqua est, quæ
Præmaturus. ante alias vuas matura est. Præmatura, quæ ante maturitatem
legitur, vt in elegantis latius. R. Racemus, dicitur vnum gra-
num, vel acinus, vel granellum, quod in racemo est. L. Imo

racemus est illa (vt sic dicam) testa vuarum, plurima grana continens. Acinus verò, est id quod Raudensis appellat racemum. Vinaceum autem, quod idem acinum vocat. nā arillum & granellum Raudensia sunt, & non Latina vocabula.

Racemus.
Acinus.
Vinaceum.
Arillum &
granellum.

LAVRENTII VALLAE IN POGIVM LIBELLVS
ADMODVM FESTIVVS, IN DIALOGO
CONSCRIPTVS.

PRAEFATIO.

A V D I O Pogium alterā in me composuisse inuectiuam, longe priore acerbiores, in qua nihil admodum de iure causae suae disputat: quasi planè victus, superatusque, sed totus in maledictis conuitiisque versatur. Eam nondum habere potui. Interea peragam triumphum meum, aut potius iterum triumphabo, ritu eorū imperatorum, quibus vnus dies ad triumphandū non fuit satis: atque eo audacius id facere possum, quod iam ipsius quoque hostis cōfessione, victoriam sum adeptus. Qui enim aduersus argumenta, rationes, probationesque, non argumentis, sed opprobriis: non rationibus, sed conuitiis: non probationibus, sed spurciis agit: is certè declarat se imparē, ac victum esse: & velut canem à fortiori laceratum, plagas suas vlulatu latratuque solari, & hoc saltē vindictae genere inimicū suū vlcisci. Et quia iusto è praelio non potuit discedere superior, sperat se superiorem iniusto. Nam quis, quāso, non dico strenuus, fortis, & in bello iam victor, sed probus atque moderatus, velit contendere cum auaro de auaritia, cum ebrioso de ebrietate, cum proditore de prodicione, cū libidinoso de libidine? certè nemo. ita nec cum maledico de maledicentia. De virtutibus est cum egregiis viris, non de vitiis cum inhonestis, aut cum facinorosis certamen & æmulatio. Loquatur itaque Pogius quantū velit, obscæne & spurce, facit quod suum est: sui semper est similis pugnator pessimus, calumniator insignis: cuius dicacitatem cōtemnere ac damnare me, non imitari decet: licet non ita de ipso sim meritis, vt in me carpēdo pergere debuerit. Siquidē cum promississem me omnes eius libros recogniturum, & eorum vitia in triumpho tanquam captiuos exhibiturum, id tamen non feci, mollitia quadam animi retentus: quasi satis haberem, vitia Epistolarum ostendisse.

Sed quoniam hostis me cogit (si modo hostis appellandus est, qui victus atque captus est) peragamus ultionem, ac veluti secundo die triumphemus, & quia debellatum est, aliquanto hilarius: representantes quodam modo illum priscum Romanorum morem triumphandi. Nam ita accepimus inter mensas, quas ciues per vias esculentis, poculentisque referferant, exercitum victorem comessabundum potabundumque transisse. Sic nos quasi edentes atque potantes, aut certe ridentes triumphemus, postea alio modo de inuestiua triumphaturi. Decet enim devinoso ebriosoque hoste superato, talem nos agere triumphum: incipientes ab epistolis ad Nicolaum Nicoli missis. sed, quo res sit iucundior legentibus, sub apologo tanquam Guarinus cum schola sua atque domino adsit. Erit autem vel apologus, vel scenicus quidam actus.

L A V R E N T I V S.

A L V V S sis Guarine. G. Salve Laurenti, & tu Pogi, licet
 s taceas. sed cur taces? P. Utinam tam bene loquerer, quam bene taceo. L. At cur non saepius taces, quam loqueris?
 P. Quia, qui male loquuntur, rarius tacent. L. Atqui nunc bene loqueris, quod multo est satius, quam tacere. Cur ergo Guarinum non salutasti? P. Non dico me male loqui, quod loqui nesciam, sed quod de aliis male loquar. ideoque ad salutandum sum tardus. G. Ego me abs te Pogi salutatum puto. quid vultis?
 L. Guarine, quæso te pro tua singulari & humanitate & eruditione, te huic facto iudicem præbeas. tui enim artificii est. de lingua Latina agimus, in qua tradenda tu principatum obtines.
 G. Ego verò libēs, si modo Pogius forū nō declinet. P. Quid ego forū declinem, quod semper amaui & colui? quippe, in quo tot res ad delectandam gulam pertinentes, emere solemus, non dico lactucas, caules, allia, sed perdices, fasianos, anseres, anates, gallinas, columbos, turdos, ficedulas, itemque oratas, murenas, congres, mulos, præterea pastillos, copullos, salsamenta, & ante omnia duodetriginta generavini egregii, quæ enumerabo, si vultis. G. Ista fora tibi relinquimus colenda Pogi. ego de illo foro loquor, vnde dicuntur causæ forenses. P. Relinquis mihi hæc fora? & relinquo volo: malo enim ficedulas colere, quam lites: cauernas, quam causas. Itaque forum causarum per me vos colatis licet, id vobis colendum relinquo. G. Geramus Pogio morem. non te in forum ad iudicem, Pogi, sed in scholam vocari ad Magistrum existima. P. Ego ne puer quidem, aut adolescens scholam adii, quomodo nunc adibo decrepitu? G. Non dico ut discas, sed ut cum Laurentio disputes. P. Quis me ad disputandum

adiget? *c.* Honestas, ratio, pudor. *p.* Si de saporibus disputandū sit, non recuso. *c.* Quid de sonis? an pluris gustus est, quā auditus? *p.* Quidni? cum sine sono viui possit, sine sapore non possit. *c.* Istud Laurentii interest, non mea. ego pro iudice vocatus sum, non pro litigatore. itaque verbum non addo. tu modo Pogi videto, ne, dū ista dicis, tergiuersari ac fugere videare. *p.* Egone subterfugere ac tergiuersari velim, qui nunquā fugi, nec terga verti, qui victus, prostratusque nunquam me fateor victum, contraque mihi incumbentem vnguibus dentibusque pugno? ideo non est causa cur nos audias altercantes. *l.* Tu verò Pogi, dum modo prosternaris, pugna, quantunvis dētibus vnguibusque. Non enim pardus es aut leo, vt vngues tui sint ac dentes formidandi, praesertim habenti durissimam pellem. si tamen fateri vis, mei sunt in te pardini leoninique dētes & vngues. Ceterum nolo tecum pugnare: Guarinus modo sit examinador epistolarum tuarum ad Nicolaum: me nihil verborum facturo, nisi hoc vnum, ne culpam in librariū reiicias. estne hic codex tuus?

p. Quid si negem meum esse? *l.* Si negaueris tuum, ego dicā esse meum. *p.* Guarine, hic furti se alligat. *l.* Nemo est fur rei domino carentis. *p.* Ego istius codicis dominus sum, & tu eius fur. *l.* Non dixi, me hunc librum esse meum dicere, sed dicturum, si tuum negasses. Quod si faceres, iam huius libri fur non ero, sed dominus: tu verò non dominus libri, sed mei calumniator. *p.* Imo ipse sum dominus libri, non tu, quem tu fortè furatus es illi, cui commodavi transcribendum, nisi ab eo tu commodato accepisti, licet hoc illi vetuerim. *l.* Iam culpam in librarium refundere non potes, tanquam liber inemēdatē sit scriptus, quem tradis etiam nō amicis transcribendum: verum quid ita vetuisti homini, ne mihi commodaret? an ne te reprehenderem? *p.* Tu me reprehenderes, homo maximè reprehēdendus?

l. Experiamur, an isthuc possim, Guarino disceptatore & iudice: in plurimis enim, vt opinor, errasti. *p.* Mentiris. *l.* An mentiar, cognoscas licet, en locos annotaui. *p.* Vbi sunt? cedo codicem. *l.* Istud non faciam, ne hinc te praeipias cum codice, tu potius Guarine inspice: & quoniam ipse hunc insectari non possum, tu pro peccatorum qualitate reprehende. *p.* Quid poteris reprehendere? *l.* Si te non poterit, me poterit, qui locos in tuo libro, vt reprehendendos, annotaui. vter peccauerit, eum censoria austeritate insectetur. placetne hoc tibi? *p.* Cur non placeat mihi te reprehendi? *c.* Vultisne me castigare cēsorie, vel te Laurenti calumniantem, vel te Pogi malè loquentem? *p.* Accipio

- conditionem, dum Laurétium more Pogiano, scis quid dicam, infecteris. **L.** Ita volo, sed vt tu vicissim Guarine sustineas partes meas, omisissis tuis: vt sicubi reperies Pogium barbare loquentem, nō iudicem agas, sed accusatorem. **C.** Ita fiet. igitur legam locos abs te Laurenti notatos. **LIB. P. O. G.** Illud autem diligenter annotaui, nullo modo licere sacerdoti capere quicquam ex altari præter victum & vestitum: quòd si plura, furem dicūt & latronem. **G.** Vnde pendet Pogi illud, quòd si plura? verū hæc doneamus: nemo est qui in huiusmodi non aliquando erret incuria quadā. Hoc mihi præ cæteris molestiæ plus affert: quid sibi vult præ & plus, Cicero nūquam sic dixit. **LIB. P. O. G.** Post quindenā ab his partibus discedā. **C.** Coquū stabulariūmq; meos sæpe sic audio loquentes, Volo ire ad partes, Venerunt multi ex partibus meis: quos ita loquētes, etsi nō Italicos, tamen ridere soleo: quindenā autē in ore illorū nunquā audiui. Hoc si licet, nō video cur nō etiā liceat dicere decenā, quarātenā, & quadā alia more idiotarū. **LIB. P. O. G.** Constitue te in locū meū. **C.** Trāffer te in locū meum, aut cōfer, aut perge, dicimus. Mane, sede, pone te in loco meo, nō dicimus, ita nec cōstitue. **LIB. P. O. G.** Quū de proximo instet coronatio Regis. **C.** De proximo, coqui mei iste ac stabularii sermo est. Vbi bis peccatū est, quòd neque de proximo dicimus: & satis erat dicere, Instabat diēs coronationis. hoc est aduentabat, & proxima erat dies. vt Cæsar Commentario 1, Diē ex die ducere Hedui. Cæsar vbi se diutius duci intellexit, & diem instare, quo die frumentum militibus metiri oportebat. Et Lucanus, Instabātq; dies qui dat noua nomina fastis. Et mox, Dum tamē emeriti remanet pars vltima iuris. **LIB. P. O. G.** Vtile igitur cōsiliū esset incipere quātotius fieri posset, mihi crede. Libri sacri, quos legi, & quotidie lego, refrixerunt pristinum studium humanitatis. **C.** Coquus meus Parmeno, & stabularius Dromo, sic mecum loquuntur, nec dedocere eos possum, quin auribus meis inculcent quantotius, existimantes sic se loqui pereleganter. at refrixit cum accusatiuo nunquam dixerunt. Adesdum Dionysi adolescens, Ignis calefcit manus meas, dicitur ne Latine? **D. I.** Minime, mi magister. **C.** Cur ita? **D. I.** Quia inchoatiua hunc casum respiciunt. **G.** Voca quæso Pogi filios tuos, qui etsi pueri, nisi hoc sciant, verberandi sunt: non posse dici, Lectio refrigescit studium. Quod ergo in puero verberibus dignum est, id in te Pogi castigandum nō erit? **LIB. P. O. G.** Quid fiet sub diuo. **C.** Si Græca nosces, vt nosse videris, sub dio dicerēs: id est sub Ioue, nō sub diuo. **LIB. P. O. G.** Rerum quas miseram Pisas per vnā nauem, quæ,

vt certum est, iamdudum appulit in portum. G. Vna pro quædam: vt, Inueni hodie vnum hominem amicum, sæpe ex Parmenone meo audiui ac Dromone. & iamdudum, pro iampridem: appulit in portum, pro appulsa est, nunquam audiui. homo potius vel ventus appellit, quàm nauis. LIB. POG. Nam signum esset aliqualem memoriàm remansisse. G. Plura ego à Parmenone barbara, quàm ille à me Latina, didici: aliqualis, aliqualter, quæ nollem didicisse, nequando iis vterer, vt tu facis, quæ nunquid à tuo coquo didicisti? cum quo genere hominū maior tibi, quàm mihi est consuetudo. LIB. POG. Rogo vt me certifies. CERTIFICO. G. Et hoc culinariū vocabulum est. LIB. POG. Ne deuenirent in manibus fratris. G. Parmeno ades huc, dicitur ne hoc grāmāte, Deuenerunt in manibus fratris? P. A. Mi domine, quis hoc dixit? G. Nempe hic Pogius. P. A. Ille Pogius peius me loquitur, qui coquinariam factito. quæso mi domine, pro me coquum Pogium facito. nanque ad hanc rem videtur mihi sanè idoneus, vt vultus promittit, aut certè cellarium. nam nescio quid vinaticum præ se fert. G. Abi hinc improbe Parmeno in culinam tuam. LIB. POG. Nescis reperire modum, quo tria frustecula panis exportentur? G. Redi Parmeno, redi, redi: frustecula panis, inquit Pogius, tu quomodo diceres? P. A. Ego sēper frustula carnis dico, & frustula panis. hui subcoque Pogi, veni in culinam meam: non frustulis panis & carnis, sed fustibus pro pane carnē tuam fatiabo. G. Tace iam Parmeno. LIB. POG. Scripsi ad te, me abiturū ad vos hoc mense Maii, aut amplius ad festum Maii. AMPLIUS AD FESTUM MAII. G. Amplius, in istum sensum vbi reperisti? Cicero, cuius te cultorem ais, ad summum solet dicere. LIB. POG. Discutiemus diligēter hoc fasciculum cogitationum mearum. G. Hoc fasciculum dixisti Pogi? P. A. Mi patrone, ego, quem tu per cōtemptū appellas Parmenonē, non sic dixissem. semper fasciculos phascelorum, foeniculi, herbarum dico tibi me attulisse de foro, nō fascicula. fortè hic de paruis fasciis loquitur, quibus cogitationes suas inuoluit. verum tunc diceret fasciculā. iam scio mi patrone, rectè locutus est pol homo iste, fasciculū hoc à fas deriuatur, cuius genitiuus est, vt iste vult, fascis. G. Iam odiosus es Parmeno. LIB. POG. Ego vestræ huic cœnæ condimentum, quod est meæ artis, adiiciā. Ideo te rogo, vt illos libros ad me quamprimū mitas, si illos habes: sin autem, sumas mutuo à Nicolao. G. Sin autem, pro si non, vbi apud Ciceronem legisti? P. A. Quid illud mi domine, sume librum mutuo? ego nōnunquam oleum, salem, acetum, panē, vinum mutuor à vicinis: non sartaginē, ollam, cultrum, securim, pistillum, mortarium, sed cōmodato accipio. COMMODATO ACCIPIO.

c. Tu iam pro me factus es iudex Parmeno. P A. Assessor tuus ero, si lubet, aut certè testis meæ doctrinæ, quam me hercule non commutauerim cum Pogianna. fac quæso periculum, vter doctior. G. Apagesis, vino cales. P A. At hic vinū olet. dii te perdant Pogi, vt vehementer crapulā exhalasti, eructastiq;. G. Nō hinc abis? P A. Si me irritas, etiam Dromonem vocabo. G. Pœnitet me hūc vocasse foras. nam coquum, cuius in manu tua vita est, caue lædas. L I B. P O G. Quæ quū omnibus graua sint, tū mihi præsertim consueuerunt esse grauissima. G. Quid ita Pogi aggressisti, tum & præsertim & grauissima? mallē dixisses, Quæ quum omnibus, tū verò mihi graua esse consueuerunt, eoque magis, quod s i n t, subiūctiui modi est: & Cōsueuerūt, indicatiui.

L I B. P O G. Vestes illas attritas, quæ penes te sunt, cupio vt vendantur. P A. Licetne domine? G. Minime: tace, si sapis. P A. Ego sapio: sed hic sermo mihi non sapit, fatuus enim est & insulsus.

G. Abi hinc, abi inquam. P A. Non abeo. Dromo, herus te vocat. D R. Quid vis here? G. Hic tuus est herus, is iubeat quid velit, qui mihi nihil obtemperat. P A. Sublimem intro hunc rape, quantum potes, in stabulum tuum. D R. Quem? P A. Pogium hunc. D R. Quamobrem? P A. Vt in stabulo tibi seruiat, & mihi quandoque in culina. D R. Quid fecit? P A. Latinitatē Grammaticamque tanquam ollas frangit, quem nisi prohibeamus, actum est de lingua Latina. Et postea Italici nostransalpinos barbaros vocant, quum nemo Italicorum, præter hūc nostrum herum grammaticus sit. D R. Quid iste dixit? P A. Cupio, vt illas vestes attritas vendantur. D R. Magis ipse attritum caput habet, quàm illæ vestes fuerint. sed quid iubes here? hūccine attritorem confractoremque Latinarum ollarum in stabulum rapio, vt cū caballo & asino vitam degat? G. Huic tu asino credis caballe? apagete ambo. L I B. P O G. Tum quia vidi paulum commotum propter literas ad te meas, quia difficiliter tolluntur. G. Paulo commotum dicimus, non paulum: & difficile, difficultérque, mō difficiliter. P A. Istæ sunt subtilitates Italicorum vanæ, in quibus nullum peccatum est. tunc verè peccatur, quum grāmatica tanquam bonum pulmentum secordia coqui corrumpitur. G. Tu ergo illa iudicato, hæc ego. quanquam iniussu meo, ac partibus repugnantibus, factus es iudex. P A. Nunquid hic alter recusat me iudicem? L. Ego verò te nec iudicem, nec assessorem, nec testem, nec aduocatum recusauerim, ita mihi videris coquorum omnium (quos vidi) doctissimus. sed vide, ne hīc sint, quibus magis placeāt manus tuæ, quàm lingua. P A. Quid tu putas bonum

Quū omni-
bus, tum mihi
præsertim.

Vestes attritas
vt vendantur.

Paulo com-
motus.
Difficile.

coquum esse posse sine lingua & palato: mihi crede, boni coqui magis lingua, palatūmq; agit, quā manus. Non vides, vt magister coquorum, quem herus meus vocat archimagirum, non manibus vitur, sed lingua atque palato? Quare si sapis, sine me, tanquam archimagirum, vt lingua in hūc subcoquum meum, qui barbaram linguam habet. vtinā possem & manibus vti. scīs ne quādo archimagirus vitur manibus? quando peccantes subcoquos verberat. G. Iam me enecas lingua tua Parmeno: referua ista ad tua pulinēta: vereor, ne hic eam sic defatiges, vt postea nihil intelligat. P. A. Mi here, quū lingua, veluti pinsēdo, defessa est, tunc calefacta prācipue sapores intelligit, vini prāsertim. Si non credis, vel Pogium interrogato, qui singularis mihi videtur iudex ac cēsor vinaliorum. G. Iam desine. LIB. POG. Nec nūc quoque illum mitto, sed infra paucos dies certū quid sciemus.

G. Hoc tu vitium non vides Parmeno? P. A. Pro, ne nūc quidem, dictum est, nec nunc quoque: & infra paucos dies, pro intra paucos dies. LIB. POG. Melius est peccare in hāc partem, quā omnino esse incredulus. G. Quid nūc dicis Parmeno? P. A. Nescio: quid vitii videre videor, dic tu. D. R. Quid, non vides bestia illud, incredulus? P. A. Per Iouē, istud ipsum animaduertebam, sed subdubitabam. vere bestia. nam quid subdubitare oportuit, an dicendum esset incredulus, an incredulum? sic enim constituitur, Esse omnino incredulum hominem est peius, quā eum peccare in hanc partem. Nam ita cōstruendum esse, magister meus Rodolphus Chercheph nos docebat. LIB. POG. Aristoteles dixit democratiam omnibus peiorem. G. Quid hic Parmeno & Dromo? Iam iudicum numerus creuit, & testium. D. R. Certe omnium pessimam dixissem, non peiorem: sicut, Hic homo est omnium pessimus: nō omnibus peior, ne seipso peior essedicatur, & superlatiuum ad ea, quæ sunt eiusdem generis, comparetur, comparatiuum verō ad ea quæ diuersi. G. Dignus es Dromo, qui tam recte loqueris, vt de stabulo in aliud honestius te transferam ministerium. D. R. Sed quis caballum aut asinum tuum curabit? G. Quasi desint, qui illos curēt. P. A. En, Pogium tibi dignum me hercule, qui asinum agitet. G. Mitte contumelias. LIB. POG. Sūma cum animi iocunditate. G. Non sic loquimur, Pogi. cum

Ne nunc quidem.

Intra paucos dies.

Melius est quā esse incredulus.

Omnium pessimus.

Iocunditas. Voluptas. Nō cupio fieri diuitem.

diuitem pro diues. an te putas factum superius emendasse posteriore? mediufidius nō alio modo, quā fecit nuper socius meus Gotschalculus, qui, quoniam à me reprehensus est (fuit enim adiutor meus in coquendis epulis nuptialibus) quòd in prandio carnes quasdam parum elixasset, vesperi, quum affaret gallinas, pene combussit, iterum à me reprehensus, respondit, Nimis & Minus si commisceantur, efficere temperatum: vt, Si nimis temperatum aqua vinum cum meraciore commisceas, fit tale vinum, quali vti solemus. Quo responso, perturbatus ego, fateor, non lingua sum vsus, sed manibus: tótque pugnis hominem contendi, vt omne quod forbillaueat, vinum coegerim euomere. quod idem, si liceret, in Pogium facerem, qui cum semicrudis semiuista permiscet, quæ conuiuiis suis apponat, credens se vitium vitio emendare. L I B. P O G. Peractis ex more solenniis pluuiali veste

indutus est, inde quum pontifex, tum imperator equos conscendentes, vnà versus pontem Adriani proficiscuntur. G. Eodem modo locutus es, quo quidam qui librū suum inscripsit, De insigniis & armis, quum dicere deberet, de insignibus. Eadem ratione dicuntur insignia & solennia. vnde sicut insignibus, ita de solennibus dicendum est. versus quoque pontem, negant Grammatici dici posse, sed pontem versus. Illud quoque conscendentes, ego maluissem dicere, equis conscensis. L I B. P O G. Supra pontem autem quum transiret, descendens ex equo, quā plures strenuos milites, viros atque adolefcētes, militaribus insigniis donauit. G. En tu quoque Pogi dixisti insigniis, pro insignibus, sicut solenniis, pro solēnibus. etiam quāplures dixisti, pro complures.

Solennibus.

Versus pontē

Insignibus.

Quamplures.

Supra & per
pōtē trāsire.

Exēplariorū.

Lucani.

Lucenses.

vbi enim legisti quamplures? P. Istud ego frequenter audiui. G. Vbi legerit quæro, non vbi audierit, nec de recentibus scriptis loquor, sed de vetustis. Etiam, Supra pontem transire, magis auium est quā hominum. homines enim supra flumen transeunt, sed per pontem. L I B. P O G. Et nisi esset mendositas exemplariorū, nō essem molestus Leonardo. Bellum Lucanum summa stultitia cœptum, nescio quem finem habebit. Tyrannus ille Lucanus, qui tam diu urbem illam oppressit. G. Exemplariorum, simile est in insigniis & solenniis. an putas hæc similia illis quæ Macrobius colligit, quale est Saturnalium & Saturnaliorū? Bellum quoque Lucanum, pro Lucēse posuisti, perinde ac si poneres Rheginum, pro Rhegiense. Alii enim sunt Lucani à provincia supra Neapolim posita, alii Lucenses à Luca, quæ est supra Pisas. L I B. P O G. Propter inopiam exemplariorum, vt præsto possim discedere. G. En iterum exemplariorum pro exem-

plarium. Præsto quoque pro cito posuisti, quum significet præ- Præsto.
sens, semperque positum reperiatur cum verbo substantiuo, vt
Præsto sum. LIB. P. O. G. Ego dixi tibi, ipse autem semper cogit
me ire ad eum. G. Abite Parmeno & Dromo hinc paulisper, ne
contra me testimoniū perhibeatis. P. A. Quid ita here? G. Quia
contra vos dicam semper ita loquentes. P. A. Doce nos obsecro.

G. Docebo, qui alium coquum verberas, aut minus, aut nimis
coquentem cibos, te multo magis esse verberandum. quum te di-
co, & Dromonem & Pogium dico, qui cibos nō coquendos co-
quitis, & coquendos non coquitis. P. A. Istud ego nunquam feci.

G. An hoc nō facitis, quū pro ei dicatis tibi, & pro se dicatis eū?
dicēdū enim erat, Ego dixi ei, ipse autem cogit me semper ire ad
se. P. A. Here, miror cur non moriamur omnes. G. Quid ita?

P. A. Quia nemo, te excepto, est, qui non edat cucurbitas crudas
& pepones coctos. G. Quid istud est? P. A. Nō intelligis illud ip-
sum quod dicis de cibis coquendis ac nō coquendis? Nā quum
dicimus, Si tibi fides habēda est: ego dixi tibi, pepones coquimus.
quū rursus, Cogit me sepe ire ad eū: crudas cucurbitas edimus.

G. Sile iā, atq; audi. LIB. P. O. G. Nec miror accolas circūuicinos.

G. Demus, quōd circūuicini reperiuntur: qui sunt alii accolæ, Circūuicini
quām circūuicini? pene nāque idem sunt accolæ & finitimi. in- Accolæ.
colas, opinor, dicere volebas. D. R. Istud mi here ignorabā: tribus Finitimi.
ferē stadiis ex eo loco Rheni cadentis rumor exauditur. D. R. At
istud nō ignoro mi here, in quo, vt nūc Poggius, ita pleriq; Italici
errant, quū apud nos nemo erret. Nos enim dicimus rumorem, Rumor.
vnde rumigerulus, pro vulgi sermone de re aliqua noua. vos Rumigerulus.
quoque pro strepitu & fragore, qualis est Rheni, qui non longe à
patria mea de montibus cadit. sed iste porcus, quonam vocatur
nomine? P. A. Poggius. D. R. Iste, inquam, siue Poggius, siue por-
cus non ruminat, quum rumorem in istum sensum accipiat.

LIB. P. O. G. Fenestrellæ per plures demissæ. G. An ignoras mi Po Fenestrellæ.
gi, scriptorem illum vocatum esse Fenestellā à fenestra? Cur tu
interposuisti? per plures quoque non dici, sed cōplures, iam iam Complures.
admonui. etiā fenestræ non demittuntur, sed canistella & funes
per fenestras. tu autem significare volebas (vt opinor) illas fuisse
solo propinquas. LIB. P. O. G. Cōposita mensa, desuper aquam na Desuper
tante. G. Desuper tu dixisses Dromo? D. R. Quid? ni mētiōr, ad- aquam.
uerbiū est desuper, non præpositio, ideo casui nō seruit. G. Dio-
nyssi, dic aliquod è Virgilio exemplum huius dictionis desuper.

D. I. Desuper Alcides telis premit. LIB. P. O. G. Desuper aquam
fluitante. G. En iterum desuper aquam. Dionysi, dic tu aliud

- simile exemplum.** **DI.** Tum syluis sena coruscis Desuper,
horrentique atrum nemus imminet umbra. **LIB. POG.** Qui e-
am pilam capit, potior habetur: isque iterum proiicit eam ad per-
sonam sibi acceptiorem, quum illam multi petant. **G.** Personam
corpore ho- pro corpore hominis, quale est, mittere pilam ad personam, ubi
minis. legisti? tu Dionysi, utrum hæc dixisses, potior & acceptior, an po-
Superlativus. tissimus & acceptissimus? **DI.** Nempe per superlativum, quia
de compluribus sermo est, isque eiusdem generis. **DR.** Mi here
hic adolescens tuus senex est: ille verò senex adolescens & puer,
sed qui iam discipulus esse, id est discere amplius non possit. **PA.**
Minus dediscere. Nam nihil admodum didicit. **DR.** An didice-
rit, nescio: si didicit, profecto iam dedidicit. **G.** Sinite responde-
re adolescentem. **LIB. POG.** Mihi crede abiet in sudorem.
Abiet in sudo- **G.** Estne hinc quippiam vitii? **DI.** Abiet pro abibit: Eo enim fu-
rem. turum facit ibit, non iet. **LIB. POG.** Volebam Lucretium pro
Pro quindec- quindecim diebus. **G.** Quomodo tu hoc dixisses? **DI.** Ad quin-
cim diebus. **G.** Cur ita? **DI.** Quia sic diceretur pro quindecim
Adquindecim dies. **G.** Cur ita? **DI.** Quia sic diceretur pro quindecim
dies. diebus, ut pro amicis meis, quippe ea re indigentibus: at dies
non indigent libro. **LIB. POG.** Nihil enim unquam de te novi,
quãvis sapius inuestigavi. **G.** Quid differunt Dionysi vestigo &
inuestigo? **DI.** Vestigo, quasi per vestigia quæro: & inuestigo, ve-
stigando inuenio. **LIB. POG.** Ipse habitat penes sanctum Petrum,
Vestigo. ego prope Cincium. **G.** Tunc ne Dionysi ita dixisses? **DI.** Quid
Inuestigo. ita dixisse, penes pro prope, quum præfertim abs te audierim, pe-
Penes sanctum nes, esse aliquid in arbitrio, & quasi in manu esse? **LIB. POG.** Ne-
Petrum. que tantum damna æstimanda sunt, quantum dedecus & igno-
Tantum pro minia. **G.** Et hoc ita dixisses Dionysi? **DI.** Minime, sed tanti &
tanti. quanti, ut semper te audio loquentem. **DR.** Nunc taceo, quum
audio à puero senem doceri. **PA.** Caballe & asine, negabas mo-
do hunc posse discere, nunc contra doceri ais. **DI.** Docetur qui-
dem Pogius, sed non discit, an putas omnia, quæ magister docet
audientes discere? **PA.** Me vincis. **LIB. POG.** Itaque intellige
Menon te ver- me non dormire, aut te verbis pascere & inani pollicitatione, ut
bis pascere, ut cæteri. **PA.** Hic ego pro Dionysio respondebo. hoc tale vitium
cæteri. est, quale superius, nominativus pro accusativo. Itaque hunc no-
minativum accusabo. ohe Pogi, ohe, cur sic barbare loqueris: bar-
bam tibi propè vellam. **G.** Caue vellas verbero. **LIB. POG.** Ha-
Fons irriguus bet hortum egregium, in quo est fons irriguus. **G.** Ha Pogi, fõte
irriguum dicis: quid appellares hortum? tu Dionysi, quid diceres?
Hortus. **DI.** Ego hortum dicere irriguum, quod irrigaretur à fonte: verum
apud Virgilium legimus, irriguum fõtem, in quarto Georgicorum:

Irriguūque bibant violaria fontem. *G.* Hoc est, quod parum cautos fallit, quod putāt idem sibi licere quod poetis. Dicit enim idē Virgilius, -sedere carinæ Omnes innocuæ. hoc est, quod fra- *Locus Virgilio.*
ctæ non sunt. Itaque sicut hic posuit actiuum pro passiuo (nam innocuus est qui non nocet: quod nūc positū est, quod nauibus *Innocuus.*
à terra nocitum nō est) ita hic passiuum pro actiuo. Est enim ir- *Irriguum.*
riguum, quod irrigatur, non quod irrigat. *LIB. POG.* Sed quia in culpanda auaritia sacerdotum ii potissime apti videntur, quos illi dignificāt. Certificates me item, si qui libri Petrarchæ sunt venales inter istos Colutii. *G.* Tūc dicerēs dignificant Dionysi? *Certifico.*

DI. Ego ne potissime quidem dicerem, sed potissimum: & dignos faciunt, siue pro dignis habent, & certio rem me facias. *Dignifico.*
Potissime.

LIB. POG. Sed hic præsto scribit, & ego ad vos præsto veniam. *Præsto.*

G. Quid hoc? sic tu dicerēs Dionysi? *DI.* Imo, sed is celeriter scribit, & ego ad vos propere veniam. *LIB. POG.* Nam, quo ad animum, ita excessit è vita, vt qui sponte abeunt, non qui eliciuntur. *Celeriter scribere.*
Propere.

G. Istud, quo ad animum, tu quomodo? *DI.* Quantum ad animum pertinet: nam quoad, pro quantum, non audiui. *LIB. POG.* Credo meme propediem valere, & rem confecturus, vt spero. *Quoad, pro quantum.*
Memevalere.

G. Hic cine animaduertis aliquid Dionysi? *DI.* Quod frustra geminatur me. *G.* Nunquid aliud? *DI.* Quod superuacuum duorū verborū alterū est, credo & spero. *G.* Nunquid etiā aliud?

DI. Quod valiturū est dicendū, vt confecturū. *G.* Recte sentis.

LIB. POG. AEstimo libros Antonii, nisi quid ille secus statuit, venum iri debere. *G.* Quid hic animaduertis Dionysi? *DI.* Nēpe, quod venū iri nō dicitur. *G.* Cur ita? *DI.* Quia nec vapulatū iri *Venum ire.*
dicimus, sed ire. *G.* Quamobrem? *DI.* Quia in cæteris, quæ ambigua sunt, quod actiue & passiue accipi possunt, ad distinguendū sensum accommodamus infinitiū, hoc, vel actiuū vel passiuū. vt,

Video te amatum, lectū, doctū, auditum, ire vel iri. Talia enim supina. *Supina.*

pina ambigua siue ancipitis significationis sunt. At venū, vapulatum, & si qua sunt talia, nō sunt ancipitis, sed semper passiuæ significationis. Ideo non potest addi vtrunque, sed alterius infinitum, hoc est ire, non iri, ne duo passiuæ copulentur. *G.* Nūquid aliud animaduertis? *DI.* Superuacaneū etiam illud, debere: sic *Debeo.*
enim isti loqui solēt Dromo & Parmeno, Dominus iubet, quod debeā ire ad forū. *LIB. POG.* Saculū accepi, in quo mēbranæ erant vnā cum finiculo, quem iam maiori ex parte amicis dedi.

PA. Tu nos reprehēdis Dionysi, qui magistri, aut certe reprehēsores huius viri sumus. mi here hoc contrariū illi vitiū est, quod Pogius superius admisit. Nam vt ibi dixit, hoc fasciculū, pro hic

fasciculus : ita hîc econtrario, hic finiculus, pro hoc finiculum. hoc profecto est vitium verberibus, plagisque dignum, non illud quod in nobis iste reprehendit. G. Nunquid hîc aliud vides?

P A. Ego non aliud. G. Quid tu Dionysi? D I. Opinor dicendum. Foeniculum. foeniculum, pro finiculum. G. Recte sentis. L I B. P O G. Nicola noster, cum est longus natura, tum rebus suis vacandum fuit.

G. Quid hîc vos vitii videtis? D I. Dic tu Parmeno, qui vendicas tibi facultatem Pogiû reprehendendi. P A. Dic tu Dromo.

D R. Audiamus Dionysium. fortè quod dicet, nihil erit. D I. V. Cum & Tum. bi sunt hæc, Cum & Tum, ibi est semper idem suppositum. nûc non potest illud Nicola suppositum esse illius Vacandum fuit, quum dicendum sit, Nicolæ vacandum fuit. P A. Istud quod ais Dionysi, nec ego curo, nec aliquid est, nisi secus herus sentit.

G. Ego cû Dionysio sentio, & ea re ipsum interrogaui. verum in hoc malo te interrogare Dromo, quod sequitur. L I B. P O G.

Sis contentus libruncula castratelli. G. Qualis hic sermo esse tibi videtur? D R. De castratello loqueris? G. Et de isto & de alio.

D R. Mallem te interrogare Parmenonem, qui carnem castratenam & emere solet, & coquere (sic enim sueterum vos appellatis Italici) an hoc est, quod me interrogas, quod castratellum dixit Pogius, pro veruece? Verè est hic veruex, qui pro verueculo

dixit castratellum. G. Nunquid est aliud? D R. Libruncula non placet mihi, & nescio quare. nam potius ego dicerem castruncula, quàm libruncula. sicut enim nō dicimus librunculus, ita nec libruncula dici debet. G. Quomodo ergo pro librunculo dicis

librum paruulum? D I. Certè libellum. G. Sic nunc de parua libra dicas, quam malè librunculam dici sentis? D R. Ah ah intelligo libella dicendum, sicut de labrum labellum. Dii tibi Pogi de istis tuis veruecinis, siue castratinis libellis, ac libris non vnam libellam, sed duas libras carnis auferant, vt linguam ostendas, quæ tam barbare loquitur. L I B. P O G. Te autem non potui conuiuari, quia domus erat incoepta. G. Quid hic est Dionysi vitii?

D R. Quia conuiuari deponens est, non inuitare alium in conuiuium, sed in conuiuio esse. L I B. P O G. Emas mihi lecticam vel nouam vel veterem. nam in domo sum quasi forensis. G. Quid

hîc est vitii? D R. Leticia, qui est paruulus lectus, pro fulcris accipit, quæ sunt tabulæ compactæ, super quas lectus ponitur. Item forensis, pro extraneo & peregrino. sed ita semper Parmeno loquitur & Dromo. Ideo vitium hoc non viderût. L I B. P O G. Verum ii motus parantur, vt vnumquenque tædeat cōditio fortunæ suæ. G. At hoc vitium fortasse isti videbunt. P A. Ego video,

lectica. Fulcra. Forensis. Extraneus.

Tædet eum conditio fortunæ suæ.

peccauit, quia. DR. Et ego video, mitte me potius Parmeno dicere. PA. Imo me tu potius qui prior cœpi. DR. Non debuisti incipere: expectare alterum fuerat modestius. PA. Cur ergo tu me nō expectas? DR. Quia tu nō prior me expectaras. G. Quid tempus teritis? quod alter dixerit, id vtrunque dixisse existimabo. tu Dromo cōcede coquo. pernicioſa res eſt coquum habere inimicum. ſaluberrimum verò atq; dulciſſimum habere amicum.

DR. Recte admones here: Dic mi Parmeno. PA. Quis niſi veruex, atque caſtratus diceret iſto modo? quid vult mi Dromo ante ſe verbum, tædet? DR. Accuſatiuum. PA. Nunc quid habet?

DR. Nominatiuum. PA. Quid poſt ſe? DR. Genitiuum.

PA. Nunc quid habet? DR. Accuſatiuum. PA. Ergo ambo hominem accuſemus. DR. Imo verberemus. Hem dormit.

PA. Pol dormit, & (vt opinor) vſque dormiuit. G. Excitate hominem. PA. Euigila Pogi. DR. Dormit apertis oculis, ſurge Pogi, ſurge. P. Quid me percutitis? quid me excitatis? DR. Quia apertis oculis dormis vt lepus. P. Semper ſic dormio. DR. Itane quum dormis, oculos habes apertos: quum quis tecū loquitur, aures habes clauſas? P. Quis mecum loquitur? DR. Guarinus. P. Vbi iſt eſt? DR. En tibi Pogi. G. Imo tu hinc abieras Pogi. P. AEdepol nihil, ſiquid dixiſti, audiui. G. At vnum audi quod reſtat. LIB. POG. Si volumen decadarum tibi placeret.

G. Vbi reperiſti decadarum? P. An non decadarum dicitur, ſicut cicadarū? G. Non decada, ſicut cicada, ſed decas. P. Iſtud tuū Græcum eſt, hoc meum Latinum. ſed fac iſtos abire, ſi vis, vt de cæteris reſpondeam. G. Iam nihil eſt, quod amplius notarit Laurentius. P. Notet, ſi volet: ſumat alios quoscūque è meis libros.

Decadarum.

G. Placet. L. Fiat.

LAURENTII VALLAE IN EVNDEM POGIVM ALTER LIBELLVS.

LAURENTIVS.

CONCEDAMVS in hanc ſanè amœnam porticum nobilis adoleſcentis & inter primos docti ac ſacundi Marcelli capitis ferrei, vt poſſimus animos moleſtia diſceptandi affectos, loci amœnitate relaxare. G. Illiuſne honeſta ac liberali facie adoleſcentis, qui nos modo, quū equo veheretur, ſalutauit ex hac domo egreſſus? L. Illius verò. G. Eo magis in eius porticum concedamus, ſi modo idem Pogio placet. P. O. Præſtola-
FF. iiii.

mini isthic mihi, dum ad meam sanè propinquam domum recurro, vt id afferam, de quo iudicandum est. *G.* Nempe opinor libros. *P.* Nam quid aliud? *G.* Sed quin potius mittis famulum? *P.* Famulum inquis? Tu verò, si sapias, nunquam famulo aut libros, aut pecuniam, aut vinum credideris, si hæc pretiosa sint. cætera, si bonus ille est, credere potes. *L.* Quid vestes?

P. Quasi non appellatione pecuniæ contineantur & vestes.

L. Quasi non & libri, & vina eadem appellatione contineantur. *GONDISLAVVS.* Here, quid ergo libros & vinum famulo non credes, vxorem credes? *P.* Quasi verò vxorem possit eripere, vt libros, vinum, pecuniam. *G.* Atqui tractatio vxoris magis quàm librorum, pecuniæ, vini, periculosa est, etiam magis quàm vitri. *G.* Abi hinc sceleste cum istac loquendi licentia.

P. Noli castigare famulum meum Guarine: habent hanc famuli mei apud me non modo loquēdi, sed etiam faciendi licentiam, præterquam in libris, vt dixi, vinôq; ac pecunia. *L.* Quid tempus terimus, cur non is? iam reditum oportuit. *P.* Ne festines: nam te magnopere festinasse poenitebit. *L.* Omnes asserto libros tuos. *P.* Eorum tibi vel vnus satis supérque fuerit, nec te putes omnes posse reprehendere. *L.* Quot possim, experire.

P. Scio quid agam. *L.* Etiam restitas? vereor ne cito non redeas. *P.* Ego citius quàm voles, redibo. *L.* Si expectas, dum volem, nunquam redibis. *P.* Faciam, vt cum rediero, euolare istinc cupias. *L.* Cum gladiis venies, an cum libris? *P.* Libri mei dum irascuntur, gladii sunt. *L.* Etiámne tui libri, vt tu, irasci solent?

P. A quibus irreuerenter tractantur, eos veluti gladii punctim cæsimque feriunt. *L.* Sed quid ego tibi in mora sum? *P.* Propere adero Guarine. *G.* Facito commodum tuo. *L.* Obambulemusne Guarine an conlideamus? *G.* Vt tibi lubet. nam ego dubito. quippe qui mallet obambulare, quàm sedere: sed timeo, ne apud Stoicos Peripateticum agam. *L.* Quid ita? *G.* Quia Stoici à porticu, quæ Græcè, vt scis, dicitur *στωα*, & Peripatetici ex ambulando sunt dicti. quo fit, vt absurdum duntaxat Stoicis videatur esse in porticu deambulare. *L.* Si isthuc, ne Stoicis displiceat, times, quid ni timeas quoque, ne Peripateticos offendas, si videant te in porticu quasi quondam Stoicorum theatro consistere? *G.* Recte admones, ideôq; ne alterutros offendamus, obambulemus, sed intra porticū. *L.* Si volumus Epicureis quoque morè gerere, eccos amœnos etiã hortos, qualibus Epicurei delectabantur: genus hominum, etsi vulgo male audit, frugi admodum & temperatū. Sed en tibi Poggius festinabundus regreditur.

Stoici.
Peripatetici.

G. Strenuus fuisti Pogi, & opinione nostra celerior. P. Verbar ne quid tibi iste me absente persuaderet. L. De hoc tu viro optimo non optime sentis. P. Heus tu, suspiciosa res est cōtrouersia. nec prudentis, sinere aduersarium & iudicem colloqui solos. L. Quia noluisti credere famulo libros, necesse habuisti credere aduersario iudicē. P. Et idcirco propere redi. G. Nō fuit causa Pogi cur redire properares: nec postulo, nisi inter fidem mihi habentes, ferre sententiam. Sed vbi sunt codices? P. Profer Gondislaue librū. G. O. En tibi liber vxore charior. P. O. Neque isthuc tibi dolet. G. O. Imo placet, & perplacet. L. Quid tu vnū attulisti librum? P. Satis tibi supérque futurum, vt prædixi.

L. Cur ita satis supérque mihi erit? P. Quia is est, quem nouissime composui. Annota in eo, siquid potes. quem ausim dicere ipsam mihi Mineruam dictauisse. L. Tu paulo ante, quem mallem de tuis libris sumere, offerebas electionem, nūc ipse pro me eligis. P. An tu malles, vt contra te, quàm pro te, eligerē? L. Secus mea verba interpretaris, atque à me dicuntur. pro me, hoc est loco meo dico, me nolle, vt tu eligas. Nā istud eligere pro me, planè est eligere cōtra me. P. An nō semper eligenda sunt optima? hoc autem ex operibus meis optimum est. L. Non cupio aduersariū partes meas præsumere. P. Melius ego mea, quàm tu nosti. Mihi crede nullum possem è meis libris meliorem eligere. Neque te debeo permittere eligere pessimum. Vide quàm tecum agam amice. Si de gallinis, anatibus, anseribus, columbis, turturibus meis velles eligere pessimam, id te non sinerem facere, sed pro te eligerem optimam. L. Dii te diuitem faciant gallinarum, anatum, anserū, columbarum, turturum copia, qui tā munificus etiam in aduersario es. Verum timeo Danaos & dona ferentes. Itaque sine quæso me meo arbitrato gallinam siue anatem, anserem, columbam, turturem eligere. P. Nunquid tu aliam quàm optimam vis? L. Non aliam, sed quam tu sentis esse optimam. P. Nēpe pinguiissimam. L. Atqui talis non est liber tuus. P. Quid ita? L. Quia non pingui Minerua & crassa compositus est, sed ab ipsa Minerua dictatur. qualem librū quis audeat reprehendere? P. Fateor in eo nihil pinguis esse & crassæ Mineruæ, & ideo esse optimū. L. Cur igitur eum pinguiissimæ gallinæ, anati, anseri, columbæ, turturi, comparabas? qui si foret pingui Minerua compositus, permitterem tibi pro me electionem. Haberem enim, quod notare in eo possem. Nūc cum elegisti, qui tibi optimus, mihi pessimus est ad nostrā contētionem. P. Si tibi ipsi confidis, hunc sumito, cuius vel parua reprehensio

Pro me eligis.

pluris facienda est, quàm alterius magna. *G.* Gere morem Poggio Laurenti: non absurda admodum loquitur. *L.* Age fiat. Dii gallinarii, & anatarii, & anserarii, colubarii que, & turturarii vorant bene. Timeo enim, ne nihil esculentum in ista Pogiana gallina vel anate inueniam. *G.* Quid times Laurenti? Nunquid si nihil reprehensione dignum compereris, victus discedis? Neque enim aliter superaberis, quàm siquid falso obieceris. Quod item in te Pogi fit, siquid quærere in libris Laurentii voles: vinci non potes, siquid forte non inueneris, sed si falsò dixeris te inuenisse: quod reprehendendum non esset. *P. O.* Probe inquis Guarine. Sed non velim Laurentium sectari atque insectari verba, sed res atque sententias. *L.* Etiamne hoc postulas Pogi, idque eo in opere, quod ais à Minerua dictatum? *P. O.* Mineruæ non de verbis curæ est, sed de sententiis. *L.* Itane parum momenti in verbis est? in quibus si non insunt sententiæ, tamen insunt sensus, quos negligendos esse ne Minerua quidem dixerit, nec Apollo, nec Iupiter. Verum prius facito certiore me, quis iste sit liber. *P. O.* Ille celeberrimus tertio abhinc anno compositus de tribus conuiuialibus questionibus. En accipe. *L.* Ideo Guarine tantopere confidit huic operi Poggius, in cuius proœmio, si memini, sibi promittit immortalitatem. legamus. *L. I. B. P. O. G.* Nonnulla hæctenus conscripsi, quæ iam inter multos diffusa, longiorem mihi paulo post obitum vitam allatura videantur. *L.* Et quantulum est in isto opere sententiarum, quod ausim, ut abs te dictum, reprehendere? Quum in persona tua loqueris, ferè totus in recitandis authorum testimoniis es occupatus, ut vix quippiam tuum possim notare. Quum in aliorum, siquid notaro, excusabis consuetudinem Dialogorum, in quibus non possum dici vere omnia ab iis, qui utrinque disputat: quale est, quod Nicolaum facis ultimo loco respondentem, cui quia nemo contradixit, significas eam tuam ipsius esse sententiam. Hæc quoque legamus. *L. I. B. P. O. G.* Omnia præclara & memoratu digna, ab iniuria atque iniustitia contemptis sunt legibus profecta. Ut verò descendamus ad nostra, quid hac ætate, nonne Lombardiæ duces, Veneti, Florentini, multique præterea aliena appetendo rapiendoque creuere? quibus nulla lex imperat, neque eius reguntur imperio. Credo quum Florentinus populus, aut Veneti alicui bellum inferunt, aduocant Iurisperitos, ex eorum consilio indicunt bella: an potius utilitate & augmento suæ reipublicæ ducuntur? Abige hinc ergo leges & iura tua, quæ sunt imperiis propagandis, quærendis regnis, & rerum publicarum amplitudini, impedimento. *L.* Et alia in hanc sententiam permulta, quorum ver-

borum scriptor fustuarium meretur, atque in furcam suspendi, & illic nō modo ab iis, qui nominati sunt, ducibus Venetis, Florentinis, sed ab omni humano genere lapidari. Hoc nō Phalaris, non Dionysius, nō Verres, non alius quispiam aut tyrannus aut latro dixit, ausus ius diuinū humanūq; damnare, quū omnes in quocunque literarum genere libri de iure gentiū, de iure bel- Perdita vox Pogii de legibus. lorum, societatum, ciuiū, hospitūque vno ore consentiant. In hanc tam perditam non hominis sed leonis, aut lupi sentētiā, nō vnius viri oratione, sed totius humani generis acclamatione esset obuiam eundum. Quam tamen hic ab alio, nō à se dictam excusabit, quasi ipse non illam pro sua scripserit. Talia plurima equidē notare possem, nisi hic sub vmbra se alienæ personæ occultaret. P o. Bona verba quæso. ista (vt inquis Laurenti) alius dixit, non ego. neque te bonitatē sententiarū excutere iubeo, sed an aliquid, quod ad bene componendum pertineat, peccauerim.

l. Cur nō me iubes cælū pugno ferire? vis me hunc potissimū librū sumere ad notandū, quē accuratissime cōdidisti? vis me de verbis notādis nullū verbū facere, sed de sentētiis? vis postremo ipsarū sententiarum non bonitatē excutere, sed nescio quā bene cōponendi rationē? g. Quid Laurenti stomacharis? quasi nullus tibi sit alius liber ad excutiendū, & non ab isto, quē accepisti in-
l. zitus, quāprimū queas discedere. l. Bene admones: cedo alios libros Pogi. hūc missum faciamus. p o. Non, nisi te à me victū esse fateare. l. Istæ iudicis sunt partes, alterum victorem, alterū victum pronuntiare. p o. Si tu causa cedas, imò cadas, iam non est amplius opus iudicis partibus. l. Itāne loqueris? Faciā profecto, vt te victum, non tu quidem confiteare: non enim est hoc abs te postulandum, sed vt iudex pronuntiet. Animaduerte hīc quæso Guarine, cuius partes hic me præripere iubet. Agedū Pogi, nō ex arte oratoria iubemur magis verisimilia dicere, quā vera, seruarique vbique in personis ac rebus decorem? Hoc quā abste præstetur, inspiciamus. legamus librum. LIB. POG. Quū me ad terrā Nouā nalalē patriā cū familia contulissem, venit eò postmodū rogatus à me, qui Florētiam ob negotia publica adibat, paulū de via concedēs Carolus Aretinus, vir omni laude ac doctrina præstātissimus. Is enim plurēsque alii, in quibus erāt viri doctissimi Benedictus Aretinus Iurecōsultus, ac Nicolaus Fulginas, insignis philosophia atque arte medicus, Aretinum petierant pestis vitandæ gratia. Contigit autē vt eodem die & Nicolaus ex Aretio ad curandū ægrū quendā accersitus, & Benedictus in patriam iturus simul me conuenirent. Magna me animi voluptas

cœpit, cum viderem tres ornatissimos viros, mihi que singulâ beneuolentia coniunctos forte in idem loci diuertisse. Qui omnes quâ hortatu meo in hortulo mecum cœnassent, post varios in ea sermones habitos remota mensa, quum tempus abeundi videretur, Age, vt moris est, Carole, Benedictus inquit, huic hospiti nostro gratias, quia ita hilare atq; humaniter nos excepit. Scis enim consueuisse homines agere post cibum gratias iis, qui ad cœnam vocarint. Sicui verò agendæ sunt, hic est profecto, cuius opera non solum epulis, sed etiam vario suauique sermone cœna iocunda fuit. **L.** Quomodo istuc Pogi aut verisimiliter narras, aut cum decore? Et vt prius de eo, quod prius proposui, dicâ, quâ fieri potest vt post cœnam, quæ variis sermonibus traducta est, tantum temporis fuerit, vt de tribus quæstionibus disputaretur, quas tu in librum retulisti ad quatuor amplius millia versuum? quantum verborum nescio an in vlllo Dialogorum Ciceronis libro contineatur: factum intra medium diem, cû prefertim in calce libri scribas. **L I B. P O G.** Sed iam satis colloquuti sumus: aliquid dandum est temporis deambulationi. Hæc cum dixisset, surreximus, portamque oppidi egressi ad fluuium diuertimus aeris animique gratia. **L.** O solem Pogi illo die stabilem, nec se mouentem. credo subauscultabat sententiarum suauitatem: aut conuiuio intererat, vt non nisi iussu vestro discederet ad occasum, quemadmodum fecit olim iussus à Iosue preliante. At quâto minora colloquia apud Virgiliû Sibylla inquit? Nox ruit AENEa, nos fando ducimus horas. Apud te Pogi nulla fuit interuenientis noctis cogitatio. Putabas te fortassis esse, vbi aliquândo fuisti, in extrema Germania aut Hybernia, vbi noctes breuissimæ sunt æstate, & speciem diei habentes. **P.** Imo verò cœnam pro prandio posui, vt multi fecerunt. **L.** Qui sunt isti multi? profecto siqui sunt, non nisi poetæ fuerunt. Quanquam non vides te tecum nō constare. Si tempus erat anni frigidum, non ad fluuium extra portam aeris gratia issetis. Sin calidum, vt magis credibile est (quia in hortulo comedistis) post prædiû, hoc est, in meridie non suasisset ille medicus, vt secum vos ad solem & æstiuum & meridianum è conuiuio & longis altercationibus deambulatum extra oppidum prodiretis. **G.** Caue istuc dicas Pogi: non modo quia nūquam pro prandio dixisti cœnâ, verum etiam, quæ tua liberalitas est, nequaquam fecisses, vt tales viros, & tam tibi familiares in tua patria ad prædium modo, & non etiam ad cœnam inuitares. Ego nunquam amicum meum quempiam prandio accipio, nisi eodem die mecum etiam cœ-

naturum. *l.* Atqui ego Guarine opinor neque prandium illud, neque cœnam fuisse, sed à Poggio fictum. ideoque in fingendo hallucinatum, ut aliis in multis solet: immemor illius præcepti, quod Quintilianus tradit, Prima sit curarum, ut id, quod fingemus, fieri possit. deinde, ut & personæ, & loco, & tēpori congruat. Et mox iterum, Curandum præcipue, quod fingentibus frequenter accidit, ne qua inter se pugnent. *Po.* Ita disputas non fuisse conuiuium illud verum: quasi non soleam amicos & ad prandium & ad cœnā inuitare. *l.* Soles tu quidem istud facere, sed non post prandium æstiuum cōuiuas ad solem meridianum educere, aut post hybernum ad flumen & aerem. *Po.* At illa, fateor, cœna, non prædium, fuit. *l.* Si fuit vera cœna, profecto nō fuit secundum eam tandiu disputatum: & si tandiu disputatum, quod tamen incredibile est, nō ab oppido exitum, & ad flumen itū, nisi fortè, ut per noctem piscaremini. Hæc sunt quæ probant, tuam narrationem non esse verisimilem. Illa autem, non seruatum esse in rebus ac personis decorem, quod secundum cœnam variis, ut dixi, sermonibus traductam, quum iam remota mensa conuiuæ sibi abundum putarent, atque abitum pararent, introducis eos disputantes, & quasi in causis iudicialibus, vtrunque orantes, & in secunda causâ ita rixantes conuitiantesque, ut vterque mihi Poggius esse videatur, quod eosdem adeò otiosos facis, vel ad loquendum, vel ad spatiandum: quasi nō vnus ad curam ægrotorum accersitus esset, alter in patriam properaret, tertius ob publica negotia sibi iniuncta iter faceret. quod præterea post duas sanè prolixas disputationes te conuiuatore, postquâ conuiuæ tibi gratias egerant, facis apud eos iam abire volentes esse loquacissimū. quæ tua fabulatio ad mille amplius versus in tuo libro extenditur, neque te excusat quod scribis. *LIB. POG.* Et certe is mihi animus semper fuit, ut aliquid contra suam sententiam scriberem. sed variæ occupationes fuerunt hætenus impedimento. Nunc quoniam & otium est nobis, & Benedictus postulat, Carolus verò in me hanc prouinciam reiicit, parebo voluntati vestræ: afferens primum ea, quibus arbitror causam meâ facile omnibus probaturum. deinde ad Leonardi epistolam respondēbo. *l.* An te Benedictus & Carolus ad hoc sint adhortati, veritas viderit. certe tu conuiuator post tot sermones, & ea hora, & apud proficisci volentes breuissimus, non verbosissimus esse debuisti: quod postremo, & id nescio an sit omniū maxime indecorū, quos feceras in principio libri voluisse abire abs te, eosdem in calce libri facis nō abiisse, sed tecum portam egressos ad

Pogium non
seruare in re-
bus ac perso-
nis decorem.

fluuium diuertisse deambulatum: oblitos domum reuerti, opinor, vt postquam ad flumen deambulassetis, iterũ disputaretis: quoniam satis diei ad confabulandum supererat. Vtrum horum quæso Guarine maius sentis esse peccatum, quòd fidem Pogius, an quòd decorem nõ est sectatus? G. Diuersa sunt ista peccata, ideoque non facile dixerim, vtrum vtri præstet. L. At id, quod subiiciam, lōge grauius vtroque iudicabis. P O. Aliquid friuolũ, vt hætenus fecisti, obiicies. L. Guarini stabo sententia, imò etiã tua ipsius. P O. Stabis mea sententia? L. Stabo equidẽ: sed cordis dico, quæ vera est sententia, non oris. P O. Et quomodo scies, an quod sentio, pronuntiem? L. Si pro me pronuntiaueris. P O. Iã nolo stes mea sententia. L. Tua iam culpa sit, si tuo iudicio nõ stabo. P O. Omitte loqui friuola, & ad rem redi. L. Nõne in tuo libro, etsi abs te postmodum scripto, te ipsum inducis loquentem, vt verba, quæ modo recitauì, testantur? P O. Induco me loquentem, aut potius locutus sum vere, quæ scripsi. L. Loqueris tu in vno libro, vt vnus quilibet aliorum collocutorũ? P O. Loquor: quid istuc? L. Quia postea facis te scribentem. P O. An non ea, vt modo dicebam, scripsi verba, quum retuli in libellũ? L. Non istud ego dico, sed inter conuiuas scribentẽ. P O. Ego inter conuiuas scripsi, inquis? deliras, vt video: quippe qui nunc fatebare, librum à me postea scriptum. L. Istud ipsum miror, quòd quũ librum postea scripseris, hoc est, inter conuiuas locutus sis, nõ scripseris: tamen te inter eos scribere magis, quàm loqui significes. P O. Nescio quid dicas, nisi deliramenta. L. Scies, si auscultabis. nõne in his verbis, quæ paulo ante recitauì, dicis inter conuiuas? L I B. P O G. Is mihi animus semper fuit, vt aliquid contra suã sententiã scriberem. L. Et mox. L I B. P O G. Nũc quoniam & otium est nobis. L. Nempe otium rescribendi.

P O. Nõne dicebam probe, te nihil dicere, sed delirare? Dixi tunc esse otium, non mihi soli, sed omnibus. ergo otium illud erat loquẽdi, non scribẽdi, vt tu prauissime interpretaris. L. Quæ ratione tu istuc dicis? Nõne illud, quod sequitur, te de te ipso sentire conuincit? L I B. P O G. Sed variæ occupationes fuere hætenus impedimẽto. L. Cuius istæ fuere occupationes? certe tuæ. & cui fuere impedimento? certe tibi. & cuius rei impedimento? certe scribendi, non loquendi. ergo istud otium est interpretandum, non loquendi, sed scribendi. P O. Nunc magis deliras, qui contendas: melius te intelligere sensa orationis meæ, quàm ipse, qui loquor, intelligam. L. Accipe in quo tergiueris, è quo elabi non poteris. Scribis nõ multo ante finem tuæ disputationis

per orationem hoc idem apertius. legamus tuum librum. **LIB.**
POG. Quanquam cui hæc quæ à me relata sunt, non sufficiã, ne-
 scio quid satis esse aliud queat. ita multis testibus probatum est
 priscos Romanos omnes Latine fuisse locutos, & Latinum ser-
 monem maternum fuisse. quibus licet Leoanardi epistolæ satis
 responsum sit, tamen paucis ad quasdam eius sententiâ rescribã,
 quæ, pace sua dixerim, nimium à vero aberrare videntur. **I.** De-
 inde confutare niteris Leonardi rationes certe loquẽdo, nõ scri-
 bendo. Cur ergo te scripturum atque ei rescripturum dixisti, etsi
 nõ ad te ille, sed ad Flaviũ Forliuensem scripserat? **PO.** Respõ-
 debo, Me credidi scribere, sed lapsa est manus, vt solet. **I.** Quid
 in illo, quod est apertius, vitio, num manum excusabis? In fine
 enim disputationis audi quæ scripsisti. **LIB.** **POG.** Multis insu-
 per verbis suam sententiã nititur tueri, quæ facillime dilui pos-
 sent. Sed nos superius adeò multis authoribus exemplisq; hæc
 causam tutati sumus, vt nullum quantumuis proteruum, qui ea
 legerit, nõ existimem tantorũ virorum authoritati sententiæque
 cessurum. Quæ cum à me dicta essent, Ego, inquit Carolus, tecũ
 sensi semper: & qui secus opinatur, non recte, meo iudicio, existi-
 mant. **I.** Quũ loqueris Pogi, ais, qui ista legent. ergo scribere te
 significas, non loqui. Esto verum fuerit illud conuiuium Pogi,
 sint inter vos habitæ illæ disputationes, sis tu hac oratione vsus,
 finge tibi aliquem illorũ admirabũdum dicere, Quid ais Pogi?
 quæ sunt ista, quæ legenda dicis? si scripsisti, cur ais te scripturũ?
 quin illa profers? Si non scripsisti, cur ais? Qui ista legẽt? Nemo
 enim dicit, Qui ista legẽt, nisi de rebus scriptis, quasi nõ scripsis-
 ses. Cur igitur ista inter se diuersa dixisti? nepe quod, vt fert mea
 opinio, de hac ipsa materia prius sine vlla fìctione Dialogi, cõ-
 posueras, in qua verba ista inerant, scriberẽ, rescribã, legent. quæ
 quũ per Dialogum disputare iucundius existimasti, immutare
 oblitus es. siue quia personã tuã ad loquendum cum cæteris in-
 troduxeras: neque id colloquiũ vnquam extiterat, excidit tibi: te
 sub persona collocutoris ista disputare, & iã habita abs te verba
 scribere, sed tũc primũ promere quod sentires, in persona autho-
 ris scribentem opinatus es: maiore vitio quàm illa, quæ superius
 annotaui, nisi aliter Guarine sentias. **G.** Equidem aliter nõ sen-
 tio. Cui simile quiddam admisit vir eximius, & in iure põtificio
 interpretando, vt aiunt, nulli secundus Franciscus Zabarella in
 libris de summo bono. in quibus quũ quosdã loquentes indu-
 cat, quorum vnus est ipse author: tamen facit se aliquando dicẽ-
 tem collocutori, quemadmodum in primo aut in secũdo libro

Qui ista legẽt
de sermone.

probavi:quasi eis colloquentibus libri per sese scriberentur, ut lebetes Vulcani, qui sua sponte in certamen prodierunt: aut fistulae illae deorum, quae per se ipsae caneant, ut poetae narrant. Id docti non faciunt, sed, aut quemadmodum heri probauimus, aut quemadmodum hodie à Crasso dicebatur, aut aliquid huiusmodi. et si magnus quidam ecclesiasticus in hoc incidit, cuius nomen fatius est subticere. I. Istud, quod tu ais Guarine, nescio maius, an Poggianum hoc vitium sit, simile illi, de quo Cicero ait in Bruto de Curione, Magna haec immemoris ingenii signa, sed nihil turpius, quam quod etiam in scriptis obliuisceretur. quod paulo ante posuisset, ut in eo libro, ubi se exeuntem è senatu, & cum Pansa nostro & cum Curione filio colloquentem facit, Quum senatum Caesar consul habuisset, omnisque ille sermo ductus è percontatione filii, quid in senatu esset actum. In quo quum multis verbis inueheretur in Caesarem Curio, disputatioque esset inter eos, ut est consuetudo dialogorum, quum sermo esset institutus: senatu misso, quem senatum Caesar Consul habuisset, reprehendit eas res, quas idem Caesar anno post, & deinceps reliquis annis administrauisset in Gallia. Tum Brutus admirans, Tantamne fuisse obliuionem, inquit, in scripto praesertim, ut ne legens quidem unquam senserit, quantum flagitii commisisset? Quid autem inquam Brute stultius, quam si ea vituperare volebat, quae vituperauit: non eo tempore instituere sermonem, quum illarum rerum tempora iam praeteriissent? Sed ita totus errat, ut in eodem sermone dicat in senatum se Caesare consule non accedere, sed id dicat ipso consule exiens è senatu. ista de te Pogi puta Ciceronem dicere, qui non minus illo Curionis flagitium admisisti. p. o. Dummodo me parem Curioni facias, id non laboro, de quo in eodem idem Cicero loco ita inquit, Orator autem proximus optimis numerabatur, propter verborum bonitatem, & expeditam & profluentem quodammodo celeritatem. Itaque eius orationes aspicendas censeo. Fuerint itaque optimi oratores Leonardus & Guarinus, ego autem eis proximus, hoc est tertius orator. I. Quid ego? p. o. Non nisi tres primi nominantur. unde Virgilius, -tres praemia primi Accipient. I. Ex tuis verbis redeo in memoriam facti Hannibalis, qui à Scipione interrogatus, quem maximum imperatorem iudicaret? respondit, Alexandrum. quem secundum? respondit, Pyrrhum. quem tertium? respondit, se. Itaque facile patior te in tertio loco te ipsum ponere, me in nullo. quoniam isto facto te Hannibalem, me Scipionem esse significas. p. o. Ego istuc non cogitabam. sed cur non potius quam de his nugis, ali-

qua disputas contra rationes meas de lingua Latina, fuerintne eadem literatorum & illiteratorum? quibus si nihil habes, quod opponas, quid ita superius calūniabaris, nihil esse, quod in eo libro, ut meum, posses reprehendere? **L.** Noli tātopere tibi placere ob illam disputationem, tanquam hominibus persuaseris: nullam fuisse inter literatos illiteratosque verborum differentiam. De quo quid mihi dubium faciat, promam, ubi duo quædam tua errata paucis, sed non parua notauero. Primū est, ubi Aristotelem male videris accipere. ita enim scribis. **L I B. P O G.** Anglici etiam post decimum diem, quoties in eum, qui se paut, inciderint, gratias pro suscepto prandio agunt, ne immemores honoris impēsi videantur. Id quoque mecum sentire arbitror, sententiam videlicet Aristotelis tibi notam, qui honorem inquit esse honorātis. Apud illum igitur, penes quem honor remanet, necesse est & gratiam residere. Ergo & conuiuii magistro gratia mihi videtur habenda.

L. Aristoteles non sentit honorem aut esse honorantis, aut non esse honorati: cuius hæc verba sunt, *Δοκεῖ γὰρ ἐν τοῖς ὑμῶν πολλοὶ εἶναι, ἢ ἐν ᾧ τιμωμένῳ τ' ἀγαθὸν δεδιχνόν τι, καὶ δεδραφείρεται εἶναι μακρυνομέθαι.* **Locus Aristotelis de honore,** Quod sic potest interpretari, Videtur honor in honorantibus potius esse, quàm in eo qui honoratur: hoc est, videtur esse in potestate dantis, non autem accipientis, ideoque non esse illud excellens bonum, & quod ipse appellat *δεδραφείρεται*, id est quod difficulter eripi possit: quale bonum est virtus, quæ in nostra ipsorum, non in alterius, est manu. **P O G.** Atqui ita vulgo accipiunt, honorē nō esse honorati, sed honorantis. **L.** At vulgus non sanè probatus est bene sentiendi magister. **P O G.** Ita omnes fermè accipiunt hac tempestate philosophantes. **L.** At nō peritiores. sed quid oportet te Latinos sequi in authore Græco, homo, si tibi credimus, interpretes Græcorum librorum optimus? Verum ubi est acumen tuum? ubi tam diuturnæ ætatis experientia? ubi notitia illa, quam tibi vendicas, antiquitatis? Nunquid cum statuas, triumphos, cæteraque veterum monumenta cernis, ea magnis honorifica esse illis existimas, qui hunc honorem habuerunt, quàm iis quibus hic honor habitus est, nedum nullum honorati, omnem autem esse honorātis? Equidem non video, cur honoratum queamus illum appellare, ad quem honor ipse non peruenit. An illi qui à regibus, principibus, ducibus aliqua accipiunt insignia, aut utcūque honestatur, nō honore afficiuntur, sed ipsos duces, principes, reges honore afficiunt? Hoc pacto non honorati forent appellādi, sed honorātes. Quod si dedecus, ignominia, cōtumelia, iniuria, eius est, cui fit, cur non

etiā honor, hoc est decus, gloria, laus? **G.** Quid multis Laurenti disputas, quasi de isto sit tibi controuersia, & non de Aristotelis sententia? eam certū est tecū facere. perge ad alias, si quas habes.

L. Vnum superest, quod hic ita scribit. **LIB. POG.** Mercurius inter medicinæ artis repertores perhibetur, qui ob eam rem relati sunt inter deos. Mercurius verò etiā inter planetas annumeratus. AEsculapius eius filius honorem immortalīū medendi exercitio adeptus est. tanta inter priscos gloria ac nominis fama, ut coram Ioue à diis sit inferis accusatus, quod eorum imperiū diminueret. **L.** Sine quæso Guarine paulisper interrogare Poggiū, præter rem, cuius gratia recitauī hæc verba. Quæro abste Pogi, nunquid honor, quo homines AEsculapiū profecuti sunt, hominum sit ipsorū, an AEsculapii? **P.O.** Perge quo institueras.

L. Certe AEsculapii, non hominum: nec alia ratio est diuinorū honorum, quā humanorum. Quare posthac caue dixeris honorem non esse honorati, sed honorātis: nec iniuriam etiā diccas esse inferentis, non patiētis. Verum ut ad rem redeam, à quo nam accepisti Pogi Mercurium fuisse medicinæ repertorem, eūdemque AEsculapii patrem? **P.O.** Quis id negat? **L.** Nemo negat, quia nemo id dixerat. poetæ enim scriptorēque testantur omnes Apollinem fuisse AEsculapii patrem, ac medicinæ repertorem. **P.O.** Deum pro Deo posui. Apollinem cū deberem, scripsi Mercurium. **L.** At quomodo inter planetas Apollo numerabitur? **P.O.** Ista culpa est Nicolai medici, cui sermonem attribui. Nō enim præstare scriptor debet omnes, quæ à collocutoribus afferuntur, rationes. **L.** Tu si istam nō probasses sententiam, per aduersarium medici Iurisconsultum improbasses. Et tamen stolidissimum est, disputantes introducere viros graues ac doctos, qui leuiter & imperite loquantur. **P.O.** Ista dicta sunt à me in aliena persona. Inspice quæ dicta sunt in mea ipsius. **L.** Tu prohibebas dudum me excutere bonitatem sententiarum. nunc ecōtrario facere iubes. **P.O.** Vetabam dudum te facere id, quod facis: excutere bonitatem sentētiarum sub aliena persona dictarū. Nunc meas ipsius excutias velim: non magis id facturum, quā si ex Adamante coneris stylo imaginem sculpere. **L.** Equidem an istuc efficere possim, haud scio. id certe scio: tecum ipso te discrepare. **P.O.** Quid ita? **L.** Quoniam quæ inter se discrepant scribis. En legamus. **LIB. POG.** Sentio enim de hac re viros doctissimos dissentire. Leonardus Aretinus epistola, quam scripsit ad Flauium Forliuensem probare nititur: non fuisse eam linguam omnibus communem, sed aliam popularem, aliam eruditorū

Iniuria
Mercuri? neq;
medicinæ re-
pertor, neq;
pater AEscu-
lapii.
AEsculapius.

virorū extitisse locutionem. Qua in sententia fuit vir clarissimus Antonius Luscus, qui aiebat se adduci non posse vt crederet cerdones, sutores, coquos, ac reliquā vulgi faciem Latino sermone vsam. *L.* Legamus alia quoq; deinceps loca. *LIB. POG.* Hic ego, inquam, fateor Carole me cum antea cum Leonardo Antonioque sæpius disceptasse, tum post illam Leonardi epistolam plura ex variis collegisse scriptoribus, quibus facile probatur, illos non recta sensisse. Leonardum quippe memini dixisse mihi, eam se conscripisse epistolam, quo me alliceret ad respōdendū. etsi certe mihi semper animus fuit, vt aliquid contra suam sententiam scriberem. *L.* Atque iterum hic. *LIB. POG.* Sed non tam ad ostēdendam suam opinionem, quā ad meam cognoscendam, vt ab eo accepi, arbitror ab eo epistolam illam fuisse conscriptā. Nam leuibus admodū argumentis ostendere nititur: alium vulgarem, aliū literatū, vt suis vtar verbis, sermonē extitisse. *L.* Et ad extremum. *LIB. POG.* Multis insuper verbis suā sententiam nititur tueri, quæ facillime dilui possent. *1.* In his, quæ scripsisti Pogi, quæro, quomodo tecum constes. Cum enim dicas ter, Leonardū probare sententiam suā esse nixū, eūdēque tecum sæpius disceptasse, quī fieri potest vt idē tibi dixerit se illā epistolam conscripisse tui alliciendi ad respondendū gratia, nec ad ostendendū opinionē suā, sed ad cognoscendā tuam? In quo mecū agnosce quot insint cōtraria. Vnum, quod, qui nō solum frequenti disputatione cum dissentiētibus, quorū, tu vnus fuisti, egit, sed etiā scriptis, idque multis verbis multisque argumentis probare nititur sententiā suam: is profecto non aduersarii elicere vult opinionē, sed suā ostēdere. At sunt leuia illa argumēta. Esto tamē pro grauibz ille, nō pro leuibus scripsit. Neque quisquam adeo stultus esset, vt leuiora promeret argumenta aduersus hostes, nec grauibz vnquā vteretur. Alterū, quod nemo scribit epistolā, quātumuis etiā leuibus argumentis nixā, ad cognoscendā eius opinionē, quo cū sæpius disputasset (inter disputandū enim cognoscit eius opinionē) præsertim cū nō ad hūc, sed ad aliū scribat, à quo esset literis prouocatus. Tertiū, quod si ille dixit, vt meministi, & quēadmodū iterum ais, ab eo accepisti: ab ipso epistolam ad Flauīū fuisse cōscriptā, ob eā, quā dixisti, causam, certe non diceres te arbitrari. Ea enim, quæ videmus, audimus, aliquo sensu percipimus, non opinamur siue arbitramur, sed scimus. Quod si illū fuisse Leonardi suspicaris animū, profecto tibi nūquā hæc ab eo sunt dicta, sed ad tuā vtilitatē tuo more præsertim de mortuo ista finxisti. *P O.* Imò tu fictor es, qui poetari soles.

Pugnātia inter se scribere Pogium.

Arbitrari.
Opinari.
Scire.

An quōdam
idē fuerit ser-
mo doctōrū
& vulgi.

Ego de Leonardo vera scripsi. L. Ergo de te non vera, quòd ab illo arbitratus es ob id illā epistolam fuisse conscriptā. P. O. Nō arbitratus sum: sed scio, quia ab ipso audiui. C. Verum loquitur Pogius. perge Laurenti. P. O. Dic quid sentias de opinione mea, quòd prisci Romani Latine loquebantur omnes. L. Quis istuc negabat? P. O. Leonardus ipse. nōne legisti? L. Non animaduerti. P. O. Hui tardus es, atque hebes, & nihil, nisi ad carpendum acutus. L. Ne ad carpendum quidem satis acutus sum. nā multa, opinor, quæ carpi possent, non animaduerti. Sed legamus iterum. L. I. B. P. O. G. Probare nititur non fuisse eam linguā omnibus cōmunem: sed aliam popularem, aliam eruditorum fuisse locutionem. L. Et iterum. L. I. B. P. O. G. Nam leuibis argumentis ostendere alium vulgarem, alium literatum, vt suis vtar verbis, sermonem extitisse. L. En, non negat Latinum sermonem fuisse vulgarem atque popularem. P. O. G. O tardissimo ingenio virum. cum negat linguam eruditorum fuisse eandem popularem, nōne negat vulgus Latine locutum fuisse, cum eruditi Latine loquerentur? L. Nōdum istuc video. P. O. En tibi mea ocularia. L. His, qui bene vident, non est istis opus. Quod autē hæc non video, non mea est culpa, sed tua, qui rem non promisi.

P. O. Non est opus promi, quæ prompta sunt. L. Imò in promptuario condita. P. O. Quid ais? Nōne est alius nunc vulgaris sermo, alius Latinus? L. Nunquid Leonardus sentit: ita vulgus olim Romæ locutum, vt nunc loquitur? P. O. Non ita quidem, sed multo melius: veruntamen aliter, quàm literati & eruditi.

L. Nunquid igitur non Latine? P. O. Sanè verò. cum enim cōfiteatur alium esse sermonem literarū, alium vulgarem, necesse est confiteatur, vt nunc Romani nō loquuntur Latine, ita olim vulgo nō fuisse Latine locutos. L. Quid? ergo Hebraice nunc Romani loquūtur? P. O. Rides me. non istud dico, sed vulgariter.

L. An non etiam olim fuit sermo vulgaris, vt Leonardus ait?

P. O. Istud est, in quo ipse aduersor Leonardo. L. Imò & tibi.

P. O. Quā ob rē? L. Quia ista tu affers Quintiliani verba. legam?

L. I. B. P. O. G. In duodecimo verò, cū scribit de genere dicendi, ait, Nā aliā mihi quandā videtur habere naturā sermo vulgaris, aliā viri eloquētis oratio, cui si res modo indicare satis esset, nihil vltra verborū proprietatē elaboraret. His verbis cōstat eundē fuisse sermonē hominis vulgaris, & eloquētis, quo ad verborū proprietatē, elocutione differre atque ornatu. L. En quod Leonardus aiebat aliū vulgarē, aliū eruditum esse sermonē, quod pernegabas.

P. O. Aliter isthic accipitur vulgaris, atque Leonardus intelligit.

1. Istud nescio. Tu tamen videris loqui contraria, dum negas, aísque, quendam vulgarem fuisse sermonem. Leonardus sentit, de sermone vulgari priscorum, qualis nūc Romæ est vulgo loquentiū, etsi non adeo, vt nunc, deprauato: qui certe sermo Latinus non est, sed vulgaris. tu vulgarē alicuius gentis appellas sermonem. Afferam tua iterum cōtra te scripta. LIB. POG. Nēpe opinor illam, qua Latini populi vtebātur, & ab eis ortam: illaque eos fuisse vfos, qui dicebantur Latini, à quibus & nomen sortita est: quā & Romanis, quū Latini essent, & in Latio siti, in vsu fuisse communi necesse est. Nam sicut linguam dicimus Gallicam, Hispanam, Germanam, Italā: qua Galli, Hispani, Germani, Itali loquuntur: itēque de Græca & reliquis, eodem modo: & Latinam linguam eam fuisse oportet, quæ in cōmuni erat vsu apud Latinos. 1. Si Romani Latini sunt, & à gente nominatur lingua: non ergo lingua Romanorum alia nunc est, quàm Latina, sicut & olim fuit, quemadmodum ab omibus aliis nationibus appellatur. Siquidem Italica lingua, quæ olim diuersa ac multiplex fuit, & mox propter Romanas Colonias, ac Romanorū cōsuetudinem in linguam Romanam concessit, id est Latinam, ab exteris gentibus, non nisi Latina nominatur. Itaque non modo quondam loquebantur, verūetiam nunc vulgo Latine Romani loquuntur. Vides vt tibi conceditur, quod tu tantopere probare contendis, olim Romanos fuisse locutos Latine? P.O. Non isto modo, vt ex meis verbis licet cognoscere, accipiebā Latine, sed grāmaticæ. ac ne Leonardus quidē. Lege mea verba. L.P. Quæro à vobis, quā linguā appelletis Latinam: eam, quā grammaticam vocamus, & à quibus ortū habuisse putetis? Nempe opinor illā, qua Latini vtebantur, & ab eis ortam. 1. Et iterū. L.P. Diutina me dubitatio tenuit, utrū priscis Romanis Latina lingua, quam grāmaticā vocamus, fuerit omniū cōmunis: an alia quædā esset doctorum virorum, alia plebis & vulgi oratio. id est, vt apertius loquar, utrū docti pariter & indocti ab ipsa vsque infantia Latino veluti materno domesticoque sermone loquerentur: an esset alius quispiam doctorum hominū, prout nobis contingit, ab vsu vulgari diuersus. Sentio enim hac de re viros doctissimos dissentire. P.O. Ecce, quem voco Latinū, hoc est grammaticū. nihil enim interesse volo, grammaticū dixerim an Latinū. 1. Te miror Pogi, qui passim tibi ipse repugnas. P.O. Quid ita? 1. Legamus tua, quæ non longe sequuntur, verba, vbi Quintilianum affers testem. LIB. POG. Idem in primo sui operis libro, quū de grammatica disputat, Quid, inquit, de aliis dicam? quū senatus

Latine, &
Grammaticè
loqui.

senatus senatui, an senatus senati senato faciat incertū sit? Quare mihi non venuste dici videtur, aliud esse Latine, aliud grāmāticè loqui. Quibus constat verbis omnes Latine, sed nō omnes grāmāticè loqui solitos, quū Latinam linguā omnibus tribuat: grāmāticam, hoc est loquēdi doctrinā, literarū peritis. Latine igitur omnes, sed emendatius docti loquebātur, à quibus senatū quartæ declinationis dici affirmat, ab indoctis secūdā. Docti enim ratione iudicabant, quod alii vsu assequebantur, nulla suorū verborum ratione habita. 1. Ais linguam Latinam eandem quam grāmāticā esse. dehinc affers Quintilianū dicentē aliud Latine esse, aliud grāmāticè loqui. Quid aliud vult Leonardus, quā omnes Romanos fuisse Latine locutos, sed non grāmāticè? Vides vt tu causam aduersarii agis, & tuam euertis? Sed ego te Pogi subleuare volo, atque ostendere, nihil ad hanc rem verba Quintiliani agere. Nam ea tu nō recte accipis, qui ais, eū velle emendatius dici grāmāticè & doctius, quā Latine. Hoc ille nō sentit: sed melius esse Latine, quā grāmāticè loqui: hoc est, ex consuetudine peritorū, q̄ ex artis analogia: quū tota sit illa Quintiliani disputatio de laude cōsuetudinis loquendi aduersus analogiā, de quarū vtraque ita ait, Cōsuetudo verò certissima loquēdi magistra. vtendūque planè sermone, vt nummo, cui publica forma est. Deinde, Sed meminerimus non per omnia duci analogiæ posse rationē, quū sibi ipsa plurimis in locis repugnet. Et paulo post, Non enim, quū primū fingerentur homines, analogia demissa cælo formā loquendi dedit, sed inuenta est, postquā loquebantur, & notatum in sermone, quid quoquo modo caderet. Itaque non ratione nititur, sed exemplo: nec lex est loquēdi, sed obseruatio: vt ipsam analogiam nulla res alia fecerit, quā consuetudo. Inhærent tamen quidā molestissima diligentia perversitate, vt audaciter potius dicant, quā audacter: licet omnes oratores aliud sequantur: & emicauit, non emicuit: & conire, nō coire. Et quū multa in hanc sententiam disputasset, ad extremū intulit, Quare mihi nō inuenuste dici videtur, aliud esse Latine, aliud grāmāticè loqui. Vides, vt Latine loqui est oratorum & eruditorum, & plus etiam, quā grāmāticè? Ideoque Latine loqui, inter virtutes Rhetoricæ ponitur, vt grāmātica sit locutionis, Latinitas elocutionis. Hæc est inter grāmāticè ac Latine loqui differentia, nō quam tu cōstituis, & quantūuis falsa ratione conaris probare, inquiens, Senatum quartæ dici à doctis, secūdā ab indoctis. Nam neque istud, vt tu ais, Quintilianus affirmat, sed plane negat, neque vllō exemplo confirmari potest. An

Cicero indoctus est, qui quum alibi, tum verò in Philippicis ait, Nò semper habebitis eundem senatũ, nec senati ducem: qualia exempla sunt plurima, vt ista vera sint tu propositum meũ tueris, nò alium fuisse Latinum, alium grammaticum sermonem, de quo à me disputatio fuit instituta. nam qui Latine, iidẽ grammatice loquebãtur. Quomodo tu isthuc dicis, vt sermo Latinus, qui grammatico præstat, esset omniũ communis, nec plebis modo, & vulgi mulierũque, verum etiam puerorum atque infantium? O rem miram Pogi, infantes eã habuisse facultatem, quã Cicero sæpenumero in quibusdam oratoribus desyderat, in nònullis prædicat. Si omnes Latinũ sermonem à matribus nutricibusve discerant: ergo omnes norant, quemadmodum nunc in omnibus ciuitatibus fieri videmus de sermone vernaculo: quæ res nulli hominum inter conciuēs vnquam laudi data est. Sin verò laudanda, quia labore, studio, industria comparatur: ergo nò à parētibus aut nutricibus tradebatur. P o. An non ego dixi omnes Romanos Latine locutos, sed emendatius doctos?

l. Cur dicas emendatius, non video. Alius alio ornatius, sublimius, eloquentius, fateor: sed non Latinus, si omnium Romanorum sic erat communis lingua Latina, vt nunc est ciuitatum sua cuiusque vernacula, vt Florentina, vt Neapolitanorũ Neapolitana, vt Venetorum Veneta. Quoniam nunquam animaduerti Romanum Romane, aut Florentinum Florentine, aut Neapolitanum Neapolitane, aut Venetum Venete alium alio magis loquentem. Vnus est modus, atque vnum genus, & vna veluti in suo cuiusque ciuitatis numismate, figura dicendi. Quod si non loquebantur prisci Romani alius alio Latinus: ergo nihil est quod dicis, emendatius locutos doctos. Quanquam non vides, quũ dicis doctos, fateri te doctrinam fuisse: quæ superuacua fuisset, si linguam Latinam infantes sine doctore didicissent.

P o. Quasi nò fuerim cõfessus à Quintiliano tribui literarũ peritis, loquẽdi doctrinã, hoc est grãmaticã. l. Istud Quintilianus nec dicit, nec sentit. P o. Ergo si grãmatica nò magis peritorum doctorũque est, q̃ imperitorũ & indoctorũ: sequitur id quod à principio proposuerã, grãmaticã fuisse etiã vulgi infantiumque sermonẽ. l. Non id dixi equidẽ: sed Quintilianũ nò id sentire, vt doctorũ sit grãmatice loqui magis quàm Latine. P o. Igitur quod volebã, doctorũ sit pariter & indoctorũ apud priscos Latine ac grãmatice loqui. l. Idem Pogi, modo ais, modo negas: nũc grãmaticã esse doctorum & peritorum tãtummodo, nũc etiam imperitorũ atque infantium. Sed quĩ fieri putas potuisse, vt

infantes grammatice loquerentur? Nempe quòd illam à matribus, vt inquis, nutricibusque discebant. Idque duabus te rationibus probasse confidis. Vna, quòd scribis. LIB. POG. Quū ab ipsa infantia barbarorū filii cum materno lacte vernaculam linguā discant, quāuis hiulcam, rudē, asperā, barbaram, absonā prolatu, quæ nobis viris esset admodū scitu difficilis. 1. O te præter cæteros homines ridiculum Pogi. Cui non aliena lingua difficilis, absona, atque adeò barbarā? Nūquid putas minus absurdam videri Germanis Italicam, quàm nobis videatur illorum? aut non ita laborant Teuthones in percipienda nostra, vt nos in ipsorū? Equidē nescio an aliquem Germanum audierim recte loquentē Italice, quāuis in Italia totā penē egisset ætatem: quod facerent, si nostra, quàm illorum esset scitu facilior. Quotusquisque est, aut Græcus qui Latina, aut Latinus qui Græca recte pronuntiet? Audiui adolescens à quibusdam, qui se audisse dicerent, quū iter ad Alpes facerent, quendam sociorum suorum admiratum, quòd pueri illi Teuthonice loquerentur, durā, rigida, & minime apta pueris lingua: quasi deberēt omnes infantes statim Italice loqui, lingua, si tibi credimus, suaui, dulci, & accommodata infantibus veluti lacte. Cur ita? nempe quia Itali sic loquebantur. Nō alium opinor fuisse, quàm te Pogi, qui miraris, tanquam rem arduam, & discendæ grammaticæ similem, pueros discere barbaram aliquam linguam. Altera quòd scribis, multos te nouisse in Curia Romana, qui solo vsu grammatice loquendi, grammatici euassissent. Ego certe & natus & alitus Romæ, atque in Romana (vt vocant) Curia, qui cōgrue loqueretur, cognoui neminē, nec hoc contingere posse existimo. An tu ignoras illā sacerdotis fabulā, qui famulum iubebat secū loqui grāmāticæ: identidē eū reprehendēs, quòd nesciret dicere, Da mihi clauē. Vbi est clauis? iuberētque nūc clauis dicere, nunc clauem. Quo factō ille desperans, vicissim cœpit herū indignabūdu reprehēdere, his verbis, quæ in iocum vulgi emanauerūt, Modo clauis, modo clauem, nunquā vidi homo talē. & tu hæc facillima etiam pueris esse existimas? Quæ quātopere facilia sint, vel tu (nā quid alia documēta quærimus?) testimonio es, qui ista ætate, isto studio, ista perpetua grāmāticæ loquēdi atq; scribēdi cōsuetudine, nōdū tamē grāmāticæ aut loqueris, aut scribis. Quo minus tibi obsequar postulanti, ne quid de erroribus verborū tuis in hoc opere loquar. Quod cum à me poscas, satis significas, te nōdū satis grāmāticū esse: hoc est, difficile admodū, grāmāticæ loqui. De quibus tuis erroribus ad Grammatica. extremū agam. At tu grāmāticā adeò facilem facis, vt eā artem

esse negare videaris, idque Quintiliani testimonio. Nam ita scribis, LIB. POG. Quod consilium superuacaneum esset, si lingua Latina tunc in scholis à præceptoribus tradita extitisset. I. Cur quæso Pogi semper à teipso dissentis? quæ est tua inconstantia? aut quæ tanta ingenii hebetudo? præceptores fuisse cõcedis, scholas non concedis. Quid est enim aliud schola, nisi vbi præceptor Schola. docet plures duntaxat: An non scholas non dico fuisse, sed etiam debere esse confirmat, ad quas pueri etiam infantesque mittantur, cuius secundus titulus est, Vtilius domi, an in scholis erudiantur? Quid ais Pogi, Grammaticæ statim pueri loquebântur? nullæ scholæ erant? frustra igitur compositi erant tam scrupulosi libri de arte grammatica. frustra vocabantur præceptores. frustra ei doctrinæ dabatur opera, si vsu percipi poterat. frustra de ipsa Quintilianus idem inquit, Quæ nisi oratoris futuri fundamenta fideliter iecerit, quicquid superstruxeris corruet: necessaria pueris, iocunda senibus, dulcis secretorum comes: & quæ vel sola in omni studiorum genere plus habet operis, quàm ostentationis.

POG. Quasi verò ego non dixerim doctos ratione iudicasse, quod alii vsu assequebantur, nulla suorum verborum ratione habita. I. O ineptissimum hominem: quasi oporteat de ea re rationem reddere, quæ non ratione constabat, sed vsu. Quò mihi rationem istam, si satis est vsus? Quis de lingua Gallica, Hispanica, Germanica, Florentina, Neapolitana, Veneta, & item de reliquis rationem exigit, & non ipso vsu contentus est? An Quintiliani ex eodem libro verborum oblitus es, quæ paulo ante retuli? Itaque non ratione nititur, sed exemplo: nec lex est loquendi, sed observatio, vt ipsam analogiam nulla res alia fecerit, quàm consuetudo. Quum dico analogiam, quicquid penè rationis est in Grammatica, complector. Nam ita ait idẽ in eodem loco author, Sermo constat ratione, vetustate, authoritate, consuetudine. Rationem præstat præcipue analogia, nonnunquã etymologia. Vides vt vix reddi ratio possit grāmaticæ, quam tu vis totam constare ratione? POG. Tu verò pro mea causâ loqueris, qui nõ artificium olim fuisse grammaticam, vt nunc est, sed vsu & consuetudinem volo, eoque pueris quoque, & infantibus scitu facilem. I. Istud Pogi tua fit culpa, non mea. POG. Cur ita?

I. Quia quum inter se contraria loquaris, idque persæpe, non possum facere, quin etiam pro te dicam, vt mirum quiddam, & prima fronte ridiculum videatur esse, altercâtes inter se alterum pro altero dicere. Verum hoc inter me atque te interest, quòd ego etsi pro te, non tamen contra me dico: tu non magis contra

me, quàm contra te ipsum dicis. Verum Pogi nec aduersum me, nec pro causa tua loquor. Nam hæc est, vt ad ipsum caput veniam, quæstio tua: vtrû priscis Romanis Latina lingua, quam Grammaticam vocamus, fuerit omnium communis, etiam infantium. hocine tu sentis Pogi? POG. Quid ni sentiam?

L. Ergo Grammaticæ fuisse locutos confiteris infantes?

POG. Sentio, & confiteor. L. Cur igitur ad præceptorem grammatices mittebantur, vt discerent linguæ, quam norant, rationes & causas? POG. Eodem reuolueris. vtinam ego recte grammaticæ loquerer, ne aliquid causarum ac rationum grammaticæ nossem. Quanquam in hac tu re longe antecellis, qui nunquam de huius artis præceptis magnopere curasti. Quid ais? aut ars grammatica est, & ab eruditis, non autem à nutricibus tradebatur: aut ars non est, quam omnes fatentur esse artem, vt tu vnus plus omnibus sapere videre, & cæteros tanquam tardissimo ingenio damnare, qui artem fecerint id quod vsu & sua sponte percipi poterat. G. Noli reniti vltius Pogi, ac cõtendere: grammaticæ omnes priscos Romanos cuiuscunque conditionis, sexus, ætatis, locutos fuisse. POG. Si istuc concedendum est, illud certe concedat Laurentius oportet, omnes fuisse locutos Latine. L. Ego verò etiam hodie Romanos loqui Latine fateor. POG. At multum differenter à priscis. L. Et istud quoque fateor, sed abste discere velim, quàm differenter olim vulgus ab oratorum sermone loquebatur. POG. Quantum ad verba perinet, nihil omnino. L. Iam in idem redimus. POG. Quamobrem? L. Quia sermo oratorum ad Grammaticam compositus erat, vt omnes scriptores huius artis præceptoresque testantur, & tu præter vllam artem esse vulgi sermonem modo concedebas. POG. Dicam igitur non grammaticum vulgi fuisse infantiumq; sermonem, sed tanquam grammaticum. L. Ad risum me adigis. POG. Quare? L. Quia videris itidem loqui, atque illi, qui aiunt, deos non habere sanguinem, sed tanquam sanguinem. Nam quis intelligat quid illud sit, tanquam sanguis, non tamen sanguis? Ita te quis audiat dicentem, illos non grammaticæ, sed tanquam grammaticæ locutos? POG. Dum ita loquor, id intelligo, sermonem vulgi atque infantium parum abfuisse à sermone oratorum, duntaxat in verborum proprietate. L. Hoc ipsum, quantum distantia erat, quæritur, & in controuersia est. Si multum, recte sensit Leonardus: sin parum, & propè nihil, tu viceris. Neque verò tua exempla palàm ostendunt, nihil interfuisse inter eorum orationem, quorum scripta legimus: & eam,

Táquam sanguis.

qua pueri à nutricibus matribusque imbuebantur. Nam illa, quæ ex Quintiliano repetisti, magis contra te facere probaui, cuius & illud testimonium vide an tecum faciat ex eodem libro. Id vel hoc argumento patet, quòd intra biennium, postquam recte formare verba potuerunt, quanuis nullo instante omnia ferè loquuntur. Non dico nunc, si fuisset eadem lingua indoctorum & doctorum, quid oportuisset pueros iam grammatice loquentes ad grammaticum mittere: sed quò fieri potest, ut quod nos tanto studio ac labore, instantibus præceptoribus, pædagogis, patribus, in assidua scholarum ac condiscipulorum consuetudine, intra tot annos nequimus assequi (loquor de grammatice fando) id illi infantes inter lusum, nullo instante, intra biennium, ex quo cœperant posse verba proloqui, assequerentur: ita, ut oratores ac poetas intelligerent, quos vix nos exacta pueritia intelligere possumus? Neque nos tardiori, quàm illi fuerunt, ingenio facias (quoniam quibusdam in artibus nequaquam illis cedimus) quales si non sumus, sed veteribus pares: vnde fit, ut vulgus (Romanum, atque adeò Italicum illiteratorum dico) non possit vllò pacto conseruare, imo consequi & imitari sonum literatarum vocum etià milies auditarum, & quotidie inculcatarum, cuiusmodi sunt eæ quæ à sacerdotibus subinde repetuntur? Et, ut de Romanis, de quibus controuersia est, potissimum dicam, frequentissime audiunt legētes in via Appia, Domine quo vadis? at vulgus ait, Domina couata? de ara cæli: dicit, arocielo. de arcus nerue, arcanoe. sancti Petri ad vincula, sancto Petro mencolo. & alia infinita, adeò nullum literati soni verbum in ore vulgi est. Neq; aliter in cætera Italia Hispaniâq; & Gallia, quæ quandâ habent cum nostra lingua cognitionem. Neq; illud fuit abs te faciendum, ut exempla linguæ Hispanæ in testimonium afferres: quasi aut Italici pauciora vocabula habeant grammaticis similia, aut non illi cuncta nomina numero plurali, s littera finiant. Quo nullum maius indicium est, gentem illâ olim grāmattice locutam. Quæ natio, si quondâ more literatarum loquebatur: cur nec ipsa inflexionē illâ casuum, de qua Leonardus quærebat: nec participia quædâ, atque gerundia, supinâque: nec deriuâdi, nisi in paucis, vsus: nec alia plurima, quæ grammatica præcipit, custodiuit? Vnde articulos, quos lingua Latina non habet, asciuit, quemadmodum & Roma & Gallia & Italia? Sed hæc hæctenus. Nolo enim in præsentiarum meam promere sententiam, quum non sit id mei propositi: sed, ut tuæ aduerser, ne tantopere tibi de isto opere placeas, ex quo tibi te immortalem fore promittis.

Nunc quo videatur id quod disputavi, verisimilius non fuisse facile factu, sed difficile sanè: loqui vulgus, vt oratores, solitum esse, tua in lingua Latina annotabo vitia, quæ in hoc opere admisisti, si idem iudici nostro arbitroque videatur. *G.* Ego verò, & quòd ita fecisti, probò:& sicuti ais, reor esse faciendum. *L.* Et eo magis, quòd si qua sunt, alia (puto autem esse multa) quæ ad hanc rem pertineant, commodius abs te explicabuntur, si ea Pogio libebit audire. *G.* Sunt, vt inquis Laurèti, alia, in quibus ista quaestio finiri potest, nec mihi ignota: quæ si Pogio, sicut ais, libebit audire, explicabo. *P O G.* Libebit nimirum mihi audire, si contra me non sis locuturus. *G.* Cõtra te velim ego loqui: sum iudex: istæ Laurentii, qui aduersarius est, sunt partes. meæ sunt, non contra quempiam, imo nec pro quopiã loqui, nisi pro veritate, contraque mēdacium. *P O G.* Iam mihi libet audire. *L.* Mihi quoque, sed vbi paucula in te non Latine posita verba notauero: Latine dico, vt docti loquebantur, non vt indocti, aut quomodo nunc seculum nostrum Latine loquitur: quod potius dicendum est loqui semilatine ac semibarbare: scripsisti enim primum,

Natale solū.

Patria.

L I B. P O G. Natalem patriã. *L.* Pro natale solū. Idē enim pollet vnū nomen, patria: quod duo, natale solū. Ex quo superuacuum est, natalem. item, *L I B. P O G.* Conuiuii magister potius gratias conuiuiis debeat qui venerint, quàm illi ei qui ad epulum vocarit. Et iterum, Horum quemuis non magis gratias debere arbitror conuiuii auctori, quàm tibicines aut cytharistas, vel cantores ad epulum adhibitos voluptatis causa: qui nedum gratias pro cibis impensis agunt, sed præmium insuper suæ artis exposcunt. Atque iterum, Sicut ergo turpe ducimus non adhiberi ad epulū aliorum, sic honestū videtur accersiri. *L.* Cur dixisti modo con-

Conuiuator.

Author conuiuii.

Epulum.

Nedum.

conuiuii magister, modo author? nempe quia ignoras cōuiuatorem reperiri. quod reperias licet quum alibi, tum apud Liuium lib. 6. de bello Macedonico. Præterea epulum pro epulis ponis: quam differentiam aperirem, exemplisque comprobarem, nisi doctissimus vir adesset iudex noster. Nedum quoque non secundo loco posuisti, vt debebas, sed primo, quod sæpe aliàs reprehēdi. sed illud nō semilatinum, sed barbarum fuit, accersiri, vt dicimus audiri: quasi dicatur accersior, & non accersor. Posuisti item multoties pro frequenter. quælibet pro vnaquæque. vmbeculam pro vmbellam. sua pro eius. & eius pro sua. sibi pro ei. eū pro se. abhorreo rē, pro abhorreo ab re. aliàs pro aliter, siue alioquin. subtilus lectum, pro subter lectum. impartiti sunt studium suum in illis, pro impertierunt studium illis. quantū pro quanto. quoad

Accersor.

Multoties.

Frequenter.

Vmbella.

Subtus.

Impertior.

pro quantum. applaudisse, pro applausisse. etiam necessarius neutro genere, tanquam comparativum. Quod si fortè non credis, en legito. LIB. POG. Nil vtilius, nil necessarius nobis ad tuendam vitam corporisque tutelam quàm domus. 1. Hic quoque aliud se prodit vitium: quasi dicatur ad tuendam corporis tutelam, aut certe, si vis, ad corporis tutelam intelligi, quid interest inter ad tuendam vitam, & ad tutelam corporis? Neque tu locum quendam apud Ciceronis Officia dixeris huic esse similem. Nam & dissimilis ille est, & tu hoc vitium frequenter admittis, vt in vltimis verbis. LIB. POG. Aeris & animi gratia. 1. Quod vix vllus poeta dixisset, quum præsertim differant aer, propter quem hauriendum. & animus, propter quem relaxandum prodibatis, huiusmodi causæ inter se ita dissimiles non solent coniungi sub illo vocabulo gratia siue causa. quod genus loquendi frequenter captas. quale est, LIB. POG. Et qui secus opinantur, nō rectè meo iudicio existimant. 1. Ne diceres iterum opinantur, quod etiam erat melius, dixisti existimant. Tersius sic dixisses: & qui secus, ii, meo iudicio, non rectè opinantur. Eiusdem vel affectationis vel negligentia est, quod ais, LIB. POG. Sententiam Aristotelis tecum sentire. 1. Quasi sententia sentiat, quod nemo vnquam dixit. Ego verò ne sensa quidem verborum dixerim, vt tu facis, qui scripsisti, LIB. POG. Vt etiam rudes indoctique percipiant verborum sensa. 1. Ac nec illud dixissem, nulla suorum verborum ratione habita. Habere enim rationem, est habere respectum, nō autem ignorare rationem, vt tu illic accipis. neque quum ais, LIB. POG. Qui si quod verbum inter stultos, qui vndique redundant, protulerint. 1. Maluissimè dicere, quibus omnia redundat, vt Cicero dixit, qui nusquam sic locutus reperitur, vt tu: inquires, LIB. POG. Quibus ex rebus planè intelligis à medicina scientia in multo facultatem legum anteiri. 1. De illo loquor, in multo. Et ad extremum velim mihi distinguas significata cerdonis ac futoris: nam pro diuersis ponis, quum inquis, LIB. POG. Cerdones, sutores, coquos. POG. Cerdones faciunt calceos, sutores vestimenta. 1. Si vestimenta è corio intelligis, aut calceos venire appellatione vestitus, nō negauerim sutorem etiā circa vestes versari. Verū nō ita accipitur à doctis. sed is, qui calceos facit, sutor: qui vestes, sarcinator nominatur. Hæc si Pogi ignoras, alter cetero Cato, non dico, quia mordax, sed quia doctus vt ille & senex es, quo tandè modo pueri sciebāt atque infantes? POG. Expectemus quid de hac re sentiat Guarinus. Multa enim legit. multa audiuit. multa cōposuit. profectò aut hîc scit quid verum sit, aut

Necessarius.

Tuenda vita.
Tutela corporis.

Opinor.

Sententia sentit.

Sensa verborum.

Habere rationē verborū.

Stultis omnia redundant.

In multo anteciri.

Cerdo.

Sutor.

Sarcinator.

Protervus.

nemo. l. Nunquid cum proteruum, si secus, ac tu, sentit, appellabis? et si isto vocabulo proteruus, non rectè es usus. POG. Vt cum videro sentiētem, sic appellabo. Sed cur cum iam loqui paratum impedimus?

INDEX EORVM QVAE IN HIS ELEGANTIARUM LIBRIS, libello item in Raudensem & Pogium explicantur. in quo numerus prior, librum elegātiarum, posterior, caput indicat. Si verò numero R præponatur, annotationum librū in Raudensem significabit cum foliorum numero: P autem litera, libellum in Pogium.

A					
¶ A & ab	3.66. R. 4	accipio	6.7	actum est	5.102
¶ Ab & abs quibuscumque		accipio conditionem	4.	actuosus	1.21
ris iungantur	1.29. R. 4	67. & 5.67		¶ Ad	R. 12
abactores	6.16	accipio excusationē	5.67	ad cum verbis eo, profi-	
abaculi	6.53	accipio fidem	5.16	ciscor, &c.	3.37
abdico	5.104	accipio iniuriam	6.3	adamo	5.37
abfore	1.26	accius	R. 42	addico, addicō morti	5.28
abfuturi	1.26	accola	4.54. P. 83	adduco in inuidiam	1.21
abhorreo	5. 101. R. 47	accusator	4.12	ad diem	4.80
abiectius	1.19	accuso	6.13	adeo	2.44
abiegnus	1.4	accusationis verba	3.32	ad hoc	2.5
abiet in sudorem	P. 84	accusatiui & ablatini ge-		adhæresco	1.22
abigo, abigeatus, abigeus	6.16	rundii cōstructio cum		adiectiva in bundus	1.12
ablatius	2.6	præpositionibus	1.27	adiectivum vbi collocan-	
ablativi & genitivi affinitas	3.17	accusatiuus cum infiniti-		dum	3.25
abstinentia	4.41	uo	2.14	adiicio huic rei & ad hanc	
ex Abundanti	R. 68	accusatiuus temporis	3.	rem	3.45
abus habentia nomina in da-		17. R. 21		aditum iacere & munire	5.26
tivo & ablativo	1.1	accusatiuus pro nomi-		ad me spectat	3.96
¶ Ac	2.58	nativo	3.23	admissarius	R. 58
accedit huic rei, & ad hanc		acedia	R. 40	admissura	R. 58
rem	3.45	acervus	4.49	admodum quàm	1.17
accedo	4.2	acinus	4.28. R. 75	admoneo manum	5.90
acceptus in convivium	6.7	acipenser	1.29	adolescētia lubrica	4.101
acceptilatio	5.100	acrimonia	R. 46	ad oro	5.11
accerfo	1.23	acus, acicula	1.5	ad quindēcim dies	P. 84
accessio, accessus	4.2	acta, actiones	4.9	adsum	5.51
accepi molestiam, cladem,		actio, actus	4.2 & 32	ad summam, ad sum-	
contumeliam, vulnus, iniu-		actio noxalis	6.35	mum	6.20. P. 79
riam, dedecus, ignominiā,		actiui in passivum resolu-		ad tempus	4.112.
voluptatem, gaudium, &		tio	33.3.9	advento	5.10
latitiam	3.75	actiui verbi nitidior vsus	349	adverbia quædam in im-	
		actor	4.52	excuntia	6.20
		actuaris	1.21	adverbia quædam com-	

INDEX.

paratiua & superlatiua,	agonitheta	R.15	ambulo	5.79
teruiant accusatiuo 2.12	CAiunt	3.5	amicus, amica	5.37
aduerbium disiunctiuum	CAla	R.13	amiculum	1.5
quid momenti ex situ	Alanus	R.64	ammon	R.36
habeat	alapa	R.6	amo	5.37
aduerfor, auerfor	Albani, Albenfes	4.85	amor	4.62
aduerfus, aduerfum	albescere	1.22	amorem conciliare	5.53
aduerfus, aduerto	alcaus	R.42	amoueo manum	5.90
adulatio, adolor	aleator, alea ludere	1.6	amplius ad festum Maii	
adulterium	alemanni	R.37	P.79	
adultus	alias	2.49	CAan, anne	2.17. R.41
aduocatus	alicubi	R.6	Anacreon poeta	1.11
ad votum habere	alicunde	R.6	andromeda	5.6
adytum	alienus	1.18	anguilla lubrica	4.101
CAEschylus	alioquin	2.49	animabus non dicitur	1.1
ædes cum deriuatis	aliptes	R.10	animaduerto	3.69
5.7 & 6.40	aliquis, aliquid	R.6	animans	1.33
ædificare	P.79		animosus	1.21
ædificium	aliquando	2.50. R.48	anniuersarius	4.108
ædiles	aliquatenus	R.48	anniculus	1.5
ædilitius	aliquantisper	2.48	annona	4.35
æditui	aliquanto, aliquantum	1.16. R.26	annuatim	6.60
ægreſco	aliquis 3.63 & 16. R.6 & 48		annuus	4.108
æqualis, æquabilis	aliqua nauis	P.79	ante, vim habet compara-	
& 6.26	aliquo	R.6	tui	1.16
ærarium	aliquod	R.6	ante alios	1.55
æ alienum conflare	aliquoties	R.7	ante diem venire, adesse	
æſtimo	aliter	1.16	ante hac, ante illud, poſt il-	
ætas præmatura	alius	1.16 & 3.59	lud	2.56
CAffatim	alleuo	5.81	ante me duco	5.17
affectatio, affectio, affecto,	allocutio præmatura	4.107	antecedentis à relatiuo dif-	
affectus	alludere	4.16	cordantia venusta	3.19
affectus ſum	alluui	R.20	antiqui	4.5
afficio te iniuria & contu-	alo	5.46	CAper	4.42
melia	alter	3.59	apertum, apertile	1.8
affinitas genitiui & ablati-	alter alterum accusat	3.30	apes & apis	1.5
ui	altilis	1.8	apiaſtrum	1.5
affore	altilia	R.11	apocriſarii	R.32
afranius	aluearium	1.6	apotheca	R.7
Africa, Afri homines	aluus	R.56	apparatus belli, apparo	5.
CAge, agite, agedum	alumnus	6.5	64	
age verò	CAmamus nos inuicem,		appellationis verba	3.92
ager	mutuo, pariter, & inter		appellit homo	P.79
ager meus & mei	ſe 3.74		appendo	5.82
ager reſtibilis	amandus	1.34	appetitus, appeto	5.7
agere	amator	5.37	appodio	R.7
agere delectum	amatorium	1.6	apprime	R.53
aggrego te illis	ambicio, ambitus, ambitio-		appropinquare	R.7
agnomen	ſus	4.19	apud te	6.54
ago gratias			aqua deſluit	R.41
ago tibi gratum				

INDEX.

CA quatilis	1.8	assurgo	5.12	bacillus, baculus	1.5
aquatium ire	R.8	asylum	6.19	balneæ	R.12
aquosus	1.21	ast	2.15	bancalia	R.12
CA ratio	4.2	in aster finita diminut.	1.5	barba, barbæ	6.14
aratus	R.42	aster, astron	6.22	barbiton for	R.12
arbor	4.27	astrologia, astronomia		basti	R.39
arbor laurus	R.8	R.10		CB eatitudo, beatus	4.114
arbos	R.8	astutus	R.10	bellum	4.64
arbitrari	P.99	CA t, attamen	2.27	bellus	R.13
arbutus, arbuta	R.8	at vero	2.24	bene	2.52 & 3.87
arceo	6.16	atque	2.58	bene agi cum aliquo	5.102
arcesso & accerso	1.23	atramentarium	1.6	bene censeo, bene precor,	
archilochus	R.42	atragen	R.11	bene mereor	3.87
architectus	R.22	CA uctus, auctio, auctiona		bene habeo, bene habet	
architriclinus	4.34	ri	4.32	3.74	
arcta mulier	6.38	auctio sub hasta	R.71	benedico, benedictus	1.10
area	4.55 & 6.41	audiens sum tibi	3.42	beneficissimus	1.10
areopagus	R.18	audiendus	5.29	beneficentia	4.100
argentarius	4.42 & 4.4	audio	3.11	benefolentiam conciliare	
argumentatio	R.63	audio te & tibi	5.29	5.53	
argutus	1.30	audiui à patre, de patre, &		betaceus	1.11
argyroaspidas	R.9	ex patre	3.66	bergomensis, bergomum	
Aristoteles	R.42	audire habeo	5.98	4.85	
arillum & granellum	R.75	auditorium	1.6	CB iduo	2.33
arius finita nomina	1.6	auditu	1.29	bimus, bimulus	1.5
armamentariu, armarium	1.6	augere	4.32	binoctium	2.35
armenta, armentarius	4.42	aue	6.30	binus, bini codicilli	3.5
armiger	6.1. R.55	auerfor	5.80	bipennis	R.25
arpi	R.43	auerfus, auerto	5.90	bis centum, bis mille	3.4
arpinum	R.43	auis	4.45	CB ladum, barb.	R.43
artha, arrhabo	6.57	auisare	R.11	blandior	5.66
ars	R.9	aula	4.34	blasphemo	R.13
artemon	R.30	aulæa	R.12	CB ombarda	2.34
artificia	4.44	aulædus	R.18	bona corporalia & incor-	
artium substantia	R.9	auricula, auris	1.5	poralia	4.98
aruum	4.55 & 6.41	aurifex	4.44	bonitas, bonum	4.100
CA scisco	5.86	ausculto	3.42	bos	4.42
ascribo	3.45	auspex, auspicari, auspi-		CB racæ	R.13
ascriptitius	1.11	cium	6.1	brachium	R.13
asinabus non dicitur	1.1	aut	2.17	bractea	4.74
asinarius	1.21	antem, autem non	2.24	breuiter	6.20
asinus	4.42	author	4.32 & 5.30	CB ubalus	4.42
asparagus	R.25	authoramētum, authora-		bucca, buccæ	4.52
asper	R.10	tum, authorare	4.32	in bundus finita nomina	
aspirare	R.4	authoritas	4.32	1.9	
assectari	5.77	authoritatis verba	3.89	burdo	4.42
assentor	5.66	auxilium do & fero	3.65		
assuero	5.87	CA xilla	1.5. R.13	C	
assideo, assido	5.6	CB acca	4.28	CB allus	4.42
assumo	6.3	baccæ	R.43	caducum	R.15
				cadurcum	R.28
				CC æcutiens	R.15

INDEX.

exdes	R.29	catarrhus	R.34	Ciceronis seculum	R.59
exdo te, exdo tibi	3.45	catechiso, Græce est <i>κατη- χῶ</i> , id est erudio	R.11	cicurare, cicures, cicur, cicū	4.42.R.43
exlebs, exlibatus	4.106.	catellus, catulus	4.71	cicio	R.73
R.14.33		caterua	R.66	cilium	4.52
exlo te hanc rem	3.45	cateruatim	6.20	cimbri	5.10
exsim	6.20	catus	R.29	cinædus	R.24
exsius	R.24	caue	3.27	cio	R.73
exsus	3.45	cauco	R.14	circiter	2.7
exterum	R.52	cauillari, cauillatio	6.49	circuire	R.15
calamarium, calcearium	1.6	caupona	4.44	circumscribere	R.24
calcaria	1.6	causa iudicialis, deliberati- ua, demonstratiua, com- munis	R.62	circumscripio	6.10
calculi	6.53	causa mea & mei	2.1	circumsisto, circumsto	5.49
calet, caleſco, caleſcēs	1.22	causari	5.67	circumſpectus	1.30
calumnia, calumniator, ca- lumnior	6.49 & 50	causidicus	1.10	circumſpectus	1.30
camelus	4.42.R.7	cautus	1.30	circumſpectus	1.30
campania, campani	4.85	¶ Celebris, celebritas	4.96	circumſpectus	1.30
camparius	1.6	celeriter ſcribere	P.85	circumſpectus	1.30
campus	4.55	cenſor, cenſorius 1.6 & 4.		circumſpectus	1.30
canalis	R.41	84.R.47		¶ Clarus	4.91
candeco	6.11	cenſus	R.39	claffarius	1.6
caniſtrum	R.14	centum & vigintiſex	R.39	clafficum	R.70
canne	R.45	annos natus	3.14	clienſ	4.12
cano	R.76	centenarius lapis	3.5	clienſes, clientela	R.65
canterii	R.44	centeni	3.5	clitellæ	R.39
caper, capra	4.42	centenſimus	3.5	cliuſ	4.43
capello	1.23	centurio	6.32	cloacæ	R.13
capillus	R.12	cerafum	4.28	¶ Coſtilis	1.8
capio, capior oculis	6.3	cerdo	P.109	codicilli	3.5.R.70
capio ſpem de te	3.81	cerebroſus	1.21	coenaculum	4.22
capitalis	4.109	cernere eſt	3.83	coenatio	4.22
caprarius	1.6	certamen	4.64	coenaturio	1.24
captus	6.3	certe	2.24 & 27	coepit cum poenitere	3.46
capulotenus	2.9	certifico	P.79.85	cogito	5.20
cardo	6.61	certo ſcio	2.27	cognomen	R.31
careo	5.85	certum eſt	5.27	coingenui	4.1
caritas	4.42	ceruabus non dicitur	1.1	colaphus	R.6
carinarium	1.6	ceruix ceruicis duræ	4.36.	colorius	6.53
carnoſus, caro	4.73	R.33		colendus	1.34
carpo	6.6	ceſſo	R.20	colliberti, collibertæ	4.1
carptim	6.20	ceu	2.36	collis	4.43
cartilago	1.5	in ceus finita nomina	1.11	colloco te in ſpem	3.81
caſtanea	4.28	¶ Chalybs	R.24	collum	4.36
caſtellum, caſtrum	4.20.	charitas	4.42	colybiſtæ	4.44
R.44		charta	R.14	comenſes	4.85
caſtratellum	P.86	chorda	R.9	comenſis lacus	R.37
caſtrenſe peculium	6.40	chirographus	R.14	comes, comis	4.38
caſus ſeptimus	2.6	choraules	R.18	¶ Hómης, Hómης	R.30
catalogus	R.17	¶ Cicercula	1.5	comicus	4.32
catamiti	4.110			cominus	R.28.46

INDEX.

comitari	§.77	componere sarcinas	4.49	ti habeat ex collocatio-	
comitatus	4.38	composita ab ac, que, &	2.58	ne	3.26
comitium & comitia	R.23	composita ab an & ecce	2.15	coniunctiui modi præte-	
commeatus	3.10 &	composita ab olim & diu	2.35	ritum à futuro eiusdem	
4.35		2.35		quomodo differat	4.
commendatitiæ literæ	R.49	cōposita à dudum, nuper,	3.4	28	
commendo te regi, & a-		& pridem	5.81	coniuratio, coniuro	5.11
pud regem	3.45	composita à leuo	5.31	conniueo	4.52. & 6.7
commentarium, commen-		cōposita quædam à præ,		conopœum	R.18
tum	4.2. R.17. 45. 53	per, vel re	5.31	conscisco	5.86
commigro	5.95. R.72	composita à quis, vel qui	3.16	conseruus, conseruæ	4.1
commilitones	4.83	composita à re	5.63	confessus	4.1
committo	3.56. R.49	compositorum ab esse &	1.26	consyderatus	1.30
committo vt	2.38	fore differentia	1.26	consolatio, consolor	4.
commodato accipio	P.79	con præpositio	6.52	77	
comœdiari	R.15	conchylum	6.64	conspiciuus	1.30
comœdiæ togatæ	R.16	concilio	5.54	conspiro, conspiratio	5.
comœdias agere	R.15	concipio spem de illo	3.81	21	
comœdus	4.32	concio	4.47	constat ratio	5.18
commune	3.45	concito, concitus	R.73	consternari, consternere	
comparo	3.45	conciuis	4.1 & 83	5.91	
comparatio inæqualium		conclauē	4.34	constitue te in locum	P.78
3.72		conclusio	1.30	constituere	3.79
comparatiuum	R.59	concupinabus non dicitur	1.1	constitui, constitutum est	
comparatiua in e & in i	R.5	1.1		5.24	
comparatiua aduerbia, ser-		concupisco	1.22. R.10	constructio accusatiui &	
uiunt accusatiuo	2.12	condictio, conditio	4.67	ablatiui gerundii cum	
comparatiui à superlatiua		condemnare	3.32	præpositionibus	1.27
differentia	1.13	condiscipuli	4.83	consuetudo	5.5
comparatiui natura	1.	conditus	R.53	consul, consularis	4.84
12.		conducibile est	3.49	consulo te & tibi, consul-	
comparatiui proprietates	1.19	conducit	3.41	to, consultor, consultus	
1.12		conductitius	1.11	5.40. R.17	
comparatiui resolutio		confector, conficio	6.51	contemporaneus	R.41
comparatio	5.51	confero	3.37	contemptor	R.18
compendium participii	1.32	confero te isti	3.45	contendo, contentio	6.4.
comperendinare ?	2.33	confido	5.47	R.17.40	
compertum est mihi	5.24	confiteor subintellectum	3.47	contentus	1.30. & 6.4.
comperi	5.24	confilare æs alienum	5.	conterraneus	4.83
complacitus	1.30	94		conticesco	1.22
complector memoria &		confluens	1.33	contignatio	R.22
memoriter	3.93	confore	1.26	continens	1.33
complices	R.33	confutatio	R.63	continentia	4.41
complo	5.9	congrus lubricus	4.101	continuo cum non & ne	
complura	1.17 & 4.90	coniecturæ verba	3.79	2.30	
complures	R.40.49. P.83	coniunctio quid momen-		contraxi æs alienum	5.94
compos	3.34			contraxi radiam	6.3

I N D E X.

conuenire habeo	5.98	curriculum	1.5	44.R.74	
conuenit	3.76	cursum	6.20	dehisco	5.15
conuenticulum	1.5	curfus	6.5	deinceps	2.56
conuentus	4.2	custodia	4.76	delabor	5.59
conuersatio	5.5	custodire	R.18	delectat, delectator, delectat	R.19
conuitium	6.52	cymba	R.30	deliberaui, deliberatum, est	5.24
conuiuari	P.85	D			
cooperio	R.18	CDæmon	R.19	deliberatium	R.61
cooperto	5.60	Damnandi verba quibus		delicium	3.5
copia mea & mei	2.1	casibus construantur	3.32	deligo, delectu agere	5.60
copia, copiarum	4.65	dapes	4.23	delitescio	1.22
cordi est	5.22	dare facultatem	4.65	dementia	6.36
cornicum oculos configere	R.20	dare operam	4.70.R.36	demereo	5.99.P.85
corporalis, corporeus	4.98	dare potestatem, dare veniam	4.18	demigro	5.95
corpulentus, corpus	4.73	CDede	3.66.R.5	demum	6.21
corrosores	R.20	de repetendis pecuniis	1.24	denique	6.21
coturnix	R.11	deabus	1.1	deorsum	2.57
coxa	4.57	deambulatorium	1.6	depectus	6.63
CDrapulari, crapula	5.55	debello	5.62	depeculor	6.40
cras, crastinus	2.33	debeo	P.85	deporto	6.51
crastino die	4.80	decadarum	P.87	depositari, depositori	1.6
crebresco	1.22	decedo	5.95	deprecor	6.24
crepatio	1.2	deceit	3.41	descendo	5.36
crepido	R.56	decimus	3.5	descisco	5.86
crepitaculum, crepitus	4.29	declamator	4.81	deses, desideo	5.65
crimen	4.58. & 5.8	declaro	5.38	desido	5.6
crudescere	1.22	decretum est mihi	5.24	desit	2.20
crudus	4.116	δινεργος	6.32	desyderatiua verba	1.22.23
CDubatio	1.2	decor, decoro	4.15	& 24	
cubiculum	1.5	decreui, decretum est	2.54	desino	R.40
cuias	2.3	decuria, decurio, decurio		desinet me tædere	3.46
cuius, cuius	3.2	municipalis, decurio Ro		desipio, desipisco	5.3
cuiusque	2.1	manus	6.32	despicio	5.56
culcitra	6.46	decus, decoro, dedecus, decoro	4.15	desuper aquam	P.83
culpa	4.6	dedere noxæ	6.35	determinare	3.78
in culus finita diminutiua		dediditius	1.11	detriti	R.74
1.5		deditum	R.65	detulit	5.44
cultus, cultio	4.1	dedisco, dedoceo	5.1	deturbo	5.89
cū præpositio	2.6.22. & 39.	deduco	5.77	deuenio, deuoluo	5.56
R.19		defatigor, defatigatus	4.99	deuenire in manus	P.74
cum & tum	P.86	defectus	1.30 & 4.6	dextrabus, antiquum	1.1
cum pace tua	4.18	defendo	6.24	CDica	R.14
cum paucis	1.15	defero	5.44	dicax, dicacitas	5.10. & 6.
cum primis	1.15	defessus	4.99	49.R.21	
cumani	4.85	deficere, defectio	4.6	dicere oportet	3.20
cunctus	1.14	R.19.50		dicere, dicta, dictio	5.10
cupido volucer	4.45	definire	3.78.R.20	diceret, redundans	3.47
curia, curio sus	1.21.R.18	desore	1.26	dico	R.21
curo	1.27	desungor, defunctus	5.5. &	à dico composita	1.10
				dico sententiæ & legē	5.48

dicunt subauditum	3.47	rum significatio & regi-		CDyscolus	R.7
dicto	5.10 & 50	men	3.45	E	
dicto, dictum	5.10	diuersimode	R.10	CE& ex, è regione, è re	
die, dies, diecula	4.80	diuersitas modorum vi-		mea, è re tua, è re publi-	
diem obiit	5.44	tiosa	R.52	ca	5.19
differentia comparatiui a		diuersorium	4.82. R.22	ediuerso	R.18
superlatiuo	1.13	diuersus	1.18	è renibus	5.19
differentia infinitiuorum		diuido	R.20	CEabus antiquum	1.1
esse & fore & cõposito-		diurnum spatium	4.108	eadem persona tanquam	
rum	1.26	diutinus, diurnus, diutur-		alia	3.64
differentia & numerus of-		nus	4.107	catenus	2.42. R.48.65
ficiorum apud Roma-		dixit, aut fecit, subauditum		CEcce	2.15
nos	1.12	3.47		<i>ευανγελιστα</i>	4.47
difficile	R.80	CDo auxilium	3.65	eccum, eccam, eccos, eccas	
diffinio	R.20	do fidem	5.16	2.15	
diffiteor	R.33	do optionem	4.67	CEdico, edictum	5.68
dignifico	R.85	do tibi literas & ad te	3.36	edisco	5.1
dignus habere opes	1.25	docibilis, docilis, docilli-		editus	R.53
diligo	5.37	mus	6.26	edulium	R.23
dilaculum	4.80	doleo	3.17	CEfferre	R.56
dilauium	R.20	dolere vicem	R.14	effigies, effingo	5.43
dimidium tuum & tui		dolor meus & mei	2.1	efflagito	5.58
2.1		domatio, domaturus		CEgressio	R.61
diminutiua varie termina-		1.2		CEheu	2.11
ta	1.5	domesticatim	6.20	CEiulo	5.52
diminutiua & adulationi		domi, domus, cum quibus		CElabor	5.59
& contemptui	1.5	iungantur	3.15. R.59	clatus	R.56
dimitto te discedes & di-		dominabus non dicitur		elephantus, elephas	4.42
scedentem	3.45	1.1		eleuo	5.81
diploma	R.27	domitor	1.2	eligere	5.60
discedo	5.95	donarium	1.6	in ellus finita diminut.	1.5
discerno	R.21	donec	2.48	ellum, ellâ, ellos, ellas	2.15
disco	5.1	dono tibi & te	3.43	elogium	4.66. R.47
discordia elegans relatiui		donum	6.39	CEmereor, emerita, eme-	
cum antecedente	3.19	dormientis ancillæ	2.1	riti senes & boues	5.99
discretus, disertus	1.30	dormitorium	1.6	emigro	5.95
discretio	R.4	<i>δωλος</i>	5.66	eminus	R.28.46
dispicio, dispicientia	3.56	CDuceni	3.5	emissarius	R.57
displiceo mihi	5.92	du&tilis	1.8	CEn	2.15
displicentia	5.56	ducor in spem huius ne-		enectus fame & siti	6.28
dis similis	1.18	gotii	3.81	energuminus	R.19
dis simulo	R.66	dudum	2.34	enim	2.27
dis simulatim	6.20	duellum	R.22	enimvero	2.24
dissoluo	5.94. R.16	dum	2.48	ensiculus, nõ ensicula	R.25
dissuadere	5.30	duntaxat	2.41	CEo magis	1.16
distributiua	3.5	duo testamenta	3.5	eo & quo cum comparati-	
disturbo	5.89	duodena astra	3.5	uo	1.15
ditior	1.19	duræcon	R.30	CEpistola	3.6
diu	2.35	duræ cernicis	R.33	epulum, epulæ	3.5 & 4.13
diuabus non dicitur	1.1	durum	4.115	CEquabus	1.1
diuersa & similis verbo-		dux	R.30	eques	6.32

¶ Erat subauditū	3.47	exhorreo	5.101	facio fugam	3.75
ergastulum	R.7	an exigendæ	R.69	facio gradum	5.25
ergo	2.43	exigo	5.24	facio gratum	5.76
ergone	2.17	eximius	5.35	facio iniuriam	3.94
eripio	5.83	existimo	5.20	facio inuidiam	1.21
errabundus	1.9	existimatio	3.86	facio iter, viam	3.75 & 5.71
¶ Esca	4.53	existit, exto	5.53	facio lucrum	3.75
esse cordi & in animo	5.	exitiale, exitiabile	6.16	facio negotium	5.88
22		exolitus	1.30	facio paria	5.74
esse cum casibus	3.23	exomnis	1.20	facio potestatem	4.18 & 65
esse & fore cum composi-		exordia	R.13	facio rem diuinam	3.75
tis	1.26	exordia è sententia	R.61	facio sacrificium	3.75
esse parem	5.74	exoro	5.29. R.34	facio sermonem	5.97
essendi	1.27	exosus	R.34	facio solennitatem	3.75
est cum infinitiue	R.43	ex maxima parte	R.49	facio stipendia	4.110
est quid mirum	R.49	expauesco	1.22	facio timorem	3.75
est maturus rei militari	4.	expedit	3.49	facio vrinam, stercus	3.75
107		expendo	5.82	facio vt	2.27
esurio	1.24	expeto	5.7	facis subauditum	3.47
¶ Et	2.58	explicit	3.41	factio	4.63
et certe, et sanè	2.27	explodo	5.9	factiosus	1.21
et geminatum	3.93	exploratū est mihi, explo-		factor	4.32
et hoc, et id, et hoc non si-		raui, exploratores	5.24	falsus	1.30
ne, &c.	2.58	expostulo	5.58	fallit me	3.80
etiam	2.50	exprobro	6.44	fama	4.7
et si	2.1	expugno	5.62	fama mea, & mei	1.1
¶ Euentus	1.7	ex sententia habere	5.70	famosus, famosa mulier	
euidens passiue sūptū	1.30	ex tempore, extempora-		1.21	
euoluo libros	6.43	lis	5.19	famulabus non dicitur	1.1
in eis finita nomina	1.11	externus	R.19	farrum	R.10
¶ Ex	1.13 & 3.66. R.5	extra	2.53	fascēs	4.84
ex & inter cum interroga-		extraneus	R.86	fasciculus	R.79
tione	1.12	extrinsecus	R.19	fastidio	R.24
exanimatus	6.28	exturbo	5.89	fastidiosus	1.21
exaudio	5.29	ex vinctulis, ex vsu, ex vti-		fastidium meū, & mei	2.1
exaithoro	6.62	litate	5.19	fatigatus	4.99
excandescō	6.11	exul	R.23	fatuus	4.113
excedo	5.95	ex vrbe Florentia	R.9	¶ Febris annua & quotidiana	
excogito	5.2 & 20	F		na	4.108
ex composito	R.45	¶ Faber lignarius	R.22	fecisti	3.47
excretus	1.30	fabrica	4.44	femen, femina, femora, fe-	
excubiæ	4.69. R.18	faceffo	1.23 & 5.88	moralia, feminalia	4.57
excursiones	R.23	faciant, fecerint, aut certe		R.13	
excuso	5.67	velint	3.47	fenestellæ	R.83
exemplar, exemplum, excē-		facies	4.13	feræ	4.42
plarium	6.33	facile	1.18	ferē	2.49. R.22
exemplariorum	R.82	à facio composita	1.10	fero, fero tibi acceptum	5.
ex equo	5.19	facio copiam	3.75 & 4.65	100	
exequor iussa	5.68	facio certiozem, iacturam		fero auxilium & opē	3.65
exhæredo	5.104	damnū naufragium	3.75	fero conditionem	4.67
exhibeo negotium	5.88	facio delectum	5.60	ferox, ferus	4.97

ferre sententiā & legē	5.48	fortuosus	1.21	3.17
ferri	6.51	folia	4.68	genitiuorum significatio
ferrum	R.24	fons irriguus	P.84	2.1
ferruminatio, ferrumino,		fore & esse cū cōpositis	1.26	genitor, genitrix
ferrumen	6.58	forensis	P.86	3.70
feruere	R.26	formidolosus	1.21	gentes
ferula	R.71	forum	R.10	4.65
fessus	4.99	¶ Frango nauim, brachiū		genuinus dens, genuino ro-
festā septimontalia	4.43	3.75		dere
festiuus, festus	4.92	fraudulosus	1.21	4.52
fex	6.61	fremitus	4.29	germiculum
¶ Fictilis	1.8	frequens, frequentia	4.96	1.5
fictitius	1.11	fricatio	1.2	gerundiorum significatio
ficus, ficulus	1.4	friget, frigescō	1.21	& vsus
fides	5.30	frondes	4.68	1.25. & 27
fides pro tormentis	1.5	fructuarius	1.21	gesta
fides, fidicula	1.5	fructuosus	1.21	4.9
fiens nō dicitur, neque etiā		frugalitas	R.68	gestus, gestio
fiendus	1.22	fruges	4.25. R.69	4.2. R.20
filiabus	1.1	frugi homo	R.68	getuli
filiaster	1.5	frumenticopia	4.65	R.43
filius	3.70	frumēta prēmatura	4.107	¶ Gladiatoriū munus
finis & propositi uerba	3.85	fruor	3.34. & 5.5	4.16
finitionis uerba	3.78	frustula panis	P.79	glans
finituma	P.83	frutecta	R.67	4.28
fingo	5.43	frutex, fruticari	4.27	gloriosus
fio	1.22	¶ Fuga	6.5	1.21
fio tibi obuius	3.77	fugitiue	R.50	gotti
fissilis	1.8	fulcra	P.86	R.43
¶ Flagella, flagellare	6.47	fundus, fundum, fundare,		¶ Gradum facio & iacio
flagitium	4.58	fundamentum	6.41. R.22	5.26
flagito	5.58	fungor	5.5	grammatici audaces & su-
flentis	2.1	fustigare	6.47	perciliofi
fleo	5.52	fustuarium	1.6	2.1
fletus	R.25	futilis	1.8	granellum
fletus magnorū uirorū	R.55	futurum coniunctiui, quo		R.75
fletum concitari vi oratio-		distet à präterito eiusdē		gratiā ago, refero, habeo,
nis	R.55	modi	3.28	& reddo
flexile	1.8	futurum participii	1.33	5.41
fluctus	R.68	G		gratiam in eo non dici
fluuiatilis	1.8	¶ G in c mutata	3.5	5.51
fluxus	1.30	galli	5.6	gratificor
¶ Foelix	4.87. & 114	gastrimargia	R.25	5.76
foelicitas	4.114	gaudeo, gaudium	6.12	grator, gratulor
foemoralia	R.13	¶ Gemma	6.64	5.42
foenero, foeneror	5.25. & 6.	gemo	5.42	gratum facio
57		gena	4.52	5.76
foenus	4.59	generatim, generaliter	6.20	gratus
foetus	4.71	generosus	1.19	4.89
foeta	6.8	genitabus non dicitur	1.1	grauis, grauidus
foeticare, foetura, foetosus,		genitiui & ablatiui affinitas		6.8

INDEX.

habeo polliceri	5.98	homunculus	1.1	Imago mea & mei	2.1
habeo rationem	5.18	honorificus	1.10. & 20	imbrex	R.41
habere rationem verborū	P.109	horreum	R.7	imitatio	R.4.53
habeo sermonem	5.97	horrearius	1.6	immigro	5.95
habeo te excusatum	5.67	hortus	1.6. & 3.9. R.36	immunitas	6.39
habeo te loco patris & filia	3.88	hortulanus	R.36	impendens, impendeo, impendo	5.82
hactenus	2.9. R.65	hospes, hospitium, hospitalis	4.82	impendo curam vel operam	3.45
hallucinari	R.67	huc	2.57	imperiosus	1.21
hastarium	R.71	huc ades, pro adis	5.51	imperatio deest prima persona	3.28
haud auspicato	6.1	Hydraula	R.8	impero	5.68
haustus	4.32	hypothea	6.57	impersonalium quorundā regimen nouum	3.46
Hei	2.11	I		impertio, impertior passiuum & deponens	5.33
hem	2.15	Iacere fundamenta	6.41	impleo	3.33
herba herbaceus	4.27. & 1.11	iacere gradum	5.25	imploro	5.52
heri, hesternus	2.33	iaculari, iaculum	6.5	impono, impostor	3.95
hesiodus	R.42	iam, iamiam	2.47	imprecor	5.96. & 6.24
hesterno die	4.81	iamdiu	2.34. & 35	improbare	6.44
heu	2.11	iamdudum	2.34	imprudens	4.94
Hic	2.5	iamolim	2.34. & 35	imprudenter non dici, sed per imprudentiam, siue per ignorantiam	4.94
hic & is	R.65	iampridem	1.34	impugno	5.62
hic mihi gloriatur, &c.	3.52	iam veniet & iam praesens erit	5.51	imputo	6.44
hic non est cum illo comparandus	3.82	ianuero	2.24. & 47	In cum verbis eo, proficiscor, &c.	3.37
Hieronymus eloquens in praefat. lib. 4.		ianua	4.8. R.54	in agendo, in coena	3.91
hinc inde	R.74	Ibi	R.25	in animo est	5.22
hinnulus	4.42. & 71. R.7	ibidem	R.14	in annos	6.60
hio, hisco	5.15	Icus finita nomina	1.10	in auro, in æs	3.18
hippodromus	R.22	Id ætatis	3.17	incedo	5.79
hippamanes	R.72	idem	2.5. & 6.20	incesso te, incescit mihi cupiditas	3.45
his vno i scribi	R.52	idque identidem	2.58. 2.50	incestus	6.45
histrio	4.31	id quod, cum alio antecedente	3.62	inchoatiua praterita	1.
Hoc dico, subauditum	3.47	id dente	3.62	incido in æs, vel in ære	3.18
hoc eo	1.16	Igitur	2.43	incisim, incisum	6.10
hoc magis	1.16	ignauia	R.40	incola	4.54
hoc nomine	2.49	ignominiosa missio	6.62	inconsyderatus	1.30
holitor	1.6	ignorans, ignoranter	4.94	inconsultus	5.40
holus	1.6. & 3.9	ignorantia sua & sui	2.1	inconsulti abeunt, passiuue capitur	R.17
homerus	R.42	ignotus	1.30	incorporeus	4.98
homo capitalis	4.109	Ilex	R.9	increpare	4.29
homo celebris	4.96	in ille terminata nomina	1.8	incumbo huic rei & hanc rem	3.44
homo magnæ existimationis & opinionis	R.55	illaboratum	5.59		
homo mansuetæ & bonæ conditionis	4.67	ille cum suis aduerbiis	2.4		
homo maturus & praematurus militiæ	4.107	illius Prisciani eget	2.1		
		illuc	2.57. R.14		
		illud mihi seu tibi pertinet	5.52		
		in illis, illa finita diminutiuum	1.5		

INDEX.

incuria	R.21	in loco, in locum	3.88	intrinsecus	R.19
incuso	6.13	in manu est, in manibus	5.	introcludo	5.69
index	R.27	34		intueor te & in te	3.69
indico, indictum	5.68	in mentem venit	3.82	inuenio	5.2
in diem, in dies	3.68	in morem	4.11	inuerto	5.23
indoles	4.46	innocuus, innoxius	6.17	inuestigo	5.45
induciari	R.45	in oculis ferre	R.49	inueteratus	1.30
induere	R.68	in paucis	1.15	inuicem	2.59 & 3.74
indulgens passiuè sumptu		in præsens	4.112	inuidia, inuidiosus	1.21
1.30		in primis	1.15. & 3.71	R.34	
indulgentia, indulgeo	4.18	inquilinus	4.54. R.5	¶ locus, iocari, iocularia	4.
industrius	1.21. R.27	in rem præsensem	4.112	16	
inelaboratum	5.59	insciens, insciēter feci	4.94	iocunditas	P.81
ineo gratiam	5.54	insido	5.6	¶ Ipse	2.1. R.26
ineptum	R.40	insignis	5.35. P.82	¶ Ire in sententiā pedibus	
ineſt rei & in re, ineſt huic		insignia	R.12	R.64	
loco, & ineſt in hoc lo-		insomnis	1.20	irriguum	P.85
co	3.45	instantia	R.40	¶ Is	2.5
infectum	R.31	instar	6.18	is demum	6.12
inſensus, inſeſtus	4.111	initat dies	P.78	iste cum aduerbiis, iſtic &	
inſeſtare	4.111	inſtituta, inſtitutiones	4.11	aliis	2.4. R.25
inſicialis ſtatus, inſiciari,		inſtratum	6.46	¶ Ita comparatum ſeu cō	
inſicias ire, inſiciator	6.9	inſtructæ naues	5.64	ſtitutum eſt	2.89
R.31		inſtruo	5.1	ita cum ſuperlatiuo	1.15
inſidus	4.103	in ſumma	6.20	ita loquimur, ſubintellētu	
inſinitiuorum eſſe & fore		inſuauis	1.19	3.47	
differentia	1.26	inſula	R.22	ita reſponſuū	2.50. & 2.54
inſinitium intericētu, vel		intempeſtine	R.68	ita pro valde	2.54
poſtpoſitum	3.21	in quo templo	3.7	itane	2.17
inſinitiuo ubi vtendū	1.25	intendo, intentio	6.4	itaque	2.54
inſinitiuo vtuntur Græci		inter	1.13	item, itidem	2.50
pro Gerundio quo carēt		inter actionem, inter agē-		iter facere & habere	5.71
1.25		dum, cōnandum	3.91	R.72	
inſinitiuus loco ſuppoſiti		inter paucos	1.15	iterum	2.56 & 3.59
1.25		intercedit	3.73	iterum conſul	3.59
inſiteri;	R.31	intercludo	5.69	in itius finita nomina	1.11
infra	2.53. R.21	interdico	3.39	¶ Iuba	R.25
infractus	R.55	interim	2.49	iubeo	5.68. R.40
infrunitus	R.10	interſeſt	3.3	iubendi verba	3.28
ingenioſus	1.21	interſeſt cum ſuppoſito	2.1	iucundus	4.89
ingenium præcox	4.107	internus	R.19	iudiciale	R.61
ingenuus	4.1	interpello	R.27	iudicii verba	3.92
ingredior	5.39	interrogatio & reſponſio		iugerum	1.7
ingredior in ſpem	3.81	in diuerſis caſibus	550	iugulus, iugulum petere	4.
ingurgito	5.55	interrogo	5.61	R.1636	
inhibeo	5.4	inter ſe amare	3.74	iugulum videre	R.16
in horam, in horas	3.68	interſepio	5.69	iugum	4.43
inimicitia	R.34	interuerto	5.23	Iuppiter ſtator	5.6
initium, iniens	5.54	intimus	1.17	Iupiter quare dictus Am-	
iniuria	P.98	intra	2.53. R.21	mon	R.36
iniurioſus	1.21	intra paucos dies	P.81	iura, iuris, naturalis ſpecies,	

INDEX.

jurisconsultus, ius civile	4.	lambus	R.30	lora	R.13
48		lenticula	1.5	lotium	1.2
iuratus	1.30	lenticulosus	R.34	CLubricus	4.101
iuridicus	1.10	letum	R.6	lucani & lucenses	P.82
iurisperitus nemo nihilite-		leues	6.8	luce, luci	4.80
rarum peritus 3. in præf.		leuo	5.81	luceius	R.41
iureconsultus	5.40	CLibellus	P.86	lucrum	3.12
iurisperitus	4.48	liber, libri	3.21. & 6.42	luctuosus	1.21
iussus	1.7	libere loqui	4.17	luctus	4.60
iustitium	5.6	liberi	3.5. & 8	luculentus	4.91
iutor	1.2	liberti, ingenui	4.110	lucus	4.56
iuvat	3.41	liberta	4.1	ludere	4.16
iuvatio	1.2	libertabus	1.1	ludibundus	1.9
iuventabus non dicitur	1.1	libertas	4.17	ludicrum	1.3
iuenta, iuventus	4.40	libertinitas	4.1	ludimagister	4.16
L		libertinabus non dicitur.		ludus, ludus literarius	4.
CLabasco, labo, labor, labe-		1.1		16	
ris, labor laboris	1.22. &	libertinus, libertus	4.1. &	lues	4.72
5.59		12		lupabus non dicitur	1.1
laboriosus	1.21	libidinosus	1.21	lupanar	R.18
lactosus	1.21	libra pro pondo	3.13	lupus	4.42
lacefso	1.23. & 5.14	libricula pro libella	P.86	luscus	R.15
latabundus	1.9	libripens	R.41	lusio, lusus	4.16
lætum	R.6	licentia	4.17. & 18	lustrare	R.51
lætus lator	6.12	liceor, licitor	5.28	CLyburnæ	R.30
lalifio	4.42	licet	1.17. & 2.21	lyra	R.67
lamentor	5.52	licet non habet post se vt		M	
lamina	4.74	R.14		CMacellum	4.35
lanista	4.16. R.18	licior, liciorius, lintearius		macero, macesco	1.22
lanius	R.18	1.6		macret	1.22
lapidare	6.5	linter	R.30	magis	1.12. & 1.18
lapillus	6.64	litare	R.57	magis audax	R.17
lapsus	4.99. & 5.59	litera, literæ literarum.		magister	4.38
lascivus	R.10	3.6		magistra	4.38
lassus	4.99	litteris satisfacere	R.80	magistratus officium	4.30
latebræ	4.79	litus	R.56	magna autoritate vir	3.
latibula	4.79	CLocare faciendam sepul-		17	
laudo	6.1	turam	1.27	magni interest	3.3
lauo, eiusque deriuata	1.2	loco patris &c.	3.88	magnificus	1.10. & 3.30
lautus	R.19	loco tuo, pro loco tui	R.	magniloquens & sua com-	
lauritia	R.19	68		paratiua & superlatiua	
laxus	4.99	locorum quorundam no-		1.10	
CLec&isternia	1.6	mina	4.85	maialis	R.37
legalis materia	R.63	locus Aristotelis de hono-		maior, maius, minor, ma-	
legatio præmatura	4.	re	P.97	ximus	1.13. & 1.19
107		locus celebris & frequens		maiores	6.55
leges	4.48	4.96		maioris vendo non dicitur	
legibus comparatū seu cō-		locus Virgiliū	P.85	R.44	
stitutum est	3.89	lodix	R.27	mala	4.52
lego & perlego	5.30	lombardia	8.85	male	2.52. & 3.87
lemanus	R.37	longe	1.17. & 18. R.27	male iudico, male censeo,	
				11.1.	

INDEX.

male pronütio, &c. 3.87	memoria mea & mei 2.1	Moderni 2.69
maledico 1.10	memoria, memoriter 3.93	modestia 4.41
maledictum 6.52	menda 4.6	modi tres, quibus actuum
maledicentissimus 1.10	meno, mentio, mens, mē-	in passiuū resoluitur 3.39
malleolus 4.26	tum, mentior, menta 3.	mœnia 4.8
malum 6.41. R. 22	29.58. & 6.36	molestia 6.8
mando 5.68	mensarius 4.44	molestia afficere, molestia-
maneo te 5.93	mensē Decembrem, nō	re 4.111
mango 4.110. & 6.59. R. 71	Decembris 2.9	mollis homo, molle opus
manipulatim 6.20	mentastrum 1.5	4.115
manibus ire in sententiam	mentula 1.5	momenta 4.41
R. 64	meo dormientis 2.1	momentum 6.41
mansuetæ & bonæ condi-	meo iure 6.3	mons Auentini 2.8
tionis homo 4.97	meo nomine 2.49	monstruosus 1.21
marinus, maritimus 4.95	Mercurius neque medici-	montuosus 1.21
margarita 6.64	næ repertor, neque pa-	monumenta 4.75
Martiani furta 2.46	ter AEsculapii 2.98	moratus, morigeratus 4.
mater 370. & 4.38	mereor 4.110. & 5.99	104
materia 4.38. & 6.52	merere, meritorius puer,	morbus capitalis 4.109
materies 4.38	meretrix 4.110	more maiorum compara-
Matuta dea 4.107	messis 4.24	tum est 3.89
maturefco, maturo, matu-	metaphysica 2.53	morigeror, morigerus 4.
rum, maturimus, matu-	meticulosus 1.21	104
re 4.107	metiri 3.1. & 5.8	morote 5.93
maxilla 1.5. & 4.52	metuo 3.27	morosus 1.21
maxime 1.18	meū & mei differunt, meū	mos 4.11
Mc non te verbis pasce-	solius 2.1	motus, motio 4.1
re, vt cæteri 2.84	CMigro 5.95	mouere tragœdias 2.15
mea 2.1. & 3.2	mibi 3.51	CMucro 2.25
meatim 2.30	miles 1.14. & 6.32	mugilis 2.38
meme 2.2	miles frequens spectator	mulabus 1.1
meme valere 2.81	prædiorum 4.96	mulier 6.38
me occupato, & similia 3.	miles munificus 6.39	mulier famosa 1.21
64	millia, mille, millium 3.4.	mulierosus 1.21
me cum infinitiū & accu-	R. 29	mulus 4.41
satiuo 2.14	minus 4.31	multo 1.17. & 18
meditativa verba 1.22	mimi ethologi 2.27	multo mane 2.11
& 24	minime 1.18. R. 58	multoties 2.7
mei, tui, sui pronomina	minimo 3.1	multum 1.16
2.1	minimum 1.18	mundo anteciri 2.109
melius adverb. 3.47	ministeria, ministerium 4.	munus 6.39
melius est quàm esse incre-	50	munerarius 1.6. & 4.16
dulus 2.81	minor 1.13	municeps 4.83. & 6.39
meliuscula est 2.57	minores 6.55	municipatim 6.20
membrana 2.14	minoris emi 3.1	munificus 1.10. & 30
membrum 6.10	minus 1.11. & 18	munire viam, aditum 5.71
membratim 6.10. & 20	mirari se 5.92	munimenta 4.75
membrū meū & mei 2.1	mirificissimus 1.10	muriceps 2.30
membrana pergamena	mis, tis, sis 2.1	murus 4.8
4.85	misereri potest, misertum	muscipula 2.29
memini 3.58. R. 28	est 3.46	musculus 1.5

INDEX.

mutuo aduerbium	2.59	nequam	R.69	no	3.22
mutuo amare	3.74	nequando	2.50	nominum criminalium &	
mutuo mutuas, mutuor		neque autem	2.24	pœnarium regimen	2.11
5.25. R.27. P.79		neque verò	2.58	non	2.50. & 3.28
Myrrhina	6.64	neque id sine, neque enim		non abre	R.66
mysterium	4.50	2.58		non autem	2.24
N		neque hoc, neque illud		non committas vt	3.56
Nabium	R.67	2.58		non continuo, protinus,	
nabium	R.67	nequaquam, neutiquam		statim	2.30
nactus sum	5.2	3.27		nō cupio fieri diuitem	R.81
na	6.29	neque aut, &c.	R.70	non est dare	R.44
nania	R.13	neruosus	1.21	non & nisi cum aliis ver-	
nauus	R.28	neu	R.23	bis	3.29
nam, nanque	2.55	neue	2.17. R.30	non me fugit, & similia	
nam quod	2.55	neuter neutrum accusat		3.80	
nascor ad laudem & laudi		3.30		non modo	2.18. & 31. &
3.45		Nihil	3.16	3.27	
natabus	1.1	nihil ad te, nihil ad Persiū		nonne	2.17
natales, natalia, natalis, na-		3.90		non placeo mihi	5.92
talitius	4.10	nihil & nisi	3.54	non pridem, non ita pri-	
natus	3.70	nimirum	2.27	dem	2.34
natura constitutū, cōpara-		nimisquam	1.17	non quia, non quo, non	
tū & præscriptū est	3.89	ningit	3.40	vt, non quod	2.37
natura comparatiui	1.12	nisi	2.19. & 3.29. & 54	non scio, & non volo, bar-	
natura superlatiui	1.14	Nobilis, nobile scortum		bara	6.39
naucerus	R.30	5.35		non solum, non tantum	
naues instructæ & ornatae		nocentes	6.17	2.18. & 31. & 3.27	
5.64		nocte	4.80	nonnihil	R.6
nauis appulsa	P.79	nola	R.67	norma	R.50
naulum	R.30	nomen	R.30	nosce, & nosse	R.15
Ne. 2.14. 17. & 3.27. 18. &		nomina diminutiva	1.5	nostras	2.3
6.29. R.23		nomina in arius	1.6. & 21	notabilis	5.35
ne quidem	R.30	nomina in aster	1.5	nothus	R.25
ne iis quidem	R.51	nomina in bandus	1.12	nonacula	1.5
ne nunc quidem	P.81	nomina in ceus, eus, itius		noualis	6.42
ne dicam	3.20	1.11		noui copias tuas	4.65
nec, nec enim	2.58	nomina in er, vel in ellus		nouissime	2.34. & 50
necessarii	R.6. P.109	nomina in icus	1.10	nouissimus	3.33
necesse est	3.49	nomina in io	3.86. & 4.2	nouiter	R.52
necubi	3.27. R.6.28	nomina in orius & in oriū		nouitius	6.59
necunde	R.6	1.6		nox intempesta	R.31
nec verò	2.58	nomina in ofus	1.21	noxa, noxales actiones	
necatus, nectus	6.28	nomina in rium	1.6	6.35	
nedum	2.18	nomina adiectiua in tilis,		Nuces	R.22
negationis vsus	3.27	filis, & xilis	1.8	nudiustertius, nudiusquar-	
nego	6.9	nomina quorundam lo-		tus	2.33
negotium	4.61. & 5.88	corum	4.65	nugæ	R.31
nemo nostrum, non no-		nominatim	6.20	nullatenus	R.7
stri	2.1	nominatiuus pro accusa-		nullibi	R.6
nempe	2.27	tino	3.23	num	2.50
nemus	4.56	nominatiuus pro vocati-		numen	6.27

numeralia	1.14. & 3.45	odium capitale	4.109	ornatus animi	3.27
numeralia in arius	3.5	odor	3.143	ornatus nauium	5.64
numeralium vsus & ordo	3.5. & 14	Offendo	5.2	oro	5.11. & 29.R.34
numerosum ordo	3.14	offensio	3.86	orphanus	4.33
nummularii	4.44	offero electionem, condi-		Os	4.52
nunc	2.15	tionem	4.67	os putci	R.56
nunquādo	2.50.R.48	officia	4.30. & 50	ostēdo, cū aliis verbis	5.72
nundinum	1.13.5	officina	4.44	Otium	4.61
nunquid aduerbium & no-		officium	4.30. & 6.39	Ouare	R.25
nūci	R.32	Oleaster	1.5	ouis	4.42
nuntium, nuntius	6.15.R.32	olim, olimiam	2.35	P	
nuper, nuperrime	2.34	olitor	R.36	CPabulari	R.44
nuptiæ	3.5	olus	3.9	pabulum	4.53
nuspiā, nusquā	3.28.R.58	Omni modo	R.10	pacat ⁹ sum, pacificatus sum	5.73
nutrio, nutrix	5.46	omnis	1.14	paciscor	6.63
nuto	5.84	omnium rerum copias ha-		pædor	6.25
nutus	6.27	beo	4.65	pallium	6.46.R.16
nux	4.28	omnium pessimus	P.81	pallace, πάλλαξ	6.48
Nycticorax	R.11	Onager	4.42	pampinarium	1.6
O		Opem fero	3.45	pancratiastes	R.22
CO vel prolata, vel omis-		opera, operæ, operæ pre-		pannosus	1.21
sa	2.13	tium	4.76	papula	R.29
obdormisco	1.22	operosus	1.21	par	5.74
obedio	3.42	opifices	4.44.R.20	parasitaster	1.5
obeo	5.44.R.15	opinari	P.99.109	parasitus	4.51
obesus	R.28	opinio	1.19.3.86	parens	3.76
obiter	2.49	opitulator	3.65	parentalia, parentare	4.
obloqui	R.33	oportet legere libros	3.49	23.R.56	
oblitero	6.57	oppetere	5.44	parenthesis	3.11. & 84
obnoxius	R.33	oppidatim	6.20	parem esse, paria facere	5.74
obruesco	R.33	oppidoquam	1.17	pariformiter	R.19
obruo	5.55	oppidum	4.20	paries	4.8
obseruo, observatio, ob-		oppidum frequens	4.96	pariter	2.32. & 3.74
seruantia	4.3	oppignero	6.57	parit mulier filium	5.13
obses	6.31	opprobrium	6.44	pars mea & mei	2.1
obsoletum	R.74	oppugno	5.62	partes	P.78
obsonium	R.14	opus	4.76	partio, partior	5.33
obstreperc	R.50	opus agere	5.99	partior laborem	3.45. & 5.
obuio	3.77. & 5.107	Orarium	R.71	33	
obuio tibi, obuius tibi fio,		oratio	6.36	particeps laborum	3.45
obuius sum tibi, & si-		oratio meritoria	4.110	participia perbelle infimi-	
milia	3.77	orationis copia	4.65	tio adiuncta	1.25
Occupatio, occupatus,		orator	4.81. & 88	participii cōpendium	1.32
occupo	5.57	oratos vos velim	1.27	participia quomodo diffe-	
occupatus in administra-		orbitas, orbus	4.106	rant a gerundiis	1.27
tione	3.64	orchestra	R.70	participia in ens in substanti-	
occurrit mihi	3.82	ordinalia	1.14	tium transcuntia	1.33
oculi lubrici	4.101	ordo	4.14	participiorū copulatio cū	
Odius	1.21	ordo numerorum	3.14	infinitio fore	1.26
odium	1.21.R.34	organa	R.8		
		oriendus, ortus	3.57		

participium futuri tempo- ris in nomē transiēs	1.34	penfiliſ	1.8.R.39	perplacet	1.17
participium præteriti actio- nem, præſentis paſſionē ſignificat	1.30	penſionarius, bar.	R.39	perpulcher	1.17
participiū præſētis tēporis pro præterito poni	1.31	penſitandum	R.17	perquam	1.17
parturio	1.24	penuria	4.62.R.39	perquam pluſculi inceptum	R.40
parui intereſt	3.3	pepluſ	R.71	perquam familiaris	R.43
paruiſacio, paruipendo	3.3	penuſ	4.35.& 6.56	perſcribo	5.30
paruiſſima	R.29	per	2.48.& 3.64.R.41.53	perſequer	5.32.R.34
parum, parumper	2.48.R.15	per & quā cum gradibus	1.17	perſona	6.34.R.38
paſco, paſcor	4.53	per cū compoſitis	5.30	perſona pro corpore ho- minis	P.84
paſſim	6.19	per cauſam	R.66	perſpicuum	5.31
paſſiui vſuſ elegans	3.49	per ſpeciem	R.66	perſuadere	5.30
paſſio, paſtuſ	4.53	peragere reum	5.31	perſuaſio	5.30
paſſio villatica	R.38	perago iuſſa	5.68	perſuadeo te & tibi	R.34
paſtophorium	R.57	perceptibilis	6.26	pertinet ſubintellecū	R.90
pater	3.70.& 4.38	percituſ	5.30.R.73	pertinax	5.31
patereſcens	1.22	percontor	5.61	peruelim	1.17
patres	6.55	perdita vox Pogii de legi- buſ	P.91	peruenio	5.56
patrocinari, patrociniū, pa- tronuſ	4.12	perdituſ	5.31	peruerſuſ	5.31
patronabuſ nō dicitur	1.1	perduelluſ, perduellio	R.5	perueſtigo	5.45
paucis diebuſ	3.53	peregrinuſ	4.82	peruigil, peruigilo	5.30
pauliſper	2.48.R.15.26.57	perendie, perendinuſ dieſ	2.33	peſſime	2.52
paulo	1.16.& 2.48	perfamiliaris	R.43	peſtilentia, peſtiſ	4.72
paululo	3.12	perfero	5.30	petere iugulum	4.36
paxilluſ	1.5	perfiduſ	4.103	peto	5.58
Peccatum capitale	4.109	perfluo, perfuga	5.31	petulans, petulantia	4.105.
pecora, pecudeſ	4.42	perfunctuſ	5.44.R.74	περάμενον	4.4
pecuaria	R.9	pergamentuſ, pergamuſ	4.85	philomela	6.20
peculatuſ, pecunia, peculia- riſ, peculium	6.40	periclitor	R.11	philos	R.24
pecuniarum copia	4.65	περίδρανα	4.23	philophafter	1.5
pedibuſ æger	3.17	perinde	2.50.R.73	phonaſcuſ	R.46
pediculuſ, vel pedunculuſ	1.5	perioduſ	6.10	phramea	R.25
pediſſequabuſ non dicitur	1.1 & 10	petipatetici	P.88	phyſica	R.53
peiuſ	2.52	petipetaſmata	R.12	Πιγере	3.46
pellex	6.48.R.6.29	periratuſ, periuruſ	5.31	pignuſ pigneris, pignero	6.57
pellipariuſ	R.38	periſtromata	R.12	pigneratitiuſ	1.11
pello	6.47	perlego	5.30	pinafter	1.5
pelluciduſ	5.31	perluciduſ	5.31	pindaruſ	R.42
penarium	1.6.& 4.35	permiſſuſ, permiſſu	1.7	pinguiſ	1.22
pendeo	5.82	permaneo	5.30	pinna, pinnaculuſ	R.6
penes	6.54	per meipſum, teipſum	3.64	piſciſ, piſciculuſ	1.5
penes ſanctum Petrū	P.84	permitto	5.68	pituita	R.34
penetrabilis, penetrale	6.26	pernoctatio	5.30	puiſ	1.14
penetro	6.57	peroruſ	R.34	Placatuſ ſum	5.73
		perpendo	5.82	placeo mihi	5.92
		perpeſſuſ, perpluo	5.31	planctuſ	R.25
				plango	5.51
				plantariuſ, plantæ	1.6

I N D E X.

platea frequens	4.96	posteri,posteriores	6.55	præsidium	R.11
plenus	3.33	postremus	3.31	præstans	4.112
pleriq;,plerûq;	1.17.& 4.90	posthac,post illud	2.56	præstare	6.16
plicatilis	1.8	postridie	2.33.& 3.3	præstatio,præstaturus	1.2
ploro	5.52	postulo	5.58	præsto	R.37.44.P.83.85
ploratus	R.25	postulatio præmatura	4.107	præsto sum	5.51
pluit	3.40	potens diuitiis	3.17	præsul,præsum	5.65
plumbatura	6.58	potestas mea,& mei	2.1	præterquam	3.54
plura	4.90	potio,potus	4.4.R.44	præter, prætorius, prætor	1.6.& 4.84
pluralis pro singulari abu-		potiri,potitus	3.34	præteriti distatia inter futu-	
sio	3.11	potis	R.44	rû cõiunctiui modi	3.18
pluries	R.7	potissimû,nõ potissime	6.19	præteritû pro futuro	3.48
pluris	3.1	potissime	P.85	præuaricatio, præuaricari,	
plusculus	1.5	poto,eiûsque deriuata	1.2	præuaricator	6.50
pluiatilis	1.8	potorium	1.6	precor	5.96.& 6.24
¶Poeta	4.32	¶Prauum	6.41	presbyter	R.57
Pogiû nõ seruare in rebꝰ ac		præ in compositione	1.18	pridem	1.34
personis decorum	P.93	& 5.31		pridie aduerbium	1.10.& 33
pœnitet	3.46.& 4.18.R.34	præcepta,præceptiones	4.	pridianus	2.33
polliceri	5.28	ii		prima luce,primis tenebris	
polliceri habeo	5.98	præcipio	5.68	prima die,ac nocte	4.80.
poma cruda	4.116	præclarus,præclare	4.91	R.11	
poma præcocia,præmatu-		præcoquus	5.31.R.74	primipilaris,primipilꝰ	4.84
ra,& serotina	4.107	præcox	4.107.& 5.31	prior,primus	1.13.& 3.31
pomarium	1.6.R.43	præditus sum	5.35	primis tenebris,prima no-	
pomerium,pomeridianum		præditus dignitate	3.17	cte	4.80
1.5.R.43		prædium	3.5.& 6.41	princeps	1.18
pomum	4.28	præfractus	R.56	priscus,pristinus	4.86
pompa	4.39	prægnans	1.33	priuatim & priuate	6.20
pondo	3.4.& 3.13	præiudicium	R.26	pruignabus nõ dicitur	1.1
pono conditionem	4.67	prælium	4.64	pro maiori parte	R.20.49
popina	R.12	præmaturus	4.107.R.74	pro me eligis	P.89
populabundus	1.9	præ me fero	5.17	pro quindecim diebus	P.84
popularis	R.72	prænomen	R.31	probrum	6.44
populus	1.4	præparo	5.64	procacitas,procax	4.105
populus frequens	4.96	præpes	R.11	procella	R.68
porcus	4.42	præpositiones accusatio,		proconsul	4.84.R.48
porro	2.24	& ablatiuo iunctæ	1.27	procul	1.11
porta	4.8	præposteri	R.54	proculdubio	2.49
portare	R.43	præripio	5.83	prodesse	R.52
portari	6.51	præscribit ratio	3.89	profecto	2.27
portitor, portorium	1.6.	præ se	R.37	proficere	R.52
R.12.27		præ se fert, præ se ducit,		profiteri apud prætorem	
posco	5.58	præfert,præ se gerit	5.17	R.45	
possessio	6.41	R.38.50		professio	R.45
posset te pigere	3.46	præsens	1.33.& 4.112	profluens	1.33
possessiuâ nominû quorun-		præsentaneum	4.112	profore	1.26
dam locorum	4.85	præsentialiter	R.44	profusus	1.30
possum	1.17	præses,præsideo	5.65	prohibeo	5.4
post,vim habet comparati-		præsides homines,præsi-		proinde	2.50
ui	1.16	dium	5.65		

I N D E X.

promontorium	4.43	pulsare, pulsatio	5.47	reuter iunguntur cū tan-	
pronomina mei, tui, sui	2.1	pulvisculum	1.5	to & quanto	1.16. & 17
pronuba	6.1	pumex	R.27	quare, quapropter	2.43
pronuntio memoriter nō		punctum, punctus	6.41	quartum consul	3.59
memoria	3.93	punctum	6.20	quasi	2.36. R.4
proximium	5.54. R.62	punio	3.69	quatenus, quatinus	2.42. R.
proximium apparatus	5.64	pupillus	4.33	48	
prope	R.28	pulca	R.12	quaternus	2.9. & 3.5
propediem, propemodum		Pythagoras	R.42	quatrduo	3.53
3.68. R.48				¶ Que, coniunctio encliti-	
propere	P.85	¶ Qua pietate es	3.74	ca	2.58
properatim, properanter,		quadrimus, quadrimulus,		quemadmodum	2.54
6.20		1.5		queo	1.17
propina	R.12	quadringeni, quadringen-		¶ Qui	R.69
propinquus locus	R.28	ti, quadragesima	3.5	qui ista legent de sermone	
propius urbem	2.12	quadringentio	2.33	P.45	
propono cū aliis verbis	5.	quadruplator	R.74	quia	2.37
72		quæ res	3.62	quicquid, quicūq;	3.16
propositiones & rationes		quæsitum est	5.24	quicquid sit	R.41
interdum confundi	3.50	quæsiui te ab ostio, ex o-		quid	1.13. & 3.16
proptor, proquæstor	4.	stio, de ostio	3.66	quid ad te	3.90
84		quæstus, quæstibus, quæstus,		quid est nisi	3.54
proprietas cōparatiui	1.29	quæstibus	3.12	quid interest inter præteri-	
prosequor	5.32	quæstor, quæstorius	1.6. &	tū & futurum coniuncti-	
prosper	4.87	4.84		ui modi	3.28
prostitulum	R.28	quæstuosus	1.21	quid pro quiddam male po-	
proteruia, proteruus	4.105.	qualitas	6.34	ni	R.49
P.110		quam pro quantum	1.16. R.	quiddam	R.6. & 48
protinus cum particula nō		15.17.41.53		quiddam mirum	R.49
2.30		quam vbi deceat	3.54	quidque	1.15. & 3.16
pronunciatim	6.20	quam pridē, quam dudum		quidam	3.16. & 63
pronoco	5.14	2.34		quidem	2.23
proxime	1.34	quāna cum gradibus	1.17.	quilibet	R.34
proxime hostem	2.12	& 18		quin, quinetiam	2.45
de proximo	P.78	quām vt, quām qui, quām		quinto die quod &c.	R.21
proximus	1.17	pro	1.17	quippe	2.27. & 28
prudens feci	4.94	quamobrem	2.43. & 3.56	quippiam	3.16
¶ Psalterium	R.67	quamplures	P.82	quique	R.34
¶ Pudor	4.105	quanuis	2.21	quis	1.13
pueri catamiti, pueri meri-		quāuis, sub dictione tamen		quis & is in parēthesi	3.74
torii	4.110	subintelligi	2.40	quis cui præponendū	3.30
puerpera	6.8	quando, quādoquidē	2.42	quisquis, quicūque	3.16
puerpera, puerperium	R.37	quando vtimur nominati-		quispiā, quisquā	3.63. R.49
pugil	R.22	uo pro vocatiuo	3.22	quisque	1.14. R.34
pugilares	3.58	quanquam	2.21	quisq; cū superlatiuo adie-	
pugna	4.64	quanti, quantilibet, quanti-		ctiuo	R.35
pugnantia inter se scribere		unque	3.1	quisq; tantum in singulari	
Pogium	P.99	quantum interest	3.3	R.35	
pulcher faciem	3.17	quantotius	R.15. P.78	quisque cum verbo, aut par-	
pullastra	1.5	quantum	P.109	ticipio	3.60
pullus	4.71. R.7	quantum & tantum indiffe-		¶ Quo	2.47

INDEX.

quò & cò	1.15. & 2.37. R. 73	recedo	5.95	reputo	6.44. R. 51
quo magis	1.16	recenter	R. 52	res	3.47
quoad pro quantū	P. 85. 109	receptor	4.82	rescisco	6.23
quod pro quæ res	3.16	reciprocatio	fol. 473. cap. 2	respondeo tibi & ad te	3.
quod autem, quod vero	2.	recitare comœdias	R. 49	45	
ss		reclado	5.63	respondeo subauditum	3.
quod cōiunctio	2.20. & 39	reconsilio	6.54	47	
quod me	3.62	recordor	R. 50	reses, resideo	5.65
quod scribis gaudeo, &		recordationis verba	3.82	resido	5.6
quod scribas gaudeo	2.20	recrudesco	4.116	resispisco	5.3
quodcunque	3.16	reddere	R. 50	resigno, retego, retexo, re-	
quoddam	R. 6	reddo pro do	2.56	uelo	5.63
quodque	1.15. & 3.16	reddo gratias	5.41	respicere	R. 51
quominus, quosocius	1.12	redemptores	R. 23	de restitutione in integrum	
quomodo	2.54	redeo	2.56	R. 69	
quoniam	2.27	redibeo	R. 50	revertor	2.56
quoquo	3.16	redire in gratiam	5.54	reus	R. 36
quoquo versus	2.8	reditus parenthesis	3.11	¶ Rhegenses, rhegini	4.85
quoque	1.14. & 2.58	reduco	5.77	rhetor	4.81
quoque ablatius	1.14	refero ad senatum	5.100	rhetorice	R. 51
quorundam locorum	no-	refero gratias	5.41	¶ Ridiculus	1.5
mina	4.85	refero tibi & ad te	3.38	ridiculæ	R. 15
quot mensibus	R. 21	refert	3.3	ripa	R. 56
quot modis iubemus	3.28	refert cum supposito	2.1	riparia	R. 56
quotannis	6.60	refertio, refertus	3.33	rixa	6.61
quotidiana febris, quotidiana		refigo	5.63	¶ Rogationes	4.48
nus	4.108	refragor	4.70	rogatum te velim	1.27
quoties	2.49	refrigit	R. 78	Roma vrbs septicolis	4.43
quotus	1.14. R. 49	regimen nominum crimi-		rosarium, rosetum	1.6. R. 67
quotusquisque	R. 49	nalium & pœnarium	3.32	¶ Rumor	4.7. P. 83
¶ Quum	2.39. R. 18	regimen verborum cum di-		rumigerulus	P. 83
quum omnibus, tum mihi		uersa eorū significatio-		rupes	R. 56
præsertim	P. 80	ne	3.45	ruri	4.80
quum primum	1.17	regionatim	6.20	rursus	2.56
R		relatiui cū antecedente dif-		S	
¶ Racemus	R. 75	cordia elegans	3.19	¶ Sacellus, a, um	1.5
rapio	5.83	religiosus	1.21	sacerdos	R. 57
rapiam	6.20	relinquere	3.78	sacrarium	1.6. R. 57
raffilis	1.8	remaneo	5.63	sacrilegium	6.4
ratio	6.36	remigro	5.95	sagina, saginari	R. 40
ratio dictat	R. 20	reperio	5.2	salii	5.65
rationale, rationabile	6.26	repeto	5.63	salio, saltatio, saltus, salto	5.
rationem habere, ratio con-		repetundarum, repetundis		103. R. 57	
stat, rationem ducere	5.18	2.35		saltus	4.56
rationum & præpositionū		repignero	6.57	saluber, bris	4.88
inculcatio	3.50	repo, repto	6.5	salue, saluebis	6.30
raudentis frater minor	R. 33	reporto	6.51	salueo, salueto,	6.30
¶ Re	5.31	reposito	5.58. & 63	salutare	6.30
à re composita	5.63	repono in te spem	3.81	salutare	5.11
reatus	R. 36	repositorium	1.6	salutifer	4.88
recaluafter	1.5	repurgo	5.31	saltem	2.27

INDEX.

faleuarius	1.6. & 1.11	sed cui	3.61	an quondam idem fuerit	
faltuosus	1.21	sedeo	5.6	sermo doctorum & vul	
sanè	2.27	sedicula	1.5	gi	P.100
sanequam	1.17	seditio	4.63	sero, serotinus	4.107
sanus	4.88	seditiosus	1.2.R.45	seruabus non dicitur	1.1
sarabala	R.13	seges	4.25	seruus, seruitus	4.7
sarcina, sarcinam compo-		segetes præmaturæ	4.107	seruitium, seruitus, seruitia	
nere, vel colligere	4.49	semel	3.59. & 6.20	4.50	
sarcinator	P.109	sementis	4.24	sele	2.2
sarmentum	4.26	seminarium	1.6	sessilis	1.8
satus & satio	4.2	semisomnus	1.20	seuum	R.14
satio verbum, saturo	5.78	senator	4.84	sexcenti	3.5
saxosus	1.21	senatorius	1.6. & 4.84	Si	2.26
saxatilis	1.8	senatus frequens	4.96	si, subauditur	3.48
Scaber	R.10	senatusconsultum	5.100	sic, sicque	2.50. & 54.R.65
scala	3.13	Senecæ ætas	R.59	ficarii	R.58
scalptiles	1.8	Senecæ duo	R.60	sicut, sicuti	2.36. & 54
scateo	1.24	senecta, senectus	4.40	sicubi, sicunde	3.27
scaturio	1.24	senes	4.5	sido	5.6
scholaris	R.69	senilis ætas matura	4.107	sidus	6.22
sciens feci, sciënter feci	4.94	senium	4.40	signa pro operibus sculpi	
scilicet	2.60	sensibile, sensile	6.26	libus	4.115
scio genera & facio	R.14	senla verborum	P.109	significatio & regimè ver-	
scire	P.99	senlus	R.60	borum varia	3.45
scire vti foro	R.10	sententiæ varia	R.61	siliqua, siliquastrum	1.5
sciscitor	5.61	de sententia	R.60	similistui, vel tibi	3.45
scitus	1.30	sententia sentie	P.109	simonia	4.19
scopare	R.58	sententia in iudiciali	R.61	simul	2.32
scorpius	R.10	seretia in narratione	R.61	simulo	R.66
scorta mascula	4.110	sententiæ attenuatæ, atte-		simultas	R.34
scomma	5.10	nuatarum genera	R.63	sin & composita	1.12. & 2.26
scribo	5.30	sententiæ in Terentio plu-		sin minus	1.12
scribo ad te, & tibi	R.58	rimæ	R.63	sine	6.37
scurra	4.51.R.25	sententiæ in epistolis	R.66	singularis	1.14. & 5.35. & 37
Secerno	R.21	sententiæ in exëplo	R.64	singuli quinque	R.34
secundum quod	R.49	senticta	R.67	sinus	4.37
secius	1.12	sentina	6.61	si non, cum verbo	3.29
sectilis	1.8	separatim	6.20	siquando	2.50
secta	R.60	septies centena	R.29	siquidem	2.25.R.65
sector	1.2	sepulchra	4.75	sis	2.1
secunda vice consul	3.59	septenus	3.5	sis frequens	4.96
secundum præpositio	2.	septicollisyrbs Roma	4.43	sisto	5.6. & 6.31
46		septingeni, septingenteni		siticulosus	1.21
secundus	1.18	3.5		situs	6.25.R.7
secus vim habet compara-		septuagenus coitus	3.5	siue	2.17
tiui	1.16	septimontalia festa	4.43	Soboles	4.27
sed, cum relatiuo	3.27.37.	sequens	R.64	socius, sodalis, sodalitas	4.
& 61		seria	R.74	38	
sed etiam	3.27	series	4.14.R.36	solamen, solatium, solor	
sed saltem, sed certè, sed		serio	4.16	4.77	
vel	3.27	serius, seriose	R.27.36	solaria	R.22

INDEX:


vale, valeo, valeant	1.17. & 6.30	verba deſyderatiua	1.23	veſtes attritas vt vendan-	
valetudo	5.18. & 6.30	verba quādo veniſte in o-		tur, barb.	P.80
valetudinarii	6.30	ratione aut deſunt, aut		veſtiarium	1.6
valux	R.59	redundant	3.47	veſtigo	5.5. P.84
¶ Vbera lacte grauida	6.8	verba motus	1.27	veſtras & noſtras	1.3
vbertim	6.20	verbalia in atio	1.2	vetatio, vetaturus	1.2
vbi, pro quo	R.18	verba in ſio	1.22	veterator	6.59
vbi collocandum, adiecti-		verba in rio meditatiua		veteres	4.5
num	3.35	1.24		veteri	R.5
vbi primum	1.17	verba præteriti temporis		veto	6.9
vbi que	6.19. R.58	pro futuri	3.48	¶ Via	3.66
¶ Ve	2.17. R.48	verba inchoatiua	1.22	viā facere, viā munire	5.71
vectatio, vector	3.86	verba motus ad quē	1.25	vicatim	6.20
vectigal	4.59	verba indefinita	1.28	vicinia, vicinitas	4.20
vel	2.17. R.41	verba pretii cum caſu	3.1	viciffim	2.59
velitor	R.45	verba præteriti pro futu-		vicus	4.20
velut, veluti	2.36	ro	3.48	vicſito	5.10
venalitarii	6.59	verba, verberatio, verbera-		vicſus	6.56
venale, vendibilis	4.93	re	6.47	videlicet	2.60
vendico	5.8	verbotenus	2.9	videor veniſte ſurpatum	
veni, venito	3.28	verbo paſſiuo, vbi nitidius		3.51	
venia	4.18	vtamur, vbi actiuo	3.49	video te accuſatū, &c.	1.28
venire in opinionem, ſu-		verborum varium regi-		videres	3.47
ſpicionem, obliuionem,		men & ſignificatio	3.45	videre licet, videas	3.83
& vituperationem	3.86	verbum cui perſonæ, ge-		videat	R.58
venio petiturus, venio o-		neri, & numero reſpon-		vigiliæ	4.69
raturus	1.27	dere debeat	3.24	villa	6.41
venit in mentem	1.25. & 3.82	verbum quādo deest in o-		vinaceum	R.75
ventito	5.10	ratione, aut redundat		vinco	1.18
venum ire	P.85	3.47		vindico, vindiſta	5.8
venuſte diſcordat relati-		verecundia	R.72	vinofus	1.21
uum cum antecedente		vereor vt, & ne	3.27	vir	3.70
3.19		verna, vernaculus	1.5	vir magnæ, parux, medio-	
verba ad authoritatē per-		vernacula lingua	R.73	cris conditionis	4.67
tinentia	3.89	vernaculum	R.73	virgo	6.38
verba ad finē operis perti-		vernilis	R.73	virritim	6.20
nentia	3.85	verō	1.24	virtuoſus nō dicitur	1.11
verba ad finitionem per-		verres	R.37	virtutis, & vitii indoles	4.
tinentia	3.78	verſatilis	1.8	46	
verba ad cōiecturam per-		verſicolor, verſicoloria	6.3	viſcanti	R.24
tinentia	3.79	verſilis	1.8	viſceratio	R.17
verba ad notitiā perti-		verſum	2.8	viſo	1.22. & 23
nentia	3.80	verſuram facere	R.19	viſu	1.29
verba ad ſpem pertinētia		verſus	2.8	vitabundus	1.9
3.81		verſus pontem	P.82	vitium	4.6. & 5.8
verba ad recordationem		vertex	6.11	vitium capitale	4.109
pertinentia	3.82	veruex	R.37	vitupero	6.52
verba ad viſionem perti-		vetueculus	P.86	viuarium	1.6
nentia	3.83	veſcor	4.53	¶ Vterius	R.73
		veſperi	4.80	vltrā	2.24
		veſpertilio	4.45	vltimō	2.34


vitro, citroque	2.57.R.74	voluntas	R.73	2.28.& 36.& 54
villus	3.63.R.7	voluptas	P.81	vt quia, vt quod 2.37.
Umbilico tenus	2.9	voluptuosus	1.21	vt quæque veniebant R.49
umbratilis	1.8	vomica	R.26	vt, superlatiuo iunctum
Una	2.32	Urbani vici, vrbs Roma	1.15	1.15
vnde	3.37	4.20.R.8		vt, tamen, qua causa abi-
vndecimus	3.5	vrbs frequens	4.96	ciatur ab oratione 2.40
vnio	6.64	vrbs septicollis Roma	4.43	vt, vti 2.36
vnus	1.14.& 3.67	Uisquam	6.19	vtcunque R.41
vnus homo	P.79	vsque	2.8.& 4.112	vter & quis cum interro-
vna pro alia	R.41	vsquadeo	2.44	gatione 1.13.R.41
vnæ ædes	R.73	vsque eo	2.44	vter, vtrū accusat 3.30.R.32
vnus aut alter	4.59	vsurpo	5.50	vterque cum verbo, vel
vnunquidque	R.51	vsus	5.5	participio 3.60
vnusquispiam	R.34	vsus actiui pro passiuo	3.49	vtile est 3.49
vnunquodque	3.16	vsus nominatiui pro voca-		utilitas mea, & mei 2.1
vnusquisque	1.14	tiuo, & contra 3.22		vtique 2.27
Vocatiui in nominatiuū		vsus pluralis pro singulari,		vtpote 2.27.& 28.R.68
mutatio	3.22	3.11		vtor 5.5
vocare in inuidiam	1.21	vsus nominatiui pro accu-		Utroque R.54
vocauit à via, è via, de va		satiuo 3.23		vtroque versus 2.8
3.66		vsus negationis 3.27		Uuaceus 1.11
vociferor	5.52	Uter cæteros, vt cæteri 3.21		vnæ præcoces & serotinæ
vocor in spem	3.81	vt, cū facio & cōmitto 2.38		4.107
volatilis	1.8	vt ne 3.27		vultus 4.13
volitare, volatus	6.5	vt plurimum R.7		vultuosus 1.21
volo	3.49	vt primum 1.13.17		X
volucris	4.45	vt pro quàm, vel quātum		In xilis finita 1.8
voluenda dies	1.27	1.17		Z
volumen	6.43.R.69	vt pro quippe, seu vtpote		Zeugma 3.14


EXCVDEBAT ROBERTVS STEPHANVS HE-
BRAICARVM ET LATINARVM LITE-
RARVM TYPOGRAPHVS REGIVS
PARISIIS, ANN. M. D. XLI.
V. CALEND. OCTOBR.























SPECIAL 81-B
14661

GETTY CENTER LIBRARY

